






G-3-2



TRACTATVS
DE INSTITVTIO-
NE SACERDOTVM,
QVI SVB EPISCOPIIS ANI-

marum curam gerunt. Authore

R. P. F. Petro de Soto, ordinis
sancti Dominici, Profes-
sore S. Theologiæ.

IVSSV ET AVTHORITATE

REVERENDISSIMI AC ILLV-
STRISSIMI DOMINI OTHONIS

Cardinalis & Episcopi Augu-
stani, nunc recens et multo
emendatior editus.

CVM EPISTOLA, IN QVA BO-
norum & malorum Prepositorum & Pastorum, ouium & hœ-
dorum differentia & conditio, & in primis pastoralis
officij periculosa cura & dispensandi
ratio explicatur.

Saluo in his omnibus iudicio & censura S. R. Eccle.

ACTVVM 20.

*Attendite vobis & vniuerso gregi, in quo vos
Spiritus sanctus posuit episcopos regere Ecclesi-
am Dei, quam acquisiuit sanguine suo.*

Cum Gratia & Privilegio Ces. atq; Catholice Maiest.

DLINGÆ APVD SEBALDVM MAYER,

Sumptibus Christophori Schick Typoglyptæ.

Anno M. D. LX.



AD LECTOREM.

Nolumus te ignorare, pie Lector,
hoc opus absente & incscio authore iam
secundo prodire in publicum, ne, si quæ
male mutata, vel addita, vel omissa sint,
ipsi ascribas.

EPISTOLA REVEREN

disimi et illustrissimi Principis et Dñi, domini
OTHONIS Cardinalis et Episcopi Augustani, Præ-
positi & Dñi in Elvvangē, in qua bonorum & malorū
præpositorum & pastorum, ouīū & hœdorum dif-
ferentia & conditio, et in primis pastoralis of-
ficij periculosa cura & dispensandi ratio ex
diuinis scripturis & sanctis patri-
bus explicatur.



THO. miseratione diuina
S. Rom. Ecclesię TT. S. Sa-
binę presbyter Cardinalis
& Episcopus Augustanus,
Præpositus & Dñs Elvva-
cēn. &c. Vniuersis et singu-
lis Ecclesiarū Prælatiis, De-
canis, Capitulis, Camerarijs, Rectoribus, Pleba-
nis, Viceplebanis, Vicarijs perpetuis, cæterisque
Presbyteris & Clericis per ciuitatem & diocē-
sin nostram Augustanam vbilibet constitutis,
Salutem in dño. Cū duo sint in sancta dei eccle-
sia Christianorum genera; alterum præpositorū
& pastorum, alterum subditorum & ouium, ho-
noratior quidem est, sed grauior tamen præpo-
sitorum & pastorum, q̃ subditorum & ouium,
omnium autem periculosissima malorū pasto-
rum conditio. Primum. n. qui Christiani sunt,
sed nō p̃positi, faciliore itinere, et tanto fortasse

Genera Chri-
stianorum
in Ecclesia. 3

EPISTOLA.

expeditus, quanto minorem sarcinam portant, ad coelestem sibi destinata patriam perueniunt. Præpositi verò & pastores, non solum de vita sua, vt subditi, sed etiã de dispensatione & administratione pastoralis officij rationem deo reddere tenentur. Quod cum facilius facere boni quàm mali possint, & malorum quidam, neque de vita, neque de dispensatione possint: omnium periculossima malorum conditio sit necesse est. Sed periculosior tamẽ eorum qui turpẽ vitam ducentes, subditos etiam & oues, curæ suæ cõmissas, in his quæ ad salutẽ earum pertinent negligunt, quàm eorum qui prauam vitam agentes, tamen ea quæ ad officium pastorale & subditorum salutẽ pertinent, diligentẽ administrant. Sunt autem tria genera malorum pastorum, vnum eorũ qui vitam turpem agentes, ea tamen quæ sunt pastoralis officij diligenter administrant, plebem sibi subditam verbi Dei prædicatione, Sacramento rum administratione, correctione, cõsolatione, ab erroribus reuocatione, & similibus ad pastorale officium pertinentibus pascunt: Alterũ eorum qui ad pastorum officium assumpti, neque bonæ vitæ exemplo, neque eorũ dispensatione quæ ad animarum salutem pertinet, propter imperitiã aut negligentiam, oues suas pascunt: Tertiũ eorum est, qui nõ per ostium sed aliunde intrantes pastorũ sibi officium assumunt, & tamen pastores

Genera malorum pastorum tria.
Primum.

h
Secundum.

Tertium.
Matthæi 5.

EPISTOLA.

flores non sunt, nec esse possunt. Ac de præpo-
 sitis & pastoribus bonis dicitur: Vos estis lu- Math. 23.
 men mundi, non potest ciuitas super montem
 constituta abscondi, nec accendunt lucernā, &
 ponūt eam sub modio, sed super candelabrū, vt
 luceat omnibus qui in domo sunt: sic luceat lu-
 men vestrū coram hominibus, vt videāt opera
 vestra bona, & glorificent patrē vestrum qui in
 cœlis est. De malis verò præpositis & pastori-
 bus, quorū vita turpis est, dispensatio verò bo-
 na, qui per scribas & pharisæos repræsentatur, Math. 23.
 dicit dominus in Euangelio: Super cathedram
 Moysi sedent, quæ dicunt, facite, quæ aut faci-
 unt, facere nolite, dicunt enim & non faciunt.
 De malis verò præpositis & pastoribus, qui nō
 solum vita praua subditos scādalizant, sed etiā
 vel per inscitā, vel per malitiā nō oues, sed se-
 ipsos pascunt, eaq; quæ sunt pastoralis officij
 negligūt, Dñs per prophetam dicit: Væ pasto- Ezech. 34
 ribus Israel, qui pascunt se solos. Nunquid oues
 pascunt pastores: id est, nō se pascunt pastores,
 sed oues. Ecce lac consumitis & lanis vos tegi-
 tis, & quod crassum est interficitis, et oues meas
 non pascitis, quod infirmatum est, non consoli-
 dastis, & quod ægrotum, non sanastis, & quod Ezech. 34
 contribulatū est, non colligastis, & quod erra-
 bat, non reuocastis, & quod periit, non inquisi-
 stis, & quod forte fuit, confecistis, & dispersæ
 sunt.

EPISTOLA.

sunt oues meæ, eò quòd non sit pastor. Qui semetipso pascunt, nō oues, hæc à populo querunt, diuitias, fauorem, honores et laudes: quæ si consequantur, nō solum nullā curā de ouibus gerunt, sed quaquā volunt aberrare patiunt. Quales hodie multos reperiās, qui sua tantum, non quæ Iesu Christi sunt querentes, illa & similia in ore habent: *Viuite* (inquiūt ouibus) *ut vultis*, securi estote, De⁹ neminē pdit, tātummodo fidē christianā tenete, non perdet ille, quos redemit, nō perdet pro quibus sanguinem suū fudit, magna est misericordia Dei, qui oīa peccata vestra portat, nec opera vestra bona curat, nec mala pro quibus ipse satisfecit, vobis imputabit: implemini cibo & vino, ad hoc enim à Deo creata sunt, ut istis perfruamini. Nō. n. impijs & paganis ea dedit, & vobis nō dedit. Atq; hæc promittētes, videmus quātas turbas cōgregent, inter quas si paucos quosdā bonos offendāt, tamē multitudinis fauorem sibi cōciliant, diuitias & honorem sibi de plebe, nō plebis salutem de cura sua querentes, sed plebem potius ipsam quasi escam panis deuorantes. Atq; hi sanē sunt, de

Esaie 3. quibus alius propheta dicit, *Populus meus, qui beatos vos dicunt, seducunt vos, & semitam pedum vestrorum supplantant.* Hactenus demonstratum est quid mali illi pastores diligant, deinceps quid negligant, ostenditur. Quod cras-

sum

EPISTOLA

sum est, dicit Dominus interficiunt, per crassas oues, fortes in verbo Domini intelligimus: sed quomodo interficiunt? malè viuendo, malum exemplum præbendo. Attendit enim ouis etiam fortis præpositum suum malè viuentem; ac declinans à regulis Domini, & intendens in hominem malè viuentem, incipit in corde suo dicere, si præpositus meus sic viuit, ego quid sum? an non faciam quod ille facit?

Quomodo
pastor oues
interficiat.

Nec quia fortis est ouis, vt à verbo Domini non declinet, & verba magis quàm vitam præpositi attendat, præpositus ipse malæ vitæ exemplo, quantum in ipso est, ouem quantumlibet etiam fortem nō occidit: quia etiam si ouis mortua non sit, ipse tamen qui malè viuit, secundum prophetiam homicida dicendus est. Iam & in hoc negligēs est præpositus & pastor malus, quia infirmas oues non confortat, & ægro-
tas non sanat, nec eas quæ contribulatæ & fractæ sunt, colligat.

Est autē inter infirmas et ægrotas oues ea differentia, quòd qui in operibus bonis feruere vident, sed imminentes passionēs tolerare se nolle aut non posse ostendunt, infirmi sunt. Qui verò aliqua mala cupiditate amatores mūdi, ab ipsis bonis operibus reuocantur, languidi sunt et egroti. Infirmas igitur oues nō cōfortant, qui in fide eas nō assumunt, nec Christi passionēs imitandas

Differentia
inter infirmas
et ægrotas oues.

Quis pastor
infirmas
oues non
confortet.

das

EPISTOLA.

das docent, sed felicitatem potius huius mūdi promittunt, quam Deus mundo non promisit. Aegrotos non sanant, qui languentes morbo cupiditatis suæ remedijs ex sacra scriptura petitis non fouent, dissoluta paralytici membra nō confortāt, qui luxu diffluentes & vita dissolutos, increpationis nodo non astringunt, contritulas verò & fractas nō colligāt, qui consolationis alligamentum non afferunt.

Quis pastor
egrotas oues
non sanat.

Quis negli-
gens pastor.

Quæ oues
errare dicantur.

Quæ pereant.

Similiter & negligens est malus præpositus & pastor, qui ouem quæ errat nō reuocat, & eā quæ perit nō inquit. Errare dicuntur oues, quæ per hæreticorum falsas doctrinas decipiuntur: pereunt autem, quæ iam deceptæ ab vnitæ ecclesiæ deficiunt, & neglecta Catholica fide in erroribus hæreticorum perseuerant. Qui ergo oues inter manus latronum & dentes luporum furentium versantes, à moribus eorum non liberant, nec pereuntes inquirunt, audiant dominum terrentem & dicentem: Quod errabat non reuocastis, & quod periit, non inquisiuitis, & quod forte fuit, confecistis. Nam qui negligit errantem atq; pereuntem, eum etiam qui fortis est, conficit. Si enim pastor infirmam ouem neglexerit, & errantem ab hæresi nō reuocauerit, neq; pereuntem inquisuerit, tūc fortem etiam delectabit in hæresi ire, errare & perire.

Et si autē boni & mali pastores in Catholica
Eccle-

EPISTOLA.

Ecclesia semper fuerint & ad finem vsq; sæculi
& domini iudicium permansuri sint (nam & A-
postolorū temporibus tales fuerunt, inter quos
& Apostolus falsos fratres, id est, malos prepo-
sitos & pastores genuit, Periculum inquitens ef-
se in falsis fratribus, quos tamen à bonis per su-
perbiam non separauit, sed per tolerantiam su-
stinuit:) quanto magis temporibus nostris ne-
cesse est vt sint: cū de hoc tempore apertissime
dominus dicat, quoniam abundabit iniquitas,
refrigescet charitas multorū. Sicut & in gregi-
bus sunt boni & mali: boni, ouiu nomine signi-
ficantur, mali verò hœdi appellantur, sed cōmi-
xti pariter pascunt, donec veniat princeps pa-
storum, qui dictus est vnus pastor: qui, quēad-
modum ipse promisit, malos pastores à bonis,
& oues ab hœdis separabit. Nobis. n. imperauit
cōgregationem, sibi autem reseruauit separatio-
nem, quia ille debet separare, qui nescit errare.

Matthæi 24.

Tamen bonorum pastorum ea etiam ratione
melior est, q̃ malorum cōditio: quia qui pasto-
rale officium benè et ad salutem nō tam suam q̃
subditarum & curę suę cōmissarū ouium admi-
nistrant, mercedē dispensationis suę à principe
pastorum cōsequuntur. Quod apostolus Petrus
ad omnes pastores loquens testatur, Pascite, in-
quiens, q̃ in vobis est gregem dei, prouidentes
nō coactē sed spontaneē secundum Deum, neq;
B tur-

Quæ merces
bonis pasto-
ribus apud
Deum repo-
sita sit.

1. Petri 5.

EPISTOLA. I

turpis lucri gratia, sed voluntariè, neq; dominantes in cleris, sed forma facti gregis ex animo; et cùm apparuerit princeps pastorum, percipietis immarcessibilem gloriæ coronam.

Contrà verò, qui hæc quæ suprà per Prophetam enumerata sunt, vel diligēdo vel negligendo faciunt aut omittunt, hoc ab ipso Domino terribiliter per Prophetam dicente, audiunt, Ecce ego ipse ad pastores veniam, et requiram gregem meum de manu eorum: quibus expedit, vt

Ezech. 34. mola asinaria appendatur ad collum eorum, q̃ vt minimum scandalizent de populo meo. Et

Matthæi 18. per eundem prophetā, Speculatorem dedi te domui Israel, & audies de ore meo verbum, & annūciabis eis ex me. Si dicente me ad impiū, mor-te morieris, non annunciaueris ei, neq; locutus fueris, vt auertatur à via sua impia et viuat, ipse impius in iniquitate sua morietur, sanguinē aut eius de manu tua requirā. Quemadmodum igitur mali p̃positi & pastores, quia ex dispensatione sua lucrum & honorem captantes, & q̃ sua sunt, nō quæ Iesu Christi querentes, damnationem sibi acquirunt; ita boni p̃positi & pastores ob id dispensationis sue mercedē, vitæ æternæ retributionē à deo accipiunt, q̃a ex administratione sua nō lucrū et honorē, sed gregis dñici salutē quærūt: nō q̃ cōmodū supplendæ necessitatis & honorē sibi exhibitū recipere & agnos-

scere

EPISTOLA.

scere nō possint, nā et de bonis pastoribus Apostolus dicit, Quis plantat vineam, & de fructu eius non edit? Quis pascit gregem, & de lacte gregis nō percipit? Propter quod etiā Apostolus qui hæc dicit, etsi manibus suis victū quæsiuerit, nec qđ debitum sibi fuit acceperit: in fratribus necessitati & indigentia suæ succurrentibus gratias egit & dixit, Benè fecistis cōmunicantes necessitatibus meis: Ego. n. didici in quibus sum sufficiens esse, scio & abundare & penuriā pati: omnia possum in eo qđ me cōfortat. Sed & honorē sibi exhibitum agnouit. Sicut Angelum, inquit, Dei suscepistis me. Testimoniū vobis perhibeo, quia si fieri posset, oculos vestros eruissetis & dedissetis mihi. Sed quia accipientes vnde sustentent necessitatē suam, & honorē ab ouibus sibi exhibitum agnoscentes, non hoc, vt cōmodum aut gloriam quærant, neq; vt ex necessitate aut amore inanis gloriæ videantur annunciare Euangeliū, faciunt, sed vt hominibus illuminandis lucem præbeant verbi veritatis.

1. Corint. 9.

Philip. 4.

Ac proinde longē aliā pascendi gregis rationem ineunt boni q̄ mali præpositi & pastores. Boni siquidem infirmo dicunt, Fili, accedens ad seruitutem Dei, sta in iustitia & timore, & præpara animam tuam ad tentationē. Nam hoc modo confortant infirmum, & ex infirmo faciunt firmum. Item, Expecta tentationes huius sæculi,

Modus quo bonus pastor gregem pascit.

EPISTOLA.

sed ab omnibus eruet te Dñs, si ab illo nō recesserit retrō cor tuum. Nā ad confortandum cor tuum venit ille pati, venit mori, venit sputis liniri, venit spinis coronari, venit opprobria audire, venit postremo ligno cōfigi: omnia hæc ille pro te, tu nihil pro illo. Item admonent eū eius quod apostolus dicit, Omnes qui piē volunt in Christo viuere, psecutionem patiētur: indignas Christi passiones pponunt infirmo, illumq; attendere iubent ipsum, quē nō rapuit, exoluentē. Similiter et scripturā proponūt dicentē, Flagellat autē omnem filiū quem recipit. Fractum colligāt, dicentes ei, Prepara animā tuā ad tentationem. Item, fidelis deus, q nō vos sinet tentari supra quā ferre potestis. Quod eodē spiritu & sensu dicit psaltes, Potabis eos in lachrymis in mensura. Nā qd apostolus dicit, nō sinet tentari vos supraq; ferre potestis, hoc exprimit ppheta dicens, in mēsurā. Errantes reuocāt, et p̄reūtes ingruunt etiā inuitos & nolētes, p̄dicant verbū, instāt importunē, et opportunē, opportunē volentib⁹, importunē nolētib⁹. Atq; ita pascētes oues suas boni pastores dño eas lucrāt in vitā eternā. Cōtrā verò, hæc ipsa negligentibus malis pastoribus et sua magis q̄ quę sunt Christi querentibus, disperguntur oues dñi, eò q nō est pastor, & sunt in comesturam omnibus bestijs agri, furantur lupi insidiantes, leones frementes, cum oues.

Jo. 10. 1.

Psalm. 68.

Hebræ. 13.

Ecclesiastic. 1. Corin. 10.

Psalm. 79.

Timot. 4.

Matth. 23.

Matth. 23.

Matth. 23.

EPISTOLA

oues non hærent pastori, eunt in bestias depredantes se, & de illarum morte faciri cupientes; errant in oëm montē & collem altū, terreno tumore, et superbia seculi, in hæreticos, qui ouib. promittūt requiē & bona pascua, dispersunt in oëm faciem terrę, quia ab Hæreticis seducti oīa terrena sectā, et quę in facie terrę lucēt, ea amāt & diligūt. Necq; verò quia prædictorū duorū generū mali pastores semper erūt, quorum negligentia oues infirmæ non confortantur, ægrotæ nō sanantur, cōtribulatę & confraçtæ nō colligantur, errantes non reuocantur, pereuntes nō inquirunt, idcirco de neglectarū ouium salute desperādum est. Et si. n. vnica mater superbia iā inde ab Apostolorū tēporib. per vniuersam faciē terræ varias hæreses pepererit, per quas deceptę oues p vniuersam faciē terrę dispersę fuerunt, errantes in oëm montē: tñ & multi semper fuerunt boni & Catholici pastores, q̄s vna mā Catholica ecclesiā toto orbe diffusos produxit, quorū diligētia hæreses extinctę, et oues infirmę confortatę: ægrotę corroboratę: contribulatę colligatę: et pereuntes inquisitę: et errātes ad Catholicę Ecclesię vnitatē reuocatę fuerūt. Sic ab hæresi Ariāna, Nestoriana, Macedoniana, Eutychiana deceptas, et iā in diuersis inūdi partib. errātes reuocarūt patres et pastores catholici in quatuor synodis, Nicēna, Cōstantinopolitana, A Ephesina,

Nunquam
desunt in
Ecclesia ali-
qui boni pa-
stres.

EPISTOLA

Ephesina, et Chalcedonēsi. Sic oues à domatistis
 in Africa, & in Hispania, Gallia, Germania,
 alijsq; nationib. ab alijs hæreticis deceptę, à pa-
 trib. Africanorū, Hispanicorū, Gallicorum,
 Germanicorū cōciliorū, ab hæreticorū errorib;
 liberatę, et errātes ad gregē dñi reuocatę fuerūt.
 Quin potius Deus sarmēta quę precisa fuerūt,
 & ramos fractos viti, quę est ecclesia catholica,
 denuò inserere dignatus est. Porēs. n. est Deus,
 Rom. 10. vt inquit Apostolus, iterū inserere illos. Pascūt
 hoīes pastores, pascit & Deus pastor: Pasce o-
 ues meas, inqt Christus ad Apostolū suū Petrū.
 Ezech. 34. Rursus hæc dicit dñs Deus per Prophetā, de se
 ipso pastore: Ecce ego sup pastores, & requirā
 oues meas, & visitabo eas sicut visitat pastor
 gregē suū, in pascuis vberrimis pascam eas &c.
 Iohan. 10. Et Christus in Euāgelio: Ego sum pastor bonę,
 & cognosco oues meas, & cognoscūt me meę
 etc. Hoīes pastores pascūt oues, qā verbū dei &
 sacramenta, aliāq; quę ad salutē necessaria sunt,
 ouib. dispēfant. Deus pastor oues pascit, qā ver-
 ba sua & sacramēta pastoribus, ouibus dispēfan-
 da cōmittit. Deū pastore sequunt oues, quę, qđ
 pastores hoīes ex diuinis oraculis annunciant,
 faciūt. Homines pastores tam bonos q̃ malos
 sequūt oues, quę, qđ faciūt pastores, ipse quoq;
 faciunt. Deum igitur verum pastorem sequētur
 oues, nō homines pastores, nisi eadē, quę iubēte
 Deo

EPISTOLA.

Deo dicūt, faciant. Quæ dicūt, inquit Christus, facite, quæ faciunt, facere nolite. Et hæc malis pastoribus duorū priorum generū cōmunia sunt: illud verè alteri generi pastorum malorum, qui non solum turpiter viuūt, sed etiā superbia, ambitione, & auaritia corrupti, & eorū quæ ad officium pastorale pertinet imperiti, regimini ecclesiarum præficiuntur, proprium est, quod de his b. Gregorius in pastoralis suo scribit, Sunt, inquit, nonnulli, qui per speciem regiminis gloriam affectant & honores, videri doctores appetunt, trāscendere ceteros concupiscunt, atq; attestātē veritate, primas salutationes in foro, primos recubitus in cēnis, primas in conuentionibus quærent cathedras: qui susceptū cūrę pastoralis officium ministrare tanto magis nequeūt, quanto ad huius humilitatis magisteriū ex sola elatione peruenerunt: contra quos dñs per Prophetam queritur, dicens, Ipsi regnauerūt, sed nō ex me: principes extiterūt, et ego ignoraui. Ex se aut, non ex arbitrio summi rectoris regnāt, qui nullis fulci virtutibus, neq; diuinitus vocati, sed sua cupidine accensi culmē regiminis rapiūt potius q̃ assequūtur: quos tamē internus iudex et puehit & nō agnoscit: quia quos permittēdo tolerat, profectō per iudicium rationis ignorat. Vnde ad se quibuscūq; & post miracula, veniētibus, dicit, Recedite à me oparī iniquitatis, nescio qui estis vos, Horum pastorū hodie pro dolor

EPISTOLA.

Esa. 56.

magnus est in ecclesia numerus, q̄ scilicet prece,
 precio, et principū cōmendatiōe magis q̄ vitæ
 aut doctrinæ & sciētig eorum, quæ ad pastorale
 officiū p̄tinent, contēplatiōe ad episcopale cul-
 men prouehūtur: de quibus Propheta dicit, Ip̄i
 pastores ignorauerūt intelligētīā. Quos & dñs
 detestat, dicens, Et tenentes legē nescierunt me.
 Nesciri igit̄ se ab eis veritas queritur, & nescire
 se principatum nescientiū se protestatur: q̄a qui
 ea quæ sunt dñi, nesciunt, à dño nesciūtur, Apo-
 stolo attestāte, qui ait, Si quis aut̄ ignorat, igno-
 rabitur. Atq̄ hoc sanè genus malorū pastorū à
 malis pastoribus primi generis hoc differūt, q̄
 pastoralis curæ periti, etiā si vitæ exemplo oues
 offendant, tamen quia periti sunt verbo pascere
 possunt: prop̄ quod & dictū est, Quæ dicunt fa-
 cite, quæ autē faciunt, facere nolite: Hi autē etiā
 bene viuentes, tamen eorum quæ ad curā pasto-
 ralem pertinent, imperiti, vt maximè vellent, tñ
 propter imperitiā oues pascere nō possunt, ac
 tanto ouium etiā ipsorum regimini subiectarū
 periculosior cōditio est, q̄a cæcæ ipsæ cæcū etiā
 ducē habent. Si autem cecus ceco ducatum prę-
 bet, inquit Christus, ambo in foueam cadunt.

Matth. 15.

Tertium ge-
 nus malorū
 pastorum,

Tertium gen⁹ malorum pastorum est diabo-
 lus, & ipsius organa hēretici, nā & ipsi pascendi
 officiū sibi arrogāt, verbum se Dei & sacramēta
 ouibus dispensare gloriātes. Sed quorum neq̄
 dicta

EPISTOLA:

dicta neq; facta sequenda sunt. Nō solūm enim mali, sed etiā falsi pastores sūt. Hoc à pastoribus malis superiorū duorum generū differentes, q̃ mali pastores qui per negligentia et imperitiam nō bene pascunt oues, tamē quia in catholica ecclesia sunt, etsi mali, tamē ecclesie pastores sunt. Huius autem tertij generis pastores, quoniam suo ipsorū iudicio cōdēnati, ab ecclesia abscissi sunt, pastores in ecclesia esse nō possunt. Ac tales qui dem sunt, de qbus dñs in Euangelio. Qui nō intrat postium in ouile ouīū, sed ascendit aliunde, fur est & latro. In propheta Hieremia Dñs ait, clamauit perdix, congregauit, quæ non peperit, faciens diuitias suas non cum iudicio.

Perdix diaboli est, et organa ipsi heretici. Nā hi cōgregant, q̃ nō pepererunt, facientes diuitias suas nō cum iudicio. Nō. n. illi creatores sunt, sed deceptores: creare. n. nō possunt. Qui spiritum creatoris, q̃ est in ecclesia, nō habēt, ipsi extra ecclesiam positi, et suo ipsorum iudicio cōdēnati, decipere possunt: nam hoc p̃prium diaboli est, qui iam inde à creato mūdo conatus fuit decipere: quē ex eo nati imitantes heretici, quid aliud q̃ decipiunt, et diuitias sine iudicio pariūt, id est, oues quas nō pepererunt, in suā potestatē rapiūt: nō distinguētes quis isto, aut alio modo erret: Omnes errare volūt, quibuscunq; tandē modis errent. Etenim hereticorū sectę quārum-

EPISTOLA. 3

In quo om-
nes hæretici
conueniant.

libet diuerſe, & ſingulæ etiã inter ſe diuiſæ, om-
nes tamen cū duce ſuo diabolo in hoc conueni-
unt, vt oues dñi errare, & à caulis ſuis in fauces
luporū, id eſt, ſuas abducivelint. Nō dicit diabo-
lus, Donatiſtę ſunt, nō Arriani: Lutherani ſunt,
nō Zuingliani: Adiaphoriſtę ſūt, nō Illiricani:
Illiricani ſūt, nō Calvin: ſiue in Oriente ſint, ſiue
in Aphrica, ſiue i Heluetijs, ſiue in Saxonia. Oēs
n. ad eū pertinēt, cōgregantem et diuitias ouīū
quęrentē ſine iudicio. Idola (inquit) adoret, meus
eſt, quamecunq; tandē hęreſin et ſectā amplectā-
tur. In Arrianorū hęreſi maneat, meus eſt: Lu-
therum & oēs ex eo ſcendentes ſectas ſequa-
tur, meus eſt: deſerta vnitāte in quamecunq; hę-
reſin pergat, meus eſt. Cōgregat ergo ſine iudi-
cio faciēs diuitias ſuas ex deceptoribus hęreti-
cis et deceptis ouibus. Sic et mācipia diaboli hę-
retici, Lutherus, Zuingli⁹, Oecolāpadius, Cal-
uinus, Schuēckfeldius, Oſiander, Maior, Illiri-
cus, aliq; int̄ ſe diuiſi maximeq; diſcrepātes hę-
retici, nō dicunt, Hic aut ille à mea doctrina diſ-
ſidet: ſed q̄niam à catholica vnitāte reſſerūt, et
ad expugnandā catholicā nobis in hac cauſa cō-
muni ſeruiunt, nr̄i ſunt: & ad ſimilē modum, cū
duce ſuo diabolo, ſub q̄ militant, cōgregant quę
nō pepererunt, faciētes diuitias ſuas nō cum iu-
dicio. Sed qd̄ in propheta ſequitur: In dimidio
(inquit) dierum relinquet̄ eum, et in nouiſſimis

ſuis

EPISTOLAE

fuis erit insipiens. Quibus verbis propheta significat, hæreses quantumlibet fortes appareant, tandē ex insipientia eorum deficere, & oues deceptas magistros suos hereticos, tunc cum minime sperant derelinquere, quia sine iudicio eas acquiescunt: atque ita fit, ut heretici, qui primum omnium sapientissimi sibi videntur, in nouissimis suis fiat insipientes, sicut & pater eorum diabolus ab initio sapiens sibi videbatur, quando in paradiso Euā decipiebat. Nā sub serpentis forma sapientior erat omnibus bestiis, astutus videlicet, & acutus ad decipiendū, verum in nouissimis suis, detectis eius fraudibus factus est insipiens. Idem et hereticis diaboli organis et mancipijs accidit. Sic quidē qui ab initio omnium sibi sapientissimi visi, in nouissimis facti sunt insipientes. Arius ab initio sapiens videbatur, at fraudibus eius detectis à patribus Nicēni concilij, factus et declaratus est insipiens. Sic Nestorius, Macedonius, Eutyches ab initio visi sunt sapientes, in nouissimis autē insipientia eorum à patribus Constantinopolitanis, Ephesini & Chalcedonensis conciliorum, et aliorum hereticorum in alijs concilijs fraus & stultitia patefacta est. Et hereticorum nostri etiā temporis vanitates & mendacia, nuper per illos ipsos & manifestata fuerunt, et posthac deo disponente toti orbi clari manifestabunt. Nā ut pater concilio suo ait, ut aucupes dicunt, concutendo caput, ita et diabolus et filij eius heretici

EPISTOLA.

in multas sectas se diuidendo & cōtendendo car-
 pti, & tandē insipientes facti nolunt cōtendere.
 Propter qđ & oues, quas sine iudicio cōgrega-
 rūt, eos semper ppter insipientiam suam dereli-
 querūt: quēstas videlicet, reuocatas & reductas
 per veros, nō falsos; bonos, non malos pastores
 (per q̄s ipsum adeo principē pastorū) qui quod
 perierat, requisierunt, qđ abiectum erat, redu-
 xerunt, & quod confractum fuerat, alligarūt, &
 qđ infirmum erat, cōsolidarunt, et quod pingue
 & forte, custodierunt. Quod et oues nostris tē-
 poribus ab hereticis deceptę facient, cōtenden-
 tibus inter se eorū magistris, et in nouissimis suā
 insipientiā pdentibus iā, & deinceps magis p-
 dituris. Nam et ipse à bonis pastoribus in caulas
 dominicas reuocatę, falsos istos pastores, q̄ eas
 hactenus cōgregarunt, sed nō pēpererāt, facien-
 tes diuitias suas non cū iudicio, derelinquēt. Ha-
 ctēnq̄ inter pastores et oues, et rursus pastorū &
 ouīū inter se differentiā, vtcunq̄ ex diuinis scri-
 pturis, sanctis patribus, et sacrosanctis concilijs
 demōstrauim⁹: in multis etiā tū verba tū sētētias
 eorū, vt de his p̄s vniciq̄ iudicādi liberū sit ar-
 bitriū, integrē referentes. Ex quibus omnibus iā
 (vt opinor) clarē intelligimus, id qđ ab initio di-
 cebamus, multo subditorum et ouium q̄ p̄pō-
 sitorū et pastorū securiorē esse conditionē. Nam
 oues negligētia pastorum peuntes, p se tantum

Ouium con-
 ditio securi-
 or conditio-
 ne pastorū.

ratio-

rationem faciunt, & quam meruerunt penā de-
pendūt. Pastores verò nō solūm pro se, sed etiā
pro ouib. rationē ante tribunal Christi reddere
coguntur: vt si falsi vel negligētes, vel imperiti
fuerint, nec oues dominicas pauerint, vna cū
deceptis ouib. dānent: sin ipsis malē viuētibz, oc. 10. 2. A.
volūtātē tñ dñi ouib. annūciantibus, vocē eorū
oues audierint, oues quidē ipsæ saluētur, pasto-
res verò dānent: pastoribus verò, quæ sunt of-
ficij sui, ouib. prætātibus, sed ouibus ea ipsa re-
spuētibz, oues moriāt, aīa verò pastorū liberet.

Omnes igitur ecclesie p̄positi & pastores in Notent hoc
pastores.
hoc vnū attēti esse debent, vt sic oues sibi subdi-
tas pascant, vt de his rationem iustā Deo de di-
spensatiōe sua in iudicio ipsius possint reddere:
& semper in oculis & memoria habeāt qd dñs
per prophetā sub nomine pastorū Israel omnia Ezech. 3.
bus pastorib. dicit, Fili hominis, speculatorem
dedi te domui Israel, & audies ex ore meo ser-
monem & præmonstrabis eis ex me. In eo cum
dixero peccatori, morte morieris, si nō fueris lo-
cutus, vt impius caueat à via sua, ille facinoro-
sus in suo facinore morietur, sanguinem autē eius
de manu tua requiram. Tu autem si prænuncia-
ueris facinoroso viam eam, vt auertatur ab ea,
& nō fuerit auersus à via sua, ille in facinore
suo morietur, & tu animam tuam liberabis.

Hæc nos de pastoribus bonis & malis fusiis

EPISTOLA.

aliquantō ex diuinis scripturis, & earū veris interpretibus sanctis patrib. & sanctorū cōciliorū sanctionibus ac decretis cōmemorare voluimus: vt & nos, qui per dignationem dei non secundum meritū nostrū inter eos numeramur,

Actor. 20.

q̄b⁹ dictū est, Attēdite vobis & vniuerso gregi, in q̄ vos spiritus sanctus posuit episcopos regere ecclesiā dei, quā acquisiuit sanguine suo: et idcirco in eo etiā loco cōstitutū, vnde piculosa deo reddēda est ratio, nosmetipsos officij nostri pastoralis cōmonefaciamus, & terrēte deo terream⁹, vt hoc ipsum ita administrem⁹, vt deo de dispensatione nostra iustā & bonā, q̄d vtriq; bonorum pastorū est, reddere rationē possimus. Scim⁹. n. & à bonis & à malis rationem exacturū Dñm: & bonos quidem bonam, malos autem malam esse reddituros. De morte ouis malignæ malus pastor malan⁹, bonus bonam reddet rationem.

Tria necessaria ad bene administrandam curam pastorem.

Porro ad administrandū officium nostrū pastorale, tria nobis necessaria esse videm⁹: scientiā curę pastoralis, sacerdotes & ministros bonos, prudentes, & eadem scientiā præditos, quos in partem sollicitudinis & curarū nostrarū vocare possimus, et formā institutiōis curę pastoralis. Scientiā à nobis exigit dñs per prophetā, dicēs, Labia sacerdotis custodiūt scientiā, & legē exquirūt de ore eius, quia Angelus dñi exercitū est: hæc in cognitione veritatis consistit, quę ex veteri

Malach. 2. Scientia sacerdotis necessaria.

EPISTOLA.

veteri & nouo Testamento, & ex sacris canonibus perdiscenda est: quod & ornamenta pontificis in veteri testamento significarunt, in quo rationale erat, quod pontifex ferebat in pectore, in quo scriptum erat, manifestatio & veritas. Hanc ut nobis spiritus sanctus, vnus & verus doctor veritatis infundat, nunquā orare cessamus. Sed nec vlli labori parcimus, quin & Apostoli præcepto Timotheo tradito parentes, lectioni semper & exhortationi attendamus & in his permaneamus, eius nuncq̃ non memores, qđ propheta dicit, Tu sciētiam repulisti, & ego repellam te, ne sacerdotio fungaris mihi.

Exod. 25

1. Tim. 4.

Osee 4.

Prudentes sacerdotes et ministros ac diuinarū scripturarū sanctorūq̃ canonū peritos, Scholæ catholicę, in quib. sciētia pietatis docent, producant. Sed quoniam hoc tempore pauce admodū Scholæ in superiori Germania sunt, in quib. ea, quæ ad animarū curā pertinet, doceatur aut discant, territa videlicet ab hoc genere studiorū iuuetute, ut pauci iā sint, qui sacras literas discere, pauci etiam, qui ob penuriam discipulorum, etiā si pii & docti sint, eas docere velint, Scholam in oppido nostro Dilingæ instituiimus, in qua aliquot iā annis artes, quibus ad studia pietatis peruenit, præleguntur: ex qua quidē Schola, in qua & p̃fessores catholicos & studiosos multos nostris sumptibus fouemus, id qđ maxime

volu-

EPISTOLA.

volumus, consequimur: nempe vt bona spes sit, ex nostra illa schola futuris temporibus multos prodituros, sicut & hactenus non pauci prodierunt, quos in partem curarum nostrarū vocatos parochijs nostræ Ecclesiæ præficere, & ad alia Ecclesiastica ministeria deputare possimus.

Cura & regimē animarū, quæ est ars artiū, vt inquit Gregorius, quantū ad officiū nostrū Episcopale attinet, in his quæ sunt ordinis Episcopalis, ordinationib. videlicet presbyterorū, diaconorum, Subdiaconorū, aliorumq; inferiorū ordinū collatiōe, in benedictionibus Abbatū, velationibus virginum, cōfectione Chrismatis, Baptizatorū cōfirmatione, prædicatione verbi dei, & administratione sacramentorū (quæ duo presbyteris cum Episcopis sunt communia) in exercenda itē Ecclesiastica Iurisdictione in personas, res, et causas ad Iurisdictionē Episcopālē pertinentes: quæ omnia qua ratione modoq; dispensari debeāt, partim ex scriptis sanctorum patrum, partim ex his, quæ hac nostra tēpestate à doctissimis quibusdam, & ijsdem catholicis viris de hac re p̄dita sunt, discēda esse putamus: ac int̄ ea quæ de cura animarū tradiderūt sancti patres, diuina p̄rsus sūt, quæ passim apud d. Hieronymū, Augustinū, aliosq; Ecclesiasticos doctores, scripta reperiunt: sed inter alia insigniora, quæ de hac re beatus Gregorius in pastoralisuo,

fuo, & Chryfosto. in lib. de sacerdotio scribunt. Sed & recentiorum in hoc genere multa extant egregia scripta sub varijs titulis edita, maximè verò in catechismis, in quibus oīa ferè, quæ ad curam animarum pertinent, explicantur, & diuinarum scripturarum, sanctorum patrum, et sacrorum conciliorum authoritate ac testimonio confirmantur: inter quæ et vnum extat, qđ à R. P. D. Petro à Soto Dñicani ordinis Theologo doctifs. tempore quo scholæ nostræ primarius p̄fuit moderator, ore pronūciatum, et à discipulis qbusdam ipsius in certas lectiones digestum, exceptum est: in quo vir ille & verbo & opere ad docendum ea, quæ sunt pietatis potens, multa ad doctrinā sanam, & catholicam, multa ad officium pastorum ecclesię, et reformandā eorū totiusq; cleri vitam & mores pertinentia, tanto pietatis studio & tanto dicēdi ordine cōposuit, vt dignus nobis videatur hic liber, qui ad p̄mo uenda pietatis studia in publicum edatur, omnibusq; animarum curam vel iā administrantibus, vel in futurum administraturis communicetur.

Damus igitur vobis doctifsimi simul et pietifsimi, et nunq̃ satis laudati huius viri, de institutione sacerdot. librum, omnibus q curam animarū suscipiunt nō solūm vtilē, sed etiā necessariū, et in hoc ab authore ipso discipulis suis, nobis idipsū ab eo petētibus, p̄lectum, vt deinceps

♫ in

EPISTOLA.

in hac nostra schola velut enchiridiō q̄ddam esse
 set, ex q̄ ad pietatem erudiēda iuuentus non solū
 quę christiano homini ad bonę beatęq; vitę in-
 stitutionem, sed etiam ad scientiā curę pastor-
 alis acq̄rendā necessaria sunt, discere posset. Nos
 igitur in hac Schola nostra educare volentes, q̄s
 ad regendas parochias mittere, & ad alia mini-
 steria ecclesiastica deputare possimus, intentio-
 ni authoris omnino satisfacere et quod de legē-
 do isto libro in Schola nostra instituit, vt in po-
 sterū ita seruetur, decreuimus. Ideoq; & profes-
 soribus Scholę nostrę iniungemus, vt hunc li-
 brū discipulis suis, maximē q̄s ad pietatē sump-
 tibus nostris institui volumus, p̄petuo q̄dam or-
 dine à principio vsq; ad finē legant, & finitū rur-
 sus legere incipiant, atq; huiusmodi lectiōnē ad
 eundē modū singulis annis cōtinuent: vt sic di-
 scipuli in his quę ad scientiā pietatis, & in pri-
 mis curę pastoralis ac institutionis sacerdotalis
 pertinent, sufficienter eruditi, sacris initiandi in
 examine ordinandorū ad sacros ordines admit-
 ti possint. Ita, n. à nobis certō cōstitutū est et exa-
 minatoribus nostris mandatū, vt nō alios ad sa-
 cros ordines suscipiēdos admittant, quā quos
 prædicto modo instructos esse deprehenderit.

Non it̄ phibemus, quin ex sanctorū patrū ali-
 orūq; de hac re catholice scriptis ordinariū
 hoc suū studiū adiuuare possint. Neq; n. nos la-

ter, nō omnibus eadem cōuenire, et sepe qđ quis ex lectione vni⁹ alicuius libri capere nō potest, facilius hoc ex alterius libri lectione consequi.

Vos autē oēs in dñō hortamur, vt hunc aliōsq; catholicos de hac re scriptos libros semp in manib⁹ vestris habeatis: et ex ijs nō solū catholicā de officio sacerdotū doctrinā discatis, sed etiā pceptis salutaribus sanctorū patrū, quæ in hoc etiā libro tradunt, admoniti, cōtinentiā, sobrietatē, aliasq; ecclesiasticis viris cōueniētes virtutes sequamini, et vitia eis cōtraria, incōtinentiā, scortationē, maximē verò indecentē cū mulieribus cohabitationē & cōcubinatum, ebrietatem, aliāq; his similia vitia deuitetis: vt qđ a nobis in partē solitudinis nostrę pastoralis vocati estis, nō vos ipsos, sed oves tam nostras q̃p̃ vestras pascatis, nec malę vitę exemplo corrumpatis: sed in hoc omni studio incumbatis, vt à parochijs ecclesię nostrę pfecti, oves nostras vobis cōmissas firmas custodire, infirmas cōfortare, ægrotas corroborare, cōfractas colligare, errantes ab hereticorum erroribus reuocare, & pereūtes inquirere possitis. Quæ si diligenter, vt bonos pastores decet, prestiteritis, & ad hunc modum oves nostras paueritis, proculdubio coronam illam quę bonis pastoribus à principe pastorū repromissa est, cum magna gloria percipietis. Datum Dilingæ in Castro residentię nostrę Episcopalis 15. Die Martij. 1558.

Index lectionum quæ in hoc Tra- ctatu continentur.

Prima pars de institutione Sacerdotum.

- Lectio prima. De præparatione ad hanc doctrinam tradendam & susci-
piendam. folio 1
1. De diuisione & ordine eorum quæ tradenda sunt, & scientia neces- 4
saria ad ministeria sacerdotalia.
3. De scientia eorum quæ ad mores & uitam pertinent in genere. 7
4. De cultu Dei in religione Christiana, origine & partibus eius. 10
5. De modo & ratione institutionis cultuum in religione Christiana. 13
6. De eadem re. 16
7. De institutione sacramentorum ecclesiæ, numero & ratione eorū. 21
8. De his quæ circa singula sacramenta necessario sunt consideranda. 24
9. De primo & proprio sacramentorum effectu, gratia scilicet, & 26
charactere.

De Baptismo.

- Lectio prima. De his quæ ad integritatem baptismi pertinent. 28
2. De effectu & significatione baptismi. 30
3. De uera ratione remissionis peccatorum quæ sit in baptismo. 32
4. De uirtute & excellentia baptismi, & dispositione susipientiū. 34
5. De non iterando baptismo, & necessitate eius, & triplici baptis. 37
6. De baptismo paruulorum. 40
7. De ritibus & ceremonijs in sacramento baptismi superadditis ab ecc- 44
lesia.

De Confirmatione.

- Lectio prima folio. 47
1. De confirmatione. 49

De sacramento Eucharistiæ.

- Lectio prima. 53
2. De materia & forma huius sacramenti. 54
3. De uera significatione horū uerborū et effectu: in qua maximè proba-
tur ueritas corporis domini in sacramento patrum testimonio. 57
4. De eodem, in qua maximè respondetur sanctorum uerbis, quæ pro se
adducunt Lutherani. 59

De

I N D E X.

5	De ratione conuerſionis punk in corpus Chriſti, & modo loquendi de ea.	63
6	Quomodo corpus Chriſti ſit in Euchariftia.	65
7	De ſacrificio altaris.	69
8	De ſumptione huius ſacramenti, ſecundo uidelicet uſu eim.	74
9	De neceſſitate Euchariftie.	77
10	De uſu utriuſq; uel alterius ſpeciei, & quibuſdam alijs.	79
11	De fructu ſue effectibus ſacramenti Euchariftie.	83
12	De preparatione ad ſacram Euchariftiam.	86
13	De miniſtro huius ſacramenti.	89
14	De ritibus ſuperadditis ultra ea quæ ad integritatem ſacramenti ſunt neceſſaria.	91
15	De hiſ quæ in celebratione Miſſæ ſuperaddita ſunt.	95

De ſacramento pœnitentiæ.

Leſſio prima.	De pœnitentia, quæ eſt uirtus prior ſacramento.	ſolio 99
1	De Partibus & diuerſis actibus pœnitentiæ uirtutis &c.	101
3	De reatu peccati, qui manet tranſeunte actu &c.	105
4	De neceſſitate pœnitentiæ ad remiſſionem peccati	109
5	De efficacia pœnitentiæ.	113
6	De reſtauratione bonorum quæ per peccatum amiſſa ſunt.	117
7	Qualiter peccata dimiſſa redeant per ſequens peccatum.	119
8	De principio & origine pœnitentiæ &c.	121
9	De comparatione gratiæ diuinæ & actuum pœnitentiæ &c.	125
10	De iuſtificatione impij.	129
11	Quid Lutherani ſentiant de iuſtificatione impij &c.	133
12	De eadem materia.	138
13	Quando & de quibus agenda pœnitentia.	141
14	De integritate ac perfectione contritionis.	146
15	De eadem re.	149
16	De eodem argumento.	152
17	De eadem materia.	156
18	De pœnitentia & remiſſione peccatorum uenialium.	160

De Confefſione.

Leſſio prima.	De neceſſitate confefſionis, & institutione ſacramenti pœnitentiæ ex authoritate ſcripturæ.	163
---------------	---	-----

I N D E X.

2	De eadem necessitate confessionis ex testimonijs patrum. fol.	168
3	De necessitate confessionis ex definitione conciliorum & sedis apostolice; de utilitate eius, & veritate sacramenti pœnitentie.	173
4	De materia, forma, & reliquis pertinentibus ad hoc sacramentum, & necessitate confessionis, atq; præcepto eius.	176
5	De necessitate confessionis in speciali, & de eius ministro.	180
6	De ministro confessionis, & necessarijs illi.	185
7	De necessarijs conditionibus confessionis.	188
8	De confessione informi.	194
9	De integritate confessionis.	198
10	De integritate etiam confessionis.	202
11	De ratione secreti necessarij in confessione.	205
	De satisfactione, tertia uidelicet parte pœnitentie.	
	Lectio prima. folio	209
2	De sacramentali satisfactione.	212
	De purgatorio.	
	Lectio prima. De purgatorio & suffragijs mortuorum, ex consensu ecclesie uniuersalis præcipue.	217
2	De purgatorio.	221
3	De suffragijs defunctorum in speciali.	225
	De clauibus ecclesie. Lectio prima.	229
2	De excommunicatione.	231
3	De excommunicatione.	235
4	De excommunicatione.	239
	De indulgentijs. Lectio prima.	242
2	De ratione indulgentie, efficacia, atq; ualore.	247
3	De his que requiruntur ad effectum indulgentie ex parte dantis, & ex parte suscipientis.	252
	De sacramento extremæ unctionis.	
	Lectio prima. De materia forma, & effectu eius.	256
2	De ministro, & suscipiente, ac ceteris ad hoc sacramentum pertinentibus.	260
	De sacramento Ordinis.	
	Lectio prima. De origine ordinum ecclesiasticorum.	262
2	De singulorum ordinum officijs.	267
	3 De	

I N D E X.

3	De necessitate horum ordinum.	271
4	De ratione & modo sacramenti ordinis.	274
5	De materia & forma, ac reliquis ad hoc sacramētū pertinētibus.	278
6	De quibusdā annexis & consequentibus sacramentum ordinis.	282
7	De iure beneficii ecclesiastici, & simonia.	285

De Matrimonio.

Lectio prima. De uera in eo ratione sacramenti.		
1	In qua soluntur quæ contra uarietatem huius sacramenti adducuntur & dubitantur.	290
2	De his quæ ad integritatem huius sacramenti necessaria sunt ex parte ipsius contractus.	294
3	De his quæ sunt necessaria ex parte contrahentium.	297
4	De impotentia.	302
5	De auctoritate ac ratione eorū quæ de ordine & uoto dicta sunt.	304
6	De rationibus hæreticorum contra hæc dissoluendis.	308
7	De reliquis duobus capitibus rationum hæreticorum.	313
8	De tribus alijs impedimentis matrimonij.	318
9	De impedimento cognationis.	323
10	De cognatione spiritali & legali.	326
11	De indissolubilitate matrimonij.	330
12	De indissolubilitate matrimonij quoad uinculum.	333
13	De superadditis integritati & ueritati sacramenti matrimonij, & impedimentis non dirimentibus ipsum.	337
14	De bonis matrimonij.	342
15	De contrahē & usu matrimonij, intētiōe, et peccatis circa hæc.	345
16	De uera & propria matrimonij laude ac bonitate, & eius gradibus, ceterisq; ad omnes alios actus matrimonij pertinentibus.	348
17	De quibusdā consequentibus & adiunctis matrimonio.	352

Secunda pars.

De peccatorum discrimine, et ratione medendi uulneribus animæ, quatenus parochis necessaria sunt.

Lectio prima. De ratione & uoluntate, primis actionum nostrarum principijs.		
1	De actibus rationis practicæ & uoluntatis.	359
2	De reliquis omnibus potentijs humanorū actuum principijs, & præcipue appetitiuis, & actibus eorū.	362

I N D E X.

4	De uoluntario in humanis actibus omnibus, de habitibus, & prima diuisione humanorum actuum in bonos & malos. folio	365
5	De bonitate & malitia humanorum actuum.	367
6	De ratione peccati, & de discrimine uenialis & mortalis.	369
7	De eodem, & distinctione peccatorum uenialium.	371
8	De peccato ueniali appetitus sensitiui & primis motibus.	372
9	De peccato delectationis in cogitatione peccati.	375
10	De differentia mortalis & uenialis peccati ex obiecto siue sua specie. folio	380
11	De eodem specialius.	383

De ratione medendi peccatis, quatenus pertinet ad spirituales iudices.

	Lectio prima. folio	386
2	De origine & causis peccatorum, & de prima earum, scilicet ignorantia, in speciali.	388
3	De infirmitate.	391
4	De ultima peccatorum origine, malitia scilicet.	393
5	De remedijs & ratione medendi animarum uulneribus in speciali.	396
6	De eadem re.	399

De uita Sacerdotum.

	Lectio prima. folio	403
2	De moderato appetitu habendi.	405
3	Quomodo circa bona ecclesiastica habere se debeant ministri ecclesie, & de reliquis contra auaritiam.	407
4	De his quae ad temperantiam ministrorum ecclesie pertinent, & ceteris quae ad pietatem & religionem.	410
5	De his, ad quae ex officio cure animarum tenentur sacerdotes.	413
6	De cognitione & cura omnium in speciali.	415

LECTIONES DE INSTITVTIONE IN- feriorum sacerdotum.

LECTIO PRIMA.

De præparatione ad hanc doctrinam
tradendam, & suscipiendam.



TRADITVRI NECESSA-
riam doctrinam inferioribus sacerdo-
tibus tria putamus meritò esse præ-
mittenda, & mihi & vobis, auditores
charissimi, in primis necessaria, & at-
tentissimè cogitanda, vt hæc quæ ag-
gredimur cum fructu, Deo agere, per-
agamus.

Primum igitur illud aduertamus,
quòd cùm in omnibus actionibus, ne-
gotijs, & operibus, etiam mechanicarum artium, valde necessaria
sit scientia cognitioq; rerum circa quas versantur, sine qua nihil
rectè perfici & ad finem perducì valet, hoc maximè sacerdotibus
necessarium esse ostenditur, vt videlicet rerum quas administrant,
& conditionis atq; præparationis eas tradentium atq; suscipien-
tium cognitionem habeant: ostenditur, inquam, ex excellentia
atque dignitate earum rerum quas administrant, quæ tantò reli-
quas omnes res humanas excedunt, quantò Spiritus sancti cha-
rismata & Christi sanguis preciosiora sunt & delicatiora omni
auro, argento, & lapidibus preciosis. Primum enim quod in ma-
nibus sacerdotum versatur sacramenta Christi sunt, preciosissi-
ma scilicet vasa sanguinis sui, & spiritus sancti gratiæ: & quod

A

illis

DE SCIENTIA SACERDOTIBVS

illis omnibus agitur, salus animarum est, pro quibus ipse Christus sanguinem suum & vitam dedit. Tanto igitur maius & diligentius studium ad cognoscenda quæ ad hoc pertinent est adhibendum, quanto præstant hæc his, quæ ab omnibus alijs hominibus tractantur. Nihil itaque perniciosius Ecclesiæ, quàm ignorantia in ministris eius, ut merito dici possit, Si lumen quod in te est, tenebræ sint, ipsæ tenebræ quantæ erunt? Hoc est, si ministri Christi, qui, quæ parte eius ministerio funguntur, lux sunt populi, ignorent Dei legem, eius dona, & gratiam, rudes homines, quos illi illuminandos suscipiunt, quales erunt ad Deum diuinæq; cognoscenda? Nonne tota Ecclesia & vniuersus populus in tenebris erunt? Considerandum itaq; hoc loco, quod dominus per Malachiam loquitur: Labia sacerdotis custodient scientiam, et legem requirent ex ore eius, quia angelus domini exercituum est, stans iuxta, videlicet Dei ad homines, a quo eius voluntatem cognoscere habeant. Et quia in hunc locum incidimus, libet parum in hoc principio quæ ibi Deus sacerdotibus loquitur ante oculos nostros proponere, si fortè vel nonnihil excitemur è tanto somno et obliuione muneris nostri, loci, et gradus, denique et Dei ipsius, cuius ministri sumus, et incipiamus cogitare quàm nobis necessaria sit Dei illa scientia, de qua et propheta et Christus inquirunt: Scientiam Dei volo plus quàm sacrificium. Igitur repetamus à principio quod dominus per Malachiam hoc loco sacerdotibus loquitur, à terribili proculdubio maledictione et comminatione incipiens: Maledictus, inquit, dolosus, qui habens in grege suo masculum, et votum faciens immolat debile domino, quia rex magnus ego sum, dicit dominus exercituum. Et nomen meum horribile in gentibus. Sed quorsum hæc, aut quibus dicantur iam audiamus. Et nunc ad vos mandatum hoc ô sacerdotes, ad vos, inquit, hæc maledictio: vobis magnitudo regni mei, et honor debitus nomini meo, pponitur: vobis, inquam, quorum est et pro vobis, et pro populo sacrificia offerre, quorum est Deum placare, qui circa eius aras versamini. Caueate igitur ne debile aliquid, ne infirmum et indignum domino offeratis. Quæ admonitio eò pertinet, ut nouerimus nos studia nostra, vitam, et operam Deo deuouisse, si non mendaciter, et falsò ministrorum eius nomen assumpsimus. Deo debemus nos ipsos, et nostra omnia, illi cuncta obtulimus cum eius ministris

nisterijs mancipati sumus, multò verius, quàm qui regum et summorum principum obsequijs intendunt. Rex, inquit, magnus ego sum, et horribile nomen meum in gentibus. Quod propterea ad vos sacerdotes dicitur, quod hoc primum in vita et cunctis actionibus vestris ostendi debet, et manifestum fieri omnibus. Non igitur cogitandum est nobis, quòd ad quietem carnis, et ocium, atq; ignauiam comparandam sacerdotij gradum suscepimus: sed ad vigilantissimè altandum, et indefesse ministrandum coram magno hoc rege, cuius vultui assiliterè opus est, et maiestatem reuereri. Quia itaque voto vouimus domino nostra omnia, et masculum habemus in grege, hoc est, robur animi et constantiam, vireq; intendendi et studendi rebus serijs (nec enim natura hoc nobis quod cæteris hominibus datum est denegauit) maledicti erimus si debile domino immolemus: hoc est, si torpore et negligentia resoluti minus attendamus, minus sciamus et nouerimus quæ contrectamus manibus, atque ideo negligenter et cum socordia coram Deo ministremus. Ad vos itaque meritò, inquit, mandatum hoc ò sacerdotes, si vlli homines vlli negotio diligenter inuigilant, & si quæ ad vllius hominis obsequia pertinent diligenter inquirunt, & studio agnoscendæ voluntatis suorum principum instant, ad vos hoc maximè ò sacerdotes pertinet, ne debiliora scilicet immoletis domino summo quidem, & ætemo, & cælesti, quàm immolant terrenis dominis serui sui. Quare iam exhortatur dominus, & sub comminatione ad pœnitentiam vocans inquit sacerdotibus: Si nolueritis audire me, & si nolueritis ponere super cor, vt detis gloriam nomini meo, ait dominus exercituum, mittam in vos egestatem, & maledicam. benedictionibus vestris, quoniam non posuistis super cor. Quibus verbis adhuc acius nostra stimulaturnegligentia, & excitatur studium discendi & intelligendi. Còminatur enim dominus egestatem atq; penuriam non tam temporalium bonorum, quàm reuera spiritualium diuitiarum & bonorù illorum, quibus verè coram Deo diuites efficimur, operum scilicet veræ pietatis & virtutis. Còminatur denique quòd maledicet benedictionibus nostris, hoc est, quòd omnis benedictio, omnis imprecatio bona, quæ super nos cum iniitiaremur inclamata est ab ipsa sponsa Christi Ecclesia, conuertetur socordia nostra in maledictionem, & pro plenitudine spiritus, quam impositio illa manus significat, ple-

DE SCIENTIA SACERDOTIB:

nitudinem peccati, & spiritualis ignominie habituri sumus: deniq; & quod benedictiones, quas nos alijs imprecamur, in maledictionem conuertentur, nobis saltem, qui indignè Dei nomine benedicimus alijs, etsi non illis, quibus potens est dominus etiam per malos ministros sua dona conferre: sed & illis etiam nonnunq in maledictionem vertuntur, cum absque scientia, & discretione nos eis benedicimus. Atq; omnium horum malorum causa hæc vnica dicitur, Quia non posuistis super cor. hoc est, vt Hieronymus inquit, quia nolulistis intelligere quæ dicuntur, quia ignorastis Deum, & eius voluntatem. Quare & acrius adhuc comminatur, Ecce ego proijciam vobis brachium, & dispergam super vultum vestrum stercus solennitatum vestrarum, & assumet vos secum. Quid rogo potest horribilius cogitari? Quoniam enim sacerdotibus veteris legis ex hostijs sanctiora quæq; deputata erant; armus videlicet dexter animalium, & quædam alia, honor atque virtus sacerdotalis his significatur verbis, Proijcite enim dominus in faciem cum ignominia quadam ea ipsa quæ in honorem erant sacerdotibus collata, vt sacrum vnguentum vertatur illis in contumeliam, vt regalis corona in opprobrium. Quod cum iam ante oculos conspiciamus subsannantibus hæreticis atq; iridentibus sacerdotij Ecclesiastici dignitatem, cur in aliam causam hoc referimus, & non in socordiam nostram? ob quam ita punimur, vt etiam propter nos nomen ipsum Dei blasphemetur, non quidem inter gentes, sed inter baptizatos ipsos. Ad quam pœnam si non expergiscimur, id restat, vt in æternum hoc sustineamus opprobrium: Dispergam super vultum vestrum stercus solennitatum vestrarum, et assumet vos secum. Quod rogo assumet? nisi in locum ipsum immunditiæ & stercorum? Super vultum, inquit, vestrum dispergam stercus, immunditiam cogitationum, turpitudinē operum & verborum, quibus delectabamini in solennitatibus, inquit, non meis, sed vestris. Dum enim inter meas etiam solennitates non puduit vos carnales vestras festiuitates miscere, & meis omnibus pessimè in vestram vtilitatem abuti, mea horribili sacrilegio fecistis vestra: vestra, inquit, stercora et immundities: Merito igitur assumet vos secum. Et scietis, inquit quia misi ad vos mandatum istud, vt esset pactum meum cum Leui, dicit Dominus exercituum. Tunc, inquit, quando disperfero super vultum vestrum stercus solennitatum vestrarum, agnosceis quod pactum, quàm fir-

firmum & stabile fœdus & testamentum constitui ego sacerdotibus, quàm inuiolabile, quanto custodiendum timore & reuerentia, quanta sanctitate tenendum: tunc, inquit, intelligetis, cum ceperit vos tenere pudor & confusio immundiciæ vestræ. Quod si in æternum pati nolumus, patiamur iam voluntariè à nobis ipsis per pœnitentiam, vt agnito quàm longè simus à dignitate nostra, quàm inuoluti stercore festiuitatum nostrarum, relipsamur, & iam tandem audiamus apertius sacerdotij leges à Deo. Sequitur enim, Pactum meum fuit cum eo, scilicet Leui, in quo omnes sacerdotes designantur, pactum, inquam, meum vitæ & pacis: dedi ei timorem meum, & timuit me, & à facie nominis mei pauebat. Lex veritatis fuit in ore eius, & iniquitas non est inuenta in labijs eius. In pace & æquitate ambulauit mecum, & multos auertit ab iniquitate. Hæc sunt ornamenta sacerdotalia, hæc leges & opera, hic honor, hoc pactum vitæ & pacis: Quorum remisistis peccata: Quicquid solueritis super terram. promissio scilicet ad reconciliandos homines Deo, ad viuificandas animas. Sed hoc timore Dei est retinendum, timore, inquam, quem non à nobis, sed ab eius spiritu habere possumus: Dedi, inquit, ei timorem meum. exercendum verò cum scientia & doctrina scripturæ: vt scilicet & in corde nostro fulgeat spiritualis lux sacrorum verborum, & in ore adfluat diuina illa & spiritualis eloquentia sermonis Dei, qui sanat omnia. Sic enim demum exurgunt mortui, & reconciliantur inimici Deo: sic & sacerdotes dignè viuunt Deo, à peccatis auertunt homines. Lex, inquit, veritatis fuit in ore eius. hæc loquebatur: et vnde, nisi ex abundantia cordis? Propterea iniquitas nō fuit in labijs eius. Vnde demum fit, vt & his consonent opera: In pace & æquitate ambulauit mecum. & inde oriuntur fructus: Multos, inquit, auertit ab iniquitate. Et iam tandem, quod à principio diximus, sequitur: Labia enim sacerdotis custodient scientiam, & legem requirunt ex ore eius, quia angelus Domini exercituum est. In quibus nunc multo melius aduertere possumus, quàm hæc diuinæ legis scientia necessaria sit sacerdotibus, quantoque Dei timore & studio quærenda, quando non nisi post tanta verborum pondera, post tantam grauitatem sententiarum ad hoc ventum est, vt diceretur: Labia sacerdotum custodient scientiam, & legem requirunt ex ore eius, populi scilicet & subditi, qui certè non mi-

DE SCIENTIA SACERDOTIB.

nori iure ab eis salutarem doctrinam exigere possunt, quàm sacerdotes ab ijs sibi pendia illa, & temporalia sustentationis iura. Vbi tandem & quod sequitur audiamus, timentes ne meritò nobis conueniat: Vos autem recessistis de via, & scandalifastis plurimos in lege. Irritum fecistis pactum Leui, dicit Dominus exercituum. Quid enim de via recedere aliud est, quàm studium ommittere necessaria scientiæ, qua deducendi sumus? Et quid in lege plurimos scandalizare, siue infirmos, vt septuaginta dixerūt, efficere, quàm ignorantia nostra & obliuione legem Dei in ore tenēdi, ad minus eam amandam, minus cogitandam nostro hoc exemplo populos trahere? Quid denique pactum & testamentum Leui irritum facere, quàm ignorantia nostra diuina illa sacramenta testamenti, & fœderis Dei ad nos certissima sigilla indignè tractare, & indignis tradere? Propter quod (inquit) & ego dedi vos contemptibiles & humiles omnibus populis, sicut non seruastis vias meas, & accepistis faciem in lege, hoc est, secundum faciem, & non rectum iudicium iudicastis, personas potius quàm causas respicientes: aut superficiem potius quàm veritatem. Quod magis ad scientiam, de qua agimus, pertinet, & consonat verbo Christi reprehendentis in phariseis hanc, vt ita dicamus, superficiei legis doctrinam: Nolite, inquit, iudicare secundum faciem, sed rectum iudicium iudicate. Expendamus igitur seriò hæc omnia apud nos, moueat animum nostrum tanta Dei auctoritas, vt scientiam sacerdotibus dignam non omittamus. Nam & hanc ipsam Osee illud verbum, cuius superius meminimus: Scientiam Dei volo plus quàm holocaustum, non minus coniunctam sacerdotij gradui, quàm sit ipsa sacrificij oblatio ostendit: vt tolerabilis sit sacerdoti non sacrificare, quàm non intentum esse diuinæ legis studijs. Vnde & rursus per eundem prophetam clamat Deus: Quia tu scientiam repulisti, repellam te ne sacerdotio fungaris mihi: & oblita es legis Dei tui, obliuiscar filiorum tuorum & ego. Hæc itaque Dominus Synagoge propter sacerdotes, & sacerdotibus dicit: multò magis hoc dicturus Ecclesiæ, cuius primi meritò filij sacerdotes sunt, de quibus ibi dicitur: obliuiscar filiorum tuorum et ego. Sic enim mox sequitur: Secundum multitudinem eorum sic peccauerunt mihi. Gloriam eorum in ignominiam commutabo, peccata populi mei comedent, et ad iniquitatem subleuabunt animas eorum.

Ioannis 7.

Osee 4.

rum. Quamdiu enim non arguunt & increpant vitia, sua quodammodo ea efficiunt, & sibi incorporant, & erigere quodammodo ad peccata dicuntur quos non corrigunt. Unde tandem dicitur: Et erit sicut populus, sic sacerdos. Quod certe summum malum est, cum eo venit, ut nihilo doctior, nihilo sanctior sacerdos sit, quam populus. Assurgamus igitur ad legis Dei studia, ad salutarem querendam scientiam, eamque in primis à vero Dei timore, ab illustratione eius, à lectione sacra petamus: quod primum omnium admonendum putauimus. Adiungamus iam secundum huic etiam principio necessarium.

Hæc sacerdotibus necessaria scientia non potest plenè & conuenienter haberi sola priuata apud se lectione, sed necessaria est diligens auscultatio doctorum, studium, atque meditatio; humilis interrogatio & inquisitio: ut scilicet exemplo Christi, qui plenè instrui cupit, sedeat in medio doctorum, audiens illos & interrogans, similiter etià & respondens. Quod ideo diximus, ne quis putet domi suæ secum agens, aut æditos de his rebus libros legens, bene instrui posse. Nam præterquod s. Hieronymus in epistola illa ad Paulinum de omnibus libris sacre scripturæ, multis & sacre scripturæ, & Ethniconum exemplis probat doctorem necessarium esse atque ductorem ad scripturæ sacre scientiam habendam, aperte constat hunc modum tradendi doctrinam verbo, & eam auditu discendi ab Apostolis obseruatum, et obseruari præceptum in Ecclesia, ut Paulus Timotheo suo dicit: Quæ audisti à me per multos testes, hæc commenda fidelibus hominibus, qui idonei erunt alios docere. Discipulum necesse est esse huius doctrinæ, & viua doctoris voce, & doctoris ecclesiastici eam discere. Quare etiam nihil doctori ecclesiastico, atque adeo Episcopo, iuxta hanc Pauli admonitionem, diligentius obseruandum, quam vtecclesiasticam doctrinam tradat. Id quod nos iam eius nomine, autoritate, & iussu agimus. Ut in hac schola habeant simplicitates sacerdotes mediocritati suæ conuenientem doctrinam.

Tertium denique subijciamus in hoc etiam principio meritò obseruandum. Quod integram & sufficientem huius rei doctrinam tradere non parum difficile est, sed adeo certè arduum, ut temerarium sit hoc promittere. Multa sunt et varia, lateque patent vniuersa quæ ad hoc pertinent: diuersa in eis sententiæ, & nonnunquam in minutissimis versari oportet hæc tractantem.

Quare

Sacerdotes non possunt solo priuato studio quæ necessaria sunt discere.

2. ad Tim. 2.

DE SCIENTIA SACERDOTIB:

Iacobi 3.

Authoris scopus atq; consilium.

Quare non sine timore hoc opus aggredimur, considerantes illud Iacobi: Nolite plures magistri effici fratres scientes, quia maius iudicium sumitis. Sed audemus tandem vel hoc tentare diuinæ gratiæ auxilio confisi, & vestrarum orationum suffragia, auditores charissimi, postulantes. modò vos prius admonuerim, quòd hoc meo qualicumq; labore non intendam integram, & absolutam, & quæ sola sufficere possit sacerdotibus, doctrinam tradere: sed quæ admonet prout omnes ad assiduam scripturæ & Patrum lectionem, ad agnoscendum quid nobis desit, ad conandum quotidiana exercitatione proficere.

LECTIO SECVNDA.

De diuisione & ordine eorum quæ tradenda sunt, & scientia necessaria ad ministeria sacerdotalia.



T igitur ordine in hac doctrina procedamus, quod maximam auditoribus lucem præbet, in sacerdote duo sunt præcipuè consideranda: alterum quod ad functionem ipsam et ministerium sacerdotale pertinet: alterum quod ad mores eius & reliquam vitam. Hæc duo merito nobis docenda sunt, vt nouerint sacerdotes quid pertineat ad officium & actus ipsos sacerdotales: deinde quid ad ceteros mores, & reliquum agendæ vitæ ordinem. Hæc igitur sic digessimus, vt primum scientiam tradamus ad sacerdotale ministerium necessariam, deinde & eam qua cognoscatur quanta, & quæ sanctitas vitæ et morum illis conueniat. Quanq̃ enim hoc prius videretur tradendū, vt videlicet prius nouerint vitam suam componere sacerdotes, in postremum tamen locum illud reieciimus: quoniam tunc facilius poterunt quæ de eo dicenda sunt capi, et ratio illorum plenius intelligi post illa quæ
de

NECESSARIA.

de ministerio docenda sunt. Iam verò vt hæc duo suo ordine dilucidè tractentur & seorsim, prius est nobis de quolibet eorum in genere & in vniuersum dicendum, vt deinde ad singula circa vnumquodq; doctrina progrediatur: vt videlicet in ipso limine totius huius ædificij formam quasi descriptam intueamur, & preguistemus quodammodo, libemusq; cuncta quæ latius postea sunt explicanda. Quanta itaq; & quarum rerum scientia ad tractanda ministeria sacerdotalia opus sit, est in hoc principio ante oculos proponendum. Quod vt morem docendi sequentes faciamus, statuatur in primis nobis hæc certissima & vniuersalis propositio, omnium, quæ circa hoc dicenda sunt fundamentum.

Quanta & quarum rerum scientia necessaria sit sacerdoti.

Tenetur quilibet ordinem aliquem aut gradum in Ecclesia habens scire quæ necessaria sunt ad ritè exercendos sui ordinis actus. Hæc propositio certissima ratione constat. Nec enim sine ratione dirigere humanus aliquis actus fieri potest, nec ratio rectè dirigere nisi per scientiam instructa: qui igitur caret scientia eorum quæ operatur, quid aliud quàm temerarius & stultus est? Hæc etiam vtuntur omnes qui de hac re loquuntur tanquam certissimo fundamento: nostri quidem Theologi in distinctione 24. quarti Sententiarum: vbi b. Thomas questione 1. articulo 3. illam asserit. Periti etiam Canonum in 36. distinctione decreti, & nonnullis sequentibus: & Titulo de ætate & qualitate ordinandorum in Decretalibus. Vt verò ex ea quæ proposita inquisitioni conueniant deducamus, constituatur etiam altera propositio certissima de gradu atq; ordine sacerdotum in Ecclesia.

Prima propositio.

Sacerdotum simplicium gradus in Ecclesia à Christo domino Secunda propositio. in septuaginta duobus discipulis designatus est, cum potestate proculdubio in corpus Christi verum consecrandum, & clauium Quem gradum etiam in mysticum, non tamen cum plena & perfecta animarum & quam potestatem, sed vt sub Episcopis in eorum adiutorium, prout illi præscripserint, sui ordinis actus exerceant, siue animarum aliquam spe habeant simplicialem curam habeant, siue non. Atq; ita in Ecclesia hic sacces sacerdotum ordo & gradus ab Apostolis vsq; ad nos perseverat, vt res in Ecclesiæ antiquorum testimonio, & præsentis obseruatione constat. Hæc sciamus, id quod est semper præ oculis habendum. Et certè cum nihil tranquillitati Ecclesiæ magis conducatur, quàm vt quilibet gradum suum teneat, vt Paulus ad Rom. & in priori ad Corint. docet, val-

Cap. 12.
Cap. 12.

B de pro-

DE SCIENTIA SACERDOTIBVS

de profuente vt quisq; suum noscat gradum, & illum teneat. Ad hoc igitur probandum sufficiat auctoritas Anacleti, Apostoli Petri discipuli & successoris, vel Clementis, vel ipsius Petri secundum alios, coadiutoris. Hic enim in epistola 3. de ecclesiasticis gradibus: Sacerdotum, inquit, fratres, ordo bipartitus est, & sicut Dominus illum constituit, à nullo debet perturbari: & hoc explicans tandem: Episcopi, inquit, Apostolorum, Presbyteri quoq; 71. discipulorum locum tenent. Illam etiam Dionysius Areopagita Pauli discipulus in 6. cap. Ecclie. hierarch. aperte assentit, tres gradus ministrorum distinguens: Diaconorum, scilicet, Presbyterorum, & Episcoporum. Primus tribuit purgare, presbyteris illuminare, perficere Episcopis. Vbi aperte distinguit hos gradus, & sub Episcopis collocat presbyteros: & per totum illū librum in sacramentis omnibus, & actibus episcopalibus sacerdotes inferiores astantes Episcopis inducit. Hoc deniq; ostendit quod Paulus Timotheo dicit: Presbyteri qui bene præfunt duplici honore digni sunt. Vbi inter reliquos Ecclesiæ gradus, quos sub Episcopi dispensatione collocat, presbyterorum etiam meminit. Quamquam nonnunquam aliter in antiquorum Patrum dictis scriptum inueniatur, & aliquando fortè factum in penuria illa ministroꝝ primitiæ Ecclesiæ, & summa omnium modestia, vt idem vel diceretur vel esset Presbyter & Episcopus, cum Episcopi nullos sub se presbyteros haberent, nullusq; alteri aut præesse cuperet, aut grauaretur subesse, de quo tamen alibi latius dicendum. Habet itaque Episcopus hoc modo presbyteros sub se, siue in parochijs constitutos & curam gerentes animarum secundum præfixam sibi à Canonibus regulam, siue ad alia sacerdotalia opera destinatos, vt ad docendum, atque hæc aut alia agendum. Ipse tamen simpliciter & perfecte curam habet animarum: ipse sponsus est Ecclesiæ, alij amici & adiutores: quamquam habeant curati ordinariam potestatem, quod etiam ostendit perpetua illa dependentia presbyterorum ab Episcopis. Nam & ab ipsis ordinantur, & ordinati non omnia sacramenta administrant, nec omnes peragunt ecclesiasticos actus: & in ijs sacramentis & actibus, qui sibi permisi sunt ab Episcopo, is dependet. Nam sine vestibus & valis ab eis consecratis non celebrant, neq; Baptismū conferunt sine oleo ab ipsis consecrato, & in ipso sacramento Pœnitentiæ quædam sibi reseruant Episcopi. Quibus

bus omnibus aperte ostenditur hæc presbyterorum sub Episcopis ordinatio, quam illi libenter suscipere, & de ea sibi congratulari merito debent, quod per hanc eis multo minor cura incumbit, & minor ab eis exigenda sit ratio.

Ex hac igitur tam manifestè fundata ppositione & pcedenz *Quid sacer-*
ti iam in speciali quid scire teneatur Sacerdos inferamus: id quod dotè in spe-
pmissa distinctione, quam beatus Thomas in illo loco quarti ciali oportet
sentent. suprâ citato posuit, faciemus. Nam sacerdotes possunt at scire.
vñ tantum potestate consecrandi, quam habent supra corpus
Christi verum, cum scilicet nullum alium actum sui ordinis ex-
ercere volunt, sicut multi monachorum ad hoc tantum ordinan-
tur vt celebrent, & diuina peragant officia: possunt etiam vñ om-
nia sua potestate in omnium sacramentorum ipsis permissorum
administratione, & animarum cura, siue ordinaria, siue delega-
ta. Qua distinctione pmissa, tria inferimus ex supradictis
probata.

Primum. Qui tantum ad celebrandū ordinantur, siue hūc tan-
tum exercent actum sacerdotij, et ad hunc tantum astricti volunt
esse, satis est vt habeant scientiam integritatis et vsus huius sacra-
menti, et cæterorum quæ ad illud peragendum necessaria sunt.
Ita b. Tho. supradictō loco et aperte ex dictis inferitur.

Secundum. Qui omnes sacerdotales actus exercere vult in *Que scire de-*
Ecclesia, aut curam animarum habere, tenetur scire sequentia: beat sacer-
Primò quæ ad integritatem et vsum sacramentorum pertinent, dos curam
eorum præcipue quæ administrat. Secundò, discernere mortalia animarum
peccata à venialibus, leuiora à grauioribus. Tertiò, mederi in-
firmitatibus animarum. Quarto deniq; doctrinam fidei et mo-
rum communem, et necessariam populo. Hæc aperte ex supra-
dictis sequuntur: quoniam hæc ad illos actus pertinent, quos
ex officio suo exercent sacerdotes, maximè animarum curam
habentes. Et primum quidem de sacramentis quæ admini-
strant, probat primum illud quod diximus de necessaria scientia
eorum quæ ab vnoquoq; exercentur. Duo verò reliqua ex eodem
inferuntur. Nam sacramentum poenitentiae sine his administrari
non potest: et de discretionem quidem peccatorum apertum est:
de medendi verò ratione Canon ille Concilij Lateranensis sub
Innocentio tertio: Omnis vtriusque sexus, pbat. Sacerdos, inquit,
se discretus et cautus, vt more periti medici superinfundat vinum

DE SCIENTIA SACERDOTIB.

& oleum, diligenter inquirens & peccatoris circūstantias & peccati, ex quibus prudenter intelligat quale debeat ei præbere consilium, & cuiusmodi remedium adhibere, diuersis experimentis vtendo ad sanandum ægrotum. Quæ verba sunt diligenter sacerdotibus consideranda. Quartum verò patet etiam: quoniam ad docendum populum tenetur parochus: nec sine quotidiano pane doctrinæ diutius possunt animæ viuere.

Sacerdotes Tertium igitur, quo iam terribiles præcedenti doctrina consoles inferiores nō mur, id est. Quod hæc, quæ dicta sunt, non tenentur plenè & intendere per se, sed quatenus inferiores nosse, ita scilicet, vt difficiliora dubia possent scire ea sunt soluere, sed quantum sibi ab Episcopo traditum, & quantum quæ illis necessitas est ad ea quæ communiter accidunt iudicanda, & maiora necessaria sunt.

dubia Episcopis & maioribus referenda. Hoc apertè ex secunda illa propositione sequitur, quæ ostendit proprium gradum sacerdotis, qui est proculdubio Episcopo subditum esse, & ab eo dirigere: ex quo multum consulitur infirmitati humanæ. Nec enim possunt omnes perfectè docti esse: & consulitur bene Ecclesiæ per maiorum, Episcoporum scilicet, plenam rerum necessariorum scientiam, ad quos inferiores gradus semper reuertuntur, & pro temporum & negotiorum necessitatibus ab eis instruuntur. Hinc Gerson Cancellarius Parisiensis inter quasdam considerationes de statu Curatorum inquit, facili studio posse Curatos scire necessaria sibi. Et in Concilio Toletano 4. Cap. 25. ita dicitur: Presbyteri cum ordinantur in parochijs, libellum officialem ab Episcopo accipiant, vt instructi accedant. Concilium etiam generale

Episcopi per sub Innocentio 3. Episcopis præcipit, vt sacerdotes diligenter se aut alios instruunt & informant per se, vel per viros idoneos super diuinis idoneos de officijs & Ecclesiasticis sacramentis. Sic habes de qualitate & bene sacerdotum ordinandorum in Decretalibus in cap. Cum sit ars artium. Ex his quidem apertè patet Episcopos ad hoc teneri: & certè iuxta hæc Concilia deberet semper apud Episcopos de his rebus conueniens tradi doctrina: quod Dei gratia iam hic videmus: alij sibi prospiciant. Ceterum si illi negligentes fuerint, non putent sacerdotes se ideo excusatos esse: nulla enim ratione excusari potest, qui necessaria suo ordini non curat discere. Ceterum Dionys. Carthusiensi libro de vita Curatorum, quem librum ideo citamus, quoniam de hac quæ tradimus doctrina diligenter scriptus est, & merito ab his quos nunc docemus legendus, ille igitur ibi Art. 8. citatis quibusdam

quibusdam alijs, maxime primo capite Dist. 38. quod est in Concilio illo Toletano 4. & altero eadem dist. quod ibi tribuitur Augustino, sed non puto illius esse, verum ex diuersis ab aliquo collectum, incipit verò: Quæ ipsis sacerdotibus necessaria sunt &c. indicat assiduo studio illis opus esse, vt scilicet Homelias quæ per circulum anni conueniunt, Canones pœnitentiales, Psalterium, & quædam alia, quæ ibi referuntur, frequenter legant, & in illis verentur: & quanquam illa, quæ ex Decreto adducit, magis ad Episcopos pertineant, non tamen dubium esse debet etiam parochos teneri ad exhortandum populum, & admonendum de necessarijs ad salutem, & ad arguendum eorum vitia, quod sine scientia eorum quæ in his communia sunt, fieri non potest. Nos itaq; putamus nullum debere verbis illis Gersonis ita adherere, vt putet modico aut nullo studio posse satisfieri sacerdotali officio: sed opus est certè lectione assidua vtilium & moralium Doctorum, non tamen inquisitione rerum difficilium & arduarum, quod putamus Gersonem sensisse. Nam non est parum, posse mederi animabus pro diuersitate infirmitatum, sed necesse est Scripturæ & Patrum lectione, & exercitio etiam virtutum, & oratione, & interrogatione frequenti maiorum & exercitatorum hæc inquiri, quod nunc satis esse debet propositæ inquisitioni.

LECTIO TERTIA.

De scientia eorum quæ ad mores & vitam pertinent in genere.



Via igitur quid circa ministeria sua scire tenentur sacerdotes dictum est, agè iam et de his quæ circa vitam et mores suos agnoscere debent in genere nunc dicamus. Quamquam igitur de hac, quæ ad vitam sacerdotum pertinet, scientia multa merito dici possunt, breuiter tamen ad tria omnia tria sunt fac-
reducemus. Primum, quod in ingressu accessusq; cerdotibus
ad sacerdotale ordinem maxime obseruandum est, scilicet rectitudo necessaria.
Intentionis, et præsumptionis repressio. Secundum, quod in ipsa
B iij. execu-

DE SCIENT. EORVM QVAE AD VITAM

executione & exercitio ordinum præcipue est considerandum, mundicia cordis, & ab omni, maxime mortali peccato perpetua animæ præseruatio. Tertiū deniq; qd sequatur iam hæc omnia, & vltimò curetur, est infirmitatis pprie et impfectiōis vera cognitio.

Hæc tria tradit nobis sanctissimus ille pontifex Gregorius in libro suo Curæ pastoralis, quem omnibus de hac materia scriptis, quos videmus, meritò præponimus, & iudicamus primò omnium legendum esse diligenter à cunctis qui cupiunt institui rectè ad sacerdotalia officia. Ille igitur statim in principio quatuor consideranda proponit, quæ quatuor partibus illius libri pertractat: in quibus, quamuis præcipue de Episcopis loquatur, tamen ceteros etiam instruit. Ex illis igitur vnum ad eam pertinet scientiam, de qua superiori lectione diximus: reliqua tria ad eam de qua nunc agimus morum scientiam. Sed ipsum iam audiamus. Ad culmen, inquit, regiminis considerandum est qualiter quis veniat. En primum, de accessu scilicet & ingressu. Sequitur: Et rectè veniens qualiter viuat: hoc est secundum, de mundicia scilicet vitæ in sacerdotum ordinum exercitatione. Addit: Et bene viuēs qualiter doceat: hoc ad scientiam de qua dictum est pertinet. Sequitur quartum. Et rectè docens infirmitatem suam quanta consideratione cognoscat: de quibus certè sufficeret, si rectè expenderetur supradicti libri lectio. Verum vt imbecillioribus consulamus, illum sequentes, conabimur quædam fusius & hic, & in singulorum tractatione explicare. In accessu igitur ad sacerdotium meritò rectitudo intentionis primò seruanda est, nam hæc in omnibus bonis operibus necessaria est, sine qua nullum est bonum opus. Recte verò intentioni tria opponuntur: intentio videlicet mala, præposita siue inordinata, subdola & fallax: quæ b. Gregorius eo loco ostendit, de quibus breuiter sequentia notentur.

Primum. Intentio mala, cum scilicet intentione mali alicuius consequendi ad sacerdotium acceditur, non solum ipsam sacerdotij susceptionem malam reddit & sacrilegam, sed proculdubio omnia sequentia opera maculat, quousq; tandem illa purgetur & in melius commutetur. De hac exponit Augustinus illud Evangelij: Si oculus tuus fuerit nequam, totum corpus tuum tenebrosum erit. Meritò enim intentio oculus dicitur, quod illa cetera omnia dirigat, in ipsum scopum & finem operis considerans & intuens.

Volenti initiari sacris recta intentio est necessaria.

Triplex intentio non recta volentis sacris initiari

Mathei 6.

Secun-

ET MORES SACERD. PERTINENT. 3

Secundum. Intentio præpostera in sacerdotij susceptione, & maxime in animarum cura subeunda, cum scilicet propter honorem gradus, vel temporalium aut abundantiam aut sufficientiam sacerdotium suscipitur. Est autem hoc mortale et graue peccatum, aut certe illi proximum, & in apertum periculum & discrimen salutis trahens hominem. Hoc beatus Gregorius 1. cap. illius libri satis ostendit, & specialius probat b. Thomas in quæstio: 185. art. 1. secunda secundæ de Episcopatu quidem loquens, sed est eadem ratio in cæteris: ad quod sufficere debent Euangelij illa loca, in quibus appetitus iste reprehenditur: Amant primos acubitus in cænis, & primas cathedras in Synagogis. Est etiam ad hoc apertissima ratio. Nam finis proculdubio proponitur medijs, & præ illis amatur, nec plus queritur in medijs quam quod finis sufficiat. Qui igitur sacerdos fit ob honorem aut diuitias, primò magis illas amat quam spiritualia, quæ summa peruehitas est, et proculdubio mortalis: et necesse est, ut honore vel diuitijs acquisitis contemnat alia. Non hic damnamus mortalis peccati omnes motus humanæ infirmitatis. In his enim, modò deliberatio voluntatis non adiungatur, magis sunt necessitatis cuiusdam humanæ lapsus, sine quibus vix viuatur etiam à sanctis, quam grauià peccata. Cæterum si quis dixerit fieri posse, ut ita aliquis voluntate certa et deliberata propter diuitias aut honorem sacerdos fiat, proponens tamen implere quæ necessaria sunt sacerdotalis ordinis, atque ideo fortassis hic non mortaliter peccabit, nec illa finis essent dicenda sacerdotij, sed magis mouentia atque excitantia animum, non contradicimus, nec anxie volumus peccati mortalis damnare semper, aut iudicare intentionis humanæ cultum, maxime proximorum, cum nec Paulus propiæ conscientie secreta iudicet. Satis sit ut hoc intelligamus fugiendum, et quanto quis longius ab hoc appetitu fuerit, tanto purius se putet accedere: et quanto propius huic adhæserit, tantum intelligat se et à dignitate sacerdotij alienum, et in eo gradu versari cum discrimine salutis, qui cum sanctus sit, non nisi sanctè suscipiendus est.

Tertium. Subdola et fallax intentio, de qua Gregor. 9. cap. primi illius libri inquit, q. mens quandoq; sibip si mentitur, et de bono opere fingit se amare quod non amat, non minus peccatū est, quam ipsa mala, aut præpostera intēti, sed graui⁹ et periculōsus

Mathzi 23.

DE SCIENTIA EORVM QVAE AD VITAM

fius propter fallaciam et dolum, quo Deus maximè offenditur, et si non irridetur, ut Paulus inquit, et homo sibi se maximè abscondit, cum speciem prætendit sanctitatis. Est itaq; hoc fugiendum
2. Timoth. 3. nouissimorum temporum malum, ut Paulus admonet: Instabunt tempora periculosa: erunt homines amantes seipsos, cupidi, elati, et post cætera inquit: Speciem quidem sanctitatis habentes, virtutem autem eius abnegantes. Quod valde pertimescendum est, et curandum, ne intentio sit dupla et fallax, sed simplex. Hoc est enim illud Euangelij: Si oculus tuus fuerit simplex etc. Vnum aspiciamus, in illud tendamus, Deum scilicet: reliqua adijcientur, inquit Christus in Euangelio. Id non perfunctoriè fiat et in specie tantum, sed discutiatur intentio nostra, ne nobis contineat illud Euangelij: Si lumen quod in te est tenebræ sunt, ipsæ tenebræ quantæ erunt? Lumen intentio esse deberet: si illa est obscura, omnia erunt tenebræ Non desunt signa unde intentio agnoscipossit, cum se conatur abscondere, de quibus aliàs. Nunc satis sit illud Fulgentij in Homelia de Confessoribus sanctè & eleganter dictum: Vis nosse vbi est thesaurus tuus? attende quid ames: vis nosse quid amas? attende quid cogites: hoc est enim: vbi est thesaurus tuus, ibi est et cor tuum. Hæc de intentione. Iam de præsumptione fugienda dicendum, de qua hæc certa statuatur propositio.

Sacerdotium cum animarum curatio sine præsumptione graui et periculosa appeti potest. Hanc et Gregorius eo libro, et
Præsumptuosum et periculosum appetere curam animarum, b. Thomas supradicto art. probant: et plena est scriptura sacra, et ostendit. Id enim quod sine magno adiutorio diuinæ gratiæ, et sine magno munere sanctitatis, et charitatis fieri rectè non potest; à nullo est aggrediendum, nisi cui imponitur: talis verò est cura animarum. Est itaq; in his quæ imposita suscipienda sunt propter charitatem et obedientiam, non verò ambienda. Quod illud Pauli apertissimè testatur: Nemo sibi assumat honorem, sed qui vocatur à Deo tanq; Aaron: sic et Christus non semetipsum clarificauit ut pōtiffex fieret. Quem nō hoc verbū et exemplū Christi deterreat? Inueniri fortè poterunt casus, vbi vel propter necessitatem, vel charitatem hoc appeteretur, sed nos certè id rarò putamus fieri posse iuxta patrum doctrinam. Est itaq; hic appetitus regulariter mortale peccatum; appetitus inquam firmus, deliberatus, et certus,

ET MORES SACERDOT. PERTINENT. 9

certus, quo hæc quærentur, petuntur, & exiguntur. Cum verò hæc desideria insurgentia comprimuntur, aut certe superioris regulæ subijciuntur, nihilq; agitur vt ille trahatur, vel vt aliter quàm iuste operetur, infirmitates sunt humanæ, fugiendæ tamen. Hæc itaq; pertinent ad ingressum sacerdotij. Iam de his quæ ad exercitationem spectant.

Diximus magnam mundiciam & puritatem vitæ necessariam in executione Sacerdotij: id iam explicandum. Sanctitas ministeriorum & actuum sacerdotalium requirit proculdubio sanctitatem in ministro. Sunt enim illa talia vt nec pollui possint nec violari: sed qui immundus illa exercet, quantum in ipso est contaminat. Quare inquit Dionys. 1. Cap. Ecclesi. Hierar. immundis nec tangere symbola fas esse: vocat verò symbola sacramenta. Imò & Deum ipsum irridere & contemnere dicit in Epistola ad Demophilum, qui talia agit. Maledicam, inquit Dominus per Prophetam, benedictionibus vestris. Orationes enim, & reliqua immundorum Sacerdotum opera, quantum ex illis est, magis iram prouocant, vt Gregorius etiam dicit. Vbi considerandum posteriores doctores, qui specialia magis tractant de hac re, diuersimodè locutos esse. Sunt qui putent eum qui in peccato exercet actus quoscunque ministerij Ecclesiastici, videlicet ordinis, etiam cuiuscunq; minoris ordinis, aut certe Iurisdictionis, mortaliter peccare: quod b. Thom. in 4. dicit, & alij etiam locis: quod certe satis rationi videretur consonum: exhibet enim se Christi & Ecclesiæ ministrum qui actus illos exercet: vnde se illi non conformans quantum in se est proculdubio eis infert contumeliam, & aufert etiam, quantum in ipso est, non modicum fructum animabus ipsis quem ex eius deuotione consequi possent. Iuxta quam sententiam, qui in peccato mortali est, & persoluit diuinum officium, aut Sacramentum quodcunque confert, immò duntaxat contingit, & deniq; cuiuscunq; ordinis actum, vt minister, exercet, peccat mortaliter: sicut etiam prælatus aut corrigens aut puniens subditum. Alij verò, quibus nimis videtur hoc durum, tunc duntaxat putant mortaliter peccari à ministro, cum Sacramenta dispensat, aut proprium aliquem actum sacro deputatum Ordini exercet vt minister. Et hoc b. Thomas aperte asserit, iam doctior effectus, in tertia parte summæ. Itaq; multi secundum hunc modum excipiendi sunt actus, in quibus non pecca-

Quanta mundicia et puritas vitæ necessaria in executione Sacerdotij.

Malach. 2.

dist. 5. q. 2.
art. 1. et dist.
24. q. 1. art. 3

DE SCIEN. EORVM QVAE AD VITAM

tur ab immundo. Secundum tamen omnes (quod certissimum esse debet) in omni administratione Sacramenti siue contactu, qui proprius est ministris, peccat mortaliter immundus. Vnde & prædicans, & Baptifans cum solemnitate, vel tantum gestans venerabile sacramentum, grauissimo sacrilegio peccat, non verò Baptifans in necessitate vt priuatus: de quo latiù aliàs dicendum, sed nunc proposito hoc satis sit. Iam ex hoc ita colligamus. Si hæc in peccato exercere peccatum est, ad quæ tamen exercenda semper paratus debet esse sacerdos, maximè curatus, & frequentissimè occurrunt casus in quibus facienda sunt, grauissimum est periculum existentium in peccato. Itaque dicamus hic, quod Siricius Papa & Innocentius eodem ore dicunt: Si Sacerdotes veteris legis, cum illa ministeria exercebant, & à consortio vxorum, & ab omni cura rei familiaris sequestrati in templo permanebat: quid Sacerdotes nouæ legis acturi sunt, qui sua ministeria nunquam non exercent? Si Paulus ijs qui iuncti sunt matrimonio indicit ad tempus continentiam, vt orationi vacent: quales illi esse debent, quibus pro tota Ecclesia semper orandum est? Lutherani detestantur hos duos pontifices sanctissimos, quos dicunt hac ratione legem celibatus indixisse: sed mentiuntur planè. Extant ante ipsos apertissima testimonia conciliorum & doctorum, ab ipsis etiam Apostolis, de hac lege celibatus indicta: de qua re, quia postea dicturi sumus, nunc hoc assumamus, proposito nostro conueniens: quàm debeant à peccatis mortalibus immunes esse Sacerdotes, quos etiam ab aliò qui licitis sancti illi Pontifices, immò tam aperta ratio docet meritò abstinere. Huc pertinent cuncta illa, quæ in sacris Concilijs & Canonibus Sacerdotibus vel interdiciuntur, vel præcipiuntur ad splendorem sui ordinis dignè seruandum: quæ etiam tenentur & scire & seruare, vt in speciali postea dicendum est.

Iam ad Tertium, quod vltimò diximus requiri quasi post omnia Sacerdotij officia, propriæ scilicet infirmitatis diligens cir-

Quàm neces- cum spectio & certa cognitio. De hoc itaque vnum duntaxat ad-
sana sit sacer notemus: quòd cognitio imperfectionis & infirmitatis propriæ,
doti propriæ etsi omnibus Christianis summè necessaria sit, sacerdotibus ta-
men præ cæteris omnibus eo magis, quo maiora exercent in Ec-
clesia. Hoc b. Gregorius in 4. parte sui pastoralis, his maximè qui
& imperfe- tionis cog- docent obseruandum admonet; ne dum alijs, inquit, profunt, in-
nitio. de sub

Epistola 1.

cap. 71. Epi-

stola 2. c. 9.

& 3. c. 1.

1. ad Cor. 7.

ET MORES SACERDOT. PERTINENT. 19

de sibi noceant dum superbiunt. Nobis verò circa hæc, quò attentius considerentur, quandoquidem sunt omnibus valde necessaria, non nihil immorari libet. Quòd igitur omni Christiano summe sit necessaria propriæ infirmitatis cognitio, hinc patet: quoniam, quum reuera in multis offendamus omnes, & omnes iustitiæ nostræ vt pannus menstruatz sint, non aliud nobis est refugium, quàm in nostri humili cognitione. Quod Christus Dominus docet: Non est, inquit, opus medico valentibus, sed malè habentibus. Qui ergo suam non agnoscit infirmitatem, huic Christus non est medicus. Bene itaque admonent, qui nullam, quantumvis magnam virtutem dicunt sine vera cognitione imperfecti sui alicuius esse momenti apud Deum. Iam tanto hoc sacerdotibus magis conuenit, quanto propinquiore sunt Deo: Sanctificabor, inquit ipse, in his qui appropinquant mihi. Cæterum nulla, vt dictum est, sanctificatio præter hanc sui humilem cognitionem vera est. Merito itaque Paulus inquit de sacerdote: Quoniam & ipse circumdatus infirmitate: propterea debet sicut pro populo, ita & pro seipso offerre pro peccatis. Nihil magis in securitatem noxiam, & in timoris Dei obliuionem hominem ducit, quàm inter quotidiana sanctitatis officia infirmitatis suæ inconsideratio, propter quam assidue & quotidie celebrantes & orantes videmus, sicuti in psalmo est, Tanquam vulneratos dormientes in sepulchris, quorum non est memor amplius, & ipsi de manu tua repulsa sunt, traditos videlicet in reprobrium sensum & miserabilem tepiditatem. Hæc igitur sint nobis in hoc principio proposita quasi totius operis quædam insinuatio, & veluti lineamenta quædam quæ sequamur. Hoc enim toto opere agendum est, vt quæ diximus scienda esse sacerdotibus doceamus: idq; eo ipso ordine quo proposita sunt, iuxta quem in his quæ ad ministeria sacerdotalia pertinent (quæ primò docenda proposuimus) primum locum Sacramenta tenent, & merito quidem: nam circa hæc præcipue est tota sacerdotalis functio, imò & actiones ecclesiasticæ magna ex parte circa ea versantur. De his igitur iam agamus.

Mathæi 9.

Leuitici 10.

Hebræor. 5.

QUARTA LECTIO.

De cultu Dei in religione Christiana, origine, & partibus eius.

Sacramenta
ad Dei cultū
pertinent.



Sacramenta igitur hæc, quæ in Ecclesia traduntur & suscipiuntur sub rerum visibilium figuris, certum est ad cultum Dei pertinere, et reuera cultus quosdam esse proprios Christianæ Religionis, quemadmodum vñctiones illæ legis veteris, Baptismata, & Sacrificia ad cultum pertinebant illius temporis. Vt itaq;

sacramenta pienè agnoscamus, à cultu ipso incipiendum est: in quo non minima pars doctrinæ sacræ, et Christianæ vitæ versatur. Nec dubiū est in primis Christiano opus esse, vt quis sit verus Dei cultus, et in quibus rebus cōstituendus agnoscat. De hoc igitur vt, quàm perspicuè fieri à nobis potest, agamus, hoc statuatur vt certissimū quoddam fundamentū & basis eorum quæ dicēda sunt.

Religio et
Dei cult⁹ in-
ter illa ad q̃
iure naturali
sumus obli-
gati primum
locum tenet.

Inter ea ad quæ natura docet hominem iure ipso & ratione, qua homo est, obligatum esse (quæ sunt partes omnes iustitiæ, quibus & maioribus, & minoribus, atque æqualibus debita reddimus, ea scilicet, quæ nobis ipsis, natura etiam dicit, reddi volumus: vt Pietatem patriæ, Observantiam his qui virtute excellunt, Obedientiam principibus, & huiusmodi alia) certum est Religionem (virtutem scilicet, qua supremæ illi atq; diuinæ naturæ deferimus, eiq; nos ipsos subijcimus: quod cum facimus, ipsam colere dicimur) primum locum tenere: id quod et certissima ratio, et manifestissima experientia, atq; totius humani generis historia manifestat. Quis enim non videat primò omnium debitores esse omnes homines Deo? à quo scilicet princiipiū et originem habent: in quo viuimus, mouemur, et sumus: imò ex quo, et per quē omnia quæcūq; bona subsistunt: qui deniq; primum omnium bonorum causa? est summus pater, ex quo omnis paternitas: summus Dominus et Rex, per quem omnes regnant: summus benefactor, à quo omne bonum habemus, per quem-
cūq;

DE CVLTV DEI IN REL. CHRI.

cunque demum, aut quacunque ratione deriuetur. Vnde fit, vt quicquid honoris, obedientiæ, obseruantiz, gratitudinis cuiquam debetur, id maximè & primæ ratione Deo debeatur. Quis itaque non videt illum primò omnium colendum? quis non agnoscit primo bono & omnium bonorum fonti nos maximè deuinctos? Nec obfcuri solùm iure ipso quo creaturæ sumus eius, sed necessitate etiam continua donorum eius ita in hoc contineri officio, vt sicut nullum est tempus quo non illius indigeamus auxilijs & donis, ita nullum sit tempus in quo ad eum colendum nō admonemur. Nec nos solùm, sed inferiora hæc omnia, si ratione pol-lerent, Deum perpetuò colerent, sicut nunc absque omni ratione non aliud agunt, quàm vt eum à quo sunt perpetuò glorificent: de quo Psalmus inquit, cūm cœlestia & terrestria omnia ad Dei laudem excitat: Laudate, inquit, Dominum sol & luna, omnes stellæ, cœli cœlorum: quia ipse dixit & facta sunt, ipse mandauit & creata sunt: Et in fine tandem, non illius tantum, sed & duorum sequentium Psalmorum, qui de hac omnium creaturarum in Deum laude sunt: Omnis, inquit, spiritus, siue omne quod spirat, laudet Dominum: quod qualiter fiat, explicat alibi, cum inquit: Aperiente te manum tuam omnia implebuntur bonitate: Atque ideo prius dixerat: Omnia à te expectant vt des illis &c. Qui dat iumentis escam ipsorum, &c: Oculi omnium in te sperant Domine &c. Jam verò in historia seculorum omnium quid apertius, quàm bonorum & malorum, insipientium & sapientium perpetuus ille conatus colendi Deum? In scriptura quidem duo primi Adæ filij sacrificia offerunt, & Enos incepit inuocare Dominum: reliquos verò omnes illos Patriarchas & ante diluuium & post Noë, Abraham, & reliquos omnes primò omnium cultui Dei & sacrificijs constat fuisse intentos. In historia verò gentium quid celebrius, quàm cultus ille falsorum quidem, sed quos illi putabant veros Deos? Aded cordibus hominum infixæ est diuinitatis quædam cognitio & obseruantia, vt nescias quo pacto ardentiori quodam desiderio placendi Deo gentes omnes, quò magis errabant atque ei displicebant, eò instantius & quærebant quem colerent Deum, & multiplicabant cultus. Habemus huius in Scriptura sacra apertissima exempla: in libris Regum & Prophetarū: Deorum videlicet diuersarū gentiū, quos etiam sæpe Israëlitz ipsi coluerunt: contra quos tam frequentes sunt Prophetarū admoni-

Genesis 4.

DE CVLTV IN RELIG. CHRISTIANA,

Isa. 46. & 41. Hierem. 10. tiones Isaie maximè & Hieremiz. Et ex historia gentium Augustinus in libro de ciuitate Dei immensam Romanorum & aliarum gentium multitudinem Deorum colligit, & falsitatis conuincit: sicut Lactantius Firmianus lib. contra gentes: & Ciprianus Libro, & 12. & li. 4. quòd idola nō sint dii, & multi aliorum patrum, quibus opus fuit contra idololatriam disputare, abundè docent, & ex omnium gentium historia colligunt. Ex quibus omnibus satis ostenditur, quàm sit hoc cultus Dei desiderium infixum animis hominum, quantaq; Dei prouidentia id actum: vt scilicet boni, & qui eius munere veritatem agnouerunt, habeant fidei suæ certissimam testimonia: mali verò atq; impij, vt Paulus inquit, sint inexcusabiles: quia cum Deum cognouissent, non sicut Deum glorificauerunt.

Hæc est itaque origo diuini cultus, hoc verum eius principium: quod ideo pluribus verbis proposuimus, vt iam quanta inde necessaria cognitu deducantur consideremus. Primò igitur apertè ostenditur Religionem hanc, virtutem scilicet, qua Deo debitum, & nobis necessarium cultum ipsi reddimus, virtutem esse inter humanas omnes, quas scilicet natura nos docet, primam & supremam, iustitiæ partem, qua videlicet primo & summo debito, quod scilicet Deo debemus, satisfacimus: nisi quòd (quia nunquam huic satisfacere possumus, nec quantum debemus ita reddere, vt putemus nos functos officio) hoc esse illam integram & perfectam iustitiam non possumus dicere: Integram (inquam) & perfectam non esse dicimus, non quòd deficiat à perfecta ratione debiti, sed deficit certè à perfecta ratione reddendi: cum nec Deo quicquam reddere possimus quod ipsius non sit, quod non perfectus ipse habeat: vt meritò dictum sit in lib. Iob: Si iustè egeris, quid donabis ei? aut quid de manu tua accipiet? nec tandem à debito liberari. Est igitur Religio prima & summa iustitia, qua primo summoq; Deo quod debemus reddimus: sed non integra: quia nunquam satisfacimus: reddimus enim Deo (vt verum dicamus) non quantum debemus, sed quantum possumus, vt plurimum. Interim tamè hoc certò constet, non esse eam cum cæteris virtutibus confundendum: sed sicut pietatem, qua parentes & patriam colimus, ac obseruantia, obedientia, vel gratitudine separamus, & damus cuique suas partes, ita etiam hanc à cæteris separamus, & æctus atque opera eius similiter: quanquam fateamur religionem (quæ superior & excellior virtus est inter humanas) eas etiam mo-

uere.

ORIGINE ET PARTIBVS EIVS. 12

uere, eisque quodammodo imperare, dum ad finem suum, quem illa perpetuo intuetur, cultum videlicet reddendum Deo, illas ordinat, ut inferius latius ostendemus.

Vt itaque de Religione propriè & distinctè loquamur, quod maximè huic proposito necessarium est, duplices eius esse actus ex proximè dictis colligamus. Alij enim sunt proprij peculiareſque eius: illi scilicet, qui in nullum alium finem ordinantur quàm in colendum Deum, placandum scilicet, reuerendum, & similia: atque sola hac ratione laudabiles sunt, quòd in Dei honorem ordinati, nec aliud his queritur: qualia sunt adoratio, oblatio sacrificij, & similia. Alij verò communes illi cum alijs virtutibus, qui ratione contraria agnosci possunt. Cum enim aliud queritur, honestum quidem & rationi consonum, in virtutis opere, quàm Deum colere, etsi id demum in Dei honorem ordinetur, non Religionis proprius actus, sed alterius virtutis censendus est: sicut ieiunio & abstinentia propriè quidem mortificatio carnis queritur, sed cum hæc ordinantur in Dei gloriam, ipsa iam etià cultus quidam Dei sunt: Quomodo Aug. 10. de ciuitate Dei. & abstinentiam, & misericordiam, & denique omne bonum opus relatum in Deum sacrificium appellauit atque cultum: & in multis alijs locis sic loquitur: quod ex scriptura etiam sumitur, dicente Paulo de beneficentia: Talibus enim hostijs promeretur Deus. Ita igitur omnia virtutum opera Religioni tribuamus, ut non propterea propria illi sua negemus. Extenditur quidem ad reliquas omnes, & ad ipsas etiam propriè Christianas, quas Theologicas dicimus, Fidem scilicet, Spem, & Charitatem: in quibus Augustin. in Enchirid. ad Laurentium, cultum Dei propriè constituit, tanquam scilicet in vero fundamento: sed habet etiam sua propria opera, Fidem certè, Spem, & charitatem sequentia, & illis innixa, sine quibus nullus Dei verus cultus est.

Iam verò & proprij Religionis actus duplices etiam sunt: Alij enim interni: & hi quidem primi & præcipui, quibus scilicet mente tantum Deum colimus, subiicientes ei affectus, sensum, & quicquid præcipuum in nobis est, animum etiam ipsum. Hi enim cultus sunt quos Deus primò requirit, dicente Christo: Veri adoratores adorabunt Christum in spiritu & veritate. Spiritus est Deus, & eos qui adorant eum, in spiritu & veritate oportet adorare. Hos igitur interiores actus diligenter quidem b. Tho. in secundo

Actu religionis alij proprij, alij communes.

Cap. 6.

Ad heb. 13.

Actus proprij Religionis aut interni aut externi sunt.

Ioan. 4.

DE CVLTV DEI IN RELIG. CHRISTIANA

2. 1. 2. 3. et
83.

Primi interi-
ores et pro-
prij Religio-
nis actus
sunt Deuo-
tio et Oratio
ad Rom. 10.

Deutero. 10
et 30.

q. 84. vsque
ad 91.

Proprij ex-
teriores Re-
ligionis actus
qui.

cundo illo 2. partis summæ suæ libro certè magnæ utilitatis & doctrinæ, colligit certa ratione. Sunt enim hi Deuotio & Oratio. In quibus omnia quæ ad meditationem contèplationemq; spiri-
tualem cõpunctionem, gaudium spiritus, & eleuationē animi in Deum pertinent, clauduntur: & in primis fides, spes, & charitas. Vnde Deuotio omnis & Oratio, de quibus & August: in princi-
pio Enchiridij illud Pauli exposuit: Omnis qui inuocauerit no-
men Domini saluus erit: constituens inuocationē in spe & chari-
tate: nam fidē (inquit) mox ipse Paulus posuit ad inuocationem
necessariā: Quomodo, inquiens, inuocabunt in quem non credi-
derunt? Sint itaque primi interiores et proprij Religionis actus
Oratio et Deuotio: Sint Fides, Spes et Charitas, earū scilicet actus,
credere videlicet, sperare, et amare, non quidē proprij Religionis
actus, sed fundamentū illorum et finis: dicente Moise: Nunc Israel,
quid dominus deus tuus petit à te, nisi vt diligas dominum deum
tuum, ac seruias ei in toto corde tuo, et illi adhareas? ipse est enim
vita tua.

Post hos sunt externi actus atque opera in Dei reuerentiam et
cultum ordinata: quæ etsi præcedentibus minora, eorū tamen vir-
tute Deo grata, et necessaria nobis sunt: vt, videlicet, quādiu in hac
vita induti carne sumus, corporis etiam operibus seruiamus Deo,
et totū quod sumus referamus in ipsum. Proprij igitur exteriores
Religionis actus, vt supradicto loco colligit etiā b. Tho. sunt Ado-
ratio, motus videlicet corporis deū reuerentis: Sacrificij oblatio,
aliarumq; primitiarum & fructuum: Voti promissio: Iuramentū:
Adjuratio: diuinaq; laus. His enim omnibus Deum veneramus &
agnoscimus, reddimusq; illi debitam seruitutē. Reliqui verò actus
aliarum virtutum in hunc finem ordinati, vt mortificatio carnis,
& pietas in proximos, cultus quidem Dei sunt, nec minus ei grati
quam alij, cæterum cōmunes, nec religionis proprij: quod ea ma-
ximè ratione diligenter adnotamus, ne in his totam Religionem
collocatam putemus, credentes non alia sacrificia, non alios cul-
tus exigī à Deo, in lege præcipuē noua Christi, quā hæc aliarum
virtutum opera. Hoc reuera magna ex parte plurimi hereticorum
nostri temporis agunt, de quo inferius plura dicemus: nunc satis
sit ista adnotasse de partibus Religionis & diuini cultus, quæ ex
eius origine deducta esse constat.

Nunc ex eodem etiam principio intueamur quā manifestum fiat

ORIGINE ET PARTIBVS EIVS. 13

stum fiat in Ecclesia Christi verum & certissimum esse Dei cultū. Nec .n. fieri potest vt illa sit vera Ecclesia, in qua non verè, & iux- In Ecclesia
ta suam propriam certamq; voluntatē Deus colitur. Nec rursum Christi est ve-
credi vlla ratione potest, Christum Ecclesiā suam in re tam neces- nus et certus
saria & tam graui deseruisse : vt illi scilicet non certū cultum Dei Dei cultus.
traderet. Quid .n. sine eo boni esse potest ? Quomodo igitur Eccle-
siam illam quam dilexit, & pro qua semetipsum tradidit, lauans
eam lauacro aquæ in verbo vitæ, vt exhiberet illam sponsam sibi, Ephe. 5.
de qua dicit : Portæ inferi non præualebunt aduersus eam : & Mathxi 16.
Ego vobiscum sum vsq; ad consummationem seculi : cui promit Mathxi 18.
tit spiritum veritatis, qui maneat (inquit) vobiscum in æternum, Ioannis 14.
& docebit vos omnia, deserere potest Christus, vt circa cultum
errans & incerta vagetur ? Si Synagogam illam veterem : si ami-
cos omnes suos nunquam deseruit, sed in primis illis voluntatem
suam de se colendo ostēdit, & hoc præcipuū amoris sui erga illos
signum dedit, de quo Moyses inquit : Hæc est vestra sapientia & in- Deutero 4.
tellectus coram populis, vt audientes vniuersa præcepta hæc di-
cant. En populus sapiens & intelligens, gens magna &c. Et ibi-
dem : Quæ est enim alia gens sic inclyta, quæ habeat cæremonias,
iustaq; iudicia, & vniueriam legem, quam ego proponam hodie
ante oculos vestros ? Vnde & paulò antè dixit : Scitis q; docuerim
vos præcepta atq; iustitias, sicut mandauit mihi dominus : nulla
ratione dubitare permittimur hoc maximè Ecclesiæ suæ contulisse : idq;
ea præcipuè ratione, quòd, cum priora illa veteris legis ab-
stulerit, cum in Euangelio inquit : Non quod intrat per os &c. Et Mathxi 5.
cum velum templi scinderetur, necesse fuit vt eam instrueret
quales iam cultus vellent : nec enim sine cultu constare potest vlla
Religio, quanto minus Christiana ? quæ quòd verior est & firmitior,
eò necesse est vt & meliores, & certiores cultus habeat. Vt meritò
in hoc principio debeat nobis istud statutum esse : Duo hæc nulla
ratione separari posse, cultum scilicet verum Dei, & veram Eccle- Cultus verus
siam : sed necesse est alterum ex altero sequi : vt scilicet vbiunque Dei & vera
est vera Ecclesia Christi, ibi sit verus Dei cultus, in quo necesse est Ecclesia sepa-
veram Fidem, Spem, & Charitatem esse : & è contrario : Vbiq; tari nequeat.
est verus cultus, qui, vt diximus, maximè fide, spe, & charitate co-
stat, ibi sit vera Ecclesia. Qualiter verò, & quales tradiderit Chri-
stus Ecclesiæ suæ cultus, est diligentius considerandum.

LECTIO QUINTA.

De modo & ratione institutionis cultuum in religione Christiana.



Inquirendum igitur est diligenter quales cultus Christus dederit Ecclesie suae, qua ratione & modo illos instituerit. Quae certe consideratio in primis necessaria est semper quidem, sed nunc maximè, cum à nouatoribus & hæreticis omnia confunduntur et reuocantur in dubium: & quidem longum tractatum hoc exiget, si vniuersa quæ ad id pertinent explicanda forent: sed nos tantum cupimus quæ maximè necessaria sunt ad confirmandos animos infirmorum in vera vniõne & religione Catholice Ecclesie, idque quàm breuissimè fieri potest insinuare.

Cultus Ecclesie Christiane eius status tui debent respondere. Omnium itaque quæ circa hoc à nobis dici possunt, ex consideratione Ecclesie Christi, conditione videlicet & statu eius, atque gradu erga Deum sumenda est ratio. Nec enim dubitari potest Christum saluatorem nostrum, qui omnia ordinatissimè ita disponit, vt simul etiam firmissimè, iuxta conuenientem cuique naturæ rationem ea gubernet, hoc maximè erga Ecclesiam suam obseruasse, præcipueque in hac parte quæ ad cultum pertinet, & vt vidimus, præcipua est studiosè & Christianæ vitæ pars.

Ecclesie Christiane status & dignitas. Instituit igitur Saluator in Ecclesia sua, quam perfectissimam & instructissimam reddidit ad omne bonum opus, illos cultus, qui maximè conueniunt conditioni & statui eius: & instituit eos eo modo & ordine, quo maximè decebat Ecclesiam atque statum eius: vt in hac parte, & cæteris omnibus quæ ad Ecclesiam pertinent, apertè appareat, quòd ipsa sit vnica illa columba perfecta & immaculata, & summè à Christo dilecta. Habet hæc consideratio latissimum campum, & dignum multa attentione: sed fateamur nos impares esse & ad intelligendum, & ad explicandum ad plenum quod requirit hic locus. Satis igitur sit hoc ita proposuisse, & iam viam aperire volentibus hoc diutius considerare quanto

DE MODO ET RATIONE INSTITVT. 14

quanto enim quisque perspicacius viderit pulchritudinem, perfectionem, & magnitudinem Ecclesiæ: quanto attentius perspexerit quem apud Deum familiaritatis & beneuolentiæ gradum illa obtinet, & quo iure atque titulo, tanto melius agnoscere poterit qua ratione, quo iure & ordine ea sit gubernanda. Sed iam ad specialia descendendum.

Statum igitur Ecclesiæ Christi constat & altissimum, & perfectissimum esse: multo certe altiorem statu illo Synagogæ atque veteris populi: quanto videlicet altior est & propinquior filius patri quam seruus: quanto spiritus adoptionis & libertatis spiritui nati cum Symonis & seruitutis præstat. Itaque merito Paulus inquit: Iam non es seruus, sed filius: quod si filius, & hæres per Deum: & frequenter hunc locum inculcat quasi præcipuum: Non accepistis Romanorum. 8. spiritum seruitutis iterum in timore, sed spiritum adoptionis filiorum. Imò Christus ipse in suis Apostolis omnibus dignis fidelibus inquit: Iam non dicam vos seruos, sed amicos. Itaque hæc tanta Ecclesiæ erga Deum dignitas & altitudo merito à Dionysio Areopagitanis Hierarchi fit, ut proxime credat eam accedere ad ipsam beatitudinis perfectionem: ut videlicet quantum in hac vita & exilio, hoc est, quamdiu grauamur hoc mortali corpore, fieri potest: tantum Christiana perfectio appropinquat Deo: Atque ita mediam ponit Ecclesiam inter Synagogam illam & cælestem angelorum beatitudinem, superiorem scilicet illam, & huic quasi coniunctam & immediatam. Huic ergo statui tribuitur libertas spiritus, de qua Paulus inquit: In libertatem vocati estis. Et rursum: Vbi spiritus Domini, ibi libertas. Tribuitur etiam manifestatio & claritas, atque reuelatio mysteriorum: Reuelata (ait idem) facie gloriam Dei speculamur. Hæc enim filijs veraciter conueniunt: cum è contrario Legi veteri seruitus & obscuritas tribuatur: hæc enim duræ ceruicis poculo, & tempori illi conueniebant. Vnde sequitur imperfectio, & infantia quædam atque puerilitas in cognoscendis mysterijs, diuinæque voluntate rectè pensanda & sequenda, de quibus Paulus inquit: Cum essemus paruuli, sub elementis mundi huius eramus serui. Et rursum: Lex prædagogus noster fuit: sicut è contrario ex libertate illa spiritus & illustratione sequitur in Ecclesia & perfectio, & integritas sensuum, & operum:

Conferetur
status Eccle-
siae Christi-
tri quam
seruus: quanto
spiritus adoptionis &
libertatis spiritui
nati cum Sy-
monis & seruitutis
præstat. Itaque
merito Paulus
inquit: Iam non
es seruus, sed
filius: quod si
filius, & hæres
per Deum: &
frequenter
Galat. 4.
hunc locum
inculcat quasi
præcipuum: Non
accepistis Romanor.
8.
spiritum seruitutis
iterum in timore,
sed spiritum adoptionis
filiorum.
Imò Christus ipse
in suis Apostolis
omnibus dignis
fidelibus inquit:
Iam non dicam
vos seruos, sed
amicos. Itaque
hæc tanta Ecclesiæ
cap. 5. Eccle-
erga Deum dignitas
& altitudo merito
à Dionysio Areopag.
tan-
sialt. Hierar-
ti fit, ut proxime
credat eam accedere
ad ipsam beatitudinis
perfectionem: ut
videlicet quantum
in hac vita & exilio,
hoc est, quamdiu
grauamur hoc mortali
corpore, fieri potest:
tantum Christiana
perfectio appropinquat
Deo: Atque ita
mediam ponit Ecclesiam
inter Synagogam
illam & cælestem
angelorum beatitudinem,
superiorem scilicet
illam, & huic quasi
coniunctam & immedi-
atam. Huic ergo
statui tribuitur
libertas spiritus, de
qua Paulus inquit:
In libertatem vocati
estis. Et rursum:
Vbi spiritus Domini,
ibi libertas. Tribui-
tur etiam manifestatio
& claritas, atque
reuelatio mysteriorum:
Reuelata (ait idem)
facie gloriam Dei
speculamur. Hæc enim
filijs veraciter conueniunt:
cum è contrario Legi
veteri seruitus & obscuritas
tribuatur: hæc enim
duræ ceruicis poculo,
& tempori illi conueniebant.
Vnde sequitur
imperfectio, & infantia
quædam atque puerilitas
in cognoscendis
mysterijs, diuinæque
voluntate rectè
pensanda & sequenda,
de quibus Paulus inquit:
Cum essemus paruuli,
sub elementis mundi
huius eramus serui.
Et rursum: Lex
prædagogus noster
fuit: sicut è contrario
ex libertate illa spiritus
& illustratione
sequitur in Ecclesia
& perfectio, & integritas
sensuum, & operum:

DE MODO ET RATIONE INSTITVTIONIS

1. Corinth. 2. de quibus Paulus inquit: Nos spiritum Dei habemus, vt sciamus
 Roman. 8. quæ à Deo donata sunt nobis. Et: Quod impossibile erat Legi,
 in quo infirmabatur per carnem, Deus filium suum mittens in
 similitudinem carnis peccati, & de peccato damnauit peccatum,
 vt iustificatio Legis impleretur in nobis, qui non secundum car-
 nem ambulamus, sed secundum spiritum. Deniq; eoufq; extollit
 fideles, vt iam extra corpus quodammodo & mundum eos con-
 stituat: vos, inquit, in carne non estis, sed in spiritu: si tamen spi-
 ritus Christi habitat in vobis.

Ibidem

Hæc itaq; tanta perfectio Ecclesiæ sic conuenire cogitanda est
 ex ea parte qua in Christo regeneratur, & in eis qui in ea ad dig-
 num & perfectum peruenerunt statum, in spiritualibus scilicet il-
 lis viris, quibus meritò illud Pauli conuenit: In carne enim am-
 bulantes non secundum carnem militamus: & illud rursum:
 1. Corint. 10. Licet is qui foris est homo noster corrumpatur, tamen is qui in-
 2. ad Cor. 4. tus est renouatur de die in diem. & post pauca: Non contemplan-
 Ibidem tibus nobis quæ videntur, & denique: Cupio dissolui & esse cum
 Philip. 1. Christo. In his itaque sic cogitanda est Ecclesia perfecta & luci-
 Et si status. da, vt meminerimus esse etiam in illa infirmos adhuc paruulos,
 Ecclesiæ per- quibus idem Apostolus inquit: Tanquam paruulis in Christo lac
 fecti sit, iunt tamen in ea vobis potum dedi: quos et carnales vocat: Cum enim (inquit)
 etiam paruuli. sit inter vos zelus et contentio, nonne carnales estis? Quia enim
 1. Corint: 3. diuina bonitas præuidit non esse huius mortalitatis, vt omnes
 Ibidem perfecti sint in eodem sensu et scientia, hoc etiam voluit, vt non
 deesset nidus paruulis et lac in ipsa Ecclesia, neque continuè ab
 ea excluderetur qui non ad tantam perfectionem perueniret, sed
 potius hac ratione et illi, quos ipse ad perfectionem dignam per-
 duceret, haberent vnde sese deijcerent in aliorum infirmitate,
 et vnde proficerent, conferentes alijs auxilium: quorum vtrum-
 que Paulus pulchrè complexus est: Si præoccupatus fuerit, in-
 quiens, homo in aliquo delicto, vos qui spirituales estis huius-
 modi instruite in spiritu lenitatis, considerans teipsum, ne & tu
 tenteris. Denique & perfecti ipsi & spirituales, quanquam re-
 uera tales sunt, quia tamen adhuc peregrinantur à Deo, & sub
 corpore mortis huius sunt, ex ea parte etiam se agnoscunt &
 infirmos, & captiuos sub lege peccati, vt ipse Paulus clamat,
 Ego ipse mente seruo legi Dei, carne autem legi peccati. Ex qua
 videlicet

Galath: 6

videlicet seruitute clamat: Quis me liberabit à corpore mortis huius &c.

Hęc igitur sint nobis ante oculos proposita, vt deducamus iam ex eis quod ad institutionem cultus pertinet. Primò igitur certum est statui huic Ecclesię conuenire, vt interiores cultus deuotionis & orationis, fidei, spei, timoris & amoris in ea sint primi atq; præcipui, primòq; traditi, atque ideo diligentius & frequentius in ea explicentur & agnoscantur. Hinc enim Paul. legem ipsam Christianam legem fidei vocat, & à Lege factorum, quo nomine veterem Moisi vocat, discernit. Vbi est (inquit) gloriatio tua? Exclusa

Statui Eccles
fz conuenit
internos cul
tus primos
et præcipuos
esse.

Rom. 3.

est, ait: Per quam legem? non per legem factorum, sed per legem fidei. Quo quid aliud significatur, quàm in Ecclesia Christi interiora illa opera, fidei scilicet, magis quàm externa cogitanda esse & consideranda: de quibus & meritò illud ipsius Pauli à multis Patribus intelligitur, & quidem propriè: Exerce te ipsum ad pietatem: nam corporalis exercitatio ad modicum vtilis est: pietas autem ad omnia. Pietas enim ibi reuera propriè ad cultum ipsum Dei, quem religionem etiam dicimus, referri debet: quod vt appareat non tantum sensisse Apostolum, sed frequenter docuisse etiam.

1. Timoth. 4

Quid aliud sonat, quod tam diligenter ad Rom. docet circa discretionem ciborum & dierum veteris legis, atque circa modestiam non iudicandi neque contendendi de his, & libertate sequendi proprium sensum, quàm præcipuè interiorem cultum cogitandum esse? Vnde concludit tandem omnia hac Apostolica sententia: Non est regnum Dei esca & potus, sed iustitia et pax, et gaudium in spiritu sancto: qui enim in hoc seruit Christo, placet Deo, et probatus est hominibus. Denique huius se ipsum exemplum præbet: Cum enim (inquit) liber essem ex omnibus, omnium me seruum feci, vt omnes lucrificerem: Iudæis Iudæis: his qui sine lege erant, sine lege: Hęc quidem de corporeis et externis operibus. Cæterum quæ ille commendat omnibus, quæ desiderat et Deum precatur, satis explicat vltimis illis capitibus epistolæ ad Roma. 12. videlicet cap. et sequentibus: quibus consonant multa alia eius loca, in quibus non quidem omittit externa, sed vrget quidem diligenter, sic tamen vt ab interioribus illis emanent, illa exerceant atque excitent: Spiritu (inquit) seruantes, spe gaudentes, orationi instantes, charitatem fraternitatis diligentes (quæ maxime ad interiora pertinent) et deinde: In tribulatione patientes;

Cap. 14

1. Corin. 9

et deinde: In tribulatione patientes; et deinde: In necessitatibus

QVALES CVLTVS ET QVA RATIONE

necessitatibus sanctorum communicantes, hospitalitatem sectantes, & cætera, quæ ad externa. Lege deniq; Paulû: videbis quàm multus sit in exhortando ad orationem, ad gaudiû spirituale, ad omnia deniq; interna exercitia animæ: Gaudete, inquit, in domino semper: iterum dico gaudete, dominus propè est, nihil solliciti sitis: sed in omni oratione & obsecratione cum gratiarum actione orationes vestræ innotescant apud Deum, & pax Dei, quæ exuperat omnem sensum &c. Patet itaq; quem locû interiores cultus habeant in Ecclesia, & quàm propinè eius perfectioni conueniant.

Exteriores Verùm ex eodem, non esse omittendos exteriores cultus, sed cultus in nobis diligentissimè etiam curandos, manifestè deducitur. Quia enim qua lege minimè esse negligendos. Quam est, ut magis implicati & constricti sumus corporeis rebus, quarum memoria & affectu tam frequenter tenemur, necesse est nobis corporis ipsius & corporearum rerum ministerio & auxilio ad spiritualia vti. Musica legimus excitatum Prophetæ animum & eleuatum ad percipiendas diuinas reuelationes: Et in Psalmis frequenter legimus: Cor, inquit, meum, & caro mea exultauerunt in Deum viuum. Et rursum: Sicut adipe & pinguedine repleatur anima mea, & labijs exultationis laudabit os meum. Exteriores itaque cultus, quia ob hanc carnem quam gestamus necessarii sunt, minus proculdubio perfectis illis & spiritualibus necessarii erunt quàm infirmis & paruulis, quos in Ecclesia diximus esse. Interim tamen vtrisque conueniunt vel hac maxime ratione, ut inter se conueniant & conuiuant. Quia enim interiora illa abscondita sunt & soli Deo cognita, oportet verò ut nobis ipsis inuicem innotescamus, & fidem ipsam, interioraq; secundum quæ conuenire nos oportet in religione; manifestemus nobis inuicem, quod fieri non potest nisi exterioribus operibus, ritibus scilicet & cæremonijs conueniamus. Vnde Paulus cum de vnitate loquitur: Vna, inquit, fides, & vnum, ait, baptisma: quorum vnum ad interiora, secundum ad exteriora pertinet. Quod ibidem etiam magis ostendit: Sicut vocati (inquit) estis in vna spe vocationis vestræ: vnum corpus & vnus spiritus. Hinc est enim illa decantatissima Augustini autoritas contra Faustum, vbi impletis veteris legis sacramentis, atque ideo

4. Regû 3.

Psalmo 83.

Psalmo 63.

Externi cultus magis

necessarii sunt

paruulis &

infirmis q̃

perfectis,

vtrisque ta-

men com-

munes sunt.

Ephes. 4.

Lib. 19. c. 11

tra Faustum, vbi impletis veteris legis sacramentis, atque ideo ablatis,

ablatis, probat necessaria esse alia in noua lege : In nullum (inquiens) religionis nomen, seu verum seu falsum, coagulari homines possunt, nisi aliquo signaculorum vel sacramentorum visibilibus consortio colligentur: quorum sacramentorum (inquit) vis inenarrabiliter valet plurimum : & ideo contempta sacrilegos facit. Impie enim contemnitur, sine qua non potest perfici pietas.

Institui itaq; necesse est externos cultus in Ecclesia, sed qui illi conueniant, hoc est. perfectioni & libertati eius. Quare non multos, vt in lege veteri: nō grates & molestos, sed paucos, & facillimos, qui videlicet libertati conueniant filiorum, & suauitati Christianæ legis. Quod Augustinus diligenter considerans libro illo contra Faustum de institutione sacramentorum nouæ legis, reiectis illis quæ in veteri erant. Instituta (inquit) sunt alia, virtute maiora, vtilitate meliora, actu facilia, numero pauciora, tantquam iustitia fidei reuelata, & vocatis filiis in libertatem, iugo seruitutis ablato, quod duro & carni dedito populo conueniebat. Vides itaque qualiter Augustinus ex libertate filiorum, & manifestatione iustitiæ fidei ostendat, qualia debeant esse externa Sacramenta. Vbi obserua quatuor digna consideratione, quæ nouæ legis sacramentis & cultibus tribuit August : vt scilicet sint pauca, facilia, vtilia, virtuteq; maxima. Quod & alijs locis diligenter docet, præcipuè lib. de doctrina Christiana: qui locus nō est hic omitendus: vbi & quædam addidit valde huic proposito conuenientia. Loquens enim de libertate Christianæ legis, Nec eorum (inquit) signorum, quæ iam intelligimus, operatione graui onerati sumus, sed quedam pauca pro multis, eademq; factu facillima, intellectu augustissima, & obseruatione castissima dominus & Apostolica tradit doctrina: sicut est Baptismus, & celebratio corporis domini. Idem etiam diligenter repetit in epistola prima ad Ianuarium, & tanquam principium quoddam constituit eorum quæ ad cultum pertinent. Primo itaque (ait) tenere te volo quod est huius disputationis caput Dominum nostrum Iesum Christū, sicut ipse in Euangelio loquitur, leui iugo nos subdidisse & sarcinæ leui: vnde sacramentis numero paucissimis, obseruatione facillimis, significatione præstatis, societatem noui populi colligauit. Hæc itaq; de internis & externis cultibus, atque ratione, qua in Ecclesia institui debuerunt, sint dicta: quæ verò de hoc reliqua sunt, sequenti loco consideremus,

Cultus externos in noua lege conueniebat esse paucos, faciles, & magnæ virtutis.

19. cap. 13.

Lib. 3. cap. 9.

Epistol. 118

LE-

LECTIO SEXTA.

De eadem re.



Vos oportuit in Ecclesia institui cultus in genere quidem proximè dictum est, nunc restabat vt ad speciales cultus progredieremur: sed prius est attentè considerandum, quomodo hi cultus instituti sunt: quibus scilicet legibus, præceptis, præmijs, vel pœnis: id quod etiam ex statu Ecclesiæ et perfectione eius deducen-

dum est. Sicut enim alia conueniunt filijs, alia seruis, alia pueris, alia viris, alia rudibus, alia perspicacibus: ita etiam et alia ratione hi docendi sunt et gubernandi, quàm illi. Statui igitur Legis nouę non tam præcepta et comminationes duræ conueniunt, quàm statui veteris, sed suaues exhortationes: non terrores, sed exempla suauissima et beneficia: non exterius descriptę leges, sed interiores spiritus sancti afflatus. Hoc enim, vt omittamus cetera, dulcissima illa promissione prophetica significauit dominus: Ecce dies veniunt, dicit dominus: Feriam domui Israel et domui Iuda fœdus nouum: non secundum pactum quod pepigi cum patribus eorũ, hoc est, Non ex terribili nube, turbine, caligine atque procella, et tubæ sonitu, sed in charitate potius, et in mansuetudine: non secundum pactum quod pepigi cum patribus vestris in die qua apprehendi manum eorum vt educerem eos de terra Ægypti: pactũ quod irritum fecerunt, & ego dominatus sum eorum: non (ait) grauem & importabilem legem, quæ magis ad subiiciendum durum populum ordinabatur, nõ in comminatione pœnarum, qua hoc maximè agebam, vt dominus ostenderet fortis, zelotes &c. sed in exemplis potius & beneficijs, quibus veraciter pater manifestet. Vnde sequitur: Sed hoc erit pactũ quod feriam cum domo Israel. Dabo legem meam in visceribus eorum, & in corde eorũ scribam eam. Quibus verbis non aliud significatur quàm diuina inspiratio, qua persuadetur, & suauis efficitur nobis per gratiam diuina voluntas: vt scilicet impleatur dulciter, non ostendatur solum exterius & oneret. Quod Paulus apertè docet, ministratiorem mortis legem veterem vocans, nouam verò ministratiorem vitę:

Statui nouę legis magis conteniunt dulces exhortationes, quàm duræ comminationes, & præcepta. Hieremi. 31.

1. Cor. 3.

vitz: vnde & illam literam occidentem, hanc verò spiritum viuificantem vocat. Quare nihil magis proprium nouæ legi, qui rectè considerant intelligunt, quàm quòd non scripta, vt vetus, sed indita cordibus est à spiritu sancto. Ideoq; lex spiritus vite dicitur. Sed hoc iam in his, de quibus nunc agimus, cultibus consideremus.

Igitur si rectè intuemur Christum Ecclesiæ authorem, videbimus primò ipsum cum discipulis suis quos instituebat, & in illis nos omnes, exemplis magis egisse, & his interiores illos cultus commendasse. Legimus illum frequenter orasse, secessusque petiisse, & nocturnis quietisque temporibus pemoctasse in oratione, & frequenter in ea perseverasse: vnde tandem moti sunt discipuli ad cogitandum de oratione. Cùm enim esset in quodam loco orans, inquit Lucas, vt cessauit, dixit vnus ex discipulis: Domine, doce nos orare: vnde & postea & antea frequenter de oratione docet: Quia oportet (inquit) semper orare, & non deficere: & tandem ipsam composuit formulam, se dignam, orandi patrem. Itaque & in his, & cæteris omnibus, quod semel dixit repetendum est nobis: Exemplum enim dedi vobis, vt quemadmodum ego feci, ita & vos faciatis. Nam etiam exterorum cultuum primò nobis exempla dedit, deinde addidit verba. De communibus quidem cultibus habemus ieiunium illud & carnis afflictiones: de proprijs verò: baptizari voluit: quia postea dicturus erat omnibus: Nisi quis renatus fuerit ex aqua & spiritu sancto &c. Itaque satis ostendit quàm suauiter, & reuera vt cum filijs agere vellet. Exemplis verò & doctrinæ suæ spiritum sanctum adiungit, per quem, non quidem verbis aut externalis operibus, sed illustratione interiore perficerentur in Evangelica doctrina futuri aliorum doctores. Vnde post omnem suam, quam tradiderat, doctrinam ait: Multa habeo vobis dicere, sed non potestis portare modò. Cùm autem venerit ille spiritus veritatis, docebit vos omnem veritatem. Non quòd non possit illa docere, & discipulos aut capaces eorum reddere, aut certè illa eis committere quæ postea intelligerent, & plurima alia: sed voluit hoc aperto exemplo ostendere, magis Spiritus sancti interna illustratione, quàm verbis aut scriptis agendum esse cum filijs atque liberis.

Ex quo nobis est attentè considerandum, quantum errent horum temporum hæretici, qui statuantes sibi nullum cultum

capite 11.

Lucæ 18.

Iohannis 13

Christus non
contentus
Apostolos
suos exéplis
& verbis docuisse, dedit
illis etiam spiritum sanctum
cuius interna
illustratione
magis quàm
verbo aut scripto doceretur.

QVO MODO INSTITVTI SVNT

Verbum Dei
multo latius
patet, quàm
scriptura.
De verbo
Dei non scri-
pto, & tradi-
tionibus.

1. Corint. 11

2. ad Thess. 2

1. Timoth. 1.

1. Timoh. 2.

DEI recipiendum esse, nisi qui verbo eius sit traditus, nec enim (inquiunt) doctrinis aut mandatis hominum Deus colendus est, statim inferunt, Nihil quod in scripturis sacris non sit, admit- tendum esse in cultu DEI: non considerantes quanto latius sit verbum DEI quàm scriptura. Est enim verbum sermone tra- ditum, est & sola interiori inspiratione: qui modus, vt visum est, proprius est nouæ legi & Ecclesiæ, atque eius filijs. Scripta qui- dem sunt ab Apostolis non pauca: sed vbi ergo inueniunt noui isti doctores Apostolos Ecclesiæ, nosque omnes astrinxisse ad sola scripta sua? Aut vbi legerunt scripsisse Apostolos omnia quæ necessaria erant Ecclesiæ? Nonne Paulus inquit post non- nulla scripta: Cætera cum venero ipse disponam? Nonne scri- bit Thessalonicensibus? State & tenete traditiones quas didici- stis siue per sermonem, siue per Epistolam nostram. Deni- que & Timotheo suo, quem tam diligenter instituit, vbi legimus omnia scripto tradidisse, aut mandasse vt scriberet? sed (potius inquit) formam habe sanctorum verborum, quæ à me audisti in fide & dilectione in Christo Iesu: Bonum depositum custodi. Et apertius: Quæ audisti (inquit) à me per multos testes, hæc com- menda fidelibus qui idonei erunt alios docere. Verbo itaque potius, quàm scriptura instruxerunt Apostoli suos, & voluerunt in Ecclesia doctrinam seruari quasi depositum quoddam & sac- rum, non spargendum ante porcos, aut tradendum canibus di- ripiendum. Cuius rei etiam antiquissimi patres, Apostolorum di- scipuli, & qui his proximi fuerunt, tam manifesti sunt testes, vt de hoc dubitalle, apertè sit totam conuellere Ecclesiæ: omittamus cæteros in aliud tempus. Dionysium illum Pauli discipulum in 1. capite Ecclesiast. Hierarchiæ audiamus: Substantia (inquit il- le) sacerdotij nostri scriptura sacra est nobis diuinitus tradita: ac mox quid per scripturam sacram intelligat, explicat: Porò hu- iusmodi plena venerationis eloquia dicimus, quæque à beatis- simis patribus nostris diuinis commendata sunt libris: ac præte- rea quæque ab eisdem sacratissimis viris sacrationi doctrina & celesti Hierarchiæ propinqua didicerunt, ex animo in ani- mum, medio interueniente verbo corporali, sed quod carnis ex- cedat sensum, sine literis transfusa sunt. Atq; ibi tandem ait quæ- dam scriptis, quædam non scriptis institutionibus tradita: idque & propter Ethnicos, ne scilicet ab eis inuiderentur sacra, & pro- pter

pter rerum ipsarum maiestatem factum dicit. Aduertant itaque, quicumq; veri cupiūt fideles esse, hunc doctrinæ Euangelicæ modum: intelligant quod ad rationem vitæ attinet, post illa quæ cōmunia sunt omnibus, & ratione naturæ cognoscuntur (qualia sunt decalogi mandata, atque dilectionis Dei & proximi, de quibus Christus frequenter loquitur, & tandem illa omnia claudit præcepto illo legis naturæ manifestissimo: Omnia quæcunq; vultis vt vobis faciant homines, vos facite illis) Post hæc (inq) omnia aduertant plura quærenda esse ex traditione atq; illustratione spiritus sancti quàm ex scripturis, præcipuè quæ ad cultum pertinent: de his enim pauca legimus, & ea quidem ita scripta, vt non pertinent multis sufficiant & intelligendis sibi ipsis & implendis. De Baptismis ex traditione vix vnum verbum habemus: Baptisantes eos in nomine patris & spiritus & filij & spiritus sancti. Quæ autem in celebratione baptismi sancti matris, aut qua ratione agenda, vbi est scriptum? Quod si Deo non illustratione curandum quis putet quicquam ultra illa verba, quia non scriptum est is certè multum detrahit Ecclesiæ & Christo. Credendum est tantum ministerium sine vlla preparatione, deniq; solennitate & ritu, quæ ad eius excitent venerationem traditum esse? Quod si hoc indignum est & alienum ab humana conditione, quæ certè requirit, vt magna summaque mysteria magna etiam preparatione & solennitate exhibeantur, nonne meritò credendum est potius hoc traditum esse à Deo Ecclesiæ, quàm synagoge olim traditum est quod ad ritus & sacrificia sua pertineret? Sed traditū inter illa, & ab illo, de quo dictum est: Docebit vos omnia: traditum, inq, à spiritu sancto Apostolis, & ab eis discipulis suis.

Vbi & hoc etiam non est omittendum, quòd eadem ratione, status scilicet ECCLESIAE & dignitatis, fit, vt non solum non scribi oporteat omnia, sed nec ita tradi, vt ex præscripto omnia fieri debeant. Clamant enim noui isti Euangelici, sub hoc nomine non aliud quàm Iudaismum quendam introducentes in Ecclesiam, scriptum esse: Non addetis ad verbū quod vobis loquor, neq; auferetis ex eo: vt omnia, videlicet, ex præscripto fieri debeant: Sed non aduertunt hoc propriè conuenire seruicij & rudioribus: vt scilicet nihil eorū arbitrio relinquatur, sed vt irrationalia quædam freno dirigantur à gubernante. Ideo inculcabantur tam frequenter illa: ideo scribebantur: quia nihil eorum prudentiæ & sensui relinquebat deus. At verò filijs suis, qui

Status Ecclesiæ Christianæ non requirit vt omnia necessarìo ex præscripto fiant.

Deuteron. 4.

QVO MODO INSTITUTI SUNT

spiritu eius quotidie aguntur, quid opus erat omnia præscribi? Ecclesiæ Christi, cui datus est spiritus sanctus, ut maneat, inquit, vobiscum in æternum, qui sine scripto docet, cui tam facile est corda mouere, quid opus erat multis verbis? Certè illa magis relicta fuit gubernanda naturali illo lumine rationis, de quo merito illud est: Signatum est super nos lumen vultus tui Domine. Et in quibus hoc deficit, fide & inspiratione spiritus sancti: de quo Iohannes fidelibus inquit: Vnctio eius docet vos de omnibus. Et hoc reuera est à seruitutis iugo liberari, & in libertate vivere filiorum: sicut omnia præscripta esse docere, est seruituti subijcere Iudaicæ quos Christus liberos fecit. Nonne igitur verum est, istos nobis iugum imponere velle? Ut videlicet sine scripturæ atq; literæ mortuæ mandato nihil agamus. Porro vera Christiana libertas hæc est, ut & ratione naturali, quæ per spiritum sanctum illustrata non parum efficax est ad cognoscendum Deum, & per veram fidem, ab ipso spiritu sancto & Ecclesiæ, & nobis traditam, Deum cognoscentes, in ipso inuocando & colendo, præter pauca quæ præscripta sunt, utamur liberè illis rebus & signis, illis ritibus & cæremonijs id faciamus, quæ huic fidei consona sunt & eam testentur.

Quod ut apertius fiat & re ipsa constet, consideremus rationem & ordinem, quem Apostoli secuti sunt ab ipso mox Ecclesiam & ordinem suum in colendo Deum, & agnoscendis & annunciandis fidei mysterijs. Nonne iam recepto spiritu sancto, & tot milibus ad finem Apostoli dem conuersis Apostolus Petrus dicebat? Quia nunq̃ commune in colendo gustauimus &c. & nec dum audebat Euangelium prædicare gentibus, nisi spiritus dixisset ut iret cum illis quos Cornelius miserat. Nonne mirabatur cum videret spiritus sancti gratiam super illos? ac tunc demum cœpit intelligere, ut ipse fatetur, quod Dominus dixerat, Vos baptizabimini in spiritu sancto. Ex hoc ergo Petri exemplo ostenditur spiritum sanctum paulatim, & proprijs temporum articulis reuelasse Ecclesiæ illiusq; doctores quod conueniret, quæ & ipsi docebant. Nec tamen hac tam assidua & familiaris spiritus sancti reuelatione Apostoli facti sunt negligentiores in ijs omni studio & mutua collatione inquirendis, quæ expediret docere populum. Cōstat enim ipsos nihil omisisse, sed omni industria & sollicitudine & cōuenisse inter se, & inquisisse veritatē: ut in quæstione illa de seruandis legalibus cōstat fuisse actū. Congregato

1. Iohannis 2

Quam ratio-
nem & ordi-
nem secuti
sint Apostoli
in colendo
deum & co-
gnoscendis
ac annuncia-
dis fidei my-
sterijs.

Actuum 11.
10. & 11.

gregato diligenter cōcilio, in quo quanquam vt homines disputare videantur & dei voluntatem inquirere, tandem postea audacter pronuntiant, Visum est spiritui sancto & nobis. Vbi ad tempus aliquod dispensatiue tradiderunt gentibus, vt à sanguine & suffocato abstinere. Paulus etiam diuina reuelatione percepta, & à deo missus ad prædicandum, fatetur se Hierosolymam venisse ex reuelatione diuina, & contulisse seorsim cum præcipuis Apostolis Euangelium quod prædicabat, ne forte (inquit) in vanum currem. Dicant nobis vbi tunc præcepta erant omnia agenda, aut vbi tunc ipsi Apostoli omnia scripserunt. Ex his igitur paucis quæ diximus, multa alia, quæ non scripta sunt, cogitemus. Si tantopere disputatum est inter Apostolos, quia vnus Petrus ingressus fuit ad gentes, quia dicebant quidam seruandas esse caeremonias legis: si de hac re statuunt quod neque Christus eos docuerat, neque in scriptura erat traditum (vt scilicet gentes abstinerent à suffocato & sanguine) gubernante eos spiritu sancto in hoc, quomodo credendum est de ratione tradendi baptismum, de diuersis gradibus & ordine Ecclesiæ (de quibus Paulus loquitur presbyteros nominans, diaconos, & Episcopos) nihil eos cogitasse, nihil definiuisse, nihil tradidisse Ecclesiæ? Quid ergo irrationabilius? Nulla itaque ratione permittimur dubitare, non fuisse ab Apostolis de præcipuis partibus cultus Dei, & Ecclesiarum gubernatione multa esse definita & statuta, siue ea à Christo susceperint, siue postea familiari spiritus sancti instinctu didicerint. Quomodo Iacobo, quem Episcopum Hierosolymorum instituerant, permitterent scribere: Confitemini alterutrum peccata vestra: Infirmatur quis in vobis, inducet presbyteros Ecclesiæ &c? vnde impositæ sunt manus Paulo & Barnabæ, postquam spiritus præceperat eos segregari in opus Euangelij, si nihil de hoc cōstitutum erat ab Apostolis? Vnde ad eos, quos Philippus diaconus baptizauerat in Samaria, missi sunt Petrus & Iohannes, qui manus imponerent, & susciperent spiritum sanctum, si nihil erat de hoc apud Apostolos cōstitutum? Hoc igitur Apostolos diligenter fecisse, & traditiones suas commendasse verbo, testantur nobis eorum discipuli, & omnes illis proximi patres, ex quibus reliqui omnes acceperunt. Vnde Augustinus tandem epistola illa, quam superius citauimus, ad Ianuarium: Ea quæ per totum orbem seruat Ecclesia, vel ab Apostolis, vel à plenarijs Concilijs proculdubio tradita esse cōfir-

QVO MODO INSTITVTI SVNT

Quomodo
intelligendū
sit, relictam
esse Ecclesiæ
libertatem
circa exteri-
ores cultus,

mat: & de his non magis licitum esse dubitare, quàm de scriptura ipsa. Cæterum circa ea quæ in diuersis Ecclesijs diuersimodè sunt, seruandum esse morem cuiusque Ecclesiæ asserit. Ex quibus constat libertatem hanc, quam diximus relictam Ecclesiæ circa externos cultus, sic intelligendam esse, vt non ad quemlibet pertineat quodcunque velit agere, sed in primis præcepta capita tradita ab Apostolis: deinde ab inferioribus etiam, & sequentibus Episcopis quædam, non aliena ab Apostolis, sed consona his inter quos versabantur ordinata sunt: & deinceps, saluis his omnibus, & iuxta illa, manent quædam libera deuotioni fidelium. Celebramus passionem & resurrectionem domini, & aduentum spiritus sancti, & ieiunium quadragesimale: quæ quidem ab Apostolis tradita putat Augustinus supradicto loco, & cæteri patres. Iam alia diuersimodè obseruantur in diuersis prouincijs: abstinetur in quibusdam Ecclesijs omnibus sextis ferijs & sabbathis, in alijs non. Post hæc, quis dubitat licitum esse cuique pro deuotione sua addere ieiunia & abstinentias? sicut & peculiaries aliquas solennitates & Ecclesiæ aliquot, & priuati homines retinere sibi possunt. De communione nihil præscripsit dominus, sed statuerunt nonnulla prælati: vt vel frequenter, vel ter in anno, vel semel saltem participes essent Sacramenti fideles: quibus saluis licet nobis aut frequentius, aut tardius ad communionem altaris accedere. Rursum luminarium accensio, concrematio incensi & fiunt in Ecclesijs, & pro deuotione cuiusque plus vel minus permittuntur: quia in his non aliud est quàm protestatio fidei nostræ, & ornatus quidam diuini cultus. Cui hoc tam acriter reprehenditur? Cur propter hoc ab vnitatem receditur? Hæc exempli causa posita sunt, vt ex eis doctrina hæc de ratione cultus Dei in Ecclesia fieret manifestior. Nam de singulis in speciali est agendum in proprijs locis, quantum Dominus concesserit.

Vera Sacra-
menta, verus
cultus, vera
doctrina nō
sunt notę in-
dicantes Ec-
clesiam, sed
per hanc illa
cognoscuntur

Hoc duntaxat non omittendum est, vbi conamur certam regulam & fundamentum cultus Dei in Ecclesia ostendere, quod ex dictis sequitur: quàm falsè, & reuera dolosè dicant hæretici veras notas atq; signa, quibus Ecclesia Christi agnoscī potest, esse verum vsum sacramentorum, & veram doctrinam: vt scilicet ibi sit vera Ecclesia, vbi Sacramenta prout Christus instituit traduntur: vbi vera doctrina Euangelij prædicatur. Est quidē hoc verissimū quod & proximis lectionibus docuimus, hæc coniunctissima esse,

ita vt nūq̃ alterum ab altero separetur, vera Ecclesia, vera doctrina, vera sacramenta & cultus: sed, quod isti agunt vt illa nobis priora sint, cultus, sacramenta, doctrina, atq; scriptura, quā Ecclesia: vt illa prius agnoscamus & prius consent nobis quā Ecclesia, hoc planē dicimus dolosum: atq; ideo admonemus, quoniam hinc omnium controuersiarum pendet remedium: vt scilicet agnoscat Ecclesia: qua non prius cognita, nihil potest firmū & stabile esse in Ecclesia. Si enim certum est & manifestē probatū, Ecclesiam esse veracem testem cultus Dei & scripturæ sacræ, atq; veri eius intellectus & sinceræ doctrinæ (nō enim aliunde ista nobis constare possunt) Rursum, si omnes controuersie aut de cultu, aut de doctrina sunt (nec enim circa aliud vnquam cum hæreticis quæstiones habuit Ecclesia) quomodo poterit agnosci verus cultus, vera doctrina, nisi prius agnita vera Ecclesia? Quo modo verò prius agnosceretur, si verum est, quod ipsi dicunt, ex cultu vero & doctrina agnosci? Si igitur suprà dicta rectē consideremus, videbimus necesse esse vt primò omniū agnoscat Ecclesia: agnoscat (inquam) ante cultum, ante sacramenta, ante ipsam scripturam: illa cognita, hæc omnia agnoscentur. Per illam quæ sit vera scriptura, quæ sint vera sacramenta, & vsus eorum, quæ vera doctrina & scripturæ sensus cognoscitur. Ecclesia enim sola est quæ hæc omnia nobis indicare potest: non quòd superior sit Ecclesia aut sacramentis, quibus sanctificatur: aut scripturæ, quæ est diuina reuelatio ad eam missa, cui tenetur adhibere fidem, etiam si angelus de cælo aliter euangelizauerit. Non est superior Ecclesia istus: sed nobis est superior, nobis est mater, est magistra: illam iubet Christus nos audire, & per illam recipere & scripturam & sacramenta sua: & nisi hæc ciuitas supra montem posita sit, & lucerna super candelabrum nobis luceat, necesse est omnia incerta esse. Quæ enim Euangelia habemus, nisi quæ illa tradidit? Quæ sacramenta? & quæ eorum fides, nisi illa nos doceat? Quod cum antiquissimi patres testentur, vnus nobis nunc sufficiat Irenæus, Qui in tertio libro aduersus Valentianum apertē ostendit nec scriptura, nec alia ratione præscribendum esse contra hæreticos, quā testimonio Ecclesiarum, quæ ab Apostolis institutæ sunt & descendunt continua successione. Cui suffragatur & Tertullianus in libro de præscriptionibus hæreticorum, Et, vt tertius addit testis;

Galath. 1.

QVO MODO INSTITVTI SVNT

Quid sit Ecclesia, quæq; eius signa, & eam esse conspicuam ac manifestam.

testis, Augustinus contra epistolam fundamenti apertissimè docet, infirmata autoritate Ecclesiæ, infirmari etiam & scripturam. Cui ideo, inquit ille, credimus, quia Ecclesia hoc nos docet. Ex quibus, & certissimo reliquorum patrum testimonio, Ecclesiam construamus nobis certam & manifestam: Congregationem fidelium omnium in vnione Apostolorum, & obedientia eorum Episcoporum, qui continua, non interrupta successione ab eis descendunt, & in vnione illa vnus vicarij Christi, successorisq; Petri persistunt. Hæc sunt vera signa Ecclesiæ, omnibus sæculis post Christum Dominum cognita. Qua sic constituta & manifesta, nec de libris sacris, nec de doctrina, nec de Sacramentis vlla potest oriri dubitatio, quæ non faciliè terminetur, vel quæ multum nocere possit, modò ab hac vnitate non separemur. Id enim certissimum est, huic semper manifestæ & lucidæ Ecclesiæ promissum esse, quòd nunquam veritas cultus Dei atq; doctrinæ in ea non sit manifesta: nec solum illi vniuersæ Ecclesiæ, sed speciali cuiusq; fidelium congregationi in hac permanenti vnione promissum est à Christo, quòd de omni & quacunq; re petierint, fiet illis: vt merito credere debeamus, aut non permissurum Deum vt in hac vnione permanentes errent, aut si ad eos humiliandos, & ostendendum hominibus quàm sint infirmi, id fuerit permissum, non erit error ille perniciolosus: sicut de errore Cypriani & Concilij Cauthaginen- sis Augustinus sanctissimè docet libro de Baptismo contra Donatistas. Itaque dubitasse de huiusmodi aliqua re, fieri posset sine dispendio salutis: ceterum separasse se ab Ecclesia, nulla ratione prudentium & modestorum hominum esse potest. Et, vt cetera omitamus, quis non videt, non minus contra Christi promissionem esse, asserere Ecclesiam posse aliquando non perspicuam & manifestam, atque in propatulo expositam fuisse, aut esse posse, quàm asserere ex toto interiisse? Certè si fieri potest vt in hac manifesta fidelium congregatione sub vno vicario Christi, & visibilibus sacramentis & ritibus, non sit aliquando manifesta, & certò vera doctrina, deficeret Ecclesia illa, cui Christus dicit: Super hanc petram ædificabo Ecclesiam meam, & portæ inferi &c. Quid est illud, Non potest ciuitas abscondi supra montem posita, quàm quòd nec occultari nec abscondi possit Ecclesia? Hæc itaque nobis sufficiant quasi quædam communia principia & vniuersalia fundamenta eorum quæ de Sacramentis, de quibus nobis primò agendum

agendum proposuimus in hac doctrina, tradenda sunt. De ipsis igitur iam, qualiter instituta sint, & quæ sit eorum ratio ex supra dictis colligamus.

LECTIO SEPTIMA.

De institutione Sacramentorum Ecclesiæ, numero, & ratione eorum.



Vt ea igitur quæ dicta sunt iam, non erit difficile in speciali Sacramentorum Ecclesiæ institutione agnoscere. Afferimus itaq; Septem quosdam cultus Dei exteriores, proprios uox legis tantū institutos esse à Christo. Quod ex scriptura sacra, & Apostolorum traditione, atq; certissima fide Ecclesiæ necessariū est fidelibus omnibus credendum. Quia enim etsi ad libertatem filiorum vocati sumus à Christo, tamen grauari sumus corpore, & multi sunt in Ecclesia paruuli, qui externis egent signis & exercitatione, omisissis communibus illis cultibus eleemosynarum & reliquorum piorum operum: exceptis etiam illis actibus religionis externis, laude uidelicet Dei & spiritualibus canticis, & reliquis omnibus quæ ratio naturalis ostendit, & ad decalogum pertinent, & communia sunt Iudeis et Christianis, docet nos hæc uera Ecclesiæ fides, instituisse Christum primò Baptisma sub inuocatione sanctæ trinitatis, quasi ianuam per quam ingrederetur omnes Ecclesiam, & primum cultum, de quo dicit: Nisi quis renatus fuerit ex aqua & spiritu sancto: Confirmationem, propter quam dixit Apostolis: Sedete in ciuitate donec induamini uirtute ex alto: & Apostoli imponebant manus super Baptizatos, & accipiebant (inquit scriptura) Spiritum sanctum: Eucharistiam, corporis sui sacramentum, quam baptizati offerrent & sumerent: Hoc facite (inquiens) in meam comemorationem: Pœnitentiam & remissionem peccatorū post baptismum uirtute clauū: Quorum remissionem

Septē cultus exteriores proprios legis instituti sunt à Christo, qui sunt 7. sacramenta.


Iohannis 3.

Luce 24.
Actuum 8.

Iohannis 20.

F

itis



DE INSTITVTIONE, NVMERO ET

Mathæi 18. ritis peccata (ingens) remittūt eis: et q̄cqd solueritis sup terrā &c.
Iacobi 5. Extremā vnctionē laborantibus cōferendam: dicēte Iacobo: Infirmatur quis in vobis &c. Ordinē, traditionemq; spiritualis potestatis in Ecclesia: de qua Paulus inquit Timotheo suo, Noli negligere gratiam quæ in te est, quæ data est tibi per prophetiam cum impositione manuum presbyterij: Matrimonium, quod à Deo in prima creatione institutum, Christus in noua lege renouat, Non audistis, inquit, quia qui fecit hominem ab initio masculum & fœminam fecit eos? Et dixit, propter hoc &c. Et tandem concludit, Quod ergo Deus coniunxit, homo non separet. Quæ quidem ita nunc in principio proponimus simpliciter, quia cum de singulis agetur, ostendemus iuxta supradicta, quàm certa sit fides singulorum. Nunc hoc sit satis, citatis his locis ostendi hos septem, quos diximus, cultus ex Apostolorum doctrina in Ecclesia susceptos. Cæterum in his septem nec ritus omnes, qui in eis peragendis obseruantur, nec omnis solennitas scriptura sacra cōmēdata sunt: sed vel verbo, vel spiritus sancti illustratione à Christo Apostolis tradita, vel certè ab eis conueniente ratione & spiritus sancti magisterio instituta: & quædam etiam ab eorum discipulis & successoribus, sed consonè Apostolicæ doctrinæ, superaddita traduntur: quod quàm sit conueniens, ostensum est superius, & in singulis ostendetur inferius ita esse.

Nunc verò hæc septem, quæ diximus, qualiter cultus Dei sint
Qua ratione consideremus. Primò in eis est protestatio quædam exterioribus
sacramenta rebus fidei, atque inuocatio Dei: vt cum baptisamus in nomine
sint culus patris & filij & spiritus sancti, atque ita de reliquis, est in eis confessio
Dei. quædam imperfectionis nostræ & peccati, spes consequendæ diuinæ gratiæ. Cum enim baptizandum se quis exhibet & abluendū, fatetur se immundum, & certam spem habere verè spiritualis gratiæ & mundiciæ consequendæ: atque hac ratione meritò cultus Dei dicuntur, opera videlicet nostra in DEI honorem ordinata, atque ita proprij religionis actus externi, in quò est vera ratio externorum cultuum. Sed illud etiam est in his considerandum, quòd habent DEI promissionem de gratia atque donis suis per ea consequendis. Nam Baptismo promittit Christus regni celorum ingressum: & hac ratione magis sunt diuina quædam opera & instrumenta ad homines sanctificandos, vt beatus Thomas diligenter in hac materia notauit: quæ
3. p. q. 69.
art. 5. ratio-

ratione sunt multo perfectiores & excellentiores, quàm ea ratione qua à nobis fiunt: perfectiora, inquam, sunt Sacramenta hæc, quia Deus per illa operatur in nobis, quàm quia nos illa operamur. Reuera enim cum nos Deū colere dicimur, & ex parte quadam facimus cum vacamus actibus religionis, ipse multo verius nos colit, mundat, sanctificat, purificat, & hoc quidem in omnibus religionis operibus: multo verò magis in his septem, quæ, ut in singulis videbimus, efficacissimam habent diuinam virtutem in salutem animarum nostrarum.

Instituta etiam hæc esse à solo Christo, non ab Apostolis vel Ecclesia, quod vera fides habet, ex his quæ diximus certa ratione probari potest & explicari. Cum enim, ut inquit b. Thomas, non sit in hominum potestate positum, ut à Deo iustificemur & perficiamur, ita nec decernere quibus modis, aut quibus deniq; instrumentis id fiat, nostrū est, sed Dei: nec rursus quæ Deo placent, & quales à nobis cultus exigit nos possumus, nisi ex eius voluntate cognoscere, de qua non nisi ab eo docendi sumus, meritò ab illo solo instituendi fuerunt Christiani cultus. Rursus, quoniam in his gratiæ Christi instrumentis sola virtus passionis eius operatur, nec homines aliud sunt quàm ministri, in solo eius nomine perfici debent, atq; à solo eo institui. Nec. n. dubitamus potuisse Christum hæc hominibus instituenda cōmittere, & ut in eorum nomine tra-derentur, facere: sed ad conseruandam vnitatem, et continendos omnes in vna spe meritorum eius, sicut voluit ut Baptismus non Petri vel Pauli diceretur, sed Christi tantum, propter quod clamauit Paulus: Nunquid Paulus pro vobis crucifixus est? aut in nomine Pauli baptizati estis? Et rursus: Quid igitur est Apollo? Quid verò Paulus? ministri eius cui credidistis: ita etiam institutionem horum sibi soli referuauit. De hac certos fecit suos Apostolos, quod illi docuerunt Ecclesiam. Docuit hæc diligenter Augustinus in loco cum illum Iohannis: Ipse est qui baptizat in spiritu sancto: quem diligenter secutus est b. Thom. in hac materia: vnde ibi collegit Ecclesia nō constituendam nec fundandam cōmissam fuisse hominibus à Christo, sed fundatam iam gubernandam. Ceterum Ecclesiæ fundamenta fides sunt & sacramenta: quare sicut non aliam fidem homines tradere possunt, sed à solo CHRISTO tradita est, ita nec alia sacramenta, quàm ea quæ Christus tradidit: quæ etiā hac ratione, & propter mysticam aquā & sanguinē, quæ

Sacramenta à solo Christo, non ab apostolis aut Ecclesia instituta.

3. p. q. 64. art. 8.

1. Corint. 1. ibidem 3.

Tractatu 5. in Iohannē. Iohannis 1. Supradicto loco ar. 3. &

4. ibidem art. 1. ad 3.

DE INSTITVTIONE, NVMERO ET

in cruce ex Christo fluxerunt, meritò dicimus ex latere Christi fluxisse, à quo fabricata est Ecclesia: quod in prima creatione in muliere ex latere Adam formata significabatur.

Illud igitur iam non est omittendum, quòd septem hæc ab Ecclesia & patribus meritò vocata sunt Sacramenta. Vbi, quoniam non desinunt calumniari & hæretici, & qui sibi videntur sapientes, est paucis aduertendum quid nomen Sacramenti propriè significet, & quare istis attributum.

Quid nomen
Sacramenti
propriè signi-
ficet.
Ephes. 3.

Ibidem.

Nomen itaq; hoc, quod in vsu scripturæ, maximè noui testamenti frequens est propriè qdem, iuxta graues latinos interpretes, arcanum aliquod significat, & sacrum obseruandum quodammodo & celandum secreto quodam, vt scilicet non passim nec omnibus manifestetur, quod Græci mysteriū dicunt. Itaque vbi interpretes noster in Paulo transtulit, Notum factum est mihi Sacramentum, Græci dicunt mysterium: loquitur verò de gentium vocatione ad gratiam Christi. Et rursum, vbi dixit: Quæ sit dispensatio sacramenti absconditi à sæculis: habent illi, mysterij: vbi de incarnatione Christi loquitur. Scimus igitur & fatemur nomen sacramenti ad mysteria omnia fidei & scripturæ extendi: quare hac ratione non septem tantum, sed innumera dicimus esse sacramenta in scriptura. Nam de vna Apocalypsi Ioannis Hieronymus dicit: tot habet sacramenta, quot verba. Iuxta hanc significationem intelligimus septem hæc, de quibus locuti sumus, meritò sacramenta esse dicenda. Latent enim in illis exterioribus cultibus baptismi, chrismatis &c. diuina & preciosissima gratiæ Dei opera & dona: meritò itaq; illa sunt mysteria & sacramenta. Nam & propter hoc beatus Augustinus in Epistola ad Marcellinum, quæ est numero quinta, dicit: Signa cum ad res diuinas transferuntur Sacramenta ritè vocantur. Et libro 10. de ciuitate Dei capit. 5. Sacrificium visibile dicit inuisibilis sacrificij esse sacramentum, id est, sacrum signum. Hæc igitur septem, quia signa sunt sacra sacrarum rerum, non dubitamus sacramenta quædam dicere: & quidem inter omnia fidei nostræ, post illa quæ ad diuinitatem & humanitatem Christi pertinent, & ad ipsas diuinas personas, omnium maximè. Hæc verò signa gratiæ & instrumenta dicimus septem esse sacramenta, non plura, nec pauciora. Non quòd alia negemus esse sacramenta, sed negamus alios esse cultus à Deo institutos, & alia esse signa & instrumenta diuinæ gratiæ
ad nos

RATIONE SACRAMENT. ECCLESIAE. 19

ad nos sanctificandos ex ipsius institutione, quàm hæc septem.

Definiunt igitur Sacramentum hoc modo sumptum diuersimodè Doctores, nec magnopere pertinet ad rem has enumerare definitiones. Duo proprie sunt horum sacramentorū : quòd sunt signa gratiæ, & quòd per ea Deus operatur in nobis gratiam: itaq; sunt instrumenta, & vt addamus tertium, quod ex superioribus patet, sunt à solo Christo instituta. Ex his igitur tribus definitio

sacramenti sumenda est. Magister itaque Sententiarum dixit: Sacramentum est inuisibilis gratiæ visibilis forma, hoc est, similitudo, ita vt eius imaginem gerat & causa existat. In qua definitione duo illa complexus est, signum, videlicet & causam. Adduxit etiam ibidem alias ex verbis Augustini desumptas: scilicet, Sacramentum est in quo sub tegumento rerum visibilium diuina virtus operatur salutem. Et illam etiam, quæ ex proximè dictis patet, quòd sit sacræ rei signum. Porro Hugo de sancto Victore omnia complectens dixit: Sacramentum est naturale elementum exterius, oculis appositum, ex similitudine repræsentans, ex institutione significans, ex sanctificatione inuisibilem gratiam continens. In qua & significationem, & efficientiam, & institutionem Christi appositum: quæ tria quibuscunque verbis ponantur, naturam horum sacramentorum explicant. Itaque quod nonnulli posteriores dixerunt, Sacramentum est signum sensibile gratiam ex institutione diuina efficaciter significans, ordinatum ad salutem hominis viatoris, satis distinctè hoc ipsum explicat.

Ex hac verò definitione ratio huius numeri, atque ordo ipsorum Sacramentorum, & eorum necessitas faciliè agnoscì possunt. Cum enim hæc sacramenta ad perficiendos nos in cultu Christianæ religionis ordinentur, & ad conferendum omnia quæ ad vitam spiritualem in religione Christiana necessaria sunt, conuenienter primò ponitur Baptismus, quo regeneramur in filios Dei & renascimur, dicente domino, Oportet vos nasci denuo. Deinde Confirmatio, qua ad perfectum statum & robur spirituale vitæ Christianæ perducimur: donec (inquit Christus) induamini virtute ex alto. Tertiò loco Eucharistia est: in qua tanquam per cibum necessarium sustentamur in spirituali vita. Quartum locum meritò obtinet Pœnitentia: quæ medicina quædam est & restitutio pristinæ valetudinis, quæ per peccatum amittitur. Hanc sequitur extrema Vnctio, quæ ablatio est reliquiarum infirmitatis peccati, &

d. 1. 4.
Definitio Sa-
cramenti pri-
ma.

2.

3.

4.

De sacramen-
torum ordi-
ne.

Iohan. 3.

DE INSTITVTIONE, NVMERO ET

plena confortatio animæ in vltima infirmitate. Iam verò per Ordinem & Matrimonium Ecclesiæ ipsi, hoc est, communitati consultitur. Per Ordinem enim dantur Ecclesiæ gubernatores, quibus consultitur multitudini, dicente scriptura: Cùm defecerit gubernator, dissipabitur populus. Matrimonium verò subuenit naturali defectui mortalitatis, vt sit etiam propagatio carnalis in Ecclesia, sed sanctificata, dicatq; Deo. Itaque patet quàm plenè per hæc sit prouisum Ecclesiæ. Non desunt quidem alix huius rei rationes, sed hæc magis placuit beato Thomæ in hac materia. Ex quo etiam facile insert ordinem illorum & necessitatem: sunt enim prima illa tria eo ipso ordine quo posita sunt omnibus necessaria: Primum vt generatio, secundum vt augmentum, tertium vt cibus. Iam post illa pœnitentia & extrema Vnctio sequuntur, sed non simpliciter sunt necessaria, verùm vt medicinæ tantùm, cùm inciderit infirmitas. Ordo verò & Matrimonium nulli priuato, sed Ecclesiæ sunt necessaria. Inter omnia verò dignitate & excellentia summum est Eucharistix sacramentum, ad quod reliqua omnia ordinantur, & in quo consummantur. Qualiter verò ad hæc suscipienda teneamur omnes, & quibus præceptis, inferius circa singula dicendum est. Illud igitur vltimò aggressuri, breui-

3. p. q. 65.

De necessitate sacramentorum.

Fides sacramentorū nō ter hoc loco putamus præmittendum, quod his quæ superius diximus consonum est, quòd scilicet fides horum Sacramentorum ex sola scriptura petenda est, sed ex doctrina Catholicæ Ecclesiæ. Sic enim superius ostendimus à Christo instituta esse, vt doctrina Ecclesiæ magis spiritus sancti interiori illustratione Apostolos de eis docuerit, & verbo eorum, atque eadem spiritus sancti vnctione Ecclesiam voluerit erudiri. Meritò igitur Lucius 3. Papa definiuit: Vnica. Ad abouersos qui de corpore vel sanguine Domini, vel de Baptismate, seu de peccatorum confessione, matrimonio, vel reliquis sacramentis, in de-mentis aliter sentire vel docere non metuunt, quàm sacra Romana Ecclesia prædicat & seruat, vinculo perpetui anathematis innodamus. Vide quàm hoc consonè patrum doctrinæ, de vnitae Ecclesiæ & Romanæ Ecclesiæ superioritate: vide quàm conuenienter illis quæ de traditione ab Apostolis proximè dicta sunt. Huic igitur tam necessariæ definitioni coniungamus Eugenij 4. & Concilij Florentini de sacramentis omnibus doctrinam, quam ibidem in Bulla vnionis Armeniorum tradunt, docentes Ecclesiasticum & Romanæ Ecclesiæ sensum circa sacramenta: vbi

de singulis cuncta quæ necessaria cogniti sunt complectuntur, extra quæ aliud querere frustra putamus, vbi primò ita pronuntiant. Nouæ legis septem sunt sacramenta: Baptismus &c. quæ iam diximus, referemus verò, cum de singulis agetur, quod ibi traditum est.

LECTIO OCTAVA.

De his quæ circa singula sacramenta necessariò consideranda sunt,



X his itaque, quæ de definitione & numero Sacramentorum dicta sunt, non est difficile inferre & discernere quæ sint circa singula Sacramenta consideranda.

Primò in quolibet Sacramento signa ipsa sensibilia sunt, res videlicet aliquæ corporeæ siue actus sensibiles, & verba, omnia à Christo instituta: Baptizantes (inquit) in nomine Patris &c. Vtrumque explicauit, & rem & verba. Ex his igitur duobus, rebus scilicet & verbis, sacramentalia signa integrantur: id quod conuenientissimum esse docet b. Tho. 3. parte. Conuenit enim hoc ipsi causæ sanctificanti & operanti in sacramentis, quæ est verbum incarnatum, hoc est, ex duobus compositum, humana scilicet natura & diuina. Conuenit etiam & nobis qui sanctificamur, qui cum corpore simus & anima, per res corporeas quæ sunt in sacramentis tangitur corpus, per verbum verò anima excitatur. Tertiò denique & hoc conuenit certiori, euidentiori & expressiori significationi sacramentorum. Vt enim non tantum diuina nobis sono quodam vocis significentur, sed insculpantur quodam modo & affigatur, opus fuit rebus corporeis, veluti aqua aut oleo: quæ cum adhibentur corpori visibiliter, significant diuinas gratiæ operationes. Quoniam verò res istæ confusius & minus explicitè significant, vtendum fuit verbis, quæ, vt Augusti: inquit in 2. de doctrina Christi: obtinent principatum significandi, & per ea quicquid volumus distinctius significamus, quàm per alia signa.

In omni sacramento necessariò est res sensibilis & verbum, hoc est, materia & forma. ar. 3. q. 60.

Merito igitur

QVÆ CIRCA SINGVLA SACRAMENTA

igitur res vocarunt Theologi materiam, verba formam sacramentorum, vt sicut nos ex corpore & anima componimur, ita & sacramenta. Sint itaque res vt corpus, verba tanquam anima. De quibus hoc certum sit, ad veritatem & integritatem Sacramentorum necessarias esse res quas Christus instituit, & verba quæ addidit, ita vt si aliquid horum mutetur, verè non conficiatur sacramentum: si non adhibeatur aqua, non est Baptismus, quicquid aliud, etiam si ablueri possit, adhibeatur. Cæterùm quia in verbis maior est adhibenda consideratio, in quibus mutatio facilius esse potest, sequentia de illis in communi notentur. Primum. Verba instituta à Christo sic necessaria sunt, vt integritas sensus seruetur, non verò idioma, aut quæcunq; alia conuenientia, vel etiam præcepta ipsa grammaticæ. Verba enim propter sensum intelligimus necessaria: vnde in diuersas linguas translata eadem verba dicuntur propter sensum eundem, qui si seruetur, etiam incongruè, satis est ad integritatem sacramenti: atque ita respondemus calumniantibus hæreticis, quòd vtamur catholici verbis quasi carminibus incantatorijs. Id enim falsissimum est. Cum non verbis, sed sensui inhæreamus. Quod verò illi volunt verba sacramentalia intelligenda esse de promissione diuina, quæ prædicanda & fide acceptanda est, non insusurranda, vt dicunt, falsum est, quanquam nos non negemus promissiones Christi de Sacramentis docendas esse diligenter, ad perfectionem tamen Sacramentorum & integritatem id necessarium esse omnino negamus. Paulus docebat promissiones Baptismi, alij baptizabant: nec ex prædicatione Pauli & aliorum lotione fiebat Baptismus, vt ille apertè ostendit: falsum igitur est, & sibi cōtradicit, velle res esse determinatas à Christo, & certas, quibus vtendum sit in sacramentis, & non verba similiter: cū præcipuè illa sint anima quodam modo Sacramentorum. Ex his itaque multa colligi possunt de corruptione, vel transpositione, vel additione, vel diminutione, vel interruptione etiam, quæ in proferendis verbis cōtingere possunt. Si enim hæc non auferant sensum, perficitur sacramentum: quod b. Thomas latius explicat 3. parte. Vt verò qualiter in his mutationibus peccetur intelligi possit, quod sequitur est aduertendum.

Mutatio verborum quocunq; modo fiat, si quidem intentione mutandi ritum Ecclesiæ sit, grauissimum est schisma, & non paruum etiam periculum defectus veritatis sacramentorum. Nam apertè

Quanta sit
necessitas
verborum in
sacramento-
rum formis,
quantamq;
mutationem
patiantur.

1. Corinth.

Art. 7. & 8.
q. 60.

NECESSAR. SVNT CONSIDERANDA 25

ap̃tē b. Tho. assent eū qui mutat ritū Ecclesię non perficere sacramentū, cū iam non intendat quod Ecclesia. Et quanq̃ fieri posset, vt hereticis ab Ecclesia segregatus intendat facere quod in stituit Christus, & ita iam Ecclesię conformetur, & perficiat sacramentū: valde tamē timenda est in mutatione verborū aliena intentio ab Ecclesia. Moderni h̃eretici in Baptismo nihil mutāt, nisi forte alicubi idioma, quod, vt diximus, manente sensu non impedit. Cāterū satis patet q, in his mutationibus, si ex p̃posito fiat, quācunque intentione, graue peccatum est: imō si ex negligentia culpabili: nam in re tam graui adhibēda est circumspectio, vt beatus Thomas sup̃radictis locis inquit.

Mutare verba in formis sacramento-
rū quā pe-
riculosum &
graue pecca-
tum.

Requitur & tertio loco in Sacramentis minister. Sic enim in quibusdam Sacramentis ap̃tē patet: ea enim Christus dispensanda commisit non omnibus, sicut de absolutione inquit Apostolis suis: Quicquid solueritis super terram. Quare meritō in singulis Sacramentis quærendum quis sit necessarius minister: nec enim idem in omnibus Sacramentis minister est.

In oī Sacra-
mēto necessa-
rius est legiti-
mus minister

Quarto etiam loco considerandus est suscipiens ipse. Nam in quibusdam Sacramentis ita determinati sunt suscipientes, vt non omnes sint eorum capaces: vt in sacramento Ordinis patet: in quo illud Pauli locum habet: Mulierem in Ecclesia loqui non permitto, nec dominare in virum. Ita etiam in cāteris Sacramentis requirendum, quis scilicet sit eorum capax. In his etiam duobus, suscipiente videlicet & ministro necessaria est certa dispositio & p̃paratio, siue vt perficiatur Sacramentum, siue vt sanctē & rectē, & cum fructu administretur & suscipiatur: de quibus simul dicendum.

In vnoquoq;
sacramento
consideran-
dum quis sit
sacramenti
capax.

Hęc itaq; quatuor meritō inter exteriora & visibilia quæ in sacramentis sunt computatur: iam quæ restant pertinet ad inuisibilia ipsa et occulta sacramentorū: inter quæ primū est res significamenti contra per Sacramentū. Sunt. n. vt diximus, signa sensibilia: & hoc cetera consideranda. tē maximē considerandū est nouæ legis tempore & in statu gratiæ reuelatæ. Nam, vt August. inquit 3. de doctrina Christiana, seruitus quædam est, magis legis veteris quā gratiæ, signa venerari nō intellecta: imō & quædam, inquit ille, mors & interitus rationis, cuius est rerum cognitio. Quare valde profuerit in sacramentalibus signis res significatas attendere; de quibus in cōmuni nunc breuiter

Quæ præte-
rea in Sacra-
mentis con-
sideranda.

QVÆ CIRCA SINGVLÀ SCRÀMENTA

ter id tantũ dicendũ, quòd sacramēta nostra tria potissimũ signifi-
cāt. Primò causam & originē sanctificationis nostræ, quæ Christus
est, & eius passio atq; meritũ: & respectu huius sacramenta reme-
moratiua signa sunt. Secundò ipsam sanctificationem nostram,
quam, vt mox dicemus, operantur: atq; ita sunt signa indicatiua
presentiũ. Tertiò deniq; & finem ipsum, ad quẽ per ea ordinamur
ostendunt: respectu cuius meritò prognostica quædã signa dicun-
tur, vt b. Thomas inquit. Quæ omnia facillè in baptismo osten-
duntur. Aqua passionem Christi, & ea quæ ex latere eius effluxe-
runt significat, deinde ablutionem & mündiciam animæ, vt Pau-
lus dicit de Christo: Dilexit Ecclesiam suam, & tradidit semetip-
sum pro ea, lauans eam lauacro aquæ &c. Deniq; & immersio ip-
sa atque emersio resurrectionem Christi, & eam quam speramus
futuram renouationem significant: de qua Paulus apertè loquitur:
Consepulti sumus Christo per Baptismum, vt sicut ipse sur-
rexit à mortuis, ita nos in nouitate vitæ ambulemus. Si enim cõ-
plantati facti sumus similitudini mortis eius, simul & resurrectio-
nis erimus.

Est denique in Sacramentis effectus eorum proprius conside-
randus, qui meritò in ipsis maximum locum obtineat. Nam, vt
diximus, sunt causæ gratiæ, ad quam omnia alia ordinantur: sed
hoc in sequentem lectionem relinquimus. Cæterum & in quoli-
bet Sacramento sunt adhuc considerandi ritus & cæremoniæ,
quæ ab Ecclesia superaddita sunt, quæ proculdubio non frustra
& vanè, sed certa & necessaria ratione introducta esse ex proxi-
mis lectionibus satis constat, nec sine autoritate & traditione
Apostolica, vel spiritus sancti peculiari inspiratione: de quibus
cũ suprà dixerimus, illud sufficiat huic loco, quòd Paulus Co-
rinthijs scribens quædam ordinat de sacramento Eucharistiæ: &
cætera (inquit) cũ venero ipse disponam. Et deinde de modo
prophetandi in Ecclesia præcepit nonnulla. Et in vniuersum
(inquit) omnia honestè & ordinatè fiant in vobis, & ad ædifica-
tionem. In quibus præcipuè de his ritibus conferendi Sacra-
menta, & exercendi reliquos Ecclesiasticos actus apertè constat
Paulum loqui: At verò nisi statuerentur circa singula ritus & cæ-
remoniæ, non possent ordinatè administrari, sequente vnoquo-
que quod sibi aut leuiter, aut post nonnullam deliberationem
conuenientius videretur. De his itaq; maximè intelligendũ quod

Supradicta
q. art. 5.

Ephes. 5.

Roman. 6.

1. ad Cor. 11

1. ad Cor. 14

ex Augustino supra citauimus. Quæ per totum orbem terrarum In Epistola seruantur in Ecclesia, insolentissimæ insaniz esse aut omittere, ad Ianuariū aut in dubium reuocare. Qui ritus, cū necessarij sint & rationabiles, habent & suam significationem & virtutem ex parte aliqua: de quibus meritò agendum. Itaque hæc sunt in summa in singulis Sacramentis considerata eo ipso ordine quo proposita sunt. Summa eorum quæ in Materia, forma, minister, suscipiens, & vtriusque dispositio, significatio & effectus atque operatio ipsius, denique ritus & cæremoniæ ab Ecclesia institutæ. Ex quibus omnibus, sicut de quibusdam iam diximus, quædam requiruntur ad integritatem sacramenti, alia ad rectam administrationem, vel fructum consequendum ex sacramento: quæ etiam considerata sunt: vt scilicet discernamus alia ab alijs.

LECTIO NONA.

De primo & proprio sacramentorum effectū, gratia scilicet & charactere.



Via, vt dictum est, & manifesta ratio ostendit, præcipuum in sacramētis est gratia, ad quam conferendam instituta sunt à Christo, de hac sequentia breuiter adnotentur.

Primum. Sacramenta nouæ legis efficacia esse ex se, & gratiam causare virtute ipsis à Christo communicata, certissima fide tenendum est: quod hæretici moderni absque vlla ratione reijciunt, blasphemantes certè. Quod quidem Baptismus paruulorum, quæ certa fides non dubitat à quocunque datum paruulum iustificare, aperè ostendit, & Paulus confirmat, Saluos (inquiens) nos fecit per lauacrum regenerationis & renouationis. Et hæc est præcipua sacramentorum nouæ legis & veteris differentia, vt Magister in 1. dist. 4. dicit. Et id confirmant Pauli verba, quibus sacramenta veteris legis infirma & egena elementa vocat. Nec hæreticorum calumnia vllam habet apparentiam, cū dicunt hoc Paulū

Sacramenta nouæ legis ex se, siue ex opere operato gratiæ conferunt, nō autem sacramenta veteris legis.

Titum 3.
Ad Galat. 4.

DE PRIMO ET PROPRIO SAC. EFFECTV

dixisse de eis postquam euacuata fuerant à Christo: id enim ostendit Paulus ipse falsum esse in Epistola ad Hebræos, vbi apertè ait: ideo euacuata sacramenta illa & mutata, quia infirma & inutilia:

Hebræor. 7. non è contrario, ideo infirma, quia mutata. Reprobatio (ait) sit prioris mandati propter inutilitatem eius & infirmitatem.

Ibidem 9. Nil enim ad perfectum adduxit Lex. Vnde & postea dicit ritus illos in cibis, & varijs baptismatibus, & iustitijs carnis neminem posse saluare.

Ibidem 10. Vnde tandem inquit, Christus ingrediens in mundum ait: Sacrificium & oblationem nolui &c. Ex quibus apertè Catholici collegerunt in noua lege & in sacramentis eius virtutem esse gratiæ causatiuam: ne videlicet sint sicut veteris legis infirma & egena elementa: quod conuenientissimè Theologi explicarunt per illa verba, ex opere operato: quibus opponunt, ex opere operante. Vt enim explicite hoc tam necessarium fidei dogma declaretur, dixerunt tam Sacramenta illa veteris Legis, quàm quæcunque alia pietatis opera vel officia tanti apud Deum esse meriti, tantæ utilitatis nobis, quanta deuotio est & spiritus sancti impulsio, qua illa opera fiunt. Igitur ex operante ipso virtutem habent, quanquam illa sit in eo ex spiritu sancto. Cæterum nostra Sacramenta, non vt dispositus est qui confert, neque qui recipit, sed ex Christi Domini promissione & virtute eis collata operantur: quod in Baptismo puerorum, vt diximus, manifestum est, & inde ad cætera etiam transferendum, nisi quòd adulti possunt nonnunquam impedimentum & obicem gratiæ habere, quo stat, vt non consequantur effectum: de quo postea dicendum. Nunc id satis sit contra hæreticos, quòd ex hac doctrina nihil derogamus Christo, sed potius tribuimus illi, confitentes ipsum esse qui operatur in sacramentis, & spiritum sanctum: sed eis vtuntur tanquam instrumentis. Non ergo à Christo transferimus in sacramenta virtutem, sed agnoscimus mysteria quibus nos voluit saluos facere, prædicantes apertè, non esse eius potentiam alligatam sacramentis: potest enim sine eis cum voluerit operari: sed asserimus illa esse certa quædam signa & instrumenta gratiæ suæ. Et ex hac certissima doctrina colligitur vera differentia & distinctio, qua sacramenta à cæteris omnibus Christianæ religionis operibus differunt, & præstât inter exteriora omnia. Quia alia, etsi bona, etsi sancta, etsi habentia pmissione dei, nō tamè operantur nisi ex dispositione

sione & merito operantium : vt eleemosyna, ieiunium, oratio, & cætera omnia Christiana officia. Ea verò quæ sacramenta dicimus, ex virtute Christi in eis & per ea operantis vtilia sunt nobis. Itaque & genere & differentia proprijs agnoscenda sunt sacramenta: quantum ad genus sunt exteriores actus religionis, cultus scilicet & ceremoniæ: ex differentia sunt gratiæ causatiua & operatiua ex se, & non ex nobis, sicut alia bona opera.

Secundum circa hoc considerandum est, quòd non solum Sa- Gratiæ sacra-
cramenta gratiam causant, sed etiam hæc sacramentorum gratia mentorum
est multò abundantior & plenior, quàm gratia virtutum & do- multo est co-
norum illorum septem, quæ tribuuntur spiritui sancto, quæ omnia piosior, q̃
ad opera Christianæ religionis ordinantur. Igitur non solum per gratia virtu-
sacramenta vel confertur de nouo, vel augetur sanctitas, & conse- tum & do-
quenter datur gratia ad omnia opera virtutum & donorum spi- norum spi-
ritus sancti exequenda, quòd semper fit in gratiæ collatione, sed ritus sancti.
confertur per ea plenissimum quoddam & superabundans auxi-
lium gratiæ ad omnia Christiana opera & fines sacramentorum.
Quæ consideratio, quàm b. Tho. diligentissimè docuit 3. parte, q. 62, ar. 2.
præcipuè debet commendari, ad afficiendos homines & trahen-
dos ad participanda sacramenta. Nec opus est hoc magis proba-
re, quàm fide ipsorum sacramentorum docetur: Baptismus enim
non tantum iustificat, & ad bona opera exercenda regenerat ho-
minem: sed tantam confert gratiam, vt perfectè homo consepe-
liatur Christo & moriatur præteritis omnibus peccatis, & resurgat
etiam ad operanda tanta virtutum opera, quanta & qualia de-
cent verum membrum Christi: & ita de cæteris sacramentis.

Tertium considerandum est, quòd de modo, quo sacramenta Quo modo
gratiam causant, est inter Catholicos doctores nonnulla diuersi- sacramenta
tas, salua tamen certissima fide suprà dicta, quòd ex opere opera- sint causa
to eam operantur. Alij enim ita intelligunt hoc fieri, quòd Chris- gratiæ,
tus & spiritus sanctus ipsi adsunt ex promissione sua cum sacra-
menta adhibentur, & operantur in animis hos effectus, sed id pro-
pter sacramenta ipsa. Non est hæc sententia reiicienda tanquam
aliena à fide, sed illa certè multo probabilior est, quòd Christus
ipse & spiritus sanctus vtantur sacramentis sicut artifex instru-
mentis, vt verè dici possit, sacerdotem absoluentem peccatum re-
mittere, aquam Baptismatis animam abluere, non minus, quàm
vel calamus scribere, vel ferram scammum facere, sed id virtute

DE PRIMO ET PROPRIO SAC. EFFECTV

supradicta
q. art. 1.

artificijs mouentis : quod b. Tho. sequutus est in hac materia : & hoc consonat verbis scripturæ, Saluos nos fecit per lauacrum &c. Dignificat etiam sacramenta, nec aliquid habet impossibilitatis, sed dignationis diuinæ: cui cum possibilia sint omnia, hoc modo vult per sacramēta nos iustificare, & res corporeas erigere, vt operentur in animas.

Ad cōsequē-
dā sacramē-
torū gratiā
necessaria
est in adultis
propria di-
spositio &
actus liberi
arbitrij.

q. 113. art. 3.

q. 86. art. 2.

q. 87. 3. part.

Act. 2.

dist. 17. q. 2.

4. part. q. 72.

Quartum denique non est prætermittendum, quod videlicet ita asserimus hanc virtutem Sacramentorum, vt tamen apertè doceamus necessariam esse in adultis dispositionem propriam, & actū liberi arbitrij cooperantem gratiæ & sacramentis. Atque ita hæretici apertè couincuntur nobis imponere, qui dicunt nos ex hac prædicata sacramentorum virtute occasionem dare negligentię & socordię, quasi absque bono aliquo motu animæ nostræ sacramenta operentur. In paruulis quidem hoc credit tota Ecclesia, sed de adultis nullus, qui prudenter loquitur, hoc asserit. Hæc est b. Thomæ sententia manifestissima prima secundæ & tertiæ parte, vbi ait adulto non remitti peccata, etiam in Baptismo, sine actuali mutatione animi, quæ fit per pœnitentiam : & de remissione venialium loquens eodem loco, ait nec gratiam dari nec augeri, nec peccatum remitti adultis, etiam veniale, sine motu cordis & præparatione. Idq; illud verbum Petri Apostoli confirmat: Pœnitentiam agite, & Baptizetur vnusquisque vestrum. Beatus etiam Bonauentura in 4. sentent. idem diligenter cōfirmat: & Alexander de Ales, de hoc agens in summa. Et hi omnes ex verbis Augustini in multis locis, & specialiter tractatu 72. super Iohannem, hoc probant, vbi ait: non iustificari nos sine nobis. Debuerunt itaque noui isti doctores prius legere eos qui inter scholasticos probabilioris sententiæ habentur, & tunc reprehendere. Sed hæc dicta sint, vt eorum pateat negligentia & arrogantia. In speciali verò circa singula sacramenta quæ restant dicemus.

Quia verò tribuitur nonnullis sacramentis quidam specialis effectus, scilicet character, qui in antiquioribus Doctoribus nō reperitur, propter quod de eo aliqui dubitant, de eo sequentia breuiter sunt annotanda.

Primum. Certa fidei regula tenet quædam sacramenta spiritualem potestatem actiuam vel passiuam dare. Illa scilicet, quibus suscipientes deputantur ad quædam Christiani cultus opera
vel

GRATIA NIMIRVM ET CHARACT. 29

vel exercenda vel suscipienda: idq; etiam si ab indignis suscipiantur credendum est effici: sicut sacramentum Ordinis, etiam indigne susceptum spirituales potestates confert ordinato: ita Baptismus in peccato susceptus suscipientem reddit habilem ad participanda sacramenta: hoc de Baptismate ab hæretico & inter hæreticos suscepto & Ecclesia definiuit, & b. Augustin. contra Donatistas defendit. Hæc verò potestas proculdubio à suprema illa Christi potestate deriuatur, & eam habentem configurat ipsi. Quare merito à posterioribus appellatus est Character, quod significat configuratiuum quoddam signum siue formam: idq; etiam similitudine sumpta ex his quæ fiunt in Repub: explicat. Nam qui deputantur ad opus aliquod, puta militiæ, insigniuntur nota, quam Characterem vocant: & hac similitudine vius est August: disputans contra Donatistas, lib: 1. contra Parmen: ca. 13. dicens quod sicut figuram regis monetæ impressam à falsario cognitam probat lex, etsi falsarium damnet: & militiæ Characterē (sic enim inquit) ab infideli milite impressum non repetit verus Rex, sed agnoscit: ita etiam Baptismus ab hæreticis datus non repetendus est in Ecclesia. Vbi etsi Augustinus Characterem ipsum sacramentum Baptismi magis vocauit, quàm effectum aliquem eius, quare ex eo loco non conuincimus Augustinum Characterem aliquem interiore in sacramentis imprimi asserere, quia tamen res ipsa certa est, dari scilicet eam potestatem, suscipiendum est etiam hoc nomen tanquam doctrinæ Ecclesiasticæ conueniens & in ea receptum, vt patet in cap. Maiores, de Baptismo. Vbi Innocentius 3. Characterem imprimi dicit etiam quibus non confertur gratia.

Secundò etiam aduertendum, ex his quæ diximus facile agnosciposse, quæ sint hæc sacramenta Characterem efficientia. Illa enim tantum sunt, per quæ ad alios actus, extra ipsum sacramentum scilicet exercendos, specialiter deputantur suscipientes. Sunt igitur hæc tria tantum, Baptismus, per quem capaces efficiuntur aliorum sacramentorum, Confirmatio, per quam ad profitendam fidem armamur, Ordo, per quem traditur potestas præcipui sacramenti, & aliorum etiam administrandorum. In reliquis verò istud non est, vt facile est videre. Vnde & character hic quia consecratio quædam est deriuata à Christo, indelebiliter manet: & ideo illa sacramenta iterari nō debent, Quæ omnia latius b. Th: prosequitur. q. 63.

Quia

DE BAPTISMO.

Quia tamen ex hoc nonnulli graues scholaſtici reliquis quatuor ſacramentis tribuunt ornatum quendam, quaſi illa indigne ſuſcepta operentur in anima non quidem gratiam, non tamen omnino nihil, ſed diſpoſitionem quendam putarunt ea producere, quæ ornet etiam aliqua ex parte animam: de hoc ſatis ſit admonere, quòd nulla certa ratione conuincitur ponendam eſſe rem aliquam, quæ ornet vel diſponat ad gratiam. Itaque eadem facilitate qua aſſeritur, reiſci poteſt. Quare non eſt hæc doctrina tanti faciendæ, vt præcedens: & melius eſt illud omnino omittere, quod neque ſcriptura, nec ratione certa, nec probabili authoritate oſtenditur.

DE BAPTISMO.

LECTIO PRIMA.

De his quæ ad integritatem eius
pertinent.



RIMVM IGITVR SACRAMENTORUM omnium Baptiſmus eſt, ita à Chriſto primò omnium inſtitutus, & ab Apoſtoliſ prædicatus, primò etiam in Eccleſia habitus in uſu: & vtriuſq; horũ in Euangelio & actiſ Apoſtolorum frequens mentio ſit: de quo ordine propoſito agendum eſt.

Eſt itaq; Baptiſmi materia & elementum aqua ex inſtitutione Chriſti: Niſi

Iohannis 3. quĩs renatus fuerit ex aqua &c. Forma verò ſiue verbum. Ego te baptizo in nomine Patris & Filij & Spiritus ſancti, ex eadem inſtitutione domini; Baptizantes eos in nomine patris & filij &c.

vbi

vbi vtriusq; etiam meminit. Nam in verbo, Baptizantes, quod lo-
tionem significat, manifestè aqua ostenditur, de qua re Theologi
in 4. dist. 3. & b. Tho. 3. parte explicat quæ necessaria sunt. Ex qui-
bus, reiectis disputationibus, sequentia notentur,

q. 66.

Primum. Aqua necessaria in Baptismo est, ea quæ no-
mine aquæ communiter accipitur: siue ea elementum sit, siue *De materia Baptismi.*
corpus aliquod magis compositum & mixtum. Quare sola illa
transmutatio siue naturalis siue artificialis, quæ speciem mutat a-
quæ, veritatem sacramenti aufert, & nulla alia. Nam vt b. Tho-
mas inquit, & in sulphureis aquis, aut quibuscunq; alijs, qualiter-
cunque alteratis, fit Baptismus: non verò in liquoribus ex herbis
resolutis, aut quibuscunq; alijs. Hoc itaque elementum propter
communitatem & abundantiam, & propter naturales suas pro-
prietates, & mysticas etiam significationes, ad hoc Sacramentum
maximè necessitatis ab ipso Deo electum est.

Secundum. Forma etiam, siue verba ipsa à Deo instituta, de *De Forma*
necessitate duo opus est vt significant: actum videlicet ipsum, & baptismi.
principalem primamq; causam Baptismatis, scilicet sanctissi-
mam Trinitatem, & hoc verbis communibus, quibus hæc personæ
diuinæ significantur in scriptura. Ob defectum primi, si verbum,
Baptizo, omittatur, inquit Alexander 3. cap. 1. de Baptismo, non
est sacramentum: si quis videlicet immergat dicent tantum in no-
mine patris & filij & spiritus sancti: quia videlicet non explica-
tur actus ipse, vt b. Thomas inquit supradicta q. Si verò hic signi-
ficetur omissa persona ministri, nihil aufertur veritati sacramenti,
vt in Baptismo Græcorum: Baptizetur seruus Christi: sed omisio
Baptizati, si videlicet pronomen illud, te, non dicatur, aufert veri-
tatem Baptismi, vt b. Thom. 3. d. 4. inquit aperta ratione. Est enim
determinatio actus baptizandi ad eum qui baptizatur. Si tamen
illud pluraliter proferatur cùm simul multi baptizantur, quod in
necessitate fieri potest, ad veritatem sacramenti sufficit, vt idem
inquit. Est tamen in his attentè considerandum, ne quid horum *art. 5. q. 67.*
verborum, Ego te baptizo in nomine patris & filij & spiritus san-
cti, mutetur. Nam etiam si ad mutationem sensus non perti-
neat, non sine periculo grauis peccati fieri potest. Propter defe-
ctum secundi non putatur certò verum baptisma in nomine ge-
nitoris & geniti, vel in nomine Christi, nisi speciali dispensatione
Dei, qualis fuisse creditur in primitiua Ecclesia. Hæc sunt tuta &
certa: ceteri alia sint disputabilia.

H

Rectè

DE BAPTISMO.

Definitio
baptismi.

Rectè igitur ex his Magister definiuit sacramentum Baptismi dist. 3. 4. Quòd sit ablutio corporis exterior sub præscripta forma verborum. Nec enim aqua, nec verba sacramentum sunt, sed vsus ipse in vtriusque coniunctione, vt Augustin. exponit illud Ioannis : Mundi estis propter sermonem &c. quòd scilicet in accessu verbi ad aquam, vel ablutione ipsa consummetur sanctificatio. Aliæ etiam definitiones si quæ dantur, iuxta hanc sunt intelligendæ: vt est illa Hugonis de S. Victore. Quòd sit aqua abluendis animabus sanctificata per verbum. Vel certè dantur secundum effectus sacramenti, vt à Damasceno, Dionysio & alijs.

De immergē
do aut asper-
gēdo illo qui
baptizatur
sequandā ec-
clesiæ cōsue-
tudinē.

De ministro
baptismi.

Articulo 2.

Hinc etiam patet ad sacramenti necessitatem sufficere immer-
sionem siue vnā siue trinā, vel asperssionem. Quolibet enim
modo sacramentum est. Sed peccatur proculdubio grauiter, vt in-
quit b. Thom. art. 7. illius q. in omisione consuetudinis Ecclesiæ.
Et hæc de materia & forma, iam ad reliqua.

Minister quidem proprius huius sacramenti sacerdos est, &
nullus eo inferior, ne Diaconus quidem, vt Gelasius inquit in cap.
Diacones. 93. d. cuius rationem b. Tho. q. 67. vbi de hoc agit, con-
uenientissimam reddit. Baptismus enim proximus est Eucharis-
tiæ, nempe per quem ad illam acceditur. Quare ad eundem per-
tinet minister: idque ex institutione ipsa Christi. Vnde et Ep-
iscopi possint illud ministrare, et ad hoc Apotoli à Christo missi
sunt: Docete omnes gentes, baptizantes eos in &c. tamen Paulus
aperitè ostendit non esse proprium eorum munus: Non misit me

1. Corinth. 1

Christus baptizare, inquit. Cæterum in articulo necessitatis non
esse certum minister tota intellexit Ecclesia: ne videlicet vlli de-
sit tam necessarium remedium. Itaque & Laici & fœminæ conse-
crant hoc sacramentum: sicut Vrbanius Papa inquit ca. super qui-
bus. 30. q. 3. Et non baptizatus etiam, vt Nicolaus Papa respon-
det in ca. quodam Iudro. de consecrat. dist. 4. quanq̃ August. id
sub dubio reliquerit. Ex quo colligitur etiam, quòd extra neces-
sitatem ab his verum sacramentum perficitur: sed vt b. Thom. illius
quæst. art. 5. inquit, grauiter, & proculdubio mortaliter peccatur,
si ab his extra necessitatem celebretur: sicut si à pluribus simul to-
tum conferretur sacramentum. Nec enim dubium est peccare
eos, sed baptismus propterea non est nullus, si modò, vt diximus,
vterque & verba proferat & immergat. Nam à pluribus partiali-
ter a gentibus, vno videlicet immergente, altero proferente verba,

NON

non sit sacramentum: sicut hinc etiam patet nullum se posse baptizare: deesset enim minister.

De suscipiente verò hoc tantum dicendum est, quòd capax est eius omnis iam natus, siue paruulus siue adultus sit: vt art. 1. 1. Baptismum quaest. 68. inquit Thom. Nam ex verbo illo Euangelij: Nisi quis resuscipit, natus fuerit &c. August. rectè colligit neminem renasci, qui non fuerit natus: cum tamen in periculo vel caput, vel quodcunque etiam membrum extra vterum apparens perfundi debeat, & ibi baptismus celebrari: vbi, si postea perfecte nasceretur qui periclitabatur, repeti debet sacramentum sub conditione, inquit b. Tho. Iam verò in hoc casu, si prodeunte capite illud perfundatur cum verbis baptismi, quia principale membrum est, non dubitatur verum perfici sacramentum, nec repetendum esse. In alijs verò inferioribus et infirmioribus membris est meritò dubium, et ideo cum in eis sit, reiterandus est.

In vtroque verò, ministro, scilicet & suscipiente, dispositio certa requiritur: & alia quidem ad veritatem sacramenti, alia ad rectum usum, vel ad fructum consequendum: de quibus breuiter sequentia adnotentur.

Primum. In ministro ad veritatem sacramenti necessaria est intentio faciendi quod Christus & Ecclesia instituit. Nam cum minister rationalis sit, & opus ipsum multis de causis fieri possit, necessarium est vt ex intentione eius ad hunc finem applicetur: quæ est ratio b. Thomæ art. 8. q. 64. probans in omnibus alijs sacramentis etiam hoc requiri. Rectitudo verò intentionis, vt scilicet non solum velit quod Christus præcepit facere, sed id etiam recta intentione non ob malum aliquem finem faciat, necessaria tantum est vt ille non peccet.

Secundum. In suscipiente etiam adulto ad veritatem sacramenti necessaria proculdubio est intentio suscipiendi sacramentum, vt art. 7. q. 68. b. Thom. inquit: & hæc est ecclesie definitio, vt patet in capite. Maiores. de baptismo, omiſſis disputationibus. Ex quo etiã certissimum est, baptismum phrenetico vel mente alienato, qui nunq̃ antea consensit, datum, nullum esse, vt art. 1. 2. illius q. inquit b. Tho. Solet quidem in periculis, cum dubium aliquod est de intentione periclitantis, vel certum est eum voluisse, dari baptismum: non tamen perficitur sine vlla adulti voluntate vel præterita vel interpretatiua, Recta verò fides, sicut & propositum non

DE EFFECTV ET SIGNIFICATIONE

peccandi & mutandi vitam, in suscipiente necessaria sunt, vt ille fructum consequatur baptismatis, & minister non peccet. Quod illud Petri Apostoli probat: Pœnitentiã agite, & baptizetur vnusquisq; vestrum. Et Augustinus in lib. de fide & operibus efficaciss. conuicit contra hæreticos hoc negantes. Non sunt tamen prædicta necessaria ad integritatẽ sacramenti.

Quid requiratur ad baptismum parvulorum.

Tertium. In puenis, & qui nunq̃ vsum rationis habuerunt, quos tamen certa fides baptizari posse docet, vt infra dicemus, ad integritatem quidem sacramenti nulla, nec interpretatiua, nec parentum voluntas necessaria est: cùm sacramentum solum perficiatur in eis virtute Christi. Sed ad rectum vsum sacramenti, voluntas parentum, vel eorum quibus commissi sunt, & quædam susceptorum professio & quodammodo fideiussio necessaria est; de quibus inferius dicemus.

LECTIO SECVNDA.

De effectu et significatione baptismatis.



QVAE dicta sunt sufficerent quidem ad perficiendum sacramentum, & rectè etiam administrandum, maximè si accederent cœremoniæ ecclesiasticæ, de quibus suo loco dicemus: non tamen putamus illa sufficere sacerdoti administranti hoc sacramentũ. Nec enim satis est scire quomodo perficiatur sacramentũ, sed oportet etiã cognoscere dignitatem & effectũ, & reliqua mysteria eius ne in illud incidat Euangelij: Nolite sanctum dare canibus, nec mittatis margaritas vestras, id est, preciosa Dei dona, ante porcos: ne fortè cõculcent eas pedibus suis. Opus igitur est vt ipse æstimare sciat, & alios docere possit quanti sit æstimadum sacramentum. Quare meritò reprehedendi sunt qui hæc solum tradũr, quæ ad praxin quandam pertinet, & sacerdotem quasi mechanicũ artificem faciunt. Dicenda sunt ergo iam duo, scilicet effectus & significatio baptismi, & ea quidã simul, cum reuera in omni sacramento

Nota

ramento idem sint hæc duo. Efficiunt enim quod significant.

De effectu itaque baptismatis hoc sit certissimum fundamentum. Primum & proprium effectum eius esse plenam atque perfectam peccatorum omnium remissionem. Quod August. & in Enchiridio cap. 43. & in libris de peccatorum meritis & remissione, ubi hoc diligentissime pertractat, aperte dicit & frequenter. Peccatorum inquam omnium, siue originalis, siue etiam actualium omnium quotquot in adultis esse possunt. Perfectam verò & plenam, inquit b. August. ut intelligamus nullo peccato post baptismum aliquem teneri : Qui effectus huius sacramenti significatur primò ipsa lotione aquæ, de qua Ezechiel: Effundam super vos aquam mundam, & mundabimini &c. Et multo apertius hoc significat ipsa forma : Ego te baptizo &c. Circa quam hoc considerandum est, quòd, quia dicitur, baptizo te, absolute significatur totius hominis ablutio, non corporis tantum : & quia dicitur, in nomine patris &c. significatur supercœlestis & diuina planè mundatio. Nam, in nomine, dupliciter intelligi potest : aut enim ut idem sit quod, tanquam minister & potestate accepta à patre & filio &c. vel in nomine, hoc est, sub inuocatione, & in honorem ac laudem nominis Dei, ut Paulus inquit: Omne quodcumque facitis in verbo aut in opere, omnia in nomine domini nostri Iesu Christi, gratias agentes Deo & patri per ipsum. Significant ergo hæc verba perfectè mundari baptizatum virtute diuina, atque ad inuocationem Dei ipsius : quare & in laudem eius & gloriam. Et hoc de primo effectu, qui meritò fundamentum est omnium, & conuenit baptismi maximè, ut August. in illo loco Enchiridij dicit, ut est configuratio quædam mortis & sepulture Christi: ut sicut Paulus inquit, æstimemus nos mortuos esse peccato, sicut ipse mortuus est similitudini carnis peccati. Est itaque baptismus verum illud rubrum mare sanguine Christi aspersum, ubi Aegyptij omnes & peccata submerguntur.

Secundus effectus Baptismi est gratiæ Dei & virtutum omnium collatio: quem etiam aqua ipsa virtute sua, quia fecundat & perspicua est, significat: ut videlicet nō sit anima nostra sterilis, ut terra sine aqua, sed inebriata potius & iufusa & potens germinare. Unde & Paulus inquit de hoc sacramento, quòd sit lauachrum regenerationis & renouationis spiritus sancti, quem effudit in nos abundè.

Primus ac proprius baptismi effectus est plena omnium peccatorum remissio.

lib. 1. cap. 17.

Ezech. 36.

ad Collo. 3.

ad Rom. 6.

Secundus effectus baptismi est gratiæ diuinæ ac virtutū donatio.

ad Titum. 3.

DE EFFECTV ET SIGNIFICATIONE

Tertius effectus baptis- Tertius effectus huius sacramenti, vnde & præcedentes om-
mi est Chri- nes, est vera vnio ad Christum vt caput nostrum, & insertio qua-
sto tanquam dam: de qua Paulus inquit: Quotquot in Christo baptizati estis,
capiti vniri Christum induistis. Et ipse dominus: Ego sum vitis, & vos palmi-
atq; inseri. tes. Ex quo meritò possumus dicere per hoc sacramentum
ad Galat. 3. in nobis effici & produci omnes effectus passionis & redem-
 ptionis Christi, quicquid videlicet in scriptura sacra legimus
 ipsum passione sua effecisse in mundo: quos Augustinus dili-
 enter colligit lib. 1. de peccatorum meritis & remissione. Venit
 enim ille viuificare, saluare, liberare, illuminare, redimere à mor-
 te, ab infirmitate, à seruitute, captiuitate & tenebris: quæ omnia
 per baptismum efficiuntur. Venit etiam adoptare nos in filios
 Dei, & regnum cæleste aperire nobis: vnde & meritò dicere pos-
 sumus effectus proprios baptismi esse adoptionem filiorum, de qua
 dicitur, Nisi quis renatus fuerit: veram Dei cognitionem, de qua
 etiam ibi loquitur, Non potest (inquit) videre regnum Dei: spi-
 ritus sancti participationem, & perductionem ad regnum ipsum
 cæleste: quos in ipso quem Christus suscepit baptismo aperte
 significatos videmus. Apertum est cælum, descendit spiritus
 sanctus, manifestata est tota Trinitas. Nec dubitandum ista om-
 nia significari exterioribus signis, aquæ videlicet ablutione &
 verbis, quæ proculdubio diuinam promissionem nobis significant,
 imò totius Trinitatis operationem in nomine patris &c. nos re-
 generantis, & ad hæreditatem cælestem vocantis.

Cap. 17. &
18.

Ioan. 3.

Math. 3.

Suscipiendo
baptismum
colitur Deus

Hic etiam quod superius in communi diximus de sacramentis
 in speciali comemorandum est. Diximus enim sacramenta esse cul-
 tus quibus nos deum colimus, & instrumenta quædam & causas
 quibus nos Deus iustificat: ita igitur omnia hæc quæ dicta sunt
 accipiantur. Nam nos suscipientes baptismum, & submittentem
 nos illi cum fide horum effectuum, fateamur nos immundos, pri-
 uatos vita Dei, cælesti hæreditate expulsos & exules, Deum verò
 esse qui sua bonitate & gratia nos hoc agnoscentes mundat & re-
 generat &c. Et quid aliud hoc est quam verus Dei cultus? qui
 maxime confessione peccati & agnitione diuinæ gratiæ perfici-
 tur: Sacrificium Deo spiritus contibulatus: Sacrificium laudis ho-
 norificauit me: & multa huiusmodi. Iam verò nos sic ipsum co-
 lentes mundat & perficit, vt dictum est. Itaq; hæc significatio sa-
 cramenti duplex est, altera, cum à nobis ordinatur in Deum; altera,

cum

clm ab illo nobis confertur. Vtraque tamen eius ordinatione & institutione tenetur & creditur à nobis. Hæc quidem diximus brevissimè, quantum vt intelligi possint satis est. Cæterum debent Ecclesiæ ministri diligenter hos effectus docere populum, & in eis docendis sunt certè & ex Scriptura sacra, & ex doctrina Patrum multa, & quidem efficacissima desumenda, vt non tantum doceatur veritas, sed infigatur etiam animis, & afficiantur auditores. Habes tamen ex his quæ hic dicta sunt, quasi capitali locorum quæ tractanda sunt: significationem scilicet verborum huius sacramenti, & aquæ proprietates: Ex quibus analogia ad spiritualia sumitur, quòd nimirum commorimur & conspelimur Christo: quòd inferimur illi, quòd adoptamur in filios: vbi mysteria illa baptismatis Christi, qualiter scilicet in eo noster baptismus & effectus eius, vbi inchoatus est & significatus, sunt explicata.

LECTIO TERTIA.

De vera ratione remissionis peccatorum quæ fit in Baptismo.



Possent quidem quæ diximus sufficere, vt virtus sacramenti Baptismatis utcumq; agnosceretur, sed propter errores præsentis notanda sunt iam sequentia, vel potius inferenda ex supra dictis: & primò quidem ipsum effectum remissionis peccatorum explicemus, vt manifestentur errores: deinde virtutem considerabimus, & modum quo operatur Sacramentum.

Circa primum igitur ex his quæ de primo effectu Sacramenti diximus inferitur, Falsissimum esse & nulla ratione nixum errorem Lutheri & sequacium, in Baptismo non verè remitti peccatum originale, nec verè nos ab eo liberari per ipsum: quod pertinaciter adhuc assertunt, adducti hac sola ratione, quod Paulus clamat se in membris suis habere legem peccati, & carne servire peccato: & omnibus dicit, Non regnet peccatum in vestro mortali corpore: ostendens videlicet esse adhuc in nobis peccatum: quæ
omnia

Error Lutherianorum circa primū effectum Baptismi cōstat. Rom. 7. & 6.

QVO MODO REMITTANTVR

omnia sunt tam dilucidè explicata ab Augustino & patribus, vt nullum possint nec debeant mouere. Et certè mirandum est quod Lutherani auctoritatem Augustini sequi se putent, vel velint ab alijs putari, cum vnus Augustini sententia de hac re ita sit manifesta, & ita ipse contraria omnia, quæ videri possunt, dilucidet, vt nullum relinqui possit dubium de sensu eius & totius Ecclesiæ. Igitur Augustinus lib. 2. de peccatorum meritis & remiss. cap. 17. & 18. apertè ostendit, quòd soluto reatu originalis peccati per baptismum, quicquid scilicet in nobis est, quod nos remorari potest à vitæ æternæ consecutione, quod nos indignos Dei amicitia & gratia efficit, & dignos pœna & damnatione, atque odio Dei: totum enim hoc aufertur: & ideo plenè dicitur remitti peccatum. Cuius verba, vt nullus sit tergiversationi locus, hic sunt inferenda. Sic igitur in fine 17. cap. inquit: Illud namque præcipuè propter quæstiones, quæ de hac re motæ sunt vel moueri adhuc possunt, attendere ac meminisse debemus, tantummodo peccatorum omnium plenam perfectamq; remissionem baptismò fieri: hominis verò ipsius qualitatem non totam continuò commutari. Et mox lex in principio sequentis Capituli de lege peccati sic dicit: Hæc autem lex peccati, quod etiam peccatum appellat Apostolus. Non ergo regnet peccatum in vestro mortali corpore, ad obediendum desiderijs eius, nò sic manet in membris eorum qui ex aqua & spiritu sancto renati sunt, tanquam non sit eius facta remissio, vbi omnino plena & perfecta sit remissio peccatorum, omnibus inimicitijs interfectis, quibus separabamur à Deo: sed manet in vetustate carnis tanquam superatū & peremptum, si non illicitis consentionibus quodammodo reuiuiscat. Hæc Augustinus. Manet igitur ipsa concupiscentia in regeneratis, quæ est, vt ita nunc dicamus, materiale originalis peccati. Manet itaque rebellio carnis, manent propensiones illæ ad illicita & contraria spiritui, propter quas etiam in baptizatis caro concupiscit aduersus spiritum: Sed hæc omnia manent ita infirmata per gratiam baptismi: vt sint magis baptizatis ad exercitium virtutis & meritum, quàm ad damnationem, si non illi consentiatur, vt ex loco proximo Augustini patet: cuius de hac re sententia frequentissimè etiam inculcata non potest obscura esse, quàm & primo libro de nuptijs & concupiscentia à 23. c. vsque ad 27. pluribus explicat, ostendens manere quidem concupiscentiam actū, sed non

non reatum eius: sicut è contrario manet in peccato actuali, puta homicidij, reatus, transeunte actu: vbi frequenter repetit vniuersorum factam esse remissionem peccatorum in baptismo, exponens etiam apertè, qualiter à Paulo concupiscentia hæc peccatum vocetur: ita inquit cap. illo 23. Sic autem vocatur peccatum (loquitur verò de concupiscentia) quia peccato facta est, concupiscentia cum iam in regeneratis non sit ipsa peccatum: sicut vocatur in baptis-
 lingua locutio quam facit lingua, & manus scriptura quam satis vocetur facit manus. Itemque sic vocatur peccatum, quia peccatum.
 tum, si vincit, facit: sicut frigus pigrum vocatur, non quòd à pigris fiat, sed quòd pigros faciat. Et vt apertius fiat horum mendacium, vide Pelagianos hoc pro probro obieciisse Catholicis, quòd dicerent peccatum in baptismo non omnino remitti, sed ex parte. Quibus Augustinus respondet libro 3. contra duas Epistolas Pelagianorum, cap. 3. Mentiuntur, insidiantur, tergiversantur, non hoc dicimus. Et inter cætera, quæ ad purgandos Catholicos ab hac suspitione ibi dicit, ita loquitur: Baptismus igitur abluit quidem peccata omnia, prorsus omnia, factorum, doctorum, cogitatorum, siue originalia siue addita, siue quæ ignoranter siue quæ scienter admissa sunt: sed non aufert infirmitatem, cui regeneratus resistit. Hæc Augustinus. Manet itaque hæc infirmitas & concupiscentia, donec tandem virtute ipsius baptismatis absorbeatur mortale hoc & carnale corpus, & fiat spirituale. Quare baptismus meritò prima regeneratio dicitur. Nam in Euangelio inquit Christus, In regeneratione, cum sederit filius hominis &c. de resurrectione loquens. vt illa sit secunda regeneratio, quæ reuera virtute baptismatis confertur, insertionis scilicet illius & vnionis cum Christo, de qua diximus, vt Augustinus probat libro 1. de nuptijs & concupisc. capite 33. & sequenti. Vnde Paulus inquit: Quòd si spiritus Christi habitat in vobis (hoc pertinet ad vnionem) qui suscitauit I E S V M Romanor. 8. mortuis, viuificabit mortalia corpora vestra propter inhabitantem spiritum eius. Et iterum ibidem regeneratis dicit: Corpus quidem mortuum est propter peccatum, spiritus verò viuit, siue (vt Augustinus legit) vita, propter iustificationem. Vbi etiam est hoc obseruandum, quòd tam perfectè peccata remitti dicimus, vt nulli pænæ aut satisfactioni astrictus maneat qui baptizatur, si mox decesserit: tamen mors illa & cæteræ pænæ, quibus

QVO MODO REMITTUNTUR PECCATA

bus in Adam puniti sumus, non auferuntur, sicut nec ipsi Adam ablatae fuerunt, quanquam remisso peccato: & certè inter has pœnas computari debet rebellio hæc carnis. Illæ igitur reliquæ omnes pœnæ manent quidem in nobis triplici de causa, vt beat.

Lib. 1. de peccato: merit. et remiss. cap. 30. & sequentib.

Thom. ex hoc loco Augustini collegit quæst. 69. 3. partis, vbi de his effectibus loquitur art. 3. quæ meritò notandæ sunt: vt sci- licet conformemur Christo baptizati in illo, qui sine peccato mor- ti & doloribus subditus fuit, vt exerceamur ad meritum & humili- ationem, denique vt fides permaneat. Si enim, inquit Augusti- nus, visibiliter liberarentur baptizati omnes à morte & incom- modis omnibus, iam non fide crederetur baptismus, nec propter futurum sæculum baptizarentur tantum homines, vt illo loco Augustinus inquit. Vanus igitur est error ille Lutheranorum, & confutatur certissimis authoritatibus suprâ citatis: Mundabimini ab omnibus inquinamentis vestris: & Paulus: Lauans eam lauacro aquæ in verbo vitæ: & Existimate vos mortuos esse peccato.

Ezech. 36.
Ephes. 5.

Per baptis-
mū verè iu-
stificamur.

Ex eisdem etiam, quæ de effectu baptismatis diximus, manife- stè sequitur nos veraciter iustos fieri per eum. Saluos nos fecit per lauacrum, audimus Paulum dicentem. Et rursum: Lauacrum re- generationis & renouationis vocat, non certè alia ratione, nisi quia renouamur & regeneramur. Cæterum quia de hac vera re- nouatione & iustificatione Lutherus & sui valde errant, nullum agnoscetes veram mutationem, sed solum non imputationem peccati, dicemus de hoc in proprio loco, cùm de iustificatione im- pij circa sacramentum penitentiae agemus. Quod ad hunc lo- cum attinet, circa hunc baptismi effectum, qui etiam est in par- uulis: nam renouantur & illi et regenerantur, iusticiat nobis quod Augustinus, manifestè quidem lib. 1. de peccat. meritis & remiss. cap. 9. inquit, Christum illuminationem, iustificationemque no- stram intrinsecus operari: dat enim (inquit) sui spiritus occul- tissimam fidelibus gratiam, quam latenter infundit & paruulis: & in multis quidem locis, maxime secundo de peccato. merit. & remiss. fatetur non esse in nobis, quamdiu hic viuimus, consum- matam & perfectam iustitiam: qualis scilicet est in beatis: sed per baptismum quidem inchoari in nobis renouationem & purga- tionem à peccatis, in qua Paulus nos admonet semper proficien- dum esse: atq; ita docet manere in nobis iustitiam, etsi reliquum

Capite 7.

fit

fit semper aliquid vetustatis. Sicut igitur de peccatorum remissione dictum est, ita de hac iustificatione & renouatione nunc dicimus, inchoatur cum baptizamus, & virtute ipsius baptismatis in ea proficimus, vsq; quo tandem ad perfectam renouationem virtute ipsius baptismatis perueniamus: Quod Paulus aperte dicit illis verbis: Christus dilexit Ecclesiam suam &c. lauans eam lavacro aquæ in verbo vitæ, donec exhibeat sibi illam non habentem maculam neque rugam: quod in vltima resurrectione fit, vsque ad quam lauat eam in verbo vitæ &c. Igitur credenda est vera & interior mutatio per occultissimam gratiam infusam per baptismum paruulis, sicut ab Augustino primo de peccato. merito. & remissio. diximus confirmatum & probatum esse ex his verbis quibus in scriptura dicimur in Christo iustificari. Ex hoc tandem colligendum quanta sit, quàmq; diuturna baptismi virtus, de qua & ipse Augustinus incunctanter asserit primò de nuptijs & concupiscentia, quòd non tantum præterita, sed futura omnia peccata remittit, quæ vel infirmitate, vel ignorantia, & deniq; quocunq; alio modo fiunt: non (inquit) quòd Baptismus repetendus sit. sed quòd ex baptismo fiat, vt ipsæ orationes & eleemosynæ, quibus leuiora remittuntur, profint: & pœnitentiam, qua maiora etiam post Baptismum condonantur, propter baptismum inquit Deo esse acceptam. Durat igitur perpetuò virtus baptismi in hac vita. Et quanquam per peccata grauiora innocentia illa baptismi amittatur, manemus tamen adhuc capaces sacramentorum, per quæ illa remittuntur. Vbi hîc cauendus etiam est error Lutheranorû quorûdam, dicentiu peccata futura ita remitti per baptismum, vt non sit opus alio remedio, sed sola rememoratione baptismatis: quod quàm sit falsum, apertissimum est ex alijs sacramentis institutis in illorum peccatorum remedium, de quibus postea. Et hæc de effectibus baptismi sufficiant. Quod verò ad rationem illam iustificationis sola imputatione pœnitentiæ Christi pertinet, inferius, cum de sacramento pœnitentiæ agemus, explicabitur, quàm sit noua hæc sententia aliena à sensu scripturæ & patrum.

DE EXCELLENTIA LECTIO QVARTA.

De virtute & excellentia Baptismi & dispositione suscipientium.



Baptismus
non est tantū
signū remissionis peccatorum.

1. Petri 3.
Calvinus instituit.

Philippus
Melanch. in
locis &c.
Calvinus.

Ita lectione proxima ex fide quæ est de effectibus Baptismi intulimus cōtra errores, quibus tantis baptismi effectibus ab hæreticis detrahitur, ita nunc inferamus contra errores, quibus virtuti & excellentiæ baptismatis derogant. Igitur ex illis scripturæ locis, quæ adduximus, inferitur errorem esse apertissimum, dicere quod Baptismus tantum est signum remissionis peccatorum & mortificationis, atque vñionis cum Christo, quod noui hæretici affirmant in speciali de Baptismo, sicut superius diximus de omnibus Sacramentis, & eidem rationibus confutatur. Saluos nos fecit baptisma, inquit Petrus &c. Quia tamen ex hoc errore in plures alios incidunt contra baptismum, fuit specialiter notandus. Et quidem alij hæretici baptismum tantum dicunt signum professionis nostræ, & militiæ Christianæ tesseram. Quidam verò, quod videantur magis honorare baptismum, non tantum signum professionis nostræ dicunt, sed promissionis diuinæ & gratiæ nobis collatæ quasi sigillum quoddam appendens: vnde tandem apertè fatentur nonnulli eorum, Baptismum nihil conferre, nisi his qui fide suscipiunt: nec alium putant esse vsum Baptismi, quàm vt eo fides excitetur. Quod quàm sit falsum, inferius, cum de Baptismo paruulorum agemus, apparebit. Hoc solum nunc sufficiat, vt videamus quantus sit ille error nihil tribuens Baptismo præter significationem: cum, vt diximus, & Petrus & Paulus ei tribuant efficaciam salutis nostræ, & quod hoc asserentes aut Baptismum paruulorum negare coguntur, vel certè nomine tantum illud admittere, & de paruulorum salute dubitare, vt Calvinus apertè dubitat, diuinæ tantum prouidentię purans relinquendam salutem eorum: quasi non sit certissima fides, per Baptismum paruulis ab omni originali culpa mundatos adoptari.

adoptari in filios Dei : quòd si in filios, & in hæredes : de quo suo loco dicemus.

Ex eodem etiam errore concedunt, quod apertè sequitur, Baptismum non esse maioris virtutis, quàm fuit Circumcisio : imò reuera, si de salute paruulorum non reddit nos certos Baptismus, minoris etiam virtutis est : sed hoc interim omittamus : iam de adultis loquamur. Certè ratio illa & auctoritas Pauli, quibus gratis legis nouæ, & sacramentorum Christi excellentia supra veterem legem, & eius sacramenta docetur, apertè illud falsum esse conuincit : Regnavit mors ab Adam vsque ad Moysen. Et : Lex subintravit, ut abundaret delictum. Hæc de lege, & proculdubio de omnibus quæ in illa erant. Iam de gratia. Vbi autem (inquit) abundauit delictum, superabundauit gratia. Et quod postea de effectu Baptismi loquitur ad hoc propositum. Quid igitur ? Peccabimus quia non sumus sub lege, sed sub gratia ? Et huic obiectioni respondens, ita inquit. Absit : Si enim mortui sumus peccato, quomodo adhuc viuemus in illo ? An ignoratis fratres, quia quicumque baptizati sumus in Christo Iesu, in morte ipsius baptizati sumus ? Et post multa de Baptismi virtute tandem ait : Vetus homo noster crucifixus est, ut destruat corpus peccati. Ex quibus omnibus satis patet multo maiorem virtutem esse baptismatis, quàm circumcisionis. Concedit tamen vera fides & patrum auctoritas in circumcissione remissa fuisse peccata omnia, & originale & actuale, & gratiam collatam, ut inter ceteros Augustinus probat lib. 4. de Baptismo contra Donatist. & in epistola ad Maximum Donatistam, & alijs locis : idq; ex verbis scripturæ : Masculus, cuius præputij caro &c. Et tamen sanior sententia habet circumcisionem tantum signaculum fuisse, nec virtutem habuisse aliam : sed Deum operatum in ea propter fidem redemptionis Christi, quæ in Abraham fuit & patribus, quam circumcisio significabat : Quod, quia verbis Pauli valde consonat, magis probamus. Sic enim ille de circumcissione loquitur : Et signum accepit circumcisionis, signaculum iustitiæ fidei. Itaque signaculum tantum iustitiæ illam dicit, & fidei quæ fuit in Abraham. Sed quocunque modo id sit, nec enim de ea re contendere opus est, gratia illa proculdubio circumcisionis multo est inferior gratia Baptismi : & ideo meritò commutata in Baptismum. De quo Paulus inquit : Circumcisi estis, non in expo-

Multo maior virtus baptismi, quàm olim circumcisionis.

Rom. 5.

Rom. 6.

Cap. 14.
Epistola 103

DE EXCELLENTIA ET VIRTUTE

liatione corporis carnis, sed in circumcissione Christi: consepul-
ti ei in baptismo, in quo & resurrexistis per fidem operationis
Dei.

Cæterum multo crassior & apertior est error ille ex eodem eti-
am primo errore manans, quo Lutherani asserunt idem esse sacra-
mentum Baptismi, quod conferebatur à Iohanne & à Christo:
cùm tamen omnium patrum certissima sit fides, Baptismum Io-
hannis non fuisse Sacramentum, sed assuefactionem quandam &
excitationem per prædicationem & pœnitentiam ad sacramen-
tum Baptismi: quod ipse Iohannes etiam aperte testatus est:
Ego baptizo vos aqua. In quo loco Chrysostomus Homel. 16.
& 15. & cæteri omnes patres hoc intelligunt, & efficacissimè
probant ex illo Pauli opere, de quo Actuum 10. habetur: vbi cõ-
fessi; ad Pauli interrogationem, se baptizatos tantùm baptismo
Iohannis, baptizati sunt rursus. Nec est opus referre, quàm
aperte hanc scripturam deprauent. Inciderunt verò in hunc er-
rorem, quia sacramentum baptismi Christi tantùm putant esse
signum gratiæ, & non causam. Itaque sicut Iudæi, vt Christum
repellerent, Iohannem conabantur extollere, ita hi, quia minus
tribuunt baptismo Christi, coguntur illi æquare Iohannis bap-
tismum: quod satis ostendit quantus sit ille primus error, ex quo in
tantum incidunt. Nam, vt omittamus reliqua omnia, quis
non videt in scriptura & doctrina patrum, quantum discrimen
sit inter baptismum Iohannis & Christi? quàm frequenter ba-
ptismus Iohannis ille appellatur? Christi verò baptismus nun-
quam vel Petri vel Pauli, nec alicuius ministri dictus est. Quod
Augustinus diligenter tractatu 5. super Iohannem ostendit: vbi
plura hæc apertissimè probantia vide. Baptismum quoque Io-
hannis nec necessarium ad salutem, nec sufficientem ibi docet:
Christi verò baptismo vtriusque horum conuenit: Quare in ba-
ptismo Iohannis & sanctitas eius, & deuotio accedentium quære-
batur: in hoc verò nihil ministri sanctitas, sed virtus sacramenti
operatur. Denique post baptismum Iohannis baptizati sunt
multi, quia Iohannis tantùm erat: sed post baptismum datum à
Iuda nullus baptizatus est, quia non Iudæ, sed Christi erat ba-
ptismus. Hæc omnia eo loco Augustinus. Quæ cùm tam con-
sona sint scripturæ & toti reliquæ fidei, mirandum est quòd tam
vanè ab hæreticis reijciantur, nec ob aliud, quàm vt non plus
tribuunt

tribuant baptismo, quàm prædicationi Euangelij : quod primus eorum Magister tam falso asseruit, & illi multo proterius sequuntur.

Ultimò tandem circa hos baptismi effectus opus est de dispositione necessaria ad eos suscipiendos etiam admonere. Est igitur notandum quòd, sicut in communi diximus, exigunt singula sacramenta proprias dispositiones & præparationes in accedentibus: quare etsi ex virtute propria operentur, non tamen sine dispositione recipientium, cum illi adulti sunt: sine dispositione inquam, qua illi se ad gratiam recipiendam coaptent. Igitur certa est & tuta sententia, nullum adultum & rationis competentem sine fide & vera pœnitentia effectum sacramenti baptismi consequi. Primum probat verbum Christi: Qui crediderit & baptizatus fuerit. Secundum confirmat illud Petri actuum 2. Pœnitentiam agite, & baptizetur unusquisque vestrum. Pœnitentiam verò, non qualis sit à peccantibus grauiter post baptismum intelligimus: nam, vt Ambrosius inquit, gemitum non requirit, sed verum propositum mutationis vitæ: verum inquam, & dilectioni Dei super omnia coniunctum. Si igitur horum defectus gratia baptismi priuat suscipientem, multo magis si in eius susceptione peccatum committatur. Meritò itaque beatus Thomas q. 69. 3. partis quadruplicem fictionem, qua impeditur baptismi effectus numerat. Primam, infidelitatem: secundam, cuiuscunque peccati propositum: tertiam, schisma, aut reiectionem eorum, quæ Ecclesia seruat in hoc sacramento: quartam denique, indeuotionem, quæ (vt ille inquit) proculdubio intelligenda est in defectu veræ dispositionis animæ, veriç desiderij gratiæ. Quare & art. 4. 68. quærit, meritò docet, permanentibus in proposito peccati non esse dandum sacramentum baptismi, quod Augustinus egit in libro de fide & operibus. Vnde hoc est etiam considerandum diligenter his, quorum est eos admittere, cum adulti accedunt ad baptismum. Patet enim ex tota Ecclesiæ antiquitate, statuta esse temporum spacia, in quibus adulti & instruantur in fide & vitâ Christiana, & probentur, an vera & plena intentione ad sacramentum veniant. Hinc erant in Ecclesia olim sententia illa catechumenorum, & multa alia ad eorum disciplinam pertinentia, quod proculdubio nunc omittere sine graui peccato non licet. Non (inquam) licet omittere, vt minimum,

Quæ dispositio sit adultis suscipientibus baptismum necessaria ad percipiendum effectum baptismi.

Art. 9.

Quatuor modis sine fructu & indignè percipitur baptismus.

DE DISPOSITIONE SVSCIPIENTVM

num, quod boni viri arbitrio iudicabitur sufficere ad instructionem & probationem baptizandi, idq; cessante periculo. Nam existentibus in periculo subueniendum est quoties opus fuerit, voluntate eorum de suscipiendo baptismo aut aperte cognita, vel saltem probabili coniectura. Quæ ideo hoc loco adnotanda putauimus, quoniam, cum nunc inter catholicos raro accidat adultos baptizari, cum id contingit euenire, omittitur sæpius vera illa instructio & probatio, quod non sine graui peccato fieri posse putamus. Aduertant igitur ministri.

Baptismus
fictè susceptus
remota fictio
ne operatur.
cap. 12.

Non est tamen prætermittendum, quod quanquam baptismus fictè & indignè susceptus non profit, quandoque etiam noceat propter peccatum sacrilegij, quod ibi committitur, tamen b. Augustinus rationabiliter asseruit li. 1. de baptis. contra Donatistas, quod recedente fictione, mutata videlicet voluntate illa, cum quis in peccato accessit ad baptismum, incipit sacramentum ipsum operari, non minus (inquit ille) quàm si cum susciperetur adesset illa penitentia. Quam piam quidem, & dignam Dei misericordia sententiam tota Ecclesia sequitur. Neque opus esset resipiscenti post baptismum aliud, quàm illud peccatum confiteri & detestari. Addit b. Thom. q. 69. rationem huius conuenientissimam: vt videlicet non minus sit efficax dei operatio in sacramentis, quàm naturæ virtus in rebus naturalibus. Sicut igitur natura ablato impedimento opus suum perficit, vt cum generatur graue, si adsit impediens descensum deorsum, eo ablato mox sequitur descensus. Ita in sacramentis. Et quanquam hæc sententia in reliquis omnibus sacramentis non sit ita recepta, potest tamen rationabiliter credi, cum sit in omnibus eadem ratio: vt ita nullus sine spe consolationis doleat de amissa gratia sacramenti, sed credat quodd, etsi cum suscepit non satis fuerit dispositus, nunquam tamen exclusus est à fructu ipsius, quamdiu illum defectum supplere potest. Hoc dicimus in Eucharistia, hoc in cæteris omnibus. Nec opus est inquirere qua virtute sacramenti hoc fiat, sed simpliciter fateri, Deum id operari in anima propter sacramentum quod susceptum fuerat,

art. 10.

LECTIO

LECTIO QUINTA. 37

De non iterando Baptismo, & necessitate eius, ac triplici Baptismate.



VO tantum restant dicenda de hoc Sacramento, quæ necessaria sunt, & ex supra dictis inferuntur. Primum de iteratione eius: Secundum de necessitate.

De primo igitur est certissima fidei sententia, sacramentum Baptismi non posse iterari, quod est, alicui rursus conferri, postquam iterandus. Cur baptis-

semel integrè datum est & perfectum. Hoc enim convenit huic sacramento ex sua propria natura. Cuius b. Thom. quatuor adfert rationes. Quia videlicet est vera & spiritualis generatio: gene-q. 66. art. 9. rari verò semel tantum contingit. Vnde b. Augustinus in illud 3. partis. verbum Nicodemi: Potest homo iterare in ventrem matris intrare, & nasci? meritò (inquit) hoc dicendum de Baptismo. Non enim rursus in ventrem illum aquæ semel baptizatus redire potest. Deinde, baptismus est plena & integra configuratio mortis & passionis Christi, quæ semel tantum perfecta est. Vnde ad Hebræos 6. Paulus rebaptizatores vocat crucifixores Christi: & hæc sunt duæ potissimæ rationes: in quibus aduertendum est, in Sacramentis & eorum effectibus magis esse cōsiderandum modum significandi atq; efficiendi sacramentorum, quàm rem ipsam significatam. In pœnitentia, in Eucharistia eadem passio Christi significatur, & applicatur etiam animæ, quæ in Baptismo: sed in illis ut medicina & cibus, quorum est frequenter sumi: in hoc ut virtus generatiua, quæ circa vnum tantum semel operatur.

Character etiam qui imprimitur in hoc sacramento, qui consecratio quædam est & deputatio hominis ad suscipienda sacramenta, perpetuò manet, sicut omnis consecratio, quàm diu manet res consecrata: & ideo non repetenda. Deniq; & peccatum illud, in cuius remedium propriè & proximè hoc sacramentum est institu-

DE BAPTISMO NON REPETENDO

institutum, originale scilicet, non potest repeti circa aliquem: pro alijs enim peccatis alia sunt remedia. In hac igitur re ministris baptismi diligenter considerandum, ut in alteram partem nimij sint. Repetere baptismum semel rite peractum graue peccatum est. Ceterum cum certum est omisum esse aliquid de necessarijs, manifestum est repetendum esse. Cum igitur dubium conditione re-

Quando baptismus cum conditione repetendus, aliquod de integritate baptismi oritur, melius est cum conditione repetere baptismum (si non es baptizatus &c.) quam periculo salutis committere hominem, maxime paruulum, cui non est aliud remedium. Nam peccatum illud reiterationis baptismatis non committitur, cum ex intentione non fit. Verum nec facile ex minimo quoque dubio fieri debet (nec enim sine irreuerentia sacramenti id fit) sed cum a sapientibus probabile dubium indicatur, tutius est repetere baptismum. Ita superius diximus in difficultate partus faciendum, cum membrum aliquod appa-

Baptism^{us} est necessarius tanq^{ue} remedium, & non solum quia preceptus.

De secundo, necessitate videlicet huius sacramenti, hoc statuitur certissimum, istud sacramentum esse necessarium non tantum ex precepto quodam Dei, sed ut remedium. Inter hæc verò tanta est differentia, ut quod in remedium datur necessarium sit his etiam, quibus vel annuntiari non potest, vel certe non est annuntiatum: sicut paruulis, & his etiam, qui nunquam audierunt Euangelium, necessarius est baptismus, pereuntque eius defectu: non quia transgrediuntur preceptum, sed quia omittunt remedium: sicut Beda illud verbum: Masculus, cuius præputij caro circumcisa non fuerit, peribit &c. quia pactum Domini irritum fecit, de originali peccato exponit: pactum (inquit) quod Adam positum erat, illo transgrediente transgressi omnes sumus, hoc est, rei propter illam transgressionem effecti. Quod igitur baptismus remedium sit necessarium, verbum illud Christi: Nisi quis renatus fuerit ex aqua & spiritu sancto, non potest introire in regnum DEI, aperte probat. In quo verbo Augustinus putat institutum baptismum atque preceptum. Ex quo (inquit lib. 1. de anima & eius origine, ca. 9) dictum est: Nisi quis renatus &c. nemo sit membrum Christi, nisi baptismate Christi. Et quanquam de hac re, quando scilicet fuerit Baptismus institutus, diuersitas aliqua sit, & b. Thom. q. 63. medium tenens, dixit institutum baptismum vel quando Christus fuit baptizatus, vel quando hoc dictum

DE NECESSITATE BAPTISMI. 39

dictum est: sed necessitatem vtendi eo, non nisi post passionem & resurrectionem fuisse impositam hominibus. Sed cum Augustinus (vt citamus) dicat: Ex quo dictum est: Nisi quis &c. pō. Artic. 1. test merito hoc intelligi, legem quidem illam tunc fuisse latam (nec enim dubitari potest ita à Christo dictum fuisse) ceterum promulgatio ipsa legis plena, quæ vt obliget necessaria est, non videtur ante resurrectionem Christi & prædicationem Apostolorum facta.

Sed quoniam tria baptismata à doctoribus distinguuntur, ne- Triplex est baptismus.
cessaria quidem & certa ratione, aquæ scilicet, spiritus, & sanguinis: Vt enim beatus Thomas inquit art. 1. 1. illius 66. q. & martyrium, & certa voluntas baptismum suscipiendi, atq; conuersio in Deum configurant & vniunt Christo crucifixo & passo, sicut ipsum sacramentum, quod non alia ratione queritur, nisi vt incorporentur homines Christo: hinc verò videtur necessitati baptismatis nonnihil detrahi: ideo est diligenter circa hoc considerandum, quid certa fide tenendum sit.

Mors igitur pro Christo perpeffa sufficit proculdubio ad salutem, vt Augustinus frequenter certa authoritate probat. Nam sanguinis. De baptismo loco illo primi libri de anima & eius origine, cum dixit: nemo fit membrum Christi, nisi baptismo Christi, mox addidit, vel morte pro Christi. Id quod probat, quia sicut dictum est: Nisi quis renatus fuerit ex aqua & spiritu sancto: ita etiam dicitur ab ipso Christo: Qui perdiderit animam suam propter me, inueniet eam. quod eo loco & libro 4. de baptismo contra Donatistas Capite 22. confirmat exemplo latronis cum Christo crucifixi, Cyprianiq; authoritate in Epistola de baptizandis hæreticis ad Iubaianum, qui latronem inter martyres computat, & suo sanguine baptizatum dicit. Et quanquam eo loco de origine animæ August. nolit vt certum haberi illum non baptizatum, nam aut aqua ipsa, quæ de latere Christi fluxit, aut certè antequam crucifigeretur baptizari potuit. Et etiam secundo libro Retractatio. cap. 18. tandem in latrone hoc non probari, passionem videlicet supplere vicem baptismatis, cum non constet illum non fuisse baptizatum, apertè fatetur: de salute tamen eius, imò de magna quadam & excellenti gloria apud Christum, & ipsa saluatoris verba, & reliqua quæ scripta sunt dubitare non sinūt: quare & ipse August. illo loco de origine animæ de illo ita loquitur, eleganter quidè & effecaciter.

DE TRIPLICI BAPTISMO.

aciter. Tanto namque pondere appensum est, tantumque valuit apud Deum, qui hæc nouit appendere, quod confessus est Dominum crucifixum, quantum si fuisset pro domino crucifixus. Tunc enim fides eius de ligno floruit, quando discipulorum marcuit. Illi enim desperauerunt de moriente, ille sperauit in commorationem. Refugerunt illi autorem vitæ, rogauit ille consortem pœnæ. Doluerunt illi tanquam hominis mortem, credidit ille regnaturum esse post mortem. Deseruerunt illi sponsores salutis, honorauit ille socium crucis. Inuenta est in eo mensura martyris, qui tunc in Christum credidit, quando defecerunt qui futuri erant martyres. Hæc Augustinus eo loco de insigni martyrio huius latronis. Itaque sicut nec de ipsius salute fides dubitare permittit, ita nec de his, qui pro Christo mortem patiuntur: quod ultra supradictum locum confirmat ipse Augustinus cap. 13. 7. de ciuitate Dei. Et hæc quidem de baptismo sanguinis. De spiritus baptismate iam dicendum.

De baptismo spiritus.

Quod igitur vera conuersio in Deum, verumque baptismi propositum sufficiat similiter ad salutem, certissima etiam fide credendum esse probat August. ut cætera omittamus, primo 22. illo cap. lib. 4. de baptis. contra Donatistas. de latrone quidem loquens, sed certa autoritate Pauli: Corde creditur ad iustitiam, ore autem confessio fit ad salutem. Quod non dubitat ille etiam sine visibili sacramento sufficere, & sequentibus omnibus illius lib. ca. adultis solam conuersionem non minus prodelle putat, quam paruulis solum sacramentum: quandoquidem constat duo hæc, sacramentum & conuersionem cordis ab inuicem separari. Secundo etiam manifestius & efficacius hoc probat lib. questionum super Leuiticum cap. 83. ubi adductis exemplis Iohannis Baptiste, qui prius (inquit) baptizator quam baptizatus fuit, & Moyse, qui visibiliter sacerdotes sanctificabat, cum ipse prius visibiliter sanctificatus non legatur, tandem sic concludit. Proinde colligitur inuisibilem sanctificationem quibusdam adfuisse atque profuisse sine visibilibus sacramentis: visibilem verò sanctificationem, quæ fit per visibilia sacramenta, posse adesse, non posse prodelle sine inuisibili sanctificatione. Nulla itaque ratione dubitari debet, conuersionem veram cordis sufficere ad salutem: atque ita non quodcumque propositum baptismi, non quale cum affectu peccati haberi potest, sed efficax quidem & cum mutatione vitæ coniunctum ad sa-

ad salutem sufficere dicimus. Semper tamen in omnibus his locis meritò quidem addidit August. sufficere propositum hoc, quando angustijs temporum mysterium baptismi celebrari non potest. Ita dixit lib. illo de baptis. & in altero loco Leuitici addidit: Non tamen ideo sacramentum visibile contemnendum est: nam contemptor eius inuisibiliter sanctificari nullo modo potest. Confirmans hoc exemplo Cornelij & eorum qui cum eo baptizati sunt, cum prius in eos spiritus sanctus descendisset.

Ex his igitur constat qualiter alia intelligenda sunt Augustini verba, quæ ille frequenter repetit, & quæ nonnullos turbarunt. Ait enim ille frequenter, catechumenos sine baptismo non saluari: unde tractat. 10. in Iohannem, Nullus (inquit) regnum celorum videbit oneratus peccatis: quia nisi cui remissa fuerint, non regnabit cum Christo: dimitti autem ei non possunt, nisi renatus fuerit ex aqua & spiritu sancto. Hoc quidem Catechumenis dicit. Tempus (inquit) est ut vos exhorter, qui adhuc estis Catechumeni, qui sic credidistis in Christum, ut vestra peccata portetis. Denique eodem tractatu multa dicit in hanc sententiam, & tractatu 13. aperius. Quantumcunque (inquit) Catechumenus proficiat, adhuc sarcinam iniquitatis suæ portat, non illi dimittitur nisi cum venerit ad Baptismum: quæ certè videntur prius dictis de proposito Baptismi contradicere, quamobrem nonnulli coacti sunt rejicere illa: & certè autor ipse libri de Ecclesiasticis dogmat. fortè ex his locis Augustini, durè nimis collegit cap. 74. Baptizatis (inquiens) tantum iter salutis esse credimus, nullum catechumenorum, quamuis in bonis operibus defunctum, vitam æternam habere credimus, excepto martyrio, ubi tota baptismi sacramenta complentur, hæc ille. Vbi quoniam solum martyrium excepit, & de Catechumenis locutus est, videtur propositum Baptismi non putasse sufficere: sed quicquid ille credidit, illud est certa fide tenendum, quod superius diximus. Augustinus verò in illis locis his tantum loquitur Catechumenis, qui baptismum propria voluntate discebant: quod ex contextu ipsius, & ex antiquæ Ecclesiæ consuetudine satis constat. Illos enim exhortatur ut ad baptismum veniant, & negligentes redarguit, his dicit quòd sua peccata secum portant. In antiqua enim illa Ecclesia constat multos diu distulisse baptismum, dum scilicet timebant post baptismum inquinari peccatis, aut aliquo affectu peccati tenebantur, sperantes per

An & quomodo propositum baptismi suscipiendi sufficiat.

DE TRIPLICI BAPTISMO

baptismum tandem sibi omnia remittenda fore, quod Patres illi frequenter arguebant, proponentes ante oculos improuisa pericula mortis & huiusmodi alia. Vnde & eos qui in lecto ægitudinis baptismum suscipiebant, quasi timore mortis, ad ministeria Ecclesiastica non admittebant: pœna hac excitantes omnes ad maturè suscipiendum baptismum. Vide Chrysostr. Homelia 1. in acta Apostolorum, & 13. in Epistolam ad Hebræos, ubi multa in reprehensionem huius dilationis baptismi loquitur. Hoc igitur August. agebat, cum catechumenis salutem negabat: quod etiam ipsum nomen, vsusq; illius in Ecclesia ostendit. Nam catechumeni omnes quotquot nomē dederant & instruebantur vocati sunt: qui verò iam baptismum postulabant, competentes dicebantur: quod ipse August. lib. de utilitate credendi ad Honoratum dicit. Ex quā nominum diuersitate etiam illud constat, quod altior quidam gradus erat competentium, quàm catechumenorum. Illis ergo (vt nomina omittamus) si verum, vt explicauimus, propositum baptismi fuit, si per eos non stetit vt non baptizentur, nullo modo salutem defuisse credendum est. Quod etiam Amb. de obitu Valentiniani, tanquam certissimum affirmare non dubitat, salutem scilicet non deesse illi minori Valentiniano inopinatè sublati: quia ad baptismum iam anhelabat: Ille (inquiens) gratiam quam desiderabat non amisit, quanquam ego, quem regeneraturus eram amisit: desiderauerat enim ille ab Ambrosio baptizari.

Ex his igitur omnibus constat adultis tria hæc esse remedia salutis, ita vt quodlibet sine alio sufficiat: sed nihilominus præceptum Baptismi tunc manet, quando ex conuersione cordis iustificatus quis est, sed solum vt præceptum. Quod August. tracta. illis in Ioannem exemplo ipsius Christi probat. Non est dubium teneri omnes ad baptismum ex præcepto, qui illius capaces sunt, & ipsum audierunt. Etsi igitur ex vera conuersione in Deum cum facultas baptismi non aderat, non dubitemus fieri membrum Christi qui ita conuertitur, si tamen postea oportunitas adit baptismi, tenetur illud suscipere, nec est dubium omissionem eius, aut certè nimiam absque vlla ratione dilationem graue peccatum esse, quo ipsa baptismatis gratia amittitur sicut per alia peccata. Eadem ratione dubitandum non est eum qui pro Christo lethali-
ter vulneratus est, si superuiuat & possit, baptizandum esse, vt huic
præcepto

præcepto satisfaciatur: alioqui tanquam eius contemptor damnabitur. Hæc igitur nobis de baptismo adultorum dicta sint. Iam restat ut de Baptismo paruulorum agamus.

LECTIO SEXTA.

De Baptismo paruulorum.



IRCA paruulorum Baptismum sunt diligenter cauendi multi huius temporis errores, in quos necesse fuit incidere eos qui ab unitate Ecclesiæ se separarunt. Ut igitur extrema errantium, inter quæ media est catholica fides, agnoscamus, Primi circa baptismum paruulorū Manichæi & Pelagiani errarūt, quanquā illi ex diametro pugnant, ut Augusti. scribit 2. lib. contra duas Epistolas Pelag. Vtrique (inquit) Baptismum euacuant, & crudelissimè paruulis auferunt. Manichæi enim aquam baptismatis dicunt superfluum esse, tanquam videlicet immundam, nec prodesse baptismum alicui malo auferendo ab homine, cum illud natura sit hominis & non vitium: quos non est opus ut nunc arguamus: cum necessitatem aquæ ac emundationem autoritas Christi probat: Qui crediderit & baptizatus fuerit &c. Pelagiani verò in altero extremo nullum peccatum paruulos habere contendunt, atque ideo neque egere baptismo, & (ut plurimū) egere eo fatentur, ut perueniant ad regnum, non verò ut remittantur eis peccata, quæ non habent, aut liberentur à dānatione, cuius non tenentur reatu. Contra hos Augustinus multis locis efficacissimè disputat in omnibus ferè libris contra Pelagianos, & in primis lib. de peccatorum merit. & remiss. probans certis autoritatibus scripturæ egere omnes, etiam paruulos, saluatore Christo, & ideo sub peccatis esse: confirmans hoc ipsum consuetudine & autoritate totius ecclesiæ, quæ in remissionem peccatorū eos baptizat, & exussat ab eis contrarias potestates. Hic ergo error à tota Ecclesia iam olim ab eo tempore damnatus fuit & in concilio Mileuitano, & in alijs pluribus, Huic errori proximè accessit error Vincentij cuiusdam,

Errores Manichæorum & Pelagianorum circa Baptismum paruulorū. cap. 1. & 2.

DE BAPTISMO PARVVLORVM

cuiusdam, de quo inferius. Iam ad nostrorum temporum errores accedamus.

**Error Ana-
baptistarum
confutatur.**

cap. 24.

Primus igitur error Anabaptistarum crudelissimè negantium baptismum conferendum esse paruulis, reiiciendus est, vt iam olim à principio ipso Ecclesiæ ab antiquissimis patribus reiectus eadem certa ratione, qua Pelagij error, idq; maximè vniuersalis Ecclesiæ auctoritate. Vt enim Augustinus libro. 4. de Baptismo contra Donatistas dicit, hæc vniuersalis Ecclesiæ auctoritas aperte probat hanc fuisse Apostolicam traditionem. Non desunt & rationes & auctoritates scripturæ, præcipuè illa de circumcisione, quam ibi Augustinus adfert, quæ paruulis dabatur, eratq; eis in salutem: sed verus scripturæ & fidei interpret est hæc auctoritas Ecclesiæ vniuersalis, cui debemus præcipuè inniti, de qua ipse Augustinus plura libro. 1. de Baptismo paruulorum capitulo 16. & multis sequentibus, vbi probat eos inter fideles & pœnitentes computari: & libro 3. auctoritatem Cypriani citat hoc etiam vt comperitissimum asserentis, & nullum expectandum diem aut horam definitione communis concilij Carthagine. respondentis. Est hoc in Epistola 8. libro 3. Dionysius vltimo capite de Ecclesiast. Hierarch. traditionem hanc dicit Apostolicam. Origenes super Epistolam ad Romanos idem asserit, & Bernhardus sermone 67. super cantica vt manifestum errorem damnat, negare paruulis baptismum. Ortus est hic error ex fontibus Lutheri, qui in baptismo fidem exigit, vt ad salutem sit efficax: quare illum sequentes ægrè certè ab hoc possunt errore discedere.

**Alius error
circa baptis-
mū paruulorum.**

cap. 8.

Secundus igitur error huic proximus, pariter etiam reiiciendus, est eorum, qui asserunt non remitti eis peccatum, vel simpliciter eos non renouari & regenerari, sicut videlicet adulti regenerantur consequunturq; peccatorum remissionem. In quem errorem multi Lutheranorum contra Anabaptistas disputantes inciderunt, quia non sunt innixi vero fundamento, Ecclesiæ scilicet auctoritati. Quicumque igitur non simpliciter confitetur baptizatis paruulis peccatum remitti, omnesq; si in ea ætate discesserint saluari, virtuteq; spiritus sancti iustificari & renouari in baptismo, proculdubio hæreticus est: damnatum est enim hoc iam olim in Pelagianis, vt patet in concilio Mileuitano cap. 2. & Augustinus hoc ipsum contra Pelagianos frequentissimè docet: nam lib. 1. de baptismo paruulorum: neminem (inquit) qui ad Christum per baptismum

DE BAPTISMO PARVULORVM. 41

piſſimum venit vera fides & ſana doctrina putat exceptum à gratia remiſſionis peccatorum. Idem etiam libro 1. contra Pelagium & Celeftium aſſerit ſecundum regulam vniuerſalis Eccleſiæ & ſententias Euangelij eſſe cōfitendum. Et quanquam illis locis Auguſtinus contra Pelagianos, & concilium etiam Mileuitanum contra eoſdem hoc agant, vt probent illos ſubiectos peccato, von verò remitti eis peccata, hoc tamen magis confirmant quod dicimus. Nec enim de ea re dubium erat, remitti ſcilicet peccatum ſi eſſet, quare hoc definito, quòd ſcilicet eſſet peccatum in paruulis, etiam hoc vt certius definierunt, remitti ſcilicet in baptiſmo. Scripſit Caluinus baptiſmum collatum pueris ſignum tantum eſſe, quo Deus conſolatur parentes, & ſub prouidentia ſua ita illos ſuſcipit, vt ſi ex eis aliqui, quos ipſe ad vitam præordinauit æternam, ex hac vita ante demigrent quàm adoleuerint, virtute Spiritus ſancti eos renouar: ſi verò adoleuerint, admoneantur & exercitentur ad renouationem, cuius teſſera donati ſunt ab infantia. In quibus verbis plures certè ſunt errores quàm ſententiæ, vt appareat in quæ deuia incidunt deſerentes vnitatem. Nam, vt cæteros omittamus, qui ſuis ex dictis poſſunt colligi, hic eſt maximus, quòd non omnes baptizatos paruulos ante adultam ætatem decedentes certò putat ſaluari, ſed quos Deus (inquit) præuidit & præordinauit: de nullius itaq; ſalute poſſumus eſſe certi, quo nihil abſurdius poteſt cogitari.

Innuit etiam eo loco prodeſſe tantum baptiſmum proliſus fidelium, qui etiam apertiſſimus error eſt. Putant enim (ſenſu quidem ſuo) circumciſionē paruulis datam non aliud fuiſſe, quàm confirmationem promiſſionis factæ parentibus, atq; ita hæreditarium quiddam à fidelibus parentibus in paruulos: idemq; de baptiſmo cogitare audent, qui circumciſioni ſuccedit. Sed contra hunc errorem ſufficiat authoritas Euangelij: Niſi quis renatus fuerit ex aqua &c. & quæ ſuprà dicta ſunt de efficacia baptiſmi: Nam ex illa authoritate ita b. Auguſt. in Epiſt. 23. ad Bonifacium argumentatur: Non (inquit) dictum eſt, niſi quis renatus fuerit ex parentum voluntate, aut offerentium aut miniſtrantium fide, ſed ex aqua & ſpiritu ſancto. Valet itaq; Baptiſmus & per ſe ſufficiens eſt, ſi Turcæ aut cuiuſlibet infidelis filius baptizetur, quanquam in hac re b. Thom. q. 69. 3. partis probabiliter putet non eſſe æquum, vt renitentibus parentibus, ſub quorum cura videlicet

Error Caluini circa baptiſmum puerorum.

L atq;

DE BAPTISMO PARVULORVM.

atq; disciplina puer adhuc manet, baptizetur paruulus: quoniam nec Ecclesiæ consuetudo hoc habet, nec rationi naturali consentaneum est, nec Deo placuit per gratiam ordinem naturæ infringi: valet nihilominus & est verus baptismus: cum tamen iuxta hunc dogmatistam, etiam si pater consentiret infidelis, tamen non prodesset Baptismus filio, cum pater nō pertineat ad promissionem: opus itaq; est virtutem baptismi asserere, quam quia ille negat, in hæc omnia incidit. Quid rogo aliud hæc sunt, quàm credere baptismum non aliud esse, quàm signum quoddam aut prædicationis Euangelij, aut fidei ipsius? vt scilicet illo tantum admoneamur, aut consoletur nos Deus, sed omnem virtutem illi auferre, fideique tantum aut suscipientium aut aliorum omnia tribuere? quod (vt diximus) Lutherus primus ausus est dicere. Deniq; quantum hic error distat ab Anabaptistis? aut quomodo ex eo non facile persuadebitur aut omittendum baptismum paruulorum, aut pro minimo certe habendum? Aut vnde nouus hic doctor colligere potest spiritum sanctum non mox in ipso baptismo paruulos renouare, sed postea hoc efficere, cum è vita migrât? Suscipit (inquit) illos in suam prouidentiam renouandos postea. Cur non iam in ipso baptismo? quandoquidem postea fieri nō negas? Sed eos tantum inqt renouari, quos Deus præordinauit ad vitam. Quare non potius dicemus eos paruulos, quos Deus ad vitam præordinauit, & ante adultam ætatem auferre voluit, ad baptismum adduxisse? Nam quos in hac ætate è vita sublatos videmus sine baptismo, certum est non præordinatos fuisse ad vitam à Deo. Non igitur de baptizatis pueris vlla ratione dubitandum est, nisi totam Ecclesiæ auctoritatem contemnere velimus. Et hoc maximè mirandum est in hac tam noua sententia, quòd nulla necessaria ratione tam voluntariè asseratur. Nam si dicat nulla auctoritate scripturæ probari contrarium, pari ratione cogetur Baptismus negare paruulorum: quòd si illud confitetur, eadem ratione & remitti eis peccata simpliciter confiteri debet.

Paruuli sine proprio actu fidei p baptismum regenerantur.

Quartus error istis proximus est Lutheri & quorundam sequacium eius, asserentium fieri posse, vt paruuli illi nondum capaces rationis credant, Deo id in mentibus eorum operante: quasi sine fidei actu non sufficeret eis Sacramentum. Contra quod manifesta est Ecclesiæ auctoritas, quæ exigit fidei confessionem,

qua

qua ostendit eo modo illos credere, quo contentur: non videlicet actu suo proprio, sed ipsius Ecclesiæ, & Sacramento. Sic enim b. Augustinus in Epistola illa ad Bonifacium supra citata exponit intelligendum esse, quod paruuli dicuntur credere, hoc est, sacramentum fidei suscipere. Nam accelerari in eis usum rationis, quod hic voluit, sicut nulla authoritate probatur, ita merito reijciendum est: cum etiam huius assertionis nulla alia necessitas sit, quam ut ineptam illam sententiam, quod sola fides & baptismus, aut alia Sacramenta iustificent, sequantur. Nobis verò contra utrumque errorem id sit satis, quod cum paruuli alterius actu, Adæ scilicet, rei sint, & gratia Christi multò efficacior sit in his quibus communicatur, quam peccatum Adæ, ut ad Rom. 5. Apostolus probat, merito Christi virtute eos ab illo reatu sine vilo suo proprio actu liberari credamus. Nam per baptismum Christi non dubium est participes effici eius gratiæ, sicut per natiuitatem participes sunt corruptionis Adæ.

Quintus etiam error fugiendus est, asserentium necessarium esse Sacramentum Eucharistiæ paruulis, quasi non sufficiat baptismus, contra illud: Qui crediderit & baptizatus fuerit &c. Quæ errorem & Græci et Bohemi hodie sequentes, paruulis recens baptizatis infundunt in os Eucharistiam, asserentes etiam hanc consuetudinem fuisse in primitiua Ecclesia, idq; ex August. atq; Cypria. confirmantes: de qua re, quia inferius de Eucharistia dicturi sumus, nunc satis sit hoc admonere, quod illa consuetudo nullibi probatur fuisse vniuersalis, nec certè tanquam necessaria ad salutem legitur vsquam Eucharistia paruulis data: & est hæc sententia manifestè contra baptismi efficaciam & gratiam ipsam Christi. Quis dubitat per baptismum incorporari Christo baptizatum, atq; ita factum participem corporis & sanguinis eius? Hæc verò cum Christo vnio quomodo non sufficit ad salutem? Ad illa verò, quæ ex Augustino & Euangelio proferuntur: Nisi manducaueritis carnem &c. suo loco, vbi de sacramento Eucharistiæ agemus, respondebitur.

Cauenda est etiam misericors quorundam sententia aut coniectura, non enim durius volumus eam reprehendere, cum sit Catholicorum & piorum: est tamen noua & in Ecclesia inaudita opinio, & ad alterum extremum declinans. Asserunt enim hi penitentibus paruulis fidem parentum, & oblationem Deo factam non saluatur.

DE BAPTISMO PARVVLORVM.

factam sufficere ad salutē, idq; pietate quadam: ne videlicet nulla illis relinquatur spes salutis: addentes etiam, quod cum ante institutionem baptismi in lege naturæ suffecerit pro paruulis parentum fides, siue vt plurimū aliqua oblatio aut protestatio eius, quod beatus Gregorius videtur asserere in locum illum Iob. 2. Quare non in vulua mortuus sum &c. meritō (inquiunt) & modo hoc sufficere debet. Nec enim æquum est, vt per gratiam Christi restricta sit salus hominibus, vt careant aliqui remedio qui prius habuerunt, paruuli scilicet isti, qui antequam nascantur, vel postquam nati sunt baptizari non possunt. Et quanquam hoc non certō asserant qui ita docent, sed vt dubium misericordiz Dei relinquendum esse, & in ea sperandum: tamen, vt diximus, hoc est iam extremum aliud volentium paruulis nunquam deesse remedium, cum Anabaptistæ nunquam adesse putent. Tenenda est igitur media & Catholica sententia, quam certē antiqui omnes Patres citra dubitationem asserunt, sine Sacramento baptismi paruulis nullum locum esse salutis. Nam antiqui omnes patres de paruulis sine baptismo decedentibus loquentes aperte dicunt nullum eis superesse remedium: vbi etsi hanc nouam coniecturam aperte illi non damnent, illud tamen certissimum esse constat, eos de hac nec cogitasse: quare vt minimum, sicut diximus, nouitas quædam est in Ecclesia. Fuit quidem August. tempore Vincentius quidam Victor, qui ausus est dicere pro paruulis sine baptismo defunctis offerendum esse Deo sacrificium altaris atque orationes, & sperandam illis salutem. Hunc August. 4. lib. redarguit, vbi 1. lib. cap. 9. tandem ita inquit: De Baptismo non præscribatur saluatoris præcepto, & non baptizatis paruulis nemo speret regnum cælorum, si non perueniant ad Baptismatis sacramentum. Et rursum 3. lib. contra eundem colligens illius errores, hūc sextum ponit: Infantes antequam Baptizantur morte præuentos peruenire posse ad originalium indulgentiam peccatorum: & decimum dicit, Offerendum esse pro eis sacrificium altaris. Et manifestius de his loquens lib. de bono perseverantiz, Nullum putat eis superesse remedium, quos subtrahi contingit ante baptismum, etiam properantibus parentibus & ministris, atque adeo desiderantibus etiam Baptismum illis. Et hoc ipsum etiam Cyprian. in Epistola illa ad Fidum ex Concilio 60. Episcoporum docet; omni videlicet die & tempore baptizandos paru-

DE BAPTISMO PARVVLORVM. 43

parvulos: quoniam (inquit) nullum est eis aliud remedium. Quod etiam in Concilio Florentino, de quo superius mentionem fecimus, non quidem eo loco, ubi de sacramentis agitur, sed in bulla unionis Græcorum & Armeniorum aperte docetur. Circa pueros verò (dicitur ibi) propter periculum mortis, quod potest sæpe contingere, cum ipsis non possit alio remedio subueniri, nisi per sacramentum baptismi, admonet non esse differendum per 40. aut 80. dies, sed quamprimum fieri potest debet conferri. Hæc itaq; est certa doctrina omnium doctorum, qui nihil cogitarunt de pietate ista, quæ proculdubio necessitatem aufert baptismi, & contradicit illis verbis: Nisi quis renatus fuerit ex aqua &c. Nam, ut cætera omittamus, quæ ex eo loco inferri possunt, quid si parvulus ille in periculo Deo oblatus postea nascatur, & super sit tres aut quatuor annos, nec tamen baptizetur? putabimus eum non fore saluum? Absit. Nam si semel liberatus est, cum sine pœnitentia sint dona Dei, non priuabitur salute sine peccato, quod illo tempore committere non potest. Necesse erit ergo fateri non renatum ex aqua & spiritu sancto saluari, atque ita non necessarium sacramentum baptismi. Nec in his locus conceditur coniecturis humanis, ubi diuinæ gratiæ tantum dona tractamus. Illud itaque quod ex Gregorio adfertur, & similia, non aliud, si rectè pensentur probant, quàm & ante institutam circumcisionem, & post etiam, scēminis, quæ eius capaces non erant, aliquid relictum fuisse à Deo remedium. Quod ut ita esse concedamus, in noua lege constat non renatis nullum esse ostensum à Christo remedium. Asseruit hæreticus ille VVicleph, ita referente Thomæ VValdense lib. 2. de sacramentis: cap. 99. parvulum, qui deficiente aqua cum iam ad baptismum adduceretur mortuus est, non certò damnari. Potest (inquit) Deus illum saluare, potest & non saluare, sed neutram partem audeo definire, vocans etiam stolidos & præsumptuosos, qui eum damnant. Contra hoc in concilio Constantiensi inter centum viginti duos errores, quos ipso Thomæ testē collegit, quintus hic est: Definientes parvulos fidelium sine sacramentali baptismi decedentes non fore saluos, sunt in hoc stolidi & præsumptuosi. Sufficiat itaq; nobis hic sensus tam manifestus Ecclesiæ & antiquæ & recentioris.

Hic etiam cauendæ sunt nouæ doctrinæ parvulis non baptizatis aliquid salutis reliquentes, vel negantes veraciter eos damnari,

DE BAPTISMO PARVVLORVM

Noua doctrina Ambrosij Catharini cauenda de paruulis sine baptismo morientibus.

contra illud Pauli: Per vnus delictum in omnes homines in condemnationem. Ambrosius Catharinus Minorensis Episcopus, lib. de statu puerorum sine sacramento decedentium, asserit illos beneficio quidem Christi resuscitatos ad immortalem vitam integram & perfectam naturam recepturos solo dono illo originali visioneq; diuina carentem, sed quæ nullo modo eis afflictioni, aut tristitiæ futura sit, quare & à morte secunda liberos futuros post diem iudicii, quam ille intelligit donorum naturæ priuationem, itaque sine afflictione vlla aut tristitia in felici quadam & beata vita perpetuò permansuros. Huius voluimus meminisse, vt à nouitatibus dehortemur & deterreamus omnes. Mittamus igitur nunc quanta cõtineat hæc sententia noua & aliena à Patrum omnium doctrina, imò certa fide & autoritate improbabilia de morte prima & secunda: id tantum, quod ad hunc locum attinet, considerandũ attentè, quod Augustinus ex illo verbo Pauli suprã citato: Per vnus delictum in omnes in condemnationem, necessariò inferri putauit paruulos non baptizatos damnari, sed mitissima (inquit) omnium damnatione. Ita lib. 1. de peccatorum meritis & remissione. Quod postea & illis tribus libris, & pluribus alijs locis frequentissimè docet. Nam suprã dicto primo lib. de animæ origine ita dixit: Nemo promittat paruulis non baptizatis inter damnationem regnumq; cælorum quietis vel felicitatis cuiuslibet aut vbi libet quasi medium locum. Quæ quidem si rectè considerentur, omninò conuincunt sub peccato illo originali perpetuò manere illos, atque ita sub ira Dei, dicente Christo: Qui non credit in filium hominis, ira Dei manet super illum: quod vt frequenter Augustinus probat, paruulis per baptismum conuenit, vt scilicet inter credentes computentur. Itaque sub ira Dei sunt, sub peccato, & sub potestate diaboli in æternum: quomodo igitur à morte secunda liberat eos Catharinus? Sed quia ille fatetur Augustini hanc esse sententiam, & magnam eius autoritatem, sed maiorem esse Pontificum & Ecclesiæ de cathedra docentium: audiamus quid ipse Augustinus ex autoritate Zozimi Pontificis referat in epistola ad Optatum. Citata enim eius autoritate contra Pelagianos de necessitate redemptionis Christi, sub qua omnes nascuntur, ita dicit: Illud propagatione contractum chirographum sumptur, scilicet per Christum (de hoc enim loquitur) in quo nullus omnino natorum, aut equam per baptismum liberetur,

**cap. 16.
Paruuli sine
baptismo
morientes
damnantur.**

tur.

tur non teneretur obnoxius. Igitur post hæc ita insert August: In his enim verbis Apostolicæ sedis tam antiqua atque fundata, certa & clara est Catholica fides, vt nephas sit de illa dubitare Christianum. Nephas itaque est dubitare non baptizatum paruulum, non factum participem Christi sub chirographo damnationis esse. Omittamus nunc, an pœnam sensus sint habituri aut ignem: de quo Autor illius lib. de fide ad Petrum (qui certe non est Augustini) liberius definiuit: illud certò constare debet, illos in damnatione esse & sub ira Dei, atq; ita sub secunda morte, dicente Iohanne in Apocalyp. Beatus & sanctus qui habet partem in resurrectione prima. In his secunda mors non habet potestatem, sed erunt sacerdotes Dei & Christi, & regnabunt cum illo. Illi igitur qui non regnant cum Christo, sub secunda morte sunt. Videat Catharinus an regnent paruuli cum Christo. Concludamus igitur iam hæc omnia certissima fide, quam Augustinus confiteatur, & nouitates omnes Pelagij, & Caluini, & Catharini rejicit. Ita igitur ille inquit libro de bono perseuerantiæ: Absit vt causam paruulorum sic relinquamus, vt esse nobis dicamus incertum, vtrum in Christo regenerati, si moriantur paruuli, transeant in æternam salutem (Ecce contra Caluinum) non regenerati autem transeant iu mortem secundam (ecce contra Pelagium, contra Vincentium, contra Catharinum).

cap. 20.

cap. 12.

Illud hoc loco non est omittendum, ne contingat ex suprà dictis aliquem errare, quòd Baptismus ille sanguinis non minus paruulis ad salutem sufficit, quàm adultis. Nam Christus Dominus dixit: qui perdidit animam suam. Non verò, qui tradiderit, quasi libero arbitrio opus sit. Baptizantur in suo sanguine paruuli: quod Ecclesia de sanctis innocentibus aperte docet, & patres omnes. Vide Bernardum in sermone illius festi efficaciter hoc probantem, denique & Augustinum & Cyprianum, si tamen illius est liber ille de cardinalibus operibus Christi: notissimi sunt de hac re sermones Ecclesiæ, quibus hoc docent populum: ita vt nulla ratione dubitandū sit hoc certissimū esse fidei dogma. Vltimò & illud vitandum est, quod nonnulli specie quadam noster pietatis putarunt conuenire, vt paruulis baptizatis, cum ad ætatem adultam veneint, liberum fiat baptismum & fide tenere in baptismo vel non: quasi videlicet non verè tenerentur ex his, quæ circa approbare eos nondum capaces facta sunt per Ecclesiam. Ita enim docuit aut rescinde-

Baptismus sanguinis etiā paruulis ad salutē sufficit.

Non est notandum

Erasmus, re,

DE RITIBVS ET CÆREMONIIS IN
Erasmus. Sed hic proculdubio est apertissimus error, qui facile
subuerteret totam Ecclesiam, quanquam fortè non ille hoc puta-
uerit: certum tamen est ex illis quæ ipsorum nomine, & in eorum
salutem gesta sunt, illos obligari, etiam in humano iudicio.

LECTIO SEPTIMA.

De ritibus & cæremoniis in sacramento
Baptismi supperadditis ab Ecclesia.



Estat iam circa sacramentum baptismi de ijs
quæ superaddidit Ecclesia nonnihil admones-
re: de quibus in genere breuiter notentur se-
quentia, deinde in specie circa singula pote-
rit facilius nonnihil adnotari.

Sit igitur hoc primū circa ista, quod quan-
quam ad integritatem baptismi sufficiant ea quæ dicta sunt, quæ
non est dubiū ex Christi institutione esse, superaddita tamen sunt
multa ab Ecclesia: idq; non priuata aliqua authoritate, sed Apo-
stolica traditione, quam illi proculdubio ex familiari spiritus san-
cti instinctu, & diligenti etiam, quantum credi potest, cōsideratio-
ne tradiderunt Ecclesiæ: id quod primò authoritas antiquorū om-
nium asserit patrum, vt in speciali ostendemus, deinde ipsa probat
experientia. Nam, vt suprā etiam diximus, quicquid vniuersaliter,
omnibus videlicet locis & temporibus, seruat Ecclesia, id ab Apo-
stolis necesse est proficisci: Alioqui agnosci posset quo loco aut
tempore illa cæperint: talia verò sunt hæc in celebratione baptis-
mi superaddita. Est illorum mentio apud antiquos patres ab
ipsis Apostolorum discipulis vsque ad nos: tam videlicet apud
Græcos, quàm apud Latinos: ex quo tanquam certissimo funda-
mento reliqua, quæ ad hoc pertinent, inferenda sunt.

Primum. Ritūs omnes isti quos vocat beatus Thomas & non-
nulli alij non quidem sacramenta, sed sacramentalia potius, quasi
adiuncta sacramentis, conuenientissima ratione & necessaria sunt
institu-

CELEBRATIONE BAPT. SERVANDIS 49

instituta. Nec enim ab Apostolis, multò minus à spiritu sancto
eorum doctore potuit aliquid aut superfluum aut irrationale esse:
quare etiam si ea non satis intelligere valeamus, credendum ta-
men est magnam in eis esse sapientiam, multò certè maiorem,
quàm quæ in cæremonijs & cultu antiquæ legis fuit. Nec est om-
nium (inquit Origenes in Homelia super Numeros) tantam sa-
pientiam agnoscere. Cæterùm b. Thom. q. 66. 3. partis tribus po-
tissimum rationibus docet hæc instituta. Primum videlicet ad ex-
citandam reuerentiam & deuotionem fidelium erga hoc sacra-
mentum, quod si absq; cæremonia vbicūq; celebraretur, facile veniret
in contemptum. Nunc verò omnibus illis superadditis excitan-
tur animi fidelium ad magnum aliquid cogitandum de hoc Sa-
cramento, & ita ad reuerenter & deuotè illud suscipiendum. De-
inde faciunt hæc maxime ad instructionem simplicium & paru-
lorum: vt videlicet non tantum verbis, sed rebus quibusdam &
openbus doceantur de virtute & effectibus sacramenti. Denique
adhibentur ad cohibendam dæmonis malitiam, & impetrandam
diuinam gratiam. Nam orationibus illis & diuinis verbis quæ
præmittuntur, non dubitandum est diuinum auxilium impetrari,
quo inimici comprimentur & præparentur animi: hæc enim
omnia simul valde conueniunt naturæ & ingenio humano, pro-
pter quæ instituta sunt: vt videlicet non subito ad id quod sum-
mum est accedamus, sed multis & verbis & openbus instrua-
mur, excitemur & præparemur: quare hæc omnia merito partu-
rientis Ecclesiæ, atque aded edentis filios enixus quidam & cona-
tus dicendi sunt, quibus illa humanæ infirmitati consulens, & in
futurum timens nobis ne gratiam illam adoptionis amittamus,
& cum DEO & nobiscum agit: quòd certè valde est conside-
randum & cõmendandum fidelibus. Ex quo etiam ipse b. Tho.
q. 71. art. 3. 3. partis, vbi de ritibus istis baptismi in speciali agit,
istà non tantum significatiua esse asserit, sed efficacia etiam, non
certè quantum ipsum sacramentum, quod vltimum effectum o-
peratur, sed quantum necessarium est ad præparationem animæ:
quòd profectò conuenientissimè creditur: Nec enim Ecclesiæ pre-
ces, & tanti conatus tanta authoritate ordinati vani esse possunt.
Inter illa verò Ecclesia orat Deum pro præparatione suscipientiu:
quare credendū est id impetrari. Ex quibus vltimò tandem infer-
tur aperte, q̃ merito hæc in Ecclesia retinēda sunt & veneranda.

Art. 10.

Quare insti-
tuta sunt cæ-
remoniz
baptismi.

M

& quàm

DE RITIBVS ET CÆREMONIIS QVÆ IN

quàm reprehendendi qui ea contemnūt, aut pro suo arbitrio mutant. Vnde non dubium est apud doctores graue peccatum schismatis esse; propria autoritate aliquid horum omittere. Introductio enim noui ritus in Ecclesia pertinet proculdubio ad scissionem: contra id quod Paulus inquit: Vt idipsum dicatis omnes, & non sit in vobis schisma. Quod si non omnino animo nouum ritum introducendi hæc aut mutarentur aut omitterentur, esset nihilominus inobedientiæ aut contemptus Ecclesiæ peccatum: idq; cū insignis & notabilis est mutatio: in quibus magis vel minus, pro gradu videlicet aut negligentie aut contemptus, peccatur. Igitur sequenda est ab omnibus propriæ suæ Ecclesiæ regula. Est enim nonnulla in his diuersitas, in qua illud Augustini locum habet: quod suo sensu abundat qualibet regio. Nam & in hac diuersitate prouinciarum est etiam summa quædam concordia, vt iam in speciali patebit.

Singulæ cæ-
remoniæ ba-
ptismi veterū
testimonio
confirmātur.

Hoc igitur in communi exposito, circa singula explicanda & confirmanda debent ministri huius sacramenti diligenter im-
potissimi veterū
talia colliguntur perpetuò seruata esse in Ecclesia. Primum: Tra-
ditio solennis baptismi duobus tantum diebus, Paschæ & Pente-
costes: extra quos infantibus quidem, & his qui in periculo erant
tantum tradebatur Baptismus. De quo ante mille ducentos an-
nos Syricus Papa in Epist. ad Cumerium Tarracensem Episcopum cap. 2. & Leo in Epist. ad vniuersos Episcopos per Sici-
liam latissimum perhibent testimoniū, confirmantes hoc ab Apo-
stolis traditum in Ecclesia, & prohibentes aliter fieri. Vnde in Ba-
ptismo certè adulatorum extra periculum esset id omnino seruand-
um. Habetur etiam ex illis aquam benedicendam & exorcisand-
am esse, & consecrandam etiam. Ita Ambros. lib. 1. de sacramē-
tis cap. 5. & Cyprianus lib. 1. epistolarum epist. 12. Oportet verò
mundari & sanctificari aquā primum à sacerdote, vt possit baptis-
mo suo peccata hominis qui baptizatur abluere: quia p Ezechielem prophetā dominus dicit: Et aspergā super vos aquam mundā &c. Et Dionysius ipse Pauli discipulus cap. 2. de Ecclesia. Hierarch. de chrismate aquæ miscendo apertā facit mentionē. Exorcismos etiā, quibus contraria potestas exufflatur: & impositionē manuum: & impresionem crucis: intinctionem narium & aurium saluæ, & salis in os immisionē seruata esse constat & explicata.

CELEBRATI. BAPTIS. ADHIBENTVR. 46

ab omnibus illis patribus. Est de his omnibus testimonium apud Origenem homelia 6. super Ezechielem, apud Ambros. 1. & 2. lib. de Sacramentis, & libro de his qui initiantur mysterijs, & apud Augustinum est istorum aperta mentio. Vnde ipse lib. 1. de peccato originali contra Celestium & Pelagium capite 4. ex his probat paruulos etiam peccatum originale habere, ita inquires: Ipsa Ecclesie Sacramenta, quæ tam antiquæ traditionis autoritas conseruat, vt ea isti, quamuis in paruulis existiment simulatorie potius quam veraciter fieri, nõ tamẽ audet aperta improbatione respuere &c. vbi etiam abrenuntiationis apertam mentionẽ fecit, sicut & lib. 1. de nuptijs & concup. capite 2. & lib. 3. capite 18. de quo etiam Ambros. & Dionysius supradictis locis: sicut & de confessione fidei etiam à paruulis per susceptores præstita: cuius etiam meminit Augustinus lib. de peccatorum meritis & remiss. vt suprà citauimus, propter quod vocat paruulos credentes & pœnitentes.

De nominis etiam traditione & susceptoribus siue in paruulis siue in adultis loquitur Dionys. cap. 2. & vltimo Eccle. Hierarch. De vnctione ante Baptismum ipse ibidem: Et Ambrosi. lib. 1. de Sacramentis capite 1. Inunctus (ait) es vt athleta. De vnctione verò verticis chrismate idem Ambrosius lib. de his qui mysterijs initiantur capite 6. & de veste candida ibidem capite 7. Sunt præterea multa alia antiquorum patrum de his omnibus apertissima testimonia, quorum nonnulla Gratianus citat de consecratione distinct. 4. Rabanus etiam lib. 1. de instituti. Clerico. inter cætera multa de omnibus Ecclesiast. ritib. etiam de Baptismo ferè hæc omnia tradit à 61. capite vsque ad 19. Ex quibus omnibus patet quanta sit consonantia in his ab ipsis Ecclesijs initijs vsque ad nos. Est quidem in nonnullis diuersitas. Nam Ambrosius in illis lib. de Sacramentis loquitur de lotionis pedum post Baptismum, quam dicit seruari in Ecclesia Mediolanensi, non in Romana. Dionysius etiam toto corpore dicit inungi baptizandos. Cæterum, vt satis constat, in his omnibus quæ nunc seruantur conueniunt antiqui omnes, quanquam nonnulla etiam in desuetudinem abierunt: sicut illud, quod tertum est vbiq. seruatum, de communionem baptizatorum: consummabatur enim totus baptismi ritus in sumptione Eucharistix, vt Dionys. ait, in adultis ad minus, & certè in nonnullis Ecclesijs etiam in

DE RITIBVS ET CÆREMONIIS BAPT.

parauis : de quo, cū de hoc sacramento agetur dicemus : proculdubio tamen, cum adulti baptizantur conueniet etiam hoc obseruare, sicut multa alia circa adultos, quæ minus seruantur propter raritatem. Tanta deniq; est consonantia in his omnibus, vt verbum ipsum, Baptizo, quod nec latinum est, nec extra hoc Sacramentum intelligitur à latinis, semper fuerit seruatum in Ecclesia latina, cum apertius diceretur, abluo, vt Augustinus inquit, hoc obseruans lib. 6. cont. Iulianum cap. 4. Nec omittendum est id, quod circa baptismum adultorum obseruauit omnis antiquitas, de quo superius nonnulla mentio facta est, vt aliquanto tempore Catechumeni essent, & instruerentur de fide, quanquam quandoque diutius tenebantur, quandoq; citius admittebantur, multi etiam longo tempore sua voluntate inter Catechumenos manebant. Vnde factum est, vt suprā diximus, vt Catechumeni dicerentur qui tantū instrui de fide petierant, aut ad hoc erant admissi: qui verò iam petebant baptismum, et admissi erant vt in proxima sollemnitate baptizarentur, cōpetentes vocati sunt, vt Rabanus suprādicto loco inquit: quod, vt superius etiam ostendimus, non parum proderit ad intelligendum doctrinam antiquorum. Hoc igitur nunc etiam in adultis seruandum esset. Nam in eis nulla horum mutatio facta est nisi inconsideratione, quod quæ rarò fiunt minus curentur. Vix etiam in agendis ipsis (quas vocat) de modo adultos baptizandi agitur. Hæc igitur satis nunc esse debent ad confirmandos, contra hæreticos etiam, ritus ipsos baptismi. Cæterum latius explicare horum omnium significationes & rationes, & id scripturæ autoritatibus & doctrina Patrum confirmare, & conuertere ad exhortationem fidelium, omnino pertinet ad doctores & pastores, & ipsos qui tradunt sacramenta: sed nunc, cū necessaria maximè tradimus, non est locus latius de his agendi. Expediret certè & ante celebrationē baptismi & post paratas habere exhortationes circa hæc, & tradendæ essent simplicioribus sacerdotibus ab Episcopis. Nec tamen aliorum negligentiæ alios, quantum putamus, excusat. Ad ista igitur, quæ in baptismo seruantur explicanda & sitaui ter ostendenda populis est pulcherrimus locus Ezech. 16. cap. Vbi Deus primo impropere natiuitatis maculas: In die qua nata es aqua nō es lota, nec sale salita: & deinde: Laui te aqua, unxi te oleo, vestiui te discoloribus, & multa beneficiorū dei cōmendantur, quæ videtur Ecclesia omnibus illis ritibus ostendere.

DE

DE CONFIRMATIONE. 47

LECTIO PRIMA.



POST SACRAMENTVM Baptismi merito proximum est vt de sacramento confirmationis dicamus, quod ordine secundum est, vt suprà diximus. Et quoniam hoc sacramentum non tantum impugnatur, sed etiam blasphematur ab hæreticis, ante omnia probandum est quòd si verum sacramentum nouæ legis: verum (inquam) non nomine solum,

sed effectus & institutione, quæ sunt duo maxime propria sacramentis. Asserimus igitur confirmationem esse sacramentum institutum à Christo, atque ita efficaciter gratiam causare. Et quoniam illi clamant nullum vocandum esse sacramentum, quod non habeat Dei promissionem & verbum, vt illi dicunt, nos, iuxta ea quæ suprà dicta sunt de traditionibus absque scriptura, dicimus veritatem huius sacramenti probari ex scriptura iuncta Ecclesiæ sensui atque traditioni Apostolicæ: hæc enim est vera interpretatio scripturæ, quæ ex testimonio consono succedentium sibi patrum ab Apostolis vsque ad nos sumenda est. Itaque de hoc sacramento habetur testimonium in actis Apostolorum, atque in fine Euangelij Lucæ. Nam Apostolis baptizatis iam (vt creditur) &, vt minium, veram consecutis remissionem peccatorum & Dei gratiam, quos & misit prædicare poenitentiam & remissionem peccatorum in omnes gentes, tandem inquit: Ego mittam promissum patris mei in vos. Vos autem sedete in ciuitate, donec induamini virtute ex alto. Sic Lucas in fine sui Euangelij, cui consonat quod 1. cap. actuum Apostolorum scribit: Præcepit eis, vt expectarent promissionem patris &c. Quod & consequenter se-

Cōfirmationem esse verum nouæ legis sacramentum docetur varijs testimonijs.

cap. 8.

DE SACRAMENTO

cundo capite impletum scribens, spiritum sanctum descendisse in linguis igneis in ipsos narrat: & ut ex omnibus sequentibus patet, non tantum externa illa dona virtutemq; linguarum & miraculorum, sed etiam cognitionem mysteriorum & ipsius scripturæ, quantum negotio Evangelicæ prædicationis opus erat, & quod maius omnibus est, robur animi constantiamq; firmiorem cordis, & feruorem deuotionis illis contulit, quibus nec populi irrisione, nec minas principum formidarent, qui prius ad sonitum folij volantis terrii erant. Hæc qui legit, nonne apertè videt confirmatos illos fuisse, & ex pueris atque infantibus subito euasisse in viros, perfectamq; consecutos fuisse Christianæ vitæ integritatem? quæ omnia reuera sunt huius sacramenti operationes in nobis, quas tunc consecuti sunt Apostoli visibili miraculo spiritus illius vehementis & ignearum linguarum: quare & ab eodem instructi sunt hanc spiritus confirmationem necessariam esse fidelibus omnibus: atque ideo legimus de Petro & Ioanne missis Samaritanam, ad eos videlicet, quos Philippus diaconus baptizauerat, qui tamen nondum spiritum sanctum susceperant. Orauerunt (ait) pro ipsis, & imposuerunt eis manus, & spiritum sanctum acceperunt: quod ipsum hodie fit ab Episcopis in sacramento confirmationis. Vbi etiã plura ostenduntur, quæ ad huius sacramenti veritatem & necessitatem pertinent. Nam apertè ibi patet hanc impositionem manus à solis Apostolis factam, quod postea Eusebius papa apertè dicit. Nam & Symon hanc voluit potestatem ab Apostolis emere. Hoc etiam 19. cap. apertius ostenditur in facto Pauli, qui prius iussit baptizari, & baptizatis imponebat manus, & accipiebant spiritum sanctum. Patet itaq; iam ab ipsis Apostolis hoc in usu fuisse in Ecclesia, ut baptizati, qui quidè ab inferioribus baptizabantur, postea confirmarentur & consummarentur à summis. Et tunc quidem, quando visibilibus miraculis suam testabatur spiritus sanctus præsentiam, non putabant Apostoli opus esse alijs externis signis, & hoc quidem agente in eis ipso spiritu sancto, qui omnia docebat. Cæterum docuisse eos discipulos suos, quibus Ecclesias commiserunt, quanta obseruanda essent in eis qui initiabantur mysterijs, & qualiter post baptismum perficiendi consummandiq; essent, & quibus vtendū esset sensibilibus rebus, & qua ratione, nullo modo dubitare permittimur, nisi velimus credere parū curasse Apostolos institutionem Ecclesiarum: quo quid indignius

indignius virtute eorum, & Christi in suam Ecclesiā cura & sollicitudine. Huius habemus certissima testimonia, quæ omnia nimis prolixum esset referre: sufficiant pauca, quibus apertè ostendatur consensus patrum ab ipsis quos Apostoli docuerunt. Clemens Petri successor Epistola 4. apertè dicit post baptismū necesse fore cōsacramento signari ab Episcopo, hoc est, septiformē gratiā spiritus suscipere: quia aliter perfectus Christianus esse non potest. Urbanus deinde illi consentiens, sine impositione manuum Episcoporum nullum inueniri plenum Christianum dicit. Fabianus quoque; 18. à Petro Epistola 2. de ipsa cōsecratione chrismatis à Christo Apostolis præcepta apertè loquitur. Eusebius vigesimus à Petro, manuum impositionis sacramentum magna veneratione tenendum esse asserit. Dionys. Areop. 4. cap. de Ecclesia. Hierarch. de cōsecratione chrismatis siue vnguenti apertè loquitur, & de cōsignatione quā baptizati ab Episcopo consummabantur. Melch. Papa ante concilium Nicænum omnibus Episcopis Hispaniæ etiam scribit maius hoc esse sacramentum quàm baptismi. B. etiam Ambrosius de his qui initiantur mysterijs cap. 6. de hoc sacramento apertè loquens inquit, Signauit te Deus Pater, confirmauit te Christus: vbi verba ipsa formæ huius sacramenti ponit. Et lib. 2. de sacramentis: Post fontem (inquit) superest vt perfectio fiat, quam dicit fieri in accessione spiritus sancti. Sunt apud August. Hierony. & ferè omnes alios locupletissima testimonia huius sacramenti, quæ non est opus referre. Sed quia hæretici asserunt August. hoc sacramentum negare, vt qui tantum duo ponunt, & Caluinus affirmat ipsum dicere tantum esse orationem quandam, vt isti aperti mendacij & impositionis conuincantur, duo hæc loca Augustini commendentur memoriæ. Primo, lib. 2. contra Petilianum capite 104. exponens illud: Sicut vnguentum in capite, ita inquit: Hoc vnguento sacramentum Chrismatis vult interpretari, quod quidem in genere visibilibus signaculorum sacrosanctum est, sicut ipse baptismus. Quid potest apertius dici? aut quomodo, non merito mendaces dicendi sunt, aut nolle verum scire, qui contrarium dicunt? Secundo, 5. lib. de baptismo contra Donatistas cap. 10. referens, aut potius refellens asserentes Deum non exaudire peccatores, & ideo sacramenta ab ipsis data repetenda. Audit (inquit) Deus homicidā deprecantē vel super aqua baptismi, vel super oleū, vel super Eucharistiā, vel super capita eorū quibus manus imponit.

Cap. 2.

. DE SACRAMENTO

**Responsio
ad Caluini
obiectionem
contra hoc
sacramentū.**

imponit. Ecce quàm apertè hoc inter sacramenta ponat. Quòd igitur Calvinus ex 3. lib. cap. 16. citat dicentem August. Manus autem impositio non sicut Baptismus repeti non potest: quid est enim aliud quàm oratio super hominem. Attendat quòd in hoc proximo loco post baptismum posuit oleum, deinde Eucharistiam, & quarto loco manus impositionem: quare meritò intelligi potest impositio illa manuum pertinere ad absolutionem quandam & reconciliationem, qua Ecclesie qui extra eam baptizati erant reconciliabantur. Et quidem eo ipso loco, quem ille citat de sacramento hoc, quod impositionis manuum vocat, apertè loquitur, referens qualiter per impositionem manuum daretur spiritus sanctus, & hoc ipsum apertè sacramentum vocat, sed quia & alijs rationibus imponebantur manus, & hac maxime, vt reconciliarentur Ecclesie, dicit impositionem manuum repeti posse: sed non certam illam, qua dabatur spiritus sanctus, sed alteram, qua reconciliabantur, de qua dicit quòd oratio tantum est. Hoc quidem dicimus probabiliter, credentes August. non putasse sacramentum confirmationis iterari posse, cuius contrarium certissimum est in Ecclesia. Si cui autem hoc responsum non placeat, sed credit August. ita sensisse, cum tamen Ecclesia aliter sentiat, nos non contendimus. Illud respondemus Caluino, ex eo verbo: Manus impositio non est aliud quàm oratio super hominem, non sequitur non esse sacramentum: sed sicut ipse audiuit August. ibi dicentem, Oratio est tantum &c. audiat eundem ibi dicentem: Cum ergo aliud sit sacramentum, quod habere etiam Symon Magus potuit, aliud operatio ipsius spiritus &c. & videat ibi ex toto contextu de illa impositione manuum, quæ ab Apostolis fiebat illum loqui, eamq; dicere sacramentum.

Ex horum igitur omnium patrum consensu apertè videmus hoc esse verum sacramentum, atque ideo à Christo institutum: in quibus omnibus est valde considerandū, quòd hoc non tanquam dubium proferunt aut confirmant, sed ex eo potius tanquam certissimo inferunt alia contra errores. Itaque constat huius sacramenti veritatem adeò certam fuisse in antiqua Ecclesia, vt nec de ea fuerit dubitatum: quod confirmat etiam illud Ecclesiasticæ historię lib. 6. cap. 34. vbi Eusebius ex Cornelio Papa antiquiore August. & contemporaneo Cypriano, de Nouato hæretico dicit, quòd in lecto & periculo mortis baptizatus fuerit, nec signaculo
chrismatis

chrismatis consignatus : unde nec vnquam spiritum sanctum potuit promereri.

De institutione verò huius Sacramenti id certum est, a Christo De institutione promissam esse confirmationem Apostolis, Iohannis 16. & Actuum primo, vt diximus, & in ipso festo Pentecostes exhibitam, quam intelligunt patres omnes esse huius Sacramenti veritatem, vt Melchiades loco citato aperte dicit : & ex eo tempore constat Apostolos vfos fuisse in baptizatis hoc Sacramento, vt ex locis supradictis patet. Vnde b. Thom. q. 72. art. 1. in quo de hoc Sacramento loquitur, probabiliter docet illam promissionem fuisse institutionem eius, si non manifestam aut plenam, certè insinuatam esse eo loco. Nec dubitandum est aut verbo aut inspiratione interiori Apostolos fuisse plenè de hoc instructos, vt ex his, quæ à principio diximus, satis constat : non enim temerè in Ecclesia hæc recepta sunt.

Infertur etiam secundò, hoc sacramentum vocari quandoque impositionis manus, quandoq; chrismatis. Et primum quidem nomen manifestè inde sortitum est, quòd ita legimus Apostolos tradidisse, vt locis citatis patuit. Chrismatis verò Sacramentum, quòd hæc sit propria materia eius, vt mox dicitur. Nec putandum est illos, qui vocarunt Sacramentum hoc impositionis manus, sine chrismate illud contulisse. Nam vt b. Thom. art. 2. illius q. inquit, ex verbis Dionys. Areop. patet Apostolos vfos fuisse chrismate, quod Fabianus Papa loco citato dicit Apostolos tradidisse, & recepisse à Christo vt conficeretur. Hinc, quod prætermittendum non est, conuincitur Caluinus non vnus, sed multiplicis mendacij, qui dicit hanc impositionem manus ortam esse ex antiqua consuetudine Ecclesiæ, qua qui in infantia baptizati erant, post ætatem adultam instructi de fide profitebantur illam, atque tunc (inquit) ad maiorem huius professionis solennitatem habebant Episcopi hanc impositionem manus : quod cum ille nulla antiquitatis autoritate probet, nec certè probari possit, meritò dicendus est illud confinxisse. Nam quod ex Leone citat & Augustin. dicentibus baptizatos ab hæreticis recipiendos per impositionem manus, non de hoc Sacramento intelligendum putamus, nec de illa professione fidei, de qua ipse loquitur, sed de reconciliatione & pœnitentia quadam, qua ex hæresi conuersi admittuntur ad ecclesiam, vt superius insinuauimus, Quòd si illud

Hoc sacramentum cõfirmationis nunc impositionis manus, nunc chrismatis appellatur.

Falsa sententia Caluini de manus impositione.

DE SACRAMENTO

non placet, (nec enim vt certum id asserimus) hoc saltem negari non potest, nullam in his, nec in antiquitate Ecclesie de hac fidei professione mentionem esse: nam & hoc accedit ad errorem illum, quem superius de Baptismo reiecit, quasi his qui in infantia baptizati sunt, liberum sit permittendum acceptare fidem aut non. Sunt quidem illi diligenter instruendi, & si quid aliud iudicabit Ecclesia necessarium, ita agendum, vt tamen agnoscant illi ex prima illa baptismatis susceptione et professione teneri se ad fidem & professionem Christianam.

LECTIO SECVNDA.

De Confirmatione.



ICVT ex illis testimonijs patrum veritas huius Sacramenti ostensa est, ita ex eisdem cuncta quę pertinent ad illud facile agnosceremus, idq; eo ordine quem in baptismo seruauimus & proposuimus in principio agendum est.

Confirmati-
onis materia.

Materia igitur huius Sacramenti & elementum est Chrisma ab Episcopo consecratum: Chrisma (inq;) ex oleo oliuarum et balsamo confectū: quod Fabianus loco supra citato aperte dicit: & Innocentius primus in Epistola ad Decentium Episcopum Eugubinū cap. 3. de consecratione ab Episcopo adhibenda. Rationes verò istorū pbabiles adfert b. Tho. 2. & 3. art. illius prædictę quæstionis. Sunt. n. conuenientia illa significationi & effectui huius Sacramenti, vt statim dicemus.

Forma con-
firmationis.

Forma verò verba illa sunt, quibus vtuntur Episcopi: Consigno te signo crucis, & confirmo te Chrismate salutis in nomine patris & filij & spiritus sancti. quorum, vt supra diximus, nonnulla est memoria apud Ambrosiū. Significant verò hæc & ipsum actum exteriorem, & effectum huius sacramenti, vt art. 4. inquit b. Thom. Ex quo aperte patet vsum Chrismatis in hoc Sacramento esse cōsignationē frontis, de qua aperte loquuntur antiquiores, & b. Thom. art. 9. eius adfert conuenientem rationem. Ob-

seruan-

seruandum tamen circa vtrunque horum, quòd ista tenenda sunt vt tradita & seruata in Ecclesia, nec vertenda in quaestionem, neq; aliquid asserendum nisi certa auctoritate Ecclesie, quæ circa hoc non extat alia, quàm quæ dicta est: Vnde b. Thomas art. 2. illius q. asserit Apostolis non esse datum hoc sacramentum à Christo, sed rem ipsius sacramenti: sic tamen, vt putet etiam ignem illum & linguas supplere vicem olei & balsami. Apostoli etiam quando sola manuum impositione illud tradiderunt, speciali Dei instinctu id fecisse credendi sunt, atq; ita visibilia illa signa attestantia spiritus sancti descensum in eos quos confirmabat, vel supplebant vicem materiz, vel certè attestabantur Deum sine illa effectum conferre sacramenti.

Ex his duobus iam tertiu sequitur, quis scilicet sit effectus huius sacramenti: est. n. augmentu gratiæ baptismatis: & collatio fortitudinis necessariæ ad superanda contraria omnia professioni Christianæ. Itaq; intellexerunt supradictis locis patres hoc sacramentu id cõferre baptizatis omnibus, qd in descensu spiritus sancti collatu est Apostolis: non qdem in eo gradu, nec in ea manifestatione, sed certè quantu necessarium est ad vitam Christianã: de quo pulchrè Melchiad. in epist. illa ad omnes Episcopos Hispaniæ loquens, & traditione Apostoloru ac consensu Ecclesiarum hoc probans, asserit in hoc sacramento quodam modo armari Christianum militem necessarijs armis ad bella illa, ad quæ destinatus & signatus fuerat in baptismo: Et rursus: adoptatu in filiũ, & splendiðe hæreditatis cœlestis promissione donatu suscipere in hoc sacramento tutorẽ & ductorẽ spiritum sanctu. Tandẽ & ille, & ceteri omnes, vt visum est, hoc Sacramentum dicunt esse consummationem & perfectionem baptismatis, sine quo etiam (inquit Clemens) nec perfectus Christianus esse potest, nec spiritũ sanctum promereri dixit Dionysius Alexandrinus, vt superius citauimus. Quod intelligendum est non ad remissionem peccatorum: nam illi datur spiritus sanctus in baptismo, sed ad robur & consummationẽ, qui est proprius effectus huius sacramenti. Atq; istud est propter quod clamat contra nos hæretici, quasi detrahamus sacramento baptismatis & scripture, qd tãta auctoritate Christi cõstat in ea efficax esse, quod tamẽ (vt inquirunt) nos asserimus non sufficere sine Chrismate. His respondet Melchiad. suprà dicto loco, Nam baptismum quidem non negat sufficere his qui cũ illo

Operatio &
effectus con-
firmationis.

Nota

DE SACRAMENTO

Qua ratione
sacramentū
confirmatio-
nis sit digni-
us baptismo.

sublati sunt, sed pugnaturis hoc necessarium esse. Dicemus verò inferius nonnihil de necessitate. Cæterum, vt ora hæreticorum obturentur, intrepidè dicendum est hoc sacramentum perfectius esse baptismo & dignius, quantum attinet ad gratiæ perfectionē, & consummationem eorū quæ pertinent ad professionem Christianæ vitæ. Quis dubitat Apostolos maius donū gratiæ accepisse in descensu spiritus sancti, quàm cum baptizarentur? Quia itaq; præsupponit hoc sacramentū baptismi operationem, vbi plena est remissio peccatorum, quod ad hoc attinet, non istud præferimus baptismo, sed simpliciter dicimus illud maius esse in perfectione gratiæ, eo quòd conferat gratiam, & perficiat incepta in baptismo. Nec hic Christo derogamus, aut ipsum sibi ipsi opponimus, sed consideramus donorum suorum diuersitatē, gradum, & progressum. In baptismo nos generat, in confirmatione nos ad perfectum augmentum perducit. Ibi recipit ad militiam, hic munit armis. Ibi ad cælestem hæreditatem testamento nos vocat, hic pupillis tutorem dat spiritum sanctum. Igitur in baptismo efficacior est remissio peccatorum, hic maius auxilium virtutū & gratiæ ad bona opera perficienda & aduersa superanda. Vnde b. Thomas art. 7. illius quæst. dicit hoc sacramentum gratiam illam gratos nos reddentem Deo augere, si iam est: aut, si nondum est, de nouo conferre: & ita auget illam gratiam, quæ per baptismū data est, & illam extēdit per nouū auxilium Dei ad cuncta vel agenda vel sustinenda, quæ pro Christo sustinenda sunt. Sit igitur in baptismo plenior remissio peccatorū (hæc est enim proprius eius effectus) in confirmatione autem abundantius robur virtutis. Ex quibus faciliè est respondere argumentis hæreticorum, quæ contra hoc sacramentum obijciunt. Non negamus virtutem baptismi, non dicimus illud non sufficere ad salutē, sed hoc etiam sacramentū Dei misericordia præparatū post baptismum pugnaturis.

Mystica signi-
ficatio co-
firmationis.

Iuxta hæc etiam explicanda est mystica significatio huius Sacramenti, & ea populis proponenda frequenter. Significant enim sacramenta omnia Christi quod efficiunt, & efficiunt quod significant. Igitur oleum pinguedinem deuotionis, lucem fidei: balsamum verò optimi odoris exempla sanctitatis vitæ significat: ad quæ omnia per hoc Sacramentum virtus datur. Verba etiam ipsa Sacramentalia, vt b. Thomas inquit suprà citato loco, duo significant: Consignationem scilicet crucē, quæ est quasi traditio,

vt

ut ille inquit, vexilli regis nostri & signi militaris: deinde eius confirmationem & robur Spiritus sancti.

Ex quibus etiam sacramentum characterem imprimere sequitur: quod b. Thomas supradicta q. art. 5. asserit, & eadem ratione probatur, quia de baptismo hoc ostensum est. Datur enim spiritus characterē, lis quædam potestas aggrediendi vniuersa Christiana opera, & atque ideo ipsum martyrium. Et sicut in baptismo datur potestas quædam, repetenda potestas actiua ad agenda quæ diximus, & ad ea quodammodo consecratur homo: quare & iterari non potest, & indelebilis est character ille, iuxta ea quæ de baptismo dicta sunt. Quod etiam, si rem expendamus, potestas hæc quæ datur & robur manifesta sunt, nomen characteris satis indicat: maximè si consideremus quod de characterē militari Augustinus dicit: quod tanquam Ecclesiasticam doctrinam autoritas Eugenij papæ & Concilij illius Florentini suscipere cogit. Ibi enim sic dicitur: Inter hæc sacramenta tria sunt, Baptismus, Confirmatio, & Ordo, quæ characterem, id est, spirituale quoddam signum à cæteris distinctiui imprimunt in anima indelebile: vnde in eadem persona non iterantur. Hæc est Ecclesiæ doctrina. Si quis ex verbo Augustini, quod proxima lectione citatum est à Caluino, contendat ipsum putasse iterari posse hoc sacramentum, diximus fortè Augustinum de hoc non intellexisse sacramento: quod si intellexit, non est mirum si in hac re aliter indicauerit Ecclesia. Nec enim singula quæ circa hoc sacramentum sunt, æquè manifesta sunt in Ecclesia.

De ministro verò huius sacramenti constat ex pluribus supradictis autoritatibus, præcipuè Innocentij, Melchiadis & Clementis, esse solum Episcopum: id quod autoritate illa actuum 8. probant & 19. Quod etiam confirmat Gregorius in epistola quadam, quæ habetur 95. dist. cap. Peruenit. Quanquam ibi permittat hoc in absentia Episcoporum propter scandalum sacerdotibus simplicibus: hæc tamen tanti pontificis dispensatio nec trahenda est in exemplum, nec facile improbanda. Certè alij, & plures quidem aliter egerunt, idque receptum est magis in Ecclesia. Nec in his, quæ non tam certò constituta sunt, debent pij offendi, quasi ideo minus constet nostra religio: Apostoli secuti sunt quod dictum est. Quod Gregorius putauit in illo casu se posse di-

Solus Episcopus est confirmatio-
nis minister.

DE SACRAMENTO

spensare, credendum est Deo non fuisse ingratum. Ceterum sequi debemus quod magis regulare est. Vnde Eugenius in Concilio Florentino in doctrina illa Armenijs tradita circa sacramenta, de hoc articulo hoc tantum dicit, quod legitur per Apostolicæ sedis dispensationem ex rationabili & urgente admodum causa simplicem sacerdote chrismate per Episcopum confecto hoc administrasse confirmationis sacramentum, quo loco vide cætera, quæ de materia & forma, ministro & effectu huius sacramenti dicta sunt, autoritate Ecclesiæ esse confirmata. Nec in hac materia omnium æqualis certitudo nobis querenda est. Veritatem huius sacramenti, materiam videlicet & formam, quod ad essentialia attinet, habemus fide dignis testimonijs esse ex consensu Ecclesiæ. De ministro verò, quod specialiter quandoq; factum est, sicut & alia quæ inquirei possunt, melius est relinquere Deo & Ecclesiæ, si quando illa videat opus esse ampliori explicatione, & eam legitima autoritate ac debita inquisitione tradidit.

Omnis baptizatus siue adultus, siue infans confirmari potest.
Art. 6. & 8.
prædictæ q.
q. 3. art. 2.

Quis verò sit capax huius sacramenti ex suprà dictis deducitur. Omnis videlicet baptizatus, etiam infans, ut b. Tho. inquit. Quare ne pueris quidem aut infantibus est denegandū hoc sacramentum. Imo addit b. Tho. dist. 7. 4. ubi de hoc sacramento à magistro & ceteris agitur, debere conferri pueris, idq; satius esse & vtilius, quia videlicet non possunt obicem opponere gratiæ huius sacramenti, & ideo certius eam suscipiunt, qua postea conuenienti tempore vrentur. Et quanq̃ hoc sacramento armentur militaturi sub Christo, hæc militia neq; sexus neq; ætatis discrimen nouit. Vice-runt pueri & puellæ, & celeberrima martyria tulerunt pro Christo. Et ut hoc etiam, quod inter ritus sacramenti huius dicendum erat, non prætermittamus, mos antiquæ Ecclesiæ hic fuit, ut statim post baptismum traderetur hoc sacramentum, & coniungerentur hæc duo, quoniam alterum inchoatio, alterum perfectio est. Id aperte patet in Ambrosio suprà dictis locis, & omnis antiquitas idem ostendit, ut patet quoq; apud Rabanum lib. 1. de institut. Clerico, quod etiam tenet & probat Thomas VValdensis qui primus de his omnibus contra errores Bohemorum & disputauit, & omnia ferè antiquitatis testimonia collegit, maxime in duobus libris de sacramentis & sacramentalibus, in quorum secundo cap. 55. & 56. de hoc sacramento scribit.

Cap. 30.

Nunc de dispositione & præparatione animi susipientis hoc

hoc sacramentum non est prætermittendum, quanquam hoc sit cõmune huic cum cæteris sacramentis. Teneatur enim suscipiens; si adultus est, ita accedere, ut impedimentum non opponat gratiæ spiritus sancti. Quare nõ contritus tantum de peccatis, si post baptismum aliqua commisit, sed etiam confessus præcipitur accedere: imò & ieiunus in concilio Aurelianensi cap. 3. ut Gratianus citat de consec. dist. 5. ca. Ut ieiuni. quanq̃ inter impressa concilia hoc non habeatur. Et de ieiunio quidem, vsu constat abrogatũ esse: de confessione tamen est omnino tenendũ ratione hac potissimũ, quam b. Tho. suprà dicto loco adfert: quoniam confirmatio ex se requirit proculdubio præcedentem gratiam sacramentalem: non enim confirmari potest quod actu nõ est. Itaq; amissa per peccatum gratia baptismatis, nec per pœnitentiã recuperata, indignè sumitur hoc sacramentũ & sacrilegè. Igitur susceptri sacramentũ hoc exhortandi sunt primò, si adulti sunt, ad munditiã conscientiæ & puram præmittendam confessionem, deinde ad desiderium augmenti gratiæ & plenitudinem illam spiritus sancti: quod agendum est cum eis ostensis effectibus sacramenti, & orationibus & ritibus Ecclesiæ quæ circa hoc sacramentum seruari & adhiberi solent.

Qua animi præparatione adulti accedere debeant ad confirmationẽ.

De ministro etiam, Episcopo nimirum, in concilio Meldensi, ut Gratianus citat de consecrat. dist. 5. cap. ut Episcopis, præcipitur, ut ieiunus etiam illud conferat casu necessitatis cessante. Quod quanquam ubi non est in vsu non sit admodum curandum, ostendit tamen quanta deuotione & reuerentiã sit tradendum, sicut & suscipiendum hoc sacramentum ita ut quod de ministris aliorum sacramentorum dictum est, de hoc etiam sit intelligendum. Peccant enim si non sanctè sancta tractent.

Quanta reuerentiã Episcopus hoc sacramentũ conferre debeat.

De necessitate denique huius sacramenti non est tacendum, quæ non est proculdubio tanta, quanta baptismi (cum ille remedium sit sufficiens ad salutem) est tamen necessitas præcepti, quod satis ex testimonijs suprà citatis, Clementis & Melchiad. patet. Vbi considerandum, Melchiadem asserere morituris non esse necessarium, sed pugnaturis tantum. Quod tamen proculdubio intelligendum est si opportunitas desit: nam si adest, morituris tradendum est, ut b. Thomas ex Hugone de S. Victore suprà dictis locis asserit. Est tamen nonnihil dubij, an sit ita præceptum hoc sacramentum, ut sola omisio, præter contemptum tamen,

Quanta sit huius sacramenti necessitas.

reum

DE SACRAMENTO CONFIR.

reum faciat. Certum quidem est, quod si ex contemptu omittatur esse peccatum, ceterum sine contemptu multi putant non esse. Nos tamen credimus contrarium magis consentaneum auctoritatibus patrum, & dignitati ipsius sacramenti. Dicunt sine illo neminem esse perfectum Christianum, nec inter perfectos sedem habere posse (inquit Clemens) si voluntas & non necessitas excludat. Voluntaria verò omisio eius quod necessarium est ad perfectionem Christiani & gratiæ, non video quomodo non sit mortalis. Quare & de nimia dilatione huius sacramenti, & de ommissione exhortandi sunt fideles omnes ad poenitentiam.

Ritus & cæ-
remoniz cō-
firmationis.

Ultimò denique de ritu atque cæremonijs, quæ circa hoc sacramentum seruat Ecclesia, id tantum satis sit dicere, quod ritus huius sacramenti proculdubio ab Apostolis habetur magna ex parte, & per manus constat à principio vsq; ad nos deriuatum: quicquid videlicet sit circa consecrationem vnguenti, de qua Dionysius 4. & 5. cap. de Ecclesiast. Hierarchia refert ferè quæ hodie seruantur. Igitur, vt b. Thom. art. 12. prædicte quæst. inquit, non dubitandum est à spiritu sancto esse quicquid circa hoc fit in Ecclesia, sicut etiam illud est, quod tenendus est ab alijs qui confirmatur, tanquam scilicet infirmus & nondum adultus in Christo, vt b. Tho. inquit art. 10. eiusdem quæst. vnde & contrahitur spiritualis cognatio, sicut in baptismo. Quæ omnia, vt diximus de ritibus baptismi, diligenter exponenda sunt populo, & frequenter admonendi ex illis de puritate & sanctitate vitæ, ad quam tenentur ex horum Sacramentorum susceptione.

DE SACRAMEN³³ TO EVCHARISTIÆ.

LECTIO PRIMA.



VIA, VTEX SVPRADI-
ctis patet, Sacramentum Eucharistiæ
tercium locum obtinet generatione
& vsu tanquam alimentum, vt cibus
in vita corporea, de eo nunc agendū.

Primò igitur omnium institutio
huius Sacramenti manifestissimè à
Mathæo 26. Marco 14. & Luca 22.
& à Paulo 1. Corinth. 11. describitur
facta in vltima illa cæna. Nec tum ibi

Sacramenti
Eucharistiæ
institutio.

Christus instituit quod postea fieret, sed etiam perfecit tunc hoc
Sacramentum, & perficiendum mandauit perpetuò Ecclesiæ. Et
quia de verbis institutionis huius postea plura dicenda sunt, nunc
fatis sit, quòd ex illis apertè sequitur, hoc esse verum & proprium
Ecclesiæ & legis gratiæ sacramentum. Sunt enim in eo sensibilia
& exteriora signa, est significatio & operatio gratiæ, est Christi in-
stitutio: quæ omnia loca illa citata ostendunt. Nec tantum Sa-
cramentum hoc est, & vnum, non plura, propter vnicam signifi-
cationem & effectum, ad quæ diuersa illa signa sacramenti ordi-
nantur, sed & potissimum & excellentissimum esse inter omnia
sacramenta ipsa ostendit institutio. Non enim in eo aliquid tan-
tum virtutis Christi, vt in cæteris, sed totus ipse Christus contine-
tur. Vnde in lege veteri pluribus figuris significatum & promif-
sum fuit, & in lege noua pluribus etiam nominibus exprimitur:
quæ omnia ostendunt immensam quandam huius Sacramenti
excellentiā, de qua re breuiter notentur sequentia.

Eucharistia
est excellētis-
simum Sacra-
mentum.

Primum. Inter figuras omnes, veteris legis hoc sacramentum Inter omnes
adumbrantes, multas quidem & varias, immolatio illa phasæ & figuras vete-
celebratio paschatis potissima est, vt b. Thomas art. 6. q. 73. quæ
nisi legis hoc
rota

DE EVCHARISTIA.

sacramentū
adumbrātes
potissimā est
celebratio
Paschæ.

tota est de his quæ nunc agimus, probat. Aliæ enim figuræ vel materiam respiciunt, vt panis & vinum Melchisedech; vel Christum ipsum contentū & immolatum pro nobis, vt sacrificia omnia agnorum, vitulorum &c. vel certè effectum aliquem huius sacramenti in nobis, vt subcinericius panis Helix & manna. Cæterum in Phasæ illo omnia simul mysteria huius sacramenti præfigurata sunt. Ibi panis azimus, ibi agnus immaculatus, ibi redemptio à seruitute. Quare nostrum sacramentum propriè illi responderet & succedit, sicut baptisumus circumcisioni. Ideo meritò cum illud consummaretur hoc institutum est, vt b. Thom. art. 5. citatæ quæst. 3. partis inquit. Præterea hoc conueniebat, vt maximè commendaretur nobis hoc suminū mysteriū, & tunc traderetur Christus sub figuris absconditus, cum secundum præsentiam corporealem absens erat futurus, vt ibidem beatus Thomas inquit.

Varia huius
Sacramenti
nomina.

Secundum. Propter excellentiam & magnitudinem huius Sacramenti sunt etiam diuersa eius nomina. Vocatur enim Eucharistia, quia Christum continet, & nos ipsi vnit: Synaxis vel communio, qua inuicem vnimur vt commembra: Viaticum, quia cibis est, quo in huius vitæ via sustentamur, & præcipuè cum ex ea discessuri sumus ad Deum. Semper enim in Ecclesia hoc obseruatum fuit, vt non sine hoc Sacramento ex hac vita discederent fideles. Dicitur & Sacrificium, quia Christum continet vt pro nobis oblatum in cruce, ideoque mentio fit & consecratio sanguinis pro nobis effusi, & quia reuera datum est Ecclesie, vt offerat DEO in Sacrificium debitæ seruitutis, de quo postea. Augustinus etiam libro 1. de peccatorum merit: & remiss. in Punicis Ecclesijs dicit vocatum esse vitam, idque proprijsimè. Ipse etiam libro 2. de doctrina Christiana vocat Sacramentum celebrationis corporis & sanguinis. Vocatur & à Græcis nonnunquam Metalepsis, hoc est, assumptio. Quibus omnibus nominibus conantur omnes explicare huius sacramenti excellentiam, quæ tanta est, vt nec satis illis omnibus explicetur. Nam quod assumptionem vocant & transformationem, & ad mysterium ipsum quod continet, Christum scilicet incarnatum, vbi & homo est in DEVM formatus, & Deus in hominem sine vlla confusione naturæ: & ad effectum, quo nos in DEVM transformat, referunt: & ita cætera omnia nomina admirabilem quandam dignitatem & gratiam huius Sacramenti

menti præ se ferunt, unde quadam antonomasia dictum est Eucharistia. Necessitatem etiam vsumque indicant alia nomina, vt Viaticum & Communio &c. Illud verò & obseruandum & cauendum, quòd ab hæreticis nunc solum appellatur Cæna domi-
 nica, quòd nomen & habet studium quoddam nouitatis, & sacramentū præter hoc non minimæ deceptionis. Primò enim, quod maxi-
 mum est, volunt hoc nomine intelligi hoc sacramentum non in-
 na domini-
 si in ipsa sumptione & manducatione perfici, unde multa absur-
 cam, sed do-
 dè illi mutarunt, de quibus postea. Secundò etiam hoc nomine Iosè.
 detrahitur illi consuetudini totius Ecclesiæ, qua non nisi à ieiuniis,
 & tertia aut sexta hora hoc sacramentum celebratur. Ab hoc igitur
 nomine vel omnino abstinendum, vt cùm hæreticis nec nomi-
 na habeamus communia, vt Hieronymus inquit, vel modicè &
 sobriè eo vtendum, vt scilicet nec in sola sumptione perfici, nec
 quoties sumendum est consecrandam esse asseramus.

Tertium etiam ex ipsa institutione sequitur, quanta differen-
 tia sit huius sacramenti à cæteris. Primò igitur cætera sacramenta differat hoc
 perficiuntur in vfu & applicatione materiæ ad suscipientem, qui sacramentū
 exprimitur verbis formæ: hoc verò perficitur in consecratione à cæteris.
 materiæ, quæ pariter significatur verbis ipsius. Ex quo etiam se-
 cundum efficitur, vt cætera sacramenta omnem suum effectum
 habeant in suscipiente, hoc verò primum effectum habet in ipsa
 materia. Vbi etiam termini, quibus vtuntur doctores, seruandi
 sunt, qui à Magistro & cæteris ex sententijs Prosperi, quas ille
 ex Augustino collegit, sumuntur. Distinguunt enim duos Sa-
 cramentorum effectus: Proximum videlicet & primum, in quo
 non sistit operatio sacramentalis: & vltimum, gratiam scilicet
 ipsam sacramentalem. Primum vocant rem & Sacramentum,
 secundum rem tantum. Quoniam primus ille effectus signifi-
 catur sacramento visibili, respectu cuius est res: sed ipsa ordina-
 tur ad vltiorem alium effectum, propter quem videlicet insti-
 tutum est sacramentum, quod merito res tantum dicitur, quia non
 ad alium vltius ordiuatur, cui in altero extremo opponitur Sa-
 cramentum tantum, signa videlicet ipsa efficacia, vt dictum est
 in baptismo. Itaque Sacramentum tantum, ablutio est: res & sa-
 cramentum, hoc est, primus effectus est character siue potestas illa
 recipiendorum sacramentorum, et consignatio in familiâ Christi:
 gratia verò plenæ remissionis peccatorum est res tantum & vlti-
 mus.

DE MATERIA

mus effectus. Hic igitur sacramentum tantum exteriora signa sunt: res & sacramentum, siue primum quod efficitur corpus Christi est ibi contentum ante omnem usum & sumptionem: vltimus verò effectus, siue res tantum vnio est corporis Christi quæ fit per gratiam, & hoc duntaxat in suscipiente. Ex quo tandem fit, vt in hoc sacramento non tantum illa pars materiz consecratur, quæ in usum venit, vel tunc duntaxat sacra sit, cum ea vtimur, sicut in omnibus alijs sacramentis, sed tota proculdubio materia circa quam proferuntur verba, & toto tempore quo id manet quod consecratum est, ad sacramentum pertinet, & sacramentum est. Vbi deprehenditur hæreticorum recentiorum error, de quo inferius plura, qui non putant hoc sacramentum esse, aut aliquid sanctitatis continere, nisi cum sumitur. Et hæc quidem differentia, vt inferius patebit, ex usu ipso Ecclesiæ simul cum institutione Christi aperte sequuntur.

LECTIO SECVNDA.

De materia & forma huius Sacramenti.



Materia Eucharistiæ panis triticeus & vinum vitis.

IAM igitur præfixo ordine sequamur cuncta quæ pertinet ad hoc Sacramentum. Primum verò est materia et forma, res scilicet exterior siue elementum, & verba huius sacramenti.

De materia igitur ex supra dictis Evangelistarum verbis aperte patet, quòd sit panis & vinum, id quod præter alias rationes, quæ ad alios pertinent articulos, hac potissimum ratione, quòd hæc duo sunt, quibus communiter homines ad refectionem vtuntur, suntque maxime ad eam necessaria, & quæ certè facile possunt ubique haberi, sicut aqua, qua communiter ad ablutionem vtuntur, materia est baptismi. Vbi circa singula horum notandum. Primò de pane, quòd proculdubio ad veritatem Sacramenti huius panis triticeus necessarius est, ita videlicet tota Ecclesia semper intelligente,

telligente, quod panem quo communiter vtuntur homines, Christus in vltima illa cœna sumpserit in manus, atque ita illum instituit materiam huius sacramenti, ipsum consecrans. Quo certissimum fit, ex nulla alia materia panem confectum sufficere ad veritatem huius sacramenti, vt beatus Thomas inquit, & omnes, dist. 8. quarti. In quo, sicut in precedentibus sacramentis diximus, Art. 3. 74. q. tenenda sunt certa, & relinquenda incerta. Vnde, quanquam sint diuersæ sententiæ doctorū de spelta, farre, aut similagine, hoc primum est certum, vtentem materia dubia & incerta grauer peccare, quocunq; modo id fiat: siue scilicet ex natura & specie ipsa, siue ex corruptione dubium oriatur. Et ideo secundum etiam certum est, tutius in his casibus repeti sacramenta & perfici. Illud etiam est certius, oportere esse panem decoctum, & frustra verti in quæstionem de massa: & multo magis alienum esse, disputare an sit alterius speciei, an non. Siue enim panis species sit aliqua naturalis siue artificiatum aliquod, ille est materia huius sacramenti, quem homines panem vocant: Panem (inquam) communis refectiois reuera ex tritico.

Ex quibus etiam de vino patet, non aliam speciem requirendam esse, quàm vt sit verum vinum vitis. Vnde acetum nullo modo materia est huius sacramenti, cùm tamen mustum etiam permittatur ab antiquis Canonibus exprimi & consecrari. Intelligunt enim reuera ibi esse speciem vini, quanquam nondum plene decocti. Ceterum in aceto per corruptionem propriarum qualitatum soluta est natura speciei. Notat verò beatus Thomas, non esse determinatam quantitatem, quæ sit de sacramenti necessitate, circa materiam præsertim, cùm nec determinatus sit numerus potentium sumere. Nec certè obstat quod in consecratione sanguinis dicatur, Calix, maxime cùm ibi secundum tropum sumatur calix pro contento in calice, quod est. Hic est sanguis meus. Hæc igitur dicta sunt quantum ad necessitatem sacramenti pertinet. De ritibus verò suo loco dicendum erit.

Forma verò huius sacramenti, siue verbum, cuius virtute perficitur, illud proculdubio est, quo Christus dominus ipsum primò perfecit: id quod ex ipsis verbis Euangelij, & Pauli præcipue colligitur, cùm iubet Christus discipulos facere quod ipse fecit, Hoc facite &c. Nec tamen discipulos tantum, sed eorum successores quoque perpetuò in Ecclesia hoc facere iussit: donec veniat, in-

Supradicta
q. art. 2.

DE FORMA EVCHARISTIAE.

Forma con-
secrationis
panis.

quit Paulus. Igitur meritò habet Ecclesiæ sensus, illa verba esse necessaria ad integritatem huius sacramenti, quibus significatur perfecte consecratio materiæ: illa verò, quibus significatur usus, proferenda quidem sunt, non tamen ut necessaria. Igitur consecrationis panis forma necessaria tantum illa verba sunt, Hoc est enim corpus meum. quanquam particula, enim, non ut necessaria consecrationi, sed ex præcepto addenda sit: quia illa vitur tota Ecclesia, etsi non legatur in scriptura, quod de alijs quoq; verbis postea ostendetur. Quanquam enim siue illa integer sit sensus: tenemur tamen in re tam graui nec iota præterire eorum quæ Ecclesia nobis tradit. Nam etiam si non animo nouum inducendi ritum, quod est grauissimum schisma, sed quacumq; demùm ratione fiat, non est parui faciendum. De quo diximus cùm in cõmuni loqueremur de sacramentis. Cæterum verba hæc: accipite & manducate; nullo modo dicenda sunt ad formam pertinere. Sequeretur enim non debere consecrari hoc sacramentum, nisi traderetur: debet enim effici quod significatur in sacramentis. Quare Lutherani, qui hunc nouum ritum & alienum in Ecclesiam introducunt, ut in traditione consecratur, hoc maximè amplectuntur, dicentes hæc omnia à Christo prolata esse. Catholicus verò Ecclesiæ sensus est, his verbis, accipite &c. præceptum fuisse usum & manducationem consecrati iam corporis Christi: Cæterum consecrationem verbis eam significantibus peractam, quæ Christus Dominus protulisse traditur, non quidem antea vel postea quàm tradidit, sed inter tradendum: cùm scilicet teneret panem in manibus: Ita ut, sicut b. Thom. diligenter notat, verba illa non eo ordine sint accipienda, quo ab Euangelistis descripta sunt, sed ita, ut intelligamus tunc hæc verba, videlicet: Hoc est Corpus meum. Christum protulisse, cum benediceret, postea verò tradidisse. Vnde solis his verbis non dubitandum est confici hoc sacramentum, etiam si nihil præcedentium addatur, & significationem compleri eorum ex intentione proferentis: quæ omnia eo art. diligentiissimè b. Thom. docet. Et hoc modo intelligendi sunt catholici omnes: quia nonnulli videntur sentire illa verba. Accipite &c. pertinere ad formam. Intelligatur ergo secundum ritum & statutum Ecclesiæ dicenda esse omnia. Verum illa, Accipite & manducate &c. vel bibite &c. ut à Christo dicta referuntur, quasi materialiter, non ut sacramenti pars, sed Euangelicæ historię: alia verò quæ

art. 1. 78. q.

DE FORMA EVCHARISTIAE. 56

ibi dicuntur, verissima sunt forma, id quod satis ostendit, quod accipite & manducate, non ita dicuntur, ut simul efficiatur quod dicitur: non enim datur ut accipiat tunc, nec minus consecratur etiam si nunquam postea daretur. Igitur respiciunt quidem hæc verba illud, sed ut vltum, & aliquid posterius consecratione.

Circa verba verò consecrationis sanguinis illud etiam considerandum est, quod quam disputatur à quibusdam & in dubium vertatur, aut asseratur etiam sufficere duntaxat priora verba, videlicet: hic est calix sanguinis mei, tuta tamen & certa sententia est, omnia usque, in remissionem peccatorum, esse necessaria verba consecrationis sanguinis. Id quod ipsa Ecclesie consuetudo ostendit, quæ & apud Græcos, & apud Latinos semper obtinuit, ut omnia illa verba, aut certè similia proferatur eodè modo & ritu. Et quam non hæc omnia apud Evangelistas legamus, quoniam illi non tradiderunt formas sacramentorum, quas (ut inquit b. Dionysius de Ecclesiastica Hierarchia) in primitiua Ecclesia oportebat absconditas referuari, ne irriderentur ab infidelibus: tamen non dubitamus illa omnia verba tradita ab Apostolis Ecclesie, quæ etiam ex alijs locis Evangelij colligi possunt. Quæ omnia Innocentius tertius ita definit in cap. cum Marthæ. de celebratione missæ. Ratio verò satis conueniens, & quæ sufficere debet, quare tanta sunt addita in consecratione sanguinis, est, quam b. Tho. art. 3. q. 78. in solutione ad secundum & septimum argumentum assert. Quoniam cum sanguis consecratur ad expressiorem significationem passionis Christi, merito debet fieri mentio expressior & effusionis ipsius sanguinis & fructus eius. Quamquam igitur Christus dominus (ut Paulus inquit) dixerit in consecratione corporis: quod pro vobis tradetur, illud tamen Ecclesia ab Apostolis edocta non accepit ut forme partem, Ecclesia inquam vniuersalis: quamquam forte in aliqua Ecclesia fuerit ita seruata. Cæterum in consecratione sanguinis tota semper Ecclesia hæc verba habuit ad expressius, ut diximus, significandam passionem Christi. Quæ b. Thom. supra dicto loco diligentius declarat inter soluenda argumenta, & sunt diligenter intelligenda à ministris huius sacramenti. Duo igitur Verba consecrationis significant præter conuersionem vini in sanguinem. Primum Calicis effusionem ipsius sanguinis, cum dicitur: qui pro vobis & multis effundetur, ubi pro vobis, Iudeos videtur respicere, vel ipsos præponuntur, sentes Christi discipulos; multis, verò, quod dicitur, respicit reliquos

DE FORMA EVCHARISTIÆ.

Cap. 11.

- quos omnes ad finem seculi. Pro vobis igitur, vel Iudæis vel credentibus: & pro multis, credituris omnibus. Consonant itaq; hæc verba illis in Iohanne. Quia moriturus erat non tantum pro gente, sed ut filios Dei qui dispersi erant congregaret. In reliquis significatur effectus fructusq; sanguinis Christi effusi pro nobis, qui tres præcipuè sunt. Consecutio videlicet cœlestis hæreditatis & beatitudinis, quæ significatur illis verbis: noui & æterni testamenti. Testamentum enim propriè est dispositio de hæreditate, quæ quidem dispositio non aliud est, quàm diuinæ promissiones Euangelicæ, quæ sanguine Christi effusi confirmatæ & roboratæ sunt: morte videlicet (ut Paulus inquit) testatoris. Nouum verò est hoc testamentum respectu veteris, quia nouis hominibus de nouo manifestatum est. Æternum verò, ordinatione & consilio diuino & duratione. Est itaque sensus. Hic sanguis est, quo noua illa dispositio Dei & promissio, qua ad cœlestem hæreditatem admittendi sunt homines, confirmatur, fitq; rata, &, ut ita dicamus, irreuocabilis. Quæ quidem dispositio æterna est, & antiquior figuris veteris testamenti, sed explicatione & manifestatione noua. Secundus effectus est ipsa iustificatio, quæ per fidem Christi est, & præcedit proculdubio priorem illum effectum, & hic significatur cum dicitur: Mysterium fidei, quod est, hic sanguis, hæc eius effusio, hoc testamentum, mysterium est, hoc est, absconditum & secretum, qd fide agnoscitur, & fide manifestatur: mysteriū etiam fidei est hic sanguis, hoc est, iustificatio ipsa hominis, q̄ fide illa, quæ p dilectionem operatur, percipitur: Nam, ut Paulus inquit, Iustitia Dei ex fide Iesu Christi in omnes & super omnes. Vltimus deniq; effectus remissio peccatorum est, qui duos etiam illos præcedit. Habemus enim, inquit Paulus, fiduciam in introitu sanctorum in sanguine Christi, habemus (inquit) fiduciam de remissione peccatorum, habemus & institutionem, habemus denique ius hæreditatis. Nec dubitandum est hæc omnia specialiter in nobis hoc sacramentum efficere, cum participes eius efficiamur.

Rom. 3.

LECTIO

LECTIO TERTIA. 57

De vera significatione horum verborum, & effectu: in qua maximè probatur veritas corporis domini in Sacramento patrum testimonio.



VAE sit verborum horum omnium plena & integra significatio: Hoc est corpus meum, & hic est calix &c. simul & effectus illorum, nunc agendum est. Cùm enim, vt supra diximus, verba sacramentorum id efficiant quod significant: simul de effectu et significatione, quæ idem sunt, meritò dicendū est.

Duo igitur sunt, quæ Ecclesia circa hoc certissima habet. Primum, his verbis significari veram præsentiam carnis Christi & sanguinis, atq; aded totius ipsius Christi. Alterum, significari etiam, non esse ibi substantiam panis vel vini, atq; ideo duo ista effici credit vera fides, vt scilicet corpus Christi sit præsens veraciter & substantialiter, panis verò substantia nullo modo. Et quia hæc certissima fides hoc maximè tempore ab hæreticis impugnatur, peruertitur, & blasphematur, ab alijs quidem apertè, ab alijs verò occultius & dolosius: est à Catholicis diligenter confirmanda. Tria itaq; postulat hic articulus. Primum, quæ sit fides certissima Ecclesiæ de veritate corporis Christi in hoc Sacramento. Secundum, quis modus & ratio illius, & quantum cognosci possit. Tertium deniq; quæ ratio loquendi, & quæ verba, quibus hoc explicari debet. Quæ omnia diligenter tradita sunt à patribus, & à posterioribus doctoribus diligentius expensa, maximè post exortas hæreses.

De primo igitur, quoniam Ecclesia apertè intelligit ex verbis Christi in institutione huius sacramenti, & eiusdem apud Iohannem, 6, cap. & Pauli 1, ad Corin. in hoc sacramento realiter & veraciter, & 11.

raciter, & non sicut in signo tantum, esse corpus & sanguinem Christi, & quoniam agitur de vero horum verborum sensu, quem hæretici pervertunt, dicentes secundum tropum, quo signum pro signato solet accipi, hæc accipienda esse, Hoc est corpus meum &c. (quorum primus Berengarius fuit, & post ipsum alij, vsque ad modernos, Oecolampadium, Zuïnglium, & magnam partem omnium præsentium hæreticorum) contra eos agendum est ex autoritatibus & sensu communi Patrum. Sic enim docet Augustinus 3. de doctrina Christiana, sensum scripturæ ambiguum, nisi ex circumstantiis præcedentium & sequentium colligi posset, maxime tamen, ex regulis fidei sursumendum esse. Quare & hoc diligenter curarunt antiquiores doctores, Magister scilicet sententiarum dist. 10. & sequentibus alijs, & Gratianus de consecratione dist. 2. & nunc posteriores alij. De hoc ergo ut certissimum habeatur, omnem Ecclesiam ab Apostolis vsque nunc, ita veritatem huius Sacramenti tenuisse, & docuisse: ut quam primum aliquis aliter docuisse fuerit deprehensus, mox ipsum damnauerit. Itaque non verbis tantum, sed re ipsa etiam constare, hanc semper fuisse veram fidem Ecclesiæ. Deducit hoc latius Iohannes Rossensis Episcopus magnæ pietatis Anglus, & gloriosus nostri temporis martyr, in libris 5. quos de hoc ædixit contra Oecolampadium, maxime in procemijs trium posteriorum librorum. Vbi adfert corroboraciones fidei huius dignas spiritu martyris. Sed quod attinet ad hoc propositum, refert ille multorum, & omnium ferè doctrina insignium in Ecclesia ab Apostolis vsque ad nos, quos in quinque trecenarios annorum diuidit, sententiâ. Qui omnes manifestissimè hoc tenent & docent. Nobis verò satis sit quod cuique Catholico sufficere debet, quinque aut sex omni exceptione maiorum testimonia adferre, quibus fidem quilibet Catholicus, & certè quilibet prudens potius tribuat, quam Luthero & suis omnibus. Igitur primus sit Ambrosius, qui de hac re apertissimè loquens & frequentissimè hanc fidem inculcans, nullo dolo hæreticorum potest obscurari, in omnibus ferè libris suis de sacramentis, lib. de his qui initiantur mysterijs, cap. 9. & 4. de sacramentis, cap. 4. & 5. & tribus capitibus, 5. lib. & libro 6. 1. cap. ubi frequenter affirmat verum corpus Christi sumi in hoc Sacramento, sicut verum ex virgine assumptum est, & hoc certissima fide tenendum; & rursus, ante consecrationem

Ambrosius.

panem

panem ibi esse, & post consecrationem ex pane fieri carnem Christi. Id quod ex ipso verbo Christi probat, quod & efficax & verum ita est, vt nulla ratione de eo dubitandum sit. Neganunt nonnulli hæretici libros hos esse Ambrosij, sed certè & phrasis & spiritus per omnia consonat ceteris libris Ambrosij. Secundis testis sit Chrysostomus in multis quidem locis, sed præcipuè Homelia 60. Chrysostom. & sequenti ad populum, quarum titulus est de lumentibus indigne sancta mysteria. Vbi de hac fide loquens: pareamus, inquit, Deo, neque contradicamus, licet vel cogitationibus vel oculis nostris videatur aduersari quod dicitur. Ipsius, inquit, sermo infallibilis est, sensus noster facile seducitur, quoniam igitur verbum dicit, Hoc est corpus meum. oculis ipsum fidei aspiciatur. Multa denique ibi in hac sententiam. Et Homelia 44. & 45. super Iohannem, in expositione sexti capitis. Vbi apertè exponit quedam ibi dici de Christo secundum diuinitatem, videlicet, Ego sum panis viuus qui de cælo descendi. Alia de eo vt in hoc sacramento est: Panis quem ego dabo caro mea est, quam dabo pro mundi vita. August. etiam in præfatione Psalmi 33. in prima Augustinus. & secunda concione, exponens titulum Psalmi, & quod 1. Regum 21. de Dauide scriptum est, quod portabatur in manibus, siue, vt ille legit, ferebat se in manibus: dicit homini illud impossibile fuisse, soli verò Christo conuenire: ferebatur enim, inquit, ille in manibus suis quando commendans corpus suum dicebat, Hoc est corpus meum, quod norunt, inquit, fideles. Cyrillus etiam Cyrillus. lib. 4. super Iohannem, 13. & 14. cap. de veritate carnis Christi in hoc sacramento, fructuq; eius, & charitate Christi hæc nobis donatè, apertissimè loquitur. Vnde & in Concilio Ephesino contra Nestorium, authoritate quidè pontificis, sed ipso Cyrillo maxime agente cōgregato, nondum exorto errore aliquo contra veritatem huius sacramenti, sed tantum contra vnitatem personæ Christi, quem Nestorius dicebat duos fuisse, alium Deum, alium hominem. gratia coniunctos: in epistola quam scribunt ad Nestorium Patres, apertè testantur in altari nos sumere non carnem aliquam communem, aut puri hominis: sed veram verbi ipsius carnem, quam de virgine traxit. Vbi magis videntur ex certissima ista fide veritatis corporis Christi arguere errorem Nestorij, quàm hoc confirmare quasi in dubiū reuocatum. Deniq; ex Græcis Theophylactus in expositione 6. cap. Iohannis, & aliorum lo-

DE EFFICACIA

Damasceus
Hilarius.

corum Euangelij de institutione sacramenti apertissimè hoc docet, & Damasceus vnus ex Græcis veteribus lib. 4. de orthodoxa fide cap. 14. Et ex Latinis Hilarius, magnæ existens authoritatis, in libro 8. de Trinitate. Non tantum asserit veritatem corporis Christi in hoc sacramento, sed ex illa arguit contra Arrianos negantes vnitatem naturæ substantialem inter patrem & filium, cum per hoc sacramentum non tantum secundum voluntatem, inquit, sed substantialiter vniamur nos Christo, vbi diligenter admonet, negandū sensum nostrū, & verbis diuinis credendum. Et adductis illis verbis, Caro mea verè est cib⁹, de veritate, inquit, corporis & sanguinis eius non est relictus ambigendi locus, cum ipsius Domini professione, & fide nostra, Caro eius verè est & sanguis. Sufficiant hi tam fide digni testes, nam cæteri omnes, præcipuè antiquiores, non opus est vt sigillatim citentur, videlicet Dionysius Areopagita, Origenes, Hieronymus, Cyprianus, Irenæus, & ipsi primi Apostolorum discipuli, Ignatius & Clemens: Gregorius etiam Pontifex his posterior, quanquam & ipse antiquissimus: qui vbi de hoc sacramento loquuntur, idem quod supraddicti apertissimè testantur.

En quanta
nubes testiū.

Dionysius.

Origenes.

Hieronymus

Cyprianus.

Gregorius.

Dionysius quidem 3. cap. Eccle. Hierarch. Origenes Homilia 13. super Exodum. Hierony. ad Hedibiam q. 2. Cyprian. in expositione orationis dominicæ. Gregorius Homilia 22. in Euangelium videlicet Iohannis de resurrectione Domini, vna Sabbathi Maria Magdalenz &c. apertè enim dicunt, Corpus Christi nos sumere veraciter. Vbi primò considerandum, quòd sensus hic germanior est magis proprius verborum Christi, Hoc est Corpus meum, & hic est sanguis &c. Non est enim dubium magis propriè hæc exponi de vera reali; existentia corporis Christi, quàm de figuratiua tantum. Iam quando nec certa fides, nec euident ratio cogit impropriè scripturam exponi, non est cur improprias locutiones fingamus: idque maximè obseruandum vbi historicè aliquid describitur. Quare reprehenduntur qui paradoxum terrestrem aut formationem mulieris referunt ad mysticos sensus. Sic itaq; in his verbis, in quibus Euangelistæ historiam describunt, & Christus Dominus simpliciter loquitur.

Cum igitur dicunt hæretici ex scriptura non satis ostendi hanc realem præsentiam Christi: respondemus illis, quòd multo minus ex scriptura ostenditur contrarium. Nec est certe in hoc sensu alia difficultas, quàm q. iuxta illum, maximū quoddam & ineffabile miracu-

miraculum ponimus, At verò nihil indecens, nihil non maximè conueniens Deo, nihil non dignum statui nouæ legis. Itaque in hoc credendo nihil aliud quàm ambiguitas quædam (similis illi Capharnaitarum, quomodo potest hic nobis dare carnem suam ad manducandum?) excogitari potest.

Idem etiam dicimus de verbis doctorum. Cum enim de hoc sacramento loquuntur. Videntur nonnunquam minus apertè & disertè hanc realem præsentiam corporis Christi docere: quod nihil verè fidei detrahit apud eos qui syncerè Ecclesiam sequuntur. Si enim, vt Rossensis prudenter adnotauit, Patres non scirent hanc esse certissimam fidem, si agnoscerent aut dubium aliquod circa hoc esse in Ecclesia, aut contrariū veritati esse, cum maximū Expende pie periculum imminere viderent simplicioribus: si hoc, inquam, cre- lector hanc derent: debuerant admonere, vt ab hoc errore cauerent, qui certè rationem, maximus esset. Nunc autem cum ita loquuntur, vt ex plano sensu & simplici suorum verborum realis illa præsentia Christi, atque vera, non figuratiua intelligatur, neque admonent populum aliter esse intelligendum: nonnè manifestant se hoc voluisse docere? Nec enim ipsis tantum imputandum foret, si non diligenter auerterent ab errore populum, qui ex eorum verbis sequebatur, sed ipse Christus & spiritus sanctus minus visi essent curare suam Ecclesiam.

Deinde quorsum opus erat tam frequentī admonitione, vt renunciemus sensui nostro, & omni humanæ rationi, in hoc sacramento? Quid opus erat tam seriò agere ad corroborandam fidem, quandoquidem, si sola figura est hic corporis Christi, nullum erat miraculum maius quàm in alijs sacramentis: Imò multo minus?

Huc etiam accedit quòd frequenter à patribus cum hic locus tractatur, afferuntur exempla transmutationum ex scriptura, vt virgæ Moysi in colubrum, & similia: quòd item de efficacia & virtute diuini verbi tanta præfantur, vt videre est maximè apud Ambrosium libro de sacramentis. Si enim solùm vt in signo hic est Christus: nulla transmutatio, nulla opus est verbi efficacia cum dicitur: Hoc est corpus meum.

Hæc itaque omnia, si rectè pensentur, iuncta scripturæ & patrū verbis, efficiunt apud veros fideles vt nullus relinquatur ambiguitati locus.

LECTIO QVARTA.

De eodem, in qua maximè respondetur
sanctorum verbis quæ pro se ad-
ducunt Lutherani.



VIA verò etiam patrum verba peruertunt hæretici, sicut & scripturas: nec desunt eis in sanctorum scriptis multa, quæ vel videantur sensum suum confirmare, vel quæ certè trahi possint ab eis: vnde & Augustinus verba in Psal. 98. Non hoc corpus quod videtis, manducaturi estis &c. & de verbis Domini: Corpus in quo resurrexit Christus in vno loco est, veritas eius vbique citant in magnam confirmationem suæ hæresis: quanquam autem à Magistro dist. 10. exposita sint, & à b. Thom. & cæteris: & nonnulla alia similia, aut fortè quæ apertiora videantur, ex Augustino habent, ne tamen offendamur eiusmodi verbis, considerata sunt sequentia.

Hic vides
quomodo à
patrum au-
thoritate ar-
gumentari
liceat.

Primum: authoritates doctorum ad ea quæ fidei sunt confir-
manda adducuntur à nobis, non quatenus sententiam suam aut
sensum illi explicant: sed quatenus perhibent testimonium fidei
Ecclesiæ, ostendentes videlicet quid à maiorum memoria accepe-
rint, & quid indubitanter in Ecclesia susceptum retentumq; fue-
rit: atque ita omnia quæ suprà diximus ex doctoribus, accipienda
sunt: non. n. referunt suas opiniones, sed certam fidem & indubitata
docent. Vnde quanq; authoritates doctorum magis sint proba-
bilia media in theologia, quàm certa & efficacia: sensus tamè Ec-
clesiæ qui testimonio communi eorum probatur, est efficacissi-
mum omnium medium, & vera resolutio fidei & theologiæ. Sic
enim Augustinus nos docet frequenter. Vide 3. lib. de pec-
catorum meritis & remissione cap. 7. vbi cum patrum testimo-
nia adduxisset originale peccatum asserentium, tandem ita in-
quit: Hæc non ideo commemoravi, quòd disputatorum quorum-
libet

libet sententijs tanquam canonica authoritate nitamur, sed vt appareat ab initio vsque ad præsens tempus, quo ista nouitas orta est, hoc de originali peccato apud Ecclesiæ fidem tanta constantia custoditum &c.

Quoniam verò hic sensus Ecclesiæ tam necessarius est, vt in omni dubio ad illum confugiendum sit, dicimus eum (Deo ita ordinante) nunquam obscurum fuisse aut ambiguum, sed vt lucere illuxisse omnibus quos sua superbia non excecauit. Non enim dubij erant Catholici doctores etiam ante Nicænum conciliū de æqualitate Filij cum Patre: vt Athanasius, Alexander & similes Pont. Ita de cæteris. Hoc ergo dogma de veritate corporis domini non ex ambiguis verbis doctorum à nobis habetur, sed ex ipsa perpetua successione Ecclesiæ, quod nō minus ostenditur in damnatione contrariorum hæreseon, quàm in ipsa assertione veritatis. Constat enim totis mille annis ita prædicatam corporis Christi veritatem in sacramento, vt cum primū tempore Leonis 9. ante quingentos annos Berengarius Andegauenfis archidiaconus cœpisset hoc negare, & tantum tanquam in signo hic esse Christum asserere, summa diligentia mox damnatus fuit. Congregato ab ipso Leone cōcilio Vercellensi, & (eo postea redeūte ad eandem hæresin) tribus alijs Concilijs (Turonensi videlicet ab Ildebrando coactō, & Romanis duobus, altero à Nicolao secundo, & altero à Gregorio septimo, ipso videlicet Ildebrando) damnatio illa confirmata est, & habetur reuocatio facta sub Nicolao secundo in cap. Ego Berengarius, de consecratione dist. 2. Scribentibus diligentissimè his temporibus contra hunc errorem Lanfranco Archiepiscopo Cantuariensi, & Guimando Auerlano Archiepiscopo, & Anselmo etiam, atque alijs viris doctissimis. Et quia hic error semel exortus semper aut occultius aut manifestius pullulauit, damnatus est etiam in Concilio Lateranensi ab Innocentio 3. vt habetur capite Firmiter, de summa Trinitate & fide Cathol. Rursum in Concilio Constantiensi, quod tantæ authoritatis est, quantæ & vtilitatis ad tam diuturnum extirpandum schisma. Inter cæteros enim errores VVicleph tres primi, qui ibi damnantur, sunt de hoc articulo, vt patet sessione 8. In Concilijs etiam modernioribus Florentino & Tridentino nostro rursum renouata est hæc damnatio.

In omni dubio ad sensum Ecclesiæ necessario confugiendum.

Nota.

Berengarius primus veritatem corporis Christi in Eucharistia negans, statim damnatus est.

Itaque

RESPONDETVR AD ARGVMENTA

Itaque cū primis mille annis non appareat de hac re certum esse, posterioribus verò quingentis videamus nunquam Ecclesiam tacuisse, nec cessasse ab impugnandis hæreticis hoc negantibus: re ipsa patet hanc fuisse semper Ecclesiæ doctrinam, & hoc intellexisse patres omnes. Quod quàm sit efficax argumentum ad confirmandā hanc fidem, audiamus ex August. sententia. Sic enim aduersus Pelagianos in 3. li. de peccator. merit. & remiss. cap. 6. citato Hieronymo ad probandum peccatum originale, ita loquitur: Hunc doctissimum virum si facile interrogare possemus quàm multos vtriusque linguæ diuinarum scripturarum tractatores & Christianarum disputationum scriptores commemoraret, qui non aliud, ex quo Christi Ecclesia est constituta, senserunt, non aliud à maioribus acceperunt, non aliud postea reliquerunt: ego quidem, quamuis longè pauciora egerim, non memini me aliud audisse à Christianis qui vtrunq; testamentum recipiunt, non memini me aliud legisse apud eos quos de his rebus aliquid scribentes legere potui, qui canonicas scripturas sequebantur. Unde nobis hoc negotium repente emerferit nescio: hæc ille. Idem meritò Berengario illi dici tunc potuit, cū modum illum existendi tanquam in signo cœpisset excogitare. Idem etiam ijs qui nunc tam frequenter eius damnatam hæresin exuscitant multo rationabilius respondetur.

Tria in legē-
dis patribus
diligenter
observanda,
Primum,

Quia igitur consona doctrina patrum tantæ authoritatis est ad confirmandam fidem, secundo loco opus est de quibusdam admonere, quæ in eis legendis observanda sunt, ne labamur & nos ut hæretici & simplices multi illos sequentes labuntur. Multa quidem sunt hæc, sed nobis nunc tria occurrunt huic proposito convenientia. Primum, quòd cum aut semper aut ferè veritas Catholica incedat inter duo extrema hæreticorum, non solum patres, sed & ipsa scriptura, cū vnum extremum hæresis arguunt, & in illud impugnandum toti intenti sunt: videntur quandoq; in alterum declinare: ita agente natura intellectus nostri, quæ cum simul non possit multorum meminisse, quò magis vni intendit, eò aliorum magis obliuiscitur: quòd & data opera nonnunquam actum credimus, ut scilicet lectores abstraherent ab omni quòd poterat tardare eorū animos ne id qd agebāt caperēt. Sicut enim (ut verbi gratia dicimus) cū verba illa adducimus, anima mea in manibus meis semper, quæ probant arbitrij liber-

tatem,

tatem, & illud, Deus reliquit hominem in manu consilij sui : iam videtur necessitas gratiæ tolli : & rursus, cùm asseritur necessitas gratiæ : Sine me nihil potestis facere, ipsius est velle & perficere, videtur negari lib. arb. Ita exemplo patere potest in hæresi Arrij & Sabellij. Nam secunda orta est ex primæ condemnatione. Ita Pelagiana ex condemnatione Manicheæ, & ex verbis Augustini quæ contra Manicheos dixit, & aliorum patrum. Eodem modo nunc Lutherus fecit in his quæ contra Pelagianos dicta sunt, præcipue ab Augustino. Vnde & ipse Augustinus legit & respondit his quæ Pelagius ex ipso citabat ad negandam necessitatem gratiæ, vt patet in lib. de natura & gratia. *Secundum.* Obseruandum secundo etiam est, non solum cùm vnum extremum hæresis impugnatur, sed etiam cùm alia diuersa dogmata asseruntur, aut loca exponuntur scripturæ in alios sensus dicta : contingit patres ita loqui, vt videantur negare aut in dubium vertere id quod alibi certum esse docuerunt : vt in hoc ipso proposito & in loco suprâdicto apertissimè videri potest. Nam illud verbum Christi : Ecce ego vobiscum sum usque ad consummationem sæculi, (quod nonnulli exponunt de hoc sacramento, sed non propriè nec germanè, vt contextus ostendit) cùm Augustinus exponeret de verbis Domini (oblitus quodammodo huius sacramenti, de quo cùm intelligendus non esset ille locus, tunc non oportebat loqui) exposuit de præsentia spirituali per gratiam & veritatem, ac impletionem promissionum, atque continuum auxilium: Sursum, inquit, est dominus, corpus in quo resurrexit in vno loco est, veritas vbique diffunditur: hæc dicit Augustinus. Ex quo clamant moderni hæretici eum negasse veritatem huius sacramenti, cuius fortè tunc nec meminit Augustinus, nec certè oportebat. *Tertium.* Tertio denique non est omitendum, quòd patres de his quæ citra controuersiam omnè suo tempore erant aut nihil, aut certè tam pauca locuti sunt, vt vix eorum scriptis possit agnosci certò doctrina & sensus Ecclesiæ, nec erat opus confirmare multis ea de quibus nullus dubitabat, nec oportebat pluribus ea declarari, quæ manifestissima erant. Itaque vix de eis loquuntur, nisi cùm ad alia explicanda aut confirmanda opus erat eorum exemplo vt, aut ex eis illa quæ in controuersiam veniebant confirmare. Inferius audiemus Augustinum de Sacramento ordinis loquentem solum vt ex eo exemplum summat ad confirmandum valere baptismum datum ab hæreticis : nec

RESPONDETUR AD ARGVMENTA

nec esse repetendum. Ita superius etiam vidimus eum de sacramento confirmationis locutum. Et reuera illa efficaciora sunt ad confirmandum quæ ita simpliciter dicta ab eis sunt, vt nec putauerint ea in dubium venire posse. Sic Augustinus ipse confirmat peccati originalis doctrinam ex verbis Cypriani, quæ loquitur de non differendo baptismum paruulorum per certos dies. Si igitur consideremus antiquas hæreses, constat nunquam primis illis quingentis annis circa cultum & sacramenta quicquam fuisse vocatum in controuersiam. Primæ enim illæ hæreses de Deo ipso & mysterio trinitatis & incarnationis fuerunt: inquirentibus alijs originem & principium mali, alijs vnitatem diuinam, alijs vnionem illam diuinæ & humanæ naturæ. Cæterum Sacramenta, diuinus cultus, & quæ ad mores pertinebant apud omnes citra controuersiam seruabantur, aut eodem modo, aut parum dissimili. Cæpit quidem questio illa de Baptismo hæreticorum moueri, sed ex ea patet, & ex his quæ contra Pelagianos Augustinus loquitur, ritus eosdem fuisse apud omnes, imò hos ipsos qui nunc seruantur. Itaque si hæc considerentur, non videbitur mirum si de his non apertissima reperiantur testimonia apud patres.

Patres alii- Sed illud etiam aduertendum, quædam ex intentione ab eis quando prouocata fuisse, quod scilicet non expediat omnia omnibus manifestari. Loquebantur nonnunquam communia Catechumenis & hæreticis etiam, quibus non erant committenda sacratiora mysteria: vnde fit vt videatur posterioribus eos non ea sensisse, quæ proculdubio senserunt. August. de hac corporis Christi præsentia in Sacramento, in præfatione Psalmi 33. quem citauimus: fideles, ait, norunt quid contineatur: quod & alijs pluribus locis legimus ipsum dixisse. Dionysius etiam in princip. Eccles. Hierarch. idem annotauit fecisse Apostolos in mysterijs celebrandis & tradendis. Hæc igitur obseruanda in lectione patrum, vt scilicet ea quæ in expugnanda vna hæresi dixerunt, non statim interpretemur & trahamus in aliud extremum. Dicta enim sunt in quantum necessaria fuerunt ad illud impugnandum. Nam ita seipsum exponit August. Rursum, dicta de aliquo dogmate exempli gratia adducto, & cum de illo non agitur, exponamus & intelligamus per ea quæ cum ex professo & maiori attentione de eo dogmate loquuntur, dicta sunt. Similiter etiam idem attendamus, si quando

non

non aperire sed occultare potius voluerunt mysteria. Ista si coniungamus dictis in proxima lectione, & si abiq; effectu & nimio in vnam sententiam fauore legamus Patres tam in hac materia, quam in alijs: non erit difficile agnoscere quid senserint, vel certe non tribuere eis quod non senserunt. Igitur ita illis locis August. respondendum est. Psalmi videlicet 98. Non corpus quod videtis manducaturi estis. Prima enim hæresis statim sub ipsi Respondetur ad priorē locū cum ex Augustino adductum.

6. Quomodo potest hic nobis carnem suam dare ad manducandum? durus est hic sermo. Intelligebant enim illi carnaliter ore se efuros & dilaniaturos membra ipsa & carnem Christi. Cum igitur contra hoc extremum loquitur Christus, Verba (inquit) quæ ego loquor, spiritus & vita sunt, id est, spiritualiter dicta sunt & intelligenda. Vnde statim in aliud extremum inciditur, vt videatur dici, spiritualiter & in figura tantum manducandam carnem Christi. Augustinus enim in illo ipso loco super Iohannem tractatu 27. exponens illud, Caro non prodest quicquam, dicit, caro vt illi intellexerunt: carnem quippe suam intellexerunt quomodo in cadauere laniatur, aut in macello venditur, non quomodo spiritu vegetatur. Quia igitur in illo Psalmo contra hunc tam crassum sensum loquitur, dicit, non corpus quod videtis manducaturi estis, sub hac scilicet forma. Nam in eo ipso loco (vt apertius videatur hæreticorum peruersitas) dixit hæc verba, De carne Mariz carnem accepit, & quia in ipsa carne hic ambulauit, ipsam carnem manducandam ad salutem nobis dedit. Nemo autem, inquit, illam carnem manducet, nisi prius adorauerit: Vbi aperte & veritatem carnis Christi docet & adorationem, quam hodie pertinaciter hæretici negant. Illud etiam quod hæretici magno cum applausu citant ex Epistola ad Bonifacium, scilicet 23. vbi inquit vocari hoc sacramentum corpus Christi & sanguinem secundum quendam modum, nam sacramenta dixerat prius plerumq; ipsarum rerum quarum sacramenta sunt nomina accipere: Intelligamus vt exemplum positū esse extra propriam materiā & iuxta ea quæ in proprijs locis dixerat intelligendū. Et quod dicit, quodāmodo vocari corpus Christi sacramentum: ad ipsas species referamus, quæ secundū tropum nonnunq; dicuntur corpus Christi, vt inferius dicetur. Sacramentum itaque apud August. exteriores illæ res & signa dicuntur, quæ ibi sunt, primū,

RATIONIBVS PROBATVR

quidem panis & vinum, deinde verò accidentia eorum quæ reliqua manent. Hæc Augustinus verissimè dicit non esse corpus Christi, sed vocari tantùm secundum tropum quendam : & hæc fortè pertinet quod aliquando dixit lib. cōtra Adamantum. Non dubitauit Dominus dicere: Hoc est corpus meum, cū signum daret corporis sui : non enim sunt illa signa corporis Christi quæ videntur ostendi cū dicitur, Hoc, cæterum substantiam ibi contentam corpus Christi esse non negauit Augustinus : quod alibi tam apertè confessus est. Et ita deniq; nihil ex Augustino vel ex alijs patribus adferre possunt, quod turbare debeat nos in solida hac fide constitutos, etiam si aliquando non intelligamus. Nec opus est vt nos semper iactemus de perfecto intellectu doctrinæ Patrum, q̄ fortè nos latet: sed semper dicamus, quocunq; modo sit hoc intelligendum, tamen certi de doctrina Ecclesiæ non dubitamus non aliter sensisse orthodoxos patres, aut si senserunt, se correxisse, si quidem in vera fide Ecclesiæ semper permanferunt.

Nota quòd
nō oporteat
oēs omnia
intelligere.

Rationibus
probabiliter
Christi ostens-
datur presen-
tia.

art. 1. 7. 5. q.

Prima ratio.

Confirmata itaq; fide hac de veritate corporis Domini, expedit & probabiles illas rationes atque persuasivas adferre, quibus ostenditur quàm hoc sit conueniens, vt Christus seipsum nobis relinqueret in hoc sacramento verè quidem sed occultè. Nam rationes hæc etsi non demonstrent vel efficaciter probent, tamè non parum adificant & mouent atq; afficiunt voluntatem, & valde confirmant fidem. Adducit b. Thomas tres, ad quas plerq; omnes quæ adduci possent, sunt referendæ.

Prima sumitur ex perfectione status legis nouæ : conuenit enim vt perfectius multò & verius Christum, eius passionem & meritum habeamus sub lege gratiæ, quàm habuerunt Iudæi in lege veteri. Antiqui verò illi hæc omnia in signis & figuris habebant : conuenit ergo vt nos in veritate & re habeamus. Possunt hæc latius deduci et confirmari, maximè Dionysij Areopagit. auctoritate, qui, vt à principio huius tractatus diximus, 5. cap. Eccle. Hierarchiz docet verissimè quidem & propriè Ecclesiast. mediā esse inter Synagoga & supernam Hierusalem, & ideo vtriusq; participem. Itaq; tanta meritò credenda est perfectio & altitudo Christianæ religionis, vt inter eam & beatitudinē non nisi minimus gradus sit. Habent igitur beati Christum Deum & hominem præsentem & manifestum (qui est supremus gradus diuinæ participationis) habemus verò nos Christum in hac vita præsentem.

quidam

quidem in re & veritate iuxta vtranque naturam, sed occultum, qui est proximus illi gradus, supra quem in vita maior esse nō potest: auferretur enim fides si non in sacramento, sed facie videretur ad faciem: habuerunt verò antiquiores sub lege Christum in figura tantum & in vmbra, de quo Paulus dixit, quod eandem escam spiritalem manducauerint, & statim addit, omnia in figura contingebant illis, & hic est infimus gradus, nec certè extra hos alius inueniri potest, quod attinet ad rationem sacramentorum, signorum videlicet externorum: per fidem enim vtrisque eodem modo adfuit, quamquam & in ea maior est perfectio Christianorum.

Secunda ratio sumitur ex perfectione charitatis Christi, cui conuenit vt naturam quam ex nobis assumpsit nunquam subtraheret à nobis, sed quātum fieri posset per eam nobiscum esset: Deliciæ mœx sunt, inquit, esse cum filiis hominū. Hanc adducit Rosenfensis, vel extendit potius, sumptam ex dicto loco b. Thom. dicēs quàm hoc conueniat charitati, ex qua recedētes amici solent hoc nos amore desiderare, vt si aliquo modo possent, manerent etiam apud amicos, idq; vt possunt conantur efficere, aut per imagines, aut per signa alia memoratiua. Christus verò, cuius non minor potentia nobis relinquitur quàm charitas, neque charitas quàm potentia, hoc sicut voluit queret. potuit, & sicut potuit voluit, omnia autem quæcunque voluit fecit.

Tertia deniq; ratio adducitur à b. Thom. illo loco ex perfectione fidei: quia enim per fidem diuinitatis habitat ipse Christus spiritualiter in cordibus nostris, & verè Deum possidemus: debuit etiam & fides humanitatis Christi non minus perfecta esse, vt veraciter ipsum hominem haberemus & nos habere crederemus nō tantum in signo & representatione, potest enim etiam per hanc rationem ostendi perfectio fidei & meritū quantum sit, ad quam proculdubio exercendam (atque ita præmiandam) in hoc sacramento sic Christus dominus se nobis relinquit, & miracula tanta supra omne sensuum nostrorum iudicium, & supra naturas rerum operatur, vt non possint nisi robustissima & magna fide credi. Vnde non mirandum est, si hæretici, & qui non veram fidem sed fictam habent, nec vero innituntur fundamento, Ecclesiæ scilicet authoritati, sed sensui suo, non possint credere, & dicant, durus est hic sermo. Nos verò intrepide cum Petro agnoscamus hæc sacramenta verba esse vitæ æternæ, Iam illud etiam aduertamus, hac fide certum non possunt

Ex summo
Christi erga
nos amore
profectum
est, vt seipsū
nobis relin-
queret.
Tertia ratio.
Vnde sit
quod heretici
verū cor-
pus Christi
esse in hoc
sacramento
non possunt
tūissima credere.

DE TRANSSVBSTANTIATIONE.

Post consecrationē nec panis nec vini substantiam manere non minus certò credendum quàm corpus Christi realiter esse præsens.

tissima Ecclesie doceri hinc nullam substantiam panis & vini esse post consecrationem, quod verba ipsa consecrationis, & quidem germinatio suo & proprio sensu significant: Vna singularis res demonstratur cum dicitur, Hoc est. Atque ita non plures substantie, sed vnā tantum ibi subesse intellexit semper Ecclesia: hanc verò non panem, nec enim ibi agnoscit fides panem vniri corpori Christi, sicut vnita est humana natura diuinæ, hoc enim etiam audire abhorret fides Catholica: quare restat substantiam tantum corporis Christi ibi demonstrari, quæ solum iam iuxta fidem ibi reliqua est. Patebit tamen hoc melius in sequenti lectione ex testimonijs Ambro. & aliorum, qui aperte fatentur sermonem Christi transmutare substantiam. Tantum in hoc loco dictum sit propter Lutherum & qui ipsum sequuntur, qui panem simul ibi esse cum corpore Christi volunt. Sed patrum & Ecclesie etiam autoritate dammati. Semper duo hæc vera fides coniungit, vt scilicet sit veraciter realiterq; ibi corpus Christi creditum esse, & non esse ibi substantiam panis. Vnde cum primum Berengarius ille negaret veritatem corporis Christi, asseruit panem ibi esse, & vtrunque damnatum est. Et reuera qui nunc panem ibi esse credunt, ostendunt satis non verè se credere realem præsentiam Christi: quod, si eorū scripta bene expendantur, apertius videbitur: quanquam velint videri longè esse à sacramentorum errore. De his itaque satis.

LECTIO QVINTA.

De ratione cōuersionis panis in corpus Christi, & modo loquendi de ea.



QUIA proximis lectionibus de vera existentia corporis Christi in hoc sacramento dictum est restant duo alij articuli à principio propofiti, de ratione scilicet & modo huius existentie, & de modis de ea Catholicè loquendi. De quorum priori iam dicendum.

Sit igitur & hoc certissimū fidei fundamentum.

DE TRANSSUBSTANTIATIONE. 64

tum, quòd via & ratio qua in hoc sacramento corpus Christi veraciter continetur, est Transsubstantiatio siue conuersio panis in ipsum. Ita enim hoc fide tenendum est, sicut duo alia superius dicta, scilicet quòd Christi corpus hìc veraciter sit, & quòd non sit panis. Quibus hoc tertium nunc addendum est, facta esse videlicet duo illa per conuersionem panis substantiæ in corpus Christi, quod intellexerunt omnes patres significari verbis Christi, Hoc est corpus meum. Hic est calix &c. & ita ex ipsis inferunt non minori certitudine hanc conuersionem fieri : alij quidem distinctius & apertius, alij verò non ita, sed tamen à nullo negatur.

Transsubstantiatio firma fide credenda est.

Ambrosius igitur locis citatis ex pane fieri carnem Christi & panem transmutari apertissimè dicit, adductis multis exemplis legis. Et tandem ait : Vides quàm operatorius sit sermo Christi? Si enim (inquit) potens fuit sermo eius vt essent quæ non erant : quanto magis vt sint quæ erant, & in aliud conuertantur? Vel, vt alibi dicit, conuertantur in id quod iam erat. Et Damascenus libro 4. de orthodoxa fide, cap. 14. & Eusebius Emislenus, quem Gratianus citat de consecratione dist. 2. & supra dicti omnes patres eisdem locis hanc conuersionem manifestissimè docent. Quod sanè considerandum est etiam contra præsentēs hæreticos, qui nomē hoc cōuersionis & transsubstantiationis omnino irrident, & humanum inuentum dicunt : cū tamen Ecclesia ex patrum omnium sensu hoc definierit, conuerti videlicet totam substantiam panis, materiam scilicet & formam, in totum corpus Christi iam præexistens. Ita Innocentius tertius in cōcilio Lateranensi, vt habetur cap. Firmiter. de summa Trinitate & fide Catholica. Vocabulum igitur transsubstantiationis ita ex ipsa fide & scriptura atque traditione intulerunt, sicut nomen hominū in concilio Nicæno receptum fuit. De hac igitur conuersione breuiter dicendum.

Tota substantia in totam substantiam conuertitur.

Sit ergo de ea prima propositio. Hæc conuersio est qua tota substantia panis transit in totam substantiam corporis domini sine mutatione aliqua eius vel intrinseca, hoc est, vel alteratione, vel generatione, vel augmentatione, vel accessione etiam rei alicuius nouæ, imò siue aliqua mutatione etiā extrinseca. Non enim mutatur corpus Christi. Ideo meritò ab Ecclesia vocata est transsubstantiatio. Nihil est in his quod non & sit certissimum, & corporis contineat gloriæ corporis Christi : si enim aliqua mutatio, quæcunque

Substantia panis tota transit in totam substantiam corporis Christi mutatione,

DE TRANSSVBSTANTIATIONE.

cunque illa esset, vel cuiuscunque rei accessio corpori Christi contingeret, non esset verè impassibile & gloriosum : atque ita nullo modo eum hoc decet.

Solus Deus
hanc cōuer-
sionem ope-
ratur, eamq;
solus intelli-
git.

Secunda propositio. Hæc conuersio sicut sola diuina virtute fieri potest, ita à solo ipso qualis sit potest agnosci, & ab eo cui ipse voluit reuelare. Primum, quòd hic dicitur à solo Deo posse fieri hanc conuersionem, facile probatur, quoniam ipsi soli atque eius operationi subest tota substantia rerum, hoc est, materia & forma, potest igitur in vtrunque. Et hæc est ratio beati Thomæ in 4. contra gentiles cap. 61. & 63. Et non habetur in omnibus naturalibus mutationibus, nec in creatione ipsa exemplum, nec certè in aliquo miraculo scripturæ, vnde modus huius conuersionis agnosci possit : præcipuè cum tam occulta sint omnia, vt nulla ratione possit vel ex effectibus vel ex qualitatibus discerni ibi vel non esse panem, vel esse corpus Christi. Soli itaque fidei & quid sit, & quomodo fiat, notum esse potest. Hoc idem patrum autoritas confirmat, qui omnes admonent simpliciter suscipiendam hanc fidem, nec interrogandū quomodo fieri possit. Ita Chrysostomus in locis superius citatis. Et Damascenus & Hylarius. Itaque vt beatus Thomas dicit illo 63. cap. satis debet esse theologo, ab irrisione infidelium defendere, & à rationibus impossibilitatem prætendentibus, quod maximè fit omnipotentis diuinæ prædicatione. Vnde neque hoc est suscipiendum ab omnibus aut passim, vt respondeant rationibus naturalibus. Sed aliquando, magna videlicet exigente necessitate, & ab exercitatis in philosophia humana. Cæterum illud putamus superfluum esse, & certè periculosum, quod aliqui ex scholasticis conantur explicare qualis sit hæc mutatio.

¶oportet fa-
pere ad so-
brietatem,

Tertia propositio. Habet tamen hæc conuersio aliquid in quo conuenit cum alijs mutationibus, sed multa plura quib^{us} differat : atq; ex his sumendus est modus de ea loquēdi, quæ omnia b. Tho. probat art. 8. illius quæst. 75. Igitur cum omnibus alijs mutationibus, & naturalibus videlicet & creatione, habet ista duas contrarios terminos, fit enim ex vno aliud, ex pane corpus Christi, sicut ex albo nigrum, & ex nihilo aliquid: habet verò à mutationibus naturalibus hoc diuersum, quòd non est vnum vtriusq; termini subiectum, in quo conuenit cum creatione. Non enim sicut idem corpus est quod primò est frigidum deinde calidum, aut eadem

DE TRANSSVBSTANTIATIONE 65

dem materia primò sub forma aquæ postea ignis: ita in sacramento hoc est vnum aliquid, quod prius sit sub substantia panis, postea corporis Christi, sed sola accidentia panis, vt infra dicitur, eadem manent cum vtroq; extremo, cum pane scilicet & corpore Christi, sed illa non pertinent ad hanc mutationem. Atque ita hæc mutatio conuenit etiam cum creatione, exterum differt ab illa, quia in hac vnum extremum transit in alterum, panis in corpus Christi, non item in illa: nihil enim non transit in aliquid. Hæc omnia certissima fides habet. Iam ex his discernendum est quæ sit propria locutio, & quæ minus propria in hac materia, quod diligenter considerandum est. Igitur quod cōmune est omnibus mutationibus (scilicet oppositio extremorum, & locutio qua hæc significatur) est in hac etiam materia obseruandum. Hinc enim hæc veræ propositiones sunt, & propriæ, Ex pane fit corpus Christi, significante illa propositione ordinem tantum, sicut ex nihilo fit aliquid, vel ex mane fit vespere: apertius verò explicaretur his verbis, panis succedit corpus Christi. Similiter & hæ simpliciter negandæ sunt, Panis est corpus Christi, sicut, album est nigrum, aut nihil est aliquid, sunt negandæ. Ex eo verò quod non est subiectum commune vtrique termino propriè quidem hæc sunt negandæ, panis potest esse corpus Christi, vel panis fit corpus Christi, aut de pane fit corpus Christi, vt videlicet significetur panem materiam esse eius quod in hoc sacramento manet, sicuti cūm dicimus gladium esse de ferro, vel mensam de ligno, cūm reuera nulla hic sit vel commistio vel transmutatio corporis Christi, vel accessio alicuius rei ad illud. Et tamen hæc nonnunq̃ secundum tropum conceduntur & dicuntur à patribus, propter accidentia videlicet illa cōmunia: atq; idè hæc sunt diligenter distinguenda. Denique propter transitionem vnius in alterum hæc simpliciter conceditur, panis conuertitur in corpus Christi. Et hæc de modo loquendi. Quæ diligenter aduertenda sunt, quia (vt Augustinus inquit) nobis non licet temerè in rebus fidei loqui, sed ad certam regulam. Tenenda est igitur fides, & non temerè vagandum extra proprietatem sermonis & Patrum doctrinam, in quibus si nonnunquam aliqua legimus minus propria, exponenda magis sunt quàm sequenda. Nec enim dubium est in scriptura & patribus multa secundum locutionis figuras accipi: id quod ipse ostendit sæpe contextus.

Modus de
hoc admirabili sacramēto cautè, Catholicè, & propriè loquēdi.

DE TRANSSVBSTANTIATIONE.

Scotus &
Ock.

Durandus &
Scotus.

Vltimò tamen ex his omnibus circa rem ipsam inferimus, quod periculosum est & proculdubio suspectum valde, & errori propinquum, transubstantiatione ipsam solo nomine confiteri, vt nonnulli scholasticorum definitionibus à se adiuuentis faciunt, concedentes panem in nihilum redigi, quanquam non per se: vel tantum corpus Christi illi succedere. Sicut etiam illud non caret periculo, quo asseritur hanc conuersionem impertinentem esse, & per accidens se habere ad veritatem corporis Domini in hoc

Omnis curio sacramento. Admonemus igitur non præteigredi terminos quos sitas & noui- posuerunt patres, quod putamus fieri cum quid fieri potuit à di- tas fugienda, uina omnipotentia, an videlicet non essent alij modi constituendi in sacramento corpus Christi, quam per transubstantiationem? senipulosius queritur. Hæc omnia modestia Christiana non patitur, sed hoc agitur, vt cum Ecclesia & patribus consisteamur verba hæc, hoc est corpus meum, vel hic est calix &c. hoc significare, hoc includere & exigere necessario, vt panis conuertatur in corpus Christi, conuersione totius substantiæ in totam substantiam nec ad veritatem horum verborum sufficere, vt hic sit corpus Christi, vel accidentibus vel re quauis alia demonstrata.

LECTIO SEXTA.

Quomodo corpus Christi sit in Eucharistia.



VIA ex præcedentibus patet veritas corporis Christi in hoc sacramento, & veritas conuersionis panis in illud iam dicendum est, si quid tamen de hoc dici potest, quis sit hic modus existendi corporis domini in hoc sacramento: sunt. n. diuersi modi essendi. Vt igitur ordine dicamus, sit de hoc prima propositio.

In hoc sacramento ex vi quidem verborum ipsius & consecrationis sub specie panis solum est corp^o Christi, sub specie vini solum sanguis: ex reali verò cōcomitantia est sub qualibet specie to-

tus

DE TRANSSUBSTANTIATIONE. 68

tus Christus, anima videlicet, diuinitas, cum omnibus sibi inhærentibus, quantitate videlicet & accidentibus alijs: & ita est in qualibet specie, vt sit in qualibet parte illius, etiam ante fractionē. Hæc omnia asserit b. Thom. & probat 4. primis articulis q. 76. 3. part. Primum igitur illud, quod ex vi sacramenti & consecrationis sit tantum Corpus vel sanguis, apertissimè probatur ex ipsis verbis consecratorijs. Cum enim virtute illorum perficiatur consecratio, & illa corpus tantum & sanguinem significant, in hæc fit ex virtute illorum conuersio. Itaque non dubitat vera fides asserere hoc tantum necessariò & semper fieri virtute consecrationis, vt corpus Christi ibi & sanguis eius maneat. Cæterum quod ex reali concomitantia & reliqua ibi sint, etiam apertissima ratione probatur, quoniam cum ibi sit ipsum corpus Christi nullo modo mutatum, consequitur vt sit viuū per animam, & habens eandem existentiam atq; vnionem ad verbum, & idem etiam de sanguine: est enim sanguis Christi glorificati et immortalis, & ita pertinet ad integritatem corporis eius. Itaq; hoc explicandi gratia meritò dicitur, si mortuo Christo & sepulto consecratū hoc sacramentum aut seruatum ex cæna Dominica fuisset, mortuū quoq; & non viuum in hoc sacramento mansisset, eo scilicet modo quo erat in sepulchro, & postea in resurrectione fuisset viuum, vt intelligamus quid verba hæc significant & quid efficiant. Et sunt hæc certissima fide tenenda, quoniam ex creditis & apertissima ratione sequuntur: quare magis irridendi sunt hæretici hoc irridentes, & agendum vt intelligant. Igitur modus tantum existendi corporis & sanguinis iam hic querendus est, non totius Christi vel diuinitatis & animæ. Nam & hæc hic sunt sicut in corpore Christi. De hoc igitur sit secunda propositio.

Sub qualibet specie totus Christus est, quomodo.

Quid si Eucharistia cōsecrata vel seruata fuisset tempore tridui sepulchri Christi.

Hoc solum certa fide tenendum est, non minus verè & realiter corpus Christi & sanguinem esse in hoc sacramento, quàm ante fractionē non erant panis & vinum, quanq̃ alio prorsus modo sicut soli deo posmin^r realiter sibi, ita à deo solo cognoscibili, vel eius reuelatione. Primū quod corpus et sanguis Christi patrum omniū. Verba. n. Hoc est corpus meū, &, Hic calix est &c. sunt sub significant nō minus illud esse corpus Christi & sanguinē, quàm ciebus q̃ anteā ibi erāt panis & vinū. Secundum verò, quod scilicet à solo teā substantia deo hoc fieri possit, ratio supradicta de transsubstantiatione ostendit, Solus enim ille habet in totam naturam rerum virtutem: & vini.

R 2 simili-

DE TRANSSVBSTANTIATIONE.

similiter probatur à solo eo posse hoc cognosci, quoniam nullum est huius conuersionis exemplum in natura. Hinc igitur docent Patres hoc excedere omnem cognitionem nostram, quo videlicet modo in hoc sacramento sit veraciter Christus. Quare & admonent credendum tantum esse. Atque ita non inconuenienter posteriores doctores vocarunt hunc modum essendi sacramentalem: quo significatur non modus aliquis essendi naturalis & nobis cognitus, nec similis his quos cognoscimus, sed specialis modus, quo Deo placuit in hoc sacramento esse corpus Christi, ita vt dicamus querentibus quomodo hoc sit corpus Christi, eo modo quo Deo per immensam suam sapientiam & bonitatem & potentiam placuit hic esse, qui nobis non est reuelatus. Igitur sicut cum de Deo loquimur, magis possumus dicere quid non est, quàm quid est (possumus enim de Deo negare imperfectiones quas noscimus in creaturis, non verò pertingere ad eius perfectiones plenè agnoscendas, ita de hoc sacramento magis possumus dicere) quomodo non est hic corpus Christi, quàm quomodo hic sit. De quo sit iam tertia propositio.

Corp^o Christi non est in Eucharistia localiter, nec passibiliter, nec sensibiliter.

Non est in hoc sacramento corpus Christi localiter, siue circumscriptiue, nec passibiliter, nec sensibiliter. Quæ propositio est b. Tho. art. 5. 6. & 7. q. 76. Et est diligenter consideranda, quæ nos ducit in considerationem & cognitionem quam de hoc mysterio habere expedit. Igitur quòd non sit localiter patet, quia non circumscribitur corporis Christi quantitas vel speciebus istis, vel loco specierum, nec commensuratur illi. Ex philosophia enim constat, quòd circumscriptiue in loco esse sit extensum esse in loco, & proportionari quantitatem corporis locati quantitati ipsius loci in quo est. Itaq; asserimus hic esse integrum corpus Christi cum membris inter se distinctis & debita proportionè distantibus. Est enim, vt dictum est, nullo modo mutatum. Ceterum ad nullum locum, præterquam ad illum in quo in cælo est, habet ordinem extensionis vel proportionis quantitatiuæ. Ex quo duo reliqua sequuntur: videlicet secundum esse hoc non posse corpus Christi pati in hoc sacramento aut agere ea quæ naturaliter corpora agere aut pati dicuntur: patet, non enim extensum est corpus Christi in ordine ad locum, nulla verò actio vel passio naturalis terminari potest, nisi ad extensum in eo loco, cui agentia naturalia appropinquare debent vt agant; merito itaque dicitur esse per mo-

DE TRANSUBSTANTIATIONE. 67

dum substantiæ, quæ non nisi propter accidentia & secundum illorum extensionem ad locum approximationemq; localem ad alia naturalia vel agentia vel patientia pati potest, quorum nihil conuenit hic corpori Christi: impassibilis enim est. Ex eodem sequitur & tertium, non videlicet posse hoc corpus Christi, ut in hoc sacramento est, percipi aliquo humano sensu, hoc est, nec tangi, nec videri &c. Omnia enim hæc requirunt extensionem in loco, & conueniunt substantiæ per accidentia, ut ex philosophia patet. Hic verò licet sint accidentia corporis Christi, ad substantiam tamen immediatum ordinem habent, non ad locum, vel accidentia ipsius loci, aut eorum quæ loco appropinquant. Ex hoc sequitur & quartum. Quòd videlicet nec moueri secundum locum, nec desinere potest corpus Christi, ut in hoc sacramento est, per se, sed tantum per accidens, ad motum scilicet specierum, & earum desitionem. Vtrunque faciliè ex præcedentibus deducitur. Motus localis per se præsupponit etiam esse in loco per se, quod hic non habet corpus Christi: quòd verò per accidens moueatur patet, quia ad motionem eius in quo aliquid est mouetur & ipsum, siue id localiter fiat, siue non: cum enim mouetur homo, mouetur scientia quæ in ipso est, & ita cum species sacramentales mouentur, mouetur ipsum corpus Christi cum illis ab vno altari in aliud &c. Idem etiam probat id quod secundò dicitur, nam cum in corpus Christi nullum agens agere possit, quòd ipsum immutabile sit: non potest per sui mutationem desinere esse siue recedere ab hoc sacramento, sed quando species desinunt esse. Quando enim ab vno altari in alterum translatae sunt species, non est Christi corpus in altari in quo prius erat, ita cum omnino corruptæ sunt, ut postea dicitur.

Ex his iam quinta propositio inferitur de modo loquendi in hac materia. Nulla mutatio intrinseca dici potest de corpore propriè & Christi, ut est in hoc sacramento: sed solum motus localis, vel desinitio facta per accidens. Solæ igitur hæc propositiones veræ sunt & proprie, corpus Christi eleuatur, circumfertur, reconditur, educitur, tenetur in ore, traicitur in stomachum: quoniam hæc omnia solum motum localem dicunt, sicut & ista, corpus Christi desinit esse in hoc altari, quia per solum motum localem hoc fieri potest, vel quia omnino desinit esse in hoc sacramento, per corruptionem videlicet specierum sacramentalium. Istæ tamen sunt

Quomodo
cautè loquē-
sacro myste-
rio.

DE TRANSSVBSTANTIATIONE.

falsæ, & non nisi secundum figuram quandam concedendæ: corpus Christi frangitur, diuiditur, teritur, digeritur. Significant enim passionem illatam ipsi Christi corpori. Et de prioribus quidem apertissimum est, non frangi videlicet, nec diuidi quod totum est in qualibet eius parte quod frangitur & diuiditur. Si quando igitur hæc asseruntur (vt nonnunquam à Catholicis patribus fit) accipienda sunt tanquam dicta ad significandam veritatem corporis Christi, secundum tropum contenti pro continente. Vnde Berengarij illa cõfessio suprà citata, quæ habetur in cap. Ego Berengarius, de consecratione dist. 2. quæ habet corpus Christi manibus contrectari, corpus Christi sacerdotum dentibus teri: quorum primum proprium est, secundum verò minus proprium. Et tamen talia propter species dicta sunt, sicut prior illa, si contrectatio significet passionem illatam corpori Christi, etiam impropria est.

Ex his igitur hoc colligamus, in hac materia secundum regulam fidei & sobrietatem, quam Paulus iubet nos tenere, non esse vterius procedendum, sicut paulò superius de ipsa quoque transsubstantiatione diximus. Neque enim modus hic intelligi potest, sed tantum fide tenendus est, in quo doctissimus quisque nihil distat à summè idiota, quod pro magno inconuenienti nonnulli adferunt: sed certè est maxime conueniens, vt summa hæc Dei opera sapientissimi quique se fateantur non posse cõprehendere. Ecce, inquit Iob, Deus magnus vincens scientiã nostram. Vnde modi qui à quibusdam inuenti sunt existentie huius, non tantum incerti sunt (quod illi negare non possunt) sed reuera (vt modestè loquamur) valde propinqui errori. Nec enim vt angelus præsens loco corpus Christi hic est, cum ille sit modus spiritualis: nec per respectum aliquem sola Dei voluntate sine alio fundamento, cum hoc etiam multo minus consistat: sed per veritatem corporis Christi: qua verissimè & certissimè dicitur hoc esse corpus Christi: quæ ideo diximus, vt multis quæstionibus claudatur aditus. Ceterum grauium doctorum & patrum cum legerimus sententias, agnoscamus quid propriè, quid verò secundum tropum dictum sit.

Extribus his lectionibus clarè constat quod in principio propositum est, quis scilicet sit sensus horum verborum proprius. Si enim verba sacramentalia significant quod efficiunt: effectus verò est veritas corporis Domini per transsubstantiationem.

• nemus

DE TRANSSUBSTANTIATIONE 89

nem: consequens est significare verba hunc effectum. Nam vt veraciter hic sit corpus Christi, fit illa transsubstantiatio: vnde merito b. Tho. in art. 2. & 3. quæst. 78. verba hæc comparat arti & rationi practicæ, quæ vltimum effectum & continet & producit: significant itaque hæc verba substantiale esse corporis Christi conuenire demonstrato per pronomen illud, Hoc. & id fit in vltimo instanti prolotionis, in quo proculdubio perficitur & significatio propositionis totius, & efficacia sacramentalis. Nam sicut significant ita efficiunt, & quia significant efficiunt. Atque idem nisi perfectè fuerint prolata, & hoc quidem sine mora vlla, eo momento operantur quo primum prolata sunt, tunc enim integra est eorum significatio. Quod itaque nonnulli curiosius quærun, an demonstratiua illa particula, hoc, ostendat corpus Christi an aliud aliquid? (Nam si primum, videbitur significari corpus Christi esse corpus Christi, quod certè verum est siue fiat conuersio siue non, aliud autem non videtur demonstrari posse) satius omitteretur: sed ne vlla restet ambiguitas, intelligamus hoc modo hæc verba: hoc quod hic contentum est, vel, hoc corpus quod hic est, est corpus Christi: & similiter de sanguine. Atque hoc sensu eo modo significant vltimum effectum sacramenti, quo & efficiunt, non enim significant corpus Christi esse corpus Christi, sed illud corpus quod prius erat panis esse corpus Christi, vel si cui placet, illud corpus quod continetur sub illis speciebus, esse Christi corpus. Vnde notat b. Tho. non dictum esse sicut in creatione, hoc fiat corpus meum, aut, hoc sit corpus meum, quasi imperando, sed hoc est, indicando scilicet: quia verba sacramentorum significando efficiunt, non imperando. Itaq; in creatione significatur & imperium, & deinde quod imperata fiant: fiat lux, & facta est lux: hic verò hæc ipsa verba significantur habere virtutem. Et sanè quasi absolutius quoddam imperium & maius hic ostenditur, cum non dicendo, fiat, sed significando esse, sequitur necessario effectus. Et merito quidem in hoc sacramento summo, & altissimo memoriali diuinorum operum multo efficacior Deus ostenditur, quàm in reliquis omnibus creaturis: vt scilicet non vocando aut imperando, sed potius significando, quasi innuendo operetur. Ita vt illa summa creaturarum obedientia hic ostendatur, in exemplum etiam nobis: qua non quia præci, it Deus, sed quia aliquid significat, creature omnes cædunt, naturasq; suas

DE TRANSSVBSTANTIATIONE.

suas relinquunt vt verum sit quod à Deo dicitur. Cæterum & verba hæc virtutem habere instrumentalem, atq; ita vt instrumenta gratiæ transsubstantiationem ipsam efficere tenendum est, sicut de cæteris omnibus formis sacramentorum : vt non minus virtutis hæc verba habeant quàm reliqua.

Accidentia
manent, &
quare.

Quia tamen in hoc sacramento fit etiam aliud virtutis diuinæ opus, quod nec significatur verbis sacramentalibus, neque conficitur ad ea, sed experientia cognoscitur, & est eximie cuiusdam potentie : merito de illo est agendum. Manent accidentia panis & vini tota, vt sensu patet, idque ad conseruandam fidem: si enim apertè videremus mutari etiam accidentia illa, non esset omnino occultum hoc miraculum. Et vt absque horrore fidelium & irrisione infidelium sumi possit verum Christi corpus sub apparentia & accidentibus communium ciborum, & propter hoc nonnunquam etiam post consecrationem vocatur Eucharistia sacra à patribus panis & vinum, videlicet per quendam tropum, quo signa dicimus esse res illas quorum sunt signa, accidentia illa indicant substantiam & expressissima quædam figura sunt panis & vini, imò reuera ipsa quæ ante erant: quare sequitur absque vlllo subiecto substantiæ hic esse accidentia: nec enim sunt vel in

art. 1. q. 77.

aëre, vt quidam voluerūt, vel in Christi corpore, vt b. Tho. probat. Manent verò deficiente substantia in suo naturali ordine, videlicet extensa, & tam longa atque lata quàm antea: manet eadem quantitas, iuxta quam illa extensa sunt, manetq; eadem figura: quæ omnia, sicut & præcedentia miracula, virtute diuina non dubitandum est fieri posse, à qua pendet rerum omnium natura: vanum autem est inquirere alium modum. Inferamus iam vni-

Accidentia
vim substan-
tiæ habent in
sacra Eucha-
ristia.

sci possint. Accidentia hæc sicut à Deo habent vt subsistant sine substantia, ita habent omnem virtutem substantiæ, vt nihil omnino minus operentur quàm si esset ibi substantia, idque sine nouo miraculo ex virtute præcedentis, vt probabilius creditur: nec enim opus est vt cum aliquid generatur vel nutritur ex hoc sacramento, redeat prior substantia, aut alia de nouo creetur: sed qui dedit accidentibus vt ibi locum substantiæ tenerent, dedit & virtutem substantiæ, idq; ad miraculum illud occultandum, vt fides sola ibi meritum habeat, ne Christiani videlicet visibilia miracula habentes continuò præsentia sine fide sint Christiani.

Christiani. Igitur nutriunt hæc accidentia, inebriant, corrumpuntur, & generatur ex eis substantia noua, digeruntur etiam in stomacho, quæ omnia experientia patent: sicut enim inebriare potuit vinum quod Christus ex aqua fecit in nuptijs, ita vini virtus quæ in hoc sacramento manet, & similiter nutrire. Illud igitur hic Quando d- considerandum, vt scilicet ministri huius sacramenti nouerint sinat corpus quamdiu duret hoc sacramentum, aut quando putandum sit cess- Christi esse lasse: & eodem modo, quamdiu corpus Christi permaneat: & in hoc sacra- quando desierit esse: Constat enim tunc hoc sacramentum non mento. esse, cùm corrupta fuerint accidentia illa, & tunc etiam ibi non esse corpus Christi, quod non est nisi sub his speciebus, vt diximus. Igitur omnis alteratio vel mutatio specierum quæ sufficeret ad corruptionem substantiæ panis vel vini si ibi esset, vel certè ad mutationem indiuidui: sufficit vt ibi definat esse corpus Christi. Itaq; vel defectus saporis, vel coloris, vel dissolutio quoq; partium quæ tanta est, vt si ibi esset panis, diceremus illum esse corruptū, fax vt non sit ibi corpus Christi. Deniq; & in additione quæ posset contingere in vini specie b. Thom. suprãdicto loco verisimè dicit non tantum corpus Christi ibi non esse, quando admiscetur alterius speciei tantus liquor, vt posset corrumpere vinum si adesset, sed etiam quando tanta quantitas eiusdem vini additur, vt iam sit potius aliud vinum quàm prius. Quod Innocentius tertius in cap. Cum Marthæ. probat: minima proinde guttula nihil mutat, sed magis transit in species præcedentes, sed tanta vel maior quantitas quàm prius erat sicut hoc agit, vt sit iam aliud vinum, ita vt non sit sacramentum.

LECTIO SEPTIMA.

De Sacrificio Altaris.



QVIA de primo effectu huius Sacramenti & verborum eius dictum est, de consecratione videlicet, iam restat videndum in quem usum corpus suum Christus nobis dedit. Et si enim prima huius sacramenti perfectio sit in con-
S secreta-

DE SACRIFICIO MISSÆ.

secratione materiz, non in vsu, sicut in omnibus alijs sacramentis : vtendum est tamen postea materia consecrata, hoc est, corpore Christi. Ideo merito quæritur quomodo sit eo vtendum. Cui inquisitioni respondendum est duos esse vsus, in quos propriè datum est nobis corpus Christi in hoc sacramento, oblatio scilicet; & manducatio. De quibus sigillatim dicendum.

**Eucharistia
est verum &
propriè di-
ctum sacri-
cium.**

De oblatione igitur hoc statuamus certissimum fidei fundamentum. Ex huius sacramenti natura & præcepto Christi debemus offerre ipsum in hoc sacramento vera & propria oblatio, non figura tantum. Quod igitur hoc sacramentum sacrificium sit, contra recentiores omnes hæreticos hoc obstinatissimè negantes, probant antiquorum ferè omnium Patrum & Conciliorum apertissimæ authoritates, & perpetuus vsus Ecclesiæ ab Apostolis vsq; ad nunc temporis : ita vt de hac re non sit opus multa citare. Omnes hoc sacrificium prædicant, asserentes Ecclesiam & ministros offerre. Ita Clemens Epist. 2. Anacletus 1. & Alexander similiter Epist. 1. hi omnes successores Petri & proximi illi, ab eo vel à discipulis eius edocti, & martyres etiam sanctissimi, ita constantissimè docent. Inter quos vltimus Alexander nihil ait esse maius in sacrificijs, nec vllam oblationem hac esse potiore. Vbi & per eam dicit remitti peccatum. Doctores verò ceteri idem asserunt, vt Irenæus antiquissimus libro 4. contra hæreses cap. 3. 2. Cyprianus Epistola ad Ceciliū, scilicet lib. 2. Epist. 3. Ambrosius lib. 4. & 5. & 6. de sacramentis. Denique nullus est apud quem de hoc non sit aperta mentio. Sed & iam à mille annis Concilia sunt omnium ferè nationum apertissimè de hac oblatione loquentia, Carthaginensè videlicet tertium, Aurelianensè 4. Ca. 4. Toletanum vndecimum Cap. 11. Etne quid desit quod maioris authoritatis est, ipsum Concilium Ephesinum apertissimè vocat sacrificiū, vt meritò in nulla re hæretici stultius & irrationabilius toti Ecclesiæ se opponant, quàm in hac vna. Quia verò quod

**Eucharistia
maximum
sacrificium
est, & peccata
expiat.**

**Concilia à
mille annis
celebrata
agnoscunt
sacrificium.**

negare non possunt, peruertunt, etiam hoc cauendum est, & certò tenenda duo quæ diximus. Primum, hoc non esse humanum adinuentum, sed traditionem Christi : quod etsi scriptum in Evangelio non sit, testimonijs & vsu Ecclesiæ manifestissimè patet. Asserunt apertè primi illi quos citauimus, à Domino mandatū esse offerri panem & vinum, & prohibent aliud offerre : deinde illud etiam certò statuendū est quod secundo loco diximus nō tan-

**Hæretici quæ
negare non
possunt, per-
uertunt.**

**Hoc sacrifici-
um ab ipso
Christo est
institutum,**

tum

rum dici sacrificium metaphorice, quia scilicet signum est sacrificij quod Christus obtulit, sed re & veritate, & vt apertè dicamus, verius, magis propriè dictum, & plenius sacrificium est hoc omnibus sacrificijs legis veteris, quanquàm non sit cruentum sacrificium, sed secundum ordinem Melchisedech, hoc est, incruentum. Hoc verò (ne temerè videamur dicere) apertè confirmant verba ipsa Ecclesiæ in canone, quæ & ante consecrationem & post dicuntur. Proscindunt ea quidem Lutherani multis conuictijs, sed tantæ antiquitatis sunt, vt cum summa reuerentia eorum meminerit Ambrosius locis suprà citatis, cuius autoritas meritò sufficere debet: cui accedit etiam Chrysostomus, imò & Basilius. Habemus quas illi cōposuerunt Missas: in illis nō minus quàm canone nostro dicitur nos offerre, & non tantū cōmemorare oblationem Christi: & petitur vt oblatio suscipiatur, quod certè de solo signo pœi nō potest. Ostendit etiā hoc apertissima ratio ex lege ipsa nature et scripta deducta, quæ apertè cōfirmant necessarium esse hominibus in hac vita sacrificium Deo offerre, vt in antiquissimo illo sacrificio Abel & Cain August. notat 10. de ciuitate Dei Ca. 4. 5. & 6. et ceterorū omnium patrū sacrificia idem cōfirmant. Paulus etiam in Epistola ad Hebr. apertè docens, vbiunquē est sacerdos, esse quoque sacrificia. Omnis, inquit, Pontifex constituitur vt offerat sacrificium. Vnde rursus tria hæc coniungit, legem, sacerdotium, & sacrificium: ostendens ea proportionari debere: qualis lex, tale sacerdotium, tale & sacrificium: & translato altero, alterum quoque mutari debere. Cum igitur nos sub lege noua simus, nouumquē & perpetuum sacerdotium habeamus, tale sacrificiū, nouum scilicet & æternū opus est nos habere. Ex qua ratione soluitur quicquid ab hæreticis magna certè obstinatione, sed maiori insipientia dicitur, quod derogamus sacrificio Christi & perfectioni status Christiani: ad quem pertinent, inquit, spiritale sacerdotium, & spirituales victimæ. Nam primò nihil derogatur Christi sacrificio, cum credamus ex liberalitate eius idem sacrificium nobis datum esse, quod & ipse obtulit, nec alteri rei nos innitamus in offerendo hoc sacrificio, quàm ipsi Christo: cuius largitas & magnificentia in hoc maximè commendatur. Itaque de vnica illa oblatione Christi Paulus ad Hebræos 7. 8. & 9. Capite loquitur, vbi & arguit imperfectionem hostiarum veteris legis, & cessasse eas offerri asserit, quod à peccato minimè purgarent. Et certè, si rectè con-

Sacrificium hoc non typicū est, sed verū, incruentum tamē.

Expende & nota hanc rationem. Hebræ. 6,

Sacrificium Missæ nihil derogat sacrificio Christi.

DE SACRIFICIO MISSÆ.

sideretur quod Apostolus ibi docet, magis confirmat hanc nostram doctrinam. Docemus enim nos non offerre nouam hostiam, sed eam ipsam quam Christus obtulit. Illa quidem sufficiens à nobis creditur ad omnia abolenda peccata, vt non dubitemus illius duntaxat virtute asserere oīa peccata dimitti: sed quia primò per peccatum nos priuamus ipsa oblatione Christi & fructu eius: voluit ipse eandem iure perpetuo Ecclesiæ relinquere, vt ipsa possit quotidie eandem offerre, pro his scilicet qui ea se per peccata priuauerant. Deinde quia quamdiu hūc viuimus aliquid manet in nobis peccati & vetustatis, propter quod in multis labimur omnes: adest etiam eadem hostia ad hæc expianda peccata. Et quidem ita hūc offertur ipse Christus, qui in cruce oblatus est, vt simul etiam totum suum corpus offeratur, sicut ipse etiam in cruce obtulit omnia membra sua, sanctos videlicet omnes, q seipso postea sacrificia obtulerunt Deo accepta: sed quòd & Deo erant accepti, & Deo offerrentur, ex virtute passionis Christi fuit. Sicut igitur nihil detrahitur virtuti passionis Christi per peccata nostra quæ committimus ab ea separati, ita nihil detrahitur eo quòd rursum eiusdem oblationis, quam ipse in cruce obtulit, conemur esse participes. Deniq; sicut nihil detrahitur meritis Christi ex eo quòd nos nostra opera apponamus etiam ad salutem nostram, qui ab ipso Christo ea habemus, ita etiam si hoc offeramus sacrificium. Quòd verò de spiritualibus hostijs dicitur, nihil proculdubio impedit necessarias etiam esse proprias & exteriores hostias. Quamdiu namq; in corpore sumus, visibiliter & corporaliter nobis colendus est Deus, & actibus (vt supra diximus) proprijs religionis & latræ: quare nec cætera virtutū opera sufficiunt, quæ quanq̃ sint religionis cum ordinantur in Deum (vt August. probat cap. 6. illius decimi libri de ciuitate Dei) & misericordiæ: tamen virtus religionis pulcherrima & digna maximè Christianis, etiam nunc opus est vt habeat proprios internos & externos actus (de quibus supra) inter quas cum sacrificare potissimus sit, vt August. inquit, non debet deesse Christianis: quare meritò eo loco Augustinus inquit hoc sacrificandi exercitium nos habere in sacramento corporis Domini. Et reuera qui volunt in Euāgelica lege spiritualia tantum sacrificia & mystica, sunt de quibus b. August. in 3. de doctrina Christiana dicit, quòd ereptam ceruicem à iugo seruitutis legis implicant superbie & erroris laqueis; nam proculdubio status hū-

ius vitæ requirit externa etiam sacrificia & figuratiua, vt suprà ex Dionysio citauimus ex 5. cap. de Eccle. Hierar. vbi apertè inquit Ecclesiam Christianam, quæ media est inter Synagogam & celestem Hierusalem, ab illa habere symbola, quod est, figuras sensibiles ad spiritualia exprimenda: ab ista verò, celesti videlicet Hierusalem, veritatem rerum. Vides ergo vndique hanc veritatem probari, scilicet externa etiam sacrificia requiri in Ecclesia. Quod igitur nonnulli patres, & beatus Thomas ex illis colligens q. 83. in qua de sacrificio hoc agit, dicunt sacramentum nostrum vocari sacrificium, quia signum est sacrificij in cruce oblatis, sicut signa nominibus earum rerum quarum signa sunt, appellantur: intelligendum est dictum esse ideo, quia nihil in hoc sacrificio est aliud quàm in illo Christi sacrificio: Dicitur sacrificium quia illius sacrificium repræsentatiuum, imò & fructus eius cõmunicatiuum, quo nomine inquit b. Thom. præstat multo sacrificijs veteris legis, quæ tantum significabant. Tamen ita est signum illius sacrificij, vt sit nihilominus verum idemq; sacrificium quod nos offerimus patri: idem ipsum, inquam, quod pro nobis obtulit Christus, & nobis dedit offerendum, cum apertè dictum sit esse hoc perfectius sacrificijs veteris legis, quæ certè vera erant sacrificia. Cur enim nobis non liceat sic dicere coram patre Iesu Christi, Filius tuus qui pro nobis se obtulit, se nobis tradidit, illum & merita eius tibi offerimus, respice in faciem Christi tui: hoc cum agimus reuera coram patre celesti, repræsentamus ipsi sacrificium Christi, sed repræsentamus vt iam consummatum in cruce, cum in veteris legis sacrificijs repræsentaretur sacrificandum. Nam quod hæretici interpretantur dici sacrificium sacramentum hoc, quia in eo prædicatur atque ita significatur hominibus ipsa passio Christi, manifestè alienum est ab omni sensu patrum, & sacrificij ratione. Deo intellexerunt illi repræsentare nos oblationem Christi, non verò prædicari illam hominibus. Nam etsi hoc fiat, non inde sacrificium dictum est, nec sic nos aliquid Deo offerre diceremur: vt apertè Ecclesia & patres dicunt, sed ex priore illa repræsentatione. Non ergo aliud sacrificium est, sed reuera sacrificij illius repræsentatiuum, quod etiam conuenit reliquo vsui huius sacramenti, scilicet manducationi. Cibi enim sacrificia olim erant, ex quibus Deo prius oblati, vel sacerdotes, vel offeretes participabant. De quo Paulus: Qui offerunt (inquit) hostias, participes sunt alta-

Hinc discas
quid sit Christi
Deo patri offerre.

Hæretici
Christum hominibus offerri volunt,
non Deo patri.

DE SACRIFICIO MISSÆ.

ris: quod etiam in idolorum sacrificijs videmus obseruatū, quæ quanquam falsa erant, conabatur tamen vera imitari.

Mouentur meritò circa hoc nonnulla dubia necessaria quidem ministris huius sacramenti, vt rectè & sentiant & agant in hac oblatione. Dicendum ergo breuiter de singulis.

**Hoc ipsum
in altari of-
fertur, quod
in cruce ob-
latum est.**

Primò itaque meritò quæritur, quid hic offeratur? qua necessitate? & quo fructu? Quibus ita respondemus. Offeritur hoc ipsum quod in cruce oblatum est, Christus scilicet & Ecclesia. Non enim dubitandū est, in cruce Christum obtulisse primò seipsum, idem sacerdos & sacrificium (id est, & offerens & quod offerebatur, & cui etiam offerebatur) de quo manifestissimæ sunt scripturæ autoritates: Obtulit, inquit Paulus, se patri in odorem suauitatis: nec seipsum solum, sed (vt diximus) Ecclesiam etiam suam, hoc est, omnia sua membra & eorū merita, quæ ppter ipsum grata sunt patri. Quod apertè Augustinus lib. illo 10. de ciuitate Dei cap. 6. dicit, sacramentum scilicet nostrum sacrificium esse Ecclesiæ, quæ docetur quòd in eo quod offert etiam seipsum offert. Est igitur res ipsa quæ & in cruce oblata fuit, & hic offertur numero & natura eadem, & sanè præter hæc nihil est quod Deo offerri possit: extra Christum scilicet & eius Ecclesiam. Atque ita verissimum est, vt diximus, huic doctrinæ & fidei nihil ob stare, sed magis plurimum conuenire, quod Paulus ad Hebræ. dicit, Sacrificia veteris legis ideo fuisse repetenda, quia insufficientia erāt: Christum verò vnica oblatione cōsummasse omnia, & ob id iam non opus esse aliam offerre hostiam: nec enim nouum aliquod sacrificiū quod offeramus quærimus, sed sicut post Christi orationē adiungimus nostras, post eius mortificationem, nostram, post eius merita, nostra (qbus tamen nihil putamus nos addere Christo, sed tantum nos illi appropinquare, & orationū, mortificationis, meritorūq; ipsius participes effici:) sic per omnia in sacrificio hoc id agimus, vt ipsum quod de manu domini accepimus, ei reddamus in gratiarum actionem, in satisfactionem, ad impetrandam beneuolentiam & gratiā eius, deniq; ad vitanda mala omnia & cōsequenda bona: quæ vniuersa in illo sacrificio nobis reposita agnoscimus. Et hæc est offerendi necessitas. Ceterum est aduertendum, quòd quanq̃ res quæ offertur eadem sit: actus tamen ipse offerendi (quem oblationem dicere possumus) alius est, vt manifestè patet: quia offertur nunc à sacerdote Christus; vnde alius est offerens, & alia

**Ad quid of-
fertur iam
Christus.**

**Licet idem
sit sacrificiū,
est tamē alia
& alia obla-
tio.**

alia deuotio qua offertur, atq; alia oblatio: alia, inquam, non omnino diuersa, sed vt particula quædam aut gutta alia est à plenitudine fontis. Vnde meritò dicitur oblationem illam quæ in altari sit non tantam esse, quanta est ea quæ peracta est in cruce: sed id in sequentis quæstionis solutione melius patebit.

De fructu igitur queritur, hoc est, quantæ virtutis siue quanti valoris, vt dicunt, sit hæc oblatio missæ? Vbi quanquam non omnes scholastici eodem modo respondeant, nam (vt verum dicamus) antiquiores ad hæc non descendunt (quibus satis fuit docere idem esse sacrificium) sed certè non inutiliter hoc etiam inquiritur, si modeste & ex eorum doctrina queratur. Igitur quanquam, vt diximus, non eodem modo loquantur omnes, conuenit tamen omnibus in vna hac assertionem: quod scilicet non sit infiniti valoris. Et vt non esse fructum infinitum docent, ita nec determinatū esse asserunt, eò potissimum quòd valor & acceptatio sacrificij apud Deum ex merito offerentis, non ex re oblata pendeat: Respexit, inquit scriptura, Deus ad Abel & munera eius. Huic igitur deuotioni sacerdotis offerentis, vel (quod verius dicitur) Ecclesiæ, acceptatio & valor sacrificij proportionatur: & igitur infinitus esse non potest. Imò (vt vult Scotus quodlibetica quæst. 20.) ex opere operato, & vt oblatio est, nihil valoris habet, hoc est, ex re quæ offertur, sed ex operantis & offerentis deuotione, quam vocamus opus operans. Et Caietanus q. de valore Missæ ex opere operato, putat Missam habere acceptationem quandam apud Deum gratiarum actionis & laudis: nulli verò specialem adferre fructum quantum est ex ipso opere operato, sed ex deuotione offerentium, vel pro quibus offertur. Vnde pergunt tandem vt hanc deuotionem offerentis vel Ecclesiæ diuidant tanquam rem finitam inter eos quos volunt esse participes.

Sed in his omnibus, de quibus patres in speciali nihil tradiderunt, putamus valde curandum esse ne incertum aliquid affirmetur, maximè quod nec fidei nec moribus sit necessarium. Igitur sequentia putamus posse probabilius asseri.

Primum, Non est cur huic sacrificio auferamus ex opere operato virtutem & valorem, & quidem maximum: quanquā non tantum, quantum ipsi passioni Christi tribuimus: effectum, inquam, satisfactionis & consecutionis gratiæ atq; cōseruationis hanc oblationē credimus habere ex scripta, seclusa deuotione sacerdotis offeren-

De fructu
seu valore
huius sacrificij.

Sacrificium
Missæ ex opere operato
gratiam impetrat,

DE SACRIFICIO MISSÆ.

offerentis. Hoc probat quòd etiam mali sacerdotes offerant, & consensu omnium doctorum nihil eorum malitia oblationi detrahatur: quod verum non esset, si Missa ex offerentis tantum deuotione, & non ex opere operato virtutem haberet. Dicit quis hoc esse ex deuotione Ecclesiæ, atque ita ex ea eiusq; deuotione operante: fatemur: sed non tantum, verum etiam ex ipso Christo: non enim tantum hic ille offertur (vt supra diximus) sed ipse per suum quoque ministrum seipsum offert, cum & ipse præceperit ita fieri, & nunc operetur in illo tanquam caput in suo membro, & agens principale in instrumento, & dominus in procuratore. Itaque Christus ipse & offertur & offert. Quia tamen non æquale est id quod Christus per sua membra operatur & meretur cum eo quod per seipsum: minoris valoris est hæc oblatio quam illa crucis, atque ideo simpliciter non infiniti, sed finiti valoris dicenda est Missa, si conferatur passioni Christi. Cæterum est quodammodo infiniti valoris, hoc est, sufficiens proculdubio ad omnia delenda peccata, & omne bonum consequendum, atque ita infinitus quodammodo.

Sacrificium
Missæ prodest
illis qui
ei fide & charitate
vniuntur.

art. 7.

Secundum. Hic tantus huius sacrificij valor efficaciter quidem & certò solis illis prodest, qui per fidem & charitatem huic sacrificio sunt vniti, & tantum, quantum eorum deuotio & dispositio requirit: quanquam credendum etiam si multis alijs quoque, puta peccatoribus, & à Deo alienis non parum prodesse, vel ad conuersionem eorum, vel ad alia siue spiritualia siue temporalia commoda. Hæc igitur ordine explicanda sunt: & primum quidem asserit apertè b. Thom. quæst. 79. (in qua de fructu huius sacramenti loquitur) & aperta ratione probat, quam ibi ille inter soluenda argumenta adfert, & est talis: Hæc oblatio sequitur conditionem ipsius passionis Christi, quæ efficaciter solis vnitis Christo prodest: & præterea notum est eos qui extra charitatem sunt & vniionem corporis Christi, non participare virtutem quam inluit caput, & ideo alienos esse ab omni fructu sacrificij Christi, quod ad ipsorum meritum attinet. Sed tamen quia ex diuina gratia sæpe fit vt orationibus iustorum conuertantur etiam infideles, multo magis credendum est hoc fieri per hoc sacrificium. Viuis itaque membris Christi prodest, quoniam pro illis offertur, & est operatio quædam capitis in salutem omnium membrorum: mortuis verò & peccatoribus, etsi non semper omnibus, tamen multis ex

tis ex abundantia diuinæ gratiæ, cū pro illis offertur, non est dubitandū prodesse. Nobis proinde satis esse debet, vthuius sacrificij & valorem magnum & abundantiam, qua diuina gratia per illud multis communicatur, asseramus: cætera relinquamus Deo, qui solus ponderator est & spirituum & donorum gratiæ suæ.

Tertium sit, quod iam ex his sequitur, intentionem offerentis & applicationem eius prodesse quidem, sed iuxta dispositionē illorum pro quibus offertur: non. n. quantum celebrans aut intendit aut vult, consequitur is pro quo celebrat, sed quantū sua fides & deuotio digna vel capax est: quod apertissimè patet, quia celebrans solū est minister, intentio verò Christi principalis Domini, & Ecclesiæ hæc est, vt dignioribus & coniunctionibus plus accrescat vtilitatis, cui necesse est vt intentio ministri conformetur: quod si nō fiat: nihilominus manet virtus & voluntas Christi, cui semper consonat & Ecclesiæ suæ voluntas. Ex quibus tandem fit, vt meritò valor missæ infinitus sit respectu nostri, etsi enim alia sit ratione finitus: quilibet tamen ex eo consequitur quantum sua deuotio capit, nec aliquid detrahit alteri, atque ita etiam si infiniti accedant, omnibus sufficit. Quod enim luci tribuimus in corporibus, cur non spiritali huic sacrificio tribuimus? Itaque infinitum dicimus, quod diuisum inter eos pro quibus offertur, non deficiat. Et hoc idem meritò de oratione credimus.

Vide quā multum referat, qua deuotione Missæ quis assit.

Perpulchra similitudo.

Restat nunc inquirendum, quid vtilitatis proueniat ei qui pro se petit celebrari: & an minus satisfiat ei, si pro alijs etiam celebretur: & deniq; quantum profit sacrificiorum Missæ pluralitas. In his enim omnibus hæretici multa calumniantur, & nonnuncquam aut ignorantia, aut malitia sacerdotum committuntur, vnde scandalizantur pusilli, & vnde tanta inuidia hodie, apud hæreticos maximè, summum certè hoc sacrificium Missæ laborat. Dicunt fieri cauponationem Missarum & venditiones &c. Igitur ad dubia illa, & ad calumnias istas respondendum est ita, vt nec detrahatur aliquid deuotioni fidelium erga hoc sacrificium (quod, vt ex Alexandro pontifice diximus, summum est omnium) nec etiam occasio detur avaritiæ aut turpis liciti.

Circa applicationem ergo istam (vt vocant) & intentionem celebrantis multa Scotus Quodlibet: 20. Gerson in tractatu de sollicitudine ecclesiasticorum, meritò legēdum à prælatis, in quorum aut monasterijs aut Ecclesijs multe sunt foundationes (vt vo-

T

cant)

DE SACRIFICIO MISSÆ.

eant) Missarum : & post illos Gabriel Spirensis lectione 26. & 27. in expositione Canonis , & multi alij posteriorum multa respondent : breuiter verò hæc habeamus.

Intentio ap- Intentio quidem celebrantis, maximè quando ille Deo gratus
plicantis mis- est, multum prodest, sed nihil determinati tamen haberi potest,
tam multum nec id opus est inquiri, cum proculdubio magis valeat deuotio
prodest præ- accedentis. Sacerdos verò oblationē hanc applicans (vt loquun-
sertim si pius tur) isti aut illi, hoc agit, vt eos Deo cōmendans, ipsi valoris testi-
fit qui cele- mationem relinquat : & hoc quidem tam in ipso sacrificio, quàm
brat. in suis quas vel ex Ecclesiæ ordinatione, vel voluntate propria
Meli^r est de- Deo fundit precibus. Vnde non est dubitandum melius & vtili-
uotè altare illi coniungi, quàm curare vt pro se sæpius celebretur. Est nihi-
sacrificio mis- lominus hoc etiam vtile. Sed Gerson suprà dicto loco putat ma-
sæ, quàm vt gis consulendum esse, vt communibus suffragijs & illa intentione
pro se cele- Christi contentus sit qui largitur temporalia ministris Eccle-
bretur cura- siæ, quàm vt specialia aliqua quærat : Non enim minus, inquit
re. ille, hac ratione meretur : Addamus nos : nec certè vel plus vel
minus consequitur fructus, quàm deuotio sua requirit, vel quàm
voluerit per suam misericordiam Deus. Itaque non expedit ni-
mium vel scrupulosius illa specialia exigere : permittendum ta-
men hoc esse infirmioribus, dicit ille, quòd nonnunquam etiam
benè fit vel in exemplum aliorum, vel certè ad aliquam satisfac-
tionem, nonnunquam etiam vt suscipientes temporalia, perso-
luto imposito sibi onere, sint magis quieti in conscientia. Non
igitur adeò curandum an pro vno, an pro pluribus sacrificium
offeratur : sed offerentes hoc debent attendere, vt non studeant vel
auaritiæ vel luxui ex temporalibus bonis collatis ob spiritualia
sacrificia, sed pura intentione quantum pro fragilitate possunt,
offerant iuxta Christi Domini distributionem, et secundum quod
tenetur pro susceptis beneficijs. Qui igitur putant hinc derogari
deuotioni missæ, & inferunt, si vna omnibus prodest, ergo in-
finita est : quare ergo missæ multiplicantur? Aduertant quòd (vt
beatus Thomas illo articulo septimo 79. quæst. dicit) ierata ob-
latio sacrificij sicut de nouo grata est Deo, ita & de nouo ope-
ratur : & quod per præcedentem non fuerat impetratum, vel cer-
tè idem ipsum efficacius & plenius operatur vel impetrat. Est
huius exemplum apertissimum in meritis Christi : nam cum

**Saluberrimū
consilium.**

**Quare missa
quæ vna om-
nibus pro-
dest, toties
repetatur.**

mini-

DE SVMPPTIONE EVCHARISTIAE. 74

minimus labor & minimum opus Christi apud Deum suffecerit ad totius mundi salutem, & ad omnia ad quæ Christus missus fuerat perficienda: addidit tamen tanta merita, totque labores, non quibus aliquid nouum mereretur, sed quibus magis & magis eadem sibi concederentur à patre. Si igitur Christus post primum meritum alia non frustra esse putauit: neque Christianum postquam primò sacrificauerit, desinat iterum idem sacrificium offerre, maximè cum nullus propter incertam indispositionem possit esse certus, an primum sibi profuerit, & quantum. Itaque sit de hoc, sicut de cæteris bonis operibus verum quod sapiens inquit: Quicquid potest manus tua, instanter operare. Et current sacerdotes magis & magis participes fieri tanti sacrificij, & fideles quoque cæteri hoc ipsum curent, non tam conductionibus sacerdotum, quàm sinceritate deuotionis & fidei. Sacerdotes ex sacrificijs temporalia non quærant, sed in temporalibus honestam sustentationem, qua illis vacare deuotius possint. Ita enim & hæreticorum calumniæ, & abusus multi cessabunt.

LECTIO OCTAUA.

De sumptione huius sacramenti, secundo videlicet vsu eius.



ECVNDVS vsus in quem diximus sacramentum nostrum esse institutum, est, vt sit cibus animarum. Nec immeritò proprius vsus eius dicitur ipsa sumptio, siue manducatio & potatio: de quo quidem vsu Magister in 4. dist. 9. & cæteri eodem loco, & b. 1. ho. quæst. 80. tertiz partis.

De hoc igitur id primum certò statuamus, quòd meritò proprius vsus huius sacramenti est ipsa sumptio: Hoc enim Christus in eius institutione præcepit; Accipite & māducate: accipite et bi-

T 2 .bire &c.

DE SVMPTIONE

bite &c. quemadmodum Euangelistæ & Paulus ostendunt. Consonat etiam hoc materiæ ipsi quæ consecratur. Sicut enim in cæteris Sacramentis tali vitur materia, quali naturaliter & communiter consueuerunt homines uti, aqua ad ablutionem, oleo ad vñctionem, sic in hoc sacramento materia panis & vini ad refectiōem voluit Christus nos uti. Quanquam enim (vt dictum est) post consecrationem non maneat substantia panis vel vini, manent tamen illarum species, habentes substantiarum virtutem, atque ipsas substantias repræsentantes, & ideo conuenienter iubemur illis uti ad animæ refectiōem, sicut ijsdem vitur ad reficiendum corpus. Ex analogia enim corporalium spiritualia significamus: sumptione videlicet illa corporea, spiritualem refectiōem animæ, quam & ipsa significatione consequimur: vt videlicet vero spirituali pane, Christo scilicet, & vino illo sanguinis sui reficiantur animæ nostræ, atq; ita vita spiritualis in eis sustentetur. De quo postea, cum egerimus de effectu. De sumptione verò ista nunc sufficiant. Quibus illud addendum est, quòd scilicet conuenientissimè hoc sacramentum omnium maximum (in quo non virtus aliqua, sed totus Christus continetur) debuit intimius & perfectius vniri nobis quàm reliqua minora sacramenta. Illorum enim vsus ad tactum duntaxat pertinet: huius verò ad gustum & manducationem, vt scilicet verus ille animarum cibus Christus significetur nos sibi vniens, & nos in se transformans, quod ipse sexto illo cap. Iohannis satis ostendit: Ego sum panis viuus qui de cælo descendi.

Hoc sacramentum intimius nobis vnitur quàm alia.

Manducatio huius sacramenti duplex, sacramentalis et spiritualis.

Christus manducatur non propriè.

De hoc igitur vsu primò notanda est distinctiō illa doctorum duplicis manducationis, sacramentalis videlicet & spiritualis: quæ duo membra ita intelligamus distingui, vt possint nihilominus coniungi, sed eorum rationes semper diuerse sunt. Igitur ex b. Thom. doctrina tribus prioribus articulis quæst. illius 80. est notandum, (vt altius incipiamus) sicut ipse art. 2. docet, quòd in scriptura sacra manducatio Christi secundum tropum quendam sumitur, significatque interiorem animæ erga Christum dulcedinem & gustum, atque spirituales vnionem: quod quidem fit per contemplationem ipsius Christi secundum naturas suas diuinam & humanam, quo modo etiam beati in patria ipsius aperta visione fruētes ipsum manducare dicuntur: hinc enim Christus panis angelorum vocatur & beatorum omnium. Beatus,

tus, inquit ille, qui manducauerit panem in regno Dei. Manducant etiam illum (quanquam longè inferiori modo) qui per fidem ipsum contemplantes vero cordis affectu ei vniuntur, etiam nihil de hoc sacramento cogitantes, aut de Christo prout in eo continentur: quæ vocatur spiritualis manducatio, spiritualis (inquam) à sacramentali distincta: sacramentalem verò dicimus cum hoc sacramentum sumitur intentione suscipiendi in eo Christum, quod fit cum vera fide aut intentione percipiendi quod Christus tradit in eo ad sacramentum accedimus: tunc enim sumitur Christus sub sacramento. Quod quidem fieri potest ita ut simul etiam spiritualiter sumatur, quomodo sumunt qui rectè hoc sacramentum sumunt: qui verò indignè & cum peccato, sacramentum quidem sumunt, sed ipsum & in ipso Christum ad iudicium: quia non spiritualiter ei vniuntur, neque spiritualiter manducant. Itaque prior illa sumptio purè spiritualis est, quia pura & sola mente fit, à qua longè diuersa est illa merè sacramentalis, qua ab indignis sumitur sacramentum. Vtramque verò complectitur tertia illa, qua simul sacramentum sumitur, & Christo per veram fidem & charitatem vnimur. Ex quo fit, ut hoc sacramentum sumatur etiam nonnunquam spiritualiter, voto scilicet & proposito tantum: sicut enim baptismus etiam voto tantum nonnunquam sumitur, & operatur nihilominus quod actu sumptus operaretur: ita & sacramentum hoc in voto sumptum non dubitandum est operari. Itaque suscipientes hoc sacramentum tripliciter se habent ad illud. Aut enim suscipiunt solum sacramentum sine effectu, aut è contra, solum effectum sine sacramento, aut vtrumque simul. Primi sumunt solum sacramentaliter, atque idèò indignè: secundi spiritualiter solum: tertij & spiritualiter & sacramentaliter, quæ sola est integra & perfecta huius sacramenti perceptio, ad quam conari merito debent omnes qui sacramentum sumunt.

Sacramentū
voto susce-
ptum ope-
ratur.

Hac ergo distinctione statuta, primò est inquirendum, an sit huius sacramenti perceptio necessaria ad salutem? quod perinde est ac si quæreremus, an hoc sacramentum necessarium sit ad salutem? De qua quæstione (suppositis distinctionibus in baptismis & alijs sacramentis declaratis, de necessitate duplici, remedij videlicet & præcepti) duas statuamus propositiones.

Prima. Non est sumptio huius sacramenti simpliciter necessaria ad salutem, sicut videlicet necessarius est baptismus, quam b.

DE SVMPPTIONE

Art. 3.

**Sacramen-
tis sacræ Eu-
charistię per-
ceptio non
est absolutè
ad salutem
omnibus
necessaria.**

Tho. quæst. 73. optimè declarat & probat ex natura ipsius sacra-
menti: Et ex scriptura quidem loca illa hoc apertè confirmant, in
quibus baptismus indicatur sufficere ad salutem: Saluos nos fecit
per lauacrum. Et Petrus: Saluos nos fecit baptisma: & Christus
dominus, Qui crediderit & baptizatus fuerit, hic saluus erit. Na-
tura verò huius sacramenti apertissimè idem etiam probat:
idq; dupliciter. Primò, quia hoc sacramentum est cibus, & in hoc
datus à Christo dicente, Accipite & manducate &c. & Panis
quem ego dabo caro mea est: igitur necessarium tantum vt ci-
bus, non quidem ad inchoandam vitam, vt scilicet incipiamus vi-
uere, sed ad conseruandam & nutriendam ipsam. Igitur sine ba-
ptismo quidem, qui est regeneratio spiritualis, nullus potest spi-
ritualiter viuere, nec Dei filius esse, nec saluus fieri. At verò sine
hoc sacramento percepta generatione si moriatur quis statim
per vitam spiritualem ad æternam salutem euolat. Cæterum ci-
bo illi non opus fuit, qui nec habuit contraria quibus vita illa spi-
ritualis in baptismo percepta impugnaretur siue disponderetur ad
corruptionem: hæc enim sunt distractio animæ, occupatio se-
cularis, pericula & tentationes huius vitæ. Qui igitur his omni-
bus carent, vt sunt pueri ante vsum rationis, nec vt remedio hoc
sacramento egent, nec ex præcepto ad illud tenentur. Illis igitur,
simpliciter loquendo, non est necessarium. Accedit etiam & se-
cunda ratio non minus efficax, quia cum baptismus primus sit
sacramentorum, non nisi per illum ad alia sacramenta ordina-
mur: in ipso verò iam est & reliquorum sacramentorum, & huius
maximè, ad quod præcipuè ordinat nos baptismus, quædam in-
tentio: vnde & pueri ante susceptionem baptismi nullo modo or-
dinati sunt ad Eucharistiam: atque ita omnino alieni sunt à par-
ticipatione corporis Christi. Cæterum paruuli per susceptum ba-
ptismum, vel adulti per verum desiderium suscipiendi cõsequun-
tur participationem corporis Christi, & hoc sacramentum in in-
tentione habent. Ex hac igitur propositione infertur esse apertis-
simum errorem, & contrarium tam virtuti baptismatis & suffici-
entiz ipsius, quàm etiam nostro huic sacramento, Græcorum
& Bohemorum, qui asserunt sine hoc sacramento paruulis non
esse sperandam salutem. Citantur quidem nonnulla loca patrũ,
quibus illud confirmari videtur: de quibus breuiter opus est ad-
monere, Primò igitur citant Augustinum in multis locis dispu-
tantem

**Error Græ-
corũ & Bo-
hemoru di-
centiũ par-
uulis esse ne-
cessariã Eu-
charistiam
refutatur,**

tantem contra Pelagianos, qui apertè dicit verba illa, Nisi manducaueritis carnem filij hominis. ad paruulos etiam pertinere. Videatur ipse lib. 1. de peccat. merit. & remissione, vbi disertissimis verbis rejicit eos qui hæc dicunt ad paruulos non pertinere. Id etiam Innocentius papa in epistola ad concilium Carthaginense apertissimè dicit, & in ipso Concilio Carthaginensi, & maxime in epistola ad Innocentium. Et quanquam in pluribus alijs locis Augustinus semper tamen eandem sententiam docet, dicens modò sine participatione corporis & sanguinis domini paruulos non saluari, modò sine illa non pertinere ad vnitatem Ecclesiæ. Itaque sola illa autoritas Iohannis 6. Nisi manducaueritis &c. est, vnde tota hæc oritur quæstio, quæ & soluenda est ex vero illius sensu. Hunc autem constat de spiritali manducatione esse: quod ipse Augustinus apertissimè eo loco dicit & confirmat. Ex quo cætera quoque omnia intelligenda sunt. Itaque certissimè constat Augustinum & omnes illos patres qui contra Pelagianos hæc autoritate vsi sunt, de spiritali manducatione loqui, quæ est vnio & incorporatio in Ecclesia: nunquam verò de sacramentali sumptione vel cogitarunt quidem. Id quod maxime hinc probatur, quòd illi ea verba tantum adducebant, vt probarent baptismum necessarium paruulis ad vitam & salutem, quod negabant Pelagiani: vnde Innocentius in epistola illa (quam Augustinus magni facit contra hæreticos, vt patet in lib. 1. contra Iulianum, & alijs locis) ex illis verbis: Nisi manducaueritis &c. infert: ergo sine baptismo paruuli non habent vitam. Igitur, vt superius diximus, attendenda est materia circa quam loquuntur, & loquentium intentio: id quod apertius apparet intuenti rationem propter quam hæc dicta sunt. Pelagiani enim negantes paruulos contrahere peccatum originale: dicebant eos ad salutem non egere baptismo: & cum Catholici cogerent eos verbo Christi, Nisi quis renatus fuerit ex aqua & spiritu sancto &c. fatebantur in regnum Dei sine Baptismo non ingredi illos, non tamen ideo perire. Contra quod inuenerunt Catholici verbum hoc, Nisi manducaueritis &c. non habebitis vitam. Et intelligentes per manducationem hanc vniõnem gratiæ, & incorporationem in corpore Christi, quæ fit per baptismum, ex eo loco probabant paruulos sine baptismo etiam non posse vitam habere. Vnde Augustinus nusquam dicit sine sacramento hoc paruulos non saluari,

Respondetur
ad verba
d. Augustini,
quæ pro se
adferunt hæc
relicti.

sed

DE NECESSITATE

sed sine participatione corporis domini. Adnotauit quidam in impressione Frobenij in multis locis Augustini, sine Eucharistia, sine sine hoc sacramento non saluari paruulos, sed hoc nusquam in Augustino inuenietur. Vnde & ipse Augustinus in libro de peccatorum meritis & remissione in fine quarti cap. ita docet: Nonne veritas sine vlla ambiguitate proclamat: non solum in regnum Dei paruulos intrare non posse, sed nec vitam habere posse præter corpus Christi: cui vt incorporentur sacramento baptismatis imbuuntur. Sufficere debet hoc verbum Augustini disciplinatio ingenio: vt agnoscamus quæ sit in cæteris omnibus intentio eius. Cùm igitur nunquam de hac re Augustinus aut aliquis patrum locutus sit, nisi in hac disputatione contra Pelagi. negantes baptismi necessitatem: quorsum aut vnde ergo inferatur necessitas Sacramenti Eucharistiae? Hæc igitur de hac apud multos nunc importuna quaestione.

Paruuli non sunt capaces Eucharistiae.
Art. 9.
 Inferamus iam ex prima illa propositione secundum, non parum præcedentia confirmans, videlicet, non solum Eucharistiæ sacramentum non necessariū esse paruulis, sed nec eos illius esse capaces, quodq; eis minimè ritè administretur. Probat hoc perdoctè b. Th. q. 80. in qua de sumptione loquitur. Sed sufficiunt iam quæ dicta sunt de huius sacramenti natura. Datum est in cibum spiritualem, cibari verò actus est vtentis vita, sicut patet in corpore: qui ergo non habet vsum spiritualis vitæ, frustra hunc cibum recipit, imò nec recipit, sed infunditur ei, cùm tamē Christus dicat: Accipite & manducate. Sicut ergo ad spirituales regenerationē baptismi opus est natum esse corpore, & ablui corpore: ita ad spirituales hanc manducationē opus est specierū ipsarū sumptione: ita (inquam) vt corporaliter accipiantur & manducantur: id quod minimè pueri possunt. Hoc tamen ita intelligimus, vt ad hoc præcedens voluntas sufficiat. Nam in concilio Carthaginensi quarto præcipitur, vt lapsio in phrenesim infundatur in os Eucharistia, si consulerit eum id antè petiisse, quod & hodie Ecclesia seruat. Verùm in pueris & his qui vsum rationis nunquam habuerunt, hoc desiderium esse nō potest. vt ibi b. Tho. docet: addens tandem & hanc rationem, quod paruuli non possunt hoc sacramentum reuereri. Et illa omnia confirmat auctoritas Ecclesie in concilio Lateranensi de poenitentia & remissionibus cap. Omnis vtriusque sexus. Vbi mandat Eucharistiam dari

dari pueris postquam ad annos discretionis peruenierint. Hæc dicta sunt, quoniam contendunt nonnulli in antiqua Ecclesia paruulis datam fuisse Eucharistiam statim post baptismum : quod, vt b. Tho. inquit supra dicto loco, de adultis dictum est à Dionysio, de paruulis nunquam. Citatur præterea Cypriani autoritas narrantis miraculum infantis puellæ cuiusdam, quæ nullo modo Eucharistiam sumere potuit post participationem idolothytorum (cuius Augustinus etiam meminit in Epistola 3. ad Bonifacium: & est inter sermones Cypriani, sermone de lapsis) ex quo aperte constat in Ecclesia hoc fuisse in vsu, vt infantibus traderetur Eucharistia. Nec opus est vt id negemus, sed vnius Ecclesiæ aut temporis consuetudo non est in consequentiam vniuersalem trahenda. Fuerunt aliquando abusus, rebus nondum satis explicatis. Sicut etiam apud Cyprianum in baptismo hæreticorum putatum est. Et ita credimus de hac consuetudine, quæ certè Ecclesiæ semper postea reiecit : & probatur non satis conuenire naturæ ipsius sacramenti : vel fortè aliqua necessitate, & speciali dispensatione fieri potuit nonnunquam. Hæc igitur de prima illa propositione & absoluta necessitate huius sacramenti. Secunda relinquatur lectioni sequenti.

LECTIO NONA.

De necessitate Eucharistiæ.



SECUNDA igitur propositio hæc sit : Sacramentum hoc & ex natura sua, & ex præcepto necessarium est ad conseruationem & augmentum spiritualis vitæ, non secus atque cibibus. Hoc asserit b. Thom. art. 11. quæst. 80. & quāquam aliter nonnulli minus dignè considerantes iudicent, & solum ex præcepto Ecclesiæ necessarium putent : tamen natura ipsius sacramenti, quod nos diximus aperte ostendit. Cur enim putabimus minus necessarium cibum in spirituali vita, quā in corporali? aut, cur gratiam,

Sacramentum sacræ Eucharistiæ est ex sua natura, & ex præcepto Ecclesiæ necessarium ad conseruandam & augendam gratiam.

DE NECESSITATE

enr minus cogitabimus nos teneri ad alendam animam, quam corpus? Ergo instituens Christus hoc sacramentum in cibum, docuit sumendum esse: quod & explicuit verbis illis, Accipite et manducate. Et sanè (sicut aliàs diximus) Christus Dominus in lege noua non tam ut Dominus imponit nobis præcepta, quam ut iutor & medicus ostendit remedia. Sicut igitur Baptismus in remedium est spiritualis mortis animæ & totalis illius defectus vitæ, ita Eucharistia remedium est labilitatis humanæ & infirmitatis, qua, licet in gratia & Dei charitate constituti, labi possumus, & paulatim aut subito deficere viribus, ad quas reparandas datur hic cibus spiritualis: necessarius itaque est, & ad hoc sumendus. Ceterum quoniam obligatio hæc pertinet ad præceptum affirmatiuum (quod quidem non debet nec potest actu semper impleri) merito inquirendum, quando ad sumptionem huius sacramenti obligemur: De quo sunt diuersæ in speciali sententiæ, breuiter tamen sequentia notentur.

Christiani. vt **Primum** tenemur ex Ecclesiæ determinatione vt minimum semel in anno ad sumptionem huius sacramenti accedere, vt habet ea. Omnis vtriusq; sexus in concilio Lateranensi. In quo Ecclesiæ proculdubio quæ à Christo in comuni præcepta sunt, sine præiudicio videlicet temporis, determinat ad certum tempus. Quare non est dubium omnes astringi illa Ecclesiæ definitione. Dubitatur nihilominus à multis: An igitur semel in anno communicasse sit satis? Nam reuera præcepta Ecclesiæ ita determinant iuris diuini præcepta, vt tamen non semper sufficiat Ecclesiæ præcepta impleſſe, ad diuinorum præceptorum impletionem: sicut patet in ieiunio. Nec enim qui à cibis prohibitis ab Ecclesia abstinet, seruaturq; tempus & modum abstinentiæ ab Ecclesia præfixæ, si immoderatus vsq; ad crapulam & ebrietatem vtatur concessis, satisfaciet diuino præcepto. De quo Paulus, Non in commellationibus & ebrietatibus: quanquam Ecclesiæ constitutio nem non transgrediatur.

Tempore necessitatis tenemur communicare. De hoc igitur sit iam secundum. Non est dubitandum teneri nos ad sumptionem huius sacramenti tempore necessitatis, hoc est cum imminet periculum vel tentationum vel persecutionum, quando præsertim agnoscimus infirmitatē nostram: patet: quia affirmatiua præcepta tempore necessitatis obligant. Et in speciali, quia tenemur sumere cibum, cum videmus nos infirmitate & defectu

defectus eius deficere : & hoc in corporalibus : multò ergo magis in spiritualibus. Et quanq̃ sint & alij cibi spirituales , quibus confirmatur cor hominis , vt verbum Dei, oratio, & huiusmodi alia : tamen cibus hic tantæ virtutis est, vt illa omnia superet. Continet enim ipsum Christum, & illum nobis ex ipso opere operato coniungit. Hanc verò reputabimus communicandi necessitatem , quando tentatis cæteris omnibus , adhuc sentimus infirmitatem nostram & experimur pericula.

Quia verò de hoc non est facilè omnibus iudicare, & posset hæc doctrina laqueum iniicere animabus, considerentur & tertio iam loco alia duo. Primum, quod consultissimum erit iudicio discreti & prudentis consultoris , & maximè confessoris, frequentius accedere ad hoc Sacramentum. Panis quotidianus vocatur (vt Cum cõfessio infra ostendemus) Et quotidie dicunt Ambrosius & Augustinus Confessoris sumendum : & certè magis est ingratitudinis & incuriæ sa- sæpe commu-
luris propriæ, tam rarò ad hoc Sacramentum accedere : vt non sit nicandũ est.
mirum, si nobis illud Psalmi contingat: Percussus sum, vt scænum,
& aruit cor meum , ab omni scilicet deuotionis pinguedine, quia
oblitus sum comedere panem meum: et hoc tanto magis obligat,
quanto pericula & tentationes amplius crescunt.

Secundum. Nec tamen putamus damnandum esse eum , qui bona fide secutus ordinationem Ecclesiæ contentus sit sacram Eucharistiã semel in anno suscipere. Quanq̃ enim & à principio quotidie fideles communicauit, & postea quoq; frequenter, & decretum ipsum magis fuerit vsũ verbo permissio quodammodo, saltem (inquit) semel in anno , quàm docuerit illud sufficere: nihilominus non est cur debeamus simplices, & qui non aliud cogitant aut damnare, aut certè reddere inquietos. Exhortemur ergo omnes ad frequentiam , nec tamen necessitatem imponamus, vbi non apertè constat. Nam in articulo mortis, vbi scilicet tam grauiã imminent certamina , proculdubio totius Ecclesiæ consensus, concilia antiquissima, & exempla Patrum doceant communicandum esse. Vnde & in ipso Nicæno concilio, & multis alijs antiquis, præcipitur ne vlli negetur communicatio , & in Carthaginensi quarto concilio (de quo supra diximus) etiam in os iubetur infundi existenti in extremis , atque iam quoque sensu priuato, si modo illud prius petierit , & vel verbis vel signis ostenderit poenitentiam,

DE NECESSITATE

Est etiam circa hoc meritò considerandum, quanta frequentia conueniat in sumptione sacramenti huius, et an vtilius sit accedere quotidie, an abstinere nonnunquam, de quo b. Thomas & nonnulli Theologorum d. 12. diligenter agunt. Ex quibus sequentes propositiones colligimus.

art. 10. illius
quæst. 80.

Vtrum quo-
tidie cõmu-
nicandũ sit.

Prima. Sumptio huius sacramenti ex parte eius considerata quanto frequentior est, tanto conuenientior, secundum tamẽ ecclesiæ moderationem: sed considerata dispositione sumentis, non omnibus conuenit quotidiana sumptio. Primum putat b. Thom. probari authoritatibus patrum, à quibus dicitur quotidie sumendum esse. Ita enim Ambros. lib. 4. de sacramentis cap. 6. & August. sermone 28. de verbis Domini, in expositione illius verbi orationis dominicæ, Panem nostrum quotidianum. Secundum verò etiam patet, quoniam cum ad hoc sacramentum reuerentia & deuotio exigatur (à quibus multis modis impedimur, & sine quibus accedendum non est) non omnibus id expedit: quod maximè in secularibus & cunctis atq; negotijs implicatis locum habere putauerim. Qui verò ex officio sunt mediatores inter Deum & populum, non est æquum vt ab his impediuntur. Non, inquam, æquum est, vt permittant se ita implicari & teneri his, quibus eorum deuotio & effectus erga hoc sacramentum tepescat.

Notent hoc
sacerdotes
qui suam sa-
lutẽ amant.

Melius est ac-
cedere ad sa-
cræ Eucha-
ristiam quàm
abstinere.

Secunda propositio, maximè pro his de quibus nunc diximus: Quam laudabiliter ab hoc sacramento abstinere quis possit, & laudabiliter etiam accedere: ita vt vtrunq; opus virtutis esse queat: primum quidem, cum ex humilitate & reuerentia aliquis se subtrahit: secundum verò, cum ex deuotionis seruiore accedit: proculdubio tamen & laudabilius & vtilius est, non quidem sine reuerentia & timore, sed ex deuotione & seruiore accedere. Primum quidem probant diuersi illi affectus (de quibus Euangelium) in Petro & Centurione. Petrus dixit: Exi à me &c. & Centurio: Domine non sum dignus &c. Zachæus verò gaudens excepit in domo sua Christum: hoc enim omnes laudamus. Secundum verò apertè probatur, quoniam affectus ille quo abstinetur ab hoc sacramento, timoris est & reuerentiæ: quo verò acceditur, charitatis & deuotionis: & quam vterq; bonus: hic tamen melior magisque Christiano statui consonus: & præterea ex ipsa sumptione & virtute sacramenti plurimum vtilitatis accedit.

Tertia

Tertia propositio iam sit specialior. Is qui frequenter accedit, Saluberrimū diligenter discere debet, an ex accessu proficiat, an non. Nam documentū certe cum ex frequenti vſu non agnoscit profectum virtutum & pro ijs qui pietatis, timendum est ne indignè ſumat. Hanc verò diſcuſſionem diuerſimodè putant diueiſi faciendam. Alij ita, vt ſi ex frequenti ſumptione experiamur minui in nobis reuerentiam ſacramenti, & deuotionem non augeri, aut parū, abſtineamus potius. Alij verò cogitandum eſſe putant, quantum ex frequenti ſumptione creuerit in anima promptitudo ad virtutū opera, & quantum contrariæ vitiorum paſſiones ſint diminutz. Nam qui hoc nullo modo experiuntur, meritò timere debent, & ſe ſubtrahere. Sed nos putamus etiam hoc addendum, ne facile, hi maximè qui ad hoc vocati ſunt, abſtineant: eò quòd hic minor profectus virtutum vel deuotionis, ſicut & diminutio paſſionum, non ſit ex ſenſuali aliqua experientia diſcernenda. Nonnunquam enim Deus permittit latere nos profectum noſtrum: nonnunquam, & maximè proficientes, permittit grauiffimis affligi tentationibus, vt videantur ſibiipſis dereliſti. Quare ſi ex hoc abſtineamus, fiet, vt cū maximè accedendum eſſet, tunc nos ſubtrahamus. Igitur deliberatio animi vera, odium malorum, & deſiderium verum virtutum ſi adſint, accedendum eſt. Et (vt Ambroſius dicit) quia quotidie peccamus, quotidie accipienda medicina. Deinde etiam id conſiderare debet qui abſtinet, vt non in occaſionem ocij & torporis, aut certè noxiæ alicuius occupationis vtatur hac abſtinentia. Si abſtinendum fuerit, abſtinendum eſt cum maiori cura deuotionis & exercitij ſpiritualis. Nec etiam illud prætermittendum, quod Hadrianus pontifex diligenter illo loco notaui: quòd cū ſuperbia ſit noſtræ diſpoſitioni aut puritati inniti; & magnæ ingrati tudinis tantis Dei beneficijs non vti: maiori periculo ſe exponit facile ſe ſubtrahens à ſacramento, quàm qui humiliter de ſe diffidens, & diuinæ miſericordiæ innixus accedit. Ex his in ſpeciali iudicari poterit, quid magis conueniat. Qui verò ex his nondum de ſe iudicare poteſt, prudentis viri requirat, & ſequatur conſilium.

DE COMMVNIONE
LECTIO DECIMA.

De vsu vtriusque vel alterius speciei,
& quibusdam alijs.



Ertnet etiam ad vsum sacramenti quæstio illa hoc seculo maximè exagitata propter hæreticorum importunitatem, an scilicet necessarium sit in sumptione huius sacramenti vtramque speciem sumi. Quòd Lutherani omnes, & quotquot hodie sunt aliarum sectarum, affirmant tam pertinaciter, vt non dubitent damnare grauissimi sacrilegij tot Ecclesias Christianas, & tot annorum prælatos & populos, qui sub vna specie communicant & communicant: asserentes hoc esse contra manifestissimum præceptum Christi, dicentis : Accipite & bibite ex hoc omnes, quod eodem modo dicitur à Christo, sicut & præcedentia : Accipite & manducate. Est hæc hæresis valdè plausibilis populo, maximè propter hoc verbum, quod illi clamant tam apertum esse, vt nullus sit locus expositioni. Confirmare etiam illud videtur consuetudo antiquæ Ecclesiæ. Non est enim dubium primis illis temporibus & in Romana Ecclesia, & in omnibus totius ferè orbis Ecclesijs sub vtraque specie communicatum fuisse, idq; certè longo etiam tempore. De hac igitur quæstione breuiter dicendum est, quod sufficiat filijs subditis Ecclesiæ confirmandis, etiam si noluerint silere hæretici. Sit igitur de hoc prima propositio.

Minister celebrans debet vtramq; speciem sumere.

In celebratione perfecta huius sacramenti, cum videlicet mysterium illud expletur, sicut necessaria est ex institutione Christi vtriusq; speciei consecratio & oblatio, ita & necessaria est vtriusque speciei sumptio. Quæ propositio verbis illis Christi domini certissimè confirmatur, & ipsa institutione sacramenti. Nam proculdubio omnis violatio sacramenti graue sacrilegium est, & peccatum mortale ; violatur verò sacramentum, cum non seruat

seruatur institutio ipsa & significatio integra. Nam quæ maior
 violatio rei institutz à Christo, quàm cum partes ex quibus ille
 ipsam constare voluit, auferuntur? vt si in baptismo deesset aqua,
 aut in confirmatione chrisma: nonne perinde est, ac si ab homine
 auferretur corpus? Cum igitur in hoc sacramento integrè volue-
 rit Christus mensam parare, & vtrinq; quod in refectioe huma-
 na necessarium est coniungere: cibum scilicet & potum: & ita san-
 guinis sui effusionem pro vobis, & perfectam refectioem animæ
 significauerit: proculdubio ista infringit & mutila reddit, qui alter-
 um sine altero consecrat. Sicut enim nō est perfecta refectio cor-
 poris sine pane & vino, ita nec perfectum est hoc sacramentum
 sine vtriusque specie: nec significatur effusio sanguinis Christi, vel
 ipsius animæ plena refectio. Maneret ergo sacramentum imper-
 fectum: quare non sine graui peccato id fieri potest. Hoc igitur
 daturi sumus hæreticis, quod probant omnes illorum rationes.
 Præceptum Christi, integrum quidem & plenum, Apostolis ad
 hoc ordinatis sacerdotibus competit. Illi tenentur cuncta imple-
 re. Hoc (inquit) facite in meam commemorationem: Hoc, scili-
 cet quod ego ipse Christus feci: consecrate, offerre, sumite. Nam il-
 lud verbum, Accipite, & Bibite, intelligi potest potius de facultate
 data & potestate suscipiendi, quàm de obligatione, de quo pos-
 tea: & satis hoc probat integritas sacramenti & significationis.
 Huc igitur referimus verbum illud Gelasij papæ in cap. Compe-
 rimus, de consecratione dist. 2. Vbi aperte inquit, Grande sacrile-
 gium est integra non suscipere sacramenta: quod b. Tho. de cele-
 brantibus intelligendum dicit: qui proculdubio propter hanc
 integritatem sacramenti tenentur non tantum consecrare, sed
 etiam sumere, vt habetur in concilio Toletano, et totius Eccle-
 siæ consuetudo ostendit. Vel fortè Gelasius dixit hoc secundum
 consuetudinem quæ tunc erat in Ecclesia. Nec enim dubium est
 in antiquiore Ecclesia vtramque speciem sumpsisse etiam laicos.
 Et nonnunquam id præcipiebat quoque Ecclesia propter hæreti-
 cos Monichæos, qui (vt Leo inquit) vel vinum detestati, quod di-
 cebant fel esse principum tenebrarum, vel Christi mortem non
 credentes veram: à specie vini abstinebant, sicut Leo ostendit in
 quodam sermone. Nihil itaq; mirum, si quandoq; cogerētur om-
 nes ad summptionem speciei vini, ad confitendam & significan-
 dam effusionem sanguinis Christi.

DE COMMVNIONE

Vtriusque speciei sumptio non est accedentibus necessaria. Secunda propositio. Peracta celebratione integra huius sacramenti, non putauit vnquam Ecclesia eis qui participant huic sacramento necessariam vtriusque speciei sumptionem. Et hoc est quod hæretici omnibus viribus negant, dicentes omnino necessariam cuicunque participant vtramque speciem. Sic igitur contra eos ad stabiliendos Catholicos probanda est hæc propositio ex Ecclesie sensu, qui solus verus interpret est scripturæ.

Ante 1200.
annos fuit
consuetum
sacram ho-
stiam serua-
re.

Respondendum est hæreticis, verba illa Christi: Accipite, & bibite, intelligenda esse sicut semper Ecclesia illa intellexit: sed nunquam ostendetur Ecclesiam intellexisse speciem vini necessariam omni sumenti: magis autem ostendemus aperte sensisse eam, & in vsu habuisse, quod vna species sufficeret: hunc ergo sensum sequimur. Huius verò querenda sunt nobis in antiquitate testimonia, quæ rariora quidem sunt, sed (vt suprà diximus) nos credimus ideo rariora esse, quia apud antiquos hoc nunquam versum fuit in cōtrouersiam: tamen sufficere debet authoritas Nicæni cōcilij, quod primum & auctoritate & sanctitate est in Ecclesia. cap. 14. illius concilij ita dicitur, & ita statuitur. Diaconi præsentibus sacerdotibus vel Episcopis, ab ipsis percipiant sacramentum: eis verò absentibus, ipsi proferant & edant. Vbi manifestè constat etiam tunc, vix scilicet 300. annis ab ortu Ecclesie, consuetum fuisse vt asseruaretur sacramentum: idq; iustissima & necessaria causa: vt scilicet semper paratum esset necessitatibus fidelium, tunc maxime, cum rari erant ministri: & asseruatum etiam ostenditur in aliquot certè dies: quod ipsum concilium non solum non reijcit, sed potius probat. Cæterum quia manifestum est speciem vini non sine magno periculo corruptionis & abominationis cuiusdam diu seruari posse: sequitur tantum alteram speciem seruata fuisse: quare sub ea tantum sumebant: & id confirmant verba quæ sequuntur: proferant & edant. Nam quæquam, eò quod tantum fiat mentio vnius speciei, non debeat inferri alteram defuisse: tamen satis tota illius cap. circumstantia ostendit tunc vnâ tantum speciem seruata fuisse, quæ permittebatur sumi à diaconibus in absentia sacerdotum. Et hoc ipsum confirmat testimonium b. Ambrosij in sermone funebri fratris sui Satyri: vbi in magnam commendationem eius refert, quod in oratio suo inuolutum sacramentum & circumdatum collo deferens (quod à sacerdotibus in periculo tempestatis acceperat) manu se commisit: non querens

rens (inquit) tabulam, sed venerabile Sacramentum secum tulit, cuius virtute à naufragio liberatus, sacerdotem Catholicum quæsiuit, à quo sumeret ipsum, quod secum ferebat sacramentum. Vbi apertum est tantum vnam speciem fuisse: non enim poterat vini species in oratio seruari. Itaque communicabant sub altera specie, neque id putabant contra præceptum Christi antiquiores illi patres. Eusebius etiam 6. lib. Ecclesiasticæ historiæ, cap. 34. ex Dionysio Alexandrino antiquæ authoritatis doctore, refert quasi miraculum de lapso quodam, qui in extremis positus petijt sibi venerabile sacramentum adferri: cui, particulam corporis Domini (inquit) sacerdos noctu per puerum misit, iubens vt intinctum ei porrigeret: vbi aduerte idem quod diximus supra in Concilio Nicæno, longo tempore seruatum fuisse sacramentum: atque ideo non sub vtraque specie. Quod verò dicitur de intinctione, non ad speciem vini referendum est, de qua nulla fuerat mentio, sed id fortè tunc consuetum erat, aut requirebat infirmitas: quod si cui hoc non placet, relinquamus verbum illud dubium & ambiguum: satis sit ex illo non probari vtramque speciem semper datam fuisse: particulam (ait) dedit puero, & iussit vt infusam in os immitteret. Sufficiat itaque nobis videre, non fuisse creditum semper in Ecclesia illud verbum Christi, Accipite, & bibite, omnes communicantes & sumentes hoc sacramentum astringere. Et huic sensui consonat ratio fidei manifestissima. Cum enim sub qualibet specie (vt probatum est) totus continetur Christus, caro scilicet, sanguis, anima, & diuinitas: nec dependeat vna species ab altera, quantum attinet ad continendum Christum: sub qualibet totus sumitur, atque ideo totus fructus percipitur. Non est igitur cur anxiequirenda sit altera species, postquam semel sacramentum integrè celebratum est, maxime cum signa illa & species propter rem contentam quærantur, & vtilis sint ex eo quod continent. Ex his duobus iam tertium quod sufficere debeat, sequitur: quòd videlicet etsi verum sit vtriusque speciei perceptionem longo tempore fuisse in vsu Ecclesiæ, maxime cum peractis mysterijs populus accederet ad communicandum: non tamen hoc quali necessarium fuisse seruatum, cum tunc etiam nonnulli sub vna specie sumerent, & ita fortè infirmis omnibus traderetur. Quare non est consultum conari, vt probemus vel in primitiua illa Apostolorum Ecclesia, vel

Non negandum q. olim etiã laici sub vtraq; specie communicarint.

DE COMMVNIONE

In antiquioribus alijs tantum fuisse vnius speciei vsum: quod quidam volunt ostendere ex illo verbo actuum Apostolorum: Erant perseverantes in communicatione fractionis panis: Nam id hoc non probat: & Paulus ad Corinthios de cibo & potu mentionem facit. Donemus igitur illis fuisse vsum utriusque speciei, quod testimonium illud Gelasij Papæ confirmat, & aliud Leonis in sermone 4. Quadragesimæ, de quo superius diximus: ubi Manichæos dicit speciem vini non sumere, ostendens aperte id contrarium fuisse consuetudini catholicorum. Demus igitur hoc hæreticis: concedant tamen illi nobis hoc non fuisse creditum necessarium; & factum quandoque fuisse oppositum absque timore aliquo transgressionis diuini præcepti. Sit itaque liberum vtrunque Ecclesiæ, neq; nos eam seruituti subiiciamus signorum. Cum igitur crescente multitudine populi multa pericula vel effusionis sanguinis, vel irreuerentiæ, vel abominationis (propter multos qui abhorrent à vino) Ecclesia cognouerit: merito ob reuerentiam Sacramenti cœpit his qui vna specie contenti erant, permittere vt ad aliam non cogerentur: & ita constat introductam paulatim fuisse hanc vniuersalem consuetudinem. Nam beatus Thomas ante 300. plus minus annos dicit art. vltimo 80. q. fuisse tunc consuetudinem multarum Ecclesiarum, vt sub vna specie sumerent: putauit enim ad hoc non tantum vniuersalis Ecclesiæ & plenarij Concilij sufficere auctoritatem, sed etiam vnius & alterius, vel certè plurium Ecclesiarum: cum in eis verum sit illud: vbiunque sunt duo aut tres in nomine meo &c. Et post b. Thomam In Concilio Constantiensi plenario quidem & magnæ auctoritatis, cum hoc in quæstionem venisset: tandem definitum est non sine multa & diligenti discussione, non esse necessariam vtriusque speciei sumptionem: & deinde probata est & pro lege posita quæ iam inualuerat consuetudo: contra quod contendere certè manifestæ præsumptionis est, & non nisi occasionem quærentium.

Sunt quidam alij vsus sacramenti istius, quos hæretici reprehendunt, & propterea de illis breuiter dicendum. Fatemur igitur proprios vsus huius sacramenti, ad quos scilicet datum est à Christo, duos esse quos diximus: scilicet offerre & sumere. Cæterum sunt quædam alia consequentia, sicut adoratio sacramenti huius, & eiuidem circumgestatio ac allegatio: quæ hæretici clamant

omit-

Quare ab al-
tera specie
Christi fide-
les abstineant.

omittenda esse, quoniam non sunt præcepta à Christo. Vnde dicunt esse idololatriam & superstitionem quicquid fit in Ecclesia circa hoc sacramentum præter sumptionem, quia sunt (inquiunt) cultus sine verbo. Sed ex his quæ supra dicta sunt satis patet hæc omnia inniti authoritati & antiquitati Ecclesiæ, & esse ex traditione Apostolica. Nam de adoratione Augustinus citauimus in illud verbum psalmi: Adorate scabellum pedum eius: quod exponit de nostro sacramento. Dionysius etiam Ca. 3. Ecclesiast. Hierarchiæ describens ritum quem eo tempore in celebratione huius Sacramenti seruabat Ecclesia, seipsum ostendit ea ipsa quæ nunc aguntur cum post consecrationem ostenditur Sacramentum & quasi adorandum exhibetur. Pontifex (inquit) sacrosancta & augustissima mysteria conficit, & quæ ante laudauerat venerandis operata atque abdita signis in conspectum agit, diuina munera reuerenter ostendens. Et quidem (vt aperte dicamus) etiam si nullam haberemus authoritatem patrum aut Ecclesiæ circa hoc: oportebat tamen tanquam certissimum id haberi, adorandum scilicet esse Christum in hoc sacramento: sequitur enim hoc ex fide necessarium: si enim certum est Deum adorandum esse (ratione etiam naturali docente hoc deberi primæ causæ & principio rerum omnium) fides verò testatur hic esse Christum verum Deum: quis non videt aperte sequi, igitur adorandus est? Non ergo tantum dicimus licitum esse adorare hic Christum, sed necessarium: oportet enim hoc certissimè constare, non minus ad fidem pertinere quæ ex his quæ scripta sunt necessariò inferuntur, quàm ipsa quæ scripta sunt. Sic enim nomen consubstantialis deductum est ex aequalitate, & nomen personæ ex his quæ in scriptura dicuntur, quanquam illa non sint scripta. Ceterum quia solent quædam dubia circa adorationem esse huius sacramenti: duo breuissimè de illa notentur.

De adoratione
ne Eucharistia.

Nota quòd tempore apostolorum celebrabatur sacra Eucharistia.

Non solum quæ scripta sunt, sed quæ ex sacris scripturis necessariò sequuntur, sunt Christianis credenda.

Primum. Adoratio huius sacramenti est solius Christi adoratio, ad quam ritè agendam satis est Christum in eo contineri quouis modo: quare multo minus est adorare hic Christum, quàm credere ipsum realiter hic contineri. Hæc omnia patent ex his quæ diximus latius in propria materia de adoratione Christi. Reueremur enim & adoramus in signis & vestibus, & partibus suis illos quorum ista sunt signa vel partes, aut ad quos aliquo modo pertinent, Adoramus imaginem Christi non alia deuotio-

Nullum ido-
latriæ pe-
riculum in
adoratione
Eucharistiæ.

Art. 3. q. 1. in
secunda se-
cundæ.

De miracu-
losa apparen-
tia specierû
in Eucharis-
tiæ.

ne & adoratione, quàm Christum: quare ergo non magis hoc sacramentum, quod non figura, sed veritas est? Ex quo etiam inferendum est, nullum subesse periculum in hac adoratione, quam si minister non veraciter consecrer, non sit ibi aliquid adorandum: quia (vt b. Tho. inquit) intentio adorantium, sicut & fides, refertur ad sacramentum ritè consecratum. Nec tamen opus est illam conditionem apponere explicitè, si ritè consecratum est, quoniam non est cur in dubium venire debeat, nisi fortè esset specialis aliqua dubitandi ratio, vt in hæretico aut huiusmodi alio.

Secundum propter miracula, & ea quæ solent in hoc sacramento apparere notandū est, quòd quàm diu in hoc sacramento apparet alia species (vt si sit mutatio aliqua specierum facta) si tamen permaneat eadem quantitas & figura, credendū est ibi manere corpus Christi vel sanguinè: et ideo adoranda sunt, sicut ante quàm fieret transmutatio illa: multo verò magis quando hoc apparet sine transmutatione specierû. Nā quia huiusmodi apparentiæ possunt fieri virtute diuina vel in oculis, vel in alio sensu exteriori vel interiori, sine mutatione aliqua ipsarum rerum: et possunt etiam fieri cum ipsarum specierû mutatione (sicut in Exodo creditur factum esse circa virgam Moisi) quando omnibus apparet alia species, creditur facta mutatio in re ipsa: quando verò non omnibus apparet, sed vni aut alteri tantum, mutatio videtur facta nō in re ipsa, sed in sensu illorum. Igitur si mutatio solū fiat in sensu aliquorum, alijs verò appareat species vini & panis, non dubium est adorandum esse sacramentum: si verò omnibus appareat vel carnis, vel sanguinis species manente eadem quantitate specie & figura, adorandum etiam est sacramentum: quia (vt b. Thom. q. 76. inquit, vbi hæc omnia tractat) tunc videtur mutatio tantum facta circa colorem: quare permanente quantitate & figura, eadē censentur species quæ antea erant. Cæterum cum quod apparet omnibus & quātitate et figura diuersum est sicut si appareat corpus hominis, aut huiusmodi aliud, tunc non creditur ibi esse Christus, cū nihil maneat aliarum specierum: tunc igitur veneratio siue adoratio referenda est ad id quod apparet, non tamē adoranda est ea quæ apparet species, tanq̃ quæ Christum adhuc continet. Hæc quidem de adoratione.

De asseruatione sacramenti sufficere debet autoritas Nicenū concilij, de qua suprà dictū est, & ea quæ apertè in omnibus anti-
quis

Art. 8.

quæ concilijs habentur de conferendo hoc sacramento infirmis quocunque tempore in articulo mortis. Quibus si adiungamus certissimam traditionem Apostolorum (de qua inferius loquemur) de celebratione huius sacramenti nō nisi à ieiunio faciendæ: aperte sequitur vel fraudandos esse multos in morte communionem sacrâ, vel fuisse hoc sacramentum seruandum. Sequitur etiam stultissimam esse Lutheranorum ordinationem, de conficiendo videlicet hoc sacramento omni tempore, & (vt illi dicunt) æternando apud quencunque infirmum.

Iam de circumferendo sacramento vel ostentando in solennioribus processionibus & festis, quod hæretici calumniantur, ex præcedentibus satis patet, quàm conuenienter & sine aliquo periculo vel superstitionis vel idololatriæ in Ecclesia fiat: cum enim constet realiter hic esse Christum, & ideo adorandum: proculdubio arbitrio Ecclesiæ permissum est, vt ad eius adorationem & reuerentiam fideles suos excitet, quandocunque opus esse iudicat vel ad salutem illorum, vel ad Dei gloriam: quod maximè fit, cum vel hæreses insurgunt, vel deuotio fidelium friget. Non igitur prohibeant hæretici fieri quod maximè ipsorum hæreses postulant. Quare vt vnico verbo ad has eorum importunas obiectiones de cultu sine verbo, quem dicunt, respondeamus: dicendū est apertissimè in nulla relatione campum & liberiores esse Ecclesiæ Christi, quàm in cultu ipso: quod ex his quæ in principio diximus de hac materia, patere potest: Iudæis vt paruulis & seruis debuerunt omnia, etiam minima quæque, circa cultum præscribere: filiis verò in Ecclesia paucissima præscripta sunt: omnia verò permissa libertati eorum, supposita fide & ratione naturali: & propter multitudinem necessarium etiam fuit magisterium Ecclesiæ, quod proculdubio spiritus sancti ductu nos gubernat. Nihil itaq; periculi erit, si cultum aliquem exteriorem nunquam antea obseruatum, consonum tamen rectæ fidei & vtilem fidelibus introducat Ecclesia: sicut fortè factum est de processione in die solenni dedicata ad cultum huius sacramenti, aut de huiusmodi alijs: sicut circa reliquias sanctorum: in quibus cum Ecclesia non aliud intendat, quàm fidei certam protestationem: non est quod reprehendatur. Cauendæ sunt tamen superstitiones, & curandū ne populus nimis hæreat in exterioribus, atq; ita auertatur à vero interiori cultu. Sed hæc docedæ sunt à doctoribus, & curadæ ab Eccle-

Rectè circumscribitur sacra Eucharistia.

na, nunquam verò coram populo spargenda sunt aliqua in reprehensionem eorum quæ simpliciter seruantur in Ecclesia. Quod Hieronymus contra Vigilant. disputans apertè docet.

LECTIO VNDECIMA.

De fructu siue effectibus sacramenti Eucharistiæ.



QVIA sacramentum hoc præter primum illum effectū, quem forma sacramentalis significat (conversionem scilicet illarum substantiarū in corpus & sanguinem Christi) & ultra valorem, quem ut sacrificium habet, ex perceptione ipsa siue manducatione (quæ, ut diximus, etiam sacramentalis est) operatur magnos procudubio gratiæ diuinæ in suscipientibus fructus, ad quos maxime institutum est: de his nunc breuiter dicendum. De quibus post Magistrum sententiarum distinctione 12. 4. reliqui omnes, & deinde b. Thomas quæst. 79. 3. partis diligenter docent. Sit itaque circa hoc primum omnium in vniuersali fundamentum. Effectus omnes huius sacramenti, qui multi sunt & varij, ad duo tantum capita reducendos esse: videlicet ad promotionem in bonum: per hoc enim sacramentum promouemur & proficimus in omni virtutis & gratiæ diuinæ opere: deinde & eripimur à malo omni & peccato: quod est alienum & præcipuum caput.

Omnes fructus sacre Eucharistiæ reducuntur ad promotionem in omne bonum, & ad liberationem ab omni malo.

Ad quanta bona cōducit Eucharistia.

Quatuor in sacra Eucharistia consideranda. Primum,

Igitur in speciali nunc circa promotionem ad bonum, huic sacramento tribuitur primò gratiæ diuinæ collatio & augmentatio, deinde excitatio animi ad deuotionem erga Deum & prægustationem dulcedinis eius, & deniq; perseverantia in bono, & peruentio ad beatitudinem. Hos effectus b. Thom. art. 1. & 2. illius quæst. docet proprios esse huic sacramento, eiq; conuenire maxime ex quatuor quæ in eo diligenter consideranda sunt.

Primum, id quod continet, Christus videlicet, qui causa est totius gratiæ & boni in nobis: Gratia & veritas per Iesum Christum

Num facta est, inquit Iohannes: Id igitur quod in mundum veniens egit, agit & nunc veniens in hoc sacramento in animam: & hoc certè significat illud Iohannis: Qui manducat meam carnem, habet vitam æternam: Et apertius illud: Panis quem ego dabo caro mea est pro mundi vita. Vita enim propriè ad hanc Dei gratiam pertinet.

Secundum considerandum est id quod repræsentatur in hoc sacramento, scilicet passio ipsa Christi, vt aperte forma significat, & Paulus docet: Quotiescunque, inquit, manducabitis panem hunc & calicem bibetis &c. Efficit igitur hoc sacramentum id quod passio Christi quam repræsentat: de qua Paulus: Reconciliati (inquit) sumus Deo per mortem filij eius. Hæc verò reconciliatio est per gratiam.

Tertium in hoc sacramento est modus quo traditum est à Christo, cibi scilicet & potus. Vnde operatur in spirituali vita quod cibus & potus in corporali. Sicut ergo per alimentum sumptum primò delectamur gustu & sapore, deinde corroboramur, dum id quod deperditum fuerat virium reparatur, & additur etiam non nihil: & denum quamdiu sumus in ætate augmenti augemur: ita per hoc sacramentum hæc omnia efficiuntur in anima: gustatur diuina dulcedo, quicquid ex quotidiana infirmitate & cōsuetudine terrena deperditum est virium animæ reparatur: & quia in hac vita semper nobis proficiendum est, promouemur ad perfectam per illud. Vnde non immeritò cibus hic designatus est in ligno illo vitæ, quo reparabatur & renouabatur homo, & à morte præseruabatur. Itaque non tantum quod communes illi cibi faciunt in corpore, hoc agitur in anima, sed multo proculdubio amplius: quòd scilicet singularis ille cibus ligni vitæ faciebat in corpore, videlicet renouationem.

Quantum denique est species ipsa panis & vini, sub qua traditur hoc sacramentum. Significant enim panis & vinum non tantum corpus & sanguinem Christi, in quæ etiam per consecrationem conuertuntur, quæ in scriptura sacra apertè istis significata sunt: nam ipse inquit: Ego sum panis vitæ: & de sanguine eius Iacob dixit: Lauit in vino stolam suam, & in sanguine vix pallium. Sed significant etiam corpus ipsum mysticum Ecclesiæ, hoc est, vnitatem fidelium omnium, qui in hanc vnitatem conueniunt non aliter quàm diuersa grana tritici & botri in vnum panem

Quicquid Christus in mundū veniens operatus est, hoc idem operatur veniens in hoc sacramento in animā. Secundum. Quod Christi passio idè & Eucharistia opatur.

Tertium. Quod cibus & pot' corporaliter, Eucharistia operatur spiritualiter.

Eucharistia: verum lignū vitæ.

Quantum,

Iohan. 6.
Genesis. 49.

& vi-

- Sacra Eucha-**
ristia vnit
nos Deo &
Ecclesiz.
 1. Corint. 10
 Diligenter
 sunt hæc cō-
 sideranda &
 prædicanda.
 Differentia
 inter hūc ci-
 bū & alios.
 Mystica, effi-
 cacissima, &
 saluberrima
 cōsideratio.
 Gal. 2.
- & vinum. Ita enim Augustinus inquit in sextum cap. Iohannis
 quodd propterea dominus corpus suum & sanguinem nobis cō-
 mendauerit in ijs rebus, quæ ex multis in vnum aliquid redigun-
 tur, vt significetur hæc Ecclesiz vnitas. Igitur & hoc efficit istud
 sacramentum sicut significat: vnit omnes sumentes: & primò qui-
 dem in ipsum Christum illos transformat: deinde coapat cæteris
 omnibus membris Christi: De quo Paulus apertissimè dixit:
 Vnus panis & vnum corpus multi sumus, omnes qui de vno pa-
 ne & calice participamus: aperte ostendens participationem
 hanc id efficere. Hæc igitur quatuor sunt diligentissime confide-
 randa & explicanda ac commendanda populo, quibus maximè
 excitari possumus ad huius sacramenti desiderium. Sunt verò ad
 hoc & in scriptura sacra & in patrum doctrina apertissima loca,
 ex quibus nonnulla b. Tho. illo loco citat. Itaq; prima duo, Chri-
 stus scilicet & passio eius, sunt fontes totius gratiæ, ad quos nullus
 accedere potest, in quem non influant abundantissimè, nisi ma-
 gna culpa indignum se reddat. Reliqua verò (quæ horum sunt ef-
 fectus) refectio scilicet animæ, spiritualium virium confirmatio,
 præ gustatio diuinæ dulcedinis, & vniō illa veræ charitatis, effica-
 cissimè ab hoc sacramento (à Christo scilicet & passione eius)
 fiunt in nobis. Atque ita ipsum manducamus, vt eum non cōuer-
 ramus in nos: sed conuertamur potius in ipsum, vt Augustinus in-
 quit. Nam cibi conuersio in comedentem ideo fit, quodd comē-
 dens maiori & efficaciori vi quàm ipse cibus habeat, eum in se
 conuertat: at verò hīc virtus cibi, id est Christi, multo est & absq;
 comparisone maior: quare etiam meritò nos in se conuertit.
 Vbi & hoc est considerandum, quodd manducatio ipsa, & species
 panis ac vini, & verba ipsa sacramēti huius hæc nobis significant,
 & de his nos docent: quæ doctrina non est surda aure audienda.
 Primò enim admonemur egere nos alimento: sed Christum
 non transcurum in nos, verum nos potius transituros in ipsum.
 Quare si volumus veraciter viuere Christo, opus est vt nos permit-
 tamus conteri quasi quibusdam dentibus à timore domini, &
 transmitti velut in stomachum quendam, in considerationem
 summæ illius misericordiæ & infinitæ virtutis passionis Christi,
 vt ita demum calore illo viuifico Christi conuertamur in ipsum:
 vt primò dicamus cum Paulo: Christo confixus sum cruci: Deinde:
 Viuo iam non ego, vivit verò in me Christus. Hic est huius
 sacramenti

sacramenti proprius effectus: hoc ipsum admonent nos panis & vinum, quæ materia sunt huius sacramenti: ut videlicet, si volumus membra esse corporis Christi, & ad Ecclesiasticam unitatem pertinere, permittamus nos sicut grana tritici frangi, & à propria voluntate discedamus: ut sic simus cor vnum & anima vna cum alijs. Hoc est enim quod Paulus docet: Vnusquisque proximo suo placeat ad bonum in ædificationem. Et de se dicit: Non quaerens quod mihi utile est, sed quod omnibus. Hæc est vera Ecclesiæ unitas in pane & vino significata nobis, & virtute huius sacramenti procudubio conseruata. Nec prætermittendum est, quod hoc ipsum verba sacramentalia nos doceant. Sicut enim credimus ad verborum illorum prolationem, mox creatas illas & insensibiles alioqui substantias statim cedere, & locum aduenienti Deo relinquere: ita docemur oportere nos diuinis præceptis obtemperare: & eius audito verbo, ab omni proprio sensu, amore & desiderio recedere, ut in D E V M transeamus. Et rursum sicuti videmus creatas illas substantias, quanquam esse desierint, non tamen redactas esse in nihilum, sed potius transmutatas in melius, & illa sua obedientia nihil amisisse boni: ita & nos quod ad obedientiam D E I promptiores fuerimus, & minus quasierimus nostra, eò magis perficiemur & deificabimur. Atque ideo hæc nostra in D E V M mutatio, quæ summa est totius religionis Christianæ, tot modis, tot figuris nobis in hoc sacramento commendata est. Hoc etiam non est prætermittendum, quod hoc sacramentum operatur in nobis renouationem, & rememorationem immensæ illius charitatis Christi, ex qua pro nobis factus est homo & mortuus est. Hoc itaque operatur in nobis, ut nunquam memoria hæc excidant: & è memoria quidem non sterili, sed deuotissima & affectu plena: ita ut merito credamus Christum ipsum in hoc sacramento, & passionem eius tanquam sigillum efficacissimum seipsum imprimere in animas nostras. Vt verè Damasc. lib. 4. de ortho. fide cap. 14. comparet carnem Christi ignito carboni in hoc sacramento. Diuinum, inquit, carbonem concipiamus, ut ignis in nobis desiderij assumens ex eo carbone ignitionem comburat peccata nostra, & illuminet corda, & participatione d. uini ignis igniamur atque deificemur. Possumus etiam merito sigillo d. uino hoc sacramentum conferre, in quo impressa ipsa imago bonitatis diuinæ, quæ filius est, impressa atque

DE FRVCTV

contenta & passio eius efficacissima virtute seipsa imprimant nobis : si modo nos exhibeamus in omni humilitate & mansuetudine tanquam tractabilem quandam cœram Christo ipsi operanti in hoc Sacramêto. Omnia itaq; hæc quinq; efficacissimam quandam virtutem conferendæ gratiæ in hoc sacramento ostendunt.

Art. 1. ad 1. Ex quo b. Thom. iufert, diligenter id considerans, quòd etfi alia q. 79. sacramenta sint instituta ad primam conferendam gratiam, quæ

Cætera sacra natura sua præcedere debet hoc sacramentum, tamen & illa vir-
menta virtu- tute huius sacramenti, & quia ad illud ordinantur, hoc efficiunt.

te sacre Eu- Vnde in eorum susceptione est iam votum huius sacramenti, sicut
charistiæ gra- supra dictum est : quare ipsum in voto operatur in cæteris sacra-
tiam confe- mentis, re verò susceptum auget gratiam, si iam præcessit, & non-
runt, nunquam etiam de nouo confert, vt statim ostendemus. In quo

augmento notat etiam idem sanctus Doctor in hac vita nunquam esse terminum, sed sicut alimentum corporeum auget su-
mentem quamdiu est in ætate augmenti, ita hoc sacramentum
quamdiu sumus in hac vita, quæ est tempus augmenti gratiæ.

Augmentum verò quod confirmatio præstat, habet terminum
quendam & statum : per illud enim in ordine ad alios quodam-
modo augetur & perficitur suscipiens, vt scilicet confiteatur fi-
dem : hoc verò augmentum est in ordine ad seipsum & ad De-
um, vt scilicet magis magisque Deo vniatur & illi assimiletur,
in quo quamdiu hic viuimus proficiendum est : non quòd iam

Philippen. 1. acceperim, inquit Paulus, aut perfectus sim : sequor autem &c.
Quinimò cibus hic cœlestis in finem vsque digne fumentes per-
ducit : quia protuldubio sumptus facit vt proficiamus, nec nos
deserit donec tandem ad patriam perducatur : similis in hoc illi cœ-
lesti mannx, quo vsque ad terram promissionis nutriti sunt filij
Israël. Ita igitur & nos excitati tanta virtute, tanta dulcedine &
suauitate Christi, in hoc deserto, quousque tandem ad veram il-
lam viuientium terram perueniamus, conuenit hoc cœlesti pane
semper vesci, si nolumus omnino deficere.

Eucharistia
sacra com-
missa pecca-
ta tollit, & à
futuris præ-
seruat,
Iam verò & circa peccata hoc sacramentum operatur primò
vt remittantur præterita, directè quidem & primò quòd ad cul-
pam, ex consequenti etiam quòd ad pœnam, per deuotionem vi-
delicet & contritionem quam auget hoc Sacramentum, quia
semper, vt beatus Thomas inquit, aliquid delet pœnx. Deinde
& præseruat à futuris, idque dupliciter, argendo videlicet vires
animæ,

animæ, & protegendo ipsam: ita ut merito hoc Sacramentum
& cibus sit interiora roborans, & arma atque munimentum ex-
terius, de quo in Psalmis dictum est: Paraſti in conſpectu meo
menſam &c. Ita beatus Thomas ſequentibus aliquot articulis
illius quæſtionis. Et de remiſſione quidem peccati venialis nihil
dubij eſt, cum conſtet, quod quanto Euchariſtia ſacra auget de-
uotionem & feruorem charitatis, tanto magis contraria omnia
auferit: quæ reuera ſunt omnia peccata venialia, remiſſiones vi-
delicet quædam, quibus retardamur à feruore dilectionis diuinæ.
Sed de mortalibus etiam notat illo loco, ea quandoque remitti,
modo dignè ſumatur, ſine conſcientia videlicet peccati, ut po-
ſtea dicemus. Fieri namque poteſt ut non ſufficienter præpara-
tus ſuſcipiat quis præcedentia ſacramenta: atque ideo non ſit
conſecutus remiſſionem: cæterum quia hoc ignorabat inculpa-
biliter hoc Sacramentum ſumens, nonnunquam iuſtificari po-
terit à peccatis illis: iſtud nunc interim ſuſcipiendum eſt, proba-
bitur verò in materia de pœnitentia. Hæc itaque operatur hoc
Sacramentum in ſuſcipientibus ipſum: alia verò quæ operatur
ut ſacrificium, conueniunt etiam non ſuſcipientibus, ut ſuprà
dictum eſt. Cæterum hæc à nobis in ſumma dicta ſunt tantum
ad explicandas res ipſas. Cupimus tamen & admonemus mi-
niſtros eius & qui populum docere debent, ut hæc ſuſius & plu-
ribus ſacræ ſcripturæ & patrum teſtimonijs roborata primò
ſibiſiſ commendent, deinde & his qui ad partici-
pandum huic ſacramento accedunt. Sunt enim
merito effectus huius ſacramenti diligenter
docendi & inculcandi populo, multis
ſcripturæ & patrum teſtimonijs:
hoc .n. præcipue curandū, ut
vero ſpirituali deſiderio
frequenter ſumatur
à fidelibus.

Fructus huius
Sacramenti
ſepe populo
eſt prædican-
dus.

DE PRÆPARATIONE LECTIO DVODECIMA.

De præparatione ad sacram Eucharistiam.



Equitur iam de præparatione necessaria ad dignè hoc Sacramentum suscipiendum: nam & in cæteris sacramentis de suscipientis dispositione diximus, eò quòd omnia sacramenta conuenientem in suscipientibus dispositionem requirant. Dicemus igitur duo circa hoc.

Primum. Quæ sit necessaria dispositio vt absque peccato hoc sacramentum suscipiatur. Nam cum susceptio eius sit manducatio, sumi non potest quin verum sit sacramentū: quod non oportet in alijs. Aliquando enim omnia sacramentalia signa baptismi suscipiens, ipsum Sacramentum non suscipit: vt si quis contrario & repugnantī animo ipsum suscipiat. Sed in hoc nostro sacramento quicumq; suscipit consecratam materiam, verè suscipit sacramentum. Interim fieri potest vt peccet accipiendo, & fieri potest vt non peccet, nec tamen consequatur fructum. Igitur de duplici hac præparatione agendum. Prima, vt sine peccato sumatur: secunda, vt etiam cum fructu.

Suscepturus De prima igitur dispositione certissima est omnium sententia, sacrā Eucha- requiri immunitatem ab omni peccato mortali: ita videlicet, vt ristia esse de- post diligentem probationem & examinationem conscientie ra- bet immunis tionabiliter iudicet suscipiens se esse absq; mortali peccato. Hoc ab oī peccato probat verbum Pauli: Probat autem seipsum homo &c. Et proinde grauisimum peccatum est, cum conscientia peccati mortalis ad hoc sacramentum accedere: & quidem post peccata quæ sunt immediatè in Deum, est maximum. Probat hoc b. Tho. art. 4. & 5. q. 80. suprà dictæ. Est enim primò hic apertissimum mendacium in ipsum sacramentum commissum: nam eius sumptio- ne significamus nos contendere ad veram vñionem Christi, cui-
us

1. Corin. 11.
Graui: simū
facilegium
cōmittit, qui
sibi de pecca-
to mortali

AD SACRAM EVCHARISTIAM. 57

ius tamen reuera contrarium in mente est, quando mortali con-
sentimus peccato. Deinde cum in hoc sacramento Christus vera-
citer contineatur, licet occultè : & ipse in Euangelio post peccata
quæ fiunt proximè contra diuinitatem, ea quæ fiunt contra eius
humanitatem posuerit : qui dixerit (inquit) verbum in filium
hominis &c. consequens est, hoc peccatum proximum esse pec-
cato crucifigentium Christum. Illi enim in corpus Christi sub
propria specie iniuriæ fuerunt : isti autem sunt non minus eiusdem
corporis Christi, licet non in sua specie, contemptores. Quod
ipsum Paulus significauit supradicto loco, dum ait : Reus erit cor-
poris & sanguinis Domini. Itaque post infidelitatem, odium
Dei, desperationem, crucifixionem Christi, & cætera similia, pec-
cata quæ fiunt contra hoc sacramentum grauissima sunt : deinde
& quæ contra cætera sacramenta, & res alias Deo sacras sunt :
tum demùm quæ in proximos committuntur. Et hæc quidem
(vt b. Tho. inquit) de peccatis æstimatis ex suo genere certa sunt :
quamuis ex circumstantijs possint alia esse grauiora : Itaq; non
dubitamus hoc peccatum maius dicere homicidio ex suo genere,
quanquam illud sit magis nocuum. Et certè si quis rectè expen-
dat quantum præstet Deus rebus cæteris, & post Deum Christi
humanitas : videbit quantum hoc peccatum sit, quod attinet ad
sui naturam : quamuis sint alia apud homines peiora. Hæc au-
tem dicimus, quando cum conscientia peccati mortalis accedi-
tur. Potest enim mortale haberi, nec tamen cognosci. Nam b.
Thom. art. illo 4. apertè docet, quòd cum peccato mortali acce-
dere ad hoc sacramentum, etiam sine conscientia illius, duplici
modo contingat. Primo ex culpa propria accedentis : cum sci-
licet aliquis (vel quia culpabili negligentia discuit conscientiam,
vel ignorat ea quæ sibi ad salutem necessaria sunt) putat se sine
peccato accedere, nec dubium est ad peccatum id imputari : &
quamuis tam graue non sit, quàm si cum conscientia peccati ac-
cederet : est tamen illi proximum. Alio modo fieri potest sine cul-
pa sua : quia scilicet ignorat esse peccatum inculpabiliter : vel dili-
genter discuit conscientiam, nec tamen quantum necessarium
erat ad consequendam peccati remissionem : & ita adhuc in pec-
cato accedit. Et tunc non solum non peccatur, sed magis ipsa sus-
ceptione disponitur, & quandoq; (vt dictum est) omnino iustifi-
catur. Et ex hoc ultimo gradu illud fit, quod in hac materia præ-

Horribile est
quod hic di-
citur, et tamé
verissimum.

DE PRÆPARATIONE

oculis habendum est, ut ad dignè accedendum ad hoc sacramentum non alia requiratur certitudo immunitatis à peccato, quam quæ potest probabili coniectura haberi: cum scilicet quis quantum putat rationabiliter sufficere ad rememoranda peccata, & ad verum eorum dolorem, & propositum emendationis, facit sine fraude & dolo. Alioqui oportebit nos aut nunquam accedere, aut expectare diuinam reuelationem, vel fidem Lutheratorū tenere, qua certò dicunt se credere remissa sibi peccata, non minus certò (inquiunt) quam credunt Christum crucifixum, sed de hoc aliàs. Catholici patres, & nos cum illis, imò cum spiritu sancto dicimus, nescire hominem an odio vel amore dignus sit, sed omnia reseruari in futurum incerta: & tamen diuinæ bonitatis non ignari, & testimonio illo conscientix, quo nihil nobis conscij sumus, freti accedimus ad hoc sacramentum: viuimus & morimur in vera consolatione: cum metu semper & tremore salutem nostram operantes, & nec in hoc putantes nos iustificatos. Vbi si accedat iudicium prudentis & pij confessoris, nihil est quod nimium timeri debeat: atque ita catholici conscientix nostræ & iudicis à Christo propositi testimonijs gloriamur in spe gloriæ filiorum Dei.

Cōfessio sacramentalis debet præcedere huius sacramenti sumptionē.

Quod verò mouet hoc loco Caietanus, an requiratur confessio mortalium quæ conscientix occurrunt? & audet docere quòd non sit necessaria, sed sufficiat sola interior pœnitentia, à prudentibus omnibus semper reiectum est: & communi sensu acceptum, necessariò præmittendam esse confessionem, vbi copia confessoris non deest: Nam eo deficiente, consistendi propositum cum contritione sufficeret. Et hoc (quanquam Caietanus aliter senserit) ex ipso iure diuino & natura huius sacramenti satis ostenditur. Cum enim cibus sacramentalis sit, præcedere debet viuificatio etiam sacramentalis. Et quòd sola contritione remittatur peccatum, verum est: tamen hoc sacramentorum omnium summum, ad quod cætera ordinantur sacramenta, meritiò requirit aliorum sacramentorum præparationem. Quod etiam concilium Tridentinum apertè definiuit: vnde inter anathemata in fine omnium ita dixerunt patres: Statuit itaque atque declarat sancta Synodus, illis quos conscientia peccati mortalis grauat, quantūcunq; etiam se contritos existiment, habita copia confessoris necessariò præmittendam esse confessionem sacramentalem: pœnam excommuni-

Nota definitionem sacri concilij.

AD SACRAM EVCHARISTIAM. 89

municationis latæ sententiæ imponens contrarium docentibus aut asserentibus, aut publicè defendentibus. Vbi verbum illud, statuit & declarat, hoc ostendit esse probabilius : & quod dubitationi reliquum esse poterat, propterea quòd non tam apertè in scriptura inueniatur, abstulit Ecclesia statuendo. Itaque non iudicauit contrarium erroneum esse aut hæreticum : quare nec nos iudicare debemus : sed tamen quia noluìt id disputari aut asseri, ita à nobis faciendum est.

Circa hoc restat de peccatis venialibus dicere, non quidem an Vtrùm peccate præteritis necessaria sit pœnitentia : nam sola deuotio suscipi- cata venialia entis hoc sacramentum sufficiens est ad illa delenda : multo ergo impediunt magis virtus ipsius sacramenti : de qua re suprâ. Sed dicendum de fructu sacra- his venialibus quæ in ipsâ sumptione sacramenti committuntur, Eucharistia, qualis est mentis euagatio circa extranea, siue licita siue illicita, modò sit venialis. Meritò itaq; queritur, an talia impediunt fructum sacramenti? Est verò grauius authorum sententia, quòd proculdubio impediunt. Ita b. Tho. dist. 12. quart. q. 2. art. vltimo : b. Bonauent. eadem dist. q. 1. secund. partis : Et Alexander de Hales quart. part. q. quart. membro 3. Quod & manifestissima ratione probant & communi, quam suprâ explicauimus. Homo (inquiunt) sicut non iustificatur, ita nec perficitur à Deo, nisi ipso cooperante : vt scilicet seruetur ordo suauis dispositionis rerum. Vnde & sacramenta ipsa non aliter operari superius diximus, quàm mentem excitando ad effectum suum consequendum. Cum itaq; charitas non augeatur, nisi cum augeatur affectus ipse & conatus, hunc verò impediunt etiam peccatum veniale : non putant eo manente augeri charitatem : multo verò minus credunt posse alios effectus haberi, spiritualis videlicet refectionis, consolationis, & gustus diuinæ dulcedinis : quæ proculdubio exigunt multo maiorem animi puritatem & quietem in Deum. Est etiam specialis & maior ratio in hoc sacramento, quàm in alijs. Hoc enim cum cibus sit spiritus, requirit actum spiritualis vitæ, hoc est, manducationem actualem, vt operetur : sicut corporalis cibus non nisi à viuente sumptus operatur. Cæterum quia ipse b. Thom. postea in 3. parte summæ q. 79. vbi de effectibus huius sacramenti agit, art. 8. apertè asseruit hoc peccatum euagationis animi, sicut non opponitur habituali charitati & gratiæ, ita nec impedire augmentum eius, & cōsequenter posse per hoc sacramentum auge-
ri.

DE PRÆPARATIONE

ri habitum gratiæ & charitatis: reddit hanc rem dubiam, quæ tamen non longa disputatione aut controuersia, sed prudenti moderatione expendenda est. Putamus igitur sequentia posse affirmari citra temeritatem & periculum.

Primum. Aliquam esse tantam mentis euagationem, quæ non solum totum fructum sacramenti impediatur sed reum etiam faciat grauioris peccati, & quæ sumentem non paruo periculo exponat: etiam si præter intentionem & sine peccato mortali contingat: Hoc enim probat ratio illa superius adducta pro priori sententia, & omnis proculdubio Christianus sensus, qui magnam tepiditatem, & ex ea longam obliuionem in hoc tantæ sanctitatis opere fugit & timet.

Secundum. Potest nihilominus tam parua euagatio esse, tam præter intentionem omnem, ut merito credi possit Deum misericordem non omnino auertere faciem & gratiam suam propter hanc, quæ sola infirmitas est humana. Igitur hæc non impedit, sed tanquam leuis quædam nebula dissoluatur virtute deuotionis præteritæ. Et nonnunquam fit, ut etiam in ipsa euagatione daret nonnullum desiderium feruoris & charitatis, vel saltem voluntas ipsa sumendi sacramentum: de quo illa b. Thom. sententia intelligi potest. Alibi verò b. Tho. asserit augeri habituales charitatem, non postea cum redierit animus ad se & ad Deum (nam de hoc nulla est quæstio) sed reuera etiam tunc.

Tertium denique est iam considerandum, quòd videlicet cum soli Deo satis notum esse possit quanta puritas animi, quamque attenta meditatio in sumptione huius sacramenti requiratur: accedentes oportet semper in omni vigilantia & timore sese custodire, nec facile sibi persuadere, sese, quocunque demùm modo accedant, fructum percipere: imò nec vlla quantumuis magna deuotione contenti esse debent, ubi maximè opus est esurie & siti iustitiæ. Nec etiam in alteram partem declinantes aestimare debent se semper sine fructu sacramenti esse, cum vel non experiuntur deuotionis dulcedinem, vel aliquid distractionis patiuntur. Meminisse namque oportet, quod eo ipso loco b. Thomas dixit, ad augmentum gratiæ habitualis non requiri tantam attentionem quanta ad spiritualem refectionem & gustum diuinæ dulcedinis percipiendam. Est porro hoc saluberrimum consilium & in huius
& in

DE MINISTRO EVCHARISTIÆ. 1,

& in cæterorum sacramentorum usu, quo monemur ad actualem deuotionem & desiderium gratiæ, & supplere etiam post illorum sumptionem, quod in ea defuit: operantur enim nonnunq̃ sacramenta sicut mortali peccato, ita & veniali recedente.

LECTIO DECIMA TERTIA.

De ministro huius sacramenti.



IN AM ordo postulat, vt de ministro necessario huic Sacramento, & eius dispositione dicamus: de quo dist. 13. quarti Magister & cæteri: & b. Thomas specialius q. 82. tertiz partis. Ex quibus vt breuiter necessaria tradamus, hoc sit primum.

Sacramentum hoc à solis sacerdotibus consecrari (ita vt à non ordinato nihil omnino fiat, quibuscunq; vtatur verbis) imò & à solis etiam sacerdotibus licitè administrari potest. Et quanquam probatio horum, quantum contra omnes hæreses sufficere posset, magis pertineat ad sacramentum Ordinis: vbi (dante Domino) certa authoritate discretio sacerdotum in Ecclesia à plebe probabitur: nunc tamen sufficere debet certissima Ecclesiæ authoritas, quæ in ordinatione sacerdotum obseruat, vt detur eis potestas ab Episcopo offerendi sacrificiũ &c. Cui Isidorus, vt habetur dist. 25. in decretis cap. Ad presbyterũ, apertũ testimoniu perhibet: cui etiam suffragatur convenientissima ratio, quam b. Tho. supradicta q. art. 1. adfert. Cũ enim hoc sacramentum in persona Christi conficiatur, nullus verò possit personam alterius, nisi potestate ab eo concessa induere: patet nec hoc sacramentum confici posse, nisi ab eo cui Christus contulit potestatem, sicut Apostolis in cæna, quibus proculdubio in hac potestate sacerdotes ita succedunt, sicut in altera potestate, quæ est in totum corpus Christi mysticum, Ecclesiam scilicet & populum

Minister sacramenti Eu-
charistiæ est
solus sacer-
dos.

DE MINISTRO

fiantum, ad omnia quæ ad salutem spirituales illius necessaria
 sunt, succedunt episcopi: de quo aliàs. Est itaq; ad hoc sacramen-
 tum non minus necessaria potestas consecrantis, quàm verba ipsa
 quibus consecratio peragitur. Cæterum quod ad ministrandum
 alijs hoc sacramentum pertinet, asserimus requiri etiam sacerdo-
 talem potestatem, vt licitè fiat. Nam fieri posse à quocunq; qui in
 sua habet potestate hostiam consecratam, certum est: legitimè
 tamen & licitè ac regulariter non dubitandum est ab eo solo ad-
 ministrari, à quo conficitur: sicut Christus primò cōsecrauit idem
 & ministravit, vt inquit b. Thomàs art. 3. illius quæst. Et patet q.
 ipsum officium proprium sacerdotis, qui medius est inter popu-
 lum & Deum, hoc exigat, vt quemadmodum populi orationes
 & oblationes ipse offert Deo, ita Dei dona per illum populo ad-
 ministrantur. Sanctitas quoque huius sacramenti exigit, vt non
 nisi à consecratis personis, & in consecratis rebus tractetur vel
 custodiatur, sicut de corporali lineo & calice patet. Vnde con-
 ciliū Remense (vt Gratian. citat de consec. dist. 2. cap. Peruenit)
 tanq̃ grauissimum abusum damnat, vel laico vel forminz com-
 mittere deferendum infirmo venerabile sacramentum: vnde nec
 diacono hoc licet. Nec certè dubitare possumus, hoc (sicut & pri-
 mum) diuini instituti esse, vt satis sensus Ecclesiæ ostendit: quanq̃
 constet nonnunq̃ aliter esse actum in nonnullis Ecclesijs ob penu-
 riam ministrorum. Scribit enim Eusebius 6. Histor. Eccle. lib. cap.
 34. ex Dionysio Alexandrino, presbyterum infirmitate detentum
 puero tradidisse Eucharistiam, qui noctis tempore ad eum vene-
 rat, rogans, vt ad infirmum deferretur, illiq; iussisse vt infusam in-
 firmo præberet: quod nec Dionysius ipse, nec Eusebius reprehendit.
 Ipsum etiam Nicænū conciliū diaconis nō omnino dispen-
 sationē huius sacramēti inhibet, aut saltem sibi vt suriant permit-
 tit, vt patet ca. 14. illius concilij. Ibi. n. absente episcopo vel presby-
 tero permittitur diaconis (vt suprà diximus) vt præsētāt & edant.
 Imò Eusebio teste lib. 10. ca. 6. inter 22. capita illius concilij vige-
 simum sic habet in fine: Si verò presbyter nullus sit in præsenti, tūc
 demum etiam illis licere diuidere. Nunc verò in Ecclesia cū ma-
 ior sit copia sacerdotū, & minor diaconorū, hoc sacramentū quā-
 tumuis maxima necessitate nō nisi per sacerdotes administratur,
 eò maximè, q. non tantz sit necessitatis vt baptizmus: & putan-
 dum est sola deuotione & proposito suscipiendi suppleri sacra-
 menti

menti defectum, quando hoc etiam fit in baptismo ipso, qui tamē maximē necessitatis est. Et hæc quidem de necessario ministro. Cæterum & illud non est omittendum, quod consuetudo Eccle- Plures sacer-
sæ Romanæ & multarum aliarum habet in ordinatione sacerdo- dotes vnam
tum & episcoporum, ut plures simul eandem hostiam cōsecrent: possunt con-
quod Innocentius 3. probat. Vnde b. Thom. art. 3. suprà dictæ q. sequare ho-
non dubitat asserere eandem hostiam simul cōsecrari à pluribus, istiam.
quando omnium intentio in prolatione verborum refertur ad
vnum idemq; instans. Quare anxia Durandi de hac re cura, qua
putat hanc consuetudinem auferendam esse, non probatur: imò
contrarium agitur ab omnibus ferè ecclesijs: nec est scrupulosus
insistendum, q. si vnus ante alium proferat &c. sed satis esse debet
quod de omnium concordia intentione dicit b. Thomas.

Est verò dubium in hac materia de peccatoribus publicis vel occultis, siue separatis ab Ecclesia excommunicatione aut degra-
datione, siue non, an verè hoc sacramentum conficiant: de quo
tria breuiter notentur.

Primum. Non est dubium sacerdotem ritè ordinatum quan- Sacerdos si-
tumuis publicum peccatorē, quantumuis ab Ecclesia damnatū, cet impius,
& excōmunicatione vel degradatione separatum possē hoc sacra- excōmuni-
mentum conficere, ita ut eius integritati nihil desit. Quod b. Tho. catus & de-
suprà dicta quæst. 7. & 8. arti. scripturæ, & Augustini maximè au- gradatus, tñ
thoritatibus probat. Nam Paulus se ministrum Christi, et vera eius verè potest
sacramenta dispensare nec dubitat, nec ab alijs dubitari volebat: consecrare.
Sic (inquiens) uos existimet homo, ut ministros Christi & dispen-
satores mysteriorum eius. Cæterū an bonus esset & fidelis, an non: 1. Corinth. 3.
non ita certò vel à se vel ab alijs definiri voluit: Pro minimo est
mihi (inquit) ut à vobis iudicet: sed nec me ipsum iudico etc. Quòd
si ad sacramēta pñciēda sanctitas ministri necessaria de vtraq; esset
esset æqualiter dubitandum. Quam quæstionē contra Donatistas
olim multi quidem patrum, præcipuè tamen Augustinus dili-
gentissimè in omnibus ferè libris contra ipsos pertractauit. Vnde
in secundo contra Epistolam Parmeniani, de potestate sacra- Capite 13.
menti ordinis apertè probat, nullo peccato vel sententia eam au-
ferri, ex eo quòd cum reconciliantur sic damnati, rursus non ordi-
nātur, sicut nec baptisāntur. Vnde ibidem (quod b. Thom. suprà
dicto loco adnotauit) diligentissimè distinguūt hæc tria, non ha-
bere potestatem, aut perniciosè habere, aut habere salubriter.

DE MINISTRO

Extra Ecclesiam ergo constitutus habet potestatem, sed perniciose: in illa verò salubriter: atque ita eodem modo vtuntur ea salubriter in Ecclesia, perniciose extra. Crauiter itaque eos peccare consecrantes, vel sumentes, vel administrantes, non est dubium: Idq; eò grauius, quò magis ab Ecclesia separati sunt.

Malorū ministrorū oblatio & oratio q̄ modo Deo grata.

Secundum hoc sit: Non tantum eos Sacramentum conficere, sed & oblationem ipsam, & orationes circa eam non minus prodesse, modò in persona Ecclesiæ ab eis fiant, quàm si boni essent: quod b. Thomas ait. 6. illius supradictæ quæst. manifesta ratione probat: quoniam non ministrum, per quem aliquid executioni mandatur, sed Dominum à quo mittitur Deus respicit: vt si malus famulus receptam à Domino pecuniam pauperibus eroget. Quantum igitur orationes pendent ex ipso orante, magis profunt boni quàm mali: sed cum oratur in persona Ecclesiæ, non nocet ministri malitia. Dubitant nonnulli de hoc, sed non magnopere ad nos pertinet: Deus enim nouit quo gradu accepta sint sibi bona Ecclesiæ & nostra omnia: nec rationabiliter in dubium verti potest, coram illius clementissimo tribunali semper præstò esse totius Ecclesiæ (hoc est sanctorum omnium ab initio sæculi vsq; ad finem) merita, desideria, & animi intentionem: quæ respiciens Deus exaudit ministros & membra singula, cum hæc offerunt nò iuxta suam dispositionem, sed iuxta quod sancti omnes & tota Ecclesia (quibus minister se coniungit, si quidem est in charitate, vel saltem quorum personam agit) digni sunt apud Deum. Quod igitur nonnulli disputant, an videlicet ea quæ Ecclesiæ nomine fiunt, modò gratiora sint apud Deum, modò minus grata, propterea quòd nò semper in Ecclesia æquè multi sunt boni, non est opus discutere. Certè totam Ecclesiam semper aspicit Deus, siue præsentem siue præteritam. Nec ego dubito vnquam à Deo petere, vt secundum intentionem & merita eorum qui preces illas, quas dicimus, ordinarunt & statuerunt, & omnium deniq; quibus ipse placet aut vnquam placuit, concedat: nò secundum nostram qui oramus. Nec tamen ideo non est verum, supplere omnes fideles meritis suis & operibus quæ desunt (vt Paulus inquit) passione Christi, & augere Ecclesiæ merita: sed omnia illa putamus Deum semper aspicere. Igitur orantis deuotio & sanctitas, siue offerentis siue participantis, magis agit vt particeps fiat orationum & meritorum Ecclesiæ, siue alius etiam propter illum,

lum, quàm vt addat quicquam illis, in quibus omnia proculdubio includuntur, quæ quocunque tempore grata sunt apud Deum. Quòd si quis de hoc dubitet, melius est Deo relinquere, & nihil temere affirmare : sicut neq; istud nos asserimus.

Vltimò tandem circa hoc notandum est de participatione, sacrificijs, & precibus impiorum sacerdotum, siue ab Ecclesia præcisorum. Circa quod duo sunt consideranda. Alterum, id quod iuris diuini est & naturalis : vt scilicet peccatis aliorum non consentiamus, multo verò minus auxilium præstemus, aut fauorem, aut denique omittamus correctionem illam necessariam. Cum enim ex separatione nostra, aut ex admonitione fructum speramus: non dubium nos ad eam teneri siue publicis siue secretis peccator sit, modò id sine iniuria illius fiat, seruato scilicet ordine Euangelico : sicut è contrario, si ex nostra participatione aut silentio agnosceremus illum confirmari aut animari ad peccatum, tenemur id euitare. Vnde b. Augustinus in lib. contra Donatistas, bonos ex participatione sacramentorum vel orationum cum malis dicit non coinquinari, cum vel pro pace, vel quia ignorantur, siue alia necessaria causa eos oportet tolerari. Et huc pertinent omnia illa quæ in scriptura dicuntur: Cum huiusmodi nec cibum capere : &, Nec aue ei dixeritis. Reliquum est, quòd cum in his omnibus euitandis iudicium Ecclesiæ meritò sit considerandum, olim quidem fuerunt maiora dubia circa euitandos hæreticos aut excommunicatos quoscunq; sed nunc in concilio Constantiensi ablata sunt, cum solos denunciatos ab Ecclesia nominatim euitare teneamur, nisi notorij sint percussores clericorum. Qua declaratione omnia quæ iuris positiui circa hoc erant, vel ex sententia Ecclesiæ sequuntur, mitigata sunt. Cæterum remanent quæ sunt iuris diuini & naturalis, quæ prius diximus.

1. Cor. 5.
Iohan. 2.

Nolumus etiam hoc loco circa ministrum omittere quod b. Thom. suprà dicta quæst. art. 10. ex autoritate b. Ambrosij, & ratione efficaci tenet: ministrum videlicet huius sacramenti, sacerdotem scilicet, etiam si nullam habeat curam animarum, tamen ex ordine ipso sacerdotali teneri, si non frequentius, saltem in præcipuis sollemnitatibus celebrare. Quod omittere etsi nonnulli putant leue esse aut non mortale, Ambrosius tamen graue esse dicit: & de sacerdotibus legis veteris in grauissimam reprehensionem

Sacerdos
etiam nō cur
ratus tenetur
celebrare, &
quando.

2. Machab. 3

DE CÆREMONIIS

nem dicitur, quòd non circa altaris officia dediti erant. Denique tantæ gratiæ diuinæ, vtilitatis Ecclesiæ & propriæ neglectus, quid est aliud quàm in vanum gratiam Dei recepit. Non auderemus itaque à graui peccato liberum credere hoc omittentem, mortale verò an veniale sit, Deo relinquimus.

LECTIO DECIMA QUARTA.

De ritibus superadditis vltra ea quæ
ad sacramenti integritatem
sunt necessaria.



Vperaddita sunt multa in hoc sacramento post ea quæ iam necessaria ad integritatem eius diximus, sicut & in ceteris sacramentis factum esse superius docuimus. Quæ quidem reuerenter seruare oportet, & quantum licet commendare & explicare populo: vt videlicet (quod Ecclesia intendit) ex eis excitetur ad deuotionem & reuerentiã, & aliorum, & huius maximè sacramenti: Et quoniam hæretici illa omnia contemnunt & tollunt ex Ecclesia vbiq; datur oportunitas, blasphemantes omnia: opus est illa confirmare, & certa auctoritate ostendere quàm sit temerarium, hæreticū, & schismaticū illa mutare: quod tamen breuiter agendum est. Pij namq; & synceris facile hoc persuaderi potest: obstinatis verò & contentiosis nihil sufficit.

Circa hæc igitur in generali quidem nihil salubrius & verius dici potest, quàm (sicut suprà attigimus ex Augustino in Epistola ad Ianuarium, & 1. & 2. epistolis, & in epistola ad Casulanum) quod post illa quæ sacris literis tradita sunt expresse, & post illa etiam quæ per totum orbem terrarū seruat Ecclesia (quorum duorum tanta est auctoritas, vt insanix insolentissimæ sit de eis dubitare: nam sicut scriptura à spiritui sancto, ita & ista aut per Apostolos

Apostolos siue ex traditione Christi, siue spiritus sancti speciali magisterio, aut per concilia eodem agente spiritu sunt statuta) cetera omnia quæ neque contra fidem, neque contra bonos mores sunt, habent tamen aliquid exhortationis ad vitam meliorem, etsi in diuersis Ecclesijs diuersimodè seruentur: sunt tamè pro lege ubi seruantur habenda, atque diligenter seruanda. Ita enim b. August. suprà dictis locis docet. Ex quo iam aperte quoq; sequitur, qualiter circa ritus eosdem vel diuersos, qui in Ecclesia seruantur, nos oporteat habere. Aut enim probaturi sumus illos ex scriptura, vel vniuersalis Ecclesiæ vsu: aut si nihil horum inuenitur, ostendere oportet non esse contra fidem vel bonos mores. Itaque tam longè est à vero quod magna specie pietatis dicunt hæretici, nullum cultum admittendum nisi verbo Dei stabilitum, vt ex hoc loco Augustini nos potius dicamus nullum reiiciendum, nisi quem verbum Dei reiicit, hoc est, quem constat contra fidem vel bonos mores esse. Et hoc proculdubio ex ipsa sacra scriptura, vel aperta fide, vel saltem ex eo quod omni vtilitate careat: quanquam in his tolerari multa in Ecclesia dicat Augustinus. Iuxta hæc igitur sententia erunt annotanda, quæ & authoritas illa Augustini, & scriptura ipsa sacra satis ostendunt, & non parum valere possunt ad quietandos fidelium animos.

Primum itaq; sit, In potestate Episcopi esse in sua Ecclesia eos ritus superaddere & instituire circa Christi sacramenta, quos iudicauerit secundum patrum doctrinam, conditionem gentis suæ, & experientiam, profuturos ad reuerentiam & deuotionem animorum circa sacramenta excitandam. Hoc satis ostendit res ipsa: extant enim diuersæ Missæ, & quàm diuersissimi ritus in eis diuersorum patrum & Ecclesiarum, tam latinarum quàm græcarum. Habentur Missæ Basilij, Chrysostomi, Ambrosij, Isidori, Gregorij, denique & Ecclesiæ Romanæ: & vsque ad nostram memoriam in Hispaniæ insigni ciuitate Toletæ, & Ecclesia illa Archiepiscopali priuatim quidem & seorsim habetur atque celebratur Missa, quam olim tota celebrauit Hispania, & cætera omnia diuina officia longè diuersis ritibus & cæremonijs, precibus & orationibus, ordinata (vt creditur) ab Isidoro. Paulus etiam Apostolus Tito aperte scribit: Huius rei gratia reliqui te Cretæ, vt ea quæ desunt, corrigas, proculdubio tribuens ei hanc potestatem supplendi quæ deerant, Quæ desunt (inquit) corrigas, Fatemur in hoc agendo multa

DE CÆREMONIIS

multa esse modestia & prudentia vtendum Episcopis, & curandum ne facile vel in minimo dissentiant ab Ecclesia vniuersali: hoc enim constat apertum schisma esse: solum igitur his quæ consona sunt sensui vniuersalis Ecclesiæ possunt quædam addere pro temporum opportunitate, modò caueant ne simplicem populum aut nouitate aliqua, aut mutatione probatarum iam consuetudinum turbent: quod August. in Epistola illa diligenter admonet.

Secundum. Dicimus etiam credendum esse primos illos Episcopos & fundatores Ecclesiarum in ritibus instituendis partim maiorum doctrina ex traditione Apostolorum, partim ex similitudine aliqua eorum quæ maiores docuerant, partim ex legis veteris cæremoniis proportionem aliquam ad Ecclesiam translatis, aut denique alia conuenienti ratione processisse, quibus & posteriores potuerunt quædam addere: Hinc putamus thuris & luminarium vsum &c. in Ecclesia seruari. Vanè itaque clamitant hæretici, petentes vt ista ostendamus in scriptura. Ostendant ipsi potius in scriptura damnari ista, vel hæc contraria esse fidei aut bonis moribus, vt Hiero. inquit contra Vigilant.

Nota.

Probata consuetudo non temerè mutanda est.

Quædã sunt quæ non nisi ab vniuersali Ecclesia mutari possunt.

Tertium denique istis subiungamus, quòd horum quæ iam instituta sunt mutatio siue abolitio omnimoda multo efficaciori ratione & necessitate fieri debeat, quàm potuit fieri institutio. Ita enim inquit August. supradicto loco: Mutatio ipsa consuetudinis quæ vtilitate iuuat, nouitate perturbat. Quare nonnunquam putat eam omittendam, vbi magna non vrget necessitas. Quæ omnia cum certissima sint & summa æquitate ponderata, quis iam non videat quanta sit stulticia hæreticorum, qui quicquid libuerit ordinant, modò habeat aliquam speciem antiquæ alicuius consuetudinis vnius aut alterius Ecclesiæ, quam nescio vbi aut legerunt aut diuinarunt: & quicquid eis displicuerit, damnant, Et (vt hoc etiam addamus) quædam sunt quæ non nisi vniuersalis Ecclesiæ auctoritate mutari debeant, quando scilicet aut vniuersaliter obseruantur, aut similia valde sunt vniuersalibus, vel certè iusta ratione positio iure referriata sunt tribunali supremo Romanæ Ecclesiæ. Quare tandem hoc vt certum statuendū est: Mutatione rituum Ecclesiasticorum vniuersalium, quos constat in tota Ecclesia seruari, priuata auctoritate factam, schisma atq; diuisionem Ecclesiæ esse. Ceterū aliquid auferre, & alteri (Catholicæ tamen) Ecclesiæ conformari, à Prælato licitè fit; à priuato autem non sine peccato,

Ex

Ex his igitur, vt ad specialia descendamus, summam & per capita attingamus singulos ritus. Et quidem non opus est laius vel probare vel explicare singulos: eò quòd hoc iam multi sufficienter fecerint: sed de illis admonere, & occasionem alios legendi offerre, in præsentiarum suffecerit.

Primo circa materiam ipsam, panem videlicet & vinum, repe-
rimus quædam superaddita necessitati: circa panem videlicet, sia in sacra
vt azymus sit, vel fermentatus. Ad integritatem enim sacramenti Eucharistia
fatis est esse panem triticeum. Sed quoniam oportet vt panis vel azymo pane
fermentatus sit, vel azymus, Ecclesia latina (vt b. Gregorius in-
quit) pane azymo vitur: Græca verò fermentato. Circa quod fermentato.
quoniam Ecclesia nihil recepit ab Apostolis præceptum, ita nec
ipsa certum aliquid præcipere voluit: Vnde (vt beatus Thomas
inquit art. 4. 74. q. 3. partis) tenetur quilibet ritum Ecclesiæ in
qua est, seruare: idque putat sine graui peccato omitti non posse.
Hinc & Honorius 3. officio & beneficio perpetuò priuat sacer-
dotes, qui in fermentato consecrant: vt habet cap. vltimo de ce-
lebratione Missarum. Et quanquam non dubium sit, sicut eo lo-
co dicit b. Thom. consuetudinem celebrandi in azymo rationa-
biliorem esse, quia ita creditur Iesus Christus celebrasse, & puri-
tati corporis eius (cuius hoc est Sacramentum) & synceritati
etiam fidelium (qui eo etiam significantur) hoc magis conuenit:
tamen quoniam & alia consuetudo non caret ratione aliqua (si-
gnificare enim potest vnionem diuinitatis cum corruptibili car-
ne nostra) modò Christum non credamus celebrasse ante pascha,
in quo errant græci, non omnino damnatur. Circa hanc mate-
riam panis, solus hic ritus superadditus est.

Circa vinum videmus missionem aquæ obseruari & præcipi Vino in eu-
omnibus, quod tota antiquitas Ecclesiæ semper tenuisse proba-
tur. Vnde & Alexander papa Apostolis vicinus, sextus videlicet miscenda est,
à Petro, in Epistola prima, quæ est ad omnes orthodoxos: Non
debet (inquit) vt à patribus accepimus & ipsa ratio docet, in ca-
lice Domini aut aqua sola, aut vinum solum offerri, sed vtrunq;
permistum: quia vtrunque ex latere eius in passione profluxisse le-
gitur. Et Cyprianus in Epistola ad Cæcilia, de Sacrament. Do-
minici calicis hoc quasi à Domino acceptum prædicat obseruan-
dum. Quare aperte ostenditur ab ipso Christo vel Apostolis fuisse
traditum, Vnde quanquam hoc ad integritatem sacramenti non
requi-

requiratur, vt beatus Thomas probat art. 7. q. 74. partis 3. quoniam cum mistio illa vnionem populi cum Christo significet, hoc verò non pertineat ad consecrationem materiæ, sed ad vsum fidelium: si id defuerit, nihil omissum est quod ad consecrationem pertineat. Quod proculdubio tenet communis sensus doctorum omnium. Materiam enim sufficientem ad sanguinis consecrationem vinum esse non est dubium. Quamquam igitur ita se res habeat, misionem tamen ipsam, vt à Christo & Apostolis acceptam, sub grauissimi peccati periculo retinendam esse probant illa quæ ex Alexandro & Cypriano adduximus: vt videlicet sacramentum hoc aquam illam & sanguinem, quæ ex latere Christi fluxerunt, & simul vnionem populi cum Christo significet. Vbi etiam docet beatus Thomas art. 8. eiusdem quæst. Aquam in tam parui quantitate apponendam, vt conuertatur in vinum, non è contrario aqua vinum conuertat in se, aut corrumpat: deesset enim vera materia. Nec opus est scrupulosè quærere, vbi aqua apposita maneat. Totum enim quod in calice est, vinum est: & id conuertitur in sanguinem Christi. Sed & illud beatus Thomas asserit, quòd eadem ratione qua aqua est apponenda, & eadem obligatione apponenda est aqua naturalis & communis, non rosacea aut quicunque alius liquor: quamquam nec illius appositio auferret veritatem sacramenti: cum ad hanc non sit necessaria. Panem ergo ex liquore alio quàm ex aqua confectum non esse materiam huius sacramenti putat ibi beatus Thomas, quoniam (suo iudicio) reuera non est panis, sed quiddam aliud: hinc verò in calice si manet vinum, nulla appositio tollit veritatem sacramenti: Circa materiam igitur huius sacramenti hæc tradita custodiamus. Ritus verò alieni hæreticorum eadem ratione reiiciuntur ab Ecclesia: quia scilicet nulla ratione iusta inuesti sunt, nec traditione probati, sed potius contra fidem & contra mores, vt Augustinus loquitur. Refert ille de nonnullis hæreticis (libro de hæresibus) stultissimos ritus habentibus, vt sunt Ophitæ, qui colubrum nutriunt & venerantur, atque oblationes suas eo lambente illas, & circa eas se voluntate, in Eucharistiam sanctificatas credunt. Et de Cataphrigis atque Pepusianis ait: quòd de infantis anniculi sanguine (quem de toto eorum corpore minutis punctiõibus extorquebant) Eucharistiam conficiunt. De Manichæis etiam refert tur-

pisianum

Capite 17.

Ca. 26. & 27

piſſimum ſcelus, quo ex ſemine panem conficiebant, in quo (ſi-
multiffima ſequentes dogmata) electi ſui ſacramentū hoc perfece-
rent & ſumerent. Alij etiam ſimiles ſuperſtitioſi ritus in oblatio-
ne vel conſecratione reieſti ſunt in decretis illis, de quibus ſuprà
diximus. Alexandri primi & aliorum, nihil præter panem & vi-
num offerri in altari præcipientium.

Sed & circa ſumptionem ipſam ſacramenti, vt à ieiunis ſuma-
tur totius Eccleſiæ conſuetudo eſt, teſtante Auguſtino epiſtola il-
la 118. Quanquam (inquit ille) primum celebratum poſt Chriſti non ni-
ſi nam fuit, non tamen propterea calumniandum eſt vniuerſæ Ec-
cleſiæ, quòd à ieiunis ſemper accipiatur. Placuit enim ſpiritus ſan-
cto id fieri in honorem tanti ſacramenti: et ideo per vniuerſum or-
bem mos iſte ſeruatur: quare non dubium eſſe debet, hoc ſine gra-
ui peccato non omitti, niſi ab infirmis, de quorum periculo dubi-
tatur: vt b. Thom. art. 8. 80. quæſt. 3. partis docet. Dicant itaque
nobis hæretici (ſi quidem iſta tenent & ſeruatur, & non prænſi aut
veſperi populo congregato in Eccleſia Euchariftiam tradunt, nec
hoc myſterium celebrant) quare ſine verbo & aperta ſcriptura
Deum colant? Quòd ſi iſta non tenent, ſint ipſi iudices vtri ma-
gis credendum, eis ne, an Cypriano, Alexandro, Auguſtino teſti-
monium perhibentibus de vniuerſalis Eccleſiæ conſuetudine &
idè; dicant abſq; ſtudio & affectu partium.

Poſt iſta ſequuntur multa & varia ad ſolennitatem & ornatum
huius ſacramenti pertinentia, quorū diuerſi authores à diuerſis re-
ſeruntur. Nec ſatis certè compertum eſſe poſeſt, quam originem
ſingula habuerint. In quibus vel totius Eccleſiæ vſus, vel alicuius
authoritatem habētis inſtitutio ſatis eſſe debet Catholico cuiſlibet,
vt ea veneretur, ſicut ex ſupradictis locis Auguſt. patet: aut certè ſi
nihil horum oſtendi poſeſt: cū conſuetudo manifeſta eſt, nō de-
bēt temerè reiſci, maxime cū ratio aliqua redditur, quare illa cō-
uenientia ſint, & aliquid habeant exhortationis meliorū morum,
vt ait Auguſtin. Quod idem curandū eſt in reliquis omnibus, quæ
vel vniuerſalis Eccleſiæ, vel etiam alicuius particularis certam au-
thoritatem habent. Nec dubium eſt multa illorum ex ſimilitudine
ritum legis veteris ſumpta eſſe, ita ſpiritu ſancto ſuggerēte, aut A-
poſtolis, aut ſanctis pontificibus. Quanquam enim illa legis vete-
ris abrogata fuerint, multa tamen inde mutuata eſt Eccleſia non
ſine magiſterio Spiritus Sancti, vt docet Leo in ſermonibus de

DE CÆREMONIIS MISSÆ.

ieiunij septimi mensis : & ipsa docet experientia quædam etiam ex ipsis ritibus gentilium , cum omnino auferri non possent , accepta fuisse , & in meliorem ordinata finem , Dei scilicet cultum : vt de aqua nonnulli putant : Alexand. sanè sextus à Petro , vt supra diximus , in Epistola 1. ad omnes orthodoxos , iubet aquam sale conspersam benedici : quamuis illius vsus quoque ex aqua lustrationis , qua utebantur Iudæi ad purgandas immunditias legis , sumptus videatur.

Aqua lustralis.

Iam igitur summam de singulis : Et primò quidem in his sunt vestium , in quibus celebrandum est , determinatio & consecratio : vasorum similiter consecratio , vt calicis & altaris , & linteorum etiam in quibus reponitur corpus Domini : sed et templi consecratio vel dedicatio huc pertinet , quæ omnia non dubium est à tota Ecclesia custodiri : Cuius auctoritatem b. Thomas art. 3. q. 83. putauit sufficere , sed rationes conuenientiæ diligenter tradit , quæ omnes sumptæ sunt ex reuerentia quæ huic Sacramento debetur , & ex expressiori significatione mysteriorum eius . Et si quid aliud de his specialius dici debeat , Gratianus de consecrat. dist. 1. affert sanctorum pontificum & antiquissimorum auctoritates , Hyginij videlicet , Felicis , Clementis , & Syluestri , de consecrandis Ecclesijs : & de vasis .

Clementis , Syluestri , Sixti : de vestibus , Stephani : sed & Conciliorum antiquorum multa adfert testimonia ,

vt ex Braccarensi , Aurelianensi , Triburiensi :

quæ quanquam prouincialia Concilia sint ,

fatis tamen huic vniuersalis Ecclesiæ

authoritati suffragantur : vt ob-

stinatissimi sit hominis de his

vel dubitare : stultissimi ve-

rò ea velle conuellere :

de quibus etiã quæ-

dam sequenti le-

ctione adda-

mus.

LECTIO

LECTIO DECIMA ” QVINTA.

De his quæ in celebratione Missæ superaddita sunt.



IN huius sacramenti celebratione sunt etiam lectiones, orationes, psalmi & hymni: & omnia quidem celeberrima. Sunt & gestus corporis, in genuflexionibus scilicet, aliisque id genus humiliationibus corporis, & crucis signationibus. Quæ omnia etsi constet ad integritatem sacramenti non esse necessaria: tamen non minori autoritate introducta sunt, nec minus & reuerentiæ sacramenti & significationi conuenientia, quam illa quæ proxima lectione diximus, vestes scilicet, vasa &c. Quæ & b. Tho. art. 4. & 5. 83. q. eadem confirmans autoritate explicat, eorum conuenientes significationes & causas reddens. Quæ omnia cum ibi ab illo, & multis alijs antiquioribus & recentioribus sint explicata, non est opus hic referre. Illud satis esse debet, quod illis omnibus præcipue representantur vitæ & mortis Christi mysteria: atque ita impletur id quod ipse præcepit in eius institutione. Hoc facite (inquiens) in meam commemorationem.

Confirmare etiam ista & probare, origines atque principia eorum referre latius & operosius, non putamus necessarium: quoniam (vt diximus) quanquam diuersa scripta sint, non tamen satis omnia comperta sunt, quod certè magis ostendit antiquitatem illorum, atque ita magis confirmat: Id tantum circa hæc iam dicamus, non deesse qui putent hæc omnia ab Apostolis accepta esse, sicut inter ceteros sentit Thomas VValdeñ. in harum rerum indagatione diligentissimus, qui multa antiquitatis collegit testimonia circa huius & reliquorum sacramentorum ritus contra Iohannem VVickleph, & alios sui temporis hæreticos, in lib. de sacramentalibus, quem librum huic temporis valde conuenientem

62.28.&c 31. iudicant multi viri docti. Is igitur tit. 4. illius lib. qui est de huius sacramenti ritibus, omnes huius sacramenti ritus putat ab Apostolis profectos esse. Et quodd in nonnullis historijs Pontificum vni aut alteri aliquod horum tribuitur, vt statim ostendemus, putat non de institutione intelligendum, sed de quadam rei iam institutæ restauratione aut cõmendatione. Et quanq̃ hoc nõ satis probari de omnibus possit, tamen August: supra dicta epistola ad Ianuariam apertè dicit ostendi ex illo verbo Pauli: Cætera cum venero ipse disponam: quod, quia multum erat vt in epistola totum illum agendi ordinem insinaret quem vniuersa seruat Ecclesia, ab ipso tamen ordinatum esse quod nulla morum diuersitate variatur. Et quidem admirandum est, quodd ipse Augustinus & de hoc verbo, Sursum corda, &c, Gratiarum agamus, quod in præfatione dicitur, tanquam de antiquissima re in Ecclesia recepta mentionem facit & in epistola ad Honoratum de gratia noui testamenti, & in alijs libris contra Pelag. Et beatus Ambrosius verborum quæ in secreto canone dicuntur, in libro de sacramentis mentionem facit: ita vt proculdubio credendum sit, si non omnia, pleraque tamen, & multo plura quàm alia esse ab ipsis instituta Apostolis. Igitur quod in multis decretis pontificum & cõcilijs legimus circa ista statui, aut in historijs eorũ de quibusdam specialibus hymnis vel lectionibus: credendum est ab Apostolis incepisse. Hinc Gratianus dist. 1. ex sexta Synodo citat illud: Iacobus frater domini secundum carnem, cui primũ credita est Hierosolymitana Ecclesia, & Basilii Cæsariensis Episcopus, cuius claritas per totum orbem refulsit in scripturis, ædiderunt nobis Missæ celebrationem. Et in pontificali Damasi papæ, quod Platina & alij referunt, diuersæ Missæ partes diuersis pontificibus tribuuntur. Celestino, qui quadragesimus quintus fuit, tribuitur introitus & graduale à quibusdam, & in pontificali legitur enim instituisse vt Psalmi legerentur antiphonatim ante sacrificium. Gloria in excelsis, Telesphoro, qui nonus fuit à Petro. Sanctus, Sixto prædecessori eius etiam ab ipso Damaso tribuitur. Platina Gregorio tribuit Kyrie eleison. Collectas Gelasio primo. Euangelium & Epistolas Hieronymo: & quædam alia alijs tribuit Platina. Etsi igitur opus non sit pluribus de his contra hæreticos disputare (quodd omnia conuenientissima sunt & exhortationem habeant ad bonos mores, & iam per totum orbem seruentur in Ecclesia)

breuiter

breuiter tamen dicamus qualiter defendenda sint quædam quæ illi reprehendunt.

Primo damnant Missas priuatas, imò omnes in quibus non adfunt qui communicent sacramento. Citant ad hoc Anacleti verbum epistola prima, Peractâ consecratione omnes communiantur, qui noluerint Ecclesiasticis carere liminibus. Similiter etiam in canonibus Apostolorum, & in concilio Antiocheno (dicunt) statuitur, vt qui Ecclesiam ingrediuntur & scripturas audiunt, neque communicant, communionem priuentur. Et quidem hoc eorum consequitur principia. Nam si Missa non est sacrificium: non est cur celebretur nisi ob communionem & participationem sacramenti. Cumq; sit Synaxis hoc sacramentum, communionis scilicet Ecclesiæ, non nisi in Ecclesia celebrandum contendunt, atque ita celebrari nolunt, nisi cum communicat Ecclesia. Verum eadem ratione reiiciendum est: quoniam cum Missa sacrificium sit quod offertur, & in quo oratur pro omnibus Ecclesiæ membris: non est cur non possit aliquis, etiam si non communicet, orationibus & sacrificio, participare, atque ita altare Missæ, imò & spiritualiter Christum sumere. Atque ita hoc sacrificium nunquam nisi nomine Ecclesiæ celebratur, sicut nec fides pro paruulis, nisi nomine Ecclesiæ promittitur, tamen potest ab vno aut pluribus nomine totius Ecclesiæ id fieri. A principio igitur Ecclesiæ, cum seruor ille recentis sanguinis Christi & spiritus sancti vigeat, quotidie communicabatur aut frequentissime. Quo tempore statuta illa Anacleti & concilij Antiocheni (quæ hæretici citant) sunt ædita: quanquam nec illa probent nunquam celebrandum sine communicantibus statutum fuisse: cœpit, verò deinde rarius id fieri: vnde postea saltem vt ter in anno communicaretur præceptum est à Fabiano papa, vt habetur de conse. dist. 2. cap. Etsi non frequentius. Caterum quanquam postea adhuc etiam rarius fieri permittat Ecclesia, tamen & conciliorum & pontificum multorum autoritate omni die Dominico iubentur fideles Missam audire. Ita in concilio Agathensi, Aurelianensi (vt Gratianus refert de con. distin. 2. cap. Missas, & sequenti) statutum est. Itaque priuatas Missas frequentius esse celebrandas, etiam si non adfint communicantes, satis multis Ecclesiæ autoritate probatur, nec quicq; habet contra fidem vel bonos mores, illud tamen hic obseruandum est, quod cum hoc

procul-

DE MISSIS PRIVATIS.

Non licet sacerdoti celebrare sine responsō dēte ministro, nec vlla contraria consuetudo excusat.

Notent hæc Germani sacerdotes.

Dno celebrati sacerdoti vt minimū deberēt adesse ministri: Author etiā vnum posse sufficere arbitrat. Qualis esse debeat qui celebrati. sacerdoti ministrat,

proculdubio sit sacrificium Ecclesiæ, non nisi in congregatione fidelium celebrandum esse, vbi scilicet fideles conuenerint, vel saltem aliqui sint eorum nomine. Vnde antiquiores pontifices primò quidem Episcopis non permittebant saltem sine septem diaconibus, aut etiam nonnullis presbyteris celebrare. Ita ex Anacleto & Lucio citat Gratian. dist. 1. cap. Episcopus. & sequenti. Sed & Sother pontifex decimus tertius à Petro omnino statuit, vt nullus presbyter, nisi duobus ad minus præsentibus sibiq; respondentibus celebraret. Hinc enim & Gratianus eadem dist. cap. Hoc quoque statutum est. citat. Neque vlla certè contraria consuetudine licitè abrogari potest tam antiquum & necessarium statutum. Hoc enim & natura ipsius sacramenti & reuerentia illi debita requirunt, & casus similiter (qui accidere possunt) infirmitatis aut obliuionis, propter quos minister prudens etiam & attentus in celebratione huius sacramenti adhibetur à tota Ecclesia. Quare abusus proculdubio reiiciendus est: quòd videlicet tam priuatim hoc sacrificium celebretur à multis in Germania, vt à nullo audiatur, à nullo respondeatur, nec curetur an aliquis præsens sit, an nullus: quòd magnæ profectò irreuerentiæ est & periculi: ex quo etiam hæretici non minimam ansam accipiunt loquendi cōtra Missas priuatas. Quare cū tanta sint quæ hoc exigant, & omnium Ecclesiarum Italiæ, Galliæ, Hispaniæ &c. consuetudo id habeat, & tam manifesto statuto ordinatum sit, non credimus sine graui peccato celebrari posse, nisi vno vt minimum Ecclesiæ nomine respondente & astante: hoc enim videtur iam recepta consuetudine sufficere, vt posteriores quidam, consuetudinis etiam attestazione freti, opinantur. Sed hoc seriò quoque admonemus, vt non nisi grauiusimè, & vt summum quoddam totius Ecclesiæ negotium celebretur hoc sacramentum, neq; quilibet etiam nullius sensus puerulus ad ministrandum admittatur, qui non potest in occurrenti aliqua necessitate aut obliuione adiutorio esse sacerdoti: quòd reuera est proprium diaconi officium. Cupimus autem ab Episcopis priuatim, aut in concilio generali hoc maturius expendi, & aliquid statui vt celebrius peragatur tantum mysteriū quod certè putamus valde conuenire, etiam si pauciores propterea celebrentur priuatæ missæ.

Reprehendunt etiam inuocationem sanctorum & orationem pro defunctis, quæ in Missa fiunt, Sed hoc non est opus nunc magis

magis confirmare, quàm quòd manifestum sit hoc fieri à tota per-
 vniuersum orbem Ecclesia, vt scilicet in sacrificio Missæ fiat san- In Missa re-
 ctum memoria, & viuorum omnium atque defunctorum fi- ctè & inuo-
 delium: de quo extant apertissima testimonia. Primum igitur cantur beati
 non tantum hoc reprehendi non potest, sed conuenientissimum & oratur pro
 esse apertissima ratione probatur: vt videlicet in hoc totius Ec- defunctis.
 clesie sacrificio omnia congregantur membra, quæ non sunt ir-
 reparabiliter separata, hoc est, vt ipse celebrans spiritu coniun-
 gatur membris omnibus Ecclesie quibus hoc sacrificium placet:
 & ijs videlicet qui in hac vita peregrinantur (quod fit cum dici-
 tur: Memento Domine famulorum &c. & omnium circum-
 stantium, quorum tibi fides cognita est &c.) & qui iam in pa-
 tria beati sunt (propterea dicitur: Communicantes & memori-
 am venerantes &c.) denique & in purgatorio continentur (qua-
 te etiam dicitur: Memento Domine famulorum, qui nos præ-
 cesserunt cum signo fidei & dormiunt &c.) quibus prodesse hoc
 sacrificium ad liberationem frequenter testatur Augustinus & in
 Enchiridio, & in libro de cura agenda pro mortuis. Vnde & in
 libro 9. confessionum asserit matrem suam curasse, vt pro se sa-
 crificium altaris offerretur. Ambrosi. etiam in oratione de obitu
 Valentiniiani iunioris, & eius et mortui fratris dicit se apud Deum
 futurum memorem. Itaq; re ipsa ostendunt, pro defunctis oran-
 dum esse, dogma fuisse Ecclesie tempore suo absque vlla con-
 traditione.

Reprehenditur rursum, quòd lingua latina celebretur: repre- Missa latina
 henditur silentium illud quo & verba consecrationis, & multa lingua rectè
 alia, post oblationem videlicet et præfationem à sacerdote dicun- celebratur.
 tur: Si enim benedixeris (inquit Paulus) spiritu, quis respon- 1. Corin. 14.
 debet, Amen, super tuam benedictionem? hoc est, si nullus in-
 telligat, quid proderit? Omnia itaque hæretici volunt & altè, &
 vulgari lingua proferri: quia reuera putant hæc omnia non esse
 aliud quàm prædicationem Euangelij: diximus enim superius
 ipsorum magistri dogma hoc fuisse: sacramenta scilicet non ali-
 ter quàm prædicatione Euangelij perfici. Et quidem si conside-
 remus verba illa sacramentorum, quibus ad eos loquimur qui
 suscipiunt, Baptizote &c. Confirmo te &c. poterat rationabi-
 lius videri quòd illa apertè prædicanda essent ijs quibus Sacra-
 menta tradimus: ea verò in quibus tantum conuersionem panis
 B b & vi-

DE CÆREMONIIS MISSÆ

& vini significamus, quare necessarium est clamando & audiente populo dici, maxime quando non adfuit qui communicent? Sed illi qui nunquam celebrandum putant nisi cum adfuit communicantes, magis ostendunt se in eo esse errore, vt credant in usu tantum esse corpus Christi in sacramento: nec mirum, cum idem de hoc sacramento et de alijs sentiant. Nos verò in omnibus aperte dicimus longè aliud esse sacramentorum opera & perfectione, & aliud prædicationem Euangelij. Illis igitur breuiter respondendum, quòd sufficere debet tantarum Ecclesiarum autoritas, non

Non expedit sine necessaria ratione. Sunt certe non parua pericula in trans-
populo scri- renda sacra scriptura in diuersas linguas: cum & translatio dun-
pturã trans- taxat ex græca in latinam, tanta difficultate vix tandem sine mul-
ferri in vulga- tis quæ explicatione egent, habeatur. Deinde nec populo expedit
re linguam. omnia euulgari. Profectò parabolæ multæ & ænigmata scripturæ
non minus in linguam vulgarem translata obscura sunt, quam in
ipsa latina: & multa in cortice abscon- duntur, quare egent in-
terpretatione doctorum, & possent in populo gignere aburdas o-
piones & crassiores sensus. Locus ille Pauli ad Corinth. docet
opus semper esse ad instructionem populi aperta, & quæ ab eis
intelligatur doctrina: quod iam fit in Ecclesia per doctores. Cæ-
terum non vult Paulus, vt semper & in omni loco & tempore
non aliud agatur in Ecclesia, quàm quod ad instructionem per-
tinet. Quis enim non videat aliquando orandum esse silenter,
aliquando & ministerio vocis ad id excitandum esse populum?
quæ omnia in sacrificio Missæ fiunt: & curare debent prouidi
prælati, vt de omnibus populus instruat & admoneatur, quali-
liter & ad ea quæ altè, & ad ea quæ silenter in Ecclesia dicuntur
se debeat habere, & intelligere mysteria, quæ nonnunquam se-
cretè peraguntur. Hoc igitur satis esse debet cuiusq; disciplina-
to ingenio: imò & multis poterant superflua videri, cum tam
aperta sit consuetudo Ecclesiæ de his omnibus, & tam vana ra-
tio contradicentium. Ingrediebatur in veteri lege solus sacerdos
in sancta, populo exterius expectante & orante: & quanquam
nosset quidem illi quid sacerdos ageret ingressus in sancta san-
ctorum, & mente se illi coniungerent, multo tamen magis ad
reuerentiam & venerationem sacrorum illa ratione admoneban-
tur populi: sic igitur nunc, quando sacerdos dicit (oremus)
aut (orate fratres) deinde secretò fundit orationes, quasi ingres-

DE RITIBVS ET CÆREMONIIS MISSÆ 93

ius in sancta sanctorum iubet populum in humilitate & vera fide sacramenta considerare quæ celebrantur, sed ab omni curiosa inquisitione se continere.

Cæterum quanta obligatione ista omnia seruanda sint, quæ circa ritum huius Sacramenti superaddita videmus in vestibus, vasis, lectionibus, certisque ad laudem Dei pertinentibus gestibus, & deniq; ritibus omnibus, dubitari fortè posset, sed, vt breuiter dicamus, hoc certum sit, ista omnia tanti haberi in Ecclesia, vt potius sit omnino à celebratione cessandum, quàm vel minimum illorum omittatur: nec pro vlla, quantumuis magna necessitate aut pietate aliquid Ecclesia omitti vult. Nec enim vel ob infirmi in extremis laborantis, consolationem absque consecrato lapide, vel sacris vestibus, aut certè à non ieiuno celebrari permittitur: quia cum hoc sacramentum non sit necessitatis, sed sufficiat votum & desiderium eius, non vult Ecclesia illud celebrari omisis ijs, quæ putat ab Apostolis magna ex parte tradita esse, & tam antiqua consuetudine obseruata. Ex hoc igitur meritò inferitur, hæc vel eorum aliquod ex intentione vel scienter omitti sine graui peccato non posse. Et certè, vt suprà diximus, quando intenderetur mutatio Ecclesiasticæ consuetudinis, periculum est schismatis: sed cum aut tædio, aut ob fugiendum laborem aliquid omittitur, vel ex negligentia id discendi, non quidè schisma, sed graue proculdubio peccatum iudicamus; cum tanti hoc fiat ab Ecclesia. Verum inconsideratio aut obliuio, quæ ex humana fragilitate sæpe accidit, non est graue peccatum reputanda, maxime eorum quæ non pertinent ad integritatem sacramenti.

Vltimò denique circa hæc illa consideranda sunt, quæ pertinent ad remedia adhibenda defectibus, qui ex humana infirmitate accidere possunt in huius sacramenti celebratione, de quibus beatus Thomas prudenter & diligenter hoc admonet, propter obliuionem vel omissionem siue defectum eorum quæ non pertinent ad integritatem sacramenti, non esse aliquid iterandum, nec cessandum post cœptam consecrationem, quin integrè totum sacramentum peragatur. Vnde si celebrantis vel mors vel alienatio aliqua accidat post consecrationem, peragendum per alium erit Sacramentum, etiam non ieiunum: sicuti si defectus vel materiz vel formæ deprehendatur, omnia repetenda sunt. Alioquin verò obliuio aut omisio non exigit vt aliquid repetatur, quæst.

Quàm necessarium sit omnes ritus missæ ab Ecclesia præscriptos seruare.

Quando in Missa aliquid & quādo non, item quando cessandum, & quando progrediendum in ea.

Art. 6. 83.

DE CÆREMONIIS MISSÆ.

aut omittatur cœpta iam consecratio. Itaque si vel non ieiunum se esse sacerdos recordetur, vel excommunicatum cœpta iam consecratione, debet intrepidè procedere, non autem si ante eam recordetur, nisi fortè propter graue scandalum. Caterum si vel non fuisse vinum in calice, vel non fuisse verba integrè prolata deprehendatur aut rationabiliter dubitetur, repetenda sunt omnia, etiam iam sumpta hostia, vel aqua, quæ vinum putabatur. Tunc enim iterum offerenda omnia, consecranda, & sumenda sunt, etiam si à non ieiuno sumantur. Integritas enim Sacramenti præ cæteris curanda est, utpote iuris diuini & institutionis Christi. Reliqua, ut superiori articulo dictum est, non pertinent ad integritatem. Nec in illis omittit doctorum diligentia consulere alijs, quæ rarò obuenire possunt, qualia sunt vomitus, casus venenosi alicuius animalis in calicem, & huiusmodi alia, in quibus ita reuerentia Sacramenti seruanda est, ut tamen nec lethale aliquid, aut venenosum, vel certè abominabile sumi oporteat. Consultitur itaq; his omnibus per asseruationem consecratæ materię, & alijs decetibus visis. Sunt circa hæc quædam magis in speciali tradita, quibus nonnunquàm opus est, quæ facillè ex his iudicari possunt.



DE SACRAMEN- TO POENITEN- TIÆ.

LECTIO PRIMA.

De poenitentia, quæ virtus est sacra-
mento hoc prior.



OSCIT IAM ORDO SA-
cramentorum, vt de sacramento poe-
nitentiæ quarto loco necessario salutē
animæ dicamus. Est enim, quod su-
prà dictum est, necessarium veluti me-
dicina in vita corporea, quæ non sicut
generatio, augmentatio, & nutritio
(quibus respondent Baptismus, Con-
firmatio, & Eucharistia) necessaria est,

sed tantum cum incidit infirmitas : ita & hoc sacramentum,
cum peccatum incidit.

Dicturi de hoc nouæ legis sacramento, prius agemus de poe-
nitentia illa peccati, quam ratio ipsa naturalis satis ostendit, sed
explicatur magis & plenè traditur in sacris scripturæ libris, & à
prophetis, multis quidem & maximis promissionibus, exhorta-
tionibus, terroribus & exemplis, & postea à præcursores Christi
annuntiatur: Poenitentiam agite. A Christo etiam non minus
diligenter proponitur, idq; in principio prædicationis: Poenitenti-
am agite &c. Et deinceps frequenter : Nisi poenitentiam egeritis,
omnes simul peribitis. Et cum adhibet exemplum Niniuitarum:
Surgent (inquit) in iudicio cum generatione ista, & condemna-

Poenitentia
necessaria
velut medi-
cina, eamq;
naturalis ra-
tio dicat.

Poenitentia
virtutis testi-
monia vtri-
usq; legis.

Lucæ 13.
Lucæ 11.

nifeltissimus vsus, qui poenitentiam proculdubio non absque gemitu animæ, compunctione, & anxio dolore describunt. Dole Michez 4. (inquit Micheas) & satage filia Sion. Et Isaias: Rugiemus quasi Isaias 59. visi omnes nos, & quasi columbæ meditantes gememus, Et rursum: Sicut qui concipit cùm appropinquat ad partum dolens Isaias 26. clamat in doloribus suis, sic facti sumus à facie tua domine. Concepimus & quasi parturiuimus & peperimus spiritum salutis. Confirmat liber Tertulliani, grauis & antiqui latini authoris, de poenitentia hanc significationem. Sunt multa aliorum patrum, Græcorum etiam, vt Chrysostomi: Latinorū, vt Ambrosij & Augustini testimonia, ita hoc vocabulo vtentium. Nec authoritas Hieronymi & aliorum translatorum in hac parte vlius est postponenda authoritati. De hac ergo rixa hoc sufficiat dixisse, quæ tamen magnam ansam præbuit magno errori Lutheri, de quo postea.

Similiter nec de definitione poenitentia multa dicere opus est, de qua vanissimè calumniantur Catholicos hæretici. Rem inquirimus, vt per eam salutem consequamur, quam non est opus multis aut præcis verbis definire. Vnde beatus Thomas in 3. parte, vbi quæ tradit de hac re maturius expendit, vt sanior partum de definitione sollicitus fuit. Certè si de hoc aliquid dicendum est, definitio Magistri distin. 14. libro 4. meritò laudari potest. Est (inquit) poenitentia, qua commissa mala cum emendationis proposito plangimus & odimus. Nam quod addit, & plangenda vltèrius committere nolumus, explicatio fuit præcedentium: sed hæc verba eius, cum res explicatæ fuerint, apertiora erunt.

Definitio poenitentia virtutis.

Nec volumus etiam importunius hoc, quod à scholasticis supradicto loco disputatur, ingerere: Poenitentia (videlicet) actus vel habitus, quæ virtus sit, an noua & ab alijs diuersa virtutibus Theologicis & Cardinalibus? & an infusa, an acquisita? in qua poenitentia animæ sit? quem deniq; ordinem ad ceteras virtutes habeat? Certè de his omnibus, præter contentionem, quod b. Thomas. in quæst. 85. 3. parte 5. articulis dicit, putamus doctè, modèstè, & vtiliter posse doceri.

Primum videlicet. Hunc actum, quo præteritorum peccatorum nos poenitet quatenus Deo contraria sunt, idq; propter ipsum, atque ad ea delenda & emendanda (deo iunxi) allurgimus atq; conueniamur,

Poenitere (sicut oportet) peccatorum

DE POENITENTIA VIRTUTE.

est actus quodam modo iustitiæ vindicatiæ.

namur, laudabilem esse proculdubio vehementer, atque ideo singularis & excellentis virtutis, quam iustitiæ, maxime vindicatiæ, partem similem esse dicit b. Tho. nisi quod illa in iudice est vel in ipso lēso: cum retribuit videlicet peccanti in se digna: hæc verò in ipso peccante, qui paratum se exhibet recompeniare quod iniquè egit in Deum: de quo meritò dictum est, quod sit quædam dolentis vindicta, semper puniens quod dolet se commississe.

Pœnitentia non potest perfectè à charitate aut qualibet aliâ virtute produci sed iuari.

Secundum. Hic ipse actus ita vt diximus productus, quanquã & à charitate, quæ omnia Deo contraria detestatur, & à virtute qualibet circa peccata sibi contraria possit non parum promoueri (prouocant enim ad actum illum virtutes hæc) non tamen perfectè ab eis produci potest, quæ ita sibi contraria expellunt & impugnant, vt non committantur: vel, vt si commissa fuerint, displiceant: Satisfactionem verò condignam pro illis quæ in Deum commissa sunt mala offerre, alterius negotij est: quod ita maxime ostendit: quia ad hoc opus est speciali Dei promissione & confortatione, vt quis peccato in Deum cognito non deficiat animo, & cum Cain dicat: Maior est iniquitas mea. Dolere igitur de peccato poterit humana fragilitas vel terribilis diuinis comminationibus, vel præsentè aliquo flagello admonita: dolere (inquam) poterit, etiam si nihil audierit de venia, idq; vtcunque: nec enim perfectè, nisi diuinæ gratiæ adiutorio fieri potest vera pœnitentia: sed agere ad compensandum & delendum peccatum nequaquam posset, nisi audiret: Fili peccasti? non adicias iterum, & de pristinis deprecare vt dimittantur tibi. Quo audito (de quo meritò id psalmi intelligitur: Auditui meo dabis gaudium & lætitiâ) exultant reuera ossa humiliata, vires omnes animæ & fortitudo peccato quassatæ reparantur, & assurgit mens cum spe veniæ ad hunc dolorem compensantem peccatum.

Ecclesiast. 11

Non possumus perfectè nostros viribus cōpensare & expiare peccata nostra.

5. Ethic. ad Nicom.

Tertium denique istud sit, ne calumnientur hæretici hanc compensationem peccati: quod scilicet refarcire & delere peccata non integrè aut perfectè à nobis fieri possit, idq; multiplici ratione deficere.

Primum, quoniam iustum integrè atq; simpliciter non nisi inter æquales esse potest, quorum vnus videlicet non est sub alterius potestate, vt ipse Philosophus inquit. Inter illos verò quorum vnus est sub potestate alterius, vt patrem, filium, seruum & dominum, non est iustum simpliciter, sed tantum modus quidam iustitiæ:

tix:

tiz : vnde dicitur ius paternum siue dominatium : multo igitur
 magis nostra erga Deum nulla potest esse iustitiæ æqualitas, vt
 qui bonorum nostrorum non egeat, cuius totum est quod ha-
 bemus. Quid enim habes quod non accepisti? Est verò quædam
 secundum proportionem magis & Dei misericordem volunta-
 tem retributio : cum scilicet facimus quod in nobis pauperibus
 & infirmis est, idq; Deus gratuita voluntate sua acceptum habe-
 re vult : quod triplici præcipue metaphora in scripturis significa-
 tur. Prima, viri et vxoris fornicarij. Tu fornicata es cum amatori-
 bus multis, inquit Hieremias : tamen reuere te ad me, dicit De-
 us. Secunda, Patris & filij, sicut in Psalmo dicitur : Quemad-
 modum miseretur pater filiorum &c. & Christus in Euangelio
 in filio prodigo reuertente ad patrem atque dicente : Pater, pec-
 caui in cælum & coram te, depingit pœnitentiam. Tertia deni-
 que est Domini & serui post fugam reuertentis : Sicut oculi ser-
 uorum in manibus dominorum suorum, ita oculi nostri ad Do-
 minum &c. Et quanquam his similitudinibus satis nostra ista ius-
 titia extenuetur, adhuc tamen multo minor est, non solum quia
 Dei respectu multo nos sumus minores, sed etiam quoniam nec
 ipsa quæ facimus, cum scilicet dolemus, emendationem promit-
 timus à nobis sunt, sed ipse ea in nobis operatur vt merito Hiere-
 mias dicat: Conuerte me Domine, & cōuerget. Itaq; exigit quædā
 à nobis ille vt pater, interim deterrere volens filios ab illicitis, sed
 illa ipsemet operatur in nobis & præstat: de quo non est opus nūc
 dicere plura: sed id dictum sit, vt quàm stultæ sint hæreticorum ca-
 lumniz appareat, qui aut putant aut simulant se credere, nos do-
 cere pœnitentiam remissionē peccatorum mereri, cum tantū di-
 camus illam necessariā esse, sed gratis à Deo nobis dari: Iustificati
 enim gratis per gratiam ipsius &c. & tamen requiri opus no-
 strum : Conuertimini ad me, & ego cōuertar ad vos. Igitur pœni-
 tentiam virtutē putamus aut omnino ignoratam philosophis, aut
 vix cognitā, vt qui superbientes humanæ infirmitatis remedia
 non agnouerunt, sed à Deo misericorditer insinuata est fragilitati
 nostræ, atq; ideo religionis pars est. Est enim verus cultus, quo
 peccatores Deum veneramur. Da (inquit scriptura) gloriam Deo,
 & confitere peccatū, quod ad pœnitentiam pertinet, & ideo pro-
 xima est theologicis virtutibus. Quanq̃ itaq; nō nisi post peccatū
 in nobis sit, atq; ita turpitudinem quandam præsupponat, quod à

Hieremias 3.

Pœnitentia
est dei donū.
Hierem. 31.Aduersarij
iniquē calū-
niatur catho-
licam doctri-
nam de pœ-
nitentia.
Roman. 3.
Zachar. 1.

Iosue 7.

DE PARTIBVS ET ACTIBVS

Scripta vete-
rum de pœni-
tentia.

virtute alienum videtur, ramen à virtute humanæ naturæ, quæ to-
ta subdita est peccato, non est alienum, vt præsupponat in homi-
ne quod debeat. De hac virtute sunt magna præconia apud anti-
quiores illos, videlicet Tertullianum, qui specialem librum de
pœnitentia ædidi: Chrysostomum in multis homilijs. Habemus
præcipuè 10. homilias huius argumenti in primo tomo: librum
etiam de vera & falsa pœnitentia inscriptum Augustino, quan-
quam meritò non putetur eius: habemus & duos Ambrosij de
pœnitentia, qui ab omnibus ferè vt Ambrosij citantur: quan-
quam reuera nec verbis nec sententijs videantur digni Ambrosio.
Omnes hi continent magnam commendationem pœnitentiæ, ex
quibus sumemus testimonia necessaria. Nec defunt plurima alia
scripta patrum de hac tam necessaria re.

LECTIO SECVNDA.

De partibus & actibus diuersis pœni-
tentia virtutis, vt videlicet prior
est sacramento.



X his quæ diximus prælibata est vtrunq; na-
tura pœnitentiæ virtutis: nam plenè non po-
test in hoc principio cognosci. Restat iam ita-
que tria de illa dicere. Primū, de diuisione ei⁹
& partibus: Secundum, de origine, principio
atq; progressu eius, radice videlicet & perfe-
ctione: Tertium, de necessitate, fructu ac vti-
litate illius. Ista igitur dicenda sunt nobis, omiſſa interim conſi-
deratione sacramenti & institutionis Chriſti, de pœnitentia qua
ratione à prophetis prædicatur.

Triplex pœ-
nitentia, vide-
licet ante
baptiſmū &
tūa deniq; etiam poſt baptiſmū, ſed pro grauioribus, atq; illis (vt
inquir

inquit August.) de quibus dictum est: Qui talia agunt, non possi- debunt regnum dei. Sumpta est hæc distinctio ex ipso August. ho- mil. de necessitate & utilitate penitentiae, quæ ultima est lib. 50. venialibus homiliarum, & vocat August. has tres actiones penitentiae. Tres (in- quit) sunt actiones penitentiae, quæ, ut b. Tho. ait. ultimo. q. 90. 3. bus. parte dicit, distinguuntur secundum diuersitatem temporis & sta- tus quo agitur penitentia. Ex quibus fit, ut à penitente diuersa im- mutatio vitæ intendatur, atq; ita fiunt diuersæ species actus peni- tendi. Ante baptismum enim penitet rationes compotem pec- catorum suorum, & intendit immutari in nouam vitam per spiri- tualem illam regenerationem: post baptismum verò peccans le- thaliter debet ita de peccatis dolere, ut velit præteritæ vitæ cor- ruptionem mutare, tanq̃ medicinali sumpto remedio: venialium ve- rò peccatorum cum penitet, immutatio quædam intenditur ab imperfectiori vita & operatione in perfectiorem, quam Augustin. suprà dicto loco omnibus quidem necessariâ in hac vita dicit, ne multitudinem venialium obruamur: unde & quandâ vitæ huius cor- ruptibilis & mortalis penitudinē nos debere agere dicit, ratione vi- delicet peccatorum sine quibus illa nō agitur, ut b. Tho. declarat q. 3. d. 17. lib. 4. Est quidē manifestissima hæc distinctio, sed in ea inter- im hoc est cōsiderandū, penitentia non nisi de peccatis volūta- te nostra cōmissis exigi à scriptura aut à patribus. Itaq; noua do- ctina est, qua hæretici hodie docent ad penitentiam oportere nos Penitentia tantum pro peccatis no- moueri lege cōdemnante peccata, & asserere omnes nos sub pec- cato esse. Non. n. cōmunia illa, quæ cum natura ipsa cōtrahimus- tra voluntate commissa sunt, ut Deus à nobis exigit penitenti- te commissis agenda. am, sicut nec originalis ipsius peccati opus est nos penitere: alio- qui omnibus imposita esset penitentia, etiam iustis, cōtra id quod in oratione Manasse scriptum est: Tu Deus iustorum non posui- sti penitentiam his qui tibi nunquam peccauerunt. Neq; in sacris literis unq̃ legimus penitentiam exigi nisi alicuius peccati: Peni- tentiam (inquit Petrus Symoni) age ab hac nequitia tua. Et quan- quam de his postea latius sit dicendum, in hoc tamen loco ad- monere oportuit plurimum errorum, quos noui hi doctores magna specie pietatis inferunt.

Vnus error est, quod penitentia non sit specialis alicuius per- sonæ vel temporis actus, sed omnium hominum & omni tempore, Cc 2 quali

Penitentia tantum pro peccatis no- stra volunta- te commissis agenda.

Actorum 8.

DE PARTIBVS ET ACTIBVS

Primus error quasi qui semper sub peccato simus. Cùm enim nec peccata di-
hæreticorum stingunt, nec iustum à peccatore discernunt, quid aliud agunt,
circa pœni- quàm imponendo omnibus pœnitentiam, ab eis auferre illius
tentiam. curam & sollicitudinem, qui veraciter ea egent? de quibus Paulus
2. Corin. 12. dicit: Vt lugeam multos ex vobis, qui peccauerunt, nec egerunt
pœnitentiam.

Secundus error. Secundus error, quòd pœnitentiam quæ incipientium est &
imperfectorum confundunt cum profectu atq; renouatione con-
tinua, de qua Paulus inquit: Renouamini spiritu mentis vestræ.

Ita enim Calvinus inquit: Pœnitentiam esse renouationem istam:
sed quanta hic confusio? quàm contra Paulum? qui hæc duo
tam distincta esse vult, vt dicat ad Hebræos scribens: Quapro-
pter intermittentes inchoationis Christi sermonem ad perfectio-
nem seramur, non: rursus iacentes fundamentum pœnitentiæ
ab operibus mortuis. Vides igitur quòd pœnitentia ad initi-
um pertinere dicit, & esse ab operibus mortuis, ac longè ab illo
conatu tendendi in perfectionem, qui continua illa renouatio-
ne significatur: de qua alibi dicit idem Paulus: Licet is qui foris
est homo corrumpatur, tamen is qui intus est renouatur de die in
diem.

Ad Hebræ. 6.

1. Corint. 4. Tertius deniq; error est quòd ipsam confundunt materiam, de
qua pœnitentia esse debet, imò nec ipsa peccata, quorsù duntaxat
pœnitentia est, verè nominant, aut si nominant, ita alienis qui-
busdam admiscant, vt vix agnoscas. Colligit Philippus capita
quæ ad pœnitentiam moueant, legem scilicet, iram Dei, pœ-
nas æternas, temporales calamitates, inopiam, infamiam, mor-
bum, & eiusmodi multa, propter quæ pœnitendum sit: inter hæc
dicit terrores & furores, & pœnas interiores, quæ duo videtur ad
peccata referre. Sed quorsum ista ita miscenda sunt? Nam ma-
la illa temporalia motiua quædam sunt, sed alongè valde: quæ
& nonnunquam, si aspiciantur, magis impediunt pœnitentiam:
cùm videlicet peccatoribus nihil horum contingit, quod non ra-
rò euenit. Bene est (inquit Hieremias) omnibus qui præuarican-
tur, & qui iniquè agunt. Illis etiam qui ista considerant sæpius cō-
uenit illud psalmi: Cùm occideret eos quærebant eum: vnde &
sequitur: Dilexerunt eum in lingua sua, cor autem eorum longè
erat ab eo. Sed demus aliquando illa mouere ad pœnitentiam:
sola tamen peccata sunt quæ ad hanc rem verè attinent: alia, si
aliquo

Hieremiæ 12.

aliquo loco habenda sunt, magis quædam occasiones, quæ alonge moueant, dicendæ sunt, quàm vera materia poenitentia. Et quid hæc (rogo) aliud sunt, quàm confusio & tenebræ? dum nec discernunt iustos à peccatoribus, studia tendentium ad perfectionem ab initijs conuersionis, peccata propria & actualia ab infirmitate & poenis peccatorum : & tamen hæc docentes putant se omnia illustrare, & clamant quòd omnia tenebris offundimus. Nos verò Ecclesiam & Augustinum, eius sensum explicantem, sequentes, tres istas species actuum poenitentia distinguimus, de quibus seorsim agemus, vbi ostendemus quàm aliter de peccatis ante baptismum commissis sit poenitendum, quàm post : quàm etiam aliter de mortalibus, quàm de venialibus. Nam neque eam quæ de venialibus est, neque quæ fit ante baptismum, poenitentiam vocauit Hieronymus, cum illam secundam tabulam post naufragium appellauit; super Isaiam in expositione verborum illorum tertij capitis : Peccatum suum quasi Sodoma prædicauerunt. Quod etiam Magister dist. 14. citauit, vbi manifestè baptismum integræ nauis, poenitentiam tabulæ fractæ nauis similem dixit : eam proculdubio intelligens, quæ post baptismum est : quod ex Tertulliano accepit lib. de poenitentia, qui eleganter ad poenitentiam exhortans ita inquit : Eam peccator mei similis ita inuade, ita amplexare, vt naufragus alicuius tabulæ fidem, hæc de peccatorum fluctibusmersum proleuabit.

Diuidit deinde Magister poenitentiam dist. 14. in interiorem & exteriorem : & quod attinet ad virtutem, hæc non differunt aliter, quàm interior & exterior actus virtutis, qui moraliter vnum sunt : quanquam exterior poenitentia dici possit quicquid exterius fit ex illo dolore procedens : non tantum videlicet exterior ille dolor vel eius manifestatio, sed etiam ieiunium & deiectio vultus, eleemosyna &c.. Atq; ita exterior poenitentia pertinebit ad partes, de quibus mox dicemus. Hanc rursus exteriorem poenitentiam diuisit Magister in occultam siue priuatam, & publicam. Et rursus hæc publica sub se habet solennem poenitentiam, de qua Magister distinctione 14. dicit, quòd iterari non debeat, citata auctoritate Ambrosij, secundo libro de poenitentia capite decimo, & Augustini, epistola ad Macedonianum. Imponebatur hæc poenitentia pro magno scandalo, atque ita cum magna solennitate, vt nunc habetur in Pontificalibus ; cæterum iam abolita est in Ec-

Secunda diuisio poenitentia, in exteriorem videlicet & internam. Exterior poenitentia duplex, scilicet occulta siue priuata, & publica. Poenitentia solennis.

DE PARTIBVS ET ACTIBVS

vilescit, idq; ideo, vt puto, quia huiusmodi peccata puniuntur in seculari iudicio: & quanquam non desint qui cupiant restitui hanc solennitatem, alij tamen, nec sine ratione, dubitant an id expediret Ecclesiæ. Illam igitur, ne vilesceret si in consuetudinem verteretur, Ecclesia noluit ab aliquo sæpius agi.

Tres pœnitentiz virtutis partes, videlicet contritio, cōfessio, & satisfactio.

Ponuntur rursus aliz partes pœnitentiz, contritio videlicet, confessio, & satisfactio: quas Magister enumerauit suprà dicta 15. dist. quæ & naturæ ipsius pœnitentiz, & scripturæ, ac doctrinæ patrum valde consonant, vt patebit cum de singulis agitur. Nunc circa illas satis fit hæc adnotasse. Primum, quod quam istæ vt nunc sunt ab Ecclesia, magis sint partes sacramenti pœnitentiz quàm virtutis, de qua nunc agitur, tamen si accipiantur communius, meritò partes integrantes pœnitentiz virtutis dici possunt, hoc est, actus necessarij vt perfectè & integrè impleatur, quod est huius virtutis, quemadmodum declinare à malo & facere bonum partes sunt iustitiz. Secundum, ex quo quod nunc diximus probatur, hoc sit, quòd sicut natura docet vtunque pœnitentiam ex illis quæ inter homines sunt, eamq; scripturæ postea apertius docent, & Christus ad certum modum illam definiuit, ita & istas eius partes.

Tres istæ pœnitentiz virtutis partes ratione & scripturæ auctoritate cōfirmantur.

Nam ex his quæ inter homines sunt, videre est, quòd cum filius, seruus, aut amicus patrem, dominum, aut amicum læsit, aut ratione quantis in illum aliquid commisit, si reconciliari vult, primò agnoscit & detestatur quod fecit, tunc illum in quem peccauit adit, & coram eo confitetur & agnoscit se male fecisse, demum offert se paratum satisfacere pro arbitrio eius in quem peccauit: ita etiam in peccatis in Deum commissis scriptura nos docet & verbis & exemplis fieri debere: vt videlicet primò vera agnitione peccati & detestatione coram Deo humiliemur: Quoniam iniquitatem meam ego cognosco, & peccatum meum contra me, vel coram me est semper, inquit Psalm. Deinde vt & hoc ipsum vel coram Deo solo, vel demum sicut ad illius gloriam pertinere agnoscimus, confiteamur. Est enim confessio peccati in scriptura: Dixi confitebor aduersum me iniustitiam meam. Et Iob sub execratione inquit: Si abscondi quasi homo peccatum meum, & celauit in sinu meo iniquitatem meam: cum scilicet ad Dei gloriâ & salutem suam illud oportuisset manifestari. Et huc pertinet illud quod suprà diximus: Da gloriam Deo, & confitere peccatum tuum. Et postremò etiam docemur

ceatur nos diuino iudicio subijcere, & quam ille imposuerit pœnam humiliter subire. Ego, inquit Psalmus, in flagella paratus sum. Et Hieremias: Corripe me (inquit) domine, veruntamen non in furore, sed in iudicio, ne fortè ad nihilum redigas me. Quæ tria etiam in pœnitentia Dauid de peccato Bersabee inueniuntur. Nam primò ad prophetæ durissimam reprehensionem dixit: Peccaui domino: & cum audisset: Dominus transiit peccatum tuum, mox etiam impositam sibi pœnam humiliter suscepit. Similiter & in peccato numerationis populi idem patet. Percussit (inquit scriptura) Dauid cor. Ecce contritio: deinde dixit ad dominum: Peccauit valde in hoc facto. Et demum trium pœnarum datur ei optio. Igitur videmus pœnitentiam & afflictionem interiorum cordis, quæ contritio dicitur: videmus manifestationem peccati, & demum satisfactionem: quanquàm ante Christum non admodum distincta aut explicata. Cæterum sine illis constat non esse integram pœnitentiam. Certè Cain agnoscebat peccatum suum cum diceretur ei, vbi est Abel, sed non confitebatur: postea confitebatur etiam, sed neque ad gloriam Dei, nec humili subiectione.

Hier. 20.

2. Regū 10.

2. Regū 14.

Gene. 4.

Impugnant omnes has partes aduersarij omnes, quanquam alij mitius alijs, sed ij periculosius: nam qui apertè negant, vt Caluinus, facilius agnosci possunt & vitari: at Philippus, qui vocabula illa admittit, reuera autem euerit quicquid per illa significamus, aptior est ad decipiendum. Sed quoniam quæ adferunt contra ista magis pertinent ad sacramentum pœnitentiæ, cum de singulis dixerimus, dilui poterunt. Hæc debent sufficere, quæ & naturali ratione & scriptura fundata ostendimus.

Cæterum adferunt & illi suas partes pœnitentiæ, ne non tantum videantur nostra impugnare: sed in eis ponendis, sua ipsorum diuersitas ostendit eos sensui proprio inniti. Alij contritionem & fidem, quam noua obedientia sequitur, partes dicunt, hoc est, actus ad eius integritatem pertinentes: contritionem conscientie terrores dicentes ex ira Dei & agnitione peccati: Fidem verò persuasionem, qua quis credit remissa esse sibi peccata, quod omnino volunt certa fide tenendum esse, sed ipsorum fide ista specialis vera non est. Scriptura enim docet cum dubio & timore remissionis peccatorum agendant esse pœnitentiam. Ita testantur Niinuitæ, exemplum pœnitentiæ, à quibus certè melius Philippus partes

Quas partes
pœnitentiæ
aduersarij in-
ter se discor-
des falsò cō-
stituant.

Ionæ 3.

DE PARTIBVS

Iohelis 1.

partes eius accepisset. Quis scit (inquiunt) si conuertatur & ignoscat Deus, & reuertatur à furore illo suo, & non peribimus? Et tamen hanc ita dubiam pœnitentiam & veram habuisse fidem coniunctam scriptura dicit: Crediderunt viri Niniuitæ in Dominum: & gratam fuisse Deo: Et vidit (inquit) Deus opera eorum, quia conuersi sunt à via sua mala, & misertus est. Iohel etiam per pœnitentiam sub hac dubitatione veniam proponit. Hæc dicit Dominus: Conuertimini ad me, & scindite corda vestra &c. & omnia claudens: Quis scit si conuertatur & agnoscat Dominus. Falsa est igitur ipsorum illa fides, & aliena à pœnitentia, contra quam superfluum est plura dicere. Certè si vera esset, omnem auferret timorem, nec secum pateretur contritionem illam quam asserit. Quod si dicat, illa adueniente auferri contritionem: quid potest dici stultius? Certè Niniuitæ & fidem habebant & contritionem simul: vera autem fides catholica initium est contritionis sicut & cæterarum omnium virtutum, sed non ideo pars eius dicenda est, sicut nec illarum: quod & nonnulli illorum aduertunt & dixerunt. Statuunt igitur pœnitentiæ partes, mortificationem & viuificationem, diuersis etiam sensibus. Nam nonnulli mortificationem ipsam cordis dolorem & afflictionem intelligunt: viuificationem verò ipsam remissionis certitudinem. Itaque re nihil differunt à supraddictis, nisi quod meritò magis sunt reprehendendi, quia nouum quæsierunt vocabulum in eadem re: & vtrisque est dicendum, certitudinem illam remissionis, qualis esse potest, spei scilicet, quanquam non sine timore, nullo modo partem esse pœnitentiæ magis quàm fidem, sed aliam omnino virtutem, spem scilicet, quæ attemperat pœnitentiæ dolorem, ne, sicut

1. Corint. 2. Paulus inquit, abundantiori tristitia absorbeat: de quo & illud psalmi intelligi potest: Potum dabis nobis in lachrymis & mensura. Exponunt alij mortificationem carnis esse affectuum omnium abnegationem, & illam crucifixionem assiduam, ad quam exhortatur Paulus: Mortificate (inquit) membra vestra quæ sunt super terram. Viuificationem verò eam dicunt, de qua ait: Renouamini spiritu mentis vestræ. Sed hoc quàm vanum sit, satis superius ostendimus. Hæc enim non tantum peccatorum, sed iustorum & perfectorum studia sunt. Doceant itaque quod ad rem attinet, & dicant quomodo illi cum Deo redire debeant in gratiam, quibus ob peccata sua Deus est iratus, Nam hoc demum quæri-

quærimus, & hoc omnes vocamus penitentiam. Nos verò (vt etiam hinc magis confirmetur veritas) videamus in Niniuitis tres nostras partes. Prædicant illi ex ore regis & principum vt conuertatur vir à via sua mala: en contritio. vt clament ad Dominum in fortitudine: ecce confessio. vt induantur sacco & ieiunent: ecce satisfactio.

LECTIO TERTIA.

Dereatu peccati, qui videlicet transeunte actu manet, & vera ratione remissionis eius.



Isturi iam de origine penitentiae & actibus, fructu atque necessitate eius, quoniam illud in primis manifestum est, penitentiam proprie ad remissionem peccatorum, non omnium (nec enim originalis) sed eorum quæ actu à nobis committuntur, & præcipue excludentium à regno cælorum, ordinari, in quo sita est vera iustificatio impij, illud putamus in primis dicendum, quod pertinet ad hanc peccati remissionem & iustificationem: quæ scilicet sit, & in quo constituta vera remissio actualis & mortalis peccati: vnde facile sequitur quid de iustificatione impij similiter dicendum sit. Vt verò hæc ordine tradamus, præmittendum ante omnia est quid sit ipsum peccatum: nec tamen hanc rationem ipsam peccati docere volumus in vniuersum, quod alterius est negotij & alibi à nobis tradendum, sed id tantum quod pertinet ad cognoscendam veram eius remissionem: quid videlicet transeunte ipso peccato, ipso videlicet actu siue omissione quibus peccamus, maneat in nobis quod remissione egeat, & illa deleatur.

Omissis igitur circa hoc minus vtilibus quæstionibus, dica- Post actum
mus quod scriptura sacra et certa fides nos docet. Et quidem post peccati hæ-
D d - actum ret in anima

DE REATV PECCATI,

reatus ceu
macula, ob
quam Deo
displicet.
Hieremię 2.
Iosue 22.
Ephes. 5.

actum peccati aperte scriptura dicit manere in anima maculam seu deformitatem & turpitudinem, propter quam meritò Deo ingrata est, & ab eo habetur odio. Hiere. dicit: Et si laueris te nitro, & multiplicaueris tibi herbam Borith, tamen maculata es coram me. Hoc ille ex persona Dei de Hierusalem dicit. Iosue quoque populo Israël ait: Peccastis in Beelphegor, & vsque in hodiernum diem macula huius sceleris in vobis permanet. Vnde & Paulus de Christo inquit, quòd dilexit Ecclesiam suam, & tradidit semetipsum pro ea, lauans eam lauacro aquę in verbo vitę, donec (inquit) exhibeat sibi Ecclesiam non habentem maculam aut rugam, aut aliquid huiusmodi.

Dist. 18. 4.
& b. Tho. 1.
2. q. 86.
In quolibet
peccato mor
tali anima
auertitur à
Deo ad crea
turam, cui af
fectu & amo
re adhæret.
Cap. 2.
Cap. 8.

Hęc verò macula quid sit, conuenientissimè explicatur à Magistro sententiarum & b. Thom. Constat enim in omni peccato auersionem esse animę à Deo. Dum enim neglectis eius mandatis & reſtitutione legis sęę, creaturę adhæret anima atq; ad illam conuertitur, dat terga Deo. Vnde meritò clamat Hieremias: Verterunt ad me tergum & non faciem: Et ibidem: Me dereliquerunt fontem aquę viuę. Et multa sunt in hanc sententiam apud eundem Deo ad creaturam, cui af hęc auersione contentiosa? Hęc igitur duo cū sint in omni peccato, maximeque commissionis, vbi manifestius hoc apparet, certum est præcipuum à quo peccatum malum dicitur, imò solum, auersionem hanc esse, quę meritò nihil aliud esse dicitur, quàm priuatio debiti ordinis. Debemus enim hoc Deo & naturę nostrę, vt actus nostri iuxta legem suam dirigamus, & ordinemus in ipsum, quo ordine actus peccati caret, vnde & peccatum dicitur. Comitatur verò inordinationem hanc conuersio illa in creaturam, quę, quod ad peccantem attinet, causa est auersionis. Cū enim peccans hoc intendat, vt bono aliquo creato fruatur, dum nimium illud amat, incurrit in deordinationē hanc & auersionem à Deo, etiam si non velit ipsam, imò neq; cogitet: de quo dixit Dionysius, quòd nemo intendens malum operatur. Non vult peccans auerti à Deo, sed vult aliquid bonum creaturę, cuius nimio amore fit, vt auertatur à Deo. Sicut igitur hęc duo sunt cū actu peccatur, ita etiā transeunte actu peccati manet anima in eadem dispositione auersa videlicet à Deo, elongata & separata ab eo, coniuncta verò & conuersa ad creaturam. Sicut enim post motum aliquem corporeum id quod mo-

tum

tum est manet (quamdiu quiescit, & quamdiu in contrarium se ad eam **con**uertat, non mouetur) separatam ab eo à quo discessit & auersum, etiam corpore, si in contrarium motus est, coniunctum verò illi ad quod accessit: ita omnino fit in peccato. Est in anima proculdubio suus accessus & recessus, est sua approximatō ad Deum vel ad creaturam, non corporea neq; corporis passibus, sed spiritalis, affectibus scilicet & morum similitudine. Iam illud etiam & scriptura sacra & ratio ostendit, ex conuersione & coniunctione ad Deum illustrari & perfundi luce quadam diuina animam, qua deiformis efficitur, atq; ita pulcherrima, non proportionem membrorum & colorum corporis, sed proportionem spiritalium virium, & deiformitate illa omni luce corporea pulchriori & lucidiori. Vnde etiam dixerunt quidam, gratiam nitorem quandam animæ esse sanctum & reconciliantem amorem. Certum est hanc pulchritudinem efficere animam dignam quæ à Deo ametur: vt exhiberet (inquit Paulus) sibi gloriosam sponfam: non quod prius digna sit amari anima quam ametur, sed verissimum est illud Iohannis etiam hic: Ipse prior dilexit nos, prior, non solum antequam diligeremus eum, sed antequam digni essemus qui diligeremur ab eo: ante inquam, non tempore, sed efficientia & causa: simul enim vtrumque est, & quod digni simus amari, & quod amemur, sed hoc illius est causa. Dum enim Deus amat animam, dignam eam facit suo amore, sibi que conformem. Quam multa sunt in scriptura de hac re testimonia. Nam quod frequenter repetitur in psalmis: Illustra faciem tuam super seruum tuum: Illumina vultum tuum super nos. quid aliud significat, quam illustrationem hanc? Paulus etiam apertius ait: Gloriam Domini speculantes (de filijs gratiæ Euangelicæ loquens) in eandem imaginem transformamur à claritate in claritatem. Et Iohannes de beatitudine quidem illa perfecta: Similes illi erimus (inquit) quia videbimus eum sicuti est. Illa igitur visio patriæ, quoniam perfectissima est, & parit feruentissimum amorem, perfectè assimilat nos DEO. Quare necesse est vt ita credamus, quod visio hæc fidei, quia hic in speculo & in ænigmate videmus, etsi non tam perfectè, tamen assimilat nos Deo quanto magis in nobis excitat eius amorem: amore enim veraciter vnimur DEO atque assimilamur ei: Iohanne dicente: Qui manet in charitate, in DEO manet, & DEVS in eo.

Anima conuertēdo se ad Deum illustratur, & ornatur, & deiformis efficitur.

2. Corint. 3.

1. Iohan. 3.

1. Iohan. 4.

DE REATV PECCATI,

Cum itaque hæc tam manifesta sint, non minus manifestè ex eis sequitur quòd illa auersione & deordinatione atq; elongatione à Deo priuata sit anima luce illa & pulchritudine deiformitatis, quam ex coniunctione ad Deum habuit: quam priuationem meritò tenebras, deformitatem quandam & maculam dicimus: priuationem scilicet lucis illius diuinæ & spiritualis pulchritudinis, qua ille animam illustrabat. Hæc itaq; auersio & obtenebratio animæ illi contigit ex conuersione ad creaturam, veluti umbra quædam ex obiecto corpore quodam opaco & obscuro, id est, inferiori quodam creatura inter Deum & animam obiecta. Nam & illud etiam non omittendum est, quòd eadem ratione ex adhæssione creaturæ contrahit etiam anima quandam cum ea similitudinem, sicut meritò scriptum est de peccantibus, quòd fa-

Anima auer-
tens se à Deo
uersione & con-
iunctione ad Deum
verè consequitur
anima pulchritudinem;
non quidem corpoream,
sed spiritualementem,
hoc est, sit suo modo
deiformitatem: necesse est
ut ex conuersione ad creaturam
cum deformis & auersione à Deo
non solum illam amittat,
sed sicut corpus con-
immunda ac tactu rei
immundæ maculam &
immundiciam contrahit,
ita & anima
assimilationem quandam
eius quod diligit, quod cum
inferius sit ipsa anima,
reddit illam indigniore
atque ita fœdam: hæc
est enim impuritas
spiritualis sanctitati
contraria: quod locus
ille apertè dicit: Facti
sunt abominabiles &c.
Id quod explicat etiam
Psalmus de peccatore
loquens: Comparatus est
iumentis insipientibus,
& similis factus est illis.
Et demum Hieremias
in mystica illa sua
lamentatione sub
similitudine Nazaræorum
de iustis in peccato lapsis:
Candidiores (inquit)
Nazari eius niue &c.
denigrata est super
carbones facies eorum.
Ecce itaque veram
deformitatem atq; priuationem
pulchritudinis in anima,
& verà maculâ. Nec certè
opus est disputari quid hæc
sint, an aliud videlicet
quàm priuatio. Profectò
sicut id à quo peccatum
malum est, sola priuatio
rectitudinis est, sed coniunctum
habet inordinatum motum,
ut diximus: ita quod manet
post peccatum priuatio est
ordinis & pulchritudinis,
auersio est & obscuritas
ex illa carentia rectitudinis,
sed coniunctam habet maculam
ex conuersione ad creaturam
precedentem, qua illi quod
amat similis facta est. Manet
virtute quidem amor ille quo
anima complexa est creaturam,
quousq; contrarius aliquis
affectus produca-

Q. sex 9.

prodicatur ab ipsa anima, non minus, ut diximus, quàm id quod corporaliter mouetur manet elongatum & auersum ab eo à quo discedit, & coniunctum ei cui appropinquauit, donec aliter moueatur. Hæc itaq; sunt quæ verè remanent post peccatum, à quibus & peccatores, & fœdi atq; obscuri efficitur, priuati pulchritudine gratiæ, & indigni qui amemur à Deo, digni qui odio habeamur : hoc enim reuera est esse peccatorem. Quod ideo tam diligenter admonemus, & inculcamus etiam, quoniam etsi consequantur peccatum multa alia mala præter hæc, quorum quædam auferuntur cum remittitur peccatum, quædam etiam manent: illa tamen omnia propter hæc quæ dicta sunt magis tanquam effectus quidam & sequelæ peccati dicuntur in peccatore esse, q̄ ipsum peccatorem cōstituere. Ut verò hoc apertius fiat, & quoniam proderit etiam huic proposito pœnitentiæ & negotio præcipuo eius, quod est detestatio peccatorū, referamus hæc quæ consequuntur peccatum mala. Primò igitur constat peccatum consequi deordinationem quandam virium omnium animæ. Minuitur enim & infirmatur ipsa eius natura, omnesque vires illius: quod & Psalmista explicat: Cor meum (inquiens) conturbatum est in me, dereliquit me virtus mea, & lumen oculorum meorum non est mecum. Itaq; & cor, & oculos, & vires non quidem corporis, sed animæ destitutas sua propria perfectione, conueniuntur: Vires inquam animæ, quæ sunt ratio, quasi oculi: voluntas, quasi cor: concupiscibilis & irascibilis, quasi organa, destituta sunt vera cognitione boni, vero eius affectu: & hoc est: Lumen oculorum meorum non est mecum, cor meum conturbatum est: denique destitutæ sunt temperantia & fortitudo, quæ merito vires animæ dicendæ sunt, ut de illis dicat: Dereliquit me virtus mea. Hæc enim sunt vulnera illi naturæ, quæ descendenti à Hierusalem in Hiericho inflicta sunt à latronibus, (ut Beda in eum locum ex scriptura & patribus considerauit) quæ explicat b. Thomas suo loco: Ignorantia scilicet, malitia, concupiscentia & infirmitas: sicut priora illa, macula, & cetera intelligi possunt per spoliationem illam, de qua dicitur: qui etiam spoliauerunt illū: quæ rectè significat gratuitorum omnium ablationem. Iam ad vulnera hæc pertinet & infirmitas atq; debilitas animæ ad resistendum diabolo & malo, ad superandas tentationes, & ad perseuerandum in bono, quæ ex peccatis generata est: item propensio in

Mala quæ
peccatū cō-
sequitur ve-
lut effectus
quidam.

1.2. quæst.
85.

Lucæ 10.

DE REATV PECCATI

Obligatio ad
pœnam, quâ
reatû pœnæ
vocant, etiâ
consequitur
peccatum.
q. 87. 1. 2.

Rom. 2.

Deuter. 32.

A pœna pec-
cati, quæ bo-
na & à Deo
est, non dici-
tur, quis pec-
cator.

Scotus d. 14
quæst. 1.

peccata: quæ omnia tanto maiora sunt, quanto ipsa peccata ma-
tiora, diuturniora, aut frequentiora: tanto enim illa magis obte-
nebrant & labefaciunt vires ipsas naturales animæ, quanquam
nunquam ex toto auferant. Quoniam enim anima iuxta fidem
immortalis est, ita etiam suas has vires ex toto non potest amitte-
re. Sequitur etiam peccatum obligatio ad pœnam, siue (vt beatus
Thom. inquit) reatus pœnæ. Exigit enim hoc Dei iustitia, exigit
ordo rerû, & indita hominibus ratio, vt qui ordine à Deo consti-
tuto perturbato plus sibi permisit quàm iuxta illum licebat, pu-
niatur etiam subtractione eorum quæ licita alioquin illi erant: &
qui ultra præfixam sibi mensuram se extulit, deiciatur etiam gra-
du non solum eo in quem illicitè ascenderat, sed eo etiam, quo
licitè consistebat. Hæc est enim ratio iustæ vindictæ, à qua omnis
infigitur pœna. Quòd verò peccatum omne pœna sequatur
in Dei iudicio, apertè testatur scriptura. Tribulatio (inquit
Paulus) & angustia in omnem animam operantis
malum. Et Moises in cantico de peccatis loquens ex perso-
na Dei. Nonne (inquit) hæc condita sunt apud me, & signata
in thesauris meis? Mea est ultio, & ego retribuam eis in tempo-
re. Hi enim thesauri sunt iræ, de quibus Paulus: Thesaurizas (in-
quit) tibi iram. Vbi illud etiam aduertendum, quòd etsi peccata
quædam consequatur æterna pœna, alia verò temporalis tantum:
atque (vt ita dicamus) quædam pœna sit quæ vt hostis & inimicus
punitur peccator, alia verò quæ vt amicus & in gratiam receptus
vel in ea permanens, pœnæ tamen ipsæ non sunt malæ, sed bonæ
potius, quibus deordinatio peccati reparatur, atque ideo à
Deo sunt, dicente scriptura: Si est malum in ciuitate quod ego
non fecerim. Atque ideo ab eis non dicitur quis peccator aut
malus, sed potius ab eo, quòd dignus est puniri: hoc enim est
quod Dionysius dixit, puniri non esse malum, sed dignum esse
pœna. Dignus verò pœna est aliquis ex macula & deformitate
atque turpitudine illa, quæ idcirco ratio est, & (vt ita dicamus)
forma peccatorum constituens: illa verò omnia effectus eius
sunt. Itaque non satis consideratè putamus dictum esse, neque
scripturæ & Augustino consentaneè, quanquàm id quidam pu-
tauerint, post actum peccati nihil aliud remanere, nisi quòd à
diuina voluntate ordinatur peccator ad pœnam, atque ita or-
dinatus habetur in ratione iustitiæ eius. Ordinari ad pœnam
seuera

reuera bonum est, vt diximus: & quicquid in voluntate diuina ac ratione est circa peccatorem, bonum est, nec ab eo peccator dici potest, sed à malitia illa & de formitate manente post actum peccati. Iam verò illud indignum putamus theologo, anxie quærere quid illa sit, relatio ne an absolutum, positium an priuatio sola: hæc enim nihil ad rem pertinent aut scripturæ intellectum. Vidimus iam peccatum solam priuationem esse, Peccatū manet post actū sicut malum, illamq; manere transcunte actu peccati, quod peccati in satis esse debet. Deordinatio etiam illa & macula in conuersione ad creaturam contracta manet quidem virtute, vt dictum animo cum est: propter quam dignus est puniri peccator, propter eandem auersione & reus est peccati, & obnoxius non tantum pœnæ, sed prius culpæ, macula contracta. & propter culpam pœnæ. Non enim quia in iudicio decernitur quis puniendus aut punitur, idcirco malus est & peccator, sed è contrario, quia talis est, puniri iubetur. Hoc putamus Augustinum intellexisse cū in primo de nuptijs & concupiscentia hoc inquirens, eorum (inquit) peccatorum quæ manere non possunt, quoniam cum fiunt prætereunt, reatus tamen manet: & nisi remittatur, in æternum manebit. Reatus certè in hac materia, vt omittamus quid apud ethnicos authores latinæ linguæ significet, in vsu translationis scripturæ quam habemus, & in patribus ipsam significat (vt ita dicamus) obligationem & constitutionem, quia sub peccato tenetur peccans: vt reatus peccati sit, quo reus eius constituitur. Sic ait scriptura: Percussit dominus populum pro reatu vituli. Et rursum cū de occisione hominis, cuius ignoratur author, purganda loquitur: Auferetur (inquit) ab eis reatus sanguinis. Augustinus etiam ipse eodem loco ita se intellexisse satis ostendit. Ait enim, de hoc loquens: Nam si quisquam (verbi gratia) fecerit adulteriū, etiam si nunquam deinceps faciat reus est adulteri, donec reatus ipsius indulgentia remittatur. Ecce igitur reum & reatum simul coniungi ab August. Quod diximus, ne quis putet ex consuetudine loquendi quorundam, reatum solam obligationem ad pœnam esse. Est reatus culpæ, obnoxium scilicet illi esse: est etiam & pœnæ reatus. Itaque non putamus hoc melius explicari posse, quàm vt intelligamus reatum esse illud, quo digni sumus pœna. Ex quibus iam perspicuum fiet (quod præcipuè quæritur) quid propriè sit remissio peccati, Sic enim Augustinus

Exodi 32.

Deuter. 21.

Alius reatus culpæ, alius pœnæ.

DE REATV PECCATI

Quid proprie sit remissio peccati.

Remissio peccati aufert maculam animæ, priuationem pulchritudinis, inordinationem & auersionem eius à Deo. Scotus ubi supra. **Remittere peccatum non est idem quod nolle ipsum punire aut impunitare.**

Psal. 31. Peccata quæ do remittuntur non tantum teguntur, sed verè delentur.

Colos. 2.

Aninus ex altero alterum intulit eodem loco. Remissio enim peccati est, qua fit vt non habeamus peccatum, ita enim inquit: Si à peccato desistere esset non habere peccatum, sufficeret vt nos moneret scriptura: Fili, peccasti: non adicias iterum. Sed hoc non sufficit: addidit enim: Et de pristinis deprecare vt tibi remittantur. Manent ergo nisi remittantur. Et rursum ibidem: Hoc est non habere peccatum, reum nō esse peccati. Remissio ergo facit, vt non sit reus peccati: facit non primò & proprie vt non puniatur, sed vt non sit dignus puniri. Aufert ergo maculam, aufert priuationem pulchritudinis, aufert auersionem & deordinationem à Deo. Itaque eadem ratione putamus non satis explicatam esse hanc remissionem ab eo, qui dixit peccatum remitti à Deo non aliud esse, quàm quòd nolit peccatorem propter illud punire. Nec verbū illud psalmi: Beatus vir cui non imputauit dominus peccatum: quo videtur exposuisse quod suprà dixerat: Beati quorum remissæ sunt iniquitates, & quorum testā sunt peccata: quasi remitti peccatum sit solūm non imputari ad pœnam: hoc (inquam) verbum non adiuuat ita sentientes, sicut nec quod Augustinus in eius loci expositionem dixit. Nec enim negamus in remissione peccati hoc esse, nolle scilicet illud æterna pœna punire, non tamen hoc solūm esse peccati remissionē vsquā dicit scriptura, aut patres. Sic enim Augustinus eo loco inquit: Cooperta sunt peccata, testā sunt, abolita sunt. Si texit peccata Deus, noluit aduertere: si noluit aduertere, noluit animaduertere, noluit punire, noluit agnoscere, maluit ignoscere. Nec sic intelligatis quod dixit, peccata cooperta sunt, quasi ibi sint & viuant. Hæc eo loco Augustinus. Vbi intueri quòd morem scripturæ sequens, non tantum cooperta, sed & abolita dicit: vnde infert non permanere & viuere illa postquam remissa sunt. Non itaque solūm non vult Deus punire, sed delet. Dele (inquit psalmus) iniquitatem meam. Quid est aliud, dele, quàm quod ibi etiam ait: laua me & munda me? Et Paulus etiam, quamvis sub similitudine & metaphora, eodem modo loquitur de Christo: Delens (inquit) quod aduersus nos erat chyrographum, affigens illud cruci. Vbi quid aliud chyrographum putamus dici, quàm decretum diuinæ iustitiæ, quo non solūm puniendus iudicatur peccator, sed dignus pœna? Hæc peccati malitia, quæ dignum reddit peccatorem damnatione, & in mente eius & in diuino iudicio, scripta dicitur per Hieremiam,

remiam. Peccatum Iuda scriptum est stilo ferreo in vngue adamantino, & exaratum super latitudinem cordis eorum. Vngue adamantino nonne meritò significari potest diuina iustitia propter insuperabilem illam & inflexibilem vim? In ea igitur scripta dicit peccata, nec in ea solùm, sed in mente ipsa peccantis: exaratum (inquit) super latitudinem cordis eorum. Quid verò aliud scriptura hac, quàm macula ipsa & deformitas peccati melius intelligi potest? Vt sicut diuina gratia dicitur à Paulo in cordibus nostris describere quodammodo Christum: Manifestati (inquit Corinthiis) quòd epistola estis Christi, ministrata à nobis & scripta non atramento, sed spiritu Dei viui, non in tabulis lapideis, sed in tabulis cordis carnalibus. Sicut itaq; gratia spiritus sancti ipsum Christum scribit in cordibus nostris, dū nos illi conformat: ita peccatum describit Sathanam, eius superbiam & impuritatem, cū nos illi assimilat: hoc verò deletur remissione: vt videlicet Dei perfecta sint opera. Indignum est enim vt remissione sua nō auferat quicquid mali attulit peccatum, & non addat bona maiora malis quæ peccatum attulit. Hæc est remissio peccati, de qua loquitur scriptura, quam non dubitamus ablutionem veram tor-dium animæ dicere, & veram illius conformationem & configurationem cum Deo. Vnde Paulus de fornicarijs & adulteris, & cæteris peccatoribus locutus: Hæc quidem (inquit) aliquando fui-sus, sed abluti estis, sed sanctificati estis, sed iustificati estis in nomine Domini nostri Iesu Christi, & in spiritu Dei nostri: vt ita demū remissio peccati sit vera mutatio animæ. Nec tamē existimes Catholicum aliquem hoc docere, quòd in remissione peccati non fiat vera mutatio animæ, sed sit sola non imputatio peccati: hoc Lutheri est, de quo postea dicemus. Catholici omnes non dubitant, iuxta scripturam, in remissione peccati veram infundi animæ gratiam & charitatem, & alia diuina dona, quibus Deo assimilatur. Sed disputatur inter catholicos tantummodo, quid remissio ipsa peccati sit: & putant nonnulli solam esse non imputationem ad pœnam, siue nolle punire, vt dictum est: nec tamen dubitant simul verè immutari animam donis his diuinis. Nos verò remitti peccatum, dicimus hæc omnia simul, & præcipuè quod pertinet ad ablutionem & purificationem animæ, qua auferitur omnis illa deformitas peccati: & propterea hæc diuersitas nihil fauet Lutherano errori, neganti omnem inherentem iusticiam:

2. Corint. 3.

1. Corint. 6.

Ec nec

DE POENITENTIAE NECESSITATE

nec certè magni momenti est, sed de solo nomine remissionis peccati. Nos verò de his admonuimus in hoc principio, vt agnoscat quid ipsa scriptura sacra dicat remissionem peccati. Ex dictis enim satis patet, in ea idem esse remissionem peccati, ablutionem animæ, denique ipsum deleri, peccatorem conuerti: hæc enim omnia pro eodem accepit scriptura, de quibus & inferius manifestius dicemus.

LECTIO QVARTA.

De necessitate pœnitentiæ ad remissionem peccati.



DICTVM est lectione proxima quid post peccatum maneat in peccante, quod remissione auferatur, atq; ita etiam manifestum fuit quid sit ipsa peccati remissio. Ex illis igitur non erit difficile agnoscere, quàm sit penitentia ad remissionem peccati necessaria, & quomodo atq; ratione requiratur. Loquimur verò de peccati actualis, & quidem mortalis remissione. Constituitur igitur nobis ante omnia de ista re hoc certissimū fundamentū.

Peccatū mortale nō remittitur sine pœnitentia.

Peccatum mortale sine pœnitentia, sine detestatione, odio, atque dolore sui nulla ratione remittitur, sed nec posse remitti & scriptura sacra, & certissima ratio docet.

Primò igitur omnium, cū remissio peccati ex diuina voluntate pendeat, dicente Psalmista: Tibi soli peccaui: quasi diceret: ideo tu solus remittere potes: meritò ex scriptura, in qua hæc diuina voluntas ostenditur, petenda est cognitio huius, qua scilicet ratione & conditione remitti possit. Constat verò in scriptura semper Deum exigere à peccatoribus pœnitentiam, nec aliter remissionem peccati promittere: sine ea igitur nullo modo asserendum est peccatum remitti. Audiuius superius de hac re scripturæ auctoritates, Apud Ezechielem (in primis) loquitur Deus: Si impius egerit

AD REMISSIONEM PECCATI. 170.

e-gerit pœnitentiam ab omnibus peccatis &c. vita viuet: omnium iniquitatum eius non recordabor. Imò & negatiua ipsa ab eodẽ apertè asseritur: quod videlicet non aliter remittatur. Sic enim loquitur: Impietas impij non nocebit ei, in quacunq; die conuersus fuerit ab impietate sua. Et iterum: Si dixero impio, morte morieris: & egerit pœnitentiam &c. omnia peccata eius quæ peccauit non imputabuntur ei. Et ibidem: Si impius non fuerit conuersus à via sua, ipse in iniquitate sua morietur. Ita loquitur ibi Deus, siue annuntiati illi fuerit peccatũ, siue nõ: semper (inquit) ipse in iniquitate sua morietur, si non fuerit cõuersus. Christus etiã in Euangelio dicit: Nisi pœnitentiã egeritis, oēs simul peribitis. Et Petrus Apostolus in prima illa post receptum spiritũ sanctum concione, quærentibus, Quid faciemus, Viri fratres (statim inquit) pœnitentiam agite. Et rursus in alia concione: Pœnitementini & cõuertimini, vt deleantur peccata vestra. Non est opus in hac re tam aperta diutius immorari. Vniuersaliter omnibus qui actu peccarunt lethaliter, imponitur pœnitentia: neq; vllò tempore in vllò statu sine hac peccatum remittitur. Nec omittenda est manifesta etiam ratio fidei, quæ his testimonijs scripturæ consonat, quam b. Thomas hoc loco diligenter considerauit. Constat enim in remissione peccati Deum omnem indignationem & iram, quibus significatur instat punitionis eius voluntas, remittere, peccatoremq; in suam gratiam & amicitiam recipere. Hoc est enim remitti peccatum, non vltèius videlicet iratum esse & offensum peccatori, eumq; ad suam gratiam reuocasse. Iam si hoc attentè consideremus, duo videbimus inde manifesta fieri. Primum, quod cùm Dei operatio semper perfecta sit, & eius voluntas efficacissima, non enim quasi homo expectat Deus bonitatem in nobis quam amet, sed suo amore illam producit, ita videlicet, vt nullum amet, quem sic amando dignum non efficiat eo amore: ita etiam cum remittit peccatum, dignum facit remissione & gratia sua. Secundum, Peccatà re- quod hæc nõ sunt mutatione aliqua diuinæ voluntatis: nõ quod mittuntur à prius voluit, desijt velle Deus: non voluit punire, & modò nõ vult: Deo recipien- neq; prius iratus fuit peccatori, & modò placatus: sed hæc omnia te peccatorẽ mutationem significant peccatoris, & Dei operationem in ipso. in gratiam Remittere igitur iram quid aliud est, quàm ipsum peccatorem suam sine officio mutare, vt non sit dignus puniri? Non itaque aliud est amare mni diuinæ quem non amabat, quàm dignũ facere amore eũ qui dignus non voluntatis erat. mutatione.

Ezechiel. 33

Lucæ 13.

Actuum 2.

Actuum 3.

3. part. q. 86.

art. 2.

DE POENITENTIAE NECESSITATE

erat. Non aliud remittere peccatum, quàm facere vt non sit dignus odio, hoc est, pœna æterna, qui antè dignus erat. Ita cogitemus, si verè & iuxta fidem cogitare volumus hæc omnia. Deus immotus manet, Deus tranquillus manet, bonus quidem semper & iustus, paratus præmiare & punire: peccans verò ab eius recedit bonitate, & ab illius voluntate præmiandi: incidit verò in iustitiam & in voluntatem puniendi eiusdem: quæ certè quanquàm nobis aliter dicantur, eadem tamen omnino sunt in Deo, quia omnia infinita: sed nos tantilli, qui omnia tenere non possumus, ita imitamur. Si igitur cùm peccatum est, sola mutatio facta est peccantis, etiam cum remissum est peccatum, sola eius mutatione opus est: mutatione inquam, qua sicut per peccatum factus est dignus pœna, ita per hanc mutationem fiat modò dignus amore. Quomodo verò potest fieri, vt non sit dignus pœna peccator, & vt amore sit dignus, quamdiu manet auersus à Deo? Necesse est igitur vt conuertatur & mutetur, quod veraciter sit per pœnitentiam cum displicet ei quod cōmisit, cum detestatur & odio habet. Sine his igitur nullo modo peccatum remittitur. Possunt quidem homines his qui se offenderūt & contempserunt remittere animi sui indignationē, possunt remittere qua digni erant pœnam, nulla certè in his qui peccarunt mutatione facta, hoc quidem possunt, quia sua voluntas hoc volendo non operatur in eo cui hoc vult, non facit indignū pœna quæ non vult punire: at diuina voluntas, cuius velle facere est, quem nō vult punire facit non dignū pœna. Et rursum voluntas humana ita potest quem prius odio habuit amare, quia mutabilis est: diuina, quia non potest mutari, cū eum quem prius odio habuit diligere incipit, non aliud facit, quàm vt qui prius dignus erat odio, amore sit dignus. Hæc est remissio peccati de qua nobis loquitur scriptura, perfecta abolitio & deletio eorum quibus dignus fiebat peccator æterna damnatione, restauratio eius ad eam quam primò habuit gratiam filiationis & hereditatis æternæ. Imaginantur quidam nescio quas alias rationes remittendi peccatum: videlicet vt sine vlla conuersione & pœnitentia remitti possit. Nos verò putamus non esse licitum aliter loqui quàm loquitur scriptura, nec aliam cogitare remissionē, quàm hanc, quam scriptura nobis certò tradidit. Nec derogamus aliqui diuinę omnipotentię, vel ei præscribimus modū remittendi peccata, sed magni facimus summā eius bonitatē: con-

tinemus

Deus nulli
remittit pec-
cātū sine eius
conuersione
& mutatio-
ne.

nemus nos intra limites scripturæ, dicentes remissionem hanc peccati, quam ipsa nos docet, sine vera pœnitentia, hoc est, conuersione mentis in Deum fieri non posse, nec reuera intelligi. Posset (non dubitamus) Deus, si ita illi placeret, non punire peccatorem æterna damnatione, hoc illi remittere, sed quamdiu peccator manet, quamdiu affectus peccati perseverat in eo, non est ei remissum peccatum. Unde & in scriptura ipsa pro eodem sumuntur peccati remissio, deletio & absolutio, ut superius diximus, & conuersio ipsa. Omnia docemur à Deo petere: Dimitte debita: laua: dele: denique & conuerte nos. Simul enim hæc omnia in remissione peccati clauduntur.

Ex his igitur beatus Thomas disertè dixit, nulli vnquam adulto, etiam in ipso sacramento baptismi, sine pœnitentia remitti peccatum. Quod verba ipsa Apostoli Petri quæ adduximus, manifestè ostendunt. Pœnitementi, & baptizetur vnusquisque &c. Gemitum quidem & afflictionem, quæ quasi vindictæ quædam assumuntur contra peccatum, in baptismo dixit Ambrosius non requiri: at veram mutationem vitæ malæ actæ, displicentiam atque odium peccatorum qui negat requiri in baptismo, negat Apostolum Petrum, negat & veram rationem remissionis peccati de qua dictum est. Ausus est etiam ex hoc tam certo fundamento allere, nec his quibus Christus remisit peccata, sine pœnitentia remisisse, dolore scilicet & odio peccati, quanquam sine sacramento. Itaque cum dicit paralytico: Remittuntur tibi peccata: & mulieri adulteræ: Nec ego te condemnabo, vade, noli peccare: cum his inquam nec petentibus, nec (ut videtur) cogitantibus remisit peccata, credit ille, & quidè iustissimè, simul cum his verbis operatum fuisse per gratiam in eorum cordibus pœnitentiam. De alijs est manifestior ratio: ut de peccatrice muliere, latrone pendente in cruce. In his enim manifesta est præcedens etiam pœnitentia: sed de hoc etiam inferius plura.

Iam & illud hic non omittendum, quod Lutherus contra hæc absque vlla certa ratione docuit duos grauissimos errores applaudentes mirè auribus multitudinis, & eorum qui licentiosiores amant vitam. Primò dicit veram pœnitentiam esse, de cætero non peccare: ut hac ratione omnem contritionem, dolorem & detestationem peccatorum ostendat non esse necessaria. Contra quem sufficiunt quæ & hoc loco & superius de pœnitentia di-

Erroneū est verā pœnitentiam esse deinceps nō peccare.

DE POENITENTIÆ NECESSITATE

Magis erroneū est quòd contritio de peccatis magis peccatorem efficiat. ximus : quòd scilicet pœnitentiæ nomen in scriptura sacra dolo-rem animi & pœnitudinem significet, sicut & in doctrina patrum. Huic verò coniungit alium multo irrationabiliorem : quòd scilicet contritio illa, quæ paratur discussione peccatorum, qua quis cogitat annos suos in amaritudine animæ suæ considerata multitudi- ne & grauitate peccatorum, amissione beatitudinis & damnatione æterna, non solum non sit grata Deo, sed magis faciat hominem peccatorem coram Deo. Contra quem etiam non est opus alia adducere, quàm sensum ipsum communem hominum, & rationem. Si peccator quis constituitur, si Deo displicet homo, quia placent ei peccata & delectatur in eis : necesse est vt quia displicent, & quia detestatur ea, placeat Deo, & efficiatur iustus: cō- traria enim necesse est contrarijs principijs & causis fieri. Meritò itaq; hos errores Leo decimus inter alios eius dānauit. Sunt enim aperte contra manifestissima sanctorum exempla. Nam Ezechias inquit: Recogitabo tibi omnes annos in amaritudine animæ meæ. Et Dauid: Lauabo per singulas noctes lectum meum. Et his operibus constat eos quæsiuissse & meruissse Dei misericordiam & gratiam.

An sit necessaria actualis pœnitentia, an verò implicita sufficiat? Vltimò verò, quod à nonnullis dubitatur, non est omittendum hoc loco, an ita requiratur pœnitentia ad remissionem peccati, vt necessarium sit actu atque explicitè ea detestari: an verò sufficiat virtute & implicitè hoc agere. Hoc est, An qui se offert martyrio & mortem sustinet propter Christum, etiam sine pœnitentia peccatorum, quia fortè non cogitauit de eis, neque eorum meminit, consequatur illorum remissionem? Similiter & qui Deum verè super omnia diligit, an hac dilectione consequatur etiam peccatorum remissionem sine pœnitentia? Constat enim in his contineri virtute quadam pœnitentiam: Qui vitam suam contemnit propter Deum, nonne omnia alia, quæ minora sunt quàm vita, etiam contemnit? Nōne consequens est, vt detestetur quicquid cō- tra Deum est, sicut is qui veraciter eum super omnia diligit? In qua quæst. non est facilè præcipitanda sententia. Verum est, in illis actibus martyrij & dilectionis Dei super omnia includi virtute quadam omnium mandatorum, & omnium quæ ad salutē necessaria sunt impletionem: ac illis etiā promissam esse Dei gratiā: Qui diligit me (inquit Christus) diligetur à patre meo, & ad eū veniemus.

Iohannis 14.
Matthæi 10.

De martyrio verò ex illo verbo : Qui perdidit animam su-

am

AD REMISSIONEM PECCATI. . . .

Cap. 9.

am propter me, inueniet eam. colligit Augustinus 1. lib. de origine animarum, non minus sufficere ad salutem martyrium, quam baptismum. Vnde merito dici potest, quod nec minus sufficiat quam poenitentia. Quod si martyrium non minus sufficit, necesse est; ut neque minus sufficiat charitas, à qua potius martyrium mutuatur ut efficax sit ad salutem, dicente Paulo: Et si tradidero corpus meum ita ut ardeam, charitatem autem non habeam, nihil mihi prodest. Posset itaque probabiliter hoc affirmari. Nec tunc dicendum est sine poenitentia peccatum remitti: quandoquidem in his virtute continetur poenitentia, ut diximus. Nec rursus hi, quibus sic dimissa sunt peccata per martyrium vel charitatem, putandi sunt non teneri iam amplius ad poenitentiam, si facultas illis adsit, hoc est, si superuiuat qui martyrio se exposuit, aut lethalia suscepit vulnera, vel cum peccata se offerunt ei, qui prius veram dilectionem Dei habuit. Itaque iuxta hanc sententiam, probabilem certe, quocunque actu vel deuotionis vel senioris, quo vere in Deum conuersi sumus, vniuersa peccata delentur. Charitas (inquit scriptura) cooperit multitudinem peccatorum: & hoc maxime, quando in illo actu non occurrunt ipsa memoriz. Sed illud etiam asserendum: cum occurrerint peccata, teneri eum, cui sic remissa sunt, ad poenitentiam.

1. Corin. 13.

Verum hæc non sunt tam certo asserenda, ut non possit etiam aliter doceri. Nec enim desunt qui putent hæc omnia, quæ de charitate scriptura dicit, & de alijs bonis operibus, quibus remittuntur peccata, intelligenda esse, quando coniuncta sunt poenitentiz. Quod etiam beatus Thomas intelligit, exponens illud: Vniuersa delicta operit charitas, & per misericordiam & fidem purgantur peccata. Si igitur certa circa hoc asserere volumus, primum hæc conditionalis asserenda est.

Supradicto
art. 5. q. 84.
tertiæ partis.

Si vera dilectio Dei, si sincera oblatio ad martyrium esse potest in eo qui peccata habet, quorum nondum ipsum poenituit, sine poenitentia eorum, præculdubio sufficiunt illa ad remittenda peccata: nec de hoc dubitari potest iuxta fidem. Si sit vera charitas, vera oblatio ad martyrium, non compatitur secum aliquod peccatum: alioqui non est vera charitas, nec vera oblatio ad martyrium, ex charitate scilicet. Iam verò, an hæc conditionalis esse possit, merito dubium est. Hoc igitur addamus.

Multo probabilius est veram dilectionem Dei, aut quemcunque

DE POENITENTIÆ NECESSITATE.

Verisimile
est veram dei
dilectionem
aut actū ex
illa prodes-
tem non esse
sine explici-
ta pœniten-
tia.

cunquē actum ex illa procedentem in peccatore non esse sine actuali pœnitentia, sed eam statim in ipso excitare, quā contrarium, posse scilicet esse sine illa. Nam quis non videt veram dilectionem alicuius primò omnium detestari omnem iniuriam in eum prius commissam? Et certè nihil magis videtur charitas respicere, quā quod est contrarium ei quem amat. Itaque non tam parua res est Dei maiestatem offendisse, & transgressum esse eius mandata, ut vera charitas eius, si in aliquo sit, non primò omnium reddat eum de hoc sollicitum & reuera anxium, & non primò omnium dolorem excitet peccatorum. Legimus eos etiam qui diu ante pœnitentiam egerant, cum ad martyrium ducerentur, non fuisse immemores peccatorum suorum, & denuo ea recogitasse: quomodo non magis hoc operabitur charitas in his qui conscij sunt peccatorum, quorum nullam egerunt pœnitentiam? Quin potius etiam occultorum peccatorum, & quorum sibi non sunt conscij quos propria conscientia non accusat, pœnitet, cum in corde eorum verus fuerit affectus charitatis, & verentur omnia opera sua, atque precantur veniam. Quomodo ergo veram charitatem putabimus, quæ de peccatis nondum remissis non est sollicita? Christus dominus inquit in Euangelio de muliere illa peccatrice: Dimissa sunt ei peccata multa, quoniam dilexit multum. Sed quanta fuerit illius contritio, & quantæ lachrymæ, irrigatio ipsa pedum domini ostendit. Nunquam itaque putemus separari verum charitatis affectum à pœnitentia, in eo qui in peccatis est. Et certè non nisi temerè contrarium affirmari potest. Diximus superius iuxta Augustinum de baptismo, inuisibilem sanctificationem sine visibili sacramento inueniri in scriptura, & ideo posse credi: certè vera Dei dilectio sine detestatione peccati in peccatore, nusq̃ in scriptura legitur. Non ergo temerè asserendum, inueniri posse.

Itaq; ex his iam satis constat, quanta
sit necessitas pœnitentiæ ad
remissionem pec-
cati.

DE EFFICACIA POENITEN. 113
LECTIO QVINTA.

De efficacia pœnitentiæ.



Voniam de necessitate pœnitentiæ dictum est satis, dicendum iam est de virtute & efficacia ipsius. Et quoniam remissionis peccati pars quædam & effectus est restauratio & restitutio virtutum & meritorum, quæ per peccatū amissa sunt: de his duobus dicendum est: quod scilicet sit efficax pœnitentia ad auferendum peccatum malaque eius, deinde & ad restauranda bona, virtutes scilicet & merita: quæ duo beatus Thomas in fine tertiæ partis di- q. 86. & 89. ligenter docet.

De primo igitur articulo statuatur hæc fidei certa propositio. Nullum est Nullum peccatum esse, quod in hac vita per pœnitentiam deleri peccatū qd non possit. Hanc diligenter asseruerunt & antiquiores illi autho- in hac vita res libri de vera & falsa pœnitentia, qui Augustino ascribitur, & per pœnitentiam duorum librorum de pœnitentia, qui Ambrosio. In illis igitur li- tiam deleri bria, & antiquioribus alijs patribus damnatur error ille detestan- non possit. dus Nouatianorum, negantium post baptismum remissionē peccatorum, atq; ita efficaciam pœnitentiæ auferentium, cuius & b. Thomas meminit. q. 84. 3. partis art. 10. agens de iterando sacramento pœnitentiæ, & lib. 4. contra gentiles cap. 70. & sequent: quibus locis pulchris & efficacibus rationibus & autoritatibus scripturæ rejicit hunc errorem: quæ omnia nostram propositionem probant. Ut igitur ibi ille inquit, ex duobus fontibus hic error processit. Ex duobus (inquit) fontibus diuersis quidem, sed æquē falsis. Nam errarūt quidam putantes post veram pœnitentiam nō posse vltius peccari: qui error similis ei est & ex eo procedens, quo putant quidā charitatē semel habitam, amitti nō posse: quod ex illo verbo Pauli putant se probare: Caritas nunquam excidit. Et ex illo Iohannis: Omnis qui natus est ex Deo non peccat. Et iterum: Omnis qui in eo manet non peccat: & omnis qui peccat non videt eum, neq; cognouit eum. Et denique ibidem: Qui natus

Error dicen-
tiū post pœ-
nitentiā non
posse pecca-
tum cōmitti
sue charita-
tem amitti.
1. Corin. 13.
1. Iohan. 3.

est ex Deo non potest (ait) peccare. Cum igitur (dicunt hi) vera penitentia sine charitate & gratia non sit, quæ etiam iuxta eorum sensum amitti non potest, restat etiam quod post penitentiam non possit peccari. Huc etiam pertinent plurimæ autoritates, quas Magister sententiarum dist. 14. in principio scilicet huius tractatus, adduxit. Penitere est stenda non committere &c. quas & ipse ibi

Error dicentium non esse penitentiam peccari posse, deteriti tamen gravitate & ingratitudine locum secundum peccati, post primam penitentiam negabant illi deinceps esse locum. Idque autoritatibus, maxime scripturæ, confirmabant. Primò Pauli; Impossibile est eos qui semel illuminati sunt & gustaverunt bonum Dei verbum &c. & prolapsi sunt, renouari rursus ad penitentiam. Et ibidem iterum hoc probans Paulus: Terra (inquit) sæpius super se venientem bibens imbrem, & non germinans, reprobata est & maledictio proxima. Deinde & illis scripturæ locis, quibus constat penitentes aliquos non admissos ad gratiam. De Esau Paulus inquit: Non enim inuenit penitentiam locum, quanquam cum lachrymis requisivisset. Et quod de peccato in spiritum sanctum dicitur: Nec in hoc sæculo, nec in futuro illud remitti. Et Iohannes: Est peccatum ad mortem: non pro hoc dico ut roget quis. His itaque testimonijs alij Nouatianorum, post baptismum nunquam penitentiam agi posse asserbant: alij semel tantum, ut lib. de vera et falsa penitentia dicitur: quod & Tertullianus lib. de penitentia sequutus est. Ita enim inquit: Clausa licet innocentie porta, & intinctionis sera obstructa, aliquid adhuc patere permisit Deus. Collocavit in vestibulo penitentiam secundam, quæ pulsantibus patefaciat, sed iam semel, quia iam secundò, sed amplius nunquam, quia proximè frustra: Nonne enim & hoc semel satis est? Finit itaque ille Nouatianus, sed mitior.

Hebræ. 6.

Hebræ. 12.

Matthæi 12.

1. Iohan. 5.

Capite 5.

Predicti errores confutantur.

Hebræ. 12.

Iam verò omnes hi errores apertissimis scripturæ autoritatibus confutantur & in seipsis, & quatenus penitentiam attingunt. Primus igitur ille error, negantium scilicet post veram penitentiam unquam posse peccari, excluditur autoritatibus scripturæ, quibus ad non peccandum post baptismum & penitentiam exhortamur, ne qua radix amaritudinis sursum germinans impediatur. Nolite contristare spiritum Dei. Et: Qui se existimat stare, videat ne cadat. Et de seipso: Ne fortè reprobos efficiar. Nec enim dubitabat Paulus se in gratiam Dei receptum, & donatum vera

vera eius caritate. Secundus etiam error, asserentium videlicet peccata vel post baptismum, vel post poenitentiam commissa non remitti, illis contrarius est authoritatibus, quibus ad poenitentiam admonemur. Paulus exhortatur Corinthium peccantem, & poenitentem in gratiam recepit, & consolari eum iubet, ne absorbeatur tristitia. Petrus Simonem post baptismum peccantem admonet ad poenitentiam. Poenitentiam (inquit) age ab hac malitia tua. Tu fornicata es cum amatoribus multis, inquit Hieremias, tamen reuere ad me. Et Iohannes: Hæc scribo vobis ut non peccetis: sed etsi quis peccauerit, aduocatum habemus apud Patrem Iesum Christum iustum: ipse est propitiatio pro peccatis nostris &c. Et illud apud Matthæum, quod hæc omnia apertissime confirmat, ubi Christus Dominus Petro, quem Ecclesie sue præfecit in pastorem, præcipit ut non septies, sed septuagesies septies remittat. Vbi si quis dixerit, non de remissione illa peccati quæ sit à ministris vice Dei, sed de remissione tantum peccati in nos commissi hoc dictum esse (quod parabola illa sequens indicare videtur) meminerit proximè ante illa verba de Ecclesia factam mentionem, & dictum Apostolis: Quæcunq; ligaueritis super terram &c. quo contextu satis probari potest, etiam illa ad remissionem peccati, quæ à Deo fit, pertinere. Sed ita sit, ut de peccatis in nos commissis sit sermo, est tamen adhuc efficax ratio inde supra à b. Tho. suprâdicto loco art. 10. Quoniam cum iubeamur Dei misericordiam imitari homines: Estote misericordes sicut Pater vester &c. & illa absq; comparatione maior ostendatur quam nostra, qui fieri potest, ut Deus velit à nobis superari & ut nos sapius remittamus in nos commissis, quam ipse in se?

His igitur authoritatibus primum illud fidei fundamentum satis probatur, nullum peccatum non posse per poenitentiam remitti. Vbi aduertendum duo affirmari. Primum, de omni peccato posse agi poenitentiam idq; semper, quamdiu durat hæc vita. Nam si non de omni peccato posset semper agi poenitentia, non omne remitti posset. Hoc verò ita ex præcedentibus probatur, ut à b. Tho. art. 1. suprâdictæ 86. q. Semper post quæcunq; peccata in hac vita homo est liberi arbitrij, ergo potest de eis poenitere. Quod exhortationes illæ scripturæ ad poenitentiam satis probant. Vna hæc potissimum ratione Augustinus, Hieronymus & antiquiores illi contra Manichæum, negantem libertatem arbitrij, egerunt,

1. Corint. 5.

1. Corint. 2.

Actuum 8.

1. Iohan. 2.

Mathæi 18.

Ostenditur
omni pec-
cato quam-
diu hæc vita
durat poe-
nitentiam agi
posse.

DE EFFICACIA

quod frustra essent admonitiones, poenae, praemia, & praecepta, si non esset libertas arbitrij. Cum igitur omnibus peccatoribus, quamdiu in hac vita sunt, loquatur Deus per scripturam: Conuertimini ad me: comminetur poenam obclinatis, poenitentibus veniam promittat: necesse est fateri omnem peccatorem liberi arbitrij esse ad haec agenda: & merito, cum nondum peruenerit ad terminum illum malitiae damnationum. Probatur & hoc ipsum alia ratione non minus necessaria. Nullius enim tanta est malitia, quam diuina gratia superare non possit, & quae non possit Deus conuertere: nullus igitur est, qui non possit agere poenitentiam. Illud probant Pauli verba: Cuius vult miseretur, quem vult indurat. Vnde ibi ait: Voluntati eius quis resistit? Illud etiam Prophetarum ibi citatum à Paulo idem probat: Miserebor cui misertus sum. Vel, vt nostra litera habet: Miserebor cui voluero, & clemens ero in quem mihi placuerit. Illud etiam Prouerbiorum hoc probat: Sicut diuisiones aquarum, ita cor regis in manu Dei est: quocumque voluerit, vertet illud. Omnem igitur hominem diuina gratia, si sibi placuerit, mouere potest ad poenitentiam. Sunt duae istae rationes simul cogitandae: nam cum poenitentia ex duobus pendeat, gratia scilicet & libero arbitrio, vt satis supra patuit, vtrumque simul necessarium est, & ex vtriusque possibilitate possibilitas poenitentiae probatur. Vnde merito beatus Thomas inquit illo loco, negare semper posse agi poenitentiam, est error contrarius & libertati arbitrij, & efficaciae diuinae gratiae.

Roman. 9.

Exodi 33.

Capite 21.

Poenitentia
ex gratia &
libero arbitrio
pendet.

Probatur omne
peccatum per poenitentiam
remitti posse.

Secundum verò quod continet illa prior propositio: Omne peccatum per poenitentiam remitti, probant supra allatae auctoritates. Si impius egerit poenitentiam, omnium iniquitatum eius non recordabor, inquit Ezechiel. Nihil excipit. Probat & hoc ipsum immensitas diuinae misericordiae, de qua Iohel dicit: Benignus & misericors, & multae misericordiae, & praestabilis super malitia, Omni igitur peccato maior est DEI misericordia. Probat etiam idem copiosa illa redemptio, & immensa virtus passionis Christi, de qua Iohannes inquit: Ipse est propitiatio pro peccatis nostris, & non solum pro nostris, sed etiam pro totius mundi. Itaque merito ait beatus Thomas hoc negare, errorem esse contra Dei misericordiam & virtutem passionis Christi. Ex quibus iam videre licet, quod sit perniciosus hic error, & quod merito Catholici omnes doctores acerrime in illum inuecti sint. Simul auserit libertatem

bertatem arbitrij, contradicit diuinæ gratiæ, misericordiæ, virtutis passionis Christi: meritò itaque in Deum iniurius est hic error, cuius gratiam & misericordiam adeò restringit. Vnde in primo lib. de poenitentia, qui Ambrosio ascribitur: Cum (inquit) ad misericordiam quàm ad seueritatem promptior sit spiritus Dei, tolerabilius Nouatiane remitteres quàm ligares: aliud enim quasi eruminaz compatiens ignosceres, aliud quasi delinquendi parcens vsurpares. Igitur sicut Deus (vt ita dicamus) maximè gloriatur de misericordia, ita summa blasphemia est, hanc illi adimere: est etià & perniciosissimus peccatoribus: nulla enim grauior tentatio desperatione, de qua Paulus dixit: Desperantes tradiderunt semet ipsos impudiciæ in operationem omnis immunditiæ & auaritiæ. Itaque necesse est, vt absque freno spei præcepta feratur peccator in omne malum.

Cap. 27

Ephes. 4.

Ex his qualiter sit respondendum authoritatibus scripturæ, quibus vterque illorum errorum innitebatur, facile est videre. Primis igitur illis scripturæ locis: Charitas nunquam excidit: Qui natus est ex Deo non potest peccare: respondendum est illis verbis non plus significari, quàm charitatis ipsius & gratiæ, virtutem esse tantam, quæ quantum ex se est, sufficit perpetuò à peccato præseruare: quanquam Paulus verbis illis tantum significare voluerit charitatem in futura vita permanere, quod non fides vel spes, aut alia diuina dona habent. Cæterum illud Iohannis exponit Augustinus 2. de peccator. merit. & remiss. Quatenus (inquit) filij Dei sunt, non peccant, sed quatenus vetustatis aliquid habent, nunquam sine peccato sunt, vt verum sit illud: Si dixerimus quia peccatum non habemus &c. Aut vt b. Thomas inquit q. 24. 2. 2. vtens quidem charitate non peccat: illa sufficiens est omne peccatum superare: at verò si ea non vtatur ex cæcatus passione aut malitia, peccare poterit.

Cap. 7.

Art. 11.

Quæ verò pro secundo errore adducebantur sic intelligenda sunt. Illud Pauli: Impossibile est renouari &c. de baptismo à Chrystost. Ambro. & cæteris exponitur, Cui consonant contextus ipse & verba. Impossibile est (inquit) renouari. renouatio verò propriè ad baptismum referenda est: & ratio quam assignat: Rursus crucifigentes filium Dei. ad hoc pertinet: vt quoniam in baptismo configuramur Christi morti, illud repetere, sit repetere mortem Christi. Nec est omnino reiicienda expositio Hugonis

Marci 10.

de s. Victore lib: 2. de sacramentis parte 14. cap. 4. Impossibile (inquit) quantum ex nobis est. Consonat hoc verbo illi Euangelico: Apud homines impossibile est, Deo verò omnia possibilia sunt. Iam per peccatum in spiritum sanctum verior & proprior expositio Augustini finalem impœnitentiam intelligit. Vel si magis placet certum aliquod genus peccati intelligere, illud, sicut & hæc autoritas Iohannis: Non pro hoc dico &c. significant quædā esse peccata ex se magis iram Dei prouocantia, & ea committentem indigniorem venia reddentia, quàm alia: nulla verò irremissibilia in hac vitâ.

An nunq̃ in hac vita subtrahatur homini pœnitendi facultas.

Quomodo quidam à Deo indurantur.

Cap. 6.

Cap. 17.

Obstinatis subtrahitur non facultas pœnitendi, sed gratia qua pœnitentia aut pœnitere velint.

Solet hoc loco à posterioribus & recentioribus inquiri, an semper in hac vita maneat homini facultas pœnitendi, an potius subtrahatur aliquibus? idq̃ propter illos quæritur, quos legimus excæcari & obdurari à Deo. Ego indurabo cor Pharaonis &c. Timent enim, & meritò, de aliquo asserere, quod pœnitere nō possit. Sequeretur enim eum nō esse liberi arbitrij, neq; ei diuina præcepta de pœnitentia proponi, vt satis superius diximus. Nec tamē negari potest quosdam indurari à Deo, non quòd ille operetur in eis obstinationem, aut immittat eorum cordibus, vt stultissimè dicunt hæretici nostri sæculi, sed quòd deserat eos gratia: quare hic trepidant, ne si dicantur deserti à gratia, sequatur iam illos non posse pœnitere. Nos interim nec eos reprehendimus, nec tamen volumus docere quæ docent, nec longam disputationem nunc de gratia ingredi. Id satis sit, iuxta Augustinum in 2. lib. de peccatorum meritis & remissione, non esse negandum, posse hominem quamdiu viuít de peccatis pœnitere, sicut ille inquit ibi posse non peccare. Sed eum qui non facit, dicendum est ideo nō facere, quia non vult, vt ille ibidem ait. Quòd verò nolit pœnitere, vt in proposito loquamur, ideo est, quia non intelligit, vel non delectatur, vt ille de omni bono inquit: quod verò agnoscat & delectet bonum, gratiæ est. Igitur subtrahitur obstinatis id, quo acturi essent pœnitentiam aut vellent, non tamen facultas pœnitentiæ. Longè aliud est impediri executionem virtutis alicuius, & auferri ipsam virtutem. Qui bonis adhortationibus auertit à peccato aliquem, non auertit ab eo libertatem peccandi, sed voluntatem: & è contrario, qui bonis exhortationibus potuisset auertere à voluntate peccandi proximum, ne fecit, non compulit illum ad peccandum, nec abstulit libertatem arbitrij, qua posset non peccare,

care. Ita si Deus non dat, non facit ut pœniteat peccatorem, aut ut id velit: non aufert tamen facultatem. Cum quancumque id facit, iustissimè faciat, responsum est etiam quæstioni & querelæ illi, quæ iniustitiæ videtur accusari Deum, cui Paulus etiam respondit. Nam cum proposuisset: Dicit itaq; mihi, quid adhuc quæritur? voluntati eius quis resistet? subinfert: O homo, tu quis es qui respō- Rom. 9.
deas deo? Iuste enim nemo de Deo conqueri potest, qui nihil cuiquam debet. Subtrahitur itaq; quibus subtrahitur, gratia, actus ipse scilicet pœnitere vel credere &c. sed non subtrahitur posse hæc facere. Illud porro est gratiæ, hoc naturæ. Augustinus lib. de prædestin: sanctorum: Posse habere fidem, sicut posse habere charitatem, naturæ & hominum est, habere autem charitatem atque fidem, gratiæ est fidelium.

His proximum est quod de pœnitentia in articulo mortis De pœnitentia in articulo mortis.
quæritur, de qua Magister dist. 20. 4. & Gratianus de pœnitentia in articulo mortis.
tia d. 7. pluribus citatis testimonijs latius sunt locuti. Certum ergo habendum est, in ultimo etiam momento vitæ agi posse pœnitentiam. Quod illud Pauli probat ad Hebræos, qui citatis verbis In ultimo vitæ articulo
Psalmi: Hodie si vocem eius audieritis, nolite obdurare corda vestra: Exhortamini (inquit) vosmetipsos per singulos dies, donec hodie cognominatur, ut non obduretur quis ex vobis fallacia potest quidē
peccati. Hodie nominatur, quandiu præsens vita durat. Potest itaque usque ad ultimum vitæ terminum pœnitentia agi. Sed admodum
cūctum verò huic est addendum, In fine vitæ nimum difficile
esse, agere veram pœnitentiam. Id Augustinus libro 50. homiliarum homilia 41. docet, ut Magister citat loco supradictō, Cap. 13.
& Gratianus: Securitatem (inquit) non promittimus. Quamquam non constet satis homilias illas esse Augustini: & illa nihil habet fidei eius: tamen utcumq; sit, illud certissimum est, & probatur illa distinguitur à doctoribus, inter quos Scotus diligenter quatuor colligit rationes, humanas quidem, & ipsa experientia notas. In mortis enim articulo & ratio sæpius turbatur, quo fit ut non satis libertas voluntatis constans sit: vitia etiam præterita & inordinatus amor vehementius trahunt: præteriti etiam habitus multò maiori vi opus habent ut contra eos agatur, & deniq; tunc non satis liberè, sed necessitate quadam agitur pœnitentia, & timore pœnæ, cum tamen sola quæ ex charitate agitur & solo Dei amore, sufficiat ad remissionem peccati. Hæc si considerentur, merito
terrere

DE EFFICACIA

Prouer. 1.

**Quo modo
agendum
cum homi-
ne in extre-
mis consti-
tuto.**

terre debent, multo verò magis, si addamus diuinæ gratiæ deser-
tionem: nam sine illa nunquam pœnitentia agi potest, quam tunc
comminatur scriptura sacra auferendam esse ab his, qui in vita il-
lam contempserunt. Quia vocaui (inquit sapientia) & renuistis:
extendi manus meas, & non fuit qui aspiceret: ego quicque
in interitu vestro ridebo, & subsannabo cum vobis quod tim-
ebatis euenire. Et post pauca: Tunc inuocabunt me, &
non exaudiam: manè consurgent, & non inuenient me, eò
quòd exosam habuerunt disciplinam &c. Est tamen hic ad-
uertendum, quòd quanquam hoc viuientibus meritò sit incul-
candum, vt sicut in illa Homilia dicitur Augustini, sani & integri
pœnitentiam agant, verùm cum illis, qui iam sunt in articulo
mortis, ita agendum est, ne in desperationem labantur. Proponē-
da immensitas diuinæ misericordiæ, danda spes, sed id ita agen-
dum, vt quantum fieri potest, excitentur ad verum propter Deum
dolorem peccatorum. Cauendum verò est, quòd hic multi viden-
tur præptoperè consolari pœnitentes. Iubent statim certam habe-
re remissionem, quasi nihil aliud opus sit: idq; nonnulli Catholici
faciunt, fugientes hæreticorum calumnias, qui dicunt nos iubere
homines perpetuò dubitare, sed non propterea in eorum extre-
mum errorem incidendum est, qui putant solam illam fidem suf-
ficere pœnitenti. Igitur in extremis addenda calcaria ad verum
dolorem, quantum fieri poterit, ita vt ipsa consolatio ad id indu-
cat. Potest namque prudenter agi, vt nonnunquam cum nihil mi-
nus agere videatur is qui exhortatur, tunc maximè accendat ad
verum dolorem. Sed de his nonnulla etiam inferius.

**Remisso
peccato per
pœnitentiam
nihil vetat
sepe restare
pœnam tem-
poralem.**

Vltimò iam circa hunc articulum, de remissione videlicet
peccati per pœnitentiam, id aduertendum, quòd peccatum remit-
ti, cum solùm sit auferri auersionem à Deo, & inimicitiam atque
indignationem eius, bene consistit cum hoc, quòd remisso pecca-
to relinquatur obligatio ad pœnam. Quod August. probat 2. de
peccatorum merit. & remis. in David. & in ipsis primis parenti-
bus nostris: quod superius, agentes de baptismo, satis ostendi-
mus. Igitur virtus pœnitentiæ obtinet quidem culpæ dimissionē, &
omnis pœnæ quæ illam necessariò consequitur, atq; videlicet:
non tamen liberationem ab omni temporali pœna. De sacramē-
to verò pœnitentiæ postea dicemus. Nunc satis hoc tanq̃ certum
dixisse

dixisse contra hereticos, putantes nihil reliquum esse poenae post peccatum dimissum. Vera fides contrarium asserit, quod de baptismo latius ostendimus.

LECTIO SEXTA.

De altero effectu poenitentiae, scilicet
restauracione bonorum, quae per
peccatum amissa sunt.



Non est omittendus & alius effectus poenitentiae, quem scriptura & patres satis ostendunt. Non enim tantum remissionem peccatorum operatur, sed etiam & virtutum & meritum, quae ante peccatum fuerant, reparatrix est.

Circa hoc igitur aduertendum, quod ex scriptura quidem sacra, iuxta proprium & certum sensum, vix aliquid certi colligi potest praeter hoc tantum, quod per poenitentiam Deus peccatorum praeteritorum obliuiscitur, & quod de immensa eius bonitate tam frequenter scribitur, quia prior ille est ad miserendum & remittendum peccata, quam ad puniendum. Nunquid voluntatis meae est mors impij? inquit per Ezechielem. Nolo mortem morientis &c. Fit etiam, sicut Paulus inquit, ut ubi abundauit delictum, superabundet & gratia: & denique, ut operetur abundantius quam petimus aut intelligimus. Haec nobis scriptura dicit aperte. Iam quae circa hunc articulum restauracionis bonorum dici possunt, vel ex parabolis & mysticis sensibus, vel probabili coniectura & ratiocinatione collegerunt doctores Scholastici. d. 14. quart. & b. Tho. qu. 89. 3. partis. Loquamur ergo sicut in materia probabili, asserentes quae pietati et bonitati diuinae conueniant, nec in controuersiam vertuntur. Notentur igitur de hoc sequentes propositiones.

Capite 18.

Roman. 5.

Prima. Per poenitentiam restituntur peccatori virtutes omnes quae virtutes quae per peccatum amissae erant; virtutes (inquit) theologicae atque per peccatum diuinae;

Gg

DE RESTAVRAT. BON. PER POENITEN.

amissæ resti- diuine: sed & reliquæ omnes infusæ, non verò acquisitæ, si quæ
tuantur per openibus peccatorum amissæ sunt. Tria hîc dicimus. Primum, re-
pénitentia, stitui virtutes theologicas. Has vera fides docet esse in iustis: Ma-
& quæ non. nent nunc fides, spes, charitas &c. In peccatoribus amissa charita-

Virtutes in-
fusæ & gra-
tuitæ resti-
tuuntur per
pénitentia.

te, fidem & spem mortuas & informes manere: de quo alibi di-
ctum est satis. Cum igitur per pénitentiam peccato remisso iusti-
ficetur pénitens, necesse est redire charitatem, atq; fidem & spem
formari. Hoc certa fide constat tenendum. Secundò asserimus in-
fusas virtutes restaurari. Vbi omnia probabilia sunt. In iustis ho-
minibus simul cum charitate esse omnes alias virtutes morales
cum prudentia, atq; Deo simul cum illa infundi, tenet multorum
probabilis sententia, nec iusta aliqua ratione improbari potest: ea-
dem probabilitate & illas restitui pénitenti simul cû charitate as-
seritur, & per peccatum cum ea similiter, non quidē manere infor-
mes, sed amitti. Hoc itaq; probabiliter suadetur: & ex verbo Lucæ
de filio prodigo, quem pater iubet stola prima indui, quā Ambros.
amictum sapientiæ interpretatur: illa verò coniunctas dicitur ha-
bere virtutes omnes: Sobrietatē enim & iustitiam docet &c. Ra-
tione etiam probabili. Cum enim gratiæ omnes illæ virtutes gra-
tuitæ vnitæ sint, & apud Dei immensam misericordiam non mi-
nus valere debeat pénitentia, quā valuit apud eius iustitiam pec-
catum (alioquin recordari videretur Deus post pénitentiam pri-
orum peccatorum, contra id quod sæpe dictum est ex Ezechiele)

Prouerb. 8.

consequens est æquum esse, vt restituantur omnes illæ virtutes.
Tertium deniq; quod in illa propositione dicitur, experientia cer-
ta constat. Deditum videlicet gulæ, incontinentiæ, siue iræ, post
pénitentiam prauis illis dispositionibus & habitibus adhuc te-
neri & inclinari ad peccata: tam longè abest vt habeat tempe-
rantie & sobrietatis habitus acquisitos. Itaque, vt diximus, ma-
nent remisso peccato reliquæ: propositio videlicet animi ad il-
lud, & difficultas ad virtutes oppositas, sicut & in baptismo di-
ximus. Nam inordinata illa concupiscentia, quam ex vtero tra-
himus, nunquam omnino in hac vita aufertur.

Virtutes ac-
quisitæ per
peccatum
amissæ, non
restituuntur
per péniten-
tiam.

Merita ante
peccatū cō-
parata & per
peccatum
amissa resti-

Secunda propositio. Merita omnia quæ peccatum præcesse-
rant, & per illud obliuioni tradita erant, dicente domino per Eze-
chielē: Si auerterit se iustus à iustitia sua & fecerit iniquitatem,
omnes iustitiæ eius quas fecerat non recordabuntur. per péniten-
tiam reparantur & redeunt, Quod probabili & pia ratione asse-

tunt.

runt doctores, vt in libro illo de vera & falsa pœnitentia dicitur, tui per pœnitentiam est tamen credere, vt recepta Dei gratia, quæ in eo destruit tētiā verisimila priora, remuneret bona, vt cū destruxerit, quod suum mile est. non esse inuenit, amet & diligat bonum quod etiam in peccante Ezech. 18. plantauit: quamuis ibi etiam de his quæ in peccato facta sunt lo- Capite 14. qui videatur. Suadent hoc mystico verbo Iohelis Propheta: Red- Iohel 2. dam vobis annos quos comedit locusta. Vbi Glossa mysticè interpretatur, non patiar (inquiens) perire vbertatem, quam perturbatione animi amisistis. Superior etiam ratio magis suadet: quod videlicet pœnitentia aufert, quicquid damni intulit peccatum: per peccatum verò, quasi impedimento quodam obiecto, factum est, vt merita apud Deum remuneranda non essent: ablato igitur hoc impedimento, remunerabuntur. Itaq; consentiunt in hoc posteriores omnes, opera quidem in peccato facta nunq̃ per pœnitentiam sequentem reparari vt à Deo præmi- entur, quæ videlicet cū ederentur & fierent, indigna erant vita æterna, atque ita semper fuerunt mortua: quæ verò facta fuerant ab existente in Dei gratia à spiritu eius profecta, & per peccatum sequens mortificata, atq; (vt diximus) obice obiecto impedita, redeunt per pœnitentiam. Itaq; in peccato bona operanda sunt, ne amplius peccetur, & ne maior ira dignus fiat peccator, dū bona omnia omittit, deniq; vt illis se præparet ad iustitiam, & Dei oculos misericordes in se conuertat, quod superius diximus peccatorem posse, non sine gratia Dei: cæterum hæc non præmiantur vita æterna: facta verò in gratia semper premiari asserunt. Hęc quidem probabilia valde sunt, sed quoniam bona illa, quæ reparari dicuntur, qualiter à Deo renumeranda sint, & qui tenent ea restaurari, diuersimodè id exponit, melius est hoc tanq̃ incertum relinquere, vt ex sequenti propositione patebit.

Tertia propositio. Resurgens à peccato non semper ad æqua- Resurgens p lem gratiam redit, aut maiorem quàm prius habuerat. Hanc pœnitentiam sententiam grauiores tenent scholastici, & omnes ferè, quam ipsa non semper etiam experientia ostendit. Non enim semper pœnitentiam agens maiorē aut maiori & feruentiori conatu eam agit, quàm antequàm peccasset. tantam gra- set, habuerat: quod & possibile esse manifestum est, & sæpe cōtin- tiam recupe- gere videmus. Cæterum redeunti à peccato gratiam dari secundū rāt, quantam dispositionem & conatum suum, valde consonat scripturæ. Pro- amiserat. pterea enim tantopere exhortatur peccatores & verbis & exēplis

Opera bona in peccato facta post pœnitentiā meritoria non sunt, non tamē sunt inutilia.

QVOMODO PECCATA REMISSA

ad frequenter & ardentem agendam pœnitentiam. De Magdale-
na inquit Dominus: Quoniam dilexit multum. Sunt huiusmo-
di exempla & verba multa in Psalmis: Laboravi in gemitu
meo &c. Iohel: Conuertimini in toto corde vestro. Satis itaq;
obliuioni dantur à DEO peccata, si nihil eius gratiæ, ad quam
se pœnitens preparat, propter præcedentia peccata auferatur.
Ex qua propositione fit iam dubia præcedens. Nam si non est
in maiori gratiâ quàm prius, quomodo (inquiunt nonnulli) di-
gnus est gratia? quod ex præcedenti propositione habetur. Si
enim redeunt præcedentia merita, præmiandus est propter illa:
habet igitur omnem quam antea meruit gloriam, & maiorem
etiam, cum nunc amplius mereatur. Cui dubitationi melius
est nihil respondere, quàm dicere multa, vt à multis fit. Se-
cundum gratiam in qua quis vitam finit, quantum colligere ex
scriptura possumus, probabile est vnumquemque præmiandum.
Gratia DEI (inquit Paulus) vita æterna. Nec cùm alibi in-
quit de DEO, quòd dabit vnicuique secundum opera sua, si-
gnificat aliud esse præmium operum, aliud gratiæ: sed propor-
tionem aliquam, aut respectum ad opera habendum in præmio.

Nam tota vita æterna, id est fœlicitas, quæ nobis continget,

& non pars aliqua eius, ex gratia est, contra quam ne-

que opera præmianda distinguenda sunt. Sunt

enim omnia gratiæ effectus, quæ digna sunt

æterno illo præmio. Relinquatur itaq;

hoc Deo, quem non dubium

est abundantissimè præ-

miaturum omnia

nostra me-

sita.

LECTIO

LECTIO SEPTIMA.

Qualiter dimissa peccata redeant
per sequens peccatum.



IAM circa hæc, in quibus de efficacia pœnitentiæ dictum est, meritò est vltimo loco dicendum de peccatis post illam rursus admisis: an videlicet illa ita pœnitentiæ fructum auferant, vt redeant etiam quæ iam dimissa erant. Fit enim de hoc apud antiquiores patres frequens mentio, ex quorum testimonijs Magister distin. 22. quarti, non pauca collegit, & Gratianus de pœnitentia distin. 4. quibus locis à recentioribus agitur de hac re. Et b. Thom. inter vltimas quæstiones 3. partis habet de hoc 88. q. Breuiter igitur quid tenendum de hoc sit dicamus, vt deinde quid trahendum sit ad mores & popularem doctrinam possimus dicere, quod hoc nostro opere maximè intendimus.

Sit igitur hæc prima propositio. Non est dubitandum, ratione aliqua per peccatum sequens redire peccata iam dimissa, si-
euc nec rationabiliter asseri debet, simpliciter & omnino ea redire, aut non minorem reatum, hoc est, obligationem ad non minorem pœnam, quàm quæ præteritis omnibus debebatur, propter peccatum post remissa omnia illa commissum deberi. Hæc propositio ita posita est, vt statim intelligamus tenendum nobis esse remedium. Nam, vt distinctione illa 22. patet, Magister maluit tenere, redire peccata, quàm non: quanquam sine præiudicio alterius sententiæ. Gratianus etiam cum illo sentit. Et hæc sententia vltra locum Euangelij non parum ei fauentem, vbi de seruo, qui noluit remittere cofratri suo debitum apertè dicitur, quòd iussus sit reddere vniuersum debitum: vbi statim subditur: Sic pater meus faciet vobis, si non remiseritis; Vltra igitur hunc locum

Quomodo peccata per pœnitentiam remissa redeant & non redeant per subsequens peccatum. Sententiæ dicentium peccata dimissa redire.

Math. 18.

G g. 3 habet

QVOMODO PECCATA REMISSA

Cap. 12.

Probatur
peccata re-
missa non
omnino re-
dire.

Rom. 11.

Naum. 1.

Iacob. 1.

habet etiam non paucas authoritates sanctorum, Ambrosij, Augustini, Gregorij, quæ suprà dictis locis patent. Vbi inter cætera August. primo lib. de baptismo contra Donatistas apertè ita inquit: Redire peccata dimissa vbi fraterna charitas non est, apertissimè docetur in Euangelio de illo seruo, quem cum inuenisset debitorem &c. Quamuis Augustinus ibi tantum disputans & inquirens loquatur, nec quicquam affirmans, vt legenti locum satis patet. Non est opus plura referre. Hæc igitur priorem partem propositionis nostræ probant: nulla videlicet ratione negandum esse, aliqua ex parte ea redire, propter locum illum Euangelij, qui quanquam parabola sit, in hunc sensum acceptus est à patribus, & à Christo propositus: quod verba illa: Sic pater meus faciet vobis, quæ propria iam sunt, probant. Rursum, asserere etiam omnino peccata dimissa redire, ita vt propter ea puniendus sit qui postea peccauit, nec diuinæ pietati, nec veritati sacramentorum conuenit, nec etiam sanctorum doctrinæ. Sine pœnitentia (inquit Paulus) sunt dona Dei & vocatio. Quod igitur ille semel donauit, non repetit. Quod August. in lib. responsionum Prosperi affirmat: Et Gelasius, vt Gratianus citat, diuina (inquit) clementia remissa peccata in ultionem ulterius redire non patitur. Cui & illud consonat Prophetæ: Deus nō vindicabit bis in idipsum in tribulatione, vt 70. legunt: vbi nos secundum Hieronymum legimus: Non consurget duplex tribulatio. Cum igitur semel dimissa punita quodammodo iam sint, & quod attinet ad misericordiæ diuinæ iudicium, remissione illa deleta: qui fieri potest vt iterum repetantur? Vnde & qui asserere omnino voluerunt redire, coacti sunt dicere, non simpliciter remissa esse peccata, &, vt illi dicebant, secundum præscientiam, sed tantum secundum præsentem iustitiam: vt scilicet in præsentem Deus absolueret, quem propter eadem sciebat perpetuò puniendum. Quòd, vt beatus Thom. inquit, etiam errorem habet. Sequeretur enim, sacramenta non simpliciter causare effectus suos, sed cum quadam conditione in futurum pendente. Semel ergo remissa simpliciter remissa sunt, &, vt verbo Pauli dicamus, sine pœnitentia dimissa sunt. Dat enim Deus, inquit Iacobus, affluenter, & non impropèrat. Ex quibus omnibus secunda pars propositionis satis patet. Sed explicandum iam est, qualiter non redeant, & qualiter redeant. Apertè igitur dicimus quòd non redeunt

redeunt secundum conuersionem. Cum enim in omni peccato Peccata non conuersio sit ad bonum aliquod commutabile, notum est in peccato sequenti non semper conueni peccatorem ad eadem bona, redeunt secundum p- cundum p- sed nonnunquam ad contraria. Itaque qui prius nimio amore retinendæ pecuniæ peccauit, & pluribus actibus peccati in hoc vitium propensus fuit, peccare poterit post hoc peccatū remissum p- priam suam digalitatē vitio, illi videlicet contrario. Rursum, nec redit macula & reatus, prout causabatur à præcedentibus peccatis: vt scilicet propter illa omnia puniendus sit: quod satis probatum est. Itaq; ex his patet, illa simpliciter & verè non redire: qua verò ratione redeant, breuiter dicamus. Certè non aliter, nisi quia efficiunt peccata Peccata re- tum maius vt circumstantia quædam illud aggrauans. Cum enim missa redire tanto grauius peccemus in Deum, vt Paulus inquit, quanto dicuntur, quia plus diuitias bonitatis eius & patientiæ, & longanimitatis con- sequens pec- temnimus: inter cætera verò bonitatis Dei dona hoc tam insigne carū augment. fit, quo remissa sunt nobis peccata: peccantes verò rursus contra Rom. 2. hoc agimus & illud contemnimus: non possunt peccata sequentia remissionem non tanto maiora esse, quanto plura aut sæpius remissa sunt. Hæc quidem b. Thom. art. 1. illius quæst. Ex quo statim intulit 3. art. eiusdem quæst. non esse asserendum, per peccatum sequens peccantem dignum effici tanta pœna, quanta dignus erat propter omnia peccata remissa. Fieri enim potest, vt multo minora sint peccata sequentia, & secundum speciem suam, & secundum effectum, & alias circumstantias. Contingere enim potest, vt qui gravissimo adulterio implicatus fuit, magnoq; affectu: hoc remisso, incidat in leuem aliquam ex infirmitate concupiscentiam, etiam si mortalis sit. Potest hoc multis & latioribus exemplis manifestū fieri: ex quo fit, vt hoc tantum pro certo habendum sit, eum qui post remissa peccata Grauius peccat, cæteris paribus tanto grauius peccare, quanto plura aut peccat cui sæpius remissa sunt ei peccata: ita scilicet, vt duobus eadem specie sæpius aut & affectu peccantibus, ille arctius irretitus sit & grauius peccet, plura peccata antea erant remissa peccata, quàm qui tunc primò peccauit: ita prius re- & si ambobus remissa fuerint, ille plus peccat, cui plura. Quan- missa sunt. ta verò sit hæc grauitas, Dei iudicio relinquendum est: & quidem cum magno timore. Cæterum de hoc sit iam secunda propositio.

Ingratitudo hæc peccantis post remissa peccata, maior quidem
rationa-

QVOMODO PECCATA REMISSA

Maiores est in
gratitudo ei
qui post pœ-
nitentiā pec-
cat, q̄ qui
primò pec-
cat.

rationabiliter à doctōribus dicitur ingratitudine primò & post in-
nocentiam peccantis : neutra tamen harum semper speciale pec-
catum est, aut specialem habet deformitatem, sed communis est
omni peccato: nec tamen propterea minor est, aut minus malum
iudicanda, nec minus timenda. Hæc propositio posita est, nec par-
ui fiat hic reditus peccatorum, & ingratitudo quæ causâ illius est,
nec, quia diximus non redire eadem peccata, contemnatur. Igitur
in hac propositione explicatur utcunque quanta sit hæc ingratitu-
do. Dicitur itaque primò, quòd maior est quàm peccantis post
innocentiam. Ita b. Thom. ait. 2. illius quæst. dist. 3. ita & alij: &
ratio, quæ ab eo ponitur, aperta est. Quamvis enim donum inno-
centiæ maius sit simpliciter remissione peccati, cæteris paribus: ta-
men in ordine ad eum cui remittuntur peccata, tanto maior fit illi
gratia quanto indignior ea erat: & quanto fuit maior gratia, tanto
est postea maior ingratitudo: eò maximè, quòd peccans post re-
missa peccata utramque iam simul habeat. Nam cum primò
peccauit, contra donum & gratiam innocentie fecit: secundò ve-
rò post remissum peccatum rursus peccans, priori illi ingratitu-
dini addit hanc secundam. Itaq; non est speciale peccatum: quia
omni peccanti communis est ingratitudo, quæ ingrati sunt donis
aut innocentie, aut remissionis, & denique multorum aliorum
beneficiorum, quæ in his includuntur: missionis videlicet filij Dei
in mundum, effusionis sanguinis eius, promissionis æternæ bea-
titudinis, & denique quorum non? Non igitur, ut diximus, mino-
ris æstimanda est. Verum in æstimatione eius notat b. Thomas,
nō omnem ingratitudinem tantam esse, quantum est beneficium
cui opponitur. Eidem enim beneficio maior & minor ingratitu-
do opponitur, secundum quòd magis vel minus contemnitur. Id
satis esse debet quod diximus, cæteris paribus tanto esse ingratitu-
dinem maiorem, quanto beneficium maius est. Esset vero spe-
ciale peccatum ingratitudo, si in contemptum beneficij remissio-
nis peccati, aut cuiuscunque alterius peccaretur. Oblivisci verò
beneficij, aut memoratum non magis æstimare, vel propter illud
non retrahi à peccato, commune est, sed grande proculdubio ma-
lum. Iam verò prædictis tertiam addamus propositionem.

Quatuor pec-
cata sunt sin-
gularis ingra-
titudinis erga
Deum,

Quamquam omne peccatum hanc habeat ingratitudinem, &
propter hanc redeant peccata dimissa, sunt tamen quatuor pecca-
ta in quibus specialior est ingratitudo, quæ propterea specialius
etiam

REDEANT PER SEQVENS PECCAT. 121

etiam à patribus notata sunt, quòd propter illa redeant peccata, vt satis patet in Magistro & Gratiano in suprà dictis locis. Sunt verò hæc sequentia. Odium fraternum, hoc est, illi nolle remittere peccata: quod opponitur ipsi remissioni peccati sibi factæ à Deo: apostasia à fide Catholica: contemptus confessionis peccatorum: & dolor de pœnitentia prius facta: quæ quatuor notum est opponi, propter quæ nobis remittitur peccatum: fidei scilicet, proposito confitendi, & pœnitentiæ: meritò igitur magis hæc ingratitude opponitæ sunt remissioni ipsi. Hæc itaque de reitu peccatorum à nobis tradita sint.

Ex quibus putamus diligenter considerandum ab his qui populum docent, quàm sit timenda assiduitas illa & continuitas quædam tam frequenter peccandi, siue iisdem quibus ante peccatis, siue alijs. Primò enim considerandum est, & de eo admonendus est populus, quòd secundum peccatum arctius irretit & implicat tenetque animam, quàm primum, si quidem sunt equalia, vt dictum est: & diligenter aduertendum quæ sit hæc implicatio animæ. Frangitur magis illius virtus ad bene operandum, sit maior cæcitas in intellectu, efficacior propensio in malum in voluntate, & ipsum peccatum altius suas radices agit & fortius efficitur in anima. Itaque dubitari non potest maiori opus esse conatu & maioribus viribus ad agendam pœnitentiam post primam remissionem, & ita deinceps post secundam & tertiam, & sic in infinitum. Rursum vires ipsæ debiliores sunt: D E V S etiam magis auersus vt à magis ingrato: quis ergo non videt quantum sit periculum? Itaque opus est vt frequenter & nos ipsos, & alios deterreamus à facilitate hac relabendi in peccata: & multo magis ab hac æstimatione, quòd facile sit iteratò & infinities pœnitere: verba illa Petri subinde & frequentius inculcanda: Si enim refugientes coinquinationes mundi in cognitione Domini nostri & Saluatoris Iesu Christi, his rursus implicati superantur, facta sunt eis posteriora deteriora prioribus. Melius enim erat illis non cognoscere viam iustitiæ, quàm post cognitionem retrorsum conuerti ab eo, quod illis traditum est, sancto mandato: & cætera quæ eo loco dicuntur. Illud etiam Evangelij, ad quod & Petrus alludit: Fiunt nouissima hominis illius peiora prioribus. Timendum magis est (vt inquit Beda) quàm exponendum. Valde curandum est ne in desperationem

Quàm periculosa consuetudo peccandi & pœnitendi, ac quo modo populus ab ea deterrendus.

2. Petri 2.

Lucæ 11.

H h

præci-

DE ORIGINE AC PRINCIPIO

precipitentur peccatores : sed non parum etiam cauendum, ne patrociniū lata huic vix, quæ dicit ad perditionem, præstemus. Certè nos putamus vehementissimè timendum illis, quos assuetos peccatis, & frequenti huic penitentia, qui nunq̃ efficaciter vitant illa, vltimus mortis articulus inuenit. Est enim in hoc loco sententia Augustini magnæ prudentiæ & sapientiæ Christianæ consideranda, de qua etiam postea latius faciemus mentionem. Vx (inquit) peccatis hominum, quæ sola inusitata exhorrescimus, vltata verò (etiam si pro ipsis sanguis filij Dei sit effusus) quamuis tam magna sint, vt omniuo claudi contra sese faciant regnum Dei, sæpe videndo omnia tolerare, sæpe tolerando nonnulla etiam facere cogimur. Atq; vtinam ô Domine, non omnia quæ non possumus prohibere, faciamus. Ita ille in verba illa 4. cap. ad Galathas: Timeo ne fortè sine causa laborauerim in vobis. Quæ postea citauit ipse in Enchiridio ad Laurentium. Itaq; ex hoc apertè constat quod experientia videmus, quanto sæpius repetuntur peccata, faciliora videri, et ideo leuius de his agi penitentiam: quod vtinam non tam apertè experientia videremus: ceterum ex dictis constat & grauiora esse, & maiori egere penitentia. Timendum itaque meritò, ne in vltimo mortis articulo eodem modo agatur penitentia vt ante. Non omnem qui redit ad peccatum tam vehementer putamus terrendum, sed peccata infirmitatis etiam mortalia sunt, quæ ad modicum tempus pre-occupant: ceterum consueta, & consuetudine pro nihilo aut pro minimo habita, & tamen mortalia, illa non satis possumus dicere quàm sint timenda, & quantum ab eis Christiani deterrendi: de quo mox plura dicentur, vtinam qua cupimus vtilitate & fructu. .

* *
*

LECTIO

LECTIO OCTAVA.

De origine & principio pœnitentiæ,
atq; actibus eius.



QUIA itaq; efficacia & necessitas pœnitentiæ satis patent, age iam attingamus originem & principium eius, progressum atq; consummationem, quod pertinet ad actus illius: vbi non est opus multa dicere. Magister 14. dist. à timore dicit illam proficisci: eo loco de cæteris eius actibus loquuntur doctores, & b. Thom., duobus vltimis articulis q. 85. 3. partis & prudenter & diligenter hæc expendit. De hoc igitur sequentia adnotentur.

Principium primum pœnitentiæ & vera eius origo est operatio diuinæ gratiæ, cor nostrum ad se conuertentis. Quod vt certissimum fidei fundamentum statuendum est, nec vlla audienda dubitatio circa illud. Pœnitentia Dei donum est, ex nullis nostris meritis. Non agimus nunc de iustificatione, quanquam pœnitentiæ perfectæ coniuncta sit: de hac enim postea dicemus. Nunc ipsam cordis nostri pœnitentiam & conuersionem diuinæ gratia præueniri, & eius donum esse asserimus. Ad quod sufficere debent verba Pauli, qui de his qui veritati contradicunt Episcopum instruens, vt cum modestia eos corripiens doceat: Ne quando (inquit) det illis Deus pœnitentiam ad cognoscendam veritatem, & respiciant à laqueis diaboli, à quo captiui tenentur ad ipsius voluntatem. Hieremias etiam hoc apertissimè confitetur Deum orans: Conuerte nos Domine, & conuertemur. Et rursus: Castigasti (inquit) me Domine, & eruditus sum quasi iuuenculus indomitus. Conuerte me & conuertar, quia tu es Dominus Deus meus. Postq̃ enim conuertisti me, egi pœnitentiam: & postq̃ ostendisti mihi percussi femur meum. Quid apertius dici potuit? Legatur totum illud caput: vbi sub typo reuersionis populi de captiuitate, conuersio peccatoris & diuina gratia dulcissimè de-

DE ORIGINE AC PRINCIPIO

Ezech. 36.

Capite 6.

Capite 11.

Scotus.
Durandus.

scribitur. Inuenit gratiam (inquit) in deserto populus qui reman-
serat gladio. In charitate perpetua dilexi te: ideo attraxi te mise-
rans. Gratię igitur est, dei tractus est cōuersio nostra. Sed apud Eze-
chielem locupletissimum huius testimonium est: Sic enim loqui-
tur Dominus per Prophetam populo Israel. Tollam quippe vos
de gentibus & congregabo vos, & effundam super vos aquam
mundam, & mundabimini ab omnibus inquinamentis vestris:
& dabo vobis cor nouum, & faciam vt in pręceptis meis ambu-
letis. Et post multa huiusmodi gratię promissa: Non propter vos
(inquit) faciam, notum sit vobis: confundimini & erubescite su-
per vijs vestris. Et antequam ad hęc promissa veniret, postquam
multa dixerat & conquestus fuerat in persona Dei, quod nomen
suum polluisent: Non propter vos (ait) ego faciam, sed propter
nomen meum quod polluisistis in gentibus. Quem locum Augu-
stin. lib. 4. contra duas Epist. Pelagianorum ad Bonifacium dili-
genter excutiens: Nihil (inquit) sic euertit hominum pręsum-
ptionem, dicentium, nos facimus, vt mereamur cum quibus faci-
at Deus. Respondeat vobis ipse Dominus: Ego non faciam pro-
pter vos, sed propter nomen meum. Et ibidem post multa alia:
Quid (inquit) merentur deserta, exterminata, & effossa? quę ta-
men ædificabuntur, operabuntur et munientur: numquid pro me-
ritis? absit. Ista enim merita mala sunt, hęc munera bona. Red-
duntur itaque malis bona gratuita: ergo non debita: ideo gratia.
Est & hoc concilij & Apostolicis definitionibus apertę defini-
tum. Innocentius in Epistola ad Carthaginense Concilium: Au-
xilium (inquit) quotidiano nos egere, negare non possumus: vt ad
rectam ergo viam redeamus, eius auxilio plus egemus. vbi mul-
ta in confirmationem huius apertissimę dicit. Celestinus etiam
in Epistola ad Episcopos Gallię hoc ipsum ex orationibus Ec-
clesię confirmat. Postulant (inquit) pontifices, vt infidelibus do-
netur fides, vt hæretici resipiscant, vt lapsis penitentię remedia
conferantur, & cętera multa, quod totum diuinum opus sentitur.
Deniq; & Arausicanum Concilium secundum, idem manifestis-
simę definit cap. 19. Cum sine gratia (inquit) humana natura in-
tegritatem seruare non potuit, quomodo sine gratia potuit repa-
rare, quod perdidit? Hęc igitur sunt certissimę fidei definitiones,
quas ideo attulimus, quoniam nonnulli inter scholasticos non
infimę authoritatis contrarium scripserunt: quod videlicet suis
vinibus

viribus quis possit sic poenitere, vt gratiam consequatur. Itaque esto, vt hoc illis donetur, & ab errore culpabili eos excusemus: certè eos adhuc velle defendere aut sequi, excusandum non est. Offendit hæc sententia non parum alienos à nobis, & quidem meritò. Asserit enim contra scripturam & definitiones Ecclesie, & deniq; aufert quæ maximè ad veram humilitatem & pietatem instituunt, quæ in hoc præcipuè posita sunt, vt nobis omnino nostrisq; viribus diffidamus, soli diuinæ gratiæ innixi. Nec aliud habet hæc sententia, quàm humani ingenij (nescio quam) argutiam, & præsumptionem propriarum virium. Sed hæc est sapientia quam stultam fecit Deus, & fortitudo quam infirmam reddidit. Multa circa hoc à scholasticis & in hoc loco circa dist. 14. & in 2. lib. dist. 28. & proximis. Hæc nunc sufficiant. Addemus etiam quædam in fine huius lectionis.

Iam actus nostros in poenitentia consideremus: de quibus hoc sit primum. Quòd cum omnes actus poenitentiae in nobis sint & ex Dei motione, & ex nostri arbitrij libertate & qualitate, nec semper eodem principio oriuntur in nobis, neq; eodem ordine procedunt. Hoc manifestissimè ipsa experientia ostendit, dum aliis timore poenarum, aliis præmiorum intuitu, aliis diuinæ bonitatis consideratione conuertitur, prout scilicet Deo placet (qui habet corda nostra in manu sua) & prout affectus noster dispositus est. Non possunt itaque sub arte & certa ratione comprehendi hæc diuinæ gratiæ admiranda opera. Quia verò suauiter Deus omnia disponit, hominesq; iuxta ipsorum dispositiones mouet, ipsa experientia docet peccatores corporeis delectationibus affectos facilius & communius poenarum timore trahi. Igitur cum de origine actuum poenitentiae in nobis agitur, quædam tradunt doctores vt necessaria & semper contingentia, quædam vt in pluribus euenientia.

Iuxta hæc igitur b. Thomas supradicto loco, congruè quidem, post primam illam diuinæ gratiæ operationem quinque actus ponit, quasi quinque gradus, quibus ad veram poenitentiam peruenitur. Primus est fidei veraciter assentientis diuinis testimonijs. Secundus timoris seruilis, quo poenarum consideratione à peccato dilectioneq; eius retrahimur. Tertius spei, quo remissionem peccatorum cōsecuturos nos sperantes, iam ea vt emendabilia detestamur. Quartus veræ charitatis, quo propter Deū ipsum peccata

Actus poenitentiae in nobis oriuntur semper ex eodem principio, neq; eodem ordine procedunt.

Quinq; actus seu gradus ad poenitentiam veram.

DE ORIGINE AC PRINCIPIO

displicent. Quintus denique timoris filialis, quo Deo ultro ob reuerentiam eius emendationem vitæ, & satisfactionem, prout possumus, offerimus.

Assignant alij alios actus, ratiocinatione magis quam vlla experientia vel vsu: & sunt hi. Velle in se vindicare peccatum, detestari illud, hanc detestationem probare. Sed illos relinquimus querentibus disputationes. De his quos experientia docet paucis agamus, probantes eos ex scripturis: nam ex illis patebunt loci, quibus maximè vtendum ad excitandos nos vel alios ad pœnitentiam. Illud ante admonemus, quòd sicut non omnes semper, vt diximus, concurrunt (nam quandoq; nullus est pœnarũ timor) ita & cùm concurrunt, non semper formaliter & explicitè inveniuntur, sed virtute tantum. Sicuti enim in alijs moralibus non semper est consilium, deliberatio, atque electio explicitè atq; formaliter, sed virtute tantum in omni voluntario actu illa sunt: ita in præsentia nulla vera pœnitentia est, vbi non fides, spes, charitas, filialis timor vel virtualiter sunt. Constat enim sine his nihil esse Deo gratum in nobis. Sed hæc quandoq; vnico citissimo, & quasi subito actu fiunt, & hoc quidem rarius, vt in latrone & Paulo: cæterum communius seorsim, paulatim & successivè fiunt in peccatorum conuersione, hoc agente nostra erga diuina tarditate & pigritia, aut nimio ad peccata & nos ipsos affectu. Ita enim paulatim primò ad fidem, deinde ad timorem, postea ad spem & ad reliqua vel omnia, vel aliqua adducitur peccator. Exemplum horum est in Augustino, qui de sua ipsius à peccatis conuersione & pœnitentia, quam scilicet longo tempore & tardo motu tandem completa fuerit, scribit apertissimè in 6. & 7. confessionum. Quia igitur hæc concurrunt vel actu vel virtute, vel semper vel in pluribus, de eis dicamus: illa habeamus ad manum, quibus vera generatur pœnitentia in nobis.

Predicti 5. actus neque omnes simul neq; explicitè semper concurrunt in pœnitentia.

Fidei actus omnium primus in pœnitentia.

Galath. 5.6.

Fides itaq; prima omnium est, sicut in cæteris quæ Deo grata sunt, ita & in pœnitentia. Sine fide impossibile est placere Deo, inquit Apostolus. Accedentem enim ad Deum oportet credere quia est, &c. Accessum itaque & principium tribuit illi Paulus: illi (inquam) soli. Cæterum fidei quæ per dilectionem operatur, totum tribuit. In Christo Iesu neque circumcisio aliquid valet, neq; præputium: sed fides quæ per dilectionem operatur: quam & nouam creaturam vocat. Non est opus hic agere de fide illa iustificante

eante Lutheranorum : alibi diximus & probauimus fictam esse. Hic hoc solum notatu dignum est, quod etsi ad poenitentiam & detestationem peccati possit nonnunquam ratio humana mouere, sed quæ hinc proficiscitur non est vera poenitentia : carnis & sanguinis nominari potest, sed non spiritus. Ratio humana potest in peccatis aut damnum, aut infamiam apud homines cogitare: vera aut poenitentia non incipit nisi à fide: quia inde oritur omnis motus in Deum. Crediderunt (inquit scriptura) viri Niniuitæ in dominum, & prædicauerunt ieiunium. Cum enim is qui in peccatis quiescit, cui illa placent, non possit nisi bona aliqua cogitatione occurrente mutari, vt ei displiceant, nullam verò bonam coram Deo cogitationem aliud quàm fides parit, necesse est poenitentia principium aliquem actum siue cogitationem fidei esse: cum scilicet Dei bonitas, siue iustitia, Dei præcepta, aut præmia, siue poena, cogitationi occurrunt, & certa eis fides adhibetur. Vnde & Paulus fidem in Deum & poenitentiam prædicat.

Ionæ 3.

Actorū 20.

Hanc bonam fidei cogitationem sequi solet timor poenarum: Fidei actum estq; in peccatoribus stimulus maximus ad poenitentiam. Vnde scriptum est: Timor domini expellit peccatum. Nam qui sine timore est, non poterit iustificari. Hinc & illud scriptum est: Initium sapientiæ timor domini. Constat enim poenitentiam ad sapientiam pertinere, vt Moyses inquit: Utinam saperent & intelligerent, & nouissima prouiderent. Poenæ verò timor quanquam imperfectus sit, & possit nonnunquam malus esse (cum scilicet peccatum amatur, & solo timore poenæ, quam mallet non esse, non peccatur) est tamen bonus & aptus his, qui non aliud nouerunt quàm se amare, & incommoda sua timere. Propterea ad hoc adhortantur nos literæ sacræ, proponuntq; externas illas poenas. Vnde Christus: Timete eum (inquit) qui habet potestatem animam & corpus mittere in gehennam. Et psalmus apertissimè dicit: Confige timore carnes meas. Affligit enim timor & torquet, atque ita cuidam quasi cruci affigit. Itaq; manifestissimus est ille error, de quo aliàs dictum est, damnans peccati illum, qui timore poenæ retrahitur à peccato. Vult Deus peccatores timere: nam Paulus ipse, qui inquit: Non accepistis spiritum seruitutis in timore,

Eccle. 1.

Deuter. 32.

sed adoptionis filiorum Dei, vehementissimè tamen alibi terret peccatores: Hocendum est (inquiens) incidere in manus Dei uiuentis. Et ibi: Irritam quis faciens legem Moysi sine ulla miseratione

Roma. 8.

Hebr. 10.

tionē

DE ORIGINE AC PRINCIPIO

tione moritur, duobus vel tribus testibus. Quanto magis putatis deteriora mereri supplicia, qui filium Dei conculcauerit? Scimus enim qui dixit: Mihi vindictam & ego retribuam. Et rursum: An diuitias bonitatis eius &c. Et illud: Thesaurizas tibi iram &c. Ista & nobis & proximis proponenda sunt: istis excitandi ad pœnitentiam.

Roma. 12.

A timore pœnitentia est pœnitentia ad spem progredientium, & hæc quoque metu temperanda est.

Ephes. 4.

Ionx 3.

Iohel 2.

Verum huic timori pœnitentia nimium inherere dupliciter periculosum est: & quia in desperationem trahit, qua nulla periculosior tentatio: desperantes enim semetipsos (inquit Paulus) tradiderunt impudicitia in operatione omnis immundicie. Et quia seruilem animum facit, nec dignum Christiano, ut ex Paulo diximus: Non accepistis spiritum seruitutis in timore. Quare in illo præcedenti gradu constitutus uti debet timore ut superior: ut scilicet ratio fide instructa corrupto appetitui & puerili opponat inextinguibilem ignem, fletum, & stridorem dentium &c. Ceterum non debet illi totus subdi, ne cum Cain dicat: Maior est iniquitas mea &c. aut cum Iudeis manum cohibeat, non animum a peccatis. Transferat ergo se quantocius ad spem, cum Psalmista dicens: Quare tristis es anima mea, quare conturbas me? Spera in Deo, quoniam adhuc confitebor illi. Exemplum huius habemus in Niniuitis. Timuerunt dominum, sed sperauerunt dicentes: Quis scit si conuertatur & ignoscat dominus? Et Iohel ad pœnitentiam exhortans: Conuertimini ad dominum Deum vestrum, quia benignus est & præstabilis super malitia: quis scit si conuertatur & ignoscat dominus? Hæc omnia sperantium quidem sunt, sed etiam timentium. Non inquit, miserebitur certo Deus: sed, quis scit? Merito itaque dicitur pœnitentia inter spem & timorem incedere: hoc ipsum est illud: Quis scit si conuertatur? Quod solum verbum Lutheranorum illam fidem destruit. Nam id quod certa fide tenendum est, nulla ratione sub tali dubitatione proponi potest. Vbi considerandus est mos loquendi scripturæ: cum ex persona Dei Prophetæ loquuntur, promittunt remissionem: Omnium iniquitatum eorum non recordabor: cum affectum exprimunt pœnitentis, dubitationis notam apponunt: Quis scit &c. Non quod de Dei misericordia debeat dubitare pœnitens, sed de se. Nam & propterea promissio illa Dei sub conditione ponitur. Si egerit pœnitentiam. Igitur & in priori illo gradu timoris spes esse debet, & in hoc timor, Sed docent patres dolorem illum de peccatis, qui assumitur

tur

tur consideratione pœnæ, multo esse inferiorem illo, qui ex consideratione misericordiæ remittentis assumptus est: atq; ita ab illo ascendendū ad hunc. In illo enim se videtur aspicere: in isto Deum, cuius misericordiæ & bonitati afficitur, atq; ideo dolet. Vnde in hoc gradu proximus est charitati. Quid enim illam potest magis in nobis gignere, quàm tantæ benignitatis diuinæ in peccatores consideratio? Cuius plenus est Psalmus ille 102. Quemadmodum miseretur pater filiorum &c.

Iam itaque sequitur meritò quartus gradus siue operatio pœnitentiæ, charitatis videlicet. Cùm enim ex præcedentibus considerationibus eò ventum est, vt Dei summa bonitas agnosci incipiat & amari, quæ maximè in remissione peccati per mortem & sanguinem filij sui (quæ spes præcipuè cogitat) ostendit. Hic amor veram detestationem & odium peccati, vt tantæ bonitati contrariū bonitatis est, operatur: quod necessarium esse ad veram pœnitentiam & reformationem peccati, satis ostendunt lachrymæ peccatricis, & verum tributum Christi: Remissa sunt ei peccata multa, quoniam dilexit multum. Et Petrus inquit quòd charitas operit multitudinem peccatorum: sine qua conuersio illa Iudæorum, de qua psalmus: Reuertebantur et diluculo veniebant ad eum: vana ibidem ostenditur, cùm dicitur: Et dilexerunt eum in ore suo, & lingua sua mentiti sunt ei, ob charitatis scilicet defectum.

Vltimo tandem, cum timore filiali, quem charitas gignit & secum coniunctum habet, ob solam videlicet diuinam reuerentiam pœnitentia satisfactionem voluntariam Deo offert. Vbi eius est consummatio, sicut in filio illo prodigo patet. Iam (inquit) non sum dignus vocari filius tuus: fac me sicut vnum ex mercenarijs &c. Quid hoc aliud quàm paratum esse subire satisfactionem pro patris arbitrio, modò non reiiciatur ab eius gratia. Cui simile videtur illud Psalmi: Dixi in excessu mentis meæ, proiectus sum à facie oculorum tuorum, ideo exaudisti vocem deprecationis meæ. Damnat itaque se verè pœnitens, at non recedit à Deo, sed magis timore filiali se illi subiicit: vbi iam peccati remissio consummatur.

Actus vltim⁹
quo perficitur
pœnitentia, est ob
reuerentiā illi
offerre satisfac-
tionem.
Psalm. 30.

Ecce omnes hos actus & in scriptura, & in ipso studio pœnitendi manifestè ostensos: in quibus sese exercere satis etiam apparet quàm sit futurum vtile: quanquam & in his non est parua diuersitas. Sunt infiniti verò pœnitentium affectus, & est velocis-

DE COMPARATIONE GRATIÆ DEI

simus transitus ab vno affectu ad alium : sed ea omnia ferè ad hos actus pertinent : de quibus satis sit hæc dixisse.

LECTIO NONA.

De comparatione diuinæ gratiæ ad supradictos pœnitentiæ actus, & de fructibus pœnitentiæ.

Quomodo operatio diuinæ gratiæ in nobis non sit distinguenda à nostris bonis operibus.

Capite 18.

1. Corint. 4.

Philip. 2.

Esaiz 26.

Esaiz 10.



Voniam diximus inter pœnitentiæ actus primum esse operationem diuinæ gratiæ conuertentis animum, postea verò adiecimus plures alios actus, expedit circa hoc diligenter aduertere, non ita distinguendam esse gratiæ operationem à sequentibus quos posuimus actibus nostris, quasi duo sint ab inuicem separati. Non ita sentiendū est de gratia, quasi vicaria quadam successione inter nos & illam debeamus diuidere, vt hoc boni à gratia, illud à nobis sit : Damnat enim hoc apertè, vt Augustinus inquit libro secundo de peccatorum meritis & remissione, verbum illud Pauli: Quid habes quod non accepisti? Nec ita putare debemus, quasi prius Deus operetur in nobis, nobis quiescentibus: deinde nos eo quiescente operemur : sed, vt Paulus inquit, operatur in nobis velle & perficere. Et Isaïas : Omnia opera nostra operatus es in nobis. Quidam fatendum est Deum in nobis operari nō præcedente vllō merito aut conatu nostro, quæ August. dicit pertinere ad gratiam operantē siue præueniente : alia verò præcedente quidē conatu aliquo nostro, vel nonnullo nostro merito, quæ ad gratiam cooperantē vel subsequentiē pertinere dicit. Ceterū gratiæ eius operatio nostrę simul bonę operationi cōiuncta est, & nostra bona operatio suæ gratiæ: vt simus in omnibus bonis operibus, sicut à propheta dictū est, quasi securis in manu Dei : nisi quod nos sumus intelligentes et volentes. Igitur ex his constat supradicta ita intelligenda esse, quod operatio Dei conuertentis cor nō sū cau-

sa sit

sa sit prima & efficax in omnibus illis actionibus: causa (inquam) omnium & singulorum, per nos & in nobis ea operans. Nam si ne me (inquit) nihil potestis facere. Dicitur verò prior natura, quòd ab ea cæteri pendeant, ipsa verò à nullo eorum. Itaq; sic dignè de gratia eius sentiendum est, vt iam per singula discurremus. Diuinæ gratiæ est in primo illo actu, non tantum fides ipsa et propositum firmum credendi diuinis assertionibus, sed & omnis bona cogitatio, & quicquid occurrit animo, maximè primò antea in peccatis quiescenti, quo incipiat Deo appropinquare, id totum diuinæ gratiæ est: nec enim (vt dixit Paulus) sufficientes sumus aliquid cogitare ex nobis, quasi ex nobis. Vbi (vt August. inquit) omne euertit Pelagianorum meritum & conatum præuenientem gratiam. Quid enim prius est in omni bono, quàm cogitatio ipsa? In secundo verò actu non minus ipsa gratia operatur. Timorem (inquit) meum dabo in corda eorum, vt non recedant à me. Nam hoc petebat Psalmus: Confige timore tuo &c, Itaq; vt occurrant menti æternæ illæ & terribiles pœnæ, gratiæ est: vt postquam occurrerint, ingrediantur cor & penetrent, eius est qui dicit: Timorem meum dabo &c. In tertio non minus spem veniæ ille largitur, de quo Paulus inquit: Quòd in Christo reconciliationem habemus, & gloriam in spe gloriæ (inquit ille) filiorum Dei. Illud quidem post remissionem culpam: sed ante solus ipse gratia sua & promittit remissionem, & facit vt verè speretur à nobis: quamobrem Psalmus vocat Deum spem suam, dicens: Spes mea Domine à iuuentute mea. Propter quod inquit: Ego autem semper sperabo: idq; contra peccatorum terrorem loquens. In quarto deniq; & in quinto ab illo diffunditur charitas in cordibus nostris, vt Paulus inquit. Ille & timorem dat, non minus castum istum, qui manet in sæculum sæculi, quàm illum pœnæ, de quo Iohannes inquit, quòd non est in charitate, sed perfecta charitas foras mittit timorem. Hæc nobis dicta sint ad diuinæ gratiæ commendationem, cui tribuendum est quicquid in nobis boni est ad salutem, maximè verò in pœnitentia. Itaque non ipsam tantum perfectam & integram pœnitentiam per suam gratiam ipse operatur in nobis, sed & illos primos & imperfectos motus ab ipso esse dicimus, non quidem secundum imperfectionem, sed secundum omnem quam habent bonitatem. Non solum ergo perfectum dolorem peccati, & recessum integrum ab eo Deus

Declaratur singulos prædictos pœnitentiæ actus esse à gratia Dei.

1. Corint. 3.

Hieremiæ 32

Roman. 5.

Roman. 5.

DE COMPARATIONE GRATIÆ DEI

Deus nō tantum perfectā penitētiā, sed etiam pri- mos et im- perfectos motus eius gratis in nobis opera- tur.

2. Timot. 2.
Iohan. 8.

Lucæ 11.

2. Corint. 3.

2. Corint. 12

An opera
præcedentia
iustificatio-
nem bona
sint an mala.

per gratiam suam dat, sed quemcunq; minimum dolorem, quo paulatim à peccato retrahimur, etsi nondum illud omnino reli- querimus, ab ipso esse vera fides tenet: quod cuncta quæ diximus satis probant, sed præcipuè locus ille Pauli quem superius citavi- mus: ubi de peccatoribus dicit, quod captivi à diabolo tenentur ad suam ipsius voluntatem: quod & Dominus inquit: Qui facit peccatum servus est peccati. Quis verò dubitet tam fortem et cru- delem Dominum non permissurum subditum sibi servum, non tantum omnino se relinquere sibiq; rebellare, sed vel tantillum à se recedere, nisi à superiori compellatur potestate, Dei scilicet: quod gratiæ certè est. Manet miser peccator viribus omnibus des- titutus potestati illius totus traditus: de qua Iob dixit: Non est potestas super terram, quæ ei possit comparari. Cùm igitur vel tantillū viderit se quispiam respirare ab eā servitute, agnoscat su- peruenisse superiorem, qui fortem illum armatum custodientem castrum suum vicerit. Et hoc satis supra adducta testimonia Au- gustini, Innocentij, Cælestini, & Conciliorum probant. Si (inqui- unt) qd accepit iustus, sine gratia servare non potest, quāto minus recuperare, quod perdidit? Si hæc igitur non fiant à iusto sine gra- tia, quomodo à peccatore fient? Non negamus fieri posse, vt de- testetur peccatum impius, aut boni aliquid ex suo genere, ductus naturali ratione et instinctu faciat: sed nec pœnitentiam aliquam, nec opus aliquod, quo tantillum appropinquet ad Deum, aut di- sponatur ad gratiam, nisi à Deo adiutus facere potest. Docet ita Paulus: Quod non sufficientes simus cogitare &c. Et: Nemo po- test dicere Dominus Iesus, nisi in spiritu sancto. Quæ verba sæpe in hunc sensum interpretatur Augustinus: nihil scilicet ad salu- tem pertinens nos posse: sicut & illud etiam: Sine me nihil po- testis facere.

Iam ex his quid sentiendum sit de multis quæ circa hoc mo- nentur quæstionibus & controuertuntur, non tantum inter Ca- tholicos & hæreticos, sed inter ipsos etiam catholicos, intelli- gi po- test. Quæritur primò, an cùm paulatim quis perducitur ad iusti- tiam, illa opera, quæ præcedunt, bona sint? An illis præparemur ad iusticiam? Et deniq; an meritoria sint iustitiæ ipsius? Igitur vt, omisis contentionibus, cognoscatur quid de his tribus sentien- dum sit iuxta sanio- rem doctrinam, sequentia ex his, quæ diximus, notentur. Primò iuxta sanam & probabiliorem sententiam non est

est negandum præcedere aliqua bona opera nonnunquam iustificationem siue perfectam poenitentiam, & illis operibus nos præparari & paulatim perducì ad perfectum, sed illa omnia ex gratia diuinæ auxilio fieri. Negant Lutherani duo illa priora: esse scilicet aliquod bonum opus, & per illud nos præparari. Et quamquam non desint catholici aliqui, qui opera omnia peccatorum, maximè infidelium, mala putant: sanior tamen sententia est quam diximus, & ab hæreticis pertinaciter hæretico animo negatur. Nam ex proximè dictis, satis patet Deum boni aliquid inspirare cordibus peccatorum, ipsosq; sic à Deo motos actum timoris, aut spei, siue poenitentia: producere. Vnde quamquam in colloquio illo Ratisponensi anni 46. & in libello de eo edito à Butzero nulla ratione hæretici voluerunt hoc concedere, sed, vt ex ipso Butzeri libello patet, non possunt negare Deum nonnunquam paulatim perducere peccatorem ad iustitiam, ipsumq; ita eum præparare: quod in Augustino ille latissimè ex confessionibus eius ostendit: quo concessio, mirandum est quibus technis elabi conentur, clamantes contra scripturam esse, dicere aliquod bonum opus à peccatore fieri, sed bene (inquit ipse) Deum in illo efficere, & Deum illum præparare: quo nihil amplius nostra sententia asserit: Deus operatur in illo & præparat illum, sed per illum ipsum, non enim illa opera ullus verè dicere potest ab illo non esse. Quam sententiam August. frequenter apertissimè tenet. Nam in epistola ad Sixtum videlicet 105. Nec ab illo (inquit) quod originaliter contrahitur, nec ab his quæ vnusquisque in vita propria mala congregat quisquam liberatur & iustificatur, nisi gratia dei per Iesum Christum dominum nostrum: non solum remissione peccatorum, sed prius ipsius inspiratione fidei & timoris dei, impartito salubriter orationis affectu & effectu, donec sanet omnes languores nostros. Vides vt intelligit gratiam dei ante remissionem peccatorum in fidei & timoris dei inspiratione & affectu orandi incipere, & hæc salubria esse. Quod apertius in 1. lib. de diuers. quæst. ad s. Simplicianum q. 2. in principio ita dicit, cum Pauli mentem in illis verbis: Cum nondum nati essent &c. incipit explicare: asserens eam esse, vt de operum meritis nemo gloriatur, & vt ostendat opera non præcedere gratiam, sed sequi: Ne scilicet quis arbitretur se ideo percepisse gratiam, quia bene operatur: sed bene operari non posse, nisi per fidem receperit gratiam, Et statim post ista

Ita inquit. Incipit autem homo percipere gratiam, ex quo incipit deo credere: sed interest, quibus articulis temporum, vel celebratione sacramentorum gratia plenior & euidentior infundatur. Vnde post pauca inquit: Fiunt ergo inchoationes quædam fidei conceptionibus similes: nihil horum tamen sine gratia misericordiæ Dei: quia & opera, si quæ sint bona, consequuntur. Ponit exemplum horum in catechumenis & Cornelio, quos non sine diuina gratia putat & credere & operari bona quædam, ut elemosynas & orationes fecit Cornelius, nec tamen adhuc perfectè iustificatus est. Poterat & exemplum horum in seipso afferre, sicut attulit in confessionibus: cum magno affectu oraret, & multis lachrymis imploraret Dei misericordiam, nondum tamen assequum omnem peccandi relinquens. In scriptura sacra non video apertiora alia testimonia huius, quàm illa quæ his locis Augustinus refert. Nec crediderim admodum innitendum testimonijs scripturæ, sed ista Augustini testimonia, quem etiam hæretici fatentur acerrimum gratiæ assertorem esse, & in his locis, ubi isti putant magis contra nos illum esse, meritò debent sufficere. Adducebant Catholici aliqua scripturæ testimonia, sed ea certè ambigua. Nam quicquid de præparatione dicitur ad iustitiam, id non de præcedente aliqua præparatione necesse est intelligi, sed de ipsa, quam per Dei gratiam facimus, operatione vel cum iustificamur, vel cum augetur in nobis iustitia. Sed hoc dogma est ut Ecclesiasticum asserendum, Fieri à peccatoribus bona quædam opera, quibus præparantur ad gratiam, non sine Dei gratuito auxilio: quod nihil detrahit gratiæ, imò magis commendat: quod & consolatur infirmorum mentes, & ad bene operandum excitat, & certè præter controuersiam à patribus asseritur. Nam cuncta illa, quæ afferuntur contra hoc ex scriptura: Omne quod non est ex fide peccatum est: & quæ Augustinus ex hoc loco contra Iulianum acerrimè disputat de virtutibus gentilium, manifestè intelligenda sunt de his quæ ex infidelitate procedunt: quæ ut huiusmodi, mala sunt. Atque ita scriptura loquitur de sacrificijs & oblationibus Iudæorum, quæ illi superbo animo & gloriantes, sibiq; securitatem promittentes offerebant sine vera penitentia. Incensum abominatio est mihi &c. Quod Ieremias apertius, multa in hanc sententiam dicens, declarat. Vos confiditis vobis in sermonibus mendacij, furari, occidere &c, & veni-

sua

stis & stetitis coram me in domo hac, in qua inuocatum est nomen meum: & dixistis: liberati sumus, eo quod fecimus omnes abominaciones istas &c. Orabant itaque isti, & fidebant in templo persuasione superba. Merito igitur illa rejiciuntur à Deo. Ceterum oratio illa humilis publicani, de quo etsi secundum sensum aliquem credamus, quod descenderit iustificatus, tamen potuit orasse, antequam iustificatus esset. Orationem ergo illam ante iustificationem non dubitandum est fuisse bonam, quam sic commendat Christus. Et certe est hæc efficax ratio ad hoc probandum ex scriptura. Nam constat ex hoc loco orationem illam bonam Deo gratam fuisse, ipsumque præparasse. Non tamen ex illo loco constat iam tunc illum esse iustificatum. Vt minimum constat posse aliquem peccatorem nunc sic orare. Et de oratione sunt alie auctoritates scripturæ & patrū. Nam quid est: Omnis qui petit accipit. *Lucæ 11.* quod interpretatur Chrysost. siue iustus siue peccator: si non gratū est Deo, ut peccator oret? Sunt igitur & bona opera ante remissionem peccati, & præparamur per illa. Iam verò, an aliqua ratione meritoria sint iustificationis, minus est certum, & minus necessarium: quare mallem hoc hæreticis concedi: quod videtur etiam aliqua ratio Augustinus frequenter dicere: & tribuitur etiam hæc sententia b. Thom. Tamen multi pii contrarium sentiunt & verius, & vtilius conscientijs: de quo, ut intelligi possit, breuiter hæc notentur. *Art. 5. q. 114.*

Primum. Ante plenam iustificationem semper voluntatem, prima secund. qua commissum est peccatum, permanere Deo ingratam, sed non Voluntas peccatoris ante & ideo minus ingratam: quod ipsum est: non nihil iam accessisse iustificationem semper ad Deum, & recessisse à peccato.

Secundum. Semper ante iustificationem voluntatem illam, quidem, licet qua peccatum est, fortius esse & præualere alteri qua bonum nunc magis, aliquod orationis &c. fit. Propter hoc itaque vltimum August. nunc minus clamat, ante remissum peccatum semper esse mala merita, imò Deo displicentia merita nisi damnationis. Ita Psalmo 31. Nihil boni fecisti, cet. & datur tibi remissio peccatorum. Attenduntur opera tua, inueniuntur mala. Si quod debetur operibus Deus redderet, utique damnaret. Stipendium. n. peccati mors. Malis operibus quid debetur, nē absolute nisi damnatio? Et super Iohannem in illa verba: De plenitudine magis iram ne eius omnes accepimus, gratiam pro gratia &c. Post multa quæ misericordie hac re: Hanc ergo (inquit) accepit gratiam primam peccatā meretur.

DE COMPARATIONE GRATIÆ DEI

tor, vt eius peccata dimitterentur. Quid meruit? Interroget iustitiam: inueniet pœnam. Cui consonat id, quod superius citauimus ex 4. lib. contra 2. epistolas Pelagia. Redduntur peccatoribus bona pro malis. Itaque si vtrunque consideremus in peccatore incipiente iam ad Deum redire, quicquid boni est, minus est, minus amatur ab eo, quàm peccatum odio habeatur: magis Deus odit peccatum in illo, quàm amet illa alia, quia & ipse peccator magis amat peccatum, quando adhuc voluntate in eo manet, quàm salutem, pro qua etiam orat. Nam si non ita esset, sed fortior esset voluntas gratiæ, iam & ille non amaret peccatum, & remissum esset ei. Itaque si totus ipse consideretur, magis prouocat iram, & magis meretur iram, quàm misericordiam. Verùm quia bonum suum, quod scilicet Deus operatur in illo, & quo ipsum præparat, non est dubitandum Deum aspicere in ipso, sanè & catholicè putamus esse dicendum, Deum respicere bona illa ante iustificationem. Quid enim non respiciat dona sua in homine? imò magis quàm ipsa opera hominis mala? Aspice (inquit) in me. Et alibi: Auerte faciem tuam à peccatis meis. Et illud: Reminiscere miserationum tuarum, quod de ipsa gratia, quam Deus in nobis operatur, intelligi potest, quando incipit nos præparare. Et statim sequitur: Delicta iuuentutis meæ ne memineris. Dicamus ergo Deum illa aspicere, & propter illa, quæ sua magis sunt quàm peccatoris, illius misereri. Hæc quidem iuxta sanam doctrinam. Iam verò an etiam per illa opera ex parte aliqua mereri possit iustificatio vel secundum quandam congruitatem? satis vtraque pars sine vllò periculo affirmari potest. Certè August. in epist. illa ad Sixtum meritum videtur asserere. Sic enim inquit: Sed nec ipsa remissio peccatorum sine aliquo merito fidei est, si fides hanc impetrat. Nec enim nullum est meritum fidei, quia ille dicebat: Deus propitijs esto mihi peccatori. Dixit itaque meritum: leniuit addito vocabulo (aliquo). Sit itaque meritum aliquod, non quale in iustificatis iam est ad æternam vitam: idq; si cui ita placet, & sibi videtur Dei misericordiam commendare. Illud enim meritum diuinæ gratiæ opus est, nondum quidem iustificantis, sed præparantis. Nec ab hoc puto b. Thom. sensum loco citato abhorre. Id certum habeamus: peccatorem, quamdiu in peccato est, magis dignum esse damnatione quàm venia: & propter hoc ipsum in se consideratum nulla ratione mereri nisi damnationem, quam Au-

Deus respicit bona opera peccatoris ante iustificationem tanquam sua dona.

De merito præcedente iustificationem.

gust.

gust. dixit. In hac itaq; quæstione omnes conamur cuncta tribuere gratiæ, & tribuimus quidem: sed qui plus putant gratiæ tribui, illud qualecunq; meritum ponentes, quod satis rationabile est, nō sunt arguendi: nec è contrario, qui volunt peccatori sua demerita decantatissima esse, etiam non sunt reprehendendi: modò eis concedamus, peccatori nullum bonum gratiæ debitum esse, & auferramus omnem suorum operum fiduciam: sic tamen, vt diuinum erga se fauorem & auxilium agnoscat & veneretur. Hæc igitur propter hos actus pœnitentiæ, qui & gratiæ sunt, diximus.

De fructibus pœnitentiæ erat iuxta hunc articulum agendum, quos & Iohannes Baptista & Christus Dominus tam diligenter exigunt: Facite fructus dignos pœnitentiæ: sed non est opus aliud dicere, quàm quòd, cum fructus bona opera constet vocari, mandatorum scilicet Dei executionem: vnde dictum est: Omnis arbor quæ non facit fructum bonum excidetur: eadem ipsa opera fructus iustitiæ sunt, qua ratione à lege præcepta sunt, atq; omnibus communia: fructus quidem pœnitentiæ dicuntur, quatenus ab his, qui se peccasse nouerunt, in vindictam & quandam satisfactionem peccati, vt dictum est, assumpta. Fiunt igitur fructus pœnitentiæ eadem ipsa opera, sed frequentiora, & maiori sollicitudine impleta: vt pote duplici ratione & necessitate debita, legis videlicet Dei, & peccati proprii. Vnde meritò illa, quæ Paulus Corinthiis scribens, dicit à tristitia, quæ secundum Deum est, in eis causata, fructus pœnitentiæ dicere possumus. Hoc ipsum (inquit) 2. Corint. 7. vos secundum Deum contristari, quantam operatur in vobis sollicitudinem, sed defensionem, siue purgationem (vt alij legunt) aut excusationem, sed indignationem, sed timorem, sed desiderium, sed æmulationem, sed vindictam. Quæ omnia non distincta aliqua opera & specialia significant, sed (vt nunc ita dicamus) conditiones quasdam bonorum operum: dum in faciendis bonis, qui peccauit valde sollicitus est, ardens desiderat, æmulatur exempla meliorum, & in seipso acerrimè vindicat & punit peccata: In vitandis verò malis etiam sollicitus est & se defendere atque purgare à præteritis, & indignari contra se, qui illa commisit, & contra omnem persuasionem eorum, atq; timere illa, propriæ infirmitatis semper conscius. Cæterum inferius vtemur iterum hoc loco Pauli, cum de discernenda vera à falsa pœnitentia ageretur. Nunc satis sit eius meminisse.

DE IUSTIFICATIONE LECTIO DECIMA.

De iustificatione impij.



EX his igitur quæ proximè dicta sunt, putamus abundè haberi, quantum tribuendū sit gratiæ in pœnitentia: & catholicæ Ecclesiæ doctrinam satis fore purgatam à modernorū hæreticorum calumnijs, qui non cessant in aures vulgi quotidie inclamare, quòd nostris meritis doceamus peccatorum remissionem

obtineri. Constat satis nos omnia gratiæ tribuere. Nec inconsideratio aut error, qui absque pertinacia inuenitur nonnunquam in doctoribus pijs atque catholicis, tribuendus est ipsi catholicæ Ecclesiæ aut doctrinæ eius. Ex his ergo quæ circa hoc dicta sunt, facile est agnoscere, quid de iustificatione impij sentiendum sit. Quia tamen & hoc à nostris doctoribus circa hunc locum dist.

Quæst. 113.
art. 1. 2.

17. quarti, & à b. Thom. specialiter etiam & diligenter docetur, & circa id etiam maximè contra nos clamant nouatores, necessarium est de hoc etiam in speciali dicere. Nec tamen latius hoc tractandum suscipimus, sed summatim tantum: & quàm breuissimè fieri poterit dicenda sunt duo. Primum. Quid doctores nostri circa hoc asserant ante motas omnes hæc controuersias simpliciter, id est, syncerè & absque partium fauore. Deinde quid nouatores isti hæretici, Lutherus & sui asserant. Ex quibus speramus tertium posse facile ostendi, quid illi in nobis reprehendant, & nos in illis. Vbi etiam videbitur, nihil minus hæreticos in hac materia facere, quàm quod promittunt: nec vllam esse, in qua minus necessarium fuerat quicquam addere aut simplicem populum inquietare nouis doctrinis: quanquam clament se locum istum de iustificatione, præcipuum caput Euangelij, illustrasse: sepultum alioqui & obscuratum à nostris, sed iam ad primum accedamus.

Quæ & quo
ordine hic ex
plicabuntur
de iustifica
tione.

Doctores igitur nostri grauiores, præcipuè d. Thom. b. Bonavent. Alexander de Ales, & fere omnes reliqui in præcipuis de quibus dicturi sumus conueniunt, quanquam sit nonnulla diuersitas circa

circa minutiora quædam & minus necessaria. Breuiter igitur colligentes eorum doctrinam & b. Thom. præcipue, qui pluribus certe sententijs quàm verbis in Summa hanc materiam prosecutus est, sequentia colligimus.

Primum. Docent quòd iustificatio hæc impij est peccatorum remissio, & innotatio quædam atque sanatio animæ. Id quod ex contextu ipso scripturæ satis ostenditur. Nam Paulus inter diuersa diuinæ gratiæ opera, vocationem & iustificationem ponit medias inter glorificationem & prædestinationem: mediam verò inter hæc, quòd scilicet præcedat glorificationem & sequatur prædestinationem. Prima quidem vpcatio est: post hanc verò peccatorum remissio in nobis, qui videlicet sub peccato omnes sumus: & demùm perseuerantia ac profectus in custodia mandatorum. Vtrunque autem Paulus iustificationem dixit. Nunc verò nos de prima, qua ex impio fit iustus, agimus. Ideo diximus iustificationem impij, vt aliam excludamus ab hoc tractatu. De hac igitur loquitur Dominus in Euangelio, cum ait non semel: Remittuntur tibi peccata tua. Vnde & alibi ait Paulus: Credi in eum, qui iustificat impium &c. denique alibi apertius hoc docens, mentione facta fornicationum & similium: Et hæc quidem aliquando (inquit) fuistis: sed abluti estis, sed sanctificati estis, sed iustificati estis. Vbi vides apertè illum abluitionem & sanctificationem idem dicere quod iustificationem, & in his omnibus veram constituere mutationem, per quam id quod aliquando fuerint deserunt iam esse: Aliquando (inquit) hæc fuistis, innuens iam non esse. Iuxta hoc igitur, Iustificationem impij (de qua tantum hic loquimur, vt propositum est) remissionem peccatorum esse intellexerunt nostri: remissionem, inquam, quam superius exposuimus satis. Nec omiserunt rationem nominis huius & vocabuli ostendere ex communi & philosophorum more loquendi. Iustificatio (inquiunt) mutationem quãdam significat, qua iustus quis efficitur. Vnde & actiue significatur: dicit enim Paulus Deum iustificare: & passiue, quando dicit nos iustificatos, & iustificari hominem &c. Motus ergo hic ad iustitiã quanq̃ dupliciter fieri intelligi possit. Primò in eo, qui prius in peccato non fuit: sicut in Adam cum primam à Deo accepit iustitiã: sed de hac non loquimur: verum de secunda, quæ fit à peccato ad iustitiã, quasi ab vno contrario in alterum: quæ meritò iustificatio vocatur à termino ad quẽ:

Iustificatio
impij est remissio peccatorum & animæ innotatio.

Roman. 8.

Roman. 4.

1. Corint. 6.

Quid nomẽ
Iustificatio
significet,

DE IUSTIFICATIONE

Nomen Iustitiæ variè accipitur.

sic enim denominantur motus. Mutatur itaq; qui iustificatur, & mouetur à peccato ad iusticiam. Notarunt igitur iusticiam sumi vel pro virtute quadam, quæ æqualitatem constituit in his, quæ sunt ad alios: siue iustitia particularis sit, quæ ordinat ad singularem alium hominem: siue legalis, quam Aristoteles vocat, quæ ordinat ad commune bonum multitudinis: nec de hac iustitia hic est sermo. Sumitur verò secundo modo pro vniuersali quadam reſtitutione hominis, quia primò ipse totus rectè se habet ad Deum, deinde & vires suas recto continet ordine, à qua reſtitutione iusti dicuntur in scriptura homines. Iustus autem meus ex fidè viuit. Sicur igitur status hic & reſtitutio iustitia quædam est & æqualitas, ita econtrariò peccatum omnè, vt inquit Iohannes, iniquitas est: inæqualitas scilicet: atq; ita iniustitia quædam. Quando ergo ab hoc peccato ad illam reſtitutionem à Deo quis mouetur, meritorè iustificari dicitur, atq; ipse motus Iustificatio. Hæc igitur nostri de re & nomine Iustificationis impij.

Quatuor ad impij iustificationem concurrunt.

1.

2.

3.

4.

Secundum. Docent ad hanc iustificationem quatuor concurrere, & hæc quidem simul tempore fieri, cæterum habere ordinem quandam naturæ. Sunt igitur quatuor ista interna, & quasi integritia iustificationem ipsam hoc ordine. Primum est gratiæ diuinæ infusio atque cooperatio, qua pizuenimur & excitamur ad omnia quæ sequuntur: de qua satis proxima leſione dictum. Secundum est motus liberi arbitrij fide se conuertentis in Deum, atque adeò actus fidei: de quo intelligunt illud: Iustificati ex fide. Hic itaq; actus fidei non est præcisè accipiendus, sed omnes illos actus timoris, spei, & charitatis, de quibus proximis leſionibus diximus, includit motus iste fidei, de quo hic fit mentio. Tertium est motus detestationis peccati, qui est velut recessus cordis à peccato: & reuera est dolor ille, quem diximus proximis leſionibus primò à timore pœnæ incipere, augeri spe, deniq; perfici charitate & timore filiali. In his omnibus est motus iste detestationis peccati, iuxta ea quæ octaua leſione dicta sunt. Quartum deniq; ponunt remissionem peccati. Vbi consummatum totus hic iustificationis motus. Quamuis igitur hæc satis duabus proximis leſionibus confirmata sint scripturæ autoritatibus & explicata, non tamen erit inutile hoc loco magis adhuc confirmari, & iuxta catholicum sensum exponi.

Primum igitur, de gratiæ infusione confirmat maxime Pauli doctri-

doctrina in multis locis. Ad Ephesios quidem: Deſs (inquit) qui Ad iuſtifica-
dines eſt in miſericordia, propter nimiam charitatem ſuam, qua tionem ne-
dilexit nos, cū eſſemus mortui peccatis, conuiuificauit nos in ceſſaria eſt
Chriſto, cuius gratia ſaluati eſtis. Et ibidem iterum: Gratia enim diuinæ gra-
ſaluati eſtis per fidem: & hoc non ex vobis: Dei enim donum eſt: tix inſuſio.
non ex operibus, ne quis gloriatur. Et, vt de ſingulis dicamus, Cap. 2.
ipſum credere ex gratia eſſe idem aſſerit: Vobis (inquiens) datum Philip. 1.
eſt, non ſolum vt in eum credatis, ſed vt pro eo etiam patiamini.
Et de cæteris omnibus bonis animæ noſtræ motibus vniuerſali-
ter, vt proxima lectione diximus, inquit: Deus eſt enim qui opera- Philip. 2.
tur in vobis & velle & perficere pro bona voluntate. Vbi illud cō-
ſiderandum eſt, quòd quanquam ſcholastici ſæpius gratiæ nomi-
ne habitum quendam virtutem animæ, ſiue priorem virtute intel-
ligant, non tamen propterea vel rationem ipſam primam & pro-
priam gratiæ, quæ eſt, quòd non ſit ex meritis (dicente Paulo: Si
autem gratia: iam non ex operibus: alioquin gratia iam non eſt Rom. 11.
gratia) negant, vel ſolum illum habitum intelligunt. Diſtinxit di-
ligenter b. Thomas ſuo loco duplicem gratiam: alteram habitum:
alteram gratuitam Dei cooperationem, motionem, atq; conuer-
ſionem animæ ad bonum: de qua dictum eſt: Sine me nihil pote-
ſtis facere. Omnia hæc gratiam appellant, & nullo merito noſtro Iohannis 16
dari intelligunt. Quod ipſi ſignificant & explicant, dicentes hanc
gratiæ inſuſionem primam eſſe eorum quæ ad iuſtificationem
concurrunt. Primam inquam, non tempore, ſed naturæ ordine. Iuſtificatione
Igitur ſimul illa omnia eſſe, atque ita iuſtificationem in inſtanti & ſubito
ſubito fieri, probant ex duobus. Primum ex diuinæ omnipoten- ſit, licet pec-
tia, quæ nullo eget tempore ad operandum. Secundò ex diuinæ cator paula-
gratiæ immenſitate, ex qua eſt, vt nullam aliam diſpoſitionem tim ad eam
requirat Deus ad inſundendam gratiam, niſi quam ipſe operatur perducatur,
& facit per gratiam. Denique & operatio voluntatis noſtræ non
exigit tempus. Quare ipſa perfectæ iuſtificatione Deo mouente, &
anima noſtra conſentiente ſubito fit, non minus quàm illumina-
tio, ſed multo magis: quanquam communiter iuxta naturæ hu-
manæ conditionem, cuius eſt paulatim & non ſubito ad ſummū
peruenire paulatim perducatur peccator ex imperfecto dolore &
amore ad perfectum (vt ex actibus penitentiae explicatis patet) ad
quod cum peruenerit, ſubito & abſque mora iuſtificatione fit. In hac
verò ſubita mutatione primum omnium, hoc eſt, à quo tanquam
K k 3 cauſa

DE IUSTIFICATIONE

Infusionem
gratiz Dei
priorem esse
& causam
motus liberi
arbitrij atq;
iustificatio-
nis declara-
tur.

causa cetera omnia pendent, gratiz infusionem dicunt: quam etiam asserunt esse ipsam operationem Dei animam mouentis: ita vt apertè fateantur ideo liberum arbitrium moueri ad fidem & detestationem peccati, quia ita Deus illud excitat & mouet, quia gratiam suam infundit: non contrà, ideo Deus infundit gratiam, quia liberum arbitrium mouetur. Hoc illi ex similitudine actionum & mutationum naturalium declarant, prudenter quidem: quoniam naturalia hæc proportionem quadam ad spiritualia se habent, & in illis Deus quandam figuram spiritualium rerum & specimen exhibuit. Igitur (inquiunt) sicut in omni naturali mutatione primum omnium est actio ipsa agentis in passum, quam ipsa passio rei, quæ mouetur, mox concomitatur & sequitur, cuius tamen actio illa causa est: prius enim (vt exempli causa dicamus) virtus ignis applicatur aquæ, & in illam operatur: non certè ab ipsa aqua, quæ patitur, attracta, sed illa, quæ alioqui de se neque appropinquaret, nec se disponderet ad calorem, mox vt cœperit ignis calefacere, calefit: atq; ideo calefit, quia ignis calefacit, non è contrariò, ideo ignis calefacit quia illa calefit: sic in iustificatione (inquiunt) quia Deus gratiam confert, mouetur anima: non contrà. Vbi vide quàm pulchra & manifesta est assertio gratiz, & aptissima ex illa similitudine declaratio. Si quid fecit aqua vt calefieret ante ignis operationem, id fecit peccator vt iustificaretur ante gratiz infusionem. Si ex aliquo debito ignis calefecit aquam, si quid debet illi ignis: ita etiam præcessit meritum in peccatore, vt Deus illum iustificaret, ita Deus aliquid illi debet: hoc est, ita nullum meritum præcessit peccatoris vt iustificaretur, sicut in aqua nulla dispositio, vt calefieret, ita ex nullo merito Deus iustificauit hominem. Est tamen aduertendum in hac similitudine multas esse dissimilitudines. Aqua enim est insensibile quoddam elementum, prorsus sensus expertus & duntaxat patitur, atque contra naturam suam mouetur cùm calefit: anima verò est liberi arbitrij, & iuxta naturam suam suauiter mouetur à Deo, cuius nulla actio in creaturam violenta est. Tamen quod attinet ad dependentiam patientis ad agens, & non contrà, aptissima est similitudo. Ex qua rursum progredientes vltra nostri in explicanda gratia, sic obijciunt: Nonne prius est materia disposita & præparata, quàm formam recipiat? Cùm igitur præparatio animæ in motu illo liberi arbitrij consistat, præce-

præcedit ille infusionem gratiæ. Ad quam obiectionem respondendū, exemplo, & ratione naturali magis illustrari hanc diuinæ gratiæ prioritatem & virtutem. Primò, quoniam constat in naturalibus mutationibus formam simul esse cum vltimis (quas vocant) dispositionibus & perfectis, sed has effectus esse formæ ipsius : ita igitur (inquunt) motus illi liberi arbitrij effectus gratiæ sunt. Quanquam itaque in naturali aliqua mutatione, generatione scilicet vel corruptione, longo nonnunquam tempore dispositiones imperfectæ præcedant, quod tamen attinet ad ipsam generationem, subito forma substantialis adest, & simul cum ea dispositiones illæ vltimæ : ita per omnia in ipsa iustificatione, quam merito non tantum generationem, sed potius creationem dicere possumus. Sic enim vocat Paulus : Ipsius enim (inquit) sumus factura, creati in Christo I E S V in operibus bonis, quæ præparauit vt in eis ambulemus. Vnde & alibi nouam creaturam vocat gratiam certè ipsam iustifican-tem : In Christo (inquens) Iesu nec circumcisio aliquid valet, nec præputium, sed noua creatura. Ita (inquam) dispositio subito fit ex gratia. Iustitia enim producit in mente, & mens simul operatur iustitiam ipsam suscipiens : ita videlicet vt nihil illi tribuamus, quod ex gratia non habeat. Dicunt secundò, quòd in illa naturali mutatione, cum reuera ita sit, vt dispositiones illæ sint à forma, quæ per generationem producta est, tamen secundum ordinem causæ materialis priores sunt forma : hoc est, si consideretur materia ipsa nudè, & comparetur ad formam & ad dispositiones, sicuti prius est esse materiam, quàm suscipere formam, ita prius est dispositum esse ad formam, quàm ipsam suscipere. Secundum ordinem verò causæ efficientis, hoc est, cōparata materia ad efficiens, prior est operatio efficientis & intentio : quare simpliciter prior est & eius operatio, & forma quam efficiens intendit : atq; ita demum in iustificatione prior est Deo operatio & gratiæ infusio, quàm reliqua omnia. Quod pulcherrimè vide in Euangelio sub metaphora filij prodigi descriptum. Mittamus cetera : Surgens (inquit) venit ad patrem : Cumq; adhuc longe esset, vidit filium pater : & misericordia motus, accurrens cecidit super collum eius, & osculatus est eum : & dixit ei filius : pater, peccauit in cælum & in te. Vide itaq; antequam filius accederet, pater accurrit; anteq̃ loqueretur, osculatus est eum : ita anteq̃ peccator

DE IUSTIFICATIONE

eator accedat, Deus præuenit: antequam eum verè pœniteat, reconciliat eum sibi: ante(inquam) non tempore(quia simul sunt) sed causalitate & virtute: quia Deus dat gratiam, peccator conuertitur: non quia conuertitur, dat ei gratiam. Primum igitur illud de gratiæ infusione, sic explicatum sit.

Motus liberi arbitrij conuertentis se ad deum, qui etiam fidei actus dicitur, necessarius est ad iustificationem adulti.

Rom. 5. 3.
Hebræi. 11.

Galat. 5.

Hebræi. 11.

1. Cor. 13.

Secundum. Motus liberi arbitrij necessitatem probant Pauli etiam autoritatibus. Iustificati ex fide pacem habeamus. Arbitramur iustificari hominem per fidem. Et: Iustitia Dei per fidem Iesu Christi in omnes & super omnes, qui credunt in eum. Vbi primò nostri notant, actum hunc liberi arbitrij in Deum, fidem vocari & reuera esse: quia accedentem ad Deum oportet credere. Certè per cognitionem naturalem non verè appropinquatur Deo, multo minus in illum conuertimur vt beatificatorem & iustificatorem. Quia igitur (inquiunt) fides prima est in hoc actu conuersionis liberi arbitrij in Deum, meritò actus fidei dicitur: nò tamen eius solius, sed & spei & charitatis, timoris Dei, & reliquarum virtutum (de quibus proximè diximus inter actus pœnitentiæ) etiam est. Nam & per charitatem remitti peccata satis suprà probatum est. Imò verius & magis propriè per illam, quàm per fidem aut aliam aliquam virtutem. Actum igitur hunc, quem Paulus fidei vocat, ipsemet explicat alibi: In Christo (inquiens) Iesu nec circumcisio aliquid valet, nec præputium, sed fides quæ per dilectionem operatur, quam superius nouam creaturam ostendimus eum vocasse. Vbi & hoc obseruandum diligenter: nostros non hoc solum consonè rationi dixisse, sed etiam secundum modum loquendi scripturæ. Illa docet vnum actum plurium virtutum esse: ista apertius diuersis virtutibus eisdem actus tribuit: quod valde est considerandum. Quot actus tribuit Paulus fidei ad Hebræos scribens? Non tantum certè ipsum credere, de quo dixit: Fide intelligimus aptata esse secula verbo Dei: sed etiam oblationem sacrificij. Fide Abel plurimam hostiam quàm Cain obtulit: obedienciam: Fide Abraham obediuit: timorem Dei: Fide Noë metuens &c. denique omnium virtutum opera: Sancti per fidem operati sunt iustitiam, ludibria & verbera experti &c. Ad Corinthios verò omnia similiter tribuit charitati, etiam ipsum credere: Caritas omnia credit, & omnia sustinet, & omnia sperat, & patiens est, benigna est &c. Vides itaque apertè eundem actum plurium virtutum esse, nec magnopere curari cui tribuatur. Non certant inter se

ter se virtutes de gloria. Quare nihil est stultius, quàm eo quòd aliquis actus tribuitur vni virtuti, cæteras excludere: vt qui dicunt sola fide iustificari nos, quod nusquam certè legitur: de quo posita. Denique vltimò dicunt nostri, fidem hanc quæ exigitur, non requirere vt actu in iustificatione omnia mysteria fidei cogitentur, sed illud duntaxat specialius requiri, vt credatur Deus iustificator hominum per Christum: sic videlicet vt vera sit & integra fides & reliquorum omnium, & maximè huius: sit inquam, etiam si actu de his non cogitemus, modò illa in Deum conuersio verè huic fidei innitatur. Ita b. Thomas inquit ex verbo Pauli: art. 4. ad 3. Credenti in eum qui iustificat impium. Et apertius de Christo suprà dicto loquens: Quem proposuit (inquit) Deus propitiatorem per fidei loco. dem in sanguine eius.

Rom. 3. & 4.

Tertium quod necessarium ponunt in iustificatione, detestatio videlicet peccati, iam satis in superioribus ex scriptura ostensum est. Si impius egerit poenitentiam. Circa hæc igitur duo, motum scilicet fidei in Deum, & motum detestationis peccati, ad iustificationem notant, quòd sine his nullus adultus & rationis compos iustificatur à Deo: id quod satis ipsæ scripturæ autoritates probant, & illi explicant ratione sumpta ex suavi Dei gubernatione, qua cuncta secundum suas naturas mouet. Hominem igitur non vt stipitem aut lapidem mouet, sed suo libero arbitrio. Et certè hæc ratio, & illæ autoritates scripturæ satis probant (vt patet ex his quæ de necessitate poenitentiae suprà diximus) nec cum Sacramentis, nec per ea aliter fieri vt ratione vtens iustificetur, nisi actu cooperans & consentiens iustificationi: sed de hoc aliàs. Secundo notant duos hos motus esse veluti motum mobilis in naturalibus transmutationibus, qui (vt diximus) sequitur & causatur ex actione agentis: atque ita isti motus effectus sunt diuinæ gratiæ. Tertio circa eosdem notant, quòd sicut in transmutatione aliqua sunt duo, scilicet recessus à termino à quo, & accessus ad terminum ad quem: sicut cum calefit aqua, recedit à frigidityte, & accedit ad calorem, & id quidem vnicò motu: ita in mutatione animali iustificationis, vel spiritali potius, sed quæ sit ex præcedente apprehensione, est accessus ad terminum, cum apprehenditur & cogitatur Deus, & in illum tendit affectus: est recessus à peccato, cum cogitamus eius malitiam & detestamur. Sunt itaq; duo motus, & inter eos primus ille fidei in Deum, qua-

Detestatio peccati necessaria est iustificationem adulti. Motus fidei in Deum & detestationis peccati declaratur similitudine motuum naturalium.

SENTENTIA LVTHERANORVM,

si accessus ad terminum, quem sequitur recessus à peccato. Ille enim prior est causa huius: ideo poenitens detestatur peccatum, quia contrarium Deo quem amat. Ex amore enim alicuius boni sequitur odium oppositi mali.

Remissio peccati est consummatio iustificationis.

Capite 27.

Quid sit iustificatio.

Quartum denique & vltimum dicunt esse remissionem peccati, quam dicunt consummationem siue peruationem ad terminum huius motus. Consummatur enim iustificatio in remissione culpæ. Ille (inquit Esaias) est omnis fructus, vt aufertur peccatum. Et quanquam infusio gratiæ, & remissio culpæ, ambæ sint à Deo, tamen prior dicitur infusio gratiæ, quia illa est causa remissionis. Et sicut agens introducendo propriam formam expellit contrariam: ignis calefaciens expellit frigus: ita Deus gratiam infundens expellit peccatum. Est igitur iustificatio motus animæ à peccato ad iustitiam: hoc est, motus quo diuinæ gratiæ infusione & inspiratione sic in deum mouetur animus & in peccatum, vt veram consequatur à Deo remissionem eius. Hæc itaq; sunt quæ à nostris traduntur.

LECTIO VNDECIMA.

Quid Lutherani de iustificatione sentiant, & quomodo confutentur.

Quid Lutherani dicant iustificationis nomen significare.



A M nunc dicamus quid aduersarij omnes, & noui hæretici, Lutherum sequentes, de iustificatione asserant, & quid in nobis reprehendant.

Primò nomen ipsum iustificationis contendunt non esse accipiendum vt motum aliquem verum significet, quasi vocabulū quoddam physicum: sed potius vt forensie quoddā nomē & iudiciale: vt iustificari sit iustū pronuntiari & decerni à Deo: quod & phrasi hebraicæ dicunt magis conuenire, & contextui frequentissimo scripturæ: Vt non iustificetur (inquit Paulus) omnis caro coram ipso.

Roman. 3.

Ipso. Et alibi: Factores legis iustificabuntur, quod est, inquit, Roman. 2. iusti decernentur. Et tandem iustificationem non aliud esse, quam ita pronuntiarī vel decerni iustum, probat Paulus, cum citato verbo Psalmi: Beatus vir cui non imputauit Dominus peccatum, inquit: Credenti in eum qui iustificat impium, reputatur fides eius ad iustitiam. Et addit quod dicit Dauid, Deum accepto iustitiam ferre hominibus sine operibus. Deum ergo iustificare peccatorem, tantum est iustum reputari à Deo. Ex hoc reprehendunt quicquid diximus de motu illo iustificationis.

Secundò accedentes iam ad rem ipsam, negant apertè priores quidem in hominibus esse iustitiam aliquam: quam posteriores sentiant nonnihil, dicentes non esse quidem iustitiam, qua coram Deo stare possimus: quanquam sit nonnulla iustitia. Hoc probant scripturæ autoritatibus. Non iustificabitur in conspectu tuo omnis viuens. Omnes iustitiæ nostræ sicut pannus menstruatus. Facti sumus ut immundus omnes nos. Et illud: Si iniquitates obseruaueris &c. Quare apertè dicunt eos, qui aliquando in scriptura iusti dicuntur, vel innocentes, non simpliciter, neque coram Deo id intelligendum, sed quod attinet ad specialem aliquam causam, vel rationē inter homines. Sicut cum Dauid in psalmo dicit: Si feci istud, si est iniquitas in manibus meis. Intelligendum est, quod attinet ad odiū, quod contra eū conceperat Saul. Ceterum nos toti sub peccato sumus, ut Paulus inquit: Ego autē carnalis sum, venundatus sub peccato. Quod. n. operor non intelligo. Non. n. quod volo bonū, hoc ago: sed quod odi malū, illud facio. Viget in nobis inordinatæ concupiscentiæ malū, de quo iterū inquit ipse Paulus: Video aliam legē in membris meis, repugnantē legi mentis meę, & captiuantē me in lege peccati, quę est in membris meis. Hęc concupiscentia suscitāt in nobis praua desideria, rebellionē deo, & diffidētā, & huiusmodi alia innumera mala, quibus captiuamur, ut Paulus inquit, in lege peccati: quæ omnia damnable peccata ex se sunt, & cætera omnia nostra corrumpunt atque peruertunt. Quæcunq; enim facimus, his permixta sunt: & ideo mala. Vnde Paulus: Perficere bonum nō inuenio. Ex quibus iam, iuxta ea quæ de nomine iustificationis dicta sunt, dicunt in nobis nullam aliam esse iustitiam, nisi quod Deus pater dignatur nobis imputare iustitiam Christi: hoc est, reputare quod nos fecerimus in satisfactionē peccatorum, quod Christus fecit. Itaq;

Quid sentiāt
Lutheranide
iustitia hoīs,
& quibus ar-
gumentis ni-
tantur.

Isaia 64.

Psalm. 7.

Roman. 7.

Roman. 7.

CONFUTATIO SENTENTIA LVTH.

Isaie 53.

Roman. 7.

Roman. 8.

Roman. 3.

sicut peccatum remittitur non imputatione: gratis enim Deus non imputat nobis illud, ut supra ex Paulo illi adduxerunt: et quidem sicut nobis non imputatur peccatum, ita Christo imputata sunt omnia nostra peccata, quando (sicut Isaïas inquit) vulneratus est propter iniquitates nostras: quod apertius dicit illis verbis: Dominus posuit in eo iniquitates omnium nostrum, ut scilicet pro eis satisfaceret. Itaque peccata non imputantur nobis à Deo, quia propter illa nos non punit. Imputantur verò Christo omnia, quia in eo vindicat illa Dei iustitia. Ita (inquiunt) per omnia de iustitia Christi dicendum est, quæ cum illi non sit necessaria, imputatur nobis à Deo, ac reputatur nostra: & ita decernimur iusti, qui reuera tales non sumus: quod videtur Paulus docere, cum post illa quæ supra diximus de lege captiuante illum, statim ait: Infelix homo, quis me liberabit de corpore mortis huius? Et mox respondet sibi: Gratia Dei per Iesum Christum Dominum nostrum. Et post pauca ex eodem inferens: nihil ergo (inquit) nunc damnationis est his, qui sunt in Christo Iesu. Sola itaque (videtur Paulus dicere) gratia, & Christi merito illa nobis non imputari, quæ alioqui damnabilia sunt. Hæc itaque est remissio peccati & iustificatio quam statuunt, & qua mirum in modum gloriantur, dicentes se illustrasse hanc iustificationis doctrinam, quæ caput est totius Euangelij, docereque homines non fidere neque gloriari de suis operibus, quæ omnia mala sunt, sed soli diuinæ gratiæ inniti: unde nec suam iustitiam extollere debent, quæ nulla est, sed solam Dei iustitiam. Nam quid aliud (inquiunt) Paulus significat, cum ait: Ignorantes Dei iustitiam, & suam volentes statuere, iustitiæ Dei non sunt subiecti? Reprehenduntur itaque suam iustitiam statucentes. Quare? Nisi quod nulla sit, & ita docemur solam Dei iustitiam esse statuendam. Sola ergo illa vera est. In iustitia tua (inquit Psalmus) libera me, non in mea. Non est opus plura de hac re dicere. Illi enim innumera adserunt, sed hæc est omnium summa. Tertio hanc imputationem iustitiæ Christi dicunt nullis operibus nostris nobis contingere, quia omnia mala sunt: sed sola fide acceptari. Unde sola fide nos iustificari asserendum esse, probant (inquiunt) aperte verba illa Pauli: Arbitramur hominem iustificari per fidem absque operibus. Et quæ latius postea de Abraham inquit toto 4. cap. ad Romanos: Si ex operibus iustificatus est, habet gloriam, sed non apud Deum &c. Et multis locis in Epistola

stola ad Galathas: Quicumque ex operibus legis sunt, sub male- Galath. 3.
dicto sunt. Quod autem in lege nemo iustificatur apud Deum,
manifestum est: quia iustus ex fide uiuit. Ex quo statim affir-
mant, quod cum nostra iustificatio nullis operibus nostris innita-
tur, neq; merito quidem ipsius fidei (quæ tantum iustitiæ accepta-
tio quædam est) debet nobis certa esse, sicut certa est passio ipsa
Christi. Quamdiu enim nostra opera putamus necessaria, nō pos-
sumus nō dubitare & anxij esse: atq; ita deest nobis vera consola-
tio. Nam hoc est quod Paulus dicit. Si ex lege hæreditas (ex ope-
ribus scilicet) exinanita est fides, abolita est promissio. Lex enim
iram operatur. Ideo ex fide, vt firma sit promissio omni semini.
Fides itaque qua iustificamur, non historica (inquiunt) est, qua hi-
storiæ Euangelicæ tantum credimus: sed qua certò credimus re-
missa nobis peccata esse in Christo, & certò in eo nos futuros sal-
uos. In his tribus punctis tota ferè est eorū loquacissima & immē-
sis verbis redundans doctrina iustificationis. Primum est, nullā no-
bis inherere iustitiam, sed tantum imputari à Deo eam quæ Chri-
sti est. Secundum, sola fide nos ita iustificari, vt non ex vllis ope-
ribus. Tertium, fidem hanc non historicam esse, sed specialem illam.
Ex his clamant contra nos, Primò, quòd dicamus remissionem
peccatorum nos mereri, & quodāmodo emere à Deo valore ope-
rum: cum nolumus sola fide nos iustificari. Secundò, quòd veram
fidem ignoremus, veramq; eius virtutem: cum nunq; nisi de fide il-
la historica loquamur, non verò de apprehendente Christi iustiti-
am. Tertio, quòd gloriam Dei & Christi transferamus in opera
nostra: dicentes videlicet nos iustos esse, & bona opera facere,
contra id quod Paulus docet, scripturam conclusisse omnia
sub peccato, vt non glorietur omnis caro coram illo, sed subdi-
tus fiat omnis mundus Deo. Omnes enim peccauerunt, & egent
gloria Dei, quam gloriam dicunt nos auferre, docendo nos non
esse sub peccato, sed iustos. Quarto deniq; reprehendunt, quòd
auferamus veram consolationem, firmitatem atq; certitudinem
diuinarum promissionum: quando non sine nostris operibus ius-
tificari nos dicimus: quæ cum mala sint & imperfecta, cogimus
conscientias perpetuò in anxietate & dubitatione esse. Hæc igitur
sunt capita præcipua eorū, quæ in nobis circa hanc materiā repre-
hendunt, grauissimi criminis nos arguentes, quòd tantam Dei
gloriam, tantam cōsolationem animarum obtramus & obscure-

Rom. 4.

Vniuersa do-
ctrina Luth.
de iustifica-
tione ad tria
capita reuo-
catur.
Lutherani
dicūt catho-
licos quātu-
or falso &
impie doce-
re de iustifi-
catione.
Rom. 3.

CONFUTATUR SENTENTIA LVTH.

mus: de quibus nunc vel summam agamus: tam scilicet de his quæ asserunt ipsi, quàm de his quæ in nobis reprehendunt: arguamus (inquam) hæc non omnia, sed tantum quæ putamus vtilius populo proponi posse: maximè ut à tanta inuidia Ecclesiam Catholicam liberemus, quantam illi tot criminationibus conciliantur apud vulgus indoctum. Et videamus vtri magis obseruent Dei gloriam: nos, an illi.

**Confutatur
non imputa-
tio peccati et
imputatio
iustitia, ac
statuitur in-
hærens.**

Primum igitur, quod iustificationem nolunt mutationem aliquam veram esse, sed solum non imputationem: & (quod huic coniunctum est) nullam esse in nobis inherentem iustitiam, solus ille locus Pauli apertissimè condemnat quem, cum nostra assereremus, adduximus. Hæc aliquando fuistis, sed abluti estis &c. Itaque apertè docet iustificatione factum esse, ut quod erant, non sint &c. Vbi & ipsorum significatio illa forensis iustificationis, hoc est, pronuntiatio, insufficiens ostenditur: cum asseratur verè esse sanctificatio & ablutio, arque ita renouatio & sanatio. Ne igitur cum eis de nomine disceptemus, fateamur ita accipi in scriptura phrasi hebraica. Sit iustificari, à Deo iustum pronunciarì & decerni: inde ne licet inferre, ergo non est verè fieri iustum? cum potius apertè constet in scriptura, dicere Dei, esse facere. Nec enim verba Dei inefficacia sunt: multo minus eius voluntas. Deum ergo pronuntiare iustum, est facere iustum: alioqui inanis esset Dei sententia. Sed dicunt: Paulus tantum dicit non imputari peccatum. Respondemus verissimum esse: non imputatur: sed non imputatio dignum facit, cui non imputeretur peccatum: sicut Dei amor, quo ad vitam æternam aliquem acceptat, dignum illum efficit vita æterna. Dignos (inquit Paulus) nos fecit in partem sortis sanctorum in lumine, qui eripuit nos de potestate tenebrarum, & transtulit in regnum filii dilectionis suæ, in quo habemus redemptionem & remissionem peccatorum. Quomodo potest apertius mutatio hæc vera iustificationis significari, quàm his verbis, dignos nos fecit, transtulit, eripuit? Non ergo modeste, imò nec verè dici potest, Paulum iustificationem dixisse solam esse non imputationem. Dixit quidem esse non imputationem quodam loco, sed alio dixit esse veram mutationem, ablutionem, translationem. Itaque apertum est propter illam significationem non esse, cur à nobis dissentire debuerint, imò à tam apertis locis scripturæ. Et ex eodem sequitur secundum etiam falsissimum esse, nullà in nobis esse

**De iustitia
inherente.**

esse

esse inherentem iusticiam, sanctitatem, aut bonum, ut illi dicunt: sed tantum imputari nobis iusticiam Christi. Primum quod aperte scriptura sacra testetur in nobis bonos motus & opera esse ex diuino spiritu, quibus preestamus Deo, quod à nobis postulat: quæ partim etiam cum nostra assereremus adduximus. Vobis, ait Paulus, datum est ut in eum credatis: ecce fides. De spe: Fortissimum, Heb. 6. ait idem, solatium habeamus omnes, qui confugimus ad tenendam propositam spem, quam sicut anchoram habemus animarum tutam ac firmam. De charitate ait: charitas Dei diffusa est in cordibus nostris per spiritum sanctum qui datus est nobis. Quis dicit hæc non esse in nobis, aut non esse grata Deo, vel nos per ea non esse iustos? Paulus sanctos per fidem operatos esse iusticiam ait. Et Iohannes istis quasi respondens, & contra illos muniens fideles: Charissimi (inquit) nemo vos seducat: qui facit iusticiam iustus est, sicut & ille iustus est. Ecce nos facere iusticiam, & esse iustos. Denique plena est scriptura testimonijs huius mutationis & sanctitatis, quam spiritus sanctus in nobis operatur. Nihil, ait Paulus, damnationis est his qui sunt in Christo Iesu. Quem locum illi pro se citant, cum maximè sit contra eos. Non enim dixit, nihil damnationis imputatur, sed est. Et iterum, dicit nos esse in Christo Iesu, & non secundum carnem ambulare: & statim rationem horum omnium assignans, qua aperte attestatur huic veræ inherenti in nobis iustitiæ: Lex enim spiritus vitæ in Christo Iesu liberauit me à lege peccati. Ecce liberationem. Et apertius statim addit: Nam quod impossibile erat legi, in quo infirmabatur per carnem, Deus filium suum mittens in similitudinem carnis peccati, de peccato damnauit peccatum, ut iustificatio legis impleretur in nobis, qui non secundum carnem ambulamus. Ecce in nobis impleri iustificationem, non imputari tantum. Ecce nos non ambulare in carne, sed in spiritu: si tamen spiritus Dei habitat in vobis, inquit. Quicquid ergo ex Paulo illos adducere diximus de lege peccati habitante in nobis & captiuante nos, si quidem de iustificatis intelligatur (quod Augustinus vult) de concupiscentia quæ in carne est & sensibus eius, de motibus illius constat intelligendum, quos repugnante ratione certum est non esse imputabiles homini, nec quidem ei qui nondum iustificatus est, si modò non consentiat. Voluntate enim sola rei teneri possumus. Hoc quam apertissimè Paulus explicauit loco quem iam citauimus, Quod si Christus (inquit)

Heb. 6.

Rom. 5.

Hebr. 11.

1. Iohan. 3.

Rom. 8.

Respondetur

ad aduersarios

argumentis

CONFVTATVR SENTENTIA LVTH.

Roma. 1.

(inquit) in vobis est, corpus quidem mortuum est propter peccatum, spiritus verò viuít propter iustificationem, vel (vt legunt alij) vita propter iustitiam. In carne ergo manent reliquæ peccati, quas Paulus peccatum vocat ab effectu: in spiritu verò iustitia. Et denique quòd omnes dicunt peccatores esse, & omnia opera mala, ex illis locis: Omnes iustitiæ nostræ &c. De his quæ sine Dei gratia, & quæ ex nobis facimus, intelligenda esse: siue illa venalia sint, quibus bona opera frequenter maculamur, vel illis intermiscemus: propter quòd dictum est: Iustitiæ nostræ sicut panis menstruatur: siue etiam mortalia, satis probat quòd superius adductum est de his, quæ à nobis spiritu Dei fiunt. Et hæc tandem sufficiant & contra hos, & contra eos qui iustitiam inhærentem in nobis concedentes, imperfectam illam semper dicunt esse, & qua nō possumus stare ante Deum. Contra hoc enim apertè Paulus docet, secundum opera iudicandos nos esse: Thesaurizas (inquit) tibi iram in die iræ & reuelationis iusti iudicij Dei, qui reddet unicuiq; secundum opera sua. Et post multa in hanc sententiam: Tribulatio (ait) & angustia in omnem animam hominis operantis malum: Iudæi primum & Græci: gloria autem, honor, & pax omni operanti bonum: Iudæo primum & Græco. Quorsum ergo hæc, & cuncta quæ sequuntur ibi? Factores legis iustificabuntur &c. si nulla opera sunt quibus possumus stare in iudicio DEI? Itaq; quòd multi etiam catholicorum (vt in Colonienfium Antididagmate & Pighio videre licet) volentes ad concordiam reducere hoc dissidium, inhærentem quidem iustitiam fatentur, sed eam (inquiunt) imperfectam & inchoatam, qua saluari non possumus, nisi rursus imputetur nobis iustitia Christi: contra hunc locum Pauli apertissimè est, & similia alia: vt illud: Qui facit voluntatē patris mei, ipse intrabit in regnū cœlorū. Et: si vis ad vitam ingredi, serua mandata. Fatemur igitur imperfectam esse nostrā iustitiam comparatam iustitiæ patrī, sed sufficientem ad salutē, idq; non ex nobis, sed ex spiritu Christi. Sed de imputatione illa iustitiæ Christi iam dicendum. Et contra illos quidem, qui solam eam in nobis ponunt, nullam scilicet inhærentē, satis est quòd præbuerimus inherere nobis iustitiam: & cōtra alios, qui tam imperfectā eam ponunt, satis etiam probatum est: cū ostenderimus secundum eam nos iudicandos, & præmiandos bonos. Reposita est mihi corona iustitiæ (inquit Paulus) quā reddet mihi dominus in illa

Iustitia hominis iusti potest ferre Dei iudicium.

Roma. 2.

Rom. 3.

De imputatione iustitiæ Christi.

2. ad Tim. 4.

in illa die iustus iudex. Post hanc verò non esse necessarium nobis imputari iustitiam Christi, neq; hoc asserendum esse, satis probat quòd hoc & alienum sit à mòdo loquendi scripturæ & patrù, & occasio errorum. In scriptura nobis comunicari iustitiam Christi, & à nobis participari legimus. Participes (inquit Paulus) Christi facti estis. Et Psalm. participes vocat sanctos Christi. Et alibi Paulus: Calix quem sumimus, communicatio sanguinis Christi est: & panis quem frangimus, participatio corporis Domini est. Participatio verò hæc quid aliud significat, quàm perfectionem quandam longè inferiorem & deficientem ab illa Christi iustitia? De plenitudine (inquit Iohannes) eius nos omnes accepimus, non plenitudinem, sed de illa. Iuxta quem sensum Chrysostomus in hunc locum, & Athanasius in primum cap. Epistolæ ad Hebræos exponens illud, præ participibus tuis, quod Paulus citat, hoc aperte docent: iustitiam videlicet nostram participationem quandam esse, sed deficientem à iustitia Christi. Athanasius inquit: Participatione hæc sunt sancti effecti, & in gratia participes quidem effecti, quemadmodum & meritorum eius. Ecce participationem gratiæ & meritorum Christi. Et Chrysostomus: Quod ego (inquit) fero, participabile quoddam est, & exigua pars totius, & quasi gutta parua ad immensam abyssum: quod duabus similitudinibus explicat, fontis videlicet, & ignis. Nunc igitur aduertendum, quòd imputatio non participationem, neq; communicationem significat, sed donationem quodammodo totius: non quidem ad immutationem eius, cui donatur, pertinentem, sed tamen ad plenam liberationem. Certum est, cùm dicimus alicui imputari factum alterius, non deficientem participationem meriti vel demeriti illius intelligi, sed in eo iudicio in quo fit imputatio, haberi eum cui imputatur, ac si fecisset: & ita illi dicunt nos haberi apud Deum, ac si præstissemus quod Christus: unde aperte sequitur plenissima liberatio à peccato in illo Dei iudicio, uenientia se quò ad culpam videlicet & pœnam. Itaq; nec satisfactio remissa quantur ex culpa, nec purgatorium alicui iustificato reliqua esse possunt. imputatione Habentur enim secundum eos iustificati, ac si perfecissent quod iustitiæ Christi. Hæc Lutherani volunt auferre, satisfactionem scilicet & purgatorium: sed sunt hæreses damnatæ, contra quas modò non agimus. Sequitur etiam ex illa imputatione, auferri diuersitatem gradus gratiæ & sanctitatis: contra illud: In domo Patris, mei

Hebræ. 3.

1. Corin. 10.

Homilia 13.
in Ioannem.

Quæ iucon-

M m mansio-

CONFUTATUR SENTENTIA LVTH.

Ioannis 14. mansiones multe sunt. Et: Stella differt à stella: si omnes habentur ac si præstiterent quod Christus, cum tamen nihil præstent. Imò nec profectus ille virtutis & sanctitatis, & renouatio quotidiana intelligi potest, si sola sit hæc imputata iustitia. Quòd si forte volunt illam imputationem non plenam hanc collationem meritorum Christi intelligi, sed secundum diuersos gradus: vocent eam ergo participationem, & reiiciatur verbum hoc imputationis inauditum antiquis. Quorsum attinet tantopere hoc nomen efferre & commendare, nec tamen aliud significare quàm nomine illo participationis? Certè antiqui patres, & concilia illa, in quibus maximè contra Pelagianos definitum est, & pro diuinæ gratiæ illustratione, nunquam hoc nomine imputationis vtuntur. August. qui præcipuus inter hos fuit, lib. 1. de peccat. merit. & remiss. iustificationem interius Christum dicit operari, & gratia baptizatos suo corpori inferere, atque dare fidelibus suis occultissimam sui spiritus gratiam: & propter hoc ait dictum esse, in Christo omnes viuificari, & non propter solam imitationem, quanquam illa in sanctis esse debeat. In Epistola ex Aphricano quodam concilio quinque Episcoporum ad Innocentium, quam ille dicit plenam fide, post mentionem factam illius, quòd per legem fit cognitio peccati, additur, vt ad liberationem quærantur Dei promissiones, quod est gratiæ, & incipiat esse in homine iustitia non sua, sed Dei, hoc est dono Dei data. Quo verbo explicant quomodo hæc, qua iustificamur iustitia Dei dicenda sit: non quidem quòd in ipso solo sit, sed quia à Deo datur nobis. Igitur iustitiam nostram constituimus in occulta illa communicatione & participatione spiritus Christi & meritorum eius, quam sequitur imitatio. Hæc. n. duo ita coniuncta sunt, vt quanto magis illi occulta communicatione vnimur, tanto magis imitemur: & quòd magis fuerimus imitati, magis vniamur. Ipse (inquit Paulus) spiritus testimonium reddit spiritui nostro, quòd sumus filij Dei. Quòd si filij, & hæredes &c. Et statim: Si tamen compatimur &c. Et denique ipse Paulus hæc omnia manifestissimè explicans, ita inquit Philip. scribens. Postquam omnia dixerat propter Christum se vt stercora reputasse, addit, vt Christum lucrificari & vt inueniar in illo non habens meam iustitiam quæ ex lege est sed illam quæ ex fide est Christi, quæ ex deo est iustitia in fide ad cognoscendum illum, & virtutem resurrectionis eius, & societatem passionis illius: configuratus morti eius, si quo modo occurreretur.

Capite 9.

Iustitia non
 est a constituta
 est in oc-
 culta comu-
 nicatione spi-
 ritus Christi
 & mentorū
 eius.

Capite 3.

turram ad resurrectionem quæ est ex mortuis. Vides itaque quam vocet suam iustitiam : quæ scilicet non est ex fide : eam verò quæ fidei est, quam distinguit contra suam iustitiam, dicit ex Deo esse, non in Deo : quia scilicet causatur à Deo in nobis : & hac dicit se configuratum esse Christo. Igitur suam iustitiam, quam contemnit vt stercora, aperte vocat, quæ proprijs innititur viribus, non verò diuinæ gratiæ & dono. Cæterum qui volunt ultra hanc inhzrentem iustitiam imputari etiam nobis eam quæ Christi est, considerent primò, an ista inhzrens nobis iustitia sit in nobis à Christo, an per eam efficiamur participes eius, an non. Si enim à Christo pendet, si eius meritorum efficiamur participes per eam, sufficit ad salutem : quandoquidem in Christo omnes viuificabuntur, & omnia in illo reconciliantur. Ad quid ergo alia imputatio postea ? Quòd si dicant illam à Christo non pendere, necesse est nullam omnino esse, sed confictam. Igitur concludamus hoc, quod latius processit quàm putauimus, definitione Concilij Tridentini, quam putamus meritò sufficere debere pijs omnibus & consentientibus filijs, quicquid hæretici clamant. In sessione igitur sexta, vbi de iustificatione Catholicam & syneceram tradunt doctrinam, capite 7. in principio, nominata iustificatione, sic dicitur, Quæ non est sola peccatorum remissio, sed sanctificatio & renouatio interioris hominis per voluntariam susceptionem gratiæ & donorum, vnde homo ex iniusto fit iustus, & ex inimico amicus, vt sit hæres secundum spem vitæ æternæ. En quid sit iustificatio. Deinde postquam de causis eius integrè loquuntur, causam formalem inquirentes, hoc est, formam quæ acquiritur illa mutatione, ita dicunt. Causa formalis est iustitia Dei, non quia ipse iustus est, sed qua nos iustos facit : qua videlicet ab eo donati, renouamur spiritu mentis nostræ, & non modò reputamur, sed verè iusti nominamur & sumus, iustitiam in nobis recipientes, vnusquisque secundum suam mensuram, quam spiritus sanctus partiur singulis prout vult, secundum propriam cuiusque dispositionem & cooperationem. Quamquam enim nemo potest esse iustus, nisi cui merita passionis Domini nostri I E S V Christi communicantur : id tamen in hac impij iustificatione fit, dum eiusdem sanctissimæ passionis merito per spiritum sanctum charitas Dei diffunditur in cordibus eorum qui iustificuntur, atq; ipsi inhzret. Ecce qualiter & iustitia

Decreti concilij Tridentini de iustificatione.

CONFVTANTVR DOGMATA LVTH.

inhrens, & participatio meritorum Christi afferuntur à sacra & Catholica doctrina: nec vltra putarunt patres opus esse aliquid addere. Igitur imputatio illa meritò relinquenda est, vt diximus; à consentientibus catholicæ Ecclesiæ filijs, quicquid fortè antea putauerint esse dicendum. Quæ de hoc articulo restant, proxima lectione expediemus.

LECTIO DVODECIMA.

In qua similiter confutantur Lutheranorum de Iustificatione alia dogmata.



DIXIMVS de duobus circa iustificationem nouis dogmatibus Lutheranorum: restant reliqua duo ex his quæ proposuim⁹. Est enim tertium: Sola fide nos iustificari, non verò vllis nostris operibus, quod primò dicunt à Paulo asseri: Arbitramur iustificari hominem per fidem absque operibus. Ergo (inquiunt) sola fide. Deinde & ratione probant: Quia omnis promissio fide (inquiunt) acceptatur. manifestum est enim promissionem sola fide considerari, atq; ita acceptari: de remissione verò peccatorum est diuina promissio: fide ergo acceptanda: alioqui (vt diximus superius) periret certitudo promissionis diuinæ, vt Paulus inquit. Si enim qui ex lege, hæredes sunt: exinanita est fides &c. Contra hoc superius satis ostendimus contritionem & pœnitentiam necessariam esse. Si impius egreditur pœnitentiam &c. Imò charitatem quoque: Qui enim non diligit, manet in morte. Ostendimus etiam Paulum ipsum docere, fidem quæ apud Christum aliquid valet, esse illam quæ per dilectionem operatur. Hoc igitur illis respondemus. Dicant an sine contritione & charitate remittatur peccatum. Quod si affirmant, negabunt scripturam. Si verò fateantur non remitti: non ergo sola fide. Et ne de vocabulo con-

An sola fide
& sine omni
bus nostris
operibus iu-
stificemur.
Roman. 3.

Roman. 4.

1. Ioan. 3.

tendatur: quod fides omnia illa secum coniuncta habeat (vt quidam illorum dicunt) etiam si ita sit: explicent tandem, ne fucum faciant ignorantibus: & quod non piguit Paulum dicere, non piget eos: Fide quæ per dilectionem operatur. Denique si illam fidem vocant, quæ necessario, & (vt aiunt) sua natura & virtute coniunctam habet charitatem: non pauciora opera ad iustificationem dicunt necessaria, quàm nos. Quorsum igitur opus est dicere, sola fide? Itaq; cum bene excutiuntur, reperiuntur idem asserere quod nos: sed negari non potest, nostra esse synceriora & apertiora. Respondemus breuiter ad ea quæ pro se adferunt, quod verbū Pauli: Arbitramur iustificari hominem per fidem, de ea fide quam Paulus explicauit, quæ videlicet per dilectionē operatur, intelligimus. Quod dicit: Non ex operibus, vt multa alia omittamus, dupliciter intelligimus. Primò, sine operibus præcedentibus iustificationē, & eam apud Deum merentibus. Nulla enim præcesserunt opera quibus mereremur iustificari, vt August. exponit lib. 8. 3. quæst. Ceterum de sequentibus operibus, si superuiuat iustificatus, necessaria sunt (inquit) August. ibi: de quibus illud Iacobi intelligit: Vides quoniam Abraham ex operibus iustificatus est, & nō ex fide tantum &c? Secundò, non ex operibus alienis à fide, quæ scilicet illam præcedunt. Nam de his verissimum est: Sine fide impossibile est placere Deo. Et certè qui distinguit fidem ab operibus, necesse est, vt cum ipsa opus quoddam sit, de quo dictum est: Qui crediderit & baptizatus fuerit &c. non ab omni opere distinguat, sed ab opere alieno à fide. Ostendimus verò suprà, Paulum omnia opera virtutum sanctorum, fidei opera vocasse. Igitur non de illis, sed de omnibus alijs quæ sine fide fiunt, loquitur. Iam quod dicunt ex eodem Paulo, non posse promissionem firmam esse, si ex operibus implenda sit: si enim qui ex lege, sunt hæredes: exinanita est fides &c. Ideo ex fide, vt firma sit &c. Apertè etiam diximus vel ab ipso Paulo intelligi de operibus ex proprijs nostris viribus & legis ductu profectis. Hoc est enim quod dicit: Si qui ex lege, sunt hæredes. Notum est, ex lege, apud Paulum idem valere quod, virtute legis: hoc est, sine spiritu. Illa verò omnia quæ sine Dei charitate fiunt, quanti faciat Paulus, scimus. Nemo potest dicere, domine Iesu, nisi in spiritu sancto, Hoc ergo dicit: si virtute nostra & meritis nostris sine gratia putamus hereditatem benedictionis gentibus in semine Abraham promissæ consequi: exinanita est

Exponitur
locus Pauli:
Arbitramur
hominē iu-
stificari per
fidem absq;
operibus.
q. 76.
Cap. 2.

Rom. 4.

Exponitur
locus Pauli:
Si qui ex le-
ge sunt hæ-
redes &c.

Cap. 10.

fides,abolita est promissio. Nullus enim consequetur: quia nulla sunt opera nostra:& ideo ex fide,id est,ex operibus fidei, quæ non nisi diuina gratia fiunt à nobis. Ita hunc locum exponit Augustinus lib. de prædestinatione sanctorum. Quando(inquit)promisit Deus Abrahæ in semine eius fidem gentium,dicens:Patriem multarum gentium posui te:Vnde dicit Apostolus: Ideo ex fide, vt secundum gratiam firma sit promissio omni semini, non de nostræ voluntatis potestate, sed de sua prædestinatione promisit. Promisit enim quod ipse facturus erat:non quod homines:quia etsi faciunt homines bona quæ pertinent ad colendum Deum, ipse facit vt illi faciant quæ præcepit: non illi faciunt, vt ipse faciat quod promisit: multa pulcherrimè in hanc sententiam ibi dicit Augustinus. Vbi vides apertè sanctissimum illum doctorem diligentissimum gratiæ assertorem & expositorem Pauli: non opera quæ faciunt homines excludentem, modò ex diuina gratia in eis fiant. Sed ipsius illa fortissima ratio,nunquam satis ab eis cõmendata, est nobis nunc non tam soluenda,quàm (si pateretur compassio eorum, qui miserè subuertuntur) irridenda. Promissio acceptatur fide,inquiunt: verum est:de iustificatione est promissio: fatemur:concludunt, ergo iustificatio fide acceptatur. Vbi certè mirandū est hæreticorū ingeniū.Hoc (inquit Philippus) Pauli argumentū,neq; excogitare nec fingi quicq̃ potest quo eueri queat.Mirum certè Dialecticū. Maior est, Promissio acceptatur fide: vera certè.Minor,de iustificatione est promissio.Ex his quid sequi poterat aliud,q̃,ergo pmissio de iustificatiõẽ acceptatur fide?quomodo hinc infert, ergo iustificatio acceptatur fide? Nonne aliud est iustificatio, aliud promissio illius? Quanta est hallucinatio, non distinguere rem promissam à promissione.Promittitur homini pecunia,promittitur dignitas,libertas,promittitur vxor:non sunt hæc distincta quæ promittuntur à promissione? Quis verò dicit vxorem fide accipi, & non potius translatione in propriam domum,& coniunctione corporū,quàm fide? Sic de cæteris omnibus. Promissiones verò rerum fide acceptantur: Igitur promissio iustificationis acceptetur fide: iustificatio aut̃ apprehendatur virtute illa quæ eius capax est, & opere quo efficimur iusti:sicut pecunia pmissa accipitur non fide, sed manu. Si verò iustificatio est, vt verè est, integra totius animæ in Deum ordinatio, & non tantum cognitionis; tunc iustificamur, cum toti in Deum conuerſamur;

Ridiculum
argumentū
Philippi de
acceptatione iustificationis.
In Apologia
confessionis
Augustanæ.
Promissio iustificationis
& non iustificatione acceptatur fide.

uerſamur;

vertimur: cognitione videlicet apprehendentes quæ reuelantur à Deo, & affectu eius bonitatem & gratiam. Non possem certe satis dicere, quantum miratus fuerim hoc argumentum, & in eo miseris humane excitatis. Vide rogo quantum intellectus semel fidei sibiipso decipiatur & sibi ipso imponat. Hoc est proprium nimis ut sibi placenti, atque illa sui cōplacencia etiam apertissima non consideranti. Nos fide & charitate, & vera quæ ex illis sequitur penitencia, sed per hæc omnia Dei virtute perfecta, & in nobis atque nobiscum causata, iustificari dicimus peccatorem: quod est eum perfectum in Deum conuerti atque rectificari, qui prius auersus erat, & (ut dicamus) obliquus, aut prostratus in terram cum muliere illa Evangelica. Quid hic rogo non consentiens scripturæ & fidei? Aut quid hic nobis tribuimus? Dicant illi sola fide: & laboret quantum solent verbis hoc explicare: tandem cogetur quæ diximus nostra concedere. Hæc igitur sufficiant de tertio illo dogmate.

Iam quartum dogma de fide illa speciali, qua credimus nobis remissa esse peccata, alibi latius tractauimus, & proximè etiam, cum de contritione loqueremur, ostendimus primò nos de nostra præparatione dubios esse debere: Nec me ipsum (inquit Paulus) iudico &c. Deinde de diuina erga nos in speciali misericordia, gratia, atque fauore, sine quibus conuerti non possumus, ut superius dictum est: Conuerte me domine &c. Hæc Dei gratia nulli in speciali promissa est, sed de ea verissimè intelligitur illud Pauli: Cuius vult miseretur, & quem vult indurat. De quibus & ibidem ait, citato loco scripturæ: Dedit illis spiritum compunctionis. Propter quod etiam de fidelibus, vocatis videlicet iam, dicitur, quod multi sunt vocati, pauci verò electi. Soli prædestinati illas Dei promissiones, quibus gratiam qua conuertantur & perseuerent promittit, consequuntur. De quibus ibidem dixit Paulus, quod Deus ostendit diuitias gloriæ suæ in vasa misericordiæ, quæ præparauit in gloriam, quos & vocauit non solum ex Iudæis, sed etiam ex gentibus. Iam quis nouit se prædestinatum esse? quis nouit vas misericordiæ se esse? quis ergo est certus de hac gratia? Contra hæc nihil est audiendum, etiam si sola fides iustificaret, ut illi dicunt: nam fides qualem illi describunt, nulla est. Nec illud quod dicunt, ideo incertum hominem reddi, quia suis operibus ntitur iuxta ea quæ ex Paulo citant, aliter intelligendum est, quam quod qui ex suis operibus sine gratia iustificari se putant, fiden-

De fide speciali, qua quis credit sibi remissa esse peccata.

Rom. 11.
& 9.

Cap. 11.

tes suæ infirmitati & incertitudini, non possunt non desperare. Ceterum qui gratiæ fidunt, qui illi innituntur, etsi infirmitati suæ nonnunquam timeant, confirmantur tamen virtute gratiæ. Apud homines impossibile est, apud Deum verò omnia possibilia, inquit Christus. Vnde mirandum est, quod nos dicant Pelagianizare, quia dicimus ex gratia nobis dari opera, quibus placemus Deo & iusti sumus, & ipsi Deo nos iustificanti cooperamur: cum manifestissimè Pelagiani viribus suis hoc tribuerint, non gratiæ. August. certè lib. de prædestin. sanctorum, eo ipso loco Pauli citato: Ideo ex fide, vt secundum gratiam firma sit promissio, quid Pelagiani sentiant, & quid nos sentire debeamus dicens ex hoc loco Pauli contra illos, non in vniuersum opera nostra, sed illa quæ sine gratia fiunt excludit: nec certitudinem aliquam fidei, sed incertitudinem potius promittit. Citato itaque verbo illo Pauli, sic inquit contra illos: Miror homines infirmitati suæ potius se velle committere quàm firmitati promissionis Dei. Sed incerta est mihi (inquit) de meipso voluntas Dei. Quid ergo? Tua ne tibi voluntas de teipso certa est? nec times, Qui se exultimar stare, videat ne cadat. Hæc ibi Augustinus. Et statim certissimè & absque vlla dubitatione concludens quasi sanam & synceram doctrinam: Cum igitur vtraque incerta sit, cur non homo firmiori quàm infirmiori fidem suam, spem, charitatemq; committit? Vide itaque quàm apertè, quàm sine controuersia incertum vult esse hominem fidelem & de Dei voluntate, & de sua, circa propriam salutem. Quid ergo iactant tantopere hanc suam certitudinem, qua miserè decipiunt simplicem plebem?

Iustificatio-
nem non tri-
buimus no-
stris meritis,
etsi dicamus
opera ad eā
necessaria.

Restat nunc vt illa quæ in nobis reprehendunt, breuiter percurramus. Reprehendunt primò, quòd meritis nostris dicamus nos iustificari, & mereri à Deo ac quodammodo emere remissionem peccatorum. Ostensum est suprà nos contrarium asserere: nam omnia diuinæ tribuimus gratiæ, etiam Scholastici ipsi. Vnus Scotus proprijs nostris viribus putat nos sufficienter posse penitere peccati. Alij etiam nonnulli putant nos posse præparare aut diligere Deum super omnia, siue credere: sed isti vel reprehenduntur, vel exponuntur. Grauiores autem, vt Thomas, Bonauentura, Alexander, contrarium omnium horum asserunt: nihil scilicet horum sine Dei gratia nos posse. Sed de his omnibus non instituiamus nunc disputationem: satis de ipsa iustificatione sit, quòd tam di-

fin&è

finde superius dixerimus, quicquid in illa nostrum est, effectum esse gratiæ. Sed forte dicent: Etsi verbis ista dicatis, negatis tamen re, cum dicitis non solam fidem, sed opera necessaria. Respondemus opera necessaria, sed quæ ex diuina gratia in nobis sunt. Vbi non sine gemitu pertransire possumus, quàm miserè decipiant populum: nec sine oratione fusa ad Deum, vt simplicem plebem permittat audire eos, qui syncerè horum fallacias detegunt. Hoc igitur cupimus duntaxat populo apertè dici. Cum inquit fide nos iustificari: fides hæc non est opus nostrum, ex gratia nobis à Deo datum? Non possunt negare. Igitur ex opere nostro iustificamur. Et hoc opus nostrum tale illi ponunt, vt habent coniunctam charitatem: ergo ex fide & charitate nos iustificamur: quo nihil nos docemus amplius. Sed dicunt: Fides hæc non meretur tantum accipit & apprehendit iustificationem. Ita nos dicimus de charitate & contritione, quòd apprehendunt iustitiam. Fide enim creditur Deus propter Christum nos iustificans: charitate & contritione amatur: atque ita omnibus animæ viribus apprehenditur Deus & iustitia. Itaque hoc dicamus illis. Quem locum dant vestri doctores fidei in iustificatione, eundem nos damus charitati: non maiorem, sed nec minorem, quod attinet ad meritum vel efficaciam. Si fides non meretur, neque charitas: si fides apprehendit, & charitas: nisi quòd dicamus charitate hæc omnia consummari, vtpote quæ maior sit & perfectior ceteris omnibus: Maior (inquit Apostolus) horum est charitas. Dicamus illis: Si quid vestri sanum dicere volunt, doceant fidem & charitatem ex gratia diuina esse in nobis, quod nos dicimus, & ideo gratis iustificari nos. 1. Corin. 13.

Reprehendunt secundo, quòd veram ignoremus fidem, cum solum historicam ponamus & diabolicam: nam demones credunt & contremiscunt: non verò fidem illam specialem, quæ dā esse fidei vera est, vt inquit. Respondemus illam non esse veram fidem, per dilectionem vt satis patet ex superius dictis. Quanta verò ipsi de fide commendent sint præter scripturam & patres omnes, non est huius loci referre. Augustinus in Enchiridio certissimam docens sententiam: Fides (inquit) sine charitate esse potest, sed non prodesse: de quo alibi plura diximus: quod tamen isti negant. Nos, sicut Augustinus illo loco, dicimus Paulum Apostolum fidem, quæ per dilectionem operatur, commendare atque probare: quæ ita

CONFVTANTVR DOGMATA LVTH.

se habet, vt sine illa nec spes nec charitas esse possit. Ista sunt syn-
ceta & certissima dogmata fidei nostræ, quæ illi sua pertinacia
impugnant, cum ea negare non possint: sed cum multis verbis
sua asseruerint, tandem in quæstiones quasdam nominum rela-
buntur: de quibus merito illud Pauli dicitur: Volunt esse legis
1. Timoth. 1. doctores, non intelligentes nec quæ loquuntur, neque de quibus
asserunt.

Catholici Tercium, de quo maximè criminantur nos, est: quòd transfe-
ramus gloriam Dei in nostra opera, atque ita obscuremus grati-
magis quàm am. Huic calumnix sic respondemus, nos superius satis docuiss-
Lutherani illustrant dei se, à nostris doctoribus etiam doceri, omnia nostra bona tribuen-
gloriam in da esse gratiæ: ipse est qui operatur in nobis velle & perficere. Vbi
materia iu- cupimus etiam populum hoc quietè audire. Isti asserunt Dei gra-
stificationis. tiam nihil in nobis aliud efficere, nullam mutationem, nisi tan-
tùm non imputari nobis peccata, & imputari iustitiam Christi.
Nos asserimus diuina gratia nos ita immutari, vt deleantur om-
nia peccata, inferamur Christo, donemur à Deo maximis & præ-
ciosis muneribus gratiæ, admirandis virtutibus, quibus coope-
remur illi & impleamus spiritu eius legem. Mittamus nunc quid
horum magis consonet scripturæ: satis hoc superius ostensum
est: tantùm cogitemus quid horum magis illustret Dei gratiam,
quid sit decentius & conuenientius bonitati diuinæ. Certè si con-
sideremus naturæ opera, Deus non tantùm in creaturis omnibus
operatur vt prima causa, sed etiam tribuit creaturis virtutes mira-
biles, & pulcherrimas, & saluberrimas, quibus & ipse operen-
tur: nec putat sibi quicquam detractum esse. Si sol mirabiliter
lucet & illuminat, & producit germina omnia: magis verò in
hoc illustratur Dei omnipotentia, vt non tantùm per seipsum,
sed per creaturas etiam suas operetur: & eò magis, quòd maiora
opera minores creaturæ effecerint. Cum igitur naturæ opera sint
multo minora quàm gratiæ, & tamen proportionabilia eis: qua-
re non est credendum, in operibus gratiæ Deum creaturis suis,
nobis scilicet, virtutes dare, quibus ei cooperemur? Hoc est di-
1. Corint. 3. sponere omnia suauiter: Dei adiutores (inquit Paulus) sumus.
Denique cum vtrunque sit possibile, videlicet sola non im-
putatione peccatorum & imputatione meritorum Christi iustifi-
cari, & vera immutatione nostri, veris virtutibus & bonis ope-
ribus: cum vtrunque gratia possit: quis magis magnificat gra-
tiam

tiam & illustrat? qui sine vlla mutatione vel virtute iustificationem ponit, vt illi: an qui tam plenam iustificationem docet, vt non dubitet diuina gratia verè homines iustos effici, & donari magnis virtutibus à Deo? Certè parè nimium atq; auarè videtur agi nobiscum, si nulla donamur à Deo, iustitia. Sed aiunt: Non vult Deus vt nos putemus iustos à nobis: verum est: sed suo dono & sua gratia reputare nos iustos, nonne est plus illi tribuere? Itaque multo magis nos diuinam gratiam illustramus, plura illi tribuimus: nobis verò, quasi ex nobis (vt Paulus inquit) nihil boni.

Iam quartum & vltimum illud, quòd videlicet auferamus veram consolationem animarum, relinquamus diuino iudicio. Satis probatum est, nos debere semper in timore esse: Cum metu & tremore (inquit Paulus) vestram salutem operantes, nec de remissione peccatorum securos esse debere. Dant ergo illi consolationem animabus, dum iubent credere sibi remissa esse peccata: sed vtinam non sit illa consolatio, de qua scriptum est per Prophetam: Sanabant contritos filii populi mei, dicentes, pax pax: & viuificabant animas quæ non viuunt, mentientes populo meo credenti mendacijs. Scriptura docet nos consolationem promittere, sed ijs quos prius verè pœnitet peccati, & opera digna pœnitentiæ faciunt. Prius contristat & affligit, postea consolatur: vt Paulus Corinthiis in prima & secunda Epistola prius tradit Sathanæ: & ex multa tribulatione per multas lachrymas scribit: postea condonat & iubet consolari: non dicit, apprehende per fidem iustitiam Christi, & esto securus, sed inquit omnibus: Gaudeo, non quòd contristati fueritis, sed quòd contristati fueritis ad pœnitentiam. Satis igitur de his sit dictum.

Nō debemus de remissione peccatorū securi esse.
Philip. 2.

Ezech. 13.

1. Corint. 5.
2. Corint. 2.

2. Corint. 7.

*

Nn 2 LECTIO

QVANDO ET QVORVM
LECTIO DECIMA
TERTIA.

Quando & de quibus necessarium
sit pœnitere.



Explicatis igitur his, quæ circa pœnitentiam & iustificationem iuxta Catholicam fidem tenenda sunt, quæ omnia magis ad speculationem pertinere videntur: iam accedendum est ad ipsam, vt ita dicamus, praxin: vt scilicet doceamus quando ad pœnitentiam agendam teneamur, & quomodo agenda sit. De primo agemus præsentî lectione. Queritur itaq; & meritò, à multis, quo tempore ad agendam pœnitentiam teneamur, & qua necessitate. Quibus quo modo respondendum sit, sequentibus propositionibus explicabimus.

Peccanti
mortaliter
necessaria est
pœnitentia
tanquam re-
medium, &
quia præce-
pta.

Prima. Post peccatum lethale admissum pœnitentia necessaria est & vt remedium, & vt præcepta à Deo. Hæc propositio indicat discrimen inter ea, quæ necessaria sunt vt remedium, & quæ ex præcepto solum, quod alibi declaratum est, & nunc exemplo baptismi patere potest. Ille enim quia necessarius est vt remediū, etiam his qui non sunt capaces præcepti, necessarius est, sicut ipsa fides: quare & infans, & is qui nunquam audiuit de baptismo vel fide, pereunt: non peccato nouo, sed defectu remedij. Cæterum ea quæ in remedium necessaria sunt, cum agnoscuntur, obligant ex præcepto. Tenetur enim quilibet sicut salutem suam querere, ita & quæ ad eam necessaria nouit. Iam quod in propositione diximus, ex supradiëtis satis constat. Pœnitentia primò requiritur vt remittatur peccatum: quod apertis autoritatibus est probatum: ergo vt remedium. Deinde, quia id satis ostendit & ratio ipsa naturalis & diuina lex: iustum scilicet esse, Deum placare dolore eius quod in ipsum commissum est, etiam hoc est

præ-

præceptum omnes astringens, sicut tenentur omnes ad querendam salutem. Quia verò dubitatur à multis, an sit hoc præceptum generale tantum, sicut illud: Declina à malo & fac bonum, cuius transgressio non inducit nouum peccatum: an speciale: vt scilicet pœnitentiæ omisio nouum peccatum inducat. Quanquam hæc non sit necessaria quæstio, tamen asserimus esse hoc speciale præceptum: quod b. Thom. apertè asserit. Est enim specialis virtus. At si cui id non placet: est specialis actus, quem charitas valde requirit (vt suprà diximus) qui deo valde placet. Cur ergo non erit speciale præceptum? Quod autem circa hoc magis ad rem pertinet, explicabimus inferius. Nunc hac ratione contenti, duobus illis prioribus responsum sit. Nam & iam hic diximus, & superius satis patuit, pœnitentiam iure ipso naturali ostendi vel adiuncta fide, vt aliqui volunt, vel etiam sine illa, quæ tamen multo apertius & perfectius id explicat. Iam ad tertium, quod magis ad rem pertinet, accedamus. Quando scilicet ad pœnitentiam teneamur: de quo sit hæc secunda propositio.

arr. 2. q. 85.
part. 3.

Post commissum peccatum certum est ad eius remissionem consequendam, statim necessariam esse pœnitentiam. Et cum tam graue malum peccatum sit, & multo grauius periculū in eo manenti imminet, iræ scilicet Dei & damnationis æternæ, statim ad hæc euadenda necessaria est pœnitentia. Clamat sapiens: Ne tardes conuerti ad Dominum, & ne differas de die in diem: subitò enim veniet ira illius, & in tempore vindictæ disperdet te. Et ne dicas: misericordia Domini magna est, multitudinis peccatorum meorum miserebitur. Et in Apocalypsi Dominus: Memor esto itaq; vnde excideris, & age pœnitentiam. Sin autem: venio tibi &c. Nec tamen dilatio pœnitentiæ nouum semper peccatum est, sed certè reddit idem ipsum peccatum grauius. Vt cuique tamen sit, hic locus debet frequentissimè tractari, & de eo populus admoneri: vt scilicet celeriter agatur pœnitentia: ad quod adducenda sunt, periculum grauiorum peccatorum & cæcitatis, imminens his qui in peccato sunt, grauiissima Dei ira (Secundum duritiam tuam & impœnitens cor thesaurizas tibi iram, inquit Paulus) desertio gratiæ: diaboli & inimicorum de perditione nostra sollicitudo: infirmitas propria: repentini mortis periculū: de quibus multa in psalm. 70. Dixerunt inimici mei, qui custodiebant animam meam: Deus dereliquit eum &c.

Statim postquam peccatum est, necessaria pœnitentia. Ecclesiast. 5.

Apocalyp. 2.

Rom. 2.

QVANDO ET QVOR VM

Quibus casibus sub nouo peccato necesse sit pœnitentiam agere.

d. 17. quarti.
In periculo vitæ necessaria pœnitentia peccatori.

Tertia propositio. In speciali tamen ponuntur à grauioribus nostris scholasticis, b. Tho. & Bonauen. (quos sequuntur alij) casus, in quibus sub nouo peccato ad pœnitentiam tenemur : qui merito perspecti esse debent omaibus, qui de salute sua instruunt populum, & ipsi populo frequenter explicandi : quos ordine iam ponemus.

Primus igitur est in periculo corporalis vitæ. Tunc enim certū est esse articulum necessitatis : nam si tunc non fiat, vltterius fieri non posset : quare præceptum illud affirmatiuum tunc certum est obligare : Addit alij etiam periculum spirituale imminens : cum scilicet grauis aliqua persecutio, aut tentatio hæresis, aut alterius lethalis peccati imminet, in quibus speciale Dei auxilium requiritur & gratia eius opus est : quod merito ita tenendum est : cum nō minor necessitas sit mortis anime, quàm corporis. Non desunt qui nec in his casibus putant nouum peccatum esse : sed id omitendū est, vt ad rem non pertinens, vt patebit inferius. Tenenda est sententia hæc grauium illorum doctorum autoritate & sufficiente ratione sustulta.

In sacramentorū administratione.

Secundus casus est, cū agendum aliquid occurrit quod conscientiam mundā à peccato requirit, vt suprà diximus de administratione sacramentorum. Et hoc quidem requirit actuum illorum sanctitas : & peccatum quod tunc committitur contra illa, est rerū sacrarum violatio, scilicet sacrilegium.

An necessaria pœnitentia quoties peccatorum recordamur.

Tertium nihilominus addunt duo hi patres, cū peccata (inquiunt) memoriz occurrunt. Et (dicit b. Bonauent.) cū cogitat culpam commissam & Dei offensam. Vbi posteriorum omnium laborat diligentior consideratio, timentium ne laquei iniiciantur conscientijs, & graue reputantium, si toties nouum committatur peccatum, quoties post aliud commissum occurrit memoria : maxime (addunt nonnulli) cū præcepta affirmatiua solum in articulo necessitatis obligent. Quare communior istorum sententia est, peccatum quidem esse nouum, si, cū occurrit memoriz, præteritum peccatum placeat : quod certissimum est. Si verò nec placeat nec displiceat, inquiunt : nullum nouum peccatum videmus. Non ignorabant has distinctiones illi patres, sed fortè vel ita senserunt, vel (quod certum est, & manifestè apparet legenti eos) non admodū curarunt, nec putarunt ad rem admodū pertinere : quod & credimus. Sed de hoc quid sentiendum putemus, in fine explicabimus.

Igitur

Igitur additur & quartus casus, in quo sub noui peccati periculo Deo puniēte lo pœnitendum sit: cūm scilicet Ecclesia & populus Christianus populum graui aliquo laborat periculo: sub aliquo uidelicet iræ Dei flagel- Christianū, lo. Tunc (inquit Hadrianus, qui specialiter huius meminisse) cūm tēs opus est neantur oēs Dei iram placare, tenentur peccata sua, quibus illa p- pœnitentia, uocatur, auferre id quod certū est omnibus, maximè verò maiori- bus & sanctioris status hoibus fore necessariū. Vnde frequentissi- me per pphetas dñs increpat hunc defectū veræ pœnitentiæ inter eius flagella. Non est (inquit Esaias) nō est, qui inuocet nomē tuū: Cap. 64. qui cōsurgat & teneat te. Et per Ezechielē: Non ascēdistis (clamat Ezech. 13. Deus) ex aduerso, nec opposuistis murū p domo Israël, vt staretis in prælio in die domini. Multa sunt huiusmodi in prophetis. Et censendus est etiam hic casus necessitatis, non propriæ, sed com- munis totius Ecclesiæ. Nec est hic dubitandū, idē etiam necessa- rium fore in necessitate proximi alicuius, cūm illa se nobis offert, vel ad uos pertinet. Tenemur enim agere ad liberandū à graui pe- riculo proximum, maximè spirituali, vbi orationibus opus est, & diuina gratia: quæ omnia per illum qui in peccato est, fieri satis nō possunt: quare debemus ad Deum conari, vt in eius gratiam rede- amus. Et his proximum etiam est illud, cūm agendum est aliquid, vbi diuina gratia opus est ad animæ salutem vel propriæ vel alte- rius: vt si quis ad martyriū raperetur, aut aggrediretur aliquid ad Ecclesiæ vtilitatem valde pertinens. Sit exemplū huius fortis illa Judith. Et huc pertinet quoties prædicandum est dei verbum: quo- ties admonendi peccantes: & huiusmodi alia.

Additur vltimò à nonnullis, in diebus dominicis & festiuis Scotus & teneri etiam sub speciali peccato de commissis pœnitere eum, Gabriel. qui sibi alicuius conscius est. Pluribus non placet hæc sententia, An festis ac qui putant sanctificationem festi, quæ præcipitur, non ad interio- dominicis rem sanctitatem & munditiam pertinere, sed ad exteriorē tantum diebus ne- vacationem ab operibus, cuius illa interior vacatio finis est: Finis cesse sit pœ- verò (inquiūt) non cadit sub præceptū. Facile est ista dicere, sed so- nitere. lida ratione non inuenimus fundata. Cur illo præcepto diuino de sanctificatione sabbathi non putabimus quod præcipuum est & virtutis, maximè mandatum à Deo? Nec illud admittendum credimus, dierum dominicorum obseruantiam, & festorū aliorū, tantū esse iuris positiui. Est apostolorū certissima traditio: de qua aliās. Quanquam etiā si sit posteriorū episcoporum & ecclesiæ præ- ceptum.

QVANDO ET QVORVM

ceptum, non est cur ab illo excludamus sanctitatem interiorem. Nunc verò quod adfertur, contra illud plausibilis est, quòd noui laquei parentur conscientijs. Et quonià hic est vltimus casus, què de hac speciali obligatione ad pœnitendū adducimus, & in omnibus ferè obijcitur illud idem, dicemus quid sentiendum simul de omnibus. Nam quidam putant non esse speciale pœceptum pœnitentiæ, de quibus superius diximus, nec in ipso articulo mortis noui putant esse peccatum contra illud pœceptū pœnitentiæ, sed forte contra alia, vt reuerentiam sacramentorū &c. Circa hæc igitur omnia, & circa multa quæ inferius tractanda sunt, hoc vniuersaliter adnotetur: quæstiones quæ hic vel alibi tractantur de vno vel pluribus peccatis, non admodū ad rem pertinere. Constat. n. vnum nonnunquam maius esse pluribus, & plura minora vno. Si quis enim semel 100. aureos furetur, quis dubitabit illum grauius peccasse, vnico licet peccato, quàm qui decies decem tantū sustulit? Sunt etiam de hoc innumera exempla. Constat igitur quod in iudicio, vbi de grauitate peccati agitur vt adhibeatur digna medicina, & conueniens, prout fieri poterit, satisfactio, parum ad rem pertineat, vnum an plura sint peccata: sed illud potius considerandum, quis magis obnoxius coram deo sit. Ex hoc igitur circa id de quo agitur putamus parum, imò nihil ad rem pertinere, an aliud nouum peccatum sit, non pœnitere. Certè quanto diutius in peccato quis hæret, tanto magis obnoxius est culpæ coram deo. Et quanto plura se offerunt, quæ merito à peccato detertere debeant, vel admoneant ad illud relinquendum, vel astringant ad querendam dei gratiam, tanto etiam grauius peccatur: & fortè in his omnibus non minus, quàm si nouum esset peccatum, est prioris aggrauatio. Et propterea superius diximus hoc non admodum ad rem esse, & b. Thomas & Bonauentura parum curasse. Quando occurrit memoriæ quòd deum quis offenderit, putarunt illi consonum rectè rationi esse, vt peccati pœniteat. Similiter dici potest, cum occurrit sanctificandus dies festus. Nam illa tam recepta regula: pœcepta affirmatiua non obligare nisi in necessitate, vt aliàs diximus, non de extrema necessitate accipienda est solū, sed cum occurrit casus, vbi recta ratio indicat, vel iudicare debet contra illam virtutem esse, si non fiat eius actus. In hoc verò iudicio magis puto credendum esse sanctioribus & pijs, quàm argutionibus, Iudicarunt b. Tho. & Bonauent. si occurrat

errante peccato, eius non pœniteat, cum nondum antea pœnitent, contra virtutem pœnitentiz esse: cuius est Deum placare.

Secundò etiam in vniuersali est annotandum in moralibus Quid agentis, cum diuersæ sententiz doctorum sunt, aut diuersæ etiam ratio- dum quâdo tiones, non illam partem tutiorem esse, quæ (vt ita dicamus) le- in re morali) uior est, & minorem obligationem conscientijs imponit: nec ta- dissentiunt men altera pars, quæ strictior est & ad plura obligat, statim iudi- doctores.

canda est tutior: sed quod maximè consultum videtur, est, vt sine præiudicio & certa definitione illud teneatur ad cautelam & sollicitudinem, quod obesse non potest, & prodesse poterit. Verbi gratia: Disputatur de pluralitate beneficiorum siue in vniuersali siue in particulari: illi putant licitum esse, alij secus: Si licitum velimus credere, & ita viuere, exponemus nos periculo, si fortè contrariū verius sit, si fortè nos legitima causa non excusat: Si oppositum velimus durius imponere, cauendum ne Dei legem arctiorem reddamus. Cæterum qui dicit cautius esse, abstinere à pluribus beneficijs, neque hoc nocere posse, magis verò prodesse sine certa definitione, rectius consulit conscientijs. Quare putamus in multis huiusmodi controuersijs melius esse relinquere Deo iudicium, & in futurum admonere vt caueantur quæ dubia sunt: & circa præterita, vt sub illo dubio agatur pœnitentia. In his moralibus non tantum nimia quorundam subtilitas & inquisitio non est probanda tanquam parum utilis, sed etiam vt periculiosior relinquenda. Igitur in hoc, de quo loquimur, proposito, putamus verè pœnitentem tutius actuum, si diligenter considerans & tempus quod in peccato egit, & occasiones omnes, quibus ad agendam pœnitentiam prouocatus est, vel ex diuinis inspirationibus, vel flagellis, siue externis admonitionibus, aut occurrentibus etiam festiuis diebus, & horum omnium, tanquam peccatum suum non minus coram Deo aggrauantium, quàm si hæc noua peccata essent, veraciter pœniteat, & in iudicio confessionis ita exponat, & in futurum hæc omnia diligentissimè caueat. Hæc itaque omnia intelligenda sunt de illis peccatis dicta, quorum nondum acta est pœnitentia. Ante illam enim actam, cum in illis semper sit, hoc est, in eorum reatu: tenetur illorum pœnitentiam agere, quoties occurrit specialis ratio ad Dei gratiam conciliandam. Cæterum semel acta pœnitentia, & propitiato Deo, non eodem modo rursum ad agendam de his pœnitentiam

Quorū peccatorum & quando necesse sit pœnitere.

QVANDO ET QVORVM

D^{ist.} 16. art. tenemur. Tamen b. Bonauent. & alij, illorum pœnitendum esse
3. q. 2.

14. ex libro de vera & falsa pœnitentia citat, tota vita agendam
esse pœnitentiam, & continuè dolendum, de interiore peccati de-
testatione & odio intellexerunt, non verò de exteriori pœniten-

D^{ist.} 17. q. 2. tia, qua nec perpetuò opus est: ita b. Thom. q. 84. 3. p. 8. & 9.
art. 4.

vt nunquam contrarium eius fiat, nunquam placeant peccata,
quòd in proposito semper habeatur displicentia peccatorum.
Vbi etiam non est omittendum, quàm vanè & stultissimè hæreti-
ci clament contra theologos, quòd ad certum tempus contrahant
pœnitentiam, quæ totius vitæ esse debet: cum tam apertè Magi-
ster & omnes de hac re loquantur & doceant: quamdiu in via
hac sumus, nunquam non desendos esse errores, quibus retarda-
ti sumus aut impediti. Vnde & in Apocalypsi de sanctis dicitur
in patria, quòd Deus absterget lachrymas eorum, vt iam non sit
amplius neque luctus neque clamor, quia priora (inquit) abie-
runt: quasi hic semper esse debeant hæc omnia. Citatur in hanc
sententiam Hugo de s. Victore qui ita inquit: Deum à culpa æter-
na absoluere peccatorem, vt vinculo perpetuæ detestationis pec-
cati ipsum obliget: qui locus est etiam diligenter tractandus ad
populum, maximè propter imperfectionem doloris nostri, qua
fit, vt nonnunquam putemus nos satis pœnituisse, cum non fe-
cerimus: quo etiam illud pertinet Ecclesiastici 5. De propitiato
peccato noli esse sine metu.

Tantum le-
thalium &
actualium
peccatorum
necesse est
pœnitere.

Vltimò circa hunc articulum agitur, de quibus peccatis debeat
esse pœnitentia siue contritio: de quo d. 17. quart. traditur à docto-
ribus manifestè, & præter contradictionem, lethaliū solum pec-
catorum & actualium præteritorum necessariam esse pœnitenti-
am. Ratio in promptu est: quoniam propter auersionem cordis
à Deo, quæ fit in peccato, est necessaria, atq; illi contraria. Non er-
go de originali, vel de penis illud vel alia peccata consequentibus
erit pœnitentia, quanquam displiceant hæc omnia: ita nec de alien-
nis: quia in his nulla est actualis auersio nostra à Deo. Similiter
nec de futuris: quia & illa incerta sunt, nec auersum est cor no-
strum à Deo. In his ergo non opus est ampliori inquisitione.

Solet verò etiam inquiri, an singulorum in speciali lethaliū
sit necessarium pœnitentiam agere vt remittantur. De quo duo
breuiter

breuiter notentur. Primum: Necessarium proculdubio esse, vt ve- Specialiter
ra sit pœnitentia, & vt remittantur peccata, vt omnium & singu- omnium &
lorum nos pœniteat: quod apertè apud Ezechielem dicitur: Si im- singulorum
pius egerit pœnitentiam ab omnibus iniquitatibus suis &c. Et criminū pe-
hinc fit, vt meritò affirmetur ab omnibus, quòd sicut vnum pec- nitentia est
catum sine altero remitti non potest, ita vnum perfectè sine altero necessaria.
non displicere. Probat hoc b. Thom. q. illa 86.3. p. art. 6. & ratio-
ne remissionis ipsius peccati (quæ non sine gratia esse potest) &
conuersionis cordis (quæ non nisi ab omnibus est) & deniq; per-
fectionis diuinæ misericordiæ, quæ totum hominem saluum facit.
Disputatur quidem à nonnullis de Dei absoluta potentia, sed va-
na est disputatio. De remissione peccati, de qua scriptura loqui-
tur, agendum est theologo, vt suprà diximus: alia omitenda. In-
tegra itaque pœnitentia omnia & singula peccata detestatur:
quod si non fecerit, non est pœnitentia.

Secundum est: Quantum ad rationem penitentia & contriti- Quatenus
onis attinet, satis est ita detestari quicquid contra Deum com- detestanda
missum est, vt nihil referretur quod placeat. Ceterum nec opus sint singula
est distinctis actibus de singulis penitentiam gerere (cum hoc nec peccata.
promoueat pietatem, nec conuersionem cordis augeat, nec ali-
quid habeat, quod ad rem pertineat) nec etiam opus est, quod at-
tinet ad contritionem, vt in speciali omnia considerata detestetur.
De Magdalena dicitur: Dimissa sunt ei peccata multa, quia dile-
xit multum. Huic præ cæteris incumbendum est pœnitenti, vt ex
vera dilectione Dei detestetur peccata: atque ita omnia manife-
stum est detestari: quod exigit authoritas illa Ezechielis. Cæte-
rum propter sacramentum confessionis retractanda sunt singula
peccata, vt postea dicemus, & retractanda quidem cum displicen-
tia & dolore: & fortè ante illam foret aliquando necessarium eti-
am singula cogitare, vt cordis integrè contriti sacrificium

Deo offeratur: sed perfecta illa penitentia & contritio
satis est, vt omnium simul collectorum, qua ra-

tione sunt diuinæ charitati contraria, sit.

Hæc itaque nobis de necessitate
pœnitentiæ sunt dicta.



LECTIO DECIMA
QUARTA.De integritate & perfectione poenitentiae
sive contritionis.

Incipimus lectione proxima primū eorum, quæ
proposueramus, quando scilicet, & sub quo
peccato agenda sit poenitentia: hoc enim per-
tinet iam ad praxin & exercitium eius. Se-
cundum nunc dicendum est: Quanta esse de-
beat & qualis, quā pura atque perfecta: id
quod maximè putamus esse necessariū salutis
animarum. Quoniam enim quæ dicta sunt de effectu & virtute
poenitentiae, non nisi de integra & perfecta intelligi possunt, meri-
tò postulat ratio, vt de hoc iam ferè vltimò in hac materia dica-
mus: quod ideo hucusque distulimus, quoniam tanquam rem
maximè necessariam vltimo loco putauimus esse tractandam.
Quoniam igitur constat non omnem poenitentiam sufficientem
esse ad remissionem peccati, non omnem gratam Deo: vt patet
in poenitentia Saulis & Esau, de quo Paulus inquit, quòd non in-
uenit locum poenitentiae, quanquam cum lacrymis requisisset
eam: & Antiochi, de quo scriptum est: Orabat scelestus Deum,
à quo non esset misericordiam consecuturus: meritò queritur,
quid ad integritatem & perfectionem poenitentiae necessariū sit.
Poenitentiam verò hūc dicimus, vt in omnibus suprā dictis,
ipsam virtutem siue operationem animæ, quæ detestatio siue odi-
um peccati est, seclusa nunc ratione sacramenti. Hanc, vt dixi-
mus, vocant posteriores scholastici contritionem: significantes
comminutionem rigiditatis animi & durtiæ cordis: & hoc ip-
sum est poenitentia. Itaq; qualis & quanta debeat esse poeniten-
tia, siue contritio atq; dolor, vt ad remissionem peccati sufficiat,
vt grata sit Deo: queritur à doctoribus, & dignum est diligenti
inquisi-

Non quali-
bet poeniten-
tia sufficit ad
remissionē
peccati.

1. Regū 15.

Hebræ. 12.

2. M. cha. 9.

De qua poe-
nitentia hic
futurus ser-
mo.

inquisitione: vt scilicet quantum fieri potest, hoc agnoscamus, & intruantur de eo omnes, quibus tam necessaria est pœnitentia, vt sine ea saluari non possint: quales sunt omnes qui post baptismũ mortaliter peccant.

Constituamus ergo in hac materia certissimum hoc fundamentum, quod etiam ex superioribus facillè ostendetur. Ad integram & perfectam pœnitentiam siue contritionem & requiritur & sufficit, vt ex vera Dei charitate & dilectione eius super omnia emanet, ab illa procedat & dirigatur, atque ita ipsam habeat contritionem. Quod non est difficile ex suprà dictis apertum videre: cum pœnitentiam constet propriè motum quendam esse animi contrarium peccato: peccatum verò lethale, de quo nunc agimus, ideo peccatum est, quia contrarium veræ charitati & dilectioni Dei super omnia: donec igitur in animo sit motus illi contrarius, nondum est plena conuersio, nondum vera remissio: quia nondum recessum est animo à peccato. Id quod ita apertius fiet. Cum enim actus omnis voluntatis ex amore procedat, sicut odium, & nolitio, siue detestatio mali, quæ non nisi ex amore boni oppositi sunt, meritò inquiritur, ex cuius boni amore odium hoc peccati, contritio, siue pœnitentia progrediatur: nam hoc necesse est omnino ita esse. Si igitur ab alio quàm Dei amore procedat, non ducit ad Deum, sed ad illud bonum, ex cuius amore procedit. Si ex amore quidem Dei, sed non vero & perfectò: nec perfectè & verè Deo coniungit. Si verò ex perfectò: necesse est perfectè nos Deo coniungere. Illud ergo & requiritur & satis est ad veram & perfectam pœnitentiam. Vnde Iohannes: Qui non diligit (inquit) manet in morte. Qui verò (ait) manet in charitate, in Deo manet. Et quod Paulus de omnibus Christianæ vitæ operibus dicit, quàm bene huic conuenit: Si tradidero corpus meum ita vt ardeam &c. charitatem autem non habeam, nihil sum. Hinc etiam illud Christi (quod superius exposuimus) est: Remittuntur ei peccata multa, quoniam dilexit multum. Sicut & illud Petri: Charitas operit multitudinem peccatorum. A charitate ergo habet pœnitentia omnem suam integritatem & perfectionem. Ex quo duo sequuntur, in quibus cuncta, quæ in hoc loco tractari possunt, continentur.

Primum. Ad perfectam pœnitentiam requiritur, vt dolor ille peccati, siue odium & detestatio sit propter Deum: hoc est, vt

Ad perfectam
contritionem
requiritur &
sufficit, vt ex
Dei super
omnia amo-
re oriatur.

1. Iohan. 5.
Ibidem 4.
1. Corin. 13.

Lucæ 7.
1. Petri 4.

DE PERFECTIONE POENITENTIAE,

Vt aliquē re- hoc sit præcipuum, quod in peccato displicet, vt odio habeatur,
& pœniteat quia contrarium est Deo, quia offensa & iniuria quædam Dei est,
 oportet vt quantum ex peccante ipso est. Multis enim modis (vt manifestū
 præcipue est) & rationibus odio haberi potest peccatum, atque ita ob mul-
 propter Dei tos fines: videlicet quod contra famam siue honorem peccantis,
 peccatū de- vel contra quodlibet aliud temporale bonum, vitæ scilicet, quietis
 testetur. &c. vel quod contra rectam rationem, vel quod propter ipsum
 damnatione æterna efficiatur dignus peccans. Ceterum quam-
 diu non detestamur peccatum quia contrarium bonitati diuinæ,
 reuerentiæ, honori, atque obedientiæ ei debet, nondum est vera
 pœnitentia: quia nondum ibi charitas est. Vnde in Psalmo de fi-
 lijs Israel ob temporalia tantum mala pœnitentibus meritò dicitur:
 Cum occideret eos, quærebant eum, & reuertebantur &c.
 Cor autem eorum non erat rectum cum eo. Et quicquid de restitu-
 tudine cordis in scriptura dicitur, huc pertinet: sine illa enim ni-
 hil Deo gratum aut perfectum esse valet. Et circa hæc quidem de
 fine contritionis non est opus plura dicere, nisi vt hoc quod certi-
 ssimum est, sobriè & prudenter doceatur populus. Vt enim alijs
 considerationibus in detestando peccato, non tantum reprehendi
 non debet, sed laudari. Omnia consideranda sunt in peccato
 quæ mala sunt: quod videlicet sit contra rectam rationem & honestatem,
 contra honorem & famam, contra æternam denique
 vitam & felicitatem peccantis, vt supra (cum de timore agere-
 mus) dictum est. Sed id conandum, vt his omnibus superemineat
 consideratio illa, quod contra Dei bonitatem fit &c. Nec si alia
 priora nonnunquam sensibilibus moueant, valde curandum est:
 Mouent enim nonnunquam quia magis sentiuntur: sed ad perfe-
 ctum charitatis conandum est volenti verè pœnitere.

Psalm. 78,

Vt Deus su-
 per omnia
 diligendus,
 ita peccatū
 super omnia
 mala dete-
 standum in
 pœnitentia.
Deutero. 4.

Secundum itaq; ex priori illo fundamento necessariò sequi-
 tur, de quantitate videlicet doloris huius pœnitentiæ: quod scilicet
 tantus esse debeat dolor, vt integer sit, quantus amor Dei: atque
 ideo summus & maximus omnium aliorum dolorum. Sicut enim, solus ille
 verè diligit Deum, qui super omnia diligit, quod est, ex toto corde,
 ex tota anima &c. ita solus ille detestatur peccata integrè & odio
 habet, qui super omnia alia mala ea detestatur, qd est, ex toto corde.
 Vnde & per Moysen dicitur filijs Israel propter peccata in captiui-
 tatem traditis: Cumq; quæsieris dominū Deum tuum, ibi inuenies
 eum: si tamen toto corde quæsieris eum, & tota tribulatione
 animæ

animæ tuæ. Et hæc pertinent quæ de integro & perfecto corde dicuntur: Memento (inquit Ezechias rex Deo) quodd ambulauerim coram te in veritate & corde perfecto.

Cum itaque hæc tam certa sint, vt nulla ratione negari possint, est tamen non parua diuersitas in eorum expositione inter scholasticos nostros: quam etsi putemus non admodum ad rem pertinere, quia tamen à multis aliter putatur, & ex his quæ circa hæc docentur, timemus non parum periculi, referendæ sunt illorum expositiones, & deinde discutiendæ. Sunt enim de re omnium maximè necessaria infirmitati humanæ: quid scilicet ad veram penitentiam & remissionem peccati necessarium sit: & de qua valde expediret Christianos omnes edoctos esse, non ex opinionibus quorumcunque, sed ex doctrina scripturæ & patrum. Hæc sunt igitur de hac re sententiæ, quantum capere possumus.

Grauiores doctores nostri post Magistrum, vt Alexander de Hales, d. Thomas, beatus Bonauentura, distinguunt primò duplicem dolorem peccati, alterum voluntatis, appetitus scilicet rationalis, qui dolor odium, detestatio, sine nolitio peccati dici potest: alterum sensitiui appetitus, quem tristitiam dicimus: sequentia docent.

Primum. Dolor voluntatis in pœnitentia summus esse debet, vt scilicet peccatum præ cæteris omnibus malis detestemur, odio habeamus, & nolimus: quoniam (inquiunt) dolor hic respondet amoris charitatis, qui principatum & dominium ita habere debet in corde, vt omnia alia quæ amantur, minus amentur quam Deus, omnisq; amor minor sit Dei amore. Quare hunc dolorem dicunt non posse nimium esse siue excedere regulam rationis.

Secundum. Dolorem sensitiuum non oportere summum esse asserunt. Is enim dolor (vt ratio ipsa naturalis ostendit) in omnibus alijs rebus est ex proprio suo obiecto, malo videlicet aliquo exteriori vel interiori sensu perceptibili, vbi hic dolor tanquam in propria sua materia suo proprio motu yiget. Cæterum aliquando sequitur non proprium suum obiectum, sed rationis efficaciam & imperium. Naturaliter enim voluntatè efficacem consequuntur etiam affectus sensitiui, vt non possit magnum gaudium, in rationis appetitu esse, quin redundet in inferiorem partem: ita nec dolor: Nonnunquã etiam & ratio imponit appetitui sensitiuo,

DE PERFECTIONE POENITENTIAE

duo, ut dolorem & tristitiam assumat, quod in poenitentia & contritione fit. Tota die (inquit psalmus) contristatus ingrediebar. Et huiusmodi multa sunt in scriptura. Ceterum quia appetitus sensitivus circa sua propria obiecta promptius inouetur, proprio videlicet suo (ut diximus) motu, quam ad imperium rationis, cui non ad nutum parer, ut satis constat, maxime circa ea quae sola ratione apprehenduntur: merito dicunt fieri posse, ut minus sentiat peccatum, minores excutiat lachrymas eius dolor, quam vulnus aliquod, aut mors amici, & huiusmodi alia: quia nec in potestate nostra est, sensibilibus quantum volumus dolere, aut lachrymas fundere. Satis igitur sit, ut sensitivo appetitu etiam non dolente propter peccatum, quod forte magis illi placet, voluntas detestetur, & odiat atque fugiat: & id satis esse debet, ut exemplo febricitantis infirmi facile agnosci potest: cui si proponantur duo, hinc frigidissima quam appetit aqua, & dicatur quod sit ei lethifera: inde amarissima quam horret potio, quam tamen credat saluiferam: istam sumet pro altera, etiam repugnante omni appetitu. Itaque sunt duo ista quam distinctissime tradenda atque docenda, ne sensum cum ratione confundamus, & in desperationem trahantur multi durioris complexionis & sensus, aut decipiantur alij facilitate naturae proniores in lachrymas: quanquam non sit dubitandum non diu in ratione posse odium esse, quin in appetitu sequatur passio: quare defectus eius etiam timendus est ei, qui veram & non simulatam cupit agere poenitentiam: iuxta quod ex illo lib: de poenitentia citatur: satis durus est, cuius mentis dolorem oculi carnis nequeunt declarare, Nec dubium quin inter magna Dei dona lachrymarum abundantia sit computanda, de qua illud: Fuerunt mihi lachrymae meae panes die ac nocte &c. Lauabo per singulas noctes &c. Et, cibabis nos pane lachrymarum.

Tertium denique dicunt specialius tractantes, an verè poenitens debeat malle quamcunque poenam (etiam infernum, vel non esse) incurrere, quam peccare: Stultissimum est has tentationes inferre poenitentibus, aut de his interrogare. Quanquam cum ipsi in hac prorumpunt, signum est perfectae contritionis, & confirmandi sunt. Ceterum nulli bene consideranti dubium est (quanquam aliqui disputent contrarium) in vera poenitentia includi odium peccati supra omnem poenam, separatam ab ea culpa, & supra ipsum non esse, plus displicet peccatum verè poenitenti quia of-

fensa

Durandus.

fenſa Dei, quàm ipſe æternus ignis inferni, vel non eſſe: ſicut charitas plus amat Deum, quàm ſeipſum, ſuum videlicet eſſe, & immunitatem à malo. Hæc quidem ab illis, quos primos inter ſcholæſticos computauimus.

Iuxta hoc poſteriores multi, vt Hadrianus, Richardus, & alij aſſerunt, intenſiſſimè & magno conatu pœnitendum eſſe, neque quemcunque gradum doloris ſufficere, de rationis dolore ſentientes. Et ita iutelligunt illud: Conuertimini ad me in toto corde veltro &c. Hoc videlicet intelligentes: dolorem hunc fortiorem, atque ideo intenſiorem debere eſſe dolore atq; odio cuiuſcunque alterius rei: ſicut amorem charitatis firmiorem, & ideo intenſiorem oportet eſſe omni alio amore: vt videlicet dominetur in animò, vt iuquit beatus Bonauentura.

Sunt verò alij Scotum (vt dicunt) ſequentes, qui putantes ſe multum conſulere inſirmis conſcientijs, aſſerunt ſufficere ad pœnitentiam dolorem peccati non ſummè intenſum, nec ſummo conatu elicatum, nec aliquo certo gradu, ſed quantumuis exiguus ſit ille dolor, minimus inquam aliorum affectuum voluntatis: vt ſi intenſius odio habeamus infamiam aut paupertatem, quàm peccatum: aut bona illis contraria, ſcilicet bonam famam & diuitias magis amemus, quàm odimus peccatum, modò ſit efficaciſ, ſufficit (inquiunt) ad remiſſionem peccati. Id quod probant primò, quia nuſquam in ſcriptura ad certum gradum doloris vel dilectionis aſtringimur: ſed dicitur: conuertimini, & conuertar. Si quis diligit me, diligetur à patre meo &c. Quare ergo (inquiunt) hoc eſt aſſerendum? Deinde, quia ad recedendum à Deo & peccandum nullus conatus requiritur, neq; ad conuertendū nos in Deum. Quare enim (inquiunt) Deus pronior erit ad nos reiſciendum, quàm ad ſuſcipiendum? Ita de dolore, ſicut de charitate Dei dicunt ſentiendum. Quod verò dicitur, Deum ſuper omnia diligendū, non intelligūt iſti intenſiue quòd ſcilicet fortiori & intenſiori actū vel habitu diligatur, ſed tantum appæciatiue (vt dicunt) vel prælatiue: vt ſcilicet Deum omnibus alijs præferamus, & pluriſ ipſum appæctiemur, quamuis (inquiunt) tepidiſſimo actū: quod ita putant fieri, ſi apprehendamus per intellectum Deum, ipſumq; cogitemus ſummum & maximum bonum, & voluntas huic apprehenſioni conſonans tendat in Deū vt in ſummum bonum, quantumuis tepidè & remiſſe: ita ſimiliter de cōtritione: co-

DE PERFECTIONE

gitet homo peccatum summum malum esse, ita id intelligat & credat: voluntas tendat in peccatū huic consentiens rationis sensui, atq; ita consummata est contritio, quantumuis remissē hęc fiant.

Sunt & nonnulli, quorum primus Caietan. qui addunt etiam, posse certum esse hominem pœnitentem de perfectione ista pœnitentiæ suæ: quod scilicet amet Deum super omnia, & peccatum detestetur super omnia: quia hoc est omnino in potestate nostra. Hoc est, quod si volumus, facimus: vt sicut (inquiunt) peccans nouit se vel pecuniam, vel delectationem plus amare quàm Deū, ita pœnitens nouit se contrarium facere. His itaq; sententijs plana & facillima videtur effici pœnitentia, imò & certa: quarum examinationem in sequentem lectionem differimus.

LECTIO DECIMA QVINTA.

De eadem re.

De pœnitentiæ
dolore tres
sententiæ.



VIDIMVS quemadmodum & antiquiores scholastici, & posteriores putent intelligendā quantitātē & magnitudinem pœnitentiæ: inter quos (vt patuit) est non parua diuersitas, quā possumus ad tres sententiās reducere: duas extremas, & reliquā mediam. Nam altera est requirētiū dolorem summum, hoc est, summo conatu & totis viribus productū. Quam videtur Hadriā. asserere: quāq; nesciā an ille interrogatus: suā verba ita vellet accipere: sed vtcūq; sit, ita asserit, & posset asseri ab alijs innitētib⁹ illis locis scripturę: Conuertimini ad me in toto corde vestro: Diliges Dñm deum tuū ex toto corde &c. & similibus. Altera porro extrema sententia est, nullum certū gradum intensiōis in dolore voluntatis requiri, nec in seipso quidem, nec in ordine ad alios dolores: ita scilicet, vt siue intensius de peccatis dealeat q̄ de alijs malis, siue minus intensē, id sufficiat: sicut in charitate. Hęc est posteriorum illorum, quos diximus Scotum sequi, sententia. Tertia, media

anti-

antiquorum illorū de voluntatis dolore, est, quoddam etsi non requiratur summus, hoc est, totis viribus & conatu productus & elicitus, nec certi aut determinati alicuius gradus, tamen requiritur ut maior sit omni alio dolore, qui est in pœnitente, ita ut plus de peccato doleat, quàm de aliquo alio malo, quod ei euenire posset. B. Bonouentura ita inquit requiri, ut dominetur cæteris doloribus, sicut charitas cæteris amoribus: & b. Thom. ut excedat alios dolores. Tres igitur istę sententię nunc examinandę sunt, non ut quinquam reprehendamus, sed (ut quantum fieri potest) rem tam necessariam elucidemus, vel saltem pro tenuitate nostra, quid sanius & tutius doceri debeat, habeamus.

Prior igitur illa sententia, si tamen alicuius est: requiri scilicet In pœnitentia totum conatum & omnes vires, manifestè nimia est, & impossibilitas nō requiribile quiddam imponens homini, saltem pro huius vitę infirmitate. Id probatur: quia in hac vita omnes vires nostras extendere in nium virium diligendum. Deum impossibile est, ubi sine peccato esse non possumus, & sine aliqua inordinata concupiscentia: quare proficere & renouari de die in diem iubemur: Quę quidem retro sunt obliuiscens, inquit Paulus, ad eā quę antè sunt me extendens, non me arbitror comprehendisse. Et quicumque perfecti sumus, hoc sentiamus. Quare illo præcepto: Diliges Dominum Deum tuum, perfectionem patrię intelligit Augustinus lib. de perfectione iustitię, nobis præcipi, ut sciamus quo tendendum sit, ubi scilicet illud impleri potest. Ita igitur de dolore peccati. Quoddam si quis dicat illud intelligendum esse de summo conatu & viribus, non qui in hac vita haberi potest: nam hunc certum est non posse tantum esse, quin possit adhuc maior inueniri: nam in eo semper proficiendum est: sed de summo qui in hac vita habetur ab his, qui omnibus renuntiant non necessarijs affectibus & rebus, ut vni dilectioni & pœnitentię vacent. Notum est nec id necessarium esse. Nec enim ab omni pœnitente requiritur, ut omnibus ita renuntiet: multo verò minus ut non renuntians illis tanto conatu amet & doleat. Denique nec vlla alia ratione intelligi potest illa sententia esse vera: id quod satis probat diuersitas gradus charitatis & pœnitentię. Est charitas incipiens, est proficiens, est perfecta: & quælibet vera charitas: ex qua sufficit ut pœnitentia procedat. Est in his gradibus magna latitudo, ita ut beato Gregorio teste, Benedictus inceperit ab altiori gradu, quàm ad quem multi

DE PERFECTIONE

proficientium & perfectorum perueniant. Itaque nullus certus gradus est exigendus, nullus certus conatus inter eos, qui ad charitatem sufficiunt: & in hac parte contentiendum est illi secundæ sententiæ: minimus gradus charitatis sufficit, modò charitatis sit.

Ceterum quod secunda illa sententia tenet, sufficere videlicet pœnitentiam minus intensam, & ex minori conatu quàm sit dolor aliarum rerum: & simul illa disunctio quam de charitate & pœnitentia docet: quòd scilicet magis amemus, vel odio habeamus vnâ rem altera appræciatiuè, vel prælatiuè (vt dicunt) sed non intensiuè (vt aperte dicamus), neque consonat scripturæ & patribus, neque rationi ipsi conuenit, nec utilis est animabus, imò magis periculosa: quæ omnia sunt nunc breuiter probanda.

**Deus intensi-
uè magis di-
ligend⁹ qua-
uis alia re.
Mathæi 10.
Lucæ 14.**

Primum igitur, scriptura sacra de dilectione quidem Dei aperte docet, Deum plus cæteris diligendum. Qui amat patrem & matrem plus quàm me, non est me dignus &c. Et rursum: Qui non odit patrem suum & matrem &c. non potest meus esse discipulus. Quid aliud est, odit, quàm, comparatione mei minus amat, & cum postulat amor meus, odit? B. Augustin. & lib. 1. de doctrina Christiana & lib. de moribus Ecclesiæ, de charitate loquens, manifestè eodem modo docet Deum plus cæteris diligendum. Vnde

Capite 27.

& in priori loco ad ordinatam dilectionem inquit pertinere, vt non amplius vel æquè diligit quod minus est diligendum: vel è contrario minus diligit, quod magis est diligendum: & multa in

Capite 11.

hanc sententiam. Secundo etiam loco: non diligere (inquit) Deum, nihil aliud est, quàm quicquam in diligendo ei præponere. Quo loco verba illa Pauli ad Roman. 8. Quis separabit nos à charitate Dei &c. certius sum, quia nec mors, nec vita &c. ad fortitudinem charitatis diuinæ ostendit pertinere: vbi inquit: Summum bonum non modò diligendum esse nemo ambigit, sed ita diligendum, vt nihil amplius diligamus. Itaque cùm scriptura sacra his verbis vtatur: plus diligendus Deus &c. quare non ita intelligendum est, sicut in alijs rebus, cùm dicimus hoc plus alio diligere, aut aliquem rem quampiam plus alia diligere? quibus nihil aliud significatur, quàm maior perfectio amoris, quæ in eius intensiōe fita est.

**In pœnitentiâ
opus esse ma-
gno conatu
& dolore o-**

De pœnitentia similiter & prophetarum verba, & scripturæ exempla exhortantur nos ad conatum quandam magnum: Domine conatus le (inquit Michæas propheta) & sarge filia Sion quasi parturi-

cus.

us. haud dubiè sub typo illo pœnitentem alloquens. Esaias de stenditur ex afflictione ex peccatis proueniente maximè loquens: Rugiemus scripturis. (inquit) quasi visi omnes nos, & quasi columbæ meditantes ge- Michex 4. memius. Ezechiel loco superius citato, cùm de pœnitente agit, Esaiæ 59. Considerans (inquit) & auertens se ab omnibus iniquitatibus Cap. 18. suis, vita uiuet. Et Hieremias etiam pœnitenti sub figura Ieru- Cap. 31. salem loquens: Pone tibi amaritudines (inquit) & dirige cor tuum in viam rectam. Quibus omnibus verbis quid aliud significatur, quàm conatus quidam, & attentio animæ pœnitentis, & grauitas ipsa doloris? Iam si eos qui nobis in exemplum pœnitentiae in scriptura propositi sunt, consideremus, quid aliud inueniemus, quàm intensissimos & acerbissimos dolores? In Dauid innumera sunt verba: Rugiebam à gemitu cordis mei. Lauabo per singulas noctes lectum meum. Niniuitæ clamant ad dominum in fortitudine. Ezechias reputat omnes annos in amaritudine animæ suæ. Denique & verba & opera de hac re innumera sunt in scriptura. Quomodo ergo his conuenit docere, nullo conatu, nullis viribus opus esse? Quòd igitur dicunt non reperi in scriptura præceptum de intentione aliqua vel conatu, certè non putamus dici posse siue errore. Quid significat. Conuertimini ad me in toto corde vestro? Non itaque omni diligenti, omni inuocanti Deum, omni se conuertenti ad ipsum, sed eis qui ex corde perfectò hæc agunt, promittitur gratia & exaudicio &c. Nec aliud sentiri potest sine magno errore. Prope est (inquit psalmus) dominus inuocantibus eum: & statim omnibus inuocantibus eum in veritate. Nec aliud quod afferunt, multum iunat: quod scilicet quocunque conatu à Deo receditur. Primò, quia cùm malum ex singulis constet defectibus, nò mirum si facilius fiat. Facilius caditur quàm resurgitur. Secundò, quia in omni peccato non est dubium creaturam Deo vel præponi vel æquari. Hæc quidem de locis scripturæ, quæ postea etiam apertiora erunt.

Nunc quàm sunt hæc consona rationi videndum. Et quanquam his non sit opus multum implicari, tamen si consideremus naturam amoris atque doloris, quæ accidentia quædam sunt, & actus siue habitus animæ, inueniemus apertè non alia ratione vnum plus alio diligere, aut de vno plus quàm de altero dolere, nisi secundum intentionem ipsius affectus. Nam primò formæ accidentales quæ intenduntur & remittuntur, non alia ratione perfectiores vel ma-

Rationibus ostenditur intentionem amoris Dei & odij peccati requiri in penitentiâ.

DE PERFECTIONE

iores dicuntur alijs alijs, nisi quia fortiores, & quòd illas quibus sunt fortiores, vel sua contraria vincere possint & expellere melius alijs imperfectioribus: vt frigiditas aquæ calorem ignis, vel è contrario. Ita igitur vel amor vel dolor ideo maior est altero, quòd ipsum superare & vincere possit, quòd non alia ratione fit, quàm quia & subiecto fortius inhaeret, & in seipso perfectior est. Loquamur de charitate Dei vt de igne, vt scriptura loquitur: alij amores sunt velut aqua, quæ contraria est igni. Opus est ergo vt illa fortior sit cæteris, quod non nisi intensione fit. Et b. Thom. explicans quomodo vna res plus alia diligere possit, duos tantum inuenit modos, scilicet ex parte boni quod volumus amato, & sic Deus quædam plus alijs amat: alio modo ex parte intensiōis ipsius amoris: ita ille inquit art. 3. q. 26. 1. partis. Et hoc vltimum docet simpliciter efficere, vt aliquid magis diligatur, cum de dilectione naturali Dei in angelis loquitur. Et denique in propria materia, quid sit alio magis diligendum charitatis amore, q. 26. 2. hoc tractans, primò eos arguit, qui omnes proximos æquali affectu diligendos dicunt. Ad illos (inquiens) opus est, vt intensiorem affectum habeamus, quibus magis conuenit esse beneficos. Et iterum ibidem diuersas species dilectionis ponens, secundum diuersa bona quæ volumus his quos amamus. Sed intensio (ait) dilectionis est attendenda per comparisonem ad amantem: & secundum hoc propinquiore intensiori affectu diligimus. Vides itaque illum ignorare aliam rationem plus diligendi, quàm secundum intensiōem. Et certè etiam si fingendi datur facultas, non aliud est aliquid plus altero amare, quàm paratū esse prius ab alterius amore recedere, quàm illius: quod nō nisi secundum maiorem amoris intensiōem fit. Deniq; si specialius de charitate dicendum est, scriptura & patres exhortantur nos ad profectum & augmentum eius. Veritatem (inquit Paulus) facientes in charitate, crescimus in illo qui est caput nostrum Christus. Philippenſibus scribit: Et hoc oro, vt charitas vestra magis ac magis abundet. Hic verò profectus secundum feruentiores & intensiores actus fit: qui videlicet fiunt maiori conatu & viribus. Notū igitur est & nos pariter admoneri, ad Deū maiori semper conatu & maioribus viribus amandum: & in hoc constitutus est profectus charitatis. Ex quo sequitur, quòd prima eius perfectio & integritas suæ speciei etiam ex conatu & viribus voluntatis emanet,

q. 66. 1. par-
tis art. 5.

art. 6.

art. 7.

Ephes. 4.

Philip. 1.

net. Nam ita in omnibus formis intensibilibus & remissibilibus videmus. Quod enim eas producit primò, hoc ipsummet auget atque intendit easdem. Sed de his rationibus satis. Distinctio illa appræciationis ab intensione noua est, nihil aliud habens quàm nomina: nisi quòd interim illa persuasione ingeneratur hominibus securitas quædam & tepiditas, quod valde timendum est.

De tertio iam dicamus, quid videlicet utilitatis habeat, remittente intentionem animi & affectum pœnitentiæ: quod certè maxime fit, cùm docetur nulla intensione & nullo conatu opus esse. eorum qui Satis enim ex nobis & infirmitate nostra proni sumus ad fugiendum laborem & conatum, maxime voluntatis, & præcipuè rationem facircum diuinam. Nam corpus quod corrumpitur, aggrauat animam. Et verè de pœnitentibus dictum est: Regnum cœlorum vim cent. patitur, & violenti rapiunt illud. Violentia quadam opus est si- Math. 11. bijs illata, vt ad diuinam feramur, maxime post deiectionem peccati. Itaque stimulus opus est, atque vtinam multis id fiat, vt ad perfectum perueniamus. Denique quid aliud hac persuasione fit, quàm vt in diuinis rebus, & in his quæ Deo offerenda sunt, putemus tepidè, sine omni cura vel animi attentione satis fieri: contra illud: Maledictus qui facit opus Dei fraudulèter, siue (vt alij legunt) Hier. 48. negligenter: quod sub typo sacrificij animalium ab altero propheta pulchrè arguitur. Maledictus (inquit) dolosus, qui habens in grege Malach. 1. suo masculum, & votum faciens immolat debile domino. Nonnè huic maledictioni proximum est ita docere, quacunque debilitate offeratur Deo vel charitas vel pœnitentia, satis est? Quid est affectu tendere in Deum vel summè dignum amari (quod ipsi necessarium dicunt ad charitatem) nisi summo affectu cõparatione omnium aliorum, quæ in nobis sunt, illum diligere? Vel quid proderit ita eum considerare, si tepidè & remissius, quàm alia quæ amamus, illum amemus? Quod verò videntur faciliorem viam pœnitendi aperire, parum iuuat: aperiunt dubiam & periculosam, nec consentientem doctrinæ patrum.

His igitur duabus, tanquam extremis reiectis sententijs, prior illa, quæ media est, manet. Non certum aliquem gradum amandi vel pœnitendi præscripsit Deus, sed hoc voluit, vt magis ametur ipse, & magis pœniteat nos peccati, quàm aliorum omnium malorum,

DE PERFECTIONE

malorum. De qua tamen sententia, si qua restant ad maiorem eius explicationem, in sequentem lectionem differamus.

LECTIO DECIMA SEXTA.

De eodem argumento.



VM ea proxima lectione satis constet mediam illam sententiam sanam esse & tutam conscientijs, rationi & scripturæ consonam, illa est proculdubio tenenda atque diligenter docenda. Itaq; non putauimus alienum ab hoc nostro instituto, de his nonnulla addere supra

dictis, ut (si fieri potest) apertior fiat, & iuxta eam habeatur quid potissimum docendus sit populus. Ordine igitur notentur sequentia, de hoc veræ pœnitentiæ operetam necessario.

Quam intensum oporteat esse dolorem pœnitentiæ & Dei amorem.

Primum. Integer & verus dolor pœnitentiæ, sicut verus Dei amor, opus est ut excedat in Dei oculis omnem alium affectum voluntatis, ita scilicet, ut & animam excitet ad conuenientia opera charitatis & pœnitentiæ, & eam aduersus contraria omnia aut aliena sic præmuniat, ut secundum præsentem voluntatis statum quicquid boni, aut mali occurrerit, id minus quam deus ametur, minus quam peccatum odio habeatur: ita ut potius quoduis malum incurrere malit quam peccatum, & quodlibet bono priuari quam Deo. Duo hic asserimus necessaria ad veritatem pœnitentiæ, sicut & charitatis. Est enim vtriusq; eadē ratio. Primum, ut nō

Vera pœnitentiæ & charitas non est otiosa, sed necessario fructus profert.

otiosa sit, sed in opera conuenientia prorumpat: qui est omnium primus & certissimus veræ pœnitentiæ effectus, sicut & charitatis, de qua primò inquit Paulus: Omnia suffert, omnia credit, omnia sperat, omnia sustinet. Et de se inquit: Charitas Christi virget nos. Et in Euangelio Dominus: Si quis diligit me, inquit, mandata mea seruabit, siue sermonem meum. In quem locum

1. Cor. 13.

2. Cor. 5.

Iohan. 14.

b, Cie-

b. Gregor. sanctissimè inquit de charitate, quòd operatur magna si est: si autem operari renuit, nec est. Quòd si hoc ex se charitas habet, etiam cum nulla alia ratio occurrat: quanto magis id habet, cum inciderit peccatum pro quo satisfaciendum est, quod delendum, & de quo sumere contendit vera charitas, ut fieri potest, vin dictam? Propter hanc enim sollicitudinem & feruorem quem pœnitentia habet, dixit in Euangelio Dominus, maius gaudium esse in cœlo super vno peccatore pœnitentiam agente, quàm super non agitante iustis. Ut etiam b. Gregor. ibi exponit. Hoc itaq; de pœnitentiæ operatione sit dictum. Lucz 15.

Secundum porrò dicimus de excessu illius ad omnes alios affectus. Opus enim est ut omnes excedat, ut satis probatum est. Igitur ut excessum hunc explicaremus, diximus eum sic voluntatem disponere, ut quicquid boni vel mali occurrerit, minoris fiat à nobis: ita ut potius recedatur à quouis bono, quàm à Deo: & incurratur quoduvis malum, quàm peccatum. Vbi etiam hunc excessum non potuimus aliter explicare planè, q̃ per ordinem ad actum & opus: ut scilicet & charitatis & pœnitentiæ affectus fortiores sint & efficaciores ad opus, quàm alij omnes. Itaq; quantum in voluntate ipsa sit excessus ille, tamen non nisi in opere satis ostenditur: ut sicut Gregorius in locum illum Iohannis dicit de dilectione Dei, ita nos dicere possimus de pœnitentia etiam: nō tantum videlicet mentem, sed linguam & manum adhibenda esse in testimonium. Quod igitur opus sit ut excedat alios affectus, ita apertissimè sit notum. Si quem ita pœniteret peccati, ut tamen actu & explicitè cogitaret & statueret secum, minus sibi displicere peccatum quàm aliud aliquod malum: minus illud velle cauere quàm infamiam, aut paupertatem, aut mortem: notum est hunc non integrè pœnituisse. Ex hac igitur aperta imperfectione ascendamus ad occultiore[m] aliam, cum constet nonnunq̃ aliquid occultè et implicitè amari plus vel minus alio, quamuis non aperte de altero vel utroque cogitetur. Amat enim implicitè finem & terminum, qui media tenet & viam: & illum magis amat quàm hæc ipse etiam si minus de illo cogitet quàm de his. Imò etiam si nihil inter media & viam cogitet, non tamen dubium est viam & implicitè super media, non nisi ut perueniatur in finem, amari. Finis itaque in eis omnia amatur, similiter amantur effectus, & ea quæ necessariò coniuncta sunt ei, quod explicitè amatur, etiam si non cogitentur. Nec ille detestandum Explicitè & implicitè super media, non nisi ut perueniatur in finem, amari. Finis itaque in eis omnia amatur, similiter amantur effectus, & ea quæ necessariò coniuncta sunt ei, quod explicitè amatur, etiam si non cogitentur. Nec ille detestandum

Qq

amandi peccatum.

DE PERFECTIONE

amandi modus minus voluntarius est aut minus ad bonum vel malū imputatur, quā explicitus ille & manifestus. Cū igitur, si manifeste & explicitē aliquid Deo vel peccato præponatur, sit imperfecta pœnitentia: non minus erit imperfecta, si implicitē. Et quod diximus, si præponatur: dicendum est etiam, si æquetur, idēque implicitē vel explicitē, ut ex superiori lectione patet. Non solum enim nihil magis Deo diligendum est, sed nec æquē. Patet igitur, quod prius asseruimus, excessum illum requiri. Et quidem si quid post priora illa de hac re apertius dici potest, istud est: ut verbo illo Ioannis veritatem pœnitentiæ concludamus, quo ille conclusit veritatem charitatis. Non diligamus (inquit) verbo nec lingua, sed opere & veritate. Ita ergo dicamus: Non pœniteat nos verbo nec lingua. Vbi aduerte duo posita esse quæ diximus. Primum, opus: in quod videlicet charitas & pœnitentia prouincunt. Secundum, veritas: quæ ad ipsa interiora cordis pertinet: ut videlicet erga Deum & peccatum, ut illa digna sunt, se habeat cor nostrum. Vnde statim b. Iohannes ibi dixit: In hoc cognoscimus quoniam ex veritate sumus, si in conspectu eius suadebimus corda nostra, quod est, probauerimus, & in oculis eius ostenderimus pura. Addidimus tamen, hunc excessum secundum præsentem voluntatis statum considerandum: quod attentius est aduertendum. Duo enim dicimus: requiri videlicet ut excessus sit secundum præsentem statum, non verò secundum alium qui sequi possit. Diximus etiam, secundum præsentem statum voluntatis, non verò vel naturæ, ut habitus acquisiti, vel alterius alicuius rei, sed voluntatis tantum. Quæ dicimus, ne si incautē ista proposita fuerint, duriora fiant. Quare sunt hæc duo aduertenda. Primum, quod cū sancti etiam quotidie ut non inducantur in tentationem, non dubitant illi, nec ulli alij de se, talem esse infirmitatem suam (quam tamen solus Deus nouit) ut possit aliqua tentatio eos deijcere à charitate, cū tamen reuera in illa sint. Sicuti Petrus, cū ei diceretur: Ter me negabis, & omnes alij Apostoli similiter cū audirent: Scandalum patiemini in me &c. Et reuera docet nos certa fides, non nisi nouo gratiæ Dei auxilio ullam tentationem nos posse vincere, aut ullum bonū opus efficere, etiam cū veram charitatē iam Deus diffudit in cordibus nostris. Non itaque ad veram charitatem, atque ita ad pœnitentiam, tanta necessaria est constantia, ut nihil possit mutare voluntatem;

nihil

1. Iohan. 3.

Excessus pœnitentiæ & charitatis ex præsentis voluntatis statu metiendus est.

nihil deijcere: sed vt talis sit præsens affectus eius. Et hoc ipsum quod iam dicimus, probat & confirmat necessitatem illius excessus necessarij in affectu voluntatis. Constat enim quòd cum superueniente tentatione aliquid prælatum fuerit Deo vel peccato, recessum est à charitate: vel etiam si æquatum fuerit: igitur & quotiescunq; hoc fuerit in affectu, recessum est ab ea. Quod verò diximus præsentem voluntatis statum considerandum, sic est accipiendum, vt quicquid non est in potestate voluntatis contrarium huic affectui poenitentix vel charitatis (vt sunt alij habitus fortissimi & intensissimi amoris creaturarum, ex præcedentibus videlicet peccatorum actibus generati) non impediat quòd minus affectus ille maior sit, etiam si intensiores sint illi habitus & fortiores, quàm ipsa charitas cum primum in Deum conuertimur. Satis est, si illa contraria omnia verè displiceant, & non mendaciter omnia, quæ prius amauit poenitens, postponat Deo. Hæc de primo dicta sunt.

Statuamus iam hoc secundum documentum: quòd hæc amoris & doloris magnitudo, atque præparatio animæ secundum eam, etsi in voluntatis nostræ potestate sita sit, non tamen ipsam magnitudinem affectus nostri cognoscere vel naturali ratione, vel fide (præter specialem Dei reuelationem) possumus. Quod præcipue propter Caietanum dicimus, & ad auferendam noxiam securitatem. Non erit difficile hoc ex doctrina scripturæ & patrum probare. Tria igitur dicimus.

Primum. In potestate voluntatis nostræ esse velle ipsum, siue Velle & amorem & quantitatem eius, vt scilicet amet quod vult, & quantum vult, & præ illis, præ quibus vult. Hoc maximè b. Augustin. quæritas sunt probat 3 lib. de libero arbitrio. Non enim (inquit ille) possum aliud sentire esse in potestate nostra, nisi quòd cum volumus, facimus. Quapropter nihil tam in potestate nostra, quàm ipsa voluntas est. Ea enim prorsus nullo intervallo mox vt volumus, præsto est. Itaq; nihil magis est in potestate nostra, quàm velle. Certè si volumus, iam ipsum velle adest. Non tamen si volumus diuites aut sani esse, voluntati ad sunt diuitiæ aut sanitas. Hæc est b. Augustini manifestissima sententia multis locis. Nec tamen ideo sine Dei gratia id posse voluntatem putandum est. Nam cum velle in potestate voluntatis esse aliud non sit, quàm quòd si vult, adest ei: vt tamen velit bonum, necesse est vt præparetur

Qq 2 & præ-

Velle bonū
in nostra est
potestate, ac
non sine dei
grati.

& præueniatur à Deo. Itaque si volumus credere, credimus: si amare, amamus &c. sed hæc non sine Dei gratia fiunt. Hæc est b. August. (digna certè illo authore) resolutio in hac materia, vt patet in pluribus locis retractationum. Vide cap. 22. 1 libri & sequent. Et hæc sufficere debent ad primum illud probandum, vt nunc interim alia omittamus: quod scilicet præcipitur nobis à Deo sub comminationibus & præmijs hic amor & dolor: quod frustra fieret, nisi esset in potestate nostra. De his ita obiter dictum sit, quoniam alie ius negotij sunt. Interim tamen fuit hoc concedendum & intelligendum, vbi Caietano concedimus, esse in potestate nostra præ alijs omnibus Deum amare, vel de peccato dolere: verum negamus illi apertissimè, id in nobis sine diuina gratia esse posse: cuius contrarium ille asserit, minus in hac re considerans gratiæ necessitatem, & scripturæ atque conciliorum antiquorum sensum.

Magnitudo
amoris vel
doloris nostri
non est
nobis certò
cognita.

Secundum quod ibi asserimus, est: Magnitudinem, quantitatem, atque mensuram affectuum voluntatis nostræ non posse ab intellectu nostro vel naturali, vel fidei communi lumine cognosci. Quod contra Caietanum dicitur, & contra nouatores omnes, asserentes nos de salute nostra fide certos esse posse: quamuis Caietanus id non credat. Neque nunc est contra hos disputandū, qd aliàs fecimus: sed id tantum nunc probandum, nos non posse liquidò perspectam habere & euidentem quantitatem & mensuram affectuum nostrorum. Ad quod confirmandum posset certè experientia sufficere, nisi cæcutire velimus: sed interim sufficiant apertissimæ autoritates scripturæ. Præuū est cor hominis & inscrutabile (inquit Hieremias) & quis cognoscet illud? Ego Dominus scrutans cor, & probans renes. In Apocalypsi similiter clamat. Scient omnes Ecclesiæ, quia ego sum, scrutans renes & 1. Regū 16. corda. Et de filijs Isai loquens, inquit Samuel: Homines vident ea quæ patent, Dominus intuetur cor: apertè docens proprium Dei esse intueri cor. Itaque quod Paulus inquit: Quæ sunt hominis nemo nouit, nisi spiritus hominis, qui in ipso est, non putemus propterea Paulum fecisse hominem certum de omnibus, quæ in ipso sunt, præcipuè in voluntate. Nam post pauca clamat: Nec meipsum iudico. Nihil enim mihi conscius sum, sed non in hoc iustificatus sum. Qui autem indicat me, Dominus est. Et certè non aliunde esse poterat, vt se iustificatum non certò statueret, quàm

Capite 17.

1. Regū 16.

1. Corint. 2.

1. Corint. 4.

quàm quòd nec de suo affectu & vera Dei dilectione super omnia certus erat. Alioqui non eilet dubius de iustificatione. Et propterea vniuersaliter statim insert: Itaq; nolite ante tempus iudicare, quoadusque veniat Dominus, qui illuminabit abscondita tenebrarum, & manifestabit consilia cordium. Simus igitur omnes contenti Pauli consilio. Quod attinet ad affectus nostros, in tenebris nos agere agnoscamus: atque ideo etiam quod attinet ad ipsam nostram salutem. Doceat Lutherus quod vult: clament Lutherani certa fide credendum, remissa esse peccata: ex quo sequitur certa fide credendum, nos veraciter, purè, et super omnia deum amare. Certè prætergrediuntur terminos, quos posuerunt patres. De nobis ipsis vult Paulus nos dubios esse: de nostra præparatione, non de Dei gratia si nostra præparatio adsit: dicente illo: Si impius egerit pœnitentiam, non recordabor &c. Ita & Salomon: Nemo scit vtrum odio vel amore dignus sit: sed omnia in futurum seruantur incerta. Iob etiam: Si simplex fuero, hoc ipsum ignorat anima mea. In quem locum b. Greg. Sæpe (inquit) se fidelem sibi nec ipsa cogitatio exhibet: quia aliud ante oculos mentis versat, ad aliud intentione festinat. Vnde ibidem illud Abacuc: Dedit abyssus vocem suam, exponit de humano corde. Non est opus plura referre. Scriptura hoc negans, & lumen fidei, & rationis naturalis excludit. Euidenter itaque pondus affectuum nostrorum soli Deo est cognitum. Spirituum ponderator est Dominus, inquit Sapiens. Ceterum coniecturis & signis (citra tamen definitionem) inuestiganda est nobis hæc obscuritas & dirigenda. Clamemus itaque cum propheta: Proba me Deus, & scito cor meum, & vide si via iniquitatis in me est, & deduc me in via æternæ: scientes & hic maxima Dei gratia opus esse: de quo plura inferius. Iam tertium quod ibi proposuimus facile constat ex his sequi: quod scilicet duo hæc simul cōsistant, esse in potestate voluntatis amare quantum volumus, non tamen propterea amoris quantitatem subiacere cognitioni intellectus. Est enim abyssus &c. Experietur quilibet apud se, quoties quæ minus se amare putabat, oblata occasioneprehendit se multo magis amasse. Quod si in re aliqua dubium esse potest, id maxime erit in dilectione D E I, utpote rei tam longè à nobis distantis, & tam sublimis, ut merito Gregorius dicat, de dilectione conditoris non facile mentem sibi debere credere sine operis attestatione. Cum itaque proba-

Ecclesiast. 9.

9. Moralium.

Prouerb. 16.

DE PERFECTIONE

tum sit vtrunque illorum verissimum esse, non potest sequi ex altero contra alterum, vt Caietanus putauit, sic inferens: Est in potestate voluntatis, ergo cognoscimus. Sed volumus de hac re admonere nostros, vt auferatur persuasio quædam facilis, & (si cum venia dicere licet) leuis. Dicat (inquiunt) voluntas: amo Deum præ omnibus bonis, & odio peccatum præ omnibus malis: & factum erit vtrunque: & cum cognosci possit hæc à voluntate dici: cognosci quoque potest factum esse. Vbi considerandum est, aliud esse amare, aliud dicere, amo. Ita potius actum significant quàm exercent, amo aut volo: hoc dicere non est amare: sed veraciter affici, vñiri &c. Itaque incipientibus Deum diligere aut pœnitere non dicamus, dic, amo: dic, doleo &c: sed admoneamus vt verè ament & verè doleant, & amorem atque dolorem suum cupiant Deo probari, nec de his facilè sibi credant. Iam ex his duobus tertium sequitur, quod cōsiderandum, & docendum attentius est: nimirum in hoc pœnitentiæ opere tam necessario maximè oportere illud Euangelij obseruare: Cum feceritis omnia, quæ præcepta sunt vobis, dicite, serui inutiles sumus. Itaq; necesse est, vt in hoc opere strenuè & gnauiter, non oscitanter, sed impigrè sese exerceat pœnitens, nihil omittens eorum, quæ præcepta sunt, sed illa diligenter consideret, considerata in opus deducat: illa videlicet & similia: Conuertimini in toto corde vestro. Scindite corda vestra. Quis docebit vos fugere à ventura ira? &c. Et cum hæc omnia fecerit, non promittat sibi securitatem, non credat satis fecisse se: sed cum esurie & siti iustitiæ dicat, seruus inutilis sum: quod ex supràdictis apertissimè sequitur, cū constet non minimam quantitatem doloris requiri, nec de ea nos posse certos esse.

Verum quæ specialius circa hæc
docenda sunt, p capti nostro
proxima lectione
conabimur explicare.

* *

•

LECTIO

Quanta diligentia opus sit in agenda pœnitentia.
Lucæ 17.

Iohel. 2.
Math. 3.

LECTIO DECIMA
SEPTIMA.

De eadem materia.



Incendum iam est de hac integritate & perfectione pœnitentiæ, quid potissimum proponendum sit populo, cui certè nec difficili-ora intellectu, nec executione ardua proponenda sunt, nisi cum summa cogit necessitas, & tunc (quantum fieri potest) ad captum intellectus & affectus eorum accommodata, & præcipuè quæ agenda eis incumbunt, & modus ipse ea perficiendi. Tanta est (vt verum dicamus) imbecillitas eorum, vt non nisi ita explicata capiant: atque vtinam vel ita caperent. Igitur primò perfectio ista doloris docenda est, sed ita, vt non magna quædam & impossibilia doceri videantur, sed planè nec graui, vt Iohannes inquit: Mandata eius graui non sunt. non inquam graui innitentibus diuinæ bonitati. Nam quæ apud homines (inquit Christus) impossibilia sunt, non sunt apud Deum. Quid igitur acturi sint dicatur, & ostendatur via modusq; ea agendi. De quibus sequentia ordine notentur.

1. Iohan. 5.

Marci 10.

Primum. Volentem verè & integrè pœnitere ante omnia diuinæ bonitati eiusq; gratiæ inniti oportet, & per humilem instantemq; orationem ante omnia gratiam pœnitendi sibi à Deo postulet necesse est. Proponendæ sunt igitur sanctorum & prophetarum orationes, quibus tam instanter illi hoc à Deo postulât, & confitentur se id à seipsis habere non posse. Vnde illud Hieremix: Conuertere me domine, & conuertar: quia tu Deus meus. Et quod sequitur est valde considerandū: Postq̃. n. conuertisti me, egi pœnitentiã: & postq̃ ostēdisti mihi, percussî femur meū. Consultus sum & erubui, quoniam sustinui opprobrium adolescentiæ meæ. quæ verba superius etiam adduximus, cum probaremus necessitatem gratiæ ad veram pœnitentiam. Itaq; opus est vt Deus ostendat

Gratia pen-
tendi sedula
& humili
oratione à
Deo petēda
ante omnia.

DE PERFECTIONE

Hieremias 3.

**Donum pœnitentiæ & iustificatio-
nis quia ma-
ximum etiã
maximi fa-
ciendum.**

dat nobis, quales in peccato sumus, & qualia sint ipsa peccata: ostendat (inquam) non tantum proponens ante oculos, sed etiam agens ut consideremus: & ita consideremus, ut consideratio penetret voluntatis ipsius intima. Sunt plurima de hac re in scriptura testimonia & exempla, quæ nunc non adducimus, sed admoneamus diligenter colligenda esse ab his, qui docturi sunt populum. Ita in hoc & cæteris omnibus doceatur plebs, quoties audierit vel pœnitentiam, vel aliquid ad eam pertinens præcipi in scriptura: intelligat statim illud se à Deo postulare debere. Cum itaque dicitur per prophetam peccatrici animæ: Leua oculos tuos in directum, & vide ubi nunc prostrata sis: statim id conuertamus in oratione: ut videlicet ipse qui præcipit, det leuare oculos, & dignè perspicere atque perpendere, quàm longè à deo per peccatum recedamus. Ad excitandum verò hunc affectum orandi, & ad ipsum donum pœnitentiæ impetrandum, commendetur omni diligentia istud donum pœnitentiæ, quàm magnum sit, quanti æstimandum & faciendum. Ut igitur hoc conuenienter agamus, gratia remissionis peccati & iustificationis est commendanda, cui donum hoc pœnitentiæ coniunctum est, & aut idem, aut certè simul cum illo, ita ut vnum sine altero non donetur, & pœnitentia causa iustificationis quodammodo sit. Nam si impius (inquit scriptura) egerit pœnitentiam, non recordabor &c. Itaque cum utrunque det Deus, & pœnitentiam & remissionem, & neutrum sine altero, pœnitentiam tamen donans dat homini cooperari ad salutem suam, & causam ex parte aliqua eius esse, & ita quodammodo se illi obligatum tradit ut remittat. Igitur diligentissimè curandum, ut magni hoc donum pœnitentiæ & iustificationis æstimetur: ita enim fiet, ut & ardentius petatur, & à domino misericordius & liberalius donetur. Nam profectò pro nihilo aut pro minimo ducere remissionem peccati & gratiam pœnitendi, quantum nobis videtur, vnum est eorum quæ maximè timenda sunt Christianis, & quibus putamus maximè indignos fieri illis donis: & propterea licet inter præcipua signa & coniecturas veix pœnitentiæ & remissionis peccati, quæ nobis querenda sunt non ex nostro iudicio, sed ex scriptura, non minimum putamus esse, magni æstimare hoc donum, & Deo summè de hoc gratum esse: ita è contrario vnum eorum quæ præcipuè nos suspectos reddere debent & timidos, ne non sint nobis remissa peccata, est, leuiter hoc donum pertransisse,

transiisse, nec summè gratum pro eo deo fuisse. Scimus, ingrati-
do diuinæ gratiæ quàm sit aduersa: Non est (inquit Christus) in-
uentus qui rediret, et daret gloriam deo, nisi hic alienigena. Fami-
liaritas & assiduitas solet contemptum parere : domestici pro ni-
hilo ducunt, quod exteri plurimi faciunt. Itaq; timendum est po-
pulo Christiano & rudi, ne ex facilitate remissionis peccati, quam
illi putant, & quæ verè est ex Dei misericordia (vno .n. verbo ha-
betur frequenter: Peccaui, dixit Dauid, & statim audiuit: Dominus
transulit peccatū tuum) ex frequentia etiam, & (vt ita dicamus)
inexhaustibili gratia remittendi, de qua dictum est : Non dico tibi
septies, sed septuagies septies: hæc minoris quàm opus est faciat,
quasi quotidiana: Quomodo verò credere poterimus hanc tantā
suam gratiam Deum conferre contemnentibus, qui nobis præ-
cepit, ne margaritas ante porcos mittamus, ne fortè (inquit) con-
culcent eas pedibus suis. Pretiosissima certè & cœlestis margari-
ta, & super omnem æstimationem est veræ penitentiae gratia: non
igitur datur à Deo porcis & pedibus eam conculcantibus. Quare
nullam popularem opinionem putamus diligentius eximendam
ab animis Christianorum, quàm hanc tam minimam æstimatio-
nem, & tam paruum considerationem horum donorum Dei in
remissione peccati. Hoc igitur agendum tribus præcipuè medijs.
Nam primo peccati ipsa magnitudo, quantum fieri potest, exag-
geranda est, & mala quæ consequuntur. Deinde extollenda pla-
cabilitas Dei, & quanta sint dona, quæ simul in remissione peccati
conferuntur à Deo. Tertio deniq; quanta gratia, quàm nullo debi-
to, imò quantis contrarijs debitis damnationis, quàm nulla nostra
industria, labore, vel minima attentione hoc detur à Deo. In his
tribus magna est latitudo doctrinæ, & summè necessaria, si verè
penitendum est. Sed vel pauca de singulis dicamus.

Matthæi: 7.

Qua ratione
gratia iustifi-
cationis cō-
mendanda
populo.

De primo igitur, grauitate scilicet peccati, non potest satis dici. Quanta gra-
uitas pecca-
Est contemptus Dei & offensa, opere ipso atque facto abnegatio
ipsum, & prælatio quædam creaturæ ipsi in corde peccantis. Sed
nihil magis immensam hanc grauitatem peccati ostendit, quàm
quod non sine filij sui sanguine & morte placuit Deo peccata re-
mittere: & cum demum post hanc remissionem tanto precio com-
paratam peccamus, vt Paulus ait, rursus crucifigimus ipsum
filium Dei, & ostentui habemus: & (vt alibi ait) Quanto pu-
tatis maiora mereri supplicia, scilicet quàm transgressores legis

Quantum gra-
uitas pecca-
tis, et quomo-
do exagge-
randa.

Hebræi. 6.
Hebræi. 10.

DE PERFECTIONE

veteris, qui filium Dei conculcauerit, & sanguinem testamenti pollutum duxerit, & spiritui gratiæ contumeliam fecerit? Quid potest in exaggerationem peccati grauius dici? Toti Trinitati contumeliam infert, sanguinem Christi polluit, ipsum conculcat. Hæc sunt interim ad grauitatem peccati detegendam explicanda, sicut & alia multa.

Quantum De secundo verò, quantum scilicet donum sit remissionis gratia, quàm magna sint quæ conferuntur à Deo cum illa, satis ostentia remissio- dit quòd sibi nos reconciliat Deus, & veram nobiscum inicit amicitiam atq; fœdus. Quid verò maius, quàm amicum esse Dei? Nimis honorati sunt amici tui Deus. Et quàm intima hæc amicitia, rum.

Psalm. 138. per quam tota Trinitas nos inhabitat? Ad eum (inquit) veniemus, & mansionem apud eum faciemus. Spiritum quoq; suum nobis

1. Iohan. 4. dat, vt Iohannes inquit: In hoc cognoscimus, quia in eo manemus, & ipse in nobis, quoniam de spiritu sancto suo dedit nobis.

Roman. 8. Proprio filio suo non pepercit, sed (vt Paulus inquit) pro nobis omnibus tradidit illum. vt meritò quod sequitur summū hoc Dei donum commendat: Quomodo cum illo non omnia nobis donauit? Itaq; hoc Dei donum non satis dignè commendari potest, de quo meritò illud saluatoris ad Samaritanam dicere possumus:

Traet. 72. Si scires donum Dei. Denique beatus Augustinus tanti hoc opus iustificationis facit, vt verba illa Christi: Qui credit in me, opera

Iohan. 14. quæ ego facio, ipse faciet, & maiora horum faciet: de hoc iustificationis opere exponens, quod cooperante Deo nos etiam facimus, Prorsus (inquit) maius hoc esse dixerim, quàm est cælum & terra, & quæcunque cernuntur in cælo & in terra. Cælum enim & terra transibit, prædestinatorum autem, id est, eorum quos præscit salus & iustificatio permanebit. In illis tantum opera Dei: in istis etiam imago Dei. Et denique angelorum creationi hoc opus ibi conferens, Non (inquit) hîc audeo præcipitare sententiam: intelligat qui potest, iudicet qui potest, vtrum maius sit iustus creare, quàm impios iustificare? Certè enim, si æqualis est vtrunq; potentia, hoc maioris est misericordia. In quibus verbis magna certè est commendatio huius diuini doni. Si Deus propter hominem aliquem nunc integrum mundum, non minorem quàm hic est quem habemus, de nouo crearet, cælum, terram, & cætera omnia, angelos, & cuncta spiritalia, quanti fieret? Et tamen absq; comparatione iustificationis opus maius est. Concluda-

cludamus hoc, quod de immensitate donorum Dei iustificatis collatorum dicimus, verbo illo Pauli, quod omnibus iustificatis dicit: Omnia vestra sunt, siue Paulus, siue Apollo, siue Cephas, siue mundus, siue vita, siue mors, siue presentia, siue futura: omnia enim vestra sunt: vos autem Christi: Christus autem Dei. Quid potest maius dici? 1. Cor. 3.

Iam tertium quod diximus, huic cumulo non parum super- Non solum addit: quàm scilicet absq; merito nostro, quàm gratis, imò repug- gratis, sed nantibus omnibus nostris meritis, hæc Dei gratia conferatur. Co- etiam contra mendat (inquit Paulus) Deus charitatem suam in nobis. Quoni- nostra meri- am cum adhuc inimici essemus, Christus pro nobis mortuus est; taremittitur Quantum verò hoc? ut cum post hoc beneficium inimicos nos nobis pec- constituerimus, rursus nos inuitet ad amicitiam & recipiat? Pro cata. Christo (inquit Paulus) legatione fungimur, tanq̃ Deo exhortante 2. Corint. 5. per nos. Obsecramus per Christum, reconciliamini Deo. Denique & ita trahit, ut nisi traheret, nequaquam redire possemus. Nemo venit ad me, nisi pater meus traxerit illum. Merito itaque gloria- Iohan. 6. tur Deus: Ego sum qui deleo iniquitates tuas propter me. Et illud Esaiæ 43. quod supra exposuimus. Non propter vos ego faciam domus Ezechie. 36. Israël, sed propter nomē sanctum meū. Itaq; qui peccauit, se quasi in profundissimā abyssum deiectū, atq; à seipso præcipitatum co- gitet (si verè credit) necesse est, & absorptum à vi atq; tempestate profundissimi maris, non aliter certè quàm Ionas fuit in ventre ceti: & ita opus est ut oret & clamet ad Deum pro gratia pœnitē- tiæ, sciens q, nō possit se magis à peccato excutere, quàm demer- sus ille ex tanta profunditate potuit emergere. Hinc sunt voces illæ prophetarum: psalmistæ quidem: Intrauerunt aquæ vsque ad animam meam, infixus sum in limo profundi, & non est substan- tia, hoc est, vires meæ ad resurgendum. Veni in altitudinem maris, & tempestas demersit me. Propterea clamat: Saluum me fac Deus. Et inquit: Laboraui clamans &c. Dum spero in Deum meum. Ecce sola hæc spes restat. Et post pauca, quibus verbis orat eripi, omnino sibi diffusus? Ego verò orationem meam ad te Domine, tempus beneplaciti Deus. In multitudine misericordiæ tuæ &c. Quæ attentius sunt consideranda. Eripe me de luto &c. Non me demergat tempestas aquæ &c. Neq; vrgeat super me puteus os suum. Hieremias clamat: Lapsa est in lacum vita mea, posuerunt lapidem super me. Inundauerunt aquæ super caput Tren. 4.

Rr 2 meum

DE PERFECTIONE

Iona 2.

meum, dixi, perii. Inuocaui nomen tuum Domine de lacu nouissimo. Oratio etiam Iona huc pertinet: Tota abyssus vallauit me, pelagus cooperuit caput meum. Quibus omnibus exhortandi sunt peccatores, & stimulandi ad orandum pro dono poenitentiae, & admonedi vt cum ita orauerint, etiam agnoscant sibi orandum esse, vt eis hoc gratis à Deo donetur. Sunt verba illa Iob ad hoc aptissima & propria, quae meritò in se transferre debeant peccatores: Quis det vt veniat petitio mea, & quod expecto tribuat mihi Deus, & qui cepit ipse me conterat, soluat manum suam & succidat me? Et haec mihi consolatio, vt affligens me dolori non pareat. Quae meritò de compunctione iustorum in hac

Iob 6.

vita exponit Gregor. Haec debent peccatores, cum ceperint dolere & compungi, existimare ad se pertinere, vt semper ampliori desideret compunctionem. Est enim in ea profectus etiam in iustificatis ipsis. Dum enim quotidie poenitentes, quò ipsa poenitentia magis purgauerint animum, purius Deum agnoscunt, de peccato compunguntur plenius. Quod ipse Iob bene explicat: Auditum (inquiens) auris audiui te, nunc autem oculus meus videt te: idcirco ipse me reprehendo, & ago poenitentiam in fauilla & cinere. Vide quomodo haec ibi à b. Gregor. exponantur. Et haec quidem dicta sint circa primum illud, videlicet de humilitate & instantia orationis necessaria ei, qui veraciter vult poenitere.

Lib. 7. ca. 7. & 8.

Iob. 42.

Iam secundo loco explicare conabimur, quomodo actio ipsa poenitentiae post hanc orationem fieri debeat. Docendum est igitur primò, vires animae interiores, cogitationem scilicet, attentionem, & affectiones omnes diligenter colligendas esse & cohibendas atque reuocandas ab omni euagatione ac meditatione alienarum rerum, atque ita in quiete & tranquillitate exercendas attentis meditationibus & considerationibus bonitatis diuinæ, & malitiae peccati. Et his, quantum fieri potest, considerationibus ex certa regula fidei, & ex ipsis verbis scripturae conceptis, affectus suos omni conatu oportet conformare; & non semel aut iterum, sed frequentissimè, etiam cum conatu proficiendi hoc agendum. Nam propter priorem collectionem virium dictum est illud: Quae dicitis in cordibus vestris, & in cubilibus vestris compungimini. Et illud: Audiam quid loquatur in me Dominus Deus, quoniam loquetur pacem in plebem suam, & in eos qui conuertuntur ad cor. Propter hoc etiam poenitentibus & militia, &

Quomodo poenitēs collectis et intro reuocatis cogitationibus formare debeat affectus suos.

negotio-

Psal. 4.

Psal. 84.

negotatio, & spectacula etiam atque ludi interdicuntur, vt Magister sententiarum refert dist. 16. ex b. Gregor. Multis egent singula horum ad sui explicationem, sed interim illud sit satis, curandum esse doctoribus, vt hanc quoque periculosa persuasione tollant (sed prudenter & sobrie) qua leuissimum, imò ferè nullum putatur negotium esse, verè penitere: cum tamen & maximum & arduum reputetur à patribus, nec vnus horulæ aut momenti, sed magnæ certè partis vitæ, aut totius. Circa hæc igitur sobrie putamus semper agendum esse. Donemus breuissimo momento nō nunquam Deum conuertere peccatorem, & integram dare pœnitentiam, sicut scriptum est. Facile est in oculis domini subire Eccle. 11. honestare pauperem. cuius exemplum extat in latrone & Dauid: sed aduertendum, quòd subita illa conuersio non reddidit securos in posterum & otiosos, sed sollicitos ad ipsam pœnitentiam non intermittendam. Peccatum meum contra me est semper, inquit Psal. 50. Dauid. Et: Lauabo per singulas noctes &c. Et iterum: Exitus Psalm. 6. aquarum deduxerunt oculi mei. Vnde & b. August. in Enchiridio ad Laurentium, in actione pœnitentiæ non tam considerandam esse dicit mensuram temporis, quàm doloris. Cor enim contritum & humiliatum Deus non spernit. Tamen rectè dicit constituta esse ab Ecclesia tempora pœnitentiæ, vt satisfiat etiam ipsi. Et certè valde curandum est ei, qui cupit sibi remissum esse peccatum, etiam testimonium Ecclesiæ habere, cum proprium testimonium meritò debeat illi esse suspectum. Igitur ad integrè detestandum peccatum, sicut ad perfectè Deum diligendum, attenta meditatione diuinorum verborum opus esse frequentissimè docemur in scriptura. Concaluit cor meum intra me, & in meditatione mea exardescet ignis. Ignitum eloquium tuum vehementer. Et quod duo illi discipuli dicebant: Nonnè cor nostrum ardens erat in nobis &c. dum aperiret nobis scripturas? Hæc igitur attentissima meditatio immensæ bonitatis diuinæ, summæ misericordix, incomprehensibilium beneficiorum, ingrati tudinis & malitiæ peccati, vanitatis rerum omnium ob quas peccatur, & similibus commendanda est plurimum, vt huiusmodi meditatio coniunctū habeat affectum. In qua re vel conatus ipse, vel desiderium magni est apud Deum momenti; Desiderium pauperum exaudiuit Dominus, inquit Psal. præparationem cordis eorum audiuit auris tua. Cæterum in mentis euagatione & distractione valde timendum

DE PERFECTIONE

mendum est non satis doleri de peccatis posse. In his verò meditationibus nonnunquam vile erit conferre Deum cum omnibus alijs bonis, vel peccatū cum omnibus malis, atq; affectū Deū præferre omnibus bonis, & peccatū præ omnibus alijs malis odio habere, idq; non simplici verbo, verum ex intimis cordis visceribus. Itaq; hæc vel in generali vel in speciali comparatio tunc utilis est & laudanda, cū post dignā æstimationē summæ Dei bonitatis & gratuitatis peccati, postq̃ illa possederit & penetrauerit & occupauerit totum cor, conuersio quardā fiat ad reliqua omnia vel bona vel mala, vt in luce illa veræ fidei & ardoris diuini videantur quasi ex altiori loco, & despiciantur. Posuisti (inquit psal.) iniquitates nostras in conspectu tuo, seculum nostrum in illuminationem vultus tui. Ita igitur dicendum: odio peccatum præ cæteris: vel, amo Deum non verbo modò, sed summo cordis conatu. Fit etiam nonnunquam comparatio hæc ex nimio quodam cordis seruire & impetu, non tam se excitantis ad hæc, quàm potius non valentis se continere præ seruire diuinæ dilectionis: qualia sunt verba illa Pauli. Quis nos separabit à charitate Christi? Certus sum enim &c. Sed nec de his facile sibi credere debet homo, nisi cum longa exercitatione, & experientia, atq; sustinentia testimonium reddit ei propria conscientia. Patientia. n. (inquit Paulus) probationē operatur: probatio spem. Sit igitur huius doctrinæ scopus, vt admo- neantur qui verè in deum conuerti volunt, vt non semel & perfunctoriè, sed frequenter & attentissimè sese exerceant in pœnitentia & compunctione. Duo namque valde vtilia putamus inde haberi. Primum, quòd hac frequentia supplebitur quod seruiorū deest, & iuxta humanæ fragilitatis conditionem paulatim perducemur ad perfectum. Secundum, quòd si exercitatis meritò credi potest futurum facile hoc negotium. Quotidiana enim exercitatione didicerunt & assueti sunt statim, & primò (vt ita dicamus) impetu metam attingere pœnitentiæ.

Rom. 8.

Rom. 5.

Veritas &
integritas
pœnitentiæ
exploranda
diligenter ex
operibus.
Cap. 70.

Tertium deniq; commendandum sit, vt post hæc omnia diligenter suum hunc affectum pœnitentiæ quilibet probet, an verus & integer sit, an non: idq; non aliter, quàm operis attestatione: vt videlicet diligenter inuestiget quilibet, an opera verè pœnitentis & conuersi faciat: quæ qualia sint, ex verbis & exemplis scripturæ & patrum colligendum est. Certè summa omnium illorum est vera & seria mutatio vitæ, de qua Augustinus in Enchiridio. Ca- uendum

audendum est (inquit) ne infanda illa crimina, qualia qui agunt, regnum Dei non possidebunt, quotidie putentur perpetranda, & eleemosynis quotidie redimenda. In melius quippe mutanda est vita, & per eleemosynas de peccatis præteritis propitiandus est Deus. Ita itaque mutatio vitæ præ cæteris est cogitanda, & in omnibus actibus pœnitenti præ oculis constituenda. Nulla iudiciū vere apertius agnosci potest vera pœnitentia, quàm in futuris cauendū, non solum peccatis, sed etiam occasionibus, vel tentationibus, vel societatibus & periculis alijs, ex quibus prolapsus se quis agnoscit. Igitur veram vitæ mutationem requirit Augustinus, & proculdubio requirenda est, maximè à consuetudine peccandi, à facilitate pro minima re transgrediendi mandata Dei, denique à vita illa liberiori atque laxiori, quæ sine Dei timoris freno præceps agitur licentiosa libertate. Itaque nescimus quomodo is qui sic vixit, possit verè pœnitentiam agere dignam & sufficientem, nisi serio de mutatione huius vitæ cogitet. Illam verò vitæ mutationem putamus sufficere (vt descendamus, quantum fieri potest, fragilitati nostræ) qua viuatur saltem sine quotidiana transgressionem præceptorum Dei, sine contemptu illo, quo pro nihilo ferè & sola negligentia & incuria mortaliter peccatur. His enim nihil periculosius putamus in vita: vsque adeo, vt vehementissimè putemus timendum esse de salute illorum, quos in istis extrema inuenit hora. Vbi id obseruandum, quòd de omnibus peccatis mortalibus agimus, etiam illis, quæ præter magnum proximi dānum leuiter committuntur: periurjs videlicet in leuibus aut iocosis, inhonestis aut turpibus colloquijs, aut cogitationibus, aut internis delectationibus, & similibus, à quibus maximè putamus esse timendum in vita christiana. Itaque (vt valde suauiter & blandè loquamur) qui vitam ita instituit, vt à consuetudine peccandi & facilitate se cohibeat, quamquam nonnunquam labatur etiam in mortalia, etiam si aliquando frequentius, modò non pro nihilo ducat, non contemnat pœnitentiam vel posthabeat, satis mutasse vitam videri potest, modò in hoc conetur proficere: quod omni christiano quidem, sed pœnitenti maximè putamus necessarium.

Sunt quidem circa hæc non pauca dubia & quæstiones scholarum, quæ satis ex dictis solui possunt, vel non sunt admodum necessaria: quare consilio eorum tractationem omittimus: satis sit

DE POENITENTIA ET REMIS.

Nonnulli
quæstioncu-
læ indican-
tur.

eas vel proponere. Cum itaque quæritur, an ad integritatem poenitentia requiratur propositum cauendi futura peccata: similiter & propositum cõsistendi (quod iam pertinet ad materiam sacramenti poenitentia) patet aperte dolore integrum, qualis descriptus est, sufficere: in quo propositum hoc inclusum est. Satis itaque est implicitè hæc habere: quanquam nihil oberit, sed proderit multum, hæc explicitè cogitasse.

Cum quæritur rursum, an ex attritione fiat contritio: & quid inter attritionem & contritionem intersit, parum curandum est. Certè ex imperfecto dolore ascenditur ad perfectum: siue eadem operatio perfecta sit & imperfecta (vt nonnunquam contingit successu temporis) siue sint diuersa.

Denique & de sacramento poenitentia quæritur, an ex attrito contritum faciat: & quomodo id sit intelligendum. Vbi sunt diuersa sententia, quam rem melius, cum de sacramento agatur, tractabimus. Interim tamen supradicta retinenda sunt: videlicet, sine vera charitate nunquam remitti peccatum,

LECTIO DECIMA OCTAVA.

De peccatorum Venialium poenitentia & remissione.



VM superius de effectu poenitentia loquere-
mur, reieciimus in hunc vltimum locum tra-
ctatum de peccatorum venialium remissio-
ne. Quoniam enim à principio ex Augusti-
no distinximus triplicem illam poenitentiam,
quarum vna est pro quotidianis & leuioribus
peccatis.

peccatis, quæ reuera tanto est & necessitate & dignitate inferior ea de qua sumus locuti, quæ scilicet pro mortalibus agitur, quanto venialia minora sunt mortalibus: meritò nunc de ea, & ipsorum peccatorum venialium remissione, ad quam videlicet ipsa necessaria est, oportet agere: vt integra sit de poenitentia & remissione peccatorum doctrina. De hac igitur re Magister d. 16. 4. post August. locutus est, & post illum nostri scholastici, & b. Thom. q. 87. 3. part. Et quanquam in hac re sint diuersæ sententiæ, de quibus nonnihil insinuabimus, dicamus tamen quæ probabiliora, & maxime sensui pio & scripturæ conuenientia sunt, eaq; comprehendamus sequentibus propositionibus.

Prima. Venialium etiam peccatorum remissionem diuinæ gratiæ opus esse, & non meritum vel satisfactionis nostræ, scripturæ & rationi fidei valde conuenit. Probat hanc & asserit b. Tho. art. 2. Deo remittit. 4. illius q. & in 4. similiter: quanquam multis aliter videatur, quod certe non possumus non dicere magis esse humanum sensum, minus dignò de Deo & eius gratia sentientem, quàm sententiam dignam pietate Christiana. Hoc modo prædicta propositio probatur. Primò authoritate Pauli, qui beatitudinem hominis ait esse, si illi non imputauit Dominus peccatum: quod glossa (inquit b. Thom.) etiam de veniali intelligit. Et apertius probatur ex ipsa dominica oratione, in qua de quotidianis maxime peccatis (vt exponunt patres) dicimus: Dimitte nobis debita nostra. Vbi duo sunt quæ hoc confirmant. Primum, quòd oramus vt dimittantur. Mileuitanū. Oratio verò (ita sentientibus antiquis orantibus patribus, & concilijs antiquioribus, contra Pelagianos maxime congregatis) ad Episcopum innitatur diuinæ gratiæ, eo ipso quo fit, excludit merita omnia. Celestinus. Secundo etiam verbum ipsum remissionis idem probat. De- ppos Gallie. bitum. n. quod remittitur, nō soluitur. Omne debitum (inquit Euphris. angelium) remisi tibi, quoniam rogasti me: rogauerat autem, cum non esset soluendo. Igitur vera fides & orans Deus, & vtens verbo & ad epistol. remissionis, cōstitetur ex gratia remitti peccata venialia: quod August. tract. 56. super Ioh. in verba illa Christi: Qui lotus est, non indiget nisi vt pedes lauet &c. cōfirmat: & de peccatis venialibus intelligens illud Iohan. Si cōfiteamur peccata nostra, fidelis & iustus est vt dimittat. asserit Christum esse, qui ab his peccatis nos abluit, le respondet. sicut tunc dignatus est pedes lauare discipulorum. Et in enchiridio Matthæi 18. ad Lauren. satisfacere dicit orationem hanc fidelium pro quotidiana. 1. Iohan. 1.

DE POENITENTIA ET REMISS.

nis leuibusq; peccatis: sed notū est quomodo verbum satisfaciendi sumat, nimirum pro obtinere remissionē. Deniq; debet ad hoc confirmandū sufficere ratio ipsius peccati venialis, quod proculdubio nonnullā habet separationem à Deo & offensam, quanquā non perfectā, nec aternæ damnatione dignam. Iam pro offensa in Deum commissā, quamuis leuissīma, quid in nobis est quod offerre, aut quo conuerti ad Deū, vel tantillum ab eo auersi, possimus? quoniam hæc omnia diuinæ gratiæ opera sunt, sicut & bona omnia alia ad salutem, conducentia. Ex propositione prædicta b.

Existenti in Thom. asserit (quod certè dignum est Dei gloria & gratia) nulli peccato mor
nisi amico peccatum aliquod veniale remitti: ita scilicet, vt in
tali nō remit mortali peccato existenti nunquam credamus aliquod veniale
titur veniale peccatum condonari. Nec enim qui in tali peccato est, quic-
peccatum. quam gratum Deo offerre potest, maximè quo ex æqualitate sa-
tisfiat Deo, aut quod Deus acceptare debeat, nisi amicabiliter
id velit. Non ergo pntemus, sicut quidam, ex solutione eius
iusdam pœnz ab eo, qui in peccato mortali est, satisfieri pro pec-
catis venialibus. Sic enim frustra oraremus: Dimitte nobis &c.
Deniq; cum remitti venialia sit admitti vel ad gradum aliquē ami-
citiz & actū, vel ad familiaritatē quandam: id fieri non potest vbi
non est amicitia. Feruor ille cui opponitur veniale, est velut affa-
bilis quædā & suauitas amicitiz, quæ certè amicitia prærequirit.

Veniale pec- Secunda propositio. Sicut sine diuina gratia eiusq; operatione
catum nulli non remittitur veniale peccatum, ita nec sine eius cui remittitur
remittitur si- actu aliquo: in quo videlicet sit saltem virtualis pœnitentia eius.
ne eius actu Hanc etiam asserit & probat b. Thom. art. 1. illius q. & recipiunt
& virtuali ceteri omnes. Probat autem ita apertè. Voluntate actu inhiere
saltem pœni- te veniali peccato, manifestum est illud remitti non posse: ita .n.
tentia. simul essent, peccare & remitti peccatum: igitur quādiu, etsi
non actu, tamen virtute placet veniale peccatum, remitti non
potest. Diximus enim superius & ostendimus, non minus vir-
tute nos aliquid velle quàm actu, sicut non minus finis amatur,
cum de medijs cogitamus etiam illius oblici, quàm cum illum
versamus animo. Necesse est itaque, postquam actu voluntatis
peccatum est venialiter, oppositum aliquod esse in voluntate, quo
recedatur ab illo. Manet enim transeunte actu, vt probatum est,
voluntas affecta & coniuncta ei quod voluit, seu venialiter, seu
mortaliter, Merito igitur dictum est, necessarium esse motum &
actum

actum voluntatis. Si verò motus necessarius est, oportet vt sit contrarius motui venialis peccati: non potest autem contrarius esse, nisi vt minimum habeat virtutalem penitentiam eius: quam ad mortalium remissionem suprà diximus probabiliter nō sufficere, præcipiente Deo vt penitentia agatur: ad venialia autem asserimus eam sufficere, quod non sint perfecta peccata, nec illis indicatur specialior penitentia. Ille verò actus virtutalem continet penitentiam venialis peccati, quo posito, si peccatū veniale occurreret, displiceret. Qui curq; videlicet (vt b. Thom. inquit) affectus deuotionis in Deum & res diuinas, quicunq; feruor charitatis, quicunq; promptitudo voluntatis, cui reuera coram Deo displiceret peccatum veniale si occurreret: hoc enim contrariū est eius. Peccatum enim veniale nihil magis propriè dici potest, quàm retardatio quædam affectus in Deum, et detentio in creatura non contra Dei charitatem: quare opponitur non ipsi charitati, sed feruenti motui eius. Non agimus nunc de peccatorum venialium definitione & ratione: alibi hoc agendum est. Hoc nunc satis esse debet, meritò peccata venialia obscuracionem quandam dici, non priuationem omnimodam diuinæ lucis & gratiæ. Igitur ex his duabus propositionibus colligentes, hunc modum atque rationem remissionis venialium & penitentiarum ipsorum constituimus. Deus dormitantem animum & tepidum erga se, & remorantem suum in Deum affectum, non tamen à sua amicitia recedentem, excitat sua diuina inspiratione & gratia ad actum feruoris & deuotionis, qui cum tantus fuerit, vt reuera coram illo detestaretur peccata aliqua venialia si occurrerent, illa remittuntur. Nec aliter sentiri piè potest, quàm vt primò Deo omnem tribuamus mentis nostræ excitationem: Deo inquam remittenti peccata obliuione vel tepiditate contracta. Quis (inquit Bernhardus) frigus, cum caldescenti cœperit, non agnoscit adesse ignem? Similiter nec dormientem animum, & quasi stupidum & insensibilem, credendus est Deus dono hoc remissionis venialium afficere. Omnia hæc operatur Deus in nobis, sed non sine nobis.

Ex his meritò infert beatus Thomas, non requiri ad peccati nē peccati venialis remissionem, vt gratiā infundatur de nouo, vel augeatur. Cum enim veniale peccatum non sit gratiæ contrariū neq; charitatis: sicut illa manente cōmittitur, ita & remitti potest eadem non gratia aut mutata. Necessarius tamen est motus aliquis charitatis, vt dictum prioris aug-

Qui actus virtute includat penitentiam venialium peccatorum,

Ad remissio-

DE POENITENTIA ET REMISS.

est: sine eo enim nulla est omnino poenitentia, ne virtualis quidem. Putat tamen ille satis quidem rationabiliter, semper in infusione gratiæ vel augmento remitti peccata venialia, non quidem omnia, intelligendum est iuxta supradictam rationem, sed ea duntaxat, quorum est virtualis poenitentia. Omnem gratiæ infusionem vel augmentum habere secum motum liberi arbitrij in DEVM, satis ex superioribus patet: & illum oportere non paruum esse, quem Deus dignatur sua gratia, & ad quem per illam mouet. Omnia igitur peccata venialia, quæ motus ille rejiceret & detestaretur, credamus remitti. Ex quo etiam sequitur, vnum veniale sine altero remitti posse: maius scilicet sine minore: denique quod displicet actu vel virtute, sine altero: & propterea nimirum nunquam sine peccato veniali sumus in hac vita, saltem diu. Primum, quoniam etsi singula vitare possimus, non tamen omnia: atque ideo non omnium exigitur poenitentia vt remittatur aliquod, sicut in mortalibus. Secundum, quia raro quidem affectus tantus est, vt veraciter sic detestetur quodlibet veniale, vt ne vel motum aliquem primum inordinatæ concupiscentiæ sustineret. Itaque manet semper aliquid vetustatis in nobis, & ideo etiam peccati aliquid, non tamen actu, sed in causa. Iam si omnia venialia præterita displiceant, credendum est omnia remissa esse. Sed quia semper manet aliquid concupiscentiæ & vetustatis, nunquam diu sine peccatis sumus.

Vnum peccatum veniale sine alio remitti potest. Nunquam diu viuunt hic sine veniali peccato.

Quibus operibus & qua ratione remitti dicantur venialia.

Ex his intelligendum est quod communiter de peccatorum venialium remissione dicitur: remitti scilicet illa per nonnulla pietatis opera: vt per benedictionem Episcopalem, asperisionem aquæ benedictæ &c. vt à beato Thoma 3. articulo illius quæstionis explicatur. Non enim sine actu seruioris & deuotionis, de quo dictum est, peccata venialia remittuntur: quod certum haberi debet, ratione suprà dicta. Quæcunque igitur dicuntur delere hæc peccata, ideo dicuntur, quia vel coniuncta esse debent actu illi seruioris & deuotionis, vel ad illum excitant. Itaque sæpius fiunt cum deuotione & seruiore, quem & ipsa excitant. Et inter hæc quidem sacramenti cuiuscunque susceptio merito est prima. Cum enim in sacramento quolibet gratia infundatur, vt diximus: necesse est peccata venialia remitti vel omnia, vel plurima: maximè cum in sacramentis sit semper credendum non minimam sed magnæ proculdubio virtutis gratiam infundi, vt scilicet cor in Deum excitet. Tamen cum hoc ita sit, non dubium est sepius

pius suscipi sacramentum tam tepido affectu, & tanta mētis euā-
gatione, vt non solum non dimittantur venialia, sed augeantur
etiam. Post hoc opus secundo loco ponuntur externa illa, quæ
habent motum aliquem reuerentiæ in Deum: vt aspersio aquæ be-
nedictæ: benedictio episcopalis: qualibet sacramētalis vñctio. Ad-
dunt nonnulli orationem in Ecclesia consecrata. Sed hæc om-
nia intelligenda sunt hæc efficere ex motu illo reuerentiæ in De-
um & diuina: qui si absit, multo minus id efficiunt, quàm sacra-
menta ipsa. Tertio loco, quæ etiā magis ppriè videntur pertinere
ad remissionem peccati venialis, numerantur confessio generalis:
tunfio pectoris: oratio dominica, de qua suprà diximus Augu-
stinum docuisse, quòd satisfaciatur pro venialibus. Hæc quidem di-
ximus magis propria esse, quoniam habent detestationem quan-
dam, & ita pœnitentiam peccati. Sint hac igitur idem sentien-
dum est de illis, quod de præcedentibus.

Circa hæc verò omnia & remissionem venialium omitten- Venialia pec-
dum etiam non est, in eis distingui culpam & pœnam, sicut in cata nō sem-
mortalibus. Nam vt in mortalibus diximus remitti culpam re- per remittū-
manente obligatione ad pœnam, ita etiam in veniali peccato. Et tur secundū
quantum de reatu pœnæ venialis peccati, & remissione eius fa- culpā & pœ-
tius est nihil opinari, sed Deo totum relinquere, qui fortè pro mo- nam simul.
do & mensura delectationis quæ in veniali est, pœnam exiget, aut
etiam pro quantitate tepiditatis illius & obliuionis quæ in illo est:
id tamen pietas christiana credit, quòd remissa culpa veniali in
hac vita, nonnunquam restet etiam in futura vita exolutio pœnæ:
de qua tamen re nunc non agimus, sed habebit suum locum infe-
rius. Id nunc sufficere debet, vt cum de remissione venialium lo-
quimur, illud ad culpæ dimissionem referamus primò: pœnæ ve-
rò absolutionem relinquamus Deo: quanquam ad vtramque de-
lendam b. Thom. credat plurimum valere feruorem illum deuo-
tionis, qui reuera propria causa est remissionis & pœnæ &
culpæ.

Igitur quod ad præsentem articulum pertinet, hoc satis esse Peccata ve-
debet de peccatorum venialium remissione, modò circa illa de- nialia & eo-
lenda intelligamus non negligenter docendos fideles, nec negli- rū pœnitētia
genter exercendos. Non est parui facienda peccatorum veniali- non sunt
um remissio. Hoc diligenter docendum est, ne illa, pro quorum parui faciē-
remissione orare quotidie debemus, negligantur. Sunt plurima da.

DE SACRAMENTO POENITENTIÆ

sanctorū verba hoc ad hyperboleū vsq; exaggerantia. Nullū veniale est, quod neglectum non fiat mortale, dicitur. Et ab alijs additur, quod dum placet, non fiat mortale. Sed hæc, vt dicemus, intelligenda sunt, cum venialibus peccatis accedit contemptus Dei, vel grauius aliquid: & cū de peccatis egerimus, amplius explicabuntur. Illud tamen certū statuendum est, cupientibus salutem suam seriō curare, & proficere, non parui pendenda esse venialia, quæ dum remittunt animam à Deo, & inordinatē tenent in creaturis, ad mortale disponunt. Est de hoc pulcherrima admonitio Augustini, & certē timenda, tractatu 12. super Iohannem, vnde & Magister quædam sumpsit dist. illa 16. Minutæ (inquit) sunt guttæ quæ flumina implent: minuta sunt grana arenæ, sed si multa imponantur, tenent atque opprimunt. Hoc facit sentina neglecta, quod fluctus irruens. Et sicut non sunt negligenda hæc peccata, ita nec poenitentia de eis vltimo loco habenda. Eodem loco Augustinus illa verba domini: Qui facit veritatem venit ad lucē, vt manifestentur opera eius. exponit de agnitione & confessione peccatorum, etiam venialium: quæ scilicet fit etiam coram Deo. Nam in dilectione (inquit) & misericordia eius qui ambulat, etiam liberatus ab illis grauioribus, propter illa quæ videntur esse minuta linguæ, aut cogitationum, aut immoderantiæ in rebus concessis, facit veritatē confessionis, & venit ad lucem in bonis operibus.

LECTIO PRIMA.

De necessitate Confessionis atque institutione sacramenti Poenitentiae ex
authoritatibus scripturæ.



Ictum est hucusq; de prima poenitentiz parte, contritione scilicet: in qua explicanda, vt admonuimus, nihil de sacramento poenitentiz, sed de ipsa virtute locuti sumus. Quoniam etsi contritio sacramentum respiciat, tamen magna ex parte, quæ ad eam pertinent, com-

communis sunt & sacramento & virtuti, & ita à nobis fuerunt explicata. Iam verò proximum est, vt de secunda parte dicamus, de confessione videlicet. Vbi primò non est præmittenda diuersa huius nominis acceptio in scripturis: ne videlicet imperitè propter vocabuli communitatem res confundamus: & quod de vna re intelligendū est, de diuersa interpretantes erremus. Igitur Confessio in confessionem in scriptura p gratiarū actione & laude Dei manifestissima est frequenter accipi. Confiteor tibi (inquit saluator) pa- nunq significat, domine cœli & terrę &c. cum alter euangelista præmiserit: Excit gratiarū ultauit in spiritu sancto, & dixit: Confiteor &c. Hæc acceptio in actionem, & uenitur frequens in psalmis. Totus 135. & 104. & duo sequentes Dei laudem. de hac significatione sunt intelligendi: qui omnes incipiunt: Con- Matth. 11. fitemini domino: alij quidem: Quoniam bonus, quoniam in secu- Lucæ 10. lum misericordia eius: alius: Et inuocate nomen eius, annunciate inter gentes opera eius &c. Item in alio: Confessio & pulchritudo in conspectu eius. Accipitur secundò pro peccatorum cōfessione & manifestatione, siue illa Deo tantummodo fiat, siue etiam homini, cum ad dei gloriam vel animæ suæ salutem id recta ratio iudicat opus esse: secundum quam significationem superius diximus confessionem partem esse pœnitentiæ virtutis, & ratione naturali satis ostēdi, quanquā locupletius in scriptura. De hac igitur in psalmo: Dixi confitebor aduersum me iniustitiam meam dño. Psalm 31. Hæc enim confessio Deo fit, de qua illud: Tibi soli peccaui. Rur- Psalm. 50. sum legimus in scriptura: Da gloriam Deo, & confitere atq; indi- Iosue 7. ca quid feceris, ne abscondas. Ecce confessio homini facta, de qua & sapiens frequenter: vt ibi: Qui abscondit scelera sua, nō dirigetur. Prouer. 28. Qui aut confessus fuerit &c. Et illud: Non confundaris confiteri Eccles. 4. peccatū. Et rursum: Pro aīa tua nō confundaris dicere verū. Et alij Eccles. 17. bi: Ante mortē confitere. cum prius dixisset: Ne moreis in errore Eccle. 31. impiorū. Et deniq; propter hanc confessionē Iob inquit: Si abscondi quasi homo peccatū meū, & si celauī in sinu meo iniquitatem meam. contestans videlicet se hoc nō fecisse. Hanc duntaxat duplicem acceptionem putamus in scripturis esse. Quanquam hæc quæ fit homini confessio, multiplex sit, omnes tamen ad eandem significationē pertinent. Imò si rectè pensemus, prior illa eadē est etiā cum hac. Ad laudem. n. & gratiarū actionem etiā ptinet hæc malorum nostrorum nobis imputatio coram Deo, & coram hominibus, quod sæpe in psalmis Augustin, admonet. Vnde in illud verbum;

DE SACRAMENTO POENITENT.

Ecclef. 17.

Varia ratio
confitendi
peccata.

De cōfessio-
ne sacramē-
tali.

verbum: Confiteantur tibi populi deus. adducto altero: Cantare domino canticum nouum: ipsa cantatio (inquit) confessio est: confessio peccatorum tuorum & virtutis dei. Tuam iniquitatem confitere, gratiam dei confitere: te accusa, illum glorifica: te reprehende, illum lauda &c. Itaque ex vna proculdubio significatione hac, qua confiteri laudare & glorificare deum est, duæ illæ cōfessiones acceptæ sunt, quod & sapiens etiam supradictæ loco satis ostendit. Cum enim dixisset: Ante mortem confitere: addit: à mortuo quasi nihil perit confessio. Confiteberis viuens, viuus & sanus confiteberis & laudabis deum, & glorificaberis in miserationibus illius. Igitur de hac peccatorum confessione, quæ ita vniuersaliter sumpta meritò secunda pars virtutis poenitentiae dici potest, non est opus in vniuersum loqui, nec de multiplici eius vsu, siue quæ ad placandum proximum, siue quæ ad satisfaciendum iustitiæ & scandalo publicè in Ecclesia sit, siue quæ etiam ob instructionem & consolationem animæ inueniendam. Hæc omnia pertinent ad virtutem poenitentiae vel iustitiæ, & constat in vsu fuisse antiquissimæ Ecclesiæ. Sed dicamus dumtaxat de priuata hac peccatorum detestatione, qualis hodie in Catholicæ Ecclesiæ vsu habetur, quam auricularem nonnulli dicunt, nos dignius, sacramentalem vocemus. Alia confessio peccatorum quæ sit Deo, ad contritionem pertinet, de qua satis suprà dictum est. Aliæ quæ fiunt homini, habent alios vsus, de quibus nunc non agimus: satis sit quod superius de publica & solenni poenitentia dictum est. Confessio itaque hæc sacramentalis peccatorum omnium lethaliū an necessaria sit, & quo iure, dicendum est: de qua re fuerunt olim diuersæ sententiæ grauium doctorum, & nunc est cum nouis dogmatistis acerrima & contentiosissima disputatio, hæreticis omnibus negantibus eam necessariam, nonnullis etiam perniciosissimam asserentibus, & catholicis non paucis in dubium hoc vertentibus, vt Erasmus in suo libello de modo confitendi, & nonnulli alij. Nam & Magister d. 17. & Gratia: de poenitentia d. 1. in vtramque partem hanc q. versantes, tandem neutram opinionem damnare videntur: quare hæc res multis adhuc dubia apparet: & ideo non tantum opus est hoc loco obstinatis hæreticis respondere, sed etiam confirmare infirmos. Statuatur ergo nobis de hac re vnicum hoc fundamentum.

Confessio peccatorum omnium mortalium ea moderatione,

ne, qua in Ecclesia fit sacerdoti proprio, eorum scilicet quæ memoratæ occurrunt post diligentem inuestigationem, ad remissionem huiusmodi peccatorum quæ post baptismum committuntur, ex institutione Christi necessaria est.

Hoc igitur fundamentum primò ipsis authoritatibus Euangelij probandum est, quæ de clauibus & potestate Apostolis data loquuntur: deinde, quoniam de earum sensu ambiguitas esse potest, confirmandum est antiquorum omnium & perpetuo Ecclesiæ sensu atq; doctrina, ab ipsis Apostolis vsq; ad nos & verbis & vsu ipso confirmatis: vbi est vera resolutio theologica, vt satis supra probatum est: demum & conciliorum definitionibus hoc ipsum ostendendum est, in quibus est vltima controuersiarum omnium decisio, contra quam non nisi proteruè & insanè disputari potest: vltimò tandem diuersi sensus non contemnendorum doctorum sunt explicandi & in concordiam reducendi, vt, quantum in nobis est, omne offendiculum amoueamus. Atq; ita parati sumus, si non omnia vbiq; saltem quæ necessaria sunt, & in quibus viderimus vel hæere infirmos, vel proteruos inhæere, explicare vt opus est, nulla animositate aut contentione, sed desiderio & cura salutis proximorum.

Iam igitur loca ipsa Euangelij ante oculos statuenda, duo quidem præcipua: Alter locus habet verbū Petro dictum, & est promissorium: Tibi dabo clauēs regni cælonum: & quodcunq; ligaueris super terram, erit ligatum & in cælis: Et quodcunq; solueris super terram, erit solutum & in cælis. Quod idem verbum postea omnibus etiam discipulis dicit: Amen dico vobis: Quæcunq; ligaueritis super terram, erunt ligata & in cælis: & quæcunq; solueritis super terram, erunt soluta & in cælis. Secundus locus, iam quasi illius promissionis impletio, ille est, vbi post resurrectionem Apostolis apparens insufflauit, & dixit eis: Accipite spiritum sanctum: quorum remiseritis peccata, remittuntur eis: quorum retinueritis, retenta sunt. Circa hæc igitur Christi Domini verba non omnia nunc dicenda sunt, quæ pertinent ad explanationem clauium, potestatis atq; vsus earū: de his enim postea. Nunc quod attinet ad duo illa prima loca ex Matheo sumpta, notandum quòd Christus non limitatam aliquam potestatem clauium, sed in vniuersum clauēs regni cælorū, hoc est, potestatem claudendi & aperienti tradit, quacunq; demū ratione ab homine fie-

Summa doctrinæ catholice de confessione sacramentali. Ordo & capita eorum quæ de sacramentali confessione explicabuntur.

Matthæi 16. Ostenditur necessitas confessionis ex Christi institutione.

Matthæi 18.

Iohan. 20.

DE NECESSITATE

ri potest. Certum autem est remissionem mortalium peccatorum post baptismum ad hanc pertinere: nam (Paulo testante) qui illa agunt, regnum Dei non possidebunt. Exclusi sunt à iure hereditatis celestis: à quo ergo introduci possunt, nisi ab eo qui habet clauem David? Sed ille commisit suis clauem. Igitur pars quædam potestatis clauium hæc sit, remissio peccatorum, non solum per baptismum, sed & post: quam committit Christus ultimis illis verbis Iohannis: *Quorum remisistis peccata &c.* Ex illis itaq; verbis duo colligimus, quæ certè debent satisfacere volentibus non plus sapere quàm oportet. Primum, illis verbis constituuntur Apostoli & successores eorum iudices ad discernendum eos quibus remittenda sunt peccata, ab his quibus retinenda. Frustra verò hoc factum esset, nisi subditi essent illis rei omnes. Ridicula esset iudiciaria potestas, cui nullus est subditus. Nulli ergo nisi ab eis remittuntur peccata. Omnes ab eis iudicandi de peccatis, non quibusdam, sed omnibus: hoc verò fieri non potest, nisi peccatoribus apertè confitentibus omnia: ergo sunt illis confitenda. Secundum quod ex eis verbis colligimus, est, quòd Christus ostendit omnibus remedium, quo remittantur peccata etiam post baptismum. Non enim limitauit ad ea quæ ante, vel quæ post &c. Ad querendam verò remissionem illorum non est dubium teneri sub damnationis æternæ obligatione (hoc est, si saluari volunt) peccatores omnes, quod satis verbis ipsius Christi & scripturæ, ubi præcipitur poenitentia, indicatur. Igitur tenentur ad querendum hoc remedium quod à Christo propositum est: & ergo ad submittendum se iudicio, an remittenda, an retinenda sint eorum peccata: quod iudices cognoscere non possunt, nisi ex eorum confessione: Igitur ad illam omnes tenemur. Hæc duo planè ostendit locus ille: *Quorū remisistis peccata &c.* cōstitui scilicet illos iudices ab eo, cui omnem iudicium dedit pater (ab eo inq; quod attinet ad hanc rem, vicarij cōstituti sunt) atq; ita omnes reos illis subdi. Ostenditur etiam omnibus hoc vnicum remediū, per iudiciū scilicet eorum, consequendi veniam peccatorū, ad quod quidem omnes tenentur. Nec putamus illa scrupulosius & subtilius (vt à nonnullis fit) pertractanda. Iuxta primum igitur, potestatem hanc remittendi & retinendi peccata non propriè ad Sacramentum Baptismi referendam esse, id satis ostendit, quòd alibi datur eis hæc potestas: *Docete omnes gentes, baptizantes &c.* quanquam & ibi

fit nonnullum iudicium de remittendis vel retinendis peccatis, cum discernunt dignos ab indignis: vel vt minimum, certum est, non ad id solum referendam, baptismum scilicet, sed etiam ad eam remissionem quæ post baptismum fit, quæ nisi peccatis cognititis (vt diximus) fieri non potest: nec illa cognosci potest nisi confessione. Sed de his in fine huius lectionis latius.

Circa secundum verò etiam diligenter obseruandum, viam illam consequendi remissionem per authoritatem illorum quibus commissa est, non esse aliam iudicandam à contritione & penitentia, vt (sicut quidam dicunt) ad hanc teneantur quasi certiore, cum illa contritionis incerta sit. Alienum est hoc à sensu scripturæ. Nec possum satis mirari ita sentientes. Si consequimur veniam peccatorum per contritionem, quæ via iam à Deo omnibus aperta est, & quasi naturali iure ostensa, sacramenti verò susceptio est alia: idem dicendum erit de baptismo, & non erit omnibus necessarius, nisi fortè vt certius quoddam remedium. Absit hoc à sensu fidelium. Est nescarium omnibus hoc remedium sacramentale, quos necessitas non excludit à facultate suscipiendi. Quare hoc? nisi quia pœnitentia ipsa & contritio secum hoc adfert, vt pœnitens se subijciat remedijs omnibus, quæ à Deo ad hoc ipsum instituta sunt. Contritus ergo ante baptismum & pœnitens baptizari tenetur, non alia ratione, quàm quia & pœnitere tenetur: ita contritus & pœnitens post baptismum tenetur iudicium adire à Christo institutum, ea ratione, qua pœnitere tenetur. Nec enim aliud hoc est, sed pars illius. Nam (vt apertius dicamus) tenetur se clauibus Ecclesiæ subdere, & per illas ingredi in regnum, à quo per peccatum exclusus est. Hic itaq; est illius loci planus sensus, vltra quem nihil putamus quærendum, quo apertius probetur necessitas confessionis peccatorum ex institutione Christi: quam etiam satis ostendit manifestus vsus ipse confessionis, qui fuit in Ecclesia etiam Apostolorum tempore. Scribit enim Lucas, quòd Paulo apud Ephesum per biennium segregata Confessio factis discipulis docente, & miraculis confirmante doctrinam multorum credentium veniebant annuntiantes & confitentes actus suos, Apostolorum Vbi & de combustis libris eorum qui fuerant curiosa sectati, mentis tempore vizio fit: quod proculdubio ex pœnitentia factum est. Considerata fuit. mus ergo non quasi nouum referri hoc, sed tanquam certissimæ Actuum 19, fidei argumentum, & iudicium sincerissimæ doctrinæ Pauli.

DE NECESSITATE

Iacob. 5. Non legimus hoc in ceteris ecclesijs, vbi fuerant Apostoli, factum: nec enim omnia scribenda erant, neque omnia scribi potuerunt: sed ex hoc vno de reliquis colligere possumus. Et Iacobus quidem hoc ipsum apertè non vt nouum aliquid statuit, sed doctrinam tradens Christi: Confitemini alterutrum peccata vestra, inquit. Qui locus, etsi aliò detorqueatur ab hæreticis, nec negemus eum de confessione facta fratri ob consolationem, vel impetrandam orationem posse intelligi, tamen coniunctus verbo Christi, & præcedentibus atque sequentibus, satis conuenienter intelligitur de ea confessione, per quam potestati clauium subijcitur: & ita exponitur à Beda, de vtraque videlicet ista confessione. In hac (inquit) sententia illa debet esse discretio, vt quotidiana leniaque peccata alterutrum coequalibus confiteamur: porro grauioris lepræ immunditiam iuxta legem sacerdoti pandamus. Dixerat prius Iacobus: Infirmatur quis in vobis, inducat presbyteros Ecclesie, & orent super eum &c. Et post pauca: Si in peccatis est, dimittetur ei. Quod verbum Origenes & Chrysostom. vt potest alatiùs dicemus, de remissione quæ per confessionem fit, interpretantur. Itaque satis ex his ostenditur, in vsu fuisse hanc confessionem tempore Apostolorum: Quod confirmat etiam præcursoris Iohannis vsus. Baptizabantur enim ab eo (inquit Euangelista) confitentes peccata sua. Constat enim Iohannem baptismam inter alia parallela viam Christo, assuefaciendo homines his quæ à Christo instituenda erant. Iam itaq; ille confessionem istam, sicut & baptismum, portendebat. Non legimus qualis fuerit confessio, nec certè opus est vt fuerit qualis à Christo instituta est, sicut nec baptismus ei* talis fuit, sed vmbra tantum quedam illius.

Homilia 2 in Leuiticum. Et vt altius iam repetamus, confessio hæc in lege Moisi quoq; fuit etiam quædam illi satis ostenditur, præter illa quæ superius adduximus, sic præcipiente ipso in lege: Vir siue mulier cum fecerint peccatū aliquod, suum confitebuntur peccatum &c. Et in Leuitico apertius certa quedam sacrificia iubentur offerri, atq; distincta secundum distinctionem peccatorū: Si peccauerit (inquit) per ignorantiam: Anima q̄ iurauerit, & non impleuerit. Quæ negauerit depositū &c. Consideremus igitur nunc, quàm conuenienter mox à principio ipso legis inceperit populus Dei ad quandam confessionem peccati sacerdotibus faciendam assuefieri, ad confessionem quidem non admodum exactam, sed quæ sufficeret ad subiectionem & humilitatem

Mathzi 3. Marci 1.

In veteri lege etiam quædam confessio peccati necessaria fuit. Numeri 5. Leuitici 4. 5. & 6.

coram

coram sacerdotibus & ministris Dei. Deinde quomodo Iohannes baptista ad eandem frequentius populum induxerit. Quæ omnia cum figura quædam fuerint Christi, & veluti rudia & informia quædam lineamenta ac vestigia, conuenientissimè ab ipso in noua lege perficienda erant statuto certissimo iudicio, cui se omnes subderent, & de omnibus peccatis sententiam audirent, efficacissimo scilicet remedio, & humanæ infirmitati summè necessario. Quod denique sub ipsis Apostolis videmus vsitatum fuisse. Hæc ex scriptura habemus.

Non desunt hæreticis verba, quibus hæc peruertant. Ligatio (inquiunt) illa, remissio vel retentio fit per Euangelij prædicationem & baptismum. In utroque enim (inquiunt illi) est remissio peccatorum vel retentio, ligatio vel solutio. Qui enim credunt prædicato Euangelio, consequuntur remissionem & soluantur: qui non credunt, contrà, cum non consequantur remissionem peccatorum, retineri eis dicuntur: & cum non soluantur ab eis, ligari. Idem etiam in baptismo fit. Et quia in utroque horum certum est Apostolis & prædicatoribus Euangelij datum esse iudicium quoddam, ut discernant dignos ab indignis, hoc (aiunt) significant illa verba: Quorum remisistis, & quicquid ligaueritis &c. Quibus omni modestia primò dicamus nos hæc non negare: fateamur prædicatione & baptismo remitti peccata, in quibus iudicium etiam quoddam dicimus esse: & ideo de his verba illa non negamus posse accipi: verum vnde illi habent non esse etiam accipienda de remissione, quæ fit baptizatis iam per virtutem clauium in Ecclesia, & per iudicium & cognitionem peccatorum, quæ à baptizatis commissa sunt? Cur ipsi scripturam volunt restringere ad suum illum sensum? aut cur putandum est Christum nullum reliquisse sacramentum, quo peccata remittantur peccatibus post baptismum? cum reliquerit ipsum baptismum ad remissionem eorum, quæ ante ipsum sunt. Ex hoc enim sequetur, pauciora & minus efficacia remedia esse peccantibus post baptismum, quàm ante (cum tamè hæc grauiora sunt illis) & minori negotio remitti peccata commissa post baptismum, quàm antea: cum tamen in illis maior sit ingratitudo quàm in alijs, & digna maiori pœna. Et propterea optimè consideratum est à patribus, pœnitentiam hanc, qua quis subijcit se clauibus Ecclesiæ, secundum sacramentum esse remissionis peccatorum, & quidem post baptismum, Imò si hoc rectè considere-

Sententia hæreticorum de potestate ligandi & soluendi cōfutat.

DE NECESSITATE

Matth. vlti.

tur. & loca Euangelij expendantur, videbitur ab his, qui sine affectu partium & contentione salutem quaerunt, potestatem praedicandi & baptizandi aperte alibi Christum dedisse: Praedicate Euangelium. Et iterum: Docete omnes gentes baptizantes eos. Satis ex his locis & similibus alijs hoc erat explicatum, in quibus nihil dictum est de iudicio, nihil de ligando & soluendo: quia certum est nullam ibi peccatorum praeteritorum agnitionem necessariam esse. Et merito quidem eorum, quae antequam ad Ecclesiam ventum sit, commissa sunt, extra Ecclesiam scilicet, non exigitur confessio, nec instituitur iudicium. At verò cum dicitur: Quorum remisistis, & quorum retinueritis: ista solum iudicium & potestatem significant circa peccata: quod merito ostendit non proprie ad praedicationem Euangelij, nec ad baptismum pertinere, sed ad specialem hoc sacramentum: qui certe sobrius est & proprius scripturae sensus. Iam quae ex euangelio adducuntur de leprosis, quos dominus ad sacerdotes misit, Matth. 8. Luc. 17. & quod in lege est de leprosis à sacerdotibus probandis: sicut & illud quod in Lazari resurrectione dictum est: Soluite eum, & sinite abire, testimonia sunt, quibus vsi sunt patres, sicut & illud etiam de soluendis asina & pullo: Soluite & adducite mihi. non quod putemus istis efficaciter illud probari. Sunt probabilia quidem & persuasoria argumenta, quae ex mysticis sensibus sumuntur, quae magis rem probatam explicant & commendant: quare reperiuntur vsi illis August. Athanasius. Chrysost. quos impudentissimè nonnulli hereticorum audent etiam mentitos dicere, quòd in Euangelio non legatur discipulis dictum: Soluite. cum patres intellexerint non iuxta litteram dictum, sed iuxta mysticam significationem. Clament ad

Matth. 21.

hec, tergiversentur: nos omni ratiocinatione relicta, ad consensum omnium temporum ecclesiae recurimus, illi innititur cum de diuerso sensu scripturae dubium est. Ratiocinationes illas quas fecimus, si quietando alicuius animo sufficiunt, acceptentur ab eo: sin minus, sufficiat illi patrum auctoritas: imò oibus ista requirenda est: de qua sequenti lectione.

LECTIO

LECTIO SECVNDA.

De eadem necessitate Confessionis ex
testimonijs Patrum.



Confessionis, qua sacerdoti peccata deteguntur, doctrina atque vsus tam manifesta sunt: in patrum omnium doctrina, vt apertum sit ab Apostolis eam incepisse. Omnes tanquam de re iam certa ita loquuntur, vt manifestum in singulorum testimonijs sit, nullam de hac re fuisse controuerfiam. Imò reuera constat ex eorum testimonijs, multo feuerius tunc fuisse feruatam, & exactam etiam: cum scilicet maior esset vitæ sanctitas, & feueritas disciplinæ. Pro publicis peccatis publicè etiam fiebat confessio & pœnitentia: nonnunquã & pro ipsis oçcultis, pro qualitate eorum & arbitrio sacerdotis, publica etiam coram Ecclesia fiebat humiliatio, atque ita confessio: quod vsq; hodie etiam in ecclesia Romana ex illa antiqua cõsuetudine deriuatum, sit. Nudantur pœnites & flagellantur accerrimè publicè, quorũ peccata nec agnoscuntur: hoc tantũ fit in exemplum & ædificationem aliorum, & quandã manifestationẽ pœnitentiæ, quæ in Ecclesia agitur. Fuerunt & circa hoc olim abusus aliqui, vt inferius patebit: sed hæc omnia cõfirmant, quàm fuerit certa habita hæc confessionis peccatorum doctrina, & quanto rigorosius exacta, quàm nunc. Iam igitur audiamus vel singulorũ temporum aliquot patrum manifestissimã de hac re testimonia.

Sit primus antiquissimus Origenes. Hic frequentissimè de ea mentionem facit. Vnde in Psalmum 38. Homil. 2. exponens hoc verbum: Quoniam iniquitatem meam pronuntiabo, vt ille legit: Pronunciationem iniquitatis (inquit) id est, confessionem peccati frequentius diximus. Vide ergo quid edocet nos scriptura diuina: quia oportet peccata non celare intrinsecus. Vbi adducta similitudine eius qui indigesta esca aut phlegmate grauat, & illa persuadens enomenda esse peccata, testimonium reddit vsui confessionis, Tantummodo (inquit) circumspice.

DE NECESSITATE

omspice diligentius, cui debeas confiteri peccatum tuum. Et post multa de hoc & de sequendis eius consilijs dicta, addit. Si intellexerit & prouiderit talem esse languorem tuum, qui in cōuentu totius Ecclesiæ exponi debeat & curari, multa hoc deliberatione & medici illius consilio procurandum est. Vides aperte omnia prius sacerdoti tunc fuisse detecta, & quandoque iudicio illius etiam Ecclesiæ.

Similiter & in homilia 2. super Leuiticum, inter ceteras peccatorum remissiones alteram dicit perduram & laboriosam pœnitentiam, cum lauat peccator in lachrymis stratum suum, & cum non erubescit sacerdoti domini indicare, & quærere medicinam, sicut scriptum est: Iniquitatem meam pronuntiabo. Vbi & illud Iacobi de hoc intelligendum dicit: Inducat presbyteros Ecclesiæ &c.

Tertullianus Succedant Origeni duo ex antiquioribus latinis, Tertullianus videlicet & Cyprianus, quorum vterque eodem modo tanquam de re certissima de confessione loquitur. Primus quidem libro de pœnitentia, secundam pœnitentiam, quæ post baptismum scilicet fit, vocabulo græco dicit & exprimi & frequentari in Ecclesia, Exomologesis: qua delictum nostrum (inquit) confitemur: de qua ibi secundum illum seueriorem ritum, qui tunc in Ecclesia seruabatur, multa elegantissimè dicens, Exomologesis (inquit) prosternendi & humiliandi hominis disciplina est. De ipso quoque habitu atque victu mandat sacco & cineri incubare &c: et post multa, presbyteris aduolui. Vbi pro confessione hoc dictum esse, ex sequentibus patet. Exhortatur ad superandum pudorem confitendi, ita vt apertissimum sit de re notissima & visitata illum locutum fuisse. Cyprianus sermone de lapsis apertissimè arguit temeritatem eorum, qui post negatam fidem, aure expiata (inquit) delicta, ante Exomologesin factam criminis, ante purgatam conscientiam sacrificio & manu sacerdotis, accesserunt ad altare. Et post multa in eodem sermone, de occultis etiam, & quæ sola cogitatione perpetrata sunt confessionem docet faciendam. Arguens enim eos qui simulatoriè, & ita vt occultari possent consenserant sacrificijs idolorum, dicit: Quanto fide maiores, & timore meliores sunt, qui quamuis nullo sacrificij aut libelli facinore constricti, quoniam tamen de hoc vel cogitauerunt, hoc ipsum apud sacerdotes Dei dolenter & simpliciter confitentur, Exomologesin

logesin conscientia faciunt, animi sui pondus exponūt &c. Quid manifestius de occultis cogitationum peccatis dici potest? Non omitamur Clementis & Dionysij, successorum & discipulorum Apostolorum, testimonia: quanq̃ non desint qui scripta illa pro certis non habeant. Sunt tamen proculdubio non minimè antiquitatis, nec parum probabile est illorum esse magna ex parte. Igitur Clemens Epistola prima: Quod si fortè (inquit) alicuius cor vel liuor, vel infidelitas, vel aliquod malum latenter intrepserit, non erubescat confiteri hæc huic qui præest, vt ab ipso per verbum DEI & consilium salubre curetur. Et post multa in eadem Epistola de Petro loquens: Quotidiana eius prædicatio hæc erat &c. vbi multis relatis: Instruebat (inquit) actus vitæ suæ omni hora custodire, & in omni loco Deum respicere, cogitationes malas suo cordi aduenientes mox ad Christum allidere, & sacerdotibus Dei manifestare. Dionysij verò extat pulcherrima illa Epistola ad Demophilum monachum, in qua illum acriter increpat, quòd procidentem sacerdoti impium atque peccatorem calce abiecerit, cum ille (inquit) verecundè fateretur se ad peccatorum remedia quærenda venisse. Vbi vides manifestum vsum pœnitentiæ. Post hos accedant sequentis ætatis insignes illi Hieronymus, Ambrosius, Augustinus: & ex Græcis Chrysostomus & Basilius contemporanei, & studiorum atque pietatis socij. Hi igitur omnes manifestissima perhibent testimonia authoritati & vsui clauium, atque ita confessioni. Hieronymus igitur illa verba Matthæi 16. Tibi dabo clauēs regni cœlorum. quanquam reprehendens sacerdotes quosdam, qui aliquid sibi de supercilio Phariseorum (inquit) assumunt, vt vel damnent innocentes, vel noxios soluant, ita inquit, adducta similitudine leproforum legis: Quomodo ergo ibi leprosum sacerdos mundum vel immundum facit, sic & hic ligat vel soluit Episcopus vel presbyter: non eos qui insontes sunt vel noxij: sed pro officio suo, cum audierit peccatorum varietates, scit qui ligandus sit, quidè soluendus. Vbi diligenter consideranda est illa similitudo, & quo referatur. Sicut facit mundum & immundum ille veteris legis sacerdos, sic noster soluit. Non dixit absolutè, sic absoluit: sed, non eos qui insontes sunt & noxij, hoc est, non indifferenter & promiscuè, sed audita peccatorum varietate. Vbi vides quàm apertè de audiendis peccatis & discernendis

DE NECESSITATE

- Capite 20.** dis fit mentio. Idem etiam in Ecclesiasten, exponens illud: Si momorderit serpens in silentio &c. Si quem (inquit) serpens diabolus occultè momorderit, si tacuerit qui percussus est, & non egerit pœnitentiam, nec vulnus suum fratri & Magistro voluerit confiteri &c. Vbi vides pœnitentiam & confessionem coniunctam. Iam Ambros. qui nonnunq̃ quædam dicit, quibus videtur docere non esse necessariam confessionem, vt in serm. de pœnit. Petri: Inuenio (inquit) quod fleuerit, non inuenio quid dixerit &c. Et deinde: Lachrymæ lauant delictum, quod voce pudor est confiteri. Lachrymæ ergo pariter & salutis & verecundiæ consulunt: quod Gratian. de pœnit. d. 1. citauit. In libris tamen de pœnit. manifestissimè de confessione loquitur. Soluit (inquit) criminum nexus verecunda confessio peccatorum. Item manifestissimè admonet, non erubescendum esse confiteri. Hoc ergo (inquit) in Ecclesia facere fastidis, vbi nihil est quod pudori esse debeat, nisi non fateri, cum omnes simus peccatores &c. Vbi multa de seueriori illa, quam superius diximus, cōfessione coram Ecclesia. Habentur libri illi ab omnibus doctis pro libris Ambrosij: nobis non omnino videntur eius esse. Nam præter hoc q. loca aliqua scripturæ torquet, et peruertit sensum, disputans contra hereticos, vt 2. cap. primi libri citato eo loco: Omnis qui me confessus fuerit &c. qui autem negauerit me &c. inquit: gratiam promittit omnibus, non omnibus mittatur iniuria. Et cap. 3. & 4. latius hoc prosequens, de negante exterius tantum fidem loquitur minus sobrie, dicens tandem, quod de his diabolus dicere poterit: Populus hic labijs me honorat, cor autem eorum longè est à me. Et denique contra Nouatianos importunè nimium est verbosus, minus tamen habet sententiæ, nonnunquam eadem inculcans ad verbum. Et 8. cap. quandam sui accusationem prætexit valde insulsi, & indignam gravitate Ambrosij. Ego sciebam (inquit) quod non eram dignus vocari Episcopus, quoniam dederam me huic sæculo &c. Imitatur in multis Ambrosium author ille, sed mox degenerat. Malumus itaq; non ex eo libro tribuere Ambrosio quæ vera sunt, quàm vt cogamur tam indigna ex eo postea suscipere. Sufficiat ergo ad iudicandū Ambrosij sensum & vsum Ecclesiæ suæ, quod de eo Paulinus scribit in vita ipsius. Quotiescunque illi aliquis (inquit) lapsus suos confessus esset ob percipiendam pœnitentiam, ita flebat, vt illum flere cōpelleret. Causas autem
- Ambrosius.**
46.
- Lib. 2. cap. 6**
- Iudiciū auctorioris de libris de pœnitentia, qui D. Ambrosij dicuntur.**
- 1. lib.**

autem criminum, quas illi confitebantur, nulli nisi Domino soli, apud quem intercedebat, loquebatur. Ecce confessionem occultam peccatorum. Nec certe illud verbum: Lachrymæ lauant delictum &c. si bene consideretur, vlla ex parte excusat à cōfessione. Dicit lauari delictum lachrymis, quod voce pudor est confiteri, non tamen dicit: etiam si non confitearis, sed quòd lachrymæ & dolor faciant minus sentiri pudorem &c. Augustinus primò in libris de doctrina Christiana, manifestè docet potestatem clauium in Ecclesia, nec aliter donari peccata, quàm per illas. Et super Iohannem de resurrectione Lazari loquens, & illud exponens: Processit qui erat mortuus ligatus manus & pedes. Quando confiteris (inquit) procedis: sed vt confitearis, Deus facit magna voce clamando, id est, magna gratia vocando. Ideo cùm processisset mortuus adhuc ligatus, confitens et adhuc reus, vt soluerentur peccata eius, ministris hoc dixit Dominus: soluite illum: Vbi vides quàm apertissimum sit hoc testimoniũ confessionis & potestatis ministrorum. Dixit verò ministris, inquit August., non Apostolis aut discipulis suis: nec enim hoc opus est. Sed quoniam aliquibus hoc dictum est, qui hoc præstiterunt ministerium, illos dicit August. figuram tenere sacerdotũ omnium. Et iuxta hoc, etiam si apud aliquem patrum legatur Apostolis dictũ, quod superius diximus aduersarios reprehendere, intelligi tamen potest, vel quod probabile sit ipsis dictũ esse, qui promptiores erant ad ministrandũ Christo: vel certè intelligendũ, Apostolis dictũ esse in figura: illos enim quicunq; fuerunt ministri, significarũt, sicut omnes alios sacerdotes: Et in psal. illo 66. quem suprà citauimus: Confiteantur tibi populi Deus, lætentur & exultent gentes. pulchrè exhortatur ad confessionem. Quid times (inquit) confiteri? si non confessus lates, non confessus damnaberis. Times confiteri, qui non confitendo esse non potes occultus? Damnaberis tacitus, qui posses liberari confessus. Vbi vide quòd tanquàm necessariam exigit confessionem. Et apertius id ipsum: Ad hoc (inquit) exigit Deus confessionem, vt liberet hominem: ad hoc damnat non confitentem, vt puniat superbum: ergo tristis esto antequam confiteris, confessus exulta, iam sanaberis. Et ne quid desit: Confiteri (ait) exeat in confessione & defluat omnis sanies. Iam exulta, iam lætare, quod reliquũ est facile sanabitur. Vide igitur omnium peccatorum confessionem. Denique in enchiridio ad Laurent. manifestè de remis-

Augustinus
ca. 17. & 18.
Tractatu 49.

Capite 65.

DE NECESSITATE

sione criminum, & pœnitentia pro arbitrio eorum, qui præsunt in Ecclesia loquens, satis indicat necessariam confessionem esse. Nec enim aliter ab Ecclesie ministris tempus & modus pœnitentiae præfigi posset. Sed nec omitamus hoc in loco horum etiam temporum vicinum & antiquiorem Hilarium, tantæ autoritatis doctorem. Is igitur potestati clauium magnum perhibet testimonium in Math. primò exponens illud dictum Petro : Tibi dabo clauēs &c. Beatus (inquit) cœli ianitor, cuius arbitrio clauēs æterni aditus traduntur, cuius terreste iudicium præiudicata autoritas sit in cœlo, ut quæ in terris aut ligata sunt aut soluta, statuti eiusdem conditionem obtineant & in cœlo. Et iterum in alia verba dicta Apostolis omnibus : Quæcunque solueritis super terrâ &c. Immobile autoritatis apostolicæ iudiciū præmisit, ut quos in terris ligauerint, id est, peccatorum nodis innexos reliquerint, & quos soluerint, confessione videlicet veniam receperint in salutem, ij Apostolicæ conditionis sententia in cœlo ligati sunt aut soluti. Quæ Hilarij verba apertè virtutem & operationem quandam tribuunt clauibus. Vult enim conditione illius sententiæ in cœlo peccatores aut ligatos esse aut solutos. Quod Cyprianus etiam apertissimè testatur in Epistola ad Cornelium. Ipse, inquit, qui legem dedit, promisit ut ligati in terris, etiam in cœlis ligati essent : solui autem possent illi, qui hîc prius in Ecclesia soluerentur. Interim verò quis putet Hilarium in illis verbis non meminisse confessionis peccatorum, aduertat quòd manifestè iudicium & cognitionem peccatorum oportere præcedere docet. De Basil. & Chrysosto. nunc dicendum. Et primus quidem manifestissimè de hac re loquitur, quod sufficeret, ut idem & Chrysost. sensisse credatur, qui studiorum & pietatis Basilij socius fuit. Basilius ergo in regula monachorum, iuxta Ruffini translationem, quæstioni huic, an omnibus confitenda sunt peccata, apertè respondet, his quibus dispensatio mysteriorum Dei commissæ est, confitenda esse : & necessitatem confessionis ex locis illis actuum Apostolorum & Matthæi, quæ suprà adduximus, confirmat : & in eadem regula frequenter de hac re sermo est. D. Chrysostomi autoritas obijcitur nobis maximè ab aduersarijs contra confessionem ex homil. 2. in psalm. 50. Peccata tua (inquit) dicito ut deleas illa : si confunderis alicui dicere quia peccasti, dicito ea quotidie in anima tua. Non dico ut confitearis conferuo tuo, ut exprobret : dicito

Hilarius.

Matthæi 16.

Matthæi 18.

Cyprianus
lib. 2. epi. 2.

Basilius
Capite 21.

Obiectio cō-
tra confessio-
nē ex Chry-
sostomo.

dicito deo, qui curat ea. Igitur diligenter quid ille senserit confiderandum. Et quidem in libris de sacerdotio manifestissima testimonia eius sunt de autoritate clauium, & necessitate subiiciendi se illis. In 2. lib. docet tanta autoritate sacerdotum non esse importunè premendos peccantes, citato illo verbo Pauli: Non ut dominemur fidei vestræ. Et tandem inquit: Quamobrem multa quidem arte opus est, ut qui laborant Christiani vltro sibi ipsis persuadeant sacerdotum curationibus sese submittere oportere: Multa ibi in hanc sententiam dicit, ut scilicet doceat necessarium esse, ut subiiciant se peccatores ministris. Vnde tandem inquit: Quocirca multa quidem pastori opus est prudentia, sexcentis etiam (ut sic dicam) oculis, ut rectè vndiq; humani animi habitum circumspicere possit. Et multa de hac re locutus: itaque nihil horum (inquit) relinquendum est, quod probè non excutiat atque examinet Episcopus, quin omnia accuratè atq; studiose perscrutetur: tum demùm oportet illum sua ipsius remedia congruè, aptè ac cōmodè afferre: idq; ne operam fortè ludat. Vbi deinceps multa ad exhortationem Episcoporum, de diligentia circa peccatores curandos adhibenda loquitur. Sed hæc latius ostendunt necessitatē subiicienda se illorum iudicio, & diligentiam examinis necessariam: quæ omnia non aliter quàm per confessionem constat fieri posse. Iam in 3. lib. potestatis clauium sunt magna præconia, similia quidem Hilarij & Cypriani dictis. Habent (inquit) terrestres principes vinculi potestatem, verum corporum solùm: Sacerdotum autem vinculum ipsam etiam animam contingit, atque ad cælos vsque peruat: vsque adeo, ut quæcunque infernè sacerdotes cōfecerint, illa eadem Deus supernè rata habeat. Multa ibi de hac autoritate pulcherrimè. Hoc solùm verbum notemus: de sacerdotibus enim veteris legis locutus, ita inquit: Corporis leprā purgare, seu (ut verius dicam) non purgare quidem, sed purgatos probare, Iudæorum sacerdotibus solis licebat: At verò nostris sacerdotibus non corporis lepram, verum animæ sordes, non dico purgatas probare, sed purgare prorsus concessum est. Videbitur hoc contrarium ei, quod ex Hieronymo suprà citauimus in Matthæi: sed reuera non est contrarium. Ille pro arbitrio vel libidine negat fieri posse, sed cognita causa: hic verò illa cognita, dicit verè sacerdotem purgare peccata. Ex his itaque cum satis ostendatur quid Chrysostomus senserit de confessione, putamus exponendum esse

Testimonia
pro necessit.
confess. ex
Chrysosto.

Exponitur verba Chrysostomi quæ contra confessionem adducuntur. se quod aliter visus est dixisse : maximè cum apertè audierimus eum dicentem, multa arte opus esse, vt persuadeatur Christianis laborantibus, oportere se subijcere. Possunt itaque illa referri ad confessionem illam seuiorem, qua peccata nonnuquam publicabantur in Ecclesia. Non dico (inquit) vt confitearis confertuo qui te prodat, hoc est, sic vt prodi possis. Confitere (inquit) Deo: quoniam soli illi veracius quàm homini secreta confessio fit. Nam in eo ipso loco diligenter admonet, non cessandum esse à confessione ob verecundiam. Cæterum in ea quæ soli Deo fit confessione, non est admodum magna, irad reuera nulla erubescencia, quæ retrahere possit à confitendo. Dicit ibi: Dic in anima tua. Sed omnibus bene pensatis, non potest colligi non necessariam apertè dixisse confessionem. Fortè tunc putauit parum esse dissimulandū, cum tamen alibi diligenter exhortetur ad confessionem, & sensum suum indicet. Nec ex viuo aut altero, quantæcunq; etiam autoritatis doctore, cōtra consensum aliorum & Ecclesiæ argumentum sumi debet. Augustinus solis libris canonicis voluit tantam tribui autoritatem, vt de eis nulla ratione dubitetur. Consensum verò Ecclesiæ tanti facit, vt non dubitet ab Apostolis vel plenarijs concilijs profectum. Iam verò Ecclesiæ vsum apertissimis & sufficientibus testimonijs vidimus & Græcorum & Latīnorum.

Simili etiam modo respondendum est authoritati Nestarii, qui (vt Zosomenus refert in tripartita historia) propter populi scandalum, presbyterum qui super penitentes erat, abstulit, singulos ad communicandum iudicio conscientie suæ relinquens. Ex qua (ait author ille) sublata est antiquitatis consuetudo. Primò enim Nestarius prædecessor Chrysostomi, quanquam catholicus & pius, potuit tamen errare, re nondum per plenarium concilium & vltimum Ecclesiæ iudicium satis definita. Deinde eo ipso loco apertè testatur author confessionem necessariam. Qui inquit confiteri refugiunt, maius peccatorum onus acquirunt. Affirmat etiam fuisse consuetudinem antiquitatis de confitendo, & ita visum fuisse antiquis Pontificibus. Cur igitur non præferemus eos viui Nestario? Et vnus illius Ecclesiæ Constantinopolitanæ autoritas non est tanta, quanta aliarum omnium Ecclesiarum. Deniq; si diligentius ille locus consideretur, non dicit occultam confessionem abrogatam, sed seuiorem illam, qua publicè in Ecclesia peccata ostent-

De facto Nestarii, quem dicunt confessionem abrogasse.
Lib. 9. ca. 35

ostendebantur. Ita apertè author ipse inquit: visum esse antiquis Pontificibus, vt velut in theatro sub testimonio Ecclesiastici populi delicta pandantur: & ad hanc rem presbyterum bonæ conuersationis, seruantemq; secretum, ac sapientem virum statuere. Hunc ostēdit ibi pro arbitrio suo satisfactiones publicè in Ecclesia exoluendas imposuisse: & hunc inquit fuisse ablatum, & vnūquenq; dimissum iudicio conscientix suæ ad cōmunicandū: quod hodie in confessione illa secreta sūt. Non enim si quis arceatur à communione, ita sit, vt prodatur aliquod peccatum. Igitur hæc omnia magis confirmant, quæ de necessitate confessionis dicta sunt: ex quibus primæ illius ætatis Ecclesiæ habemus apertissima testimonia. Vnde constat non à posteriorum aliquo inuēctam esse confessionem. Nam posteriores omnes eodem modo etiam de ea loquuntur: vt Leo, magnæ sanctitatis & authoritatis Pōtifex, Leo. multis locis: & inter cetera in epistola ad vniuersos episcopos per campaniam &c. Abusum quendam contra Apostolicam regulam (vt inquit) præsumptum damnans, quo de singulorum peccatorum genere confessionem libellis scriptam publicè in Ecclesia recitabant. Reatus (inquit) conscientiarum sufficit solis sacerdotibus indicari confessione secreta. Vbi etiam hoc ideo aufereudum ait, ne multi à pœnitentiæ remedijs arceantur, dum aut erubescunt, aut metuunt inimicis suis facta sua referare &c. Magnus etiam Gregorius rationem hanc secutus grauissimè statuit puniri sacerdotem, qui aliquid dixerit de his, quæ sibi confessa sunt peccata, vt habetur cap. Sacerdos. de pœnitentia dist. 6. Ex quibus iam vide tam persuasam esse confessionem in Ecclesia, & tantam fuisse seueritatem in ea, vt irrepserint abusus etiam isti, quos sancti Pontifices emendari curarunt, cum tamen interim populi pro animarum suarū salute & Dei timore sustinerent duriora quàm necesse esset. Non est opus vt plura addamus ex singulorum doctorum doctrina; dāto tantum hic volumus notata esse, quibus maximè hæc veritas confirmatur. Primum. Cum onus hoc confitendi omnia peccata grauissimum sit, & (vt inimici clamant) carnificina quædam conscientiarum, tamen vt hoc interim omittamus, cōtra quod inferius agetur, illud certum est, infirmis & paruulis grauius hoc vnum esse, & difficilior cæteris omnibus Christianis moribus. Cum igitur hoc ita sit, quis fuisset ausus in Ecclesiam tantum onus inuēhere, si id ab ipso Christo præceptum esse non intellexisset?

78.

Gregorius.

DE NECESSITATE

xisset? Probant hinc nonnulli confessionem à Christo præceptam, quoniam nulla potestate humana, etiam ab ipso Christo data Ecclesiæ, potuit præcipi vt occulta quis confiteretur. Nos interim, vt hoc omittamus, quod subtilioris est disputationis, nec admodum ad rem pertinet, non dubitamus Ecclesiam nunquam hoc ausuram, vt imponeret tam graue onus, si non intellexisset, à Christo edocta, præceptum esse. Imò addimus secundum. Debuerant certè antiquiores illi manifestè dicere populo hoc non esse necessarium, ne laqueum iniicerent animabus, & imponerent onera graua & importabilia: sed dixissent, hoc esse ad meliora exhortari. Cæterum confessionem ita docere, vt superius vidimus Origenem, Cyprianum, Hieronymum, Augustinū, & cæteros tanquam necessariam & omnino faciendam docuisse, non admonentes quòd necessaria non esset, si aliter sentiebant, certè grauius imponebant populo: quod absit à tantis patribus. Sufficere ergo debent & illorum testimonia, & scripturæ ac Euangelij ipsius verba: quæ cum aduersarij nostri dicunt de prædicatione Euangelij vel baptismi intelligi, opponamus eis tantorum patrum autoritatem:

Hilarij, Cypriani, Hieronymi, Chrysostomi: & expèdat apud
se quicumq; circa salutem suam non vult sciens errare,
quibus magis credendum sit: Lutherò & suis, ad
prædicationem tantum Euangelij referen-
tibus: an his tantæ autoritatis patri-
bus? Iam de iudicio & definiti-
one conciliorū, & cæteris
agemus sequenti
lectione.

* *
*

LECTIO

LECTIO TERTIA.

De necessitate confessionis ex definiti-
one conciliorum et sedis Apostolicę:
de vtilitate eius, & veritate sacra-
menti pœnitentię.



Quoniam (vt Augustinus inquit) vniuersali-
um conciliorum est in Ecclesia saluberrima
authoritas, in quibus sæpius aperitur quod
latuit, & cognoscitur quod latebat:
quibus sine dubio cedere debet omnis priua-
ta authoritas: in illis meritò vltima est decisio
controuerſiarum fidei. Vicamus igitur iam
quid circa hoc dogma in concilijs definitum sit. Nam post primos
illos quos citauimus doctores, de ſequentis ætatis doctorum con-
ſenſu non eſt opus dicere. Conſtat enim quàm abſq; contradi-
ctione neceſſitatem confeſſionis tenuerint. Richardus & Hugo de ſ.
Viſtore, Bernar. Gratian. Magiſter ſententiarum, & ſcholastici o-
mnes doctores: quanq̃ ſubindiciunt quidam eorum controuerſiam
nonnullam de iure, quo confeſſio introducta ſit. Igitur primum
quod de eate inuenimus aliquid definiſſe, concilium Lateranen-
ſe fuit ſub Innocentio tertio doctiſſimo & piſſimo pontifice. Fu-
it illud concilium frequentiſſimum, vt hiſtorię produnt, & præla-
torum numero, & authoritate, & regum omnium, atque imperij
Latini & Græci conſenſu. In eo habetur illud celebratiſſimum
decretum: Omnis vtriuſque ſexus &c. Quod quanquam omni
genere conuictorum & contumeliarum hæretici proſcindant, ipſo
tamen tot annorum & eccleſiarum omniũ in vnitæte permanen-
tium conſenſu & perpetua obſeruantiâ ita firmatum eſt, vt illud
reprehendere non ſit aliud, quàm omnium piorum & doctorum
authoritati ſe opponere, & aſſerere tot annorũ centenarijs deſer-
tam eſſe à Chriſto Eccleſiam. Præcipitur ergo ibi omnibus ratio-

Lib. 2. de ba-
ptiſmo cōtra
Donatiſtas
cap. 3. & 4.

Concilium
Lateran. ſub
Innocentio
tertio.

Defenditur
canon ille:
Omnis vtri-
uſq; ſexus.

DE NECESSITATE

ne utentibus fidelibus, vt saltem singulis annis semel proprio sacerdoti cōfiteantur omnia sua peccata. Quod manifestè pater necessarium fuisse lapsa iam magna ex parte seueritate illa antiqua, in qua non semel tantum, sed frequentissimè et quoties peccatum esset, efficacissimè excitabantur fideles à pastoribus vt confiterentur. Et quàm apertè salubritas statuti illius manifestatur experientia ipsa? Quis enim non videt in tanta temporum horum & tepiditate & abundantia malitiæ, obliuioni etiã iam confessionem peccatorum tradendam fuisse, & abolendum vsum eius, nisi tantæ autoritatis præcepto fulta mansisset? Profectò si rectè consideremus quomodo multa conciliorum, & illius quoque statuta, saluberrima etiã, seruentur, & quàm facile nonnunquam posthabentur: videbimus hoc tam durum quidem multis, non sine diuina prouidentia tam constanter obseruatum fuisse. Nam quod calumniantur inimici, illud à sacerdotibus, tyrannicè populum conantibus subijcere, tanta diligentia conseruari, præter temerarium iudicium quod habet, de alienorum videlicet cordium intentione, manifestè stultum esse docet experientia. Grauißimum est hoc onus ipsis sacerdotibus: & minus pij libenter id omitterent, maximè cum nihil periret emolumenti & questus ipsorum, vt in plurimis locis fit. A pietate itaque Christiana, & Dei prouidentia fuit hucusque tam inuiolabilis huius statuti obseruatio: & utinam tanta nostrorum temporum malitia non abeat in obliuionè, etiã vbi non vigent hæreses. Nam sciunt quid agatur à multis qui aliquo Dei timore id considerant. Ex huius concilij statuto posteriores nonnulli scholastici, & grauiores quidem, vt b. Thom. & S. Bonauent. putant definitam esse quæstionem illam, an iure diuino, an solùm statuto Ecclesiæ teneamur ad confessionem hanc. Vterque eorum distinct. 17. 4. in expositione literæ asserit opinionem illam, quam Magister refert, nec damnat (quod videlicet sufficiat Deo confiteri, & quòd iure diuino non sit necessaria confessio) post determinationem illius concilij hæreticam esse: quod quanquam alijs recentioribus, vt Adriano & nonnullis alijs, non satis videatur, probari: præcipuè quòd in eo concilio nulla definitio facta sit, sed tantum statutum vt confiterentur omnes: tamen & illi asserunt semper fuisse hæreticum, negare confessionem esse iuris diuini: quanquam ignorantia vel inconsideratione possit excusari aliquis id asserens, sicut Glossator decreti.

Tamen

Tamen & hoc non omittendum, quòd priorum sententia magis
nam habet, si rectè pensetur, rationem. Considerarunt illi primum
statutum illius concilij non vt nouum inuectū fuisse, aut im-
posuisse de nouo aliquid fidelibus, sed indicasse eos ad id teneri: &
voluisse, vt saltem semel in anno fieret. Quid hæc verba signifi-
cant? (vt id quòd frequentius fieri deberet & vellet conciliū, si nō
sæpius, saltē in anno semel fieret.) Cōsiderarunt deinde, quòd hoc
conciliū primò de hac re locutū est, non quidē illa in controuersiā
deducta à disputantibus, sed (vt videtur) à corruptis moribus obli-
terari cœpta. Itaq; nullius alterius cōcilij innititur authoritati, nul-
lius vel cōsuetudinis vel statuti alterius mentionem facit, sed tanq̃
de re certissima & cōstantissima statuit, ne negligentia pereat. Ita-
que si nō apertè definit, certè supponit dubitari nō posse, illam ob-
ligationē maiori alio iure introductā fuisse. Nulla (vt diximus) au-
thoritas humana audeat hoc onus imponere. Cōfirmant ista quę
in eodē statuto sacerdoti præcipiuntur de diligētia inquirendi pec-
catoris & peccati circumstantias, & adhibendi salubria remedia,
more (inquit) periti medici. Itaq; constat hanc necessitatem consti-
tendi nunquam pertinaciter in dubiū versam fuisse, vt opus esset
in concilio definiri, vsq; ad Iohannem VVicleph & hæreticos il-
los Bohemos: contra quos actum est in Concilio Constantiensi,
in quo, sessione octaua, septimus error damnatur tanq̃ contra ca-
tholicā fidem, videlicet hic: Si homo fuerit debite contritus, om-
nis confessio exterior est sibi superflua & inutilis. Et apertius pos-
tea ex eodem concilio habetur octauus eius articulus damnatus:
confessio vocalis facta sacerdoti, introducta per Innocentium,
non est tam necessaria, vt definit &c. Nonus articulus similiter
damnatus. Graue est (inquit) & infundabile, presbyterum audire
confessionem populi eo modo quo latini vtuntur. De qua etiam
re damnatur articulus decimus eiusdem. In quibus videre aper-
tissimum est insanias hæreticorum. Innocentius (inquit) definit
necessariam confessionem: mendacium est apertissimum: inter-
rim tamen supponit proculdubio definitam. Postremò & in Concilium
Concilio Florentino sub Eugenio quarto, certissimo & verissimo Florētinum
pontifice semper ab Ecclesia habito, conuenientibus etiam Græcis sub Euge-
& Latinis: vbi Armenijs sese vnientibus Ecclesiæ, doctrina sacra-
mentorū traditur, quam Romana Ecclesia tenet, & quam in prin-
cipio tractatus huius sacramentorū proposuimus tanq̃ certissim.

Concilium
Constantiense.

ad abolendū
de hære.
Quidam Iu-
ristæ & Eras-
mus de præ-
cepto cōfess.
aliter sentien-
tes reprehens-
duntur.

p. 14. cap. 1.
Sentētia Hu-
gonis & b.
Bonauentu-
ræ declara-
tur.

regulam, ei qui non vult ab vnitate secedere. Ibi apertior & mani-
feliior de confessione est definitio, quam si coniungamus illi (de
quo superius diximus) statuto Ecclesiæ excommunicantis eos ,
qui de sacramentis aliter senserint quàm Romana Ecclesia sentit,
non videmus quomodo excusari possint iam, qui negare aut du-
bitare de necessitate confessionis, vel de ipsa institutione Christi
volunt: vt faciunt nonnulli Iuristæ: glossa illa decreti de pœnitentia
dist. 1. & Panormitanus Abbas: sed plus his (vt iudicant prudentes
& pij multi) excessit Erasmus inter colloquia puerilia
mouens de hac re dubitationem, & tandem in libro de modo cō-
fiteendi dubiam etiam eam relinquens. Sunt tandem aliquando
finiendæ controuersiæ & dubitationes, præcipuè de rebus ad salu-
tem pertinentibus: nec quicquid olim dubitatum fuit aut in con-
trouersia positum, semper ita manere debet (Augustino dicente,
quod experientia ipsa, & ratio declarata facit, vt quæ prioribus
dubia fuerunt, sint posterioribus certa) & maximè in hac re, de
qua (vt offendimus) priscis temporibus nullum dubium fuit, sed
vt simpliciter necessaria confessio habita est ab his patribus quos
citauimus, & ante paucos annos cœpit in controuersiam venire.
Ceterum non est omittendū, esse aliquorum Theologorū, & gra-
uiorum quidem, de hac re opiniones, quæ parum videntur ab his
quæ diximus discedere, sed reuera sunt illis contrariæ. Hugo de S.
Victore lib. 2. de sacramentis, dicit confessionem insinuatam à
Christo, sed præceptam ab Apostolis, promulgante Iacobo: Con-
fitemini alterutrum &c. Sequitur illud b. Bonauent. d. 17. Verum
si bene omnia scripta eorum legantur, non dubitant à Christo in-
stitutam, sed tantum dicunt non apertè ab eo mandatam: cuius
etiam rationes adferunt, quòd scilicet satis erat infirmis indicasse
remedium, & medicos quos adirent. Sed absit vt illi putauerint
confessionem, quæ ad sacramentum necessaria est, & sine qua ma-
nifestè remissio vel retentio peccatorum fieri non potest post ba-
ptismum, esse humanæ institutionis. Explicatio igitur duntaxat
confessionis tribuitur Apostolis ab illis. Consistentibus itaque
& antiquis & recentioribus, hoc certum habemus, ex præcepto
Christi, & necessitate sacramenti esse necessariam confessionem
peccantibus post baptismum: nec sine periculo hæresis contrari-
um affirmari posse.

Inquiritur meritò, & quidem piè, de ratione huius institutionis
& vti-

& vtilitate, cur tantopere placuerit Christo hoc tam grate onus (vt multis videtur) imponere hominibus in lege summæ libertatis? De qua re quanquam multa scripta sint, & multæ collectæ vtilitates huius confessionis: quòd videlicet plurimum conducatur ad frangendam superbiam humanæ elationis, ad seipsum cognoscendum: quòd ad satisfactionem peccati, & cauenda futura pudor ille valeat plurimum & apud Deum & apud homines: denique quòd ad detestanda peccata plurimum valeat, & ad certiorum doctrinam circa mores à sacerdote accipiendam, & ad auferendam noxiam securitatem, ac desperationem: & ad consequendam non minimam consolationem, & absolutionem. Quanquam igitur hæc omnia Erasmus eo libello de modo confitendi, & post illū alij diligenter considerantes dixerint, quæ omnia meritò commendanda sunt & docenda, nos tamen putamus in ea re duo præcipuè agenda esse, quando coram populo opus est difficultatem hanc confitendi lenire. Primò, vt succurrat certissima fides, & subiectio atq; reuerentia quæ Christo & Ecclesiæ suæ debetur. Et primò omnium certò statuatur, non potuisse ab illo quicquam excogitari aut imponi fidelibus suis suo sanguine redemptis, nisi ob maximam eorum vtilitatem, & nisi ille id ita lenire posset, vt omnis quæ videtur amaritudo & difficultas, cōuertatur ab eo in dulcedinem & facilitatem. Nec dubitemus quin qui hoc crediderit, intelliget & experietur ita esse. Nisi credideritis (inquit Esaias) non intelligetis. Cuicumque igitur hoc difficile & asperum est, agnoscat se modicæ fidei esse: petat augeri sibi fidem. Secundò diligenter ostendendum, quanta sit consolatio & leuamen in re tam necessaria ad salutem (de qua nullus prudens potest sine anxietate & sollicitudine esse) habere & consilium & testimonium prudentis & timentis Deum, & amicissimi (qualem necesse est esse confessorem) & qui etiam sub propriæ salutis periculo, quantum potest homo, certum reddat pœnitentem: qui dicere possit: Quiescat vox tua à ploratu, oculi tui à lachrymis, quia est merces operis: vt est apud Hieremiam: qui etiam sit fideiussor apud Deum pro pœnitente. Ad hoc satis explicandum, ostendendum est quantæ prudentiæ sit, in rebus & negotijs grauioribus, cum vel de statu aut conditione, aut maxima parte substantiæ agitur, non credere sibi ipsi, maximè vbi quis se noscit affectu aliquo teneri: quàm in his causis dulce sit amicum habere, in cuius sinu curas

Cur Christus
voluerit nos
cōfiteri pec-
cata nostra
sacerdoti.

Cap. 31.

DE UTILITATE CONFESSIONIS.

suas quis possit deponere, & cuius consilium sequi. Tunc addatur, quanto iustius sit in hoc negotio propriæ salutis, ubi & de peccatis proprijs agitur, & eorum pœnitentia, non suo sensu iudicare qualia & quanta illa fuerint, & quanti habenda, & quàm digna eorum satisfactio. Nullus enim prudens suo iudicio fidere debet, ubi de seipso damnando vel absolviendo causa agitur. Itaq; summæ Dei mitericordiæ fuit, homines nobis dare, qui nō vt hoies tantum, sed vt Dei etiam ministri & consulere, & efficaciter operari possint ad nostram salutem, ad quod sub propriæ salutis dispendio illi tenentur. Certè qui veram curam salutis animæ suæ habet, qui sentit peccatorum grauitatem, & timet æternam damnationem, qui sibi parum fidei nouit quanta sit consolatio in exoneranda conscientia coram prudente & fido sacerdote. Qui verò hoc graue reputat, timeat vehemèter sibi, quasi qui minoris faciat peccatæ, quàm par esset. Denique qui ad confessionem deuota mente accedunt, experiuntur & testimonium spiritus sancti, & veram consolationem. Vbi hoc non est omittendum, de quo postea latius, ex hoc apertè ostendi, quanta cura sit querendus doctus, prudens, & verè pius confessor. Huius enim solius testimonium dignum est fide, & quod possit meritò consolari pœnitentem: imò & excusare nonnunquam: de quo postea. Qui verò apud quoscumque hoc animæ suæ onus gaudent deponere, & eò libentius, quò aut indoctiores aut impuriore illos putant, periculose certè, & nimium præposterè agunt. Erit inferius locus latius de his agendi.

De institutione sacramenti pœnitentiæ.

Vltimò demum ex his quæ tribus istis lectionibus dicta sunt, aduertamus institutionem sacramenti huius pœnitentiæ eisdem probari testimonijs, quibus potestas absoluedi & ligandi, remittendi & retinendi probatur concessa. Illius enim potestatis concessio est vera institutio huius sacramenti: de qua re sequentia notentur.

Quæ à pœnitente confitète & sacerdote absoluente sunt sacramenti pœnitentiæ.

Primum, quod à pœnitente fit, cum se Ecclesiæ subijcit & iudicio sacerdotis, maximè in confessione, & quod vicissim fit à sacerdote erga pœnitentem in absolutione, sunt verum sacramentum nouæ legis, atque ita à Christo institutum. Hoc negant hæresis, cōstituti omnes moderni, & vanè de nomine tantum contendentes, & unt sacramentum pœnitentiæ, quæ diximus sunt res exteriores & sensibiles, atq; signa ex diuina promissione

missione operantia salutem animæ, remissionem peccati, & gratiæ diuinæ collationem : sunt ergo sacramentum. Hæc est apud eos etiam sacramenti vera definitio, de qua satis superius dictum est. Iam omnia illa quæ assumpsimus, & scripturæ, & patrum testimonijis ostensa sunt. Sacerdoti data est à Christo potestas & virtus ad remittendum peccatum post cognitionem illius: quod non fit sine gratia. Itaque ex promissione Christi virtutem habet sacerdotis verbum: & ex eadem promissione ad remissionem peccati preparat & disponit subiectio ipsa pœnitentis, præcipue in confessione. Itaque non est quod dubitari possit de hoc sacramento.

Secundum, hoc sacramentum nonnullis placet vocari sacramentum absolutionis, vt distinctione 14. 4. est videre in notis scholasticis. Estq; horum ratio: quoniam perficitur hoc sacramentum & completur absolutione, inchoatur verò confessione: cætera (si qua sunt) non putant ad integritatem sacramenti pertinere. Tamen licet hoc de nomine sit, sanior & grauior sententia est, & Ecclesiæ sensui consona, quæ hoc vocat sacramentum pœnitentiæ. Ita in concilio Florentino nominatur, & est in communi vsu Ecclesiæ: cuius à principio huius tractatus rationem dedimus. Pœnitentia enim & actus eius ante institutionem sacramenti partim ratione naturali, partim diuina lege constant: sed cum à Christo domino sententia remissionis peccati sacerdotibus reservatur, omnia quæ ad pœnitentiam pertinent, huc esse referenda, & in hoc iudicio tandem consummanda, ostenditur. Itaque in hoc sacramento assumitur pœnitentia & eius actus, sicut in baptismo aqua, in materiam: & consummatur verbis sacerdotis absoluentis tanquam forma: de quibus sequenti lectione dicamus.

* * *

LECTIO

LECTIO QVARTA.

De Materia, forma, & reliquis pertinē-
tibus ad hoc sacramentum, & neces-
sitate cōfessionis atq; præcepto eius.



QVÆ pertinent ad rationem huius sacramenti, præter ea quæ de Contritione, Confessione, & Satisfactione dicta sunt & dicentur, non sunt multa, nec admodum necessaria, meritò tamen scienda. Ex his igitur quæ superius diximus in quolibet sacramento esse considera-
randa, quæ quidem pertineant ad suscipientem & dispositionem eius in hoc sacramento, magna ex parte in his quæ de Contritione diximus, explicata sunt, & quæ restant explicabuntur in illis, quæ de confessione dicenda sunt. Similiter quæ pertinent ad fructum atq; effectum sacramenti, qui hîc est remissio peccati. Nunc igitur de materia & forma breuiter dicendum: de qua re sunt quidem diuersæ sententiæ, sed non admodum secundum rem differentes. Formam omnes dicunt esse id, quod à sacerdote in absolutione fit. Materiam verò alij dicunt peccata aut peccatorem ipsum, aut exteriores illius actus & gestus penitentis & subiectionis: nec desunt qui actus sacerdotis materiam dicant, sed hi minus rationabiliter. Probabilior igitur sententia est, quam beatus Thomas q. 84. 3. partis (in qua hæc tractat) asserit, quam sanior pars doctorum sequitur, & demùm in concilio Florentino explicatur tanquam ecclesiastica doctrina, & sensus quem Romana Ecclesia habet. Hanc ergo sequamur, & breuiter explicemus.

Materia huius sacramenti duplex inuenitur. Prior remota, illa scilicet, circa quam operatur hoc sacramentum, hoc est, peccata pœnitentis, quæ pœr hoc sacramentum (non quidem vt in alijs)

alijs) vel assumitur vel sanctificatur, sed reijcitur potius in remissionem peccati: tamen sine peccatis hoc sacramentum non perficitur. Sunt igitur peccata quaecunque, vel mortalia vel venialia, materia propria materia absolutionis. Vtraque enim remissione indigent, ut mota & circumscripta dictum est, & poenitentia etiam nonnulla: sola tamen mortalia sunt necessaria materia, quia pro solis illis necesse est clauicramenti peribus Ecclesiae subijci & Sacerdoti. Venialia non excludunt à remissionem: unde nec necessariae sunt clauces ad eorum remissionem: sunt tamen in hac etiam efficaces. Qui enim dixit: Quorum remisistis peccata, de omnibus locutus est. Sunt igitur peccata materia circa quam, non ex qua hoc sacramentum conficitur. Actus vero poenitentis vel necessarij ad absolutionem, vel consequentes iudicis spiritualis sententiam & potestatem, sunt materia ex qua hoc sacramentum conficitur. Hi vero sunt con-

Qui actus
poenitentis,
sunt materia.

tritio, confessio, & satisfactio. Hos diximus esse partes virtutis poenitentiae, quae certe assumitur à Christo in materiam sacramenti huius. Quicquid ergo à Deo praecipitur poenitenti ut veniam consequatur, vel ante clauces concessas Ecclesiae, vel post, illud necessarium est in hoc sacramento: hoc est, ut doleat, ut confiteatur, ut stet iudicio Ecclesiae in satisfactione exoluenda: quae sunt illa tria quae diximus. Quod igitur haec sint necessaria, de contritione & confessione probatum est, de satisfactione probabitur. Quod vero haec merito materia sacramenti dici debeant, probat haec ratio: quoniam materia sacramenti dicitur id, quod in eo minus perfectum est & quodammodo informe, ut in baptismo aqua. Omnes autem actus poenitentis in hoc nostro sacramento notum est imperfectos esse, & perfici à clauibus, & virtute Christi quae in eis operatur: illa igitur merito dicuntur materia. Et quamvis absolutio perficiatur & consequatur effectum ante satisfactionem, tamen non propterea minus illa dicenda est pars integralis materiae, sine qua consistit nonnunquam (quod ad essentiam attinet) totum, sed tem huius mutilum. Est homo sine pedibus & manibus, deest ei aliqua pars sacramenti integralis, sed non essentiae: ita in hoc sacramento ante satisfactionem completam, quia est iam in intentione poenitentis & obligatione propter sententiam spiritualis iudicis, est integrum sacramentum, & paulatim perducitur ad perfectam integritatem cum illa completur: quod si desit satisfactio, omittente eius impletionem poenitente, non redditur nulla absolutio praecedens

Quomodo
satisfactio
ad integritatem
sacramenti
requiritur.

DE MATERIA ET FORMA

aut sacramentum, sed manet quasi mutilum, ut diximus: nec tamen hoc magni est momenti, neque videtur multum ad rem pertinere ut de hoc diutius disputemus. Illud tamen non omittamus, dignum certe consideratione, quod & consolari et confortare debeat animos, quod hi actus poenitentis, contritio, confessio, & satisfactio, quanquam ab illo fiant non sine diuina gratia, tamen sunt

Actus poenitentis quatenus partes sacramenti sunt. **hominis actus.** Nam (ut inquit beatus Thomas) in hoc sacramento Deus sanare vult infirmum hominem suis actibus, ut sapientius partes sacramenti sanantur a gratia exercitatione aliqua, vel sudore, vel (ut exemplo cramentisunt, Origenis dicamus) vomitu. Sunt igitur isti actus nostri: sed tamen multi, efficaciores quam feruntur ad clauas & virtutem Christi, sumunt multo maiorem ex se sunt.

virtutem ad remittenda peccata, quam ex se antea habebant: sicut aqua virtutem habet abluendi animam, quam ante nullo modo habebat. Ita haec quae iam habebant virtutem aliquam, maiorem suscipiunt & habent ratione sacramenti, ut videlicet operentur nonnunquam postea, & sunt efficacia non quia à nobis sunt, sed quia partes sunt sacramenti. Notat hoc b. Thom. quae. 88. 3. part. & ibidem Caietan. diligenter considerat. Haec quidem de materia. Nam nullum debet mouere, quod contritionem (quae interior est) partem sacramenti dicamus. Quamquam enim interior est, tamen in confessione manifestatur per signa. Debet enim illa lachrymabilis esse, atque ita contritio illi coniuncta, per eam significata, & subdita clauibus, est materia sacramenti. Et quia de contritione satis dictum est, & quod restat, quatenus videlicet ad sacramentum pertinet, inter ea quae ad confessionem pertinent, dicendum est, & postea de satisfactione: nunc ista sufficiant.

Contritio licet sit interna est tamen sacramenti pars.

De forma sacramenti poenitentiae.

Iam de forma, in qua magis conueniunt doctores, hoc sit primum. Forma necessaria huius sacramenti sunt verba sacerdotis, quibus significatur absolutio & remissio peccati. Hoc manifeste patet, quia per ea completur & perficitur hoc sacramentum. In omni sacramento verba dicimus esse formam, quia explicatiora sunt: & verba illa quibus perficitur sacramentum ita igitur hic.

Secundum. Verba haec ex Ecclesiae consuetudine sunt: Ego te absoluo à peccatis tuis, vel, ab omnibus peccatis tuis. Et est consentanea haec forma ipsis verbis Christi, quibus clauium potestatem dedit; Quicquid solueritis super terram &c. Verum (quod

(quod ex superius dictis etiam patet) si quis vteretur verbo remissionis, Remitto tibi peccata, vel, remittuntur tibi peccata: sufficeret ad integritatem sacramenti & formæ: non tamen sine peccato omittitur quod est in Ecclesiæ usu: de quo superius dictum est. Sed ad necessitatem sacramenti solum necesse est significari, quod fiat in præsentis remissionis peccati. Itaque explicanda est persona poenitentis, te, vel tibi &c. item remissio vel absolutio de præsentis: denique peccata. His positis perfecta est forma sacramenti: Absoluo te à peccatis tuis: remitto tibi peccata tua. Non desunt qui putent sufficere quæcunque verba in modum sententiæ definitiue prolata: puta, placet tali remitti peccata: ut olim sententiæ proferebantur: Cyprianum episcopum placet capite plecti: sed hoc nimium est.

Tertium non omitamus: quod scilicet plura addere tanquam orationes præparatorias & præcedentes, non reprehenditur: imò omnino faciendum est iuxta consuetudinem cuiusque Ecclesiæ: sed hoc pertinet ad ritus et modum administrandi hoc sacramentum: Misereatur tui &c. Absolutionem &c. Et in verbis ipsis: Ego te absoluo &c. placet b. Thom. addi, in nomine patris & filij & spiritus sancti: quanquam id non ex necessitate. Quod verò post illa verba: Absoluo te à peccatis, vel, ab omnibus peccatis, multa addantur: puta, ab omnibus quæ mihi confessus es, vel confiteris si memoriam haberes, aut, ab omnibus oblitis vel incognitis, non satis probatur à doctoribus. Sunt illa quidem plura verba, sed minus significant, & magis restringunt vniuersalem illam virtutem sacramenti, quæ se extendit ad omnia peccata. Duo itaque in hac forma putamus obseruanda. Primum, ne illa quæ tam essentialis est & necessaria sacramento, inuoluatur cum alijs verbis eodem contextu vel prolatione: sed verba Christi (ut dignum est) seorsim, & certè nouo spiritu & virtute proferantur. Secundum, ut reliqua omnia verba præscindantur, & tantum dicatur: ab omnibus peccatis tuis.

Est circa hæc verba digna consideratione dubitatio, de propria eorum significatione atque virtute. Nam (ut patet) sacramenta efficiunt quod significant. Est ergo hic articulus de proprio effectu ne, & veritatis absolutionis sacramentalis. Necesse est enim id efficere quod significat: & è contrario, significare quod efficit. Est hæc questio et in præteriores illos, Hugonem & Richardum de s. Victore: Magistrum nis, ipsum & sequentes. Hi igitur omnes propter necessariam præ-

Quæ verba recte aut secus addantur in absolutione.

DE MATERIA ET FORMA

Sentētia Hu-
gonis Richar-
di & Magi-
stri non pro-
batur.

parationem & contritionem ad absolutionem à peccatis conse-
quendam, vehementer dubitarunt, quid verba illa sacramentalia
operentur. Nam si (inquiunt) qui absoluitur contritus est, iam
in contritione, & per illam remissa sunt ei peccata: si verò non-
dum est contritus cum absoluitur, nondum remittuntur ei: qua-
re non videtur quando verba hæc sacramentalia operentur abso-
lutionem: nec videntur vera: cum absolutio à peccatis effectus
sit contritionis. Nec sacerdos (inquit Magister) absoluit, nisi cum
diuinum iudicium sequitur. Hac itaque de causa priores illi, Hu-
go & Richardus, vt aliquid tribuerent absolutioni & clauibus, &
ita verba illa vera essent, distinxerunt in peccato maculam & cul-
pam ipsam: hanc dixerunt à solo Deo in contritione remitti, de
hac intelligentes illud: Quis potest remittere peccatum, nisi solus
Deus? Alterum verò in peccato dixerunt reatum pœnæ æternæ,
à quo (inquit) absoluit sacerdos. Itaque iuxta eos, verba signifi-
cabunt absolutionem à reatu pœnæ æternæ, non verò à culpa.
Quæ sententia reuera, præter hoc quòd ratio fidei coniuncta docet
remissa culpa non posse reatum pœnæ æternæ manere (qui
enim fieri potest, vt Dei amicus in æternum damnari possit?) ni-
mium etiam detrahit illis verbis Euangelij: quorum remisistis
peccata, remittuntur: Dat eis potestatem remittendi peccata. Vn-
de & Magistri etiam sententia dist. 1. 8. verba illa: Ego te absoluo,
tantum significare, absolutum ostendo & Ecclesiæ reconcilio,
eadem ratione minus sufficiens est. Nimum enim verba illa Eu-
angelij: Quorum remisistis peccata &c. extenuantur, si sic expo-
namus illa: remissa ostenderitis. Quapropter posteriores fere o-
mnes docent simpliciter verba illa intelligenda esse, idque effice-
re quod significant, absolutionem. scilicet à peccato & remissio-
nem: quod consonat doctrinæ patrum, quam superius adduxi-
mus. Testantur enim apertissimè Chrysostomus & Cyprianus
præcedere sententiam sacerdotis sententiam D E I: quo verè
significant ideo peccata remissa esse coram D E O, quia à sacer-
dote facta est remissio. Itaque beatus Thomas art. 3. 84. quæst.
illum sensum Magistri non sufficientem asserens, dicit conuenien-
tius sic exponi illa verba: Ego te absoluo, hoc est, sacramentum
absolutionis impendo: non quod propria significatione eorum
significetur collatio sacramenti duntaxat, sed effectus sacramen-
ti vt ab eo pendens, Itaque hæc verba, ego te absoluo, hoc signifi-

catur

cant: quantum est ex vi huius sacramenti absoluo te sacramentaliter, & ita respondetur omnibus dubitationibus. Primò, sacramentaliter absolvere est non propria virtute, sed vt instrumentū duntaxat & minister Dei. Deus absoluit solus vt primum agens & primam authoritatem habens: Christus homo vt instrumentū coniunctum diuinitati, & prima causa meritoria absolutionis sacerdos verò duntaxat vt Christi minister, per quem Deus operatur. Deinde sacramentaliter absolvere est quantum ex virtute sacramenti pendet, quod est, nisi fuerit obex & impedimentum. Itaque reuera nullum est in hoc sacramento maius dubium quàm in alijs. Baptismus omnia peccata dimittit: sed si fictus accedas, nō defectu sacramenti, sed indispositione tua non consequeris remissionem: nec tamen propterea sacramentum minus est verum. Cum igitur quæritur, an eis qui absoluitur sit verè contritus antequam absoluator? & ita ostendetur per absolutionem non remitti peccatum, quia iam erat remissum per contritionem: respondemus idem esse iudicium de baptismo, si ante eius susceptionem sit contritus qui suscipit. Sicut igitur in baptismo nihil propter hoc detrahitur eius virtuti, sed magis tribuitur (dicimus enim talem ex voto baptismi iustificatum fuisse) ita hūc ex voto sacramenti poenitentiae, quod necesse est (vt ostendimus) in voto haberi. Et sicut in Baptismo cum postea suscipitur aut traditur, augetur collata gratia, ita hūc. Si verò nondum est contritus cum absoluitur, impedimento suo & culpa sacramentum non operatur: non tamen minus est verum. Sed inter hæc duo medium inuenire est. Contingit enim vt cum absoluitur, veraciter conteratur, non antea nec postea: & tunc (sicut in baptismo) integer est & plenus effectus sacramenti. Nec tamen propterea minor, quando antea ex solo voto sacramentum operatum est. Igitur sacerdoti Christi veram virtutem absoluedi & remittendi peccata tribuit scriptura, & sana patrum doctrina, vt suprà ostendimus. Nec verbum illud Hieronymi in Mathæum, quod Magistrum sententiārum conturbauit (vt suprà diximus) aliud docet, quàm quod præcedere debet cognitio varietatis peccatorum, & dispositionis poenitentis. Hæretici omnes moderni iuxta ea quæ superius admonuimus, verba hæc solum putant ad prædicationem Euangelij pertinere, & confirmationem fidei: ita vt non aliud sit absolvere, quàm certam Euangelij doctrinam de remissione peccatorum huic peccatori

DE MATERIA ET FORMA

annuntiare, quam ille (inquiunt) certò tenetur credere, si vult sibi remitti peccata : hoc pertinet ad sensum illum horum verborum : Quorum remiseritis &c. quem suprà exclusimus. Itaque in altero detrahunt multum potestati sacerdotali, volentes sacerdotem nihil aliud efficere, nihil operari in remissione peccati, nisi quod annuntiat & prædicat illam : quòd certè à priuato quodlibet fieri potest. Vera autem patrum doctrina (vt suprà dictum est) virtutem & potestatem tribuit sacerdotibus. In altero verò nimij sunt, specialem illam fidem asserentes : quam multis rationibus superius ostendimus esse falsam. Et, vt alijs periculum in hac re ostendamus, admonemus institutionem illam additam concilio Colonienfi, cautè esse legendam, eò quòd in his duobus capitulis de fide speciali & imputata iustitia aberret à veritate.

De frequenti
eorundem
peccatorum
confessione.

Non est etiam circa hæc omittendum, dubitari à multis, an absolutio operetur in peccata iam sæpius confessa, & remissa etiam. Quoniam enim nullus catholicorum negat, non solum fructuose confiteri posse eadem peccata sæpius, propter verecundiam, consilium, & instructionem : sed etiam verum sacramentum illud esse pœnitentiæ, & veram absolutionem : meritò quæritur, cum prior illa absolutio eorundem peccatorum vera fuerit, si semel iam absolutus est à peccatis, quomodo iterum erit verum quòd absoluitur ? Et quidem si nondum ab omni reatu pœnæ peccatorum absolutus quis est, dici potest absolui tunc à peccatis quatenus manent, & quatenus adhuc propter ea ligatus tenetur : verum si (vt fieri potest) iam ab omni etiam pœna immunis sit qui confitetur, nõ videtur reliquum aliquid esse à quo absoluaatur. Et quantum hoc coram homine constare non posset, tamen cauendum meritò videtur, ne si ab his, à quibus absolutus quis est, iterum absoluaatur : periculum falsitatis sit apud Deum. Non defuerunt qui dicerent, in illa iterata confessione virtute clauium nihil effici, sed vtilem esse propter humiliationem : sed reuera alienum est à veritate & reuerentia sacramenti, in cassum proferre verba sacramentalia : & non esset tunc absoluaendus, etiam si confiteretur.

Potest quis
sæpius ab ijs-
dem peccatis
absolui.

Quare his omnibus succurrit illa expositio : sacramentaliter absoluo. Vnde (vt beatus Thomas inquit dist. illa 18.) cum hoc sit verum sacramentum, confertur in eo gratia : atque ita magis & magis absoluitur à peccatorum vinculis. Sicur itaque semper orandum est cum propheta : Amplius laua me. ita etiam, Amplius

SACRAMENTI POENITENTIAE. 116

plius absolue me. Ex quo semel peccatum est, manet in memoria peccatoris, quod reus fuerit coram Deo, & hac memoria adhuc reus tenetur: quare remisso peccato, etiam remissa poena, cum accedit ad confessionem, reum se agnoscit, commissile se illa peccata fatetur, atque ita absoluitur ab illa conscientiae accusatione: & in veritate per gratiam quae augetur, si iam erat, Deo fit propinquior & charior, & elongatur magis à peccato, quod magis oblivioni traditur à Deo: atque ita (quantum est ex sacramento) magis remittitur.

Iam sicut in alijs sacramentis diximus considerandos esse ritus superadditos materiae & formae, ita hic qui sint ritus sacramenti nostri, siue necessarij, siue superadditi ab Ecclesia, inquiri posset: non tamen hic quicquam dicendum est, cum nullos alios ritus videamus, quam humiliationem poenitentis, & sacerdotis auctoritatem. Illud solum aduertendum, impositionem manuum in usu esse quarundam ecclesiarum: ut scilicet cum quis absoluitur, imponantur ei manus. Dicit quidem b. Thom. art. 4. illius q. 48. non pertinere id propriè ad hoc sacramentum, sed ad Confirmationem vel Ordinem, in quibus datur gratiae plenitudo: unde de ille magis putat sacramento huic convenire crucis signationem, quonià in virtute passionis Christi peragitur: ita ut absolues, cum post essentialia verba addit: In nomine patris &c. crucem faciat: quia tamen in antiqua Ecclesia (ut apud Cyprianum, & concilia multa, & omnes antiquiores est videre) impositio manus erat signum reconciliatoris (per impositionem enim manuum dicit reconciliari ecclesiae vel haereticos vel poenitentes, qui nondum absoluti erant) non est reiiciendus ritus iste, ubi consuevit fieri, nec reprehendendi qui faciunt: quanquam illa impositio manuum in eis non legatur in absolutione sacramentali, sed in absolutione ab haeresi, aut excommunicatione, vel separatione ab Ecclesia propter peccata publica, ob quae poenitentes non admittebantur ad sacramentalem communionem, quam credendum sit eos iam fuisse absolutos sacramentaliter, quoniam suscipiebant iniunctam poenitentiam, segregatos tamen fuisse à communione. Hæc nobis dicta sint de sacramento poenitentiae, quæ (ut vidimus) ex verbis illis: quorum remisistis peccata &c. (ubi est institutio huius sacramenti) consequuntur. Quæ verò ad claves & earum potestatem latius pertinent (quæ à Magistro & doctoribus 18. & sequentibus aliquot dist. traduntur) postquam de confessione egerimus,

De ritibus
absolueendi,
scilicet con-
signatione
crucis, &
manus im-
positione.

DE NECESSITATE ET MINISTRO

mus, quantum necesse fuerit referemus, Nunc totos nos conuertamus ad agendum de confessione, quæ est secunda pars materię nostri sacramenti: nam de priori illa, contritione videlicet, satis diximus: & quod restat de ea dicendum quatenus pars est sacramenti, hoc est, ut confessioni coniuncta est, simul cum ipsa confessione dicendum est.

LECTIO QVINTA.

De necessitate confessionis in speciali,
& de ministro eius.



EX his quæ dicta sunt satis ostenditur quàm sit confessio necessaria, & ex eis etiam probatur sententia nostrorum scholasticorum asserentium non minus necessariam confessionem post baptismum mortaliter peccanti, quàm baptismus ipse necessarius est illi qui nòdum est baptizatus. Sicut enim dicitur: Nisi quis renatus fuerit, non potest introire in regnũ dei: ita Paulus inquit: Adulteri, raptores &c. regnum Dei non possidebunt. Sed Christus dans authoritatem hæc peccata remittendi, ostendit qua via liberari possint ab illis. Quare verissimè etiam dicitur ab illis, in hoc præcepto nullum posse dispensare. Non potest papa aut quisquam alius absolvere peccantem mortaliter post baptismum à præcepto confessionis.

Quo tẽpore
facienda sit
peccatorum
confessio.

Est inter eos digna consideratione quæstio de articulo siue tempore quo confitenti tenetur peccans: antea nunquam de hac re quæstio fuit. Antiquiores simpliciter exhortabantur peccantes ad confessionem citius certè faciendam: nam cõmunio ipsa & participatio corporis domini frequentissima erat, ut notum est in antiquioribus, & periculosissimum putabatur diu differre communionem, ut inquit Cyprianus in exposit. orationis dominicæ. Antequam communionem verò præmitteretur confessio, ut ex ipso etiam Cypri-

Cyprian. in sermone de lapsis ostendimus. Itaque priscis illis temporibus non erat opus sub comminatione noui peccati inducere homines ad confitendum: nec enim tunc longo tempore sustinebantur vulnera grauissima peccatorum in anima sine remedio & curatione. Postea verò cum tam faciles simus ad vulnera & peccata, & ad remedia tam tardi & difficiles, opus est noui propterea laqueum animabus iniicere, & nimio zelo plura imponere peccata conscientijs. Itaque quaeritur, quando teneatur qui post baptismum peccat, sub nouo peccato confiteri, hoc est, quando sit transgressor huius praecepti de confessione facienda. Dixerunt nonnulli, quòd tenetur habita oportunitate. Fatentur hi contritione vera & proposito confitendi remitti peccatum: sed cum oportunitas adest confitendi, faciendum id esse, alioqui aut non fuit illud verum propositum, aut certè contradicatur illi: & hoc quidem b. Bonauent. de laicis etiam dicit. Nam monachi, quorum tota vita penitentia est, statim (inquit) confiteri tenentur. Sed hæc sententia iudicatur seuerior. Rationabilior verò est illa b. Thom. & recepta communiter, quòd, cum hoc præceptum affirmatiuum sit, nõ obligat vt statim impleatur. Nam nec dilatio baptismi sine periculo peccatum est nouum. Igitur ad confessionem tenemur iuxta naturam præceptorum affirmatiuorum. Colligunt itaq; posteriores, Durandus, Hadrianus, Petrus de Palude, & similes, quinque casus, quibus sub nouo peccato confiteri tenetur qui in peccato est. Primus manifestior ex Ecclesie statuto in cap. Omnis vtriusq; sexus, semel in anno, in paschate videlicet. Hoc. n. in concilio Lateranensi definitum est ab ecclesia, ad quã propriè pertinet cõmunia hæc iuris diuini præcepta determinare, & coaptare necessitati ac captui fidelium. Cum itaq; hoc ab Ecclesia præcipitur, determinatur tempus seruandi præcepti diuini. Secundus casus est in articulo & probabili coniectura periculi mortis: & hoc quidem ex ipso iuris diuini præcepto. Cum enim astrictus sit confiteri habens peccatum mortale, aliquando id facere tenetur: ergo ante mortem, si quidem ante non fecit. Omnis itaq; quem mors inuenit in peccato mortali, non solum propter illud punietur si non confiteatur, sed etiam propter transgressionem huius præcepti. Tertius est, quando suscipiendum est sacramentum Eucharistie. Hoc ab omnibus nostris scholasticis vt certum asseritur, & superius probauimus in tractatu de Eucharistia. Alij addunt, vt Petrus de Palude,

Distinct. 17.
Quinq; casus sunt confessionis peccata.

1.

2.

3.

DE NECESSITATE

de, ante susceptionem cuiuslibet sacramenti teneri ad confessionem eum qui in peccato est: sed est de hac re dubitatio & diuersus sensus, alijs putantibus sufficere solam contritionem in omnibus alijs sacramentis ab Eucharistia. B. Thom. addit aliquando etiam ante susceptionem sacrorum ordinum. Nec opus est in hac re sententiam aliam ferre. Certè tutius est confessionem præmittere omnibus sacramentis, sed fortè nō est necessarium. Sanè in sacramentis illis quæ ad augmentum gratiæ & effectus præcedentium sacramentorum ordinantur, satis videtur necessariò præmittenda confessio: vt in cōfirmatione, quæ ordinatur ad perficiendā gratiam baptismi: si igitur hæc est amissa per peccatum, nonne per sacramentum quod in remedium huius institutum est, quodq; est baptismi reparatio, pœnitentiam scilicet, est recuperanda? Similiter in extrema vñctione, in qua reliquiæ remissorum in pœnitentia peccatorum auferuntur. Sed vtcunque sit, hoc dicamus vel de istis, vel de omnibus, consultius fore vt ita fiat, non tamen vt necessarium asseramus. Duo alij casus asseruntur, quibus confiteri tenemur magis ex conscientia ad id obligante, quàm alio præcepto. Primus (inquiunt) quando est oportunitas, & probabiliter creditur postea quando confiteri tenebitur, scilicet prope pascha, defutura. Si (inquiunt) adsit Episcopus vel alijs à reuerentis potens absolvere, qui postea non poterit haberi. Hoc itaq; magis est ex illo iudicio conscientiæ, quo putat sibi non futurū postea possibile. Est alius, inquiunt, si quis putet se teneri sæpius ad confessionem: quod certè in omnibus præceptis est. Tenemur enim propter conscientiam, etiam errantem. Considerandum verò est non deesse, qui putent teneri aliquem sæpius confiteri, quàm semel in anno, vel propter periculum obliuionis peccatorum, quia videlicet putat, si in annum differat, obliuisci se posse peccati: similiter propter vitanda pericula aliorum peccatorum: cum videlicet percipit se non modicum adiuuari contra reciduum peccati ex frequentiori confessione, & contrà, eius omissione grauari: hoc (inquit Caiet.) quilibet apud se iudicet: & hoc forte intelligunt qui dicunt, cum conscientia dicat, teneri ad frequentiore confessionem. Nos quidem in his sicut putamus consultissimū esse, exhortari omnes ad frequentius confitendū, si frequentius labuntur, & vt quilibet cum prudente & Deum timente spiritali suo iudice hoc statuat, vt scilicet ab eo accipiat quā frequenter confiteri debet, &

at, & quibus vti remedijs : ita non putamus in communi populo
ultra esse aliquid imponendum. Qui bona fide semel in anno con
fiteatur sequentes magisterium Ecclesie, & nihil aliud cogitantes,
non videmus quare virgendi nimium sint. Ceterum in priuatis
confessionibus multo commodius id decernitur.

Quia (vt ostensum est) confessionis præceptum annexum est
sacerdotali potestati remittendi peccata, merito nunc inter prin
cipia confessionis, cui sit facienda, dicendum est: vbi simul de pro
prio ministro huius sacramenti agitur. Illi ex necessitate fieri debet Cui sit faciē
confessio solū, qui potestatem habet absoluendi, & qui à Deo da peccatorū
constitutus est iudex. Non enim alia ratione probauimus neces- confessio.
sariam esse confessionē. Sit itaq; de utroq; istorum hæc propositio.

Solus sacerdos iurisdictionem habens & superioritatem Solus sacer
est proprius minister huius sacramenti, & illi soli confessio dos iurisdic
fieri debet necessariò. Duo hic asserimus, quæ simul sunt tionem ha
necessaria ministro huius sacramenti. Primum est ordo sacerdo- bens est mi
talis: quod manifestè patet : quia solis sacerdotibus datur hæc po- nister sacra
testas, remittendi scilicet & retinendi peccata, & in ea soli ipsi suc- menti pœni
cedunt Apostolis, vt patet in ipsorum ordinatione, de qua postea di- tentiæ.

cemus cū de sacramento Ordinis agitur. Nunc apertè constat po
testatē clauium Ecclesie traditam esse, nec aliquē eam habere, nisi
cui ab ea communicatur: hi verò soli sunt sacerdotes, vt diximus.
Secundū necessarium diximus esse iurisdictionē, hoc est, superio- Ad absolu
ritatē & prælationem, qua secundum distributionē Ecclesie sub- tionē requi
ditos habet, quorum animarū curam gerat. Quoniam itaq; nō hoc ritur vt sacer
ipso quo ordinatur quispiam in sacerdotem, præfitur etiam ali- dos iurisdic
cui parochie aut plebi, nec datur ei aliquarum animarum cura : tionem ha
dicitur quidem habere potestatem ordinis, administrandi videlicet beat in con
sacramentū pœnitentiæ, eamq; à Christo traditam. Ceterum si nō sitentem.

habeat subditos, deest illi materia quam exerceat & vtatur
sua potestate : non aliter quàm si desit celebraturo panis & vi
num : is enim etsi potestatem habeat consecrandi, propter defe
ctum tamen materie cōsecrare non poterit: ita nec hic poterit ab
soluere. Propter primum quod diximus requiri, etsi laicò in neces
sitate fieri possit confessio, non tamē vera absolutio sacramenta
lis, nec verum sacramentū ab eo perficitur: quare nec necesse est ei
confiteri, etiam cum deest sacerdos. Propter secundum, si quis cō
fiteatur quantumuis perfectè sacerdoti, cui tamen ab ecclesia nul

Quare præter potestatem ordinis necessaria sit iurisdictione ad absolvendum à peccatis.
q. 2.

la data est in eum potestas, nulla est etiam absolutio, nullū sacramentum. Disputatur inter scholasticos dist. 19. 4. unde hoc fiat, & quæ illius propria causa, ut, cum sacerdos in ordinatione potestatem accipiat remittendi & retinendi peccata, non possit in quemlibet uti ea potestate. Alij putant id ex constitutione & prohibitione Ecclesiæ factum, cum alioqui ex iure diuino indifferens esset, ut Durandus refert: & tamen dicunt hac Ecclesiæ constitutione sine mutatione essentiae sacramenti factum esse, ut nulla sit absolutio quia subtrahita est materia. Et si quidem (inquiunt) scienter quis confiteatur ei, cui Ecclesia prohibuit confiteri, hoc est, non proprio sacerdoti, peccat grauiter, atque ita non absoluitur à peccatis. Si verò ignoranter id agat & bona fide, fatentur absolui: & tamen teneri postea (ut obediat Ecclesiæ) ad confitendum proprio sacerdoti. Sed reuera utrunque horum nulla ratione constat, & maximè hoc secundum, post remissa scilicet peccata teneri iterum confiteri ea. Et denique de necessitate sacramenti aliud quàm quod à Christo institutum est, necessarium asserere, alienum est ab alijs sacramentis, & ab ipsa potestate ea instituendi. Sine pane ex Christi institutione non potest confici Eucharistia: si ergo non subditus potest absolui ex eius institutione, absolutus erit: nec amplius tenebitur. Itaque nec illa sententia probabilis est, nec certè aliquid pro ea adduci potest quod habeat probabilitatem. Sunt alij (nec pauci) recentiorum, inter quos & ipse Durandus, qui iure ipso diuino putant à Christo soli Petro & successoribus suis datam esse prælationem et curam ouium cunctarum: *Pasce oues meas*: nec in aliquem posse hanc curam exerceri, nisi deriuetur inde: quare & si habeat ordinem, tamen iure ipso diuino, nisi commissa sit ei & deriuata in eum ab illo fonte prælatione & autoritas, caret ea: quamobrem nihil efficit si attentet. Sed quantum hoc nescio quid videatur habere subtilioris ingenij, nihil tamen habet fundamenti: nec si haberet, quicquam pertinet ad rationem eius de quo modo agimus. Omnes Apostoli potestatem ligandi & soluendi, remittendi & retinendi acceperunt: omnibus dictum est in Euangelio: *Quicquid solueritis &c. Quorum remiseritis &c.* (nec de ipso Paulo quicquam dubitandum est) & acceperunt quidem illam potestatem sibi & successoribus. Non est negandum quin à Christo ipso & diuino iure habeant potestatem in suos subditos omnes Episcopi, & omnes parochi. Da-
ta qui-

ta quidem est Petro superioritas in omnes, sed non propterea ab-
lata ab alijs propria potestas & iurisdicção. Nec antiquissimi illi
episcopi, Cyprian. August. &c. à Rom. Pont. quicquam sibi arbi-
trabantur in suis Diocel. commissum esse. Manebant in vnitate
ecclesiæ, & agnoscebant supremam authoritatem illius apostoli-
cæ sedis. Cæterum electione plebis & ordinatione cōprouincialiū,
quasi ministerio quodā à Christo putabant suscipere se authorita-
te, nō quod hic quicquam reprehendamus eorū q̄ postea in cōsuetu-
dinem venerūt, quæ nō est dubitandū cōuenientissimā etiā habe-
re rationem, & vtilem ecclesiæ: vt scilicet non nisi Rom. Pont. au-
thoritate & cognitione ordinentur episcopi: hinc tamen nō p̄ba-
tur à Christo eos non accipere potestatem. Quacunque, n. via id fiat,
à Christo sit vt veri episcopi & pastores sint omnes reliqui. Nec
posset (vt manifestissimum est) hoc in ecclesia auferri: ordo scilicet
episcopalis. His igitur non multum est innitendū: solida & certa
ratio, quare non nisi in subditū potestas absoluēdi exerceri possit,
hæc est: quia hoc sacramentū ex ipsa Christi institutione iudicia-
le est, quare non nisi in subditum exercendū. Ita intellexerunt pa-
tres omnes, vt ex sup̄rà citatis satis patet: confessionem (inquam)
proprio pastori & magistro (vt Hierony. inquit) fieri debere. Hoc
itaq; requirit diuinū ius, vt in subditū exerceatur hoc iudiciū: quā-
quam distinctio subditorū, & diuersitas atque gradus p̄latorum
ex determinatione sint ecclesiæ: sicut cū ex iure diuino alienę rei
vsurpatione peccatum sit, tamen ex iure positio est distinctio do-
minij, vt scilicet hoc sit alienum, illud proprium. Quare sicut non
dicimus furtum iure positio peccatum esse: ita non est iuris posi-
tium, quod solus sacerdos potestatem habens & p̄lationem, ab-
soluat. Est itaq; certa p̄dicta propositio.

Sed est in speciali circa eam aduertendum, quibus rationi-
bus sacerdos iurisdictionem habeat, vt aliquem absoluere possit.
In communi quidem certum est dupliciter id contingere: scilicet
vel ordinaria via, vel delegata. Nam ordinariam quidem iurisdic-
tionem habent proprij episcopi & parochi, & deniq; qui p̄se-
nti sunt gubernandæ plebi in spiritualibus. Delegatam verò habet
quibus ab istis committitur vel in generali vel in speciali: vt si pro-
prie p̄latus faciat liberum suis, vt confiteantur quibus vo-
luerint: vel si alicui concedat facultatem audiendi suos. Cete-
rum p̄ter hos duos casus Caictanus in summula peccatorum;

Vera ratio
cur sacerdos
non nisi sub-
ditum absol-
uere possit.

Sacerdos has
bet vel ordi-
nariam, vel
delegatam
authoritatē
absoluendi.

DE MINISTRO

in titulo, Absolutio à peccatis, diligenter collegit quinque alias rationes, quibus fit vt sacerdos subditum aliquem habeat quem absolvere possit: nec est opus vt de illis nos amplius loquamur: videatur locus ille. Nos enim in hoc nostro labore vtetur præ cæteris illa summula, quæ breuius & multa resolutione & iudicio pluri-

Quinq; mo-
dis fit vt sa-
cerdos ha-
beat autho-
ritatē absol-
uendi quem-
piam.

Primus. peccatū, quod sine confessione deleri potest, & cuilibet sacerdoti manifestari. Secunda ratio est necessitas imminentis articuli mor-
Secundus. tis duntaxat. Tunc enim ecclesia vult quemlibet à quolibet sa-
cerdote absolui posse, idq; iustissima ratione, etiam de quocunque

Tertius.

Quartus.

peccato: ne in illo articulo tantum remedium desit homini. Habetur de hoc caput. Pastoralis. De officio ordinarij, extra. Tertia ratio est facultas à iure commissa & episcopis omnibus & prælatis, abbatibus scilicet & prioribus omnibus exemptis, eligēdi sibi cōfessorem: in cap. vltimo de pœnitentijs & remissionibus. Quarta ratio est licentia & facultas implicita eligendi confessorem à proprio prælato concessa: cū scilicet episcopus licentiam dat peregrinandi: implicitē. n. concedere videtur, vt possit in peregrinatione confiteri, saltē cū Ecclesia præcipit. In quo loco Caet. ratio-
nabiliter vel ex pontificum concessione, vel certē ex ipsa æquitate, peregrinantem omnem putat absolui posse, vbicunque se inuenerit in paschate, idq; eo iure, quo alij subditi illius loci, hoc est, ab his à quibus alij absoluuntur: sicut ad hanc licentiam implicitam putat pertinere, si episcopus scit & tolerat parochos & canonicos sibi inuicē confiteri, vel p libito eligere confessorem: videtur
n. id probare, cum alioqui sacerdotes omnes diocesis alicuius episcopo confiteri debeant, aut superioribus quos sub episcopo habent, nisi (vt dictum est) consensu episcopi possint liberē sibi inuicem confiteri. Reuera exigit hæc causa, & tanta sacerdotum ignorantium multitudo, vt episcopi circa ista diligenter prouideant. Quinta denique ratio est ex consuetudine, non eligendi confessorem, sed dandi alijs facultatē: quod ad proximam videtur pertinere rationem, sicut (inquit ille ibi) quod cardinales familias

Quintus.

suę facultatem tribuant eligendi confessores: hoc enim videtur interpretatiuē illis concessum esse cū toleratur.

Circa ista disputantur multa à recentioribus canonistis, & ab his qui summas scripserūt, de religiosis priuilegiatis vt audire possint cōfessiones: in Clement. Dudum. de sepulturis. Fuit. n. res hæc multa contentione & diu agitata inter pastores ordinarios & religiosos, quibus à Papa facultas concessa est audiendi confessiones sine inferiorum episcoporū & sacerdotū licentia. Disputatur itaq; an possint ipsi absolueret: an saltem absoluti teneantur rursus in quadagesima p̄prio confiteri sacerdoti peccata, de quibus absoluti sunt. Quas quæstiones non est opus plixè tractare. Nullus doctorū dubitat episcopū committere posse sacerdoti cui velit, vt omnium diocesis suę audiat confessiones, etiam inconsultis parochis, sicut ipse potest omnes audire: ita etiam de Romano pontifice habet iam recepta ecclesiarū consuetudo, vt id possit: quod tamen non est dubium alijs superioribus non conuenire, vt Archiepiscopo vel primati. Qui itaque priuilegia habent à pontifice vel audiendi, vel certē confitendi cui voluerint, possunt illis vtī, nec vlla ratione iteranda est confessio quæ iuxta illa sit.

Addit b. Thomas istis duo digna consideratione in 4. d. 17. q. 3. art. 3. vbi de hoc agit. Primum, non fieri inferiori p̄iudicium aliquod, si à superiore committatur alteri potestas audiendi illius subditos. Secundum, p̄latum quemlibet debere facilem esse ad cile concedendam facultatem subditis alijs confitendi: Alioqui (inquit) dat subditis inuoluet conscientias illorum multis periculis, & per consequens vt alteri confiteantur. Primi ratio est, quia nulla (inquit prudentissimē) iurisdicctio & superioritas est in Ecclesia, nisi in fauorem subditorum, & non p̄lati: quod ipsissimum est Euangelij dictum: Reges gentium dominantur eorum &c. vos autem non sic &c. *Lucæ 12.* Igitur si in subditorum vtilitatem cedat & in bonum Ecclesię, vt confessiones eorum audiant alijs, doctiores fortē aut meliores, non est dubium id sanctē illis committi. Itaque in his abesse debet liuor omnis, p̄sumptio & ambitio: & querenda tantum Dei gloria & vtilitas Ecclesię: quod cū sit, quæstio illa primatus &c. indigna est veris Christianis, multo magis ministris Ecclesię. Secundi ratio hæc est, quoniā hac authoritate audiendi omnes subditos & absoluedi, nō debent p̄lati vt cum periculo infirmorum. Sunt qui potius non confitebuntur aut mentientur, q̄ vt cōfiteantur veraciter illi qui displicet. Est hæc magna infirmitas, sed

De ijs qui priuilegium habent à papa audiendi quoslibet vel confitendi cuiuis.

Notent qui
habent pri-
uilegiū quo-
rūlibet con-
fessiones au-
diendi,

Interim tolerāda: nec quærere debent (inquit ille) prælati agnosce-
re vultū suorū subditorū per confessiones, sed p̄ diligentem exte-
rioris conuersationis obseruantiam. Hæc duo si rectè pensentur,
auferunt multam occasionem contentionū in Ecclesia. Sed & illi
quibus specialia hæc conceduntur priuilegia audiendi non subdi-
tos, similiter vti ea debent in omni modestia, sine vllō propriorum
prælatorum & parochorum vel incommodo vel contemptu: vt
nouerint se esse adiutores, atque ita, quod ad eos attinet, seruos in
Christi charitate. Valde itaque cauere debent, etiam si sint, vel sibi
videantur esse sufficientes magis quàm sint, proprij prælati, ne ali-
quid agant vnde subditi proprios suos pastores minus agnoscant,
aut minus reuereantur. Itaque omnes in vera pace & charitate
superiores inuicem arbitantes, vt Paul. arbitrat, atque honore
præuenientes debemus in Ecclesia conuersari. Qui etiam priuile-
gia habent eligendi sibi confessores quos volunt, timere debent, &
cum magno timore vti eis: de quo inferius plura.

De reserva-
tione casuū,

His etiam quæ dicta sunt, annexum est, quod de reservatione
casuum, quæ à superioribus fit, traditur à doctoribus. Circa quod
hoc sit primum, sanctè & iustè à superioribus episcopis aut Ro-
mano pontifice reservari quædam peccata grauiora & maiora, à
quibus inferiores non absoluant: idq; consonè etiam antiquitati
Ecclesiæ. Ratio huius est duplex utilitas non minima. Altera, quia
deterrentur à grauioribus peccatis committendis hac ratione in-
firmiores. Quod enim à quolibet absolui potest, pro nihilo duci-
tur & facilius committitur. Altera ratio est, quod maiores & peri-
culosiores morbi reservantur peritioribus medicis: ita olim in Ec-
clesia quicquid graue erat Episcoporum iudicio reservabatur. Se-
cundū de hac re istud sit, hac reservatione fieri, vt absolutio refer-
uatorum ab inferiori nulla sit: subtrahitur enim per illam iurisdi-
ctio illi in reservata. Itaq; non plus agit, quàm si nō subditum ab-
soluat. Quare qui in audiendis confessionibus versantur, sicut te-
nentur scire, an quos audiūt sibi sint subditi: ita tenentur scire quæ
peccata sint superioribus reservata: alioquin nō est dubium ipsos
grauiter peccare, exponētes se periculo vſurpandi iurisdictionem
alienam, & quos audiunt exponunt periculo deceptionis, vt pu-
tent se absolutos cum non sint. Cæterū quid circa hoc eos scire
oporteat, scribunt latius summiste in verbo, Casus: & Caietanus
breuiter complexitur, quamuis in communi, Duo itaque in vni-
uersum

Inferioris sa-
cerdotis ab-
solutio à
peccatis re-
seruatīs inef-
ficax est.

versum sunt notanda. Primum, Papæ nihil reservari nisi propter excommunicationem: sunt tamen multe excommunicationes Papæ nihil ei reservatæ, quas tenentur scire qui limitatam habent potestatem audiendi confessiones. Ponuntur à summis omnibus in verbo, nisi propter excommunicationem, & diligentius à Caietano. Illud circa hæc sciendum, quod si absolutus fuerit ab excommunicatione Papæ reservata aliquis, iam de peccato absolui potest ab inferiori, cum solum ratione excommunicationis reservatum fuerit peccatum.

Secundum istud est, casus reservatos Episcopis non esse certos, sed in qualibet diœcesi Episcopum posse pro suo arbitrio id facere: quare eorum statuta, & consuetudo cuiuslibet diœcesis agnoscenda est & servanda. In extra vaganti quadam constitutione, uati nō sunt quæ incipit: Inter cunctas, quatuor dicuntur Episcopo de iure reservari. Peccatum clerici propter quod incurrit irregularitatem: ubiq; iidem. Crimen incendiarii: peccatum omne propter quod solennis penitentia indicenda esset, hoc est publicum, & omnem ecclesiam scan- dalizans: quod quidam dicunt de graui & scandalosa blasphemia: uati denique omnis excommunicatio maior. Ex quo etiam patet, oportere eos qui confessiones audiunt, casus maioris excommunicationis agnoscere, casus quoq; irregularitatis clericorum: quæ omnia à summis latius traduntur. Neq; est opus hæc omnia recenti memoria tenere, sed in cōmuni saltē & in confuso agnoscenda sunt, ut cum occurrat vel casus vel dubium, possint iura consuli & eorum periti, quæ reuera innumera sunt & varia. Adduntur etiam ex consuetudine quidam alij casus: scilicet homicidium voluntarium: crimen falsarij: violatio Ecclesiasticæ libertatis vel immunitatis: Sortilegium: Diuination &c. Sed præter hæc multa alia episcopi consueuerunt reservare: quæ tamen scribunt multi non esse reservata religiosi priuilegium à pontifice habentibus audiendi confessiones, sed illa tantum, quæ in constitutione de qua diximus expressa sunt. Notant etiam doctores circa hoc, non facile Episcopum debere reservare casus: & postq̃ referauerit, facile concedere ipsos iam reservatos propter infirmitatem pusillorum vel pauperum, qui non possunt facile adire superiores: quod maximè in reservatione Romano Pontifici custodiendū, quam nō possumus negare multa consideratione debere fieri, & diligēter caueri, ne sit in onus graue subditorū: aut in periculū conscientiarū. Cer-

DE MINISTRO

tum est in antiqua Ecclesia aut nulla, aut pauca fuisse reseruata Romano pontifici. Quilibet Episcopus in sua diocesi erat arbiter: sed non propterea hoc omnino reiiciendum est aut contemnendum à veris & consentientibus filiis Ecclesie, quod credendum est necessarijs causis cœpisse, & deinde firmatum esse consuetudine. Si quid igitur circa hæc occurreret difficile, consulendi sunt superiores: à Parochis quidē Episcopi, ab ipsis vel Archiepiscopi vel pontifex: et non statim mittendi Romam subditi, præcipuè infirmi aut pauperes, aut verecundi. Multa sunt circa hæc considerata. Vnde Gerson in tractatibus quibusdam & epistolis de hac re dicit: Peccata interiora vel occulta nō debere reseruari propter multa pericula & scandala infirmorū: nec puerorum (inquit) peccata: deniq; & consultum putat, non tantum absolutionē peccatorum permittendam, sed etiam dispensationē multorum votorum, quæ à pueis, vel leuitate aliqua sunt: cum tamen cōmuniter nulla dispensatio permilla sit inferioribus. Hæc de reseruatione casuum, quæ propter necessariam iurisdictionē dicta sunt, sufficiant, vt admoniti sint sacerdotes hæc sibi in speciali agnoscenda esse.

LECTIO SEXTA.

De eodem, scilicet ministro huius sacramenti, & necessarijs illi.

Excōmunicatus nemi-
nem potest
absolvere, &
si tentet, irri-
ta est abso-
lutio.



X prima propositione præcedentis lectionis, qua duo necessaria ministro diximus, Ordinem & iurisdictionem, sequitur, etiam ab excommunicato sacerdote non posse absolutionem fieri. Hūc enim manifestum est priuatum esse omni vsu iurisdictionis: separatus. n. & præcisus est ab Ecclesia: itaque verè deest illi iurdictio, sicut dist. 19. 4. à nostris docetur, non posse videlicet vti clauē excommunicatum. Certum est excommunicatum priuatum esse iurisdictione & superioritate: Hæc enim cum (vt proba-

probatum est) non conferantur per sacramentum ordinis, sicut potestas consecrandi, sed per electionem aut commissionem qua praeferitur aliquis plebi: per prohibitionem Ecclesiae ita auferri possunt, ut non tantum ea prohibente illicitè usurpentur, sed ut omnino irritum sit quod ex illorum usurpatione agitur. Si itaque excommunicatus aut etiam degradatus consecret, peccat quidem, sed perficit sacramentum: quia illa potestas ab eo auferri non potest: sed non absoluit: quia illa potestas fuit ordinis sacramento collata, hæc non. Eadem ratione verò quidem est baptizmus ab excommunicato collatus, etiam si illicitè conferat: non tamen valet absolutio quam impendit. Et huc videtur pertinere quod Gratianus dicit. 24. quest. 1. cap. Subdiaconus. Sacramentum enim poenitentiae, cuius proprius effectus est conciliatio peccatoris Deo & Ecclesiae, quomodo conferri potest ab eo qui separatus est ab Ecclesia? Nam baptizatus ab hæretico per impositionem manus, & reuera per hoc sacramentum reconciliatur ecclesiae: hoc igitur sacramentum nullum est, nisi ministerio ecclesiae susceptum. Duo itaque certa esse debent in hoc articulo. Primum. Nullo casu licere ab excommunicato absolui, nisi beneficio speciali & concessione ecclesiae. Secundum. Quod si id fiat, sacramentum nullum est: sicut nec est sacramentum suscepta absolutio à non habente iurisdictionem.

Quod verò dicimus beneficio & concessione Ecclesiae licitum esse ab excommunicato absolui, & ita absolutionem valere, fit primum propter moderationem Concilij Constantiensis ad evitanda scandala &c. In quo Concilio permittitur, ut ab excommunicato generaliter non denunciato sacramenta suscipiantur, sicut ut illi communicetur in omnibus: quæ moderatio saluberrima fuit: & non aliud agit quàm ut virtutem illam sententiae excommunicationis, qua auferitur omnis iurisdictio excommunicato, suspendat usque ad denuntiationem. Vbi tamen diligenter considerans iura Hadrianus in 4. & hunc articulum tractans, notat moderationem illam locum non habere in eo qui nominatim excommunicatus est, etiam si non sit denunciatus: quanquam Caietanus & alij indifferenter videantur loqui: sed certè conciliū tantum dicit de generaliter excommunicatis: ante quam moderationem publicè excommunicatū præcipiūt iura vitari ab omnibus: similiter occultè vitandū præcipiūt ab eo qui novit eū excommuni-

Ex decreto
concilij Cō-
stantien. ge-
neraliter ex-
communica-
tus & nō de-
nuntiatus ef-
ficaciter ab-
soluit.

catur, in cap. Cùm ab homine, de sentent. excom. Et certè nulla ratione hoc potest negari cùm tam apertè iure ipso probetur. Diximus illud etiam secundò propter eum qui ignoranter ab excommunicato absoluitur: nam communi beneficio iuris, cùm communiter ignoratur excommunicatus, et alioqui sustinetur ab Ecclesia in administratione huius sacramenti, efficax est absolutio per eum facta: vt videlicet si parochus aut vicem eius tenens, aut denique qui ab Episcopo potestatem habet audiendi confessiones, sit excommunicatus, & ignoretur. Ceterùm extra hos duos casus non dubitandum est non minus esse inualidam confessionem & absolutionem, quàm quæ sit alieno sacerdoti. Explicat hæc Caietanus in titulo, Absolutio à peccatis, in fine.

Vniuersa hæc quæ dicta sunt, & ex quo de ministro necessario huius sacramenti loquimur, pertinent ad potestatem & iurisdictionem. Sunt verò & alia necessaria ministro huius sacramenti, quæ sunt meritò consideranda: de quibus videatur Caietan. in verbo, Confessor, in principio: vbi præter potestatem ordinis & iurisdictionis tria alia necessaria ad rectè absoluendū inuenies: videlicet scientiam, prudentiam, & bonitatem: nam de sigillo agendum est postea, de quo ibidem Caietan. De his itaque tribus in speciali dignum est paucis dicere, quomodo videlicet necessaria sint & quanta.

**De scientia
confessori
necessaria.**

De scientia quidem non est opus multis nunc agere, & ex his quæ in principio huius nostri operis dicta sunt, & ex constitutione illa concilij Lateranensis, Omnis vtriusque sexus, manifestè constat, oportere eum qui audit confessiones, habere scientiam discernendi grauiora à leuioribus (in qua multa continentur) & medendi infirmitatibus animarum: quod ita intelligendum ibi Caietan. meritò docet, non vt omnia illa in promptu habeat & recenti memoria: sed vt vel dubitare possit cum occurrerit casus, modò communia & certa certò sciat. Verùm meritò circa hoc dubitatur, an huius scientiæ defectus irritum reddat sacramentum? ita videlicet, vt neque confessio neque absolutio valeat, sed sit iteranda? nec facile in hac referenda est sententia. Sunt qui putent, quod si sacerdos nesciat an confessa sibi peccata mortalia auenialia sint (intelligamus hoc de communibus & manifestis) non magis valet absolutio aut confessio, quàm si ipsa non audiret, quia nimirum aut surdus est, aut alieno idiomate ei dicuntur:

**An confessio
indocto sa-
cerdoti facta
sit irrita.**

ita enim hic ignorans nescit peccata, quanquam sciat ea quæ sibi dicuntur. Alijs videtur hoc nimis durum. Nam si imperitus omnino iudex proferat sententiam, valet quidem: & si casu iustam proferret (vt fieri potest) etiam probaretur à superiori: si igitur ignorans sacerdos cõtritum verè coram Deo, nesciens quidem quod agit, sed tamen absoluat: non videtur quare non sit rata absolutio. In hoc ergo discrimine certè non paruo (atque vti nam raro) Cæcetanum moderatio (quam ille in titulo, confessionis iteratio, in fine ponit) videtur tutior. Putat quidem ille ad necessitatem sacramenti requiri, vt sacerdos communia illa sciat: tamen an ex ignorantia absolutio sit nulla, arbitrio & conscientie cuiuslibet relinquendum putat. Nonnunquam ignorantia confessoris adiuuatur ab ipso pœnitente qui doctior est, vel certè tam promptus, vel tam contritus, & tam plenè suam exoneravit conscientiam, vt illi nihil maneat dubij: cæterum (inquit ille) tanta potest esse ignorantia vtriusque, vt ipse pœnitens intelligat se non confessum, hoc est, nec intellexisse conscientiam suam, nec in quibus peccauit, nec denique quicquam aliud, quàm quod quædam sua facta recensuerit: & tunc non dubitandum est illum debere iterum confiteri. Sunt quædam scrupulosiores conscientie & timidiore, quæ non debent dubitationibus his credere, & id quidem consilio doctorum: at qui ignorantem confitetur, meritò timere debet. Certè aut absolutio est nulla, aut valde dubia & ambigua, & non nisi casu valida. Quare inter cætera hoc præcipuè curandum. Tanti fieri debet necessaria hæc scientia sacerdotis, vt cum deest apertè iura permittant subdito, etiam sine licentia parochi ignorantis, alteri confiteri, vt Magister sententiarum citat distinctione 21. 4. & habetur cap. placuit, de pœnitent. distinctione 6. Quod de tali ignorantia non dubium est intelligendum esse, quæ prius necessaria scientia cognoscendi peccata. Sunt quidem (vt ibidem beatus Thomas & Bonauentura) alij casus, in quibus, etiam renitente proprio sacerdote, alteri posset quis confiteri: vt si graue scandalum timeatur ex confessione illi facta, aut ipse sollicitator sit ad malum, vel reuelator confessionum: sed interim nullus certior, quàm cum ignorans est. Itaque satis hinc apparet, quatenus sit necessaria scientia.

Prudentia verò quanta & ad quid necessaria sit, explicatur eo loco diligenter à Cæcetano. Est enim necessaria ad quatuor: vt

Art. 3 scilicet

DE MINISTRO

De prudentia necessaria ei qui confessiones audit.

scilicet ad aperiendam conscientiam suam inducatur peccatori in quo non parua industria opus est cum infirmis & ignorantibus. Admonet de hoc multa Gerson in specialibus tractatibus. Deinde opus est singulari prudentia ad interrogandum & inquirendum de his, quæ necessaria sunt ad discernendum mortalia à venialibus, utq; id fiat sine scandalo infirmorum, ne scilicet admoneantur de quibus alioqui non cogitent. Tertio ad inducendum pœnitentem ad veram contritionem & dolorem peccatorum: & prudenter iudicandum an verè id fiat, in neutram partem declinando. Vbi etiam illud Pauli obseruandum: Nemini citò manus imposueris: hoc est enim communicare peccatis alienis, & (vt supra diximus) viuificare animas quæ non viuunt. Quàto denique necessaria est prudentia ad conuenientem imponendam satisfactionem, & adhibenda remedia salutaria ac coaptata morbis atque conditioni infirmi. Hæc si considerentur, terere possunt, & verè detertere ab audiendis confessionibus etiam non indoctos nec imprudentes. Nam hæc omnia requirunt (vt apertum est) scientiam, quæ ex lectione & disciplina doctorum paratur: & experientia, quæ exercitio ipso virtutum & expugnatione vitiorum acquiritur: & denique speciale Dei donum. Quare non possumus aliter credere, quàm non posse sine graui periculo ab aliquo huic muneri intèndi, audiendis scilicet confessionibus & absoluendis peccatoribus, nisi assidua lectione scripturæ & patrum, & diligenti auditione ac consultatione peritorum. Qui aliter agunt, & non solum inexperti & indocti, sed nihil hæc curantes, hanc quam Gregorius vocat artè artium suscipiunt, nescimus quam rationem reddituri sint Deo, & quomodo excusari possint. Verùm fateamur exactè & perfectè rarò ista inueniri, nec quenquam tantum sibi fidere debere, vt putet in his perfectum se esse. Timorati post diligentem operam circa hæc omnia, timore & oratione se muniunt antequam audiant confitentem (vt dignè id efficiant) & post, vt suppleat Dei misericordia quod defuit. Et quidem fieri potest, vt defectu horum nonnunquam confessio ipsa & absolutio nulla sit, quia vel defuit contritio, vel sufficiens explicatio peccatorum: si tamen nihil horum deesset, idem videtur dicendum quod de scientia diximus.

De conscientie puritate necessaria ad audiendas confessiones,

Bonitas verò siue conscientie puritas necessaria est in administratione cuiuslibet sacramenti, vt supra dictum est: non tamen defectus

63

63 63 63

63 63 63 63

defectus huius aut confessionem nullam reddit, aut poenitentem ipsum obnoxium culpæ, tum simpliciter accedit ad eum, qui in Ecclesia toleratur: quod de excommunicato etiam superius diximus. Sunt nihilominus peccata quædam aut adeo scandalosa, aut tam contraria huic sacramento, ut (quod paulò ante admonuimus) propter illa liberum sit etiam proprium pastorem relinquere, & alium (si ipse tam iustam noluit concedere facultatem) etiam eo inuito adire: ut si ad malum prouocet, vel reuelator sit confessionis: & certè vita publicè scandalosa & perditæ meritò potest istis adnumerari: in quibus omnibus præcipua cura est habenda salutis animæ propriæ, nec debet dispositio aliqua positiui iuris impedire. Sunt nonnulli doctorum nimium propensi in fauorem & auctoritatem conciliandam proprijs prælatis & pastoribus, iuste quidem id, sed videndum ne interim faueatur supercilio, quod Hieronymus reprehendit, & minus consulatur saluti infirmorum, cui semper credendum est & leges & superiores fauere voluisse. Alij etiam nimium in alteram partem declinant, libertatem dantes poenitentibus adeundi meliores: quod si puro zelo salutis animarum fiat, laudandum est: sed cauenda pericula infirmorum, non tam ouium, quam pastorum etiam. In omnibus itaq; seruandum, ne quid nimis: & in his putamus locum habere æquitatem & moderationem prudentium, maximè cum superiores haberi non possunt, aut intenti sunt longe alijs rebus. Ex his itaq; putamus constare, quantum satis sit, quod pertinet ad ministerium huius sacramenti. Nunc ad ea quæ ipsi sacramento & confessioni necessaria sunt accedamus.

LECTIO

DE NECESSARIIS CONDITIONIBVS LECTIO SEPTIMA.

De necessarijs conditionibus Con- fessionis.

q. 3. art. 4.

Non omnes
conditiones
confessionis
sunt æquæ
necessariæ.

q. 3. art. 4.

Quatuor cō-
ditiones cō-
fessionis cō-
munes sunt
omni perfe-
cto actui
virtutis.



QVALIS esse debeat confessio hæc pecca-
torum meritò quaeritur à doctoribus, schola-
sticis quidem dist. 17. 4. & à summistis in
hoc verbo, Confessio, positæ sunt 16. cele-
bres conditiones confessionis, quas breuiter
attingemus, vt à beat. Thom. supradicto lo-
co. Sunt igitur illæ conditiones positæ à do-
ctoribus considerantibus quid vndique ad confessionem concur-
rat, & quid illi necessarium sit vt integrè, perfectè, & cum magna
laude fiat, vt scilicet decet tale opus tanti fructus, & tam acceptū
Deo fieri. Quare multæ eārum etiam si non seruentur, non pro-
pterea aut nullam reddent confessionem, aut grauiter reum effi-
cient confitentem : deerit quidem aliquid ad exactissimam ratio-
nem confitendi, interim tamen sustinendum in iuirmo. Sunt ta-
men nonnullæ necessariæ omnino, quæ nullam reddunt & con-
fessionem & absolutionem, si desint. Hæc sunt meritò diligentius
consideranda. Primò itaque explicemus quā breuissimè om-
nes, deinde has tam necessarias eligamus, vt circa eas etiam neces-
saria explicentur.

Illæ igitur 16. conditiones (quas diximus) sic à beat. Thom.
illo loco probantur & explicantur : & post illum diligenter etiam
explicantur à Caietano & alijs summistis in verbo, Confessio.
Quatuor itaque earum communes sunt omni perfecto actui vir-
tutis. Nam (vt in proprio loco diximus) omni actu virtutis qua-
tuor opus est vt habeat conditiones, virtutum scilicet omnium
cardinalium. Fiat itaque opus est à volente & sciente (inquit phi-
losophus) propter hoc, hoc est, non inuoluntariè neque coactè,
prudenter, & propter debitum finem. Certum est quicquid aliter
sit, etiam si bonum sit, non tamen bene factum esse. Additur
quantum,

quantum, vt constanter, animo scilicet immobili nec leuiter ab ipsa virtute separabili. Hæc igitur quatuor in confessione seruanda sunt, si laudabiliter & studiose fieri debeat: quæ his verbis significata sunt: Libens, hoc est, non ex timore humano, præcipue infamix vel alterius incommodi, sed vero salutis propriæ desiderio. Vbi etiam mirandum non erit, nec reprehendendum statim, si aliquid horum moueat vel cogitetur (præcipue timor æternæ damnationis) aut si nonnihil grauatim suscipiatur confessio, modò tamen vera deliberatio animi sit, Deo velle obedire & salutis suæ consulere. Secunda est, discreta, hoc est, vt prudenter fiat & in peccatis recensendis, & in modo, & in querendo prudente confessore, inquit Caietan. Tertia, vt sit pura, hoc est, inquit b. Thom. propter rectum finem: quanquā Caietan. aliò detorqueat, puram dicens, nõ mistam impertinētibus. Quarta deniq; fortis, hoc est (vt diximus) constanti animo, & qui non verecundiā aut respectu alio quicquid taceat eorum quæ confitenda sunt. Hæc itaq; quatuor sicut omni virtute, ita specialiter confessioni sunt necessaria. Sequuntur iam bet tres cōditiones alix conditiones, quæ confessioni accedunt ex virtute poenitentix: est enim illa poenitentix actus, vt ostensum est: poenitentia verò incipit (inquit b. Thom.) à verecundia, quæ ex cognitione turpitudinis peccati nascitur: progreditur ad dolorē de ipso peccato, et terminatur in humilitate ac suis ipsius deiectione. Confessio igitur fiat verecundè & apud se, & coram ipso confessore: fiat cū dolore & cum contritione, hoc est (vt dicunt) sit lachrymabilis. fiat deniq; humiliter cum vera sui deiectione coram Deo & Eccle siæ illo iudicio. Accedunt tertio loco quatuor alix conditiones propriæ confessionis ipsius, quæ cum non sit aliud quàm manifestatio cordis, hoc est, infirmitatum & vulnèrum eius, opus est vt habeat quod omnis recta manifestatio requirit. Primò scilicet veritatem, hoc est (vt dicunt) sit fidelis: deinde perspicuitatem, ne obscura sit inuolucris verborū, quam vocant nudam: tertio simplicitatem, ne scilicet aut rethoricis coloribus, aut alijs minus ad rem pertinentibus, aut deniq; multiloquio aliquo vel ornatur vel oneretur: hanc vocant simplicem: quarto deniq; vt sit integra, nihil omittens eorū quæ ad illud iudiciū pertinent. Quæ quatuor si seruentur, perficitur manifestatio peccatorū vt in tali iudicio conuenit. Sed quoniam confessio etiam pars est sacramenti, per eam iudicio sacerdotis poenitēs subiicitur: tria alia op^o est vt habeat huic

Confessio
libens.

Discreta.

Pura.

Fortis.

Cōfessio ha-
bet tres cōdi-
tiones à vir-
tute poeni-
tentix.
Verecunda
Lachryma-
bilis.
Humilis.

Confessio ha-
bet 4. pro-
prias condi-
tiones.
Fidelis
Nuda.
Simplex.
Integra.
Cōfessio qua
ratione est
iudicio

DE MINISTRO

pars sacramē iudicio necessaria. Primum, vt se accuset, & tanq̃ reus & sui ipsius
ti pēnitentiæ accusator accedat pēnitens. In hoc enim iudicio sic impetratur
& tres habet absolutio, per sui scilicet accusationē. Sit itaq; accusans ipsum qui
conditiones. confitetur. Secundò ad hoc iudicium pertinet, vt sit secreta. Non

Accusans. enim ex huius iudicij conditione tenetur vel corā testibus, vel per
Secreta. literas confiteri pēnitens: sed ita duntaxat, vt soli iudici loco Dei
fiat nostra confessio. Vltimò opus est vt parata sit pēnā & satisfactiōē
subire in illo iudicio moderandā: de quo suo loco dicemus:

Parere pa- sit ergo parere parata. Hæc si rectè considerentur, ostendunt con-
rata. fessionem quæ ista habuerit, esse vndique perfectam, nihilq; ei de-
esse quod ad rationē virtutis, vel pēnitentiæ, vel iustæ manifesta-
tionis, vel deniq; humilis subiectionis clauibus Ecclesiæ pertineat:
quæ omnia 14. qualitates & conditiones confessionis sunt. Dux

Dux cōditi- reliquæ conditiones adduntur non tam necessariae quàm vtilēs,
ones confes- atque ideo quas obseruare consultum valde erit, non verò neces-
sionis vtilēs, sarium. Vt videlicet sit frequens & accelerata: vt si sæpius pecca-
non necessa- tum fuerit, non pigeat etiam sæpius confiteri: vel etiam cum ad
riæ. sui humiliationem opus est, aut ad querenda remedia, eadem pec-

Frequens. cata etiam non sit durum sæpius confiteri. Acceleratam verò di-
Accelerata. xerunt, ne diutius differatur remedium tam lethalis & periculosi
vulneris. De quibus duobus superius diximus, ostendentes quan-
do sit necessarium confiteri, & quid sentiendum de iterata eorun-
dem peccatorum confessione.

Sint igitur nobis hæ conditiones sic explicatæ, ne ignorentur
omnino: & ne ignorentur ab alijs, expedit eas docere, & virtutis
huius pulchritudinē ostendere: è contrario quoq; defectum & in-
conuenientē formam, & (vt ita dicamus) faciem minus dignam
virtute. Cæterum ex his eligendæ sunt quæ omnino necessariae iu-
dicantur, sine quibus nec confessio ipsa, nec absolutio quicquam
valet: & de his diligentius agendum in sequentibus. Sunt itaq; tria
maximè necessaria confessioni. Primum meritò inter cætera, vt sit
cū contritione & dolore: lachrymabilis, inquit. Cuius defectus
magna ex parte vel nullū reddit sacramentum ipsum, vel fructu
eius & vtilitate priuat. Secundū integritas est: vt scilicet, nihil omit-
tatur. Vbi & de veritate necessaria simul dicendum est. Et quidem
hæc duo ad integritatē sacramenti & fructum percipiendum præ-
cipua sunt. Tertium verò respicit vel iudicē ipsum, vel iudicij mo-
dum; vt scilicet sit secreta; de quo etiam vltimò agendum est.

Tres condi-
tiones con-
fessionis om-
nino neces-
sariæ sunt.

De

De contritione igitur dictum est superius absolute, non in ordine ad sacramentum, hoc est, ut coniuncta confessioni, & ordinata ad Ecclesie claves, atque illis subdita: de quo merito nunc agendum est: quomodo scilicet in confessione ipsa (quæ non est aliud quàm subijcere se clauibus Ecclesie) necessaria sit cōtritio. Duo igitur de hoc inter scholasticos disputantur. Primum, an confessio sine contritione valeat? ita videlicet, ut subsequuta absolutione sacramentum verum perficiatur, ut neutrum oporteat repeti & iterari? Secundum, an qui confitetur sine contritione, satisfaciatur saltem illi præcepto Ecclesie in cap. Omnis vtriusque sexus? Et circa vtrunque sunt longè diuersæ sententiæ, cum tamen non sit parum ad salutem necessarium de quo disputatur. Dicamus igitur de singulis.

Prima igitur quæstio est de confessione informi siue ficta, an De confessio valeat? Informem quidem vocant, quod illi desit peccati remissionem informi, siue, atque ita diuinæ gratiæ infusio: hæc est enim virtutum & operum hoc est, quærum hostiorum omnium forma, et in confessione specialiter (quæ fit sine peccati pars sacramenti est) constat perfectionem esse, quam ex absolutorum remissione & fructu eius habet. Si quis igitur ita confiteatur, ut nec sine gratiam nec remissionem peccatorum habeat, etiam si absoluitur, informe est quicquid agitur. Rursum quoniam non remitti peccatum in hoc sacramento, non aliunde esse potest, quàm ex defectu veræ pœnitentiæ & contritionis: hanc fictionem vocant. Quod enim exterius agitur ab eo qui confitetur & petit à peccatis Confessio est absolui, ostendit veram pœnitentiam: quæ si non sit, est simul informis & latio, fictio, atq; falsitas. Itaq; omnis informis confessio ficta est, & ficta ob de omnis ficta informis est: & vtraq; talis est ob defectum contritionis: de qua merito proposita est hæc dubitatio. tritionis.

De qua quæstione sunt duæ extremæ sententiæ. Prima (quam tribuunt quidam beato Thomæ) tria asserit. Primum, confessionem sine contritione, quamdiu sic manet infructuosam esse, nec per illam, etiam absolutione secuta, peccatum remitti: quod manifestissimum est ex ipsa vocum significatione. Si enim est informis, non remittitur peccatum. Secundum, confessionem illam nihilominus validam esse, & cum absolutione secuta verum sacramentum complere: quare non est iteranda, etiam fictione deprehensa. Tertium denique, illud sacramentum habere effectum suum & operari, cū defectus & fictio illa deprehensa deleta fuerit

DE CONFESSIONE

Sentētia eorū qui dicūt ex cōfessione informi & absolutione perfici sacramentum, neq; repetendam talem confessionē.
9.3. ait. 4.
9.4.

vera contritione & confessione, aut cum superueniente diuina gratia peruenit homo ad perfectum dolorem. Ex quibus cum primum (vt diximus) manifestum per se sit, & tertium ex secundo sequatur : in secundo probando tota difficultas sita est. Sic verò ex dictis à b. Thom. dist. 17. (vbi hoc tractat) probatur. Sine contritione potest pœnitens se ostendere atque subijcere Ecclesiæ iudicio & clauibus : sed hoc satis est ad confessionis veritatem (nec enim ob aliud illa fit) erit igitur vera confessio, & si quidem subsequatur absolutio, verum sacramentum. Sumitur hæc ratio ex b. Thoma illo loco : quanquam non possit dici ipsum tenere vniuersaliter hanc sententiam. Potest (inquit) esse sine contritione valida confessio : non tamen dicit semper validam esse. Confirmatur tamen illa ratio etiam ex sacramento baptismi, quod ex Augustini & Ecclesiæ sententia constat à ficto sine contritione, imò & cum voluntate peccandi integrè sumi, licet non quò ad fructum & remissionem peccati. Ex quo certè satis efficaciter arguitur, quòd cum non minus nec magis ad remissionem peccati ordinetur baptismus quàm pœnitentia, cum proprius eius effectus sit remissio peccati, & tamen sine illa contingit perfectum esse : quare non etiam pœnitentiæ sacramentum perfectum erit sine remissione peccati ? Ad baptismum enim eadem ratione non minus requiritur contritio (vt suprà diximus, & apertè scriptura docet, Petro dicente : pœnitentiam agite, & baptizetur vnusquisq; vestrū) & tamen cum deest, perficitur sacramentum : quare ergo non similiter pœnitentia ? Iam si sacramentum perfectum est : cum iuxta primum nihil proprii effectus fuerit operatum, nec tamen repetendum iuxta has rationes : operabitur ergo postea : alioqui frustra diceretur sacramentum esse. Sit igitur hæc prior sententia.

Sentētia eorum qui dicunt confessionem informem repetendam esse, & quare.
Gabriel.
Hadrianus.

Secunda huic ex diametro opposita in altero extremo, quam Scotus & posteriorum multi sequuntur, hæc est : Confessionem omnem, etiam absolutioni coniunctam, sine vera contritione & remissione peccati nullam esse, atque ideo repetendam : in cuius confirmationem multa dicuntur, nec parum habentia probabilitatis. Primum (quod magis morale est) quaerunt, an qui confiteatur, suam illam fictionem & contritionis defectum confiteatur & manifestet, an non ? Si quidem illam manifestat : cum in ea permaneat, notum est absolucendum non esse, & absolutionem omnino

nino repugnare rationi ipsius iudicij. Iudicium enim hoc poenitentiz & clauium sacerdotalium ex natura sua hoc habet, vt feratur sententia iuxta illud quod ex confessione rei constat: quod si contra id proferatur sententia, repugnat iudicio, & ideo necesse est nullam esse. Hoc satis ex his quæ superius diximus iuxta patrū sententias de illis verbis: Quicquid solueritis &c. probatur. Constat apertè Hieronymum & alios asserere sacerdotem nihil efficere, nisi iuxta Dei iudicium. Itaque cum reus se & imparatum & indignum absolutione ostendit: nihil fit si absoluitur. Si verò illam suam fictionem non confitetur, inquit: irritus est sacramenti, nec veraciter confitetur: Probatio. Quod si cum confitetur fictionem, nulla est confessio: multo magis cum non confitetur. Hinc proceditur ad alia, & disputatur de diuersarum fictionum rationibus, de quibus suprà, cum de sacramento baptismi ageretur, aliquid diximus. Notum est fictionem illam quæ sacramento baptismi repugnat, ipsum nullum reddere: vt si baptizetur intendens nihil omnino suscipere, sed irridere: nullum est sacramentū. Ceterum alia posterior fictio, quæ sacramento non repugnat, sed alicuius effectui, vt remissioni peccati, non reddit sacramentum nullum: quæ omnia verissima sunt. Ex quibus arguunt, quod in sacramento poenitentiz fictio, quæ remissioni peccati opponitur (qualis est hæc de qua loquimur) nullum ipsum reddat, eò quod in hoc sacramento nihil aliud agatur, quàm remissio peccati. Per baptismum in peccato susceptum annumeratur baptizatus familiaris Ecclesie, & fit capax suscipiendorū aliorum sacramentorum: quæ omnia ante remissionem peccati sunt: Hic verò nihil est aliud, quàm remissio peccati. Deinde pergunt ad inquirendum, vnde absolutio, quæ cum fieret, sine fructu erat: postquam transijt, iam operari possit, cum nihil reliquerit in anima absoluti? Nam baptismus (inquiunt) operatur recedente fictione per characterem illum, quem imprimit animæ indelebilem, etiam in damnatis ipsis: poenitentia verò nihil relinquit: Vbi confugiunt alij ad quendam ornatum animæ, asserentes, quod sacramenta omnia fide suscepta operari possunt recedente fictione, eadem ratione qua baptismus: atque ideo volunt, vt quæ characterem non imprimunt, imprimāt quandam dispositionem in anima & quendam ornatum, cuius virtute postea, recedente fictione, operetur gratiam: Sed quia reuera nec scripturæ nec patrum auctoritate probari potest hæc dispo-

DE CONFESSIONE

fictio siue ornatus, meritis iudicatur figmentum: Quod si ita est, fortior erit ratio huius sententiae, quod non possunt haec sacramenta, postquam semel sine fructu perfecta sunt, postea operari. Restat igitur ut nulla sit talis confessio, maxime cum nec illud de baptismo, quod recedente fictione operetur, omnes recipiant. Scotus enim plane negat. Non (inquit) baptismus operatur, sed ipsa confessio & contritio, quia deletur fictio, ut August. inquit, tunc incipit valere, cum veraci confessione deleta fuerit. Multo igitur magis in hoc sacramento confitenda est ipsa fictio, & certe omnia peccata, quae fictus contritione & dolore carens confessus est: nullum enim fuit sacramentum.

Media sententia quae probatur.

Inter haec duo, quae verè extrema sunt, tenenda est sententia media, quem omnes prudenter aestimantes sequuntur: ut sit videlicet defectus aliquis contritionis reddens confessionem omnino inualem: nec tamen omnis defectus talis sit: quod (ut diximus) b. Thom. supradicto loco manifestè ostendit. Nam non omnem confessionem informem aut sine contritione validam esse, necessariò dixit: sed tantum posse esse, in aliquo videlicet casu. Sed & multi qui contra illum docent, hoc ipsum non negant: quare reuera neutrum horum extremorum tribui potest b. Thomae, vel Scoti, vel certè alicui alteri doctorum. Nullus. n. credit omnem absolutionem & confessionem, in qua non verè remittitur peccatum, nullam esse & iterandam: Similiter nullus existimat nunquam quod defectum contritionis irritam effici poenitentiam, & ita iterandam esse. Tantus potest esse defectus, ut manifestum sit irrationem fuisse, non confessionem. Rursus tam paruus potest esse defectus, ut nec agnoscì possit: quo casu nullus dicit repetendam confessionem: hoc enim esset perpetuò sollicitum reddere poenitentem de confessione iteranda. Ut igitur in hac re non parum necessaria saluti, quid senserint qui diligenter de ea scripserunt, & quid sentiendum sit, habeamus: tractanda est hoc loco alia quaestio, ex qua intellectus huius magna ex parte cognoscì possit. Est igitur hoc loco Scoti & quorundam aliorum sententia consideranda, quam illi putant dignam valde esse, & dignitate legis gratiae, & saluti animarum utilem. Dicunt enim per sacramentum poenitentiae, etiam sine contritione perfecta peccatum remitti. Ita disc. 14. & nonnullis alijs eiusdem libri locis, ad efficaciam huius sacramenti & dignitatem, ac ad legis gratiae suauitatem dicit pertinere, ut non tantum

per

Explicatur sententia eorum qui dicunt per sacramentum poenitentiae sine perfecta contritione peccata remitti.

per contritionem & integram pœnitentiam remittantur peccata ante baptismum vel post (sicut reuera remittebantur in ipsa veteri lege) sed oportere vt Christus faciliorem & certio rem viam salutis nobis aperuisse credatur, vt æquum est credi per institutionem sacramentorum (baptismi maxime & pœnitentiæ) hoc addidisse, quod magnæ misericordiæ & gratiæ est, vt videlicet sola horum sacramentorum voluntaria susceptio sine obice contrario gratiæ, hoc est, sine peccato actualiter, vel opere, vel voto commissio, sola (inquã) hæc susceptio sufficiat ad remissionem peccati: quod ille multis rationibus contendit: vt scilicet hoc modo potestas clauium & absolutio sacerdotis veraciter remittant peccatum, & lex gratiæ securiores nos reddat & certiores de salute nostra: alioqui (inquit ille) quid nobis ultra attulit Euangelium quàm lex, si necessaria est etiam cum sacramento contritio? Et quod maxime hoc videtur confirmare, est ratio ex baptismo sumpta. Duplici enim via (inquit) non baptizatus iustificari potest. Altera, contritione & pœnitentia: quæ in lege veteri atque in lege etiam naturæ iustificabat, nec per baptismum abolita est aut inefficax reddita. Altera verò per susceptionem baptismi, Christo dicente: Qui crediderit & baptizatus fuerit, saluus erit: per susceptionem (inquam) baptismi sine obice contrario. Si enim (inquit) per solam contritionem remittitur peccatum, quare non per solum baptismum? vt sentiamus Christum in institutione baptismi nouam attulisse gratiam, & viam faciliorem salutis aperuisse. Nam si etiam cum baptismo contritio requiritur, nõ solum Christus non contulit nobis maiorem gratiam, sed restrinxit illam, & superaddidit nouum onus contritioni, scilicet baptismum: ita vt & contritus teneatur baptizari, & baptizatus nisi verè contritione habeat, non consequatur veniam: quod multis placet. Nec enim (inquit Hadrianus) perfecta contritio in baptismo necessaria est. Ex quo statim putat inferri, duplici etiam alia via post baptismum remitti peccatum mortale: Pœnitentia videlicet & vera contritione, sicut antea: & susceptione sacramenti pœnitentiæ, in quo non est quare plus dicamus requiri contritionem (virtutem scilicet illam) perfectam: quam in contritione (vt per eam remittatur peccatum) sacramentum. Huius sententiæ fecimus superius mentionem, cum de necessitate confessionis ageretur: quod scilicet esset alia via consequendi veniam peccatorum absq;

confessione;

DE CONFESSIONE

Reprehendi-
tur prædicta
sententia.

confessione: & reprehendimus illam: sed nunc circa hunc articulum est magis consideranda. Nam secundum hanc sententiam sola confessio quæ fit cum proposito vel opere peccati mortalis actualiter, est informis: Et in omni alia cōfessione remittitur peccatum. Et quanquam Gabriel supradicta 14. dist. diligenter conferens Scoti dicta, non nihil in eis contradictionis inueniat: illis tamen omisissis, putat ipse suscipiendum esse sacramentū pœnitentiæ cum aliquo dolore & proposito cauendi, sine actuali contrario proposito, ut remittantur peccata: & tamen non veretur dicere, quod sine omni bono motu animi, sola susceptione voluntaria sacramenti remittatur peccatum. Secundum hunc igitur modum verissimum est, per sacramentum pœnitentiæ non plenè contritū absolui: & non tantum ex attrito fieri contritum per virtutem eius: sed haberi ut contritum apud Deum, quamuis non sit. Nullus itaque defectus contritionis confessionem facit informem: nec vnquam repetenda est confessio, nisi cum actuale peccatum, vel propositum eius confessioni coniunctum est: & tunc iterandam confessionem & nullam esse, nullus est qui dubitet. Illa itaque sententia de semper iteranda confessione informi, non solum non est strictior si huic coniungatur, sed multò latior altera, quæ dicit non iterandam. Iuxta illam enim tantum duo sunt statuendi diuersi gradus imperfectionis & defectus contritionis in remissione peccati. Alter est cum solum deest dolori & contritioni vel debita intensio, de qua dictum est, vel puritas illa finis, de qua etiam diximus, & hic duntaxat defectus, secundum hos doctores: non impedit absolutionem peccati, quantumcumque sit. Alius est defectus contritionis, quando oppositum eius, scilicet voluntas & amor peccati, vel propositum committendi illud, inuenitur: quia videlicet vel actu placent peccata, vel actu proponuntur committenda: qui defectus impedit remissionem peccati, & reuera nullam reddit pœnitentiam: quod proculdubio certum est, & probatur ut efficaciter ratione illa, quæ pro secunda extrema sententia adducta fuit: quod scilicet vel confitetur hunc defectū, vel non &c. Itaque hinc apertissime probatur, esse fictionem & defectum contritionis, qui nullam ipsam confessionem reddit & iterandam. Cæterum quod minor ille defectus nunquam impedit absolutionem, ex illa pendet sententia, quæ putat solam sacramenti susceptionem sine contrario motu, sufficere ad remissionem peccati.

peccati. Si enim sufficit: & absolutio tenet, & perfectum est sacramentum. Ea igitur nunc attentè consideranda: quòd certè magnopere putamus pertinere, vt sana doctrina tradatur populo Christiano. Videndum itaque, an sit hoc credendum, & ita docendum. Ait igitur ille, quòd sola voluntaria susceptio sacramenti sine aliquò bono mentis motu, siue cum quacunque displicentia & proposito, remittat peccatum. Primò igitur hanc sententiam ostenditur suspectam reddit patronorum raritas: nam vix est aliquis aliorū q̃ non sola doctorum, qui eam audeat asserere: deinde neque scripturæ, neque susceptio sapientibus consona, nec animarum saluti & sobriæ doctrinæ con-grameti pœuenit: ostendit maximè præsentēs hæreticos verbum illud, sine pœnitentiæ suffi- bono motu mentis peccatum remitti adulto. Ne igitur hæc sine cit ad remis- ratione videamur dicere, probemus illa. Primò repugnat scri- sionem pec- pturæ, quæ sine fide & conuersione in Deum peccata non remit- cati, absque ti apertè dicit (adultis videlicet: de his enim nunc loquimur) perfecta cō- tritione, atque adeò sine pœnitentia peccati: Nisi pœnitentiam egeritis, tritione, inquit Christus: vbi non loquitur de sacramento. Oportebat ita- que dicere per institutionem sacramenti pœnitentiæ reuocata esse: (quò ad necessitatem) omnia quæ apud Ezechielē de pœnitentia legimus: quod est, illam iam non esse necessariam: & illis omni- bus: Conuertimini ad me &c. iam nihil opus esse: quibus om- nibus nihil potest absurdius dici. Accedit illud (quod apertius est) ex scriptura: Qui non diligit, manet in morte. Et illud: Qui diligit patrem & matrem plus quàm me, non est me dignus. Necesse est enim iuxta illam Scoti sententiam fateri, remissa esse peccata plus amanti aliā quàm Deum: id quod ita sequitur. Remissa sunt ei qui non est perfectè contritus: sed dilectio Dei præ- ceteris omnibus veram contritionem includit: necesse est enim peccatum DEO contrarium præ ceteris magis odio haberi ab eo qui super omnia Deū diligit, vt suprà diximus. Denique seque- retur remissionem peccati non esse veram mutationem animæ contrariam motui peccati. Nam iuxta hanc sententiam non- dum contrito, hoc est, in Deum non conuerso (quòd si nondum in DEVM conuerso: ergo hærenti adhuc, saltē virtute, in peccato) remissum est peccatum. Quod vt apertius ostendatur falsum, ita ex proprijs ipsius dictis contra illum arguamus. Actua- le peccatum impedit remissionem: hoc est, actualis voluntas peccandi (quod ille fatetur) ergo non minus virtualis: qui verò

DE CONFESSIONE

non est contritus perfectè, vt superius probatum est, saltè virtute est auersus a Deo, & est in peccato. Simul itaque erit remissum peccatum, & virtute voluntas hærebit in peccato: quo nihil certè potest fingi absurdius. Longè itaque esse debet à Catholico sensu illa sententia, quæ gignit etiam persuasionem nimiam remittentem animos in contritione, dum, qualitercunque suscipiatur sacramentum, putatur sufficere: & præbet hæreticis magnam ansam calumniandi Catholicos. Nec omittendum quòd hæc sententia non solum nihil plus tribuit Euangelio & sacramentis nouæ legis, sed potius detrahit multum: quod duplici ratione probamus. Primò, quia constituit Euangelicæ legis iustitiam & sacramentorum virtutem in rebus externis duntaxat sine vero cordis motu. Parum itaque refert constituere iustitiam & mundiciam cordis in lotionè aquæ lustrationis Iudaicæ, vel aquæ baptismatis: modò solum illius susceptione, sine verà cordis mutatione credatur vera obtineri iustitia. Erit igitur hæc iustitia pharisaica. Nam si fingamus esse hominem aliquem longiori vitæ tempore sacramentis penitentis & Eucharistiæ participantem, nunquam vero corde & affectu animi quiequam mutatum aut proficientem, illum non solum saluari, iuxta prædictam sententiam, sed neque cum paruo gratiæ diuinæ augmento, credendum est: quo nihil potest dici Pharisaicæ iustitiæ similius. Secundò etiam probatur idem: quoniam qui tribuit sacramentis duos, scilicet virtutem excitandi & mouendi animum ad veram contritionem: secundò virtutem ad sic remittendum peccatum: plus tribuit illi, quàm qui vltimum tantum sine priori attribuit: quod illa sententia Scòti facit. Certe (vt superius probatum est) maioris virtutis est & mouere cor & peccatum remittere, quàm duntaxat sine cordis aliqua mutatione peccatum remittere. Perfectionem itaque sacramentorum nostrorum, & nouæ legis excellentiam in virtute & efficacia conuertendi animas et immutandi corda constituamus: quæ verè magna est & digna Christo virtus: non verò in nuda quadam externa caeremonia. Quod hac maximè ratione: isto loco diximus, vt intelligant huius sacramenti ministri, & qui populum instruere debent, quæ alia sint sanæ doctrinæ maximè conuenientia, vt illa teneantur & doceantur semper quidem, maximè verò attentius, quando hæretici etiam sincera calumniantur. Ex quibus duo accipiamus huic quaestioni necessaria,

Primum.

Primum, vt intelligamus (quod huius articuli proprium est) quàm necessaria sit perfecta illa contritio (de qua supra locuti sumus) ad remissionem peccati, etiam cum ipso sacramento vel penitentia vel quocunq; alio : atq; ita quomodo illa conditio confessionis, scilicet lachrymabilis, sit intelligenda.

Secundum etiam, vt ex illa sententia & impugnatione eius habeamus, quid in presenti quaestione de confessione informi omnes sentiant. Nam reuera parua aut nulla est in verborum tanta diuersitate rei diuersitas. Omnem informem confessionem ex defectu duntaxat perfectæ intentionis in contritione, aut cuiusvis alterius conditionis (quæ tamen sine nouo peccati proposito, siue præteriti complacentia fuerit) nullus putat iterandam. Ceterum illam quæ cum nouo peccato est, nullus quoque negat repetendam. Quid igitur in speciali tutius & modestius de tota hac quaestione informis confessionis dici possit, sequenti lectione explicabitur breuiter ; quando scilicet sit iteranda, & quando non.

LECTIO OCTAUA.

De confessione informi.



illis quæ dicta sunt lectione proxima, constat satis (etiam secundum omnium sententiã) in hac quaestione, an reiteranda sit informis confessio (quæ scilicet sine contritione perfecta est) de qua nunc agimus, tenendum esse medium : vt scilicet non omnem defectum contritionis dicamus confessionem nullam reddere, nec nullum. Quædam igitur est iteranda, quædam non est. Vbi laborat Caietanus & multi alij in inquirenda vera ratione iterandæ informis confessionis : vt scilicet ex illa responderi possit omni dubitationi. Alij igitur distinguunt positiuam fictionem & priuatam. Primam, (quam tum adesse dicunt, cum est positum aliquod vel actus peccati in confessione : vt si placeat pecca-

DE CONFESSIONE

tum, vel proponatur committendum) asserunt nullam reddere confessionem. Priuatiam verò (quæ adest cum duntaxat deficit perfectus dolor) dicunt non reddere confessionem nullam. Caietanus verò in propria de hac re quæstione in fine 3. partis, magis putat alio referendam esse hanc rationem; ad integritatem scilicet confessionis. Putat enim ille quòd si is qui fictus est, ex intentione nihil omittat, confiteri eorum quæ deprehendit & putat confitenda esse, semper confessionem esse validam: quanquam postea nonnihil addat his: quòd scilicet etiam si ex intentione non omittat, si tamen tanta est negligentia & incuria discutiendi conscientiam, ut meritò æquiualeat intentioni apertè non discutiendi idem sit, ac si ex intentione non integrè confiteretur. Hadrianus aliud respiciens, putat posse rationabiliter credi, semper per sacramentum pœnitentiæ remitti peccatum, & perducì eum qui suscipit hoc sacramentum, ad perfectam contritionem, nisi nouum aliquod peccatum committat in negligentia discutiendi aut digne æstimandi peccata: non quòd sine contritione remittatur, sed quòd sacramentum semper illam operari in pœnitente credendū sit, cum ritè, hoc est, sine peccato suscipitur. Quæ sententia non habet parū pietatis, nisi haberet etiam multū voluntarij. Nulla certa ratione probari potest, sicut nec illà Caietani, præterquàm quòd vltimo illo dicto priora magna ex parte tollit. Deniq; cum in speciali de medià sententia eligenda agitur, magna est diuersitas. Satis igitur est, ut, quòd tutius conscientijs, & dogmatibus catholicis magis consentaneum, nec nimium conscientiam grauat, nos sequamur. Quare secundum diuersos gradus imperfectæ contritionis sequentes propositiones putamus probabiles esse, sine alterius partis præiudicio.

Prima Pro- Non solum opus vel propositum contrarium contritioni, hoc
positio. est, vel complacentia in peccato, vel propositum committendi, sed:
Defect^o per- etiam solus defectus perfectæ contritionis, qui vel à pœnitente ip-
fectæ contri- so, vel sacerdote deprehenditur, nullam reddit confessionem, &
tionis ab ipso meritò ac necessariò repetendam. Prior huius pars nulli est dubia.
pœnitente vel Illud contrarium, propositum scilicet vel complacentia facit, ut
sacerdote de grauissimum sacrilegium committatur, cum petitur vel confertur
prehensus fa- absolutio. Est igitur illa nulla: cum manifestè diuinæ sententiæ
cit cōfessio- repugnet. Et istud probat ratio illa pro Scoti sententia adducta:
nem irritam, quia siue confiteatur pœnitens huiusmodi peccatum, siue non.
nulla

nulla est absolutio: sed (vt diximus) est contraria rationi ipsius iudicii. Secunda verò pars eadem ratione probatur: quia similiter committitur sacrilegium grauiissimum, siue pœnitens id confiteatur, siue non: & est apertè contra rationem iudicii huius. Ex hac itaque propositione duos gradus habes informis confessionis & fidei, & vterque dici potest fictio positiua, peccatum scilicet nouum. Videtur hæc nonnihil contraria Caiet. suprà dicto loco, sed puto nec illum eam negaturum iuxta ea quæ postea dicit. Vtunque verò sit de eius sententia, hæc propositio nec nimium onerosa est, nec è contrariò nimium lata: & consonat doctrinæ patrum de cōformitate sententiæ sacerdotis cum diuina sententia. Seruat itaq; medium, Quid enim manifestius, quàm eum qui confitetur, & in ipsa confessione nouum peccatum vel proponit cōmittere, vel in eo sibi placet, siue illud apertè confiteatur siue non; non posse absolui, & nullam esse absolutionem, si impendatur illi? Committit enim & ipse, & absoluens, grauiissimum sacrilegium. Sicut & illud etiam eadem ratione sequitur, quòd, si is qui confitetur, tam tepidè dispositus sit, vt apertè vel ipse vel iudex spiritualis deprehendat non esse in eo veram pœnitentiam, similiter nulla sit absolutio, sed grauiissimum sacrilegium committatur, nouum scilicet peccatum, de quo nulla agitur pœnitentia, sed potius tunc de nouo committitur. Neque in his duobus casibus vlla perplexitas aut confusio imponitur timoratis, nec datur occasio vlla dubitandi perpetuò de veritate sacramenti. Manifestum est enim quando commissum sit nouum peccatum, vel quando non fuerit vera pœnitentia, idq; ex defectu cognito à pœnitente vel confessore: nulla igitur in his potest esse confusio: Nam hoc tantum dicimus; quòd tunc pœnitens certus est, inter confitendū nouum se commississe peccatum; quando vel ipse apertè deprehendit, vel spiritualis iudex certò etiam admonet eum, quòd non verè ipsum pœnituit peccatorum, quia non deferuit vel peccata vel occasiones manifestas, nec aliud quicquam habuit, quàm quòd nonnihil displicuit illi peccasse, sine omni efficacia satisfaciendi & cauendi peccata. Ita tam manifesta sunt; vt non sit cur ex eis scrupulus aliquis generetur. Sunt porrò alia minus manifesta, ad quæ omnia descendendum est. De his igitur sit secunda propositio..

Defectus perfectæ contritionis duntaxat; etsi non deprehen-

Secunda
propositio.
Quis defectus
perfectę con-
tritionis fa-
ciat irritam
confessionem,

datur à pœnitente vel sacerdote, tantus tamen & talis, vt meritiſ depren-
hendi debuerit, hoc est, qui deprehenderetur si vterque in eo
negotio non negligenter & minori cura, quàm par erat, se geſſiſ-
ſet, reddit etiam nullam confessionem, & (ſicut in præcedenti di-
ctum est) neceſſariò repetenda. Hæc eadem ratione probatur quæ
ſuprà dicta. Similiter enim committitur graue ſacrilegium, & est
contra ipſam rationem iudicij, nec diuinæ ſententiæ conſonat. Est
quidem hæc propositio magis contra Caiet. ſed certè, quanquam
præcedente paulò grauior, ſatis tamen moderata. Quando enim
neque pœnitens neque ſacerdos rectè funguntur ſuo officio, atq;
ideo non excuſantur à graui peccato, quare excuſandi ſunt à re-
petendo hoc ſacramento? maxime cum defectus iſte facile depren-
hendi poſſit (vt diximus) & debeat, alioqui hæc eorum negligencia
prodeſſet illis.

Ex hac verò proſitione habemus tertium gradum ſiſtioniſ, quæ etiam poſitiua dici poteſt. Sit iam hæc tertia proſiſtione
de minori alio defectu.

Tertia pro-
positio.
Quis defectus
contritionis
non reddat con-
fessionem ir-
ritam, licet ali-
quando impe-
diat effectum
absolutionis.

Defectus perfectę contritionis qui deprehensus non est à pœ-
nitente vel sacerdote bona fide & debita diligentia (quæ videlicet
probabiliter iudicata est ſufficere) agentibus, etſi nonnunquam
fructum auferat abſolutionis, non tamen nullam reddit confeſ-
ſionem, aut repetendam, ſed eſt validum ſacramentum, quod
poſtea recedente ſiſtione operabitur. Hæc eſt in qua ſolum lo-
cum habet prior ſententia illa: & rationibus quæ pro illa factę
ſunt ſatis probatur, Nullum ibi peccatum committitur, non re-
pugnat rationi iudicij illius ſententia illa, nec diuinæ. Bona fide ſe
ſubiicit Eccleſiæ clauibus pœnitens: & ſacerdos ſecundum eas ſi-
militer bona fide abſoluit: ratum eſt ergo vtrunq;. Et confirmatur
hoc, quia alioqui ſemper ſollicitum oporteret eſſe pœnitentem de
iteranda confeſſione, cum nunquam poſſit certus eſſe de remiſ-
ſione peccatorum, etiam cum ſacramento. Quæ ratio probat ef-
ficaciter, quandoque etiam cum ſacramento non remitti peccatū
ex ſolo defectu contritionis, qui latet & pœnitentem & abſoluen-
tem, etiam bona fide & diligenter agentes: alioqui certi poſſemus
eſſe de remiſſione peccati ſuſcepto ſacramento: cū poſſimus nos
bona fide, & quantū putamus ſufficere, egiſſe ad conſequendam
remiſſionem: ſed vera eſt ſemper illa ſententia: De repropitia-
to peccato noli eſſe ſine metu. Et ideo iuxta hanc reſpondendum
eſt

est obiectionibus, quæ factæ sunt contra primam sententiam; quod nõ erit difficile rem ipsam magis quàm speculationes quærentionem. Cum igitur quærent rationes illæ, quid per illam absolutionem relictum sit in anima, quod postea operatur remissionem peccatorum (nam in baptismo constat relinqui characterem) fatemur nihil relinqui, nec ad nos hoc aliquid pertinere putamus; solum hoc relinquitur, quod sententia illa prolata est à ministro Christi fideliter agente: atq; ideo apud Deum rata habita, & propter eam, cum ascenderit ad perfectum contritionis, remittentur peccata. Cur non satis erit ut sacramentum hoc operetur, sicut passio Christi in veteris testamenti patribus? Nec hic locum habet alia inquisitio, & quod ex ea inferitur: an scilicet confiteatur, vel non, illam fictionem: Nec enim tenetur, cum nec teneatur eam agnoscere. Quod verò alij contra hoc asserunt, quod sacerdos nõ debet intendere absolueret, nisi rectè dispositum, quod est, sic ut consequatur remissionem peccati, alioqui non consonaret diuinæ sententiæ ipsius illa sententia: contra intentionem verò absolventis nulla est absolutio. Hoc itaque nimium est scrupulosum, nec vlla ratione prudenter agens sacerdos hanc intentionem habere debet, sed duntaxat absoluendi; quem bona fide & probabili diligentia iudicat absoluendum esse. Apertè itaque dicimus imprudentis trepidationis esse, ut sacerdos aliquam conditionem apponat cum absoluit, aut in corde illam retineat: quod nonnunquam etiam Gerson putat faciendum esse: certè aut non debet absolueret, si iudicat fieri non debere, aut dubium habet: agit enim contra conscientiam: sed cum iudicat absoluendum esse; absolutè absoluat; relinquens Deo; interim rogans, ut ratum Deus habeat quod bona fide ab eo fit: nec aliter intentionem suam restringere debet, nisi similis velit esse iudici, qui iubet reo in iudicio; ut soluat quod ab eo exigitur, si id debet. Esset contra hæc pietas illa Hadriani, quod scilicet credendum sit tunc illum à Deo absolui: aut si non, ideo esse, quia aliquod impedimentum de nouo peccans opponit, cui satis superius responsum est: nulla videlicet ratione hoc probari: vel reuera est magis de nomine quæstio. Hoc fit satis, nullum, etiam suscepto sacramento, certum esse posse de remissione peccati, ut dictum est, & apertius inferius declarabitur.

Habemus nunc ex his quæ dicta sunt, quod defectus perfectæ contri-

Respondetur
aliorum ar-
gumentis.

Sacerdos si-
ne conditio-
ne absolutè
absoluat.

DE CONFESSIONE

Duplex cō-
tritionis de-
fectus, qui
nō facit ab-
solutionem
irritam.

contritionis minimus duplex est: alius qui per sacramentū ipsum aufertur: cum scilicet virtute eius ex attrito sit pœnitens contritus. Alter qui non aufertur per sacramentum, sed manet absolutus in sua imperfectione. Et primus quidem cum non permaneat adueniente virtute sacramenti, non reddit vel nullam, vel sine effectu absolutionem. Alter verò sine fructu illam relinquit. Hi duo gradus ponuntur communiter ab his qui prudenter sanioriem partem sequuntur in hac materia. Et quidem ratio eorum (cum reuera experientia hoc non constet) est ex arbitrij nostri libertate, & ex diuinæ gratiæ diuersitate & gratuita collatione. Diuidit singulis Deus prout vult, & nulli est astrictus, vt ei suæ gratiæ auxilium impendat, etiam cum quoduis sacramentum recipit. Patet illa Dei, vt nonnulli dicunt, in sacramentis hæc est, vt dignè se præparanti conferatur gratia: sed hæc digna præparatio cui datur, mera diuina gratia datur: Dat nobis (inquit Paulus) velle & perficere pro bona voluntate. Liberum etiam arbitrium nostrum nonnunquam tepide, nonnunquam deuotè & ardentè se præparat: & in his multi sunt gradus. Nam (quod superius, cū in communi de sacramentis ageremus, probatum est) sola mentis euagatio, quæ etiam citra mortale peccatū est, & præter intentionem in ipsa sacramenti susceptione, impedit ne tunc aut de nouo conferatur gratia, aut augeatur: quare fieri potest, vt qui alioqui efficeretur per sacramentum contritus, sola illa euagatione in absolutus maneat à peccatis. Dicant igitur tunc repetendam esse cōfessionem. Et certè hoc quod de euagatione diximus, quanquam alijs non placeat, tamen & Caietano & multis valde probatur, & est consentaneum doctrinæ beati Thomæ & patrum. Necesse est animam moueri actu cum diuinæ gratiæ sit particeps, quod dicimus de eo qui vsum rationis habet. Igitur non est cur putemus semper in sacramento Deum ad perfectam contritionem erigere pœnitentem, cū manifestè scriptum sit, non esse nobis in sacramentorum susceptione fidendum. Nolumus (inquit Paulus) vos ignorare fratres, quòd patres nostri omnes eandem escam spiritualement manducauerunt &c. Sed non in pluribus eorum beneplacitum fuit Deo &c. Hæc autem in figura facta sunt nostri. Quod vt magis explicetur, consideremus quæ superius de perfectione contritionis dicta sunt. Cū enim ad hanc requiratur veritas atque efficacia & puritas finis (vt scilicet sit propter Deum) & per-

Deus non
semper in sa-
cramento
pœnitentiæ
supplet de-
fectum pœ-
nitentis.
1. ad Cor.
10.

& perfectio siue intensio siue appretiationis, & tandem vt præ- Ex quibus
dominetur affectus ille diuinæ dilectionis ceteris omnibus, vt di- æstimandū,
ctum est : ex his pensandum est quàm perfectus sit hic dolor ; iu- an dolor cō-
xta gradus supradictarum propositionum. Vnde fit, vt, etsi ali- tritionis sit
quando possit certò agnosci imperfectus, nunquam tamen certò perfectus.
indicari possit perfectus dolor, quod satis supradictum est. Hæc o- Certò cogno
minia & ex superioribus in materia contritionis, & ex proximè scipotest im-
dictis satis constant : voluimus tamen ea addere, vt admonere- perfectio do-
mus, quomodo ex his iudicari debeat dispositio pœnitentis. Cer- loris nostri,
tè cum sic quis confitetur, vt nec statum peccati relinquat, nec sed non per-
occasiones quas experientia didicit proximas esse, etiam si absol- sectio.
tiatur, illa est fictio, de qua in secunda & prima propositione di-
ximus. Potest enim multos habere gradus, sed satis est quòd non
habeat veritatem & efficaciam : id quod manifestè constare po-
test bene iudicanti. Ceterùm cum nihil horum est, sed forte in
Dei oculis (quòd solus inspector est cordis) non prædominatur af-
fectus ille ceteris, illa fictio est, de qua in tertia propositione : nisi
forte in hoc tanta esset tepiditas, vt manifestè bene consideranti
appareat non tanti fieri peccatum, vt necesse est : quod timen-
dum est ne in multis inueniatur. Hæc ideo quàm potuimus dili-
gentissimè conati sumus explicare, vt admoneamus & pœniten-
tes ipsos, & spirituales iudices, vt non leuiter hæc pertranscant :
est enim totius salutis nostræ cardo in vera mutatione animæ.
Cum igitur hoc oscitanter facimus & negligenter, tam medici spi-
rituales quàm infirmi, certè grauissimè timendum est, ne socordia
nostra omnia Dei beneficia conuertantur nobis in perniciem, &
ex quibus consequutur eramus salutem, proueniat perditio : dum
scilicet fit mensa eorum coram ipsis in laqueum, & in retributio-
nes, & in scandalum : & obscurantur oculi eorum ne videant :
quod idem sic dicere possumus : fiat baptismus eorum : fiat con-
fessio eorum &c. Est igitur confessori (vt Chrysostom. superius
audiuimus dicentem) opus sexcentis oculis, vt habitum mentis
eius qui confitetur agnoscat, vt excitet ad pœnitentiam, vt ab ad-
monitione & oratione non desistat, quousque, quantum dabitur,
agnoscat pœnitentem ascendisse ad perfectum contritionis &
charitatis : Et pœnitenti similiter opus est, vt seipsum diligenter
discutiat, sicut Paulus inquit : Si nosmetipsos diiudicauerimus : &
non putet leuiter aut obiter curadum esse tantū negotium, in quo

DE CONFESSIONE

agitur de consequenda venia mortalium peccatorum. Et cum ambo probè fuerint functi suo officio, dicant: Domine, serui inutiles sumus: & timeant. Quòd si hoc illi: quid acturi sunt qui nihil hæc omnia curant?

An qui sine Ex his respondendum est alteri quæstioni: an scilicet qui sine
 penitètia cō- pœnitentia confitetur, satisfaciatur præcepto Ecclesiæ quod habe-
 fitetur, satis- tur in capite: omnis vtriusq; sexus: quanquam reuera hæc quæstio
 faciat præce- magis curiosa sit quàm necessaria: parum enim prodest satisfacere
 pto Ecclesiæ interim Ecclesiæ præcepto, si non satisfiat diuino: nec certum
 de cōfitendo aliquid potest in hac quæstione asseri. Sunt diuersæ sententiæ: illa
tamen probabilior nobis videtur, sine aliorum præiudicio, quòd
 cum in confessione ipsa peccatum sacrilegij committitur contra
 sacramentum, in casibus scilicet primæ & secundæ propositionis,
 cum sacramentum iterandum est, non satisfiat Ecclesiæ præcepto.
 Cum verò bona fide peragitur confessio & Absolutio, nec repe-
 tenda est iuxta tertiam propositionem, tunc satisfactum est Ecce-
 siæ præcepto. Ratio horum est, quoniam probabiliter credendum
 est Ecclesiam, cum præcepit omnibus confitendū semel in anno,
 illam confessionem præcipere, quam Deus iussit fieri absq; tem-
 poris determinatione. Non enim aliud agit Ecclesia, quàm tem-
 pus definire, in quo fieri debeat quod abique certi temporis defi-
 nitione Deus statuit. Cum igitur quis ita confitetur, vt illa confes-
 sio maius peccatum sit, nec Deo satisfiat: non est cur credatur sa-
 tisfactum esse Ecclesiæ. Statuit Alexander 3. in cap. Quod qui-
 dam, de pœnitentijs & remissionibus, recipi debere impœniten-
 tis confessionem, & monitis salutaribus indicandam ei esse pœ-
 nitentiam, non tamen impendendam ei absolutionem dicit. Qua-
 re nec probat illud esse sacramentum, si fieret, nec satisfieri Ecce-
 siæ, quæ certè præcipit vt sacramentum pœnitentiæ suscipiatur.
 Alij aliter distinguunt: & quidem Durandus argutè magis quàm
 solidè in dubium vertit, an Ecclesia præcipere possit confessio-
 nem fieri: quia (inquit) non potest cognoscere transgressionem
 huius præcepti. Vnde (inquit) intelligi potest, quòd de sumendo
 sacramento Eucharistiæ sit præceptum in illo cap. Omnis vtrius-
 que sexus, de confessione verò solum admonitio. Non enim po-
 test Ecclesia agnoscere, an ritè quis fuerit confessus. Sed hæc non
 admodum pertinent ad rem: certè ad Ecclesiam pertinet de sa-
 cramentis & præceptis Dei definire, quando & quomodo sint vel
 suscipien-

fuscienda vel implenda. Satis itaque dictum sit de poenitentia in confessione necessaria. Non enim tanta exigitur, vt sacramentum sit ratum, quanta vt peccatum remittatur: de qua re plura superius diximus.

LECTIO NONA.

De Integritate Confessionis.



Via inter Confessionis conditiones precipuas diximus esse, vt sit integra, quemadmodum vt sit lachrymabilis, & de hac proximè diximus: restat vt nunc de integritate dicamus. Sit igitur de ea hoc certissimum fundamentum, vnde cetera deducamus.

Ex ipso Christi praecepto in huius sacramenti institutione, necesse est omnia mortalia, quorum sibi quisque conscius est, secundum speciem & numerum, quantum pro fragilitate humana fieri potest, eidem sacerdoti integrè confiteri. Vbi tria asserimus merito & probanda & explicanda. Quòd igitur vni & eidem sacerdoti omnia confiteri oporteat apertè probat, quod superius de sacramenti huius institutione dictum est. Omnia mortalia sunt reseruata à Christo, & subdita clauibus Ecclesiae: mortalia (inquam) post baptismum commissa. Ceterum quòd eidem sacerdoti omnia sint confitenda, non tam facile est probare. Nam quāquā de conclusione ipsa nullus dubitet (regulariter enim, omisis quibusdam specialibus casibus, de quibus dicemus, vni integrè confessionem fieri oportere asserunt omnes, & oppositum hypocrisis grauissimam esse affirmant) de ratione tamen nonnulla est dubitatio: sed non est opus multis de hoc agere. B. Thom. d. 17.4. vbi de hoc loquitur, id probat ex medici corporalis similitudine. Non potest ille bene vni morbo adhibere medellam, nisi ceteros etiam cognouerit: saepe enim quod vni prodest, alteri nocet. Sic igitur nec potest sacerdos spiritalē adhibere medellā & cōuenientē, nisi omnes animę egritudines cognouerit. Ar-

Summa do-
ctrinæ de in-
tegritate cō-
fessionis.

Vni et eidem
sacerdoti o-
mniam morta-
lia peccata
confitenda.

q. 3. art. 4.

DE INTEGRITATE

Petrus de
Palude.

guit Durandus rationē hanc minus sufficere: quia (inquit) quòd attinet ad remittenda & sananda peccata omnia commissa, vna absolutione quasi vnico remedio tantum opus est: quod verò attinet ad cauenda futura, quamuis diuersis remedijs opus sit, tamen (inquit) non est de necessitate veræ pœnitentiæ, non labi rursus in peccata: quo videtur innuere, nec ad veritatem pœnitentiæ requiri, vt adhibeantur remedia præseruatiua. His respondetur ab alijs. Sed non est opus de hoc contendere, res certa est. Hæc verò ratio b. Thom. magis similitudo quædam est, qua id explicari possit & proponi, quam probatiō. Nobis illa ratio videtur efficax & certa, quam eo loco b. Thom. etiam ponit, & Durandus ab eo sumpsit: quòd videlicet confessio hæc eo modo fieri debeat sacerdoti, quo fit interius Deo per contritionem. Est enim exterior illa confessio huius interioris signum. Sicut ergo non est vera contritio, quæ de vno peccato est & non de omnibus, ita nec vera confessio. Et (vt apertius dicamus) confessio sic fieri debet, vt sequi possit vera absolutio, & diuinæ absolutioni conformis. Cum igitur Deus ab vno peccato non absoluat, nisi simul ab omnibus, de quo superius dictum est: nec sacerdos potest nisi ab omnibus absolvere: omnia igitur confitenda. Video multos huic rationi non inniti, quoniam (vt inferius patebit) putant aliquem posse absolui à diuersis sacerdotibus: ab vno scilicet de his, ab altero de alijs peccatis: cum scilicet sunt casus reseruati. Sed putamus rationem hanc efficacem esse, etiam si illud ita sit. Probat enim pœnitentem, quantum in ipso est, bona fide hoc debere agere, vt in vno & eodem iudicio se offerat de omnibus iudicandum simul, sicut simul de omnibus à Deo iudicandus est. Si quid verò per Ecclesiæ ordinationem huic obstat, aut alia aliqua ratione, pœnitens agit quod debet, quantum in ipso est. Probat itaq; ratio hæc regulariter hoc requiri in iudicio confessionis, vt sicut à Deo absoluitur, ita absolui possit à sacerdote. Et post hanc rationem etiam illa similitudo satis est efficax, si rectè pensetur. Duo sunt præcipuè in hoc iudicio attendenda. Primum, prætorum peccatorum remissio, & de hoc intelligenda prior ratio. Secundum, præseruatio à futuris: vbi bene respondent Durando alij, quòd quamuis non pertineat ad rationem veræ pœnitentiæ, nec ad illam sit necessarium, non peccare rursum: est tamen necessarium habere verum propòsitū non peccandi:

Adrianus
in quarto.

diatque ita suscipere remedia necessaria. Magnus est error & perniciolus certè, putare minus curandum esse in confessione de remedijs necessarijs ad cauenda peccata. Tam necessarium id est, vt manifesta huius negligentia reum faciat & poenitentem & confesorem. Huc spectat illa beati Thomæ similitudo: Necesse est ita confiteri, vt cognoscat spiritualis iudex quibus remedijs sit vtendum: quod fieri non potest, nisi omnia cognoscat peccata: Sunt igitur eidem confitenda. Et hæc diximus de primo, quod prædicta propositio continet. Iam ad duo reliqua accedendum.

Primum est, confitendas species mortalium peccatorum: furtum videlicet, homicidium &c. species(inquam) omnes. Istud non alia ratione opus est probare, quàm quod aliter non omnia confiteretur: si videlicet tantum diceret se multa peccata commisisse, ex hoc non sunt illa homini cui confitetur, nota: confiteri vero non est aliud, quàm manifestare ei cui confitemur. Sunt itaque species omnes confitendæ. Notat tamen Caietanus, hoc diligenter considerans in propria de hac re questione circa finem tertie partis beati Thomæ, confitendas esse species illas, quæ diuersam continent malitiam, quas dicere possumus morales species: non verò opus esse ad alias descendere. Exempli gratia: b. Thom. diuersas species diuinationis ponit, per somnia, per garritus auium, per terram vel aquam: & tamen eadem est peccati malitia in his omnibus: querere per pactum cum dæmonijs, per adiuuenta signa ab illis, futurorum præcognitionem. Quare non erit opus ulterius descendere. Tamen furtum & rapina, quorum primum occultè, alterum manifestè & violenter fit, diuersæ sunt species, & diuersam continent malitiam: ideoq; confitendum vtrunq;. Continet etiam illa propositio numerum mortalium peccatorum esse confitendum: quod eadem probatur ratione. Non est minus peccatum decimum, quàm primum: non omnia itaque manifestat peccata, qui non explicat numerum. Caietanus tamen hoc prudenter considerans supradicta questione, diligenter explicat, quod dignum est consideratione, vt quantum fieri potest, tedium omne, & importuna quædam numeri peccatorum exactio auferatur à poenitentibus. Est necessarium vt id fiat, ceterum alia sunt multo magis necessaria: vera scilicet contritio, & cauendi futura diligentia: quæ proculdubio magis virgenda sunt. De numero itaque sequentia, iuxta Caietanum & reliquos, notanda sunt: Primum;

Omnes species mortalium peccatorum sunt confitendæ.

Quæ species peccatorum confitendæ.

Numerus mortalium peccatorum est confitendus.

Circa cōfessionē Numerus certus certò etiam manifestandus est in confessione, dubius verò conuenientiori modo quo fieri potest, vt scilicet intendat qui confitetur, quàm manifestè potest numerum explicare: de quo hoc secundo annotetur. In hac explicatione, non tam attendendū vt integram & exactam notitiam peccatorum confessor habeat, quàm vt sciat, quid ad adhibenda salutaria remedia expediat. Probat hoc supradicto loco & explicat Caietanus conuenienti ratione. Omne iudicium huius vitæ, quod in Ecclesia ministerio CHRISTI sit, non ad integram punitionem peccatorum, sed ad salutem potius animarum ordinatur. Hoc itaque curandum est, vt agnoscatur quod ad animarū salutem pertinet. Ex quo sequitur tertium, quòd in hoc numero incerto peccatorum manifestando non magnopere curandum est, si parum aut plus aut minus dicatur. Quartum, vt in peccatis, in quibus diutius perseveratum est, magis curetur vt diuturnitatem ipsam & tempus, frequentiam, & propensionem voluntatis in peccatum quis confiteatur, quàm numerum aliquem. Inde melius potest advertere spiritualis iudex, quam debeat adhibere medelam, quàm ex importuna calculatione. Exemplum est manifestum in publica peccatrice, quæ melius confitetur, si tempus quo in peccato permansit, aperiat: & an semper affectus peccandi perseverauit, an non, atque frequentiam: quàm si importunius per singulos dies discurrens cuncta reducat ad numerum: quanquam id fieri possit, sed certè non debet.

De confessione circumstantiarum.

Ex hoc fundamento, & omnibus quæ circa illud diximus, sequitur etiam, quid de circumstantijs sentiendum sit. Circa quas illud primò omnium certum est omnibus, confitendas esse omnes circumstantias, quæ addunt nouam speciem peccati mortalis, quod est, noui præcepti transgressionem. Et quoniam alibi de circumstantijs dicemus, quid videlicet sint, & quot, nunc nō est opus plura dicere, satis sit istud exemplo declarare. Vulnerare vel occidere hominem peccatum est contra quintum præceptum Dei, occidere verò vt furens & rapias illius bona, circumstantia est finis, & contra septimum Dei præceptum: Qui igitur fatetur se occidisse tantum, cum occident animo furandi, non omnes confitetur malitias mortales: & sic in cæteris omnibus. Nec circa hoc vlla est difficultas. In genere id tantum obseruandum, vt circumstantiæ manifestentur, vt veræ sunt tanquā circumstantes ipsum peccatum,

eatum, non seorsim : nam in exemplo posito non debet confiteri
pœnitens se occidisse, & furatum fuisse, seorsim : sed occidisse vt
furaretur.

Est quidem de alijs circumstantijs nonnihil dubij, de quib-
us sequentia notanda.

Primum. Quod de circumstantijs variantibus speciem morta- Circūstantiæ
variantes
speciē pec-
cati.
lis peccati diximus, id etiam de illis, quæ transgressionem morta-
lem eiusdem etiam speciei, vel contra idem præceptum addunt,
apertè est intelligendum. Nam ratio quæ de alijs dicta est, etiam
de his probat. Si quis furetur centum, vt alia totidem possit fura-
ri : vel occidat Petrum, vt postea occidat Iohannem, manifestum
est non satis confiteri, si dicat se occidisse hominem: sicut qui du-
os occideret, etiam vnico ictu, duo homicidia commisit, & ita cō-
fiteri tenetur.

Itaque quot (vt ita dicamus) malitiæ mortales sint in actu quem
confitetur, manifestandum est, siue sint eiusdem speciei, siue diuer-
sæ. Ex hoc est secundum considerandum (vbi diuersæ sunt sen- De quanti-
tate vel gra-
uitate furti,
iniuriæ &c.
tentia) de circumstantijs scilicet non nouam transgressionem cō-
tinentibus, sed augentibus eam quæ iam est: quantitate videlicet
furti, vel grauitate illatæ iniuriæ siue violentiæ. Si furetur
quis mille, longè maior grauitas est, quàm si centum : quan-
quam nec sit alterius speciei, nec eiusdem notum peccatum. An
itaque furti quantitas necessariò sit manifestanda, sicut quantitas
illatæ contumeliæ siue vulneris, merito dubitatur. Sunt qui putent
non esse necessarium huiusmodi manifestare, hac sola ratione,
quòd non addant nouam transgressionem : alijs videtur omnino
esse necessarium: quod efficaci certè ratione probari videtur. Si n.
(vt prius diximus) centum furetur quis, vt possit alia centum fu-
rari, manifestandum est : multo autem est grauius, si semel mille
furetur. Quare satis probabile videtur, omnem quantitatem, quæ
ex se sola mortale cōstituit peccatum, manifestandam esse. Quan-
quam enim furatum fuisse semel mille aureos, vnum peccatum
sit, non est tamen dubium æquiualeere mille peccatis, quibus mil-
le tantū aurei furto accepti sunt. Si itaq; (vt verbi gratia dicamus)
in furto quantitas vel aurei, vel minoris alicuius summæ pecca-
tum mortale constituit, confiteri oportet quanta huiusmodi fura-
tus quis fuerit: tot enim peccatis illud vnum æquiualeat. Siluester
in verbo, Confessio, de nuditate confessionis loquens, citat vtran-
que

DE INTEGRITATE

que sententiam, & putat medium tenendum: vt scilicet quantitas tunc necessariò sit manifestanda, quando vt sacerdos iudicare possit quid agendum sit, vel imponendum pœnitenti, necessarium est. Vt si iniuria aut violentia illata sit clerico, an fuerit leuis, an grauis. Nam grauis & enormis iniuria clerici excommunicationem habet reſeruata pontifici Romano: Leuis verò iniuria tantùm Episcopo reſeruata est. Necesse est itaq; sacerdotem hoc agnoscere, vt intelligat quid sibi agendum sit. Similiter in furto, quia restitutio necessaria est, eaq; iuxta facultates, & oportunitate est iniungenda: necesse erit agnoscere, quanta sit quantitas. Itaque ista manifestanda sunt, non quidem tanquam propter seipsa necessaria, sed (vt dictum est) vt rectè iudicare possit sacerdos: cæterum alioqui non putat esse necessarium. Nos verò putamus tutius esse, vt cum certa est quantitas, manifestetur. Et vniuersaliter vel numerus vel magnitudo, prout fieri potest, ostendatur. Non minus ista aggrauant peccatũ, quàm si vt minimũ in eadem specie plura committerentur, vt diximus. Nec certè vlla ratio ostendit, quare illa de quibus prius diximus, magis sint confitenda, quàm ista: sed in omnibus his, quod bona fide agitur à pœnitente & sacerdote, id satis esse debet: nec putamus contendendum esse de his. Nullus est qui magnam & enormem iniuriam, aut furtum maximũ alicuius thesauri non putet confitenda esse. Si quis verò ex his velit etiam probare, magnitudinem affectus quo peccatur, necessariò confitendum esse: non enim minus illa grauat peccatum, sed reuera magis quàm magnitudo effectus: respondendum est, quòd in affectu non est tam aperta nec manifesta diuersitas. Et certè quando manifestissima est affectus magnitudo, & (vt ita dicamus) insolita dignum est vt manifestetur. Verũ quia gradus affectuum nostrorum non facilè metiri possumus, nec de hac re putamus inquietandos esse eos qui confitentur: sed admonendi sunt inter cætera, vt cogitent, quanto affectu Deum offenderint, tanto magis pœniteat eos sic eum offendisse.

De circumstantia loci.

Sunt circa hoc de quibusdam circumstantijs speciales difficultates, de quibus breuiter dicendum. De loci circumstantia, vbi scilicet peccatum sit commissum, in prophano scilicet an sacro loco: illud certum, quædam peccata iure quidem positio sacri loci reuerentiam & sanctitatem violare, furtum scilicet, sanguinis aut seminis humani effusionem. In his peccatis circumstantia loci sacri, addit

addit nouam transgressionem diuini præcepti. Furtum enim in loco sacro est etiam sacrilegium: quare illa circumstantia necessario est confitenda. Ceterum alia peccata, quanquam in loco sacro commissa irreuerentiam illi inferant, vt periuria, detractiones, non sunt tamen specialia sacrilegia, nec necessario confitenda. Est apud multos dubium, de furti aut homicidij, aut luxurie cogitationum peccatis, & deniq; omnibus alijs minoribus, ipsumq; actum præcedentibus. Sed loco corporali non nisi externis & corporalibus sit propriè irreuerentia: de interioribus anxie curandum non est: confiteatur quisq; quàm potest plenius & manifestius, & sacros sit contentus in his omnibus mediocri cognitione. Ex his vero quæ de loco diximus sacro, de ceteris circumstantijs sacrilegijntia personæ constituentibus iudicandum est. Vbi & circumstantia, quis, scilicet peccantis & cet sit qui peccat, secularis an sacerdos, clericus an monachus. Si circa quam militer circumstantia, circa quem, an cum consecrata Deo mulier peccatur, re peccatum sit, an non. Vbi quod de loco diximus obseruandum est. Sunt quædam peccata consecrationi ipsi repugnantia: cum scilicet specialiter contra illa consecratus quis est: illa sunt etiam sacrilegia, & ita in eis necessario confitenda persona quæ, vel circa quam, non omnia alia. Si sacerdos fornicetur, est circumstantia necessaria, quia contra votum & consecrationem sacerdotalem peccat: si verò peieret, aut detrahat, non est etiam sacrilegium. Ita in reliquis omnibus. Vniuersaliter verò quanquam sæpius ex qualitate eius qui peccat, peccatum grauius fiat (grauius enim peccat senior quàm iuuenis, prælatus quàm subditus) non tamen hæc necessario manifestanda sunt.

De circumstantia sacri temporis similiter est dubium. Multi De circumstantia præcepto obseruationis festorum putant prohiberi peccata. Est intia sacri temporis hac sententia non minima pars doctorum: Vnde fit, vt in festo peiorans aut detrahens transgrediatur etiam tertium præceptum: Sabbathata sanctifices. Hoc est enim sanctificare diem, cultui diuino mancipare. Alij putant tertio illo præcepto non aliud quàm seruilia opera corporalia interdici: specialiter verò præcipi cultum illum, quem Ecclesia definiuit: astare videlicet sacre Missæ officio &c. Quare aliorum peccatorum commissio secundum istos non est contra hoc præceptum, quanq; sit contra finem eius: cuius sententiæ videtur esse b. Tho. Quare, multi illum sequentes, vt certissimū hoc haberi volunt, & reprehendunt eos qui non apertè ita

Ecc docent:

docent: ne videlicet ex contrario laquei iniiciantur animabus. Verum nos non ita putamus certum esse, vt non possit tutius prior illa sententia asseri & multorum auctoritate doctorum, & ratione ipsa sanctificationis festi: quanquam & contrarium putemus tuto teneri posse.

De scandalo
quod ex pec-
cato nasci-
tur.

De eo qui
contra con-
scientiam
peccat.

Sunt etiam specialia quædam circa hoc dubia, quæ non est opus persequi: vt est illud, quod publice & coram alijs peccare, circumstantia est trahens ad speciem scandali peccatum, et tum proculdubio necessarium confitendum: sicut aliorum auxilio vel consilio peccare, & ita alios participes facere peccati, siue inducere quouis modo, scandala sunt, & ita noua peccata. Dicit etiam Hadrianus hoc loco, quod similiter peccare contra conscientiam, sit necessaria circumstantia. Nam si bonum (inquit) agere contra conscientiam, mortale est: ergo malum similiter contra conscientiam commisisse, duplicem habet malitiam: quare multo magis etiam erit confitendum, si scienter peccetur: quod tamen (vt ipse fateatur) nec docti confessores exigunt, maxime cum communiter scientes peccent qui peccant. Et certe cum dubio conscientie peccare, magis alienat quàm aggrauat peccatum, quod alioqui ex se peccatum est. Nec scienter peccare aliud est quàm peccare. Diximus superius quod magnitudo siue intensio affectus quo peccatur, non sit necessarium confitenda.

Vltimò demum circa circumstantias notari volumus, quod de recidiuante in idem peccatum b. Thom. dist. 22. 4. dicit, quanquam peccata præterita per sequens peccatum non redeant, vt dictum est, atque ideo nec illa iterum confiteri sit opus, tanquam de quibus petenda sit absolutio: vt necessaria tamen ad conuenientem adhibendam medelam recidui manifestanda sunt, quasi quædam circumstantiæ. Constat enim quàm efficaciori remedio opus sit contra peccata inueterata, quæ iam in consuetudinem & naturam abierunt: manifestanda sunt igitur præterita, non quidem in speciali, sed satis erit, vt ostendat se poenitens grauatum consuetudine illa peccandi.

LECTIO DECIMA.

De integritate etiam Confessionis.



Estat iam vt latius agamus de hac integritate Confessionis : Primo Casus, in quibus iure quidem non solum diuidi potest confessio, & hoc vni, illud alteri manifestari, aut omnino aliquid omitti, sed debeat etiam omnino fieri, referamus, & ratione eorum. Primò igitur, cum sine graui scandalo vel periculo peccatum manifestari non potest, siue id ex culpa sit sacerdotis (qui probabiliter scandalizandus putatur, vel prouocandus ad malum, vel confessionem ipsam reuelaturus) siue ex alia quauis causa: sententia est certa doctorum, quærendum esse alium, cui confiteatur: aut si habere eius copiam non potest alia manifestanda esse, & illud omittendum. Quò ad illud enim perinde est, ac si non habeatur copia confessoris. Quo casu non ex intentione diuidit confessionem, aut quicquam tacet qui libenter omnia confiteretur: atque ideo non exhibet se inabsolubilem à Deo, cui omnia veraciter confitetur, & contritione atq; proposito integrè confitendi omnium remissionem consequitur. Nec tamen dubitandum est, habita copia eius, cui ritè id confiteri possit, teneri ad hoc agendum. Est tamen circa hoc considerandum (quod mouetur à nonnullis) non ideo omittendam manifestationem peccati alicuius, vel circumstantiæ, quòd inde cognosci possit persona fortè, cum qua peccatum est, nec timendum est ibi periculum peccati detractiois, aut infamix proximi, sed consulendum est propriæ saluti, cum talis est sacerdos, vt meritò non debeat timere infamia, aut publicatio peccati. Cui propria peccata fidimus, non est cur & aliena illi fidi non possint, nisi aliunde periculum probabiliter timeretur. Reuera tamen, cum sine confessionis reuelatione manifestari non potest peccatum, omittendum est, aut quærendus alius sacerdos: cum scilicet creditur non posse non cognosci persona quæ confessa fuit, & similiter peccatum eius.

Peccata re-
seruata quo-
modo con-
fitemda.

Secundò, circa hoc est non parua quæstio, de peccatis reseruat-
tis, quomodo scilicet manifestanda sint, cum nec ab inferiori pos-
sit pœnitens de omnibus absolui, nec superior consuevit aut vult
omnia audire: & maxime propter consuetudinem multarum ec-
clesiarum, in quibus (vt Caiet. hoc loco inquit) absoluitur à superi-
ori de reseruatis tantum, ab inferiori de alijs. Quidam igitur putât
nullo modo sacramentaliter absolui posse aliquem, nisi ab eo qui
omnia audierit peccata. Si itaque superior solum reseruata audi-
at, & absoluat: eam non credunt sacramentalem esse absolutio-
nem: sed remissionem quandam. Ita sentiunt Hadrianus, Durând.
& multi alij. Reprehendit hoc Caiet. sed non probat certa ratio-
ne esse sacramentale absolutio- nem quæ fit à superiori: quoniam (in-
quit) tenetur ille sigillum seruare secreti. Sed (vt inferius dicitur)
multi tenentur secretum seruare, qui nec sacramentaliter absol-
uunt, nec etiam vlla est absolutio sacramentalis. Quare non po-
test negari illam sententiam tutiorē esse, nec certa consuetudine Ec-
clesiæ potest probari contraria. Nam quod in Roma. Ecclesia, &
alijs, superiores absoluant à reseruatis tantum (vt Durând. dicit)
potest intelligi, quod absoluant à sola excommunicatione: vel, vt
intelligentur ad inferiorem remittere absoluendum. B. Tho. obi-
ter hoc attingens in 4. sentē. dicit inferiori confitemda esse omnia,
& ab eo absoluendum esse confitentem à non reseruatis, & remit-
tendum ad superiorem, vt absoluator ab alijs. Permittit itaq; di-
uidi absolutio- nem, quanquam non confessionem. Et idem Caiet.
in summula, vni vult omnia confitemda & manifestanda esse, sed
à diuersis absolui. Et hæc videtur media quædam sententia. Sunt
enim qui ex opposito prioris sententiæ tenēt, in hoc casu reseruati-
onis & confessionē, & absolutio- nem diuidi posse: vt scilicet supe-
riori reseruata tamen confiteatur quis & ab ijs absoluator: inferi-
ori reliqua: quæ etiam satis probabilis est sententia. Nec vlla vide-
tur ratio, quare potius absolutio diuidi possit, quàm cōfessio: rur-
sum, nec quod teneatur quis sæpius eadē confiteri peccata. Igitur
quamlibet harum sequatur quis sententiam, maxime si sit cosue-
tudo suæ Ecclesiæ, aut si à superiore ita præcipiatur, tutus erit: nec
opus est scrupulosius hæc tractare. Siue confiteatur quædā vni, alia
alteri, & ita absoluator, vt dictum est: siue omnia vni, & à diuersis
absoluator, siue ab vno tantum sacramentaliter absoluator, nō est
vltius inquirendus. Quanquam quæstionis ipsius vltima decisio

dist. 17. q. 3.
art. 4.

aut concilij vniuersalis, aut Apostolicæ sedis examinationem & authoritatem (vt Durandus inquit) requirat. Satis sit, quod ad propositum attinet, quod integrè confiteatur, qui voluntate & intentione nihil omittit. Si tamen Ecclesiæ ordinatio diuersis (vt ita dicamus) tribunalibus diuersa reseruat peccata: atque ideo in eis ita à diuersis iudicatur & absoluitur pœnitens, per eum nihil detractū est integritati: nec effectus vnius absolutionis coram Deo impeditur: cum apud illum non desit integrum propositum pœnitentis. Nec etiam inconueniens vllū esset, iuxta ea quæ suprà dicta sunt, si penderet effectus vnius absolutionis, & alia superueniente quasi vna integra sequeretur remissio: sicuti vna absolutio nonnuncquam operatur longè post, vt ostendimus, cum de fitione ageremus.

Restat de integritate, quid sentiendum, cum alicuius peccati oblitus est pœnitens, cuius postea est memoriam scilicet omnia De peccato obli-
præterita confiteri teneatur: cum nec tunc integrè confessus fuerit, vt patet, nec nunc, si id tantum cuius memor est, dicat, integrè confiteatur. De quo speculatiuè quidem certa est sententia, quod, si diligenter conscientiam discussit pœnitens, quantum scilicet iuste putauit sufficere, vt in memoriam reuocaret peccatum: quantum in ipso est integrè fuit confessus, nec tenetur amplius repetere. Si verò ex negligentia & incuria discutiendi conscientiam & rememorandi peccata contingit obliuio, tunc negligentia illa imputatur, & perinde est ac si noluisset integrè confiteri: quare nulla est illa confessio, & tota repetenda. Diximus hæc manifesta esse speculatiuè. Cæterum in speciali iudicare, qualis fuerit negligentia, & quanta, certò quidem vix possibile est, maxime in rudioribus & raro accedentibus ad confessionem. Quis enim satis intelliget, quanta fuerit diligentia examinandi conscientiam? Quamquam sic illud iudicare, vt sufficiat ad hoc, vt in misericordi Dei iudicio non imputetur nec pœnitenti, nec confessori, non sit difficile prudenti & timenti Deum sacerdoti, & non negligenter expendenti quæ ad hoc pertinent iudicium. Cæterum ab idiotis & negligentibus circa similes pœnitentes, vix intelligere possumus, quomodo fieri possit: nec id sine dolore dicere possumus. Quamquam hoc malum non in hoc articulo solùm noceat, sed ferè in omnibus.

Ad iudicandum igitur, an sufficiens fuerit diligentia, hæc est

Quanta diligētia exami- communis doctorum sententia, manifesta etiam ratione probata:
nanda con- Adhibendam esse in confessione nō minorem diligentiam, quā
scientia. in arduis & grauibus negotijs magni momenti, aut ex quibus
 pendet vel substantia, vel vita hominum, adhiberi solet. Idcirco
 dicitur libro de falsa & vera pœnitentia: Faciat pro salute animæ
 suæ in æternum victurus, quod pro salute corporis facit mori-
 turus.

Diligentia
adhibenda
circa tria.

Hæc igitur diligentia adhibenda est circa tria maximè: scilicet
 circa rememoranda peccata, circa dolorem & contritionem de
 illis, vbi etiam includitur cautela contra futura peccata: denique
 circa hæc ipsa, contritionem scilicet & discussionem conscientiæ,
 rectè examinanda & iudicanda, an sufficientia sint. Cum enim ex
 his tribus pendeat remissio peccati, ad quā consequendam tan-
 ta meritò est adhibenda diligentia: constat eandem ad hæc tria
 requiri. Cum igitur hoc certum sit in vniuersali, iam satis ostē-
 ditur in particulari, quā difficile sit de hoc iudicare. Sunt qui-
 dam, quorum feruor & diligentia manifesta est, quantum est in
 homine. Sunt alij, quorum negligentia etiam apertissima est. Sunt
 medij, de quibus meritò dubitari potest. Circa hos igitur debet esse
 cura & propria, & sacerdotis: vt scilicet excitentur ad maiorem
 diligentiam, & quantum fieri potest, examinētur: de quo sequen-
 tia in speciali sunt notanda.

Primum. Tanta illa necessaria diligentia intelligenda est iux-
 ta proportionem: vt scilicet sicut ad vitam saluandam nihil omit-
 titur eorum quæ necessaria iudicantur, ita ad peccatorum veniam
 consequendam nihil omittatur necessariorum, hoc est, eorum quæ
 probabiliter creduntur necessaria. Cæterum in ipsis temporalib-
 us negotijs, vbi cum hominibus agendum est, sæpe maiores in-
 cidunt difficultates, & ideo maiori etiam opus est sollicitudine. In
 discussione verò pœnitentiæ, & dolore peccatorum solū opus
 est vt secum agat pœnitens, & cum Deo: faciat ergo quantum ad
 hæc putauerit satis esse.

Secundum. Sine vlla cura prius examinandi conscientiam ad
 confessionem accessisse (nisi fortè cum expectatur per examina-
 tionem sacerdotis & admonitionem posse fieri quod satis sit ad
 rememoranda peccata) signum est defectus necessariæ diligentia.
 Si verò ex diligentia sacerdotis admonitus est pœnitens, & vterq;
 iudicat factum esse satis, non est putanda minor hæc diligentia.

Tertium

Tertium. Cùm duo hæc, examinatio & dolor, præcipua sint de quibus iudicare debet sacerdos, sine vlla cura & discretionẽ horum absoluerẽ, cùm non sunt manifesta, graue periculum est, nec videmus quomodo excusari possit sacerdos ipse à graui peccato, & pœnitenti etiam à graui negligentia: nisi fortẽ ex bona fide absque vlla malitia sequeretur iudicium confessoris. Cæterum quia nec conuenit, vt confessores indiscreti & nimium in his examinandis molestant pœnitentes, prudenter est agendum, & ex toto ipso discursu confessionis, & conuenientibus ac temperatis valde interrogationibus (an scilicet cogitauerit à confessione proxima, vbi & cum quibus egerit, quæ tractauerit, quæ occurrerint occasiones peccati &c.) iudicare debet, sicut de dolore. In quo iudicio non opus est anxie procedere, sed diuinæ misericordiæ occultiora relinquere: & certò statuere, Deum non imputaturum ad culpam, si quid defuerit: sed potius sua bonitate facturum, ne illud impediatur.

Vltimò denique & hoc obseruandum: quòd, quia negligentia ipsa peccatum quoddam est, hæc etiam remittitur per confessionem & contritionem. Vnde cùm quis de hac negligentia dolet, & eam confitetur: si quidem in extremo periculo est, nec iam maior fieri potest, etiam ab hoc peccato & cæteris credendum est eum absolui. Imò etiam si instaret tempus, quo sine scandalo omitti nõ posset communio, absolui etiam credendus est, sed supplenda est postea negligentia. Quicquid igitur bona fide agitur, illud etiam quieta mente suscipiendum est. In maxima verò negligentia & incuria rerum tam necessariarum, nulla potest esse securitas.

Mouentur circa istas duas conditiones, integritatem scilicet & dolorem confessionis, à posterioribus dubia nonnulla. Quædam, quæ nonnunquam occurrere possunt, quanquã raro: quædam quæ certè vix aut nunquam: quare possent fortè illa omnia melius prudentis arbitrio relinquì: sed breuiter de his annotanda sequentia. Primum. Si sacerdos inouit pœnitentem oblitum alicuius peccati, quod fortè ipse vidit eum comittentem, & tñ non confitetur, & nihilominus pntat eum conscientia suam discussisse quantum putat sufficere: si quidem sine scandalo eius potest, admoneat eum illius peccati: quod si timet scandalum: agat quantum potest, vt illius meminerit: quòd si tandem illud non confitetur, nõ propter hoc est absolutio deneganda, Nam in hoc iudicio debet ca-

Sacerdos debet iudicare de examinatione cōscientiæ & dolore confitentis.

DE INTEGRITATE

Vere sacerdos, ne ex cognitione quacunque, quam extra iudicium illud habet, moueatur ad ligandum vel soluendum. Potest ex illa fieri cautior & diligentior ad examinandum. Cæterum non debet iudicare, nisi ex pœnitentis confessione.

Secundum, de quo etiam Gerson, Hadrianus, & alij mouent dubia. Si sacerdos timet pœnitentem non rectè discussisse conscientiam, aut non plenè contritum, si quidem probabiliter hoc putat, maximè ex ipsa eius confessione, nō dubitandum quin teneatur omnem adhibere diligentiam, quousque probabiliter credat satis actum esse in illis duobus. Notat tamen Gerson, quòd cum pœnitens non est paratus, aut sine scandalo non sustinebit diutius examinari vel interrogari, posse sacerdotē (facta hac protestatione, quòd non proderit ei absolutio, si non sit dispositus) absoluerē. Quod verum est, cum ex ipsa eius confessione non habet, vnde non credat eum dispositum, quamuis aliunde forsā dubitare posset. Nec etiam putamus (vt suprà dictum est) debere conditionem addi in huiusmodi casibus dubijs, vel mēte retineri. Melius est vt absoluens intendat agere quantum potest.

Tertium. Dubitant etiam, quid acturus sit sacerdos, cum videt pœnitentem ex ignorantia putare aliquid non esse peccatum, & ideo non confiteri: an scilicet teneatur eum docere? Vbi asserunt nonnulli, quod si ex illo peccato nullum damnum tertio inferatur, nec timeatur illum rursus commissurum tale peccatum, etiam si ex ignorantia iuris diuini sit, posse sacerdotem tacere, nec de hoc admonere pœnitentem, si inuincibiliter (inquiunt) ignorat: quia (inquiunt) non est cur illum admoneat. Nec enim opus est vt pœniteat eum illius peccati, cum non peccauerit: nec vt caueat, cum non sit timendum, ex casu posito, quod occurreret occasio illud iterum committendi: nec vt satisfaciāt, cum nec illud sit necessarium. Affirmant secundo nonnulli, quod eo casu etiam si peccatum sit in præiudicium tertij, si tamen non est spes correctionis aut vtilitatis alicuius, melius facit sacerdos tacendo, quā frustra aliquid admonendo. Sed tunc (inquit Had.) non debet absolvere. Alij docent, etiam tunc absoluendum esse. Fatetur tamen Hadrian. quod, si tantum esset ignorantia facti (vt si conpraxit maritus cum secunda, viuente prima, sed vterque id ignorat sine culpa) & ex admonitione nihil aliud sperari posset quā turbatio & anxietas infirmorum, qui aliqui tutam habent conscientiam, melius tunc sit tacere.

Circa

Circa hæc omnia nunc proximè dicta de his ignorantijs, nos putamus rarò aut nunquam posse ea contingere vt proponuntur. Quomodo sciri potest, quòd laboret quis ignorantia inuincibili iuris diuini, nisi fortè dicamus, q. à proprio episcopo, aut parocho, viris doctis audierit pœnitens non esse peccatum, iurare falsum in iudicio ne occidatur homo, atq; ideo id fecerit? Sed esto ita: nunq̃ certum esse potest, non posse eum rursus in hoc incidere. Quare crediderim de his quæ certò iuris sunt diuini, semper admonendum & docendum esse pœnitentem, cum sacerdos quacunq; ex causa iudicat illum ignorare. Neq; quod aiunt: timet nihil utilitatis futurum: puto posse contingere: nec est hoc vlla ratione de alio iudicandum: quòd si postea hoc ostenderetur, quòd ille scilicet repugnaret doctrinæ, non puto esse absoluendum. Meritò inquit tunc Adrianus non esse ignorantiam inuincibilem: cum non sit paratus admonitus se emendare. Igitur de omnibus quæ sunt iuris diuini vel humani, & concernūt pœnitentē, præcipuè si ea scire teneatur, tutius est vt instruatur pœnitens à sacerdote, maximè vbicunq; præiudicium est tertij. Cæterum solum in ignorantia facti, cum timetur pusillorum infirmitati, rationabile videtur, tacendum esse. Sed hæc omnia, propter diuersas quæ accidere possunt circumstantias, sacerdotis arbitrio melius est relinquere, si doctus sit: si non sit doctus, consulat peritiores.

In his omnibus est aduertendum, teneri quidem sacerdotem ad examinandam et discutiendam pœnitentis conscientiam, præcipuè quo ad ista duo, integritatem scilicet & contritionem: quare tenetur & interrogare tam circa ea quæ confitetur pœnitens, quàm circa alia quæ putat conuenientia illi. Propterea videretur huic articulo conuenire, vt de interrogationibus necessarijs ageremus: sed hæc in alium articulum differamus.

De hac igitur conditione confessionis solum hoc restat breuiter admonendum, quòd ad eam etiam pertineat veritas: vt scilicet in confessione non admisceatur mendacium, sed prout in animo habet, ita pœnitens manifestet: dubia vt dubia, certa vt certa. Admonet Caietanus bene, excusari posse illum, qui putat se melius agere, si peccatum de quo dubius est, sibi certò imputet & confiteatur. Verùm dubium nonnullum est, an sit peccatum circa venialia peccata mentiri, negando scilicet interrogatus quod commisit, aut confitendo quod non commisit: vbi Caietanus scrupulo

DE SECRETO

fior videtur multis. Tenet enim, quod, si venialia accipiat pœnitens vt materiam confessionis, cum fortè sola illa confitetur, peccet, si circa illa mentiatur. Sed tandem ille ita temperat hanc rem, vt vix aut nunq̃ inueniri possit illud peccatum mortale. Quare tutò teneri potest, mendacium circa venialia nunquam esse mortale: quamuis si valde in tam tremendo iudicio fugiendum.

LECTIO VNDECIMA.

Deratione secreti necessarij in Confessione.



Onitur etiam inter conditiones confessionis, quod sit secreta: circa quam duo nobis dicenda sunt. Primum. Quatenus secretum ad necessitatem sacramenti pertineat. Secundum. Quatenus teneatur ad seruandum secretum minister ipse sacramenti sacerdos. Circa primum igitur sequentia adnotentur. Primum. Potest pœnitens vel pluribus sacerdotibus simul, vel sanè sacerdoti coram pluribus alijs publicè etiā confiteri: Hoc enim præter auctoritatem libri de vera & falsa pœnitentia, quam & Gratianus citat de pœnitent. dist. 1. ca. Quem pœnitet. vbi dicitur: Quanto pluribus quis confitetur, tanto plenius consequitur remissionem, propter erubesceniam. Præter hanc auctoritatem (inquam) habet rationem manifestam: quoniam non est cur pœnitens non possit sicut vni seorsim, ita simul multis sua peccata manifestare, & medicinam querere. Tenent etiam hoc communiter nostri: & addit Petrus de Palude in 4. hoc in religionibus consuetum fuisse, siue aliquando factum. Nihil itaque est, quare de hoc sit dubitandum. Sed dubitant alij, an confessio hæc sacramentalis sit: de qua iam secundum addamus.

Confessio hæc pluribus facta, aut coram pluribus, non est minus sacramentalis, quam si vni tantum fieret. Hoc manifestè probatur.

batur. Ratione quidem, quia in hoc sacramento non potest pro-
bari aliud esse necessariū, quā q. subijciat se pœnitens iudicio & tribus vel pu-
clauibus Ecclesiæ. Nec de ratione iudicii huius aliud est, quā vt blicè facta
omnia, occulta etiam, in eo manifestentur. Quod verò vni, & non est sacrame-
pluribus fieri debeat confessio, id in fauorem est pœnitentis, cui *facilis*.
voluerit renuntiare, non est cur non sit perfectum iudicium. Con-
sonat etiam hoc antiquæ Ecclesiæ vsui & authoritati. Superius
namq; ostendimus & ex Origene, & ex historia Tripartita, con-
suetum fuisse, vt coram tota Ecclesia nonnunquam occulta pec-
cata manifestarentur à pœnitentibus. Et Leo (vt etiam diximus)
prohibuit, ne ad hoc cogerentur pœnitentes, vt in scriptum redi-
gerent peccata, manifestanda deinde Ecclesiæ: ne hac occasione
detererentur peccatores à tam necessario remedio. Verū nul-
la est vel suspicio, quod illam non putarit sacramentalem confes-
sionem: quod aduertendum est etiam contra aduersarios Eccle-
siæ. Illi, cum negare non possint, confitentur quidem fuisse olim in
Ecclesiæ confessionem, sed publicam (inquiunt) non occultam,
qualem modò videmus. Vbi certè duo inconsideratissimè dicunt
contra seipsos. Primum: Quod non vident multo esse mitiorem &
minus grauē confessionem occultam, quā publicā. Quare non
possunt negare, nunc in Ecclesia multo suauius & mitius cū pec-
catoribus agi, q̄ cum publicè confiteri cogeantur: & multo tunc
ardentius peccatores pœnitentiam egisse, q̄ modò. Secundò non
aduertunt, publicum vel occultum non variare iudicii & clauium
Ecclesiæ authoritatem. Non igitur alia est confessio & absolutio
quæ modò fit, quā quæ tunc fiebat. Nam si dicere tentent, tunc
tantum de publicis factam esse confessionem, cum publicè fieret:
contradicit apertè Origenes loco suprà citato, contradicit apertè
Tertullianus de pœnitent. & cæteri antiquiores, assentes per il-
lam confessionem quæ tunc fiebat, peccatores sese prodere: & ad
hoc exhortantes ne vereantur facere, vt suprà satis ostensum est.
Igitur secretum non est necessarium huic sacramento. Sed nec
hoc vnquam necessarium pœnitenti est, vt pluribus confiteatur:
tantum tenetur ex præcepto Christi subdere se iudicio clauium:
quod integrè fit, cum vni confitetur.

Tertium istud sit: Ad necessitatem huius sacramenti sufficit De cōfessio-
per interpretem, vel nuncium, aut scripto confiteri: et eodem mo- ne per inter-
do nuncio vel scripto absolui, Tenent etiam hoc plures nostrū, Pe- pretem, nun-

cium, vel li-
teras,

trus de Palude, Hadrianus, Syluester. Quanquam Caietanus de hac loquens conditione, absentem, vel per scriptum nullo modo putet aliquem posse absolui, vt sit verum sacramentum: Sed secure aliorum sententia teneri potest: quæ ratione etiam satis probatur sumpta ex natura huius sacramenti, quod non est aliud, quàm iudiciū quoddam à Deo institutum: in iudicijs verò & causæ disceptatio, et sententia nō solum scripto fieri potest, sed multo conuenientius fit. Non igitur hæc confessio propterea minus erit sacramentalis. Duo tamen circa hæc sunt notanda. Primum. Quod, cum coram & voce fieri potest, non sufficit facere per nunciū vel scriptum: ita b. Tho. d. 2 1. 4. (vbi de hoc nostri) aperte dicit, quod sequitur magna, & magis digna autoritate doctorū pars. In hoc sacramento manifestatio requiritur: fieri igitur debet, si potest, certiori & cōmuniori modo: adde etiam q. ipsa scriptura confessionē exigat: confessio verò non nisi voce confitentis fit, nisi forte cum vox suppletur scripto. Per se igitur manifestatio vocis necessaria est. Quod & Gratian. ex lib. de vera & falsa pœnitent. in illo cap. Quem pœnit. probat: Ad sacerdotes (inquit ille) mittuntur leprosi, & ore suo manifestare iubentur. Secundò etiā circa hoc aduertendum, quod sicut non est licita & sufficiens hæc confessio per nunciū vel scriptū, cum fieri voce potest: ita non est necessaria, etiā cū aliter fieri non potest. Est etiam hæc Doctorū cōmunior & sanior sententia. Tantum Christus obligat pœnitentem ad manifestandum se iudici, cui illi potestatem tradidit: non alicui alteri. Si igitur non potest nisi per interpretem: si quidem fecerit, rectè facit, & consequetur sacramentum: si autem non, sufficit ei contritio, sicut non habenti sacerdotem. Ita de scripto vel nuncio. Hæc enim per se manifestant peccata alijs: nuntius namque alius est à iudice: scriptum etiam à quocunq; legi potest. Vbi tamen aduertendum, quod si casu accideret, vt pœnitens loqui nō possit, sicut tenetur per nutus & signa confiteri, si cōmodè potest: quia illa per se non manifestant alijs peccata: ita videretur ille teneri etiā ad confitendum per scripturam, si posset præsentē ipso sacerdote & legente, ita scribere, vt mox deleri posset scriptura. Satis enim occulta manifestatio tunc est. Quanquam his omnibus signis vel nutibus, vel scriptura, non putarem nimium grauandum esse pœnitentē, maxime in extremo periculo. Ista maxime signa satis cōfute possunt manifestare peccata, vt magis curandum videatur.

ad veram contritionem & poenitentiam recurratur, sed non est id omittendum. Et hæc satis de priori articulo, qualiter scilicet sit necessarium secretum huic sacramento.

De secundo iam dicendum, quomodo sacerdos teneatur audita in confessione celare. Vbi primò quasi fundamentum explicandum est, vnde hæc obligatio sit, & quanta: de qua re beat. Tho. & reliqui dist. 21. 4. Communiter quidem respondent, obligationem hanc ex natura ipsius sacramenti esse. Cum enim sacramenta efficiant quod significant: in hoc verò sacramento significetur absolutio à peccatis, quæ nihil aliud est, quàm testio quædam peccatorum, iuxta illud: Quorum testa sunt peccata: Efficit igitur hoc sacramentum, vt meritò minister ipse teneatur etiam ea tegere. Quam rationem etsi Durandus putet non sufficere (nec enim inquit sacramentum efficit quicquid consequenter significatur, sed id quod primò & directè: quare satis (inquit) est, vt hoc sacramentū efficiat remissionem peccati, non verò hanc obligationem celandi) ille tamen nimium scrupulosè hanc rationem considerauit. Illud sit dictum, vt conuenientia quædam & persuasio. Valde certè consonat rationi, vt sacerdos se conformet Deo, qui peccatum, quod ante confessionem dicitur in scriptura conspexisse, per absolutionem & remissionem dicitur non videre: Auerte faciem tuam à peccatis meis. Sacerdos ergo quæ antea non nouerat, meritò habere debet secreta. Continet tamen etiam hæc ratio efficacius aliquid, cui verè innittitur hæc obligatio. Natura sacramenti huius quid aliud habet, quàm quod sit iudicium quoddam (vt ita dicamus) superhumanum: cæleste scilicet & diuinum, & consequens illam potestatem Christi, quæ constitutus est à Deo iudex viuorum & mortuorum? Solus ille potuit præcipere, vt occulta & peccata omnia suis ministris reuelarentur: vt superius probatum est. Ex hoc fit, vt sacerdos qui audiuit, non sciat illa vt homo, nec naturali aliqua cognitione, sed solùm vt vicem Dei tenens: vnde veraciter dicere potest, se nescire quod in confessione audiuit. Meritò igitur ex hoc iudicio, quod alienum est ab hominum conuictu & conuersatione, sed solius Christi in salutem animarum, nihil trahi potest ad humana iudicia vel conuersationem vitæ: aliqui ex isto iudicio turbaretur quidem & confunderetur humana, Quanta ob- rum legum ordo & ratio. Itaque obligatio ista seruandi secreta ligatio secretæ audita sunt, ex ipso diuino iure est, consequens præceptum ti confessio-
E ff. 3 ipsum nis,

Quare sacerdos debeat secretum seruare.

Psal. 50.

DE SECRETO

**Quæ sint ce-
landa hoc
secreto.**

ipsum confessionis. Vnde meritò tenent omnes, neque à Papa di-
spensari posse in hoc: esset enim hoc mutare naturam huius iudi-
cij Christi. Quare meritò Gregorius grauissima pœna puniri iu-
bet sacerdotem quicquam reuelantem: deponi scilicet ab officio,
& infamem perpetuò manere. Nec vltius aliquid hic quærendū
est. Ex his sequitur, nulla ratione, nullo casu, vel euitādi cuiuscūq;
periculi causa, nulla obedientia, vel iuramento, secretū hoc reuela-
ri posse. Illa. n. si sciuntur, vt tñ inter homines dicantur nesciri. Lō-
gè itaq; maius est vinculū huius secreti, q̃ secreti quod ex lege na-
turæ est, & quo astringimur, quæ nobis ratione aliqua bona fide
sunt commissa secretò seruare, aut occulta proximorum peccata,
cum ad nos perueniunt, celare. Hæc enim in multis casibus debet
etiam manifestari: vt cū imminet periculū Reip. aut certè cū
saluti expedit vel ipsorum qui commiserunt, vel aliorum. Quæ ves-
rò in confessione credita sunt, nulla ratione sunt manifestanda, vt
diximus. Quare etiam si quis dicat se in confessione aliquid indi-
care alteri, modò non sit confessio, non tanto vinculo est seruandū
secretò: nec maiori reuera, quàm illa alia de quibus dixi-
mus. En igitur explicatum quod proposuimus, vnde sit obligatio
hæc secreti, & quanta. Ex quibus iam breuiter sequentia sunt
notanda.

**Quos astringat hoc se-
cretum.**

Primum. Ad secretum hoc seruandum primò quidem ipse sa-
cerdos tenetur qui audit confessionem, siue vnus siue plures sint,
iuxta proximo articulo dicta. Secundò verò etiā omnis ad quem
quacūq; via, licita videlicet vel illicita, confessionis notitia per-
uenit. Vnde ille, cui reuelata est confessio concedente eo qui con-
fessus est (vt dicemus postea) vel etiam sacerdote infideliter agen-
te, tenetur ad idem sacramentum. Similiter & interpret, si eo vsus
qui confitetur. Deinde quicūq; alius, qui fortè aut casu aut frau-
dulenter quicquam audiuit. Ratio horum omnium eadem est: omnes enim participes facti sunt (siue peccauerint, siue non) illius
manifestationis quæ Christo tantummodo fit.

Secundum. Et si nō quicquid dictum est inter confitendum,
sub hoc secretum cadat, oia tamen peccata & circūstantiæ sic se-
creta seruanda sunt, vt nec in specie, nec in genere ex reuelatio-
ne sacerdotis agnosci possit aliquod peccatū cōfitentis, aut circū-
stantia: deniq; nec tertia persona, cū qua fortè peccatū est: & tan-
dem quæcūq; illa sint, per q̃ veniri potest in notitiā alicuius pec-
cati cōfitentis. Et ratio quidem horū manifestissima: quia omnia

sub

sub illo iudicio cadunt. Ex quibus multi in speciali notant doctores, merito cōsideranda confessoribus: de quibus Caietanus in hac cōditione cōfessionis, scilicet secreta: Siluester in verbo, Confessio. 3. Non potest sacerdos dicere, talis confessus est mihi hoc peccatum, etiā si illud sit publicū, & publicē ei fuerit confessus: potest tñ de quocūq; dicere, cōfessus est mihi sua peccata: nihil. n. hic reuelat: potest dicere, se aliquem absoluisse: non verò ē contrario, quòd non absoluerit. Sed illud etiā prudenter admonent doctores, quòd quamuis quz dā in laudem dici possint, maxime post mortem, vel ante etiā: quod scilicet magna contritione cōfiteatur quis, magna puritate, quod nō inuenerit in eo peccata mortalia: timendū tamē est, ne cū ista de alijs nō dicūtur, inde cōsequatur, vt intelligant alios hęc non habere. Satiū itaq; est omnino tacere, vel salē cū de duobus aut pluribus est sermo, non de vno hęc dicere, & de alio tacere. Possunt autē in confessione quzrendi consilij gratia sic manifestari, vt inde non agnoscat peccator. Addunt doctores instruere parochos & alios, ad quos pertinet administrare sacramentum Eucharistię, quomodo sine reuelatione confessionis, cū audierint publicum peccatorem, nec absoluerint, publicē etiam repellere possint à sacramento: dicentes scilicet, oportet te publicē pēnitentiam & emendationem ostendere.

Tertiū. Sunt nonnulli casus specialiter considerandi, quos animaduertērūt doctores. Primò igitur de licentia confitēti manifestari potest quicquid in confessione auditum fuit. Nec opus est id scrupulosius tractari, quā vt ille facultatem concedat. Dixerunt quidam opus esse, vt extra confessionem iterum reuelet: sed vanū est: Quod in fauorē tertij etiā iure diuino introductū est, ille potest remittere: sicut id, ad qd ex iuramento tenemur pstandū. Secundò. Quz extra confessionem sacerdos cognoscit, siue antea, siue post: ex eo quòd in confessione eadem audiuit, non tenetur magis secreta seruare: nec reuelando eam cognitionem quam extra confessionem habet, facit contra secretum confessionis. Fuerunt etiam in hoc scrupulosius quidam loquentes: sed hoc tutum & certum est. Tertiò denique magis dubium est, quid de peccatis, quz in confessione manifestantur, sentiendum, cum sacerdos videt in magnum reipublicę nocumentum, aut temporale vel spirituale damnum esse: vt audit hęreticum secretē corruptentem populum; aut coniugatū aliquem de tradenda ciuitate, vel regno hostibus.

DE SECRETO CONFESSIONIS

hostibus. Vbi cum illud certum sit, propter nullum periculum reuelandam esse confessionem, confugitur à doctõibus, vt quærat, an illa sit confessio, an non : quod meritò considerandum est: quanquam non sit libertas reuelandi aded extendenda, vt à nonnullis fit. De hoc igitur sunt sequentia notanda.

Primum. Quando peccatum manifestatur absq; vllõ dolore, aut spe, aut intentione veniæ obtinendæ, quantumuis testetur, qui sic manifestat, se in confessione dicere, non tamen secretum confessionis tunc obligat. Itaque reuelandum tunc erit, cum in damnum reipub. vel priuati cuiusquam esset. Patet hoc, quia nullum ibi sacramentum confessionis est, nulla submissio clauibus ecclesiæ &c.

Secundum. Ex hoc Innocentius, Panormitanus, & nonnulli alij theologi dicunt, peccatum futurũ, & quod non proponit vitare qui confitetur, non cadere sub sigillo confessionis. Vt si confiteatur se velle prodere ciuitatem &c. nulla ibi videtur esse confessio. Sed de hoc dubitant alij: timent enim graue scandalum, si proderetur. Quare melius est in hoc medium tenere. Si salutis animæ suæ causa quis manifestet peccatum, quamuis illud non proponat vitare, & quamuis futurum sit, videtur tamen sub sigillo cadere. Vnde b. Thomas loco citato erroneam dicit sententiam, asserentem peccatum, quod vitare non proponit qui confitetur, non cadere sub sigillo. Potest enim (vt inquit) esse confessio ficta. Igitur in primo tantum casu & similibus, cum manifestè nulla est confessio, sed vel irrisio, vel multo peior exquisitio rationis ad committendum peccatum: dicendum est sigillum non habere locum. In cæteris omnibus, cum vel consilium quæritur, vel nonnullum desiderium salutis ad manifestandum peccatũ ducit, etiam si ex infirmitate aut quauis alia causa non sit dignus absolutione, aut non omnino proponat vitare, sub sigillum tamen credendum est cadere: nec pericũlum siue spirituale, siue temporale reipub. sufficere debet, vt reueletur aliquid eorum, quæ sub hoc sigillo cadunt, sed aliter obuandum est, si fieri potest: vt in communi admonendo ad quos pertinet spiritualis vel corporalis custodia : vel alia aliqua ratione. Quodd si ita non possit (vt inquit b. Thomas) cognitio illa confessionis cum non sit humana, perinde habenda est, ac si non esset,

DE SATISFACTIONE.

Tertia videlicet parte Pœnitentiæ.

LECTIO PRIMA.



Voniam (vt in principio Tractatus huius dictum est) satisfactio tertia pars atq; vltima pœnitentiæ ponitur, siue vt pœnitentia virtus est, siue vt est Sacramentum : de ea nunc vltimò est agendum. Et sicut de cōfessione diximus, quòd alia est virtutis pœnitentiæ (quæ & ante institutionem sacramenti, & naturali qua-

Vt confessio, ita satisfactio est duplex.

dam ratione ostenditur, et in lege atq; Prophetis docetur apertius) alia verò est magis determinata: peccatorum scilicet omniù mortalium post baptismum commissorum facienda ministro Christi : quæ meritò sacramentalis dicitur, & pars sacramenti pœnitentiæ: ita de satisfactione nunc dicendum est. Est enim alia satisfactio quæ voluntariè assumitur à pœnitente, proprio scilicet arbitrio suo: proprio (inquã) sed iuxta Dei voluntatem in scriptura ostensam: hoc est, illa satisfactio, quam in lege & Prophetis Deus exigit, & ratio ipsa naturalis ex parte ostendit. Alia verò est, quam minister Christi ex potestate clauium iniungit pœnitenti pro qualitate criminum, & dispositionis propriæ: quæ meritò sacramentalis dicitur: nec aliter differt à priori illa satisfactione, quàm sicut determinatum quoddam & speciale à communi. Deus vult peccatorem satisfacere dolore, lachrymis, abstinentia atq; mortificatione: minister verò Christi pœnitenti moderatur & quantitatem, & qualitatem eius: sicut confessio illa sacramentalis est determinatus quidam modus manifestandi peccata, quæ manifestanda aliqua ratione esse ante sacramentum institutum, docet & scri-

Ggg

ptura

DE SATISFACTIONE.

ptura & ratio. Dicendum est igitur de duplici ista satisfactione: & primò de satisfactione in communi & in vniuersum: secundò specialiter de ea quæ imponitur à sacerdote illi, qui se subijcit clauibus Ecclesiæ.

Quia verò & in hac vltima parte pœnitentiæ, non minus molesti sunt nobis hæretici, quàm in reliquis: Vt enim nihil intactum relinquant, eorum maximè quæ ad salutem tantopere sunt necessaria: vt blandiantur vulgo, & seruiant affectibus: quicquid oneris & difficultatis est ad salutem, auferre conantur: clamant mirabiliter contra satisfactionem. Quia igitur ita etiam in hac parte aduersantur nobis, dicamus primò de satisfactione in genere, quid habeat Ecclesiastica & Catholica doctrina: vocent (si eis placet) scholasticam: deinde facile videbitur quid illi impugnent, aut qua ratione eis responderi debeat.

De satisfac-
tione in
communi.
Daniel 4.
Prouerb. 16.

Capite 1.

Thobiz 4.

Lucæ 11.

Primum igitur agnoscimus satisfactionem pro peccatis in ipsa scriptura sacra apertè doceri, & exigi à peccatoribus: sicut Daniel apertè loquitur Nabuchodonosor regi: Peccata tua eleemosynis redime, & iniquitates tuas misericordijs pauperum. Et in Prouerbij scriptum est: Misericordia & veritate redimitur iniquitas. Ecce verbum redimendi, quod iustitiæ est, sicut & nomen satisfactionis. Quare etiam huc pertinent multa alia quæ in scriptura de eleemosynæ virtute dicuntur. Isaia s. clamat: Subuenite oppresso, & defendite viduam &c. Et addit: & venite & arguite me. Si fuerint peccata vestra vt coccinum, quasi nix dealbabitur &c. Ecce quomodo Deus eleemosynis ostendat satisfieri pro peccatis, dum vult se argui quodammodo, & constringi ad dimittenda peccata propter eleemosynas. Et Thobias inquit: Eleemosyna ab omni peccato & à morte liberat. Et ipse Dominus: Date eleemosynam, & ecce omnia munda sunt vobis. Esse itaque opera quibus peccatis satisficit, & ea redimuntur, ex his locis scripturæ colligitur, & ex pœnitentia illa Niniuitarum tantopere à Deo probata. Et hæc opera intelligunt patres esse fructus illos dignos pœnitentiæ, quos Iohannes & Christus Dominus exigunt mox in Euangelicæ prædicationis principio, vt in eum locum Chrysost. apertissimè ostendit, vt supra diximus: debere scilicet eum quem verè pœnitet peccatorum, si quid furatus est, eleemosynis diluere: si fornicatus, abstinentia etiam licitarum delectationum. Vnde & de satisfactione est constans & apertissima patrū doctrina.

na, tanquam de re certa, ab initio statim ipsius Ecclesiæ. Et quanto duriorem exigebant illi patres satisfactionem, quàm nunc exigatur in Ecclesia, ipsa eorum doctrina apertissimè ostendit. Cypria. in serm. de lapsis quàm dñrè arguit, quòd sine satisfactione admitti essent ad cõmunionem, qui fidẽ negauerant? quàm ibi damnat eos, qui peccatorũ vulnera leuius contrectant, atq; ita non sanant? Tertullii. in lib. de peniten. (quanq̃ in eo vt Nouatianus loquatur) manifestissimum perhibet testimonium penitentialium satisfactorum: quæ seuerissimè in Ecclesia tunc exigebantur. Origenes Homilia 8. in Leuiticum, de his etiam apertissimè loquitur. Denique Augustinus ipse in Enchiridio (in quo certæ & catholice doctrinæ colligit compendium) apertè inquit remitti quidem maiora & grauiora peccata in Ecclesia si non satisfactio congrua negligatur. Itaque non abhorret ab hoc vocabulo antiquitas Ecclesiæ, nec certè scriptura. Nam rem ipsam apertius omnis antiqua & catholica doctrina docet.

Capite 70.

Ex his Magister sentent. in hac materia pœnitentiæ satisfactorum d. 15. & 16. onem necessariam docet, & partem ipsam pœnitentiæ constituit: 4. atque definiuit etiam ex libro qui Augustino tribuitur, de vera & falsa pœnitentia: vbi posteriores, hanc scripturæ & patrum doctrinam magis explicantes, sequentia docent.

Primum. Nullum posse perfectè & integrè, nec certè vel ex minima parte Deo pro peccatis satisfacere, secundum scilicet æqualitatem iustitiæ: cum nec pro susceptis beneficijs, etiam sine omni peccato, Deo possit æquale reddi. Hoc manifestissimum esse & ratione, & scriptura ipsa ostendunt. Quicquid in nobis est Deo debemus, à quo cuncta recepimus: illius sunt omnia: nihil ergo ei reddere possumus. Quis prior (inquit Paulus) dedit illi, & retribuetur ei? Quicquid agimus boni, ab ipso accipimus. Quid habes quòd non accepisti? Nulla itaque æqualitas nostri ad Deum esse potest: quare nec vlla perfecta iustitia.

Roman. 11.

1. Corint. 4.

Secundum. Proportionem quadam & gratuita Dei acceptatione inueniri potest aliqua satisfactio peccati in nobis. Est (inquit Philosophus) iustum quoddam paternum, siue (vt ita dicamus) amicabile: quod si non æqualitatem contineat, rei videlicet ad rem: habet tamen proportionem quandam, quæ inter amicos satis esse debet: cum videlicet amicus pro beneficio quod acceperat ab amico, si non quantũ accepit, quantum cõmodè tamen potest,

Ggg 2 reddit:

reddit: quod meritò ab amico acceptandum est quasi æquale, non quidem si consideretur res, sed animus. Ex his igitur dicunt, quòd Deus, quanto superior est, tanto benigniorem & humaniorem hominibus se exhibeat, vt verus videlicet pater, vt sponsus amantiſſimi, denique vt amicisſimus. Quare quicquid benignisſimis amicus, & ditisſimus à paupere amico ſuſcipit, eo etiam nomine Deus dignatur ſuſcipere à nobis. Propterea ſibi petit ſatisfieri, & reddi alia debita obedientiæ & ſeruitutis, non auſteritate aliqua, ſed dignatione maxima.

Tertiò deniq; docent, Deum à nobis exigere ſatiffactionem vltra ea quæ iam diximus, contritionem ſcilicet & confeſſionem. Et hoc quidem nonnunquam in communi ſub nomine pœnitentiæ: Si impius egerit pœnitentiam &c. Et: Pœnitentiam agite. Nonnunquam etiam ſpecialius, ſicut & duo alia. Non enim contenta eſt ſcriptura dicere: Pœnitentiam agite &c. Addit ſpecialiter de contritione & triſtitia illa, quæ ſecundum Deum eſt, ſicut cum dicitur: Dole et ſatage filia Syon. Aut: Lauabo per ſingulas noctes lectũ meum. Vnde & Moïſes: Inuenies (inquit) Dominum Deum tuũ, ſi tota tribulatione animæ tuæ quaſiſſeris eũ. Et de confeſſione etiam vidimus ſuperius præcepta: Conſitemini alterutrum &c. Ita igitur de ſatiffactione (quæ includitur quidem in communi nomine pœnitentiæ) ſpecialius dicitur: Facite fructus dignos pœnitentiæ. Vbi omnes patres intellexerunt ſatiffactionem. Hanc igitur exigit à nobis Deus, non quaſi condignam et ſufficientem pro peccatis (hoc enim eſſe non poteſt, vt diximus) nec certè quaſi ipſius remiſſionis peccati meritorium (gratis enim peccatum dimittitur) ſed perſoluendam tanquam neceſſariam nobis ob tres maximè cauſas. Prima, ad ſatiffaciendum & perſoluendum temporalem pœnam, cui ſæpius poſt remiſſam culpam manet peccator aſtrictus coram Deo. Nam quòd remiſſione culpæ non conſequatur remiſſio totius pœnæ, ſuperius probauimus ſcripturæ manifeſtis exemplis: vt Auguſtinus etiam probat in libris de peccatorum meritis & remiſſione. Primò in ipſo Adam & peccato quod ex eo contrahimus: remiſſum eſt illi, & nobis etiam in Baptiſmo: & tamen exigitur mox illius peccati pœna, mors ſcilicet, & reliquæ huius vitæ aſſiſtiones: fames, ſitis &c. Idem in Dauid patet, cui bis remiſſo peccato impoſitæ ſunt grauiffimæ pœnæ. Itaque nihil derogat diuinæ gratiæ in remiſſione peccati:

nihil.

Deuteron. 4.

ſatiffactio
per diuinam eſt
gratiæ cauſa

nihil quoque derogat efficaciz meriti passionis Christi, quem Deus nobis dedit propitiatorem, si eum cui culpam remisit, & in simam amicitiam recepit, temporaliter flagellet. Cum itaque hoc generaliter constet, specialiter etiam Ecclesiastica doctrina & certa fides habet, in Baptismo peccata omnia actualia, & pœnam etiam eorum omnino remitti: quia ibi est plena & perfecta configuratio mortis Christi & resurrectionis eius, & plena participatio meritum eius, quoad remissionem peccati atque regenerationem: ita ut nihil culpæ vel pœnæ ob commissæ peccata reliquum sit. Peccantibus verò post baptismum in hoc sacramento pœnitentiæ curatio tantum & velut medicina datur, per quam non ita plene omnis pœna remittitur, sed manet peccator remissa culpa, reus exoluendæ pœnæ. Propter quod ministro huius sacramenti datur potestas non tantum soluendi, sed & ligandi, ad pœnam scilicet pro qualitate delicti. Nam quod attinet ad remissionem peccati, omnium delictorum æqualiter fit. Cæterum pœna pro omnibus non æqualis est. Ad soluendam igitur hanc pœnam exigitur satisfactio, remissa iam culpa. Huic rationi possent & multe aliæ adiungi, quæ ad eam pertinent. Cur videlicet ita placuerit Deo, quod peccantes post baptismum non sint immunes à pœna etiam, remissa culpa: de quibus Augustinus supradicto loco. Quod certe misericorditer à Deo prouisum est tanquam patre: ad deterrendos scilicet nos à frequentia peccati: ut intelligamus grauiora esse quæ post baptismum committimus, dum non sine grauioribus flagellis nobis remittuntur omnino. Quàm verò hoc sit necessarium, experimur aperte. Nam nec his omnibus retrahimur à peccatis: quanto igitur minus si semper omnia (ut in baptismo) absque flagello aliquo remitterentur? His etiam pœnis admonemur ad recordationem peccati, & humiliationem, ad imitationem & configurationem Christi crucifixi: ut videlicet mortificationem Iesu semper in corpore nostro circumferamus: & (ut alibi etiam Paulus inquit) cum Christo crucifigamur. Hæc itaque certissima fidei doctrina confonè traditur à patribus, & antiquioribus concilijs, circa ea quæ superius explicauimus de potestate ligandi atque soluendi. Nihil in eorum doctrina apertius, quàm imponendas esse satisfactiones pro qualitate delictorum. Consentaneum est etiam hoc exemplis veteris legis, Quare non sunt audiendi hæretici vanè contra hoc clamantes.

2. Cor. 4.
Gal. 2. & 5.

DE SATISFACTIONE.

Rom. 7.

Secunda verò ratio huius satisfactionis est, propter ipsas reliquias & animæ propensiones in peccata, quæ manent remissa culpa: id quod primò in baptismo notissimum est. Remissis enim in eo peccatis, manet primò lex illa peccati, propter quâ lamentatur Paulus, iam certè iustificatus: Video in membris meis legem repugnantem &c. Hæc verò est corruptæ carnis nostræ in illicitis motus rationi repugnans. Deinde manent mali habitus peccatorum, qui ex actibus acquisiti sunt. Qui assuetus est intemperantiæ, iræ, & similibus, manet etiam adhuc in hæc vitia procliuis: contra quam infirmitatem adhibenda sunt cōtraria opera, quibus & illa auferatur, & in contraria inclinetur animus. Quod Origenes pulchrè in homilia illa in Leuiticū suprà citata, hac similitudine ostēdit. Nō satis est percussio à sagitta (inquit) si auferatur telum quod infixum erat: sed postea adhibenda sunt medicamina, quibus sanetur vulnus. Itaque peccatum ipsum commissum velut sagittam infixam animæ putat, iuxta illud psalmi: Sagittæ tuæ infixæ sunt mihi &c. Dei enim dici possunt sagittæ peccata, in quæ non nisi Deo nos deferente incidimus. Remissio ergo peccati esteductio sagittæ. Restat ergo vt adhibeantur medicamina in satisfactione. His itaque de causis doctrina Catholica tenet illam esse necessariam. Et medicinas istas intelligunt doctores scholastici esse hæc tria præcipue: eleemosynam scilicet, ieiunium, & orationem: & ideo has tres partes satisfactionis posuerunt & scripturæ authoritate, & ratione etiam manifesta. De eleemosyna in Daniele habemus: de ieiunio in Niniuitis: de oratione in publicano. Et sunt de his innumera alia scripturæ loca. Ratio etiam manifesta est. Nam peccata omnia in horum oppositis consistunt. Peccamus enim per concupiscentiam carnis, contra quam est ieiunium: peccamus per concupiscentiam oculorum, hoc est, diuitiarum amorem, contra quam est eleemosyna: denique & per superbiam cordis peccamus, contra quam est humiliatio orationis. Sed & per hæc tria omnium bonorum quæ nobis à Deo data sunt, sacrificium ipsi offerimus. Per orationem sacrificamus animam & interiora nostra: per ieiunium corpus: per eleemosynam exteriora omnia. Nihil itaque reliquum est.

Reprehendunt hæretici satisfactionem.

Hæc igitur est Catholicorum doctrina de satisfactione in communi, contra quam hæretici hoc tantum clamant, quod derogatur

derogatur virtuti passionis Christi, cum nos volumus ei aliquid addere: deinde & diuinæ gratiæ, cum volumus quasi mereri remissionem peccatorum, non gratis accipere à Deo: atque his etiam addunt tertium, incertos nos fieri de remissione peccatorum: quibus abundè iam superius satisfecimus, cum de iustificatione ageremus. Omnibus nostris operibus, quibus cooperamur in remissione culpæ vel pœnæ, nihil putamus nos addere meritis Christi vel gratiæ, sed ab utroque horum, à Christo scilicet, merito ipsius, & à gratia, quicquid agimus, credimus nos suscipere. Quid habemus quod non accepimus? & accepimus ex gratia Dei p̄ Christum? Nec fidimus nostris operibus, vt incerti esse debeamus, sed diuinæ gratiæ. Et stultissimè clamantibus hereticis, iniurium esse Christo, quòd velimus aliquid eius meritis addere: respondet Paulus: Adimpleo quæ desunt passioni Christi, siue suppleo (quod alij Ad coloss. 1. habent) in carne mea &c. Sed hunc locum inferius latius explicabimus: Est enim ad alia magis necessarius. Igitur de satisfactione hac in vniuersum sint nobis hæc dicta. Nam partes tres illas eius pertractare, orationem scilicet, ieiunium, & eleemosynam, non est præsentis loci. Diximus de illis in expositione sermonis domini in monte: & in hoc tractatu dicemus inferius inter moralia. Restat iam vt de sacramentali satisfactione aliquid dicamus.

LECTIO SECVNDA.

De sacramentali satisfactione.



SICVT de Contritione & Confessione diximus, ita & de satisfactione nunc dicendum. Est (vt proximè diximus) quædam virtutis pœnitentiæ satisfactio: quæ videlicet suscipitur pro cuiusque pœnitentis arbitrio: ad quam exhortatur nos scriptura sacra. Etiam ante institutum sacramentum pœnitentiæ à Christo exiguntur ieiunia, lachrymæ, & eleemosynæ à pœnitentibus. De hac satisfactione locuti sumus. Est alia, quæ arbitrio & autoritate sacerdotum

tum

DE SATISFACTIONE.

tum imponitur in Ecclesia: quam intellexerunt patres in illis verbis: Quicquid ligaueritis supra terram &c. Et quorum remissionem adhibere pro qualitate peccatorum: & diligenter agere, ut non tantum remittantur peccata præterita, sed à futuris etiam præseruetur pœnitens: quod maximè fit per satisfactionem impositam. Differt itaque hæc satisfactio ab illa priori, ut speciale aliquod & determinatum ab vniuersali & communi: sicut contritio & confessio sacramentalis à contritione & confessione virtutis. Præcipitur pœnitentibus in communi quidem, ut satisfaciant, redimant peccata elemosynis &c. nulla itaque in speciali definitur satisfactio: præcipitur verò in institutione huius sacramenti pœnitentibus, ut subdant se iudicio & clauibus Ecclesiæ, & pro arbitrio ministrorum eius hos fructus pœnitentiæ faciant. Vbi nihil aliud agitur, quàm ut id quod in genere præcipiebatur, in speciali iam applicetur huic pœnitenti: probata itaque superius necessitate satisfactionis, quam Deus exigit, probato etiam iudicio illo ministrorum Ecclesiæ, cui Christus præcipit peccatores subiici: manifesta relinquitur hæc alia satisfactio specialis & sacramentalis, qua nihil est in antiquorum conciliorum usu frequentius. Decernuntur in multis illorum tempora pœnitentiæ pro his aut illis criminibus. In ipso statim concilio Nicæno negantibus fidem imponuntur decem anni pœnitentiæ, aut pauciores, prout grauius aut leuius deliquerint. Ita in multis alijs concilijs. Vnde Isidorus (ut Gratianus citat cap. Hoc ipsum, 3. q. 2.) pro grauioribus delictis inquit septem annorum pœnitentiam dari consuetam. Certum est toto tempore pœnitentiæ sequestratos fuisse pœnitentes à communione. Insuper & ieiunijs ac abstinentijs in cinere & cilitio, prout moderabantur episcopi, vacasse, & in Ecclesia lamentabiliter sese ostendisse: cuius sunt in omni antiquitate Ecclesiæ multa testimonia. Et quanquam fuerint tempora præfixa, fatentur tamen patres, magna ex parte tempus & medium agendæ pœnitentiæ relictæ esse arbitrio sacerdotum. Ita Hieronymus, citante Gratiano capite Mensuram, de pœnitent. d. 1. Et Innocent. 3. id satis ostendit cap. Deus qui, de Pœnitent. & Remiss. Huius August. in Enchir. suo ad Lauren. & meminit, & rationem assignat vtriusque horum: quare scilicet certa tempora statuta fuerint pœnitentiæ, & quare arbitrio relinquatur sacerdotum. Sic enim inquit. In actione

De seueritate satisfactio-
nis olim
seruata.

ne pœnitentiæ non tam cōsideranda est mensura temporis, quàm modus. Verum quia plerumq; dolor cordis alterius occultus est alteri: rectè constituuntur ab his qui præsunt Ecclesiæ, tempora pœnitentiæ, vt fiat etiam satis Ecclesiæ, in qua remittuntur peccata. Vides itaque de temporibus pœnitentiæ quàm fuerit certa in antiquis doctrina: vides & rationem: vt fiat (inquit) satis Ecclesiæ, quod est, vt ex humilitate perseveranter subeundi pœnitentiam, iudicare possit Ecclesia, hoc est, ille spiritualis iudex constitutus ab Ecclesia, veritatem pœnitædinis cordis. Ex hac igitur libertate ab Ecclesia concessa ministris pro suo arbitrio decernedi pœnitentiā, ex infirmitate etiam nostrorū temporū factum est, vt nimium fuerit remissa seueritas ista satisfactionum. Dum .n. iubemur infirmitati condescendere peccantiū, & non imponere onera grauiā & importabilia, iudicant prudentes doctores cōsultius esse, modica imposita satisfactione, quā p infirmitate sua, siue corporis, siue animę peccator subire potest, reliqua iudicio diuino relinquere: quàm in desperationē aut nimiam tristitiam deijcere hominem. Itaq; nostris tēporibus non est quod calumnientur hæretici, quasi duriora imponantur modò: cum minima sint, & ferè nulla, quæ in satisfactionem imponuntur, si conferantur antiquioribus.

Hæc est de satisfactionibus siue pœnitentijs impositis à sacer- Confutatur
dotibus catholica doctrina, quam etiam impugnant hæretici pul- sententia hæ-
cherrimis certè rationibus. Primò inquit (quod negare reticorum de
non possunt) fuisse antiquum morem imponendi satisfactione- canon. pœni-
tes, sed hoc tantum in terrorem & exemplum factum fuisse. tentialibus.
Quare (inquit) ritus tantum politicus fuit, nihil ad consci-
entiam vel remissionem peccatorum pertinens. Et progredi-
untur vltèrius nonnulli eorum, vt audeant dicere, ex super-
stitione additas esse post Apostolos longiores illas satisfactio-
nes, & iam tanquam impossibiles omnino oblitteratas. His bre-
uiter (nec enim multis verbis opus est) respondemus, primum
quidem contra patrum sensum & absque vlla ratione dici. Qua-
re satisfactiones istæ non pertinent ad conscientiam & remissio-
nem peccati, quæ autoritate Christi imponuntur? Nonne in-
quit: Qui vos audit me audit? Nec hoc tantum id probat: sed quod
sunt etiam Sacramentales, hoc est, pars sacramenti, & virtu-
tem sacramenti participant. Sunt enim cæremonix & ritus ex-
teriores habentes verbum & promissionem: Quicquid ligaueritis,

H h h & quic-

DE SATISFACTIONE

& quicquid solueris &c. Secundum verò quàm est stultum & temerarium, vt audeant superstitionis arguere antiquissima cõcilia. Præferat se itaque nunc Philippus Melancthon Concilio Nicæno trecentorum decem & octo S. patrum, qui aliter legerant scripturam quàm ipse: arguat eos superstitionis. Sed (quod miserabilis est) habent isti qui eos audiant, vel potius, qui surdis auribus sequantur.

Propositio 1.
Quomodo
non sit neces-
saria satisfac-
tio.

Nunc restat vt stabilita ista sacramentali satisfactione, ad specialia descendentes, quod maximè necessarium de ea nostri pertractant, dicamus. Primò igitur de necessitate illius dicendum. De qua, sicut & de cæteris quæ iam sequuntur, breuiter & in summa tantum agamus. Sit igitur de necessitate prior propositio. Ad sacramenti pœnitentiæ veritatem, vt scilicet absolutio rata sit, & fructû operetur remissionis peccati, non est simpliciter & in vniuersum necessaria impositio pœnitentiæ, siue satisfactionis. Omisio itaq; huius non reddit sacramentû nullum, imò quandoq; etiam licita est. Vtrumq; probatur. Casu quo probabiliter iudicari potest pœnitentem perfectè satisfecisse pro peccatis quæ confitetur, aut imminere iam illi mortem, siue martyrium, patet in his omnibus frustra imponi satisfactionem. Potest etiam culpabiliter omitti: cum scilicet opus foret vel ad satisfaciendum pro peccatis præteritis, vel in remedium futurorum. Nec tamen tunc sacramentum redditur nullum, aut impeditur remissio peccatorum. Hoc patet. Quia potest pœnitens verè esse contritus, & adesse materia & forma sacramenti. Igitur (vt superius etiam dictum est) satisfactio pars integralis tantum sacramenti huius est, non essentialis. Erit itaq; sine illa verum sacramentû, sicut verus est homo ex anima & corpore: sed non erit integrum, sicut nec homo sine manu aut pede. Ex quo sequitur hæc secunda propositio.

Propositio 2.
Quando &
quare, ac quo
modo neces-
saria sit satis-
factio.

Impositio pœnitentiæ cum ad cauenda peccata futura, & satisfaciendum pro præteritis probabiliter iudicatur expediens, debet sub peccato mortali imponi à sacerdote, & acceptari à pœnitente. Hanc propositionem multi negant recentiorum, sequentes Scotum. Putant enim non teneri pœnitentem acceptare etiâ minimam: & sacerdotè tunc debere absolvere. Probât hoc: quia cum hæc satisfactio tantum sit pro pœna temporali, quæ remanet remissa culpa: potest (si velit) post hanc vitam exoluere, nec vllum videtur peccatum, hoc velle. Nos verò nulla ratione putamus hoc

asse-

asserendum. Est enim contra sensum patrum, nec à grauioribus hoc asseritur: & reuera detrahit multum authoritati clauii, et precipuo fini iudicij huius. Hæc omnia satis ex superioribus patent. Audiuimus Chrysostomum, Hieronymum, & cæteros asserentes summè necessarium esse, vt spiritualis iudex agnoscat pœnitentiũ infirmitatem & vulnera, & conuenientes adhibeat medicinas. Hoc putauerunt ex officio illius esse, & ex illo Christi verbo: Quorum remiseritis peccata &c. Et quicquid solueritis &c. Falsissimum itaque est, satisfactionem imponi tantum propter temporalem pœnam reliquam: maximè enim imponitur in medicinam: quod proculdubio tam necessarium est, vt officio suo non satisfaciat sacerdos, si hoc omittat. Peccat igitur mortaliter in tam graui negotio omittens quod tam necessarium iudicatur, & quod maximè intenditur à Christo. Peccat etiam & ipse pœnitens, & indignum se reddit beneficio absolutionis. Certe si quis ex scriptura & patribus quærat, quàm subditus debeat iudicio Christi stare pœnitens, quam debeat iudex curam adhibere, nulla ratione poterit hanc satisfactionem tantum voluntariam credere: quod recentiores illi dicunt.

Tertia propositio, quæ etiam ex his sequitur, sit hæc. Satisfactio imposita iudicio & arbitrio confessoris pro grauioribus & lethali-
bus peccatis, est necessariò exoluenda pœnitenti, ita vt voluntaria eius, sine necessaria & rationabili causa omis-
sio, sit peccatum mortale. Negat hoc Caietanus, & multis arridet eius sententia. Sed proximis rationibus nos omnino ostendimus falsam esse. Valde sanè contemptibile est iudicium, in quo non tenetur parere mandatis reus, & subire pœnã impositam. Quòd si dicas, tantum imponitur ad satisfaciendum pœnæ reliquæ: iam apertè vidimus hoc esse falsum. Imponitur maximè in remedium. Reuera valde indispositum se ostendit, & parui æstimare peccata, qui recusat, vel contendit in illo iudicio de rationabili & moderata satisfactione non subeunda, vel ex intentione illam omittit. August. superius dixit imponi satisfactionem, quia interior dolor cordis non est notus: quomodo ergo August. crederet veraciter pœnitere illum, qui ex proposito omittit satisfactionem implere? Asserunt hoc quod nos grauiores etiam doctores. Vbi tamen non est omittendum, quòd multi eorum opinantur, quòd omis-
sio & obliuio satisfactio-
nis impositæ obliget ad repetendã confessionem peccatorũ. Sed in

De omis-
sione satisfacti-
onis.

DE SATISFACTIONE

hoc magis consentimus posterioribus : rationabilius enim hi tenent peccata semel remissa, & confessionem semel integrè factam non esse amplius repetendam, nec inualidam reddi propter peccatum sequens. Confitebitur hoc peccatum, qui omisit & oblitus est pœnitentiæ : illud etiam, sicut cætera, est remissibile. Hæc igitur de necessitate satisfactionis sint dicta.

De vtilitate
& fructu sa-
tisfactionis.

Dicamus secundò de vtilitate & fructu satisfactionis. Vbi illud primò certum est : opera illa quæ imposita sunt, multo esse gratiora Deo, & vtiliora pœnitenti ad satisfaciendum pœnæ, & ad cauenda peccata, quàm quæ sua ille voluntate facit : ex obedientia videlicet, quæ se subdit iudicio Christi, & ex virtute etiam clauium Ecclesiæ, ac proculdubio ex maiori participatione passionis Christi & meritorum eius, quæ sine dubio virtute clauium applicatur pœnitenti ultra propriam eius dispositionem.

Quodlibet. 3
art. 28.

Itaque in tribus prædictis, imposita satisfactio excellit eam, quæ proprio arbitrio fit : quod sufficere debet, vt non solum suscipiatur imposita, sed vt sibi iniungi pœnitens ardentè desideret. Vnde & b. Thom. probabiliter asserit, quòd si sacerdos post absolutionem siue impositam satisfactionem istud addat: quicquid boni feceris sit tibi in remissionem peccatorum, vt multi habent in vsu : his verbis, omnia quæ postea facit pœnitens in satisfactionem, fieri efficaciora. Ait enim sacerdotem posse imponere satisfactionem pœnitenti pro arbitrio ipsius, cū videlicet ille aut talis est, aut sic dispositus, vt meritò fidendum sit illi. Quare cum illa verba dicit, hoc videtur significare, quod arbitrio eius permittit vltiorem satisfactionem. Quamuis itaque in his rebus, quæ ex diuino iudicio pender, nihil debeamus certi statuere, sed Deo relinquere : hæc tamen b. Thom. opinio sufficiat, vt verba illa semper addant à sacerdote, & Deo relinquatur quantum operentur : Hic igitur est primus & certus impositæ satisfactionis fructus.

Addunt nonnulli, Scotum sequentes, alterum : qui si venis esset, foret meritò gratus. Dicunt igitur tantum prodesse, vt si impleta fuerit, liberum reddat pœnitentem ab omni pœna pro peccatis, vel hic, vel in futuro sæculo exoluenda : etiam si fortè maior deberetur, quàm quæ imposita est : modò non sit imposita satisfactio tam parua, vt nec digna sit pro minima quauis culpa. Si igitur (inquiunt) satisfactio ex parte aliqua condigna est, etià si differat ab ea quæ in iudicio diuino exigenda foret, putant sufficere : prout sta-

ut statim explicabimus. Huius ratio hæc est secundum eos: quoniam sacerdos arbiter est inter Deum & pœnitentem, ut videatur Deus arbitrio eius reliquisse satisfactionem: igitur iustum est, ut utraque pars stet eius arbitrio. Si igitur minorem imponat satisfactionem, quàm rigor diuinæ iustitiæ exigat, æquum est nos credere, Deum qui ipsum constituit arbitrum, condescendere illi ex æquitate. Hoc. n. in omni arbitro ratio ostendit obseruandum. Istud tamen Scotus non putat vniuersaliter verum. Si enim minima vel nulla imponatur satisfactio: per eam non putat ab omni pœna liberum fieri pœnitentem. Sed sicut (inquit ipse) in iusto precio rerum, & in iusta pœna delicti & latitudo, ut alia sit rigorosa & seuerà pœna, alia mediocris, alia mitissima, & tamen omnes iustæ: ita & in hac satisfactione, si imponatur mitissima satisfactio, liberabitur ab omni alia maiore, etiam iusta. Hæc tamen sententia magis est plausibilis quàm vera: & apparens, quàm in re multum contineat. Communiter grauiorum sententia est, quòd à minori imponatur satisfactio, quàm apud Dei iustitiam requiritur, etiam ea persoluta exigendam esse reliquam. Nec illa ratio arbitrij valde est ad propositum. Non ut pro arbitrio suo faciat, concessum est sacerdoti: sed pro Dei arbitrio: cui si non conformet se, non satisficit. Nec latitudo illa seueræ, mediæ, & mitissimæ pœnæ in iudicio diuino propriè locum habet: vbi omnia certo pondere, numero & mensura definita sunt. Quod eò maximè diximus, ne propterea faciliores sint vel ipsi iudices spirituales, vel peccatores in quærenda condigna satisfactione. Multo vtilius erit, si iuxta communem sensum putemus satisfactionem certam à diuina iustitia exigere: quam cum nec sacerdos, neque pœnitens possit cognoscere, hoc agit iudex spiritualis, ut magis vires & dispositionem animæ pœnitentis, & pericula considerans, imponat quod his conuenit: reliqua diuinæ iustitiæ relinquat.

Ex quo etiam sequitur, quod si fortè maior imponeretur satisfactio, quàm à diuina iustitia exigatur: etiam si illa non fuerit persoluta, immunis erit ab omni pœna coram Deo, quando exoluerit quod satis est secundum eius iustitiam: idq; eadem ratione, qua superiora, apertè probatur. Tenet in hac parte Hadrianus, In 4. in materia de clauibus. quòd persoluta omni pœna pro peccatis debita, si satisfactio imposita impleta non est, exigendam esse pœnam pro ea in iudicio Dei. Sed neque hoc antiquorum est, nec certè posterioribus pla-

set, nec denique habet certam rationem: nisi, quod etiam certū est, cum in illa omisione culpa commissā est, deberi in iudicio Dei pro illa nonnullam pœnam. Sed potest multis modis satisfactio omitti sine culpa.

De operibus
satisfactorijs

B. Tho. d. 15.
quarti. q. 1.

Tertiò dicamus quæ & qualia sint imponenda in satisfactio-
ne. Quod quanquam ex proxima lectione satis possit patere:
propter hæreticorum tamen importunitates nolumus omittere.
Dicunt igitur primò nostri supradictò loco, satisfactiōē fieri per
opera pœnalia siue afflictiua: id quod & patrū & scripturæ autho-
ritate satis ostenditur. Satisfactio recompensatio quædam est diui-
næ offensæ: hæc verò exigit, vt qui alterū offendit, vsurpans quod
sibi illicitum erat, omittat & offerat illi aliquid eorum quæ aliàs li-
citè sibi poterat retinere: atque ita sibi auferat bonum, quo aliqui
licitè uti poterat, vt ita deiiciatur & humilietur coram eo, quem
iniuste læsit. Hoc verò non est aliud, quàm opus aliquod pœna-
le siue ieiunium, quo corpus affligitur siue oratio & compunctio,
qua animus: siue eleemosyna, qua & animus & corpus. Addunt
verò (quod diligenter est obseruandum) satisfacere etiam pœnæ
peccatorum diuina flagella infirmitatum, aut aliarum aduersi-
tatum: modò patienter sustineantur & acceptentur. Quan-
uis enim (inquit beatus Thomas) cum offensus offendenti se
pœnam imponit, illa magis videatur vindictio quàm satis-
factio: tamen ex voluntaria patientia fit etiam ipsius patientis, &
acceptatur vt satisfactio. Quanquam beatus Thomas hoc non
putet de doloribus & afflictionibus vltimis ipsius mortis. Mor-
tem inquit ille pœnam esse primi peccati Adæ, & per illam non
satisfieri peccatis proprijs: alioqui cum mors omnium terribilium
maximū sit: per mortem solueretur pœna omniū peccatorū. Hoc
quidem ille de morte naturali. Cæterum per violentam mortem
putat omni pœnæ satisfieri: nec maiori purgatione egere, etiam
grauissimū peccatorē. Hæc omnia asseruntur etiā à patribus, dum
docent illum, qui illicitum vsurpando peccauit, debere postea sibi
etiā licitum subtrahere. Ex quo secundum addunt: imponen-
dam videlicet satisfactiōem non solum operū pœnaliū, sed etiā
taliū, vt aliàs nō sint debita. Verbi gratia, inquit: ieiuniū, ad quod
etiā qui non peccat tenetur ex Dei præcepto vel Ecclesiæ, nō sa-
tis est si imponatur vt satisfactio pro peccatis. Sumunt hoc ex pa-
trum autoritate. Gregorius enim in homilia centesimæ ouis per-
ditæ

ditæ afferit, & exemplo Dauid probat, priuandū esse peccatorē licitis, qui illicita prius occupauit. Ita & Chrysost. in locum illum Math: Facite fructus dignos penitentis (cuius supra meminimus) interpretatur illud Pauli: Qui furabatur, iam nō furetur: magis aut operetur manibus, vt habeat unde tribuat necessitatem patienti. Ex his Ansel. in lib. Cur Deus homo, asseruit vniuersaliter, satisfactionē fieri per opera nō debita. Irrident hoc hæretici, sed vanē: cū tam apertis autoritatibus sit fundatū. Vbi tñ aduertendum, multos posteriorū ac recentiorū doctorū tenere, quod quamquam illud Anselmi verū sit de satisfactione secundū rigosē iustitiæ perfectæ & integra: quia tñ satisfactio sacramentalis ista, & omnis satisfactio peccati nō est nisi amicabile, & ex diuina acceptatione tñ sufficiens: potest etiam opere aliās debito fieri. Et quidem qñ aliās debitū est, & iniunctū in satisfactionē peccati: nō dubiū est per illud satisfieri peccatis cōmissis. Ieiunij quadragesimæ etsi ex præcepto diuino sit seruandū: satis fit tñ eius obseruatione p peccatis: & ita videtur imponi posse. Quamquā itaq; in alijs non sit ita manifestum, tamē satis p̄babiliter creditur etiam alia, ad quæ ex præcepto tenemur, satisfacere. Martyriū susceptū, pro confessione fidei, cum ad id tenemur ex præcepto Christi, plenissima est satisfactio pro peccatis. Ita igitur & de cæteris: vt videlicet nihil detrahat operi satisfactionis, esse præceptum. Simul enim potest opus aliquod esse & obedientiæ, & religionis, & pœnitentiæ, & aliarum multarum virtutum. Hæc possunt probabiliter credi: reuera tamē regulariter satisfactio fieri debet per ea quæ voluntaria sunt, & ad quæ aliās non tenemur. Ad minus cum imponitur, non nisi de his imponenda est. Nec tamen eum qui contrarium faceret, vel putaret ita conuenire, damnamus peccati.

Huic proximum est quod à nonnullis mouetur, an simul possit quis præceptum Ecclesiæ implere (puta de audienda missa) & implere pœnitentiam iniunctā: si videlicet ibi simul legat psalmos impositos in satisfactionem. Ista minutiora sunt, nec opus est specialius tractare, aut quenguam inquietare propter illa. Qui putat tuta conscientia se posse simul & audire sacrum ad quod tenetur, & in eo psalmos aliquos, ad quos ex officio diuino tenetur, & similiter impositam satisfactionem legere, relinquatur suo arbitrio. Qui autem infirmior est & scrupulosior, doceatur hæc non magni facere. Hæc diximus de imponenda satisfactio-

DE SATISFACTIONE

Satisfactio in communi quidem: nam in speciali inferius, cum de medicinis necessarijs contra peccata agetur, est latius dicendum. Est enim illud vnum ex principijs quæ sciri debent à iudicibus spiritualibus: de quo suo loco.

Vltimò iam restat dicendum de ratione implendæ satisfactionis huius impositæ: an videlicet possit in peccato mortali vtiliter, & vt Deo sit grata, impleri. De qua re quanquam sint diuersæ sententiæ doctorum, omisissis controuersijs, breuiter sequentes propositiones notentur.

Prima pro-
positio.
De persolu-
tione satis-
factionis.

Satisfactio imposita non est necessariò ad euitandum noui peccatum exoluenda in charitate & Dei gratia. Qui itaque post peccatum, & in eo manens eam implet, non committit nouum peccatum. Quod ita probatur. Quia non est cur ad maiorem sanctitatem obliget illa impositio sacerdotis, quàm diuina præcepta: quæ tamen in peccato mortali implentur sine nouo peccato. Satisfacit præcepto eleemosynæ qui illam dat cum tenetur, etiam si sit in peccato mortali. Ergo & impositam satisfactionem implens in peccato.

Secunda p-
positio.

Satisfactio in peccato persoluta non est efficax, nec per eam liberatur sic satisfaciens à pœna debita pro peccatis dimissis. Hæc probatur à b. Tho. & grauioribus doctoribus. Quia nulla satisfactio nostra efficax est, nisi ex Dei amicabilem acceptatione. Deus verò amicabiliter acceptat amicorum, non inimicorum opera: Respexit Deus (inquit scriptura) ad Abel, & ad munera eius: Prius enim debet esse gratus offerens, tunc opera eius & oblatio grata esse possunt. Præterea omnis peccati remissio ex gratia tantum est: atque ita & remissio omnium, ad quæ ex peccato coram Deo astricti & obnoxij sumus. De operibus factis extra gratiam superius quod satis esse debet, diximus: & de satisfactione hæc nunc addimus tanquam certè probabiliora. Itaque quod nonnulli disputant, an saltem ad bonum aliquod temporale valeant, siue ad diminutionem pœnæ inferni: satius est deo relinquere, quàm multis de hoc agere.

Tertia pro-
positio.
Quando sit
aut non sit
repetenda
satisfactio.

Satisfactio sic in peccato persoluta non semper est necessariò repetenda, cum quis ad statum gratiæ redierit: repetenda quidem est, vt impleatur satisfactio: vt liberetur videlicet à pœna: nam alioqui diximus impletam esse debitam iudici spirituali, qui satisfactionem imposuit, etiam si in peccato sit exoluta,

Hanc

Hanc b. Thom. & sui temporis alij doctores tenent, sic distinguentes satisfactoria opera, vt dicant quędam esse, quę relinquunt post se effectum : vt ieiunia & eleemosynę : & hæc putant non esse repetenda. Videntur velle, quodd, quia manent in suis illis effectibus, satisfaciunt pœnæ pro peccatis debitę. Alia verò dicunt esse, quę post se non relinquunt effectum : vt orationes. Hęc volunt repetenda esse in statu gratiæ. Et quanquam hæc distinctio non sit admodum constans, vtcunque sit, hoc illi volunt, vt tantum orationes & huiusmodi alia repetantur, non verò afflictiones corporis vel eleemosynę : in hoc magis condescendentes fragilitati humanę, & interpretantes Deum non minus etiam eidem condescendere.

Probabiliter nihilominus acceptari potest Caietani sententia, quam nonnulli alij sequuntur. Omnes videlicet satisfactiones impositas à sacerdote, si in peccato mortali exoluantur, illo amoto quasi obice, valere : sicut de baptismo Augustinus dixit, & tenet hoc tota Ecclesia : quodd, si in peccato suscipiatur, recedente illo, valere incipit & operari : & ita de cæteris sacramentis probabile satis est, vt virtus sacramenti (quę non humana est, sed diuina) multò efficacior sit virtute naturali : atque ita ablato impedimento, quo fiebat ne operaretur, mox incipiet operari. Quod quam de Eucharistia nonnulli putant apertè falsum esse : nos certe non putamus. Cur enim cum pœnituerit illum qui indignè accessit ad altare, & veraciter vtrunque peccatum deleuerit, non incipiet in eo operari virtus Eucharistię ? Ita igitur (inquit Caietanus) omnis sacramentalis effectus si impediatur per peccatum, redit recedente peccato. Cum igitur hæc satisfactio imposita sacramentale opus sit, hoc est, non ex sola dispositione operantis effectum habens, sed ex virtute clauium et merito Christi, quod est ex ipso opere operato (diximus alibi) etsi impediatur per peccatum, eo recedente operabitur quod antea operaretur, absolutio-nem scilicet à pœna. Est certè rationabilis & digna sententia hæc, vt in operibus sacramentalibus non id tantum cogitemus, quod ex nostra dispositione habent, sicut & cætera opera : sed quod ex ipso opere operato. Præterea secundum hanc sententiam satisfactio sacramentalis siue imposita multò est vtilior & efficacior, & non tantum ostenditur patiēter suscipienda, verum etiam desideranda et exigenda ab ipso sacerdote, cum tantum proficit ex iniun-

DE PURGATORIO.

ctione sacerdotis fecisse opus aliquod, vt etiam in peccato factum, redeunte gratia sit nihilominus efficax. Sufficiant hæc de satisfactione, vltima parte pœnitentiæ, & tota etiam pœnitentia, siue virtute siue sacramento: de qua plura diximus propter summam eius necessitatem. Atq; vtinam hæc sufficiant ad dignè de ea cogitandum, & operandum secundum eam.

DE PURGATORIO, ET SVFFRAGIIS mortuorum, ex consensu Ecclesiæ vniuersalis præcipuè.

LECTIO PRIMA.



A sacramentum pœnitentiæ, partes, atque institutione eius (vt ex supradictis patet) sequuntur multa: de quibus nunc ordine dicendum est. Hoc enim exigit perfecta doctrina. Constat ex his quæ diximus, esse in Ecclesia clares: quid verò sint, & quis illarum actus, restat dicendum. Vbi de excommunicatione et Interdicti dicendum est. Constat etiam remissa culpa sæpius restare exoluendam pœnam: ex quo consequitur etiam (vt statim ostendemus) purgatorium, & necessitas suffragiorum pro defunctis: de quibus etiam merito est dicendum. Hæc omnia postulat materia ipsa & ordo doctrinæ. Hoc etiam exigit temporis huius corruptio, et nouitas tanta doctrinæ. Primò igitur simul de purgatorio dicamus & suffragiis: hæc enim sequuntur quæ proximè diximus de satisfactione.

Sit itaq; de his hoc certissimum fidei catholicæ fundamentum nobis constitutum contra errores omnes. Sicut certa fides docet quor-

quorundam animas mox à corpore solutas in æternam ire damnationem: aliorum autem in perpetuam felicitatem: ita tenet alias prius purgari, atq; teneri abditis quibusdam locis, ubi orationibus, sacrificio altaris, eleemosynis, & pijs viuientium operibus adiuuari, ad citius purgationem suam absoluendam, & ad transeundum in felicitatem æternam.

Duo prima quæ asserimus hic, apertissimis scripturæ autoritatibus probantur. De damnatione quidem sufficit illud Evangelij apud Lucam: Mortuus est diues, & sepultus est in inferno. Lucæ 16. Et quamuis apud multos litera hæc aliter distinguatur, vt videlicet seorsim proferamus illud: Mortuus est diues, & sepultus est: deinde verò quod sequitur, in inferno, coniungendum sit sequentibus hoc modo: In inferno eleuans oculos suos: secundum tamen vtrinq; literæ lectionem id satis probatur. Cui simile est illud Iob: Ducunt in bonis dies suos, & in puncto ad inferna descendunt. Secundum verò de felicitate perpetua, quamquam oppositum fuerit error multorum Græcorum, satis tamen confirmatur etiam ab eodem Euangelista, dicente domino latroni: Hodie mecum Lucæ 23. eris in Paradiso. Et quod S. Paulus Corinthijs scribens apertè do- 2. Corint. 5. cet: Scientes quòd dum sumus in hoc corpore, peregrinamur à Domino: audemus autem, & bonam voluntatem habemus magis peregrinari à corpore, & præsentem esse ad Dominum. Vbi apertè vides perfectorum & sanctorum animas mox vt peregrinantur à corpore, quod sit ante vltimam resurrectionem, præsentem esse apud Deum: dicente etiam Christo Apostolis suis: Iterum veniam, & assumam vos ad meipsum, vt vbi ego sum, & vos sitis. De hoc verò errore non est opus nunc plura dicere: qualiter scilicet rationibus, quibus Græci illum confirmant errorem, respondere debeat: & quibus nostra confirmanda sint. Satis sit, Ecclesiam illum damnaſſe.

Iam tertium, quod nostræ est intentionis, de medijs illis animabus scilicet, quæ purgatione egent, dicendum est. Vbi duo simul asseruimus, quoniam coniuncta sunt. Nec enim vnum sine altero potest constare: Purgatio scilicet animarum post hanc vitam, & suffragia quibus à viuuis iuuantur. Hæc igitur certa catholice fidei dogmata à multis catholicis nostri temporis doctoribus asseruntur, & confirmantur multis autoritatibus scripturæ & rationibus. Nos verò priusquam quicquam de his dicamus, ad

authoritatem vniuersalis Ecclesiæ confugiendum esse putamus : hanc solam sufficere ad confirmanda dogmata omnia fidei manifestum est, neque nunc opus est probare. Dicit enim Christus : Portæ inferi non preualebunt aduersus eam. Et Paulus inquit : Quæ est columna & firmamentum veritatis. Propter quod (vt à principio, & deinde frequenter admonuimus, quia frequenter etiam aduersarij contrarium loquuntur) Augustinus tam intrepidè docet, quicquid per totum orbem quacunque terrarum diffusâ vniuersa seruat Ecclesia, pari authoritate habendum esse, quæ id quod in scriptura est. Cum itaque tam firma sit vniuersalis Ecclesiæ authoritas : de purgatorio ac suffragijs mortuorum est tam euidentis & certa eius traditio, vt nulla alia certius ista probari possint : meritò diximus prius ad eam confugiendum. Valde enim in confirmanda fide & confundendis hæreticis curandum est, solidis firmamenti inniti : ita vt si quando dubia aliqua, aut ambigua adducere visum fuerit (quod nonnunquam fortè propter diuersa & infirma ingenia oportet fieri, cum sapius quæ minus certa sunt, quorundam ingenia magis conuincant) semper tamen disertè admonendi sunt omnes, illis fundamentis innitendum non esse : ne ita contemptibilis fiat fides, & irrisioni pateat hæreticorum. Certissimum & euidentissimum igitur purgatorij & suffragiorum testimonium est vniuersalis Ecclesiæ authoritas, quæ semper in sacrificio altaris, & in multis alijs ad id institutis officijs pro defunctis orat, eorum liberationem à Deo petens : vt docent doctores omnes, concilia omnium nationum ab ipso principio Ecclesiæ : quod non est opus multis probare. Certè Augustinus libro de cura agenda pro mortuis, mox in principio adducta ad hoc probandum authoritate ex libro Machabæorum (de qua postea) ita inquit : Sed etsi nunquam in scripturis veteribus legeretur, non parua est Ecclesiæ vniuersæ, quæ in hac consuetudine claret, authoritas : vbi in precibus sacerdotis, quæ Domino ad eius altare funduntur, locum habet hæc commendatio mortuorum. Et hoc ipsum toto illo libro confirmat, Similiter in Enchiridio, & libro 9. Confessionum de matre sua loquens. Hoc ipsum Ambrosius in orationibus funebribus Valentiniani imperatoris & Theodosij aperte confirmat tanquam certum in Ecclesia, dum pro illis orat, & oraturum se perpetuò, & oblaturum sacrificium dicit. Hoc ipsum

Grego-

Epist. 118.

Purgatoriū
primò vni-
uersalis Ec-
clesiæ autho-
ritate confir-
matur.

Augustinus.
Capite 1.

Capite 109.
& 110.

Ca. 11. & 13.
Ambrosius.

Gregorius magnus, multis adductis miraculis in quarto libro dialogorum confirmat iuuari scilicet defunctorum animas orationibus viuorum & sacrificijs. Et vt de Græcis doctioribus aliquid dicamus: Damascenus in propria de hac re oratione, in qua probat iuuari defunctorum animas viuientium orationibus, adducit omnium ferè antiquorum Græcorum testimonia, à Dionysio Areopagita incipiens. Qui vltimo capite Ecclesiasticæ hierarchiæ de testimonia ritu Ecclesiæ circa defunctos, apertè dicit sacerdotem ad altare pro illis orare & precari: adductis etiâ verbis, quibus hodie in commendatione defunctorum vitur Ecclesia. Vbi etiam & Gregorij Nazianzeni, & Nisseni, Chrysostomi, & plurimorum aliorum adducit testimonia: intrepidè asserens hoc ab Apostolis traditum esse Ecclesiæ. Et denique Augustinus libro de hæresibus Aërianos refert hæreticos, negantes orandum esse pro defunctis. Bernhardus etiam sermone 66. super Cantica, alios etiam refert hæreticos, & admonet vitandos esse illos, qui (inquit) ignem purgatorium restare post mortem non credunt: sed animam solutam à corpore statim ad requiem transire vel damnationem asserunt. Et (ne hoc omittamus) sunt plurima de hoc antiqua concilia omnium ferè nationum, in quibus de orando pro defunctis multa statuuntur, tanquam de re certissima. Ita concilium Carthaginense tertium cap. 29. & quartum cap. 79. de commendatione defunctorum, & sacrificio pro eis offerendo, & de oblationibus pro ipsis loquuntur. In quibus concilijs est totius Africæ consensus. Concilium itaque Vasense cæ. secundo de orando pro his qui inopinato casu moriuntur, apertè præcipit. Similiter & Toletanum tertium cæ. 22. & septimum cap. tertio de sepeliendis episcopis & religiosis, cum psalmis & orationibus loquuntur. In quibus concilijs consensus etiam Gallicarum & Hispanicarum ecclesiarum manifestus est. Et tandem in concilio Constantiensi damnatur error negantium purgatorium. Et in concilio Florentino, Græcis se vnientibus Ecclesiæ, apertè traditur esse purgatorium credendum: de quo iam ante multos annos illi errabant, vt in opusculis beati Thomæ contra errores Græcorum, & contra Græcos, Armenos, & Saracenos ostenditur. Itaque hæc omnia & purgatorium ab Ecclesia semper creditum fuisse, & apertius semper in ea pro defunctis suscipi orationes, & oblata esse sacrificia ostendunt. De quibus & à Gratiano decretum concilij Cabillonensis citatur, de consecratione

DE PURGATORIO.

dist. 1. cap. Visum præterea: ubi, ut in Missa quotidie defun-
 ctorum agatur memoria, præcipitur. Multa etiam alia Gregorij,
 Innocentij, & aliorum pontificum testimonia adducit 13. q. 2.
 Ex quo certissimo fundamento orationum Ecclesiæ pro defun-
 ctis, necessariò purgatorium sequitur. Orationes enim illæ
 pro damnatis notum est non fieri ab Ecclesiâ: de quibus cer-
 ta fides tenet, saluari eos non posse (Christus enim dicit: Ite
 in ignem æternum) nec pro beatis etiam facit Ecclesiâ: constat
 enim illis non esse necessarias. Sunt igitur defuncti medij: qui sci-
 licet purgatione egent. Vnde Augustinus dixit suprâdicto libro,
 pro omnibus in vnione Ecclesiæ defunctis fieri debere: quoniam
 non possumus nos discernere qui illi sint, quibus prosint. Melius
 igitur (inquit) est vt supersint his qui non egent, quàm vt desint
 egentibus. Frustra itaque oraret Ecclesiâ pro defunctis, si non
 esset purgatorium: quod ipsa suis orationibus confitetur. Nihil
 hac probatione euidentius esse potest: quam nec ipsi aduersarij
 negare possunt: sed recurrunt ad querenda à nobis scripturæ testi-
 monia, quia vel ambigua sunt, vel facile ab eis secundum appa-
 rentiam saltem perueri possunt. Nos verò eis primò obijciamus
 hanc authoritatem, quam si negant, meritò irridendi sunt quæren-
 tes scripturæ authoritatem. Dicemus enim eis, vnde constet hanc
 scripturam certam esse, nisi per authoritatem Ecclesiæ, quam illi
 iam negant? Certè in dubijs fide, & in ambiguis sensibus scripturæ,
 sicut in recipiendis ipsis sacris libris, sola est Ecclesiæ authoritas:
 quam recusantes, alienos se à Christo ostendunt, & amantes con-
 tentiones. Quare non solum fidei ipsi, sed omni humanæ rationi
 & sensui contradicunt, cum nolunt in controuersijs & dubijs ali-
 um iudicem, quàm sensum suum habere: dum Ecclesiam, si nō
 apertè negant, ita obscurant, vt nullus certus relinquatur iudex in
 controuersijs.

Confirmato itaque hoc dogmate certissima Ecclesiæ autho-
 ritate, iam quibus scripturæ authoritatibus aut rationibus probari
 possit, & quàm illa sint efficacia, breuiter insinuandum est.

Igitur nonnullæ scripturæ authoritates adducuntur à pijs & do-
 ctis, quos non reprehendimus (fortè enim volunt ex communi-
 bus quibusdam incipere) quæ tamen minus apertè & minus sunt
 Quibus au-
 thoritatibus efficaces, & minus probant. Illis igitur non est nobis vtendum
 scripturæ ef- ad probandum purgatorium; sed illo probato ex alijs, possunt
 de eo

de eo exponi. Adducitur illud : Dominus mortificat & viuificat, sicaciter pro-
 deducit ad inferos, & reducit. Quasi inde probetur esse infernum, betur aut nō
 ex quo educantur homines: atque ita purgatorium. Et illud Pat- pbetur pur-
 li: In nomine Iesu flectatur omne genu coelestium, terrestrium, & gatorium.
 infernorum : Quasi ibi probetur infernus, non damnatorum, vbi 1.Reg.cap.2
 non flectuntur genua Christo. sed purgatorium. Sicut illud etiam Philip. 2.
 Zachariæ : Tu quoque in sanguine testamenti tui emisisti vin- Cap. 9.
 ctos &c. Quasi illud de purgatorio, & non de limbo patrum in-
 telligi debeat. Omnia igitur ista & similia reuera non aliud prob-
 bant, quàm Dei immensam virtutem & passionis Christi effica-
 ciam vbiq; etiam in inferno, se diffundentem & operantem,
 qualiscunque demum infernus sit ille, vel damnatorum, vel patrū
 &c. Possunt tamen (vt diximus) exponi de igne purgatorio, mo-
 dō aliunde constet illum esse.

Adducuntur & alia scripturæ loca efficaciora quidem, sed
 quorum multa diuersos habent sensus: & ita ambigua sunt. Inter
 cetera illud efficacius videtur, quod apud Mathæum scriptum est,
 dicente Christo de blasphemia in spiritum sanctum, quod non re-
 mittitur neque in hoc seculo, neque in futuro. Ex quo loco etiam Cap. 12.
 Augustinus libro 21. de ciuitate Dei, cap. 24. arguit. Nec enim
 (inquit) veraciter diceretur de quibuldam, quod non eis re-
 mittatur neque in hoc seculo, neque in futuro, nisi essent quibus,
 etsi non in isto, tamen remitteretur in futuro. Et Gregorius lib.
 quarto Moralium cap. 39. eodem modo arguit. Ita & Bernhar-
 dus suprädicto sermone in Cantica. Itaque disciplinatis & cōsen-
 tientibus sufficere meritō debet hic locus. Quia tamen ille magis
 præsupponit quidem hoc, quàm asserat: si aliunde id non pro-
 baretur, responderi posset quod nunc respondent hæretici: illud
 videlicet dictum esse secundum quandam exaggerationem &
 hyperbolen. Quare sicut non est necessarium, ita nec oportu-
 num credimus, huic authoritati inniti. Secunda verò quæ addu-
 citur authoritas, est ex Paulo: Vniuscuiusque opus quale sit, ignis 1. Cor. 3.
 probabit. Si cuius opus manserit quod superædificauerit, mer-
 cedem accipiet: si cuius opus arserit, detrimentum patietur,
 ipse tamen saluus erit, sic tamen quasi per ignem: cum prius di-
 xisset Apostolus de Christo fundamento, & superædificatis, ab
 alijs quidem ligno, fœno, & stipula: ab alijs verò auro, argen-
 to, & lapidibus preciosis; Et dixerat: vniuscuiusque opus mani-
 festum

festum erit. Dies enim Domini declarabit, quia in igne reuelabitur. Quæ quidem verba multa certè continent ad hoc probandum: quædam scilicet esse opera digna quidem combustione & igne, quibus tamen à salute non impeditur illa operans. Ait enim quòd hæc opera ardebūt, & operans detrimentum patietur: deinde saluandum hunc esse per ignem: Saluus (inquit) erit. Ex quibus vel inferri videtur, vel apertè alleri purgatorius ignis. Inferri inquā, quoniam meritò inquiri potest, quid si cum illis operibus quis ex hoc seculo decedat, nonne purgandus est igne? Alleri verò apertè purgatorium ibi à multis creditur, quoniam (inquit) dies Domini reuelabit. Non enim in scriptura sacra dies Domini, nisi de iudicii vniuersalis vel particularis die solet dici. Quanquam igitur hæc tam efficacia videantur, quia tamen & Augustino in Enchiridio: & lib. 2. de ciuitate Dei, hæc verba magis de tribulatione huius vitæ exponenda videntur, nec certè sine efficacissima ratione: quod sequutus est Gregorius supràdicto loco Dialogorum: hoc satis est vt saltem ambiguus sit ille locus, & plures habens sensus. Quare nec efficax, nec certus ad confirmanda fidei dubia. Mouet enim meritò Augustinū in illis locis, vt de purgatorio post hanc vitam id intelligi non debeat: quoniam ignis (inquit) de quo eo loco loquutus est Paulus, talis debet intelligi, vt ambo per eum transeant, id est, & qui ædificat lignum &c. & qui ædificat argentum, aurum &c. Quare cum in futuro purgandi non sint qui ædificant aurum: restat vt de tribulatione intelligendum sit: de qua illud dictum est: Vasa figuli probat fornax, & homines iustos tentatio tribulationis. Adueniente (inquit ille) tribulatione qua temporalia amitti necesse est, qui ædificauerat super fundamentum lignū &c., hoc est, qui cum charitate nimium illa amauerat: in amissione torquetur, & pœna illa purgatur. Qui verò ita possederat hæc temporalia, vt tamen ædificauerit aurum & lapides preciosos, hoc est, non illa, sed cœlestia amauerit: nullum patitur detrimentum vel cruciatum: sed tribulatio illa fit ei augmentum coronæ: in qua tribulatione (inquit ille) & ipsa mors carnis intelligi potest, & persequutiones Ecclesiæ, quibus martyres coronati sunt, & illa etiam, quæ in fine futura est Antichristi. Itaque efficacissimè certè hæc ratio arguit, ibi non probari purgatorium post mortem: aut si cui videtur nihilominus probari posse, certè propter ambiguitatem sensuum minus est euident. Quare nec illi innitendum. Sensus ambi-

Cap. 68.
Cap. 26.

ambiguus loci scripturæ (vt ex ipso Augustino lib. 3. de doctrina Christiana patet) ex certis dogmatibus fidei confirmandus est, non dogmata fidei ex illo.

Vltimò denique locus est ex Machabæorum libro secundo de Capite 12.
Iuda Machabæo, qui pro defunctis offerri curauit, vbi additur:
Sancta & salubris est cogitatio, pro defunctis orare: satis certè
manifestus est. Sed quoniam de libri illius authoritate, an scilicet
canonicus sit, dubium fuit apud antiquos, quod tempore Augu-
stini non satis explicatum videbatur. Ait enim ille libro secun- Capite 23.
do contra Gaudentij Epistolam, librum illum receptum ab Ec-
clesia propter insignes quasdam martyrum passiones: si tamen 2. Mach. 14.
(inquit) iobriè legatur. Id quod propter mortem Razæ dicit,
fortem quidem, sed non conformem Christianæ doctrinæ, nec
certè rationi naturali. Ille enim se se occidit. Quamquam (igitur)
hoc dubium de libri illius authoritate, post Augustinum mul-
tis Concilijs videatur sublatum: in quibus inter Canonicos com-
putatur: quia tamen libri, de quibus dubitatum est aliquando,
etiam si postea recipiantur, non propterea æqualis sunt autori-
tatis cum ijs de quibus nunquam dubium fuit: dogma hoc de
purgatorio & suffragijs defunctorum certius & euidentius puta-
mus, quàm sit illius libri authoritas. Minus enim de his dogma-
tibus dubitatum est, quàm de illius libri authoritate. Non est
igitur cure euidentiora minus euidentibus confirmemus. Itaque
authoritates hæ scripturæ suo loco adducantur: sic tamen, vt hæ-
retici intelligant, cui potissimum innitamur. In hac igitur re au-
thoritas Ecclesiæ nobis præ cæteris est habenda: non quia maior
quàm scripturæ, de quo nunc non agimus, sed quia euidentior in
hac parte.

Ex his itaq; habemus primò, quàm sit fides hæc purgatorij cer-
ta & euident in Ecclesia, & quàm fuerit semper: Ex quo illud pu-
tamus (saluo prudentiorum iudicio) necessariò inferri, non es-
se fidem hanc à catholicis doctoribus, cum contra hæreticos di-
sputant & catholica tradunt, silentio prætereundam. Non desunt
qui amore pacis & vitandi scandali gratia, hæc, quia hæreticis
odiosiora sunt, putent tacenda. Nos verò, quod tam apertè
semper tota docuit Ecclesia, putamus necessariò esse continen-
dum et docendum, ne rei simus corà deo de omissione cõfessionis
fidei et doctrinæ necessariæ. Si persecutionis tẽpore, qui erubescit

Christum confiteri, reus est: ut qui negat quando articulus fidei, quando certissimum dogma Ecclesie ab aduersarijs impugnatur: certè non licet tacere catholicis, & permittere supprimi veram doctrinam fidei. Humanæ sapientiæ est Christum erubescere & sermones ipsius: maximè cum nullus ex hæresi admittendus sit in Ecclesiam, non reuocatis erroribus in specie, quos prius sequutus est. Requirit igitur & fidei veritas, & salus animarum, ut apertè hoc doceatur. Nolunt tacere hæretici: quare catholicis silendum est? Hæc igitur ad confirmationem purgatorij sufficiant. Restat ut aduersariorum respondeatur rationibus: quod breuiter sequenti lectione fiet.

LECTIO SECVNDA.

De Purgatorio.



Duabus rationibus ostenditur esse purgatorij post hanc vitam.

Ntequam respondeatur obiectionibus aduersariorum, non est omittendum, probari etiam purgatorium à recentioribus non inefficacibus rationibus ex fide & sacra scriptura petitis, quæ merito sunt cõsiderandæ. Duplici itaque via hoc ostendunt. Primò, ex venialibus culpis hoc modo. Cùm ex scriptura sacra cõstat peccata venialia reum non facere æternæ damnationis, nec priuare beatitudine: potest quis cum eis ex hac vita discedere sine mortalibus: non igitur damnabitur. Rursum constat tantam esse cœlestis illius beatitudinis puritatem & mundiciam, ut meritò in Apocalypsi scriptum sit de illa: Non intrabit in eam aliquid coinquinatum: prius ergo venialia peccata delenda sunt: sed hoc non sine poenitentia & dolore (quem purgationem dicimus) fieri credendum est post hanc vitam maximè, ubi iam tempus meriti & satisfactionis cessauit: cum nec in hac vita sine aliqua displicentia dimittantur, ut suprà dictum est. Purgandi igitur sunt à venialibus, qui cum eis decedunt. Hæc ratio est satis efficax, maximè coniuncta loco Euangelij Matthæi 12, de quo suprà:

præ: vbi innuitur in futuro sæculo quædam remitti. Quia tamen est nonnullum de hoc dubium inter Catholicos, de quo inferius dicemus: nunc satis sit hanc rationem proposuisse.

Est altera via & ratio hoc probandi, priori efficacior, ex pœnis sumpta, & ex necessitate satisfactionis, de quibus loquuti sumus superius. Sic itaque probant. Constat ex scriptura, remissa culpa sæpius restare obligationem ad pœnam in iudicio Dei exoluendam. Huic verò probauimus etiam satisfieri per impositas à sacerdote pœnas. Sed fieri potest, vt his non persolutis, nec impleta satisfactione quis discedat. Cùm verò diuina iustitia exigat, vt nullum malum impunitum relinquatur: sequitur non perueniunt hunc ad fœlicitatem, nisi persoluta omni pœna. Vbi apertissimè locum habet illud Euangelij: Non exies inde, *Matthæi 5.* donec reddas nouissimum quadrantem. Quem locum nonnulli adducunt ad probandum purgatorium: quamuis non satis efficaciter probet Christum loqui de carcere, à quo aliquando exendum sit. Verbum illud, donec, intelligi potest, sicut frequenter in scriptura, vt non putetur postea fieri, quod negatur ante: vt: Donec ponam inimicos tuos &c. Probat tamen hic locus, *Psal. 109.* eum qui ad diuinum iudicium peruenit non persolutis peccatorum debitis, nullo modo liberandum donec omnia integrè soluat: Ne forte (inquit) tradat te aduersarius iudici, & iudex ministro, & in carcerem mittaris: non exies inde; donec reddas nouissimum quadrantem. Hæc itaque ratio, quæ pœnas residuas exoluendas dicit in purgatorio, propterea (vt diximus) certior est ipsa doctrina, quàm sensus huius loci, quia de ea nullus catholicorum dubitat. Sed ostendunt duæ istæ rationes, quare purgatorium ponatur: hoc est, secundum catholicam sententiam, veram rationem atque ordinem diuinæ iustitiæ post hanc vitam cum peccatoribus & peccatis aut grauioribus, aut minoribus.

Quid igitur aduersarij contra hanc certam fidem adferant, Quid obijci non est opus multis referre: nec enim multa sunt, nec noua, nec ant aduersa certe difficilia. Quæ ratione negant satisfactiones necessarias, nij cōtra purgant & purgatorium. Vnica (inquiunt) satisfactio Christi gatorium, & sufficientissima est, & superabundans. Cui argumento centies quomodo responsum est, quòd non ab omnibus æqualiter participatur, nec eis responder omnia etiam sacramenta eadem ratione. Aliter enim per

baptismum, aliter per pœnitentiæ sacramentum, aliter per afflictiones & crucem: quæ vel voluntariè suscipimus, vel patienter sustinemus: sed de his satis supradictum est. Nec enim dubium est eos etiam, quib⁹ ante Christum peccata remissa sunt, ut Adam, David, non consequutos fuisse hanc remissionem, nisi meritis Christi & participatione satisfactionis eius: hæc verò si (ut aiunt aduersarij) sufficiens est & superabundans, quare ab eis alia pœna exacta fuit diuinæ iustitiæ ordine, nisi quia illa diuersimodè participantur, & non statim omnis eius efficacia habetur? Quid apertius? Non est alia remissio peccatorum, nec alia virtute fit nunc, quàm in lege veteri. Cur igitur nunc volunt remissa culpa nullam reliquam esse pœnam? cum apertè legamus contrarium.

Illud tantum consideremus, quomodo tergiuersentur, & quod negare non possunt, vel temerè & inuerecundè reijciant, vel torqueant vel peruertant. Tota Ecclesia semper pro defunctis orauit & obtulit sacrificium: non possunt negare: sed quo (inquiunt) verbo: quo præcepto diuino vel autoritate scripturæ? Vide inuerecundiam. Errauit ergo apud eos tota Ecclesia: errarunt omnes patres. Quare non sufficiet sensus omnium doctorum, ut saltem & ipsi tam magni doctores dubitent, & in dubio malint tantorum iudicio credere, quàm suo? Nos ergo dicimus cum quaeritur, quo verbo oratio pro defunctis sit introducta, quòd verbo nō scripto, sed tradito ab Apostolis, ut Damascenus apertè docet.

3. Thessa. 2. Hoc est verbum de quo Paulus apertè dicit: Tenete traditiones nostras, siue per sermonem siue per epistolam.

Pergunt adhuc. Orantur (inquiunt) pro defunctis, sed non certi de purgatorio. Ostenderunt se dubios. Nam Augustinus in Enchiridio, ubi suprà, post hanc vitam esse aliquem ignem purgatorium dicit inquiri posse, & incredibile non esse. Ecce (inquiunt) non certò credit purgatorium. Quod igitur orantur pro defunctis, interpretantur factum esse vel ad exhortationem viuientium & consolationem, vel certè ut in dubio illo, an esset purgatorium, an non, non deessent charis suis, si fortè adiunari possent: Hæ sunt tergiuersationes & calumniæ, quibus seducunt innocentes. Absit ut Ecclesia tota cultum exhibuerit Deo tam frequenter, tam assidue & indefinenter, dubia & incerta: cum omnis cultus confessio quædam fidei sit: & orare pro defunctis sit testari, posse eos adiuari, & testari Deo hoc gratum esse, & hoc catholicam fidem te-

mere. Quomodo Ecclesia potest esse dubia in tam aperta confessione? aut quomodo tam perpetuus cultus sine certa fide. Non esset Ecclesia columna & firmamentum veritatis, in cultu maxime Dei & doctrina fidei, si errare vel dubitare possit & nutare: maxime cum oratio opus fidei sit. Postulet (inquit Iacobus) in fide nihil hesitans. Sicut igitur alibi dictum est, ad orationem opus est fide in communi & vniuersali (Deum scilicet posse concedere quod petimus, & non esse cassas orationes apud illum) non tamen in speciali: concessurum scilicet mihi quod peto. Ita in oratione pro defunctis opus est fide, quod grata sit apud Deum, non vana: quod egeant qui in purgatorio sunt: non tamen quod iste aut ille egeat, pro quo fit oratio. Nec enim fide tenendum est eum non esse damnatum: nec etiam beatum: sed (vt Augustinus dicit in Enchiridio) in dubio melius est vt supersint quibus non sunt necessariae (qui scilicet iam sunt beati) vel quibus prodesse non possunt (damnatis scilicet) & vt sint consolationes viuorum, quam vt desint egentibus. Ita igitur orat Ecclesia pro defunctis sicut pro viuis, Deo relinquens exauditionem: certa tamen hoc esse gratum Deo. Nam (vt aperte dicamus) si vera fides est, omnem ex hac vita decedentem mox ad aeternam felicitatem vel infelicitatem transire, quod ipsi testantur, contra fidem est vt oretur pro aliquo: quando ipsi & nos concedimus, nec pro beatis nec pro damnatis orandum esse. Non igitur orationes Ecclesiae fieri possunt, nisi fide certa credatur, quosdam esse expectantes post hanc vitam purificationem perfectam. Quod igitur dicunt dubitasse patres de purgatorio impostura est: si quidem procedat ex ignorantia, certe nimium crassa & inexcusabili, & ex malitia ac proprii sensus amore procedere. Nam quod exempli gratia de Augustino dicunt, vide quam apertum mendacium. Inquirendum dicit Augusti. an sit ignis purgatorius: aiunt illi, & non est incredibile. Ita dixit Augustinus, fatemur, illo loco: sed oportebat alia legere eius scripta, aut lecta non tacere. Certè lib. 2. de ciuitate Dei, quem supra citauimus, non minus ex professo de purgatorio agit: vbi de mediocriter bonis loquens, tales (inquit) constat ante diem iudicii per poenas temporales, quas eorum spiritus patiuntur, purgatos receptis corporibus aeterni ignis supplicij non tradendos. Constat, inquit Augustinus: non ergo dubius fuit de purgatorij poenis. Sed isti censores om-

Cap. 109,
110.

Cap. 24.

nium & doctores certissimi omnia confundunt, non discernentes quid certa fide teneatur, quid probabilibus rationibus disputetur. An sit ignis purgatorius, inquirendum dicit Augustinus, ignis videlicet corporeus, an alterius alicuius rationis: non verò an sint purgatoriz pœnz: de quibus constare dixit. Vbi quoniam hac doctrina, quæ grata est auribus simplicium, tam multos seducunt heretici, iustum est & salubre simplicioribus, ut ostendatur aperte eos esse mentitos, & contra conscientiam loquutos: quod, si in aliquo loco, in hoc certè maximè ostendi potest. Dicunt Augustinum dubitasse de purgatorio, quoniam in Enchiridio dixit inquirendum esse. Est ne credibile eos locum hunc quem citauimus de ciuitate Dei, non legisse, cum nullum, qui vel modicè Augustini doctrinam attigerit, lateat, quòd eo loco Augustinus de purgatorio loquatur? Si legerunt, sciunt Augustino constare, esse purgatorium: imò constituisse antequam scriberet librum Enchiridij, quem multo post libros de ciuitate Dei edidit, ut 2. lib. retractationum patet. Nec in eo libro his quæ prius dixerat in lib. de ciuitate Dei, cōtradixit, nec dubitat de quibus prius certus fuerat, quod ex ipsis retractationibus etiam patet: admonuisset enim de hoc August. sicut de alijs minutionibus monere solet. Non possunt itaque non scire Augustinum certum esse de purgatorio: mentiuntur igitur planè. Quis ergo audeat se ipsis committere in vlla alia re, quæ ad salutem pertinet? quos constat circa doctrinam fidei propriæ sehtētiz & gloriæ amore aperte mentiri, & imponere vni magnæ authoritatis patri & magistro Ecclesiæ? Quòd si quis vult magis beneuolus in eos esse, ut putet latuisse eos dictum illud Augustini, saltem conuincuntur præcipationis & inconsiderationis summæ. Quare igitur non expectarunt ut legerent, aut cur noluerunt cum alijs conferre, à quibus de sensu Augustini doceri poterant? Nonne hæc sunt circa doctrinam fidei vitia, quæ meritò suspectos reddant eos, quos de his cōuicimus tam aperte?

Nos igitur ne in tantas tenebras incidamus, certissima fide credamus purgatorium: & iam deinde quid ab antiquioribus patribus, & à recentioribus dubitetur & inquiretur, suo loco statuamus: inter probabilia videlicet, & non inter certa dogmata.

Sequentia itaque circa purgatorium disputantur. Primum, de loco purgatorij, quis sit: an scilicet infernus aliquis, an potius superior,

Dist. 20. &

21. quarti,

superior. Et circa hoc sunt diuersæ opiniones propter reuelationes nonnullas, de quibus beatus Gregorius quarto libro dialogorum. Communior tamen & sanior circa hoc sententia est, secundum communem legem infernum quandam locum esse, ubi purgantur mediocriter boni, proximum quidem inferno damnatorum: sicuti locus sanctorum usque ad passionem Christi, infernus, subtus terram videlicet fuisse creditur ex ipsa scriptura. Secundum verò specialem aliquam dispensationem nonnunquam alibi purgantur animæ: quod reuelationes illæ beati Gregorij ostendunt. Augustinus de hac questione in Enchiridio solum dixit, abditis quibuldam receptaculis contineri locum. Quicquid itaque ultra hoc dicitur, probabili magis coniectura, quam fide, assentitur.

Cap. 109.

Secundum, de gravitate & quantitate pœnæ purgatorij disputatur etiam. Vbi est Augustini autoritas in expositione verborum illorum: Domine ne in furore tuo arguas me, neque &c. quam Magister sententiarum citauit. Grauior ignis erit ille, quam quicquid in hac vita pati potest homo: quod nulla ratione dubitandum est: esse videlicet pœnas illas purgatorias maiores omnibus supplicijs huius vitæ: & post inferni pœnas secundum tenere locum. Et quidem de pœna damni, hoc est, carentia diuinæ visionis ac beatitudinis manifestum est spiritus illos maxime dolere, cum agnoscant se sua culpa, finita iam via & tempore meriti ab eis ablato, teneri extra felicitatem & terminum proprium, quem non possunt totis viribus non desiderare. Reliqua pœna, quæcunque illa sit, ab igne, vel quacunque alia ratione (de quo nunc non disputamus, pertinet enim hoc ad alium locum) creditur tamen nonnulla esse in purgatorio huiusmodi maior etiam quacunque huius vitæ: siue id sit ex maiori perceptibilitate animæ iam separatæ, quæ non potest non tota sentire (vt b. Th. vult) siue ex diuina iustitia, quæ sibi ita non satisfacit per iniustas pœnas & post hanc vitam, sicut per eas quas sibi in hac vita assument homines voluntariè, vt b. Bonauentura inquit.

De pœna purgatorij.
Psalm. 31.
Dist. 20.

Dubitatur tertio, à quo & quomodo post hanc vitam ibi purgetur animæ mediocriter bonæ: quæ videlicet siue culpa mortali discesserunt hinc. Itaque dubium est an à culpis venialibus purgentur ibi, an verò à pœnis duntaxat, quas vel propter venialia, vel propter mortalia iam remissa debent, Et quid de secundo hoc

nulla

nulla dubitatio est: quòd videlicet exoluuntur ibi pœnæ pro cul-
 pis iam remissis debitæ. De primo verò, an etiam ibi remittantur
 peccata venialia, diuersæ sunt sententiæ. Cum enim constet apud
 omnes, ob peccata venialia non priuari beatitudine animas, neq;
 cum illis posse ingredi beatitudinem: tamen quibusdã visum fuit,
 nullum veniale post hanc vitam remitti. Puto hos mouisse, quòd
 post hanc vitam non sit tempus meriti, vel profectus siue augmẽti
 charitatis, aut cuiuscunque virtutis, vt certissima fides tenet. Veni-
 alia verò (vt superius diximus) pœnitentia aliqua vel profectu fer-
 uoris charitatis dimittuntur. Hi igitur asserunt venialia semper, si
 qua restant, ante mortem, per ipsam videlicet finalem gratiam in
 qua decedunt, remitti. Tunc enim (inquiunt) gratia videtur supe-
 rare, & excludere iam ab anima omnem concupiscentiam & in-
 ordinatos affectus, qui contrahuntur ex carne. Quia tamen hoc
 incertum est, imò multa habet contraria ex ipsa experientia: cum
 multi subito moriantur in somno, aut alio modo sine mentis ali-
 qua mutatione, cum tamen in peccatis venialibus ante fuerint.
 Et quia patres ex illo verbo Christi, de quo suprà, intrepidè dicunt
 culpas aliquas remitti post hanc vitam, sed leuiore, vt ait beatus
 Gregorius: cõmunior sententia contraria est priori huic, & asserit
 ipsa etiã peccata venialia remitti. Quomodo verò id fiat extra lo-
 cum profectus & meriti, cum quaeritur: non est dubitandum con-
 uersione ipsius animæ & pœnitentia, atque ita diuina etiam gra-
 tia fieri, qua non imputatur culpa illa, quæ non est contraria cha-
 ritati, & displicet animæ, saltem à corpore separata, si antea non
 displicuit. Itaque iuxta hoc (vt Durandus asserit) satis est probabi-
 le, peccata omnia venialia non diutius hære in aña separata, quæ
 in charitate discedit, sed statim remitti. Manet verò pœna, quã de-
 bet, maior vel minor, secundũ quòd magis vel minus adhæsit pec-
 catis. Et hæc est ratio breuioris vel longioris purgationis. Vide ta-
 men hæc omnia probabiliter, & non certa fide asseri. Sicut illud
 etiam, quòd quaeritur: an in purgatorio puniantur animæ à dæ-
 monibus, an ab angelis? sed neutrum creditur: sed à sola diuina ius-
 titia puniuntur. Et illud etiam, qualis ille sit ignis: an sit materialis,
 vel cuius rationis? De quo Augustinus dubitauit, & inquirendum
 esse dixit. Creditur à multis materialem ignem futurum, sicut in-
 ferni: eademq; ratione punire. Hæc quidè probabiliter. Illud scrup-
 ulosius disputatur à nonnullis, an certæ sint de sua salute animæ

Math. 12.

in purgatorio? Omnes quidem qui ausi sunt asserere dubias illas esse de salute sua, quacumque ratione, vel quia absorptæ sunt pœnis, ita ut non aliud, quod eas consoletur, cogitent: siue quacumque alia ratione: temeritatis arguuntur, quod rem minus certam asserant, imò reuera falsam, & alienā ab omni fidei ratione & autoritate patrum. Primò illud certa fides tenet, mox à solutione animæ à corpore, eam iudicari, & (ut diximus) æternæ fœlicitatis aut infœlicitatis participem esse, nisi ad fœlicitatem consequendam impedimentum aliquod adsit culpæ vel pœnæ. Hoc non possunt fideiū animæ ignorare: manet enim in eis hæc fides. Mox igitur ut vident sibi differri beatitudinem, necesse est ut credant se non fore damnandas. Nam damnatio iuxta fidem nulli differtur. Certæ ergo sunt, quod sint in statu salutis. Sed nec hac ratiocinatione opus est: cum fides credat fieri statim iudicium, & in eo manifestari animæ suæ vel merita vel demerita: Certè illud Pauli: Omnes manifestari oportet ante tribunal Christi. Ante tempus iudicare, quoadusque veniat Dominus: non dubitat fides ad speciale cuiusque iudicium, quod in morte fit, referendum esse. Nec credendum est ita vi pœnarum affligi animas, ut nulla eis relinquatur consolatio in purgatorio. Sunt enim in vera Dei gratia, & flagellantur ut filij, mox introducendæ in hæreditatem. Quis itaque dubitare potest, non denegari à Deo illis hanc consolationem? Et (ut meritò inquit b. ille Rossensis Episcopus contra Lutherum) credendum est à sanctis angelis custodibus in eo statu eas non deserui, sed frequentibus admonitionibus confortari. Meritò ergo Leo decimus inter cætera quæ in Luthero damnat, & hoc refert, ac cum cæteris hæresibus damnat, quod non omnes animæ in purgatorio certæ sint de sua salute. Hæc igitur satis de purgatorio, & cæteris quæ ad illud pertinent, iuxta sanam doctrinam sint nobis dicta.

LECTIO TERTIA

De suffragijs defunctorum in speciali.



QVAnquam (vt ex præcedentibus patet) adiuuari defunctorum animas, adeo sit vniuersalis Ecclesię auctoritate confirmatū, vt apertius etiam sit et euidentius, quā vt egeat cōfirmati alijs: cum ex hoc etiam ipsū purgatorium confirmetur: tamen explicandum est magis quā probandum, rationibus ex fide

& sacra scriptura sumptis: & dubia quę circa id mouentur à nostris tractanda breuiter, prout à Magistro & alijs dist. 45. 4. agitur. Quod igitur possit vnus alterius operibus iuari, & quomodo ex scriptura sacra, et rationibus explicatur. Primò ex vnitatis Ecclesię, & communicatione membrorum vnius corporis mystici. Nam (vt Paulus inquit) Omnes vnum corpus sumus in Christo: singuli autem alter alterius membra. Et (vt idem inquit) Si quid vnū patitur membrum, compati debent alia membra. Apertum autē est caput, quod omnia membra mouet, ministerio aliorum alijs prodesse. Et Deniq; nullum membrum est quod non ceterorum omnium opera egeat & vtatur. Igitur in hoc mystico corpore Christi ita sentiendum est. Nullum vnum Christi membrum non est particeps operum, quę per omnia alia ipse Christus operatur. Et hic est ille articulus Symboli: Sanctorum communionem: de quo il-

Roman. 12.
1. Corin. 12.

Psal. 118.
Coloss. 1.

h. d. psalmi est: Particeps sum ego omnium timentium te. Quare Paulus vt vnum membrum dicit: Quę desunt passioni Christi, adimpleo in carne mea pro corpore eius quod est Ecclesia. Quem locū & superius citauimus, & inferius explicabimus latius. Hęc est igitur prima radix suffragiorū, quę alij alijs præstare possunt: cōmunio videlicet charitatis & vnitatis Ecclesię. Accedit huic & altera intentio scilicet specialis sine generalis operantis. Equitatis enim ratio iudicijs humanis hoc exigit & efficit, vt possit vnus alterius debitum soluere, & nonnunquam pœnam pro altero subire: multò igitur magis hoc in Dei iudicio, apud quem &

maior

maior est æquitas; & plus valet charitas, locum habet, vt opera quæ quis habet in potestate, & ad quæ nulla alia lege tenetur, possit deputare alterius vtilitatibus. Itaque ex priori ratione, sine vlla operantis intentione, vnius membri opera sunt vtilia omnibus: ex hac verò secunda, cum quis propria intentione pro altero & in vtilitatem illius operatur, cedunt ei illa opera: atque hæc est duplex ratio suffragiorum. Obseruandum tamen, ad quid, & quantum prodesse possint, & qualiter: de quo breuiter sequentia statuuntur.

Primum. Ad mutationem status, quod est, ad conuersionem à peccato ad gratiam, sicut ad augmentum gratiæ vel gloriæ essentialis, nullius priuati hominis bona alteri profunt per modum iustitiæ & meriti. Quod apertissime patet: cum nullus, nisi secundum propriam dispositionem, & Christi Domini merita, & diuinam gratiā vel ex impio fiat iustus, vel ex iusto iustior. Hoc enim est proprium Christi, quem proposuit (inquit Paulus) Deus propitiatorem per fidem in sanguine ipsius. De ceteris omnibus merito inquit idem Paulus: Quid igitur Paulus? quid Apollo? Ministri ei cui credidistis. Et iterum: Nunquid Paulus pro vobis crucifixus est? Propter quod merito alibi inquit: Probet opus suum vnusquisque, & sic in semetipso gloriam habebit, & non in altero.

Secundum. Ad ea quæ consequuntur statum, & maxime ad poenæ satisfactionem, etiam secundum rationem iustitiæ profunt alteri alterius bona. Quod rationibus primò positis satis ostenditur. Potest enim aliquis ieiunium aut eleemოსynam suam in alterius vtilitatem dirigere.

Tertium. Nihilominus certa ratione asseritur, quòd per modum orationis atq; impetrationis (quæ innititur liberalitati diuinæ, non iustitiæ nostræ) et ad iustificationem, & ad profectum ac augmentum, atq; ad reliqua omnia iuuantur alij aliorum pietate. Quod hac duntaxat ratione satis ostenditur. Quia non sunt orationes Ecclesiæ, quas pro conuersione peccatorum, cōseruatione & profectu iustorum, etiam Apostolorum præcepto quotidie fundit ad Deum, callæ & irritæ. Quia authoritate etiam vta sunt antiqua cōcilia, & patres, vt Celestinus epistola ad omnes Episcopos Galliæ ostendit. Legem (inquit) credendi lex statuat orandi.

Hoc itaq; sic stabilito in vniuersum, de defunctis non est difficile etiam idem ostendere: de defunctis (inquit) in vnitæ & cōmu-

Quomodo
& ad quid
profunt vel
non profunt
alterius ope-
ra.

Roman. 3.

1. Corin. 3.

1. Corin. 1.

Galath. 6.

Epistola 1.
Celest. ca. 11.

DE SVFFRAGIIS

nicatione corporis Christi decedentibus. Sunt enim illi membra huius corporis. Cur igitur non participabunt bonis eius? Egent præterea purgatione & liberatione à peccato. Nonne igitur si adiuuari non possent, merito dici posset, charitatem excidere cum vita? Itaque quod transierint iam in alium statum, & tribunali Dei adsistant, nihil impedit charitatis efficaciam & virtutem, nihil tollit connexionem illam cum cæteris membris. Igitur sicut viuentes ipsi, ita defuncti omnes in hac vnione participant pijs operibus viuentium, vel ad satisfactionem pœnæ ex intentione operantium, secundum rationem iustitiarum, vt diximus: vel ad remissionem etiam, & breuiorem liberationem, per modum impetrationis: vel denique ad gaudium & congratulationem: idq; secundum statum in quo constituti sunt defuncti in hac vnione, siue beati, siue adhuc purgandi sint, vt inferius ostendetur. Quæ quidem ratio, quod attinet ad defunctos, cum autoritate Ecclesiæ roboratur, tam efficax est, vt indisciplinati sit & proterui, non acquiescere.

Igitur hoc vt certo fundamento fidei collocato, non erit difficile cæteris, quæ circa hoc mouentur, dubijs & quæstionibus respondere: de quibus breuiter nunc ordine est dicendum, idq; ex proximè dictis, tanquam ex principijs certis deducendum.

Quorum suffragia alijs profunt.

Primò igitur, quorum suffragia vtilia sint defunctis, queritur: & vniuersaliter, etiam viujs. Huic ergo inquisitioni, ex proximè dictis facile est respondere. Primò omnium ex vnitæ Ecclesiæ & charitatis est, vt vnus alijs prodesse possit: quia sumus inuicem membra. Igitur soli hi qui in charitate sunt, possunt alijs prodesse, & illorum duntaxat opera Deo grata sunt, & coram eius iudicio satisfactoria. Itaque duplici ratione extra Dei gratiam & charitatem existentes, alijs prodesse non possunt. Primò, quia nec sibi profunt: Secundò, quia nec alijs communicare possunt, quibus non sunt vniti. Est tamen hic distinguendum inter principalem authorem operis, & ministrum siue exequutorem. Si enim principalis author in charitate sit, etiam si miuistrum aut exequutor ab ea sit alienus, vtilia sunt & ipsi principali authori, & alijs, quantum ex ipso est. Vt si per iniquum seruum Dominus bonus largiatur eleemosynam. Ita sentiendum de his qui testamento ordinant, aut quacunque alia ratione mandant pia fieri opera. Exequutorum bonitas vel malitia non aufert meritum vel satisfacti-

onem.

one: neque confert. Quod verò nonnullis videtur, non prodesse mandata opera, nisi cum fieri mandantur, in charitate sit is qui mandat: non putauerim tanto rigore suscipiendum. Satis esse videtur, ut in charitate sit mandans quamdiu in potestate eius est: in potestate (inquam) voluntatis, probare vel reuocare mandatum. Itaque si forte cum condit quis testamentum, extra charitatem sit, & tamen postea in charitate decedat: prodesse nihilominus crediderim testamento mandata, quæ in morte reuocari poterant, & tunc placuerint. Atque ita in vita ipsa, qui præcepit seruo aut dispensatori ut centum distribuatur in eleemosynam: etiam si cum præcepit non sit in charitate; satis erit; ut eleemosyna sit utilis, si, cum sit, aut antea ad charitatem redierit.

Tunc enim, cum reuocare posset si ei displiceret, nec reuocat, est ei grata: & illa voluntate sit eleemosyna. Ex quo etiam: aperte ostenditur, orationes & sacrificiæ, quæ ex persona Ecclesiæ fiunt, etiam si à malis ministris, prodesse nihilominus propter Ecclesiam, quæ est principalis author: quod superius, cum de sacrificio altaris diceremus, probatum est.

Huius quæstioni proxima est & altera. Quibus defunctis profint suffragia. Vbi certum est, beatis iam & Deo fruentibus non esse necessaria. Nullo enim egent iam auxilio. Valent quidem omnia pia opera beatis ad augmentum accidentalium gaudij, cum illa agnouerint. Congratulantur enim beati & gloriæ Dei, & salutis nostræ, cum agnoscunt aliquid his dignum fieri à nobis, quorum salutem cupiunt. Vtrum verò omnia bona opera nostra agnoscant, & quomodo: non est præsentis loci dicere. Secundo etiam certum est, existentibus in purgatorio, mediocriter videlicet bonis, prodesse posse suffragia. Et hi sunt, pro quibus propriè fiunt, & propter quos duntaxat fiunt. Nam (ut superius ex Augusti. diximus) inter omnes defunctis, quia ignoramus quales sint, & qui capaces illorum. Igitur de damnatis omnibus fuit inter antiquiores aliquos Theologos nonnulla quæstio, & sententiarum non parua diuersitas. Fuerunt qui dicerent, quibusdam damnatis usque ad diem iudicij prodesse posse: his videlicet, qui mediocriter sunt mali, hoc est, qui cum fide & multis bonis operibus, quanquam extra charitatem defuncti sunt. Istos enim dicunt illi esse mediocriter bonos, quibus August. dicit pro-

desse suffragia. Nec timuerunt quidam horū sateri, posse per suffragia pœnas oēs damnati alicuius vsq; ad diem iudicij auferri ab eo: post iudiciū tamen in vltima resurrectione iterum pœnas iedituras esse. Alij ne hoc dicerent, semper aliquid pœnarum, quantum suffragia multiplicentur, remanere volebant: dicentes proportionaliter & mathematicè minui pœnas, atq; ita in infinitum. Sed hæc oīa vana sunt, & cōtra Ecclesiæ sensum: vt postea ostēdemus. Alij verò nō diminui pœnas, sed inuari nihilomin⁹ dānatos cōsolatione quadā volebāt. Et alij aliter querebant, quomodo vilia esse possint damnatis hæc nostra opera. Omnibus istis obijcienda est autoritas Ecclesiæ. Illi præcipuè tota hæc doctrina innuitur. Cum igitur illa pro damnatis non oret, imò hoc nefas & blasphemiam reputet: non est credendum illis quicq; prodelle: primò quia crudelis esset Ecclesia, si prodelle illis posset, & non faceret: quod blasphemum est credere. Secundò, quia non dubitamus non esse gratum nec ratum apud Deum, quod præter Ecclesiæ auctoritatem exhibetur. Qua vnica ratione putamus meritò temeritatis arguendas omnes sententias adductas, & quasunque alias conantes hoc asserere sicut b. Thom. inquit hoc loco. Nulli igitur extra corpus Ecclesiæ constituto, maximè post hanc vitam, quicquam valent viuorum pia opera. Hinc pro non baptizatis etiā Catechumenis prohibet Ecclesia orari, aut sacrificium offerri: adeo vt nec pro paruulis non baptizatis fieri debeat: vt August. in lib. de origine animæ asserit, tanquā errorem damnans, asserere pro aliquo offerendum esse sacrificium mediatoris, qui non est insitus corpori mystico eius. Quod verò de Catechumenis diximus, de his intelligendum est, qui sine desiderio baptismi mortui sunt: per quos scilicet stetit, ne baptizarentur: alioqui propositū & desiderium baptismi adultos inferit corpori Christi, vt pro illis orari & sacrificari debeat: sicut Ambrosius de obitu Valentini ii iunioris dicit. Sed de his superius, cum de baptismo egimus habes plura.

Non desunt qui iuxta sententiā illam quā superius adduximus, eū de remissione peccatorū venialiū ageretur, quæ credit in peccato mortali satisfieri pro pœnis peccatorum iam remissarū: imò & in inferno ipso illas tandem exolui, & ab eis liberari, aliter sustineri posse circa hos duos articulos, primò, existentes extra charitatem posse pdesse suis suffragijs defunctis ad huiusmodi pœnarum persolutionem: secundò, prodelle etiam ipsis damnatis.

Sed

dist. 45. 4. q.
3. art. 3.

Sed cerè hoc satis contra illam sententiam esse debet, quod ista sequantur: quorum vltimum quidem contra sensum Ecclesiæ est, quem diximus: quia nulla ratione pro damuatis orat: primū etiam alienum est ab ea sententia, quæ valde certè ecclesiæ consentanea est & scripturæ, quæ ex sola vnione charitatis docemur bona vnus alteri communicari posse. Priora igitur teneamus, quæ sunt multo probabiliora, & ad sensum Ecclesiæ convenientia.

Tertiò, quæ opera vtilia sint defunctis, queritur: idq; propter August. qui in lib. de cura agenda pro mortuis, & alibi, sacrificium ribus subue-
altaris, orationes, & eleemosynas vtilis dicit tantū. Vbi quia sola niatur defū-
ieiunia omiſſa videtur, hoc est, quæ pertinent ad corporis afflictū-
onē, de illis dubitatur. Nam p̄ eleemosynas vniuersa opera p̄cta-
tis & misericordiæ: per orationes omnia pia mentis exercitia in-
telligunt: tantum ergo restant ieiunia & afflictiones corporis. Igi-
tur nec de his dubiū est, quin profint defunctis. Omne opus pium,
sicut operanti & viuus prodesse potest, maximè ad satisfactionem,
ita & defunctis. Quare verò magis b. August. de tribus illis dixerit,
quàm de ieiunijs: rationabiliter explicatur. Quia videlicet sacrifi-
cium altaris & eleemosynæ maximè pertinent ad vnionem chari-
tatis: ex qua fit (sicuti diximus) vt opera vnus alij profint. In ora-
tionibus verò propriè est intētio ordinata in eos, pro quibus ora-
tur: vnde etiam est communicatio operum, vt dictū est. Hæc igitur
magis propria sunt: sed non est dubitandū omnia alia bona opera
pdesse. Et certè Augūst. tantū exclusit exequiarū pōmpam, & ap-
paratum sepulture, quæ magis putat solatia esse viuorū: & nihilo-
minus nonnunquā vtilia (inquit) sunt defunctis, dum eorū memo-
riam renouant, & excitant ad orandum pro illis. Damascenus
in oratione illa de mortuorum suffragijs, & luminaria, & thus,
aquam benedictam, ac orationes quascunque prodesse dicit. Prio-
ra quidem, vt fidei protestationes quædam: oblationes verò, vt ele-
emosyna profunt. Nec de eo dubitandum est, cum moderatè &
iuxta Ecclesiæ ritum fiunt. Quid verò inter hæc vtilius sit, à non-
nullis disputatur: & quantum profint cum testamento ordi-
nantur ista: & quid magis expediat, suffragia statim implenda te-
stamento relinquere, an perpetuis temporibus aliquid exol-
uendum mandare: vt anniuersarium, vel huiusmodi aliud. De
his igitur magis putauerim tacendum esse, quàm aliquid asse-
rendum. In speciali arbitrandum est de eis, cum occurrunt, aut
in

Quibus ope-
B. Tho. ar. 3.
q. 2. dist. 45.

DE SVFFRAGIIS

in consultationem venient. Vide, si placet, plura non negliger, nec indoste scripta apud Gabrielem in expositione Canonis lectione 56. & nonnullis sequentibus.

Quibus &
quantū va-
leant suffra-
gia.

Dist. 45. 4.
b. Thomas
q. 2. ar. 4.

Vltimò denique, quantum valeant suffragia hæc, & an magis illi pro quo specialiter fiunt: ac, an vni magis quàm pluribus, agitur à nostris supradicto loco. Igitur de his omnibus illud est certissimum, hæc omnia, quatenus fiunt in satisfactionem pœnæ, finita esse, & quod diuino iudicio ad exoluendum pro certa quantitate pœnæ acceptantur. Quare si pro pluribus offerantur, inter eos diuiduntur, & minus profunt singulis. Ceterùm ad gaudium & consolationem, ad impetrandum (quæ omnia ex radice charitatis habent) non minus pluribus, quàm vni profunt, nec minus his, pro quibus specialiter non fiunt. Quandoque enim hæc omnia secundum merita ipsorum defunctorum, & gradum charitatis, atque vnionem ipsorum cum Ecclesia, profunt. Itaque & sacrificium altaris, & orationes non est dubitandum æqualiter prodesse multis, nō minus quàm vni: de quo qm̄ superius, cum de sacrificio hoc loqueremur, plura diximus, non putamus hūc esse alia addenda.

Ex quibus etiam & illi quæstioni respondendum est, quæ à nonnullis quæritur, an ei, qui hæc opera pro alijs facit, profint. An videlicet propterea quod pro alijs operatur pia & bona opera, priuetur ipse vtilitate eorum? an potius aliquam consequatur, & quam? Itaque ex his quæ superius de charitatis vnione diximus, colligendum est, nō parum prodesse etiam operanti, quæ pro alijs fiunt, & quò ad multa quidem atque præcipua, non minus, sed magis potius: quo ad meritum enim facienti profunt, & semper eum commendant Deo: & magis quidem, quò maioris est charitatis, velle prodesse. Ceterùm satisfactio potest tota cedere alijs, si ita ille velit.

Ex quo rursus colligi potest, quantum exequutio eorum quæ testamento mandata sunt, adiuuet defunctum: & quantum omisio siue dilatio illi noceat. Quantum enim ad meritum attinet, certum est nihil illi augeri exequutione, sicut nec quicquam detrahitur omisione. Quantum ad liberationem verò celeriorē à pœna, non est dubium citius liberari pro quo illa fiunt, & tardius cum omittuntur, Vnde graue peccatum est illa aut omit-

tere,

mata, germana translatione significat. Sicuti enim qui totius domus clauēs habet, is omnia possidet quæ in domo sunt, omnia potest pro suo arbitrio aut claudere aut aperire, retinere vel dispensare: & is cui totius domus clauēs collatæ sunt, supremus est omnium, quæ in ea sunt, dispensator: Ita in hoc loco regni cœlestis clauēs, primò significant Ecclesiæ (quæ regnum cœlorum dicitur) vniuersalem auctoritatem dispensandi vniuersa quæ in Ecclesia sunt, & quæ ad eam pertinent. Quam quidem auctoritatem in Christo hominē diuina collatione scriptura testatur esse, virtutiq; passionis & meritorum eius inniti. Sic enim per Esaiam inquit Dominus de Eliachim, sed in figura Christi, vt interpretatur Hieronymus: Dabo clauem Dauid super humerum eius, & aperiet, et nemo claudet: et claudet, et nemo aperiet. Quod enim super humerum eius inquit, id ipsum est, quod alibi ipse Esaias explicat: Factus est principatus super humerum eius: Quo significatur proprijs meritis Christi inniti potestatem hanc, & auctoritatem eius. Vnde & in Apocalypsi saluator inquit: Hæc dicit fidelis & verax, qui habet clauem Dauid, qui claudit, & nemo aperit &c. Hanc igitur quam Christus excellenter & super omnes à patre potestatem habet, Petro, & deinde cæteris Apostolis communicat: Tibi (inquiens) dabo clauēs regni cœlorum. Et mox actus illarum non nihil aliter explicans, non dixit: Quicquid aperieris vel claueris: sed: Quicquid ligaueris vel solueris: vt intelligamus metaphoricè omnia ibi sumi. Et cum postea de Ecclesia loquens dicit Dominus: Quicquid ligaueritis super terram, & quicquid solueritis &c. intellexerunt patres eandem potestatem datam reliquis, & perpetuè in Ecclesia seruandam. Ecclesiæ enim ipsi, sed in illis & per eos datæ sunt, ad quos pertinent illarum vsus in ipsa Ecclesia, vt Augustinus inquit primo de doctrina Christiana, & multis alijs locis. Secundū igitur hanc acceptionem, certè valde consonam ipsi scripturæ, in clauibus omniem Ecclesiasticam iurisdictionem, & potestatem dispensandi, administrandi, præcipiendi, docendi, & denique quicquid ad gubernationem Ecclesiæ opus est, & alijs locis scripturæ explicatur, intelligimus. Itaque ad has pertinet & doctrina, & definitio dubiorum fidei; & librorum canonicorum, conuocatio concilij, atq; editio ac publicatio legum, excommunicatio & absolutio, peccatorum remissio, ac impositio satisfactionis, atq; re-

laxa-

Capite 22.

Capite 9.

Apocaly. 3.

laxatio eius: denique in vniuersum cuncta quæ in Ecclesia necessaria sunt, & ad eius gubernationem pertinent.

Verum & Magist. sentent. & cæteri post illum specialius hoc nomen acceperunt, intelligentes tamen potestatem pertinentem ad remissionem peccati vel retentionem, siue ad exclusionem ab ecclesia, aut reconciliationem: hinc sumentes metaphoram, quod sicut clauē aperitur porta: ita sacerdotes auferunt peccatorum impedimenta, quibus homines sibi claudunt regnum cælorum, & id quidem dum absoluunt: dum verò aut negant absolutionē, aut excommunicant, non aperiunt, atq; ita claudere dicuntur: sicut Deus excæcare aut obdurare dicitur, cum non illuminat, aut conuertit. Atque isti definierunt clauēs esse potestatem, qua index ecclesiasticus indignos excludere, & dignos admittere potest ad regnum: referentes hæc omnia ad remotionem peccati, & impedimenti quod ab eo est. Possent etiam hæc verba definitionis vniuersalius accipi, & omnia alia, quæ suprà diximus, illis intelligi: sed neque hoc magni momenti est, nec reprehendi debent, qui ita acceperunt. Considerarunt enim hoc nomen iuxta ea quæ proximè à Christo addita erant: de ligando videlicet vel soluendo: quod ad peccata pertinet. Prior tamen illa acceptio communior est, & omnia hæc includit. Siue itaque illo, siue isto modo accipias clauēs: vel omnem potestatem ecclesiasticam, vel illam specialius, quæ peccata respicit, significat.

Definitio clauium secundum Magistrum.

Ex qua explicatione atq; definitione clauium facile, quod secundo loco proposuimus, intelligi potest: de diuisione scilicet clauis. Diuiditur igitur primò clauēs in potestatem ordinis, & potestatem iurisdictionis: atq; ita clauēs ordinis & iurisdictionis dicuntur.

Clauis siue potestas ordinis est, quæ per consecrationem & sacramentum ordinis confertur, ad conficienda scilicet & administranda sacramenta: de qua b. Thomas hoc loco optime inquit, ipsam esse characterem sacerdotalem, & potestatem conficiendi Eucharistiæ sacramentum, ac absoluendi à peccatis.

Clauis ordinis.

Clauis siue potestas iurisdictionis est, quæ ad gubernandum populum, & ad tenendum illum subditum simplici iniunctione, abique vlla consecratione datur: sicut cum instituitur quis parochus, plebanus, aut huiusmodi. Et hæc potestas iurisdictionis est Iurdictio rursus duplex, sicut & duplex est forum: alterum videlicet, in ecclesiastica quo de peccatis omnibus, etiam occultis iudicatur loco Dei, atq; duplex,

ideo secretò : quod vocatur interius forum conscientiz : & ita respondet illi iurisdicção interior & secreta. Alterum verò forum est, vbi publica & manifesta peccata cognoscuntur & iudicantur : quod forum exterius dicitur : atque ita exterior iurisdicção illi respondet : & hæc omnia ad clauas pertinent.

Dux sunt clauis iurisdictionis Ecclesiasticæ. Quare rursus in qualibet harum potestatum duas constituunt clauas, occasione sumpta ex ipso verbo Christi, vbi non singulariter, sed pluraliter inquit : Clauis regni cælorum : adiuncta etiam conuenienti ratione. Igitur quælibet harum potestatum (inquit) primò vt rectè exerceatur, præcedere debet cognitio atque iudicium certum causæ. Deinde sequi debet & exequutio eius, quod iudicatum est. Vt enim ex his quæ superius diximus, cum de his locis Euangelij loqueremur, satis patet, non pro libito suo, sed pro meritis causarum, & iuxta diuinæ legis regulam iudicis spiritualis absolueri possunt, aut ligare. Dux itaque clauas necessariæ sunt : vna scientiæ : altera potestatis. Scientiæ clauem (vt patet) non scientiam (quæ nec traditur cum sacramento, nec habetur ab omnibus ordinatis) sed potestatem cognoscendi : inquirendi videlicet & iudicandi dignum vel indignum esse aliquem absolutione, intellexerunt : quam tamen sine scientia nec ritè administrari, nec sine graui peccato suscipi, ex dictis satis constat.

Clauis scientiæ.

Clauis potestatis.

De actibus clauium.

Clauem verò potestatis intelligunt auctoritatem ipsam absoluendi vel retinendi peccata, & admittendi vel excludendi à regno.

Qui sint verò actus clauium, & ad quæ se extendant (quod tertio loco proposuimus) ex dictis etiam intelligi potest. Si clauis vniuersali illa acceptione sumamus, omnes actus ecclesiasticæ potestatis sunt actus clauium. Specialius verò acceptis clauibus (vt secundo modo diximus) pauciores actus eis assignantur : absolutio videlicet à peccatis. Circa quam disputatur hoc loco, an extendat se ad ipsam remissionem culpæ, an verò pœnæ tantum? de quo nos satis superius diximus, ostendentes ex ipsa scriptura & patribus, sacerdotes verè remittere peccata : de hoc igitur actu nō est opus vt plura dicamus. Ponuntur etiam duo alij actus, de quibus inferius specialius est agendum : excommunicare videlicet & indulgentias concedere : de quibus, quàm sint efficaces, & ad quid se extendant, mox ordine dicemus.

Qui habeant clauas.

Quod igitur quarto loco propositum est, qui scilicet habeant clauas & earum usum, & circa quos, est etiam breuiter explican-

endum. Claues igitur sacerdotum legis nouæ proprias esse, quod attinet ad potestatem absoluendi à peccatis, est certissimum fidei catholicæ dogma, ex scriptura ipsa euangelij & vsu ecclesiæ aperte probatum. Christus enim solis Apostolis dedit claues (vt dictum est) aut fortè etiam (si placet) reliquis septuaginta discipulis, quos similiter misit: non tamen Christianis omnibus aut baptizatis. Apostoli verò & ecclesia solis sacerdotibus hanc potestatem tradiderunt: soli ergo illi claues habent. Vbi vitandi sunt errores illi iam olim ab Ecclesia damnati, vel omnes Christianos, vel solos sanctos & iustos claues habere. Habent enim sacerdotes solum, siue iusti, siue peccatores sint. Habent verò hi tantum tanquam ministri, non vt primi agentes, quod solius Dei est: nec tanquam suis meritis quicquam operantes, quod est proprium Christi: sed vt ministri tantum & instrumenta.

Vsus verò harum clauium sanctus quidem & licitus solum est iustorum sacerdotum, & eorum qui intra ecclesiam sunt. Ceterum excommunicati & peccatores si eis vtantur, modò adsint omnia alia necessaria, peccant quidem, sed non propterea carent effectu eorum actus.

In quos verò exercere possint earum potestatem qui claues habent, quod ad absolutionem à peccatis attinet, superius est explicatum: quod scilicet in solos subditos. De excommunicatione verò & indulgentijs inferius dicitur.

Quid aduersarij catholicæ ecclesiæ contra potestatem hanc clauium loquantur, non est opus multis referre vel confutare. Lutherani nolunt aliam potestatem agnoscere, quàm verbi ministerium. Doctrina (inquiunt) ligantur & soluuntur peccatores: cum videlicet annuntiatur eis peccatorum remissio, vel econtra iusta damnatio quæ imminet illis, contemnentibus euangelium. Clamant multi illorum hunc esse germanum sensum locorum euangelij. Quibus primò respondemus, satis superius probatum esse, totum consensum patrū & ecclesiæ potestatem hanc soluendi & ligandi retulisse non ad prædicationem euangelij, sed ad administrationem sacramentorum, atque adeò ad ipsam absolutionem, cum ipsi nec in sacramentis quicquam aliud agnoscant, quàm verbi annuntiationem: quod satis superius confutatum est. Secundo etiam addimus, negari non posse, ministros ec-

Quomodo
aduersarij
reprehendāt
claues.

DE CLAVIBVS ECCLESIAE.

2. Cor. 10

ecclisæ habere præter auctoritatem doctrinæ, potestatem operandi ad animarum salutem: indulgendi atque donandi etiam. Paulus inquit gloriari se posse de potestate sibi tradita in ædificationem, non in destructionem. Et alibi dicit se donasse, indulgentiam videlicet penitenti. Ego (inquit) quod donavi, si quid donavi, propter eos in persona Christi. Gerunt itaque ministri personam Christi. Ipse cum mulieri peccatrici dixit: Remittuntur tibi peccata: aliud agebat quàm docebat: sic & ministri. Ceterum & hoc, & quod ipsi hæretici legitimam istius potestatis ecclesiasticæ traditionem ignorant, dum ignorant sacramentum ordinis: proprio loco, cum de ipso sacramento ordinis egerimus, latius patebit. Hæc itaque de clauibus in communi dicta sint. Tantum restat ut de excommunicatione & indulgentijs, duobus scilicet actibus illarum, dicamus.

LECTIO SECVNDA.

De excommunicatione.



De excommunicatione igitur multa necessaria cognitu sunt ministris præcipuè sacramentorum. Et quâquam hæc nomine non negetur ab aduersarijs catholicæ fidei, re tamen ipsa contemnitur. Quare primò opus est ut virtutem atque efficaciam eius, ac originem atque auctoritatem ostendamus catholicis, & obedientibus filiis Ecclesiæ, deinde cætera explicemus, quæ necessaria sunt cognitu circa illam.

Quid exco-
municatio.

Matth. 18.

Excommunicationem itaque definiunt nostri dist. 18. quarti, ubi post Magistrum de illa agunt, esse separationem à communione fidelium & participatione sacramentorum. Nam duo hæc perfectam & integram excommunicationem, quam maiorem vocant, continere, probatur ex euangelico præcepto, & consuetudine Ecclesiæ ab ipsis Apostolis inchoata. Sit tibi (inquit Christus de eo qui peccat, nec audit Ecclesiam admonentem) sicut ethnicus

nici & publicanus. Ethnici verò nomine notum est gentilem, siue non baptizatum, & alienum ab Ecclesia intelligi. Sic enim Christus dominus alibi ethnicos distinguit à fidelibus. Igitur docet auferendum esse ab eo, quod per baptismum confertur. Baptismus verò, qui ianua est Ecclesie & sacramentorum, duplex ius confert baptizato. Primum, communionis exterioris, secundum quam ad orationem & diuinorum mysteriorum celebrationem conueniunt in vnam domum. Hanc verò communionem externam sequitur communio atq; participatio spiritalis orationum, & piorum omnium operum. Sumus etenim (vt Paulus inquit) inuicem membra, & inuicem compatiuntur & congaudemus: & quicquid operatur vnum membrum, cedit in vtilitatem reliquorum. Quare Paulus ipse inquit: Vnum corpus & vnus spiritus estis, sicut & vocati in vna spe vocationis: quo certè conuenienter significatur duplex ista societas, exterior videlicet & interior. Et hoc dicimus primum ius, quod ex baptismo habetur. Vbi etiam hoc aduertendum, quòd est adhuc alia communicatio naturalis siue politica, ad quam natura ipsa, & politia humana vocat homines, etiam ante baptismum: propter quam dictum est, quod homo sit animal politicum: qua videlicet communicant sibi homines in his, quæ ad vitam hanc naturalem necessaria sunt: in legibus videlicet & statutis ciuitatum, in contractibus ac commercijs, in mutuis salutationibus, & reliquis signis ac effectibus humane amicitie. Quæ quidem omnia quanquam priora sint baptismo & religione Christiana, per hanc tamen magis confirmantur, & ordinantur etiam ad altiore finem, sicut gratia ipsa natura eleuat, & ordinat ad sublimiora. Quare & de his oib; Ecclesia rectè statuit, concedit, vel prohibet quod ad salutem animarum & religionis conseruationem pertinere cognoscit. Ex quo fit, vt etiam ista humana & naturalia commercia auferat ab his quos excommunicat: præcipiens scilicet, vt ab alijs hæc denegentur ipsis: ita Apostolis præcipientibus. Paulo quidem frequentissimè: 1. cap. 5. ad Corinthios: Si is qui frater nominatur inter vos, est fornicator aut auarus &c. cum huiusmodi ne cibum sumere. Et iterum: Si quis non obedit verbo nostro per epistolam, hunc notate, & ne commisceamini cum illo, vt confundatur. Et Iohannes in canonica etiam scribit: Si quis venit ad vos, & non adfert hanc doctrinam, nolite eum recipere in domum, nec aue ei dixeritis. Ecce itaque

Qua cõmunionē priuetur excommunicatus.

1. cap. 5.

2. ad Theſ. 4.

2. cap. 1.

DE EXCOMMUNICATIONE.

itaque qualiter Apostoli naturalem etiam communicationem interdiciunt excommunicatis. Itaq; & ista cōmunio etiam includitur in illa, quam ex baptismo diximus christianis conuenire. Iam secundum ius quod ex baptismo habemus, est participandi sacramentis Christi: Eucharistiæ scilicet & reliquis quæ in Ecclesia administrantur. Quæ participatio sacramentorum priorem cōmunionem includit, & aliquid superaddit illi. Nec enim participes potest esse sacramentorum, quæ in Ecclesia & per illam exterius administrantur fidelibus, qui expers est exterioris illius communicationis, & interioris etiam participationis orationum. Itaq; omnis qui priuatur cōmunionem fidelium, priuatus est participatione sacramentorum: non è contrario. Atque ita duplicem distinguunt iura ipsa excōmunionem, qua utitur disciplina ecclesiastica. Alteram vocant minorem: quæ priuat tantum sacramentorum participatione. Alteram maiorem, quæ à sacramentis & cōmunionem fidelium separat. Hanc definiunt vt supra diximus: & de hac dicturi sumus prolixius: postea verò breuiter de minori.

Duplex ex-
cōmunica-
tio.

De maiore
excōmuni-
catione.

Hæc igitur maior excommunicatio, quæ priuat iure illo, quod per baptismum accepimus, patet quā conuenienter definita sit, quod est separatio à cōmunionem fidelium & participatione sacramentorum. Quia tamen communicatio illa fidelium (vt diximus) est non tantum exterior, sed interior & spiritualis: quidam ad id magis explicandum addunt, quod sit separatio quoad fructum & suffragia generalia: intelligentes per hoc, non tantum priuari excommunicatum externis illis bonis, sed etiam fructu ipsorum: auxilio videlicet gratiæ, quod per orationes ecclesiæ acquiritur, quæ etiam per sacramenta confertur. Hæc itaq; satis ostendunt virtutem excommunicationis & originem eius.

Quid Luthe-
rani de ex-
communi-
catione sen-
tiant.

Est tamen attentius considerandum propter aduersarios & contemptores ecclesiæ, duo circa hæc ab eis impugnari: ab alijs quidem apertè & inuerecundè, ab alijs autem occultius, susurratione potius quadam, quàm aperta ratione. Primò itaque impugnant vim ipsam & efficaciam excommunicationis, quam Lutherus adeò docuit non esse timendam, vt potius tanquam medicina amanda sit. Quem sequentes discipuli eius, etsi verecundius, excommunicationem tamen tantum esse externam quandā pœnam in confusionem excōmunicati putant; nec agnoscunt effe-

ctum

Aut aliquem spiritualement, aut damnum quod infert animæ: quare coram hominibus & in faciem tantum videtur timenda, non coram Deo. Secundò quasi in altero extremo reprehendunt Ecclesiam, seuitiæ & crudelitatis eam notantes; quòd filios suos quasi non agnoscat & projiciat à se, atq; ita in desperationem & præcipitia cogat. Vtrunq; igitur horum quanquam ex dictis facile possit refelli, est apertius reiiciendum Christi & Apostolorum autoritate, & patrum perpetuo consensu.

Contra primum itaq; hoc certò statuatur, excommunicationem non quidem priuare cõmunionem illa charitatis, qua per gratiam omnia membra ecclesiæ primum Deo ipsi & Christo, deinde sibi inuicem connexa sunt, sed nec solùm priuare exteriori cõmunionem atq; participationem fidelium, quæ est in actibus legitimis exterioribus, siue naturalis societatis siue Christianæ, de quibus diximus: sed priuat etiam cõmunionem & spirituales & interioris auxiliij, quod per communes orationes & suffragia Ecclesiæ habetur. Sunt itaque iuxta hoc tria consideranda: duo extrema, reliquum medium. Primum est interior cõmunitio charitatis, de qua dictum est à Christo: Qui manet in me, hic fert fructum multum. Et: Ego sum vitis, & vos palmites. Et in Psalmo: Particeps ego sum omnium timentium te. Hanc cõmunionem solus Deus aufert, sicut ab eo solo est. Et aufert non sine peccato mortali præcedente. Excommunicatio verò est pœna per Ecclesiam inflicta. Præsupponit igitur separationem hanc à charitatis cõmunionem, vt infra dicitur: sed illam non efficit. Secundum verò quasi in altero extremo positum est, cõmunitio & participatio exterior & corporalis, qua conuenitur in eadem domo Ecclesiæ à fidelibus: oratur simul: participatur sacramentis: salutamus etiam inuicem: & alia humanæ societatis ac Christianæ opera inuicem exhibemus. Et quidem aduersarij Catholicæ Ecclesiæ aut apertè aut occultè hoc sentiunt & docent, per excommunicationem solùm istis priuari excommunicatum: vt videlicet confundatur & erubescat. Atque ita certè non est cur magnopere timeatur excommunicatio: quandoquidem nihil spiritualis incommodi ista habent: maxime cùm ab alijs inuitis nobis auferuntur: quod propter sacramenta dicimus, quibus priuari certè incommodum est: sed hoc potest voluntate propria & deuotione suppleri. Hanc sententiam omnino erroneam esse nobis

Confutatur
sententia Lu-
thera. de ex-
communi-
catione.

DE EXCOMMVNICATIONE.

Quibus bonis internis & spiritualibus priuetur excommunicatus.

probandum est, & alienam à sensu ac vsu scripturæ & Ecclesiæ. Considerandum igitur tertium, medium inter hæc duo, participatio videlicet orationum & piorum operum ex intentione speciali operantium. Nam (quod etiam ex superioribus intelligi potest) quanquam ex communi ratione charitatis participant omnes in ea existentes, secundum aliquam rationem omnium aliorum operibus bonis, tamen ex intentione vel orantis, vel satisfaciensis pro alio, multum accrescit ei, in cuius vtilitatem hoc ordinatur. Hæc verò intentio orantis vel satisfaciensis pro alio est duplex: altera priuata tamen: quæ scilicet à priuato aliquo ex speciali ratione fit: cum nimirum pro amico, pro benefactore, & huiusmodi alijs quis orat, aut aliud aliquid facit. Secunda verò est intentio publica totius Ecclesiæ, qua illa suis publicis orationibus sollicita est, vt salutē omniū filiorum suorū operetur. Vbi duo sunt consideranda. Primum, quanto hæc Ecclesiæ vniuersalis intentio efficacior sit & vtilior, quàm sit priuata cuiusque, maximè ad Dei gratiam conciliandam, quæ est præcipuus fructus participationis bonorum operum. Tanta igitur hæc efficacior est priuata illa, quanto tota Ecclesiā acceptior est Deo & gratior, quàm priuatus quilibet: maximè (quod superius de sacrificio Missæ agentes explicauimus) cū Ecclesiæ preces & opera non ex præsentium tantum fidelium & nunc viuentium pietate ac deuotione, sed etiam ex sanctorum omnium gratia & meritis pensanda sint. Nec enim dubitandum est omnium illorum menta clamare apud Deum, & ipsum non minus respicere Christianum populum propter Apostolorum, martyrum, & reliquorum sanctorum merita, quàm olim Iudaicum respiciebat memor Abraham, Isaac, & Iacob, seruorum suorum. Secundò considerandum est, quòd vniuersalis hæc intentio etiam regula est & directio atq; medium omniū specialium intentionum. Quicquid enim singula membra operantur in Ecclesia, iuxta eius intentionem (si sanè & prudenter sentiunt) dirigunt, & per illam Deo offerunt. Nec vllus qui Ecclesiæ vnitus est, aliter quicquid agit, etiam si hoc non cogitet. Ex his igitur colligamus quàm sit graue communionē Ecclesiæ priuari. Cum enim (vt iam patet) illa non tantum exterior sit, & in corporeis actionibus sita, sed multo magis spiritualis, in orationibus & pijs operibus, non est dubitandum illis etiam priuari eum, qui excommunicatur, & consequenter vtilitate ac fructu illorum: quod

locus

locus ille Euangelij significat : Sit tibi sicut ethnicus & publicanus. Quæ itaque pro membris suis ecclesia specialiter agit, his omnibus priuatur excommunicatus : habetur enim quasi non baptizatus. Cæterum non possumus satis existimare, quanta sit Dei benignitas, quam pius respectus eius in ecclesiam suam, & in omnia eius membra, pro quibus scilicet ipsa orat, quamuis fortè humana aliqua infirmitate à vera Christi charitate exciderint, nec tamen meruerint, vt ab Ecclesia tanquam putrida membra resecentur. Confirmat hoc maximè & illud, quod saluator de excommunicatione apertè loquens dixit : Amen dico vobis, quicquid ligaueritis super terram, erit ligatum & in cœlis. Dixerat enim prius : Si ecclesiam non audierit, sit tibi sicut ethnicus & publicanus. Si igitur excommunicatio tantum externam societatem Ecclesiæ auferret, non erat opus in cœlo ratam haberi : nihil enim cœlestè auferret. Nunc autem, si Christus Dominus dicit ligatum excommunicatione etiam ligari apud Deum : constat illam efficere, vt ab eius gratia & respectu, quod commendatos ab Ecclesia respicit, separet excommunicatum. Quod ipse etiam vsus ecclesiæ ostendit. Prohibet enim sacrificium offerri, & publicas orationes fieri pro excommunicatis, maximè in speciali : sed nec in generali vnquam pro excommunicatis orat, etiam si nonnunquam pro hæreticis & infidelibus oret. Non quòd à charitate Ecclesiæ omnino abijciantur excommunicati : nam Paulus inquit : Nolite eos quasi inimicos reputare, sed corripite vt fratres. Ceterum non habet illos eo ordine & loco, quo coniuncta sibi membra. Hoc ipsum quoque patres omnes senserunt, quorum multas auctoritates Gratianus collegit 1. quæst. 3. & 24. quæst. 3. quibus locis apertè est videre consensum omnium patrum ab Apostolis, de timenda excommunicatione. Vide Augustini verba cap. Omnis Christianus : Et cap. Nihil sic timere debet. Chrysostomi item atque Hieronymi, & cæterorum deniq; pontificum & doctorum, quorum doctrina Ecclesia illustratur. Ex quibus M. sentent. gratia diuina dicit priuari excommunicatum ac diuina protectione, & diabolo expositum relinqui. Quæ b. Thomas exponens, notat orationibus Ecclesiæ & gratiam impetrari nonnunquam his, qui extra eam sunt, & augmentum eius his, qui eam habent : quibus priuantur excommunicati, & propterea etiam gratia. Deinde eisdem orationibus conseruatione virtutum & perse-

Matthæi 18.

DE EXCOMMUNICATIONE.

uerantiam ecclesia impetrat, & ne tententur fideles sui, vel saltem non superentur tentatione. Quare exclusus ab his orationibus, hæc etiam amittit, conseruationem scilicet virtutis, & liberationem à tentationibus. Hæc itaque omnia quoties sentimus nobis contingere, quoties Dei gratiam vel nos conuertentem, aut ad profectum vocantem: quoties conseruationem aut liberationem à tentatione experimur: & certè quoties nobis hæc contingunt (sepè enim cum nec cogitamus nec intelligimus, à multis enipimur periculis) omnia Dei misericordix in primis & bonitati, Christi etiam meritis tribuenda sunt: sed hæc omnia medijs Ecclesix precibus & orationibus statuere debemus nobis prouenire. Ipsa enim est dilectissima sponsa semper Deo grata, semper efficax apud illum: in ea sunt sancti ipsi, qui iam regnant apud Deum, quorum merita semper ipse respicit. Quantum igitur his omnibus priuari sentiendum est & timendum? & quàm inconsideratè ac stultè contrarium docetur? Hæc igitur contra primum illum errorem & extremum.

Ecclesia non
est crudelis
dum excom-
municat.
1. Corint. 5.

Iam quod reprehenditur in Ecclesia hæc tam necessaria disciplina, quàm sit stultum, loca ipsa Euangelij & Apostolorum superius citata satis ostendunt, imò & ipsa visibilia miracula, quibus in primitiua ecclesia grauitas excommunicationis probatur. Propter hoc enim Paulus satanæ se dicit tradere, quos excommunicat, in interitum (inquiens) carnis, quia mox vexabantur corporaliter ab ipso satana. Itaque si crudele videtur priuare beneficijs membrorum & obedientium filiorum Ecclesix, eos qui se indignos reddunt illius societate: reprehendatur Christus, qui inquit: Sit tibi sicut ethnicus & publicanus. Et Paulus arguatur crudelitatis, qui tradidit hominem satanæ &c. Cum itaq; hæc blasphemia sint, consideremus potius quàm conformiter diuino iudicio ecclesia in excommunicatione faciat. Deus (vt in scripturis patet) dupliciter solet peccatores punire vt conuertat: nonnunq; flagellis durissimis & confusione: Imple (inquit psalmus) facies eorum ignominia, & quaerent nomen tuum Domine &c. quandoq; verò subtractione gratiæ suæ, vt labantur, atq; ita humiliores redeant, qui prius sibi videbantur fidere. Ita reliquit Petrum. Ita etiam in psalmo scriptum est: Auertisti faciè tuam à me, & factus sum conturbatus. Vtrunq; igitur horum ecclesia imitatur in excommunicatione. Cū auferit beneficia cōmunia, & salutationē fidelium: flagellat

gellat ad confundendum. Sic enim inquit Paulus : Vt confundatur. Dum verò suffragia orationum subtrahit, relinquit hominem suis viribus, vt sic destitutus agnoscat infirmitatem suam. Itaque & præcepto Christi & Apostolorum, & imitatione diuinæ iustitiæ excommunicatio ostenditur nō crudelis, sed pia quædam medicina. Non est igitur cur stultè reprehendatur, maximè (quod inferius ostendemus) cum iudies ecclesia magis semper temperauerit seueritatem antiquam, & rigorem excommunicationis : piè semper consulens infirmitati maiori, in quam quotidie labimur.

LECTIO TERTIA.

De Excommunicatione.



Ognita efficacia excommunicationis, & origine atque ratione eius, dicendum est in speciali de singulis maximè quæ necessaria sunt ministris sacramentorum, idq; breuiter.

Primò igitur de causa, propter quam excommunicatio fieri potest, dicendum. Vbi hæc omnium certissima sententia, nullū nisi propter peccatum mortale excommunicari

Tantū propter mortale peccatū excommunicari quis debet.

posse. Quod in ipso Euangelio fundamentum habet : Si peccauerit in te frater tuus &c. Et rationem etiam habet manifestam. Est maxima poena ecclesiæ, & separatio ab his quæ ex charitate ecclesiastica debentur, orationibus videlicet. Nullus igitur his priuandus est, qui non prius seipsum charitate priuauit. Quare meritò Petrus de palude (quem sequuntur ferè omnes) censet eum, qui se liberum iudicat à mortali peccato, tuta conscientia posse liberum etiam se credere ab excommunicatione. Vbi itaque dubium aliquod esset propter actum qui sub excommunicatione prohibetur, si cōscientia etiā in illo actu iudicat se nō peccasse mortaliter, securus poterit esse ab excommunicatione. Exempli causa: excommunicatur percussus clericum: percussit aliquis vel se de-

du n. 3. fendendo,

DE EXCOMMVNICATIONE.

sendendo, vel ioco, vel præter intentionem lædendi, quocunque modo: certè in his casibus vel similibus etiam qui non exprimuntur à doctõribus, quia meritò iudicare potest non fuisse peccatum mortale, non est timenda excommunicatio. Quod ideo tam diserte admonemus, quia valet ad quietem conscientie, & ad libertatem Christianam, atque ad reprimendas etiam aduersariorum calumnias. Non iniiciunt laqueos sententie ecclesie & statuta, sed omnia libera sunt & tuta sincere in obedientia ecclesie agentibus. Quod verò diximus non esse excommunicandum aliquem, nisi propter peccatum mortale, de excommunicatione certum est intelligi, quæ ob culpam præteritam infligitur à iudice & superiore. Ceterum quando sub excommunicatione prohibetur futurum aliquid, siue à iure siue ab homine, non est opus ut id alioqui ex natura sua peccatum sit mortale. Potest prohiberi ab ecclesia, quod per se nec peccatum est: ut, ne clericus nutriat barbam, aut ne ingrediatur tabernam, vel ne intersit spectaculis. Et quia ea quæ prohibentur ab ecclesia, ex sola eius prohibitione peccata fiunt, maiora vel minora pro qualitate materie, vel intentione præcipientis (de quo alibi sumus dicturi) quicquid prohibetur sub pœna excommunicationis, intelligunt doctores sub peccato mortali prohiberi: quia grauitas pœnæ hoc indicat præcipientem voluisse. Quamquam enim sit certum, non propterea incurri excommunicationem, quia sub excommunicatione aliquid prohibetur, nisi addatur aperte, quòd ipso facto incurratur absque vlla sententia: quia tamen faciens quod prohibitum est sub pœna excommunicationis, dignum se reddit qui excommunicetur, peccat proculdubio mortaliter. Quando scilicet tanta est inobediencia, ut meritò excommunicari debeat, tunc certum est peccasse mortaliter. Alioqui non quæcunque transgressio eius, quod sub excommunicatione prohibetur vel præcipitur, mortalis iudicanda est, de quo inferius plura, cum de præceptis ecclesie agetur, dicenda sunt. Hoc itaque primò certissimum esse debet de causa excommunicationis. Cui secundum etiam addendum est, non minus dignum consideratione, nec minus certum: non pro quocunque peccato mortali excommunicari aliquem posse, nisi adiungatur etiam peccato contumacia, qua scilicet nolit parere ecclesie: dicente domino: Si ecclesiam non audierit, sit tibi tanquam ethnicus &c. Vocant verò contumaciã doctores, cum vel nõ vult cõparere in iudicio vocatus,

tus, vel sine licentia recedit, vel denique cum non vult stare sententia iudicis. Rationem huius reddit b. Thom. & reliqui. Quoniam sapientis medici est à leuioribus remedijs incipere: Excommunicatione verò grauissima omnium est poena: quare non nisi vltimò ferenda: cum scilicet nulla iam spes est alio remedio moderi posse infirmo. Et quanquam duo ista, quod ad causam attinet, sufficiant, vt nullus merito conqueri possit de excommunicatione: tamen addunt adhuc iura nonnulla alia obseruanda, quò maturius & rarius tanta poena inferatur: quæ merito consideranda sunt, vt agnoscatur moderatio ecclesiæ, & consulatur etiam conscientijs & subditorum & prælatorum. Igitur Innocentius in concilio generali statuit, vt nullus nisi post trinam admonitionem excommunicetur, quam fieri præcepit coram testibus, additis rationabilibus causis, ita vt de omnibus constare possit: grauissimè hoc cõmendans prælatis, addita etiam poena in cap. Sacro, de sententia excommunicationis, in decretal. Innocent. 4. etiam in concilio Lugdunensi præcepit, vt non nisi scripto feratur excommunicationis sententia, causis etiam apposis rationabilibus, quæ etiam excommunicationi ipsi tradi infra mensem debet, si petierit. Itaq; his omnibus hoc agitur, vt in ferenda excommunicatione multa mansuetudine vtantur iudices. Nec est dubium grauiter peccare eos qui hæc omittunt, imò qui hæc præcipitanter obseruant, vel leuiter sententias ferunt excommunicationis. Quare semper quidem moderatione vtendum est in illis, propter duo maximè. Alterum, quod ad animarum vitandum periculum pertinet. Aliud etiam, ad cauendam irrisionem & contemptum clauium ecclesiæ: quorum vtrunque grane malum est, & nostris his temporibus magis cauendum, quanto facilius hæc videmus hodie committi.

Quæ seruanda in excommunicatione.

Cap. cū medicinalis &c. de sententia excommunicationis in 6.

De iniusta sententia excommunicationis. 1. propositi.

Circa hunc etiam articulum mouent doctores de sententia excommunicationis iniusta, an obseruanda sit & timenda. Respondet b. Thom. art. 1. huius quæst. & reliqui omnes, tribus his propositionibus. Prima. Sententia ita iniusta, vt nulla sit, non est timenda nec obseruanda. Quod nõ est opus probari. Quod enim nullum est, non est quod timeatur vel obseruetur. Hoc verò potest multis de causis esse: si videlicet feratur à non iudice, vel post legitimam appellationem, vel quocūq; alio modo contra ius efficiens sententia nulla: sicut in cap. Statuimus, de sententia excommunicationis, in sexto, nulla declaratur sententia excommunicationis.

DE EXCOMMVNICATIONE.

nis lata in participantes cum excommunicato, vt ibi prohibetur.

2. proposi.

Secunda. Sententia iniusta ex seipsa, & contra ipsa iura prolata, si non est nulla, obseruanda est humiliter, & recurrendum ad superiorem. Alioqui (inquit b. Thom.) si contemneretur, eo ipso esset peccatum mortale. Ratio horum omnium manifestissima est. Et probatur autoritate b. Gregorij, quam Gratianus in cap. Sententia, 11. q. 3. citauit. Sententia (inquit) pastoris siue iusta siue iniusta timenda est. Addit tamen non irrationabiliter Durandus distinctionem. Nam si manifestè iniusta est, in occulto & ante Deum nō est cur timeatur, aut feruetur: sed coram hominibus cauendum est scandalum. Cum verò non est manifesta iniustitia, sed dubia, tunc propriè necesse est ad superiorem recurrere. Omnia manifestissima sunt. Vbi etiam cum dubia est iniustitia, ait ille, cui certa est & manifesta, in secreto posset non feruari.

3. proposi.

Tertia. Iniustitia sententiæ ex sola iniqua intentione iudicis vel testium malitia, non excusat quin seruanda sit & tenenda. Quanquam & in hoc, vbi testes falsum testificati sunt, reus cui certum est illud esse falsum, coram Deo non est cur teneatur seruare, sed propter scandalum duntaxat. Itaque in his omnibus locum habet illud Gregorij: Sententia pastoris &c. Deinde quæ sunt prohibita excommunicatis, aut alijs erga ipsos, sub quo vinculo & peccato, traditur à doctõribus: de quibus dicendum est nobis breuiter.

Quibus interdictum sit excommunicato, & sub quo peccato.

Igitur excommunicato ipsi certum est ex supradictis prohibitam participationem omnem & in sacramentis, & in diuinis omnibus, officijs scilicet & orationibus, sed & in omnibus alijs humanis actibus, siue iudicialibus & legitimis, vt in sententia ferenda, & quocunque actu iurisdictionis ecclesiasticæ: vel secularis, vt in electione actiua & passiua, & huiusmodi alijs: deniq; in omnibus cõmunibus actibus, Colloquio, Conuiuiõ, Salutatione &c. de quibus si quis in speciali plura videre velit, Syluester scribit in verbo, Excommunicatio 3. per totum.

Illud circa hoc præcipuè considerandum est ministris ecclesiæ, quando mortaliter peccet excommunicatus participationi horum se ingerens. Quod Caietanus & breuiter & dilucidè in summula tradit, Hadrianus in hac materia, & reliqui omnes: ex quibus

quibus sequentia habentur. Primum. Excommunicatus tradens vel recipiens sacramenta, aut diuina audiens, intentione videlicet audiendi & cōmunicandi illis, & vniuersaliter participans orationibus fidelium, peccat mortaliter, faciens manifestē contra grauissimam ecclesiæ prohibitionem, & reuera tanquam fur surripiens magis diuina, quæ non nisi filiorum sunt, quàm participans fructui eorum: quare est grauissimum sacrilegium. Secundum. Excommunicatus participans fidelibus in communibus illis actibus salutatione videlicet, colloquio, conuiuio, & huiusmodi alijs, non creditur peccare mortaliter. Nam hoc nō directē respicit excommunicatio, quæ magis communionem christianam prohibet, quàm humanam: quanquam et hæc prohibeatur, non tamen tam grauitus, nec in v'surpatione horum grauis transgressio aut irreuerentia committitur. Tertium. In actibus legitimis et iudicialibus participatio non semper mortale peccatum iudicatur, sed (vt Caietanus rationabiliter satis credit) mortale duntaxat erit peccatum, quando v'surpatur iurisdictio. Tunc enim iniustitia fit, quæ peccatum mortale ex suo genere est. Itaq; eligere, acceptare electionem, sententiam ferre, & exercere actus iudiciales, mortale peccatum est. Cæterum siue v'surpatione iudicij alios exercere legitimos actus, non putat mortale: vt ferre testimonium in iudicio, & huiusmodi alia, quæ rei sunt aut actoris. Et in his omnibus cum tantum agatur de prohibitione Ecclesiæ, & intentione eius, tuta conscientia iudicari potest, quod suauius & dulcius, & minus periculi afferens conscientijs à prudentibus doctoribus iudicatur. Et hæc omnia quæ dicta sunt, de omni excommunicato maiore excommunicatione (de qua nunc agimus) siue occulto siue publico, generaliter vel nominatim, intelligenda sunt. Nam quod ad ipsum attinet excommunicatum, hæc non differunt.

Cæteris verò fidelibus qualis participatio cum excommunicatis inhibeat, & quantum in transgressione eius peccent, est les quomotiā meritò considerandum. Vbi tria breuiter sunt notanda. do & sub q. Primum, quæ sint prohibita. Quinque itaque ex diuersis iuribus peccato viollecta notantur à doctoribus: duo spiritualia, communicatio tate debeant scilicet in sacramentis, & in orationibus: reliqua tria tempora-excommunia & humana, salutatio scilicet, colloquium, & mensa. Vbi re-nicatos. liqua omnia humanæ societatis commercia intelliguntur, quæ non sine colloquio, salutatione, & commercio fiunt: quæ qui-

DE EXCOMMVNICATIONE.

dem omnia & ex ipsa autoritate Euangelij, & Apostolorum doctrina patet in vsum Ecclesiæ venisse. Iohannes dicit : Nec auei dixeritis, nec in domum recipiatis. Paulus: Cum huiusmodi nec cibum sumere. Christus : Sit sicut ethnicus & publicanus. Vbi circa ista diligenter traditur à doctõribus propter diuersos casus contingentes, qualis intelligatur participatio orationum, sacramentorum, vel mensæ, aut locietatis humanæ : & multa specialiter traduntur, quæ mediocris iudicij arbitrio potius relinquenda sunt. Vt est illud : Si quis in eodem fortè hospitio & mensa comedat cum excommunicato, nec inuitatus ab eo, neque contrà, ipsum inuitans. Vbi certum est non esse communicationem veram voluntatum & animorum, quanquam casu in eodem loco conueniant. Propriè itaq; participare mensæ, est vel inuitasse, vel inuitatum fuisse ab excommunicato, vel cum illo simul inuitatũ eidem conuiuio interesse, etiam si sint diuersæ mensæ, vel etiam loca. Et hoc quidem de participatione orationum & sacramentorum sentiendum, vbi non loca consideranda sunt, sed actus & intentiones. Si quilibet apud se oret priuatim, etiam si propè sit excommunicatus, nulla est participatio. Si verò communis fiat oratio, vt in officio diurno, & in processionibus publicis, etiam si longè distet excommunicatus, participatur ei.

Quibus casibus liceat communicare excommunicatis.

Secundum sit, quando licita sit participatio cum excommunicatis. Quanquam enim vniuersaliter prohibita sit, concessum tamen est ad quietem conscientiæ & consolationem tam excommunicati, quàm aliorum, in nonnullis casibus participare eidem : quos ex diuersis iuribus colligentes ponunt, Syluester quidem in verbo, Excommunicatio 5. Caietanus & Hadrianus in 4. Sed & antiquiores etiam Theologi distinguunt illa in 8. Et ex antiquioribus quidem iuribus quinque colliguntur casus. Propter utilitatem videlicet, propter matrimonij legem, propter subiectionem debitam, propter ignorantiam, vel necessitatem. Et in explicationem horum multa scripta sunt, de quibus vt breuiter aliquid dicamus, sequentia sunt consideranda. Primum in vniuersum de omnibus illis, concessum est participare excommunicato in illis casibus æquitate quadam & beneficio ecclesiæ, in hoc proculdubio explicantis intentionem ipsam Christi, & rationem excommunicationis, quæ medicina est, non eradicatione, & in utilitatem.

1. Thessa. 3. non in destructionem ipsius excommunicati. Vnde Paulus dixit:

Nolite

Nolite vt inimicum reputare, sed corripite vt fratrem. Quare nec ab eo auferenda sunt necessaria, aut vtilia (multo minus alijs fidelibus) propter excommunicationem. In speciali igitur propter vtilitatem (qui est primus casus) spirituales quidem, aut ipsius excommunicati (cum scilicet propter bonum animę eius ei participatur) vel alterius etiam qui participat eidem (si videlicet egeat consilio aut auxilio excommunicati ad salutem animę suę) iusta ratio postulat vt permittatur participatio. Vbi alij scrupulosus & parcius (vt ita dicamus) alijs loquuntur: sed præstat latius hoc intelligere: vt videlicet propter quamcunq; vtilitatem animę, cuiuscunque etiam alterius. Nam etiam propter vtilitatem temporalem permittitur participatio. Possum enim ab excommunicato exigere debitum. Et demum quicquid vel illi vel alteri vtile est, non debet propter excommunicationem dimitti. Iuxta secundum, licet vxori communicare marito excommunicato, & marito vxori. Non putat Ecclesia vinculum illud tantum matrimonij non solum non dissoluendum, sed nec impediendum ob excommunicationem. Iuxta tertium, filij qui in potestate patris sunt, serui, famuli, familiares, coloni, & omnes subditi communicare possunt Dominis & superioribus: vt monachi & clerici suo Abbati aut Episcopo: & ipsi etiam superiores suis inferioribus communicare possunt. Iuxta quartum, ignorantia excommunicationis excusat etiam participantem. Ignorantia quidem facti excusat aperte: si videlicet ignoretur aliquem imposuisse manus violentas in clericū, propter quod incurrit excommunicationē. Nam de ignorantia iuris tā non vniuersaliter dicendū est, excusare: sed cum inculpabilis est ignorantia. Iuxta quod etiam vertitur in dubium, an excuset etiam ab excommunicatione ipsa: de quo latius disputat Hadrianus in 4. & certē satis rationabiliter dici potest, non incurri excommunicationem ab eo, qui sine culpa ignorat promulgatam esse, etiam si fortē, quod facit, sit aliās illicitum. Iuxta vltimum denique, propter necessitatem vitę vel ipsius excommunicati, aut cuiuscunque alterius licet ministrare alimenta, querere et accipere excommunicato ipsi, vel alteri ab eo. Vbi etiam quod à nonnullis in dubium vertitur, an propter vitandam mortem quę violenter infertur, liceat communicare excommunicatis? nō est op^{us} multis tractare. Ius ipsum in ca. Sacris, de his q̄ vi metusue causa fiūt, aperte definit nō excusare huiusmodi me-

DE EXCOMMUNICATIONE.

tum participantem in diuinis cum excommunicato, vbi est peccatum mortale. Nam alia participatio non tanti fit, vt ex supradictis patet. Igitur si talis adhibetur violentia, quæ vitari non possit (vt si quis contineatur vi vbi erat excommunicatus) nulla ibi culpa est, maximè cum possit animo auerti, nec intendere participationem. Sed propter comminatum mortem, aut quodcunq; aliud damnum, non est communicandum excommunicato, nec extra diuina, quanquam ibi non sit peccatum mortale: quia nec venialiter licet peccare in vllò casu. Isti sunt casus in quibus antiquiora iura participationem permittunt. Post hos verò omnes in concilio Constantiensi & Basiliensi, ad consulendū conscientijs statuerunt quòd nullū generaliter excommunicatum, hoc est, non nominatim & specialiter, vitare tenemur, quousq; sit denunciatus nominatim: vt scilicet auferretur omnis scrupulus & occasio de aliena vita inquirendi. Vbi hoc est aduertendum, quòd nominatim excommunicati non includantur in illo Canone, vt bene Hadrianus notat in 4. De illis igitur antiquum ius seruandum est, quòd videlicet, si publicum est eos esse excommunicatos, vitandi sunt publicè: si verò occulti sunt, vitandi etiam sunt occultè, sed non publicè. Ceterum generaliter excommunicatis & hæreticis, & similibus, non prohibemur participare, nisi tantum ijs, qui manus violentas iniecerunt in clericum manifestè & notoriè, ita vt negari non possit. Hos enim excepit Ius ipsum. Rursum, quia hoc conceditur non vtilitatem excommunicatorum, ipsi non excusantur participantes fidelibus. Et rationabiliter Adrianus asserit, non excusari administrantem sic excommunicato sacramentum Eucharistie. Cum enim excommunicatus ipse accedens peccet, tradens ei sacramentum contra illud Euangelij facit: Nolite sanctum dare canibus. Et ideo scienter hoc agens peccat. Et idem de quocunque alio sacramento credendum, quando videlicet, & modo quo potest: & debet minister sacramenti vitare peccatorem. Hic enim excommunicatus (vt Hadrianus ipse inquit) vitandus est, non tam vt excommunicatus, quàm vt peccator: publicus verò peccator est excludendus à sacramentis, non occultus. Publico igitur excommunicato non licet à suo parrochio conferri sacramentum, aut à quouis alio sacerdote, etiam si non sit denunciatus. Non desunt qui putent in illo Concilio Constantiensi omnes notorios excommunicatos exceptos fuisse, ne scili-

scilicet illis liceat communicare: sed hoc non putatur à pluribus. Igitur priuatis hominibus non ingeramus de hac re molestiam, etiam cum publicè excommunicatis, non tamen nominatim vel denunciatis. Adminiſtrantes tamen sacramenta meritò debent hæc cauere. Tertiò denique circa participationem cum excommunicatis est sciendum, quale sit peccatum, mortale scilicet an veniale, quando extra casus licitos eis participatur. Vbi primò illud certum est omnium consensu, quod in diuinis participatio sit peccatum mortale: non solum in sacramentis, sed etiam in orationibus & ecclesiasticis officijs. Hoc enim est contra gravissimam ecclesiæ probationem, & sacrilegium in irreuerentiam maximam rerum maximè sacrarum: & denique vsurpatio bonorum quæ commissæ sunt dispensationi Ecclesiæ, contra eius voluntatem. In alijs verò omnibus quæ prohibita diximus, vt in mensa, vel in salutatione, & denique quibuscunque alijs, quanquam diuersimodè loquatur doctores, tamen etiam & hoc tutò teneri potest, solum esse peccatum mortale, cum participatur excommunicato in crimine ipso propter quod est excommunicatus. Tunc enim & per se hoc est peccatum, & habet specialem deformitatem propter ecclesiæ prohibitionem. Secundo etiam est mortale, cum participatio sit in contemptum ecclesiæ, clauis eius, siue iudicis ipsius: & deniq; cum excommunicantur etiam participantes ei. Extra hos casus b. Thomas supràdicto loco ait solum esse peccatum veniale, quod sequuntur alij ferè omnes. Estq; huius ratio, quoniam nimium esset durum & conscientijs periculosum, si ecclesia sub peccato mortali hoc prohiberet. Cæterum an scienter participare in his, vel frequenter, sit mortale (quod nonnullis videtur) & vt Durandus inquit, quando participatio est effrenis: an tunc dicendus sit in contemptum id agere, non est scrupulosius tractandum: solum cum ex contemptu & vilipensione ipsius sententiæ, non ex alia infirmitate aut defectu participatur, dicendum est ex contemptu fieri: vel certè cum p̄babiliter iudicari potest, venturam excommunicationem in contemptum ex illa participatione: alioquin quantumuis sciens & frequenter quis participat excommunicato, non est iudicandus peccare mortaliter. Et hæc quidem satis circa hunc articulum participationis cum excommunicato.

LECTIO QVARTA.

De Excommunicatione.

Art. 2.



Quis habere
possit exco-
municandi
potestatem.

IAM de potestate excommunicandi & absol-
uendi, atq; de absolutione ipsa ab excommu-
nicatione est agendum. Circa primum igitur
hæc est b. Thomæ sententia supràdicta quæst.
& aliorum theologorum dist: 8. quarti. Ex-
communicare quanquam sit actus clauium,
non tamen est actus ordinis, sed iurisdictionis fori exterioris Ec-
clesiastici, in quo scilicet (vt Durandus inquit) agitur de puniendo
vel remittendo peccato, non coram Deo, sed coram ecclesia. Igi-
tur solus ille excommunicare potest, qui iudex est, & iure vel cō-
suetudine potestatem habet excommunicandi, siue sacerdos sit, si-
ue non: vt archidiaconus, aut electus episcopus, siue vicarius eius,
etiam (inquiunt) si non sit ordinatus, quanquam laico omnino
& vxorato hoc propriè nec conuenire, neque committi possit.
Circa hoc tamen specialius, quid iura & doctores habeant, refert
Siluester in verbo, Excommunicatio. 1. Notat circa hanc potesta-
tem b. Tho. art. 3. quæst. 2. supràdicto loco, quodd scilicet, quia iuris-
dictionis est, & vim quandam coactiuam habet, non potest in su-
perioiorem exerceri vlla ratione, nec in seipsum ab aliquo. Papa ita-
que à nullo iudice excommunicari potest. Sed nec Kempub, ali-
quam, siue communitatem iura permittunt excommunicari, vt
habetur cap. Romana, de sententia excommunicationis, in sexto.
Potest tamen excommunicatus rursus excommunicari.

De absoluti-
one ab ex-
communi-
catione.

Iuxta hoc similiter de potestate absoluedi dicendum est.
Cōstat enim & eam ad iurisdictionem pertinere fori exterioris, si-
cut & excommunicationem. Dicit tamen beatus Thomas præ-
dicto loco, quantum attinet ad excommunicationes iuris, posse
proprium confessorem siue parochum absolvere ab omnibus,
nisi expresse referuentur superiori. Et hoc tandem est, quod habet
communis sententia, vt Caietanus in summula, in verbo, Abso-
lutio, de excommunicatione; & Siluester in verbo, Absolu-
tio,

tio, primò & secundò, dicunt. Concessione enim iuris ipsius hoc
 permillum est illis, quibus absolutio à peccatis. Vbi etiam osten-
 ditur pia ecclesiæ cura. Pluribus enim dedit posse absoluerè, quàm
 excommunicare: vt scilicet facilius illud fiat, quàm hoc. De modo
 verò absolutionis ab excommunicatione, & seruandis in illa, sunt
 sequentia diligenter notanda confessoribus. Primò quatuor
 esse, quæ iura præcipiunt obseruari, quæ tradit Siluester in titu-
 lo, Absolutio, tertio: videlicet vt præmittatur iuramentum de pa-
 rendo mandatis ecclesiæ, idq; in grauioribus peccatis (cum scilicet
 propter illa excommunicatus absoluitur) obseruari debet. Dein-
 de fiat integra satisfactio iniuriæ vel damni illati, si fieri potest :
 aut detur cautio quàm magna dari potest : depositis scilicet
 pignoribus, aut datis fideiussoribus, vel saltem præstito iura-
 mento de satisfaciendo, si aliud fieri non potest. Tertio psal-
 mus requiritur cum orationibus & verberatione, nisi propter
 honestatem hoc relinquatur. Vltimò denique subiungi debet
 admonitio salutaris & exhortatio: ac præcipuè danda sunt
 mandata salutaria omni, qui absoluitur. Hæc quidem iura statu-
 unt seruare, nec tamen omnia æqualiter necessaria sunt. De quo
 iuxta supradictos notandū est secundò, duplicis generis esse hæc:
 alia cæremonialia, alia iudicialia. Prima igitur non vt essentia-
 lia intelligenda sunt præcipi, sed vt ad solennitatem pertinentia.
 Omisio igitur illorum non reddit nullam absolutionem: quan-
 quam (inquit Caietanus) peccet illa sine ratione omittens. Hæc
 verò sunt psalmus, orationes, & verberatio: nec tamen mortale
 peccatum facile est iudicandum hæc omittere. Iudicialia verò (vt
 satisfactio, & reliqua quæ dicta sunt) si omittantur contra iusti-
 tiam fit, & ideo erit mortale, nisi in re fortè parua. An verò ab-
 solutio teneat, an non, in dubium verti potest. Vniuersaliter
 illud certum est, nullam esse absolutionem in duobus casibus:
 cum scilicet cui committitur vt absoluat sub certa forma, illam
 omittit; & cum ius ipsum, aut superior declarat nullam esse abso-
 lutionem aliter factam: sicut Sixtus quartus in extrauaganti, Etsi
 dominus nullā pronuntiat absolutionem ab excommunicatione
 in quibusdam casibus, etiam in articulo mortis, nisi præmissa sa-
 tisfactione, vbi fieri debet. Cæterum in omnibus alijs, cum
 absolutio fit omisio ijs, quæ obseruari iubentur, quando sit nul-
 la, Caietanus in Summula in titulo, Absolutio ab excommunica-
 tione,

DE EXCOMMUNICATIONE.

tionem, putat tutius fore, omiſſis alijs perſcrutationibus, vt, cum abſolutio fit tantum cōtra ius tertij, hoc eſt, cum omittitur quod debitum erat alteri, ſatisfactio ſcilicet &c. valere cenſetur abſolutio, etſi omittens peccet. Cum verò fit contra ius conſtitutionis, hoc eſt, cum omittitur quod ius poteſtatem abſoluendi tradens præcipit obſervari, reputetur nulla. Sic enim definitur cap. Venerabilibus, de ſententia excommunicationis, in ſexto: valere ſcilicet abſolutionem contra ius tertij, non contra ius conſtitutionis. Quæ merito inquit Caiet. obſervanda eſſe confeſſoribus. Duplex enim imminet illis periculum peccandi vel abſoluendo, vel fruſtra & inanem faciendo abſolutionem, ex omiſſione horum.

Abſolutio à peccatis & ab excōmunicatione conferuntur.

Petit hic locus, vt, quàm ſit neceſſaria abſolutio ab excōmunicatione ante abſolutionem à peccatis, dicamus. Illud enim certiffimè eſt, & ex ſupradictis patet, quod cū in abſolutione à peccatis ſacramentū tradatur, cuius non eſt capax excōmunicatus, non poteſt ſine gravi peccato impendi illi. Vtrū verò nulla ſit abſolutio à peccatis & ſacramentū ipſum pœnitentiæ excōmunicato collatum, communis certè ſerè omniū, qui de hac re loquuti ſunt, recentiorum doctorum ſententia fuit, nullam eſſe. Et inter ceteros hunc ponunt vnum caſum iterandę confeſſionis: cum ſcilicet facta eſt ab excōmunicato, & ab eo ita permanente ſuſcepta abſolutio: adeò vt Sylueſter apertè idem dicat etiam in excōmunicato minori excōmunicatione in verbo, Excōmunicatio, 4. Neque ex conſtitutione concilij Conſtantiensis putant quicquā conferri excōmunicato. Quanquam enim ibi permittitur communicatio cū excōmunicatis, etiā in ſacramentis, extra duos caſus (propter quod ſuperius diximus poſſe ab excōmunicato ſuſcipi ſacramentū hoc pœnitentiæ) tamē quia conſtitutio illa vult nihil in fauorē excōmunicati fieri: non dubiū eſt peccare illū, qui abſolvit à peccatis excōmunicatū: vt Caiet. notat & Hadrian. vt ſuperius diximus. Et eadē ratione abſolutio à peccatis nulla eſſet, ſi ante illā conſtitutionē nulla erat. Quanq̃ igitur fuerit multorum ſententia nullā eſſe abſolutionem excōmunicato impenſam, quia tamen nulla eſt eccleſiæ de hoc definitio, nec certa ratio: magis in contrarium putamus tutò teneri poſſe Caiet. ſententiam, quam ille in titulo, Abſolutio à peccatis, inter impedi-
menta abſolutionis tenet; abſolutè videlicet non eſſe nullā abſolutionē à peccatis, ſicut nec alia ſacramenta excōmunicatis colla-

ta non

ta non sunt nulla. Si enim excommunicatus aut confirmatus, aut ordinatur, non sunt repetenda hæc sacramenta: ergo neque cum absoluitur. Absolutè itaque non est nulla absolutio. Quantum verò ad fructu absolutionis attinet, si scienter quidem excommunicatus absolui petat, certum est ipsum graviter peccare in ipso sacramento, atque ita obicem ponere, nec ullum consequi fructum, imò sacramentum nullum esse, iuxta illa quæ superius notauimus de fide: quare in hoc casu repetenda est absolutio. Ceterum si ex ignorantia aut obliuione inculpabili peteret absolui excommunicatus, etiam si postea constaret, non propterea sine fructu sacramenti credendus est fuisse: multo minus repetenda est confessio: & propter hoc, obliuionem scilicet vel ignorantiam, consultum est, ut semper ante absolutionem à peccatis præmittatur absolutio generalis ab excommunicatione, quatenus se extendit potestas absoluentis: tam (inquam) à maiori, quam à maiori. Ita enim suppletur hic defectus, etiam si fortè illorum piorum doctorum sententia vera esset.

Vltimò denique circa absolutionem hanc ab excommunicatione non est omittendum, quòd cum hæc non sit sacramentalis, sed iudicialis potius, non habet certam formam præscriptam verborum, sed quibuscumque verbis intentione absoluenti consummatur: siue dicatur restituo te Ecclesie, aut reconcilio, siue etiam, benedico. Quanquam magis proprium sit & communis in usu, ut verbo absoluenti utamur, sicut in absolutione à peccatis: quod consentaneum est Euangelio: Quicquid solueritis &c. Ibi enim Matthæi 18. De forma absolutionis ab excommu.

Circa absolutionem hanc & totam excommunicationis materiam id solum nunc restat, ut admoneamus necessarium esse confessionem, ut casus excommunicationis iuris, qui videlicet aut in communi iure, aut in constitutionibus Diocesium promulgantur, teneantur. Cum enim non possit absolvere à peccatis excommunicatum, opus est ut sciat quando quis sit excommunicatus. Sed illud noti esse debet, cui sit reservata excommunicatio. Cum beant confessionem (ut ex prædictis patet) si non est reservata absolutio Pænitentiarum vel Episcopo, intelligatur permissa confessori, necesse est, ut nouerit an possit absolvere, an verò remittere debeat ad superiorem. Nec dubium est quin duorum horum ignorantia græue sit peccatum in eo, qui communiter audit confessiones. Posset enim aliquando suppleri hoc ex qualitate eius qui confiteretur,

P p p qui

DE EXCOMMUNICATIONE.

qui nosse non potest an sit excommunicatus: communiter tamen id necessarium est, non quidem ut omnia in speciali, quæ ad hoc pertinent, in promptu habeat confessor: sed ita nouerit illa, ut auditis peccatis vel dubitare possit, & facile consultis libris vel doctoribus agnoscere, an propter illa peccata incurratur excommunication, an non. Nam de excommunicatione quæ fit à iudice, interrogandus est in speciali quilibet pœnitens.

De casibus
excomuni-
cationis.

Circa hoc igitur scripta sunt multa ab his, qui confessores instruunt: & quidē b. Thom. suprâdicto loco sex tantum aut septem retulit excommunicationes reseruatas papæ: postea sunt multæ alie, quas necesse est cognitās esse, maxime quæ sunt iam receptæ. Syluester in verbo, Excommunicatio, 7. 57. excommunicationes refert reseruatas papæ: & eodem verbo 9. 49. nullas reseruatas. Itaque sunt omnes 106. quas ibi refert. Episcopo verò eodem verbo 8. nullas putat reseruatas, nisi quas ipse specialiter reseruauit sibi, aut papa illi. Caietanus verò in verbo Excommu. diligenter totidem ferè computat excommunicationis sententias: vitra 80. videlicet: explicans etiam dubia quæ circa illas possunt esse. Hos duos putamus in his locis legendos esse ei, qui vult integrè de his edoctus esse & tutus. Certè in his sententijs multa sunt quæ raro euenire possunt, et quædam nunquam extra curiam Romanam, vel non nisi monachis, aut certis alijs personis contra quas promulgantur: deniq; omnes illæ sententiæ ad certa capita reduci possunt, ut ita, si non in speciali, saltem in genere memoria teneantur. Hæc igitur de excommunicatione maiori sufficiant.

De minori
excomuni-
catione.

Restat ut de minori excommunicatione, quam vocant, paucæ dicamus. Est igitur hæc separatio à passiuâ tantum communicatione, sacramentorum. Quod cum ius ipsum apertè testetur, non est cur vltra dubitemus. Videatur cap. Si celebrat, quod est vltimum, de clerico excommunicato ministrante, in decretalibus. Quanquam igitur dubitauerint aliqui (ut Syluester refert) an indictus sit ingressus ecclesiæ, & communio orationem excommunicatis minori excommunicatione ius illud apertè dicit passiuam participationem sacramentorū interdictam esse. Potest igitur sic excommunicatus ecclesiam ingredi, & participare omnibus officijs & orationibus: imò sacramenta ipsa conferre, et exercere omnes actus ecclesiasticæ iurisdictionis, ut eligere, absolueret ab excommunicatione maiore vel minore: ita ut duobus excommunicatis

tis minori, vnus possit alterum absoluerē. Peccat verò mortaliter sacrilegij peccato (vt Caiet. inquit) recipiens quocunq; sacramētū. Quod verò Syluester in verbo, Excommunicatio 4. vbi dē hoc loquitur, in principio addit, absolutionem à peccatis susceptam à tali nullam esse, et iterandam confessionem, non est cur tam scrupulose acceptemus, cum superius dictum sit ratam esse absolutionem excommunicato maiori excommunicatione impensam. Peccat etiam minori excommunicatione ligatus consentiens electioni: imò & ipsum eligentes, vt ius illud iuprà citatum aperte dicit, præcipiens cassari electionem sic scienter factam: quoniam (inquit) eligitur ad illa suscipienda sacramenta, à quibus suspensus est. Ex his itaq; ostensum est, quantum hæc excommunicatio à maiori differat: & ad quid ipsum excommunicatum, vel alios fideles obliget, & sub quo peccato. Hæc enim necessaria sunt sacramentorum ministris.

Iam verò quando incurratur hæc excommunicatio, & de ab- Quando in-
solutione ab illa, breuiter explicari potest, quod attinet ad ipsa iu-
ra communia. Refert Syluester supradicto loco nonnullos casus, nor excom-
municatio,
quibus incurritur hæc excommunicatio. Et tandem est nonnul-
lorum sententia, ex omni peccato mortali notorio incurri. Cum
enim omne tale peccatum indignū reddat participatione sacra-
mentorum: si notorium est (inquiens) etiam quò ad ecclesiam su-
spendit ab illo. Tamen post declarationem Concilij Constantien-
sis certè omnibus consideratis, tutò credere possumus, tantum in-
curri hanc excommunicationem ex participatione cum excom-
municatis: ex participatione (inquam) illicita, hoc est, vel cum
nominatim excommunicati sunt, vel denunciati, extra casus il-
los in quibus permittitur participatio: vel etiam per participatio-
nem cum illo, qui manus violentas iniecit in clericum, & ex-
communicationem incurrit tam aperte, vt nulla possit tergiuer-
satione celari. Hunc enim Concilium Constantiense declarauit
vitandum sicut nominatim excommunicatum. Igitur ex his iun-
ctis superius dictis collige aperte, minorem excommunicationem
sine peccato mortali incurri, & iustè propter minora peccata
infligi. Nam participatio extra diuina cum excommunicatis
maiori excommunicatione non est mortalis. Sicut igitur sine pec-
cato mortali incurritur, ita nec per omne mortale, etiam noto-
rium putandum est incurri, Siquidem pœna est etiam excommu-

DE EXCOMMVNICATIONE.

nificatio minor ecclesiastica, & censura, quam non nisi cum ab ecclesia imponitur, putandum est incurri. Est itaq; peccatum mortale impertinens excommunicationi minori: nec iure extra participationem supradictam incurritur. Caterum non est dubitandum posse imponi à iudice siue per constitutionē, siue per sententiā: qđ in speciali opus est in qualibet diocesi cognoscere: an videlicet aliquid sub pēna minoris excommunicationis præceptum sit.

De absolutione à minori excommunicatione.

Absolutio verò ab hac excommunicatione nulli negata est, cui conceditur absolutio à peccatis mortalibus. Quoniam itaque absolutio à peccatis venialibus nullam potestatem iurisdictionis requirit, cum propter illa nulli iudicio ecclesiastico, etiam pœnitentiæ, sumus subditi, à quolibet sacerdote possunt remitti: sed non quilibet potest à minori excommunicatione absolvere. Huius enim absolutio iurisdictionem requirit. A mortalibus verò nullus absoluit, nisi iurisdictionem habens, vel ordinariam vel delegatam: & omni tali concessa est absolutio ab excommunicatione minori. Itaque vt omnis auferatur dubitatio de absolutione à peccatis impenſa ligato excommunicatione minori, consultum est (sicut de excommunicatione maiori suprà diximus) vt: ante absolutionem sacramentalem, imò ante collationem cuiuscunq; sacramenti, sicut ante electionem vel confirmationē absoluator hęc suscepturus à minori excommunicatione: & hoc quidem generaliter, sicut à maiori diximus absoluendum, quantū se extendit potestas absoluentis: Hęc igitur de excommunicatione minori dicta sufficiant: atq; ita de tota excommunicationis materia.

LECTIO PRIMA.

De Indulgentijs.



Vltimo loco circa clauēs ecclesiæ & sacramentum pœnitentiæ dicendum est nobis de indulgentijs seu remissionibus, quæ in Ecclesiâ conferuntur, contra quas aduersarij Ecclesiæ acerrimè clamant, Lutherus præcipuè: qđ hinc cœpit omnē istam tragœdiam, quæ hodie tam misera-

miserabiliter Germaniam vexat, atque vti nam non magnam aliam partem Christiani orbis. Nos igitur in hac materia vt tanto modestius & temperantius loquamur, dignum est, quanto illi effectus rarius & turbulentius loquuntur. Primo igitur quid certa fide de ijs tenendum sit, & quibus autoritatibus & rationibus, dicendum est: sicut superius de purgatorio, suffragijs, & excommunicatione diximus: vt deinde ad ea, quæ circa earum vsum necessaria sunt cogniti, & quæ ministros sacramentorum conuenit scire, accedamus. Et quidem hunc locum attingunt theologi nostri dist. 20. quarti: & hoc tempore multi recentiorum in specialibus suis libellis de hoc editis contra Lutherum, vt Siluester & Caietanus, & multi alij.

Vt igitur (sicut dictum est) quàm modestissimè de hac re loquamur, & quidem certissimè: hoc ante omnia statuamus fundamentum. Etsi de indulgentijs in speciali nulla habeamus scripturæ sacræ, atq; primæ ecclesiæ certa & manifesta testimonia: nihilominus tamen habemus pontificum Romanorum, & conciliorum talia & tanta testimonia, vt ex eis meritò ostendatur semper eas in ecclesia agnitas fuisse, & in vfu habitas: habemus etiam catholicae ecclesiæ consensum, cui sine hæresis nota contradici non potest: denique & ex fide, & scripturâ tam probabiles rationes, vt meritò illis præter pertinaciam maximam contradici non possit: quæ omnia nunc sigillatim probanda sunt & explicanda. Primum igitur quod dicimus, non esse videlicet aperta testimonia scripturæ de indulgentijs, donamus aduersarijs: & admonemus necessariò ex eo catholicos, vt non innitantur nec ad credendum, nec ad disputandum cum hæreticis, minus certis testimonijs, ex quo frequenter fit, vt apud male nolos fides catholica pateat irrisioni, & simpliciores incurrant graue scandalum. Possemus virgere locum illum & Petro & Apostolis dictum: Quicquid solueritis super terram &c. Et rursum illud: Quorum remisistis &c. & dicere loca illa vniuersalia vniuersaliter etiam esse suscipienda, de omni videlicet solutione & remissione peccatorum, vel secundum culpam vel secundum poenam (nam hæc duo patet ex præcedentibus distingui) nec potest certa ratione huic contradici sensui. Cur enim ad specialem aliquem modum remittendi peccata aut ab eis solvendi contrahendus est ille locus? Sed tamen ne contentiosè agamus, fatemur ex eo loco in speciali de ratione indulgentiarum

Quibus argumentis confirmantur indulgentiæ.

DE INDVLGENTIIS.

non posse nos quicquam certò asserere: constitutis autem & probatis illis aliunde, verè tunc de eis exponi potest. Sed nisi aliunde constaret: quoniam multipliciter exponitur, & de remissione in communi, & non de certa quadam loquitur: non est cur ex eo loco conuincere velimus, aduersarios maxime: cum nec hoc sit necessarium ad confirmandum, quòd certa fide tenendum sit. Addimus etiam secundùm: quod scilicet nec antiquæ & primæ ecclesiæ habeamus certa testimonia. Idq; còsultò etià facimus ob easdem rationes: ne videlicet innitamur dubijs & incertis fundamentis. Fatemur duo hæc esse præcipua confirmadæ fidei fundamenta: scripturâ scilicet & traditionem Apostolorû, cui attestatur antiquæ & primæ ecclesiæ autoritas. Istam etià fatemur in hac materia nos non habere: sed nec propterea inferri potest, hoc ad fidem nò pertinere. Iam igitur quæ sint huius fidei, quam de indulgentijs habemus, fundamenta, audiamus. Tria igitur consequenter adducimus, quibus ad hoc credendû innitimur: autoritatè scilicet ecclesiæ Rom. & conciliorû: deinde consensum vniuersalis ecclesiæ: vltimò deniq; rationes ex fide & scriptura probabiles, & necessarias quidè non ptenientibus. Hæc igitur tria simul nulla ratione negari possunt sine grauissimo peccato hæresis: nec certè aliquod ex duobus illis prioribus. Nam Rom. ecclesiæ & conciliorum autoritas in dubijs fidei certissima est regula, dicente Christo Petro: Confirma fratres tuos: Et hoc ipsum agnouerunt omniû ferè nationum concilia: Cyprianus & Athanas. de quibus non est opus multa loqui. Consistentur hi ad Rom. ecclesiam confugiendû esse in dubijs fidei, & apud eam semper fuisse Apostolicam traditionē tenacissimè seruata. Concilia verò vniuersalia semper in ecclesia fuerunt habita vt vltima iudicia dubiorû fidei. Iam igitur quid hæc de indulgentijs nobis dicant videamus. Primò igitur in iure extat tit. de pœnitent. & remiss. in quo habemus de indulgentijs ante 300. & 400. annos mentionem, non quasi de re aliqua noua & inaudita, sed consueta iam & certa in ecclesia. Alexander 3. ante 400. plus minusue annos Archiepiscopo Cantuariensi scribit de remissionibus (sic enim vocat) quæ sunt in dedicationibus ecclesiarû, aut conferentibus ad ædificationem pontiû: hæc in cap. Quod autem, de pœnit. & remiss. in decretalibus. Post illum Innocentius 3. doctrina & vita dignus pontifex, in còcilio vniuersali Lateranenû magnæ quidem autoritatis, formam scribit, qua

Rom.

Tribus medijs probatur indulgentiæ.

Rom. Eccle. testimonia de indulgentijs.

Rom. ecclesia indulgentias concedit, atq; indiscretas & superfluas prohibet, præscribens certum numerum dierum, quos episcopi concedere possunt in dedicationibus ecclesiarum : ita habes in cap.

Cum ex eo. eodem titul. in decreta. cap. 62. supradicti concilij Lateranensis. in eodem etiam cap. 60. prohibet abbatibus indulgentias concedere. Supradictam itaque moderationem indulgentiarum tanti postea fecerunt sequentes pontifices, vt Honorius 3. in cap. Noster, eodem tit. permittens Episcopo indulgentiarum literas concedere, ita tñ (inquit) vt generalis concilij statutum non excedas. Innocentius etiam 4. (vt habes eodem tit. in 6. lib. decretal.) in concilio etiam generali Lugdunensi de eadē re mentionē faciens, etiam præcipit ne excedat statutum illud. Vide in his primò indulgentiarum vsum non tanq̃ recens tunc inuectum in ecclesia, sed certum & antiquum : deinde Rom. Pont. diligenter cauere, ne indiscretæ & superflue fiant indulgentiæ : & hoc in duobus generalibus concilijs. Qui ergo eas ita moderabantur, nonne si agnoscerent incertitas esse, facilius tollerent? Cum igitur constet ante 400. annos iam fuisse receptas : si quæramus diligenter quāto ante hos annos tempore, certè inueniri non potest. Creditur, & ex quibusdā antiquis titulis colligitur nonnulli, Greg. 1. sanctissimum, & multo antiquiorem his omnibus, concessisse nonnullas indulgentias : nec certè ille hoc ausus fuisset, nisi antiquiora habuisset exempla. Nōne igitur hoc ostendit semper fuisse in ecclesia, & incepisse ab ipsis Apostolorum discipulis? Nec enim credibile est, si ab aliquo sine exemplo antiquiori cœpissent dari, defuturos multos, qui se opponerēt & contradicerent quasi rei nouæ. Sed quia nunquam hæc in controuersiam venerunt, nihil mirandum si non est facta specialior mentio. Certè cum primum abusus aliquis circa eas cœpit, videmus in concilijs generalibus sublatum illum fuisse per legē : quomodo ergo ab eis non omnino tollerentur si incertæ essent?

Habemus itaque quā sit probabile, in prima ecclesia fuisse indulgentias : in qua quia distinctissimè seueritas illa satisfactionum custodita est, nihil mirum si rarissimæ fuerint indulgentiæ & remissiones, quas postea infirmitate hominum crescente, & relaxata magna ex parte seueritate, videmus multò ampliores. Credendum tamen est concessas aliquando fuisse, cum & Pauli habeamus exemplum, donantis Corinthio illi peccatum : in dō & probantis quod ecclesia Corinthi donauerat, peccatum scilicet : Cui aliquid donatis

Cōciliorum
testimonia
de indulgē-
tijs.

DE INDVLGENTIIS.

Consensus
ecclesie de
indulgētijs.

Monastis (inquit) & ego. Hoc ergo exemplo & testimonijs istis merito credimus in prima illa & antiqua ecclesia id factum esse, vt infirmis, ne omnino deficerent, indulgeretur aliquid pœnæ, non quidem vanè, sed verè coram Deo: dicente Christo: Quicquid solueritis &c. Vniuersaliter enim locutus est. Habemus etiam de indulgentijs duorum vniuersalium conciliorum certam fidem, in quibus cum sit vniuersalis ecclesia, habemus iam & ipsius consensum, quæ est columna & firmamentum veritatis, quæ tota errare nulla ratione permittitur à Christo. Quod vt apertius fiat, illud etiam luce clarius est, à tempore horum duorum conciliorum doctores omnes ecclesiarum, & prælatos atque pastores indulgentias tanquam regi certam docuisse & credidisse, quos manifestum est populo omnes sequi debere. Hic est igitur iam per trecentos annos totius ecclesiæ consensus. Circa quem hoc est etiam attentè aduertendum, quòd cum non solum prima illa ecclesia, sed & recentior, & præsens ista habeat hanc Dei promissionem, quòd portæ inferi non præualebunt aduersus eam, ex qua necesse est, vt nec vno quidem die tota ecclesia, hoc est, vniuersitas prælatorum & doctorum, & populorum qui eos sequuntur & permanent in vnitatem, aliquod dogma fidei habere possit, quòd sit falsum: non est opus vt ad probandum aliquid fidei esse, ostendatur ab Apostolis vsque ad nos semper creditum in ecclesia: satis est quòd aliquando tota ecclesia illud certa fide teneat, maximè cum antiqua non contradicit (vt in hac materia est manifestum) cum potius valde probabile sit consensisse, quamuis non sint certa testimonia. Id quòd credimus ideo contigisse, quòd non fuerint tam frequentes indulgentiæ in illa tanta seueritate antiqua: deinde quòd non fuerit vlla orta controuersia circa illas. Primus quem legimus contradixisse fuit Iohannes VVikleph, qui apud Bohemos primus docuit non esse credendum indulgentijs: qui cum in multis alijs à Catholicæ ecclesiæ sensu tam longè dissenfit, & ab ipsa vnitatem sese subtraxit, hoc ipso magis confirmat veritatem indulgentiarum. Sed & ecclesia ipsa mox in illo concilio Constantiensi inter cæteros eius errores hunc etiam articulū damnauit: Stultum esse credere indulgentias, vt patet sessione 8. Deinde nostro hoc seculo Lutherus omnium, qui vnquam fuerunt hæreticorum superbissimus & pertinacissimus, inter cæteras Bohemi illius damnati, quas suscitauit, pestes, etiam & hanc contra veritatem indulgentiarum euomuit;

Primus ho-
stis indulgē-
tiarum Iohā.
VVikleph.

euomuit: imò illam primùm omnium, ex qua in reliquas ferè omnes deuenit: vt hinc etiam appareat, quàm sit contra veritatem fidei & ecclesiæ indulgentias negare, quas negantes hoc ipso mox in apertiores multo errores labuntur. Ecce Lutherus, qui primò cœpit non nihil detrahare indulgentijs, deinde eas aperte negare: mox ad hoc confirmandum, nullum thesaurum ex satisfactionibus sanctorum dixit esse in ecclesia: deinde omnem satisfactionem, omne opus bonum ad iustificationem dixit non esse necessarium, sed sola fide illam suscipi: & qui primò videbatur esse parior in remittendis vel culpis vel pœnis pro eis debitis, dum non voluit Romanum pontificem posse aliquid de eis auferre: postea tam largus fuit, vt negauerit purgatorium & pœnam omnem post remissam culpam, atq; ita nullam indulgentiam esse necessariam, quia nullam pœnam reliquam esse dixit remissa culpa. Vbi vides quot iam, & quàm contrarios sibi errores pepererit illi negatio indulgentiarum: videlicet, nullam Deum exigere satisfactionem pro peccatis: nullum bonum opus apud Deum vel meriti alicuius vel valoris esse, imò omnia esse peccata: sola fide reputari hominem iustum apud Deum: denique nullum esse purgatorium: nec certè quicquam aliud curandum in ecclesia, quàm vt prædicetur Euangelium & credatur, quo negotio nulla mala imputantur. Quæ si bene discutiamus, inuenietur in eis, in utroq; quidem extremo & opposito mira nimietas: hinc vult omnia esse peccata; nullum bonum esse in nobis: vbi quantum deijcit humanam naturam, & reuera diuinam ipsam gratiam, quæ nihil boni in nobis operatur iuxta eum? In altero extremo pro his omnibus malis, quæ in nobis sunt, nullam pœnitentiæ afflictionem, nullam satisfaciendi curam, sed vt credamus duntaxat omnia nobis remitti, requirit. Sed hæc interim omittamus: errores eius contra indulgentias damnauit Leo decimus in bulla: iuste quidem, & secundum Ecclesiæ Romanæ consuetudinem contra eum post legitimam vocationem & admonitionem, atq; expectationem, & intolerabilem ipsius proteruiam promulgata. In ea igitur 6. articuli contra indulgentias damnantur: inter quos hic est: Seducuntur, qui credunt indulgentias esse salutes. Similiter & alter, quod non valent ad remissionem pœnæ pro peccatis debite apud diuinam iustitiam. Alius etiam, quod et si sint licite, non expediunt tamen: quos postea ipse etiam auget, damnandas esse omnes indul-

DE INDVLGENTIIS.

gentias asserens. edito libro contra hanc condemnationem Papæ cui respondit pijsimus & doctissimus martyr Iohannes Rossensis Episcopus, hos similiter errores de indulgentijs cum ceteris efficacissime refellens. Habemus itaq; ex his verum consensum ecclesiæ catholicæ de fide indulgentiarum. Iam restat, ne quid desit, vt ostendamus etiam, quàm apertis rationibus ex fide & scriptura sumptis, has probauerint catholici doctores.

Indulgentiæ
confirmantur
rationibus
ex fide &
scriptura
sumptis.

Igitur sic ostendunt auctoritatem concedendi indulgentias, & thesaurum, atq; (vt ita dicamus) diuitias ecclesiæ, vnde ille dispensatur. Primo enim illud certum est & superius probatum, posse vnum membrum Christi & Ecclesiæ pro alio satisfacere, ex intentione qua satisfactoria sua opera alteri communicat, agente hoc viuiue charitatis : Deinde constat primò Christum passionem suam & satisfecisse & meruisse sufficienter pro omnibus, non tantum qui salui sunt, sed etiam qui damnantur, remissionem omnium peccatorum : & tam copiosam illam redemptionem esse, vt nullus sit terminus, sed (vt inquit Iohannes) ipse est propitiatio pro peccatis nostris, non tantum pro nostris, sed etiam pro totius mundi, imò pro infinitorum etiam mundorum, si fas est dicere, peccatis : Præterea constat sanctorum plurimos multas passos esse pœnas satisfactorias pro peccatis, & voluntariè etiam subiisse, qui tamen aut sine grauioribus peccatis vixerunt, aut si qua commiserunt, minima satisfactione exolui poterant : quòd apertè scriptura ipsa testatur : de Christo quidem Iohannes, vt diximus : de alijs sanctis, Iob : Vtinam appenderentur peccata, quibus iram merui, & calamitas quam patior, in statera : quasi arena maris hæc grauior apparet. Non quòd murmuraret contra Deum is, de quo testatur ipse, quòd non peccauerit labijs suis, & quòd rectè fuerit locutus : sed quòd apertè diceret se non purgari à peccatis pœnis illis, quia non commiserat, vt amici falso opinabantur. Id igitur de Apostolis omnibus, de innumera turba sanctissimorum martyrum, de multitudine immensa Anachoretarum & monachorum sentiendum est, quorum multi, & omnes ferè magnam vitæ partem absque vllò grauiori peccato egerint in ieiunijs & vigilijs tantis, vt absque dubio exceßerint incomparabiliter omnem pœnam debitam peccatis suis. Rursum, cum hæc paterentur aut agerent tanquam Ecclesiæ membra, cupientes haud dubiè conferre ecclesiæ & congregationi fidelium.

omni-

Iob. 6.

omnium, tam præfenti quàm futuræ, quicquid possent: quis dubitabit hanc sanctorum mentem gratam Deo fuisse atque ita acceptam, vt nihil in eorum operibus fuerit quod alijs prodesse possit, quod diuina iustitia non acceptauerit pro alijs. Quod verbum illud Pauli apertissimè confirmat: Quæ desunt (inquit) passionum Christi, adimpleo in carne mea pro corpore eius, quod est Ecclesia. Ex quo certè verbo, & altero Iob, apertè ostenditur repositum esse coram Deo immensum hunc thesaurum satisfactionum Christi & sanctorum omnium, excedentium in immensum proculdubio pœnam peccatis omnibus debitam. Si enim peccata malorum apud diuinam iustitiam recondita sunt, dicente ipso: Nonne hæc recondita sunt apud me, & signata in thesauris meis? quanto magis sanctorum merita reseruata sunt apud Deum, profutura omnibus? cum prior sit ad præmiandum, quàm ad puniendum: ad misericordiam, quàm ad iram. Apud quem sicut nullum malum impunitum: ita nullum bonum irremuneratum. Non desunt ex Catholicis nonnulli, qui hunc thesaurum negeant, putantes inde detrahi immensitati diuitiarum Dei, ex qua sit, vt merita omnium vltra condignum etiam præmientur. Nonne Paulus inquit: Non sunt condignæ Roman. 8. passionibus huius temporis ad futuram gloriam? Et Christus Dominus in Euangelio tam apertè testatur, dandam esse bonis operibus mensuram bonam, confertam, coagitatam, & superfluentem. Quibus responsum est abundè, & respondet Paulus, testatus apertè, se passionibus suis pro Ecclesia adimplere, quæ desunt passioni Christi. Igitur sanctorum opera habent, quod meritoria sint vitæ æternæ ex diuina gratia potius, quàm ex labore aut virtute operantium: & secundum hoc certū est superabundanter etiam premiata esse à Deo, quod ad sanctos omnes attinet: Nam quod ad Christum attinet, aliud est: cum ille gloriam essentialem animæ non opus habuerit mereri, sed tantum corporis sui gloriam, & salutem nostram: & quod attinet ad valorem, tanta sint eius merita, vt digna sint salute omnium, quod ad sufficientiam attinet. Ceterum & ipsius Christi, & sanctorum omnium opera habent etiam virtutem satisfaciendi pro pœnis peccatorum, quatenus pœnalia sint: hoc tamen supposito, quod fiant ab amicis & constitutis in Dei gratia. Et (vt ex supradictis patet) satisfactio hæc nihil detrahit merito, vel meritum satisfactioni. Sed satis-

DE INDVLGENTIIS.

Quis sit dispensator indulgentiarum.

1. Corin. 2.

sacratio communicari potest & in alterum transferri, ita vt nihil eius remaneat operanti, etiam si ea egeat : vt cum quis pro alio ieiunat. Meritum verò semper apud operantem manet, neque alteri communicari potest. Nullus enim alteri meretur, præter Christum. Igitur sanctis remunerata sunt merita præmio essentiali quo digna erant, etiam supra condignum : sed satisfactio illorum, quatenus ipsi ea non egebant, manet apud Deum accepta pro Ecclesia : & hic est immensus & infinitus thesaurus. Iam hic thesaurus iustum est, vt alicuius dispensationi sit commissus. Nec enim æquum est, vt cuilibet pro suo arbitrio liceat illo uti. Nec etiam utilis esset ecclesie, nisi ab aliquo dispensaretur. Dispensatorem verò thesauri Reipub. ratio ipsa ostendit non alium esse debere, quam qui præest ipsi Reipub. gubernandæ. Is verò in Ecclesia propriè Episcopus est. Rursum, ipse est cui dicitur à Christo : Quicquid solueritis super terram &c. Soluere autem non tantum ad peccata ipsa referendum est, sed ad pœnas etiam pro peccatis debitas. Ad Episcopos igitur pertinet & hæc pœnarum pro peccatis debitarum relaxatio. Quod si quis dicat hoc non aliter fieri posse, quam per sacramenta, sicut quilibet sacerdos in administratione sacramenti pœnitentiæ facit, cum hæc verba : Quicquid solueritis : dicta intelligantur sacerdotibus omnibus, non tantum Episcopis, atque ita vel omnium erit dare indulgentias sine sacramento, vel nec Episcopi aliter poterunt quam sacerdotes. Huic obiectioni primò hoc respondendum est, quod Christus non præscripsit aliquem modum specialem soluendi à peccatis, sed in vniuersum Ecclesie concessit soluere, non quidem sine iudicio & pro arbitrio atq; libidine sua, sed (vt dici solet) clauæ non errante. Igitur non est, cur nos restringamus hanc absolutionem ad sacramentalem. Paulus apertè testatur se donasse aliquid Corinthio illi incestuoso. Nā ego (inquit) quod donaui, si quid donaui propter vos in persona Christi. Et quidem quicquid illud fuerit, ad peccatum illud quod cōmiserat in incestu cum vxore patris, manifestè pertinere ostenditur. Nec tamen hoc Paulus per sacramentum pœnitentiæ donauit, sed per potestatem illam, de qua dicit se gloriari posse, datam sibi in ædificationem, non in destructionem. Fatemur igitur in Ecclesia esse vniuersalem potestatem condonandi & culpas & pœnas, non tantum per sacramentum, sed quocumq; demum modo id rationabiliter iudicauerint prælati. Quod verò secundo lo-

eo additur, quare non omnibus sacerdotibus conueniat, inferius ostendemus. Nunc ex illa naturali ratione, qua ostensum est thesauri communis dispensationem subesse dispositioni gubernatoris, & ex illa Christi auctoritate: Quicquid solueritis: latis sit intulisse, quàm conueniat rationi & liberalitati Christi, vt in ecclesia sit hæc potestas indulgentias concedendi. Et quanquam hæc expositio illius verbi: Quicquid solueritis: non tam certa sit, vt inde confirmari possit fides: cum tamen accedit ecclesie auctoritas, sufficere debet cuius catholico & non proteruienti. Verum est hic non haberi totius Ecclesie ab Apostolis vsque ad nos consensum, non (inquam) manifestè & certò haberi: habemus tamen à trecentis & quadringentis annis: vt dictum est. Itaque ex his omnibus hoc dogma de potestate concedendi indulgentias, inter ecclesiastica dogmata ita collocandum putamus, vt sit consentaneum etiam scripturæ: quāquam non manifestè asseratur in ea: nec repugnat aut sensui antiquæ ecclesie, aut alicui dogmati fidei. Quare pertinaciter illud negare, est primò quidem impium & superbum: contra debitam reuerentiam ecclesie. Deinde & erroneum contra fidem illam & scripturam, quæ ecclesie tribuit quòd sit columna & firmamentum veritatis: vel saltem, vt nullus inferior de ea iudicare possit. Denique hæreticum etiam: quia nunquam assertum nisi ab his, qui se ab ecclesia separarunt: & in eis ab ecclesia damnatur. Nam præter id, quòd Innocentius 3. in concilio Lateranensi, frequentissimo quidem & vniuersali ac saluberrimo (vt superius diximus, cum de confessione loqueremur) de indulgentiis tanquam de re certissima locutus sit, vt suprà citauimus: & postea concilium Constantiense damnauerit Iohannem VVickleph: de hoc ipso etiam Leo decimus legitima sententia in Luthero damnauit, quòd dixerit non esse in ecclesia thesaurum, vnde dispensari possint indulgentiæ: & irreuerentius præ ceteris omnibus, indulgentias esse mendacia impiorum pontificum. Porro omnes ab episcopis damnatos hæreseos ecclesia hæreticos & excommunicatos iudicat, vt habetur in cap. Excommunicamus, de hæreticis. Quare singulis episcopis datur potestas in sua diocesi definiendi & damnandi hæreseos vel personas, vel dogmata: multo igitur magis summo pontifici hoc concedendum est. Nec licet cuiquam inferiori episcopo, aut Romano pontifici hoc in dubiū reuocare. Sic igitur & in præsentī sentiendum est, vt certò habeatur

Quam erroneum sit negare indulgentias.

tur hæreticum esse, pertinaciter negare indulgentias. Sunt verò, infra hunc errorem, nonnullæ aliæ catholicorum sententiæ quædam, non parum accedentes ad ipsum. Aliæ verò dubiæ : & inter has aliæ minus probabiles alijs. Nam quædam (quæ refertur à b. Thoma & alijs) sententia, dicentium indulgentias tantum coram ecclesia valere, nec à pœna debita in purgatorio coram iudicio Dei, sed ab imposita tantû pœnitentia in ecclesia liberare, ab omnibus etiam rejicitur, & parum certè distat ab errore Lutheri. Ita enim (vt beatus Thomas inquit) magis nocerent, quàm prodes- sent indulgentiæ. Et est apertum verbum Christi : Quicquid solueritis in terra, erit solutum in cœlis. Durum est enim, nec æquitati diuinæ conueniēs, vt in ecclesia sit potestas obligandi ad pœnam, etiam in iudicio Dei, nec sit potestas ab ea liberandi. Quæ verò post hæc disputantur à doctõibus (fatemur enim in omnibus, quæ ad indulgentias pertinent, magnâ esse diuersitatem opinionum : quod ostendit hanc rem tardius cœpisse in ecclesia tractari) quæ (inquam) disputantur, damnatis illis sententijs, tanquam probabilia disputanda sunt, & suscipiendum in eis, quod videbitur sensui ecclesiæ, & æquitati consonum : de quibus sequentibus lectionibus dicemus.

LECTIO SECVNDA.

De ratione indulgentiæ, efficacia, atq;
valore.



Illis igitur quæ dicta sunt, tanquam certis inter Catholicos omnes constitutis, explicandæ sunt quæstiones, de quibus consequenter disputatur.

Prima igitur, subtilior magis quàm necessaria, illa est, de definitione indulgentiæ : quid sit, siue, vt alij disputant, cui innitatur : an videlicet sit pura absolutio & remissio authoritate iurisdictionis concessa : an duntaxat dispensatio quædam satisfactionum Christi & sanctorum, siue communicatio illorum ei cui cõceditur.

Indulgentia? Fuerunt enim (vt Caietanus refert) qui theſaurū aliquem negauerint eſſe in eccleſia, vnde diſpenſentur indulgentiæ: ſed ſola poteſtate gubernantium eccleſiam concedi poſſe remiſſionem hanc affirmant. Sed hæc ſententia, quatenus negat theſaurum illum, certè contraria eſt ſenſui eccleſiæ, & ſententijs apertis ſummorum pontificum, quorum literæ (vt Gelafius primus inquit in concilio ſeptuaginta epiſcoporum) ſunt venerabiliter ſuſcipiendæ. Clemens ſextus in conceſſione iubilæi 50. anni, hunc theſaurum apertè eſſe teſtatur in eccleſia. Denique ex dictis ſuperius patet, rationibus & authoritatibus ſcripturę hoc eſſe conſonū. Quare & hæc eſt duabus præcedentis lectionis ſententijs meritò reijciendis adiūgenda. Nam & à Leone decimo in bulla condénationis Lutheri eſt damnata. Cæterum quòd conceſſionem indulgentiæ meram eſſe remiſſionem, & poteſtate iuriſdictionis fieri aſſerunt, ſuſtineri poſſet, modò non negetur nullam abſolutionem fieri vel culpæ, vel pœnæ pro culpa debita, niſi communicatione ſatiſfactionis Chriſti, etiam in iſtis ſacramentis. Hoc certiffima fide tenendum eſt. In Chriſto (inquit Paulus) placuit Deo inhabitare omnem plenitudinem diuinitatis, & per eam reconciliari omnia. Et iterum: Per redemptionem quæ eſt in Chriſto, dicit nos iuſtificari, quem ppoſuit Deus propitiatorem. Hoc inquā conceſſo, admitti poſſet, indulgentiā eſſe abſolutionem: cōtra alios, qui in altero extremo ſolū putant indulgentiā eſſe applicationem tantæ ſatiſfactionis ex Chriſti & ſanctorum ſatiſfactionibus, quanta ſufficiat ad remiſſionem illam quæ conceditur. Habet hoc indulgentia: ſed quoniam Innocentius abſolutionem vocat: & Alexander in cap. Quod autem à ſolis proprijs prælatis concedi poſſe dicit, vt ſuprà citauimus: vtrunq; habet indulgentia, & vtrique innititur iuriſdictioni videlicet & theſauro, vt Caietanus inquit. Imò reuera vtrunque idem meritò credimus. Ex illo theſauro diſpenſatur poteſtate clauium abſolutio illa. Duos tantum modos agnoſcimus remiſſionis vel culpæ vel pœnæ, remiſſionis inquam quæ authoritate clauium fit: nam eſt alia remiſſio quæ volūtarijs afflictionibus, & bonis operibus noſtris, aut diuinis flagellis patienter ſupportatis obtinetur. Primus ergo huius remiſſionis modus eſt per ſacramenta ipſa vel baptiſmi, vel pœnitentiæ, in qua certū eſt iuriſdictionē requiri, vt diximus: & fit per eam cōmunicatio theſauri, vt patet, Alius eſt ille per indulgentiæ conceſſio-

Coloſ. 1.

ad Rom. 3.

DE VALORE

cessionem: non tam efficax, sicut nec tam certus, quàm prior: sed fundatus (vt diximus) in verbo illo: Quicquid solueritis, & Quorum remiseritis peccata &c. sicut primus. Si igitur ille iurisdictionem requirit ac cognitionem causæ, & habet annexam dispensationem thesauri, etiam & iste. Sit itaque indulgentia remissio pœnæ ex peccatis iam remissis debitæ, à superiori facta communicatione satisfactionum Christi & sanctorum. Quæ verò pœna remittatur, dicendum est quæst. sequenti.

Secunda quæstio de valore indulgentiarum.
quæst. 2. art. 3. dist. 20.
4. sen.

Est itaque magis iam necessaria quæstio de valore indulgentiarum. Postquam enim ostensum est efficaces esse in diuino iudicio, quantum valeant meritò dubitatur. In qua quæstione refert beatus Thomas suprà citato loco, & Durandus, atque alij, tres sententias: & addunt ipsi & multi aliorum quartam quam probabiliorē putant: de quibus breuiter dicendū. Prima igitur sententia est, indulgentias nō æqualiter prodesse oībus, sed tantum cuilibet, quantum sua deuotio & præparatio apud Deum valet. Itaq; iuxta illam nihil certi ecclesia concederet, & malè reuera facerent certam aliquam concedentes indulgentiam. Hoc enim esset incertū vt certum asserere. Vnde concedit hæc sententia, fraudem quandam esse in concessione indulgentiarum: sed piam inquiunt: quæ videlicet excitentur fideles. Quod damnatum est etiam in condemnatione Lutheri à Leone 10. Propter quod, & quia ascribit consuetudini ecclesiæ mendacium, reijcitur ab omnibus: & est etiam hæc tribus suprà damnatis sententijs adiungenda. Secunda igitur sententia certius aliquid asserens, tantum putat remitti per indulgentias, quātum opus illud, propter quod conceditur, exoluit apud Deum. Si itaque peregrinatio, aut eleemosyna, aut quiduis aliud coram Deo sufficit ad satisfaciendum pœnæ vnius diei aut anni: illa remittitur per indulgentiam concessam peregrinanti vel eleemosynam danti. Quare iuxta hanc sententiam per indulgentiam nihil remittitur, sed commutatur vna satisfactio in alteram, vel ostenditur aut datur occasio operandi quod valeat ad remissionem. Quare & hæc negat re ipsa concessionem indulgentiæ (nulla enim cōceditur iuxta eam) & nimium restringit diuinæ misericordiæ largitatem, & potestatem ecclesiæ. Præterea etiā non potest negari fraudē cōmitti, cum cōceditur determinatè tanta indulgentia, ad quā nescitur an sufficiat causa illa: maximè cū p eadē causā modò maiores, modò minores cōceduntur

duntur indulgentiæ. Hæc itaque sententia vt parum consentiens Ecclesiæ rejicitur ab omnibus, & adiungenda est quatuor supradictis. Tertia verò, quæ plus tribuit indulgentiis, asserit tantum valere concessionem indulgentiæ, quantum sufficit causa pro qua datur, secundum diuinam æstimationem. Itaq; sicut sine vlla rationabili causa concessionem indulgentiam certum est nihil valere: ita ad maiorem indulgentiam maior requiritur causa, atque tantum valet, quantum causa sufficit. Æstimatione verò huius causæ certum est in iudicio diuino probari vel improbari: quare tantum proderit indulgentia, & tantum auferet pænæ, quantum pro illa causa Deus iudicat auferendum. Itaq; hæc sententia non putat opus, pro quo conceditur indulgentia, debere æquiualens esse pænæ quæ remittitur, sed tantum causam sufficientem. Nam (vt verbi gratia dicamus) conceditur nonnunquam etiam indulgentia plenaria pro opere minimi aut nullius laboris: sicut Romæ in die paschæ concedit illam pontifex omnibus accedentibus ad eius suscipiendam benedictionem. Vbi etsi opus minimum sit: causa verò, continendi videlicet in deuotione Apostolicæ sedis, & in vnione vicarij Christi fidelem populum, & excitandi ad hanc fidem protestandam publicè, maxima certè est: & tanto maior, quanto fides hæc magis impugnatur. Non ergo (inquit hæc sententia) valor tantum operis consideratur (non enim tunc fieret indulgentia vlla, vt contra præcedentem opinionem diximus) sed causa: quæ cum in Dei iudicio non est rationabilis aut sufficiens ad tantam indulgentiam consequendam, acceptabitur ad eam consequendam, ad quam coram ipso sufficiens est. Sicut itaq; ad concedendum indulgentiam efficaciter necessaria est causa, ita ad maiorem maior exigitur. Hæc sententia, quanquàm à b. Tho. & doctoribus illius temporis non probetur, tanquàm quæ in dubium reiocet quod in ecclesia consuevit fieri, dum pro eadem causa modò maiores, modò minores conceduntur indulgentiæ: præterea quoniam, sicut & prædeterminata indulgentia, quæ tamen certa esse non potest iuxta hanc sententiam: est tamen non parum probabilis: quâ & Hadrianus 6. pontifex in 4. efficacissimis rationibus cõfirmat: & Caiet. Cardinalis in tractatu de indulgentiis, & in fine 3. partis. Sed de his postea. Nunc quartam referamus sententiam, quam b. Tho. & ceteri magna ex parte sequuntur. Valde sanè applausibile, & ex ma-

DE VALORE

gna pietate & reuerentia in ecclesiam profectam. Dicunt igitur
 illi absolute tantum valere indulgentiam, quantum sonat, modo
 sit rationabilis causa, hoc est, ut pro honore Dei vel utilitate Ec-
 clesie concedatur. Non enim (inquiunt) indulgentia innititur
 tanquam propriæ causæ, nisi auctoritati concedentis, & immen-
 sitati meritorum & satisfactionum Christi & sanctorum. Quan-
 tum igitur voluerit dare is qui dispensandi auctoritatem habet
 (modo, inquiunt, sit aliqua causa) tantum datum est: vsque adeo
 (inquit b. Thom.) ut si ille concesserit superfluas & indiscretas in-
 dulgentias, peccet quidem: valet tamen & efficax est indulgentia.
 Quod certe si verum est, non parui æstimandæ sunt, nec negligenter
 consequendæ indulgentiæ omnes, et magna est collata autho-
 ritas ecclesie, ac maior quodammodo quam in ipsis sacramentis.
 In sacramentis enim si absq; rationabili causa absoluat sacerdos;
 hoc est, illum qui indignus est absolui, non tenet absolutio coram
 Deo: & tamen tenet indulgentia concessa quacumq; ex causa, quã-
 tumvis indulgentia sit magna, & causa minor. Habet quidem sen-
 tentia hæc, quod iuxta eam consuetudo illa Ecclesie concedendi
 indulgentias, magis propriè & plenius verificatur: Sed (ut verum
 dicamus) nimia videtur, & magis ex nimia quadam pietate orta:
 nec considerauit quod postea ex illa in ecclesia tam latè progres-
 sæ sunt concessiones indulgentiarum. Tunc aut 40. dies, aut 100.
 concedebantur: nunc paucissimæ indulgentiæ plenariæ & plenissi-
 mæ, & remissiones omnium peccatorum, & multa cetera annorum
 conceduntur: quod maximè ex illa sententia ortum esse
 videtur: dum illud ita credentes extorquent frequenter indul-
 gentias, si non conficta, certè exaggerata nimium causa: & non-
 nunquam coniungentes diuersorum pontificum concessiones pro
 eadem causa, multiplicant numerum annorū & temporum: quod
 profectò his maximè temporibus non expedit: cum moderatæ
 etiam irrideantur. Quare posteriores diligentius considerantes,
 omnino putant id esse negandum, & amplectendam esse tantam
 sententiam. Et beatus quidem Bonauentura vltima quaestione,
 distinct. 20. aperte non vulgè illud admittere, quod tantum valeant
 indulgentiæ, quantum sonant, nisi hoc addatur, quantum est ex
 parte concedentis. Ille enim cum concedit, considerat causam,
 pro qua dignum existimat dari indulgentiam: sed quilibet conse-
 quitur illam secundum quod plus vel minus accedit ad eam cau-
sam

ſam: quod quidem b. Thom. concedit. Verùm cum non determinatur à concedente certa quantitas operis, pro qua conceditur indulgentia: ſed tantum conceditur porrigenti manus adiutrices fabricæ: tunc conſequitur indulgentiam plenè, quæ eleemoſynam dat & ſtatui & conditioni ſux conuenientem: ſin verò minus det, non integrè conſequitur, ſed pro portione quam dat. Cum verò determinatum eſt opus, vt vilitatio eccleſiæ, aut certa aliqua oratio: tunc b. Thom. nihil putat curandum eſſe aliud, quàm vt fiat ipſum opus. Quauquam hanc ſententiam ipſe magis referat vt aliorum, quàm ſequatur. Vnde (inquit) dicendum ſecundum alios, quòd indulgentiæ tantum valent ſimpliciter &c. Et hoc quidè etiam ſummiſſe. Exterùm ſimpliciter teneutes tertiam illam ſententiam, efficaciſſimis rationibus eam conſirmant. Hadria. quidè hac præcipuè. Quòd ſi obligationè aut penam ſine peccato debitā nō poteſt relaxare pontifex ſine cauſa ſufficiēte, vt in diſpenſatione votoꝝ & iuramentoꝝ patet (quod, n. ſine cauſa diſpēſat & relaxat, imò ſine legitima cauſa, corā Deo nullū eſt, vt ab omnibus conceditur) multo minus relaxare poterit penam propter peccatum debitam ſine rationabili cauſa. Caiet. verò ex ipſis pontificū verbis hoc conſirmat. Nam Innocent. 3. dicit per indiſcretas indulgentias eneruari pœnitentiæ ſeueritatem: cū tamen (inquit Caiet.) ſi efficaciſſe eſſent, non eneruarent, ſed implerent. Quauquam reuera hæc ratio non ſit valde efficax. Nam eneruatio illa intelligi poteſt, quòd minus curent homines ſatiſfactiones pœnitentiales. Sed quod Clemens 6. in extrauaganti Iubilei dicit, apertius eſt: nunc videlicet maiores, nunc minores concedi indulgentias pro cauſæ qualitate. Sed & rationem efficaciſſimam adducit, ſimilem ferè rationi Hadriani de votis & iuramentiſ: in quibus ſi papa aliquid præter rationem intendat, nihil perſicit. Et efficacius etiam hoc ipſum probat ex diſpenſatione bonorum temporalium: in quibus ſi abſque rationabili cauſa aliquid pontifex conetur, nullum erit. Vt ſi pro libidine donaret magnam partem bonorum eccleſiæ. Tunc enim maniſeſtum eſt nullam eſſe diſpenſationē. Multò igitur magis in diſtributione ſpiritualium bonorum hoc verum eſt. Nam eſt quis dixerit nullum fieri præiudiciū eccleſiæ ex irrationabili horum diſpenſatione, conuincitur non rectè dicere. Contemptus nanque authoritatis eccleſiæ & ſatiſfactionum pœnitentialium eneruatio nō eſt leue deſideriū eccleſiæ.

DE VALORE

Itaq; (inquit Caietan.) quanquam quædam sint, quæ si faciat dispensator Ecclesiæ irrationabiliter, facta tamen rata sunt, ita iure ipso dicente (sicut dispensatio beneficiorum, quanquam iniuste fiat, valet tamen) non tamen omnia ita valent, sicut diximus in votorum dispensatione & distributione temporalium bonorum: In quibus notat ipse hoc etiam discrimen esse, quòd quædam horum etsi nulla sint, possint de facto attingi à dispensatore Ecclesiæ. Quando videlicet res ipsæ in eius sunt manu. Si enim bona Ecclesiæ largiatur absque vlla causa, nulla quidem est largitio, tamen de facto interim possidebuntur ab eo cui dederit. Quando verò quæ dispensat non sunt in manu eius, si dispensatio sit nulla, de facto nihil attingit: sicut in absolutione à peccatis, vel in dispensatione votorum. Thesaurus autem hic vnde indulgentiæ dantur, non est in manu pontificis (vt pro suo solo libito, cui vult donet efficaciter) sed apud Deum reconditus est. Quando igitur Deus non probat, sed apud Deum illicita est donatio: quomodo credendum est etiam ipsè donare, & quodammodo proferre ex thesauro suo ad verbum nò rectè æstimantis prælati? Igitur quanquam in hac materia non debeamus certi aliquid definire, cum Ecclesia non definiuit, nec sit necessarium vt nos certam aliquam statuamus sententiam: melius est vt relinquatur diuino iudicio: sicut nonnunquam superius diximus de alijs, quæ in diuino iudicio vltimo definienda sunt: vt de quantitate meritorum: de reditu bonorum operum, quæ per peccatum sequens mortificata fuerant. Certè in his omnibus, & in quantitate indulgentiæ nihil nostra opinio proderit aut oberit coram Deo. Ille iudicabit quod rectè est: & in vltimo iudicio videbit quilibet huius quæstionis finem. Quanquam itaque non sit opus certius aliquid definire: verè tamen tertia sententia multò videtur & probabilior, & magis consona iuribus ipsis. Imò addit Caietan. satis certè rationabiliter, quòd, quanquam cum dubium est de causa concessæ indulgentiæ, debeamus semper interpretari, quod prælati sententia sit iusta, & putare rationabilem causam: non tamen propterea in Dei iudicio probatur. Nec sanè fide tenendum est, quod in his non possit quandoq; etiam sine culpa errare concedens indulgentias. Non quòd hoc sit ab aliquo temerè asserendum: sed relinquendum potius diuino iudicio. Cæterum quod ad fidem attinet, satis est vt credamus indulgentias concedi posse. At verò istas aut illas.

vali.

validas esse, non est fidei. Sicut in ipsis sacramentis, fidei est, sacerdotem ritè absoluentem peccatum remittere: rectè (inquam) & consonè diuino iudicio: in hostia quoque consecrata veraciter esse Christum: sed non est fidei hunc rectè absoluisse, aut verè consecrasse. Nec etiam assistentiam spiritus sancti in his omnibus opus est credere, quæ non sunt definitiones fidei, sed arbitria & voluntates pontificum. In speciali verò circa hoc id est aduertendum, quòd non expedit coram multitudine detrahare dispensationibus pontificum: latius est defendere, sed id etiam modè: ne statim damnentur vel modicum dubitantes, ac plus nimio doceatur populus his fidere, vel videamur contentiose agere. Modè agendum est, vt credantur summi pontifices hodie in tantis concedendis indulgentijs consulere hominum infirmitati, excitare refrigerentem iam charitatem, & denique existimare, quòd si quid exciditur, melius erit. Deo de nimia misericordia rationem reddere: nec propterea in aliquo defraudari fideles, quandoquidem semper consequuntur, quantum opus quod sit, & causa apud Deum valet. Addendum quod sæpe hæc faciunt pontifices nimia importunitate exigentium & deuotione, cui putant nonnunquam aliquid esse concedendum. Nec tamen aut pontifex, aut ecclesia vult, vt ista certò credenda proponantur: sed tantum explicetur quòd ita arbitratus fuerit pontifex: cætera relinquuntur Deo.

Illud etiam non omittendum circa hunc articulum, dubium esse inter doctores, an dies aut anni indulgentiarum qui conceduntur, intelligendi sint de iniunctis tantum in absolutione & sacramento pœnitentiæ: an verò de omnibus debitis. Et quidem beati Thom. vbi superiora dixit, iuuenis sequutus communem tum sententiam, asserit dies illos de omnibus debitis post remissum peccatū in purgatorio etiam non impositis intelligi: & quidem quòd pontifex possit ita concedere, hoc est, remittere pœnam purgatorii tantam, quanta decem vel centum annis pœnitentiæ solueretur. Tamen multi tenent ecclesiam non concedere remissionem dierum vel annorum, nisi de iniunctis pœnitentijs. Quæ quæstio (vt inquit Caietanus) cum de facto sit (fatemur enim posse pontificem, quocunque horum modorum voluerit, concedere: sed dicimus non concedi) ex ipso iure probandum hoc est, & ex ipso facto pontificum. Modò hoc certum est, formam consuetam in ecclesia hoc habere: de iniunctis pœnitentijs relaxamus dies vel

Quomodo
intelligendi
sint dies &
anni indul-
gentiarum.

DE VALORE INDVLGENTIAR.

Quæ pœnz & satisfactio- nes relaxen- tur per in- dulgentias. annos &c. Vnde Innocentius 3. (vt suprà citauimus) limitans episcopis potestatem concedendi indulgentias, dicit 40. dies de iniunctis pœnitentijs ab eis relaxari posse quandoque &c. Cum igitur (inquit meritò Caietanus) simpliciter conceditur indulgentia, intelligi debet sicut ecclesia consuevit: quod nonnunquam expresse additur. Itaque si apponitur, de iniunctis pœnitentijs, non est dubium de solis illis fieri indulgentiam: si additur, secundum formam consuetam ecclesiæ, idem apertum est: si verò nihil additur, ita intelligi debet. Quare Hadrianus pontifex, siue plena indulgentia, siue plenissima concedatur, ita dicit intelligendum: de iniunctis videlicet. Et certè cum negari non possit hanc esse formam, qua primum vsi sunt pontifices: putamus non facile debere à sequentibus extendi: vt videlicet etiam non iniunctas pœnitentias relaxent: quanquam eos id posse facere iusta causâ, non negemus.

Notat bene circa hoc Durandus, relaxationem iniunctæ pœnitentiæ non esse inutilem, etiam si pœnitentia impleatur: te- vtrunque posse efficaciter fieri. Cum remittuntur alicui tot dies iniunctæ pœnitentiæ, hoc fit, vt non teneatur illos implere: & ta- men tanta illi relaxetur pœna purgatorij, quantam solueret illis diebus pœnitentiæ. Si verò impleuerit etiam iniunctam satisfacti- onem, nihilominus totidem illi remittentur, si adhuc debitor est, vt sæpe contingere potest. Atque idem etiam iudicandum est, cum prius impleuit pœnitentiam: indulgentia enim semper aufert pœ- nam diebus illis respondentem. Vnde & b. Thom. atque reliqui docent consulendum esse pœnitentibus, ne pro- pter indulgentias iniunctas satisfactiones omit- tant, eò maximè, quod indulgentiæ reliqui- as peccatorum & prauas consuetu- dines non auferunt, ob quam præcipuè imponi solent satisfactiones.

De his quæ requiruntur ad effectum indulgentiæ ex parte dantis & ex parte suscipientis.



Aboluimus præcipua quæ pertinent ad indulgentias in cõmuniã ad specialia descendendū est: & primò quidem dicendum de concedente indulgentias, quid scilicet in eo requiratur, ut efficaces sint. Dixerunt quidam doctores duo requiri: autoritatem videlicet, & rationabilem causam. De causa satis proxima lectio. *Quis possit* ne diximus: de autoritate restat dicendum: quis scilicet concedere concedere re possit indulgentias. In qua quæst. facile quidem responderi potest. *indulgenti-* tudine hanc habent potestatem, & quatenus habent: quæ est certissima resolutio. Cum enim hoc sit absolutio quædam à peccatis & remissio, ad iurisdictionem pertinet: quam certum est eos habere, quibus ab ecclesia confertur. Confertur verò vel ex constitutione iuris, vel ex consuetudine ab eo probata. Vnde (ut supra citauimus, in concilio Lateranensi Innocentius tertius prohibuit Abbatibus concedere indulgentias: reprehendens quòd hoc vsurpassent nonnulli. Sed in speciali, cui conueniat hæc potestas, & quomodo probari possit, est nonnulla diuersitas. Cum enim (ut superius vidimus) de ipsis indulgentijs specialiter quidem & apertè nihil sit in Euangelio, sed tantum illa generalia verba: Quicquid solueritis &c. nonnulli putant requiri potestatem ordinis: ut Durandus. Quoniam (ait) est absolutio à pœna remanente post absolutionem culpæ: ideo eandem potestatem requirit, quam absolutio à culpa. Sed hoc à doctoribus & consuetudine non recipitur. Quare (ut b. Thomas inquit) satis est potestas iurisdictionis fori exterioris. Vnde electi episcopi nondum ordinati, legati etiam indulgentias concedere possunt papæ autoritate. Itaque ad iurisdictionem fori exterioris hoc pertinet; maxime cum (ut superius

DE NECESSARIIS AD

superius ostendimus ex Augustino) satisfactiones imponantur propter Ecclesiam. Vnde parochi, & quicunque alij iurisdictionem tantum habentes in foro interiori, non possunt indulgentias concedere: quod habet & ius, & consuetudo. Inter eos verò qui iurisdictionem habent fori exterioris, non omnes possunt indulgentias concedere. Ad quos ergo propriè pertineat concessio indulgentiarum secundum veram rationem, dubium etiam est. Sed probabilius sentiendum hanc quidem potestatem esse regulariter episcoporum omnium. Ita probat beatus Thomas quæstionis primæ articulo quarto supradictæ distinctionis 20. ex his quæ superius diximus de dispensatione thesauri. Nam thesaurus Reipublicæ communis, non ab eo qui præest familiæ vni vel domui, sed ab eo qui præest toti Reipub. dispensari potest. Episcopi verò (vt ibi inquit b. Tho.) sunt perfecti gubernatores Reipub. alij omnes sacerdotes sub ipsis tantum adiutores sunt: quod in principio huius tractatus latius ostendimus. Itaque hoc iure diuino certum esse debet, potestatem omnem gubernandi propriam ecclesiam cui libet episcopo tributam esse, salua semper vnius supremi vicarij Christi & successoris Petri autoritate, ex qua fit vt ille moderari possit inferiorum omnium potestatem, vel potius illius vsum. Atq; ita meritò b. Thom. inquit potestatem hanc concedendi indulgentias plenariè quidem esse in summo pontifice. Vnde ille moderatus est quantam episcopi indulgentiam concedere debeant. Quod quidem meritò factum est, ne in contemptum venirent indulgentiæ: cum tamen, si eis non fuisset inhibitum, potuissent certè quod pontifex, in suos subditos. Et reuera haud scio, an qui adeò restrinxit episcoporum potestatem (de Innoc. etio dicimus) in hoc iudicaret tantopere extendendam esse pontificis: aut si illa conuenienter vsque adeò iam extenditur: quare & hæc non sit extendenda etiam, non satis apparet. Sed quod attinet ad auctoritatem, non est dubium vtrunque verum esse: & episcopos habere eam in suos non limitatam, & à pontifice Rom. limitari posse: sed omnia iusta ratione fieri debent, siue scilicet limitatio, siue vsum. Notat etiam b. Thom. circa hoc, quòd qui congregationibus particularibus præsunt (vt abbates & prælati) possunt admittere alios ad participationem bonorum illius congregationis: sicut quilibet priuatus homo ad participationem suorum bonorum operum potest alium admittere. Quia ergo cuiusque com-

munitatis

EFFECTVM INDVLGENTIARVM. 153

munitalis membra eo ipfo, quo membra funt, quicquid agunt, agunt in bonum communitalis: ab eo qui præft illi, difpenfari poffunt. Sed hoc (inquit) quod fit vel à priuato, vel ab eo qui præft particulari Ecclefiz, non eft indulgentia: quia per eam non abfoluitur ab iniunctis penitentijs. Nec in priuato homine, aut in particulari aliqua ecclefia funt indeficientia merita, vt omnibus fufficere poffint. Quare folùm eft communicatio fuffragij, & eius duntaxat quod reliquum eft poft fatisfactionem neceffariam membris illius Ecclefiz. Nunquam tamen iudicandum eft inutiliter fieri hanc communicationem, propter orationes faltem, quæ femper funt pro illis: quibus nihil detrahitur, etiam fi ijs qui eas agunt, neceffariæ funt: non enim propterea minus impe- trant pro alijs.

De caufa concedendi indulgentias (quæ pertinet ad hunc articulum) quanquam fuperius dictum fit, quod in communi dici poteft: debere fcilicet effe fufficientem: illud nunc eft addendum, quod maleuoli calumniantur, pro caufa temporalis, cum in utilitatem vel fidei vel Ecclefiz cedit, rectè concedi indulgentiam: pro pecunia videlicet danda in fubventionem pauperum, aut in bellum contra infideles, & pro huiusmodi alijs caufis. Primò in his nulla eft vel emptio vel venditio, fed alliciuntur fideles ad pia opera indulgentijs propofitis. Deinde omnia hic fpiritualia funt: & quod datur, fcilicet indulgentia: & quod petitur: liberè tamen & abfque vlla coactione. Nec tamen negare poffumus hoc non effe paffim extendendum, vt in cuiufcunque operis, quacunque ratione fpeciem pietatis habentis, fubventionem conferatur indulgentia: maxime vt fubtrahatur occasio calumniandi.

Hæc itaque ex parte dantis indulgentias dicta funt: iam quid requiratur ex parte fufcipientis, vt efficax fit, reftat explicandum. Primum igitur ab omnibus certa ratione afseritur, indulgentiam nulli prodeffe, nifi cui prius funt remiffa peccata, & in gratia Dei permanenti. Hoc enim ex communibus & fupradictis fatis patet. Bona opera membrorum ecclefiz non profunt, nifi actu coniunctis & viuentibus membris. Itaque fatisfactiones Chrifti & fæctorum vtilis effe non poffunt, nifi conftitutis in gratia. Menuit certè Chriftus peccatoribus gratiam qua conuerterentur: orarunt pro eis & fæcti: cæterum fatisfactiones fuas non nifi viuo corpori Chrifti contulerunt. Eft etiam & ex parte ipforum qui

Ob quã cau-
fam concedi
poffint in-
dulgentiæ.

Qui funt ca-
pæces indul-
gentiarum.

DE NECESSARIIS AD

suscipiunt indulgentias, alia ratio: quoniam pœna non remittitur, nisi prius remissa culpa: & cum remittitur, ex beneuolentia & gratia atque amicitia remittitur: solis ergo amicis. Est autem circa hoc diligenter aduertendum, tria tempora distingui posse in indulgentia, etsi aliquando simul omnia concurrant. Primum, quo conceditur indulgentia. Secundum, quo fit opus pro consequenda indulgentia. Tertium, cum quis iam illam consequi vult. Vt (exempli gratia) si concedatur à pontifice mense Ianuario plenaria indulgentia in articulo mortis consequenda ab ijs, qui in festo Iohannis baptiste, mense scilicet Iulio, visitauerint illam aut illam ecclesiam: videmus tria illa tempora distincta. De duobus igitur extremis, primo videlicet & tertio tempore, nulla est dubitatio. Non enim est opus in gratia esse cum conceditur indulgentia, vt obtineri possit. Hoc de primo tempore. Rursum, certum est nullum consequi indulgentiam cum in peccato est. Et hoc de tertio. De medio verò nonnihil dubij est: opinantibus quibusdam, posse illum qui in peccato mortali est, opus facere pro quo conceditur indulgentia, & postea cum est in statu gratiæ, illam consequi: quanquam cum opus fecit, esset in peccato mortali. Sed Caietanus multo probabilius oppositum putat: nullum videlicet opus ab existerenti in peccato mortali ad consequendam indulgentiam sufficere, sicut nec sufficit ad satisfaciendum pro peccatis. Ferè enim idem hæc duo sunt: opere suo satisfacere, & eodem suo opere satisfactionum Christi et sanctorum participem fieri. Vnde (quod hoc & proximè dicta confirmat) communis forma antiqua concedendi indulgentias semper habet, verè pœnitentibus & confelsis, facientibus hoc aut illud conceditur talis indulgentia: vbi nulla potest esse dubitatio. Et quando hoc expresse non ponitur (inquit Caietanus) intelligitur expressum esse. Vnde asserit non consequi indulgentiam illum, qui post peccatum mortale non est confessus: nisi cum expresse dicitur, quod possint illam consequi qui propositum habent confitendi: tunc enim sufficet contritio cum proposito confessionis, & neutrum sine altero. Hæc quidem diligenter sunt explicanda populo, quibus docetur non plus æquo fidere indulgentijs, & æmulis Ecclesiæ obturatur os ad calumniandum, quod doceamus populum in his indulgentijs suam salutem collocare. Absit hoc. Indulgentia si iusta est & rationalis, hoc habet, non minimum inter
alia

EFFECTVM INDVLGENTIARVM. 254

lia, quodd ad pœnitentiam & confessionem peccatorum, atque solidiora remedia incitat fideles. Notat Hadrianus circa hoc & mouet questionem, an pro altero indulgentiam consequi possit in peccato mortali existens, & in eo opus faciens pro quo conceditur indulgentia. Vt si concedatur ei qui elemosynam dederit, aut illi pro quo ab alio data sit. Tenet ille affirmatiuam partem: quasi opus illud sit veluti opus sacramentum conferens: vt videlicet virtute ipsius operis indulgentia obtineatur, cum ille cui obtinetur, capax est: modo (inquit Hadrianus) qui pro alio vult indulgentiam assequi, bonum opus moraliter faciat: nam pro peccato (inquit) non conceditur indulgentia. Sed Caietanus probabilius putat oppositum. Hæc enim indulgentiarum consequutio similis est satisfactioni, quæ non nisi à membris coniunctis & viuus fieri potest.

Conandum est igitur his, qui sibi vel alijs indulgentias consequi volunt, vt prius in gratia sint constituti. Hæc itaque est prior dispositio, quæ necessaria est ex parte consequentis indulgentias: & certa.

Post illud quod ab omnibus asseritur de necessitate requiri ad indulgentiæ efficacem consequutionem, statum videlicet gratiæ: addit Caietanus secundum: & quidem solus ex omnibus qui ipsum præcesserunt: quod ipse putat probari efficaciter, nec est certa aliqua ratio, qua contradici possit. Quanquam quas ille adducit rationes, solui etiam possint. Itaque vt probabile hoc, & magis sub dubio relinquendum, quam asserendum vel reiiciendum dicamus. Putat igitur ille nullum consequi indulgentiam quamcunque, nisi qui sollicitus est, vt integrè in hac vita satisfaciat pro peccatis: & ita aut imponi sibi satisfactionem condignam, aut per se implere curat. Cæterum (inquit ille) qui minimam sibi petit pœnitentiam imponi, & qui parum curat in hac vita satisfacere pro pœna debita ob peccata remissa: sed magis post hanc vitam in purgatorio contentus est satisfacere: non est cur speret sibi per indulgentias subueniendum. Quod vnica ratione ille probat. Quoniam indignus est iste, cui subueniatur amicabiliter, & cui thesaurus communis tam preciosus satisfactionum Christi & sanctorum communicetur. Primum patet: quoniam amicitia ad hoc solum se extendit, vt amicus consentiat & idem velit cum amico. Non igitur ex amicitia æquum est, ei qui nõ vult satisfacere

DE NECESSARIIS AD

re, subueniri. Et (vt apertius dicamus) sanctorum, qui satisfactio-
 nes reliquerunt ecclesie, non est credenda fuisse illa mens, vt per
 eas subueniretur negligentibus, & nutriretur incuria & socordia
 in re tam necessaria : quod certè fit, si nihil curantibus satisfactio-
 nes concedantur indulgentiæ. Ita etiam quod de thesauro dixi-
 mus, manifestum est. Non rectè dispensat diuitias ciuitatis reposi-
 tas ad subueniendum ciuibz ære alieno grauatis, qui negligentibus
 satisfacere eas largiretur. Ita in his spiritualibus diuitijs non
 æquum est prodigaliorem esse ecclesiam, quàm in temporalibus.
 Et hoc putat Caietanus significari ab Ecclesia, cum in concessio-
 ne indulgentiarum dicitur : verè pœnitentibus & confessis. Non
 enim (inquit ille) vera pœnitentia illa referenda est tantum ad
 dolorem & contritionem, quæ sufficiunt ad remissionem peccati
 (illud enim non opus erat apponere) sed refertur ad voluntatem
 satisfaciendi : quæ etiam pars est pœnitentiæ. Et certè iuxta il-
 lam antiquam formam (de qua diximus) in qua de iniunctis pœ-
 nitentijs fit relaxatio, certissimum hoc erit. Non enim nisi fuerit
 imposita pœnitentia, relaxatur. Et vanum esset (vt ille inquit) im-
 poni pœnitentiam, & suscipi non eo animo vt impleretur, sed vt
 relaxaretur per indulgentias. Nec reuera dubitauerim antiquos
 illos & primos pontifices, qui indulgentias concesserunt, concessisse
 his duntaxat, qui toti intenti erant satisfactionibus illis im-
 plendis, quæ iuxta pœnitentiales canones imponebantur, iam ve-
 rò largius videntur concedi. Sed si hæc sententia Caietani teneatur,
 paucissimi (vt hodie agitur pœnitentia) eas consequuntur.
 Et quoniam (vt diximus) hæc ex iudicio diuino pendent, neque
 propter nostras opiniones quicquam mutatur : ideo relinquenda
 sunt : & admonendi omnes quantum fieri potest, vt in hac vita
 curent pro peccatis satisfacere. In hac re satis est certa fide tenere,
 rectè & efficaciter indulgentias concedi in ecclesia, cum adest ra-
 tionabilis causa : & efficaces esse illis, qui in Dei oculis digni sunt,
 & secundum eam partem qua digni sunt. Iudicium verò in spe-
 ciali & de causa, & de dignitate suscipientium, relinquendum est
 Deo : nec potest aliquis iustè, quòd hæc doceantur, conqueri, qua-
 si inde retrahantur homines à consequendis indulgentijs & æsti-
 mandis. Non enim hoc fit : sed ne per eas enerventur satisfactio-
 nes pœnitentiæ, et contemnantur ab hominibus. Et hæc etiam ra-
 tione satisfit magna ex parte calumnijs hæreticorum. Caterum
 inten-

intendere acquirendis indulgentijs, quasi imperfectionis opus reprehendere, Lutheranum est: hoc Lutherus fecit: quasi melius sit velle satisfacere pro peccatis, etiam in purgatorio, quàm indulgentias quærere. Dicimus igitur iuxta sanam ecclesiæ doctrinam, quòd intendere consequendis indulgentijs, quando non instant alia magis necessaria & pia opera, non solum licitum esse, sed neque opus ipsum quod ad consequendam indulgentiam sit, carere merito & ex natura sua, & ex illo affectu consequendi indulgentiam, qui ex humilitate & cognitione imperfectæ nostræ satisfactionis, & affectu auferendi impedimenta omnia, quibus post hanc vitam differri posset visio Dei, oritur. Hic est enim affectus charitatis. Itaque eleemosynam dare vt subueniatur pauperi, & simul remittatur pars aliqua, aut tota pœna purgatorij: duplici ratione meritorium est ultra ipsam pœnam quæ remittitur. Caterùm propter consequendas indulgentias relinquere meliora, reprehensibile est. Vnde b. Thomas docet, non debere monachum regularia instituta deserere propter consequendas indulgentias: quia illa (inquit) magis meritoria sunt. Et cauendum est in his, ne in illud incidatur euangelij, quod Christus reprehendit in Pharisæis. Dicitis: munus quodcunque est ex me, tibi *Matth. 15.* proderit &c. Quod contingeret, si pauperes & verè egentes relinquerentur in inopia, vt obtinerentur indulgentiæ. Imò addit Hadrianus satis certè rationabiliter, nunquam obtineri indulgentiam per opus quod est peccatum veniale, etiam si id fiat, pro quo illa conceditur. Si (inquit) ex vana gloria aut invidia quis eleemosynam det, pro qua conceditur indulgentia. Multo igitur minus obtinebitur, si contra ordinem charitatis & discretionis christianæ eleemosyna datur.

Vltimò de indulgentijs quæ defunctis conceduntur est breuiter dicendum. Primò igitur posse indulgentias defunctis concedi, quanquàm minus certum sit apud doctores, quàm de his quæ conceduntur viuīs: tamen certò tenendum est, & inter ecclesiastica & catholica dogmata computandū: inter ea scilicet, quæ posterioribus licet tēporibus suscepta sunt ab ecclesijs omnibus & doctoribus in vnitatem permanentibus: & est roboratum vsu ac decretis Romanorum pontificum. Quod quidem antequam explicatum esset aut creditum, non mirandum si in dubium reuocatum fuerit à doctoribus: post declarationem tamen nō nisi stultè & schisma-

Indulgentiæ
etiā defun-
ctis profunt.

DE NECESSARIIS AD

tice negari potest. Quāquam igitur Ostiensis cardinalis & non
 minimæ authoritatis iuris doctor negauerit indulgētijs defunctis
 plus prodesse, quā prodeilet ipsum opus, quod sit ad eas conse-
 quendas: nec putauerit esse authoritatem illas concedendi in ec-
 clesia: & eum sequuti fuerint alij: postquam tamen multorū Ro-
 manorum pontificū declaratio & vsus inualuit: posteriores om-
 nes merito consenserunt, & recepta est hæc sententia, quamuis nō
 tam apertam habeat rationem & authoritatem scripturæ, nec tam
 antiqua sit, quā indulgentia uiuis concessa. Sixtus quartus ante
 septuaginta plus minus annos declarauit prodesse indulgentias
 animabus in purgatorio per modum suffragij. Et Innocentius il-
 li proximus eo modo cōcessit: & omnes alij postea sequentes pō-
 tifices. Leguntur etiā Romæ ab antiquioribus pontificibus cōces-
 sæ. In bulla quoque condemnationis Lutheri Leo decimus etiam
 hoc dogma eius damnauit, non prodesse defunctis indulgentias.
 Itaque ex his omnibus, quo gradu hoc habendum sit dogma cō-
 stat, quodq; nulli de eo dubitare liceat. Potissima verò ratio ex his
 sumitur, quæ de suffragijs diximus. Si certum est & perpetuò in
 ecclesia seruatum, posse priuatum hominem ex virtute charitatis
 & vnione ecclesiæ eleemosynis, orationibus, & cæteris huiusmodi
 prodesse defunctis, & suas illas satisfactiones illis dare: quare non
 poterit hoc ecclesiæ dispensator? ut scilicet satisfactiones iam re-
 conditas illis applicet? quod reuera est per modum suffragij con-
 cedere indulgentias. Est quidem dubium subtilius, an authoritate
 clauium concedantur hæc indulgentiæ: & an aliquid iurisdic-
 tionis habeat ecclesiæ supremus dispensator in eos, qui sunt in pur-
 gatorio. In his tamen quæstionibus nō est quòd immoremur. Deo
 relinquenda sunt hæc. B. Bonauentura hoc loco dist. 20. probabi-
 lius putat pontificem in nullum defunctum iurisdictionem
 habere, ex illo verbo: Quicquid ligaueris, vel solueris super terram:
 quo intelligit datam potestatem in eos qui sunt super terram, non
 in alios. Alij tamen, quia existentes in purgatorio nondum ad ter-
 minum peruenerunt, putant ad eos extendi: & uerbum illud, Su-
 per terram, referunt ad ipsum pontificem, hoc modo: Quicquid
 tu super terram &c. Favorabilior tamen magis & voluntaria est
 hæc sententia, quā certa. Ecclesia itaque non audet animas pur-
 gatorij absolvere, sed applicare illis satisfactiones sanctorū: quod
 quidem (ut Caietanus bene explicat) authoritate clauium fit: quæ
est

EFFECTVM INDVLGENTIARVM. 256

est in dispensandum thesaurum, & in absoluendos sibi subditos, & quorum causas cognoscere potest. Vtrunque exercet ecclesia, cum viuus concedit indulgentias, absoluit scilicet illos, & dispensat thesaurum. Vnum duntaxat exercet, cum concedit defunctis: non enim illos absoluit, sed tantum dispensat thesaurum, & ex illo transmittit eis suffragia: sicut qui eleemosynam aut ieiunium proprium ad eos transmittit. Vbi sunt duo extrema vitanda, vt doctores asserunt. Primum, ne ob hoc incerte putentur indulgentiæ. Non enim minus certe credende sunt, quam suffragia priuatorum hominum. Quanquã & ista, & illa non nisi ex diuina misericordia, & ex virtute vnionis illius ecclesiasticæ, qua & Christo & inuicem viuuntur membra, ad defunctos perueniant: non verò ex aliqua iurisdictione aut potestate Ecclesiæ. Vtrunque tñ certū est, vt diximus. Alterum verò similiter cauendum vt extremū, ne tanta detur potestas in purgatorium pontificibus, vt ex quacumq; causa quicquid volunt possint concedere. In hoc consentiunt doctores omnes. Et ipse b. Tho. qui putauit ex qualibet minima etiam causa, sed quæ sit in honorem Dei, & ecclesiæ utilitatem, posse quantumuis magnam indulgentiam concedi viuus: cum verò de defunctis loquitur, quadragesima quinta d. 4. quæst. 2. apertè dicit, non quantam voluerit pontifex defunctis posse concedere remissionem, sed quantam ratio postulat. Ex his itaque quid in hoc articulo sentiendum sit, satis habetur iuxta communem doctorū doctrinam. Addit Caietanus iuxta ea quæ superius diximus de viuus, non omnibus animabus purgatorii prodesse illis concessas indulgentias, sed ijs, quæ specialiter meruerunt dum viuerent. Quod cum Augustinus in Enchiridio, & libro de cura agenda pro mortuis, certa autoritate probauerit Pauli, vt superius diximus: putat tamen Caietanus non omnem qui in charitate decedit, ex hoc solo meruisse vt prodesse sibi indulgentiæ, sed aliquo speciali merito, ex speciali aliqua deuotione erga clauas ecclesiæ, siue cura adiuuandi animas purgatorii, vel aliqua alia speciali ratione. Sed quare indulgentiæ magis sint restringendæ, quam alia suffragia, certè non adfertur ab eo ratio. Mereri verò vt sibi post hanc vitam prosint suffragia, non aliunde ostendit Augustin. esse, quam ex eo, quòd in charitate & vnione ecclesiæ decedat. Omnibus igitur his prodesse indulgentias, credi probabiliter potest.

DE

DE SACRAMEN- TO EXTREMÆ VN- CTIONIS.

LECTIO PRIMA.

De materia, forma, & effectu eius.

Extrema vn-
ctio quare sic
vocetur.



POST POENITENTIAM
quinto loco conuenientissimo ordi-
ne ponitur sacramentum vnctionis
infirmorum, quam extremam vncti-
onem vocant, vel quia datur in extre-
mis agentibus, vel etiã, cùm sint alie
vnctiones in ecclesia, hæc vltimo lo-
co datur. Vnguntur enim catechu-
meni baptizandi: vnguntur & bapti-
zati à presbyteris: vnguntur ab epi-
scopis in confirmatione: vnguntur denique sacerdotes, & episco-
pi: vltimò demum infirmi. De quibus omnibus locutus est Inno-
centius tertius, vt habetur capite vnico, de sacra vnctione, in de-
cretalibus. Itaque sacramentum de quo nunc agendum est, vn-
ctionis scilicet extremæ infirmorum, quamuis apertè quidem in-
stitutionem eius non legamus, nec tanta sint antiquorum patrum
testimonia de illo, sicut de alijs sacramentis, non tamen minori fi-
de tenendum est institutum esse à Christo. Cuius rei non desunt
sufficientia testimonia, nisi his, qui nolunt intelligere, vt bene agât.
Reijciunt quidem illud Lutherus, & sui omnes: sicut ante illum
Vvicleph & nonnulli alij hæretici. Nos igitur certissimam ec-
clesiæ fidem de hoc sacramento explicabimus, tradentes ordine
de eo, quæ in supradictis sacramentis docuimus, & diximus in
omni sacramento explicanda: idq; iuxta ea quæ Magister, & illum
sequentes 23. d. quarti docuerunt,

Primò

DE EXTREMA VNCTIONE. 257

Primo igitur omnium de visibili elemento & verbo huius sa-
 cramenti, materia videlicet & forma dicendum est. Materia ita-
 que huius sacramenti oleum oliuarum consecratum per Episco-
 pum ab Ecclesia habetur: quæ etiam simul tradit formam eius & max
 vñtio-
 verbum esse orationem deprecatiuam, qua oratur Deus in vñctio-
 nis,
 ne singulorum membrorum (quæ præcipua sunt instrumenta
 sensuum, & humanarum operationum quibus peccatur) vt re-
 mittat quod per ea peccatum est: quanq̃ non omnes ecclesiæ præ-
 cise eisdem verbis vtantur. Sed vtrunq; horum ita explicauit con-
 cilium Florentinum sub Eugenio 4. plenam tradens doctrinam
 omniũ sacramentorũ Armenijs, tunc vñtis ecclesiæ. Nam de ma-
 teria ita habet: Quintum sacramentũ est extrema vñctio, cuius ma-
 teria est oleũ oliuæ benedictũ ab episcopo. Et postea: Forma huius
 sacramenti est: Per istam sanctam vñctionẽ & suam pijsimã mi-
 sericordiam indulgeat tibi Deus quicquid peccasti per visum: &
 similiter in alijs membris. Ibi enim septies infirmũ inungi oportere
 dicitur: in oculis, auribus, naribus, ore, manibus, pedibus, reni-
 bus: quanquam hoc vltimum in nõnullis ecclesijs omittatur. Nec
 concilium quasi nouam doctrinam Ecclesiæ hoc tradit: sed sunt
 huius rei scripturæ, & antiquitatis testimonia. Primum Marci 6.
 cap. discipuli Christi missi leguntur vnxisse multos egros oleo, &
 ita sanasse: quod non dubium est eos ex Christi institutione, à quo
 mittebantur, fecisse: quam postea Iacob. Apostolus in ecclesia ob-
 seruandam aperte dicit: non instituens quidem, sed promulgans
 institutionem Christi: Infirmatur quis in vobis, inducat presbyte-
 ros ecclesiæ, & orent super eum, vngentes eum oleo in nomine
 Domini, & oratio illi saluabit infirmum, & alleuiabit eum Do-
 minus: et si in peccatis est, dimittentur ei. Vbi apostolus omnia fe-
 re quæ ad hoc sacramentum pertinent, explicauit: nos verò singu-
 la suis locis examinabimus. Nunc institutionẽ sacramenti, ac ma-
 teriam & formam consideremus. Primo, quis poteit existimare
 Iacobum Apostolum ausum fuisse in ecclesiã inuehere tam cer-
 tam & indubitatam cæremoniam, quam à Christo non accepit
 cramentum, set: & (quod maximum est) tribuere illi peccatorum remissio-
 nem, quam solus Deus facere potest? Propter hoc enim, vt à prin-
 cipio diximus, omnium sententia habet, sacramenta omnia à solo
 Christo instituta: quia sicut solus ipse remittere peccata potest,
 ita & solus designare elementa & verba, quibus ea dimittantur:

Iacobi 5.

T t t

deni-

denique & solus pōtēst fundare Ecclesiam, cuius non minima fundamenta sunt sacramenta, sicut & fides. Hæc itaque omnia à Christo habemus. Cæterum Iacobus Ierosolimitana illius primæ Ecclesiæ Episcopus primò potuit hoc docere, nec sine aliorū Apostolorum scientia et consensu eum hoc fecisse credendum est. Et certè si hoc non constaret inter omnes Apostolos, nunquam ille ausus fuisset tam certò docere: quod satis constat, si ea quæ de legalium obseruatione facta legimus, consideremus. Illud igitur inter cætera quoque documenta, non vt nouam institutionem, sed vt certam doctrinam proponit. Est itaq; illa promulgatio huius sacramenti. Quod Beda in illum locum, & in locum Marci apertè docet: addens Innocentij .i. authoritatem (de qua postea) vt verbum illud, Vngentes illum oleo in nomine Domini, refert ad ipsam sanctificationem vnguenti, quòd scilicet debeat esse in nomine Domini benedictum ab Episcopo: quanquam possit referri ad ipsam vñctionem. Nam nonnullæ Ecclesiæ hac forma vtuntur: Vngo te in nomine patris &c. additis etiam postea verbis, quæ diximus esse formam. Sed & hoc ipsum Chrysostom. 3. lib. de dignitate sacerdotali, probans sacerdotes peccata remittere, ex hac authoritate Iacobi apertè confirmat. Non tantum (inquiens) in baptismo peccata remittunt, sed etiam postea, iuxta illud Iacobi: Infirmatur quis &c. ex quo Chrysostomi loco conuincitur, quàm aperta sit calumnia hæreticorum dicentium verbum illud græcū. presbyteros, nos falsò ad sacerdotes traxisse, cum solum seniores significet. Ecce Chrys. græcus & antiquus doctor, de sacerdotibus id intelligit: quo ostenditur, in ecclesia etiā græca, vocabulū illud cōmune solis sacerdotibus applicatū fuisse. Sic .n. & Paulus ad Timotheū inquit: Presbyteri qui benè præsunt &c. Sufficere possent loca ista scripturæ, & testimonium Bedæ, ac b. Chrysost. ad huius sacramenti veritatem agnoscendam. Nam Innocentius etiam primus, contemporaneus Augustino, in epist. ad Euglibinum Episcopum, prima scilicet quæ inter eius Epist. habetur, 8. c. apertè dicit hoc esse sacramentū, aut (vt ille inquit) genus sacramenti: & ideo negandum ei, cui alia sacramenta negantur. Ecce, Innocentius apertè nomen sacramenti posuit, cum res ipsa ex verbis Iacobi satis ostēdatur. Illa .n. apertè testatur hūc esse visibilia elementa, & verba habentia promissionem remissionis peccatorū. Est igitur sacramentum. Adfertur authoritas Augustini

lib. 2. de visitatione infirmorum c. 4. vbi dicit non esse omittendū infirmis, quod Iacobus præcipit: sed reuera liber ille non est Augustini. Quare non est, cur plura queramus testimonia. Habemus tres probatissimos authores, Bedam, Chrysostomum, et Innocentium: qui non tanquam de re dubia loquuntur, quo insinuat illius temporis doctores hoc ipsum sensisse, & Ecclesiam habuisse in vsu: sed vt superius diximus, de certissimis rebus pauciora loquuti sunt, quod non venissent in controuersiam. Tria itaque ista certissima iam constant: quod videlicet hoc sit sacramentum: et quod ita perficiatur, vt diximus, vnctione membrorum: ac quod illa quæ diximus, sint eius materia & forma. Vbi duo sunt etiam aduertenda. Primum, quod cum in pluribus partibus fiat vnctio; idq; sit de necessitate sacramenti, vnum tamen sacramentum ex pluribus actionibus, quasi partibus integrantibus constituitur. Quare non dubitant doctores quin possit, & debeat à pluribus dari, altero perficiente quod alter cœperat, si qua necessitas, aut impossibilitas accadat: nec vllō modo repetendum est, quod ab altero est factum: quanquam in Eucharistia, si consecrata hostia sacerdos deficeret, posset alius aliam consecrare. Secundum, quod mutili sunt inungendi in partibus propinquioribus, cum non de-

Sacramentū
extremæ vn-
ctionis vnū
est.

Mutili quo-
modo hoc sa-
cramentum
possint su-
scipere.

sint illis sensus, propter quos fit vnctio: & hæc quidem ad integritatem perfectam huius sacramenti pertinet. Ex quibus præsentium hæreticorum vanissima coniectura rejicitur. Dicunt enim opus illud discipulorum Christi ad miracula pertinuisse, & Iacobum de hoc ipso fuisse locutum, non verò de sacramento aliquo, vnde eo tantum tempore illud seruandum fuisse, quo in Ecclesia fuerunt visibilia miracula, non verò nostro iam tempore. Quibus respondendum, nos ex facto quidem illo discipulorum solo non asserere institutionem huius sacramenti: quin potius illa quædam adumbratio eius extitit, & sub figura inchoatio, & hoc ad miraculum pertinuisse: quod verò postea Iacobus dixit, nequaquam potest referri ad hoc, sed ad sacramentum, quia dicit: Si in peccatis est, dimittentur ei. Nam cætera de salute infirmi, inferius dicemus qualiter intelligenda sint. Hoc verò habemus vt certissimū ex traditione & totius Ecclesiæ consensu, cui testimonium perhibent patres illi quos citauimus, sufficiens quidem, & multò fide dignius hæreticorū omnium, & ab ecclesia recedentium clamorib'. Nihil volūt illi recipe, nisi aperta autoritate scripturæ

DE EXTREMA

probetur, & permittunt sibi, quoties placet, diuinare expositione scripturæ, etiam contra auctoritatem antiquorum. Beda in vtrunque locum, Marci & Iacobi, inquit hoc tenere Ecclesiæ consuetudinem, & ab ipsis Apostolis hunc morem traditum. Ipsi contrario, non debere fieri, nisi cum tempus fuit edendi miracula. Doceant qua ratione, aut qua auctoritate scripturæ, quando Apostoli tradiderunt aliquid Ecclesiæ, non sit hoc in ea perpetuò seruandum. Aut in illo loco videant, an præterita & sequentia aliquid habeant, vnde hoc coniectare possint. Fortè adferent de sanguine & suffocato. Sed patet hoc ad fouendam concordiam Iudæorum & gentilium, & ad adunandos illos in vnam Ecclesiam pertinuisse: atque idèd solum pro eo tempore fuisse seruandum, quo illa Iudæorum abominatio erga illos cibos durauit: alioqui certa fide habemus, legalia omnia ablata esse: & de vtroq; horum habemus auctoritatem Ecclesiæ. Sed iam ad sequentia.

Effectus extreme vñctionis.

Post materiam & formam, ipsiusq; sacramenti impletionem, de effectu eius atque significatione proximè dicendum est. Effectum quidem non est opus aliunde colligere, quàm ex ipsis Apostoli verbis: Oratio fidei (inquit) saluabit infirmum, & alleuiabit eum Dominus: & si in peccatis est, remittentur ei. Tria apertè tribuit huic sacramento: infirmi saluationem, alleuiationem, & remissionem peccatorum, si quæ habet. Quod rectè considerantes doctores nostri, non cunctantur dicere; primum quidem & proprium effectum huius sacramenti confortationem esse, & robur contra vltimæ infirmitatis & mortis ipsius, atque humanæ trepidationis ex peccatorum præteritorum, & imminētis Dei iudicij consideratione, tristitiam, angustiam, atque deiectionem: ita videlicet, vt roboratus animus nec ipso dolore infirmitatis, nec alijs, quæ diximus, grauetur: sed in hilaritate, & bona spei fiducia omnia superet: quod certè verba illa significant: Alleuiabit eum Dominus. Hunc effectum alij explicant, quòd sit deletio reliquiarum peccati: non earum, quæ ex consuetudine peccandi solùm relinquuntur, dispositionum: sed etiam debilitatis cuiusdam, quæ ex peccatis præcedentibus semper manet in anima: quæ tunc maxime nocere posset, cum tanti instant conflictus ab infirmitate ipsa & hostibus. Alij alijs modis hoc explicant. Sed ex verbis Iacobi, & ex articulo ipso necessitatis in quo traditur (de quo postea dicemus) hanc animi confortationem proprium esse effectum, in

Primus & proprius effectus extreme vñctionis.

quem

quem hoc sacramentum est institutum, constat: qui etiam propriè significatur ipsis exterioribus signis. Primò, vnctione atque oleo quod (vt Theophilactus inquit in illum locum Marci) ad labores est vtile, & hilaritatis effectuum: ideoq; dei misericordiam significat. Oleo exultationis legimus in psalmis Christum præ ceteris vnctum. Quo significatur alios etiam illo vnctos esse. Vnde & lenitium maxime est in medicamentis, & penetratium, atque efficax, vt b. Thom. hoc loco inquit. Et propterea, cum maxime exhilarari oporteat hominem, & leniri difficultates in operanda salute nostræ medentes, & infirmitatem ipsam penitus roborari, in articulo scilicet mortis, adhibetur hoc sacramentum. Cui optimè quoque conuenit promissio illa ad gratiam Christi perti- nens, apud Esaïam factam: Erit in die illa, auferetur onus eius de humero tuo, & iugum eius de collo tuo, & computrescet iugum à facie olei. Quod, rogo, aliud iugum, quàm de quo in Ecclesiastico dictum est: Occupatio magna creata est, & graue iugum super omnes filios Adam à die exitus à matre eorum, vsque ad diem sepulture &c. Iugum hoc seruitus illa peccati est, de qua Paulus conqueritur: Ego ipse mente seruo legi Dei, carne autem legi peccati. Hæc debilitat animæ nostræ robur, & impotentem reddit animam ad resistendum aduersis. Hanc non dubitandum est abundantia gratiæ Christi in hoc sacramento superari. Quare persuadendum est infirmis, cum illud traditur, vt cõsiderent se tanquam athletas veros Christi ad vltimum certamen inunctos esse multo magis interius abundantia gratiæ illius, quàm exterius oleo illo: quare nihil sibi esse timendum à quauis contraria virtute. Vt etiam illud psalmi in hoc loco impleatur: A fructu frumenti, vini, & olei multiplicati sunt fideles: scilicet sacramenti eucharistiæ (quod semp hoc præcedere debet) & huius virtute. Nam ita in alio psalmo coniuncta sunt: Paraisti in conspectu meo mensam aduersus eos qui tribulant me: impinguaisti in oleo caput meum. Vnde in priori illo psalmi. mox sequitur: In pace in idipsum dormiam & requiescam: quod catholicus dicit, frumento & oleo confortatus. Hanc igitur Christi vnctionem magni, certè dignum est, vt faciamus, nec dubitemus ab eo qui nouit infirmitatem nostram institutam, tunc efficaciter & spiritualiter nobis ita conferri, vt qui fide integra eam susceperint, inuenturi sint, cum humana omnia deficiunt auxilia, præsentissimam Dei gratiam. Sic enim placuit

Esaïa 10.

Ecclesi. 40.

ad Rom. 7.

Quomodo
monedi sint
infirmi ad su-
scipiendum
extremam
vnctionem,
Psalm. 4.

DE EXTREMA

medico illi, qui ad nos infirmos venit, quique sanat omnes infirmitates nostras, oportune cuilibet articulo remedium adhibere, Vbi considerandum, quod qui nos in ingressu in mundum, aut in principio christianæ vitæ baptismo suscipit & generat, confirmatione roborat ad pugnandum in vita: extrema hac vnctione ad vltima illa & grauissima bella munit. Vt merito illud psalmi de his exponere possimus: quod certè de abundantia gratiæ Christi in ecclesia dictum est: Posuit fines tuos pacem. Fines, scilicet ingressum & egressum: vt pacifice ingrediamur & vitam, & ecclesiam, baptizamur & confirmamur: vt pacifice egrediamur, inungimur. Nam nec illud tacuit, quod in vita alimur: cum statim addit: Adipe frumenti satiati te. Hic igitur est proprius & primus effectus huius sacramenti: qui & intelligi potest in prioribus illis verbis Apostoli: Oratio fidei saluabit infirmum. Sed referunt etiam illud doctores ad effectum alium, quem verè astruunt hoc sacramento conferri: quod scilicet & corpori adferat sanitatem. Cum enim aut saluti infirmi, aut ecclesiæ id conuenientius est, non dubitant etiam hoc sacramento fieri vt sanetur: non quidem miraculose & subito, nunc, cum non est tempus miraculorum, sed Dei prouidentia, & virtute sacramenti, & alijs etiam medijs: quod multi se expertos fatentur.

2. Effectus.

3. Effectus.

Tertius denique effectus, non omittendus, apertius à Iacobo ponitur. Si in peccatis (inquit) est, remittentur ei. Vbi quia nec de mortalibus, nec de venialibus loquitur, sed in vniuersum de peccatis: merito reprehendendi sunt, qui ad venialia peccata hoc restringunt, quasi hic sit proprius effectus huius sacramenti, venialium remissio: sed verum sensum ex ipso Apostolo sumamus. Si in peccatis (inquit) est. Certè, conditionaliter hoc ponens, & vltimo loco post duo supradicta, satis ostendit ad remissionem peccati alia sacramenta ordinari, nec hoc esse proprium huius sacramenti. Nam (vt verbi gratia dicamus) de poenitentia non proprie diceretur, suscipiens poenitentiam, si habeat peccata, remittentur ei: nec enim suscipit poenitentiam si non habet peccata: sed hoc sacramentum suscipitur etiam remissis peccatis: sed tamen virtute gratiæ, quam non dubium est hoc sacramento conferri, remittitur si qua reliqua sunt, quæ vel per ignorantiam, vel per infirmitatem in alijs sacramentis remissa non sunt. Excitatur enim in ani-

ma maior deuotio ac charitas: atque ita & peccata remittuntur si qua sint, & ab omni infirmitate & reliquijs magis liberamur, quam per alia sacramenta. Hi itaque sunt tres huius sacramenti effectus, non ex coniecturis nostris, sed ex verbis ipsius Apostoli manifesti. Primus videlicet significatus his verbis: Oratio fidei saluabit infirmum: Salus scilicet corporis, vt dictum est. Hunc, quasi alijs manifestiorem, primò ponit. Secundus est roboratio infirmitatis animæ, & curatio debilitatis: Alleuiabit eum (inquit) dominus: qui illo spiritualior est: & ideo secundo loco ponitur. Tertius deniq; est peccatorum remissio quoad culpas, quoad penas, & quoad reliquias: Si in peccatis est: dimittentur ei. Omnes hi effectus primò optimè quidem figurantur in ipsis olei proprietatibus: deinde quanquam forma ipsa principaliter significet peccatorum remissionem, eamq; per modum deprecationis (quod ipsum est iuxta verbum ipsius Apostoli, qui de presbyteris ecclesie inquit: Orent super eum: & iterum: Oratio fidei saluabit infirmum) tamen in orationibus alijs, quæ in huius sacramenti exhibitionem multa pietate & grauitate antiquitatis plenè dicuntur, magno spiritu petuntur alijs effectus ad sanitatem corporis & robur animæ pertinentes. Itaque omnia illa, quæ iuxta cuiuslibet ecclesie ritum constituta sunt, omni cura sunt dicenda, nomine certè totius ecclesie, quæ per ministros suos ita orat: & credenda sunt maximè apud Deum efficacia esse.

LECTIO

DE EXTREMA VNCTIONE.
LECTIO SECVNDA.

Deministro, & suscipiente, & cæ-
teris ad hoc sacramentum
pertinentibus.

Minister ex-
tremæ vn-
ctionis est
sacerdos:



OST illa quæ proxima lectione dicta sunt,
restat vt primum de ministro proprio huius
sacramenti: deinde de eo cui tradendum est
dicamus: & ultimò de cæteris quæ ad hoc
sacramentum pertinent.

Minister igitur apertè ab Apostolo osten-
ditur esse sacerdos, quem nomen presbyteri,
vt ex Chryloto mo & Innocentio diximus, significat: quicquid
ecclesiæ aduersarij dicant. Et meritò quidem hoc sacramentum
nec episcopis reservatur, quod commune est omnibus fidelibus:
nec inferioris gradus ministris permittitur, cum in eo sit remissio
peccatorum. Vbi non est omittendum, quòd olim in ecclesia oleo
ab episcopis cōsecrato mittebantur omnes vt in suis infirmi-
tatibus, vt Innocent. supradicto loco, & Beda etiam in locum illū
Iacobi apertè dicunt, his vterque verbis. Quo ab episcopo con-
fecto (de oleo enim loquuntur) non solum sacerdotibus, sed om-
nibus etiam christianis vt licet in sua, aut suorum necessitate, in-
ungendo. Quod tamen non quasi sacramentum concessum fu-
isse omnibus, satis auct. ipsi ostendunt: sed ob deuotionem &
consolationem. Ceterum (vt Innocentius supradicto loco dicit)
non est ambigendum posse etiam ab episcopis administrari, cum
illis placuerit. Sed & ipsi sacerdotes satis in huius sacramenti ad-
ministratione ab episcopis pendent, cum præter hoc quod ab eis
ordinantur, etiam materiam suscipiant ab eis consecratam: quod
de necessitate huius sacramenti esse consensus ecclesiæ tenet. Ma-
teria enim consecrata (non simplici, quæ in baptismo sufficit, quā-
quam & hæc propter solennitatem consecratur) vtendum neces-
sario

Oleū neces-
sario debet
ab episcopo
esse conse-
cratum.

ario est. Consecratio verò quoties in materia sacramenti necessaria est, episcopis reservatur. Vbi non alia ratione opus est, quàm illud esse instituentis beneplacitum: cui attestatur consensus ecclesie, & certè in hoc valde consulit Deus Ecclesie ordini, dum ad ministros proximè sacramenta ministrantes, non nisi per Episcopos, qui supremi sunt, descendit diuinæ gratiæ operatio.

Quis verò capax sit huius sacramenti suscipiendi satis ostendit ipse Apostolus: Infirmatur (inquit) quis in vobis. Solis igitur in-
firmis tradendum est: quod in leuamen infirmitatis constat esse sacra-
mentum. Nec omnibus infirmis: sed his, de quorum periculo
timetur, quique iuxta humanam æstimationem morti appropin-
quare videntur: cum hoc sit vltimum ecclesie remedium, & ad
vltimas illas difficultates mortis, vt dictum est, ordinetur. Sic enim
in Concilio Florentino de hoc sacramento statutum est, vt non
nisi infirmo, de cuius morte timetur, dari debeat, quod habet con-
sensus ecclesie. Et satis verbis ipsis Apostoli innuitur, non nisi gra-
uatis infirmitate, & quibus alijs remedijs non speratur posse sub-
ueniri, & deniq; post alia remedia esse conferendum, tanquam vl-
timam ecclesie medicinam. Vbi quanquam nimia facilitas & fe-
stinatio in hoc sacramento conferendo, non sit probanda, multo
tamen magis fugiendam est oppositum extremum: vt scilicet cū
de periculo mortis timetur, non statim detur hoc sacramentum,
aut diutius etiam expectetur. Nam in multis videmus (nec id rarò)
propter dilationem vel non integrè potuisse conferri sacramentū,
vel alienatis omnino iam, & extra omnem sensum fuisse admini-
stratum. Vbi non est dubium multum fructus desperare infirmis.
Dandum quidem est omnino etiam alienatis, sicut & sacramen-
tum eucharistiæ, cum præcesserint signa fidei et deuotionis: sed nō
dubium est multo vtilius dari his qui sensu integro, fide, & deuo-
tione in Deum erecti intelligunt, consentiunt & cooperantur his
omnibus quæ fiunt. Igitur persuadendum esset sanis, hoc sacra-
mentum esse medicinam Christianis, atq; ideo desiderandum, &
amplectendum cum de morte rationabiliter timetur, non vero so-
lum cum desperatum est de vita. Quare nō debent sibi persuade-
re qui hoc sacramentū suscipiunt, sine spe vitæ se esse debere: ma-
gis verò credendum est, quod & ad viuendum, si Deo placuerit, &
citius conualescendum ab infirmitate prosit: vel certè ad tranquil-
litatem et quietius moriendum, si Deo hoc magis placuerit. Præcedere

DE EXTREMA VNCTIONE.

quidem debent alia (pœnitentiæ videlicet & eucharistiæ) sacramenta, & longè antea, cum non subitus incidit morbus, tradenda sunt infirmis. Multo enim in illis quàm in hoc minus expectandus aut periculosior morbus, aut timor mortis. Nam illa in quavis infirmitate etiam minori, sicut in quavis angustia & debilitate animi, vel corporis meritò sumenda essent: hoc verò nō nisi in periculo & timore mortis. Medicorum etiam in hac parte doctrina, de nunquam annunciando tristitia infirmis, attemperanda est fide & ecclesiæ doctrina, & cauendum maximè, ne hac ratione fraudent quenq̃ tantis diuinæ gratiæ donis. Nec dubitandum est peccare eos qui contraria agunt, quanquam nolimus durius de hoc peccato iudicare, inferius de eo non nihil addemus.

Quibus non
sit danda ex-
trema vnctio

De suscepturo igitur hoc sacramentum hæc etiam ex dictis ab Apostolo inferuntur: existentibus in periculo mortis, aut certis de ea aliter quàm ex infirmitate, extremam vnctionem non esse dandam. Ait enim Iacobus: Infirmitur quis &c. Rursum, nec pueris vsu rationis carētibz, aut perpetuò amentibus: cū peccata actualia non habeant, ob quæ maximè datur: Si in peccatis (inquit) est &c. Nec isti vlla egent corroboratione, cum nullum habeant bellum: nec denique spiritali deuotione aut tunc, aut antea erga ipsum sacramentum moti sunt.

Patet etiam ex his iterari posse hoc sacramentum. Nec enim effectus eius perpetuus est, aut indelebilem aliquem characterem aut potestatem tradit: sed tantum peccata remittit, & confortat animum. In eadem tamen infirmitate non esse repetendum censent doctores. Nec enim est dubitandum iniuriam fieri virtuti sacramēti, quod semel datum, vsque ad oportunum tempus sua virtute durare credendū est. In eadem (inquam) infirmitate, & in eodem infirmitatis statu. Cum enim non sit dandum, nisi cum de morte timetur: in acutioribus & velocioribus morbis timor ille mortis manet quousq; sanetur: quare non est iterum eis dandum sacramentum. Verum si aut plenè sanus, aut conualescens iam recideret, non negatur iterum dandum esse tunc sacramentum: est enim alia infirmitas. In diuturnis etiam morbis, quoniam non est dandum, nisi cū timetur periculum, si illud enaderet infirmus, etiam manente morbo diuturniore, vt hœtica, vel hydropisi (inquit b. Thomas) iterandum est sacramentum, cum infirmus iterum in periculum venerit. Quæ omnia tanquam probabilia & conso-

DE EXTREMA VNCTIONE. 262.

na æquitati meritò suscipienda sunt : maximè quòd hac ratione sacramentorum , atq; ita donorum gratiæ frequentius efficiantur participes fideles : nec est cur restringenda sint.

Vltimò de huius sacramenti necessitate illud considerandum, De necessitate extremæ
quòd cum sit (vt superius diximus) duplex necessitas : quædam tate extremæ
remedij, alia verò præcepti : necessitate nanque remedij baptis- vnctionis.
mus est necessarius, defectu cuius etià pueri non saluantur: de qua non est quòd nunc agamus, cū manifestum sit hoc sacramentum non ita esse necessarium. De necessitate igitur præcepti solum hic quæstio est. An videlicet omisio huius sacramenti sit peccatū & transgressio præcepti diuini ? In quæstione Magister quidem sententiarum hoc loco apertè dixit damnabile esse peccatum (quod certè mortale intelligit) hoc sacramentū ex contemptu, vel ex negligentia omittere. Itaq; apertè sentit præceptū esse ad mortale obligans de hoc sacramento suscipiendo ; quanq̃ hoc loco, & in expositione literæ b. Thom. & b. Bonauent. conformiter, imò eisdem verbis (vt putari possit ea in altero eorū apposita esse) dicunt, non esse hoc sacramentū necessariū, & disiunctiū illud dictum Magistri magis copulatiuè accipiendū esse, vt sola omisio ex contemptu vel negligentia procedens, aut in contemptū inducens credatur mortalis. Posset quis hoc cōfirmare verbis Innoc. loco superi⁹ citato, qui tantū asserit fideles oleo sancto perungi posse, non verò teneri. Et videbitur fortè sententia hæc rationabilior, eò quòd non facile ad peccatū mortale astringi debeant cōscientiæ, vbi nō est aperta aut ratio, aut authoritas: sed nobis reuera magis videtur sequendus esse Magister, & eius verba simpliciter accipiēda. Nā quæ à b. Tho. & Bonau. dicuntur, essent maioris authoritatis, nisi ab eis in iuuentute, et sub alijs magistris scripta essent, quando multa dicuntur magis ex cōmuni aliorū sensu. Nam si rectè perpēdamus, quanta res sit sacramentum quodlibet à Christo tanto consilio, & in tantum beneficium humanæ infirmitatis institutum : & specialiter hoc, quantis subueniat periculis, & in quanta necessitate diuinam adferat gratiam & auxilium : puto videbimus quàm rationabile sit, vt tanquam res grauissima sub peccati mortalis periculo præcipiatur, & denique quòd perniciosissima et æterna morte digna sit negligentia salutis propriæ, in non suscipiendo hoc sacramento in tanto periculo & discrimine. His accedit & consuetudo & consensus ecclesiæ. Admonentur .n. infirmi (ita agen-

Valde periculosum est negligere hoc sacramentū.

DE SACRAMENTO

dis ipsis multarum Ecclesiarum præcipientibus) vt petant sibi hoc sacramentum dari cum fuerit, quasi ad hoc proculdubio teneantur, vnde periculosum esset, si ipsorum voluntate eis hoc sacramentum non daretur. Itaque tutius putamus & maiestati sacramenti cōuenientius, credere quòd simpliciter sub peccati mortalis periculo sit suscipiendum. De qua re putamus admonendos omnes, & infirmos, & eorum curam agentes. In speciali verò cum per negligentiam contingit deesse sacramentum, iudicandum est qualis negligentia, qualis voluntas fuerit &c. nec temerè quicquā definiendum est: modò intelligatur hoc sacramentum quasi rem grauissimam habendum esse: atque ita eo vtendum, vt omisso eius non minimi fiat.

DE SACRAMEN- TO ORDINIS.

LECTIO PRIMA.

De origine ordinum Eccle-
siasticorum.



VINQVE, DE QVIBVS LO-
cuti sumus, sacramenta communia
sunt, & sua ratione necessaria fide-
libus omnibus. Restant iam duo vlti-
ma, nec omnibus Ecclesiæ membris
communia, nec ad salutem singulo-
rū, sed toti duntaxat Ecclesiæ & pro-
pagandæ, & gubernandæ necessaria:
Ordo scilicet & Matrimonium. De
quibus eodem ordine agendum est,
secun-

secundum videlicet eorum dignitatem. Nam ordo excellentior est matrimonio, cum sit ad spirituales propagationem, quæ per euangelium & sacramenta fit, institutus: & ita potestatem spirituales & planè diuinam confert hominibus. Matrimonium verò solum ad propagandam carnalem plebem, in qua, dum spiritualiter regeneratur, conseruetur perpetuò fides & religio christiana, institutum est: simulq; ad carnis infirmitatem excipiendâ & temperandam. Hæc enim duo manifestum est quàm sint ecclesiæ necessaria: carnalis videlicet propagatio (quæ tamen magis Iudaici est populi, necessaria interim ob communem moriendi conditionem, ut vsque ad finem mundi perseveret ecclesiæ, sicut à Christo promissum est) deinde spiritualis illa generatio (de qua Paulus inquit: Per euangelium ego vos genui) & populi regenerati in eadem gratia conseruatio & gubernatio. Iam igitur ad ordinem, primum videlicet horum & dignius, tractandum accedamus.

Sacramentum ordinis maximè hæretici & nostri temporis, & antiqui etiam nonnulli impugnant: & quanquam de præcipuis quæ ad illud pertinent, satis conueniat inter catholicos doctores, de quo tam à theologis, quàm in ipsis iuribus multa sunt tractata: non pauca tamen adhuc dubia sunt. Quare putamus in hac re opus esse multa & diligenti antiquitatis ecclesiæ cognitione, & fidei pietate atque modestia: ut scilicet intellectum captiuemus in obsequium fidei, & non temerè quicquam asseramus: sed quod certa autoritate & digna fide probari possit: quod pro capta nostro conabimur, sequenti ea quæ à Magistro sententiarum 24. & 25. distinctione quarti, & alijs nostris doctoribus dicta sunt: & similiter quæ à Gratiano aliquot prioribus distinctionibus decreti: A 23. vsque qui diligenter multa collegit ex antiquioribus patrum & pontificum decretis & doctrinis.

In primis igitur explicaturi quæ ad hoc sacramentum pertinent, quid ex scriptura & traditione vniuersali de ordinibus, numero eorum & diuersitate, functionibusq; & ministerijs singulorum colligatur, dicemus. Secundò de ratione atque modo, quo ordines isti traduntur: & demum ex his de ratione huius sacramenti, & partibus eius agemus. Iam ad primum accedamus. Circa diuersitatem & numerum ecclesiasticorum ordinum statuamus primò duo certissima fundamenta. Primum. Ex insti-

DE SACRAMENTO

Necessarij
sunt ecclesiæ
ministri.

2. Cor. 3.

Lib. 4. epist.
52.

1. ad Cor. 4.

tutione Christi, & naturali etiã ratione in ecclesia necessarios fuisse homines ministros sacramentorum, verborum, & donorum Christi; & medios inter nos & Deum. Quod multis & apertissimis rationibus atque autoritatibus facile est probare. Christum ipsum hoc instituisse, testis est Paulus, pluribus quidem locis: sufficit interim ille: Idoneos nos fecit ministros noui testamenti, non literæ, sed spiritus. Vbi de hoc ministerio & dignitate eius multa loquitur: comparans illud cum legis veteris ministerijs. Si ministratio (inquit) mortis in gloria fuit, quanto magis ministratio spiritus erit in gloria? Quàm verò hoc conueniens fuerit, ex his quæ beatus Augustinus in prologo de doctrina christiana loquitur; conuenientissimè probari potest. Hoc enim & ad dignitatem humanæ naturæ, atque ecclesiæ (quam Deus templum & sponsam suam vocat) non parum conducit: dum scilicet Deus tantam potestatem dat hominibus. Sed & ad mutuam vnitatem & charitatem conseruandam plurimum valet: dum alij ab alijs necesse habet diuina suscipere: & alij ea possunt præstare alijs. Quod beatus Gregorius de hac re loquens in epistola ad vniuersos episcopos Galliæ, pulcherrimè docet. Denique & ad humilitatem docendam & conseruandam: quæ tantoperè ad dona Dei consequenda necessaria est. Hoc enim efficacissimo medio vsus est Deus, vt homines subdat hominibus ad participanda dona diuina. Vnde (sicut Augustinus ibi inquit) Paulus ipse prostratus de cœlo ad Ananiam mittitur baptizandus: nec tantum prostratus, sed raptus etiam ad tertium cœlum, & ibi edoctus, ministerio tamen illius hominis & illuminatur corpore, & impletur spiritu sancto. Addit beatus Thomas duas alias huius rei rationes capite 74. quarti contra Gentiles: vt sicut sacramenta sensibilia quædam sunt signa, sed Dei virtutem continentia: atque à Christo homine quidem vero & manifesto: Deo etiam vero, sed abscondito instituta: ita per homines corporeos quidem & manifestos, hominibus, sed tamen occultè Dei virtute & potestate præditos, dispensantur. Vnde Paulus: Sic (inquit) nos existimet homo, vt ministros Christi, & dispensatores mysteriorum eius. Vbi vtrunque complexus est, comparisonem scilicet ministrorum ad ipsa sacramenta, & ad Christum. Iuxta hoc etiam secundum fundamentum nobis constituendum est: ex institutione videlicet Christi, cōsona etiam humanæ & naturali rationi, in hoc sacra-

sacramentorum & aliorum donorum gratiæ ministerio plures &
 ordinatos (conuenienti scilicet ratione per gradus & functiones
 distributos & adunatos) necessarios esse. Quod in multis locis
 Paulus etiam docet, vtens semper similitudine membrorum cor-
 poris: Ad Ephesios loquitur de Christo: Dedit (inquiens) quosdam
 Apostolos, alios prophetas, alios euangelistas, in consummationem
 corporis sui, & in opus ministerij &c. Quod ipsum latius
 prosequitur ad Corinthios, cum ecclesiam ordinat, & multo plu-
 ra dona diuersæ gratiæ recenset. Denique & ad Romanos vni-
 cuique suam esse tenendam mensuram docens, hoc confirmat:
 Sicut (inquiens) in vno corpore multa membra habemus &c. ita
 omnes vnum corpus sumus in Christo &c. habentes donationes
 differentes &c. Cuius etiam b. Thom. tres conuenientissimas ra-
 tiones d. 24. 4. hoc ipsum tractans, adduxit ex patribus & scriptu-
 ra. Relucet non parum diuina sapientia in hac diuersa quidem, sed
 vnitissima graduum & ordinum distinctione, ostenditurq; illius
 gloria, & considerantes in admirationem prouocantur, nō minus
 quā in pulchritudine totius vniuersi, quæ ex diuersis quidem, sed
 ordinatissimis perfectionibus creaturarum constat. De hoc enim
 dictum est in psalmo, vt August. legit: Deus in gradibus eius co-
 gnoscetur: ecclesiæ scilicet, quæ tanta graduum diuersitate ordinata
 est. Et in altero psalmo: Omnis gloria eius (scilicet ecclesiæ) ab in-
 tus in fimbrijs aureis, circumamicta varietatibus. Hoc itaque me-
 ritō in admirationem adducit considerantes multo magis, quā
 ordo familiæ Salomonis reginam illam Saba in stuporem addux-
 it. Sed & hoc humana infirmitas requirit, qua fit, vt vnus non
 possit multa implere & multis satisfacere: opus igitur est vt alij
 ab alijs sumant auxilia. Quare multitudo ista ordinata ministro-
 rum mirum in modum confirmat ecclesiam: vt meritō propter
 hoc de ea dictum sit: Terribilis vt castrorum acies ordinata. De-
 nique hac ratione diuinæ perfectiones & dona pluribus commu-
 nicantur, & excitantur plurimi ad perfectam sanctamq; emula-
 tionem, de qua Paulus dixit: Æmulamini charismata meliora:
 atque ita multi præparantur ad perfectionem, & paulatim per tot
 gradus ad meliora prouehuntur. Estq; in ecclesia latitudo
 maxima, de qua dictum illud etiam intelligi potest: quod tamen
 principaliter de cœlesti Hierusalem dictum est à Christo: In domo
 patris mei mansiones multe sunt, Hæc sunt nobis in hoc prin-
 cipio

ad Ephe 4.

1. Corint. 12

Roman. 12.

DE SACRAMENTO

capio constituta, vt certissima fundamenta, quibus innititur quicquid de ordinibus, tunctionibus, & ministerijs ecclesiasticis dicitur: vt ex his manifestum sit, hæreticos omnes qui ordinem ex ecclesia tollere conantur, non aliud agere, q̃ vt ex domo dei pulcherrima & fortissima, Babilonem efficiant confusiois & deformitatis. Sed iam ad specialia progrediamur. Sit ergo hæc prima assertio.

De tribus su-
premis ordi-
nibus eccle-
siasticis.

Ex ipsa scriptura sacra, & vniuersalis ecclesiæ consensu ab ipsis Apostolis vsq; ad nos, tres ordines, episcoporum scilicet, presbyterorū, & diaconorū semper fuisse, & necessarios esse in ecclesia, certissima fide tenendum est. Primum verò quod hic asserimus, ex scriptura sacra .i. horū ordinum institutionem haberi, probat electio duodecim Apostolorum primò facta à Christo, vt Matth. 10. & Marc. 3. & Luc. 6. cap. scribunt: & similiter septuaginta duorum designatio, vt Luc. 10. cap. testatur. His enim apertè ostenditur, Christum in suis discipulis diuersos instituisse ordines & gradus. Deinde illòs non tantum ad id temporis, quo superstites futuri erant in ecclesia qui tunc eligebantur: sed ad perpetuam ædificationem & cōseruationem ecclesiæ datos fuisse, ipsæ ecclesiæ perpetuitas à Christo promissa satis ostēdit, cum inquit: Vobiscum sum vsq; ad consummationem sæculi. Nec enim hoc illis in seipso promittebatur, sed in successoribus suis. Vnde & alibi ait: Quod autem vobis dico, omnibus dico. In Apostolis igitur ipsis & septuaginta duobus discipulis, non præsens tantum illa schola Christi, sed ecclesia tota ordinabatur & distinguebatur. Et duo isti primi gradus episcoporum & presbyterorum designabantur primi in ea futuri. Quod postea Apostolos ita explicasse & docuisse ostendit vniuersalis ecclesiæ per totum orbem ab ipsis Apostolis vsque ad nos consensus. Quod idem asserunt ipsi Apostolorum discipuli, vt statim probabitur. De diaconis verò textus ipse actuum Apostolorum apertè testatur, quòd fuerint ab Apostolis ordinati oratione & impositione manus. Vbi non est dubitandum, etiam si nusquam legatur, nec vnquā à Christo in carne præsentem hoc acceperint: Christi tamen hanc fuisse ordinationem, eos tunc per spiritum sanctum hoc docentis. Est hoc vnum ex illis, de quibus dicit: Multa habeo vobis dicere, sed non potestis portare modò: cum autem venerit spiritus veritatis, docebit vos omnem veritatem. Christi itaq; illa opera censenda sunt, & Christi ordinatio, quam spiritu suo per Apostolos operabatur. Fatemur

Matth. vlti.

Marci 13.

De diaconatu.

Actorum 6.

hæc

hæc omnia non aperte & efficaciter probare, hos ordines institutos fuisse, ut perpetuò in ecclesia permanerent: tamè in his adumbrari & figurari ea credimus, quæ postea aperte explicata sunt Apostolorum magisterio. Id quod iam ostendendum est omnium probatissimorum doctorum & pontificum ab ipsis Apostolis usque ad nos, & omnium etiam historiarum fide dignarum monumentis. Non quòd hic omnia sint adducenda: pauca enim quædam possunt sufficere ad astringendam fidem, & ad monendos studiosos & diligentes antiquitatis lectores. Est enim in omni antiquorum doctrina, & in omni historia tam aperta horum trium ordinum mentio, tam certa assertio, ut superuacaneum certè sit multa adducere. Primò Apostolorum discipuli aperte hos tres ordines se accepisse ab Apostolis sine vlla contradictione fatentur. Clemens priori Epistola, quæ est ad locobum fratrem Domini, presbyterorum & Episcoporum distinctionem aperte ponit à Petro se audivisse: & Episcopos quidem vicem Apostolorum, presbyteros reliquorum discipulorum tenere: quare ipsos proprijs Episcopis subditos esse & obediens debere. In secunda Epistola ad eundem, diaconum meminit inter eos quibus commissæ sint sacramenta: & in præcedenti epistola oculos illos episcopi nominat: quoniam circumlustrare (inquit) & perferuari debent actus totius Ecclesiæ. Anacletus etiam ipse discipulus Petri, & ab eo presbyter ordinatus, apertissimè horum trium graduum mentionem facit: Epistola quidem tertia, Sacerdotum (inquit) gradus bipartitus est: & sicut Dominus illum constituit, à nullo debet perturbari. Vbi statim adducta electione duodecim Apostolorum & septuaginta discipulorum, addit: Episcopi Apostolorum, presbyteri septuaginta discipulorum locum tenent. Et omnes ferè sequentes pontifices eadem testantur. Dionysius Areopagita 5. cap. Ecclesiasticæ hierarchiæ, horum trium ordinum mentionem facit, & distinctionem eorum ostendit. Ignatius in suis Epistolis frequentissimè etiam horum ordinum, & distinctionis eorum meminit. In Epistola quidem secunda ad Magnesianos, presbyteros Episcopis subditos esse debere docet, nihilque præter ipsorum auctoritatem facere. Et Epistola octava ad Antiochenes, diaconos salutat post presbyteros, ubi & reliquorum ordinum mentio est, ut postea dicitur. Sequentes quoque hos & proximi illis doctores, quorum extat memoria, aperte

De Episcoporum, sacerdotum et diaconorum distinctione.

Oculi Episcoporum.

DE SACRAMENTO

hoc docent. Origenes homilia 2. super Num. exponens verba illa: Homo secundum ordinem suum et signa incedat. ut ipse legit: trium horum graduum apertè meminit. Tertullianus similiter in li. de fuga, meminit horum trium ordinum. Deniq; concilium Nicænum c. 14. & Chalcedonense cap. 6. similiter referunt hos tres gradus, & eorum distinctionem. Postea etiam omnes clarissimi doctores & vera lumina ecclesiæ, latini & græci, manifestissimè eadem testantur. Et Hieronymus ipse, quanq̃ hac in re non nihil videatur à communi sensu deflexisse (de quo postea) tamen & trium horum ordinum tanquam certorum in Ecclesia manifestè meminit, scribens in locum illum Michæ 7: Nolite confidere in duce: Non (inquiens) in episcopo, non in presbytero, non in diacono confidendum: Non quòd his gradibus non debeatis esse subiecti: sed quòd aliud sit honorare, aliud spem habere. Augustin. frequentissimè huius distinctionis meminit, & se presbyterum ordinatum & Episcopum ipse testatur: & de his ordinibus quasi receptissimis in Ecclesia loquitur in libro de moribus Ecclesiæ catholicæ: Quàm (inquit) multos episcopos optimos viros sanctissimosq; cognoui, quàm multos presbyteros, quàm multos diaconos, & huiusmodi (inquit) diuinorum sacramentorum ministros. Ambrosius in locum illum ad Ephesios 4. Dedit in Ecclesia quidem quosdam Apostolos &c. Apostolos interpretatur Episcopos: Prophetas presbyteros: Euangelistas diaconos. Cyprianus in epistola ad Felicem presbyterum &c. lib. 1. epist. 4. de ordinatione Episcoporum, presbyterorum, & diaconorum ita meminit, ut dicat in horum omnium ordinationibus Apostolos obseruasse, ut coram omni ecclesia eligerentur & ordinarentur. Deniq; Damasus Hieronymo contemporaneus, in pontificali suo à Petro ipso incipiens, scribit quot singuli pōtiffices, episcopos, quot presbyteros, quot diaconos ordinarint. Cæterum Concilia illorum temporum multa, & apertissimè de hac re loquentia, non opus est referre: in sequenti propositione fiet eorum mentio.

Capite 32.

De quinque inferioribus ordinibus.

Secunda etiam sit nobis de cæteris quinque ordinibus propositio Subdiaconis scilicet, Acolithis, Lectoribus, Exorcistis, & Ostiariis. Hi ordines quanquam ex sacra scriptura non habeantur in ecclesia, nec de ipsis, aut eorum nominibus fiat in omnibus antiquis mentio, tamen sufficientibus testimonijs antiquitatis ostenditur manifestè, diuersos ordines ab Apostolis traditos esse, & certè

certè hos ipsos. Hanc propositionem non est opus multis probare: sed admonere tantum, vt de his diligenter consulatur antiquitas ecclesiæ: diligenter (inquit) & sobriè: ne minima quacumq; diuersitate offendamur. Certè in antiquorum scriptis ab Apostolis vsque ad nos est diuersorum ordinũ mentio: in quibusdam quidem vnius, in alijs alterius, in nonnullis plurium, in alijs omnium de quibus diximus, nonnunquã etiam fit mentio aliorũ ordinũ, aut horũ sub alijs nominibus. Sed si omnia bene cõferamus, reperiemus etiam hos quinq; ordines ab Apostolis vsq; ad nos semper fuisse in ecclesia. Nam (vt à vicinioribus temporibus incipiamus) constat quadringentis proximis annis & à pontificibus, & à doctõribus omnibus hos quinq; gradus conformiter seruatos esse in Ecclesia: cuius testes sint nobis Magister ipse sententiarum, qui distinctione 24. apertissimè & certissimè de his locutus est. Deinde Gratianus frater eius, Decreti compilator, qui distinct. 25. hos quinque cum reliquis tribus prioribus ex Isidoro posuit. Similiter Hugo de sancto Victore lib. 2. de sacramentis Christianæ fidei, tertia parte per totum, distinctissimè & hos quinque, & præcedentes tres recenset: Quos secuta est tota classis scholasticorum omnium. Et quanquam duo priores nonnihil videantur detrachere authoritati honum graduum: nam Magister d. 24. et Gratian. 21. in principio, dixerunt hos quinq; ordines sibi postea cõstituisse ecclesiam: tamẽ verba illa exponenda magis sunt quàm sequenda: vt ex sequentibus patebit. Hi verò doctores de his quasi rebus certissimis, nec recens inuentis, locuti sunt. Quare si ita ascendamus ad superiora tempora, à quibus in nos peruenit hæc doctrina, reperiemus doctores fide dignos de his etiam, tanquam de rebus sine vlla controuersia in ecclesia receptis, loquentes. Rabanus libro 1. de institut. clericorum ca. 4. Sunt autem (inquit) gradus ecclesiastici octo. Et statim eorũ nomina referens, & hos quinq; primò, & tres deinde præcedentes nominat: Ostiarios scilicet, Psalmistas siue Lectores (vbi vide eũ p. eodẽ accepisse hæc duo) et postea exorcistas, Acoluthos, Subdiaconos &c. de singulis istorũ sequentibus capitibus distinctissimè loquens, eorum officia & ordinationes describit. Similiter et Isidorus (quem Gratian. frequenter citat, præcipuè d. illa 25.) in epist. ad Ludifredum, 1. ca. illius dist. eorundẽ meminit, nisi quòd Psalmistã à Lectore distinguat, sic inquit: Ad Psalmistam pertinet officium canendi: scilicet dicere benedictio-

DE SACRAMENTO

nes, laudes, sacrificium, responsum, & quicquid pertinet ad penitentiam capiendi. Ad lectorem pertinet lectiones pronunciare, & ea quæ Prophetæ vaticinati sunt populis prædicare. Ambrosius etiam (si altiora consulamus tempora) in illum locum ad Ephesios. 4. Exorcistarum & Lectorum meminit: hos pastorum nomine intelligens, illos doctorum: quanquam aliorum mentionem non faciat: quia eo loco Apostolus tantum (ut superius vidimus) quinque gradus posuit, quos interpretatus est ita Ambrosius: vel potius tribuit gradibus, qui tum in Ecclesia erant. Antiquiores etiam pontifices & viciniore Apostolis aperte hoc testantur. Fabianus papa vigesimus secundus, multo ante Sylvestrum & Nicænum Concilium, in Epistola ad Fabianum Antiochenum Episcopum (ut est apud Eusebium libro 3. Ecclesiast. histor. capite 33.) distinctissimè refert contra Nouatum, quod in Ecclesia Catholica (de Romana loqui videtur) viderit ipse Presbyteros quadraginta & sex, Diaconos septem, Subdiaconos septem, Acoluthos quadraginta duos, Exorcistas & Lectores cum Ostiarijs, quinquaginta duos. Vbi vide distinctissimè positos hos omnes ordines. Nam prius dixit de Episcopo, quod vnus esse debeat. Cuius item pontifex vigesimus nonus à Petro (etiam ipse ante Concilium Nicænum) in Epistola ad Felicem Episcopum in fine, apertissimè referens primò, quod de Episcoporum, & Presbyterorum, Diaconorumque & sequentium clericorum ordinationibus sancti Apostoli & successores eorum, præcipuè Anacletus sufficienter statuerunt: addit tamen ipse, ut non nisi gradatim ad ordines in Ecclesia ascendatur: præcipiens, ut si quis Episcopus sit futurus, sit primò Ostiarius, deinde Lector, deinde Exorcista, deinde Acoluthus, demum Subdiaconus, deinde Diaconus, Presbyter, & tandem Episcopus. Vbi vide quàm aperte & sine vlla controuersia ordines isti computati sint. Quorum duorum pontificum maximi est facienda autoritas. Ex quibus patet, quàm sine contradictione hæc in Ecclesia fuerint seruata. Iam si antiquiores illos consulamus: Clemens Epist. 3. Subdiaconorum, & reliquorum clericorum meminit. Anacletus Epistola 3. similiter Subdiaconos, & reliquos ministros nominat. Ignatius Epist. illa octaua ad Antiochenes, post primos illos gradus meminit Subdiaconorum, Lectorum (sed his coniungit eantores) deinde Exorcistarum & Ostiariorum: solum Acoluthorum non meminit.

meminit sed post istos ponit etiam gradum laborantium. Dionysius quoque Areopagita cap. 3. Eccle. hierar. de eucharistia sacramento loquens, ministrorum (inquit) alij pro clausis foribus adstant, alij proprij aliquid muneris agunt: cum prius dixisset etiam, quod ministrorum officio sacrarum scripturarum lectio recitatur, & quod qui præcipui huius ordinis sunt, vnà cum sacerdotibus sacrum panem & calicem altaribus imponunt. Vbi quia tantum nomen ministrorum posuit, nonnulli putant solum diaconos tunc fuisse: sed hoc certe asseri non potest. Satis enim ibi ostendit plura esse ministrorum officia, & alios esse altioris ordinis alijs. Hæc de antiquorum testimonijs satis sit persuinxisse. Sed non sunt omittenda concilia, in quibus sunt simul plurium testimonia. Igitur Laodicenum concilium cap. 24. meminit Subdiaconorum, Lectorum, Cantorum, Exorcistarum, Ostiariorum. Itaque solum Acoluthorum in eo non fit mentio. Est verò hoc concilium Nicæno proximum, & temporibus Damasi papæ celebratum. Chalcedonense verò concilium, sicut & Nicænum, post presbyteros & diacones, etiam aliorum ordinum semper meminit. Carthaginense tertium cap. 8. de presbyteris & diaconis & episcopis, 19. de Lectoribus loquitur. Carthaginense quartum, cui interfuit Augustinus & subscriptis, distinctissimè de his omnibus octo ordinibus, & de eorum traditione à 1. cap. vsque ad 9. loquitur, & cap. 10. de psalmista post omnes supraddictos mentionem faciens: Sola (inquit) presbyteri iussione potest officium suscipere cantandi: ubi apertè ostendit non esse propriè ordinem, qui sacramento traditur. Similiter Toletanum primum in primis capitibus, de diacono, subdiacono, & lectore specialiter meminit, & de alijs clericis vniuersaliter. Sic concilium Toletanum quartum, & Braccarense primum. Atque ita in omni antiquitate ecclesiæ reperitur parua diuersitas circa ista. Inter cetera verò concilia Carthaginense illud quartum valde considerandum est, cui consonant pontificalia omnia ferè, & Romane, & aliarum ecclesiarum in traditione ordinum. Ex quibus omnibus colligamus, hos omnes ordines ex traditione Apostolorum esse in ecclesia. Id quod apertè patet ex autoritate Fabiani & Cai, qui ante hæc concilia de omnibus ordinibus his locuti sunt. Et hæc putamus esse fundamenta, quibus de sacramento ordinis dicturi inuiti debemus.

DE OFFICIIS LECTIO SECVNDA.

De singulorum ordinum officijs.



Functiones
episcopi quæ
sint.

IA M restat vt iuxta antiquam ipsam ecclesiæ consuetudinem (quam constat verâ esse traditionem Apostolorû) dicamus de actibus proprijs & officijs singulorum istorum ordinum: de quibus post antiquos illos patres, & ex eorum autoritate Isidorus in epistola illa superius citata, quam Gratianus citat dist. 25. cap: 1. & post illum Hugo de sancto Victore loco proxime citato, Magister sententiarum & Rabanus distinctè loquuntur: quæ breuiter proponenda sunt: deinde quâ autoritate probentur dicendum.

Igitur ad episcopum (inquit Hugo, omnia ad verbum ex Isidoro desumens) pertinet consecratio basilicarum, vnctio altaris, cōfectio chrismatism, manus impositio, communis populi benedictio: officia etiam, & ordines ecclesiasticos ipse distribuit, & sacras virgines benedicit. Quibus certè cuncta episcoporum officia complexus est: quæ non dubitandum est ab Apostolis tradita esse. Id enim ex clementis & Anacleti verbis, & ex concilijs antiquioribus apertè ostenditur: nec difficile est rationem & verum fundamentum ex ipsa Christi institutione agnoscere. Episcopos constat à Christo in Apostolis institutos, illisq; datam summam potestatem ecclesiasticâ in administratione ecclesiæ: & omnes deniq; alios gradus illis esse subditos. Igitur necesse est vt ad illos pertineat ordinatio aliorum omnium ministrorum, hoc est, vt illi potestatem cæteris conferant: quod constat Apostolos & fecisse, & commississe alijs vt facerent. Quod fecerint ipsi ordinationes, quæ de Petro & Iohanne Apostolis historijs prodita sunt, ostendunt. Destinauit Petrus episcopos in Hispaniam: & illi alios: quod ex eorum commissione eos fecisse verbum illud Pauli ad Tirû ostendit: Huius rei gratia reliqui te Cretæ, vt cōstituas per ciuitates presbyteros &c. Ratio etiam ostendit aliquem debere esse in ecclesiâ, qui hanc habeat potestatem: alioqui imperfecta esset ecclesiâ. Hic vero non

ro non potest esse alius quàm episcopus, qui summus est. Ex hac etiam potestate (vt scilicet omnes alij se subditos episcopo agnoscant) ecclesiæ quadam constitutione (quam etiam propter antiquitatem putamus ab Apostolis profectam) eis tributa est cõsecratio basilicarum, altaris vñctio, vasorũ etiam & vestium benedictio: sine quibus sacramentũ eucharistiæ non debet perfici: quorũ meminit Clemens in epist. 3. De cõsecratione chrismatis eadem est ratio, quæ de impositione manuum & sacramento cõfirmationis: quod, cùm de ipso ageremus, ad episcopos pertinere, ipsorum Apostolorum & totius antiquæ ecclesiæ autoritate probatũ est. Illud tantum his addendum est, vt munus episcopi in vniuersum habeatur, ad ipsos etiam pertinere primò omnium & præcipuè doctrinam ipsam & prædicationem: ad quæ ex verbo Christi: Euntes prædicate Euangelium, & docere omnes gentes. Quod nõ est dubium supremum esse omnium operum & ministeriorum ecclesiæ, Paulo apertè dicente. Misit me Christus euangelizare, non baptizare. Et ipso Christo domino ac Esaia propheta hoc ipsum asserentibus. Quia & alijs ciuitatibus oportet me euangelizare: ad hoc enim missus sum. Et Spiritus domini super me, ad euangelizandum mansuetis misit me. Itaque supremum hoc opus propriè supremi ordinis est, nisi ex eius commissione & ordinatione alijs conueniat, videlicet presbyteris, siue diaconis: & ideo illis imperfectè ac participatiuè tantum, quatenus scilicet ab episcopo acceperint & edocti fuerint. Hæc itaq; sunt propriæ functiones episcopi. Sed (vt Dionysij etiam inquit cap. 5. ecclesiast. hierar. & ratio ostendit) ille potest quod omnes alij inferiores ordines: de quibus iam dicendum est.

Ad presbyterum, qui proximum gradum post episcopū tenet, proprie spectat (vt supradicti doctores inquirunt) conficere corpus domini, & benedicere dei dona: & (si cuncta complecti volumus) omnium sacramentorū perfectio, duobus tantum illis, quæ diximus ad episcopum pertinere, exceptis. Ipse enim vt proprius minister baptizat solemniter, non diaconus, nec alius inferior, vt supra probatum est: ipse offert sacram eucharistiā: ipse sacramentum pœnitentiæ & absolutionis peccatorū impertitur: quæ duorū ordinatione præcipue ei cōmittuntur. Alterum, cūm dicitur: Accipe potestatem offerendi in ecclesia &c. Alterum, cum dicitur: Accipe spiritum sanctum, quorū remisisti peccata &c. Similiter ex-

Prædicandi
officiū tanq̃
maximum
proprie &
principaliter
ad episcopū
pertinet.

Luc. 4.
Ibidem &
Esa. 61.

Quod sit of-
ficiū sacer-
dotis.

DE OFFICIIS

trema vnctio (vt probatum est superius) ab illo administratur: & quod in matrimonio ecclesia facit (vt postea ostendemus) ab illo perficitur. Est igitur omnium sacramentorum (exceptis illis quæ ad episcopum pertinent, confirmatione scilicet & ordinatione) proprius minister. Quod verò ad doctrinā pertinet, illius quidem (vt ex dictis patet) est commissa sibi & tradita ab episcopo docere: quare solus episcopus est pastor & sponsus ecclesiæ: & ad eum simpliciter cura animarum pertinet. Ad alios verò partim & ex commissione eius: quod ex his quæ à principio huius tractatus diximus, satis ostensum est. Ex his igitur quæ de episcopis & presbyteris dicta sunt consentanea & ipsi scripturæ, & patrum auctoritati cerò sequitur, & certa fide tenendum est, ordinem episcopalem ab ordine presbyteri distingui, idq; ex ipsa Christi institutione, & traditione Apostolica: ita videlicet, vt potestatem quandam spiritualem (quæ non nisi consecratione traditur) habeat episcopus, quam nullo modo sacerdos habet: confirmandi scilicet & ordinandi: atq; ideo gubernandi totam ecclesiam. Et non minus verè ac propriè ordinem esse episcopatum, quàm presbyteratum, hæc ipsa ratio ostendit. Vnde Augustinus inter damnatas hæreses (vt superius vidimus) hanc dicit esse Aetij, quòd non distinguitur episcopus à presbytero: quam Epiphanius etiam lib. 3. contra octoginta hæreses refert septuagesimam quintam, & confutat hac maximè ratione de sacramento ordinis: Episcopi (inquiēs) patres generant, sacerdotes filios tantum in baptismo. Vnde quod ex Hieronymo citatur in epistolam ad Titum: Olim idem erat episcopus qui & sacerdos: quod latius etiam probat in epist. ad Euangrium ex Pauli, Petri, & Iohannis testimonijs, solum intelligendū est (si Hieronymum pie legamus) de nominibus, non verò de officijs ipsis & auctoritate. Erat quidem promiscuum nomen, vt indifferenter vtroque nomine omnes appellarentur episcopi & sacerdotes: hoc diintaxat probant Pauli verba, qui Ephesijs presbyteris loquens, Attendite (inquit) vobis & vniuerso gregi, in quo vos posuit spiritus sanctus episcopos. Nec enim (vt Hierony. inquit) vnius ecclesiæ plures erant episcopi. Idem probant, quæ ad Philippen. dicit: Cum episcopis (inquit) & diaconibus &c. (salutat enim & ecclesiam & ministros) Et ea adhuc efficacius quæ Tito scribēs loquitur: Reliqui te Crete, vt cōstitueres per ciuitates presbyteros, sicut ego disposui tibi: si quis sine crimine est &c: & post

Ordo episcoporum ab ordine sacerdotum est diuersus.

Philip. 1.

ad Titum 1.

paucā

pauci: Oportet (inquit) episcopum sine crimine esse. Quo aperte ostendit, quos primò presbyteros dixerat, episcopos esse. Itaq; non erant nomina distincta, quanquam res ipsæ longè distinctæ essent. Quod Theophy. in illum locum ad Philippen. aperte dicit, Episcopos etiam diaconos vocari asserens, vbi Paulus Timotheo loquens ait: Ministerium tuum imple: vbi ille legit, ministerium & diaconium tuum. Idem etiam Beda in locum Lucæ, vbi de designatione 70. discipulorum fit mentio, aperte asserit: & omnium antiquorum doctrina (quam citauimus) testatur in electione duodecim Apostolorum, & septuaginta discipulorum designatam esse hanc distinctionem minorum sacerdotum ab episcopis: quanquam nomina fuerint communia. Quam doctrinam postea b. Thom. in 2. 2. de hac re disputans, secutus est. Igitur de duobus his gradibus & officijs hæc sunt satis.

2. Timot. 4.

Lucæ 10.

q. 184. art. 6
ad primum.

Nec tamen omittendum est (quod hoc loco ab omnibus attingitur) in ordine episcoporum diuersos esse gradus dignitatis, magis reuera iurisdictione, quàm ordine distinctos, eosq; ex ipsorum Apostolorum traditione profectos, sicut Clemens & Anacle. locis suprà citatis, & illis proximi pontifices in suis Epistolis manifestè testantur. Sunt igitur primò quidam episcopi, quos in omni frequentiori ciuitate constitui apostolos præcepisse, prædictorum patrum testimonio constat. Sunt supra hos Archiepiscopi siue metropolitani: quanquam apud nonnullos etiam hi sint duop. Metropolitani: quatuor gradus: sed vtrunq; sit, archiepiscopi siue metropolitani superiores sunt omnibus episcopis prouinciæ. Supra hos sunt Primates. Et his etiam Patriarchæ vniuersaliores sunt ac altiores: sicut olim fuerunt Ierosolymitanus & Alexandrinus. In quibus omnibus non est dubium multas fuisse mutationes, & fieri posse in posterum: semper tamen ad unitatem fidei seruandâ, & pacem atq; charitatem inter fideles tenendam necesse fuit, vt omnes vnius prouinciæ episcopi sub vno essent, & in vno concilio sub illo conuenirent, sicut in multis concilijs Africanis patet, & in alijs, vt Toletanis & Braccarensis. Ex quo rursus illud manifestè sequitur, quod ad seruandam eandem pacis & fidei unitatem in tota ecclesia oporteat vnum summum esse, cui omnes eadem ratione subditi sint, testantibus hoc antiquissimis omnibus patribus, & grauissimis Concilijs, & ipsa aded apertissima ratione adducta iam de alijs archiepiscopis &

Vnū est caput ecclesiæ.

Y y prima-

primatibus. Negant hoc hodie pertinacissimè hæretici Domnes, nec est nunc latius contra eos disputandum. Hoc tantum uoluimus omittere, quod proprium erat huius loci. Adducit huius conuenientissimas rationes b. Thomas differens de diuersis gradibus Episcopatus cap. 76 quarti contra gentiles illud certissimum est, quatuor ipsa Concilia omnium grauissima (quæ & quatuor Euangelij libros tota Ecclesia recepit) hand authoritatem Romanæ sedis apertè confiteri: Nicænum uidelicet; Constantinopolitanum, Ephesinum, & Chalcedonense: & illorum temporum sanctissimos patres, Athanasium, Cyrillum, Hieronymum, Ambrosium, Augustinum, & ceteros. Ex quibus Ambrosi. (vt hoc verbum non omittamus) tractans locum illum Pauli in expositione Epistolæ ad Timot. Hæc tibi scribo, fili Timothee, sperans me citò ad te venire & c. vt scias quomodo te oporteat in domo Dei conuersari. Vna est (inquit) domus Dei; ecclesia: cui hodie præsidet Damasus. Quod quàm sit verum & necessarium, certè, si nihil aliud, ipsa experientia & conatus hæreticorum satis ostendunt. Quid enim aliud sit hoc schismate, quàm vt nulla relinquatur ratio, quæ vna tandem sit fides Germanorum, Hispanorum, & reliquarum nationum Christianarum? remoto (inquam) vno iudicio, & vno supremo, qui posset omnes conuocare. Sed de his satis.

2. Timot. 3.

De chorepiscopis.

Illud etiam non est omittendum, quòd olim fuerint chorepiscopi, de quibus fit mentio etiam in ipso Nicæno concilio: sed hunc non fuisse alium ordinem vel gradum in ecclesia quàm presbyteratus, efflicacissimis probat rationibus Damasus epi. 4. ex qua apparet hos fuisse in adiutorium episcoporum, quibus illi nonnulla committebant. Nam ita in antiquis historiis legimus Petrum habuisse Linum & Cletum Romanos. Quia verò successu temporis hi præsumebant alia quæ supra suum ordinem, & episcopi eis utebantur ad oculum, reiecit illos ex ecclesia Damasus: quod iam obtinuit: quareque successerint eis titulares episcopi (quos suffraganeos & vicarios in spiritualibus vocant nostri episcopi) quos multi putant etiam auferendos esse, eò quod rationes ipsæ, quas adducit Damasus, probent omnia per proprios episcopos esse agenda, quòd tamè hodie magis desiderari quàm sperari potest. Apud quæ etià latius quàm alibi apud antiquos legemur, habes omnia episcoporum officia, & quæ ordinis sunt; & quæ iurisdictionis: habes etiam confirmationem superioris doctrinæ de distinctione episcoporum à presbyteris.

Titulares Episcopi.

Cate-

Ceterorum vero ordinum officia non possunt aliunde melius discerni quam ex ipsis nominibus. De diaconatus quidem ordine non nihil est in scriptura, ut diximus: sed de alijs nihil. Igitur ad diaconum (inquiunt Magister sententiarum & Hugo atque Rabanus: eisdem verbis ex Ildoro sumptis) pertinet, assidere sacerdotibus; & ministrare in omnibus quæ aguntur in sacramentis Christi, scilicet in Baptismo, in Chrismate, in patena & calice; & consequenter specialius idem explicantes) oblationes (inquiunt) inferre & disponere in altari, componere mensam Domini; prædicare euangelium (id est, publicè cantare in ecclesia) quæ omnia nomen ipsum diaconi (id est, ministri) propriè significat. Quarto merito in concilio Carthaginensi 4. dicitur, quod diaconus ad ministerium ordinatur. Nullius igitur Sacramenti perfectio ad ipsum pertinet: sed tantum in perfectione omnium Sacramentorum assidere presbyteris & Episcopis. Olim tamen dispensatio sanguinis ab illis fiebat; & ipsius corporis Christi distributio, absentibus Episcopis & presbyteris, vel eorum commissione: cuius meminit Concilium Nicænum. Itaque nihil dici potest rectius de diaconis, quàm quod sint ministri episcoporum et presbyterorum. Unde euangelij prædicatio aut pronuntiatio in ecclesia (ut magis credendū est) postea est illis commissa, ut ostenderetur quàm sint propinqui sacerdoti celebranti. Nam & ipsa lectio euangelij post prima principia Ecclesiæ introducta est. Ceterum (quod superius diximus, cum de baptismo ageretur) nec baptismi ipse est minister: sed tantum habet sacerdoti assidere. Alia etiam illi tribuuntur, ut recitatio catechumenorum, annunciatio populo quando genua flectenda sunt, vel quando standum ad orationem. Non tamè omittendum, quod hæc ab aduersariis impugnantur auctoritate ipsa actuum Apostolorum: ex qua (inquiunt) patet, quod tantum ut ministrarent mensis diaconi constituti sunt. Ex quo aiunt postea ad eos elemosynarum distributionem, quæ ab Ecclesia fiebat pertinuisse: sicut de sancto Laurentio legimus; quod thesauros Ecclesiæ dedit pauperibus. Itaque nihil aliorum ministeriorum ad diaconos pertinentium agnoscere volunt. Sed his respondemus primò omnium antiquorum sententiam habere quod diximus, cum & Clemens & Anacletus ab Apostolis se habuisse testentur, quod debeant diaconi celebrantibus episcopis assistere, & oculi eorum esse: ut supra diximus. Ex

quo Beda in locum illum actum Apostolorum citatum, aperte dicit, ex eo in omni ecclesia sumptum esse, ut diaconi assistant altari. Secundò etiam possumus meritò dicere, quòd, cum in primitiua illa Ierosolimitana ecclesia quotidie etiam communicarent sanctissimo corpori & sanguini Christi omnes fideles: hoc etiam ad mensam pertineat, & eius cura diaconis illis commissa sit. Nec enim parui laboris aut temporis esse poterat, cum quinque aut multo pluribus milibus diuidendum erat sacramentum altaris. Neque tamen idè negamus temporalium administrationem illis commissam, & propriam certè esse eorum, ut Episcopi omnino spiritualibus vacent. Verùm ad hoc munus iniungendum impositione manuum & sacramento ordinis vsi sunt Apostoli, ut lectio ipsa actum Apostolorum ostendit: vnde etiam sumpta est ab omnibus patribus ordinatio diaconorum.

Hi igitur sunt tres ordines, quorum mentio fit in scriptura, quos meritò dixerunt doctores ex lege veteri desumptos esse: quòd in ea quedam umbra illorum processerit. Erant ibi inferiores sacerdotes filij Aaron: erat & summus sacerdos. Ad primos pertinebant quotidiana sacrificia: ad summum sacerdotem ingressus ille ad sancta sanctorum. Post hos duos ordines Leuitæ cæteri erant, ministrantes in omnibus. Quibus nunc succedunt Episcopi, presbyteri, & diaconi: Vnde & diaconi Leuitæ dicuntur. Et meritò id quidem. Nec enim in lege noua debet minor splendor esse aut minor frequentia ministrorum, quàm olim in veteri.

Officiũ sub- Sequuntur nunc ordines, qui non ex scriptura sacra, sed ex traditione vniuersalis Ecclesiæ cogniti & accepti sunt. Sunt autem primò subdiaconi. Horum munus est proximos esse diaconis, & illis, sicut ipsi superioribus, ministrare. Propterea (inquiunt Magister & cæteri) ad eos pertinet, calicem & patenam ad altare deferre, & diaconibus tradere: imò & consecranda ipsa, panem & vinum ad altare deferre: ministrare quoque presbyteris & diaconibus ad ablutionem manuum ante altare, quod in eorum ordinatione ipsis imponitur. De lectione verò Epistolæ (quam vocant) idem putamus, quod de lectione Euangelij supradiximus: commissa eis creditur ab Ecclesia post priora illa principia, ut hic gradus proximus ostendatur diaconibus.

Acoluthorũ officium. Sequuntur Acoluthi (quorum nomen propriè pedissequum significat, & illum qui comitatur, aut sequitur alterum) illis committi-

mittitur & luminaria accendere, atque preparare in sacratio, portare cereum, & vireolum cum vino & aqua subdiacono ministrare: idq; in ipsorum ordinatione eis dicitur. Nam quod nonnulli Acoluthum ceroferarium interpretantur, faciunt, non nomen, sed potius rem ipsam & ministerij opus considerantes. Igitur hi omnes (quos post presbyteros nominauimus) cooperatur circa ipsius sacramenti altaris celebrationem, secundum tres gradus, ut declaratum est. Qui vero sequuntur, magis ministrant circa populum ipsum preparandum ad sacramentum.

Exorcistæ enim sunt, quorum officium est manus super energumenos siue à demone vexatos imponere; & ipsos quodammodo in ecclesia in ordine continere: qui etiam (ut Ambrosius superius dixit) in illos habent potestatem, ut ipsos à reliquo populo separent: nec enim interim ad communionem admittebantur.

Officiū exorcistæ.

Sequuntur lectores, quorum proprium est prophetarum lectiones legere, sicut in ipsa ordinatione eis imponitur, & Ambrosius ipse docuit. Addunt alij, ad eos pertinere instructionem catechumenorum: sed utcumque sit, lectio illa scripturæ præparatio est populi.

Officiū lectoris.

Ostiarij demum ultimi sunt, quorum est præesse ostijs ecclesiarum, & ea custodire: quod eis ordinatione iniungitur.

Officiū ostiarij.

Porro omnia de his omnibus inferioribus ordinibus dicta, ex sola traditione habemus, sicut & ipsos ordines: de quibus omnibus maxima est autoritas illa

concilij Carthaginensis, de singulis

distinctè etiam loquentis: de

quo plura inferius.

Yyy 3

LECTIO

DE NECESSITATE
LECTIO TERTIA.

De necessitate horum ordinum.



Vita contra ista oblatrant hæretici: & Lutherus quidem à principio omne sacerdotium externum negauit: ex quo consequens est, vt omnes reliqui ordines negentur. Contra quæ beatus martyr Rossensis tribus libris, aut congressibus (vt ille vocat) antiquorum om-

nium græcorum & latinorum testimonijs sacerdotium defendit. Et hoc quidem fecit Lutherus cum suo VVicleph, & antiquioribus etiam hæreticis, quorum meminit Tertullianus in lib. de monogamia. Posteriores verò, et si ex parte videantur confiteri sacerdotium: confundunt tamen presbyteri & episcopi ordines & omnes reliquos negant. Et cum negare non possint olim eos fuisse, in ecclesia: calumniantur vel quod sola inania nomina habeamus illorum, vel certe quod si quæ officia & actus ordinum restant, longè tamen diuersa sint à proprijs eorum actibus atque officijs, quæ antiqua ecclesia cognouit. Quibus (quantum necesse est ad instructionem catholicorum) respondere hoc loco visum est.

Responde-
tur calūnijs
hæreticorum
contra ordi-
nes,

De ordine igitur presbyterij quod dicunt, olim videlicet in ecclesia non ad sacrificandum, sed ad verbum & sacramenta administranda institutum fuisse: non est opus pluribus referre. Satis probatum est & hoc loco, & superius de sacramento eucharistiæ, datam hanc potestatem Apostolis in cœna à Christo dicente: Hoc facite in meam commemorationem: & nunc dan, cum ordinantur, sacerdotibus. Nam præter Hugonem de sancto Victore, Magistrum, Rabanum, & Hidorum: etiam antiquorum (qui ab ipsis Apostolis doctrinam & potestatem acceperunt) scripta quæ citauimus, hoc manifestè ostendunt. Quod etiam libenter presbyterum ab episcopo non distingui recipiunt, atque ideo collationem sacramenti ordinis ipsis etiam sacerdotibus tribuunt (quanquam, vt Calvinus inquit, quia præcipuus est episcopos,

scopus, ipsi præcipue tribuatur) satis superius confutatum est: pugnatq; cum omnium antiquorum consensu. Nam præter illa quæ superius citauimus, ipse etiam Hieronymus in epistola ad Euagrium (vbi maxime contendit eundem esse presbyterum & episcopum) ordinationem soli episcopo attribuit. Quod idem Ambrosius satis in locum illum 1. ad Timotheum 3. vbi Paulus post episcopi qualitates de diacono locutus est, asserit, ad minus de episcopi ordinatione: quod scilicet diaconus non nisi ab episcopo ordinari possit.

De diaconorum ordine quod calumniantur, superius reiecimus: quod scilicet tantum ad ministeria mensa ordinati fuerint, atque ita ad temporalium administrationem: verum est enim non fuisse apertam mentionem factam alterius ministerij in prima illorum ordinatione; sed fuit certissima traditio Apostolorum de ministerio circa sacramenta omnia ab eis exhibendo, vt probatum est.

Omnes verò alios ordines apertius reprehendunt. Primò quidem quiddam aiunt. adus omnes illos, quorū potestas in illis ordinibus datur, falsim in ecclesia fieri à non ordinatis, imò à sordidis potius & ineptis etiā puerulis: vrceli. n. cū vino & aqua à quouis porriguntur celebrant; & ita de ceteris ministerijs: quo certe fit (inquiunt) vt aut ecclesia nullis sacrilege permittat illa fieri à non ordinatis, aut ordines illi iurthane inuentiones sint. Si enim diuina illa sunt instituta: non est fas contra traditionem apostolicā quicquam illorū ab alio agi in ecclesia: quod si licite sunt, frustra sunt ipsi ordines. Hinc etiā secundo inferūt, quod nō sint officia illorū sacra, & talia quæ requirant sacramentum, cuius virtute & potestate & auxiliū ea recte perficiendi tradatur. Hæc sunt in summa, quæ contra hos ordines & ecclesiam catholicā calumniantur. Quibus non est aliter respondendum, quā vt primò his eorū calumniæ antiquitatem & consensum totius ecclesiæ in his ordinibus tradendis & custodiendis opponamus. Hic enim præferendus est meritis sensibus nostris. Quare etiam si nos quæ respondere possumus, aut non sufficiant, aut non satisfaciant ipsis aut alijs, non tñ propterea minus tenenda sunt & seruanda, quæ tota per orbem terrarū sequuntur ecclesia: de quibus disputat, & Augustinus dixit in solentissimæ insanix ellex. Quo præsupposito (& iudicio ecclesiæ ac doctiorum sensum nostris, & omnia nostra subiicientes), sequentia

Calumniæ
hereticorum
contra infe-
riores ordi-
nes.

quentia proponimus consideranda, ex quibus calumniæ hæc refelli possint.

Primum igitur considerandum est, ministeria omnia ecclesiastica (sicut & scripturam ipsam) non pensanda esse sensu nostro, qui vel carnales, vel infirmi sumus: sed sanctissimorum illorum patrum, Apostolorum videlicet & Apostolicorum hominum iudicio. Illi verò tanti fecerunt vel vicinum ministerium siue actum in ecclesia (quæ est domus Dei) ut putauerint, imò à Christo spiritu sancto edocti fuerint, ad aperiendas fores ecclesiæ, & fideliter, atque sanctè custodiendas, speciali sanctificatione atque gratiæ diuinæ auxilio opus esse. Similiter etiam ad deferendos vireos ipsos ad altare: & ita de reliquis. Quare non est mirandum, quòd ad tam parua officia consecrauerint homines. Et nostra profectò irreuerentia maximè ex hoc arguenda est. Nam (ut Magister ipse sententiarum & Hugo atque alij inquirunt) omnium ordinum, etiam minorum istorum actus & officia Christus ipse vel in synagoga Iudeorum, vel inter mysteria gratiæ exercuit & dedicauit. Lectoris quidem, cum aperuit librum Isaïæ & legit. Exorcistæ, cum imposuit manus dæmoniacis. Offitij, cum tuniculo facto eiecit eementes & vendentes de templo: & sic de alijs. Quanti igitur hæc facienda sunt spiritu Christi inuenta, & in eo atque ab eo dedicata? Secundum quòd considerandum existimamus, est, quòd in his minoribus ordinibus non tantum expletionem omnium actuum necessariorum in ecclesia intenderunt patres: sed etiam exercitium & probationem: atque ita perfectionem eorum qui ascensuri erant ad superiora illa & plenè diuina officia, consecrandi videlicet & tractandi sacramenta: ne illi quasi noui & imperiti quidam homines ad tam alta ascenderent: sed prius minoribus illis humiliarentur. Nam de beato Hilario in vita sancti Martini legimus, quòd illi obtulerit exorcistæ gradum, in quo locus quidam iniuriæ videbatur, cogitans, quòd propter humilitatem diaconij gradum recusaret. Humiliabantur itaque, atque ita probabantur longo tempore, antequam ad superiores illos gradus ascenderent. Summè enim reprehensum fuit in omni illa antiquitate ecclesiæ, quòd inexplorati admitterentur: ut Siricius in epistola ad Himerium capitulo octauo & nono satis ostendit, & Zosimus ad Slichium Salonitanum episcopum, ex similitudine militiæ prophane adducta: & multi alij pontifices illorum temporum

rum clamant. Igitur iuxta hoc, etiam si non admodum actus illi consecrationem requirerent: requiri tamen hoc humana infirmitas, quæ non nisi multo tempore & multis consecrationibus ac exercitijs apta esse potest ad tam diuina mysteria. Ex his consideretur etiam tertium, quod certè expedire videtur, vt in Ecclesia actus isti à deputatis ministris fiant, & retineatur antiquitas illa. Verùm aduertendum interim est, quosdam istorum actus olim fuisse necessarios in Ecclesia, qui iam vel non sunt necessarij, vel sanè non tantopere. Quare videntur ad gubernationem Ecclesiæ pertinere. Tales in primis sunt ostiarij, qui Ecclesiæ olim constitutæ inter ethnics, & intra se etiam diuersos gradus, catechumenorum videlicet & pœnitentium habenti valde necessarij erant. Summa nanque fidelitate atque diligentia custodiendæ erant fores Ecclesiæ, ne indignis paterent sacra. Similiter & Exorcistæ tum necessarij erant, quando turmæ vexatorum à dæmonijs adducebantur ad Ecclesiam, & manebant in ea: & illi imponebant manus ac continebant ne in Ecclesia tumultus excitarentur, aut impedimenta præstarentur officijs diuinis. Cùm igitur iam alius sit ordo in Ecclesia, neque inter ethnics versetur: officia illa non tam necessaria videntur. Alia autem nunc sunt non minus quàm tunc necessaria: sicut Lectorum, & eorum qui consecranda vel deferunt ad altare, vel ibi ordinant aut parant, aut luminaria accendunt. Vnde hæc omnia etiam nunc aguntur in Ecclesia. Iam his ita distinctis, primò non videtur improbabile, quòd Ecclesia posset in aliquo vniuersali concilio ordines illos, qui iam non videntur necessarij (ostiariorum & exorcistarum) dimittere: si ita conuenire videretur. Et certè non parum cogitandum est, ne nomen aliquod inane habeat ecclesia: multo magis ne ordinem & sacramentum inaniter alicui conferat. Quare videtur satius esse dimitti, quàm sine aliquo actu manere. Hanc conditionalem nunc probabiliter proponimus, reliquentes omnia ecclesiæ sensui. De alijs verò (quorum actus adhuc permanent in ecclesia) desiderandum esset, vt non permitterentur actus illi fieri nisi ab ordinatis. Nam statuit antiqui concilij decretum, ne in ecclesia aliqui legant, qui non ordinati sunt in lectores: & ita de cæteris. Quòd si non in omnibus ecclesiis fieri possit, saltem in maioribus & frequentioribus ac collegiatis valde conducere hoc fieri & ad conseruandam ordinum veritatem, & propter reliquas

DE NECESSITATE ORDINVM.

utilitates, ob quas diximus in antiqua Ecclesia esse hoc seruatum. Si enim hæc ita fierent: vt scilicet in Ecclesijs frequentioribus omnes actus ordinum fierent ab ordinatis, in minoribus verò alijs Ecclesijs (vbi non potest esse tanta ministrorum frequentia) permitterentur alijs: tunc reipsa, & non nudis verbis distinctio illa ostenderetur, quòd scilicet, sicut baptismus solenniter à solis sacerdotibus datur, qui sunt proprii ministri: & tamen ab alijs in causa necessitatis sine solennitate verè & rectè perficitur: ita & hi actus ordinum istorum inferiorum nonnunquam fiunt solenniter, & tunc non nisi per proprios ministros: aliquando verò non solenniter, & tunc fiunt etiam per non ordinatos, exigente aliqua necessitate: quod etiam conforme est antiquitati ecclesiæ. Extat præterea antiqui concilij decretum, vt presbyter ordinatus in ecclesia aliqua, vnum ad minus secum clericum habeat. Itaque putamus de his in Concilio generali meritò cogitandum esse. Et quanquam non improbabile diximus, posse omitti aliquos horum ordinum, ne ociosi maneant: tamen eidem iudicio & censuræ Ecclesiæ submissi, credimus multo esse conuenientius, vt nullis omittatur, qui tanta antiquitate traditus est: sed potius diligenter statuatur, vt & ostiarij, & exorcistæ munera sua obeant in ecclesia. Nec enim deessent multa, quæ utiliter & grauiter per hæc officia fieri possent: sed hoc vehementer cupimus, vt irrisioni subtrahantur hæreticorum, & adeò non sint in Ecclesia vani: quamquam dicere aliquis fortè posset, melius esse, vt etiam sic dentur in Ecclesia, & permaneant, quam vt auferantur. Ita enim & admonemur quid fieri deberet, & manent antiquitatis vestigia in Ecclesia: quod non parum expedit. Cui sententiæ nolumus contradicere: sed id tantum addimus, satius fore vt integra & operosa, non ociosa permaneant. Nam retinere aliquid, nò est nomen tantum sonare: sed agnoscere & custodire rem ipsam nominis.

LECTIO

LECTIO QVARTA.

Deratione & modo sacramenti
Ordinis.

Vt suprà dicta sunt, præmissimus quasi necessaria vt agnosci possit, quid de sacramento ordinis sentiendum sit. Non enim solum vera fides tenet, esse in Ecclesia ordines diuersos & gradus, vt dictum est: sed etiam ipsos sacramento tradi, quod vocatur ordinis sacramentum: non minimum inter sacramenta reliqua, sed post sacramentum eucharistiae (ad quod omnia alia ordinantur, vt diximus) merito maximū, ceterisq; adeo omnibus superius, quippe quod ad illa omnia tradenda & perficienda est institutum. Deratione igitur huius sacramenti et modo iam agendum est: de quo statuamus sequentia veluti certissima fundamenta.

Primo, nullis in ecclesia potestatem habet exercendi ecclesiasticum actum, nisi cui à Christo, & ipsa ecclesia illud committitur. Hoc tam apertum est, vt non opus sit probari. Si enim in nulla domo permittitur alicui quicquam agere, nisi cui paterfamilias potestatem datur igitur in ecclesia, quæ domus Dei est, licebit cuilibet sine legitima autoritate, quod vult, exercere? Tradenda autem est hæc potestas à Domino dñmus, vel ab his quibus ipse committit. Rursum, Christus Dominus post resurrectionem dedit Apostolis potestatem remittendi & retinendi peccata: consecrandi, in coenæ baptizandi & docendi, cum eos mitteret: deniq; gubernandi Ecclesiam: hoc enim in clauibus (vt superius dictum est) intelligitur. Cum igitur (vt superius etiam ostendimus) hæc omnia semper necessaria sint in Ecclesia, opus fuit hanc potestatem perpetuò manere: quod fieri non potest, nisi per eos quibus tradita est, ipsa potestas in alios transfundatur: nam & de hoc dictum est in psalmo: Pro patribus tuis nati sunt tibi filij. Soli igitur illi habent hanc potestatem, qui eam legitima traditione Apostolorum, vel ab ipsis, vel ab eis quibus illi tradiderunt, suscipiunt. Vbi

Ordo est verum sacramentum.

In Ecclesia nullus habet potestatem, nisi ei à præposito ecclesie traditus.

DE SACRAMENTO

aduertendum est, quod quauquam de quibusdam actibus hoc manifestissimum sit: de his videlicet qui omnem naturalem virtutem excedunt, atque ita excedunt, ut nihi omnino fiat sine diuina virtute (ut consecrare Christi Domini corpus, absolvere à peccatis) de alijs tamen dubitari poterat: de ijs videlicet, qui possunt quidē naturaliter fieri, etsi non licitè nequissimè. Prædicare. n. euangelium potest etiam non missus, sicut baptizare: hoc est, non propterea nulla prædicatio, aut nullus baptismus: & multo magis de alijs inferioribus actibus, quos diaconò vel subdiacono attribuiamus, aut certè inferioribus ordinibus: Sed ratio illa prius posita certè conuincit id verissimum esse omni vel minimo actu. Potest quidem in aliqua domo, cui non est commissa dispensatio, adulterinis clauibus aperire & dispensare: sed tanquam fur & latro, non licitè. Hic igitur illud Euangelij certissimum est: Qui non intrat per ostium in ouile ouium, hic fur est & latro. Quicumque igitur quicquam exercet in Ecclesia, illa non ordinante & præcipiente: aliunde intrat, non per ostium. Sed de illis inferiorum ordinum actibus proxima lectione diximus, qualiter sine ordine nonnunquam fiant licitè. Manet itaque hac ratione stabile primum hoc fundamentum: iuxta quod secundum collocetur.

Nota aptam
similitudinē.

Potestas ordinis visibili
signo traditur.

Traditio huius potestatis in Ecclesia: ab his solis qui præsumt, visibili & manifesto aliquo modo necesse est ut fiat. Quod etiam euidentissimè naturali ratione constat. Primò, Ecclesia domus est ordinata, necesse est ergo ut ab aliquo gubernetur. Est etiam ex hominibus visibilibus & corporalibus visibiliter composita: & ideo iuxta morem humanum gubernanda. In humana autem domo vel republica necesse est, ut si tradenda sit potestas alicui quicquam administrandi, apertè & visibiliter per verba vel per signa tradatur: imò addunt ipsa iura humana, tunc plenè tradi potestatem, cum introducitur is cui traditur, in rem, ipsam domum scilicet vel ciuitatem: imò & humana etiam consuetudo omnium gentium habet, ut visibilibus quibusdam signis & solennitatibus dignitates vel potestates humane tradantur. Sic fiunt doctores: sic aurati milites: sic reges & imperatores. Hoc igitur in Ecclesia necesse est aliqua ratione fieri. Tercium iam statuamus proximum huic fundamentum.

Cum constet Ecclesiam esse donatum à Christo, ut hanc potestatem tradere possit per suos gubernatores: necesse est ut modus traden-

tradend-

tradendi eam aut ab eo fuerit præfixus & per Apostolos ostensus ecclesiæ, aut certe permissus arbitrio ipsius, aut prælatorum eius. Hoc manifestè sequitur. Nec enim potest alius modus inueniri. Ceterum quis horum fuerit, non audemus temerè asserere: quod maximè in his, quæ contra hæreticos dicimus, putamus obseruandum. Rationabiliter credi potest, de hoc Apostolos edoctos per spiritum docuisse ecclesiæ: & hoc de maioribus illis tribus ordinibus putamus ex scriptura probari. De alijs verò neq; ex scriptura, neq; ex traditione alterutrū haberi posse videm: nisi q. in quarto cōcilio Carthagin. (de quo suprà diximus) apertè statuitur quid agendū, aut quid dicendū sit in ordinatione subdiaconi, & cæterorum inferiorum ordinum, postquam prius de superioribus illis tribus esset dictum. Et certè ita dicitur, vt appareat non esse nouum inuentum illius concilij: quod tamen antiquum est, vt sit ante mille & centum annos celebratum. Et ea quidem, quæ ibi statuuntur, hodie seruantur: nec illorum origo ibi apparet: quare meritò ab Apostolis illa esse quis putabit. Sed vtcunq; sit, non est cur admodum in eo laboremus. Sed ex his fundamentis sequentia inferamus.

Primò. Vbi de modo tradendi hanc potestatem ordinum non est certum aliquid institutum à Christo, potest ecclesiæ constituere quibus vel verbis, vel actibus, vel signis alijs in eiusmodi traditione vtendum sit. Quod alia ratione non est opus nunc probare: cum sit hoc à Christo commissum ecclesiæ. Cum autem hæc potestas spirituale quoddam sit donum, accipientem in gradu aliquo supra populum constituens: meritò vocatur character spiritualis, qui imprimitur animæ. Ordinari itaque in aliquo horum ordinum, est potestatem ab ecclesiā accipere sensibili signo, atque ita characterem. Addimus tamen istis, ecclesiā debere vt in hac potestate modo tradendi sibi præfixo & suscepto ab antiquiori ecclesiā. Ita credimus fecisse conciliū Carthaginense quartum: & ita nunc ecclesiā agit. **Secundò** inferimus, in huius potestatis traditione & impressione characteris dari etiam auxilium & gratiam, quia iustificamur vel proficimus in iustitia & qua rectè actis illius potestatis exerceamus. Hoc ita ex dictis sequitur. Datur potestas ab ecclesiā Christi virtutem igitur, cum perfecta sint Dei opera, & promissum habeamus illius, adfuturum se & probaturum ecclesiæ & gubernatorum eius opera (hoc enim

Sacramentū
ordinis cha-
racterem im-
primit,

Per sacramē-
tum ordinis
confertur
gratia,

DE SACRAMENTO

& significant clauēs regni cœlorum) necesse est vt conferatur etiam gratia necessaria, quæ rectè exerceatur illa potestas: hæc est sanctitas & iustitia. Datur igitur hæc gratia in ordinatione: quod non
1. ad Tim. 4. est opus cōiecturis probare. Testatur id apertè Paulus Timotheo ita dicens. Noli negligere gratiam quæ in te est, quæ data est tibi per prophetiam, cum impositione manuum presbyterij. Vbi notū est de gratia, quæ ei cum ordinaretur data est, ipsum loqui. De qua rursum eisdem ait: Propter quā causam admoneo te, vt resuscites gratiā Dei, quæ est in te per impositionem manuum mearū. Vides itaq; visibilibus signis fieri ordinationem, & eisdem gratiā dari. Est igitur hæc ordinatio verè & proprijsimè sacramentū ecclesiæ. Habet, n. visibilia signa: habet diuinā promissionem gratiæ, quod ex supradictis patet: verū igitur (inquam) est & perfectū sacramentū gratiæ. Vbi manifestè est videre, quòd (etiam si aliā nō haberemus auctoritatem, aut alia testimonia sensus ecclesiæ, imò etiā si nomen sacramenti nusquā ordinationi attributū inueniremus) ratio hæc sufficiat, vt certa fide & intrepidè credamus & dicamus esse sacramentum ipsam ordinationem. Nec tamen desunt & ipsius nominis sacramenti certissima antiquitatis testimonia. Sufficiant verò nunc nobis duo fide dignissimi testes. Primus sit Augustinus: Is libro secundo contra epistolam Parmeniani cap. 13. contra eos qui dicebant hæreticos recedentes ab ecclesiā non amittere baptismum quem receperant, nec tamen posse alios baptizare, quia amiserant ius dandi baptismum, ita dicit: Nulla ostenditur causa, cur ille qui ipsum baptismum amittere nō potest, ius dandi amittere possit. Vtrumque enim sacramentum est, & quadam consecratione datur: illud cum baptizatur, istud cum ordinatur. Ideoq; in catholica ecclesia neutrum licet reiterare. Vide (rogo) quā aperte Augustinus Sacramentum ordinis consistatur: nec probat vt rem dubiam, sed quasi certum allicit ad confirmanda alia dubia. Multa etiam alia ex eodem loco colligit de sacramento ordinis: de charactere scilicet, de quo ibi multa dicit Augustinus, vbi de non iterando sacramento loquitur: denique quòd potestas baptizandi sit potestas ordinis. Vbi ergo nunc Philippus Melanthon & tam temerario homini confidentes, qui allicit Augustinum duo tantum sacramenta agnoscere? Iam probauimus manifestis verbis ipsum quatuor allicere, & duo reliqua ex his quæ diximus aperte sequuntur. Secundus testis sacramenti ordinis
sit

fit Ambrosius. Is in expositione epistolæ ad Timotheum, in verba illa Pauli quæ primò adduximus: Noli negligere gratiam quæ in te est per prophetiam, cum impositione manuum &c. ita inquit: Prophetia est qua eligitur quasi doctor futurus idoneus: manus verò impositionis verba sunt mystica, quibus confirmatur ad opus electus: verba mystica apertè verba sacramenti intelligit. Vbi etiam aduerte Ambrosium tanquam certum iam in ecclesia asserere, mysticis verbis consecrari eum qui ordinatur. Non est igitur inuentum nostrum, aut auaritiæ siue ambitionis, sacramentum ordinis: sed consensus antiquissimæ & totius ecclesiæ, à qua illi discesserunt, vt vel sola hæc ratio apertè ostendit.

Ex his igitur & vera ratio huius sacramenti, & dubia quæ inter posteriores nostros scholasticos disputantur, sunt cognoscenda. Primò itaque illud certò constat, esse sacramentum ordinis in ecclesia, illud consummari & perfici in traditione potestatis illius ecclesiasticæ. Cum verò disputatur, quomodo sit vnum sacramentum ordinis, vel quare non plura, cum sint plures ordines: magis de nomine questio est, quàm de re aliqua. Vnicum sacramentum ordinis dicimus, quauquam tradantur plures per illud ordines, & quidem (vt sic liceat loqui) diuersarum specierum & rationum: tamen omnes ad vnum, quod præcipuum & maximum est) sacerdotium; scilicet, siue presbyterium, siue episcopatum referuntur; de quo postea. Nunc satis est, quòd attributione quadam omnia vnum sacramentum dicuntur, quæ ad vnum illud præcipuum ordinantur. Hæc est beati Thomæ in hac materia sententia. Quanquam non desint qui ex eius verbis putent, id quod fit in alijs omnibus ordinibus, sacramentale quoddam esse: sicut quæ fiunt in exorcismis ante baptismum, præparationes sunt ad baptismum: ita omnia alia quæ fiunt in omnibus ordinibus præparationes sunt ad sacerdotium. Et putant isti hoc probabiliter affirmari posse: atque ita vnum tantum verissimè esse sacramentum ordinis. Sed reuera minus tuta est sententia, minus consentanea sensui ecclesiæ: & vt specialius dicamus, certum est episcopatus, presbyterij, & diaconij ordines vetissima esse sacramenta: quorum duo priora ex institutione Christi habentur, vt probatum est: & traduntur per ea distincte potestates. Nam episcopi potestas superior est (vt diximus) & ad multa in sacramentis Christi omnino necessaria. Igitur

Licet plures
sint ordines,
vnum tñ est
sacramentũ
ordinis.

Durandus
q. 2. d. 24.

verissi-

DE SACRAMENTO

verissimè per sacramentum illa traditur: sicut potestas cōfirmandi, & ordinandi. Itaque episcopatus (de quo multi aut dubitant, aut in diuersitate nominis quæstionem constituunt) censendus est verus ordo, & vero sacramento tradi. Quod maximè confirmant Pauli verba superius citata: Noli negligere gratiam quæ in te est per impositionem manus &c. Apertè enim ibi loquitur de ordinatione episcopi. Et hoc antiqua omnia concilia & patres testantur: episcopum ordinari, & imponi illi manus. De sacerdotij verò ordine nullus vnquam dubitauit, & totà etiam antiquitas apertè id habet. Quare hoc, vt minimum, certa fide habendum est, quemlibet horum duorum ordinum verum esse sacramentum, & sacramento quoque vero tradi. Et sicut verè inter se distinguuntur, ita illorum traditiones distincta sacramenta sunt, & quodlibet verum sacramentum, nō sacramentale quoddam, vt Durandus inquit. Et eisdem rationibus hoc ipsum probatur de ordine diaconij. Primò ex ipsa scriptura. Apostoli primis diaconis orantes imposuerunt manus: vnde sequentes omnes eadem ratione vsi sunt in eorum ordinatione. Constat verò impositionem manuum vel fuisse sacramentum, vel coniunctam sacramento. Nam (vt suprà vidimus) Ambrosius impositione manuum mystica verba intelligit significari. Itaque Apostoli illis sacramentum contulerunt. Tria igitur ista negari non possunt distincta esse sacramenta, vera atque perfecta. Vbi hoc est aduertendum, quòd de duobus quidem prioribus, nihil est quod mirari debeamus: in vtroque traditur spiritualis potestas ad spiritualia opera omnem humanam virtutem excedentia: remissionem videlicet peccatorum consecrationem corporis & sanguinis domini, collationem spiritualis potestatis & gratiæ. Ceterum mirum apparet, quòd in ordinatione diaconi nulla tradatur potestas, nisi ad externa opera tantum. Quicquid enim diacono incumbit agendum, quatenus ab ipso fit, nullam habet supernaturalem virtutem: quod dicimus propter lectionem euangelij, quam non est dubium ad illuminationem & ad excitandum affectum bonum animæ pertinere: sed id, à quocunque legatur, habet. Diaconus igitur ex ordinatione sua nihil nisi externa operatur. Nam lectio ipsa Euangelij (vt diximus) magis postea tributa est illi ordini, quam ex sua institutione. Nec enim à principio legebatur euangelium, cum nec esset scriptum. Sed et si externa solum administraret,

fret, quia tamen tam proxima sacramentis Christi illa sunt: certa fide credimus ad illa administranda gratiam illi dari & virtutem supra humanam: quoniam sacramento ad hoc ordinatur. Hæc igitur dicta sint de tribus istis prioribus ordinibus: de quorum nullo putamus fas esse dubitare, an vero sacramento tradantur. De reliquis verò inferioribus (fatemur) dubitatur ad pluribus: imò antiquiorum diuersæ videntur esse sententiæ. Quod Magister d. 24. dixit hos ordines postea constitutos esse ab ecclesia, ex præcepto verò Apostoli solum episcopos & diaconos haberi (addimus nos, & presbyteros) hoc etiam Gratianus asseruit d. 21. c. 1. Imò Urbanus primus multò antiquior pontifex idem videtur asserere c. a. Nullus, dist. 60. citatus à Gratiano: Dicit enim presbyteros & diaconos solum fuisse olim in ecclesia. Itaque si ecclesia postea sibi hos ordines constituit: magis sacramentalia quædam erunt signa illa, quibus traduntur, quàm sacramenta vera. Et secundum hanc sententiam, id quod superius diximus, ecclesiam posse auferre aliquem horum ordinum, multò esset probabilius. Et utrumque confirmat, q. isti ordines ad gubernationem magis & externam quendam decorem ecclesiæ pertinere videntur. Confirmat etiã hæc, quod Innocentius (c. A multis, de ætate et qualitate ordinandorum, in decretalibus) subdiaconatum dicit non fuisse ordinem sacrum, sed iam ab ecclesia haberi inter sacros. Itaque mutatio ista ecclesiæ videtur ostendere, non esse hoc traditum ab Apostolis. Quanquam autem ista probabilia videantur, multo tamè tutius, & certè probabilius oppositum credi potest: cum probauerimus superius omnes hos ordines ab Apostolis traditos, & in antiquissima ecclesia ante omnia concilia fuisse: quod non nisi ex traditione Apostolorum esse poterat. Et in ipsis ordinibus, etiam inferioribus, consecrati ordinatos. Cælius pontifex asserit, uti supra citauimus. Et certè, cum August. sacramentum ordinis dicit esse in ecclesia, non de sacerdotio tantum loquitur, sed de omnibus. Sunt itaque omnes ordines, & eorum traditiones vera sacramenta, quantum antiquitas ecclesiæ ostendit. Nec putamus hoc posse obstinate negari: quanquam verum sit, hoc de his non tam apertum esse, sicut de tribus prioribus. Nam qui dicunt hos ordines sibi postea constituisse ecclesiam: intelligi possunt, vel q. postea agniti fuerint omnibus, & manifestiores in ecclesia: vel certè quod à principio (cum esset parua ecclesia, & rari ministri) omnia committerebantur diaconis:

Nota authoris sententiã.

DE SACRAMENTO

quod satis Dionysius loco suprà citato ostendit. Postea verò singula ministeria & singuli ordines singulis etiam ministris tradita sunt. Quod verò de subdiaconatu adseritur, qui olim non erat ordo sacer, nunc autem est ordo sacer: nihil impedit quo minus ab Apostolis putetur traditus, & nunc vero sacramento tradi. Quia distinctio illa sacrorum ordinum à non sacris, non ita intelligenda est, quasi non sacri dicantur ordines, quia non traduntur sacramento: sacri verò è contrario: nam omnes reuera ordines sacri sunt, & sacramento traduntur: sed non sacri dicti sunt comparatione aliorum, & sacramento eucharistia. Ministeria interim quæ proximè ad illud accedunt, & quibus ecclesia voluit coniunctum esse celibatum, speciali hac ratione dicuntur sacra: qualia olim erant tantum tria priora: quibus deinde additus est subdiaconatus: quia & isti astant altari, & propinqui sunt diaconibus: & propterea iam annexum est votum castitatis huic ordini. Ex quibus omnibus restat octo esse ordines, & quemlibet verò sacramento tradi. Solus clericatus (quem tonsuram primam nonnulli vocant) est extra rationem ordinis, quia nulla potestas illa traditur: sed tantum fit deputatio ad ministeria ecclesiastica. Vnde etiam clerici tantum illa habent, quæ omnibus sunt communia, tonsuram, & coronam, atque nomen ipsum clerici. Et hoc satis fit de veritate & ratione sacramenti ordinis.

Quomodo subdiaconatus olim non sacer, nunc verò sacer ordo dicatur.

Prima tonsura non est sacramentum.

Quomodo superior ordo non præsupponat inferiorem.

Per saltum ordinatus est verè ordinatus.

Episcopus ordinari non potest quinò est prius sacerdos.

Non tamen omittendum est, quòd etsi ordines omnes sacramento verò tradantur, & veram spirituales potestatem cōferant ac gratiam: tamen vnus eorum non præsupponit alterum de necessitate sacramenti. Superior enim non exigit inferiorem: cum in eis potestates distinctæ dentur, quanquam omnis inferior potestas & ordo in superiori includatur. Et propterea in ecclesia sæpe ordinabatur quis diaconus, antequam vel subdiaconus, vel aliquem aliorum ordinum esset consecutus. August. (quantum videtur) primò ordinatus est presbyter, cum antea nec diaconus fuisset. Nihil habet necessariæ dependentiæ superior ordo ab inferiori: & cui traditur superior, potestatem accipit omnium inferiorum: quod tamen intellige de omnibus inferioribus ordine presbyterij. Nam episcopus ordinari non potest, & nulla esset ordinatio, si non esset presbyter: & potestas presbyterij non datur, nisi per ordinationem propriam. Est enim (vt diximus) ad spiritualia & excedentia omnem humanam virtutem opera. Posset quidem tunc dari cum episcopus

Scopus ordinatur: sed iuris necessaria ordinatione statutum est, vt nullus altiore suscipiat ordinē, qui in inferiori prius ordinatus non fuerit. Et grauiter puniuntur contrarium facientes, vt habet titulus in decretalibus, de clerico per saltum promotō. Quod reuera ideo statutum est, vt in inferioribus probeantur & exerceantur. Quod vtiā curaretur in ecclesia. Reliqua quæ circa rationem sacramenti ordinis tractanda sunt, dicentur sequenti lectione.

LECTIO QVINTA.

De materia & forma, ac reliquis ad hoc sacramentum pertinentibus.



In his itaque quæ proximis lectionibus dicta sunt, facile est cognoscere, quæ ad rationem huius sacramenti pertineant. Inquiritur primò, quæ sit materia et forma illius: quæ verò sacramentalia & præparationes: quando imprimatur character sacramentalis, siue quando perficitur sacramentum. Ad quorum singula ex dictis respondendum est. Forma huius sacramenti (secundum illam metaphoram, qua in sacramentis dicitur forma) verba sunt, mēti ordinis. quibus apertè significatur traditio potestatis. Hæc merito (inquit b. Thom.) imperatiuè proferuntur: sicuti ostiarijs dicitur: Sic agite, tanquam rationem reddituri pro rebus &c. Et lectori: Esto verbi Dei relator &c. Significatur enim his verbis conferri potestatem, à potestate superiori ordinantis deriuatam. Materiam verò dixerunt doctores illa, quæ traduntur enim verba ipsa dicuntur. Sicut ostiario, clauēs: lectori, liber lectionum: Exorciste, adiurationum: Acolutho candelabrum &c. vt Magister dicit. Quæ materia dicuntur, quia sensibilia quædam sunt coniuncta verbis, quæ forma vocantur, quòd distinctius & magis explicite significant: quæquam hæc materia (vt dicit b. Tho.) alio modo habeat, quàm in alijs sacramentis. Non nam adhibetur ad sanctifi-

Materia sacramenti ordinis.

DE MATERIA, FORMA, ET CHARACT

cationem significandam vel efficiendam, quàm ad quãdam possessionem & vsum potestatis quæ traditur, inchoandum : quam etiam dici possit quòd operentur, sicut cætera omnia, ad sanctificationem. Et hæc quidem facillè ita dici possent, de his maximè minoribus ordinibus & subdiaconatu : de cæteris verò est nonnulla maior difficultas, quæ iam nobis explicanda est.

Aduertendum igitur est, quòd & in istis inferioribus, & in tribus illis superioribus, cum conferuntur quædam alia fiunt, quæ b. Tho. diligenter considerans, distinxit in quatuor: scilicet institutionem ordinandorum, benedictionem, manus impositionem, et vinctionem: quanquam non omnia hæc sint in omnibus ordinibus: sed tantum duo priora: reliqua enim duo sunt tantum in tribus maioribus. Et putat b. Thomas (quantum credimus, ex communi tunc doctorum sententia, secundum quam tunc ille loquebatur) illa quatuor ad præparationem pertinere, & quasi sacramentalia quædam esse, sicut sunt exorcismi in baptismo. Cæterùm perfectionem sacramenti in verbis & traditione consistere, etiam in tribus illis superioribus: quanquam nonnulla dubia & diuersæ sententiæ de hoc sint. Nam diaconi non est certè principale officium, Euangelium dicere, vt probauimus superius: & tamen hoc illis datur, & nihil aliud fit in eorum ordinatione: quàm impositio manus. Sacerdoti traditur calix cum patena, hostia, & vinum atque aqua: sed postea, imponuntur ei manus, & dicitur: Accipe spiritum sanctum &c. Quare non immeritò multi dubitant, quando character sacerdotalis imprimatur: an cum traditur calix, & dicuntur verba: an potius in impositione manus.

Circa ista igitur hoc primò certum est, ex scriptura sacra & exemplo Apostolorum in ordinatione solum haberi impositionem manuum. Ita enim ordinati sunt septem diaconi: ita Paulus & Barnabas, quando à spiritu sancto dictum est: Segregate mihi Paulum & Barnabam: hoc idem Paulus dicit se fecisse in ordinatione Timothei: hoc quoque docet ipsum Timotheum facere in ordinatione aliorum: Nemini (inquit) manus citò imponeris. Quare meritò hoc considerantibus videtur sacramentum ordinis maximè perfici, in impositione manus: in illis videlicet tribus ordinibus superioribus, in quibus manus imponendas esse & hæc loca scripturæ, & omnia antiquorum partum testimonia, & ipsum quantum Carthaginense Concilium testantur: imò in illo

concilio (in quo distinctius quàm alibi & disertius agitur de ordinatione) nullius alterius rei in ordinatione facta est mentio, quàm impositionis manus. Et quanquam semper aliquid fortè præterea fiebat: tamen in antiquorum lectione nec de traditione calicis &c. in sacerdotio, nec libri in diaconio huiusque vitionem fieri: quare magis videtur perfici sacramentum in illa impositione manus in superioribus tribus ordinibus. Sed vtrunque sit, melius est hoc sub dubio relinquere. Gregorius 9. cap. Presbyter, de sacramentis non iterandis, in decretalibus iubet, quòd si impositio manus omissa fuerit in ordinatione, repetatur: tamen non propterea cætera esse iteranda dicit. Ex quo aliqui colligunt, manus impositionem ad essentiam pertinere sacramenti. Sed non putamus hoc ex illo sequi: quæ omissa sunt iubet Pontifex repeti, nihil aliud ibi dicens.

Vt verò etiam de his omnibus quatuor dicamus: quia ostensum est quantæ authoritatis sit manus impositio: & benedictionem non est opus magis probare, quàm quòd illa communis sit omnibus actibus sacris & ecclesiasticis: instructio verò & exhortatio etiam in omnibus requiritur: de vñctione tantum brevibus opus est admonere, quoniam impugnatur & rejicitur ab hæreticis: alijs dicentibus inuentum esse Siluestri: alijs, à quocunque sit, non tamen à Christo vel Apostolis institutam, sed magis pertinere ad similitudinem rituum legis veteris, qui iam à Christo abrogati sunt. Propter hos igitur de illa opus est scire, quòd semper in omni antiqua ecclesia eius est mentio. Nam & Clemens epistola 3. pontificem omnem sacro chrismate perunctum esse aperte testatur. Et Anacletus epistola 2. à Petro se accepisse dicit, episcopos in ordinatione sacro chrismate in capitibus vngendos: quod etiam Innocentius 3. (cap. vnico, de sacra vñctione) in sacerdotibus ecclesiam facere dicit, & repetendum, si id ommissum fuerit. Non ergo rejiciendū est hoc, vt illi faciunt. Cuius etiam sunt plura antiquissimorum testimonia, consuetudini huic ecclesiæ perpetuè attestantium. Cæterum quod in ordinatione fit vltra hæc omnia in traditione vestium, stolæ videlicet aut dalmaticæ &c. inferius explicabitur, cum specialiter de vestibus dicemus.

Paret itaque quid de forma & materia huius sacramenti censendum sit, imò & de cunctis ferè ritibus, quos in eius administratione sequatur ecclesia: paret etiam de effectu ipsius atque significa-

Charactere
in impositione
ne manus
imprimi p-
babile est.

De vñctione
in ordinatio-
ne episcopos
rū & sacer-
dotum,

DE MINISTRO ET SVSCIPIENTE

tione ex præcedentibus lectionibus. Vt igitur ordine cuncta (sicut in alijs sacramentis egimus) absoluiamus, de ministro & suscipiente, eorumq; dispositione dicendum restat.

Minister sacramenti ordinis est episcopus. Qui possint minores ordines dare.

Quod igitur ad ministrum attinet, ex ijs quæ diximus de officio episcopi patet ministrum proprium sacramenti ordinis est episcopum, quoniam ille est supremus gubernator ecclesiæ. Non est tamen omittendum, quod minores ordines ab inferioribus episcopo traduntur in ecclesia, ab abbatibus videlicet & à presbyteris cardinalibus: de quibus id tantum dicendum est, quod hoc non fit nisi ex commissione episcoporum (vt b. Tho. d. 25 inquit) maxime verò Romani pontificis, qui supremus est totius ecclesiæ gubernator. Itaque primos illos tres ordines à solis episcopis posse dari totius ecclesiæ consensu asserendum est: ita vt nulla sit collatio illorum, si aliter fiat. Inferiores verò, quia non propriè ad sacramentum eucharistiæ ordinantur, sed ad inferiora officia: non negandum est (quod quidem ad necessitatem sacramenti pertinet) posse à sacerdotibus conferri, modo id legitime fuerit eis commissum: alioqui etiam ab ipsis nihil fieret. Semper enim prima potestas eos conferendi est penes episcopum. Hæc verò commissio vel ex iure, vel ex cōsuetudine, vel ex privilegio fieri potest. Sed hæc pertinent ad iurisperitos: de quibus & Siluester in verbo, Ordo.

De hæreticis ordinantibus.

Secundò. Disputat verò latius circa istum locum Magist. sent. dist. 25, de hæreticis ordinantibus: & refert diuersas sententias. Olim quidem ante quæstionem illam baptismatis decisam ab ecclesia, cum dubitaretur, an repetendum esset baptisma datum ab hæretico, etiam poterat hoc in dubium verti, an ordinatus ab hæretico esset rursus ordinandus? iam verò illa quæstione certa fide decisa, non est dubitandum per hæresim vel excommunicationem, siue etiã degradationem non amitti potestatem, quæ sacramento collata est, siue characterem (vt dicunt) baptismi, cōfirmationis, & ordinis: quanq̃ vsus illius amittatur. Peccat itaq; grauissimo sacrilegio hæreticus, vel excommunicatus ordinans, sicut & ordinatus ab eo: propter quod etiam neq; datur, neq; recipitur gratia: est tamen verum sacramentū ordinis siue ab hæretico, prius tamen legitime ordinato in ecclesia, conferatur: siue ab illo quem ipse ordinauit: quod b. Aug. 2. illo libro contra epist. Parmeniani (vt suprà citauimus) ex cōsuetudine etiam ecclesiæ probat, Recipiuntur. n. h. i. i. i.

h. i. i.

suis ordinibus frequenter in ecclesia. Hæc igitur de ministro sacramenti ordinis dicta sint.

De suscipiente iam dicendum est. Vbi illud est omnium primum, huius sacramenti solum capaces esse viros, non mulieres: ita vt prorsus nihil fiat, si ordinetur mulier: quod ex ipsa naturali ratione (quæ docet mulierem subditam esse debere, nec dominari in virum) Paulus aperte prohibuit: Mulierem (inquit) in ecclesia loqui non permitto, nec dominari in virum. Quo aperte explicat omnem potestatem ecclesiasticam eis esse negatam. Nec opus est hoc loco de mulieribus quæ in conuentu mulierum prælationem exercent, quicquam dicere: illa enim omnia non ad veram ecclesiasticam potestatem pertinent: sed ex commissione & directione prælatorum communicantur eis quædam, propter securiorem & honestiorem rationem gubernandi. Quod etiam in antiquioribus leguntur aliquando diaconisse præfekte fuisse, in ecclesia suo etiam ordinatæ, constat similiter non ad verum sacramentum ordinis esse referendum: quod etiam concilium Nicænum explicauit.

Mulier non
est capax
ordinis.

Secundum etiam similiter huic proximum, est, pueros etiam ante usum rationis non esse capaces sacramenti ordinis. Et quidem de minoribus ordinibus, quanquam non dubitetur iniuste pueris nondum ratione vrentibus conferri: tamen collati tenent: quia non de necessitate sacramenti hoc (vt scilicet suscipiens rationis usum habeat) iudicatur. Traditur enim potestas spiritalis & character, non tam ex voluntate susipientium, quam ex potestate ipsa præfectorum ecclesiæ. Vnde (vt b. Tho. hoc loco inquit) posset nonnunquam etiam iuste & sanctè his pueris ordo aliquis horum minorum tradi, vel etiam omnes: cum scilicet speraretur futurus utilis ecclesiæ, & accederet parentum aut maiorum eius consensus. Olim in ecclesia parentum voluntate sola deputabantur perpetuè vel ad ecclesiastica ministeria, vel ad monachatum paruuli. Tunc omnia simplicius fiebant, nec illi adulti repugnabant pateris parentum, voluntati: quod etiam in Samuele scriptura nos docet factum.

An pueri
possint or-
dinari?

De maioribus quidem ordinibus etiam & subdiaconatu apertior est ratio. Habent enim votum castitatis annexum, & ideo multò minus debent cõferri nisi maioribus. Sunt iam certa tempora deputata ab ecclesia: & (vt patet) antiquitus maior ætas requirebatur,

De subdiaconatu
et de maioribus
ordinibus.

Notent quī
quacūq; ra-
tione impe-
trata dispen-
satiōe putāt
se securos.

quirebatur, & longior etiam expectatio: iam (sicut in ceteris om-
nibus) omnia illa relaxata sunt. Est iam certa definitio ecclesiæ
per Clementem quintum facta in constitutionibus Clementinis,
quas vocant, de ætate & qualitate, quam transgredi non est dubiū
grauē esse peccatum, & (vt verum dicamus) nec dispensationes
ip̄z excusant aut conferentes, aut vtenes, nisi vtilitas sub̄st ec-
clesiæ, aut iusta aliqua causa. Additæ sunt etiam à iure pœnæ
suspensionis, & quidem merito, his qui ante tempus ordinantur.

Ceterū est nonnullum dubium inter doctores nostros, an
verē conferantur maiores hi ordines pueris nōdum ratione vten-
tibus? Et quidem b. Thom. putat hoc loco, omnes alios præter
episcopatum collatos pueris veros ordines, nec repetendos esse.
Alijs secus videtur. Ius quidem, quod à b. Tho. citatur, in c. Vno,
de clerico per saltum promotō, non loquitur de maioribus, sed de
minoribus tantum ordinibus collatis nondum ratione vtentibus:
& nimium ridiculum videretur credere puerum esse presbyterū.
Certum est illum non fore obligatum neque ad actus ordinis, ne-
que ad quicquam aliud: sed interim posset affirmari, non esse re-
petendum sacramentum illi datum, si quando in maiori ætate illi,
& ecclesiæ placeret. Sed quia hoc dubium est, tutius crederemus
saltem sub conditione repetendum esse sacramentum, præcipuē
in sacerdotio: nam in reliquis eo inferioribus non admodum
esset curandum, maximē cū superius constiterit in superiori
includi minores omnes, nec necessariō altiorem ordinem prære-
quirere inferiorem.

Hæc duo, sexus scilicet & ætatis impedimenta sunt ex ipso di-
uino & naturali iure in ecclesia certa. Sunt verō etiam præter ista,
alia impedimenta iuris, quibus scilicet rationabiliter iura statue-
runt aliquos reiiciendos esse ab ordinibus ecclesiæ, etiam aliquan-
do non propter peccatum. Talia sunt seruitus, defectus natalium
cū scilicet quis non est legitimē natus) & irregularitas illa quæ
per voluntariam hominis occisionem contrahitur, etiam si sine
peccato fiat: de quibus satis est admonuisse, seruanda esse iura, nec
licitam esse dispensationem, nisi iusta de causa in vtilitatem eccle-
siæ factam.

De disposi-
tione ordi-
nandorum.

De dispositione suscipientium iam dicendum restat: nam de
conferentibus hoc sacramentum, nihil specialius dicendū est: sed
quod commune est omnibus sacramentis, illis conuenit: tenen-
tur

SACRAMENTVM ORDINIS. 281

tur munda conscientia, & non nisi certa discussione ordinandorū
præmissa hoc sacramentum conferre. De suscipientium dispositi-
onē breuiter duo notanda sunt.

Primum. In peccato suscipere ordinem quencunq; ecclesiasti- **In peccato**
cum (in peccato inquam mortali) proculdubio sacrilegium est, mortali or-
sicut & quencunq; actum (maiorum saltem ordinum) tanquam dinari graue
ex ordine exercere. Primum quidem satis confirmat illud verbum sacrilegium
Pauli: Si quis sine crimine est. Vbi (inquit Ang.) meritò non est di-
ctū, sine peccato, quòd sine eo null⁹ sit, sed, sine crimine, quod gra-
uiora significat peccata. Probat etiā illud ratio apertissima: quo-
niam per peccatum mortale ponitur impedimentū gratiæ, quæ in
sacramento cōfertur, et ita indignè ipsum suscipitur. Secundū cō-
firmat Dionysius inquit: Immundus illicitum est vel tangere sacra.
Certū est ad omnes actus ordinis suscipientes (vt suprà diximus)
consecrari: igitur aliter eos exercere q̄ sanctè, ipsi ordinationi re-
pugnat: quod b. Thom. hoc loco diserte tenet: quare nec dubitat
grauiter peccare & suscipientem, & conferentem scienter.

Secundum etiam non est omittendū, quòd iuxta Pauli doctri- **Notent or-**
nam non solum ipsa peccata mortalia, actu siue reatu præsentia, **dinandorū**
de quibus scilicet non est acta pœnitentia, sed etiam pronitas in **examinato-**
ea, & peruersa habilitas meritò impedit à tantæ sanctitatis mini- **res.**
sterijs & gradibus. Hoc significant Pauli verba apertè & ad Ti-
tum, & ad Timotheum, de episcopis & diaconibus dicta: Non cu-
pidum, non elatum, non vinolentum, non percussorem, & huius-
modi. Significant enim hæc hominem frequenter in illa pecca-
ta lapsū: quòd meritò considerandum est in discussione eor-
um qui ordinantur, nec sine peccato putamus omitti posse, cum
id res ipsa apertè ostendat.

De explorandis his qui ordinandi sunt, atque ratione id pera- **De examine**
gendi, non est cur in speciali multa dicamus: iura absolute lo- **ordinando-**
quuntur. Non est dubiū talē requiri discussionem, ex qua pruden- **rum.**
ter & veraciter iudicare possit qui ordinat, idoneum esse illum qui
ordinatur ad huiusmodi onus officij. Dicimus, qui ordinat, hoc
est, is qui subditum suum vel ordinat, vel permittit ab alio ordi-
nari. Nam episcopi illi titulares (quos diximus) satis videtur face- **Notent epis-**
re suo muneri, si ordinandi legitime probauerint se à suis superio- **copi suffra-**
ribus facultatem habere suscipiendi ordines: quanquam in tanta **ganei.**
facilitate admittendi ad ordines, non ausim eos excusare, qui
B B b b passim

passim omnes ordinant, quacunq[ue] etiam facultate superiorum habita. Certè ubi aperte indignus est, & nec moribus nec scientia probatus qui ordinatur, nescimus quomodo excusari possit ordmans, cum illi non præcipiatur vt ordinet: & si præciperetur, nulla ratione teneretur obedire, vt aperte indignum ordinet.

Certum necessarium esse scientiam ordinandis apertissima ratione b. Thomas & doctores probant: scientiam, inquam, sufficientem ad rite exercendos illius ordiuis actus: de qua nos in principio huius tractatus satis diximus. Certum est autem in examine non minus de scientia, quam de moribus inuestigandum esse.

An ministri
ecclesiæ po-
puli testimo-
nio atq[ue] suf-
fragio sint
eligendi.

Restat tamen hoc loco nonnihil dubij, de quo propter aduersarios maximè nunc breuiter dicendum est. Tota enim antiqua Ecclesiæ obseruauit, vt non ordinarentur ministri Ecclesiæ, nisi probati & etiam electi testimonio et suffragio totius populi: quod beatus Cyprianus (vt multa alia omittamus antiquitatis testimonio) libro 1. Epist. 4. (quæ est de Basilide) testatur ex traditione Domini & Apostolorum obseruatione esse non solum in Episcopis vel sacerdotibus obseruandum, sed etiam in diaconibus. Ex quo duo nobis obijciunt aduersarij. Primum, quod traditio Christi & Apostolorum non possit licitè in ecclesiâ omit- ti. Secundum, hoc ipsum nullam reddere ordinationem. Quomodo enim rata putanda est, in qua prætermissum est quod Christus instituit, & Apostoli obseruauerunt? Propter quod nullos iam veros nos habere ministros audent etiam nonnulli dicere: vt scilicet suum in nos reiciant peccatum. Illi enim reuera nullos habent legitimos ministros, nec veros, nisi fortè quidam apud nos ordinati sint.

His itaque duobus modeste et sine contentione sic respondendum est. Primum, ea quæ ad gubernationem Ecclesiæ instituta sunt & obseruata ab Apostolis, non vt sacramenta accipienda esse, nec vt necessaria aliter, quàm ad finem rectè gubernandi ecclesiæ: atque ideo mutari posse, quando non vtilia, sed nociua potius efficiuntur. Mutantur mores hominum quotidie in penus, vsque adeo vt vix hodie suffragijs populi vlla electio quietè fieri posset. Et Gregorium legimus præcipientem nonnunquam, ne sine eius scitu & consensu in quibusdam Ecclesijs ordinarentur Episcopi: neque hoc agebat tyrannicè, sed rectè consulens.

Eccle-

Ecclesiæ. Ita multa alia fieri possunt. Nam illud etiam, quod à pro-
uincia Episcopis & Metropolitanis Episcopus ordinari debeat,
tota antiquitas & testatur & probat : & quidem absque vlla Ro-
mani pontificis mentione. Cyprianus quoque in supradicta Epi-
stola idem aperte dicit. Jam verò quod hodie fit, vt scilicet sine
Romæ pontificis auctoritate nullus consecratur Episcopus (vt
omittamus quàm sit ad omnem occasionem schismatis auferen-
dam conueniens) nullus potest negare, esse vel ob id omnino
seruandum, quod ita receptum sit in Ecclesiâ : nec nisi temerè
asserere quis potest, non iuste & non sanctè introductum esse : aut
mutandum absque vniuersalis Ecclesiæ auctoritate, hoc est, nisi
multa maturitate iudicaretur aliter expedire vel in omnibus, vel
in quibusdam Ecclesijs. Nec est dubitandum apud eos, apud quos
nunc ius eligendi est siue principes, siue clerum, etiam consensum
populi esse : cum iusta ratione ad eos hoc ius sit delatum.

Ad secundum respondemus, quod etiam si in ratione eligendi
Ecclesiæ ministros aliquando peccetur & iniuste aliquid agatur,
non tamen propterea nulla redditur ordinatio, cum etiam hære-
tici aut schismatici verum sacramentum ordinis conferant. Ha-
bemus igitur veros ministros : quia ab Episcopis communionem
sedis Apostolicæ habentibus : atque ita potestatem hanc ordina-
di ab Apostolis vera & nunquā interrupta successione tra-
hentibus, sunt ordinati : illi verò non habent, qui non
habent Episcopos secundum hanc legitimam
successionem ab Apostolis, quanquā callidè
se nomine episcoporum vocare aude-
ant, occultata quidem hac voce,
sed alia eiusdem significatio-
nis introducta : vocant
enim se superin-
tenden-
tes.

DE ANNEXIS
LECTIO SEXTA.

De quibusdam annexis, & consequenti-
bus sacramentum ordinis.



Vnt in sacramento ordinis, siue in eius consummatione superaddita quædam necessitati ipsius sacramenti: siue illa ex Apostolorum traditione sint, siue ex posteriorum ordinatione: sicut in baptismo & ceteris sacramentis ostendimus. Et quanquam dixerimus de quibusdam lectione proxima de vñctione scilicet, impositione manuum, & huiusmodi: de quibus dubium est an pertineant ad substantiam sacramenti: restat tamen vt iam dicamus de nonnullis alijs annexis ipsis ordinibus: qualis est corona & præcisio capillorum siue tonsura, sacræ vestes, & quædam alia, quæ ipsis ordinatis necessaria sunt, vel eis ex ipso ordine competunt: diuinum scilicet officium, & beneficium, hoc est, temporalium perceptio, cui simonia opponitur. De istis igitur ex ordine breuiter dicendum est.

De tonsura,
vestibus sa-
cris, & diui-
nis officijs.

Circa prima igitur illa, in quibus collocamus tonsuram siue coronam, vestes sacras, & diuinum officium (quæ tria ab hæreticis reprehenduntur quasi inuecta in Ecclesiam sine auctoritate, & vt ipsi dicunt, cultus Dei sine verbo) primò in vniuersali obiter nunc dicendum est (vt respondeatur his calumnijs hæreticorum) quod superius latius ostendimus in principio huius tractatus sacramentorum: hæc omnia & similia aut ab Apostolis tradita esse, aut postea spiritus sancti magisterio per potestatem ecclesiæ à Deo concessam iusta ratione inuenta esse aut audita, siue etiam ex parte aliqua pro ratione temporis mutata. Probauimus enim superius, non esse credendum, quòd Christus ecclesiam suam (cui promisit se assuturum, & quam charissimam sibi spòsam redemit & abluuit proprio sanguine) deseruerit sine diuini cultus certa ratione: sed nò placuit illi scripto singula præscribere.

bere, vt synagoga: sed reliquit multa eius libertati. Quia igitur sacramenta quæ ipse tradidit, modo aliquo & conuenientibus caeremonijs fieri debet, de quibus necesse est aliquid ordinari, ne (quod Paulus prohibet) inordinate & confuse omnia fiant: hoc credimus iam relictum esse prælati ecclesiæ, sicut ante Apostolis: vt pro more & consuetudine diuersarum nationum disponerent caeremonias conuenientes fidei & statui christianæ legis. Illa igitur quæ circa hæc toto terrarum orbe seruata sunt ab ipsis Apostolis vsq; ad nos, certum est non posse aliena esse à verò Dei cultu: alioqui errasset tota ecclesiæ, quæ est columna & firmamentum veritatis: cuius consuetudinem Paulus opponit contentiosis. Deinde hæc si non omnino & sigillatim (vt nunc ita dicamus) atque minutim: saltem in vniuersali, aut in exëplo aliquo ab Apostolis tradita credimus. Nam (vt verbi gratia dicamus) in celebratione eucharistiæ & aliorum ecclesiasticorum ministeriorum actibus, lectiones scripturæ sacræ, psalmos & orationes, luminaria, thus, rationem aliquam cultus & vestitus Apostoli tradiderunt: non tamen in speciali has vel illas lectiones, hæc vel illa indumenta sacra: in quibus est nonnulla diuersitas in diuersis ecclesijs. Igitur quicquid certa autoritate ostendimus ab Apostolis vsque ad nos obseruatum, stultissimum est non solum reiicere, sed vel in dubium trahere. Et certè non immeritò credimus eorum autoritate, simul & magisterio spiritus sancti siue ex lege veteri, siue etiam ex ritu gentiliū desumptas esse caeremonias, puritati fidei euangelicæ conuenientes, reiectis alijs. Hinc est quòd habeamus ex lege veteri thus, luminaria, vestes, & vnctiones: non sacrificia vitulorum, aut taurorum. Hoc enim non dubitamus Apostolos docuisse, & conuenire naturæ ipsi hominum, vt exterioribus quibusdam admoneantur, & protestentur etiam fidem suam, atque illis teneantur & exerceantur, ac instruantur etiam rudiores & minores, quales sunt in ecclesiæ, quos oportet istis teneri. Et in his quæ non sunt tradita ab Apostolis, non dubitamus ecclesiæ etiā posse statuere quædam, quibus protestentur fideles fidem à Christo ipso acceptam. Itaque apertè contra aduersarios ecclesiæ contendimus, ad cultus veritatem sufficere, vt eo veram fidem protestari velimus, qualiscunque ætatem cultus exterior sit, modò tamen cultus publici autoritate etiam publica, ecclesiæ scilicet statuatur. Hæc putamus verè esse fundamenta, & sanam atque pacificam doctrinam, per om-

nia libertati legis grátie consoham : ex quâ iam ad singula quæ propoſita ſunt, progrediendum eſt.

De corona
ſive tonsura
clericali.

Corona & capillorum præciſio tam antiqua eſt in eccleſia, & clericis omnibus communis, vt ſint qui putent à Petro Apoſtolo introductam. Habetur de hac cap. 44. concil. 4. Carthaginēſis, quod citatur in decretalibus, de vita & honeſtate clericorum, cap. Clerici, ubi comam & barbâ nutrire prohibentur. Quibus & Gregorius nonus anathema apponit, eodẽ titulo ca. Si quis &c. Et Alexander tertius præcipit vt inuiti tondeantur : eodem etiam titulo. Poſteriores doctores de hoc agunt quaſi de re certiſſima. Hugo de ſancto victore lib. 2. de ſacramentis chriſtianæ fidei, parte 3. tribus primis capitibus. Rabanus lib. 1. de inſtitutione clericorum cap. 3. b. Thom. & alij ſcholæſticorum poſt Magiſtrum d. 24. Aiunt illi in ſignum regalis dignitatis coronâ fieri, & vt oſtendatur eccleſiæ miniſtros ad cœleſtium rerum contemplationem paratos, ſuperiores mentis ſux vires liberas habere, vt in Deum tendant, nec velamen aliquod inter Deum & eos eſſe. Similiter & præciſio capillorum ſuperfluum omnium cogitationum & curarum, quibus à diuinorum contemplatione impediri poſſent, præciſionem ſignificat. Ideo enim uſque ad ſenſuum detectionem, aurium videlicet, capilli præciſendi debent : cuius meminit etiam Dionyſius Areopagita lib. de eccleſiaſt. hierar. cum de monachorum dedicatione loquitur. His addunt etiam, hoc partim ſumptû eſſe ex Nazareis, qui in ſanctitatis cuiuſdam teſtificationem, voto completo tondebantur.

Calumniantur hoc aduerſarij, quaſi cultum, & cæremoniam legis veteris introducamus in eccleſiam : quibus ſatis reſponſum eſt. Non eſt præſcriptum à Chriſto de hac re quicquam, nec prohibiti ſumus Chriſtiani vt cæremonijs, quibus fidem veram teſtatur, etiam ſi cæremoniæ ſint veteris legis, modò ſequamur apoſtolicam doctrinam & vniuerſalis eccleſiæ ſenſum. Apoſtoli docuerunt nos, ob iuſtam aliquam cauſam poſſe recipi aliquid in eccleſia ex veteris legis cæremonijs, cum in concilio præceperint gentibus abſtinere à ſanguine & ſuffocato : non quaſi obligarent cæremoniz legis, ſed quia ita indicabant expedire vnitati & concordiz nutriendæ in eccleſia inter Iudæos & gentes. Ita igitur licet eccleſiæ certa aliqua ſigna ſtatueret, quibus cleſici, diuinis videlicet deputati obſequijs, diſtinguantur à laicis : vt & illi admoneantur

tur hac ratione ad vitam agendam sanctiorem, & magis à negotijs seculi separatam : & isti etiam ad eos magis obseruandos & reuerendos excitentur. Vnde & addiderunt iura etiam de vestitu ipso, non sacro, sed communi certum aliquid præscribere clericis, vt titulus de vita & honestate clericorum ostendit : vt videlicet agnoscantur inter ceteros. Nihil itaque est in hoc, quod merito reprehendi possit. Ceterum admonuimus superius, primam tonsuram non esse ordinem nec sacramentum aliquod, sed solum deputationem ad diuinum cultum. Notat etiam b. Tho. loco citato, in acceptatione tonsuræ clericalis non rennunciari bonis temporalibus ab his qui habent, quâquam dicant: Dominus pars hæreditatis meæ, atque Deum alimant in sortem, sicut olim leuitæ: non tamen propterea astringuntur ad illam pauperitatem, quam Christus in euangelio consulit tantum, non præcipit. Non est autem dubium ipsos ex illa professione clericatus ad maiorem abstractionem à terrenis affectibus obligari, vt impleant illud Pauli: Nemo militans Deo implicat se negocijs secularibus: idque magis vel minus, pro gradu & ordine quem obtinent in ecclesia.

Vestes sacræ similiter deputatæ sunt ordinum ministerijs, diuersæ quidem, siue plures aut pauciores, pro diuersitate graduum & ministeriorum: quarum vsus etiam antiquissimus est in ecclesia, tam in vestibus ipsorum ministrorum, quàm in ornatu altaris & vasorum: sicut & horum omnium benedictio. Meminit enim horum Clemens in suis epistolis: meminerunt eorundem & multi alij antiquorum: quanquam non dubium sit paulatim aliqua esse addita aut mutata. Nam nec dubitandum est à principio simplicitus pacta esse ministeria, & reuera rudius. Hoc est, n. hominibus cōnaturale, vt in his paulatim perficiatur. Ita credimus in ecclesia circa ista actum esse. Refertur dalmaticarum vsum incepisse à Siluestro: quarum frequenter Gregorius in epistolis meminit. Oraria verò (quæ & stolas dicimus) frequentissimè in antiquioribus concilijs & patribus tanquam presbyterorum & diaconorum propria ornamenta ponuntur. Vt eunq; sit, illud constat, omnes ecclesias certis indumentis sacris vfas fuisse: quare etiam hoc tanquam traditio certa vel Apostolorum, vel vniuersaliū cōciliorum habendū est, & in qualibet ecclesia seruandus illius mos: idq; (vt superius etiam de sacramento eucharistiæ diximus) sine

De vestibus
sacris & or-
namentis ec-
clesiasticis.

Dalmatica.
Orariū siue
stola.

peccato.

DE ANNEXIS

peccato non omittitur. Cæterum & ista magna ex parte ex imitatione legis veteris fatemur esse desumpta: sed nostra quidem simpliciora, faciliora, atq; ideo conuenientia statui nouæ legis. Nihil itaq; habent hæretici quod reprehendant. Hoc enim maxime conuenit, vt sacris vestibus in sacris ministerijs utamur. At verò de singulorum ornamentorum significatione & ratione, ac comparatione illorum ad veteris legis ornamenta (quæ omnia dignum est, cognita esse ab his qui eis uti debent) loquuntur posteriorum multi: etiam scolastici nostri d. 24. post Magistrum. Ex grauioribus illis legi potest Rabanus lib. 1. de institutione clericorum cap. 14. & sequentibus multis, & Hugo de S. Victore 2. lib. de mysterijs christianæ fidei 4. parte, & libro de mysterijs ecclesiæ cap. 6.

De horis canonicis.

1. Timoth. 2

In epistola ad Paulinum 59.

Sequuntur & canonicæ horæ, officium videlicet ecclesiasticum lectionum & orationum sacrarum per certas horas distributum: quod similiter antiquissimum est in ecclesia, & ab ipsis Apostolis merito initium habuisse creditur. Nam de hoc rectè à patribus intelligitur id quod Apostolus Timotheo scribit: Volo primò omnium fieri obsecrationes &c. quod diximus etiam (cùm illum locum exponeremus) Augustinum de orationibus ipsis sacræ Missæ exponere. Sed hoc constat semper in ecclesia per ministros eius obseruatum fuisse, vt pro omni populo fieret oratio. Hoc. n. & ipsa naturalis ratio postulat, atq; ecclesiæ distinctio, vt deputati sint aliqui ad diuinas laudes & orationes pro tota ecclesia soluendas: quandoquidè plurima eius mēbra non possunt illis vacare. Reprehendunt etiam hoc aduersarij, sed certè mirum est & miserandum, quòd in hanc inciderint cæcitatem. Quid enim hic merito potest reprehendi? quòd sint cultus Dei sine verbo? Quoties scriptura sacra ad Deum laudandum & orandum nos inuitat? Sed hoc omnibus (inquiunt) conuenit: fatemur. Quid verò prohibet quosdam esse specialius ad hoc deputatos, qui id totius ecclesiæ nomine agant? Ad consolandum (inquiunt illi) & ad instruendum populum non negamus hoc rectè fieri. Cur non etiam ad orandum & placandum Deum pro omnibus? Quod tam frequenter præcipitur in euangelio: Oportet semper orare: vbi laus Dei, gratiarum actio, & cætera intelliguntur, ad quæ frequentissimè admonemur. Sed fiant (inquiunt
fontè)

fortè) hæc liberè & pro arbitrio cuiusque. Sed cur etiam non erit hoc prælatorum ecclesiæ, vt curent, & contineant ministros in officio, & præscribant eis agenda? In hoc igitur fatemur diuersas fuisse consuetudines Ecclesiæ: & tandem eò ventum est, vt in septem horas canonicas distributum sit officium, & ad eas persoluedas astricti sint ab Ecclesia omnes in sacris ordinati, & habentes beneficia, & monachi. De quo (tit. de celebratione missæ-Notent ordinum, in decretalibus cap. 1.) citatur Concilium Agathense, de nati, habenseptem his horis distinctè loquens. Quanquam (vt ibi videtur) tes beneficia, istæ septem diei preces erant præter vigiliis nocturnas. De quibus & monachi, precibus, & de ratione eas studiose ac deuotè persoluendi, Innocentius tertius in c. Dolentes, eodem titulo diligenter præcipit. Cæterum de ratione & significatione horarum istarum diligenter etiam traditur à grauioribus illis patribus: à Rabano scilicet libro secundo de institutione clericorum, mox in principio: ab Hugone de sancto Victore libro de mysterijs Ecclesiæ cap. tertio & quarto. Quæ etiam diligenter legenda & cognoscenda sunt his qui ad illa tenentur.

LECTIO SEPTIMA.

De iure beneficij ecclesiastici, & simonia.



CONSEQVITVR etiam ecclesiasticos ordines & officia atq; actus eorum beneficium siue stipendium ecclesiasticū, ius scilicet percipiendi temporalia: cui opponitur simoniæ vitium, quod propriè in acceptatione iniusta temporalium propter ecclesiastica officia consistit: de his itaq; duobus breuiter agendū est: sicut & Magister senten. d. 25. de simonia agit: quæ etiam solet in suscipiendis ordinibus cōmitti. Nos igitur breuissimè nunc & de ea, & de eius opposito (iure scilicet ecclesiastici beneficij) agamus.

DE BENEFICIIS ECCLESIAST.

mus. Circa hoc quasi innumera sunt, in speciali quidem ad iurisperitos pertinentia. Sunt enim de hoc speciales tituli in iure canonico. Nostrum est tantum admonere, quæ ad conscientiam pertinent ministrantium in Ecclesia, & tantum fundamenta quædam, ut de specialia discerni possint, collocare.

Pro spiritualium administratione nulum precium recipere licet. Duo igitur nobis sunt statuenda certissima fundamenta. Primum, propter spiritualia illa quæ ad salutem animæ pertinent, & ex persona Christi in ecclesia exercentur, nihil potest precij temporalis vel cõmodi recipi ab his qui illa administrant, aut à quibusvis alijs. Quod certissimum fundamentum & naturali ratione, & autoritate scripturæ apertè constat. Primò enim spiritualia ista nullo precio æstimari, aut æquari vlli possunt: quare contemnit illa, quantum in ipso est, & temporalibus æquat, qui precium propter illa accipit. Quam rationem Petrus Apostolus in damnatione Simonis (à quo & hoc vitium nomen accepit) indicauit.

Actorum 8. Pecunia (inquiens) tua tecum sit in perditionem, quia existimasti donum spiritus sancti pecunia possideri. Deinde illorum origo gratia diuina est, cui repugnat qui non gratis illa tradit. Quod etiam Dominus significat. Gratis (inquiens) accepistis, gratis date. Demum cum illarum rerum solus Christus sit Dominus, omnes verò alij ministri & dispensatores (Sic (inquit Paulus) existimet nos homo, ut ministros Christi &c.) non possunt verò ministri, nisi furtum committentes, aliter quàm Dominus præcepit, bona Domini sui administrare: itaque ipse Christus (cui ministrant omnes in ecclesia, & à quo præmium meritò expectare debent) præcipit (ut dictum est) gratis accepistis, gratis date. Multiplici igitur, & grauissimo peccato delinquant spiritualia precio æstimantes, contemptus scilicet ipsorum, ingratitude gratiæ, & furti in Christi dono.

Ministris ecclesiæ debetur sustentatio, maxime prædicatoribus. Secundum huic proximum fundamentum constituatur hoc: Ex spiritualium administratione licet recipere quæ ad sustentationem necessaria sunt, & postquam statuta sunt certa aliqua stipendia ab Ecclesia, vel si minister sit in necessitate, etiam ea exigere. Hoc (tanquam iuris naturalis) primò probat Paulus multis similitudinibus. Quis militat (inquiens) suis stipendijs vnquàm?

1. Corint. 9. Quis plantat vineam, & de fructu eius non comedit? Quis pascit gregem &c. Addens etiam veteris testamenti & similitudinem & figuram: Nam qui altari (inquit) seruiunt, de altari viuunt. Et

Scriptura

Scriptum est : non ligabis os bouis triturantis : quod non propter illos dictum est : nec enim de bobus cura est Deo : sed quia (inquit) debet in spe qui arat, arare &c. Vnde iterum ipse Timotheo scribens : Presbyteri (inquit) qui bene præsunt, duplici honore digni habeantur : maxime qui laborant in verbo. Honorem ibi non tantum pro reuerentia, sed (more veteris legis) etiam pro subuentione sumit. Apertè itaq; docet, non tantum necessaria deberi ministris spiritualium : sed ea reddenda esse iuxta cuiusque dignitatis & gradus rationem : ita vt honestè & decenter illis prouitum sit, & familiar quæ illis opus est siue ad necessitatem, siue ad decentiam ministerij cuiuslibet gradus : imò etiam eis, quorum Christi ministro naturali ratione cura commissæ est : iuxta illud (quod ipsemet inquit) qui suorū, maxime domesticorū curam non habet, fidē negauit, & est infideli deterior. Et hanc ipsam legem probauit Dominus in Euangelio, præcipiens Apostolis & discipulis quos mittebat, vt comederent et biberent quæ apud eos essent, ad quos diuerterent. Dignus enim est operarius cibo suo, inquit vnus Euangelista, alter : Mercede sua : vt videlicet idem intelligamus vtroque verbo significari.

1. Timot. 5.

1. Timot. 5.

Matthæi 10.

Lucæ 10.

Hæc duo fundamenta Euangelij & rationis naturalis, quorum alterum iustam temporalia percipiendi rationem ostendit in ecclesiasticis ministerijs : alterum iniustam damnat perceptionem : sunt diligenter consideranda. Ex quibus quæcunque ad simoniam, vel ad ius beneficij pertinent (quod attinet ad Deum & conscientiam) pensanda sunt. Quod vt fiat, hoc quod ex illis duobus sequitur, primò ante oculos habeatur.

Simoniz vitium ex intentione præcipuè temporalia suscipiendis iudicandum est, etsi dantis etiam intentio sit consideranda. Hoc non solum ideo verum est, quia omne peccatum præcipuè voluntate committitur, sed etiam ex proprijs & duobus illis fundamentis manifestum est. Temporalia possunt iuste recipi in administratione spiritualium : non igitur in eorū acceptione, sed in malitia voluntatis qua suscipiuntur, hoc peccatū est de quo nunc agimus : quanquā possint etiam iniuste accipi : vt si nimia &c. Merito Simoniz de- itaq; definiunt doctores nostri simoniam esse studiosam voluntatem emendi, vel vendendi spiritualia. De ipsa igitur intentione, in qua præcipuè consistit simonia, sequentia sunt cōsideranda.

Primum. Intentio suscipiendi temporalia tanquam precium

DE BENEFICIIS ECCLESIAST.

Quando si^o spiritualium, semper est simoniaca, et quidem si ita ut precium accipiantur, quasi spiritualia æstimabilia sint & illis æquari possint, est etiam hæresis: propter quod nōnunquam in iure etiam simonia hæresis dicitur: quamvis illud etiam putemus ea ratione dici, quod Simon ille etiam hæreticus fuerit, & propriam sectam constituerit. Demum (quod ad simoniam attinet) ut precium accipi temporalia intelligimus etiam, cum ab inuitis exiguntur: inuitis inquam, id est, qui si possent spiritualia sine temporalium exhibitione habere, id mallent, nisi aliās sint debita. Extorquere itaque temporalia non iustis alijs titulis (de quibus statim dicemus) pro spiritualibus, dicimus esse ea vendere & precio æstimare.

Quæ intentio non sit simoniaca in acceptione temporalium.

Secundum. Intentio suscipiendi temporalia ut necessaria sustentationi, vel ut debita ex iure siue superiorum ordinatione, vel ut voluntariè oblata, nullum est peccatum. Nam primum permittit Christus (sustentationem scilicet) accipi, ut dictum est. Secundum verò ex eodem etiam sequitur. Iuste enim prælatorum ordinatione iubentur dari temporalia, iuxta Pauli præceptum. Tertium denique probat apertissima ratio: potest enim gratus esse & liberaliter aliquid offerre qui spiritualia percipit: nec ibi quicquam vitij est. Iuxta duo igitur illa priora (quod ad Deum & conscientiam attinet) si temporalia ut necessaria, vel ut iure debita accipiantur, nihil refert siue ante, siue post collata spiritualia fiat, nihil etiam si antè exigantur & deducantur in pactum, modò intentio sit pura coram Deo, vel ut se feruet indemnem à molestiis, si putat postea sibi non esse conferenda. Quod verò attinet ad Ecclesiam (quia speciem simoniæ habet, ante administrata spiritualia recipere, exigere, vel pacisci de temporalibus) id prohibetur iure: & dicuntur ista à iuristis simoniaca, quia prohibita, hoc est, non ex natura, sed ex prohibitione iuris: quæ etiam ad peccatum obligat, & committeretur proculdubio, nisi illa ita fierent, ut apertè ostendi posset sincera intentio.

Quæ sit intentio simoniaca.

Tertium. Principaliter intendens temporalia in administratione spiritualium (etiam si licitè percipi possint) cōmittit simoniam. Quod est diligenter, curantibus mundam habere conscientiam, considerandum. Principaliter verò intendere temporalia, est ipsa spiritualibus præponere: atque ita summam deordinationem & irreuerentiam in ipsis spiritualibus & contra ea committere, imò

imò manifestè agere contra ordinationem Christi, qui hæc vt necessaria, & non aliter permittit accipi. Itaq; quocunq; titulo suscipiantur, si illa principaliter intenduntur, simonia est. Vbi quancūq; timoræ conscientie non sunt nimium inquietandæ, quia tamen difficile est (maximè in hac re, vbi de intentione agitur) hominē se ipsum agnoscere (nam fieri potest, temporalia moueant ad spiritualia administranda, ita vt aliter non fierent, non tamen propterea sit principalis intentio illa) hoc est cum timore domini valde cauendum, ne ex spiritualiū administratione ditescere aut abundare, vel (vt Paulus inquit) luxuriari in Christo quis velit. Hoc enim ex spiritualium administratione querere, valde repugnat & ipsi Christi ordinationi, & fini rerum spiritualium. Hinc Paulus, mente corruptorum (inquit) est existimare quæstum esse pietatem: est autē magnus quæstus, pietas cum sufficientia. Propterea enim subiungit: Habentes alimenta (inquit) & quibus tegamur, his contenti simus. Nihil enim intulimus &c. Olim quidem erat pulchra certè contentio in ecclesia, dum populus liberalissimè offerret ministris ecclesiæ vultra necessitatem: etiam possessiones & perpetuos redditus: & illi liberalius refunderet in egentes ita vt experientia ipsa populus episcopos patres pauperū agnosceret. Tunc non erant certa statuta stipendia, nō erat diuisio illa beneficiorum: sed distribuebatur unicuiq; iuxta arbitrium episcopi, certè prout unicuique opus erat. Postea cepit vtrinque minui sinceritas & sanctitas: & eo ventum est, vt populus nolit dare, & vt ecclesiæ ministri quandoque opus habeant exigere, quanquam etiam nimis durè exigant. Hinc iura decimarum, & huiusmodi alia introducta sunt, quæ (quod attinet ad determinatam aliquam portionem) non sunt iuris diuini: ex hoc enim tantum habetur, deberi sustentationem ecclesiæ ministris. Itaque (quod pertinet ad verum fidei sensum) duo vitanda sunt extrema. Primum, negantium quicquā deberi ministris ecclesiæ, sed tanquam eleemosynam dari, vt Bohemi hæretici primò dixerunt: vel damnantium hanc prelatorum ecclesiæ, de certa portione necessariò reddenda ministris, ordinationem: quæ sanè fieri rectè potuit, & credendum est necessariò factam eam esse consensu etiam populi. Alterum porrò extremū est, temporalia hæc immoderatus velle exigere, & tanquam stipendia secularibus principibus debita, habere.

Notent ministri ecclesiæ.

1. Tim. 6.

Duo errores cauendi,

Disputant doctores, an habens necessaria & sufficientia sibi &

DE BENEFICIIS ECCLESIAST.

**Notent mini
stri ecclesiaz
quando exi-
gere debeāt
temporalia.**

suis, ex administratione spiritualium possit aliquid accipere : & multis distinctionibus de hac re agitur. Illud tamen certum haberi potest, non esse licitum temporalia exigere quacunq; ratione, ei qui sufficientiam habet, siue ab ecclesia, siue aliunde habuerit. Recipere verò illa, primò, si gratis offerantur, non damnatur, etiam si in ipsorum spiritualium administratione hoc & cogitur & expectetur: modò expectetur voluntariè dandum. Secundo, si illa petantur tanquam ex iure, beneficio, vel ordinatione superioris debita. Sed hic considerandum est, quā intentione beneficium habeatur, & an querantur ex ecclesia diuitiæ, vel luxus & abundantia: quæ (vt dictū est) nescimus qualiter sine graui peccato queri possint. Dicitur fortè hoc non esse simoniacum. Vocetur quouis nomine, certè talis temporalium acquisitio ex spiritualium administratione est illicita: illud igitur semper ante oculos habendum est, & cum psalmista petendum à Deo: Inclina domine cor meum in testimonia tua, & non in auaritiā: vel (vt Augustinus legit) in emolumentum. Hæc itaq; de simoniæ peccato coram Deo & in conscientia dicta sint: quæ tamen simoniam tantum mentalem constituunt, quando exterius non manifestantur. Iam verò simonia exterior & perfecta (quæ punitur in ecclesia, & ex qua incurruntur pœnæ iuris, quæ certè multæ sunt & grauēs, excommunicationis videlicet & priuationis omnium quæ acquisita sunt per simoniam) non committitur ex solo peruerso animi affectu, nulla intercedente pactione. Ad illam igitur (vt Caietan. benè in summa notat, vbi & cætera huius materiæ dubia resoluit) requiritur temporalium rerum traditio ex cōuentione & exactione siue implicita, siue explicita, facta. Fieri enim potest, vt sine verbis spiritualia ministrans & temporalia reddens se inuicem facilè intelligant: ita videlicet vt neuter liberaliter id faciat. Si igitur temporalia dentur hoc modo: vel si non dentur, promittantur tamē (quacunq; ratione) & sequatur spiritualis rei administratio, est perfecta simonia iure punita: si verò aliquid horum desit, non est integra. Verbi gratia, si solo corde teneatur peruersa intentio, & ita spiritualia administrentur & recipiantur temporalia: multò minus si sola intentio fuerit mala, nulla verò ex ea administratio fiat: imò etiā si post conuentionē factā de tēporalibus, vel post ipsa recepta, mutata animi intentione, spiritualia non dentur, simonia non est perfecta. Patet enim non esse consummatum peccatum, quod

**Simonia alia
interior est,
alia exterior.**

non in liberali siue gratuita spiritualium administratione consistit. Ceterum eadem ratione constat, quod si spiritualia semel data fuerint ex illicita aliqua conuentione, etiam si postea negentur temporalia commissam esse perfectam simoniam.

Hæc igitur de intentione circa simoniam dicta sint: ex quibus multa, quæ in speciali tractantur, possunt facile iudicari. An videlicet liceat redimere vexatorem propriam, cum iniuste alius impedit à consecutione beneficii, vel aliter non vult spiritualia tradere? Duo enim circa hoc curanda sunt. Primum, ut recta sit intentio: deinde ne alterius peccato cooperemur. Itaque nolenti aliter baptizare, nisi detur pecunia, melius est non dare, dicunt doctores: sed ab altero suscipere baptismum, etiam à laico vel hæretico. Similiter qui ius habet acquisitum in beneficio, aperte iniustam vexationem posset pecunia redimere. Sed de his latius. Iam de ipsis spiritualibus, & de temporalibus quæ pro eis dantur, paucis dicendum est: de quibus multa apud doctores.

Circa spiritualia igitur ipsa illud in primis obseruandum est: quod dona ipsa gratiæ, virtutes scilicet & diuina auxilia (quæ per essentiam, ut dicunt, spiritualia sunt) nec iure nec facto vendi possunt: quare de his nulla quæstio est, quæ frustra quis tentaret vendere vel emere. Sed tria sunt spiritualia quæ vendi prohibentur: sacramenta videlicet ipsa, quæ de facto pro pecunia tradi possunt: spirituales actus, ut prædicatio verbi Dei, oratio pro alio: denique & corporalia spiritualibus annexa, vel ex temporalibus & spiritualibus composita: ut calix, vestes consecratæ, locus sepulturæ, & huiusmodi alia. De his itaque omnibus seorsim loquuntur doctores dist. 22. & b. Thom. etiam quæst. 100. 2. 2. de quibus breuiter sequentia notentur.

Primum. Sacramenta & spirituales actus (spirituales, inquam, Non solum ad salutem animæ spectantes, atque christianæ religionis proprii) spirituales nulla ratione nisi gratis dari possunt vel recipi, ita videlicet, ut nec actus vendi opera siue labor circa ista, nec industria, aut quicquid aliud in eis non possunt, exercendis est, locari, vel in pactum deduci possit. Ratio quidem sed nec operæ huius ex superioribus satis patet. Hæc enim omnia iubet Christus ra, industria, gratis dari. Si illa gratis danda sunt: quicquid illud sit quod con aut labor iunctum est eis, gratis etiâ dandum est. Dixerunt nonnulli laborem annexus, proprium posse vendi, non ipsa spiritualia, sed hoc, quod aliud est, quam aperta

DE BENEFICIIS ECCLESIAST.

aperta fraus & irrisio præcepti diuini? Illud itaq; certò statuatur, pro re, quæ ex spirituali potestate perficitur, vel reuera ad Christi gratiam per se pertinet, nihil exigi posse: nisi eo modo quo dictum est: nec in eis licet locare operas. Cæterum si quod quæritur temporale est, vel corporeum, vel naturale: etiã circa spiritualia: vendi potest: vt cantor licitè stipendium accipit, etiam si is clericus sit aut sacerdos. Similiter musicus, vel quacunq; alia arte (cuius in ecclesia & in diuinis officijs vsus est) pollens vel laborans, pro quouis horum licitè stipendia exigit. Nò enim sunt hæc spiritualia. Tales sunt custodes, syndici, & procuratores ecclesiastici: multo magis præfecti, etiam doctores vel magistri, qui prædicationis officio non deputantur, etsi theologiam doceant. Ministeria enim illa quæ ex persona Christi, à ministro aliquo eius nomine exhibentur, diutaxat sunt in quibus simonia committitur.

Annexa & partim spiritualia, quæ ratione vendi aut non vèdi possint.

Secundum. De reliquis omnibus annexis, siue compositis ex spiritualibus & corporalibus, hæc certa habeatur regula: quòd ea parte qua spiritualia sunt, vendi non possunt. Quare si præcipuū in eis sit spirituale: nullo modo vendi possunt. Si verò quod præcipuè quæritur temporale est, vendi quidem potest, modò corporeale propter annexum spirituale non pluris vendatur. Igitur calix consecratus, & vestis sacra possunt vendi ab vna ecclesia, alteri, vel quacunq; alia ratione modò propter consecrationem non pluris vendantur. Locus verò sepulture consecratus iam ad hoc, nulla ratione vendi potest: quia nihil aliud in eo loco quæritur, quàm id ad quod consecratus est: multò minus officium sepulture, vel solennitas in campanarum pulsatione, & huiusmodi alijs, processionibus scilicet & similibus: de quibus omnibus manifesta sunt iura in hoc titulo: & ratio similiter id ostendit.

An quædam beneficia dari possint pro pecunia.

Tertium. Quanquam de quorundam ecclesiasticorum beneficiorum collatione sit, præsertim apud iuristas, dubitatio, an sine simonia pro pecunia dari possint: quando videlicet illis non est annexus ordo aliquis sacer, nec ecclesiasticum ministerium (sicut sunt canonicatus, vel præposituræ sine omni iurisdictione ecclesiastica, vel alio actu, quàm cantare in choro) tamen de his omnibus etiam certò statuendum est, quòd non tantū hoc ipsum quod cõfertur considerandum sit, sed etiam potestas qua datur. Etsi enim beneficium ipsum stipendium temporale sit: & similiter id propter quod datur: tamen quia datur ex potestate dispensandi spiritualia

Spiritualia & ecclesiastica bona : quæ quidē potestas à Christo est, & ex psona illius exercetur: qui, vt illa vtatur, quicq̃ accipit, certē cōtra Christi statutū agit. Dicit fortasse aliquis non esse simoniam, quia pura temporalia dat. Sed nos dicimus, quòd in eis dandis minister est Christi: siue igitur stipendiū totum, siue pensio (quam vocant) hoc est, portio temporalis redditus, siue etiam eleemosyna detur ex autoritate ecclesiasticæ dispensationis non gratis: vel simonia committitur, vel certē iniquitas magna, & aperta iniustitia atq; infidelitas in dispensatione.

Quæ verò dari vel recipi pro spiritualium administratione prohibeantur, tribus complexi sunt doctores: pecunia videlicet, aut re aliqua pecunia æstimabili, quod vocarunt munus à manu: obsequio, cūm videlicet seruitur vel ministratur, vt spiritualia beneficia dentur: denique precibus vel adulationibus, quas vocant munus à lingua. Hæc igitur tria dari, vel recipi pro spiritualibus, simoniam dixerunt. Et de munere quidem à manu, nulla dubitatio est: de obsequio verò & precibus, aut laude & adulatione non est facilè iudicandum. Distinguunt igitur alij hoc modo. Si obsequia vel preces tanquam precium rei spiritualis dentur vel accipiantur, simoniam dicunt committi: si autem non vt precium, non committi. Sed reuera distinctio hæc nimis subtilis magis est speculatiua, quàm vt pertineat ad rem. Quid est enim illa vt precium dari, maxime si de precibus aut laudibus loquamur? Illa verò distinctio magis ad re pertinet, & est grauior, qua b. Thomas cōformiter ipsis iuribus distinguit obsequia: q̃, aliud sit honestū & ad spiritualia ordinatum, quod dignū est ecclesiastica remuneratione: & in eo nulla est simonia: aliud verò inhonestū, vel saltem temporale: vt si quis (inquit) episcopo seruiat in instituendis consanguineis suis, aut huiusmodi: pro his obsequijs spirituale cōferre, simonia est: quando scilicet hæc non liberaliter & gratis fiunt. De precibus verò, si carnales sint & pro indignis portetæ, & illarū intuitu cōferantur spiritualia, simoniā manifestè cōmitti docet, aut, vt minimū, factū ipsum esse simoniacū. Cæterū etiam si pro digno preces offerantur, & illarū intuitu, & vt gratia eius qui preces offert, aut amicitia habeatur, cōferantur spiritualia: nō munus simonia est: quia hæc cōmoda temporalia sunt, & tēporalibus cōmercijs & negotijs querenda, nō spiritualibus: quāuis, sicut in ceteris omnibus, ista tanq̃ consequentia iustam dispensationē spiritualium

DE BENEFICIIS ECCLESIAST.

tualium & accipi possunt, & expecti. Hæc igitur satis de tribus illis muneribus.

Quod simoniace datum vel acceptum est, retineri non potest. Notent qui simoniace obtinent beneficia. Pœna simoniacorum.

Ultimò tandem non est omittendū, q. simoniæ pœna (ab ipso iure diuino, & naturali ratione præscripta) est, vt datū & acceptū retineri non possit. Est. n. vtrinq; iniustitia cōmissa, cūm contra voluntatē Domini data sunt spiritualia pro precio, et acceptū precium pro illis: vterq; n. cōmittit & iniustitiæ & sacrilegij peccatum: atq; ita nulla est datio & acceptio. Quare beneficio simoniace acquisito renūciare tenetur, qui habet, & perceptos fructus restituere: pecunia etiam accepta necessariò restituenda est, nō ei qui dedit (qui dando peccauit, & dignus est illā amittere) sed ecclesiæ cuius damnum cōmissa est simonia, Addunt etiam iura pœnas irregularitatum & excōmunicationum simoniacis. Ceterum quia ordines recepti, etiam simoniace, non possunt non suscepti esse, iura suspensionem ab omni officio ordinum indixerunt simoniacè ordinatis: adeo vt nec obediendum sit prælato simoniacè electo, vt ab eo sacramentum aliquod suscipiatur: quanquam hic locum habeat moderatio concilij Constantiensis, & iuris communis, vt quamdiu tolerantur simoniaci, et non sunt denunciati, non teneamur illos euitare, vt superius explicatum est.

Nota moderationem.

Simonia mentalis non obligat ad pœnas in iure præscriptas.

Illud circa hoc non est omittendum, q. quanquā prior illa pœna resignationis & restitutionis meritò iuris diuini putetur, tamen cum simonia tantū mentalis est, et nulla exterius interuenit pactio explicite vel implicite, non solum pœnis alijs iuris non astricti ita dantes & accipientes spiritualia & temporalia, sed nec restitutioni ipsi, aut resignationi obnoxij sunt: sola enim animi pœnitentia hoc peccatum deleri potest, de quo aperta est definitio in c. ultimo de simonia, in decretalibus. De hoc igitur non est cur dubitetur, q. videlicet simonia illa quæ sola mente cōmissa est, sola etiam mentis pœnitentia purgatur. Quòd verò attinet ad beneficij Ecclesiastici retentionem: si aliqui dignus est & illud retinere potest: sola intentio simoniaca vel eius, vel dantis non cogit eum ad resignationem. Verum de pecunia aut re temporali accepta non est prætermittendum, quòd, cūm constitit non liberaliter datam eam esse, sed quasi ex necessitate & exactione (etiam si is qui recepit bona fide suscepit, & sine vitio simoniæ) restituenda nihilominus sit: cum illa coacta voluntas non veraciter transferat dominium: id quod in vsura manifestum est.

DE MATRIMONIO.

LECTIO PRIMA.

De vera in eo ratione sacramenti.



ET IMVM tandem sacramentum & vltimum matrimoniū ponitur. Vltimum certē & necessitate & dignitate. Necessitate quidē, quia duo hæc, ordo & matrimoniū, non singulis hominibus, sed toti ecclesiæ necessaria sunt: & inter ea illud persuadetur ac perfectionis est: hoc verò infirmitati nostrę cōceditur, et eadē ratione ostēditur dignitate inferius nō tantū illo,

Matrimoniū alijs sacramētis posterius est dignitate & necessitate.

sed & ceteris omnibus. In illis .n. manifestior & amplior gratia quā in hoc confertur. De hoc igitur sacramento vltimò nobis agendum est: in quo sunt quā plurima & ad fidem, & ad mores pertinentia. Et ea quidem quæ ad fidem pertinent multipliciter impugnata sunt ab hæreticis et nouitatum amatoribus, atque ideo necessariò cognoscenda & docenda sunt. Quæ verò ad mores pertinent, quanquam in eis multa sint quæ ad forensia iudicia ecclesiastica pertinent, & ad ipsa iura canonica ac doctores eorum: omnia tamen ferè necessaria sunt in iudicio illo arcano cōscientiæ, cum frequenter ad illud occulta multa deueniant: quæ cum probari non possint, in illo terminanda sunt. Vnde & Magister sentē. fusi per 17. d. à 26. videlicet vsque ad 42. in quarto de eo agit: quem sequuntur reliqui posteriores. Tradenda igitur sunt nobis, & quæ ad fidem, & quæ ad mores pertinent, idque ex fundamentis theologicis, scripturæ videlicet & patrum autoritatibus.

Quæ ad matrimonium pertinet etiam confessor scire debet.

DE SACRAMENTO

q.3.d.26.

Quid reprehendat heretici in catholici de matrimonio.

Descriptio Matrimonij, cum assertione quod sit verè Sacramentum.
Capite 1.

Primò itaque omnium de ratione sacramenti agendum est: an videlicet, & secundum quam rationem matrimonium sacramentum sit? Magno enim consensu hoc ab hæreticis omnibus nostri temporis negatur, & à catholicis non paucis aut non satis explicatur, aut in alieno sensu asseritur, vt in Durando patet: vt omit-
tamus interim multos recentiores, de quibus postea, cum opus fuerit, dicetur. Hæretici igitur multa contra hoc sacramentum matrimonij asserunt, inuidiosissimè etiam calumniantes, quòd hoc sacramentum nos fecerimus, vt ad Ecclesiam reuocaremus eius iudicium, & ita multa contra id quod æquum & iustum est, de matrimonio statuerentur in Ecclesia: vt de multis gradibus consanguinitatis, & de matrimonio contracto à filiis sine parentum voluntate: & addeutes etiam, non plus esse rationis sacramenti in matrimonio, quàm in agricultura, siue arte quauis alia politica, quæ ex Dei bona ordinatione est, non tamen sacramentum: maximè cum audeamus (dicunt illi) matrimonium sordes & immunditiam vocare. Cum enim de calibatu ministrorum ecclesiæ dicimus, ob mundiciam spiritualium rerum non conuenire matrimonium ministris Ecclesiæ: colligunt statim illi, nos dicere immundum matrimonium. Vt igitur his omnibus veraciter & sobriè atq; modè respondemus, statuatur hoc certissimum fidei fundamentum. Matrimonium, quod quantum conuenit huic principio, legitima coniunctio maris & femine ad indiuiduum & perpetuam vitæ consuetudinem retinendam, siue ad propriorum corporum donationem inuicem faciendâ, describi potest: & prima est (vt Augustin. inquit in libro de bono coniugali) copula naturalis humanæ societatis, ab ipso naturæ autore in ortu eius instituta: est verissimè & perfectè sacramentum Ecclesiæ. Vt verò omittamus consensum catholicorum omnium doctorum ab his quadringentis et amplius annis, qui omnes disertissimè de hoc sacramento locuti sunt (Hugo videlicet de sancto Victore, Magister sententiarum, omnes scholastici, Rabanus, & ceteri omnes, quos hæretici inuerecundè certè & procaciter seijciunt: maximè cum hoc non fuerit inuentum illorum nec huius temporis: sed quod acceperunt, tradiderunt) ad confirmandum hoc sacramentum primò sufficere debet Ecclesiæ Romanæ & conciliorum vniuersalium definitio. Lucius 3. in cap. ad abolendam, de hæreticis, ante quadringentos (aut circiter) annos matrimonium inter se-

ptem

ptem sacramenta ecclesiæ, quasi rem certam, collocat: vniuersos hereticos decernens, qui de sacramento corporis & sanguinis domini, vel baptisinate, seu de peccatorum remissione, matrimonio, vel reliquis ecclesiæ sacramentis aliter sentiunt, quam sancta Romana ecclesiæ prædicat & obseruat. Vbi diligenter notandum est, quod hunc sentium ecclesiæ de sacramento matrimonij tam certum & indubitatum habuerit, vt nec cogitauerit de eo dubitari posse. Deinde concilium Constantiense in Ioannis Hus condemnatione, ipsum & sequaces damnat, quod de septem ecclesiæ sacramentis, & multis alijs, vt infideles filij infidehiter sentiant. Vbi vide nominari septem sacramenta, quæ sine matrimonio non inueniuntur. Deniq; concilium Florentinum in bulla vnionis Armeniorum, septimum sacramentum matrimonium ponit, distinctè de eo doctrinam tradens. Quæ certè concilia (vt nunc cū aduersarijs ecclesiæ agamus) si non certum est errare non potuissent, tamen non nisi temerè & impudenter reprehēdi possunt à priuato aut priuatis quibuscunq; Nec enim quod posteriorum temporum sint, quicquam detrahit veritati huius dogmatis. Cur enim quæ post priora illa tempora in controuersiam venerunt, nō sunt definienda?

Sed, vt hoc certius possimus asserere, aduersus hærenicos, opus est illud confirmare consensu totius ecclesiæ, vel efficaci & certa ratione ex scripturis & fide sumpta. Nec enim credimus concilia nouam fidem, aut noua sacramenta tradere posse, vt superius dictum est: Neq; dubitamus in ipsis concilijs vbi hæc definita sunt, vel vtrumq; horum (scilicet consensum ecclesiæ & rationem scripturæ ac fidei) vel vt minimum alterum inuestigatum & inuentū fuisse: vbi doctorum totius ecclesiæ diligentia hæc quærentur. A nobis verò pro capto nostro vtrumq; horum est probandum.

Incipiamus igitur à consensu & autoritate ecclesiæ: de quibus (vt sobriè loquamur) duo asserimus. Primum. Nomen ipsum sacramenti in propria significatione, qua eo utimur cum septem sacramenta ecclesiæ dicimus, rarò inuenitur in antiquis patribus à pertè matrimonio tribui ita vt de hoc nomine consensum ecclesiæ ab ipso eius ortu (sicut in cæteris huc vsq; fecimus) apertè probari posse, non asseramus: nec hucusq; inuenimus. Secundum. In matrimonio tamen, id quod nomine sacramenti significamus inueniri (signum videlicet rei sacræ, & sanctificationem quandam)

DE SACRAMENTO

Ephes. 5.

ecclesiam semper sensisse, etsi non multis ac apertis testimonijs: sufficientibus tamen indicijs probari potest: id quod satis esse debet fidelibus & modestis ecclesiz filiis. Horum igitur duorum primum quidem ideo dicimus: quoniam etsi legamus apud Paulum de matrimonio loquentem: Sacramentum hoc magnum est: verbum tamen græcum est, mysterium, quod non possumus negare multa alia significare, quàm sacramenta ecclesiastica: quanquam nostri interpretes his duobus nominibus, mysterium, & sacramentum, pro eodem vti videatur, nec improprie aut male: idem enim hæc duo significant, vt superius in principio huius tractatus dictum est. Et in hac significatione sacramentum non est aliud quàm absconditum aliquod & abstrusum sacrum. Vnde in eodem loco Pauli scriptores quidam ecclesiastici eodem modo quo Paulus, matrimonium sacramentum vocant: & non aliter quàm ipse Paulus, nec explicatis quicquid dicunt, quod ad antiquiores attinet: & Ambrosio loco mysterium legit, nec in enarratione quicquam aliud addit. August. (vt inferius apertius patebit) in matrimonio sacramentum esse frequenter dicit: idq; ita, vt, quanquam hoc ipse explicauerit, non tamen quasi nouum inuexerit in ecclesiam: & sacramentum (vt ostendemus) eodem modo sumit, sicut quando septem esse sacramenta ecclesie dicimus. Et hæc sunt quæ circa nomen istud habemus ex antiquioribus. Secundum verò quod de re ipsa asseruimus, ita probatur: In matrimonio est signum quoddam, sacrum quidem & diuinum: & sanctificationem in eo esse, ab antiquioribus patribus semper fuit creditum, idq; ita, vt de hoc nulla vnquam fuerit contradictio. Et illud quidem aperte ostenditur ex eo, quod patres matrimonium noluerunt aliter celebrari, quàm benedictionibus sacerdotum in ecclesia, & sacris oblationibus, atque sacrificio ipso Missæ: quibus quid quæso aliud significatur, quàm vt rem sacram hoc habitum esse? Huius verò testimonia antiqua extant: primò decretum Euaristi, qui aut tertius aut quintus à Petro fuit: in quo aperte non aliter ratum habendum esse matrimonium dicit, nisi & à parentibus petatur ipsa fœmina, vel à propinquiorebus etc. & cum precibus ac oblationibus à sacerdotibus benedicatur: quod (inquit) à patribus accepimus, & à sanctis Apostolis & eorum successoribus traditum inuenimus. Hoc ipsum Tertullianus antiquæ authoritatis, in his præcipue quæ ad ritus pertinent illorum temporum, in lib. 2. ad vxorem, manifeste testatur,

Epistola 1.
quæ est ad
omnes epi-
scopos Afri-
cæ.

Nota tradi-
tionem apo-
stolicam.

testatur, felicitatem illius matrimonij commendans, quod (inquit) ecclesia conciliat, cōfirmat oblatio, obsignatum angeli denuntiant. Similiter & concilium Carthaginense quartum, tempore Augustini & eo præsente celebratum, offerendos esse sponfos sacerdotibus cū benedicendi sunt, statuit, certē non tanquam rem nouam: & hoc deinde perpetuū videmus in ecclesia seruatum: quare constat tanquam rem sacram habitum esse matrimonium. c. 13.

Deinde & verbum Pauli hoc ipsum satis confirmat, qui de muliere matrimonio iuncta loquens: Saluabitur (inquit) per filiorum generationem, si permanferit in fide, & dilectione, & sanctificatione cum sobrietate. Vbi duo priora quæ ponit, fidem & dilectionem constat omnibus fidelibus conuenire: quod verò addit, sanctificatione, aperte ostendit ad ipsum matrimonium pertinere: & quia perseverandum in ea dicit, satis manifestat in ipso matrimonio eam esse, in qua perseverandum docet. 1. Tim. 2.

Vnde & alibi ait: Vt sciat vnusquisque vas suum possidere in sanctificatione, non in passionibus desiderij, sicut gentes quæ ignorant Deum. Vltimò deniq; hunc ecclesiæ sensum, & nomen ipsum sacramenti in matrimonio Augustinus frequentissimè ostendit. Is enim non sensum suum, nec nouum aliquid in ecclesia docens: sed explicans dilucidè & ecclesiæ & scripturæ sensum, in matrimonio tria bona esse frequenter docet: prolem, tanquam fructum actus ipsius & coitus coniugalis: fidem, qua sibi inuicem ita obligantur vir & vxor, vt Paulus dixerit, quod vir non habet potestatem sui corporis, sed mulier: & è contrario, nec mulier sui corporis habet potestatem, sed vir. Et rursus: Vxori debitum vir reddat, & vxor viro. 1. Thess. 4.

Tertium denique bonum vocat sacramentum, à quo (inquit) fit, vt matrimonij vinculum indissolubile sit, etiam si utrūq; aliorum defuerit. Et quidem non tantum in matrimonio sacramentum esse dicit: sed etiam ipsum esse sacramentum. Ita lib. 1. de nupt. & concupis. Quoddā sacramentum (inquit) nuptiarū commendatur fidelibus: de quo ait postea. Huius sacramenti res est, vt quā diu viuūt, separari nō possint coniuges. Idē etiā lib. de bono coniugali. c. 7. manifestè dicit: & c. 23. confert matrimonii sacramentum ordinis: manere nihilominus sacramentū asserens, etiā si proles aut facultas habendi illam. & fides quoq; ipsa defuerit: sicut ordinis sacramentum manet, etiā si plebs cui aliquis præfici- tur, non maneat. Itaq; & ex his, & ex multis alijs in vtroq; horum

Tria bona
matrimonij
proles, fides,
sacramentū.

1. Cor. 7.

c. 10.

DE SACRAMENTO

librorum ab Augustino dictis, apertè constar ipsum tanquam certum habuisse, matrimonium esse sacramentum: quanquam negandum non sit, nomen sacramenti (etiam secundum quod pro sensibili aliqua re sanctificante nos sumitur), latius patere apud Augustinum, qui etiam quædam alia sacramenta dicere non dubitat, ut patet lib. 2. de peccat. merit. & remiss. ubi catechumenos benedictione illa quæ præcedit baptismum, sanctificari dicens, addit etiam, & quod sumunt, sanctius esse cæteris cibis, quia sacramentum est. Itaq; ostendit ibi sanctificatum aliquid in ecclesia catechumenis traditum fuisse, & illud sacramentum vocat. Vbi advertendum est, quàm negligenter Augustinum legerint, qui dicunt duo tantum sacramenta Augustinum ponere: cum etiã ponat sacramentum quoddam catechumenorum: non quòd putemus aut ipsum credidisse, aut credendum esse, quòd baptismum præcedat aliquod aliud verum & proprium sacramentum: sed ut pateat quàm latè usus fuerit nomine sacramenti. Et tamen ne putetur, quòd ita vocet sacramentum matrimonij, sicut catechumenorum: sed propriè & verè: dixit, sicut sacramentum ordinis: ita enim confert hæc duo sacramenta. Et hæc dicta nobis sint de antiquæ ecclesiæ sensu, & autoritate patrum de hac re. Nos enim alia explicatiora non habemus: sed hæc satis ostendunt nolentibus proteruire, quis fuerit antiquitatis sensus. Quòd verò non frequentius de hac re mentio fiat apud antiquos, putamus ideo factum esse, quia nulla erat de hac re controversia. Ea enim quæ certò constituta erant in ecclesia, non opus fuit à patribus illis confirmari, nec certè frequentius meminerunt illorum (sicut superius quoq; frequenter monuimus) nisi cùm ad alia vel confirmanda, vel explicanda illis opus erat: Satis enim hoc superius ostendimus, De sacramento ordinis nõ esset & apud Augustinum mentio, nisi propter hæresim Donatistarũ opus fuisset illi dicere, quòd sicut baptismus ab hæreticis datus validus est, ita & potestas baptizandi, hoc est, sacramentum ipsum ordinis. Itaq; quòd tam raro fiat mentio matrimonij, debet nos apertè docere, rem fuisse certam: quod vel vnus Augustini testimonium confirmare potest. Nec enim rem nouam ille inuexisset in ecclesiam, nec permissum illi esset, sed reclamassent contra illum doctissimi alij & sanctissimi pontifices. Et certè meritò, etiam si nulla alia esset ratio, hæc vna nobis autoritas sufficere posset. Sed ne quid desit, addamus iam rationem certam ex ipsa fide sumptam.

Nota quare multorũ dogmatum fidei apud antiquos rara sit mentio.

Ita

Ita igitur probamus rem ipsam, quam nomen sacramenti significat, certissimò matrimonio conuenire. In matrimonio est effectus omnem humanam & naturalem virtutem excedens, à solo Deo supernaturaliter causatus; idq; ex significatione præcedenti: ergo matrimoniū est verum sacramentum. Hoc enim nomine sacramenti veraciter significamus: externum scilicet aliquod diuinæ virtutis & operationis signum, non tantum (vt hæretici dicunt) confirmatiuum & testificatiuum fidei, sed ipsius etiam gratiæ effectiuum, vt superius probauimus. Si igitur hoc conueniat matrimonio, perfectissimè sacramentum erit. Illud assumptum igitur probandum est, quòd talis effectus sit in matrimonio: idque non aliunde, quàm primæ institutionis ipsius à Deo factæ, & sacræ scripturæ verbis, ac Christi Domini in Euangelio autoritate manifestè constat. In Genesi ita scriptum habemus, quòd muliere Genesis 2.
formata, adduxit eam Deus ad Adam, & ille ait: Hoc nunc os ex ossibus meis, & cætera quæ ibi scripta sunt vsque ad illud verbum: Quamobrem relinquet homo patrem suum & matrem, & adhærebit vxori suæ, & erunt duo in carne vna. Hæc verba Christus Dominus apud Matthæum primò à Deo dicta asserit. Qui Capite 19.
creauit (inquit) hominem, masculum & fœminam fecit eos, & ait: Propter hoc relinquet homo &c. cum tamen legerimus hæc verba ab Adam dicta esse: non alia certè ratione (vt Augustinus Cap. vltimo.
8. lib. de Genesi ad literam inquit) nisi quia illa ab Adam prophetice, & ex persona Dei dicta sunt: vt agnoscamus in matrimonij institutione non tantum Deum vt authorem naturæ se gessisse, vt scilicet naturale tantum vinculum faceret: sed supra naturam omnem, & vt authorem gratiæ efficacius aliquid operatum fuisse. Vinculū matrimonij &
Hoc enim statim Christus ipse ostendit: Quod (inquit) Deus supernatura
coniunxit, homo non separet: addens mox, nulla ratione licere le est, & su-
vxorem dimittere, ita vt ipsa alteri coniungi possit: de qua relati- pernaturali
us postea dicemus: nunc hoc satis esse debet, quòd vinculum ma- ex causa,
trimonij tantum est, vt nulla humana vi solui possit, dicente Christo: Quod Deus coniunxit, homo non separet: ergo & superna-
turali virtute hoc factum est. Quare enim, si ex solo consensu cō-
trahentium vinculum illud causatur (addamus etiam, & authoritate legum humanarum) non posset eodem etiam consensu &
authoritate dissolui? Quare coniuges non possent vel propter
bonum reipubl. vel proprio consensu ita separari: vt alijs con-

DE SACRAMENTO

Lib. de bono
coniug.

Ephes. 5.

cap. 7. lib. de
bono con-
iugali.

Quàm impiè
sentiant hæ-
retici de ma-
trimonio.

iungerentur : sicut Cato Romanus (vt Augustinus refert) propriam vxorem alteri dedit repleturam domum illius filijs ? Et tamen Christus inquit , Quod Deus coniunxit , homo non separet . Est igitur effectus supernaturalis manifestus . Significationem etiam rei sacræ , & quidem summæ (coniunctionis scilicet Christi & Ecclesiæ) in sacramento esse ex ipsa Dei institutione Paulus docet , cum mulieribus , vt maritis sint subditæ , præcipiens , exemplum adducit ecclesiæ : Sicut ecclesia (inquit) subiecta est Christo , ita & mulieres viris suis . Et rursum , viris , vt eis persuaदेat dilectionem vxorum , in exemplum proponit Christum : Viri , diligite vxores vestras , quemadmodum Christus dilexit Ecclesiam . Et post multa in hac sententiam eo loco , tandem adducta auctoritate Genesis : Propter hoc relinquet homo patrem & matrem &c . ait . Sacramentum hoc magnum est . Ego autem dico in Christo . & in Ecclesia . Vides ergo in matrimonio effigiem quandam Christi & ecclesiæ , & coniunctionis eorū ? Vides & Paulum aperte in ipso matrimonio , & in illis verbis : Propter hoc relinquet homo &c . sacramentum inuenisse ? Sed in Christo (inquit) & in ecclesia : vt aperte intelligas ibi consummatam esse rem illius sacramenti . Hoc (inquit) est sacramentum : quid (rogo) aliud , quàm coniunctio viri & mulieris ? De hac enim in toto contextu loquitur , & de eadem , verba quæ citauerat , loquuntur . Est ergo illa cōiunctio sacramentum . Et etiam si sacramentum (vt contendunt hæretici) sumatur pro mysterio : negari tamen non potest , significari sacra quadam et mystica significatione in matrimonio coniunctionem Christi & Ecclesiæ . Ex qua (inquit Augustinus) fit , vt fœdus illud nuptiale , etiam ipsa separatione irritum non fiat . Posset enim homo (inquit) sterilem vxorem dimittere , & ducere de qua filios habeat : quod tamen si non licet , sicut diuina videtur regula præscribere (quod Augustinus dixit , quia non satis discusserat hoc eo loco) quem non faciat intentum , quid sibi velit tanta firmitas vinculi coniugalis ? quod nequaquam puto tantum valere potuisse , nisi alicuius rei maioris , ex hac infirma mortalitate hominum quoddam sacramentum adhiberetur , quod deserentibus hominibus atque dissoluere cupientibus , illis maneret ad pœnam . Nihil ergo ad veram rationem sacramenti deest matrimonio . Et certe indignè ac blasphemè etiam de matrimonio sentire se ostendunt , & puerili leuitate duci , qui nihil putant il-
lud

lud differre ab agricultura, aut sutrina, siue constrina. Quomodo non verentur illud Christi: Quod Deus coniunxit &c. ? Sed etiam illa (inquiunt) sunt à Deo, non tamen sic, vt ab homine dissolui non possint. Agnoscant itaque (sicut Augustinus inquit) superhumanum aliquid in hoc sacramento matrimonij. Nec ca- Respondetur tholici sordes aut immunditias matrimonium vocamus: imò (vt calumniæ Augusti. inquit) quicquid immodestum, inuerecundū, sordidum- hereticorū. degerunt inter se coniugati, vitium est hominum, non culpa Lib. de bono matrimonij: nec illud propter nuptias admittitur, sed propter coniugali, nuptias ignoscitur. Vnde & sanctitatem in ipso matrimonio, at- cap. 6. que in corporibus coniugatorum confitemur. Quamquam Pau- 1. Corint. 7. lus dixerit: Quæ innupta est, cogitat quæ sunt Domini, vt sit sancta corpore & spiritu: tamen eodem etiam loco (vt Augustinus Lib. de bono ait) sanctificatus, inquit, est vir infidelis in vxore fidei &c. Nec coniugali, tamen propterea æquamus nuptias exlibatui, de quo postea di- cap. 11. cemus: nunc satis sit, ex his proballe veritatem sacramenti matrimonij.

LECTIO SECVNDA.

In qua soluuntur quæ contra veritatem
huius sacramenti adducuntur
& dubitantur.



UÆ diximus sufficere possunt & contra aduersarios Ecclesiæ, & ad dubia omnia soluenda, quæ à catholicis etiam (minis dignè certè de sacramento hoc sentientibus) adducuntur. Vnus est inter scholasticos Durandus, dist. 26. q. 3. qui de hac re minis certè consideratè & audacius quàm oporteret loquens, fatetur quidem Ecclesiæ sacramentum esse matrimonium, sed solo nomine: quia non vniuocè (inquit) hoc est, eadem ratione, qua alia, sa-

DE SACRAMENTO

cramentum dicitur : & denique nihil dignum sacramento in eo inueniri putat. Cùm verò nos probauerimus , imò verbum Christi & Pauli testetur rei sacræ signum esse , & supernaturalem effectum habere : nihil est quod ad perfectam & omnium aliorum sacramentorum veram rationem illi desit : nec possumus sententiam illam non contrariam scripturis & fidei dicere , & certè ex magna negligentia id rectè considerandi scriptum esse. Sed soluendæ sunt rationes & dubia quibus ille mouetur : ex quorum solutione fiet etiam hoc ipsum manifestius.

Vtrum per
sacramentū
matrimonij
conferatur
gratia con-
trahentibus.

dist. 2.

Primò igitur (quod dictis proximum est) meritiò quærit ille , an gratia conferatur per hoc sacramentum contrahentibus? Hoc enim (vt satis ex superioribus patet) commune est omnibus sacramentis nouæ legis. Si ergo vel hoc sacramentum gratiam non conferat , vel si hoc dubium sit : pari ratione dubitabitur , an sit sacramentum. Et quidem Durandus refert Iuristarum quorundam sententias (quorum (inquit) est sensum canonum & Romanæ Ecclesiæ circa hoc nolle) asserentium in matrimonio gratiam nō conferri : Ostiensis videlicet, Goffredi, Bernardi ; imò & Magister ipse sententiarum in principio quarti , matrimonium separans à sacramentis gratiam conferentibus , dicit in remedium tantum peccati institutum esse. Meritiò itaque quid certa fide de hoc sentiendum sit, quæritur : cui breuiter duabus propositionibus respondeamus.

Prima Pro-
positio.

Prima. Etsi à nonnullis negatum fuerit sacramentum hoc gratiam conferre, & videatur etiam inter theologos de hoc probabiliter dubitari : dubium tamen hoc potest intelligi de gratia quadam habituali, qua sanari dicimus & perfici animam, remitti quæ peccata : quæ cùm habitus sit , permanet & augetur in habentibus eam per sacramenta, & non habentibus datur. Meritiò enim in quæstionem verti potest , cùm hoc sacramentum non sit institutum in remissionem peccati , quomodo virtute eius non habenti gratiam , atque ideo non exiſtenti in peccato gratia detur : aut augeatur etiam in iam eam habentibus ? maximè cùm fieri possit , vt contrahat quis matrimonium mutata voluntate continendi quam prius habuit, atque ita eo contracto , magis minuenda in eo videbatur gratia (si minui possit) quàm augenda : quamquam & in hac dubitatione multò probabilius sit, etiam hanc gratiam dari & augeri (vt beatus Thomas inquit dist. 26.) sicut

q. 2. art. 3.

in

in alijs sacramentis, vt sequenti propositione ostendemus.

Secunda. In hoc sacramento dari contrahentibus aut habitua- 2. Propositio
lem gratiam, aut auxilium supernaturale & gratuitum ad dignè
ac sanctè vtendum matrimonio, & perpetuò seruandam fidem,
ac ad non recedendum à perpetua vinculi huius indissolubilitate
(eadem ratione, qua superius dari in sacramêto ordinis diximus)
probatur & satis ostenditur auctoritate scripturæ: quare nulli ca-
tholico putamus de hoc dubitandum esse. Deus non deest illis,
quos in ecclesia sua in aliquo gradu constituit. Cùm enim vocat
aliquem ad officium aliquod, gratiam dat illi ad tale officiũ ne-
cessariam. Quanta verò sit necessaria gratia, quantum Dei auxili-
um, ne in vsu matrimonij excedatur, & ne satanas (vt inquit Pau- 1. Cor. 6.
lus) tentet & naturalis ratio, & auctoritas scripture satis ostendit.
Concupiscentia enim accenditur magis experientia: & Paulus
apertè inquit: Tribulationem carnis patientur. Igitur ad hæc om-
nia opus est diuina gratia, maximè ad matrimoniale vinculũ per-
petuò retinendum, quod tot impedimentis, & quidem nonnun-
quam naturæ importabilibus, contingit impugnari. Quomodo
credemus Deum deesse huic suo open? Certè verbum illud. Quod
Deus coniunxit, si rectè expendatur, sicut ostēdit Deum superna-
turali virtute coniunctionem illam operari: sic etiam docet illum
eandem per suam gratiã perficere, & quidem vel solum hoc ver-
bum credimus id sufficienter probare. Adest ibi Deus vt operetur
significationem, sanctissimam & arctissimam coniunctionem.
Adest ibi adducens viro vxorem, sicut adduxit ad Adam: & sub-
trahet se, ne conferat gratiam rei significatæ & effectæ necessari-
am? Quis hoc dignè vel suspicari posset? Satis ergo nobis sit
verbum illud: Quod Deus coniunxit. Addunt etiam rationabili-
ter multi, quod, si non daretur gratia, non esset matrimonium in
remedium: cùm reuera cōcupiscentia non superetur, nec tempe- 1. Cor. 7.
retur quidem experientia, sed accendatur magis, vt diximus. Si
ergo melius est nubere quàm vri (vt Paulus inquit) & propter for-
nicationem, vitandam scilicet, vnusquisq; suam vxorem habere
debeat: gratia proculdubio confertur concupiscentiam tempe-
rans: alioqui satis debile remedium esset matrimonium: & (vt b.
Thomas supradicto loco inquit) nihil magis in lege noua matri-
monium iuuaret, quàm in veteri. Porro si, qui matrimonium con-
trahunt, obicem ponant, nihil virtuti sacramenti detrahatur: hoc

DE SACRAMENTO

enim in omnibus sacramentis contingit. Nec verum est quòd matrimonium contrahens, hoc ipso obicem ponat augmento gratiæ, etiam si fortè prius propositum continentię habuerit, modò non votum. Sanctè itaq; contrahi potest matrimonium, quod (vt ex iam dictis patet) non est dubitandum gratiam adferre contrahentibus. Habitus gratia illa sit, an augmentum ipsius, an duntaxat Dei auxilium, parum curamus: quanquam probabiliter etiam teneatur, gratiam omnium sacramentorum præsupponere habitum illù inhzrentis gratiæ. Quare quodlibet eorum (etiam si non institutum sit in remedium peccati) sumptum cum digna præparatione animi, creditur peccatum, si quod reliquù est, dimittere, & ita gratiam iustificantem conferre: quod & de matrimonio meritò credi potest. Nam si fortè inculpabiliter peccatù aliquod vel ex obliuione, vel ob defectum perfectę contritionis non fuit antè remissum, atq; ita sine gratia ad hoc sacramentum accedatur: ex deuota & digna eius susceptione remittetur. Et tamen de hoc disputari quoq; iustineremus, modò illud etiam vt tutius saltè, & ideo vt necessarium doceatur, quòd debeat hoc sacramentum suscipi, sicut & omnia alia, cum vera pœnitentia & contritione (vt minimù) peccatorum. Est verò saluberrimum consiliù, & seruati quidem à pijs omnibus, vt non nisi præmissa etiã confessione hoc sacramentù perficiatur. Et quanquã còsultius foret, vt hoc in primo illo contractu, cù de præsentì sibi inuicem consentiunt coniuges, obseruaretur: ibi enim verum sacramentum esse meritò creditur: tamen sustinendum, imò curandum, vt saltè cùm benedictiones illæ in ecclesia suscipiendæ sunt, omnino etiam ad suscipiendam Dei gratiam coniuges per confessionem præparentur: nam in illis credimus (quanquam ipsæ non sint sacramentù) perfici, si quid defuit in priori contractu. Tunc enim & perseuerat & quodammodo renouatur prior ille consensus, & superadduntur benedictiones ecclesiæ. Interim tamen admonendi sunt, vt in priori illo contractu sanctè se habeant: de quibus postea plura dicemus, cum de dispositione suscipientium hoc sacramentum agemus.

Saluberrimù
hoc consiliù
& populo
sæpè prædi-
candum.

Illud circa hunc articulum non omittamus, nonnullos multa certè pietatis specìe, & zelo sanctitatis christianæ, apertè docere non esse sacramentum, quando nullo respectu Dei, nulla in eù fidei deuotione, sed voluptatis tantum intentione contrahitur ma-
trimo-

trimonium. Non enim putant isti sacramentum esse, ubi nō adest
 fides in verbum ipsum sacramenti. Quod ideo retulimus, ne si
 quis in hunc locum inciderit, specie illa pietatis decipiatur. Primò
 constat ad integritatem aliorū omnium sacramētorum (sanctio-
 rum etiā & perfectiorū, quā sit matrimoniū) sufficere voluntatē
 suscipiendi sacramentum vt ab ecclesia traditur, etiā si id sine vllò
 respectu Dei, & ob malū finem fiat: vt si baptizetur quis vel pro-
 pter pecuniam, vel quacunq; alia etiam iniqua voluntate, est verū
 sacramentum: ita in ordine & cæteris omnibus: Quare ergo non
 similiter in matrimonio? Requiritur quidem deuotio in Deum ad
 dignē suscipiendum sacramentum & cum fructu gratiæ: non autē
 ad hoc, vt sit perfectum sacramentū, vt ex superioribus satis patet.
 Distinguenda enim sunt illa duo, idq; maximē in matrimonio, in
 quo, si illa opinio crederetur: quot matrimonia vel sacramenta nō
 essent, vel verterentur in dubiū: maximē cū perpetua illa indis-
 solubilitas ex sacramento causetur? B. August. inquit quidem, an
 contractum matrimoniū sola libidinis causa, coniugiū sit: quan-
 quā de nomine sacramenti ibi nō loquatur, & (quāuis egrē) fate-
 tur tandē coniugium esse, modò nihil fiat quo impediatur susce-
 ptio prolis: imò bonum hoc esse ibi obseruat, quòd libido illa cō-
 tineatur intra iustos limites. Ita igitur censendum est de sacramē-
 to. Quod verò Augustinus dicit de non impedienda prolis susce-
 ptione, explicabitur postea. Nunc satis sit, quòd certò sciamus, ve-
 rum coniugium & verum sacramentum esse censendum, quando
 in intentione nihil est contrarium naturæ coniugij viri & mulie-
 ris, etiam si aliquid sit contrarium gratiæ. Et quod ab eis additur
 de fide credente & acceptante verbum: magis Lutheranus est
 quā Catholicus. Verbum quidem sacramenti (inquit Augusti-
 nus) operatur, non quia dicitur, sed quia creditur: sed inde non se-
 quitur, quòd, vt operetur, opus sit credi vel à suscipiente sacramen-
 tum, vel à tradente: vt operetur, inquam, veritatem sacramenti: si-
 cut in baptismo suscepto & tradito ab Arrianis, volentibus tamē
 agere quod Christus instituit, patet. Nec verba sacramentorum in
 catholica doctrina ad confirmandam & excitandam fidem, siue
 corroborandam promissionem, ac consolandos fideles principa-
 liter sunt instituta & dicuntur: sed ad operandum & efficien-
 dum. Consequuntur quidem consolatio & corroboratio animæ
 etc. in his qui dignē dispositi sunt, sed nō est ille proprius effectus,
 sine

Lib. de bono
 coniugali
 c. 5.

DE SACRAMENTO

sine quo sacramentum non sit ratum. Quod cum frequenter superius sit explicatum: opus nunc fuit, ad cauendam nouam hanc pietatis speciem, repetere.

Ex his etiam patet, quomodo respondendum sit alijs, quæ solent obijci contra veram rationem sacramenti in matrimonio: quod videlicet in eo non applicetur exterius aliquid per ministros ecclesiæ suscipientibus ipsum, sicut in alijs sacramentis fit. Fate-mur namq; ita id se habere, & ita hoc sacramentum nõ perferri applicatione alicuius rei suscipientibus adhibita, sed contractu ipso. Sic enim & pœnitentiæ actib; ipsius pœnitentis perficitur, accedente tamen absolutione: hic verò ipse contractus legitimus complet totam rationem sacramenti. Nec est Deo difficile, quo medio & qua ratione gratiam conferre velit, vel operari sua supernaturalia opera.

De institu-
tione sacra-
menti.

De institutione quoq; huius sacramenti, in noua maximè lege, dubium est. Cum enim sacramentum nouæ legis illud esse consteamur, meritò putant quærendam eius institutionem in noua lege: cum præsertim matrimonium in prima illa hominis productione, multis non in sacramentum, sed in officium naturæ tantum (ad generationem videlicet prolis & propagationem humani generis) institutum fuisse credatur. Ad hoc igitur breuiter dicimus, primò institutionem illam (de qua in Genesi) etiam ad sacramentum pertinere. De illa enim inquit Paulus: Sacramētum hoc magnum est. Propterea enim (vt superius diximus) omnia ibi facta, prophetica fuerunt & supernaturalia, quanquam natura videretur perfici. Ibi igitur institutum est sacramentum hoc: ibi & significatio & indissolubilitas (quæ ex significatione est) instituta sunt:

Mathæi 19.

hoc ipsum Christo domino apud Mathæum apertè testante: & legem permittentem repudij libellum prohibente. Ait enim: Ab initio autem non sic erat, sed masculum & foeminam fecit eos: & dixit: Propter hoc relinquet homo &c. vbi (vt postea dicitur) & vxorum pluralitas, & repudium, tanquam contra primam institutionem inuenta, rejiciuntur à Christo. Ex quo etiam secundò dicimus, sacramentum hoc peculiariter nouæ legis esse: quia in ea probatur & reducitur ad priorem suam originem. Itaq; in eo loco Mathæi meritò dicere possumus à Christo institutum, vel potius confirmatum in ecclesia. Nam & quod nuptijs interfuerit dominus, approbatio etiam fuit ipsius, Fuit igitur matrimonium etiā in

Quomodo
matrimonii
sit sacramen-
tum nouæ
legis.

in lege veteri sacramentū, Paulo id apertè testante. Nam & pluralitas illa vxorum (vt Augustinus inquit) gentium omnium Ecclesias significabat coniungendas Christo.

lib. de bono
cōiugali, ca-
pite 17.

Disputatur quoq; hoc loco, an matrimonium inter infideles sacramentum sit, etiam ante baptismum. Durandus hac ratione videri asserit quòd non sit sacramentū matrimonium, cū inueniatur etiā inter infideles. Paulo dicente: Si quis frater vxorē habet infidelem. Sed reuera quanquā verus sit cōtractus matrimonij inter infideles, habēs etiam suā naturalem integritatē, non tamen sacramentū propriè dici potest. Vnde August. in lib. de bono coniugali: donum (inquit) nuptiarum per omnes gentes atque homines in causa generandi est, & in fide castitatis: quod autem ad populum Dei pertinet, etiam in sanctitate sacramenti. Vides apertè inter duo illa prima & sacramentum, Augustinum distinxisse. Videtur quidem Innocentius 3. ca. Gaudemus, & c. Quando, de diuortijs, asserere inter infideles sacramentum matrimonij: sed certè si bene consideretur, magis de re ipsa matrimonij, quàm de ratione sacramenti intelligendum est. Rem illam, quam dicimus sacramentum matrimonij, dicit esse inter infideles: non tamen (inquit) ratum est matrimonium illorum. Quod certè nulla alia ratione fit, quàm quia deest ei veritas sacramenti. Idèd enim dissolui potest nonnunquam, vt Paulus illo loco ostendit, de quo inferius plura dicemus. Nunc satis sit hoc statuisse, quòd in infidelibus deest sanctitas illa sacramenti, cum non contrahant tanquam Christi & Ecclesiæ membra. Est tamen licitus & naturalis contractus: quare nec peccant contrahentes, nec vtentes contracto, etiam cum alter conuersus est ad fidem, vt ex verbis Pauli patet.

An matri-
moniū infi-
deliū sit sa-
cramentum.
1. Corint. 7.

Vltimum tandem quod contra hoc adducitur, est de Ecclesiæ statutis, quæ in hoc sacramento possunt id etiam quod ad substantiam pertinet, mutare: cum videlicet statuit Ecclesia nullum esse matrimonium, quod contrahitur in gradu consanguinitatis non prohibito in lege naturæ: quod idèd non est verè sacramentum. Nam in cæteris sacramentis nihil, quod ad substantiam pertinet, Ecclesia mutare potest. Vera enim sunt sacramenta, etiam contra prohibitionem Ecclesiæ perfecta. Sed his facile est respondere. Ecclesia (imò etiam secularis respub.) potest, sicut in cæteris contractibus, ita etiam in hoc leges condere, contra quas si quis fiat, iniustus, atq; adeò nullus sit contractus: de qua re latius postea

F F f f disturi

DE CONTRACTV

dicturi sumus. Sublato porro contractu (qui quasi fundamentum est & materia sacramenti) sublatum est sacramentum: sicut (vt Petrus de palude inquit) subtrahita veritate panis in altari, aufertur etiam veritas sacramenti eucharistie: nihil certe mutante illo, qui panem subtraherit, eorum quæ ad veritatem sacramenti Christus instituit. Sic igitur in matrimonio contingit.

○

LECTIO TERTIA.

De his quæ ad integritatem huius sacramenti necessaria sunt, ex parte ipsius contractus.



Ad matrimonium requiritur vtriusque consensus legitimus. distinct. 27. Ca. Tuas, de sponsa duorum.

CONFIRMATA itaque certa fide de sacramento matrimonij, ea quæ pertinent ad eius integritatem explicanda sunt.

Primum igitur omnium ad huius sacramenti perfectionem necessarium, est consensus legitimus contrahentium: quem & Magister sententiarum causam dicit efficientem matrimonium. Et Innocentius 3. Solus (inquit) consensus sufficit secundum canonicas sanctiones: & si solus defuerit, cetera omnia irrita sunt. Nec est difficile hoc manifesta ratione confirmare, vt b. Tho. & reliqui eo loco, vbi Magister de hoc agit, confirmant. Primum, quia in alterius rem, quæ scilicet sub eius est Dominio & potestate, non datur alteri ius, nisi consentiente Domino. Cum igitur in matrimonio quilibet coniugum alteri tradat sui corporis potestatem (rei videlicet omnium exteriorum maximæ & charissimæ) id non nisi proprio consensu fieri potest. Deinde, quia in hoc sacramento id quod naturale est, prærequiritur ad sacramentalem effectum: vt, sicut in baptismo ablutio corporis exterior (quæ naturalis quædam res est) præcedit & operatur effectum gratiæ: ita in hoc sacramento præcedat quod naturale est. At verò in contrahibus

aibus naturale est, vt requiratur consensus contrahentium. Ex quo merito infert Adrianus, quod certitudo omnimoda veritatis Neuter cōiu
 matrimonij, à nullo coniugum haberi potest: cum nulli consensus gū omnino
 alterius certus esse possit. Potest tamen vel alter, vel vterq; eorum certus esse
 certus esse quod non sit matrimonium: quando videlicet vel alter, potest de ve-
 vel vterq; simulauit tantum consensum. Neq; hoc graue est aut no- ritate sui ma-
 uum, sed cōmune ceteris omniibus sacramentis, in quibus volun- trimonij.
 tas tradendi & recipiēdi sacramentum, in dante & recipiente ne-
 cessaria est: cum tamen de voluntate alterius nullus certus esse
 possit. Nec hoc quenuquam turbare debet, cū ad omnia quæ in-
 ter homines fiunt, sufficiat probabilitas, quam certitudinem mo- Certitudo
 ralem dicimus. Non enim temerè credendum est aliquem velle moralis,
 mentiri & decipere, maximè vbi nulla est hoc suspicandi legitima
 causa. Licet igitur consensus maiori ratione exigatur in matri-
 monio, quàm in alijs sacramentis (est enim ipsius p̄cipua causa,
 & ad ipsam integritatem eius pertinet: in alijs solū est appli-
 catius sacramenti ad suscipientem) tamen cū in omnibus sit
 necessarius: non est scrupulosius quærenda certitudo eius in hoc,
 quàm in alijs. Nec credendum est eum qui bona fide (quan-
 quam ignoranter) agit, vel priuari sacramenti gratia, vel peccare
 ratione aliqua propter alterius infidelitatem. Inquiritur & à Iuri-
 stis quidem, & ab his qui specialiora mouent scrupulosius, quid Quid facto
 agendum, cū alter coniugum dicit alteri, se non consensisse in opus sit, quā-
 matrimonium? De quo et si Syluester plura tradat in verbo, Ma- do alter si-
 trimonium 4. in principio: satis tamē nobis esse debet, quod cū mulauit con-
 id ita contingeret, vt probabiliter neganti se consensisse crederetur, aut probabiliter dubicaretur: tutius & verius esse, neutrum
 posse bona fide in matrimonio permanere: nisi, qui dicit se non
 consensisse, de nouo consentiat: hoc enim sufficeret ad perficiendū
 sacramentum, si tamen alterius consensus perseueret. Et
 non est dubium, eum qui nō consensit, teneri ad consentiendum.
 Grauiusimè enim peccauit & peccato iniustitiæ in contractu, &
 sacrilegio in Sacramento: & in vtroque foro, interiori & exteri-
 ori, teneri ad præstandum consensum. Et si quidem resipisceret
 à peccato, non esset opus quicquam alteri insinuare: sed suffice-
 ret, vt apud se tacitus cōsentiret. Nec quicquam est periculi, quod
 tunc videatur matrimonium clandestinè contrahi: cū iam illud
 in facie ecclesiæ contractum fuerit; vt Adrianus hoc loco benè in-
 quit.

DE CONTRACTV

Perplexus
casus.

quít. Aut si opus esse videretur, & nimium contractus ille clandestinus timeretur propter excommunicationem Ecclesiæ: posset etiam secretò à prælato licentia peti sic contrahendi: quanquam hoc nimium esse putamus. Re itaque integra, cum alterius defuit consensus facile est remedium, si velit salutem consulere suæ qui nõ consensit: vt de nouo scilicet consentiat. Illud verò esset magis perplexum & molestum, si is qui non consensit, occultè postea consentiret alteri. Cum enim hoc secundum matrimonium verum esset, quod ad eum attinet, dissolueret primum. In quo casu cogere-
retur in priori permanere ab Ecclesia agente secundum ea, quæ exterius probantur: & tamen tenetur ille quoduis sustinere in-
commodum, etiam excommunicationem, potius quàm consen-
tire: secundum etiam matrimonium prohiberet illi Ecclesia. Ita-
que ipse quidem vtroque matrimonio merito suo priuaretur: sed
id peius est, quod duos alios contrahentes in illis duobus contra-
ctibus priuat iusto suo iure. Hæc dicta sunt, vt si quando occurre-
rint (quod tamen rarissimè opinor contingere) conscientie iu-
dex agnoscat, quid acturus sit.

Consensus
necessariò
debet per ex-
teriora signa
exprimi.

Requiritur igitur hoc sacramento consensus vtriusque in ma-
trimonium, hoc est, in contractum illum qui matrimonium voca-
tur in Ecclesia, neque opus est ampliori subtilitate. Requiritur verò
hic consensus per verba, aut scripturam, aut quocunque alio exte-
riori signo expressus de presenti: ita scilicet vt exteriori signo
apertè ostendatur, vtrumque consentire, vt efficiantur tunc coniu-
ges. Cuius ratio etiam apertissima est ex ipsa ratione contractus
humani. Sicut enim in sacramento ordinis diximus, hominibus,
& inter homines non traditur alicuius rei potestas, nisi per exte-
riora & manifesta signa illa, quæ diximus in eo esse formam: ita
etiam nunc dicimus in hoc sacramento: forma eius sunt verba,
vel signa exprimentia consensum, & sufficientia ad contractum
humanum: & ideo siue absentes sint, siue presentes qui contra-
hant, siue per literas, siue per procuratores contrahantur: siue si-
mul ambo consentiant, siue vnius præcedente consensu & perma-
nente virtute (hoc est non reuocato) & alterius subsequente:
perficitur & inter homines omnes contractus iste, & inter fideles
sacramentum, vt diximus: & tunc verum erit sacramentum, cum
vtriusque adfuerit consensus. Nec opus est hic pluribus agere de
fraudibus, quas humana malicia adinuenit: hæc tractantur à Iu-
ristis.

Forma ma-
trimonij.

nitis. Ex his iudicari potest, quod attinet ad veritatem sacramenti, & forum conscientie.

Iam ex hoc quæ sequuntur, breuiter etiam sunt annotanda. Secundo requiritur igitur primo, requiri ad matrimonium, ut uterque contrahentium usum rationis habeat. Vnde nec pueri ante usum rationis, nec amentes, aut furiosi possunt contrahere matrimonium, cum trahere non possint consentire. Quamquam enim furiosi generare possint, & cætera matrimonij bona inter eos constare non sit impossibile: tamen solius consensus defectus nullum reddit contractum. Et hoc dicimus, quando carentia rationis perpetua est. Nam (ut doctores dicunt) si habeant lucida quædam interualla, tenet contractus initus eo tempore quo ratione sunt vsi. Et ita Fabiani doctorem (quod à Magistro dist. 34. de hoc citatur: qui præcipit ut à furiosis contracta matrimonia non separentur: quod Gratianus etiam adducit 32. q. 7. c. Nec furiosus) intelligi debet de his scilicet, qui in vsu rationis consenserant, ut b. Tho. ibi ait in expositione Magistri. Hinc etiam est, ut superueniens furia non faciat ipsum separari, quod semel validum est, ut Nicolaus papa ad Carolum Magotien. episcopum dicit apud Gratianum ea. caus. & quæst. ca. Hi qui matrimonium. Secundo sequitur, quod error contrahentium nullum etiam reddit matrimonium. Aufert enim ignorantia contrahentis error ipsam rationem voluntarij: vnde sicut excusat peccati, tum nullum quia voluntatem aufert: ita matrimonij veritatem impedit, quia reddit ma-
aufert consensum voluntatis: de quo agit Magister sententiarum d. 30. 4. vbi & b. Thom. & sequentes alij scholastici: & Gratianus 39. q. 2. pontificum & conciliorum de hac re decreta adduxit. Sunt etiam de eodem iura, tit. de coniugio seruorum, in decretalibus, vbi sequentia certa habentur. Primum. Error personæ semper reddit nullum matrimonium: cum videlicet non consentitur in personam quæ vel præsens est; vel quacumque alia ratione exhibetur: sed in alteram. Exemplum est manifestum in suppositione Lix. Constat enim non fuisse illud verum matrimonium, nisi ex sequenti consensu, ut Magister dicit loco supra dicto. Excusat tamen ille à peccato Iacob ipsum ob eam ignorantiam, quam tunc vincere non tenebatur. Ingressus est ille ad Liam pro more patriæ, non iudicans inquirendum esse amplius. Et quod plus est Magister Liam quoque excusat. Secundum. Error conditionis deterioris quam sit conditio contrahentis, etiam matrimonium nullum reddit.

Destituti vsu rationis non possunt contrahere matrimonium.

Qualis error contrahentium nullum reddit matrimonium. Error personæ impedit contractum matrimonij.

Error conditionis facit matrimonium nullum.

DE CONTRACTV

dit: cum scilicet liber putat eam etiam cum qua contrahit, liberam esse: vel è contrario, libera eum putat liberum esse, cum quo contrahit: hæc enim pertinent ad conditionē. At verò si putetur serua quæ libera est: vel non fiat præiudicium ei qui contrahit, quia scilicet ipse quoq; seruus est: quamuis putat se contrahere cū libera, non est irritus contractus. Quorum omniū mox ostendetur ratio. Tertium. Error fortunæ vel qualitatis: vt cum ea cum qua contrahitur, putatur nobilis aut diues, cum non sit: non irritat contractū matrimonij. Ratio verò horum omnium (vt b. Tho : inquit suprà dicto loco) sumenda est ex ratione voluntarij. Sicut enim in peccatis ignorantia circumstantiæ, quæ rationem peccati constituit & causâ est operis, excusat à peccato, quia aufert simpliciter voluntarij rationem (vt de eo, qui cum putat se in feram sagittâ mittere, occidit hominem: aut qui putans se inimicum occidere, occidit patrem: excusatur enim primus ab homicidio, alijs à parricidio) at verò ignorantia circumstantiarum quæ per accideus se habent, neq; constituunt rationem peccati: non aufert voluntariū: sicut quod percutiat quis ferro vel ligno: ita in matrimonio, si error sit in persona, vt diximus, facit omnino inuoluntarium. Certū est enim iacob noluisse accedere ad Liam. Itaq; non consensit cum illa contrahere, quam putauit aliam esse: sed cum alia. Similiter libertas vel seruitus conditio est in matrimonio essentialis, & in eo contractu principaliter consideratur. Nam cum conueniant in mutua corporum traditione ad generationem & educationem prolis, & ad vitam domesticam, atq; societatem omnium maximam (vt dictum est) ad quam plurima necessaria sunt officia: & seruorum conditio in hac re plurimum habeat defectus: nec enim plenam habent sui corporis potestatem, & filij aut nascuntur serui, aut infimæ conditionis: ignorantia rei tantum afferentis præiudicij contractui, in eo cui fit iniuria aufert voluntatem. Et huic accessit iusta ceret legum censura, quæ noluit sic deceptum teneri tanto præiudicio. Potest quidem contrahi matrimonium inter seruos: nam quod attinet ad generationem & coniunctionem ad eam necessariam, libertatem habent: sed error circa hoc (vt diximus) irritat contractum. Diuitiæ verò & nobilitas, quanquā considerentur in matrimonio, non tamen per se & principaliter considerandæ sunt. Atque ideo si quis contrahit: quando personam & conditionem nouit, etsi in alijs erret, illa voluntarium non ita aufe-

aufe-

auferunt, vt non sit matrimonium. Vbi in specialibus casibus, diligenti consideratione opus est. Nonnunquam enim videtur error tantum qualitatis, vel fortunæ: & est personæ: vel è contrario: de quo quod à iuristis traditur, videri potest apud Siluestrū in verbo, Matrimonium 8. in principio.

Tertiò etiam ex eodem (ex necessitate scilicet consensus) sequitur, quid sit sentiendum de coactione siue metu: an videlicet quando hæc interueniunt in contractu, matrimonium nullum reddat. De quo Magister sentent. d. 29. & b. Thom. ibidem. De eo igitur sequentia breuiter sunt notanda. Primum. Actus voluntatis non potest coactus esse: cum non cadat in voluntatem coactio. Quicquid enim à voluntate est, voluntarium est: non necessarium, neque coactum. Corpus quidem & membra corporis cogi possunt, vt quod non volumus trahantur: at non sic ipsa voluntas. Potest tamen etiam voluntas violentia aut metu aliquo trahi in consensum siue matrimonij, siue in quemcumque; alium: sicut quando quis, vt euadat mortem, aut promittit, aut dat pecuniam, aut contrahit matrimonium: in quibus philosophus 3. ethicorum dicit esse voluntarium simpliciter, sed inuoluntarium secundum quid: sicut patet in eo qui proijcit merces in mare, imminente graui tempestate. Secundum. Quando metu in virum constantem cadente inductus est aliquis ad contrahendum, conuenienti ratione iure statutum est, matrimonium hoc nullum esse: vt in c. Cum locum, de sponsalibus & matrimonio, aperte definitur. Et quanquam hoc nonnulli ita intelligant: quod non sit matrimonium, quando is cui illatus est metus, non consensit, sed finxit se consentire: tunc enim deest omnino consensus: quasi, si verè consentiret, esset validum matrimonium: tamen omnium doctiorum certa sententia oppositum habet. Noluerunt enim iura contractum hunc perpetuum & indissolubilem contrahi sine pleno consensu & perfecta libertate: vnde fit, vt nec sacramentum sit, vt postea dicitur. Quis verò sit metus in constantem virum cadens, non est difficile iudicare: de quo tamen plura Silvester in verbo, Matrimonium 8, § 1. refert. Illud etiā hic notandum, quod b. Tho. supra dicto loco adnotauit, adeò matrimonia libera esse debere, vt nec parentes iure possint cogere filios, & eorum coactio matrimonium nullum reddat. Quod enim attinet ad corpus & statum vitæ, filij post ætatem legitimam liberi sunt, & vel matrimonium contrahere, vel

An vis & metus matrimonium impediant.

q. 1. art. 4.

DE CONTRACTV

Filij possunt vel statum etiam exlibatus assumere postulat. Hoc iura ipsa hu-
inuitis paren mana voluerunt, & ratio postulat. Nec tamen nos (quod hæ-
tibus cōtra- retici calumniantur) docemus filios obedientiam negare parenti-
here, etsi pec- bus: sed dicimus filios consilia iusta parentum (quæ scilicet à me-
cent. liori bono non retrahunt) sequi debere: & procudubio peccare
 grauius, si hæc contempserint: ita illo loco b. Thomas. Voluerunt
 tamen iura ipsa, sic contracta matrimonia non esse irrita: sed plus
 posse in hac re propriam voluntatem eius qui contrahit, quàm pa-
 rentis: maxime cum de matrimonio scriptum sit: Propter hoc re-
 linquet homo patrem & matrem &c. Vnde saltem fit, vt, quod at-
 tinet ad cohabitationem & fidem seruandam, ei cui quis se coni-
 iunxit, plus debeat, quàm parentibus. Graue videtur hoc aliqui-
 bus: cum præcipue iura ipsa aperte filios familias sine consensu
 patrum matrimonia contrahere non permittant: imò & Iustinia-
 nus & naturalis, & ciuilis rationis esse dicat, vt præcedat consen-
 sus parentum. Quod ipsa etiam sacra scriptura confirmari vide-
 tur. Omnia enim ferè matrimonia sanctorum magis à parētibus,
 quàm ab ipsis filiis contracta legimus. Sic Isaac Rebecce coniun-
 gitur, mittente Abraham seruum vt vxorem adduceret, & pa-
 rentibus ipsam tradentibus. Ita Iacob cum Laban patre de ducen-
 dis filiabus agit. Similiter & Anna Raguelis filia à patre traditur
 Tobix. Itaq; alienum videtur a ratione, quod inuitis parentibus
 filij matrimonia contrahant. Fatemur & ciuilia ipsa iura & ma-
 gis etiam antiquiores canones requisuisse consensum parentum
 (vt aperte patet c. de nuptijs. lege prima, & lege, vidux: & in de-
 creto illo Euaristi, cuius superius mentionem fecimus, & inferius
 latior fiet) Non tamen ita hoc requisitum fuit, vt consensus filio-
 rum omitteretur. Hoc enim multo magis est naturalis rationis,
 vt sine proprio consensu matrimonium non contrahatur: quod
 ciuiles ipsæ leges aperte testantur, vt in l. nec filium, & in l. in coni-
 iunctione, C. eodem titulo, est videre. Sed requirebatur etiam pa-
 rentum consensus in minoribus viginti quinque annis: vt supradic-
 tis locis aperte dicitur. Et tamen præcipiunt etiam iura ipsa, vt si
 quando vel maiores, vel consanguinei (maximè deficientibus pa-
 rentibus) vel inter se dissentirent, vel ab ipsis pueris, iudicium pu-
 blicum requiretetur. Itaq; , vt aperte pateat nihil vel contra ratio-
 nem naturalem, vel contra iura ipsa ecclesiam hodie docere: satis
 hoc esse potest. Dicimus enim quod iustæ & rationabili voluntati
 parentum

Erasmus de
 institutione
 Christiani
 matrimonij.
 Institut. de
 nup. in prin.
 Gen. 14.

Gen. 29.
 Tob. 7.

parentum non possunt sine peccato filij non obedire: nec tamen parentes sine peccato possunt eos sine iusta & rationabili causa impedire à matrimonio. Hoc tantum mutatum est (dum filijs, & matrimonio ipsi fauere cupiunt iura) quòd nunc teneat matrimonium inscijs & inuitis parentibus contractum. Credendum est autem, ex parentum iniquitate, & alijs legitimis causis iura hoc statuile: quanquam non dubitemus Ecclesiam nunc etiam posse contrarium statuere: & fortè id expediret magis: de quo tamen plura inferius dicenda sunt: interim dum aliud non statuitur, hoc tenendum est, et censenda matrimonia valida, etiam cum peccato & inobedientia filiorum contracta.

Quartò denique infertur, quid censendum sit de matrimonio conditionato. Cum enim ex consensu maximè pendeat, & conditio frequenter consensum suspendat vsque ad sui impletionem: meritò inquit b. Thomas non fieri verum matrimonium cum opponitur conditio, intellige, nisi illa impleta: cum verò conditio impleta fuerit, mox est verum matrimonium. Si autem conditione pendente aliud contraheretur matrimonium absolutum, non est dubium illud verum esse, & derogatum fuisse priori. Ceterum sunt multa conditionum genera, de quibus latius Iuristæ in proprijs de hac re titulis. Habetur tit. in decretalibus, de conditionibus apposis in matrimonio, vel in alijs contractibus. De his & Syluester agit in verbo, Matrimonium, tertio. Et frequenter multa horum sunt necessaria in iudicio confessionis. Ex illis ergo hæc certa habeantur. Primum. Conditiones vel de præsentī, vel de futuro, necessariæ tamen, neque impediunt, neque suspendunt contractum. Vt si dicatur: contraho tecum, si cras sol oriatur: aut, si nunc sedes: vel stas. Et idem de generalibus conditionibus sentiendum est. Vt si Deus voluerit, si vixerimus. Imò addiderunt iura ipsa, cōditiones impossibiles etiam nihil impedire, sed haberi pro non adiectis: vt, si cælum digito tetigeris. Quanquam non sit dubium hic obseruandum esse, an appositio huiusmodi conditionis impossibilis sit negatio consensus: cum sit certum tunc nullum esse contractum. Qui enim dicit: volo hoc, si cælum digito tetigeris: videtur quidem dicere se nolle: sed iura eos, qui contractibus serijs has apponunt conditiones, iudicant consentire: & ista, quæ impossibilia illi sciebant, iura reputant quasi non dicta.

Secundum. Conditiones veræ & propriæ, quæ (vt ex proximè

G C g g dicta

De cōtractu
Matrimonij.
cōditionato.
dist. 29. ar. 3.
q. vltima.

DE CONTRACTV MATRIMONII.

dictis patet) de futuris possibilibus sunt, si honeste sint, suspendunt contractum. Vt, si pater tuus consenserit, aut, si dederis mihi centum. Inhoneste verò & illicitæ conditiones, si quidem sint contra substantiam ipsam matrimonij & propria eius bona, nullum reddunt contractum. Vt si contrahat quis hac conditione, ut post aliquod tempus separentur: vel, si euitetur generatio prolis: vel, si consentiatur in adulterium ab aliquo eorum. Hæc enim omnia contra naturam sunt ipsius matrimonij, & peccatur in illis, & nihil efficitur. Reliquæ verò inhonestæ conditiones non impediunt contractum, nec dirimunt. Volunt enim iura eas rejci, & tanquã non adiectas haberi. Sicut si dicatur: contraho, si commiseris furtum: aut huiusmodi aliud: Sunt circa hæc in speciali non pauca dubia, de quibus, cum occurrunt, consulendi sunt doctores: & in sententiarum diuersitate (quæ in hac re sæpe contingit) tutior sequenda. Dubitatur de hac conditione, contraho tecum, si te incorruptam inuenero. Iudicatur à multis turpis. Nec enim impleri posset, nisi non suam cognosceret, atque ita peccaret: nisi forte conditio illa referenda sit ad probationem virginittis, quæ iure fieri potest ante congressum. Quæritur etiam de his qui ante conditionem impletam copulantur. Et credunt quidem iura eos iam conditionem reiecisse, & consensisse absolute in matrimonium. Si tamen certum est (sicut in foro conscientie constare potest) intentione fornicaria, & non affectu matrimoniali eos, vel eorum alterum conuenisse: iudicabitur etiam ibi proculdubio non esse matrimonium. Hæc igitur de consensu necessario in matrimonio nobis sufficiant, atque ita de primo & maxime requisito in hoc sacramento, & vera (ut diximus) illius forma. Vbi illud etiam venit obseruandum, dictum illud famosum iuris & pontificum: matrimonium solo consensu contrahi: ita intelligendum esse, quòd sine eo nihil aliud satis sit. Solo itaque eo contrahitur, sine quo nihil aliud sufficit: non tamen solus ipse sufficiens est, sicut nec alia sacramenta sola forma perficit. De alijs igitur necessarijs, & quidem de materia.

ipsa, proxima lectione

agemus.

§

LECTIO

LECTIO QVARTA.

De his quæ necessaria sunt ex parte
contrahentium.



Ost consensum, qui primò omnium necessarius est (vide & sumitur, vt diximus, forma huius sacramenti) iam de impedimentis, quibus (etiam si consensus adfuerit) fit, vt non sit matrimonium, agendum est: quæ quidem impedimenta ex parte ipsorum contrahentium sumuntur, vt b. Tho. s. Bona. & reliqui distinct. 34. quarti. vbi Magister quædam attigit, dixerunt. De his ergo dicturi, illud primò admonemus, duplicia impedimenta distincta esse à doctõibus. Alia, quæ impediunt tantum ne licite contrahatur matrimonium: sed de facto contractum contra illa, tenet: quæ (vt b. Thomas citato loco dicit) sunt tantum contra ea quæ pertinent ad solennitatem sacramenti, nõ ad substantiam. De his verò nunc agendum non est, quando ea tractamus, quæ ad substantiam sacramenti pertinent. Alia verò impedimenta dixerunt, quæ & contrahendum impediunt, & contractum nullum reddunt matrimonium: quæ scilicet contra substantiam sunt ipsius sacramenti: de quibus nunc agendum est. Hæc igitur duodecim tantum collegerunt scholastici nostri supradicto loco, et summisit in hac materia: Caietanus quidem succinctè & breuiter, Syluester latius in verbo, Matrimonium 6. Inter duodecim verò hæc, quædam (inquit beatus Thomas) sunt ex parte ipsius Tria impedicontractus: de quibus proxima lectione diximus, quæ tria (vt mēta, defectus ex illa patet) possunt merito numerari: defectus scilicet vsus rationis, error, & coactio: de quibus satis dictum est. Omnia enim nis, error, & coactio ad defectum consensus pertinere. Reliqua verò ex parte coactio, contrahentium sunt: quæ scilicet illegitimas reddunt personas & Sũt tria alia, ineptas ad matrimonium contrahendum: impotentia videlicet videlicet imad actum matrimoniale, votũ, & ordo, Cætera autem correlati-potentia, uo-

Impedimen
ta quædam
impediunt
cõtrahendũ,
alia etiam
contractum
matrimonii
dirimunt.
art. 1.

DE CONTRAHENTIBVS

Sex alia impedimenta, disparitas cultus, cognatio, affinitas, publica honestas, contractus cum altero, & crimen præcedens.

ua sunt, & reddunt inhabilem non alterum duntaxat, sed vnum in ordine ad alterum, vel propter nimiam (vt nostri dicunt) distantiam, vel propter nimiam propinquitatem, aut quauis alia ratione. Sunt autem hæc: diuersitas cultus: cognatio vel naturalis, vel legalis, vel spiritualis: affinitas, cui coniuncta est publicæ honestatis iustitia, quæ idem est quod affinitas, sed ex sponsalibus de futuro orta: & præcedens cum altera matrimonium: aut in debita siue adulterina coniunctio, siue crimen aliud, durante præcedenti matrimonio commissum ab his qui contrahere volunt. Horum igitur impedimentorum omnium necessaria est cognitio ad iudicium conscientie. Peccatur enim propter hæc & in contractu ipso, & in vsu atque perseuerantia frequenter: vt infra ostendetur. De singulis igitur in speciali agendum est, si prius tantum in genere pauca statuamus.

Sit igitur hoc primum. Impedimenta hæc cum matrimonium nullum reddunt, & per consequens contra ea quæ ad substantiam eius pertinent, sint, necesse est vt ad defectum pertineant vel formæ, vel materie sacramenti. Nec enim in hoc sacramento (vt satis patet) necessarius est certus minister: cum non perficiatur per collationem alicuius exterioris rei, sed per contractum conuenientium. Restat igitur vt sola materia & forma in eo necessaria sint. Et de forma quidem satis proxima lectione diximus. Deest enim verè forma, si verba vel signa defint: exprimentia consensum: aut si illa falsa sint, & intentio defuerit. Materia itaque nunc inquirenda est. Et ne hæreamus in verbis: quid ex natura ipsius contractus, atque ita ex diuina ordinatione ultra consensum in hoc sacramento sit necessarium, dicendum est. Nec enim alia est eius institutio, quàm ipsius humanæ naturæ, vt superius docuimus. Quanquam igitur de materia huius sacramenti nescio quid cōminiscantur, verbis his nimium in hærentes, quòd materia sint gestus illi qui à contrahentibus in ipso contractu fiunt; quasi exteriora illa sint elementa, ultra verba: nō est tamen cur hoc quicquid nos teneat vel vt reiiciatur, vel vt confirmetur: voluntarium est enim: sed hoc certum est, post consensum tantum ad integritatem huius sacramenti necessarios esse contrahentes, marem & feminam: sicut contractus venditionis aut commutationis non fit, nisi duarum rerum, aut vnius & precij. Et sicut in omni contractu necessaria sunt res, super quas contractus fundetur: ita & in matu-

matrimonio necessarium est, ut sint illi qui coniunguntur: & merito sicut in quolibet contractu materiam dicimus res illas de quibus contrahitur: ita in hoc contractu matrimonij ipsos contrahentes materiam dicemus. Venditur domus, illa est materia venditionis. Tradunt sibi inuicem coniuges sui ipsorum potestatem, illa est materia. Et quia sacramentum hoc naturam habet contractus, merito materia ex qua integratur, eadem est, quæ contractus. Itaq; speciale est in hoc sacramento, ut ipsi contrahentes & sacramentum suscipiant, & materia sint eius: materia (inquam) & ex qua integratur, & in qua recipitur. In alijs sacramentis fatemur materiam & formam applicari suscipienti: quanquam in pœnitentia actus suscipientium sint ipsa materia. In hoc verò sacramento id nequaquam necesse est: est enim diuersa eius natura, & per omnia alijs contractibus simile. Cum igitur materia contrahentes sint: non quoscumq; concedendum est sufficientem materiam esse: sed legitimos duntaxat: qui scilicet apti sunt contractui huic ineundo, certè exequendo atq; complendo: ad quod per proposita impedimenta efficiuntur inidonei. Merito igitur, cum de his agimus, materia necessaria huic sacramento inquiritur.

Secundum itaq; circa hoc in vniuersali attendendum, hoc sit: ad matrimonium illegitimos & ineptos nonnullos esse ex ipso iure naturali atq; diuino, id est, ex ipsa Dei institutione, quæ ut plurimum ex consanguinitate, vel affinitate sumitur, aut ex nonnulla alia coniunctione, ob quam natura ipsa abhorret matrimonium fieri inter aliquos. Verum non statim sequitur, si aliqui diuino iure non sunt illegitimi, eos mox legitimos esse. Possunt enim etiã positiua iura (quod superius diximus) illegitimos aliquos reddere. Non omne itaq; impedimentum inhabiles reddens aliquos ad contrahendum, est iuris diuini: nec tamen propterea contrarium est iuri diuino: sed, sicut in ceteris omnibus quædam non prohibuit ius diuinum, sed auctoritatem gubernandi tradens prælati, potestatem dedit ea prohibendi, cum id ratio expedire iudicauerit salutem animarum, & diuinæ gloriæ conuenire: ita & in matrimonio potestatem reliquit his, quos gubernandis populis præfecit, Et hæc est communis ratio omnium prohibitionum positiui iuris. Est etiã in matrimonio specialior ratio. Cum enim sit contractus, & officium naturæ necessarium reipub. conseruandæ ac propagandæ, atq; ecclesiæ etiam ipsi, bonoq; religionis catholi-

DE CONTRAHENTIBVS

34. art. 1. ad
quartum,

et: merito gubernantium in ecclesia vel in reipub. est, si quid viderint expedire, vt officium hoc matrimonij rectè agatur ad conseruationem religionis christianæ reip. id statuere. Vnde b. Thom. suprà dicta d. intrepide asserit, iura ipsa ciuilia & imperatorum leges illegitimos aliquos reddere ad contrahendum, ita videlicet vt nullum sit matrimonium: neq; negant hoc alij, quanquam non ita apertè asserant. Et certè hoc est solidissimè fundatum in illo verbo euangelij: Quod Deus coniunxit, homo non separet. Deus enim per causas naturales & ordinatas humanos contractus perficit, hoc est, autoritate legum: sicut naturales res per causas naturales. Non itaque Deus coniungit, quod contra iustas leges humanas coniungitur. Hoc dicimus, quoniam iuristis multis visum est, non esse potestatis sæcularium legum, matrimonium nullum reddere: sed tantum ecclesiasticarum: de quo videri potest Siluester in verbo, matrimonium 2. mox in principio. Et certè Iuristæ nulla autoritate iuris diuini aut canonici hoc probant, nec etiam ratione vlla efficaci: nec aduertunt, nihil per hoc derogari authoritati ecclesiasticæ, sed potius conducere ecclesiæ paci. Si enim ius ipsum diuinum permittit prohiberi ab ecclesia, quod ipsum non prohibet: quare ecclesia non permittit sæculari potestati prohibere circa matrimonium, quod ipsa non prohibet? Fatemur igitur ciuiles leges non posse licitum matrimonium facere, quod ecclesiasticæ illicitum reddunt: sicut nec ecclesiasticæ leges approbare, quod diuinum ius reprobatur: hoc enim esset inferiorem superiori contradicere. Verùm quod ecclesiasticæ leges non prohibent, cur sæculares prohibere non poterunt: sicut quod non prohibet ius diuinum, prohibent ecclesiasticæ? Nec debent prælati ecclesiæ grauatur suscipere, si quod temporali paci viderint necessarium, sæculares principes statuunt. Nec est cur illis se opponant: sed permittant potius matrimonium legibus humanis ordinandum: cùm officium humanum sit: & addant postea ipsi, si videbitur, quod ad bonum religionis pertinet. Quanquam ciuiles leges in his omnibus ex pietate cortè & volūtate principum facillè cesserint ecclesiæ, vt iam nullum censeatur matrimonium illegitimum, quod ecclesia tale non iudicat: non tamen propterea vel legi, vel consuetudini reipublicæ hoc auferendum est, vt illegitimos aliquos reddere, si velint, possint: sed potius si opus foret, confirmandum esset ab ecclesia, Ciuilia iura illegitimum iudicant ma-

trimo-

trimonium inter tutorem, vel curatorem, vel filium eius, & pupil-
lam: vt habetur in proprio titulo. C. de interdicto matrimonio in-
ter tutorem vel curatorem &c. & similiter liberti cū patrono, aut
vxore, vel filia patroni, in lege, libertū. C. de nuptijs. Sed derogatū
videtur his legibus per contrariam consuetudinem: quæ tamen
non videntur minima ratione & necessitate hoc statuile. Si itaq;
denuo hoc videretur statuendum, non est cur hæc autoritas au-
feratur à secularibus principibus: qui de matrimonio nō quidem
vt est sacramentum, sed vt officium est necessarium reipub. statu-
unt: quod tamen sacramentum prærequirit.

LECTIO QUINTA.

De impotentia.



A M de singulis propositis impedimentis est
breuiter dicendum idq; eo ordine, quo sunt
proxima lectione proposita. Primum itaque
quod hominem omnino inhabilem reddit
ad contrahendum, est impotentia consum-
mandi matrimonialem actum: de qua Magi-
ster ead. lib. d. 34. & post illum alij: & habe-
tur de hoc titulus in decretalibus, de frigidis

& maleficiatis. De hac igitur ponuntur nonnullæ distinctiones.
Non enim omnis impotentia eiusdem est rationis, quod attinet
maximè ad propositum. Est enim impotentia siue naturalis siue
accidentalis (nam ita etiam distinguunt) alia quidem perpetua,
alia temporalis: Impotentiam enim vocamus, quicquid impedit
vel ex parte viri, vel ex parte femine actus matrimonialis integrū
& naturalē vsum. Nam cū hic actus naturaliter cōpleri potest: etiā
si generatio nō sequatur aut possit sequi, non est iudicanda im-
potentia: vt si mulier fuerit sterilis. Ceterum actus ipse impos-
sibilitas, in quocunq; sit coniugum, impotentem eum reddit, si-
ue sit à natura ipsa, siue ab infirmitate, vel ab arte demonis & ma-
leficio: quod fieri posse & ratio, & experientia docet. Cum igitur
impo-

DE IMPOTENTIA

37.q.2.c.
decreta.

Impotentia fuerit, duo sunt per se consideranda, quod attinet ad matrimonium. Primum, an perpetua sit, an temporalis. Secundū, an præcellerit, an secuta fuerit matrimoniū. Secundū quas distinctiones duo certa habentur ex pontificū & conciliorū definitionibus. Primum. Perpetua impotentia matrimonium præcedens facit ut iudicio ecclesiæ dissoluatur, petēte altero eorū, aut ambo: ita ca. 1. 2. 3. extra, de frigidis & maleficiatis. Temporalis verò impotentia & præcedens non sufficit ut diiimatur. Secundū. Sequens verò matrimonium impotentia quælibet non dirimit ipsum, ut apertè testatur Nicolaus papa de his qui ab inimicis vel hostibus, post matrimonium contractum secti sunt, aut in morbum aliquem inciderunt.

His autem proximum est dubium: quomodo videlicet temporalis vel perpetua iudicari possit impotentia. Quomodo item præcellisse, vel secutam fuisse matrimonium. Circa primum igitur iura ipsa censent, siue ex natura, siue ex maleficio impotentia sit, eam tunc iudicari perpetuam, quādo, citra diuinum miraculum, sine graui corporis periculo auferri non potest. Ita innocentius 3. ca. Fratemitatis, de frigidis & maleficiatis. Hoc verò iudicat ecclesia, cum coniugati per triennium simul habitauerint, & bona fide actui matrimoniali operam dantes, perire se non potuisse iuramento testantur: accedente etiam (ut Gregorius inquit) septima manu propinquorum: ita enim Celestinus 3. ca. Laudabilem eod. tit. definit, & 3. q. 1. ca. Quod autem, & ca. Requisisti, Gregorius respondet. Præcellisse verò iudicatur, quando nunquam potuerunt matrimonium consummare. Sunt etiam & huius alie probationes (quæ ad forensia iudicia pertinent) per inspectionē & testimonium matronarum, vel medicorum.

Dubitur rursus circa hoc, quid si post separationem coniunx qui impotens iudicatus est, cum altero contrahat, & reperitur potens? Vbi siquidem naturalis impotentia iudicabatur, ecclesia agnoscit se deceptam in eo iudicio (nec mirum, cum de facto iudicauerit, & ex probationibus humanis) & ideo iubet primum matrimonium restaurari, ut apertè Innocentius tertius c. Fraternitatis, eodem titulo, dicit. Vbi verò de maleficio agitur: quia id contigit diaboli arte inter duos tantum, & non in comparatione illorum ad alios: non reintegratur primum matrimonium: imò datur utriq; potestas alteri contrahendi, Quod non fit in impotentia

cia alia, vbi potius impotenti indicitur perpetua continentia, vt supradicta iura testantur. Circa hæc igitur in speciali dubia quæ occurrere possunt, ad exterius iudicium Ecclesiæ referenda sunt: & quod per iudicem fuerit definitum, tuta conscientia seruari potest. Refert plura Syluester in verbo matrimonium 8. § 16. Et hæc quidem dicta sunt, quantum attinet ad iura ipsa.

De ratione verò impedimenti huius (de qua Theologi nonnihil agunt) non est opus multa dicere. Manifestè patet eum, qui impotens est aliquid implere, impotentem esse ad id promittendum: qui igitur non potest matrimonialem actum perficere, quomodo potest ad id se astringere? Vnde Alexander tertius: Sicut puer (inquit) qui non potest reddere debitum, non est aptus coniugio: sic qui impotentes sunt, minimè apti ad contrahendum matrimonium reputantur. Illud verò nonnullum dubium habet, & magis theologicum est, an matrimonium sit, quando scienter cum impotente contrahitur? vel, quando cõguito impedimento consentitur? Quod enim permansere sic possint, siue à principio, siue postea cognitum fuerit impedimentum, non est dubium: atque ita Lucius tertius in cap. Consultationi, eodem tit. inquit ecclesiam Romanam sentire. Quamquam enim difficile creditu sit, vt cum impotente quis contrahat: si tamen contraxerit, inquit, Romana ecclesia vult vt tanquam sororem habeat, quam vt uxorem habere non potest. Nec dubitandum est validum esse contractum, atque ita obligare contrahentes ipsos ad mutuam & castam cohabitationem, quando scientes hoc sibiinuicem promiserunt. An verò matrimonium sit, non ita certum videtur: vt scilicet si is qui potens est, postea contraxerit cum altero, illud secundum rescindendum sit, tanquam non sit verum matrimonium, cum primum verum præcesserit. Syluester quidem loco suprà citato refert Petrum de Palude tenere, rescindendum esse secundum matrimonium: atq; ita primum illud verum matrimonium esse: ipse tamen contrarium asserit, quando impedimentum perpetuum est: nam de hoc loquimur in præfenti: idq; maximè auctoritate b. Tho. qui supradicto loco arguens quòd ad matrimonium non requiratur carnalis copula, cum perfectiora sint matrimonia continentium (de qua re postea sumus dicturi) matrimonio verò cū impotente contracto solum desit carnalis copula: respondet, q. et si hæc non sit de essentia matrimonij, potentia tamen ad illam

ca. 2. eod. tit.

Verū sit matrimonium quando quis sciens cū impotente contrahit.

34. dist. ar. 2. ad 1.

H H h h est

DE IMPOTENTIA

In responsi-
oue ad 4.

est de eius essentia : quia datur (inquit) potestas vtrique coniu-
gum in corpus alterius : sicut hoc loco & beatus Bonaventura &
alii docent. Ex quo statim illi consequens esse videtur , non esse
matrimonium , etiam si scientes sic contrahant. Deest enim ei ali-
quid quod ad essentiam pertinet. Verum quod ad bea. Thomam
attinet , non est dubium illum aperte asserere , impotentiam hanc
tunc impedire , quando alter coniugum eam ignorat. Ita enim
eo loco sibi arguenti de senibus (qui natura iam frigidi sunt , & ta-
men constat matrimonium inter eos contrahi) aperte ipse re-
spondet , impotentem ad aliquid persoluum non iure , sed fa-
cto , si ad id se obliget , sciente eo cum quo contrahit , contractum
esse validum. Ostenditur enim (inquit) hoc scientes aliud ex con-
tractu quæsisse. Et certè hoc est multo magis rationi consonum.
Cum enim (quod postea patebit) verum matrimonium sit , si qui
contrahant cum conditione de perpetua castitate seruanda , & si-
mile coniugio b. Mariæ & Ioseph (quod b. Augustin. & certè tota
ecclesia verum matrimonium iudicat : & ille quidem probat lib.

Capite 11.

1. de nuptijs et concup. ex ipsis verbis euangelij : Noli timere acci-
pere Mariam coniugem tuam) quis dubitat in hoc matrimonio
non solum nihil impedire impotentiam alterius aut vtriusque , sed
magis adiuuare ? Certum est enim , quod , quando scientes impo-
tentiam contrahunt , non aliud faciant , quàm vt ad perpetuæ virg.
sed castæ consuetudinem se obligent. Nihil nanq; aliud possunt ex
illo contractu sine peccato intendere. Itaq; non est cur matrimo-
nium non iudicetur , vel cur teneat secundum postea contractum.

Capite 3.

Quam sententiam maximè confirmat quod Augustin. lib. de bo-
no coniugali manifestè asserit : bonum (inquit) matrimoniij
non mihi videtur propter solam procreationem filiorum , sed pro-
pter ipsam etiam naturalem in diuerso sexu societatem : alioqui
iam non esset coniugium in senibus : præsertim si vel amisissent fi-
lios , vel minime genuissent. Possent quidem hæc referri ad sterili-
tatem tantum : nos enim non diximus generandi , sed coeundi im-
potentiam impedire : verum quæ sequuntur , quid August. sentiat
de actu matrimoniali , ostendunt. Si ergo (inquit) seruetur fides , &
obsequiorum inuicem debitorum officium : etiam languescenti-
bus et penè cadaveribus vtriusq; membris , manet tamen coniuga-
torum tanto syncerior , quanto securior castitas. Quod certum est
non tantum verum esse , quando prius contraxerunt matrimonium :

sed

sed etiam posse in ea ætate & dispositione contrahi. Et huic tandem suffragatur, quod in ipsa pontificum nunquam dissolvendum dicunt huiusmodi matrimonium, nisi ad petitionem alterius coniugis, dicentis se contraxisse ut parens fieret: sicut in 1. ca. extra, eo tit. dicitur. Imò ibidem patet, considerari, an statim reclamauerit is qui se deceptum queritur. Ex his itaque omnibus, si rectè considerentur, habemus, impotentiam hanc impedimentum esse ex ipsa naturali ratione, atq; diuino iure, quando ignoratur ab altero. Ita enim in hoc nihil reperimus pontifices de nouo statuisse, sed respondisse consentientes, ægrè certè, his qui anxie petebant matrimonium solui. Itaque quod ratio naturalis postulabat ex communi lege aliorum contractuum, curarunt huic contractui matrimonij iuxta illius naturam accommodare. Quare potest merito hoc impedimentum ad consensum reduci & errorem, de quo superius diximus. Sic enim error seruitutis (quia per eam multum detrahitur debitò matrimonij) aufert consensum, & rescindit contractum (cùm tamen alioqui cum seruo contrahi possit matrimonium) multo magis error impotentie (per quam omnino aufertur debiti coniugalis solutio) dissoluit contractum: quamuis si ignoretur, non sit cur credatur dissoluere.

Dicendum iam de ordine & voto, quæ duo sunt impedimenta proxima præcedenti: quoniam (ut diximus) per illa fit, ut non possit iure, hoc est, sine peccato debitum coniugale solui. De utroque ergo horum seorsim agendum est. Et, quoniam hoc tempore hæc valde impugnantur ab hæreticis ac nouitatum amatoribus, modestius quidem, sed ideo perniciosius exagitantur: tria per ordinem sunt nobis, quàm breuissimè fieri potest, dicenda. Primum. Quid in iure ipso, ecclesiasticis scilicet constitutionibus, & inter catholicos omnes certum sit. Secundum. Qua auctoritate, & quo tempore fuerit id in Ecclesia inuentum. Tertium demum. Qualiter hæreticorum & aliorum omnium obiectionibus respondendum sit.

Circa primum igitur de ordine sequentia certa sunt in catholica ecclesia. Primum. Ordo non sacer (de quo superius, cum de hoc sacramento ageretur, diximus) non impedit matrimonium contrahi, & multo minus contractum dissoluit: quin potius Ecclesia ordinat, ut clerici, qui continere nolunt, vxores accipiant, antequam ad sacros ordines accedant. Secundum. Ordo sacer, ab

Ordo sacer
matrimonium
impedit cō-
trahendum,
& dirimit
contractum.
Non itē or-
do nō sacer,

DE ORDINE ET VOTO

Episcopatu videlicet vsque ad subdiaconatum, & impedit ne matrimonium contrahi possit siue graui peccato (cui annexa est etiam excommunicatio ipso facto, in Cle. de consang. & affinitat.) & contractum de facto nullum reddit. Vtrunque horum apertissima iura confirmant, & in proprijs titulis decretalium, videlicet de clericis coniugatis, &, qui clerici vel vouentes matrimonium contrahere possunt: & apud Gratianum d. 30. & duabus sequentibus. Et de minoribus quidem ordinibus Gregor. apertè dist. 32. cap. Si qui verò, & Concilium Carthaginense 4. (cui & August. interfuit) in ca. Lectores, apertè ita definiunt: similiter & Alexā. 3. 1. 2. & 3. ca. de clericis coniugatis. Vbi tamen est nonnulla diuersitas. Grego. supradicto loco non excludit eos ab ecclesiastico statu & gremio, nec à beneficijs & stipendijs ecclesiasticis: Alexander verò 3. & posteriora omnia iura priuant omnino eos beneficijs & functionibus ecclesiasticis. Quod quanquam non dubitemus necessaria ratione factum esse, crescente videlicet in ecclesia auaritia: tamen an adhibita, quanta posset cautela adhiberi, ne indignis beneficia cōferantur, expediret magis vxoratos ministros in minoribus in ecclesia esse, si eo rariores essent qui in maiorib⁹ castitati sunt astricti: putamus posse meritò in considerationē venire, si quando serid⁹ ageretur de emēdanda infamia ecclesiastici ordinis ex incōtinētia supremorū ministrorū, maximè in cōcilio.

De sacris verò ordinibus similiter apertè sunt Conciliorum & pontificum definitiones. Primò, dist. illa 32. multa sunt Leonis papæ decreta & ex 90. episto. ad Rusticum Narbonensem episcopū c. 3. & ex 82. c. 4. similiter & Grego. & 6. synodus, & Concilium Chalcedonense supradicta dist. citantur. Ex quibus constat hoc etiam apud Græcos fuisse semper, atq; ita in tota Ecclesia, vt non liceat ordinatis in sacris contrahere matrimonia. Et quanquam multi existiment in antiqua ecclesia talia matrimonia, etsi prohiberentur, non tamen fuisse dissoluta: si quis benè consideret in illis locis, & pluribus alijs antiquis, videbit etiā tunc illegitima iudicata esse istiusmodi coniugia, et quidem dissoluenda ac nulla: de quo latius postea agemus: Arcebantur à ministerijs ecclesiasticis sic contrahentes, vt Alexander 2. ca. Præter hoc, 32. dist. & Urbanus 2. cap. Eos qui, eadem dist. ordinant: cum videlicet in ecclesia nō esset tanta potestas de exterioribus iudicandi, maximè in coniugijs, quæ non tantū clericos ipsos, sed & vxores respiciebant, nec

potest-

potestates seculares quicquā in hoc ecclesiæ permittebāt. Postea verò, quando in ecclesia potestas fuit, dissoluta sunt talia matrimonia, vt Alex. 3. c. 1. & 2. Qui clerici vel vouentes &c. aperte dicit. Hæc itaq; de ordine certa sunt.

Cæterum rationem huius, quare scilicet ordo sacer matrimonium dirimat, inquirunt theologi nostri d. 3. 7. 4. vbi de hoc ipso Mag. pontificum & conciliorum auctoritates adduxit. Cui quæstioni (quanquam sit hic nonnulla diuersitas, magis de nomine quàm de re) respondendum est, id habere sacros ordines ex voto solenni castitatis, quod eis annexum est ex statuto ecclesiæ: deinde etiam & ex constitutione ecclesiæ, quæ convenientissima ratione illegitimos & ineptos reddit in sacris ordinatos, ad contrahendum. De voto itaq; dicimus ecclesiam latinam ita ordinasse, vt voueant castitatem omnes: quod Græci non admiserunt vniuersaliter. Quanquam enim etiam ipsi non contrahant, vtuntur tamen matrimonio antea contracto, vt b. Thom. hoc loco dicit, de quo inferius. Vnde non dubitatur, omnem qui scienter ordinatur in sacris, ipso facto hoc promittere non minus, quàm si testaretur verbis. Quare illud esse solenne votum castitatis ecclesia statuit: & addidit constitutionem, illegitimos reddens sic ordinatos ad contrahendum. Tertium deniq; circa ordinem hoc certum etiam est, si quis post contractum matrimonium ordinetur: quanquam id graue peccatum sit in ecclesia latina, & contra eius ordinationem: non tamen propterea matrimonium dissoluitur, neque non est ordinatus: suspensus tamen est ab omni eius officio, & in matrimonio perseuerare cogitur: quanquam, quid circa debitum coniugale vel exigendum vel reddendum facere possit, dubium nonnullum sit, de quo latius dicturi sumus inferius, cum de indissolubilitate matrimonij proprio eius effectu, agetur. Nunc priora illa duo sufficere debent, quæ pertinent ad impedimentum, quod præstat ordo præcedens matrimonio. De hoc, & alijs ad hoc pertinentibus qui plura, iuristarum maxime, videre velit, legat Siluest. in verbo, matrimonium 8. §. 1. 2.

Iam de voto similiter eodem modo dicendum est, quid sit certum. Nec enim nunc tempus est, vt in vniuersum de voto agamus, & de omnibus generibus atq; rationibus, votorum: quod tamen hæc occasione nostri dist. 3. 8. 4. egerunt, & b. Thom. diligentissimè q. 8. 2. 2. Omnibus omisissis, de voto castitatis hic agamus:

HHhh. 3. quod

telleda, ob puerilem quandam ipsius grammaticæ, & rei de qua
 agebatur inconsiderationem. Igitur circa hoc (sicut & in præce-
 cedentibus) dicimus: solenne votum nullum reddere matrimoniū Quare solen-
 ex institutione ecclesiæ simul & natura ipsius voti Ecclesiæ reddit ne votū con-
 illegitimum, habentem votum solenne castitatis, ad contrahen- tractum ma-
 dum non autem habentem simplex; adq; valde rationabiliter. trimonium
 Quia in voto simplici nuda est promissio: eius verò quod promissio-
 sum est, dominium manet apud promittentem. In voto verò solen-
 ni non est sola promissio, sed etiam traditio eius quod promitti-
 tur sui ipsius videlicet, & acceptatio quædam atq; possessio ab ec-
 clesiâ accepta. Hæc est enim propria illorum differentia. Est nam-
 que etiam inter homines hoc naturale, & certè iuris gentium, vt
 longè minoris efficaciz sit nuda tantum promissio, quàm exhibi-
 tio & traditio possessionis eius quod promittitur. Qui promissit
 alteri vel domum vel vestem, nondum abtulit sibi eius rei domi-
 nium. Vnde si postea alteri tradat, rata est traditio, & (vt plurimū)
 tenebitur valorem rei promissæ alteri dare. Qui verò alteri iā ip-
 so facta tradidit vel domū vel vestem, omnino priuauit se eius do-
 minio, nec alteri illam conferre potest iam alienam. Cū igitur
 votum contractus sit quidam humanus (quanquam inter Deum
 & hominem) tamen quia Deus etiam ipse cum hominibus mo-
 re humano agit: multo magis vult, vt homines cum eo humano
 etiam more agant. Quare plurimum distat nuda promissio facta
 Deo, ab exhibitione: atq; ideo si post votum simplex castitatis hoc
 est post nudam promissionem corpus suum alteri quis tradide-
 rit (quod fit per matrimonium) firma est traditio. Cæterum si etiā
 suum ipsum corpus ad continentiam seruandam Deo dederit iam,
 quasi de alieno, non potest aliud disponere: nec, si tentet, ratū erit.
 Quod igitur Scotus arguit, volūtate sola esse votum efficax: quod
 attinet ad obligandum hominem Deo, verum est: quod autem at-
 tinet ad rem promissam à dominio promittentis auferendam, longè
 aliud est traditio, quàm nuda promissio. In ecclesiâ semper fuit
 dedicatio, qua se Deo obtulerunt, quibus hoc placuit: & cōse-
 cratio, qua ab ecclesiâ sic dedicati cōsecrantur. Memor est huius Di-
 onysius de ecclesiastica hierarchia: & satis patet in tota antiquita-
 te ecclesiæ. Et quid aliud significatur, his, quàm hoc esse hominē se
 totum Deo, ecclesiâ & teste & acceptante, tradere? Propterea igitur
 diximus votum ipsum solenne ex iure diuino hanc efficaciam
 habere:

DE VOTO VIRGINITATIS

habere : quoniam ex ratione naturali , quæ inter omnes homines constat. Et quamvis modus ille dedicationis & consecrationis ab ecclesia sit præscriptus (sicut modus tradendi possessionem rerum, à iure humano) tamen ea facta, iam non est suus qui ita se dedicauit : & contra ius diuinum agit , & ex hoc ipso est , vt nullum sit, quicquid contra solenne votum agitur : sicut qui post traditâ suæ rei possessionem alteri , rursus de ea disponit , contra ipsum ius diuinum agit, quo rei alienæ contrectatio prohibetur : atq; ita nihil est quicquid agit. Dubitatur quidem inter theologos, an in voto solenni dispensari possit à papa. Et beatus Thomas cum monacho non posse dispensari vt contrahat, asserit; potest tamè cum ordinato in sacris. Communiter verò creditur vniuersaliter dispensari posse. Nec opus est de hoc multa dicere. Necessaria & legitima causa existente, non est facile authoritas dispensandi in his restituida. Sine causa verò, nulla est dispensatio.

An papa dispensare possit in voto solenni.

LECTIO SEXTA.

De authoritate, & ratione eorum, quæ de ordine & voto dicta sunt.



Quoniam omnia hæc quæ diximus de sacris ordinibus & voto castitatis, ab hæreticis omnibus viribus impugnantur : dicamus nunc (quod superiori lectione proposuimus) quæ authoritate & ratione , & quo tempore hæc tanta obligatio ordinatorum in sacris, & tanta efficacia voti castitatis sit in ecclesia. De quo articulo cum tot & tam docti ac pii hoc tempore scripserint aduersus modernos hæreticos , & ante etiam aduersus Iohannem Vicleph & sequaces : satis erat lectorem ad eos mittere. Verùm (sicut in cæteris hucusq; egimus) non est hîc omittendum , quod laus esse possit ad confirmandos animos in vera & catholica sanctæ ecclesiæ doctrina & obseruantia. Egit quidem

quidem diligenter hoc Thom. VValdenſis in libro de ſacramentis c. 128. & 129. de ſacramento ordinis agens : & libro de ſacramentalibus. c. 66. & 67. Is quidem primus contra VVicleph: poſt illum verò contra Lutheranos multi certè memoria digni, hanc (vt iam diximus) tractarunt cauſam: inter quos Iodocus Clichtoueus, Pighius, Alphoſus, Voueſinus, & plures alij.

Nos igitur (quantum ad hoc propoſitum attinet) hoc in principio ſtatuiſmus, in quod tanquam in ſcopum intendendum eſt : continentiam videlicet ordinatorum in ſacris, & efficaciam voti caſtitatis ſacræ ſcripturæ atque Apoſtolicæ doctrinæ conſentaneam eſſe, & Eccleſiæ ab iſtis Apoſtolis traditam, atq; in ea ſemper fuiſſe.

Ad quod probandum illud primum certò conſtat, cælibatum Continentiæ atque omnimodam continentiam carnis, ſiue in virginitate, ſiue cõmendatio in viduitate, aut alio quouis modo, maxime verò virginitatem, rem eſſe magnæ dignitatis & meriti apud Deum, & propriam euangelici ſtatus virtutem, à ſpiritu ſancto & in ſcriptura ſacra, & in doctrina patrum mirè commendatam, ad quam etiam in euangelica lege apprehendendam omnes ſunt meritò exhortandi. Hoc igitur, quoniam nullus eſt, etiam præſentium hæreticorum, qui aperte neget : non eſt opus multis probare. Quia tamen nec id etiam veraciter conſentitur : non eſt ſine efficaci probatione relinquendum. Primò igitur (quod attinet ad ſcripturam) Chriſtus ipſe excellentiam commendat virginitatis & continentiæ in eunuchis, qui ſe caſtrauerunt propter regnum cœlorum. Matth. 19. Deinde Paulus apertiſſimè omnibus hanc virtutem ſuadet : Volo (inquit) omnes eſſe ſicut meipſum. Et rurſum : De virginitate præceptum Domini non habeo, conſilium autem do. Vbi in hanc ſententiarum multa efficaciffimè loquitur. Non eſt verò in lege veteri quærendum, vbi de hac virtute, & eius commendatione fiat meritò, niſi vbi de Euangelio & Chriſto promiſſio eſt. Vnde Iſaias euangelicæ gratiæ prænunciuſ, de hac apertiſſimè promittit: Non dicat (inquit) eunuchus : ecce ego lignum aridum: quia hæc dicit Dominus eunuchis &c. Dabo eis in domo mea, & in muris meis locum, & nomen melius à filiis & filiabus, nomen ſempiternũ dabo eis. Quem locum (ſicut & reliquos) Auguſtinus lib. de ſancta virginitate (quem totum ille in laudanda, perſuadenda, & inſtruenda virginitate ædificauit) adducit et c. 22. & ſeq.

DE VOTO VIRGINITATIS.

Capite 19.

1. Corint. 7.

explicat. Vbi & reliqua omnia quæ proposuimus, efficacissimè probat: quàm videlicet propriè sit hæc virtus Evangelicæ gratiæ à b. virgine primò cepta, & quantæ excellentiæ sit. Quod non solum in hoc libro, sed & toto serè libro de bono coniugali, agit: vbi postquam de matrimonio; quod primis temporibus propter propagandum Dei populum, ex quo Christus nasciturus erat, necessarium fuerat, & à patribus non humano solum & carnali affectu, sed vera fide & pietate in Deum ac religionem obseruatum dixerat (quod toto eo libro pulcherrimè probat) nunc verò (inquit) sunt admonendi omnes, vt vtantur potius bono continentiæ: hæc maximè causa, q. nunc spiritualiter propagandus est Dei populus, id cõfirmans. Et statim c. 10. obijciens sibi: quid si omnes nunc cælibatû seruarent, quasi inconueniens: desiderandû poti⁹ hoc dicit, ex ipsis verbis Pauli: Volo omnes esse &c. Vnde & li. r. de mupt. & cõcup. c. 13. illud ecclesiastæ de hoc exponit: Tempus amplexandi (quod legi veteri conuenire dicit) & tempus longè fieri ab amplexibus: quod non æ legis esse affirmat: hoc etiam ex illis verbis Pauli confirmans: Tempus breue est: qui habent vxores, tanquam non habentes sint &c. Sufficerent hæc ad id quod propositum est confirmandû, maximè si libri quos citauimus, legantur: quia tamè in hac causâ virginitatis ex græcis doctoribus & ecclesijs præscribunt nobis hæretici: breuiter etiam Græcorû hoc confirmantium, & Latinorum aliorum non est omittenda memoria. Igitur (quod ad græcos attinet) Athanasius librum ædidi de virginitate, in quo efficacissimè eam suadet, & virgines instruit. Basilii in libro de institutione perfectæ vitæ, in principio, ac deinceps cap. 7. tanquam fundamentum totius virtutis continentiam ponit: & in regulâ monachorum, de ipsâ virginitate & professione eius aperter loquitur: qua authoritate etiam postea vtémur. Chrysostomus homilia 18. in Genesim, virginitatem quantum extollit? & quanto spiritu ad eam inducit omnes? & in sermone de continentia Ioseph: & rursus in altero, quod regulares fœminæ viris cohabitent (vbi videlicet hoc deplorat) mira facundia virginitatem etiam suadet, & docet qualiter sit seruanda. Ex Latinis Cyprianus & libro de habitu virginum, & Epistolâ 11. 1. libri, hoc ipsum agit, nobilissimam portionem Ecclesiæ virginies vocans. Tertullianus lib. 7. ad vxorem, primum gradum & locum tribuit virginitati, secundum continentiæ viduali, vltimum denique ma-

timum.

trimonio. Hieronymus verò quàm multa, quàmq; efficaciter cōtra Iovinianum disputat & in duobus libris contra eum, & in multis Epistolis, & contra Vigilantium? ubi admiranda sunt præconia virginitalis. Ambrosius proprios etiam libros ædidi ad virgines. Itaque nullus est omnino doctorum Græcorum vel Latinorum, apud quem non sit aut in specialibus tractatibus, aut inter reliqua apertissima commendatio virginitalis & continentia. Fatentur hoc moderni hæretici & nouatores, sed audent dicere, excessisse antiquiores patres in commendanda hac virtute: quam querelam primus Erasmus incepit, & exaggerant reliqui aduersarij nostri adeo, vt non cunctetur Butzerus dicere, videri sibi quodd nimium accesserint ad errorem Tacianorum, & reliquorum hæreticorum nuptias damnantium. Sed hos nec causæ castitatis & cōtinentiæ iudices recipimus tam suspectos, & manifestè suam propriam causam, imò carnis & sanguinis agentes (quid enim aliud de votifragis & perfidis monachis dici potest?) nec censores doctrinæ patrum. Illi enim spiritum scripturæ sacræ secuti sunt, illi & ab Ecclesia recepti, à Deo etiam miraculis probati sunt. Quis non videt igitur temerarium esse, quod priuatus aliquis iudicium suum præferat illis? aut vt nouatorum omnium horum autoritas vel vni eorum comparari debeat in re tam graui, quæ tam longo tempore in Ecclesia tanta cum laude permansit? Non est credendum spiritum sanctum vel excessum aliquem permisisse in eorum doctrina, quam scilicet illi ex vno sensu Ecclesiæ tradunt. Certè si illi omnes excesserunt, excessit & Ecclesia. Nec detrahunt matrimonio patres, nec incauti sunt in tenenda via regia, atque media. Abeat igitur omnis ab illis aliena prudentia, quam stulticiam merito & verius dixerimus. De virginitate & matrimonio, vt illi, loquamur. Et certè si vnius Augustini aut Hieronymi in hac parte attentè perpendatur doctrina, non est quod desiderari possit. Hæc igitur satis de primo illo fundamento, & laude continentia: ex quo cætera omnia facillè deducuntur.

Primo enim ex illo, quàm hæc virtus conueniat Christi & Ecclesiæ ministris, non est difficile videre. Illorum est (vt Christus ad- at ministros monet) lucem esse & sal, & in Ecclesia singulari virtutum fulgo- ecclesiæ vita se splendere: ad hoc verò, ex suprà dictis locis satis ostendunt cælebs & patres, quantum conferat cœlibatus. Deinde, ad hæc ministeria re-

continentia.

DE VOTO VIRGINITATIS

est explenda, maxima opus est libertate animi, & à cura rerum temporalium elongatione: in hac verò præcipue implicat hominis animum matrimonium: quod satis asserit & probat Apostolus: Qui cum vxore (inquit) est, sollicitus est, & cogitat quæ mundi sunt, quomodo placeat vxori, & diuisus est. Qui sine vxore est, sollicitus est & cogitat quæ sunt Domini. Quod experientia etiam ipsa ostendit. Quanta enim in educandis filiis cura? quanta deinde maior in hæreditandis? cum natura ipsa doceat (Paulo etiam testante) quod parentes debent thesaurizare filiis. Quis non videat matrimonij onera tanta esse, vt integrum hominem requirant? Quare tandem fiet, vt vel mercenarius totus sit minister Ecclesiæ, & omnia ad quærendum victum filiis & familiæ referat: vel, vt prematur quotidie penuria & egestate suorum. Satis corruptio ipsa naturæ nostræ ad auaritiā & curam rerum temporalium nos trahit: quid igitur si huic addatur multitudo filiorum? Quantum verò hæc omnia impediunt à diuina contemplatione & studio ipsius scripturæ, quæ tam necessaria sunt ministris Ecclesiæ? Et, quod his omnibus maius est, quantum ab assidue illa oratione & puritate, quæ maximè in celebrandis mysterijs illis sacrosancti altaris necessaria sunt, non solum hæc cura & sollicitudo, sed complexus ipse muliebris & venereæ delectationis vsus impediunt, satis Paulus ostendit, dum maritis præcipit, vt ad tempus separentur, vt orationi vacent. Non quod dicamus nullam orationem fieri posse ab his qui conjugilibus actibus vacant: sed feruentior illa & purior oratio (qua frequenter in vita opus est, Paulo ipso teste, ijs præsertim, qui inter ea versantur, quæ & animum maximè tenere, & à Deo auertere possunt: quales certè sunt coniuges) sine maiori illa puritate rectè fieri nequit. Nam & propterea ad eam Paulus exigit separationem à matrimoniali consortio. Ministros autem Ecclesiæ constat huic præcipue muneri deputatos esse, vt non pro se tantum, sed pro tota Ecclesia orent, vt iam meritò de ministris Ecclesiæ secularibus actibus implicatis dicatur illud Euangelij: Quod si sal euauerit &c. Hinc enim & Apostolus: Nemo (ait) militans Deo implicat se negotijs secularibus. Quæ verò magis secularia negotia, quàm ad quæ matrimoniū trahit & cogit? Hoc verò maximè confirmatur sacerdotū veteris legis exemplo. Hi mariti erant (quoniam carnali propagatione sacerdotiū illud seruandum

1. Corint. 7.

1. Corint. 7.

2. Timot. 2.

dum erat)tamen quando in tabernaculo ministrabant, ab vxoribus & omni illo domestico strepitu separati erant: sicut de Zacharia apertè scriptum legimus, quòd completo tempore ministerij sui, reuersus est in domum suam. Quòd si ad tractanda illa quæ vmbra tantùm erant & figura, abstractione tanta opus fuit, & separatione ab vxoribus: quanto magis hæc necessaria sunt in sacramentis nouæ legis contrectandis? ad quæ non per vices & tempora, sed continuò administranda & consummanda ministerios ecclesiæ paratos esse oportet semper: ergo & ab vxoribus liberos. Hac ratione vsi sunt Zosimus & Innocentius. Ad panem illum (inquiunt) propositionis manducandum requirebatur, vt à mulieribus mundi essent: quanto magis ad vinum & cœlestem panem sumendum, cuius ille vmbra tantùm & figura erat?

Hinc etiam secundum manifestum fit. Apostolos videlicet, eorum discipulos, & omnes ferè, aut certè maximam partem omnium, qui in ecclesia & Christi ministerijs insigni sanctitate & doctrina clauerunt, cælibes semper permansisse: omnia hæc quæ diximus confirmantes, & exemplum etiam successoribus suis ac reliquo populo christiano exhibentes. Dignum sanè erat, vt hæc tanta virtus, tam propria euangelio, in illis prioribus splenderet patribus. Hoc de Paulo manifestum est: qui dum ad calibatum exhortatur: Volo (inquit) omnes esse sicut meipsum. Et de cæteris quidem Apostolis confirmat hoc beatus Hieronymus libro primo contra Iouinianum: & probat ex verbo illo Petri: Ecce nos relinquimus omnia: cui respondens dominus: Omnis qui reliquerit vxorè aut filios &c. ostendit illos hæc omnia reliquisse. Quamquam itaq; (inquit Hieronymus) demus Apostolos habuisse vxores (quod tamen de solo Petro probari potest) id ante euangelij gratiam fuit factum: at postquam secuti sunt Christum, non dubitandum est ab his omnibus eos abstinuisse. Imò Iohannem ipsum euangelistam & ipse Hieronymus ibi, & tota ecclesia non dubitat virginem permansisse: & multorum testimonia asserunt ex nuptijs vocatum esse à domino. Quod idem & Ignatius, Iohannis discipulus (inter hos etiam & ipse meritò numerandus) epistola ad Philadelphienfes, de Apostolis & multis alijs apertè dicit: adductis etiam insignibus quibusdam patribus veteris testamenti: Virgines Christi dicit se præ oculis habere: sicut Iesum Naue, Melchisedech, Helisum, Ieremiam, Iohannem baptistam,

Ferè omnes ecclesiæ ministri eximia sanctitate & doctrina clari vixerunt cælibes.

Matthæi 19.

DE VOTO VIRGINITATIS

dilectissimum discipulum (Iohannem scilicet euangelistam) Timotheum, Titum, Euodiam, Clementem, & alios, inquit, qui in castitate de hac vita exierunt. In ea item & pluribus alijs epistolis etiam sacrarum virginum meminit. Epiphanius etiam tanta antiquitatis author, in libro de hæresibus (in quo ipsum beatus Augustinus secundus est) contra Valesios, hæresi videlicet 58. hoc ipsum de Helixo, Iohanne euangelista, & Iacobo fratre domini, & reliquis Apostolis asserit: qui se (inquit) non manibus, sed spiritu castrauerunt propter regnum cælorum. Iam reliquos græcos & latinos patres ac pontifices præcipuos ecclesiarum manifestè constat cælibes fuisse. In Romana quidem ecclesia omnes (nullo certè excepto) cælibes legimus. De alijs, videlicet Athanasio, Basilio, Chrysostomo &c. quod tales fuerint, constat. Et ex latinis Cyprianus, Hilarius (prius quidem maritus, sed postea longè à matrimonio) Ambrosius, Hieronymus, Augustinus, fuerunt cælibes. Et vix vnus patris scilicet Gregorij Nazianzeni (qui episcopus maritus erat) mentio est. Sunt verò & nonnulli alij in ecclesiasticis historijs: sed certè nulla ratione ostendi potest, eos post sacerdotium vsos fuisse matrimonio. De præcipuis iam diximus & sanctioribus: de alijs postea.

Continentia Tertium demum etiam ex his deducentes, quasi consequentia ministrorum quadam inferimus ex his omnibus, cõtinentiam istam ministrorum ecclesiæ ab omni matrimonio, simul cum ipso euangelio & Apostolorum prædicatione instillatam esse animis hominum, & tempore fuit sensim quodammodo ita in ecclesiam introductam, vt nullum aliud initium eius, quàm ipsius euangelicæ prædicationis legamus: quanquam fuerit inter antiquos nonnulla diuersitas, & etiam abusus non defuerint. Hoc verò primò efficacissimè cõfirmat, quod

ca. 17. Eusebius 2. lib. ecclesiasticæ historiæ scribit ex Philone antiquissimo Iudæo, contemporaneo videlicet Apostolis, qui & consuetudinem creditur habuisse non parua cum Petro & Marco, vt qui Romam venerit & Alexandria vixerit. Is igitur in libro de vita supplicum (vt Eusebius citat) Christianorum recens cõuersorum mores & vitam mirè prædicans, omnia, quæ Egypti monachos egisse legimus, refert: & inter cætera, contubernia fuisse & virorū & mulierum seorsim habitantium, & in virginitate vsq; ad mortē permanentium, dicit. Vbi & de abstinentia illorum, vigilijs, & frequentia lectionis ac orationis multa loquitur: apertè monachorū

Egypti

Ægypti vitam describens: vt hinc videamus virginitatem & monachatum simul cum Euangelio capisse. Quod & Concilia ipsa antiqua, & alix historie testantur de cælibatu ipso ministrorum. Et quia hæretici Ecclesiam Græcam nobis obijciunt: eius etiam autoritate hoc iam confirmemus.

Primò igitur concilia illa antiquissima Græca, Ancyranum & Neocæsariense horum manifestè habet mentionem, & cælibatus scilicet ministrorum, & voti castitatis ac monachatus. In Ancyrano enim cap. 10. de diaconis ita dicitur. Si in ordinatione tua protellati sunt, & dixerint velle se coniungi & copulari: si postea vxores duxerint, maneat in ministerio, propterea quòd eis Episcopus licentiam dederit. Et additur: Quicumque sanè tacuerint & susceperint manus impositionem, professi continentiam, si postea nuptijs obligati sunt, à ministerio cessare debent. Et cap. 18. Quotquot (inquit) virginitatē promittunt, & irritam faciunt spōsionem, inter bigamos censeantur. Ex quo satis sit hoc haberi, & votum fuisse virginitatis, & eius transgressores esse punitos. In Neocæsariensi 1. ca. Presbyter (dicitur) si vxorem acceperit, ab ordine deponatur: quòd si fornicatus fuerit, vel adulterium commiserit, extra Ecclesiam abijciatur. Et hæc quidem Concilia ante Nicænum ipsum creduntur fuisse: & tunc de his rebus, tanquā de certis ac constitutis loquuntur. Conciliū etiam ipsum Nicænum quā apertè loquitur? Interdixit (inquit) sancta Synodus, non episcopo, non presbytero, non diacono, nec alicui omnino qui in clero est, licere subintroductam habere mulierem. Referunt hoc quidem nonnulli ad prohibitionem matrimonij: sed vt cunq; sit, satis eo loco ostenditur, cælibes permanfisse plurimos, cum reuera ex superioribus Concilijs pateat, post susceptos sacros ordines, vsque ad diaconatum (vt minimum) prohibitum esse matrimonium. Mirum autem est, quòd ecclesiæ aduersarij tam falsò omnia peruertunt. Referunt quod lib. 2. historie tripartite cap. 14. scriptum est & à Gratiano citatur 31. d. c. Nicæna synodus, & addunt Paphnutium confessorem & sanctissimum monachum persuasisse Concilio, ne cælibatus indiceretur ministris Ecclesiæ: fraudulentè dissimulantes id quod non possunt in illa lectione non apertè videre, potius inde contrarium ostendi. Tentatum est ut statueretur, ne presbyteri & episcopi, & vsque ad subdiaconos cum coniugibus, quas ante consecrationē duxerant, dormirent.

Huic

Etiā græca antiquissima concilia voti continentie meminerunt & puniunt votifragos.

Capite 3.

DE VOTO VIRGINITATIS

Huic sententiæ contradixit Paphnutius, dicens hoc occasionem fornicationis futurū ipsis, aut certē vxoribus. Vbi obserua, quā diserte distinctum sit quod pertinet ad separationem à mulierib. prius ductis: & quod ad non deinceps ducendas vxores. Hoc enim non verbebatur in quæstionem in eo concilio: sed constat superioribus concilijs statutum fuisse. Igitur (quod attinet ad priorem ecclesiam, & ad græcos) hoc certō constat, maritos fuisse ordinatos episcopos &c. nec in ordinatione ad continentiam astringi-

- c. 4.** eos, quin possent vxoribus vti. Vnde & concilij Gangrensis habemus de hoc certissimam definitionem. Vbi propter hæreticos damnantes nuptias, & carniū vsū, & huiusmodi alia, sanctissimē definitur, quicumque discemit à presbytero, qui vxorem habuit, tanquam occasione nuptiarum, quod offerre non debeat, anathema sit. Hoc enim quod in principio ecclesiæ fuit, perman- sit diutius in ecclesia græca. Aduertant itaque, qui etiam contra nos hoc concilium citant, quā contra eos sit eius cōclusio: Hæc (aiunt) scripsimus, non vituperantes eos, qui in ecclesia Dei secundum scripturas sanctum propositum continentię eligunt. Et deinceps: Nos autem virginitatem cum humilitate admiramur & continentiam, quæ cum castitate & religione suscipitur, approbamus. Vbi apertē vides (vt ex consequentibus patet) de perpetua continentia ab vxoribus sermonem esse: & propositum castitatis non tantum in admiratione haberi, sed & probari. Sed vt ad priora redeamus, fatemur fuisse ministros ecclesiæ maritos, & vfos matrimonio, quod tamen ante susceptos ordines contraxerant: post susceptos verò illos, semper interdictum fuit coniugium, etiam græcis: quod Chalcedonenſis synodus (posterior quidem, sed ante mille annos, & vna ex quatuor illis præcipuæ auctoritatis) apertē ostendit. Quia in quibusdam (inquit) prouincijs concessum est lectoribus & psalmistis vxores accipere. Vides itaque superioribus gradibus apertē id negatum fuisse, iuxta antiquiora illa concilia? Idem etiam sexta synodus apertius docet. Sic enim (vt Gratianus citat c. Quoniam, 3. i. dist. dicit: Cognouimus Romani ordinis canonem esse, vt qui ordinati sunt diaconi vel presbyteri, confiteantur quod suis iam non copulentur vxoribus. Ipsi tamen hoc non imponunt græcis: sed legales (inquit) nuptias amodo valere volumus, nullo modo cum suis vxoribus eorum connubia dissoluentes. Itaque præcedentia matrimonia

monia dissoluta non fuerunt apud græcos. Cæterum Siricius papa & Innocentius primus, non longo post priora illa concilia tempore, illud firmitus statuerunt, ut non ordinarentur mariti, nisi & ipsi & vxores continentiam vouerent: & hi quidem quadringentis post Christum annis istud constituerunt. Et quoniam hæretici dicunt illos hoc induxisse in ecclesiam: legantur eorum de hac re epistolæ: Siricij quidem epistola ad Himerijum Tarraconensem episcopum: vbi satis ostendit, se non nouum aliquid statuere, sed tantum quæ per abusum introducta fuerant rescare. Innocentius etiam in epistola præcipue ad Exuperium Tholosanum episcopum, vbi Siricij auctoritatem referens, & rationes illas quas supra adduximus ex veteris legis sacerdotibus, & puritate necessaria in ministerijs ecclesiæ, efficacissimè proponens, ostendit se magis curasse, ut hæc, quæ negligentia quorundam lapsa erant restaurarentur, quàm de nouo aliqua statuisset. Sunt etiam in eadem epistola Siricij damnata matrimonia monachorum post professionem &c. Itaque ex his omnibus & calibatus legem ecclesiæ ministris impositam, & votum castitatis monachorum manifestè conuincitur ab ipsis fuisse Apostolis, & semper in ecclesia omnium patrum consensu probata. Quid igitur opus est stultissima audire, & certè fallacissima hæreticorum verba, legem hancyrānicam esse, & ab antichristo institutam:

& multa alia clamantium? Si quid ta-

men, quod mouere aliquem posset,

adferant: sequenti lectio-

ne est certis etiam pa-

trum autoritatib.

dissoluen-

dum.

DILVNTVR OBIECTIONES LECTIO SEPTIMA.

Derationibus hæreticorum contra hæc dissoluendis.



MULTA ecclesie aduersarij contra hæc omnia gariunt, & re & verbis contradicentes legi calibatus ministrorum ecclesie, ac voto solenni castitatis: sequentes in hoc Vuicleph & Bohemos hæreticos, & ab illis etiam plurima eorum quæ referunt, mutuantes: quanquam (vt in his semper contingit) moderni inuerecundius de his omnibus loquantur. Constat

Noui hæretici antiquis peiores sunt.

in primis omnes hos noui euangelij ministros & antesignanos, abiectis votis religionis & sacrorum ordinum, non semel, sed frequentius etiam contraxisse (vt populo persuadeant) matrimonium. Itaq; à Iouiniano & Vigilantio vsque ad nos, persecutio hæc contra sanctissimum calibatum ita à satana aucta est, vt posteriores semper præcedentibus erroribus aliquid addiderint. Primi illi æquabant nuptias calibatu, Vuiclephiste legem calibatus & voti castitatis tyrannicam & temerariam dicebant: in vtrisque tamē fuerunt multi calibatū seruantes. Nostri iam, omnibus certē illis consentiētes (nam nec à Iouiniano longē absunt re ipsa, vt videbimus) addunt etiam, &, exemplo suo ad nuptias omnes astrictos calibatu trahentes, asserunt hoc esse conducibile, & ab ipso spiritu sancto ostensum conuenire ecclesie ministris. Vt igitur capita obiectionum contra calibatū habeamus, & illis responderi possit: tria sunt quæ contra hunc adferunt.

Quæ oppo-
nant aduer-
sarij contra
legem calibatus.

Primum est contra legem calibatus. Dicunt enim eam esse tyrannicam, qua onus tam graue ultra legem ipsam Dei, et ultra ecclesie antiquæ exempla, à nescio quibus pontificibus impositum est. Nonnulli dicunt à Siricio & Innocētio. Addunt etiam Butzerus & Calvinus (vt maiorem inuidiam consent & ex nouitate, & ex persona ipsa pontificis) à Gregorio 7. impositum esse Germanis,

manis, idq; magna totius germanicæ ecclesiæ perturbatione: ex historico quodam Sigiberto id probantes. Vixit Gregorius 7. circac 1060. annum, Henrico quarto imperatori contemporaneus, & propter contentiones summas cum eo habitas, mirè traductus ab historicis germanis, & effectus odiosus omnibus præcipuè hæreticis. Huic itaque tribuunt legem cælibatus in Germania, quam & Antichristi dicunt, sicut Bohemi dixerunt post 1000. annos factam, post quos inquit soluendum fuisse satanam, vt in Apocalypsi scriptum est: cum tamen Siricius & Innocentius ante compleros 500. annos post Christum vixerint. Igitur ad tyrannidem istam probandam, multa primò adducunt ex Paulo ad Corinthios, de necessitate (vt illi inquit) coniugij, quod certè remedium esse pluribus, imò omnibus ferè necessarium (cum paucorum sit donum perfectæ continentie) docet. Laudat (fatentur illi) Paulus cælibatum, sed ostendit conuenientissimum remedium, matrimonium. In principio enim huius sermonis inquit: Bonum est viro mulierem non tangere: sed statim subiungit: Propter fornicationem autem vnusquisq; suam vxorem habeat. Et rursum, cum dixisset: Volo omnes esse sicut meipsum: statim addit: Sed vnusquisq; proprium donum habet. Vbi quid aliud (inquit) significat, quam eos qui hoc donum non habent, quod habuit Paulus, oportere vxoribus iungi? Et tandem postea: Dico autem non nuptis & viduis, bonum est illis si sic permaneant: Sed statim addit: Quodd si se non continent, nubant. Et illud: Melius est nubere, quàm vri. Ex quibus omnibus clamant: cum Paulus nulli audeat imponere cælibatum, quomodo audent alij? Imò, cum omnibus qui se non cõtinent, præcipiat vt nubant, hoc vnicum remedium (inquit) ostendit esse ijs qui vtuntur, hoc est (vt illi exponunt) qui stimulis & tentationibus carnis exagitantur. Non (inquit Butzerus) Paulus docet, confugiendum esse ad orationes, ad mortificationem carnis &c. sed vnicum hoc remedium proponit omnibus. Quæ verba possent sufficere habenti liberum ab omni affectu iudiciũ, vt, quàm meritò detestandus sit, qui hæc ausus est dicere, cognoscatur. Nō dixit Paulus confugiendũ esse ad orationes & mortificatiões carnis? Quid ergo est illud? Castigo corpus meum? & rursum: In omnibus exhibeamus nos, sicut Dei ministros, in ieiunijs multis, in laboribus, in vigilijs, in spiritu sancto? & rursum: Orationi instate? Quis audet itaque illud dicere, nisi planè

1. Cor. 7.

DILVVNTVR OBJECTIONES

epicureus? Et quod rursus ait: vnicum hoc remedium proponit omnibus, matrimonium scilicet: quid etiam apertius falsum dici potuit? Volo (inquit) omnes esse sicut me ipsum. Nulli hoc remedium proponit Paulus, nisi nolenti continere: quod ostendimus postea esse veri, ex sensu patrum. Audient verò etiam aliter, præceptum esse Pauli. Quod & confirmant ex his quæ ad Timoth. scribit: Volo (ait) iuniores (de viduis loquens) nubere, filios procreare, matres familias esse, nullam occasionem dare aduerisario maledicti gratiam: iam enim quædam conuersæ sunt retrò post satanam. Ecce (inquiunt) Paulus vult iuniores, absque exceptione quidem vlla, nubere, & ostendit illud expedire, saltem pluribus. Quomodo igitur imponitur omnibus ministris ecclesiæ continentis onus? Confirmant hoc rursus verbis Pauli, quæ de ordinandi episcopis & diaconibus dicit: Oportet (ait) episcopum irreprehensibilem esse, vnius vxoris virum. Et iterum ibidem de diaconibus: Sint vnius vxoris viri, qui suis filiis bene præsent & suis domibus. Et iterum, quando Tito de constituendis per ciuitates presbyteris loquitur: Sicut ego (inquit) disposui tibi: si quis sine crimine est, vnius vxoris vir, filios habens fideles, non in accusatione luxuriæ, aut non subditos. Ecce (inquiunt) spiritum sanctum de episcopis & alijs ministris tam diligenter per os Pauli docentem, matrimonium inter familiares virtutes & germanas quodammodo ministrorum ecclesiæ ponentem: Filios (inquit) habentem subditos: Et, si quis domui suæ præesse nescit, quomodo ecclesiæ Dei diligentiam habebit? Vbi quid aliud ostenditur, quàm in matrimonio, præparari quodammodo ministros, & specimen sui quoddam ad gubernandam ecclesiam præbere. Nonne hæc conuenientia sunt? Merito igitur (inquiunt) spiritus sanctus ministros ecclesiæ maritos quærit, non cælibes: maritos esse præcipit, non virgines: quod multo certè est absurdus, quàm vt possim credere eos, cum hoc dicerent, considerasse: sed apparet ex sermone disputationis & amore propriæ sententiæ protectum. Quid est spiritum sanctum nolle virgines, sed maritos? Et tamè ex huiusmodi præmissis clamant: quia ergo temeritate hoc imponitur? Quòd si respondeamus, nulli hoc imponi, sed tantum ecclesiæ nullum ad ministeria sua velle recipere, nisi cui placuerit virginitas & cælibatus: itaq; nemini imponi vt cælebs viuatur, sed solum ordinari quibus hoc placet & quibus hoc cordi est: quod cur ecclesiæ nō liceat, cum

eum in domo propria cuius licitum sit, quas sibi placuerit exigere à suis ministris conditiones? Clamant illi, iniquum esse Ecclesiam priuari multis futuris illi vtilibus ministris, exactiōe conditionis, quam spiritus sanctus non exegit. Multi non possunt hoc præstare, multis non placet, qui & pietate, doctrina & diligentia, multa præstare possent Ecclesie: quibus omnibus propter hanc legem priuatur: imò ita fit etiam, ut repleatur inutilioribus ministris hac occasione. Cum enim ministris carere non possit, necesse habet ordinare ministros, & suscipere quoscunque, qui cælibatui se addicunt, carent tamen alijs multò vtilioribus & magis necessarijs vel doctrinæ, vel pietatis, vel diligentie donis. Denique ut hæc tyrannis ostendatur clarius, videamus (inquiunt) fructus huius legis, hoc est, quæ utilitas eam secuta sit in Ecclesia. Ex ea magis impleta est Ecclesia libidinibus, & omni spurcicia: dum videlicet quicquid ad hoc pertinet, permittitur ministris, præter solum sanctum matrimonium. Quæ igitur lex est, aut quæ disciplina, tot permittere fornicationes & adulteria, & solum punire matrimonium? Si casti essent ministri, sustinendi essent & laudandi: modò constat eos non esse castos: quid igitur, dum lex illa tenetur, aliud sit, quàm ut multorum peccatorum occasio de-
 tur? Vltimò denique & illud Pauli, quod Timotheo scribit de nouissimorum temporum erroribus, huic legi conuenire asserunt: Discedent quidam à fide, attendentes spiritibus erroris & doctrinis demoniorum, in hypocrisi loquentes mendacium, & cauteriatam habentes conscientiam. Ecce quanta periculosissima mala dicat Paulus? Causa verò & finis omnium illorum, quæ sit, statim ostenditur: Prohibentium nubere, abstinere à cibis quos Deus creauit ad percipiendum cum gratiarum actione fidelibus, & his qui cognouerunt veritatem. Pater igitur (inquiunt) quales sint dux istæ leges: cælibatus, qua prohibetur matrimonium, & delectus ciborum. Nec satis fieri sibi vlla ratione volunt, si dicamus illa contra Tatianos, Manichæos, & alios hæreticos antiquos dicta esse: quasi (inquiunt) non ideo de alijs intelligi possit quod Apostolus dixit, quia de illis etiam accipitur. Nec rursus eò quòd dicimus, lege hac cælibatus non omnibus prohiberi nuptias, sed vouentibus tantum: contenti esse volunt: hoc est enim (aiunt) ac si quis diceret, legem aliquam non iniquam esse aut tyrannicam, quia non totam ciuitatem, sed partem eius opprimat. Hæc

1. Timot. 4.

DILVVNTVR OBIECTIONES

igitur priora sunt, quæ contra legem calibatus adferunt.

Priusquam verò duo reliqua capita argumentorum contra vota castitatis adferamus, respondendum huic priori est, ne diutius quæquam teneamus in consideratione fallacium quidem, sed nonnunquam apparentium argumentorum, eorum qui sensum proprium sequuntur.

Primò igitur, ut his & cæteris omnibus respondeatur rationibus: illud firmiter statuendum est, verum scripturæ sensum, & diuinæ voluntatis agnitionem non proprio sensu, non humanis rationibus querendum esse aut inueniri posse, sed ex consensu Ecclesiæ, ex his videlicet, quæ semper in Ecclesia obseruata sunt, & quæ habet consensus patrum ac doctorum illorum qui in ea probati sunt. Extat de hoc Clementis (aut si fortè alterius est) grauissima certè sententia, quam Gratianus retulit. Obseruandum (inquit) diligenter, vel lex Dei cum legitur, non secundum propriam ingenij virtutem vel intelligentiam legatur, vel doceatur: sunt enim multa verba in scripturis diuinis, quæ possunt trahi ad eum sensum, quem sibi quisq; præsumpsit sponte (& post nonnulla in hanc sententiam dicta) atq; ideo oportet (ait) ab eo discere scientiam scripturarum, qui eam à maioribus secundum veritatem sibi traditam seruat, ut & ipse possit eam quā rectè suscepit, competenter asserere. Hoc quando cum hæreticis agitur, est semper præ oculis habendum: quod in hac causa ideo diximus, quia mirum est quanta excogitant in expositione 7 illius ca. 1, ad Corinthios, & reliquorum locorum, quæ ex Paulo adduximus: mirum est, quomodo torqueant & ad se trahant: & omnia quidem hæc ingenio ac ratiocinatione humana: quibus, si nunc diutius insitendum esset, facile etiam est, præcedente attenta meditatione, eadem via humani ingenij respondere. Sed absit hoc, ut cum hæreticis de verbis & sensu scripturæ disputemus contra admonitionem illam grauissimam Irenæi & Tertulliani, non esse hæreticos admittendos ad disputationes & argumenta ex scripturæ verbis, quæ illi semper deprauarunt. Rebus agendum est potius (quod & à principio tractatus huius admonimus) exemplis scilicet, obseruantia, & consuetudine ecclesiæ: præcipuè verò cum de moribus agimus: qui videri possunt, & manifesti fuerunt semper in Ecclesia. Nam quādiu aliud agimus, quid aliud est, quàm pro verbis verba reddere? Sequamur igitur patrum sensum & ecclesiæ consuetudinē, quæ est colum-

Epist. 5. Clementis.

dist. 37. cap. relato.

Grauiissima sententia scienti et obseruati summopere necessaria.

Ex scriptura cum hæreticis non est disputandum.

columna & firmamentum veritatis: alia omnia hominum cōmen-
ta sunt. Vbi non quod aut Hierony. aut Augustin. singulariter di-
cit, proponimus sequendum: sed id, in quo omnibus continet,
quod habet tota ecclesia, & totus ille chorus doctorum. Et certe
vel vnus illorum merito omnibus Lutheranis proponendus est.
Nunc autem omnium illorum (qui idem est & Ecclesiæ) con-
sensum nobis proponimus, fundamentum & scutum aduersus
omnes hæreses. Quod igitur cælibatum impositum esse tyranni-
cè ministris Ecclesiæ dicunt: impudentissimum mendacium est.
Primò enim probauimus, à spiritu sancto sensim persuasum esse
cordibus syncerorum ministrorum ecclesiæ, adiuantibus exem-
plis Apostolorum, discipulorum ipsorum, & probatissimorum o-
mnium pontificum. Hoc igitur statutum magis receptum con-
sensu omnium, idq; ab ipso primo Ecclesiæ ortu: & confirmatum
potius voluntate & voto ipsorum ministrorū, quàm impositū ab
aliquo, dici debet. Statutum (inq;) hoc cælibatus, si non quale nunc
est in ecclesia, vt scilicet nullus maritus ordinetur, nisi promissa ca-
stitate & separatus à consortio vxoris: saltem vt postea non con-
trahat. Quod ex ipsis antiquissimis concilijs euidenter probauim-
us. Et quanquam illius rei testimonia sint & in epistolis Clemē.
& in canonibus Apostolorum: quia tamen de illorum authorita-
te nonnihil est dubij, ea omisimus. Quid verò opus est rem tā aper-
tam aliter confirmare? Constat ante 500. annos impletos à Chri-
sto, latinis omnes & græcos patres cælibatum hunc ministrorum
ecclesiæ, tanquam receptum et certissimum ac sanctissimum, non
tam confirmasse, quàm antiquitus obseruatum dixisse, & ad alia
etiam probanda adduxisse: de quibus superius mentionē fecimus.
Ex latinis Hiero. contra Iouinianū: nisi quod nonnunq; prima fa-
cie videatur nonnihil detrudere nuptijs: sed August. hac in re, in li-
bris quos superius citauimus, ipsum temperauit, mediū inter nu-
prias & virginitatē tenens. Addamus tamen nunc huic proposito
conuenientissimum locū, et contra sequentes hæreticorū rationes
efficacissimū. Secundo igitur de adulterinis coniugijs lib. in fine,
cū ad continentiam exhortatur eos, qui adulas vxores recipere
nolunt: oleimus eis (inquit) proponere etiam continentiam cle-
ricorum, qui plerunq; ad sacerdotium inuiti rapiuntur, eamq; sus-
ceptam vq; ad finē, domino adiuuante, producant. Vbi vide pri-
mò tam receptū iam cælibatū, & tā iuste exactū à ministris eccle-
siæ,

Respondetur
aduersariorū
argumentis.

Ca. 19. & 20

Olim etiam
inuiti ad sa-
cerdotium
rapti, cælibē
vitā agebāt.

DILVVNTVR OBJECTIONES

Et, vt Augustinus nec murmurauerit, nec conquestus sit, imò nec
 memor fuerit vilius, qui de hoc cōquereretur: adeo vt nec curaue-
 rit responsum illam, quam multi non irrationabiliter adferunt
 aduersus hanc calumniam: quòd scilicet nulli imponatur cœli-
 batus, sed voluntariè suscipiatur ab his qui ordinantur: cum in
 eorum potestate sit non ordinari. Sufficere certè posset hoc: sed
 tam longè putauit Augustinus legem istam à tyrannide abesse:
 imò idem putabant omnes: vt etiam qui inuiti cogebantur ad
 suscipienda ministeria ecclesiastica, deberent etiam cœlibatum su-
 scipere: nec vllus fuit, qui exciperet se non consensisse. Ambrosi-
 us fuit vnus ex his, quos Augustinus dicit: raptus & coactus à
 plebe subito (nondum etiam baptizatus) ad episcopatum: qui
 etiam & seruauit hanc legem, & illi perhibet testimoniū: vt habe-
 mus interim res hos ex latinis fidelissimos testes, quorum alterū
 inferius citabimus. Sed & Cyprianus in lib. de singularitate cle-
 ricorum, quàm apertè perhibet de hoc testimonium? Ex Græcis
 Chrysostomus & Athanasius in ijs ipsis locis Pauli citatis, de hoc
 apertè loquuntur. Et in his omnibus nullus suam adfert senten-
 tiam aut suum proprium sensum, sed totius Ecclesiæ certam con-
 suetudinem. Nonne igitur mendacium est, quòd Siricius & Inno-
 centius cœlibatum imposuerunt ministris? Contemporanei illi
 fuerunt aut vicini his omnibus patribus, longè post Concilia illa
 Anciranum & Neocæsariense &c. Et quod de Gregorio 7. dici-
 tur, quàm est apertum mendacium? Sigibertum non vidi: cæte-
 rum Nauclerus, Germanus etiam, in illius vita narrat quidem cu-
 rasse Gregorium, vt in Germania seruaretur lex illa, & sacerdotes
 castè viuerent: atque Moguntiz de hac re non fuisse minimam
 ipsorum rebellionem contra pontificem. Sed hoc illum denouo
 imposuisse Germanis, quis, nisi inuerecundè mendax, potest dice-
 re? Rabanus Maurus Moguntinensis Archiepiscopus (longe an-
 te Gregorium, tempore Ludouici & Pij, filiorum Caroli magni)
 scripsit librum de institutione clericorum: in eo aperta est mentio
 cœlibatus, tanquam rei certæ & receptæ. Et similiter in alijs anti-
 quioribus Germaniz historijs. Verum est, fuisse frequenter mag-
 nos lapsus ex diuturna negligentia (qualis etiam est quam hodie
 cernimus) hos curarunt nonnunquam pontifices emendari: &
 de hac re potuit esse rebellio illa contra Gregorium: non quòd il-
 le de nouo hoc conaretur imponere. Adeo verò hæc omnia vera
sunt

**Greg. 7. non
 imposuit ger-
 manis cœli-
 batum.**

sunt, vt vix credam eos qui hæc scribunt, si quidem ea legerunt & historias antiquitatis ecclesiæ: ita credidisse esse, vt scribunt. Sed voluerunt, magis illa ignorantibus & simplicioribus persuadere: sicut Augustinus dicit de his, qui infortunia omnia illius temporis, & urbis Romæ deustationem tribuebant fidei Christi. Sufficiant ergo hæc, vt ab omni tyrannide tam sanctum institutum Ecclesiæ defendatur.

Iam ad cætera, facile est respondere. Omnia illa quæ ex Paulo citant, constat aliter omnino à patribus accipi. Nam primum illud quod ex Epistola ad Corinthios adferunt, patres omnes aperte ita intellexerunt, vt Paulus suadeat omnibus cælibatum, tanquàm rem meliorem, maioris meriti, & ad vacandum Deo commodiorem, quàm matrimonium. Pro quolibet verbo quod ipsi adferunt, & quo videtur Paulus matrimonium commendare, sunt plura alia; quibus probemus cælibatum commendari. Itaq; (vt omitamus, Hieronymum libro primo contra Iovinianum.) Chrysostomus & Athanasius Græci: Ambrosius & ceteri, magis sentiunt Apostolum eo loco, cum cælibatum et virginitatem omnibus commendaret & suaderet, cauisse, ne infirmos, qui ad tantam perfectionem ascendere non valerent, aut constisteret, aut confunderet, aut certe necessitate quadam traheret inuitos. Quod in minoribus diligenter cauit, admonens ipsos Corinthios, vt in ele- 2. Corint. 9.
emosyna conferenda vnusquisque prout destinauit in corde suo, ageret: non ex tristitia aut ex necessitate. Multo igitur magis hoc obseruandum fuerat in perpetua suscipienda continetia. Propter hoc igitur inquit: Non vt laqueum vobis iniiciam, sed vt ad id quod melius est &c. Et rursum: Præceptum Domini non habeo, consilium autem do. Quo vnico verbo omnes eorum fallacie excluduntur. Absit igitur, vt dicamus Paulum alicui præcipere, vt contrahat matrimonium; aut aliquem deterere à cælibatu; quod audient illi inuerecundè dicere, & (nam aliter id dici non debet) mendaciter. Conditionaliter Apostolus loquens: Si se non continent, inquit; nubant: hoc est, si nolunt continere. Itaque nolenti continere hoc præcipit, sed non præcipit vt nolit. Et huc pertinet illud: Melius est nubere quàm vri: & illud: Propter fornicationem vnusquisque suam uxorem habeat. Non sunt hæc, præcepta, ipso Apostolo teste: Hoc autem dico (inquit) non secundum imperium, sed secundum indulgentiam. Quod verbum

DILVNTVR OBIECTIONES

etiam Butzerus, dum diligentissime discutit contra Latentum hoc caput Pauli, imò (ut verum dicamus) dum fallacissime peruegit, omittit: quòd videlicet non haberet, quid fallaciter respondere posset. Deniq; quàm apèrta sunt verba illa: Qui matrimonio iungit virginem suam, bene facit: qui non iungit, melius facit? Illud verò quòd de adolescentioribus viduis dicit: Volo eas nubere: in eundem sensum Chrysostomus apèrte interpretatur. Non putes (ait) ip[s]as ad delicias eas adhortari: sed volo (inquit) quia ip[s]e volunt: longè enim præstat hæc sacre (de procreatione filiorum loquens) quàm illa: de quibus scilicet antea dixerat, quòd conuerse fuerant post satanam. Hæc Chrysost. Et in eandem sententiam Athanasius, siue Vulgarius (cui alij tribuunt illam expositionem) & Ambrosius. Et hoc quidè quasi tota ecclesia & sensus Ecclesiæ asserentes. Reliqua etiam, quæ de episcopis & diaconibus vnus vxoris viris loquitur Apostolus: quamquam heretici opponant nobis, græcos aliter quàm latinos intellexisse: tamen conformiter à græcis & latinis intelligitur, nullo modo illud præceptum esse, sed permissionem illis temporibus necessariam: quando videlicet non poterant alij fieri ministri ecclesiæ, quàm qui ex gentibus conueriebantur. Ceterum Ambrosius apèrte inquit, maritos quidem Paulam admittere, sed qui doinceps se ab usu fornicatione cohiberent: adducens eo loco illa, quæ superius diximus de sacerdotibus veteris legis, & puritate necessaria ad vacandum orationi, & sacramentis administrandis. Chrysost. & Theophyl. eodem modo sentiunt: non quidem de abstinentiâ ab vxoribus, sed quòd illa permissio sit, non præceptum: vel etiam, quòd significet Paulus eum recipiendum ad ministeria ecclesiæ, qui prius non plures habuerit vxores, qui non fuerit bigamus. Hanc expositionem Græci non rejiciunt, sed potius eam, sicut antiqui omnes, ita & tota ecclesia latina intellexit. Et pulchrum est videre, quàm Butzerus sibi applaudat, & quàm inuerecundè suam incontinentiâ defendat, qui non potuit post fidè professionis monasticæ vnâ contentus esse: sed secundo, & tertio (puto) contraxit. Sic itaq; ait. Qui vna vxore mortua, alteram ducit: nunq̃ dici potest plurimum vxoratum virum. Cum enim primam habuit, non fuit nisi vnus vxoris vir: cum secundam, similiter: semper ergo vnus vxoris vir. Elegans certè sophisma: heri semel comedi, nudiustertius semel, ergo nunquàm bis comedi. Ita igitur bene arguetur, quia nullo detestimi-

nato ac eodem tempore habuit duas, sed vitam post alteram: igitur non potest dici habuisse duas: quo nihil magis sophistice dici posse, video. Ita igitur nostri noui euangelici non sophisticis rationibus, sed manifestissimis & solidissimis exponunt scripturam: & ita audent rejicere omnium patrum sensum. Id verò quod ex aliquo loco Pauli adferunt, de his qui prohibent nubere & abstinere à cibis: quicquid ipsi protenuè & absque ratione dicant: ex ipso contextu Apostoli manifestè constat intelligi de his, qui hæc tanquam mala rejiciunt & abominantur. Ita enim Paulus statim contradicens illis, inquit: Quòd Deus creauit ad percipiendum eum gratiarum actione fidelibus, & his qui cognoscunt veritatem: quia omnis creatura Dei bona est, & nihil rejiciendum quod cum gratiarum actione suscipitur. Hunc sensum tota antiqua Ecclesia tenuit contra Manichæos, & Concilium Gangræse (cuius superius meminimus) Nicæno proximum, ita explicauit: flammans eos qui hæc abominantur, probans verò eos qui ab his propter melius bonum, ut magis Deo placeant, abstinent. Non est opus alia expositione, quam illius concilij. Et (quod etiam superius diximus) qui hæc tanquam mala abominantur, prohibet ea omnibus. Nos hoc non agimus: sed ministris Ecclesiæ docemus conuenire, & illis, postquam se ad id voluntariè obligant, illicitas esse nuptias. Itaque non ad nos, sed ad hæreticos illos referenda sunt Pauli verba. Denique quòd legem istam causam fuisse libidinum, & per eam Ecclesiam priuari dicunt multis bonis ministris: negamus. Abusus illius legis, omisio ecclesiasticæ disciplinæ & seueritatis, malitia subditorum, prælatorum negligentia, tantorum malorum (quæ non negamus, sed dessemus in ecclesia) causa sunt, non lex illa. Et certe si eadem negligentia gubernaretur ecclesia, & tanta esset indulgentia, non dubitamus plura mala ex matrimonio permisso ministris futura in ecclesia, quam ex calibatu. Deberent (inquiunt) tunc grauius puniri, ut apud græcos. Cur non & nunc grauius puniuntur? Sed non licet nobis in nostris angulis non solum definire, sed nec monere quidem aut scribere, an legem hanc expediat mutari, an non. Si tamen in Concilio post deuotam spiritus sancti inuocationem, summa diligentia & pietate hoc quaereretur, diceret pijs & doctis sensum suum sine inuidia & contentione referre. Nec inter catholicos vnquam vidimus aliquos, qui cuperent prodesse Ecclesiæ, propter matrimoniū prohibitum

8 DILVNTVR OBIECTIONES

esse. Non desunt multa, in quibus mariti etiam ecclesie conferre possunt. Nec inepti & inutiles admittuntur, nisi ex magna centē & deploranda culpa. Nihil igitur mali tribnatur huic legi, sed peccatis nostris: quæ utinam dei Dominus in Ecclesia emendari, ut querant omnes ea quæ Christi sunt, non quæ sua. Hoc putamus vnicum remedium esse, & veram responsonem aduersus omnes hæreticorum calumnias.

LECTIO OCTAVA.

De reliquis duobus capitibus rationum hæreticorum.



Contra votū igitur castitatis perpetuæ in vniuersum, maximè verò solenne, (quod, ut diximus, sit professione in religione probata, vel susceptione sacri ordinis) mitum est quanta hæretici tela iaciant. Sed (quantum nos capimus) omnia ad duo reducuntur capita. Primum enim arguunt hoc votum superstitionis, quod scilicet in cultū Dei assumamus aliquid sine verbo. Certum est enim apud eos (ut frequenter alibi diximus) omnem cultū qui in scriptura sacra expressus non est, & qui à Deo non exigunt, superstiosum esse, & pertinere ad doctrinas & mandata hominum: quibus per Isaiam prohibet Deus se coli: dicente etiam Christo in Euangelio: Sine causa colunt me, docentes doctrinas & mandata hominum. Docete igitur (aiunt nobis hæretici) ubi in scriptura sacra Deus ostendat, velle se coli voto virginitatis aut castitatis. Non (aiunt) negamus virginitatem & castitatem bonas esse & Deo gratas: sed quod cultus Dei sint, quod Deus velit illis coli, hoc nusquam legitur. Sint itaque bonæ vel ad carnis mortificationem, vel ad libertatem animi: ut scilicet expeditior sit ad vacandum spiritualibus: non tamen propterea cultus Dei sunt.

Esaiæ 28.
Marthæi 15.

sunt. Quo solo nomine putant illi damnanda esse & ieiunia ecclesie, & vota etiam monastica, quanquam alias licita: sed quatenus ordinantur ad cultum Dei sine eius expresso verbo, sunt (inquit) illicita & reuera blasphemiae quaedam ac idololatriæ: his enim proxima est superstitio, quæ excessus est in Dei cultu: cum videlicet ea quæ ille præscribit, excedimus. Quis (inquiunt) potest nobis præscribere, quomodo colendus sit Deus, & quid ipsi placeat, nisi ipse Deus? Itaque in hunc sensum multa congerunt, quæ (quod attinet ad hunc articulum) hoc solum continent, quod in scriptura sacra non inueniatur, Deum talia vota exigere. Addunt etiam aliam grauiorem blasphemiam, nos hic mittere, ut dicamus hæc esse supererogationis bona: ad quæ videlicet à Deo non obligamur: quasi possumus homines plura præstare & maiora, quam ipse à nobis requirat: cum nullus sit, etiam sanctorum, qui perfecte eius impleat præcepta, dum in multis offendimus omnes, ut Iacobus inquit: & Iohannes, si dixerimus quia peccatum non habemus, ipsi nos seducimus. Est igitur superbissima blasphemia, dicere, quod plura præstemus Deo, quam debeamus. Hoc enim, qui hæc promittunt, dicunt: Quia etiam intentione operis ipsum alioquin bonum, blasphemum fit: igitur non tantum superstitiosa, sed blasphemia quoque sunt hæc vota. Hæc itaque de primo isto capite,

Secundum caput argumentationum aduersus partis maxime est ex difficultate continentiam seruandi, & raritate illam integre custodientium: quibus conantur probare, temerarie emitti perpetuum castitatis votum. Primum ad hoc vtuntur verbis Pauli, qui cum dixisset: Volo omnes esse sicut me ipsum, statim addidit: Sed unusquisque proprium donum habet à Deo, alius quidem sic, alius verò sic. Vbi duo sunt consideranda, inquit. Primum, in matrimonio continentiam esse, & eam Dei donum. Quod verissimum est, & Aug. ex eo ipso loco ita probauit in lib. de nupt: & concupiscentia. Secundum, quod his verbis Paulus ostendit non esse promittendam, imò nec assumendam virginitatem ab eo, qui id donum à Deo non habet: & paucos esse qui habeant, plures qui non habeant. Propter quod statim addit. Quod si non se continent, nubant: melius est enim nubere, quam vri. Quod etiam apertius, Timotheus scribens, docet: de quo supra diximus. Iubet enim aperte adolefcentiores viduas nubere, & generationi operam dare. Hoc ipsum etiam Christus Dominus manifeste in euangelio docet,

Iacob. 1.

1. Ioan. 1.

1. ad Cor. 7.

1. Tim. 5.

DILVNTVR OBIECTIONES

Matth. 19.

cum de eunuchis, qui se propter regnū Dei castrauerunt, loquens, addit: Non omnes capiunt verbum istud, sed quibus datum est. Nam cū Apostoli quæsisent, dicentes: Si sic est, melius est non nubere: non confirmavit Christus hoc absolute: sed dixit, non omnes capiunt verbum istud: sed qui potest capere, capiat. Cū igitur sine dono Dei nullus hoc capere possit: notum est eū qui sine illo ad hoc se astringit & deuonet, ad impossibile se adstrinxisse. Igitur temerarium iudicandum est, hoc promittere eos, qui nō agnouerunt se donum habere. Quis (inquiunt) reuelauit his, qui ita se obligant, eos donum hoc habere? maxime cum frequenter videamus adolescentulos, antequam potuerint stimulos carnis sentire, siue experiri difficultatem horum certaminum, in hæc se precipitare vota. Addunt etiam, ex ipsa Pauli doctrina ostendi, eos qui vruntur, hoc dono carere: Qui se non continent (inquiunt) nubant, melius est enim nubere, quā vrī. Si iubet eos qui se nō continent, nubere: sentit eos non habere donum? & hoc ipsum dicit vrī, quod interpretantur esse, stimulis carnis inquietari, & superari. Et postea eos qui labuntur (inquiunt) mittit ad orationem, vt petant à Deo continentiam. Quid verò, si Deus hoc donum illis non contulit? aut non ad hoc eos vocauit in ecclesia, vt essent cælibes: sed vt ei in coniugio seruirent? quid aliud erit hoc casu donum cælibatus petere, quā Dei vocationi & ordinationi resistere? Cum itaque orantibus promissa sint necessaria ad salutem: iuxta diuinam ordinationem petenti à Deo auxilium aduersus stimulos carnis (petenti inquam fideliter & vt oportet) dabitur (credendum est) castitas vel coniugalis, vel cælibatus: quælibet enim harum ad salutem sufficiens est: cælibatus verò castitatem petere, non est aliud quā tentare Deum, & determinatè petere quod non nisi disiunctiue petendum esset. Itaque ex his omnibus inferunt, temerarium esse hoc votum perpetuæ castitatis, atque ita non emittendum: aut si emissum fuerit, rescindendum ab his qui vruntur, hoc est, qui sentiunt se inquietari stimulis libidinis, nec releuari oratione: quia videlicet sic fecit Lutherus, primus eorum antesignanus: sic Butzerus, & multi alij. Vt verò causam exaggerent, addunt traducere mores omnium monasteriorum, quā præposterè in eis agatur, quantum ocium, quanta inscitia, quomodo etiam multi victis maxime quærendi causa illa ingrediantur: ne plura (inquiunt) addamus. Confirmant præterea hac antiquitatis

CONTRA VOTVM CONTINENTIAE. 320

quiritatis auctoritate. Olim (inquiunt) non erant hæc monastica
vota: liberum erat relinquere: quod ab Erasmo etiam mutuantur:
de quo & Cyprianum citant in epistola exhortatoria ad virgines, Lib. 1. ep. 11
qui eis quæ continere aut non possunt, aut non volunt, permittit
vt contrahant, ne fornicentur: quod aiunt etiam satis in ipsa anti-
quitate ostendi: rediisse videlicet ex monasterijs ad secularem vi-
tam, et ad matrimonialem quoq; nonnullos: nec tamen talia ma-
trimonia fuisse rescissa ab ecclesia. Et in hanc tandem sententiam
multa alia: sed hanc putamus summam esse eorum quæ adferunt:
in quibus certè, quanto plura retulerimus & legerimus, tanto plu-
res offendemus errores. Iam igitur his breuiter respondendum est
ex ipso consensu patrum & ecclesiæ, vt in his diximus agendum
esse.

Primum igitur illud caput de superstitione & blasphemia,
quam in hoc voto dicunt committi, quid aliud continet, quam ve-
ras certè blasphemias & sacrilegia verba? Contra quæ hoc primò
opponendum, quod sacra scriptura virginitem, vt Deo gratiam
commendat & laudat, & ad ipsam Deo vouendam ac offerendā
hortatur: & hoc habet totius ecclesiæ ab Apostolis ad nos vsque
consensus: cuius (ne temerè dicere videamur) sufficient nobis vel
pauci, ex probatissimis patribus græcis & latinis, testes. Græci Antiquissi-
mò (quoniam illorum nobis obijciunt auctoritatem) sunt Chryma testimo-
sostomus, Basilus, Theophylactus & Oecumenius. Hi omnes de
voto castitatis, tanquam de re certa, neq; controuersia in ecclesiā
loquuntur: & alij etiam horum ad eam exhortantur omnes: re-
spondentes quoq; his ipsis aduersariorū obiectionibus quas retu-
limus. Chrysostomus et Athanasius in illū locum Pauli, vbi de
viduis agit: Habentes damnationem quod primam fidem irritam
fecerunt: fidem apertè interpretantur pactum & fœdera; quibus
Christo se deuouerunt. Eodem etiā modo Theophylactus & Oe-
cumenius. Citabimus verò hos ipsos inferius quoq; cū opus fue-
rit. Basilus verò in regula monachorū (quā transtulit Rufinus)
interrogatus ex qua ætate oporteat nos ipsos Deo offerre, vel vir-
ginitatis professionem: responderet, à pueritia quidem expedire
vt dedicerentur Deo: sed firma (inquit) erit professio virginittis,
ex qua adultæ iam ætas esse cæperit, & ea quæ solet nuptijs apta
reputari. Vide votum virginittis: vide ætatem conuenientem illi
voto: vide vtamque certum & receptum, Latini verò patres
sunt

DILVNTVR OBJECTIONES

sint nobis Hieronymus, Augustinus, & Ambrosius, eiusdem seculi, & antiquissimi Hieronymus innumera habet de hac re. Sufficiat ex libro primo aduersus Iovinianum hoc testimonium. Exponens illud Pauli: Si nupserit virgo, non peccat: non (inquit) illa virgo quæ semet Dei cultui dedicauit: harum enim, si qua nupserit, habebit damnationem, quia primam fidem irritam fecit. Vide itaq; & hic votum virginittis & id custodiendi obligationem, & vtrumq; esse traditum in scriptura: vbi & de consecratione virginum loquitur Ambrosius verò quàm multa scripsit de virginitate? Tres libros primò, deinde exhortationem ad virgines, tum de mùm de institutione virginum: cuius vltimi libri argumentum est de quadam virgine, quam Deo sacravit. In vltimo igitur capite illius libri (vt cætera omittamus) illam offerens Deo, ita de ipsa inquit: Quæ tibi seruire, tibi animâ suam, tibi integritatis suæ studium dicare præsumpsit. Vbi multa in hanc sententiam. Orat enim deuotissimè in illius libri conclusionè, pro ea, quam Deo se consecrare testatur. Augustini vnius non possemus omnia ex solo libro de sancta virginitate referre admiranda huius rei testimonia:

ca. 4. legatur igitur ille liber. Primò beatam virginem dicit voto castitatis se deuouisse, & probat: Ipsa quoq; (inquiens) virginitas eius gratioꝝ & acceptioꝝ Christo, qui priùsq; conciperetur, eam iâ Deo dicatam, de qua nasceretur, elegit. Hoc indicant verba, quæ, sibi factum annunciante angelo, Maria reddidit: Quomodo fiet istud, quoniam virum non cognosco? Quod profectò non dicet, nisi Deo virginem se ante vouisset. Et ibidem hoc exemplum proponens omnibus, ita inquit, de virginitate carnis loquens. Nec enim ipsa, quia virginitas est, sed quia Deo dicata est, honoratur: quæ licet in carne seruetur, spiritus tamen religione, & deuotione seruetur: ac per hoc spiritalis etiam est virginitas corporis, quam

ca. 11. vniuersæ & seruat cõtinencia pietatis. Et rursum: Nec hoc in virginibus prædicamus, quòd virgines, sed quòd Deo dicatæ pia cõtinencia virgines. Vides itaq; in Augustino vt rem cõsuetam in ecclesiâ, votum virginittis? Vides hanc esse religionem cultumq; Dei? Hoc enim nomine pietatis apertè Augustinus significat, quod frequentissimè ita ipse exponit, maximè ex illo verbo, quod in libro Iob scriptum est, vbi alij habent (ipso teste) Pietas, ipsa est sapientia: alij: Cultus Dei, ipsa est sapientia: alij: Bonus cultus. Et vt locupletius sit testimonium latinorum, his tribus addamus cõcilium

CONTRA VOTVM CONTINENTIAE 311

cilium Carthaginense tertium: sic enim tibi dicitur: Leuiores, cum c. 19. Grat.
ad annos pubertatis peruenierint, aut uxores accipiant, aut cohan 32. dist. c. le-
tur continentiam profiteri. Itaque professio continentiae tam cer- dores.
to erat in ecclesia constituta, testantibus in hoc concilio 44. epī-
scopis (inter quos & Augustinus) vt non expectauerint patres illi
maiorē aetatem, quā vt ad annos pubertatis peruenissent: nec
timuerint votum continentiae exigere ab his, qui futuri erant ec-
clesiae ministri. Multa alia in hoc, & quarto concilio Carthaginensi
si de voto castitatis. Satis vērō erat hūc opposuisse istis tam sanctis
(scilicet) doctoribus.

Sed ex his breuiter ad eorum argumenta respondeamus. Quod
igitur aiunt, esse cultum Dei sine verbo: aperte falluntur. Verbum
est, imò multa sunt verba scripturae, quibus celebratus ostenditur
Deo placere, & magnum praemium promissum esse illum pro-
ficientibus: quae diximus superius Augustinum 22. capite, & pluri-
bus sequentibus in libro de sancta virginitate, adduxisse. Habe-
mus praeterea scripturae verbum de professione & voto castitatis,
ita consentientibus patribus omnibus. Habentes (inquit Paulus)
damnationem, quod primam fidem irritam fecerunt: de viduis
enim loquitur, vt supra citauimus. Habemus exemplum beatae
virginis, Augustino teste. Habemus & consuetudinem totius ec-
clesiae graecae & latinae ab ipsis etiā Apostolis. Rursum, in scriptura
habemus grata esse Deo vota illi oblata, de bonis quae non sunt
praeccepta. Vouete, & reddite vota vestra domino. Et Isaias de no-
uiz legis tempore prophetauit: Vota vouebunt domino, & soluent.
Habemus, ea quae aliis bona sunt, hoc ipso quod promissa fuerint
Deo, religionis esse & fidei: atque ita veros Dei cultus. Displacet (in-
quit sapiens) ei infidelis & stulta promissio: vnde consequens est,
vt placeat fidelis & discreta: atque ita religionis sit actus, implere vo-
ta Deo promissa. Quid igitur de hoc amplius querendum est? Aut
quae superstitio in his tam certa scripturae & ecclesiae auctoritate
probanis? Quod vērō contra opera supererogationis, quae voca-
mus, clamant blasphemiam esse, docere quod possumus vltra ea
quae à Deo praeccepta sunt, illi aliquid reddere: cum vix etiam, imò
nunquam eis satisfaciamus praecceptis: etiam apertissimè falsum
est: nec eis aliter opus est respondere, quā Augustini auctoritate,
qui certè nō ex sensu suo, sed scripturae & ecclesiae, lib. de sancta
virginitate, non semel, sed frequenter hoc docet. Ita igitur quodam

Ca. 19.

Ecclesiast. 5.

Ca. 14.

loco ait, verbum illud Pauli citans. De virginibus praeceptum domini non habeo. Praecepto quisquis non obtemperat, reus est & debitor poenae: proinde uxorem ducere vel nubere, peccatum non est: si autem peccatum esset, praeccepto veraretur: & propterea praecceptum de virginibus nullum est; Vbi multis in hanc sententiam adductis, tandem ait: Consequende egregiae cuiusdam gloriae parum est, liberatum esse à peccatis, nisi aliquid ipsi liberatori voueatur, quod non sit criminis, uon uouisse, sed vpuisse ac reddidisse sit laudis: consilium (inquit) do, tanquam misericordiam consecutus.

Ca. 15.

Rursum hoc apertius distinguens, dicit. Apostolus ait: Alligatus es uxori, uoli quiescere solutionem: solutus es ab uxore, ne quiesceris uxorem. Horum duorum quod prius posuit, ad praecceptum pertinet, contra quod non licet facere. Non enim licet uxorem dimittere. Illud autem quod addidit: Solutus es ab uxore, ne quiesceris uxorem: consilij sententia est, non praeccepti. Licet itaque facere, sed melius est non facere. Non igitur negamus, in hac vita sine peccato nos non esse: sed nec praeccepto illi dilectionis Dei nunquam nos facere satis in hac vita. Sed quod ad usum attinet rerum temporalium, quidam prohibetur: ut alienae rei, siue alienae uxoris contractus: quidam conceditur: ut proprietarum rerum usus in quo nullum peccatum est: cum tamen eum propter Christum relinquere, sit magnum meritum. Nec omittendum est hoc loco, istos puritatis euangelicae assertores in hoc articulo, ipsam Ioviniani haeresim asserere, calibatam dicentes vtilem quidem & convenientem fuisse primitus ecclesiae tempore, cum tante instabant persecutiones: vel etiam nunc forte ministris ecclesiae donum calibatus habentibus, ad ampliorem libertatem: non tamen aut simpliciter bonum, aut praefendum matrimonio: Certè apud b. Hieronymum, qui acerrime Iovinianum arguit, non lego eum asseruisse calibatam non esse per se rem sanctam & Deo gratam.

Ca. 13.

Refert Augustinus errorem quorundam lib. de sancta virginitate, asserentium calibatam non esse bonum propter regnum coelorum, sed propter praesens saeculum: quod scilicet virgines carent matrimonium: confirmantes hoc ex verbo Pauli: Existimò hoc bonum esse propter praesentem necessitatem. Quod Augustino loco, ut stultissimum errorem confutat, multis capitibus: & concludens tandem verbum illud: Propter praesentem necessita-

CONTRA VOTVM CONTINENTIAE. 322

remissa exponit, quod praesentis temporis necessitas, cui coniugia
seruiunt, cogit ea quae Dei sunt minus cogitare, quam sufficiat
adipiscendae illi gloriae, quae non erit omnium, quamuis in aeterna
vita atque salute manentium. Itaque virginitatem & celibatum c. 14.
ad beatitudinis illius caelestis praemium excellens consequendum
non conducere, contra scripturam dicere esse. Illos itaque reijcit 11.3
Augustinus: & tamen nihil magis tribuunt celibatui isti nostri
Doctores, quam illi tribuerunt: imò multò magis illi detrahunt,
quam vlli haeretici fecerunt, negantes aperte esse cultum Deo gra-
tiam: reuera minus quam hoc nostri sanctitatis astimatores tribu-
unt celibatui: sed de his satis.

Iam tertium caput rationum quas adferunt, attingendum est.
Contentidunt non esse votendam castitatem, nisi ab his qui domi-
habent: cum alijs impossibile sit illam seruare: & si promiserint, 01.3
taquam indiscrete promissum, votum rescindi debere. His primò
opponimus supradictos patres omnes, & ecclesiae consensum.
Non expectant reuelationem Dei, vt ad promittendam castita-
tem, a dolescentes etiam, sed puberes admitterent. Non docuerunt
expectandum esse, vt prius certamina carnis experirentur: sed po-
tius aperte docent, hoc omnibus esse possibile. Chrysost. (quem,
quoniam graecus est, ad lucimus) homilia 16. in epistolam ad
Hebraeos, exhortans omnes ad perfectionem & altiorum gra-
dum: Si enim (inquit) voluerint omnes, poterunt: propter hoc
Paulus dixit: Volo omnes esse sicut meipsum, quoniam sciebat, 1. Cor. 7.
quod omnes poterant, sicut ipse. Vides igitur quod de celibatu
loquitur, vt Paulum constat loqui, cum inquit: Volo omnes esse
sicut meipsum? Ambrosius quoque in idem illud caput Pauli, ex-
ponens haec verba: Vnusquisque proprium donum habet: hoc est,
inquit: Vnusquisque iuxta votum suum donum Dei habet, vt si
velint, ipsius nutu Dei possibilitatem consequantur: ideo non
debet quis constringi, ne à licito prohibitus, illicita committat: sed
ipse sibi eligat quod sequatur. Et post plura in hanc sententiam,
tandem inquit: In eo adiuvatur quis, quod videtur auiditate mē-
tis appetere. Vides vt Ambrosius nullum deterret, sed omnes pro-
pensionem ad id habentes exhortatur? Ostendit etiam ibi 04.3
idem quid sit vri: superari scilicet & vinci carnis volup-
tibus: non autem eas pati. Denique & cetera omnia quae ex
hoc loco Pauli citant, & ex euangelio, superius ostendimus ita

DILVNTVR OBIECTIONES

- accipi, vt nulli Paulus precipiat matrimonio iungi, & nullum deterreat à calibatu : sed nolentibus caste viuere præcipit, vt potius nubant. Denique huius possibilitatis, & consuetudinis ecclesie sit nobis locupletissimus testis August. in se expetitur ante baptismum tantam difficultatem, sicut ipse in libris confessionum fatetur. Primò enim in 8. illorum lib. quanto ardore dicit se à castitate illa virginea inuitatum, ostendente ei turbas puerorū & puellarum virginum in ecclesia, & dicente: Tu non poteris quod isti et iste? An isti & iste in semetipsis possunt, & non in Deo suo? Projice te in eum &c. Et lib. 2. de adulterinis coniugijs ad Pollentium, docens eum qui adulteram dimittit, quam cum illa vixerit, necessario calibem manere: multos etiam adferens casus, in quibus necessarium est coniugem calibem vitam agere: audiamus quid dicat contra prouentissimos, prudētissimos dico, doctores istos,
- c. 10. & quo nomine eos appellet, aduertamus. Ita igitur inquit. Sed attende quàm plura sint, vbi si querelas incontinentium, velimus admittere, necesse nobis erit adulteria fienda permittere. Quid enim si aliquo diuturno & insanabili morbo corporis teneatur coniunx? Quid si captiuitas, vel alia vis separet, ita tamen vt maritus sciat vxorem viuere? Vbi denique iunore Dei, & oratione laborandum esse ad continentiam habendam, docet. Et capite decimo nono, multa etiam in hanc sententiam: Qui (inquit) voluntate elegerunt continentiam, fecerunt eam esse necessitatis: quoniam sine damnatione ab illa deuiare non possunt: & qui in eam necessitatem contriti sunt (quod dicit propter eos, quorum vxores morbo aliquo reddite sunt inhabiles ad vsum coniugalem) faciant eam esse voluntatis: si non de seipsis, sed de illo, à quo est omne bonum, confidunt. In ult. c. illius libri multarum mulierum exempla adducit, quæ & continent (inquit) non esse impossibile. Si enim hoc non possit infirmitas hominum, multò minus posset infirmior sexus foeminarum. Ibi etià (vt superius diximus) calibatus clericorum meminit. Sed (aiūt) omnia nunc corrupta sunt, etiam monasteria: & multos videmus hoc non seruare. Quid igitur? Hoc non fuit etiam olim in ecclesia? Nonne & olim multi cadebant? Certe Augustinus libro de sancta virginitate, exhortans ad humilitatem virgines, inquit: An verò propter aliud credendum est permittere Deum, vt misceantur numero professionis vestre multi & multe casuri &

CONTRA VOTVM CONTINENTIÆ. 327

Capite 41.

Donum continentiæ amitti, & iterum recuperari potest.

Diffinitio

& casus, nisi ut his cadentibus, timor vester augeatur? quod superbia comprimatur, quam odit Deus? Non dicit, ut qui reliqui sunt, confugiant ad matrimonium, vel potius ad sacrilegium: non, ut ceteri non ausint votum castitatis emittere: sed, ut non superbiant. Quod ergo dicitur: qui non habent donum celibatus, non possunt: fatemur. Imò hoc docent patres considerandum esse, maxime his qui castitatem vouent, ut non viribus suis, sed diuinæ gratiæ innituntur. Hoc enim Augustinus libro de sancta virginitate, multis & efficacibus verbis agit. Et tandem: quapropter (inquit) hæc prima sit induendæ humilitatis cogitatio, ne à se sibi putet esse Dei virgo, quod talis est: ac non potius hoc donum optimum desuper descendere à patre luminum. Sed quod sine dono Dei seruari non possit, nullam adfert excusationem non seruantibus postquam promiserint. Probat ibi Augustinus (sicut & multis alijs locis) nec ipsa Dei præcepta sine dono eius seruari posse: quo certè carent non seruantes: nec tamen ideo excusantur. Quod verò postea dicunt, eos qui vruntur non habere donum: si intelligant, qui vincuntur à peccatis, verum est: nec tamen ideo minus voluntariè id faciunt, cum peccant. Ceterum qui tentantur, & qui vehementissimè etiam impugnantur, non propterea dono castitatis carent. Exemplo sunt nobis castissimorum monachorum & sanctorum aliorum pugna. Hoc igitur Dei donum non ita stabile est, ut cui semel datum fuerit, non aliquando subtrahatur. Igitur quæquam eos qui peccant, non habuisse donum hoc fatendum sit: non propterea tamen ita desperent, ut credant se postea nunquam habebituros. Nulli itaque dici potest, ut desperet de castitate seruanda: nulli ergo ut contrahat: nisi (ut diximus Paulum dicere) his qui nolunt ad hoc laborare castigatione corporis (ut Paulus inquit) ieiunijs multis, vigilijs &c.

Ultimò tandem dicunt. Non rescindebantur olim matrimonia eorum, qui post hæc vota contrahebant: imò Cyprianus (inquit) permittit. De hoc iam superius diximus, non constare quod Ecclesia illa tanquam legitima matrimonia approbarit: sed vel permittebat, imposita poenitentia, nihil de facto tentans: vel dissimulando fortè dispensabat cum his, quos videbat infirmiores. Verbum illud Cypriani (de quo supra) singulare est: & in huiusmodi non semper recipienda est authoritas vnius patris: maxime contra omnium aliorum consensum; & ipsam scripturam.

Iam verò probatum est, scripturam & Ecclesiam totam grauis-
simum peccatum & infidelitatem hoc iudicare. Primam fidem irri-
tam fecerunt &c. Itaque, si nulla alia expositio admittatur, aperte
dicimus Cyprianum huc non esse sequendum. Fortè tamén, agni-
ta magna infirmitate in his de quibus scribebat, iudicauit sibi cum
illis dispensandum esse. Sed vt interim demus ita fuisse, antiquam
Ecclesiam non dissoluisse hæc matrimonia: quid absurdi seque-
tur, si postea Ecclesia, ob vitandas occasiones peccandi, & tam
grauium peccatorum, hoc mutauit? Quot contraherent, si spera-
rent rata futura matrimonia? Et quot blandirentur & permitte-
rent sibi, quod non nisi procis permitti solet? His verò quid in-
dignius in ijs, qui vitam suam dedicarunt ad continentiam? Non
est itaque de quo queri possint, nisi amatores libidinis: vt Augu-
stinus superius dixit.

LECTIO NONA.

De tribus alijs impedimentis matrimonij.



Incipimus de impotētia, sacro ordine, & profes-
sione religionis, quomodo matrimonia nulla
reddant: dicamus iam de tribus alijs, quæ (vt
diximus) non simpliciter inhabilem reddunt
aliquem ad contrahendum, sic vt omnino
nullum contrahere possit matrimoniū: sed in
ordine ad alium: qualia sunt omnia quæ iam
sequuntur. Quæ quidem ideo impediunt matrimonium, quoni-
am contrahentes vel nimium dispares sunt, & ideo inepti vt con-
iungantur matrimonio: vel tam propinqui, vt non conueniat eos
arctius coniungi.

Disparitas
cultus.

Inter hæc computatur disparitas cultus. Hæc enim non per-
mittit, vt Christianus cum gentili & ethnica contrahat matrimo-
nium:

subiuncti de quo Magist. sentent. dist. 39. agit, scripturæ & patrum
 auctoritates citans: & Gratian. 28. q. 1. Hæc est itaq; illius senten-
 tia, vt credat iure ipso diuino illicita esse & nulla huiusmodi ma-
 trimonia fidelium cum infidelibus: cum hæc Deus ipse prohibeat
 Exod. 34. De exteris enim nationibus loquens, inquit: Nec vx-
 orem de filiabus eorum accipies filio tuo. Et rursum Deut. 7. Non
 sociabis cum eis coniugia &c. Vnde & in Esdra legimus, eos qui
 sic contraxerant, ad pœnitentiam, & ad dimittendas vxores co-
 actos esse. Citatur etiam à Magist. Ambrosij & Augustini autori-
 tas: vbi tamen hoc est aduertendum, Ambrosium quidem hoc a-
 pertè tenere; sed quoniam veteris illa testamenti præcepta in le-
 ge euangelica non obligant (sunt enim iudicialia) nisi quantum
 recipiuntur ab ecclesia: ideo Ambros. scribens in septimum ca-
 put 1. ad Corinth. & exponens illud, cui vult nubat, tantum in
 Domino: aperte ita intelligit, vt ad gloriam Dei matrimonium di-
 rigatur, & cum Christiano fiat, Hæc est eius igitur sententia & ibi,
 & alijs locis, vt à Gratiano citatur 28. q. 1. cap. Caue. Augustinus
 verò fuisse videtur dubius. Quare quod à Magistro citatur ex lib.
 primo de adulterinis coniugijs: Dominus iussit, ne coniugia si-
 bimer diuersæ religionis copulenter: & iterum: Hoc est ergo Do-
 mini præceptum tam in veteri, quàm in nouo testamento, vt non
 nisi vnus religionis & fidei coniugia sibi maneant copulata: &
 huiusmodi alia, quæ in hanc sententiam habentur eo loco: re-
 uera Augustinus non ex suo sensu dicit, sed tantum refert à Pol-
 tentio opposita sibi esse: postea verò in eodem libro illis respon-
 dens: Non enim (inquit) tempore reuelati testamenti noui in
 Euangelio, vel vllis Apostolicis literis sine ambiguitate declara-
 tum recolo, vtrum Dominus prohibuerit fideles infidelibus iun-
 gi. Vnde & illud Pauli: Cui vult nubat, tantum in Domino:
 duobus modis dicit accipi posse; aut vt Christiana permanens,
 aut vt Christiano nubens dicatur in Domino nubere: quamuis
 eo loco dicat beatissimum Cyprianum non dubitare, hoc potius
 esse prostituere gentilis membra Christi. Et quia de ea re Au-
 gustinus non agebat, ita sub dubio reliquit. Hæc dicta sint, vt
 ex loco illo Magistri nullus decipiatur. Cæterum de ipsa conclu-
 sione, non est dubitandum: hoc iam illorum patrum auctoritate
 & consensu Ecclesiæ obtinuit vim legis. Potuit hoc Ecclesia sta-
 tuere, & illegitimos reddere sic, contrahentes; & ita factum esse
 constat

1. Esdre 10.

Capite 21.

Capite 35.

Matrimoniu constat omnium consensu. Id tamen notauit b. Thom. in illa dist. de infidelibus non baptizatis esse intelligendum. Ceterum cum hæreticis vel apostatis etiam, etsi contrahens cum illis peccet, quos saltem propter excommunicationem vitare debuerat, non tamen nullum est matrimonium: cum hoc nulla lex habeat. Verum nõ ideo infideles inter se negamus verum matrimonium contrahere: de quo superius dictum est, quod non sit sacramentum, et inferius, quàm sit validum explicabimus. hæc igitur de disparitate cultus.

o. 2. 1. 1.

Crimen.

Ponitur aliud impedimentum, crimen. Sunt enim peccata quædam non impediencia tantum e contrahatur matrimonium, (de quibus postea dicemus) sed nullum reddentia ipsum: de quibus nunc est agendum. Hæc verò sunt homicidium & adulterium: de quibus Magist. sentent. dist. 35. vbi de adulterio, & 37. vbi de homicidio. Ex his igitur duobus (vt benè Caietanus resoluit, secutus b. Tho. in expositione literæ dist. 35. & dist. 33.) fiunt quatuor casus, quibus matrimonium contractum nullum est.

4. lib. senten.

art. 2. q. 2.

Quando homicidiu impediatur & dirimat matrimonium.

Primus, ex homicidio solo: quando scilicet vterq; tam coniux qui reliquus est, quàm qui cum eo post mortem alterius contraxit, operam dederunt homicidio alterius: vt Celestinus tertius definit, Tribusiensis concilij autoritate citata, in c. Laudabilem, de conuersione infidelium, in decretalibus: vbi apertè etiam dicitur hoc verum esse, quando machinante coniuge occisus est alter. Ceterum homicida alicuius coniugum in bello, aut aliqua alia ratione, potest contrahere cum altero: vt ibidem dicitur.

Quomodo homicidium adulterio iunctum impediatur & dirimat matrimonium.

Secundus casus est, ex homicidio coniuncto adulterio. Si enim alter coniugum adulteratus est, & deinde machinatus in mortem alterius: nullo modo cum adultero matrimonium contrahere potest: vt Alex. 3. definit: imò docet antiquitas fuisse definitum, in ca. Super eum, de eo qui duxit in matrimonium, quam polluit per adulterium. Circa hos duos casus id aduertendum est, quod b. Thom. homicidium hoc tunc putat impedire, quando ea intentione factum est, vt matrimonium contraheretur: ita enim loco suprà citato dist. 37. inquit. Quod Syluester etiam in verbo, matrimonium 8. §. nono, asserit esse plurium iuristarum sententiam. Alioqui (inquit b. Tho.) si propter odium vel adulterium occidat vnus coniugum alterum: etsi prohibeatur contrahere, non tamen nullum est matrimonium. Caietanus tamen, cum hæc ex definitione iuris pendeant, nec iura hanc apponant limitationem, putat

vnuer-

IMPEDIMENTIS MATRIMONII. 325

vniversalius homicidium cum adulterio impedire, vel solum homicidium, machinantibus coniuge & eo cum quo contrahit. Et certe hoc probabilius videtur, maxime cum difficile, aut certe raram sit, ut homicidium ab adultero non illa intentione fiat, contrahendi scilicet; vel etiam à coniuge machinante in mortem, & volente postea cum homicida coniugis contrahere. Hoc enim videntur iura aut credere, aut suspicari ut in pluribus contingere: & ad tollendam hanc occasionem ita definiunt. Et bea. Thomas eo loco tantum loquitur de occidente uxorem, non intentione contrahendi: cum vero adulterium simul coniunctum est, nihil distinguit. Nos vero iuxta c. illud, Laudabilem, homicidam tantum coniugis non diximus impediri, ne vllum possit contrahere matrimonium: sed tantum ne cum altero, qui similiter intercessit in morte, contrahere possit.

Potè ex solo adulterio non fit impedimentum reddens nullū Solum adulterium. Quod Mag. senten. dist. illa 35. ex Aug. probat: & terium non Grat. similiter 31. q. 1. in principio: citantes hunc locū ex August. dirimit malib. primo de nupt. & concupiscentia, ubi ita inquit: Deniq; mortuū eo cum quo fuit verum coniugium, fieri potest coniugium cum qua præcessit adulterium. Quod illi certissimum esse credunt: quæquā sint pontificum quædam auctoritates, quibus prohibetur cum adulteris contrahi matrimonium, sed non ita, ut nullum sit, quando solum adulterium fuit. Quod ideo diximus de loco Augustini, quoniam in nostris libris omnino contrarium legimus, negativè scilicet: fieri non potest coniugium, cum qua præcessit adulterium. Sed reuera crediderim in nostris exemplaribus esse mendam, quod magis conveniat contextui affirmatiua illa sententia. Loquitur enim Augustinus eo loco de matrimonij indissolubilitate viuentē viro, dicens, quod quamdiu ille viuit, si adultera propter hoc separata cum alio contrahat, nullum est matrimonium: quia ille viuit. Et postea in confirmationem horum addit: Denique mortuo eo cum quo fuit verum matrimonium, fieri potest &c. hæc igitur sententia confirmat supradicta: si negativè legamus, nihil ad rem facit. Itaq; magis putauerim hoc mutatum fuisse ab aliquo sciolo, qui putauit illud falsum esse: & crediderim magis libris quos illi patres legerunt, quàm nostris: maxime cum affirmatiua lectio respondeat contextui, & veritatem habeat. Vnde Magister sententiarum bene exponit

Augustinum loqui, cum adulterium, & nihil præterea præcessit. Gratianus verò non nihil aliter interpretatur: de ea scilicet, quæ separata à priori viro, cum altero, eo viuente, contraxit: propter quod & adultera dicitur. Vtrunque verum est, & uterque horum & literam, & sensum Augustini veritorem habuit, quàm nos: Et cauendum ne in ipsis iuxta corrupta nostra exemplaria fiat emendatio. Constat eos ita legisse: alioqui extra propositum citassent Augustinum. Ille enim loquitur, quantum est ex diuino iure, & ex natura ipsius matrimonij: nec certe ab Ecclesia superaddita est aliqua constitutio, declarans nullum esse hoc matrimonium. Ceterum si adultero detur fides de contrahendo post mortem alterius (quocunque id ordine fiat, siue præcedat fides, & sequatur adulterium: siue contra) matrimonium redditur nullum: prædicto loco: & definiunt Alexand. 3. ca. Super hoc, & Innocentius 3. cap. Significasti, de eo qui duxit in matrimonium &c. Multo verò magis hoc impedimentum est, si de facto matrimonium contrahatur. In his tamen duobus casibus primò iura requirunt, quod uterque sciat esse adulterium, & coniugem viuere. Si itaque aliquis aut promittat, aut contrahat cum muliere ignorante inculpabiliter eum habere uxorem: ex mortua, non prohibetur cum hac permanere, si ratum voluerit habere, quod prius inique fecit. Ita Innocentius tertius in capite, Veniens, de eo qui duxit in matrimonium &c. & Alexander tertius cap. 1. eodem titulo. Similiter & illud iura prouide statuerunt, vt, si primum in matrimonium nullum sit aliquo iusto impedimento, fides illa data alteri, etiam cum congressu (qui tamen non est adulterium) non impediat hoc matrimonium post mortem primi. Ita Alexander tertius in capite, Significasti, eodem titul. Denique illud etiam in hoc obseruandum est, quod sola fides data de contrahendo post mortem coniugis (si adulterium non interuenit) non impedit matrimonium, quin si postea contrahatur, verum sit, quamuis vtrunque illorum grauitè deliquisse Ecclesia iudicet: propter quod pœnitentia est eis iniungenda. Ita Gregorius novus c. ultimo, eodem titulo.

Hæc igitur iura canonica iustissimè statuerunt ad cauenda adulteria et homicidia, aut certè odia, et desideria mortis coniugum inter se: quæ cum iure diuino prohibita non sint, nullus tamen, ni-

IMPEDIMENTIS MATRIMONII. 316

si à ratione alienus, dicere potest non fauissimè & necessariò cõstituta esse: quæ etiam propterea ab his qui in iudicio illo confessionis præfunt, sunt cognoscenda: quoniam nõnunquam hæc occulta sunt, neque expedit in iudicium Ecclesiæ trahi, nec vlla ratione fieri debet: & tamen reuera matrimonia nulla sunt in illis casibus: quare in ipso iudicio secreto prudenter sunt terminanda. Vbi in occultis omnino casibus (cum scilicet adulterium fuit occultum, & occultè data fides, aut intercessit machinatio aliqua in mortem) locum habet præcipuè dispensatio Ecclesiæ: & est propter hæc necessariò querenda. Nam hos, inter quos probari non possunt hæc impedimenta: etiam si illi fateantur, Ecclesia coget ad permanendum: nec illi vlla ratione fateri debent. Restat igitur vt dispensatione illis succurratur. Sed illud diligenter in his casibus eis est significandum, quòd vsque ad dispensationem abstinendum eis est à matrimoniali actõ.

Aliud impedimentum ponitur, aliud prius matrimonium. Qui enim vno matrimonio ligatus est, non potest alterum inire: quod vocant ligamen: de quo non est opus multa dicere. Primum enim matrimonium ratum, nullum & irritum reddit quodcunque sequens, etiam si primum non fuerit consummatum, & secundum consummetur. Non enim matrimonium semel ratum dissoluitur, nisi per ingressum religionis &c. Nec hic est aliud dubitandum, quàm quòd solet in quæstionem verti: quid si bona fide alter, putans alterum coniugem mortuum, contrahat: cum videlicet in bello, vel navigatione, vel captiuitate, vel aliqua alia ratione audiuit mortuum, aut credidit. Sed de hoc iura apertè volunt, primum, vt non sine certa probatione mortis transeat ad secundum matrimonium. Et quidem coram Deo necessaria est bona fides, iusta de causa concepta: alioqui manifestum est grauius peccare contrahentem. Ceterum contracto semel matrimonio iuste, si superueniat dubitatio, agendum est quod in cap. Inquisitioni, de sententia excommunicationis, definitur: vt scilicet dubium ex leuibus causis, nec satis probabile, deponatur ex consilio peritorum. Si verò fuerit dubium probabile: vt, qui illud habet, non exigit debitum, sed reddat: ne præiudicium fiat alteri qui bona fide contraxit. Et quanquam de hoc nonnulli dubitent, cum in hoc probabili dubio exponat se periculo peccandi, etiam solum reddens debitum: tamen cõscientia ecclesiæ illa

Ligamen.
Præcedens
matrimonium
dirimit se-
quens.

definitio sequenda est, ne nimium in alteram partem declinemus, ne scilicet vel alteri subtrahatur debitum, vel contra propriam conscientiam agatur. In re certa non est dubiū separandū esse matrimonium. Quare quando res valde est arceps, iudicio Ecclesiæ standum est: vel arbitrio prælati, quando res non est talis, quæ in iudicium Ecclesiæ venire possit. De his omnibus Syluester (si quis plura videre velit) in verbo Matrimonium 8. §. 13. scribit.

LECTIO DECIMA.

De impedimento cognationis.

Cognatio naturalis, spiritualis, et legalis impedit matrimonium, & dirimit.



Ultimum impedimentum, præcedentibus simile, quod nullum reddit matrimonium, est cognatio: & ea triplex: scilicet naturalis, quæ consanguinitatis dicitur: spiritualis: & legalis: illa quidem ex sacramentis: hæc ex adoptione. Et ex priori illa consanguinitate sequitur affinitas ex matrimonio orta, cum consanguineis scilicet ipsorum coniugum: sed ex sponsalibus quoque de futuro, coniunctio quædam & vinculum sponсорum cum consanguineis eorum nascitur, quam iura publicæ honestatis iustitiam vocant. De his omnibus sigillatim breuiter est dicendum.

De consanguinitate, quatenus matrimonium nullum reddat; & quo iure, atque qua ratione, loquuntur Magister sententiarum & nostri distin. 40. & Gratianus 35. q. 5. de quibus & summissæ plura referunt: Syluester specialiter in titulo, Matrimonium 8. §. 6. Est etiam de his proprius titulus in decretalibus, de consanguinitate & affinitate.

B. Tho. ar. 1. q. 1. illius di. Quid consanguinitas.

Ex his igitur locis, omiſſa definitione consanguinitatis, quæ non est admodum necessaria (cū per se satis pateat consanguinitatem coniunctionem esse ex carnali propagatione & generatione ortam inter genitores & genitos primo, deinde inter ipsos ab eodem genitos siue descendentes) omiſſis etiam multis quæ

de lineis & gradibus, eorumq; definitionibus dicuntur: cum etiam hæc satis consentiant: dixerunt enim lineam esse ordinem consanguineorum inter se, siue collectionem huius ordinis. Vnde tres posuerunt lineas: ascendentem, genitorum scilicet omnium ordinem, ubi pater, auus & omnes superiores ponuntur: descendentem, ubi filios & succedentes omnes, nepotes scilicet, pronepotes &c. collocarunt: tertiam transversalem, in qua fratres, eorum filios, & reliquos inde procedentes posuerunt. Gradus verò distantiam vocant personarum inter se: ut quæ est inter patrem & filium, aut inter duos fratres &c. Horum igitur omnium longiori tractatione omissa (qua opus non est) brevissimè etiam quod pertinet ad computationem graduum perstringamus. Sit itaq; primum, in linea descendenti & ascendenti, cum inter duos nulla persona est media, esse primum gradum: si una vel plures sint medię, tot esse gradus, quot personæ, una excepta. Verbi gratia, pater & filius in primo gradu sunt, quia nulla est media persona: ipse verò filius cum avo, hoc est, patre patris, in secundo gradu, cum sint tres personæ, filius scilicet, pater, & avus: filius & proavus distant tertio gradu: & sic de cæteris omnibus. In linea verò collateralis fuit non parva diversitas iuris civilis & canonici. Secundum illud enim tot gradus ponuntur, quot personæ. Quare fratres in secundo gradu ponuntur, filij eorum in quarto. Secundum verò canonica iura, longè aliter se res habet. Eo namq; gradu secundum canones distat inter se collaterales, quo à communi principio, modo æqualiter distant: Sin inæqualiter, eo graduum numero distant ab invicem, quo remotior distat à communi principio. Duo igitur fratres in primo sunt gradu: quia à patre uno tantum gradu distat uterq; filij eorum similiter in secundo gradu, quia ita distat à primo principio, patre scilicet patrum suorum. Ita de nepotibus & pronepotibus illi enim in tertio, isti in quarto gradu distant. At verò frater patris à filio eius secundo gradu distat, non primo: quia filius remotior est à communi principio, in secundo scilicet gradu. Vnde tanquam certissima hæc duo asseruntur iuxta canones. Primum. In linea collateralis nullus est propinquior alteri, quam sit communi principio: sicut filius fratris patruo non est propinquior, quam avo. Secundum. In eadem etiam linea potest aliquis esse remotior ab altero, quam sit à principio illo communi: sicut patruus à filio fratris, ut nunc dictum est. Semper itaq; inter colla-

B.Tho. ar. 3.
illius dist.
Linea quid,
& quotu-
plex.

B.Tho. ar. 3.
supradictę q.

Regula de
numero gra-
duum con-
sanguinita-
tis in recta
linea.
De graduū
distantia in
linea col-
lateralis.

o. q. 1. 3.

DE IMPEDIMENTO

terales sumendus est gradus à remotiori. Cuius diuersitatis rationem reddidit Alexander secundus c. Ad fedē, 35. q. 5. quòd scilicet iura ciuilia de his gradibus, vt ad successione[m] pertinent, considerant: vbi frater non succedit nisi fratri mortuo: quare in illa successione secundus est gradus. Canonica verò iura considerant quòd ad matrimonium attinet: quare eorum computatio tenenda est: vt ibi definitur. De his igitur satis. Iam ad ipsam rationem impedimenti consanguinitatis accedendum est. Sit itaque huius rei breuis resolutio tribus propositionibus comprehensa.

1. propo.
B. Thom.
art. 4. supra-
dictæ quæst.

Prima. Inter ascendentes & descendentes iure naturali, atq; ita diuino, est perpetuum impedimentum matrimonij: ita vt nullus ascendentium cum aliquo descendenti contrahere possit. Hoc satis ipsa natura ostendit. Inter coniuges enim est societas & æqualitas quædam, maxime ad actum generationis, cui repugnat (vt ita loquar) superioritas vel inferioritas, qua fit, vt nec pater cū filia, multo minus mater cum filio conuenire possit in matrimonio. Quod congruè à multis animaduersum est significatum fuisse in prima illa Euz productione ex latere: quo insinuebatur æqualitas quædam & societas, quam & illis verbis: Propter hanc relinquet homo patrem & matrem, scriptura significat. Itaque illi dimittendi sunt, non adiungendi in matrimonium. Si itaque naturalis hæc reuerētia causa est, vt omnis natura abhorreat ab hoc coniugio: quò magis ascenditur, maior est reuerentia: ergo etiam magis repugnat naturali pietati, vt nepos cum auia, aut neptis cū auo matrimonium contrahat. Et quis non videt hoc magis inconueniens esse?

2. Propo.

Secunda propositio. Inter collaterales secundum quosdā proximiores gradus prohibitum est matrimonium iure diuino veteris legis, & naturali etiam iure, si nō primario, secundo saltem: atque ita non mirum, si non semper hoc seruatum fuerit. Nec enim in filiis Adæ seruari potuit. Creditur verò seruatum mox post primam humani generis propagationem. Itaque à principio humani generis necesse fuit vt fratres contraherent, cū duo tantū parentes essent totius humani generis. Non est igitur hoc contra ipsam naturam, aut contra proprium finem matrimonij, qui est generatio & educatio prolis. At verò postea in lege prohibetur inter fratres matrimonium: similiter inter nepotem & sororem patris vel matris eius, materteram scilicet vel amitam; & huiusmodi alia.

Nec

Nec tantum diuina ipsa lege, sed inter omnes ferè gètes huiusmodi primi gradus inueniuntur prohibiti, & ipsa abhorret natura ab hac coniunctione: quanquā, quod atinet ad gentes, in multis magna corruptio fuerit. Quare non cuiuslibet gentis consuetudo, sed vel omnium, vel plurium consideranda est. Hæc igitur indita nature ipsi persuasio videtur esse (quam vel omnes, vel plurimæ gentes habent) quod abhorret à coniunctione fratrū. Et quanquam in his plurimum valeat educatio & consuetudo: hæc tamen ipsa, cum apud omnes vel plurimos eadē sint, satis probabiliter ostenduntur esse naturalia. Cæterum lege diuina hæc prohibita sunt, quæ illo c. Leuitici habentur: eo quod repugnent secundo fini **Leuit. 18.** matrimonij, & quidē non minimo, qui est repressio concupiscentiæ: & ita conuersatio quædā honestatis. Natura enim comparati est, ut masculi & femine eiusdem familiæ, qui in eadē domo aut semper, aut frequenter conuersari habent, sibi inuicem reuerentiā quandam honestatis exhibeant: & multo magis, ut à mutuo contactu carnali abstineant. Vnde & incestus ab earum etiam gentium legibus, quæ hæc concupiscentiæ & commisionis carnis mala non prohibent, si præter iniuriā cuiusquam sint: reprehenditur & punitur. Illis ergo prohibet ius diuinum contrahere inter se, quos contingit simul educari, ut b. Tho. notat. Itaq; inter hos si matrimonij admitteretur, illius occasione etiam ante ipsum, hi inter quos est continua cōsuetudo, & in mutuum amorem exardescerent, & in turpitudines non paruas facillè labi possent: unde magna corruptio totius humani generis sequeretur. Nam nonnullam causam primæ illius corruptionis, quæ diluuiō purgata est, hanc fuisse (nuptias scilicet incestuosas) creditur. Et certè primam & maximam eius causam fuisse coniugia illegitima, ipsa scriptura ostendit.

18. 18.

Tertia. In gradibus similiter collateralibus multo plures prohibentur iure positio, & ciuili & canonico, contrahere: idq; rationabili & iusta de causa, ad pacem reip. & christianam charitatem conducente. Est enim nuptiarum alius etiam finis, quem humana iura considerant: amicitia videlicet extensio & confirmatio inter homines: cum ipsi qui matrimonium contrahunt, inter se, & quilibet eorum cum alterius consanguineis, & multo magis filij ex tali matrimonio geniti, nouā cōtrahant amicitia causam: atq;

DE IMPEDIMENTO

ita multis nexibus coniectuntur inter se homines. Propter hæc igitur & similia noluerunt iura, vt inter eos qui sanguine iuncti sunt, matrimonia coëant, sed cum alienis: vt ex matrimonio plures efficiantur consanguinei. Considerarunt etiam in hoc iura causam proximè dictam: quoniam inter consanguineos solet esse conuersatio frequentior & familiarior: quare, si esset inter eos spes coniugij, magna sequeretur facile corruptio totius honestatis. Igitur iura quidem antiqua prohibuerunt matrimonia contrahi vsq; ad septimum gradum. Imò reperiuntur antiquissima quædam, prohibentia huiusmodi contractum secundum omnes gradus quorum memoria haberi poterat: sed tandem declaratum est id ad septimum vsq; gradum esse intelligendum, quæ lex tempore etiam Gratiani & Magistri sentent. seruabatur. Postea verò propter pericula multa conscientiarum, visum fuit vsq; ad quartum tantum gradum in collateralibus prohibere matrimonium, de quo extat certa definitio in c. non debet, de consang. & affinitate: & istud hodie in ecclesia seruatur.

Erasmus

Circa hoc igitur non est aliud dicendum, nisi quòd iniuste de hac lege conqueruntur hæretici, & multa calumniantur, quasi hoc iniquum sit. Quod primò Erasmus fecit, nescio quo prauitù reprehendi omnia, & definiendi leuiter de omnibus. Sed de istis duo sunt dicenda. Alterum est, quòd huiusmodi prohibitio satis ostenditur rationabilis: cum & iura ipsa ciuilia inueniàtur similia prohibere, & in omni benè instituta repub. hoc fuerit curatum. Secundum, quòd antiquior ecclesia, in qua maior fuit sanctitas & authoritas, multò plura prohibuit. Et certè tam antiqua est hæc prohibitio, vt ab Apostolis videatur cum ipsa ecclesia initium habuisse. Itaque non est quod conquerantur, quasi hoc sit nouum in ecclesia, aut durius agatur cum aliquo: maxime cum non denegetur circa hæc dispensatio, quando de periculo agitur conscientiarum. Et certè qui tantopere laborant, vt laxetur licentia hæc contrahendi, parum videntur considerare honestatem inter homines. Hæc sanè prohibitiones non aliud sunt, quàm frena quædam libidinis & immodicæ concupiscentiarum. Videant igitur de qua re querantur, aut qua vilitate cupiant hæc abrogata esse. Certè nusquàm videmus viris deesse vxores. Hæc igitur de consanguinitate dicta sufficient.

Consanguinitati coniuncta est Affinitas, quæ & ipsa impedimentum

mentum est matrimonium nullum reddens: de qua Magister sentent. 4.3. dist. patrum & ecclesie decreta ac definitiones attulit: & de ea b. Thom. & ceteri post illum: iura etiam in proprio titulo de consang. & affini. & Siluester in tit. Matrimon. 8. §. 1. ubi specialia dubia, quæ non pauca sunt, videri poterunt: nunc sequentia notentur.

Affinitas est impedimentum dirimens etiam matrimonium.

Primum. Affinitas coniunctio est ex vinculo matrimonij orta inter coniuges ipsos, non inter se, sed cum suis hinc inde consanguineis. Itaque duo vincula naturalia quidem & legitima tertium hoc produciunt: primum vinculum inter consanguineos ex propagatione carnali est: secundum est matrimonium ipsum inter coniuges, maius certe quam ipsa consanguinitas: ex quibus duobus tertium sequitur, ut scilicet maritus coniugatur affinitate consanguineis vxoris: & contra, vxor consanguineis viri: quod (ut beatus Gregorius inquit) ex ipsa ratione matrimonij est. Efficiuntur enim una caro vir & vxor. Et quanquam secundum antiqua iura, ex hac affinitate secundum & tertium genus nascebatur, dum vnus coniugum, affinis consanguineis alterius, & postea (soluta illo matrimonio) alteri coniunctus, causa erat ut priores affines sui efficerentur etiam affines secundis: ut beatus Thomas explicat eo loco. Iam tamen, ad dubia & pericula auferenda, cessarunt hæc omnia, & tantum affinitas est (ut diximus) vnus coniugum cum consanguineis alterius.

Affinitas quid?

Secundum. Cum hæc affinitas ex naturali illa coniugum vni-
one oriatur: habet lineas & gradus eodem modo, quo consanguinitas. Itaque nulla alia regula est hæc discernendi, quam, quo gradu aliqui sunt consanguinei viri, eodem gradu sunt affines vxoris: & sicut vsque ad quartum gradum prohibentur contrahere consanguinei, ita vxor prohibetur cum consanguineis mariti, & maritus cum consanguineis vxoris contrahere. Et eadem ratione ac iure impedit affinitas matrimonium, quibus consanguinitas: naturali videlicet, ex reuerentia quæ debetur à filio vxori patris: & ex subiectione, quæ est vxoris filij erga patrem: & ita inter ascendentes omnes & descendentes. Iure etiam diuino, eodem capite Levit. prohibentur adhuc alia: ut de vxore fratris: easdem ob causas, hoc est, propter frequentem conuiuium, & prohibendam occasionem concupiscentiæ. Iura etiam addunt vsque ad quartum gradum, eadem ratione qua in consanguinitate. Nihil itaque hic nouum est.

Affinitas habet etiam lineas & gradus.

Nota regulam.

Cap. 8.

OOOO Tertium

DE IMPEDIMENTO

**Quomodo
contrahatur
affinitas.**

**Non per so-
lum matri-
moniu con-
trahitur affi-
nitas.**

Erasmus.

**Notent pa-
stres.**

**Publicæ ho-
nestatis iu-
stitia quo-
modo ma-
trimonium
impediat ac
dissolvat.**

Tertium est, non negligenter considerandum in hac materia, maximè ab his quos instruimus: qua ratione contrahatur affinitas. Prima igitur & aperta causa affinitatis est matrimonium legitimum, & per verba de presenti contractum, etiam si non fuerit consummatum. Ceterum iura ipsa ex carnali coniunctione illicita etiam & extra matrimonium, affinitatem definiunt contrahentes quod Apostolus inquit: Qui adheret meretrici, unum corpus efficitur cum ea. Si igitur (inquiunt) in illicito etiam concubitu una caro efficiuntur vir & mulier, etiam consanguinei carnales utrinque; eorum una caro effecti sunt cum altero. Accedit etiam ad hæc, quod nimium extenderetur in honestas & corruptio, si cognita aliqua, etiam illicitè: non esset omnis accessus ad sorores & consanguineas eius magis prohibitus & illicitus: & idem dicendum de viro. Quis non videt hoc ab omni humana honestate abhorrescere? Quare non possumus non mirari Erasmi hæc mordentem, eadem certe levitate, qua cætera multa. Sequuntur hinc (ait) multa pericula propter occultas fornicationes, unde sequuntur multæ occultæ affinitates. Ad hoc respondemus, & monemus etiam animarum pastores, ut de his diligenter admoneant suos subditos & publicè in concionibus (quas de sanctitate matrimonij, de prohibitis vagis fornicationibus, & incestibus frequentes debent habere ad populum) & in privatis etiam confessionibus, maximè cum ad eam accedunt contracturi matrimonia. Vbi si quid occulti vel ante, vel post contractum matrimoniumprehendunt, debent (ut dictum est) occultis dispensationibus & remedijs à superiorum autoritate impetratis, prudenter providere. Est verò etiam hoc loco non omitendum, quod coniunctio quidem maris & femine, etiam illicita, affinitatem hanc efficit: sed non nisi quando est completa & integra: ita videlicet, ut generatio naturaliter inde sequi possit: per alias verò aut impudicitias, aut innaturales coniunctiones (quanquam graviora hæc peccata sint) non contrahitur: quod prudenter etiam curabit cognoscere spiritualis pastor.

Affinitati accedit proximè vinculum quoddam non ex matrimonio aut copula, sed ex sponsalibus de futuro ortum: quod vocant iura publicæ honestatis iustitiam. Intellexerunt enim, quod is qui fidem dedit de contrahendo in futurum matrimonio cum aliqua, etsi nondum maritus eius sit; & ita nec affinis con-

guitur.

sanguinearum eius : quia tamen iam non leui vinculo est alligatus illi, consequenter etiam & consanguineis illius (propter quod & frequentior est iam & familiarior conuersatio) publica iustitia & honestas exigunt, vt illi magis sit illicita coniunctio cum consanguineis sponsæ, ita, vt nec cum eis contrahere possit. Igitur (vt iura ipsa definiunt, & b. Thom. supradicta distinctione docet, & Siluest. titulo, matrimonium 8. §. 14) eodem modo hoc vinculum impedit matrimonium, & in eisdem gradibus, in quibus affinitas.

Illud duntaxat restat hic considerandum, quodd, etsi nō ex omnibus sponsalibus de futuro hoc impedimentum oriatur, & fuerit olim doctorum sententia (vt supradicto loco b. Thom. docet) ex sponsalibus nullis non oriri hoc impedimentum : iam tamen Bonifacius 8. in c. vnico de sponsalibus, lib. 6. definiuit, ex sponsalibus liberis & puris, etiam si alia ratione nulla sint, & is qui promisit, non possit præstare, oriri tamen hoc vinculum, & impedimentum, ita videlicet, vt non possit cū consanguineis illius quam desponsauit, contrahere, etiam si nulla & irrita fuerit desponsatio. Vt si, qui iam de præsentem cum vna contraxit, alteram de futuro desponsaret. Excipit ius illud metum & coactionem : nullum enim impedimentum ex sic contractis oritur. Excipiendus etiam est defectus vsus rationis, vt Siluest. ex Petro de Palude notat.

Similiter etiam quando conditionaliter contrahitur: si ante conditionē completam cum consanguinea eius contrahat, definit Papa tenere matrimonium. In ceteris omnibus, quantūuis nulla sint, tamen impediunt supradicto modo matrimonium contrahi.

LB.

LECTIO VNDECIMA.

De cognatione spirituali & legali.



Consanguinitati & affinitati proximæ sunt
 duæ aliæ cognationes, quæ ex generationi-
 bus quibusdam non carnalibus, sed inuentis
 vel diuinis, vel humana ratione, oriuntur. Pri-
 ma est spiritualis cognatio, quæ ex genera-
 tione spirituali & per illam contrahitur. Se-
 cunda est legalis, quæ ex adoptione. Cum
 itaque spiritualis generatio ex diuina insti-
 tutione & fide inbeatur: his præsuppositis, ex naturali ratione se-
 quitur coniunctio quædam & amicitia, atq; reuerentia inter eum
 qui spiritualiter generatur, & qui generatur. Legalis autem adoptio,
 rationali naturali consentanea est, quæ suppletur naturalis defe-
 ctus filiorum: atq; ita etiam iure gentium coniunctionem habet et
 reuerentiâ inter adoptantem & adoptatû, & quosdâ alios. Est præ-
 terea & inter hos, & inter quosdâ eorû consanguineos ac affines
 continua atq; domestica conuersatio: propter quæ omnia iura ca-
 nonica constituerunt, vt cognatio spiritualis matrimonium impe-
 diat, & nullum reddat usq; ad quosdam gradus: Et iura ciuilia
 idem similiter statuerunt de adoptione: consentientibus etiâ ipsis
 canonibus. Quæ omnia fundata sunt in æquitate & ratione: &
 per ea cõsultur honestati humanæ, dũ speciali ratione prohibetur
 cõiunctio carnalis inter eos, inter quos est assidua conuersatio: si-
 cut patet ex his, quæ de consanguinitate dicta sunt. Et si itaq; im-
 pedimenta hæc non ex diuino, sed humano iure sunt: tamen quia
 rationi consona sunt, nõ est cur de eis quisquâ cõqueri possit: ma-
 ximè cum spiritualis cognationis impedimentum tam antiquũ
 sit in ecclesia, vt vix principium illius inueniatur: & sit multo ma-
 ior ratio quare impediat, quàm adoptio illa & legalis cognatio,
 quia tamen ab ethnicis etiâ ipsis iudicata est meritò debere esse
 impedimento. In speciali igitur de his habentur proprii tituli in
 decretalibus, de cognatione spirituali, & legali. Et Magill. senr.
 dist.

dist. 42 : post quem beatus Thomas ac ceteri nostri scholastici de ea differunt. Syluester quoque titulo, matrimonium 8. 6. 7. & 8. dist. 42. q. 1. Ex quibus breuiter sequentia putamus necessaria esse scitu his, art. 1. quos hic instruimus.

De cognatione igitur spirituali primum sit de ratione qua contrahitur, & personis inter quas est. Contrahitur igitur in baptismo tantum & confirmatione : quibus duobus sacramentis perficitur generatio illa ad Christianam vitam, quæ merito regeneratio dicitur. Itaque nec in alijs sacramentis, nec in istis quidem ex omnibus actibus : sed duntaxat ex ipsa collatione baptismi vel confirmationis, & ex susceptione, qua videlicet vel baptizatus leuatur ex sacro fonte & suscipitur, vel in confirmatione ipsa tenetur. Itaque nec per catechismum solum, nec ex eo quod in eo teneatur ab aliquo qui catechizatur, vel respondeatur pro eo, contrahitur hæc cognatio : sed tantum ut dictum est.

Quomodo
& inter quos
contrahatur
spiritualis
cognatio.

Est autem huius cognationis triplex species. Prima, quam paternitatem vocare possumus, inter baptizatum scilicet & baptizantem vel suscipientem. Isti enim patres sunt. Et est similis hæc cognatio consanguinitati primi gradus lineæ ascendantis vel descendantis. Secunda est compaternitas, inter baptizantem & parentes baptizati. Tertia denique confraternitas dici potest, inter filios scilicet spirituales & naturales baptizantis vel suscipientis. Et idem per omnia de confirmatione dicendum est. Quibus tamen hoc addendum, quod cognatio hæc spiritualis transit etiam in vxorem, carnaliter prius cognitam, ipsius baptizantis vel suscipientis : ita videlicet, ut illa quæ una caro est cum ipso, eodem gradu cognata sit baptizato & parentibus eius, quo & vir. Non autem eodem modo transit hæc cognatio in vxorem patris ipsius baptizati : non enim illa commater erit baptizantium vel suscipientium filium mariti ex alia. Ad alios verò quacunque ratione non transit hæc spiritualis cognatio. Vnde plures spirituales filij alicuius non sunt confratres, nec inter eos vllum est impedimentum. Similiter vir & mulier, siue plures viri & mulieres suscipientes aliquem ex sacro fonte, nullam contrahunt cognationem spiritua-lem. Addunt etiam b. Thomas & alij, non baptizatum nullam contrahere cognationem, etiam si forte in necessitate baptizetur, aut sit vxor baptizantes, nec vlla tandem alia ratione. Sed nec hoc etiam omittendum est, quod spiritualis hæc cognatio, ut à viro

B. Thomas
art. 2. supra-
dicto loco.

Cognatio
spiritualis est
triplex, pater-
nitas, compa-
ternitas, &
fraternitas.

DE COGNATIONE

transcat in uxorem, vel contrā, ab uxore in virum (vt etiam suprà diximus) opus est vt vxor sit carnaliter cognita antea: vt scilicet effecta sunt vna caro. Vnde quanquam ad affinitatem sufficiat contractus matrimonij sine consummatione: ad hanc tamen (quæ affinitas quædam spiritualis est) quia minoris efficaciz est quàm illa, requiritur etiam consummatio matrimonij. Vbi etiam hoc considerandum, quòd iuxta b. Thom. & theologorum atq; iuristarum saniorē sententiam, illicitus etiam concubitus factus est ad hanc spiritualement affinitatem in mulierem prius carnaliter cognitam transferendam. Quare hoc etiam docere debent & publicè & priuatim (cùm de matrimonio agitur) parochi. Cùm enim concubitus hi illiciti occulti sint, hæc impedimenta non poterunt cognosci, nisi ab his qui conuenerunt.

Notet pastor

Quousq; extendatur impedimentū spiritualis cognationis præcedens matrimon.

Secundum de hac cognatione hoc sit, quòd (secundum tres illas species) si præcedat, nullum efficit matrimonium sequens: nō tamen se extendit hoc impedimentum vltra prædictas species. Suscipiens igitur aut baptizans cum baptizato, vel cum parentibus eius contrahere non potest. Similiter neq; alter coniunx baptizantis vel suscipientis cum eisdem: & hoc iuxta duas priores species. De tertia verò specie loquendo, non potest baptizatus vel susceptus contrahere cum filiis baptizantis vel suscipientis, nec certè cum filij vxoris vtriuslibet prius cognitz, vt dictum est. Quòd tamen ita multorum sententia restringit, vt putent baptizatum contrahere posse cum filiis vxoris baptizantis vel suscipientis ex altero viro natis post mortem illius, ratione cuius contracta fuerat spiritualis affinitas. Et quanquam de hoc sit dubium, & cum occurreret, tutius esset dispensatione vt: id tamen certū est, inter nullos alios impedire matrimonium hanc spiritualement cognationē, quantumuis consanguinei sint vel affines eorum. Sed tantum inter baptizatum ipsum et baptizantem, vel coniugem et filios eius.

De cognatione spirituali sequente matrimonio.

Hæc quidem de cognatione ista, quando præcedit matrimoniū. Si verò sequatur, quod tunc euenire potest, cùm alter coniugum communem filium baptizat extra necessitatem (nam in necessitate non contrahitur compaternitas) vel suscipit è sacro fonte, vel certè alterius coniugis filium ex alio matrimonio. Igitur cùm ita sequitur (inquam) non potest matrimonium nullum reddere: priuat tamen illum iure exigendi debitum, qñ hoc fecit, siue vtrumque, si vterq; aut fecit aut consensit; imò cum ab aliquo malitiosè hoc

hoc factum est, vt videlicet callidè impediret matrimonium, priuant illum iura coniugio perpetuo, soluto priori matrimonio. Qui verò innocens est, potest suo iure vtī, & alter tenetur reddere: vbi satius est dispensatione vtī. Hæc verò iam sufficere poterunt: si qua tamen specialia magis dubia occurrerint, Syluester supra dicto loco, & iuristæ sunt consulendi. Vbi etiam non nihil valet consuetudo, quæ legis vim in his nonnunquam habet.

De cognatione legali, quomodo contrahatur, et impediat, breuius dici potest. Oritur ex adoptione legitima; hoc est, iure facta, siue autoritate principis, siue iudicis tantum priuati, modò legitima sit adoptio, etiam si non transeat adoptatus in potestatem adoptantis, secundum b. Tho. & sanio rem sententiam. Ex ea igitur fit, vt adoptans efficiatur pater adoptati, & filiorum atque nepotum, ac omnium ab illo descendendum. Imò inter adoptantem & vxorem filij adoptati: & inter filium adoptiuium ac vxorem adoptantis nascuntur cognationis legalis vincula, quæ sunt velut consanguinitas et affinitas lineæ ascendentis & descendentes. Et igitur inter hos omnes perpetuò hæc cognatio impedit matrimonium, vt etiam post emancipationem adoptati, nullum sit. Rursum, inter adoptatum & filios naturales adoptantis contrahitur hæc legalis cognatio quasi fraternitas, & impedit quidem atq; nullum reddit matrimonium, quamdiu naturales sunt sub potestate adoptantis. Nam cum à patre fuerint emancipati, inter se non prohibentur contrahere: multò minus plures adoptati inter se, sicut nec cum spiritualibus filiis. Hæc omnia introducta sunt legibus consulentibus (vt diximus) honestati ex iusta ratione: de quibus plura apud Syluestrum, eodem loco, §. 8.

Iam circa omnia hæc, quæ de cognationibus dicta sunt, quantum in eis valeat & possit dispensatio Ecclesiæ siue Pape, disputatur. Et quidem, quod attinet ad duas has proximas cognationes, non est dubium in eis dispensari posse ab Ecclesiâ, cum ab ea sint introductæ. In omni tamen dispensatione necessariam esse iustam causam, nomen ipsum & ratio dispensationis ostendit. Nunquam itaque pro libito Ecclesiâ iuste dispensare potest: sed tantum ob aliquam vel iustam, vel vtilem causam. Cæterum de affinitate vel consanguinitate non dubitatur in eis gradibus dispensari posse, in quibus iure tantum humano prohibitum est matrimonium.

B. Tho. q. 3.

42. dist.

Cognatio legalis oritur ex adoptione legitima,

De dispensatione in cognationibus

Vnde

DE COGNATIONE SPIRIT.

Vnde abstulit iam ecclesia in vniuersum tres gradus: septimum videlicet, sextum, & quintum. In eis verò qui iure naturali et diuino matrimonium impediunt, communior sententia habet & rationabiliior, dispensari non posse ab homine. Est verò difficultas, qui gradus sint iure naturali & diuino prohibiti. Vbi de ascendentibus & descendantibus nulla quæstio est: sunt enim manifestè indispensabiles. De collateralibus verò, qui in Leuitico (vt supradiximus) prohibiti sunt, disputatur: maximè de illis, in quibus accedit quædam naturalis reuerentia id prohibens: sicut si nepos cum amita vel matertera contrahat. Illud tamen certum est, prohibitionem illam legis Moysei non obligare nunc in Ecclesia, nisi quatenus recipitur & statuitur de nouo. Ex sola itaque prohibitionem legis non sequitur illos prohibitos esse iure diuino. Nec etiam quæcunq; naturalis reuerentia & superioritas statim probat prohibitionem iuris esse naturalis. In omnibus igitur illis in quibus dubium est, id tuto sequi quis potest, quod consuetum & receptum est in Ecclesia, nec ultra putamus extendendam esse dispensationem. Igitur in secundo collateralis gradu consanguinitatis vel affinitatis dispensat Ecclesia, & suscipitur dispensatio ab omnibus: etiam nepotis cum matertera vel amita, licet id rarius. Dispensauit etiam nonnunquam inter fratrem & uxorem fratris defuncti: quæ quæstio fuit tanto cum scandalo ab Henrico octauo rege Angliæ mota, & multorum nostro tempore exercuit ingenia, & christianas ecclesias ac vniuersitates: quæ tandem, postquam definita fuit apostolicæ sedis sententia, occasionem dedit grauissimo schismati, ob furiosam eiusdem Henrici regis tyrannidem: quod nunc (Deo miserante, & mirabiliter consilia omnia destruyente) à pijs regibus præsentibus extinctum est. Ad causam igitur de qua agebamus, redeundo, illud modestis & pacificis sufficere debet, quod in his omnibus publica dispensatio, cui in ecclesia non contradicitur, sufficiat apud Deum & homines. Inter fratres etiam dicunt nonnulli dispensatum aliquando fuisse, vt Syluester refert in verbo, Papa, §. 17. Sed hoc certè nimium videtur: nec ultra consuetam progrediendum est: quanquam non debeamus in his legem præscribere ecclesiæ, sed suscipiendum humiliter quod illa iudicat:.

LECTIO DVODECIMA.

De indissolubilitate matrimonij.



Quæ hucusque dicta sunt, pertinent ad integritatem & perfectionem matrimonij, siue quatenus est contractus & officium quoddam naturæ, ad quem requiritur, vt probetur legibus, quod hucusque explicauimus qualiter fiat, loquentes de illegitimis personis: sine etiam vt sacramentum est, ad quod requiritur materia et forma: de quibus etiam diximus, formam esse verba vel signa exprimentia consensum: & materiam, personas ipsas contrahentes: de quibus hucusque actum est. Cùm verò hoc sacramentum nec certum ministrum habeat, nec reuera sit necessarium per aliquem alium administrari: cuncta quæ de necessitate & integritate eius sunt, habentur ex his quæ diximus.

Iam igitur dicendum restat de proprio eius effectu. Sicut enim cetera omnia sacramenta ad effectum aliquem operandum instituta sunt, ita & matrimonium: cumq; sacramento ordinis sit simplicius, per quod datur spiritalis potestas administrandi sacramenti matrimonij: etiam hoc sacramentum ad mutuam potestatem tradendam coniugibus in propria corpora ad generationem, constat institutum esse: & is proculdubio proprius eius effectus est, qui in actu ipso coniugali perficitur, quando duo fiunt caro vna: vt iam non sint duo, sed vnum. Quanta igitur sit hæc matrimonij vnio, nunc dicendum est. Cum enim vnio diuisioni opponatur, tanto maior est, quanto minus diuidi potest. Igitur ex natura ipsa coniugij, & verbis quibus à Christo Domino in Euangelio explicatur (vbi ea quæ in prima institutione dicta sunt in Genesi, sunt etiam exposita: similiter & à Paulo Christum sequente, & vt ipse inquit, spiritum Dei habente) est docendum, quàm sit indiuisibile matrimonium: de quo nonnihil superius, cum probaremus esse sacramentum, dictum est: sed nunc quæ ad hoc pertinent, latius explicabimus.

Sacramentum
matrimonij
non habet
ministrum
proprium.

Effectus proprius
sacramenti
matrimonij.

DE INDISSOLVBILITATE

**Triplex gra-
dus in ma-
trimonio.**

In vniuersum ergo de legitimo coniugio doctores loquentes, triplicem gradum eius esse docent. Est enim primus gradus, vbi matrimonium verum quidem, sed non ratum collocant: secundus, in quo matrimonium verum & ratum, sed non consummatum collocatur: tertius denique, est matrimonij veri, rati, & consummati. Qui gradus non parum, quod ad indiuisibilitatem pertinet, differunt. De singulis igitur dicendum.

Primum itaque est matrimonium inter infideles contractum: quando scilicet vterque infidelis est: nam cum alter tantum, est alia ratio, de qua superius egimus. Hoc itaque vocatur verum coniugium & legitimum quidem, si non contrahatur in gradibus lege naturali prohibitis, nec contra proprias rationabiles leges (de quo etiam superius diximus) non tamen sacramentum. De hoc itaque Magister Tententiarum agit distinct. 39. & post illum ceteri scholastici, ex Augustino maxime in libris de adulterinis coniugijs, rem hanc diligenter expendente: & Gratianus 28. q. 1. & est proprius titulus in iure de conuersione infidelium. Ex his igitur omnibus locis sequentia notanda sunt.

Primum. Coniuux ad fidem conuersus, altero manente in infidelitate, liber est à vinculo matrimonij huius quoad debitum & cohabitationis, & vsus matrimonialis. Secundum. Non tamen liber est ad contrahendum nouum matrimonium, si permanens in infidelitate consentiat pacifice cohabitare, & sine periculo salutis animæ eius qui conuersus est: quod si alterum horum infidelis non præstiterit, potest etiam fidelis contrahere aliud matrimonium. Tertium. Conuerso ad fidem licet (imò Paulus magis id expedire docet) cohabitare cum infideli: quamdiu videlicet ille non discedit, & spes aliqua est conuersionis eius.

**Conuersio si
cet cū vxore
adhuc infideli mane-
re.**

Tria hæc quæ dicta sunt, probat abunde & apertissime Pauli doctrina 1. ad Corinthios 7. capite, de quo etiam capite superius, cum de celibatu loqueremur, non pauca diximus. Eo igitur loco Paulus, postquam dixerat: His autem qui matrimonio iuncti sunt, præcipio non ego, sed Dominus (quod nos inferius exponemus) & cetera: vbi de fidelibus coniugatis aperte locutus est: statim se ad id quod nunc agimus, tractandum conuertens, ita inquit: Nam ceteris ego dico, non Dominus. Si quis frater uxorem habet infidelem, & hæc consentit habitare cum illo, non dimittat illam: & si qua mulier habet virum infidelem, & hic

con-

consentit habitare cum illa, non dimittat virum. Ex quo loco (vt Augustinus libro primo de adulterinis coniugijs diligenter obseruat) duo eorum quę diximus, probata sunt. Primum, quod Dominus non prohibet (Paulo teste) viro conuerso ad fidem uxorem secum volentem manere, dimittere, nec præcepit cum illa habitare. Sic enim inquit Paulus : Præcipio ego, non Dominus : quod (vt Augustinus inquit) non est contrarium Christo : vt videlicet quod ille permittit, & quod ille liberum facit, Paulus propter melius bonum non faciendum esse dicat. Multa enim (vt Augustinus inquit) facienda sunt, non iubente lege, sed libera charitate : & sunt gratiora in nostris officijs, quę cum liceret nobis non impendere, tamen causa dilectionis impendimus. Licet itaque dimittere infidelem, etiam pacificę volentem permanere : sed non expedit : vbi (inquit August.) non potest dici, quod de nubendo ibi dicitur : Bonum est non permanere cum infideli : sed, melius est permanere : potius enim dicendum est : licet discedere à coniuge infideli, sed non expedit. Sunt itaque quędam licita, sed non expedientia : inter quę, quamuis difficile sit distinguere, distinguit tamen sic Augustinus eodem loco, vt quod licet & non expedit, sit, quod per iusticiam coram Deo permittitur, sed propter offensionem hominum, ne ob hoc impediatur à salute, vitanda sunt : & tale est de quo nunc loquimur, non cohabitare cum infideli consentiente : ne scilicet si dimittatur, obduretur magis contra fidem, & incipiat odio habere euangelium. Cum enim quotidie ad prædicationem Apostolorum conuerterentur quàm plurimi : si omnes relinquerent coniuges, facîle traduceretur Euangelium, quasi per illud inhumani redderentur homines, & fidem, ad quam seruandam natura obligat, contemnerent. Denique fidelis etiam cohabitando infideli, meritò sperare poterat conuersionem eius. Ita enim tunc Paulus ait factum frequenter fuisse : Sanctificatus est enim (inquit) vir infidelis per mulierem fidelem, & sanctificata est mulier infidelis &c. Duo itaq; illa probata sunt. Primum scilicet & tertium, posse dimitti, & posse retineri infidelem coniugem à fideli : imò tunc, cum Paulus scriberet, non expedijsse vt dimitteretur. Quare non est mirum, si postea quàm infideles magis obdurati esse cœperant, neque spes erat de eorum conuersione : statutum fuerit, ne conuersi habitarent cum infidelibus coniugibus : sicut in quodam concilio Toletano statuitur, vt Gratia. citat

Capite 14.

Capite 5.

16. & 17. c.

DE INDISSOLVIBILITATE

28. q. 1. Nec difficile est rationem horum videre. Per baptismum enim & conuersionem ad fidem moritur homo priori vitæ, vt videlicet non teneatur obligationi reddendi debitum: sed tamen cum non repugnat religioni, licebit ei id præstare: maxime cum speratur conuersio: tunc enim non repugnat religioni. Quod verò secundo loco diximus, duo etiam continet: quòd videlicet,

Infideli volente cohabitare, non potest fidelis aliud matrimonium contrahere: secus si cohabitare nolit.

quando volens permanere infidelis coniunx dimittitur, non potest aliud contrahi matrimonium: & quòd, si permanere non vult: pacifice & sine periculo, aliud contrahi possit. Horum itaque primum ita probatur. Quia cum matrimonium inter infideles legitimum fuerit contractus, non est cur infringi debeat, aut minus seruari à fideli, cum alter nullam causam præbet non obseruandi: nisi vbi inuenitur à Christo dispensatum, aut alibi in scriptura sacra noui testamenti. Igitur non cohabitare infideli permittitur à Christo, dicente Paulo, quòd Dominus non prohibeat relinquere infidelem: contrahere verò aliud matrimonium, nusquam legitimum esse concessum. Non licet itaque. Ex quo etiam illud secundum probatur, quòd scilicet discedente infideli et nolente cohabitare, liceat fideli contrahere matrimonium. Paulus enim aperte

1. Corint. 7.

hoc docet: Quòd si infidelis (inquit) discedit, discedat: non enim seruituti subiectus est frater vel soror in eiusmodi. Itaque cum infidelis iustam dat causam discedendi, rectè permittitur fideli libertas contrahendi. Hoc itaque matrimonium quòd inter infideles est, verum coniugium dicitur, sed in officium naturæ tantum: & idè contractus duntaxat naturalis, non sacramentum:

Quale sit coniugium infidelium.

& propterea dicitur non ratum, nec omnino indissolubile, quoniam hoc maxime ex ratione sacramenti illi conuenit, vt possit dicemus.

De matrimonio fidelium non consummato. Lib. de bono coniugali ca. 24. Libro 2. de adul. coniug. cap. 5.

Post hoc est matrimonium inter fideles contractum, nondum tamen consummatum: quod non dubium est verum esse sacramentum: & propterea (vt August. inquit. lib. de nupt. & concup. & de bono coniugali) omnino indissolubile est, sicut (inquit ille) ordinatio semel ritè peracta non redditur irrita quacunque ex causa, etiam deficiente plebe, cui gubernanda ordinatus est: & sicut baptismus, negata etiam fide in qua datus est, aut excommunicato eo qui suscepit. His enim similitudinibus August. vritur, indissolubilitatem matrimonij ex ratione sacramenti ostendens. Igitur duo de hoc matrimonio fidelium nondum consummato

pro

ro certis habenda sunt. Primum de illo verum esse quod Christus inquit: Quod Deus coniunxit, homo non separet. Nulla videlicet humana potestate separari posse, utroque viuentem. Vnde quanquam Caiet. probabile putet, papam dispensare posse et dissoluatur, & aliud contrahatur matrimonium, ex causa aliqua rationabili: & quidam canonistarum hoc non reijciunt: Ecclesia tamen hoc non recipit, nec vquam consuetum est. Quare probabilius his rationibus in hac parte non est facile credendum. Hoc est verum matrimonium & sacramentum: semel ergo perfectum & integrum non subiaceret humanæ potestati. Secundum. Soluitur tamen hoc matrimonium per ingressum & professionem religionis alterius coniugis, ita ut alter contrahere possit. Quæ sententia catholica est, & totius ecclesiæ sensus, ut Magist. sentent. dist. 27. autoritate Eusebij & Gregorij, & exemplis Macharij ac Alexij satis probauit: imò ipsius Christi exēplo: qui (ut Hieronymus inquit) à nuptijs Iohannem Apostolum vocauit: & habentur etiam in iure definitiones aliarum pontificum sub proprio titulo, de conuersione coniugatorum. Quare (ut b. Thom. ad. dist. inquit) matrimonium hoc perfectum est: sed est dumtaxat spirituale vinculum, nondum carnale, ante consummationem, nec vltima perfectione (quæ in operatione consistit) completum. Nichil mirum igitur si soluitur per spirituales mortem, & ingressum religionis: quod spirituale vinculum merito censetur fortius solui: quandoquidem est perpetuum quoddam ad obsequia diuina vinculum. Nec tamen etiam in hoc casu ab homine soluitur matrimonium (esset enim contra illud Christi: Quod Deus coniunxit &c.) sed ab ipso Deo soluitur, à quo est inspiratio melioris vite & propositum religionis: de quo merito dicitur illud Pauli: Vbi spiritus domini, ibi libertas. Nec enim iustus lex posita est: lex (inquam) quæ à libertate hac sequendi spiritui impediatur. Errant itaque in hac re turpissimè Eras. in annotatione septimi c. 1. ad Cor. & temerariè valde loquutus est, dicens eos qui propter humanum institutum, vel vestem nigram sacramentum Christi dicunt dissolui, aut non intelligere diuini præcepti efficaciam, aut nimium humanis institutis concessisse: vnde hæretici postea apertius hoc ausi sunt negare. Catholica verò sententia & monachatu, & professionem illius non humanum, sed diuinum esse opus apertè docet, multo efficacius ipso matrimonio; maximè tempore reuelatur.

Matrimonium
non consum-
matum sol-
uitur per in-
gressum re-
ligionis.

q. r. art. 3.

Erasmus.

DE INDISSOLVIBILITATE

Matth. 19.

gratiz. Illud enim conceditur aut infirmitati, aut naturali desiderio generationis: sed istud suadetur & consulitur, & donatur maximo premio à Deo: Quicumq; (inquit Christus) reliquerit patrem, matrem, aut uxorem &c. Quod si dicatur fieri posse, ut non recta intentione profiteatur quis religionem, atq; ita non à Deo vocatus: quid enim si offensus uxoris deformitate, aut leui aliquo iræ motu ingrediatur? quid rursum, si monasteria ipsa non pura sint, & quales oportebat esse scholas perfectionis, aut qualia olim erant? Hæc enim omnia, mirum est quibus verbis Erasmus exaggeret, & cum eo hæretici. Nos verò respondemus, propter humanos defectus non impediri Dei operationes. Sæpe ipse trahit nolentes, & nihil minus cogitantes quàm perfectionem. Is qui timore mortis (qua plectendus erat, propter furtum) eremum petijt, legitur postea perfectissimus factus monachus. Quare verissima est patrum sententia, ex imperfectis nonnunquam priuicipijs in magnâ perfectionem euasisse multos. Interim quaecumq; sit propositum, quaecumq; monasterium: quod agitur per professionem, obligatio est ad perfectionem. Ceterum cum consummatum est matrimonium & carnalis copula facta, non nisi morte carnali soluitur, ut iam statim ostendemus.

Erasmus.

6.5.

Matth. 19.

Igitur tertius matrimonij gradus, integerrimi videlicet & vnde-
quaq; perfecti, est in matrimonio fidelium vero & rato ac consummato carnali copula: de quo nunc dicendum: quàm scilicet indissolubile sit: quod ex verbis Christi domini, apud Matthæum præcipuè & Marcum, etiam apud Lucam, colligamus. Primò igitur in sermone habito in monte, Christus apud Matthæum ait: Dictum est autem: quicumq; dimiserit uxorem suam, det illi libellum repudij. Ego autem dico vobis: quicumq; dimiserit uxorem suam excepta causa fornicationis, facit eam mœchari: & qui dimissam duxerit, adulterat. Et postea interrogatus à Phariseis: Si licet dimittere uxorem suam ex quacumq; causa? respondet, citatis verbis Genesis: Qui fecit hominem ab initio, masculum & feminam &c. Et concludens omnia: Quod ergo (inquit) Deus coniunxit, homo non separet. Et cum opposuissent de libello repudij, quem Moyses præcepit dari: respondet aperte: Moyses ob duriciam cordis vestri permisit vobis dimittere uxores vestras: ab initio autem non sic fuit. Et statim: Dico autem vobis: quia quicumq; dimiserit uxorem suam, nisi ob fornicationem, & aliam duxerit,

duxerit, mœchatur: & qui dimissam duxerit, mœchatur. Vbi aperte Christus dominus ostendit matrimonium ex prima sua institutione indissolubile esse: & quanquã ratione aliqua à Deo in lege fuerit aut dispensatum, aut permissum dissolui, abrogat tamen ipse Christus, autoritate manifestè diuina, legem illam libelli repudij, & reuocat matrimonium ad primam suam institutionem, de qua iam dicendum est, & de uero horum verborum Saluatoris sensu. De his igitur Aug. & in 1 lib. de sermone domini in monte, c. 25. & pluribus sequentibus, & ambobus libris de adulterinis coniugijs, diligenter disseruit. Ex quo Mag. sen. dist. 35. plura collegit: post quem etiam b. Tho. & ceteri: ex quibus sequentia sunt notanda. Primum. Licet innocenti coniugi adulterum dimittere, quod attinet ad cohabitationem & usum matrimonij. Hoc aperte verba illa Christi testantur apud Matth. 5. & 19. c. Vbi non esse dimittendam uxorem docens, semper excipit causam fornicationis. Estq; hoc statutum in fauorem coniugis fidelis, & pœnâ adulteri. Quare etiam excipiuntur nonnulli casus, quibus hoc non tenet. Licet: vt b. Th. supradicto loco inquit: vel quia non est in culpa coniunx qui adulterium comisit, vel alter etiam est in eadem culpa. Propter primum, si mulier vi oppressa fuerit, vel dolo ab aliquo sub specie viri intrante sit cognita, vel deniq; si rationabili causa post longam absentiam viri, credens illum mortuum, matrimonium contraxerit, non potest dimitti. Propter secundum verò, si vir conuenierit adulterio uxoris, vel eam prostituerit, uel certè ipse similiter adulter fuerit, non habet ius eam dimittendi: vel si fortè in incontinentia dato sibi à viro libello repudij ipsa cum altero contraxerit: tunc enim post contersionem amborum ad fidem, cogitur vir eam suscipere: cum illius secundi matrimonij (quod verè adulterium est) ipse sit causa. Vbi circa hoc id etiam obseruandum est, quòd separatio hæc publica & quoad cohabitationem, non nisi iudicio ecclesiæ fieri potest: & ob id non propter occultum adulterium. Vbi tamen considerandum est, quòd etsi vnius adulterium probari potest, & non alterius: tamen coram Deo, qui etiã adulter est, etsi occultus, non potest iuste aliū repellere, etiam si alterius adulterium se probare posset, vt b. Thom. docet. Quod verò attinet ad thoro (quod occultius fieri potest) innocēs rectè se separat ab adultero. Secundū. Non tamen tenetur coniunx innocēs hoc iure vri, maximè

Cōiunx innocēs adulterū potest, sed non tenetur dimittere.

ar. 1.

B. Tho. ar. 3.

ar. 6. ad 5.

DE INDISSOLVIBILITATE

- B.Tho.ar. 2.** maximè quando is qui adulteriũ commisit, pœnitentiã agit. Nõ enim præcipitur hoc, sed conceditur innocenti: modò tamen non fit patronus turpitudinis, vel omittat quantum in ipso est, corrigere delinquentem. In hac itaque causã maior est viri auctoritas, qui ex officio tenetur vxorem corrigere: tenetur tamẽ & vxor agere quicquid putauerit ad hoc conducere: vt scilicet virum retrahat ab adulterio. Cæterum vterq; cõiugum potest aut parcere pœnitenti, aut dissimulare, aut sustinere quod non valet corrigere. Vbi etiam, si post cognitum adulterium mistus fuerit alteri cõiugi innocens, iam etiam visus est remittere, nec iure potest separationem petere. Sed & illud quoque certum est, quòd factò iam diuortio & separatione, etiam per ecclesiã, possit rursus, volente innocente, reus reconciliari: Sic enim Paulus permittit mulieri discedenti vel manere innuptam, vel viro reconciliari. Quinimo & illud probabilius ac salubrius est, quòd, si facta separatione, innocens fornicatus fuerit, teneatur, quod ad Dei iudiciũ attinet, reconciliari, vt b. Thom. inquit: quod ecclesiã etiam ex officio suo agit, consulens vtriq;, ne ob humanam infirmitatem labantur. Tertium est etiam notandum, quòd ea quæ de fornicatione dicta sunt, etiam in hæresi locum habeant (quæ est fornicatio à Deo) multo etiam magis, quàm in fornicatione vel adulterio corporali. Locum etiam habet in quocunq; alio vicio contrario naturæ, vel abusu, quo vir abuti vult vxore: vt Ambros. in illum locũ Pauli apertè dicit: & b. Thom. August. etiam vtrumque apertè tenens in 1. illo lib. de sermone domini in monte, non solum in his, sed in cæteris omnibus vitijs, in quibus vnus cõiugum alteri occasio est peccandi, atque ita fornicandi à Deo, putat locum habere facultatem hanc relinquendi coniugem. Cæterum postmodũ retractans hunc locum, lib. 1. retract. c. 19. non putat facile hoc definiendum esse, sed magis sub dubio reliquit. Magist. quidem sent. primum locum secutus, tenet quod ibi August. sed b. Thom. ibidem, perpetuò ab omni cohabitatione non putat ob alia peccata licitum esse separari, maximè ecclesiæ iudicio, id est, publicè. Non enim sine causã fornicationem dumtaxat excepit Christus: vt videlicet non extendatur longius, quàm ad hæresim, vel abusus alios carnis. Hæc enim omnia specialiter contraria sunt ipsi matrimonio: adulterium quidem generationi, hæresis verò educationi legitimæ prolis. Cæterum alia vitia non habent specialem
- B.Tho.ar. 6.**
- 1, Cor. 7.**
- Eodem art. ad 4.**
Propter hæresim & alia dicta sunt, etiam in hæresi locum habeant (quæ est fornicatio à Deo) multo etiam magis, quàm in fornicatione vel adulterio corporali. Locum etiam habet in quocunq; alio vicio contrario naturæ, vel abusu, quo vir abuti vult vxore: vt Ambros. in illum locũ Pauli apertè dicit: & b. Thom. August. etiam vtrumque apertè tenens in 1. illo lib. de sermone domini in monte, non solum in his, sed in cæteris omnibus vitijs, in quibus vnus cõiugum alteri occasio est peccandi, atque ita fornicandi à Deo, putat locum habere facultatem hanc relinquendi coniugem. Cæterum postmodũ retractans hunc locum, lib. 1. retract. c. 19. non putat facile hoc definiendum esse, sed magis sub dubio reliquit. Magist. quidem sent. primum locum secutus, tenet quod ibi August. sed b. Thom. ibidem, perpetuò ab omni cohabitatione non putat ob alia peccata licitum esse separari, maximè ecclesiæ iudicio, id est, publicè. Non enim sine causã fornicationem dumtaxat excepit Christus: vt videlicet non extendatur longius, quàm ad hæresim, vel abusus alios carnis. Hæc enim omnia specialiter contraria sunt ipsi matrimonio: adulterium quidem generationi, hæresis verò educationi legitimæ prolis. Cæterum alia vitia non habent specialem
- dist. 39. art. 6**

em in matrimonio rationem. Sed communis illa regula euange-
 ij certa est: Si oculus tuus scandalizat te &c. vt videlicet ad tem-
 pus à continuo conuiuii coniugis separari debeat, qui inde vi-
 det se periclitari & ad peccatum sollicitari. Quartum denique **B.Tho.ar.4.**
 stud sit. Quod in hac causa adulterij æquale est ius vtriusque con-
 iugis, quod attinet ad dimittendum adulterum. Sic enim Paulus
 aperte eos æquat, quod attinet ad fidelitatem seruandam, & ius
 utendi corpore alterius. Mulier (inquit) sui corporis potesta- **1.Cor.7.**
 tem non habet, sed vir: similiter autem & vir sui corporis potesta-
 tem non habet, sed mulier. Cum itaque æqualiter vterque sit ob-
 strictus alteri: iuste potest innocens frangenti fidem ius suum au-
 ferre. Vbi (vt b. Thom. diligenter considerat) quod attinet ad **ad 5.**
 fornicationem siue carnis vitium, grauius peccat vir quàm mu-
 lier: quod debiliior sit mulier, & vir magis debeat ratione vri.
 Quare & August. lib. 2. de adult. coniug. adulterium viri ma-
 gis exaggerat. Caterùm, quod pertinet ad nocumentum matri-
 monij, magis peccat mulier: cum inde confusio & incertitudo
 in prole sequi possit. Quare humanæ leges magis mulierem
 peccantem puniunt, quod & natura etiam magis subdita sit,
 & grauius offendat. Vnde etiam adulteriũ vxoris contu-
 meliosius est viro, quàm viri vxori. Hæc igitur de
 consummati matrimonij dissolutione
 quoad cohabitatione & vsum,
 dicta sint: de alijs se-
 quenti lectione
 dicemus.

LECTIO DECIMA-
TERTIA.De indissolubilitate matrimonij
quoad vinculum.

VA huculque dicta sunt de dissolutione matrimonij, quoad actum eius, cohabitationem, scilicet vel thorum, dicta sunt. Verum an vinculum ipsum matrimonij dissolui possit, nunc restat dicendum. Si enim vinculum dissoluatur, uterque eorum, & adulter & innocens poterunt alia contrahere matrimonia: quod non licet: consequens est vinculum non

Matrimonij esse solitum. Igitur Magister sentent. supradicta 35. dist. hoc disputans, quatinus, quamvis patrum sententias de ea re adduxerit, potest dissolui, nisi per mortem alterius.

tans, quatinus, quamvis patrum sententias de ea re adduxerit, tandem tamen negativam partem asserit: quem b. Thom. ibi sequitur, & ceteri omnes scholastici imò & catholici omnes doctores post Magistrum, illud tanquam certissimum tenent: permanere scilicet vinculum matrimonij indissolubile. Quod maxime probatur ex natura ipsa sacramenti. Nam sacramentum semel perfectum, nulla humana actione aut peccato consequenti fieri potest invalidum & irritum. Verum quoniam de hoc heretice calumniae inter ecclesiam catholicam, & Eras. non pauca, unde illi ansam arripuerunt, scripsit in lib. de institutione matrimonij Christiani, & in annotat. in 7. c. 1. ad Corinth: brevis est hęc sententia confirmanda. Igitur hoc fuisse dubium in antiqua ecclesia, multa aperte ostendunt: tunc maxime, cum legibus civilibus matrimonia tractarentur. Vnde Origenes refert, in locum illum Matthæi 19. superius citatum, multos episcopos permisisse viris, ut contraherent secunda matrimonia. Et ex Hieronymo patet Fabiolam nobilem Romanam & Christianam iam, sed iuniorem,

hoc

Erasmus.

Homilia 7.
in Matthæu.

hoc fecisse, ex ignorantia potius quam contumptu aut malitia: Am-
 prophetiam in locum illum Pauli: Vxorem à viro non discedere:
 viris putat licere alias ducere, relictis adulteris: non tamen mulie-
 ribus. Sic enim intellexit Paulum diserte mulieribus præcepisse,
 vxorem à viro non discedere: quod si discesserit, manere innupta
 &c. Viris verò tantum (ait Ambrosius) iubet: Et vir mulierem non
 dimittat: nihil amplius addens. Huic dubitationi præbuerunt non
 parua occasionem multis verba Domini superius citata 5. & 19.
 Matth. Nam ca. 5. inquit: Quicumq; dimiserit vxorem suā, exce-
 pta causa fornicationis, facit eam mœchari: & qui dimissam du-
 xerit, adulterat. Ecce, excipit causam fornicationis. Commissa ita-
 que fornicatione, videtur permitti vt aliis eam ducat. Similiter &
 secundo loco, ca. videlicet 19. Quicumq; inquit, dimiserit vxorem,
 nisi ob fornicationem, & aliam duxerit, mœchatur. Propter hæc
 igitur dubitatu fuit olim: vt August. etiam satis ostendit lib. de fide
 & operibus, in quo ipse quoq; dubiis adhuc erat: postea verò re-
 spondens Pollentio de duobus illis libris de adulterinis coniugijs, vt
 certissimum, ex ipso euangelio & scriptura sacra probatum, te-
 net, nulla ratione, vinente altero coniuge, vel vtrunq; vel alterum
 contrahere posse matrimonium: sed omnino indissolubile esse,
 quod semel inter Christianos ratum & consummatum fuerit.
 Quod primò probat ex verbis Apostoli: His autem qui mati-
 monio iuncti sunt, inquit, præcipio non ego, sed Dominus, vxor-
 em à viro nō discedere: quod si discesserit, manere innuptam, aut
 viro suo reconciliari. Ex quo efficacissima ratiocinatione ita Au-
 gustin. concludit: Paulus (inquit) discedenti mulieri optionem
 dat, vt vel maneat innupta, vel reconcilietur viro. At verò ipse-
 met Paulus eodem c. aperte docet, nulli coniugum licitum esse,
 altero inuito, ab eo discedere: nolite (inquit) fraudare inuicem, nisi
 fortè ad tempus, ex consensu scilicet amborum: non igitur lici-
 tum est vxori à viro discedere pro suo arbitrio. Illa igitur optio
 data mulieri, vt vel maneat innupta, vel reconcilietur, non aliter
 potest intelligi, quam vt locum habeat, cum iusta causa discedere
 potest. At verò omnis alia causa à Christo reiecta est, præter vnā
 fornicationem. Cum igitur discedit mulier licite, propter adul-
 terium scilicet viri, quale superius exposuimus: tunc datur ei
 optio duorum illorum, vt vel maneat innupta, vel viro recon-
 cilietur. Igitur non potest alteri coniungi. Et idem (inquit)

1. Cor. 7.

c. 2. & se-
quentibus.

DE INDISSOLVIBILITATE

de viro Paulus sensit : quod tamen breuioribus explicauit verbis, dicens statim : Et vir vxorem non dimittat : quia iam superius ostenderat æqualem esse in hoc vtriusq; causam. Vnde etiam eodem ca. apertius, sicut & ad Roman. 7. Mulier, inquit, alligata est legi, quamdiu vir eius viuunt: quòd si dormierit vir eius, liberata est. Igitur (inquit Augustin.) sola morte alterius vinculum matrimoniale dissoluitur. Viuente viro (inquit Apostolus) vocabitur adultera, si fuerit cum altero viro. Non igitur desijt ille vir eius esse, qui mulierem ob fornicationem dimisit. Hæ sunt potissimæ b. Augustini rationes, simul cum ipsius sacramenti ratione. Sicut enim (inquit) reus excommunicatus, etiam si nunquam reconcilietur, non carebit sacramento baptismi: ita nec mulier adultera. Adducuntur quidem ad hoc ipsum probandum etiam à b. Hieronymo efficaciores rationes : sed solidum fundamentum est hæc doctrina Pauli, ex persona Dei id tam aperte præcipientis. Cæterum duo illa loca euangelij apud Matthæum, quæ difficultatem in hac re faciunt, quia excipit Christus causam fornicationis, quare in fornicatione vtrunq; videtur permittere, & vt dimittatur vxor, & vt alia ducatur, ac ipsa alterum accipiat: si (inquit August.) cum alijs locis conferatur euangelij, facile tollitur omnis ambiguitas.

lib. 2. c. 2. &
sequent. ali-
quot,
ca. 5. 2. lib.

Quomodo
Christus ex-
cipiat cau-
sam forni-
cationis.

ca. 10.

c. 11. prim.
lib.

ca. 16.

Marcus enim referens quæ dixerat dominus Pharisæis de libello repudij, ita disertè dicit : Quicumq; dimiserit vxorem suam, & aliam duxerit, adulterium committit super eam : Et idem etiam de vxore additur. Ecce igitur (inquit b. August.) nihil excipitur: sed quicumq; dimiserit, ex quacunq; causa, & aliam duxerit, mœchatur. Rursum apud Lucam ita absolutè dicitur : Omnis qui dimittit vxorem suam, & alteram ducit, mœchatur: & qui dimissam duxerit, mœchatur. Cum igitur duobus his locis non excipiat causa fornicationis: ille alter locus, vbi excipitur, ita accipiendus est, vt intelligamus quòd eo loco Christus dominus vnā tantum partem & causam huius questionis dissoluerit, & quidem eā, quæ apertior erat : Qui dimiserit vxorem excepta causa fornicationis, & aliam duxerit, mœchatur. Cui enim non apertissimum est, multo esse peius vxorem non fornicantem dimittere, & aliam ducere: quàm eā quæ iam adultera est ? Illud igitur quod est apertius Matthæus refert, hoc verò, quòd minus apertum erat, præsertim tunc temporis, taceret: non tamen propterea sequitur non esse

e. 9. prim. li. adulterium. Nec enim (inquit Augustinus.) quia Apostolus

Iacobus

Iacobus dixit : Scienti bonum, & non facienti, peccatum est illi : statim inferre licet, eum qui nescit bonum facere, & ideo non facit, non peccare. Hoc enim ex alijs locis scripturæ etiam constat peccatum esse. Ita igitur, quia dicit Christus, eum qui uxorem suam dimittit sine causa fornicationis, et aliam ducit, mœchatur : non sequitur : quod qui ex causa fornicationis dimittit, & aliam ducit, non mœchetur : Sed hoc ex alijs locis scripturæ colligendum est : ex Paulo videlicet, & alijs Evangelistis, qui ostendunt esse peccatum. Itaq; quod multi scholasticorum verbum illud : excepta causa fornicationis : à priori clausula excipere tantum intelligunt, hoc modo : Qui dimiserit uxorem suam excepta causa fornicationis, mœchatur &c. non tamen à secunda clausula, ut scilicet debeat intelligi : Qui aliam uxorem duxerit excepta causa fornicationis : quod ad rem attinet, conforme est huic August. sententiæ : quanquam ex literæ illius contextu hoc probari nequeat. Itaque si recte hæc expendantur, & certissimæ veritati atq; consensui evangelistarum fuerint coniuncta : potest iussissime credi, Christum Dominum utrumque dixisse : & quod apud Mattheum, & apud Marcum est. Si enim non excepisset causam fornicationis, non addidissent illud verbum Mattheus : & si non vniuersaliter dixisset, nequaquam Marcus & Lucas oblici fuissent excipere causam fornicationis. Vnde non immerito quidam coniiciunt illud verbum, excepta causa fornicationis, dictum esse primo à Domino propter infirmitatem pharisaorum, quibus persuasissimum erat, ob fornicationem dimitti posse uxorem, & aliam duci : quare nullo modo sustinere potuissent totam Evangelici matrimonij indissolubilitatem. Postea verò illud secundum, quod est apud Marcum, vniuersaliter dixit, nullam excipiens causam. Et hoc satis apparet in schola illa Christi non solum tunc, sed frequentius dictum esse, & tanquam certum ab eius discipulis habitum. Vnde etiam Lucas non refert hæc certo aliquo loco dicta esse, sed inter quædam quæ colligit Evangelica dogmata, hoc ponit, non ab aliqua alia sententia pendens. Et Paulus etiam tam vniuersaliter loquens, satis docet hanc esse sententiam propriam Evangelij. Huic igitur Augustini sensui, quem paulò fusiùs explicauimus, consentit aliorum patrum autoritas. Nam Hieronymus in Epitaphio Fabiolæ, aperte contra Euangelium dicit esse quod illa fecit, ut, licet iuste à priori viro separata, alterum duceret : imò ostendit Ec-

DE INDISSOLVIBILITATE

Capite 27.

Capite 6.

Erasmus.

Vtrum liceat
adulteram
occidere.

c. 14. & 15.

dist. 37. ar. 1.
q. 2.

Ecclesia ipsius Romanæ hunc esse sensum, quæ propter hoc publicæ
penitentia subiecit nobilem & insignem matronam Romanam:
quare etiam de tanta humilitate Hieronymus vehementer com-
mendat eam. Origenes quoque loco superius citato, aperte dicit
contra Evangelium esse, virum aliam ducere. Et Concilium Mi-
leuitanum hoc aperte definiuit, hunc esse sensum verborum Pau-
li quæ citauimus, affirmans. Idem similiter Innocentius 1. in E-
pistola ad Exuperium Tolosanum episcopum, quæ tertia est, con-
forme esse Evangelicæ doctrinæ, definiuit. Et denique Innocen-
tius 3. in cap. gardensis de divorcijs, ita hoc certissimum habet,
sicut Ecclesiæ sententiam. Quare non est cur de hac causa am-
plius disputetur. De multis licuit olim dubitare, quæ, cum iam
explicata sint & totius Ecclesiæ consensu recepta, non possunt in
dubium sine hæresis & schismatis periculo reuocari. In qua re non
possumus omittere, quin Erasmi meminimus, qui supradictis
locis multa contra hoc dixit, ad nihil aliud vtilia, quam ad inqui-
etandos simplicium animos, & ad præbendam anam hæreticis:
cum interim specioso titulo commendetur liber, videlicet, De
institutione Christiani matrimonij &c. Ad id verò quod ex Am-
broasio diximus, non est aliter respondendum, quam quòd non
mirandum est, si, re tunc temporis nondum satis discussa, Ambro-
sius id affirmauerit, quod postea repertum est minus verum. Nec
dubitamus Ambrosium facile fuisse cessurum aliorum sententiæ,
& maximè consensui Ecclesiæ.

Mouentur circa hoc nonnulla alia dubia, de quibus quoque
iam breuiter restat dicendum. Primum. An liceat Christiano a-
dulteram occidere? Augustinus putauit omnino illicitum esse,
quanquam legibus humanis permittatur. Ita enim ille asserit, re-
spondens Pollentio, secundo libro de adulterinis coniugijs. Et o-
mnino putat fatius esse viris, sine spe coniugij manere, quam adul-
teram, vt aliam habere possint, occidere: hoc enim (inquit) est fa-
cere illicitum, vt aliud, etiam illicitum permittatur. Ceterum beatus
Thomas accusatam & condemnatam in iudicio licite putat oc-
cidi à viro, modò non vindictæ animo, sed iustitiæ zelo faciat: si-
cut, inquit, in cæteris alijs peccatis, quæ capitali pena puniri solent.
Odium autem & intentio mali proximi peccata sunt: ipsa verò ex-
ecutio iustitiæ est licita. Imò repertam in ipso adulterio non putat
sine peccato occidi, sine iudicio & sententia iudicis: quanquam le-

ges ciuiles hoc permittant, compatientes magis infirmitati viro-
rum, quàm hoc præcipientes: & propterea Ecclesia huiusmodi
subijcit publicæ pœnitentiæ.

Secunda, his etiam proxima, quæstio est de libello repudij, qui De libello
in lege permittebatur dari, mulieribus: An scilicet illud sine pec- repudij.

cato fieri possit? Nam Christus Dominus aperte dixit, propter
duriciam cordis Iudeorum hoc olim permissum fuisse: ex quo
verbo quidam putant tantum fuisse permissionem minoris mali,
vt caueretur maius: scilicet occiderent quas dimittere non pote-
rant: sicut permittitur in republica fornicatio &c. Sed beatus

Thomas, diligenter hoc disputans, magis putat esse probabile,
quod fuerit dispensatio, fierus maxime authoritate Chrysostomi,
qui in homilia illius loci aperte hoc dicit, quod scilicet legislator
à peccato culpam abstulit: quanquam fateatur primum esse com-
munius. Sed cum lex illa iam renocata sit à Christo, non est cur

de ea sit anxie disputandum. Certum est Deum dispensare posse,
vt beatus Thomas ibidem dicit: quoniam quanquam hæc indis-
solubilitas videatur esse de iure naturæ (est enim ob educatio-
nem & prouisionem filiorum, parentum perpetua coniunctio
necessaria) tamen magis putat beatus Thomas eam ad secunda-
riam legis naturæ præcepta pertinere, vt possit à Deo (etiam præ-
ter alicuius mysterij significationem) dispensari. Si itaque di-

spensari potest: cur non credendum est dispensasse Deum, & ab-
stulisse occasionem peccati ab illis? Quod si ita non placuisset
Deo: cur non etiam illud significari voluisset per Prophetas?
Nullus enim vniquam populum admonuit, illud peccatum esse.

Rursum etiam quæ causa sufficeret ad libellum repudij dandum
disputatur: & diuersæ sunt sententiæ, de quibus beatus Thomas
supra dicto loco. Alij enim infirmitatem, siue maculam aut mo-
res minus compositos putant fuisse causam sufficientem, vel cer-
te solum odium. Alij eas tantum, quæ ad impedimentum pro-
lis pertinere possent: vt sterilitatem, vel lepram, aut tales mores,

quibus corrumpi possent filij. Certe Malachias tantum dicit: Cum
odio habueris eam, diruite, dicit Dominus Israel. Sed de his satis,
quæ nunc minime necessaria sunt, reuocata à Christo illa lege.

Vltimo tandem de pluralitate vxorum quæstio est, quæ etiam De pluralita-
tine à secundo iohanne quibudam mouetur, cum tamen hoc in te vxorum,
antiqua Ecclesia nunquam videatur fuisse dubium. Disputat hoc

Magi-

dist. 33. ar. 2.
q. 1. & 2.

De causa li-
belli repudij.

De pluralita-
tine vxorum.

DE DISSOLVIBILITATE

Magister sententiarum, & post illum reliqui, dist. 33. Primò constat hoc aliquando licitum fuisse in populo Dei, ut patet in Abraham, Iacob, & alijs patriarchis, quos, etsi plures habuerint uxores, beatus Augustinus libro de bono coniugali, & libro de sancta virginitate, non solum à peccato defendit, sed etiam mysterium fuisse dicit factum illud, & religionis, multoq; in illis sanctius, quàm in Christianis esse soleat nunc habere unam tantum uxorem, imò quàm ipse celibatus & virginitas: de quibus tamen postea. Hoc itaq; licuiss. ex diuina dispensatione putat b. Tho. eò quòd vxorum pluralitas proprio & primo fini matrimonij, qui est generatio & educatio filiorum, non repugnet, sed secundo: pacificè scilicet cohabitationi & consuetudini domesticæ vitæ, quæ iure naturæ necessaria est ad generationem & educationem. Propterea enim putat sola Dei dispensatione, qui institutor est matrimonij, id fieri potuisse. Alij dicunt nusquam reperiri dispensationem, & tamen communem in lege usum fuisse plurium vxorum putant, neq; tamen illicitum. Vnde in Deuteronomio dicitur: Si habuerit homo uxores duas, unam dilectam & alteram odiosam &c quòd non reprehenditur: sed tantum præcipitur, ut non præferatur filius dilectæ filio odiosæ, si hic primogenitus fuerit. Et eodem loco, de ducenda muliere captiua quæ placuerit, lex traditur.

Capite 17. Quanquam etiam in eodem libro regi prohibetur, ne habeat plurimas uxores, quæ alliciant animum eius: non tamen plures habere illicitum erat, etiam Regibus. Nam & Dauid 7. legitur habuisse, sed non plurimas: sicut Salomon. Ex his itaque volunt hi, ex communi lege hoc licitum fuisse absque vlla dispensatione, modo id fieret absq; præiudicio alicuius. Quia enim vir tenetur uxori debitum reddere (inquit Durandus) si secundam ducat, non poterit priori satisfacere, & ita neutri: multo minus si plures habeat. Sed quando iam (inquit) hoc in usu erat, quæ ducebantur mulieres, implicite consentiebant, ut eis debitum redderetur iuxta legem illam matrimonialem. Et certè Augustinus aperte dicit, non esse contra naturam nuptiarum, ut unus plures habeat uxores: sicut (inquit) contra naturam earum est, quòd una plurium virorum sit vxor: quare hoc nusquam legitur vllam sanctarum mulierum fecisse: & omnes theologi hoc omnino indispensable esse affirmant. Itaque non est dubium, quòd unitas viri in matrimonio, de natura ipsius matrimonij sit, secundum quam superior est

q. 1. art. 1.
& 2.

Capite 21.

Capite 17.

**Lib. de bono
coniuga.**

est vir & Dominus: pluralitas verò vxorum eidem non repugnat: sicut (ait Augustin.) vnus dominus plures habet seruos, non vnus seruus plures dominos. Denique Augustinus hoc ante Christum Ca. 15. eod. nec contra naturam, neq; contra morem, neq; contra præceptum: lib. & 18. & ideo licitum fuisse in his patribus, asserit: quod etiam ad sacramentum ille refert, quo significabatur Christum plures gentium Ecclesias sibi copulaturum in spirituale matrimonium. Itaq; constat, licuisse ante Christum plures habere vxores. De causa verò disputari potest: an scilicet dispensatio sola Dei, an verò lex ordinaria fuerit. Primum tamen illorum probat Innocentius tertius, in cap. gaudemus, de diuort: & consentit valde cum verbis Christi, de quibus statim dicemus. Permittatur itaque illud disputari circa tempus veteris legis. Cæterum, vt nunc à quibusdam in quæstionem vertatur: An in Ecclesia hoc aliquando licitum fuerit: vel an nunc etiam liceat: non putamus sustinendum esse. De hæreticis quidem non mirandum est, qui multa alia corrumpunt: sed in catholicis certè mirandum est. Et superfluum est huius rei aliam rationem quærere, quàm torius Ecclesiæ certissimum sensum. Tamen, ne sine certa fidei ratione relinquamus hoc: omnia supradicta istud confirmant. Primò, quod Christus dominus apud Mattheum respondet pharisæis: Qui fecit hominem, masculum & fœminam fecit eos: & dixit: Propter hoc relinquet homo patrem & matrem, & adhærebit vxori suæ: & erunt duo in carne vna. Quæ omnia vnitati vxoris testimonium præbent: sicut Chryso. in homil. illius loci inquit. Non enim dicit Dominus, adhærebit vxoribus, sed vxori: nec erunt tres vel quatuor in carne vna, sed duo: nec masculum & fœminas creauit: sed masculum & fœminam. Quare aded certum hoc ecclesia habuit, vt Innocentius tertius in c. gaudemus, de diuortijs, non permittat ei qui plures vxores in infidelitate habuit, ad fidem conuerso, retinere, nisi priorem: etiam si fortè illi libello repudij dato, & ea abiecta, aliam, vel alias duxerit. Sufficere deberet hæc Ecclesiæ autoritas, & quoddam nūq̃ in antiquitate ecclesiæ plurium vxorum exemplum habeatur. Patres sanè omnes & græci & latini, verbum illud interpretantes: Episcopus sit vnus vxoris vir: nūq̃ cogitauerunt, quod alijs liceret plures simul habere: sed episcopis (vt suprà diximus) etiam successiuè plures habere prohibuit Paulus. Quare contrarium sensum Caietani in illo loco, non dubitamus alienum esse

DE INDISSOLVIBILITATE

à fide. Quòd si verba citata non satisfaciunt: certè quòd sequitur, efficaciter hoc conuincit. Quicumque dimiserit vxorem suam, nisi ob fornicationem, & aliam duxerit, mœchatur. Vbi, si non dimissa vxore, sed eam retinendo liceret aliam ducere, neque hoc esset mœchari: cur non magis ea dimissa, aliam sine peccati periculo liceret ducere? Certū est enim min⁹ hoc repugnare matrimonio, vt dimissa vna, altera ducatur: quàm, vt simul plures habeantur. Itaq; si non prohibuisset dominus plures vxores habere: nequaquam dicturus erat: Qui dimiserit vxorem, nisi ob fornicationem, & aliam duxerit, mœchatur: sed tantum dixisset: iniuriam illi facit: At verò dixit: mœchatur aliam ducens. Sequitur ergo, q. illa superinducta vxor eius nō sit: & q. eiecta vxor eius maneat. Vt unq; n. horum requiritur: vt adulter sit: vir aliā ducens eiecta priori, & similiter vt eiectam ipsam ducens adulteret. Adulterium enim non est, nisi quando ad eam quæ est alterius: aut alteram habens vxorem, ad aliā quamcunq; accedit. Itaq; non est dubitandū, Chrištū Dominum eo loco matrimonium ad suam priorem naturam reduxisse, & voluisse vt vnus tantū vnā habeat inseparabiliter quoad vinculum: nec voluisse tantum, sed ostendisse hoc esse ex ipsa perfecta natura matrimonij, & prima conditione humanæ naturæ, & maximè ex ratione sacramenti, quā perfectam & integrā oportuit

Nec cū con- esse tempore reuelatæ gratiæ. Mouet b. Aug. dubium in libro de sensu vxoris bono coniugali, an de consensu propriæ vxoris liceat viro ad aliā marito ad accedere: vt ad ancillam fortè vxoris, ex qua vxor vellet filios aliam acce- bere, quos ex se non potest. Et quanquam sub dubio visus sit hoc dere licet. relinquere, satis tamē ostendit illud alterius temporis fuisse. Sic etiam in 1. libro de sermone Domini in monte, retulit exemplum quoddam fidei coniugalis in muliere: humano quidē iudicio commendabile, quòd scilicet illa ob liberandum virum à carcere, qui ob inopiā, q̄ fisco reddenda erant, soluere nō poterat, consensit diuitem quendā admittere, consentiente marito, qui pecuniam illam promiserat se daturum. Non probo (inquit ille) hoc. Sed interim non putat arguendam mulierem de adulterio aut infidelitate. Itaque duo ista eodem modo Aug. illis locis tractauit: non dubitat tamen (quod alibi dixerat) contra naturam nuptiarum esse, quòd vna pluribus seruiat, sicut non dubitat, quòd vna habenda sit in Ecclesia & fide Chriști: Vnum tantū ex tota Ecclesia antiquitate habemus, quod his videtur repugnare. Legimus namque

namque in historia tripartita, quod Valentinianus Imperator lege permisit vni viro duas vxores habere. Sed lex Imperatoris non est recipienda: nec certè legitur quod recepta fuerit, vel vt iusta habita: sed potius ibi etiam refertur, quod priuato affectu, vt ille posset Iustinam ducere, id fecerit. Nulla itaque ratione illud trahendum est in exemplum.

LECTIO DECIMA QVARTA.

De superadditis integritati & veritati
sacramenti matrimonij, & impedi-
mentis non dirimentibus ipsum.



Diximus de his quæ huic sacramento necessaria sunt, & de proprio eius effectu: ex quibus iam habentur ea, sine quibus sacramentum et contractus matrimonij nō sunt rata. Restat vt breuiter, quæ ad solennitatem pertinent, referamus. Habent cætera sacramenta quædam superaddita suæ essentia, siue ex iure ipso diuino & traditione apostolica, siue ex statuto Ecclesiæ. Exempla horum sunt Catechismi & Exorcismi in baptismo: mistio aquæ cum vinō in eucharistiæ sacramento: & huiusmodi alia. Hæc sine peccato quidem non omittuntur: omissa tamen non faciunt irrita sacramenta. Ita in matrimonio quædam sunt ex iure ipso diuino; quædam ex ecclesiæ statuto obseruanda, non tantum vt integrum sit sacramentum & validus contractus: sed vt ritè quoq; & sanctè celebretur. Ex illis sumuntur impedimenta quæ impediunt quidem, sed non dirimunt matrimonium: hoc est, quæ si adsint, non potest matrimonium sanctè & ritè contrahi: contractum tamen

DE IMPEDIMENTIS NON

verum & ratum est. Sic enim b. Thom. dist. 34. & alij scholastici distinxerunt impedimenta, vt alia sint dirimentia matrimonium : alia impediencia tantum, quæ videlicet (inquit b. Thomas) sunt contraria his quæ pertinent ad solennitatem sacramenti. Ista igitur Syluester collegit in verbo, Matrimonium 7. fusius quidem : & Caietanus breuius ac luculentius in Summula : ex quibus sequentia sunt notanda.

**Contractus
matrimonij
debet esse
publicus.**

Primum. Ius ipsum naturale & diuinum, quo matrimoniū constat, tria duntaxat, aut certè quatuor exigit vt iuste matrimonium contrahi possit : in quibus quædam magis specificata sunt ab Ecclesia : omnia tamen tantum requiruntur, vt sine peccato contrahatur matrimonium : nam etiam sine illis contractum, firmum & ratum est. Primum igitur natura huius sacramenti requirit, vt publice, non occultè & clandestinè celebretur. Siue enim quatenus officium naturæ est cōsideretur, requirit vt ita fiat contractus, quatenus Reip. cōstare possit, & filij ex eo nati legitimi agnosci : quod non fit nisi publicus sit contractus : siue quatenus sacramentum est cogitetur : requirit etiam vt in facie ecclesiæ, & sub eius testimonio contrahatur. Vt omittamus interim scandalum, quod ex occultis matrimonijs oritur, & periculum contrahendi alia matrimonia, quæ ab Ecclesia non iudicabuntur nulla, cū de prioribus constare non possit, vt ex superioribus patet : vnde multa pericula sequuntur. Idcirco Ecclesia diligenter cauet, ne clandestina matrimonia contrahantur, vt in proprio titulo de clandest. despo. habetur. Vbi Innocentius 3. in concilio generali c. cū inhibito,

**Clandestinu
matrimoniu
eiusque vsus
mortale peccatum est.**

diligenter statuit, vt in Ecclesia publicentur &c. Igitur occultè omniuo & sine testibus matrimonium contrahere : ita vt probari non possit coram Ecclesia : manifestum est mortale peccatum contra ius ipsum naturale : nec solum contractus ipse, sed & vsus matrimonij sic contracti. Contrahere verò sine ea publicatione quam ecclesia requirit, similiter mortale est : nisi fortè alicubi excusaret consuetudo. Est enim ecclesiæ præceptum circa rem certè grauem. Huic etiam solemnitati superaddidit ecclesia benedictiones, quas fieri voluit per ministros suos cum sacra oblatione : de quibus in principio adduximus antiquissimæ Ecclesiæ auctoritates ex Anacleto, Tertulliano, & Concilio 4. Carthaginensi. Quas quidem benedictiones non in contractu ipso, sed in traditione vxoris in domum : & quidem ante consummationem ma-

crimo-

trimonij ecclesia iubet adhiberi. Et quanquam Anacletus (vt suprà diximus) aliter contracta coniugia nulla esse pronunciauerit: tamen sensus & consuetudo ecclesie hoc iam habet, vt valida nihilominus sint matrimonia: imò licet contrahantur, modò ante translationem in domum suscipiantur benedictiones. Omissio igitur illarum quando, & quomodo illæ suscipiendæ sunt: non est dubium quin sit etiam mortale peccatum, contra grauiissimâ ecclesie ordinationem in re tam seria ad conciliandam diuinam gratiam, qua maximè opus est in matrimonio & perpetua illa vitæ consuetudine. Quod verò à nonnullis dicitur, quòd consummatio matrimonij ante illas benedictiones peccatum sit: de peccato nonnullo non est dubium: cum (vt superius diximus) etiam post benedictionem expectandum esse aliquod tempus, aut diem, antiqua ecclesia præceperit: mortale verò id esse peccatum, qui prudentius indicant, non audent definire, maximè ob infirmitatē humanam. Sed in his quantum fieri potest, non sunt laxandæ habena & frena concupiscentiæ, sed retinenda antiqua honestas. Interim tamen etiam cauendum, ne, dum hoc nimium curatur, decur occasio aliarum impudiciarum & turpium libidinū inter spon-
 sos, quæ profectò multo grauiora peccata sunt, etiam si hoc graue esset. Hæc itaq; de solennitate superaddita contractui matrimonij. Vbi etiam non est omittendum, multos prudentes & Deū timentes iā à multis annis desiderasse, vt ecclesia irrita decerneret eiusmodi matrimonia: ea (vt minimū) quæ sine legitimis, fide dignis, & sufficientibus testibus passim contrahuntur: quod certum est ecclesiam posse, vt ex superioribus patet: & tali cōstitutione multorum malorum ac perplexitatum occasiones auferrentur. Nul-
 lum esset tunc matrimonium, quod non posset probari in ecclesia: nulla posset decipi & frustrari promissione mendaciter facta; sed ecclesia compelleret fidem datā seruare. Sunt qui cupiant cōstitutionem illam Anacleti, qua multæ aliæ solennitates requiruntur (vt suprà diximus) renouari, vt (sicut illa apertè habet) aliter contracta nulla sint coniugia: vt videlicet omnis occasio fraudis, & corruptionis, quæ in huiusmodi matrimonijs committitur, per lenas & lenones contractis: & multæ alia peccata tollerentur. Hinc usq; tamen ecclesia nihil statuit. Est enim satis propensa in fauorem matrimonij semel contracti. Expectanda est igitur de his definitio generalis concilij, aut legitima auctoritate facta: & illud iu-

Multi optāt
 clandestina
 matrimo. ab
 ecclesia de-
 cerni nulla.

¶ p. 7. 18

DE IMPEDIMENT. NON

Nonnunquā occulte licet matrimoniū contrahere.

Interdictum ecclesie vel iudicis impedit matrimonium contrahendum, sed non dirimit contractum.

Quibus diebus anni nō liceat celebrare nuptias.

ar. 5. q. 4.

dicandum melius, quod ita decretum fuerit. Non est etiam omit-
tendum circa hoc (quod Caseranus in additionibus 3. par. dilige-
ter adnotauit) licite nonnunquam & sancte matrimonium con-
trahi occulte. Vt cum aut iniuste & irrationabiliter impediuntur
vir & mulier, qui sub potestate alterius sunt: aut certe ad minus
conuenientia sibi matrimonia inique trahuntur et urgentur à po-
tentioribus; aut in urbis direptione, propter vitanda pericula etc.
In his enim manifestum est non agi contra intentionem legis.

Hinc proximum est interdictum ecclesie. Non enim dubium
est peccari, si contra interdictum vel iuris, vel iudicis, aut ipsius Pa-
rochi, ad quē pertinet hoc curare, contrahatur matrimonium: nō
tamen propterea nullum est contractum: de quo proprius est titu-
lus, de matrimonio contracto contra interdictum ecclesie. Quod
ideo inter ea quę iuris naturalis sunt ponimus: quia quanquam
interdictum ipsum vel iuris positui, vel hominis etiam esse possit,
tamen (ut supra declaratum est) ius ipsum naturale exigit, ut legi-
bus probetur contractus matrimonij: propter quod etiam voca-
tur legitimum. Itaq; si contra leges fuerit aut iudicum prohibiti-
onem, illegitimum est: nec dubium quin peccatum mortale sit hæc
transgressio, præcipue cum interdicti non debeat à iudice sine gra-
ui causa: quia scilicet aut dubium aliquod occurrit, an possit cō-
trahi: uel aliqua huiusmodi causa. Circa hoc etiam occurrit tem-
pus feriarum: quo ecclesia prohibet benedici & solennitari matri-
monia. De quo Magist. senten. d. 32. & Gratia. 3. 3. q. 4. c. nō oportet
& sequentibus aliquot, patrum & conciliorum citarunt de-
creta: & in tit. de feriis, habentur etiam nonnulla ad hoc pertinē-
tia: quamuis illis temporibus, secundum iam receptam consue-
tudinem nō prohibeatur matrimonium contrahi, sed vxor in do-
mum traduci, benedicere nuptias & solenniter celebrare. Nam (ut
b. Th. supradicto loco inquit) in his nouis dedicationibus matri-
monij solet nimia esse cura & implicatio circa carnales actus. Nu-
meratur tamen inter hæc impedimenta (sicut explicatum est) cum
sit impedimentum solennitatis &c. Designant statuta ecclesie tē-
pus ab Aduentu domini vsq; ad Epiphaniā, & à septuagesima
vsq; ad octauā Pasche, & à tribus diebus ante Ascensionem
vsq; ad octauā Pentecostes. Vbi quanquam quædam iura tribus
hebdomadis ante festum Ioannis baptiste hoc prohiberent: tamē
tres illas hebdomadas propter festum pentecostes intelligendas
esse,

esse, explicat Alexander 3. in c. Capellanus, de ferijs. Tria itaq; illa tempora ob specialem sanctitatem, quam in illis à populo exigit ecclesia, & propter preparationem ad communionem, quæ circa illa tempora fieri solet, ecclesia separauit, in quibus non debeant solennitates hæc carnales (quanquam aliqui licite) celebrari. Vbi etiam est considerandum, non solum ante communionem, quam in Natiuitate, Paschato, & festo Pentecostes ecclesia præcipiebat: sed etiam post, antiquam ecclesiam aperte significasse frequentiora & puriora orationū exercitia habenda esse, propter quæ ab his cessari voluit. Cæterum si quæ de horum omnium intellectu dubia esse possint, magis ex communi consuetudine iudicanda sunt. An videlicet prohibeantur octauæ ipsi dies paschæ & pentecostes? et si quæ sunt huiusmodi. Nam & quod de cōsummatione matrimonij in his diebus mouetur, an scilicet licite fiat, & huiusmodi alia, satis iam consuetudo, & permissio ecclesiæ ostendit non esse peccata. In his enim omnib. nō est parū cōcessum infirmitati humanæ.

Huic impedimento interdicti ecclesiæ merito cōiungi possunt septem peccata, propter quæ prohibet ecclesia contrahere matrimonium his qui illa committunt: quibus si adiungamus cognationem quandam spiritualem, octo erunt impedimenta iuris positivi, ob quæ non licet matrimonium contrahere. Peccata igitur hæc sunt. Primum. Incestus cū cōsanguineis vxoris: de quo in iure titulus est, de eo qui cognouit cōsanguineam vxoris suæ. Et idem de muliere à cōsanguineis viri cognita. Præcipit enim ecclesia sic peccantes in matrimonium ipsum, manere sine spe coniugij. Secundum. Interfectio vxoris, ea saltem, quæ præter iudicium legitimum fit: hanc enim punit ecclesia. Tertium. Homicidium clericum. Quartum. Solennis pœnitentia, aut potius peccata illa, propter quæ imponitur solæis pœnitentia, cum illa impossita fuerit. Quintum. Si quis proprium filiū susceperit ex fonte sacro, insidias matrimonio, vt scilicet priuetur vxori iure exigendi debitum: hūc enim iura iubent, in pœnam sine spe coniugij perpetuò manere, præter hoc, quodd propter ipsam cognationem non potest exigere debitum. Sextum. Raptus alienæ sponsæ. Septimum. Scienter cum moniali Matrimonium celebratum. Hæc itaq; peccata, quæ omnia in ipsum matrimonium committuntur, iura hæc pœna puniunt, vt qui ea cōmiserint, deinceps non contrahant. Octauum deniq; est cognatio quædam spiritualis, quæ contrahitur non ex baptismo vel

Septem peccata matrimonij impedientia, sed non dirimentia. Incestus cū cōsanguineis. Vxoriciuium. Occisio clerici. Solennis pœnitentia. Susceptio filij ex sacro fonte in frau de matrim. Raptus alienæ sponsæ. Sciēter cum Moniali contrahere.

DE IMPEDIMENT. NON

Cognatio
quædam spi-
ritualis con-
trahitur ex
catechismo.

confirmacione, in quibus est vera cognatio (vt dictum est superius) sed ex solo catechismo. Ex eo enim quod ad catechismum aliquis tenetur, nonnulla cognatio oritur inter eos, inter quos ex baptismo & confirmacione diximus superius oriri: sed hæc non facit matrimonium nullum, vt Bonifacius octauus definit c. Quamuis, de cognatione spirituali lib. 6. Hæc igitur octo ex ecclesie prohibitione tantum impediunt ne contrahatur matrimonium. Et hinc agnosci potest, quantum peccatum sit in his quæ proximè diximus. Prohibitionem enim ecclesie non est dubium in re hac tam graui ad mortale obligare. Verum dispensat ecclesia in his, consulens infirmitati eorum, qui putant sibi necessarium esse contrahere. Imò meritò Caietanus, b. Thom. sequens, putat, quod vbi propter hæc quæ diximus, non solet dispensatio peti ab ecclesia, sed sine illa matrimonium contrahi, visa est ipsa iam dispensasse. Itaque ex contraria consuetudine fieri poterit, vt prohibitiones hæc ad peccatum mortale non astringant. Tutius tamen est, & id omnino docendum, vt petatur dispensatio ecclesie, occultè quidem, & sine insinuatione personæ, vbi periculum esset infamiz.

Quomodo
votum sim-
plex castita-
tis & spōsa-
lia matri-
monium im-
pediant.

Vltimò denique restant duo ex quatuor illis, quæ à principio diximus iure naturali impedire matrimonium. Hæc verò sunt votum simplex castitatis, aut religionis quod castitatem includit: & sponsalia de futuro cum alia contracta. Vtunque enim horum obligat ad fidem seruandam: Votū Deo, cui promissum est: sponsalia homini cui facta est promissio. Contrahens verò matrimonium contra hæc, aut non potest quod promissit implere: aut intentionem habet non implendi. In voto igitur castitatis (inquit Caietanus) si animo consummandi matrimonium contrahatur, manifesta est intentio non implendi: & ideo peccatum mortale. Si verò (inquit) cum intentione religionem ingrediendi contraheret, non facit contra votum, & ideo illi videtur quod non peccet. Sed (vt ex supradictis patet) in hoc saltem contractu irritio quædam est sacramentum: nec certè apparet, qua de causa licitè hac intentione contrahi possit matrimonium, maxime altero coniuge nescio. Nam quod de b. Alexio legitur, lex priuata est, & specialis Dei instinctus, atque ira dispensatio. Disputatur etiam. An si contrahatur matrimonium, eo vti possit is qui votum castitatis habet. Vbi non est dubitandum, eum teneri, quantum in ipso est, promissio & voto: ideoq; peccat exigendo, quanquam reddere teneatur.

teneatur. Quod enim liber promissit, implere debet, salvo alterius iure: quanquam de hac re diuersas sententias referat Siluester: hoc tamen satis esse debet, quòd reddere verè est, quòcunque modo fiat, quando fit vt condescendatur infirmitati alterius: vel quando timetur ne alter labatur in adulterium. Cæterum diximus etiam superius in his facile dispensandum esse per ecclesiam, vt auferantur pericula in vsu matrimonij. Notat etiam Caieta. diligēter hoc considerans, quòd, qui post votum simplex de ingrediendo religionem, contrahit, quanquam peccet contrahendo, non tamen peccat etiam exigendo, cum nec peccaret contra votum, etiam si fornicaretur. Sponsalia verò de futuro non dubium est seruanda esse & obligare: ratum tamen est matrimonium contra illa, licet non sine graui peccato contrahatur. Quod verò disputatur, an per copulam carnalem sponsalia de futuro efficiantur de præsenti, ita vt dirimant Matrimonium postea contractum: ex intentione ipsorum pendet: si videlicet affectu coniugali cōsummauerint: quod ecclesia, cum probatur hoc, iudicat: de quo inferius plura.

LECTIO DECIMA

QVINTA.

De bonis matrimonij.



OST hæc de laude & bonis matrimonij merito agendum est. Et huc etiam pertinet doctrina de actu atque vsu eius. Constat enim omne bonum & malum matrimonij ex actu eius pendere. De quibus vt ordine agatur, de bonis ipsius primò dicamus: quibus videlicet excusatur & contractus, & vsus eius. De his igitur Magist. sent. d. 31. & post illum reliqui.

Tota autem hæc doctrina præcipue sumpta est ex b. August. vt inferius ostendemus.

Primò igitur circa hoc est statuendum: errorem esse & scripturæ, & naturæ repugnantem, coniugium, siue maris & femi-

Congressus
vini cum sœ
mina est na-
turalis, ne-
cessarius, &
meritorius.

ne congressum damnare. Hoc enim pertinet ad Manichæorum
heresin, quos & Paul. taxat, dū ait: Prohibetium nubere &c. Quin
potius actus matrimonialis non solum licitus & meritorius est
(vtpotē à natura ordinatus, & necessarius ad conseruationē eius)
sed etiam ratione quadam præceptus à Deo creditur illis verbis,
quæ in humanæ naturæ creatione dicta sunt: Crescite & multipli-
camini &c. vt M. etiam sen. d. 26. docet. Quod tamen eo loco pru-
denter b. Th. explicans, dicit præceptum hoc nō esse alicui in spe-
ciali impositum; multo minus omnibus. Quare nec transgressor
præcepti huius iudicandus est, qui quocunq; tempore, ante euan-
gelium etiā permanere caelebs elegillet quacunq; ex causa quan-
quam in populo illo Dei, propter propagationem necessariā, nul-
li permissum fuit: non intendere generationi, tempore & ratio-
ne ad eam conuenientem; si fortē speciali aliqua diuina ordina-
tione, sed hoc est præceptum speciei in communi impositum: quo
fit, vt ipsa tempore multos ad hoc moueat et incitet: sicut (inquit b.
Thom.) cetera officia vlti hominum necessaria non præcipiun-
tur alicui: sed Dei providentia, & propensione cuiuslibet à natura
data consulitur conseruationi totius vniuersi. Itaq; reuera verba il-
la: Crescite & multiplicamini (ad legem naturæ pertinentia) ma-
gis naturalem inclinationem à Deo insitam rebus, quàm præce-
ptum aliquod ad peccatum alstringens, significant. Hoc itaq; sa-
tis sit de actus matrimonialis naturali bono, & de primo illo cras-
sissimo errore circa hoc reiiciendo.

Est verò in altero extremo Pelagianorum error, nihil omnino
mali in matrimonio & actu eius inuenientium. Cum enim (inqui-
unt illi) & membra ipsa, & eorū motus à natura sint ad generatio-
nem necessaria, & in primo etiam statu iustitiæ originalis ita fuis-
sent; neq; enim generare potuissent homines sine his, sicut nec sine
voluptate, quam natura à cui illi tā necessario ad sui conseruatio-
nem coniunxit, sicut & cæteris omnibus necessarijs operationib.
apposuit delectationes. Itaq; cum omnia naturalia sint: malū ali-
quid in his posuisse, condemnatio est naturæ & authoris eius, aiūt
illi. Hinc ausi fuerunt etiam peccatū originale negare. Vnde (in-
quunt) peccatum oriri potest inter tāta naturæ bona & tā neces-
saria? Et catholicos reprehendunt ac insimulant erroris Maniche-
orum; quasi dicerent nuptias à Diabolo esse: & generationem ho-
minis, imò & ipsum hominem genitum partim Deo, partim Dia-
bolo

bolo tribuerent. Et multa in hanc sententiam illi calumniantur: quæ b. Augustinus & refert diligenter, & efficacissimè confutat multis locis librorum suorum contra eos: integris scilicet libris contra Iulianum, duobus de nupt. & concupiscen. ad Valerium, lib. 2. contra Pelag. & Celest. de peccato originali: 3. & 4. libris contra duas epist. Pelagianorum, & alijs multis locis. Ex quibus omnibus certò etiam statuendum est, in matrimonij actu necessariò post peccatum concupiscèntiam immoderatam (quæ malum est, & non à Deo, sed ex peccato provenit) intervenire: sine qua iam non potest esse generatio: quod satis ostendit ipsa naturalis verecundia: quia (inquit August.) sit, ut est coniugati i. de nupt. et glorièntur in filijs, secreta tamen loca eligunt: confitentes ipsam concupis. nature verecundiam. Et hoc ipsum confirmat prima illa parentum nostrorum post peccatum confessio & tectio, de qua scripturà apertè loquitur. Ostendit enim (ut Aug. ist. inquit) quòd ex peccato proveniret in illis membris inobedientia & contra rationem peccat. me- Lib. p. de repugnancia. Et hoc est quod humana natura, rationalis scilicet, tit. & remiss. erubescit in pœnam illius culpæ, quæ ratio ipsa Deo inobediens fuit. Istum enim erat, ut à subdito sibi corpore ratio hoc reciperet, quia ipsa superior i suo, Deo, ausa fuerat rebellare. Ex peccato itaq; secuta est in homine immoderata concupiscèntia, quæ & præveniat rationē, & sine eius imperio prorumpat, & difficulter contineri ac subiugari possit. Hęc inquam immoderata concupiscèntia circa sensibilia omnia bona in carne nostra, hoc est, ea parte qua cū cæteris animalibus cōuenimus, est, de qua Paulus clamat: Video in membris meis legē repugnantē legi mentis meæ, & ca. ad Rom. 7. ptiliantem me in lege peccati. Et rursus: Non habitat in me, hoc est, in carne mea bonū. Propter quod & clamat: Infelix ego homo, quis me liberabit de corpore mortis huius? Et de eadē Iohannes apertè: Omne (inquit) quod est in mundo, aut est cōcupiscèntia carnis, aut concupiscèntia oculorum, aut superbia vitæ: quæ non est ex patre, sed ex mundo. Vnde meritò August. inquit: ergo malū aliquid est concupiscèntia. Quicquid enim Deus fecit bonum est: & quicquid sine ipso factum est, malum & nihil est. Hęc itaq; concupiscèntia totū quidem occupat corpus, totā sensibile partem nostram vitiat: sed præcipuè ac maxime eam partem & organa, per quæ cōsummat generatio: in illis rebellio maior est, ut apertè ostenderetur ipsa generatione etiam traduci malum

hoc & inordinationem: quæ adeo præualeat, Deo ita ordinante, ut
 quanquam in baptizatis peccatum non sit, nec illos reos teneat
 (ut de baptismo loquentes superius diximus) operetur tamen &
 maneat ad exercitium quidem bonorum qui ei resistunt, & certe
 ad condemnationem illorum qui consentiunt. Vnde etiam Pau-
 lus iam iustificatus & gratia apostolica donatus, clamat: Ego ipse
 mente serui legi Dei, carne autem legi peccati. Et rursus: Ego
 carnalis sum: venundatus sub peccato. Quod enim operor, non in-
 telligo &c. Igitur sine hac concupiscentia, siue verecundando &
 turpi motu, à ratione videlicet exorbitante, matrimonialis actus
 post peccatū nō fit. Vnde vera & catholica doctrina (quam Aug-
 illis locis defendit) distinguit id, quod in nuptijs ex earum natura
 est, generationem videlicet, quæ & ante peccatū fuisset: & id quod
 postea ex peccato illi accessit, scilicet concupiscentiam. Primum est
 à Deo, & bonum, propter quod & nuptiæ ipsæ simpliciter bonæ
 sunt. Aliud verò, inordinatio scilicet, à peccato. Sicut (inquit ille)
 in ipso adulterio distinguendum est bonum naturæ à malo cul-
 pæ. Quodd enim nascatur homo ex adulterio, nō est peccati adul-
 terij, sed naturæ bonæ: cuius bonum nec ipso peccato aufertur.
 Ita in matrimoniali coniunctione & genita prole, à natura est
 quod generetur homo: ab inordinata verò concupiscentia (se-
 cundum quam generant & generantur filij huius sæculi, & non
 secundum quod renati sunt) est peccatum originale. Cum igitur
 sine inordinata libidine matrimonialis actus non peragatur: me-
 ritò inter hæc duo extrema catholica doctrina incedens, inquit,
 qua ratione ipse matrimonialis actus (qui tamen sine mala, con-
 cupiscentia non fit) malus non sit; Hæc enim fuit b. Augustino
 causa querendi bona excusantia matrimonium.

à ca. 10. ad
 16.

Tria sunt
 bona Matri-
 monij: Fi-
 des, Proles
 & Sacramē-
 tum.

Augustinus itaque lib. 1. de nup. & concup. tria bona matrimonij
 ex scriptura obseruat: fidem, prolem, & sacramentum. Fidem (in-
 quit) quam sibi debent coniuges: qua fit, ut neuter alienum admit-
 tere possit, & sibijnuicem ad generationem ac ad infirmitatem
 excipiendam seruire tenentur. De hac fide etiam Christus Domi-
 nus & Paulus loquuntur: Christus quidē in euāgelio adulteriū im-
 probat, confirmans præceptū: non mœchaberis: Qui viderit mu-
 lierem ad concupiscendum &c. Paulus verò: Mulier, inquit, nō ha-
 bet potestatem sui corporis &c. Fides itaq; est, quia nullum adul-
 terium. Prolem verò bonum matrimonij vocat, quia solum illius
 causa

causa contrahere & uti matrimonio debent: ob quam etiam so-
lam coniunctio maris & femina est ordinata à natura. Quod
Paulus insinuat, dum ait: Volo iuniores (de viduis loquens) nu-
bere, filios procreare, matres familias esse. Igitur proles in intentio-
ne bonum est matrimonij, quod libidinem inordinatam cohibet.
Sacramentum demum ait bonum esse matrimonij, quia separari
non potest, iuxta ea quæ superius satis ostensa sunt. Hæc itaq; tria
ita distinguere possumus, ut singulis suum tribuamus locum: ut
proles sit bonum naturæ animalis, conseruatio scilicet speciei, cu-
ius cura in cæteris etiam animantibus est. Fides verò bonum rati-
onalis naturæ, & quidem maximum: cum fides (ut pulchrè lib. Capite 4.
de bono coniugali Augustin. inquit) in rebus etiam corporeis &
abiectis magnum sit animi bonum, & ideo etiam salutis ipsi, atque
vitæ corporali præponenda. Et si enim (inquit ille) exigua palea
præ multo auro penè res nulla est, tamen fides in palea etiam ser-
uata, non ideo minus bonum est, quàm in auro. Solum itaque fi-
des mala est, quando ad peccandum adhibetur: quare nunc nec
fides est. Sacramentum autem bonum est supra naturam ipsam
rationalem: Christianæ scilicet religionis: quod videlicet ex sig-
nificatione vnionis Christi & ecclesiæ sanctitatem tribuit & gra-
tiam matrimonio, ut supra diximus. Quare non solum sacramen-
tum essentialius est matrimonio cæteris bonis, ut Magister senten-
inquit, & aperta ratio probat (nam nec adulterium, nec sterilitas
nullum efficiunt matrimonium: cum tamen vel solus defectus
sacramenti & indissolubilitatis faciat, ut non sit verum coniugi-
um) sed etiam excellentius cæteris bonis matrimonij: post quod
fides: & vltimò proles: quanquam (ut b. Thom. eo loco inquit)
fides & proles in intentione essentialia sint: primò quidem pro-
les, deinde fides.

q. 1. art. 3.

38. in 1.

Tria hæc bo-
na excusant
matrimonij
actum.B. Tho. q. 2.
trib. ar. d. 3 r.

Hæc itaque tria bona dicuntur merito excusare matrimonij
contractum & vsum: non quidem sicut excusatur actus per se
malus propter ignorantiam aut infirmitatem, quæ est magis ex-
cusatio operantis: sed excusatur quod alioqui peccatum esset, ni-
si bona hæc coniuncta haberet: quæ cum habet, est actus bonus
& laudabilis. Cum enim (ut à principio diximus) à natura sit hic
actus, non potest vniuersaliter malus esse: ut tamen sit bonus, ne-
cesse est ut & in materiam conuenientem, & ob debitum finem
exerceatur. Materia quidem conueniens actui generationis con-

Iuges sunt, qui sibi inuicem fidem debent ex legitimo contractu & consensu: cum satis superius probatum sit, à natura esse vnus viri cum vna muliere coniunctionem. Finis verò is est, ad quem à natura ordinatur: proles scilicet. Hæc itaq; duo matrimonialem actum bonum moraliter efficiunt: modò non desint etiam aliæ circumstantiæ omni actui bono necessariæ: vt scilicet loco, & tempori cōueniat, & modus etiam non desit. Propriè tamen actus matrimonij bona sunt fides & proles. Sacramentum iam addit quidem etiam sanctitatem: sed requirit prius mortalem bonitatem in actu. Nunq̃ enim significatio illa vnionis Christi & ecclesiæ sanctū efficit matrimonij actum sola, nisi adsit fides vel proles.

Capite 22.

Hæc bona docet Augustinus suprà dicto lib. de nupt. & concu. & de bono coniugali, non defuisse matrimonio illi inter beatam virginem & Ioseph, quod meritò cæteris præponendum est, & in exemplar omnibus huius status statuendum. Quare & illud verum matrimonium fuisse, confirmat ipsa doctrina euangelica, quæ Ioseph virum Mariæ, & Mariam coniugem Ioseph nominat, ipsumq; patrem Christi, non solum communi illa hominum æstimatione, sed etiam iure hoc legitimi coniugij. Fuit itaque in eo fides, quia nullum adulterium: sacramentum, quia nulla dissolutio: non tamen vsus aut propositum eius: atque ideo nec intentio aut generandæ aut nutriendæ prolis: quæ tamen ex diuino illo & summo miraculo non defuit: nō quidem vt fructus illius matrimonij, qui sine aliquo malo concupiscentiæ generari non poterat: sed datus à Deo tantæ illorum coniugum fidei & sanctitati. Vnde ille meritò infert verum matrimonium esse, & integrum quidem atq; perfectum, vbi amborum est perpetuæ continentiæ propositum: imò tanto (inquit) melius, quanto sanctius. Integrum (inquit b. Thom.) atque perfectum perfectione essentiali, quanq̃ non perfectione actus proprii. Ex his itaq; sanam & catholicam doctrinam collige. Quòd videlicet vsus matrimonij, id est, coniunctio coniugum, qui fide data legitime sibi inuicem suorum corporum potestatem fecerunt, atq; ita sibi inuicem sunt obstricti, intentione prolis generandæ (quæ regeneretur Christo) conuenientium, cum cæteris mortalium actuum circumstantijs bonus est & sanctus, quam non sine malo, non quidem culpæ, sed pœnæ, hoc est, inordinatæ illius concupiscentiæ, de qua diximus. Sed hoc malo vtuntur benè boni, sicut è contrario mali etiam bonis malè vtuntur.

Sunt

De nupt. &
concu. c. 10.
& de bono
coniug. ca. 3.

Sunt itaque & bona & mala, sunt boni & mali: hi & bonis male vtuntur, diuitijs scilicet, sanitate, & ceteris: & malis quoq; per impatientiam diuina flagella non sustinentes. Illi verò & bonis & malis bene vtuntur: per bona in Deum tendentes, & malis humiliter se submittentibus. Inter hæc igitur concupiscentia est, qua bene vtuntur continentibus quidem, qui eam reprimunt, & conuertunt in exercitium virtutis: & coniugati etiam relaxantes eam, sub honestis tamen & debitis limitibus: prolis scilicet intentione, & fidei vinculo. Hæc quidem in genere de bonis matrimonij, & eorum necessitate sunt dicta, ex doctrina certè Augusti. Inueniuntur nonnunquam sententiæ quorundam patrum paulò duriores in matrimonium: maxime b. Hieronymi in libris contra Iouinianum, et alij, quæ de matrimonio & virginitate scripsit: sicut est illa: Si bonum est homini mulierem non tangere, ergo malum est tangere: & huiusmodi alia. Sed hæc dicta b. Augustinus diligenter ad medium reduxit, hoc intendens in lib. de bono coniugali, & de s. virgini. vt scilicet ita virginitatem laudaret contra Iouinianum: vt matrimonium non reprehenderet. Sunt enim duo hi extremi errores, vt ibi ille declarat. Et in hunc sensum sunt verba illa Hieronymi, et aliorum patrum exponenda: qualia sunt, malum, incommodum molestū, deniq; & pœnā esse mulieris vsum qualis nunc est. Et hunc esse eorum sensum, satis patet attentè legenti.

LECTIO DECIMA SEXTA.

De contractu & vsu matrimonij, intentione, & peccatis circa hæc.



X quibus iam in speciali de contractu matrimonij, & de actu sequentia, quæ ex dictis inferuntur, sunt breuiter notanda.

Primum, Quod ad matrimonij cōtractum atti-

DE PECCATIS IN CONTRACTU

De intentione contrahentium matrimonium.

attinet, non est dubium intentionem contrariam bonis istis matrimonij peccatum esse & graue sacrilegium: sed & matrimonium ipsum nullum efficitur ex tali intentione: non minus, quam si in pactum deduceretur: quod suprà dictum est. Itaq; (vt August. inquit) qui prolis etiam causa cum aliqua contrahit, sed intentione eam, cum meliorem inuenerit, dimittendi: non contrahit matrimonium: quia contra sacramenti indissolubilitatem agit: & iam (inquit Aug.) adulter est: non cum altera quam cogitat ducere, sed cum illa quam iam habet, quæ non est eius. Similiter si solius delectationis causa, intentione vitandæ prolis, aut non seruandi fidem. Hæc sunt grauissima peccata, & prima quidem in ipsum contractum matrimonij. Cæterum (vt ex his quæ proximè diximus, patet) si intentio desit actus matrimonialis, vt in his qui perpetuò continere volunt, non est contra bonum prolis, sed est bonum aliud maius & superius prole: quare & matrimonium sanctius (sicut beatæ virginis) fide obsequiorum inuicem præstandorum à coniugibus, & naturali societate vtriusque sexus, atque indiuisibilitate constans: vt August. inquit lib. de bono coniugali, & aliis locis frequenter.

Capite 3.

De contractu matrimonij ob voluptatem.

Secundum. Præposteram tamen & inordinatam horum bonorum, aut aliorum quæ matrimonio annexa sunt, intentionem constat peccatum esse, non tamen mortale, sed veniale tantum. Primò enim, si prius delectatio quærat, & propter hanc contrahatur matrimonium, non tamen propterea aliquid contra generationem intendendo vel agendo, veniale est, sicut & intentio omnium quæ ad hanc pertinent: puta pulchritudinis, amoris carnalis, etiam si his addatur prætextus vitandi fornicationem. Nam apud Augustinum (qui efficaci certè ratione hoc conuincit) contractus matrimonij solum absque vilo peccato fit, cum causa generationis sit: de contractu loquimur, qui fit non intentione continentis, de qua proximè diximus, sed cum proposito vtendi matrimonio. Hic igitur contractus, sicut & vsus ipse matrimonij delectationis causa, peccatum veniale semper est apud August. Vbi, quoniam multis æquo durius hoc videtur, nonnullis etiam falsum: est diligenter considerandum. Quamuis enim non de mortali, sed veniali peccato quæstio sit: non tamen ob id paruipendenda est, sicut nec negligenda, maxime in doctrina sanctitatis matrimonialis status. Igitur qui vitandæ fornicationis causa

De vsu matrimonij ob solam fornicationem vitandam.

aut

aut contrahit matrimonium, aut vitur contracto: timens videlicet, conficius infirmitatis suæ, in continentiam, ne in alia grauiora peccata labatur: multis non videtur vlla ratione peccare, maxime (inquiunt) cum secundarius finis matrimonij à Paulo etiam ostensus, præsertim post peccatum, sit vitatio fornicationis: Vnusquisque (inquit) propter fornicationem suam vxorem habeat. Sed lib. de bono hujc obstat Augustini ratio. Cum enim coniugium ex bonis illis sit, coniu, ca. 9. quæ propter aliud, non propter se expetenda sunt: à natura videlicet ordinatum ad conseruationem duntaxat speciei, quæ generatione fit (non est enim matrimonium sicut vita aut sapientia, quæ propter se amantur: sed sicut doctrina & cibus, quæ propter illa) vt verò re à natura ad aliquem finem instituta, non propter quod à natura instituta est, peccatum est (inquit Augustinus) quia manifesta abusio. Igitur matrimonio, vltra generationis necessitatem & præter illam vt ob quamcunque aliam causam, peccatum est: hoc verò peccatum non quidem mortale, sed veniale est: quod (inquit Augustinus) Paulus secundum veniam concedit. Sic enim illum locum intelligit: Hoc autem dico secundum indulgentiam, non secundum imperium: vbi Augustinus, veniam, habet pro indulgentiam. Vnde ille ait, peccatum esse illud cui venia conceditur. At verò contrahere matrimonium peccatum non est: nam eo loco ait ipse Paulus: Si acceperis vxorem, non peccasti: & si nupserit virgo, non peccat. Igitur (inquit ille) secundum veniam concedit, propter vitandam fornicationem contrahere: cum scilicet concupiscentiæ libidinis & delectationi cõsentitur, sed in matrimonio. Itaque propter fornicationem vitandam contrahere, quod ex Paulo citabatur, finis est matrimonij, sed venialis: quod (inquit Augustinus) non est nuptiarum malum, sed propter nuptias accipit veniam. Cui rationi quid respondeatur non videmus. Qui ob delectationem comedit, peccat venialiter, vt minimum: aliud quærens in cibo, quam ad quod datus est: excedit igitur & rectæ rationis limitem transgreditur. Ita de matrimonio & vsu: atque eodem modo de cæteris omnibus alijs finibus matrimonij dicendum est. Vt si vel propter diuitias, vel amicitias affinitatis, aut alias causas contrahatur: si præponantur ista proli & cæteris bonis, inordinatio est. Si tamen hæc non nihil moueant, sicut pulchritudo & reliqua omnia, ita vt non contrahendi omnino causa sint: sed tantum hoc agant, vt potius

DE PECCATIS IN CONTRACTV

Nota distinctionem cautionem cau- cum hac quàm cum illa contrahatur : nullum peccatum est. Nec
 lã contra- enim in Iacob reprehenditur quòd prætulerit Raphaëlem Lix.
 hendi. Ducendæ vxoris causâ venerat, idque sanctè, ob generationem
 & diuinam promissionē: interim tamen præferebat pulchriorem.
 Hæc itaque propria peccata sunt contrahentium matrimonia.

Sunt verò nonnulla alia, quæ ex præcedentibus constare pos-
 sunt. Colligit illa perspicuè Caietanus in summula, & ad septem
 capita reducit, quæ certè expedit cognita esse ijs, quibus incumbit
 simpliciores docere de ratione contrahendi matrimonium : quæ
 tamen nos possumus breuius ad tria tantum contrahere. Peccat-
 tur enim in contrahendo matrimonium primò, si contra impe-
 dimenta contrahatur, quæcunque illa sint, siue impediencia tan-
 tum, siue dirimentia. Quantum tamen & quomodo peccetur,
 dictum est. Secundo, ex intentione aut mala, aut contraria bo-
 nis matrimonij, aut peruersa & inordinata : de quibus quoque
 omnibus iam dictum est. Et hæc sunt peccata propriè in ipsum
 matrimonium. Peccatur denique tertio, sicut in alijs sacramen-
 tis, si indignus se eis ingerat : vt si excommunicatus, vel in pec-
 cato mortali contrahat. Requirit enim hoc cuiuslibet sacramenti
 sumptio (vt suprà dictum est) vt sanctum à sanctis & sanctè su-
 matur.

Tribus mo-
 dis peccant
 cōtrahentes
 matrimo-
 n. Primus,
 Secundus.

Tertius.

Iam de vsu ipso & actu matrimonij quid sentiendum sit, ex his
 quæ diximus de contractu, magna ex parte intelligi potest. Quia
 1. Corint. 7. tamen hic locus necessarius est, his præcipuè qui populum instru-
 unt, de eo agendum est : quem & Paulus ipse disertè tractauit :
 Vxori (inquit) vir debitum reddat, & vxor viro. Vir sui cor-
 poris potestatem non habet, sed mulier : & mulier sui corporis
 potestatem non habet, sed vir. Nolite fraudare inuicem, nisi for-
 tē ex consensu ad tempus, vt orationi vacetis : & iterum reuertiti-
 mini in id ipsum : ne tētet vos satanas propter incontinentiam
 vestram. Vbi notandum meritò est, quòd tantus Apostolus, qui
 raptus est etiam vsque ad tertium cælum, non dedignatus fuerit
 ad hæc descendere, quæ non solum hoc loco, sed alijs etiam locis
 docet. Itaque hoc exemplo ecclesiasticos doctores satis admonet,
 non esse hæc omitenda, sed publicè in doctrina populi, & priuati-
 tim in iudicio confessionis diligenter tradenda ijs qui in hoc con-
 stituti sunt statu, necessario sanè Ecclesiæ, atque ideo meritò ho-
 norando in ea, & diligenter curando ; vt scilicet sanctè custodia-

tur.

tur. Est enim primus fons & origo propagationis pietatis Christianæ: qui, vt sanctè custoditus plurimum prodest: ita si secus quàm oportet seruetur, obest etiam non parum. De hoc igitur (vt in specialj dicamus) Caietanus in summula hoc loco quatuordecim capita colligit, ex quibus circa vsum matrimonij peccatur aut mortaliter, aut certè venialiter: de quibus ille satis perspicuè & modelè, vitæ extremis, locutus est. Posset itaque sufficere, si ad eum studiosos mitteremus: sed ne vel hoc delit isto loco, quo cetera (quantum necessaria putauimus) tradita sunt: dicamus etiam de hac re breuiter.

Illud igitur debet esse huius rei principium. Quòd actus matrimonij, vt sanctus sit & licitus omnino, non solum conuenientem materiam, sed etiam finem & ceteras circumstantias conuenientes requirit. Materiam itaque in matrimonij actu licitam & conuenientem constat esse propriam vxorem respectu viri: & proprium virum respectu vxoris. Licet enim vtrique alterius corpore vti, quod suum est, iuxta verbum Apostoli Pauli: modò fiat cum circumstantiis debitis, ob quarum defectum nascitur proculdubio peccatum. Sicut distributio elemosynar, & ipsa oratio, & quicunque, quantumvis ex se sanctissimus actus, peccatum est, quando non habet debitas circumstantias. De his igitur nunc dicendum est.

Quia igitur prima circumstantia actuum finis est: hæc primò est consideranda: atq; ita Caiet. supradictò loco hoc ponit primum ca Quo fine putide quo (quod ex supradictis sequitur) statuamus vt certū, Solo vtendum fine & intentione generationis, vt reddendi debitum, licitum esse matrimonium. Probauimus superius, & quidem sufficenter ex August. solū generationis causa licitè contrahi matrimonium. Ex quo etiam probatur & vsum eius ob eam causam esse licitū. Sed quia post contractū matrimonij est vterq; alteri obligatus: & præcipit Paulus: Nolite fraudare inuicem: etiam hic finis sufficiens est vt actus sit bonus: cum scilicet solū vt satisfiat conforti, matrimonio aliquis coniugatorū vtitur. Itaq; relinquuntur hi duo fines post contractum matrimoniū, ad quos vsum eius ordinatur. Qui verò re in aliquem finem ordinata vtitur extra limites eius, abutitur certè (vt Augustinus inquit) & peccat. Igitur si delectationis causa fiat vsum matrimonij, peccatum est. Quantum verò sit, mortale, an veniale: disputatur quidem, & fortasse æquo

DE PECCATIS IN CONTRACTV

serupulofius, à nonnullis. Nobis videtur fatis eſſe debere, quòd b. Thom. diſt. 37. q. 2. art. 3. 4. ſentēt. docuit, ex Auguſtini etiam ſententia, veniale tantum peccatum eſſe, quapdo delectatio intra limites matrimonij quæritur, hoc eſt, cum ex propria, & non ex aliena. Legitur nonnunquam ardentiorē proprix vxoris amorem adulterio conſerri: & alij iudicant cogitandum eſſe quàm vehementem ſit amor: alij, an pti delectationem quærit, paratus ſit etiam extra matrimonium illam quærare: Sed nos putamus non eſſe vltius inquietandos coniugatorum animos: exhortandi ſunt ad meliora, vt ad hoc tandem anhelent, vt ſola generationis cauſa conueniant: alia indulgenda ſunt tanquam venia digna, vt ex Paulo Auguſt. intellexit. Cæterum de alijs finibus minus propriis & magis honeſtis non eſt omnino tacendum. Ob vitandam igitur fornicationem in ſe quidem, aut ob alia maiora peccata vitata matrimonio vti extra generationis finem, veniale etiam eſſe peccatum conuincitur ſupradicta ratione: quia videlicet qui id agit, vtitur re præter naturæ ordinem. Sed tamen tanto magis huic indulgendum, quanto honeſtiorē habet prætextum. Cauſa verò ſi n ratis & valetudinis minus eſt honeſta, quàm vitatio fornicationis: ſed tamen etiam huic indulgendum eſt magis, quàm cum ſola delectatio quæritur. Denique ita de cæteris omnibus finibus dicendum eſt. Semper peccatum cum aliud quæritur quàm naturalis finis: nunquam tamen mortale, niſi finis ipſe in ſe mortalis ſit. Obſeruandum tamen eſt quòd in redditione debiti (qui & ipſe eſt ſanctus matrimonij finis) continetur quoque, quando condeſcenditur infirmitati alterius, vel timetur eius lapſus. Hæc enim omnia ſancta ſunt, & pertinet ad debitum matrimoniale. De ſine quidem hæc ſint dicta.

De modo
actus coniu-
galis.

1. Theſſa. 4.

Finem ſequitur modus: qui eſt etiam circumſtantia neceſſaria humanorum actuum. Secundum itaque caput, vnde peccatur in vſu matrimonij, eſt, cum modus naturalis non ſeruatur. Ad quod vſque docendum Paulus etiam ſe demifit, coniugatos inſtruens. Hæc eſt (ait) voluntas Dei, ſanctificatio veſtra, vt ſciat vnusquisque vas ſuum poſſidere in ſanctificatione, non in paſſione deſiderij, ſicut gentes quæ ignorāt Deum. Et deinde ſubiungit. Non enim vocauit vos Deus in immunditiam, ſed in ſanctificationem. Itaque qui hæc ſpernit, non hominem ſpernit, ſed Deum. Includit verò hoc caput multa, ſicut multi etiā ſunt minus natura-

les modi, quos corrupta libido adinuenit: de quibus tamen satis sit hoc dixisse: Quoties modus talis est, vt generatio sequi nō possit, grauiissimum peccatum mortale esse. Vbi etiam ille includitur, quem Paulus vitium gentium inter cætera nominat: Fœminæ (inquiens) eorum mutauerunt naturalem vsū, in eum vsū qui est contra naturam. Non est opus multa de his dicere: quacunque ratione modus contrarius sit generationi, quocunque modo delectatio illa quærat̃ur & consummetur, sic vt ex illo modo generatio sequi non possit: grauiissimum est vitium contra naturam, de quo August. lib. de bono coniugali inquit. Turpior est vxor si in se, quàm si in alia ea fieri permiserit. Cæterum modi alij quibus non impeditur generatio, etsi sint excessus, atque idè peccata, inter illa tamen quæ per matrimonium veniam consequuntur, computanda sunt.

Roma. 1.

De loco &

Sequuntur circumstantiæ loci & temporis, ex quibus fit sæpe tempore vt illicitus sit actus matrimonij. In loco enim sacro non dubium vtendi matrimonio. est esse peccatum mortale & sacrilegiū. Locus etiam publicus, vt potè contra honestatem naturalem, illicitū facit actum matrimonij: sed de hoc non est opus, quare id peccatum sit, dicere: quod ab ipsa abhorreat humana ratio: propter quod etiam Cynici philosophi, canini scilicet, appellati sunt. Tempora etiā sacra à Deo & ecclesia deputata ieiunijs & orationibus, reddunt etiam illicitū matrimonij actum: nec tamen ob id mortaliter peccari putant grauiores doctores: nec expedit circa hæc nimium restringere coniuges: nec tamen etiam hæc contemnenda sunt. Admonet seriò Paulus, ad tempus vacandum orationi: ne tentet (inquit) vos fatanas propter incontinentiam vestram. Et Petrus docet coniuges sic se habere, vt nō impediatur (inquit) orationes vestræ. Nullam itaq; habere differentiam temporum, & maximè cum accedendum est ad sacram communionem: est omnino reprehendendum, idq; duplici potissimum nomine: & quòd periculum inde sequatur incidendi in grauiiores tentationes diaboli: & quòd hoc in se inordinatum sit. Nec tamen iudicandum est mortale (inquit b. Thom.) etiam exigere debitum: nam reddere in his adèd non est peccatum, vt potius contrariū peccatū sit: de quo inferius quoque paucis dicemus.

2. Petri 3.

De periculo

Sunt etiam præter hæc & alia, propter quæ in matrimoniali abortus vel vsu peccatum committitur, Primum, Propter periculum graue & morbi ex a-

TTT. 3

proba-ctu cōiugali.

DE PECCATIS IN CONTRACTV

Lib. de bo-
no coniug.
ca. 6.

De acceden-
te ad men-
struatam.
32. dist. 4.
Ca. 18.

Ca. 22.

De coniug.
lepro. c.
quoniam.

De actu ma-
trimo. ante
benedictio-
nē ecclesiæ.

probabile abortus, aut infirmitatis vel prolis, vel ipsorum coniugium. Circa quæ multa in quæstionē veniunt. Sed primo. ad prægnantem accedere nō dubium est peccatū esse: quod b. Hierony. vt naturæ contrariū reprehendit: & August. inter nimios excelsus cōputat. Sunt (inquit) adeo incontinentes, vt coniugibus nec grauius parcant. Verū extra periculum prolis non iudicatur mortale. Deinde de accedente ad menstruatam, nonnullum dubium est, quod b. Thom. non audet mortale dicere: quanquā fateatur & proli, & cōiugibus inde nonnullum imminere periculū. Nos putamus in hoc non facile esse indulgendum. In scriptura sacra hoc inter grauius peccata recensetur: ita Ezechiele propheta dicente. Homo qui ad mulierem menstruatam non accesserit, & uxorem proximi sui non violauerit &c. Vbi vides iuxta peccatum adulterij hoc recenseri. Et rursum alibi similiter, turpitudinem menstruatæ reuelare, inter grauius ponit. Quæ sanē videntur hoc peccatum plurius facere, quā vt inter venialia computandum sit. Tertiō deniq; circa hoc caput de leproso, aut eo qui cum periculo lepræ aut infirmitatis alterius matrimonio vtitur, dubiū mouetur. Vbi etsi canon iudicet teneri cōiugem leproso reddere debitum: credit tamen b. Th. id esse accipiendum, cum sine periculo infectionis fieri potest: quare etiam in gem habitationem cum coniuge leproso non præcipiunt iura: quod in ea sit probabilius infectionis periculum. Igitur de vsu ipso magis videtur esse quæstio facti. Nam cum probabili periculo infectionis nec licite exigitur, nec certē reddere tenetur exactus: nec tamen reddendo peccare creditur: maxime quando alterius infirmitati condescendens id facit: alioqui in his casibus periculi & infirmitatis mortale est peccatū ex suo genere, si probabile periculum & grauis infirmitas timeatur.

Quintum similiter caput, vnde sit illicitus actus matrimonialis, est: si ante debitam solennitatem & benedictionem ecclesiæ fiat. Igitur si occultē cōtractum sit & sine legitimis probationibus: sicut ipse contractus mortale peccatum est, naturæ repugnans matrimonio: ita vsus eius mortalis est. Cæterū ante benedictiones ecclesiæ vel cōsummatio, vel vti cōsummatio, nō est cur mortale peccatū iudicetur, quāquā christiana modestia, vt id obseruet requirit.

Vltimō tandē est aliud adhuc caput, vnde illicitus etiā sit vsus cōiugij, & maxime petitiō debiti: ex eo scilicet, quod amissum sit ius petendi. Vbi primō de voto castitatis dicendū: Certū est enim, quod, si post votū castitatis quis cōtrahat (post votū, inquā, quan-

tuncunq; simplex: nā de solēni alia est ratio) vltra hoc quod mortaliter peccat, vt supradictū est: tenetur non exigere debitū: quia tenetur quod promisit, quantū in se est, bona fide seruare: tenetur tamē reddere exigenti coniugi, atq; eius infirmitati condescendere: nec enim eius voto alter est obligatus. Quādo verò post contractū matrimoniū vnus sine alterius consensu castitatē vouet: etsi multis videatur obligari eum, quantū in ipso est, seruare: atq; ita non exigere: nobis tamen placet magis sententia beati Tho: qui hoc loco putat irritū esse tale votū, quod in praiudiciū alterius factū est. Fieret enim hac ratione onerosum & difficile matrimonium: & si Paulus iubet: Nolite fraudare inuicem, nisi ex consensu: multo iustius videtur posse dici: nolite promittere. Si enim vota vxoris de alijs reb. rata non sunt, nisi viro consentiente: multo minus de castitate: nec de muliere video dubitari posse. Ex quo sequitur, quod nec de viro. Nā etsi in alijs rebus non sunt æquales, in hac tamen vna æquales sunt, Paulo dicente: Mulier sui corporis potestatem nō habet, sed vir: similiter & vir sui corporis potestatem non habet &c. Quod si hæc non sufficiunt, satis esse debet, quod dispensari facile per ecclesiā possit, cum indiscretum sit hoc votū, & periculosum vtriq; coniugū. Secundō etiā iuxta hoc caput, de adulterio dictum est. Cum enim propter illud adulter dimitti possit ab altero, consequens est, quod iam ius exigendi amiserit. Nec enim ei fides seruanda est, qui fidē alteri nō seruauit. Verū Caietanus prudēter considerat, quod pœna adulteri sit ab altero infligenda: quo fit, vt non peccet qui adulter est, siue sciente, siue ignorante altero coniuge debitum petens: nec tamen tenetur alter reddere. An verò debeat nō reddere: & quid teneatur agere, siue vir siue mulier innocens, ad corrigendum adulterum: quando de adulterio diximus superius, explicatum est.

Hæc igitur circa vsum matrimoniij sufficere possunt: in quibus & illa impedimēta (quæ Caieta. diximus numerasse) continētur. Omisimus verò de industria quædā magis specialia, quæ facile legi possunt. Verū quia circa hæc omnia alia est ratio exigentis, alia reddentis: hoc nunc breuiter est notandū, quod, quādo venialiter tantum peccat exigens, non est dubium teneri alterum ad reddendum. Si verò mortaliter peccet qui exigit: dubium videri posset. Et quidem, quando mortale tantum est ex parte exigentis (quia videlicet ille castitatis voto est astrictus) non dubium est, obligari alterum ad reddendū, ne videlicet inde in grauiora laba-

dist. 32. q. 2.
ar. 4. ad 3.

An adulter
petere possit
debitum
coniugale.

Quomodo;
& quando;
petenti de-
bitum nega-
re liceat,
oponatur,
aut non.

DE GRADIBVS ET LAUDE

tur peccata. At verò quando ex natura sua ipse actus peccatum mortale est: vt in loco sacro, vel cū periculo abortus, vel ex modo innaturali: vtrinq; mortale est, & in exigente, & in reddente. Ceterum quando alter liber est à debito reddendi vel ob adulterium, vel ob lepram & infirmitatem: vtrumq; illi permissum est, vt & nō reddat si nolit, & vt reddere possit, si condescendere velit infirmitati alterius: quanquam de probabili periculo grauioris infirmitatis dubiū meritò esse possit, iuxta ea quæ proximè diximus: quod tamen magis putamus relinquendum esse conscientiz vniuscuiusq;: sicut & multa alia circa hunc articulū: de quo hæc sufficiat.

LECTIO XVII.

De vera & propria matrimonij laude ac bonitate, & eius gradibus, cæterisq; ad omnes alios actus matrimonij pertinentibus.



Quatuor
gradus nu-
ptiarum,

EX omnibus itaq; quæ, postquam cœpimus de bonis matrimonij agere, dicta sunt: satis intelligi potest, quodnam sit verū matrimonij bonum: quæ illius laus vera & secundum sanam doctrinam, quæ est media inter duos illa extrema, Manichæorum, nuptias damnantium: & Pelagianorum, nihil in eis inuenientium vituperabile: & Ioninianorum (inter quos certè possunt & Lutherani, si tamen non grauius quàm illi errant, computari) æquantium nuptias celibatui. Igitur Augst. in libris de bono matrimonij, & de sancta virginitate, & duobus etiā de nupt. & cōcupis. ad Valerium, quatuor gradus sanctitatis in nuptijs distinguit: in quibus dilucidè certè explicatur, quicquid ad hanc

hanc doctrinam sanè intelligendam necessarium est. Primus gradus & summus atq; perfectissimus est nuptiarum, vt institutz erant ante peccatum. De quarum actu & fructu, quamvis diuersa sentiri possint, vt ipse Aug. in principio libri de bono coniugali, & super Genesim ad literam, dicit: illud tamen certum est, in eis nullam inordinatam concupiscentiam, nullam libidinem fuisse futuram: sed mouenda erant membra ex rationis imperio multò certè facilius & foelicius, quàm nunc vel pedes vel manus.

Primus.

Secundus gradus est in nuptijs sanctorum, inter quas primæ sunt beatæ virginis: deinde perfectorum illorum Patriarcharum, Abraham, Isaac & Iacob, & similium: quorum cum tota vita prophetica fuerit: similiter etiam ipsa matrimonia fuerunt prophetica. Hæ itaque sunt nuptiæ, in quibus omnimoda & integra seruetur aut virginitas, aut continentia, sola fide mutuorum obsequiorum, & societate vtriusque sexus, ac sacramento constantes: vel in quib. vsus est matrimonij, nullo voluptatis aut delectationis amore, sed sola generationis, & obsequendi diuinis præceptis, maxime in propagando Dei populo, quando id carnaliter à Deo iubebatur, voluntate & studio, atque desiderio promissionis de saluatore Christo. Primæ fuerunt nuptiæ beatæ virginis, quas imitati sunt etiam nonnulli coniugati: vt Cecilia & Valerianus: sed & de quibusdam alijs in historijs fit mentio: nec dubitandum est fuisse plures alios, & esse quotidie coram Deo huius sanctitatis imitatores. Secundæ sunt nuptiæ illorum, quibus Christus promissus fuit ex ipsorum semine nasciturus: & intentione conseruandi genus illud vnde nasciturus erat, & gentem, in qua Dei cultus & hæc expectatio seruabatur, contractæ. Tales fuerunt Patriarchæ illi, qui ad nuptias (inquit Augustinus) descendebant magis ex altiori perfectione, quàm ascendebant: sicut & nunc faciunt, qui timentes infirmitati suæ, & volentes vitare grauiora etiam peccata, incontinentiam suam matrimonio excipiunt. Illorum igitur patrum nuptias, quanquam generationi essent intetæ, audet Aug. æquare virginitati etiam sanctorum: vt Abraham nuptias virginitati Ioannis Baptiste, & præferre etiam virginitati multorum Christianorum: quos ille putat facilius potuisse omnino abstinere à coniugio, quàm possent sine vlla voluptatis immoderata relaxatione vti matrimonio, prout illi patres vsi sunt: ita enim inquit ille. Patrum illorum continentia & castitas nulla ratione minor

Secundus.

VVVV

dicen-

DE GRADIBVS ET

dicenda est castitate virginum. Cum enim castitas virtus sit: in animo, non in corpore collocanda est: atque ideo tanto maior, non quanto corpus incorruptius & à carnali actu magis alienum: sed quanto animus ab amore voluptatis & libidinis longius distat. Itaque illi multo libentius abstinuissent à coniugio, si tempore evangelicæ gratiæ vixissent (quando laudantur eunuchi propter regnū cælorum) quàm tunc matrimonio vti sunt. Officio seruierunt in matrimonio, animo & desiderio coluerunt calibatum & virginitatē. In hoc gradu nullas nuptias putat Augustinus inueniri posse nunc, in quibus generationi & carnali actui vacetur. Nec enim (inquit ille) post euangelium nisi spiritualis esse potest intentio generationis, nec ullus pietate perfectus querit habere filios, nisi spiritualiter.

Tertius gra. Tertius igitur gradus nuptiarum illarū est, in quibus post promulgatum iam euangelium generationi regenerandorū in Christo seruitur: & ita voluptas cohibetur, vt solum, quantum generationi opus est, relaxetur. Et istæ patriarcharum nuptijs proximè accedunt, nec sunt aliæ mediæ. Sed quod attinet ad perfectionem sanctitatis, longè distant ab illis: quantum distat videlicet desiderium filiorum nunc à ministerio euangelij: & propagatio carnalis ab illa spirituali generatione, quæ per euangelij doctrinam Christo generantur filij: de qua Paulus: In Christo Iesū per euangelij ego vos genui. Denique, quantum desiderium filiorum carnaliū à desiderio aduentus veri Messie & saluatoris. Et nec in istis Augustinus putat multos inueniri. Raros enim experientia ipsa esse testatur in matrimonio, qui non agnoscat, non semper se tenuisse medium. Hæc quidem, quæ de hoc gradu & proximo diximus, secundum communem rationem & humanæ vitæ legem dicta sunt. Ceterum inueniri posset casus etiam nunc, quo non minus spiritualis esset generationis carnalis intentio, quàm Abraham. Quid enim si ad regnum aut magnam partem christiani populi reducendum ad fidem, aut continendum in pace ac iustis sanctisque legibus, matrimonium contrahere & generationi intendere opus esset: maximè si id ita pij omnes iudicarent? Quo casu non dubium, quin à proposito & voto etiam virginitatis sanctè descendere quis non solum posset, sed etiam deberet: ubi iustissima esset dispensatio voti, etiam solemnitis, castitatis.

Quartus gra. Quartus gradus est nuptiarum, quæ delectationis causa tantum
 dus. contra-

contrahuntur: non tamen quidquam agitur contra alia matrimo-
nii bona. Diximus superius August. verum hoc matrimonium iu-
dicare, ubi sola voluptas quaeritur: seruata tamen sibi inuicem fi-
de & perpetua indissolubilitate, nec impedita prole. Nec solum
matrimonium esse, sed & præferendum etiam multis, causa gene-
rationis tantum, sed non cum propria cōuenientibus. Hoc enim
damnabile est, & mortale: illud verò veniale. Tantum enim valet
(vt August. inquit) ordinatio creatoris in rebus concessis, vt me-
lior sit, hoc est, tolerabilior frequens & magnus excessus in dele-
ctatione quaerenda: modò in matrimonio: quam paruus & rarus
extra matrimonium. Nam illud (vt iam diximus) veniale tantum
est: hoc mortale. Quamdiu itaque intra limites matrimonij conti-
netur delectatio, & appetitus eius: non est iniusta, nec contra Dei
ordinationem voluntas. Porro extra hos omnes gradus, & reuera
extra matrimonium est delectationis appetitus, vitata, quantum
in se est, generatione. Si enim hac intentione contrahatur (vt su-
pra diximus) nec matrimonium quidem est: sed ipsa fornicatione
peior: horrendum scilicet vitium contra naturā. Nam & August.
dicit: Non video qualiter coniugium dici possit. Si verò contra-
ctum fuerit pura & integra intentione: quoties tamen hac ratione
eo vititur aut alter coniugum, aut uterq; extra matrimonij limites
egreditur, & (vt iam diximus) mortale peccatum est.

Li. de bono
coniug. c. 5.

Li. de bono
coniug. c. 11

Hæc itaq; nobis sint satis de vsu, bonis, & laude matrimonij.
Circa quæ omnia diligenter curare debent, qui simpliciorum do-
cent populum, scripturæ sacræ, & patrum testimonia ad manum
habere, quibus & reprehendant vitia, & quod modestum est lau-
dent: & ita in hoc dextere versari, vt in neutram partem declinēt.
Cōmendanda semper est his q in matrimonio sunt, honestas, casti-
tas, & proponenda matrimonia sanctorū in exemplū: sicut quod
in matrimonio Tobiz & Annæ scriptura commendat, quod an-
gelus ibi loquitur ad Tobiam: Qui ita matrimonia contrahunt, vt
Deum à se & mente sua expellant; & libidini vacent: in hos dia-
bolus potestatem &c. Et illud Pauli: Vt sciat vnusquisq; vas suum
possidere in sanctificatione & honore, non in passione desiderij,
sicut gentes quæ ignorāt Deum: & cetera huiusmodi, quæ in scri-
ptura non raro de matrimonij ordinatione reperiuntur.

Quomodo
hæc propo-
nenda po-
pulo.

Nec est verò omittendum, multos adhuc alios esse actus ma-
trimonij quasi secundarios. Cū enim cōiunctā habeat matrimonij

indiudiv & perpetuz vite consuetudinem vtriusque sexus, & multa sint officia coniugum in educanda & instituenda prole, in gubernanda & disponenda re familiari atque familia: non dubium est vtrumq; coniugum teneri & secundum legem nature morum, & secundum etiam positiva iura, quædam obsequia & officia præstare alteri. De quibus etiam frequenter in Apostolica doctrina admonentur coniuges: quæ loca ad manum habenda sunt, 1. Pet. 3. & frequenter inculcanda populo. Vt illud s. Petri: Similiter & mulieres subditæ sint viris, quarum non sit extrinsecus capillatura aut circumdatio auri, aut indumenti vestimentorum cultus. Paulus etiam ad Colos. 3. & 1. ad Tim. 2. ac ad Ephe. 5. diligenter instruit, mulieres quidē de obedientia, viros de dilectione syncera, quam illis exhibere debent: Christum viris, ecclesiam mulieribus in exemplum proponens. Cæterum quia peccata circa hæc omnia communia sunt, quæ & in alijs rationibus vite inveniuntur: non est opus de singulis dicere: satis hic sit, de huiusmodi admonuisse, vt non negligantur. Nam quanquam communia sint omnia hæc peccata alijs: habent tamen in matrimonio grauius iudicium, ac reuera grauiora sunt, ac præterea multorum periculorum atque aliorum malorum causæ. Satis itaque de his omnibus dictum sit.

LECTIO XVIII.

De quibusdam consequentibus & adiunctis matrimonio.



Quæ diximus pertinent ad substantiā, & cætera omnia essentialia matrimonio, vt contractus naturalis, & vt Sacramentum est: nec non ad vsum actusq; eius. Sunt autem breuiter pauca explicanda, quæ consequuntur, & coniuncta sunt ipsi matrimonio: vt sunt sponsalia, siue promissio de futuro matrimonio contrahendo: bigamia, & ipsæ secundæ nuptiæ: de quibus nonnulla quæstio est. Ab his igitur duobus ultimis incipiamus.

Secun-

Secundas nuptias licitas esse, & tertias etiam ac quartas, post mariti aut vxoris mortem: Magist. sentent. scripturæ & patrum authoritatibus probat in fine distinctionis 42. & totius huius tractatus de matrimonio. Si autem (inquit Apostolus) mortuus fuerit vir eius, liberata est à lege viri, vt non sit adultera si fuerit cum alio viro. Non dicit de primo vel secundo, sed de viro. Res itaque manifesta est, et confirmata eo loco à Magistro authoritatibus patrum. Illud duntaxat nonnihil dubitationis attulit, quòd antiqua Ecclesia anerfata secundas nuptias, nonnihil illis detraxit. In concilio enim Neocæsariensi prohibentur clerici interesse conuiuijs secundarum nuptiarum: quòd potius (inquit) illis pœnitentia sit iniungenda, qui sic contrahunt. Hinc etiam nec benedicuntur secunde nuptiæ. Sed hæc omnia sana et catholica doctrina eò docere pertinere, nō vt illicitæ iudicentur, sed vt nonnihil intelligantur habere minoris laudis, & nonnihil quoque inordinationis concupiscentiæ: non tamen quòd dicamus vel veniale peccatum esse, secundo contrahere: sed tantum quòd habeat quandam speciem minoris boni, & quidem animi imperfecti, ac in affectu aut carnis, aut mundi magis propensi. Possunt tamen frequenter fieri, etiam laudabiliter: nam & Paulus suadet eas infirmioribus: Volo (inquit) iuniores viduas nubere.

Nec secundæ nuptiæ, nec tertiæ, nec quartæ sunt illicitæ. Roman. 7.

Ex secundis nuptijs sequitur in clericis impedimentum quoddam & quædam irregularitas, ob quam prohibentur ordinari bigami: dicente Paulo & ad Timotheum, & ad Titum: Episcopum, & Diaconum etiam debere esse vnus vxoris virum. De hac ergo Bigamia est proprius titulus in iure, & de ea agunt nostri dist. 27. Vbi primò quæritur, vnde nam hoc impedimentum sit ordinis: cum dixerimus nullum esse peccatum secundas nuptias. In qua re moderni hæretici omnes post Lutherum, miro modo impatientes æstus libidinis, adeò licentiosi sunt, vt 3. & 4. & quoties placuerit, sacerdotibus nuptias permittant, eousque etiam progredientes, vt fere simul plures habere vxores, licere dicant. Sic enim perueniunt loca hæc Pauli, vt vnus vxoris virum vocent eum, qui simul plures non habeat: quasi tunc in Ecclesia alijs licuerit plures habere vxores: quod quàm sit indignum, superius ostendimus. De his ergo omnibus duo notanda sunt. Primum, quòd superius probauimus ex latinorum & græcorum patrum sensu: vnus vxoris virum dici, qui nec simul, nec successiue plures vnquam habu-

Bigamia est impedimentum ordinis. 1. Timot. 3. Ad Titum 1. B. Tho. q. 3.

ad Tim. 5. it. Quod verba ipsa Pauli, nisi peruertantur, aperte significant. Et idem confirmat etiam (ultra ea quæ ibi diximus) quod de viduis ipse Apostolus dicit: Vidua eligatur non minus sexaginta annorum, quæ fuerit vnus viri vxor. Si enim (vt Butzerus inquit) vnus vxoris vir est, qui nunquam simul plures habet: ergo vnus similiter viri vxor erit illa tantum, quæ nunquam habuit simul plures: quo nihil potest manifestius turpe & impium dici: quasi verò aliquando licuerit mulieri plures simul habere viros: quod tu præ ostendimus contra omnem naturam esse. Sed & asserere in primitiua illa ecclesia sub Apostolis post baptismum aliquos plures habuisse vxores licitè (vt etiam supra diximus) error est (quamquam aliquorum catholicorum) contra legem aperte à Christo promulgatam illis locis Matthæi, Marci, & Lucæ, de quibus supra; vbi de adulterio diximus. Non desunt plures ex catholicis, qui putent multis annis etiam ante Christum, vsum illum habendi plures vxores abolitum fuisse inter Iudæos: cum etiam Romanus legibus non videatur fuisse licitus. Non legimus certè post Elcanam, patrem Samuelis, de aliis, quam de regibus, quod plures habuerint vxores: vt notat Pighius. Sed nos putamus hæc tanquam incerta relinquenda esse. Non omnia scripta sunt, etiam de illis, de quibus scriptura loquitur: vt August. probat. Et propterea tenendum est medium: vt, quid ante baptismum Iudæi egerint, nō curemus: sed in Ecclesia semper sentiamus illicitum fuisse vni viro plures simul habere vxores: vt supra diximus. Quod ideo nunc rursus repetimus, vt veram bigamiam illam esse, quam Paulus vocat, & quam hodie decernit ecclesia: aperte probaretur.

Secundum igitur de hoc sit: Bigamiam hanc duplici ratione impedimentum sacrorum ordinum definitam esse à Paulo. Priori, quæ apud patres præcipua est, ex significatione & mysterio sumpta. Habet enim secundum matrimonium, & ita bigamus, imperfectam significationem matrimonij Christi & ecclesiæ. Quoniam enim in hoc vnus tantum sponsus vnus tantum sponsa est: plurimatus non integrè & perfectè representat Christum ecclesiæ sponsum. Et ideo (vt August. inquit) sacerdoti nouæ legis non conuenit plurimum esse matrum: & vna mortua, alteram ducere. Secunda etiam ratio huc accedit, quod speciem habeant alicuius incontinentiæ, secundæ nuptiæ: sicut diximus.

Ex quibus deniq; etiam tertium circa hoc notetur: Bigamiam impe-

impedimentum esse ordinum, ex illo verbo Pauli primò haberi : quod adeo venerati sunt antiqui omnes patres, & tanti fecerunt, vt & Anastasius & Celestinus pontifices, etiam dispensare dixerint esse illicitum : vt habetur titul. de bigamis, in decretalibus. De dispensatione tamen postea agetur. Sed an iuris diuini hoc impedimentum sit, an solum humani : non est facile præcipitanda sententia. Durandus Apostolicam ordinationem, & purè humanam putat. Sed profectò nihil est quo id probari possit : & multo est probabilius, illa quæ in Epistolis suis Apostoli scripserunt, tanquam communem legem eos à Christo accepisse, maximè ubi non explicant aliter. Dicit aliquando Paulus : Præcipio ego, non Dominus : Hic verò nihil horum, sed quasi rem certam, Episcopum dicit oportere esse vnius vxoris virum. Iuris quidem positiui id esse faretur etiam b. Thom. sed non ideo sequitur iuris id esse humani. Itaq; multo certè probabilius est, hanc legem diuinam esse : quanquam fieri possit, vt extensa sit nonnihil ex humana ratione & ordinatione prælatorum Ecclesiarum.

Hæc igitur de ratione irregularitatis quæ est in bigamia : iam etiam quomodo incurritur, notandum est. Primo & manifestissimo modo incurritur bigamia (iuxta verbum Pauli) si quis legitimè duas habeat vxores vel simul, cum licitum erat, vel successiue. Secundo, si quis duas simul illegitimè, vel vnã legitimè, & alteram illegitimè, vt vxores tamen, habeat : cum tamen, etiam si plures habeat concubinas, non efficiatur bigamus : quare etiam in hoc casu, quando alteram illegitimè habet, videbatur nulla esse bigamia : cum verè non sit nisi vna vxor : sed iura meritò ita interpretata sunt. His duobus est etiam tertius modus annexus, quando scilicet mortua prima legitima, secundam illegitimam quidem, sed vt vxorem habet. Quartus est similis etiam proximis, quando post solène votum castitatis de facto matrimonium quis contrahit : quod licet non sit verum matrimoniũ : si tamen bis contrahatur, vel cum vidua, etiam bigamum facit. Quintus modus est quando contrahitur etiam semel tantum matrimoniũ, sed cū vidua aut corrupta. Quod etsi in ecclesia sumptum videatur ex lege, quæ vi grem tantum permittebat sacerdoti ducere, non viduam, vel repudiatam, vel meretricem, accessit tamen etiã ratio. Quæ cum vii caro fiat caro vxoris in matrimonio : & illa in plura diuisit carnem suam : cõsecratur etiam vir suã diuisissè carnem : quãuis ille,

Quibus modis irregularitas bigamiz incurritur.

Primus.

Secundus.

Tertius.

Quartus.

Quintus.

qui

DE IRREGVLARITATE

Sextus.

qui extra matrimonium pluribus cuiuscunque conditionis coniungitur, non censeatur bigamus: quia ex matrimonio hæc bigamia nascitur, in quo vir contrahens mulieri coniungitur, & contrà, mulier viro: & ideo ex corruptione mulieris vir efficitur bigamus, non ex sua. Sextus denique modus est, quando post fornicationem vxoris, maritus siue sciens, siue inscius illi coniungitur. De quibus omnibus, præterquam de primo, non est aperta auctoritas scripturæ: & crediderim in alijs apertiore esse rationem. Nam quæ de contrahente cum vidua, vel cognoscente adulteram dicuntur, videntur ab ipsis Apostolis fuisse profecta: quippe quæ semper reperiuntur in antiqua Ecclesia. In alijs verò magis videntur sequentium pontificum definitiones iusta ratione factæ, in penam tentantium illegitima coniugia. Est etiam & hoc non omitendum, quòd per matrimonium, non secuta copula, non causatur bigamia. Nam vidua relicta antequam cognoscatur, si ducatur ab altero, non efficit illum bigamum. Nec ille quidem, qui mortua vxore, quam non cognouerat, cum secunda contrahit, bigamus est: sicut nec ille, qui prius à se cognitam vxorem ducit. Necessarium est ad bigamiam, vt in plures per carnalem copulam diuiseit carnem, duobus modis iam explicatis.

**In epistolam
ad Titum.**

Nec omitendum, quòd de bigamia inter Hieronymum & Augustinum discrimen fuerit: sed iam consensu Ecclesiæ definitum. Hierony. eum qui ante baptismum duas habuit: vel antè vnā, & alteram post: non putauit propterea non ordinandum: cum baptismus auferat omnia quæ ipsum præcesserunt. Itaq; non putauit aliquem puniendum esse in Ecclesia priuatione ordinis, propter id quod ante baptismum fuit commissum vel factum: vt si etiam cum vidua quis contraxisset. Augusti. aliter sensit. Baptismus enim peccata aufert (inquit ille) non verò rationem Sacramenti mutat, de qua igitur in matrimonio bis contracto. Non enim propter peccatum, sed propter significationis defectum repellitur ab ordine bigamus. Quam sententiam ecclesia tota secuta est. Et hæc sint dicta de ratione qua bigamia contrahitur.

**An cum bigamo
dispensari possit, vt
ordinetur?
Durandus.**

Restat iam, an dispensari possit ab Episcopo vel pontifice cum bigamo, vt ordinetur? Vbi certum est id in ecclesia frequenter fieri: nec credendum est illam errare. Est tamen, nonnulla differentia inter doctores. Quidam enim quia solùm humani iuris hoc impedimentū putant esse, pro libito dicunt dispensare posse pontificem,

pifcem. Sed neutrum certè rationabile est: neq; quòd sit iuris hu-
mani, vt diximus (sed diuini potius) neque quòd si esset, ideo pro
libito posset dispensare pontifex. Patrum & Conciliorum statuta,
ac communes leges ecclesiæ non potest pontifex sine iusta causa
auferre: nec certè vlla in re dispensare potest sine iusta causa: quod
& nomen ipsum dispensationis, & ratio apertè ostendit. Quod
donauit (inquit Paulus) si quid donauit, propter vos in persona
Christi. Valere poterit dispensatio vel apud homines, vel vt verum
ordinem bigamus consequatur, vel vt verus prælatus sit aut pastor
qui ordinatur, vel cui confertur talis titulus: sed in conscientia co-
ram Deo sine iusta causa nec ipse, nec dispensans tutus est. Potest
ergo pontifex dispensare iusta de causa in vtilitatem Ecclesiæ: &
interiores etiam episcopi, quantum de iure vel consuetudine non
est eis inhibitorium: vnde in minoribus tantum dispensant.

2. Corint. 2.

De sponsalibus, à quibus sponsa & sponsi dicuntur, quæ non
aliud sunt, quàm promissio futurarum nuptiarum et matrimonij,
agitur etiam à Magistro sentent. d. 27. vbi multa de illis b. Thom. &
ceteri scholastici scribunt: & plura Iuristæ: de quibus non pau-
ca apud Syluestrum in hoc verbo, Sponsalia. De illis igitur tria
sunt breuiter explicanda: natura scilicet & obligatio eorum, per-
sonæ legitimæ ad ea contrahenda, & dissolutio illorum.

quæst. 2.

Quod ad primum attinet: cum sponsalia non aliud sint, vt di-
ximus, quàm promissio quædam, siue iurata: siue non, siue qua-
cunque alia ratione confirmata: constat quòd obligent ad sui im-
pletionem, etiam in conscientia coram Deo: neque dubium est, peccato ob-
quin mortaliter peccetur in fidei illius violatione, quæ de graui religant.
proculdubio est, & magni momenti. Est enim contractus quidam
consuetus inter homines, & frequenter vtilis ac necessarius. Hinc
enim & in exteriori etiam Ecclesiæ iudicio tanquam res grauis
pensatur: & similiter compelluntur ad hanc fidem obseruandam
qui promiserunt. Nec de hoc aliud putamus esse dicendum. Nam
quòd à nonnullis contractus hic, quia matrimonium præcedit,
quali probatio, quædam eius dicitur, & ita vtilis, vt probatio reli-
gionis: non putamus ad rem magnopere pertinere. Certè ab ho-
minibus hoc inuentum est gratia stabilientiæ alicuius amicitia. Et
quia sub peccato obligat: & ex eo (vt diximus) impedimenta
oriuntur matrimonij, non est consultum facillè hoc sœdus inire,
quod sæpius, & multis de causis dissolui contingit, nec rarò etiam

XXxx

cum

DE SPONSALIBVS.

cum peccato. Fortè olim, cum inter homines constantior & sincerior erat fides, vtilius erat fœdus istud: iam certè rarò. Magis itaque putauerim ab ecclesiâ admitti quidem hunc contractum, què nonnunquam placet hominibus inire: & de illo tradi ab ea leges iuri diuino & rationi humanæ conformes, quàm vt ab ecclesiâ quasi necessarius iudicetur, aut vtilis. Verum est olim hoc vocabulo fuisse vsos patres, vt dicerent prius desponsari futuras vxores: & fortè ante Ecclesiæ benedictiones tunc non fiebat aliud: quòd decretum illud Anacleti superius adductum habet: sed quod nunc ante benedictiones fit, verum est matrimonium, & nō sponso matrimonij futuri. Olim, cum etiam maior esset pudicitiz honestas, iudicabant expectandam esse sponfam & fuspilandam, ne postea contemneretur. Nunc verò propter impudicitiz pericula, & propter impedimenta ac alia incommoda rarò in his vtilitatem reperiri videmus.

**Qui possint
sponsalia
contrahere.**

Ad sponsalia contrahenda solùm legitimi sunt, quī matrimonium postea contrahere possunt. Omnia igitur impedimenta matrimonij, etiam quæ solùm impediunt et non dirimunt: si in sponsalibus adsint, faciunt illa irrita esse. Non enim valet promissio rei, quæ iure prohibetur impleri. In sola ætate est discrimen. Nam cum ad matrimonia contrahenda ætas pubertatis requiratur, quatuordecim annorum in viro, duodecim in muliere: ad sponsalia sufficit ætas in qua incipit vsus rationis, quādo scilicet homo potest ab alijs capere rationem aliquam de prouidētia futurarum rerum. Hæc communiter reputatur ætas septennij tam in viro quàm in fœminâ. Beatus Thomas hoc loco ex Philosopho i. Ethicorum triplicem statum hominis (quod attinet ad vsum rationis) ostendit. Primus, in quo omnino nullus est: quia videlicet nec per se homo potest capere quæ sunt rationis: nec ab alio discere, ante septennium. Secundus est in septennio, vt diximus. Tertius est, qui incipit in fine secundi septennij: decimo quarto scilicet anno, cum per seipsum etiam homo considerare potest, maxime illa quæ pertinent ad seipsum: & sicut tunc potest homo se obligare ad Religionem, ita etiam ad matrimonium.

**Triples status
hominis.**

Nunc de ratione, qua dirimi possunt huiusmodi sponsalia, non est multis agendum. Vniuersalis enim ratio in omni promissione est, eam tunc dissolui, cum aliquid accedit, propter quod incipiat promissio inutilis esse, aut nocua, siue etiam impossibilis:

aut

aut certe, quod si adfuisset quando promissio fiebat, merito impediuisset ne fieret. Soluitur enim promissio consensu eius cui facta est. Hinc igitur aliqui colligunt octo causas, propter quas sponsalia dissoluantur: per ingressum religionis: per contractum de pre-senti cum alia: per recessum alterius ad remotiores partes: per infirmitatem grauem & nimis debilitantem aut deformantem: sicut (inquit b. Thom.) epilepsia & paralytis, aut oculorum priuatio, siue abscissio narium. Per affinitatem superuenientem: vt si sponsus cognoscat consanguineam sponsæ, vel ipsa cognoscatur à consanguineo eius. Sexta causa est propter fornicationem alterius eorum. Tunc enim iure potest alter negare illi qui fornicatus est, fidem. Septimo ex mutuo amorum consensu non est dubium solui sine peccato: cum solum ibi agatur de soluendo promisso. Octauo denique, si etiam defectus ætatis sit, cum ad eam peruentum fuerit, reclamari potest à quolibet eorum. Vnde & promissiones illæ parentum vel tutorum de pueris, non magis sunt validæ, quàm accedente eorum consensu, ab ipsis probentur. Addit his octo Petrus de Palude duas alias: ordinem scilicet sacrum, & longioris temporis lapsum. Addit etiam nonnullas alias Syluester: sed de his satis.

Nonnihil additur etiam inter annexa matrimonij de filijs legitimis & diuortio, vel potius de modo agendi ad diuortium, & testibus: de quibus & Magister sententiarum loquitur dist. 41. vbi etiam b. Thom. & ceteri de his meminerunt. Sed reuera hæc materia exterioris fori materia est, & ad illius iudicium pertinet: vnde de his proprij sunt tituli in decretalibus, qui filij sint legitimi, & de diuortijs, & iterum, qui matrimonium accusare possunt. Interum verò nec hoc omitamus, quòd filij legitimi sunt, qui ex legitimo matrimonio nascuntur. Matrimonium verò legitimum illud est, quod in facie Ecclesiæ contrahitur bona vtriusque fide: cum scilicet nullum putant esse impedimentum. Si enim alterum eorum defuerit, vel quia illi ambo, aut certe alter non ignorat impedimentum: vel clam contrahatur: illegitimi reputabuntur, si postea impedimentum inueniatur. Tantum namque prodest in facie Ecclesiæ & publicè matrimonium contrahere, vt hoc faciat legitimos filios, etiam cum deinceps matrimonium nullum esse ostenditur.

De diuortijs verò hoc duntaxat à nobis dicendum est, quòd, De diuortijs,

XXxx 2 cum

cum ecclesia aliquod impedimentum fuisse agnoscit, dissolvit matrimonia. Ad id verò probandum recipit testes, quos maxime putat id posse agnoscere, & extra suspicionem esse: ut consanguineos, cum agitur de consanguinitate, & nonnunquam etiam extraneos. Et quia in his ecclesia decipi potest & falli, cum pendeat ex probationibus humanis: admittit etiam, quoties de hoc probabiliter dubitatur, in quaestione rursus deduci, ut matrimonium quod semel separauerat, postea probet. Nec enim vult alicui præiudicare. Igitur hæc satis de sacramento matrimonij. Atque ita absolutus est tractatus de septem Sacramentis: in quo dum conati sumus omnes errores, quibus nunc infestatur Ecclesia, persequi, aut saltem de his admonere: multò longior evasit, quàm putamus. Utinam quantum desideramus, vel aliquid saltem utilitatis adferat. Quæ restant de instituendis sacerdotibus simplicioribus & parochis, speramus nos brevius absolute-
ros.

**Finis primæ partis Tractatus de
institutione sacerdotum.**

SE-

TRACTATVS DE INSTITVTIO- NE SACERDOTVM.

DE PECCATORVM
DISCRIMINE, ET RATIONE ME-
dendi vulneribus animæ, quate-
nus Parochis necessa-
ria sunt.

LECTIO PRIMA.

De ratione & voluntate, primis
actionum nostrarum
principijs.



OST SACRAMENTA (VT Preter sacra-
ex his quæ in principio huius laboris meñtorum
nostri, quem pro instituendis sacer- notitiã tria
dotibus, præcipuè parochis suscep- sunt paro-
mus, dicta sunt, patet) tria supersunt chis cognitu
necessaria cognitu illis: discriminẽ pec- necessaria.
catorum, leuiorum scilicet à grauio-
ribus: ratio adhibendi medelam: &
communia quæ ad fidem & mores
pertinent. Ex quibus quæ fidei sunt
& ad omnes pertinent (& quæ idcirco per eos proponenda sunt
XXXX 3 omni-

marum, iuxta illud seruatoris: Si cæcus cæco &c. Si lumen quod in te est tenebræ &c. Vt itaque hæc, vt dignum est, à sacerdotibus cognosci possint: de causis actuum nostrorum, eorumq; natura & ratione sunt pauca præmittenda. Inter quæ primum sit de ipsis animæ nostræ potentijs & facultatibus, à quibus videlicet actus humani fiunt. Consideratio enim hæc potentiarum & virium animæ in hac materia, non nostra tantum & scholasticorum theologorum & philosophorum est, sed grauium illorum & antiquorum theologorum, Gregorij scilicet Nissenij in libro de homine, & Damasceni in 2. ortho. si. & Augusti in libro de Trinit. quamuis calumnientur hæretici quoddam politicam tantum & naturalem philosophiam doceamus. Quid enim mirum, si docemus quæ necessario præsupponit vera theologia, & ex quibus pendet vera cognitio nostri? Nisi putent gratiam naturam excludere, & ei contrariam esse. Reuera boni & mali mores, peccata & bona opera magna ex parte natura ipsa, & lumine illo vultus Dei, quod signatum esse super nos dicit psalmus, manifestantur, præter pauca illa, quæ propria sunt christianæ fidei. Ideoq; naturæ ipsius, & virium eius (intellectus, scilicet & appetitus, & reliquarum omnium) cognitio magnoperè conducit ad rectè iudicandum de bono & malo in moribus: quod cum necessarium sit spiritualibus iudicijs, sacramenti, scilicet poenitentiae ministris, necessarium inquam, vt non vulgaritur, nec ex sententia plebis, sed ex vera ratione & fide, atq; scriptura sacra iudicare possint: omnino credimus necessaria esse principia hæc doctrinæ moralis, quæ nos hic paucis, & sine vlla contentione, sed simpliciter, quantum ad nostri, & ad nostrorum openum cognitionem pertinet, conabimur tradere.

Prima igitur & suprema animæ nostræ potentia seu facultas est, quam rationem siue intellectum vocant, qua primò & maxime à cæteris animantibus distinguimur, & appropinquamus angelis atque ipsi Deo: quæ non aliud est, quam lumen quoddam, quo illa à nobis cognosci & cogitari possunt, quæ sensibus omnes & captum reliquorum omnium animalium excedunt. Sicut enim sensibus exterioribus, oculis, auribus, & cæteris occultioribus & interioribus, quamuis corporeis viribus animæ, commoda & incommoda corporis, pulchritudinem & deformitatem, dulcedinem & amaritudinem, præsentia noscimus, præterita retinemus, futura cogitamus & nos & iumenta: sicut etiam interiori alia,

Suprema animæ potentia est ratio.

Comparatur ratio cū sensibus.

sed

D E R A T I O N E

sed corporea virtute quædam percipimus, quæ nullo exteriori sensu percipi possunt: ut amicitiam & odium, quæ experientia cognoscimus animalia etiam cogitare, sicut id quod vtile est & generationi & educationi prolis: ita etiam multo altiori, sed omnino incorporea atque spirituali virtute cogitamus & agnoscimus homines spiritualem honestatem & turpitudinem vitiorum ac virtutum. Inquirimus etiam occultas rerum omnium causas, & attingimus usque ad dominum ipsum, & meditamur æternitatem ac cælestia: & in ipsis etiam rebus corporeis, non tantum quæ naturæ quodam instinctu nobis imprimuntur, cogitamus aut retinemus, sicut cætera animalia, sed etiam inquirimus illa cum nouum attigimus, & oblita rursum ad memoriam reuocamus, & ex illis

Diuisio in-
tellectus.
Theoreticus
intellectus.

ratiocinamur comparantes & coniungentes alia alijs, ut August. inquit 12. de Trin. in prin. c. Hanc potentiam diuiserunt & philosophi & theologi in intellectum practicum, & speculatiuum. Speculatiuum vocantes illum, qui solum contemplandis ac cognoscendis rebus intendit, quæ à nobis operandæ non sunt. Ad quam partem animæ pertinent omnes naturales scientiæ de cælo & motibus, de Deo ipso & Angelis. Practicus est, qui rebus agendis à nobis tantum intentus est: ad quem maximè pertinet pars illa moralis, quæ de virtutibus agit & vitijs, & ab Aristot. pluribus libris, atque à cæteris philosophis, & theologis etiam tractatur: & huius partis est totius vitæ nostræ gubernatio, & dispositio agendorum omnium. Non quod diuersæ sint istæ potentix, sed eiusdem diuersi actus, ut ex ipso philosopho b. Thom. inquit in prima parte.

Ratio superior & inferior.

Diuisit eodem modo atque ratione August. hanc partem 12. lib. de trin. in rationem superiorem & inferiorem: non quod sint diuersæ potentix, sed eiusdem diuersi actus. Quam distinctionem Augustin. (in seipsa quidem conuenientissimam) magno ingenio adinuenit, & mystico sensui atque morali illius loci, in quo de primo peccato, suggerente serpente, inuitante muliere, & consentiente viro, perpetrato loquitur scriptura, coaptauit.

Ratio superior.

Est igitur apud illum superior ratio tanquam vir: supremum videlicet quod est in homine: ratio ipsa inspicendis spiritualibus & æternis rationibus, & consulendis illis, & ex eis gubernandæ vitæ deducendis regulis intenta. Sunt enim æternæ quædam rationes, superiores quidem omni intellectu, communes tamē omnibus,

nibus, quibus vita nostra directa errare non possit (de quibus paulò inferius latius agemus) qualis hæc est, de qua dominus in euangelio: Quæcunque vultis vt faciant vobis homines &c. Ratio inferior verò inferior est intenta rationibus temporalibus & corporeis: sicut cum cogitat, quid quieti corporis & paci conducatur, quid honestati & famæ. Hæc enim ad partem intellectuam pertinent, sed tanto inferiora sunt spiritualibus illis & æternis, vt his intenta nostra ratio tantum distet à seipsa intenta illis, quantum mulier à viro in ipsa creatione: quæ quidem ad eandem pertinet naturam, & ex ipso viro desumpta est, illi tamen in gubernatione subdita: sic & inferior ratio ad ipsam pertinet naturam intellectus: sed quia inferius quid & ab eo deriuatum, illi subdita esse debet, vt ratio de temporalibus per rationem, quæ de spiritualibus & æternis est, gubernetur. Hæc igitur de ista potentia intellectus sunt nobis distincta.

Illam sequitur altera eadem, coniuncta atque germana, quam De voluntatem rationalem appetitum seu voluntatem dicimus: quæ nō aliud est, rate, quam quædam inclinatio & propensio, qua prosequimur & tendimus interiori animo in bona atque conuenientia, quæ per rationem cognita sunt. Quod cum experientia ipsa in nobis videamus (afficimur enim spiritualibus illis bonis, quæ per rationem agnoscimus) ratio etiam eius, facile reddi potest. Cū enim quamlibet formam naturalem consequatur inclinatio & propensio in ea, quæ sibi conuenientia sunt, vt gravitas lapidis & leuitas ignis: naturæ verò virtutē habentes cognoscēdi induant quodāmodo per cognitionem formas & naturas earum rerum quas cognoscunt: cognitionem etiam sequitur inclinatio conueniens illi, in ea scilicet quæ cognita sunt: quæ in brutis animalibus, & in nobis, quatenus cū illis conuenimus, & intenti sumus cognitioni sensuum, vocatur appetitus sensitivus, sicut prior ille appetitus naturalis. Cognitionem etiam intellectuam, necesse est, vt consequatur potentia & inclinatio, qua conuenientia naturæ bona amentur, & mala odio habeantur. Quare hæc virtus omnino spiritualis & incorporea est, sicut intellectus, & ad supremam hanc hominis partem pertinet, & vtraque simul vocatur ratio, cuius imperio cætera quæ in homine sunt, subdita esse debere dicimus.

In his itaq; duabus potentijs est dignitas illa diuinæ imaginis, & regale atque diuinum prorsus imperium, de quibus dictum

Yyy est:

Comparan-
tur inter se
intellectus
& voluntas
eorumq; o-
perationes.

est: Faciamus hominem ad imaginem & similitudinem no-
stram &c. vt præsūt piscibus maris &c. Est tamen hoc loco dili-
genter annotandum, quis sit ordo & habitudo earum ad seini-
cem. Habet enim se ratio vt consultiuix, atque proponens volun-
tati ea in quæ tendere aut possit aut debeat: unde nec effectiue ea-
dem mouet aut impellit, sed tantum agit, sicut homo qui propo-
nit aut suadet aliquid, qui non propterea in voluntatem ipsam o-
peratur, aut in eam quicquam imprimit. Voluntas verò motrix
est atque efficax causa cogitationis ipsius, atque effectiue opera-
tur & mouet ipsum intellectum, sicut membra, alijsq; animæ vi-
res. Est enim ipsa verè in hoc animæ regno dominatrix, sine qua
nulla operatio intellectus, sicut nec aliarum virium illi subdita-
rum efficax est. Nec tamen prætereundum, quod hinc non sequi-
tur vlla impossibilitas, aut circuitus repugnans, quo minus actus
rationis & voluntatis fieri possint, vt videri poterat: cum dictum
sit, voluntatem non posse velle, quod ratio non proposuerit &
cogitauerit: nec rationem cogitare posse, quod voluntas non ve-
lit. Est enim principium in cognitione aliqua vel à Deo, vel
ab Angelis, vel ab aliqua causa naturali immissa, quam in
potestate voluntatis est aut continuare, aut reijcere:

atque ita voluntaria est prior illa cogitatio,

et si non præcesserit voluntas:

satis est quod illa non

repugnet, atq;

ita cōsen-

tir.

LECTIO

LECTIO SECVNDA.

De actib. rationis practicae & voluntatis.



IAM de actibus harum potentiarum, quatenus morali nostro proposito conveniunt, breviter dicendum: quomodo videlicet ratio practica dirigat voluntatē, & quomodo ipsa prurumpat in actum, atque progrediatur in suis operationibus.

Illud ergo statimatur primum: voluntatem. Quomodo nostram (quæ in bonum, vt diximus, rationis intellectus tendit) duo respicere, scilicet finem, & media. Sic & intellectus ipse & voluntas practicus, qui illam dirigit, vtrumque considerat: finem tanquam inchoent principium, media tanquam conclusiones inde deductas. Vnde actiones & principia hæc & fines, & actus circa ipsa, certa sunt, ac natura in- in eis progressa, & rationi & voluntati: media verò & conclusiones nec certa dīantur.

& eadē sunt, nec in ipsa eodem modo & ratione feruntur: sed varīe atq; diversimodē. Cum enim natura rationis & voluntatis nostræ mutabilis sit: non solum in diversā & contrariā, sed non tantum in eadem obiecta contrariō modo fertur: quod in Deo omnino non est, apud quem nulla est vicissitudinis obumbratio: sed nec in ipsis angelis est tanta mutabilitas, quanquam & ipsi non simul omnia agnoscant & velint. Quod ideo dicimus, vt in hoc principio mutabilitatem animæ nostræ in suis proprijs operibus agnoscamus, vnde non minima sunt circa mores in nobis pericula & incommoda. Cum itaque mutabilis sit ratio & voluntas nostræ: natura verò semper ita comparatum sit, vt motus omnis ab immobili aliquo & certo incipiat: indita sunt certa quedā principia rationi & voluntati nostræ atque fines, à quibus ad conclusiones & media progressus fiat.

In ratione itaq; practica sunt quædam certa & immobilia principia, quæ August. in 2. lib. de lib. arb. vocat principia & lumina virtutū omnium: & in 12. de Trin. vt superius diximus, rationes spirituales & æternas, ac immutabiles, sicut numerorū ratiōes. Itaq; vt intellectu speculativo certa quædam principia natura indidit,

que Philosophi vocarunt axiomata seu dignitates & maximas: vt, nihil simul esse & non esse: totum maius esse sua parte: quas nulus negare potest: ita & in intellectu practico sunt certa etiam principia, quæ non aliud sunt, quàm de finibus humanis certa quædã iudicia: vt, beatitudinem esse appetendam; studendum sapientiæ: iuste viuendum: posthabenda esse deteriora melioribus: æterna & incorruptibilia meliora esse corruptilibus & temporalibus: auerendum esse animum à corruptione, & transferendum esse ad incorruptionem. Eiusmodi iudiciū intellectus practici d. Thom. ex Hiero. & alijs antiquioribus synderesim vocat: alij apicem & sublimem mentis, quod semper iniolatum manet & incorruptum, quantumuis falsis opinionib. & peruersis affectibus sit homo corruptus. Et hæc est prior rationis nostræ practicæ operatio.

In 1. p. 79.
ar. 13. Synderesis.

Voluntas naturaliter appetit finem.
Velle intentio & fructio actus voluntatis.

Quia verò, vt dictum est, voluntas cognata est rationi, hunc rationis actum sequitur in voluntate similis alius actus: naturalis scilicet appetitus finis: velle esse beatum: velle iuste vivere: incorruptionem & æternitatem appetere. Omnia enim illa quæ ratio vt fines proponit voluntati, et vt certa bona, illa naturaliter appetit voluntas: & hic appetitus finis vocatus est voluntas, siue velle: communiter videlicet nomine: sicut cum in fine iam habito quiescit, ille actus dicitur fructio: & cum in illum per media tendit, dicitur intentio.

Hi igitur sunt primi actus in humanæ vitæ progressu. Nō quod necessarium iudicemus explicitè & actu vel à ratione cogitari, appetendam esse beatitudinem, vel voluntatem ita eam velle: sed satis est, quicquid iudicat ratio appetendum, & quicquid voluntas appetit, vt indutum ratione beatitudinis, sapientiæ, vel iustitiæ &c. & appeti: & iudicari appetendum. Vnde in omnibus quæ volumus, sunt virtute hi finium appetitus: sicut in omnibus quibus intellectu speculatiuo assentimur, priora illa principia virtute continentur: videlicet nihil simul est & non est: tunc tamen illa actu cogitare explicitè non sit opus, vt ipsa experientia docet.

Actiones rationis & voluntatis circa media ad finem.
Consilium.

Iam quales actiones rationis & voluntatis circa media sint, considerandum. Voluntas ergo efficaciter cupiens finem, mouet etiam rationem efficaci imperio suo ad consulendum: inquirendum scilicet, quibus medijs ad eum perueniri possit: & cum plura occurrerint, vt inquiratur, quod eorum sit cōuenientius: vbi cum intellectus certum iudiciū tulerit (quod est cōclusio consilij, & cuiusdam practici discursus) hæc erit prima eius circa illa operatio.

ratio.

ratio, quam consilium vocarunt & Philosophi, & antiqui illi Theologi.

Hanc verò sequitur in voluntate electio : cum scilicet voluntas medium illud efficaciter vult, quod ratio conuenientius esse iudicauit. Quem actum & alijs nominibus nonnunquam vocarunt : consensum videlicet, vel vsum. Certum est tamē voluntatem post finem, quem naturaliter amat, in media tendere liberè & contingenter, iuxta rationis practicę iudicium : atque ideo quandoque in electione medijs peccatur à voluntate, et à ratione etiam erratur. Vnde dixerunt Philosophi (prout d. Tho. in 1. 2. de hoc loquens, dicit) syllogismum incontinentis siue peccantis, paralogismum esse : quod videlicet cum consultat, primò assumit, bona, contentientia, & salubria esse appetenda, quasi maiorem quandam propositionem præmissam : deinde cum assumit non verā, sed apparentiam : cogitat, malè quodāmodo subsumens. Incontinens enim, cum cogitare deberet fornicationem esse malam, et contra Dei legem, atque ideo in interitum ducere : cogitat è contrario, illam delectabilem & suauem esse, atque ita iudicat fornicationem appetendam esse.

Electio.

Consensus
vsum.

q. 12. & 14.
& 77.

Merito itaque Gregorius Nis. lib. 5. de homine, c. 4. & 5. & Damascenus ca. 27. lib. 2. de orth. fid. consentaneè etiam Philosopho, consilium & electionem non de fine, nec de necessarijs et impossibilibus, sed de medijs tantum, quæ in nostra sunt potestate, & incertum exitum habent, esse dicunt : propter quod in his non solum libertas, sed varietas magna est in nobis.

Quarum rerum
consultatio & electio.

Ex quibus omnibus iam vltimò ratio voluntarij ostenditur. Cum enim voluntarium à voluntate propriè dicatur : voluntas verò internum principium sit operationum nostrarum cognitionem sequens : rectè Arist. in 3. ethi. & antiqui illi, Gregor. & Damascenus (quos b. Thom. sequutus est in prima 2.) definiunt voluntarium esse, cuius principium est in ipso operante, sciente singula circa quæ est ipsa operatio : quod de circumstantijs dixerunt, de quibus postea. Nunc verò hanc voluntarij rationem ex opposito, inuoluntario scilicet, ita explicant supradicti patres. Inuoluntarium enim illud dicitur, quod per violentiam fit, vel per ignorantiam. Violentum verò id dicimus, quod à principio externo est. Voluntarium ergo ab interno oportet esse. Ignorantia rursus opponitur scientiæ : scientia ergo in voluntario requiritur : voluntario

Quid voluntarium & violentum.
ca. 3. lib. 5.
ca. 24. 2.

Voluntario
opponitur
violentia &
ignorantia.

ratio igitur merito opponitur violentia & ignorantia. Sed quoniam voluntati in proprio suo actu violentia inferri non potest (nec enim velle possumus, nisi volentes, & à propria voluntate acti) membra verò exteriora cogi possint à fortiori (sicut cum pedibus & manibus ligatur quis, vt non possit progredi & operari) fit, vt ipsis actibus voluntatis non inueniatur violentum. Ignorantia verò sæpe in eis inuenitur: cum scilicet aliquid ideo volumus, quia ignoramus quid aut quale sit: vt cum iacob ignorauit Liam esse pro Rachel sibi suppositam. Illud tamen non est omitterendum, quòd patres in brutis etiam voluntarium posuerunt (quod magis propriè spontaneum dici potest) & id quidem comuni quadam ratione, non vt à voluntate, virtute nobis propria, dicitur: propriè enim in his solùm est quæ voluntatem habent. Vnde non tantùm vt finis ipse & media, sed vt ordo etiam vnus ad alterum apprehendatur, ad perfectè voluntarium requiritur: quod in cæteris animalibus non est, vt beatus Thomas hoc tractans, docet. Bruta enim magis à natura aguntur, & imaginatione aliqua subito immissa feruntur, quàm iudicio & voluntate. Metus etiam (vt eisdem locis conclusum est) voluntarium

q.6.1.2.

Metus non
facit inuoluntarium.

non aufert: sed simpliciter, quod metu facimus, voluntarium est: vt cum mercator iactum facit mercium in mare, imminente tempestate: quanquam dicatur secundum quid inuoluntarium: malem enim non incidisse in eam necessitatem: sed ex quo incidimus, absolute volumus id facere quod illa postulat.

LECTIO

LECTIO TERTIA.

Dereliquis omnibus potentijs humano-
rum actuum principijs, & præcipue
appetitiuis, & earum actibus.



Vas prædictas potentias, & actiones earum
exposuisse sufficeret, si homines tantum ratio-
nales essemus: sed quia communicamus eti-
am cū brutis animantibus in corpore & sen-
sibus, eorumq; officijs: sunt in nobis aliæ ope-
rationes, & virtutes, illarum operationū priu-
cipia: de quibus etiā breuiter dicendum, quan-

tum morali propolito conuenit. Igitur cum Grego. Nissen. & Da-
mascen. distinguamus præter has potentias (quæ sunt secundum
essentiam suam rationales, hoc est, ipsa ratio, et appetitus eius) du-
plicis generis alias potentias: quædam enim sunt, (vt illi inquit)
rationales: quæ scilicet rationem sequuntur, et ab ea persuadentur:
quas mox explicabimus. Aliæ sunt irrationales omnino, quæ nec
rationi obediunt, nec persuasibiles sunt: quales sunt (vt inquit illi)
pulsatis illa virt^o cordis & arteriarū, et nutritiua atq; generatiua, omnino non
ceteræq; vegetatiuæ partes. Ille verò quæ rationi participant & ei obediunt ra-
tione, quas rationales diximus, distinguuntur à sancto Tho-
ni & à Philosopho primo polito. Nam aliæ semper & omnino ratio-
ni parent: hæc est virtus motiua, quæ in membris corporis est: vt quædam po-
progressiua, quæ maxime in pedibus cernitur. Aliæ verò sunt quæ tentiæ animæ
nonnunquam repugnant, & feruntur à se ipsis in sua propria bo-
na: quare cum à ratione ab eis auocantur, non mox illam sequun-
tur, quanq̃ tandē trahi possint: & hic est appetitus sensitiv^o. Habet aliæ nonnun-
quam suum proprium motum in ea quæ sunt sensui delectabilia: quam repu-
Sed (vt experientia videmus) ira, quæ vnus horum mortuum est, quauit.
mitigatur consideratione, sicut concupiscentia & huiusmodi alij Appetitus
appetitus. Dominatur ergo illis ratio, sed vt liberis, qui sibi sensituius
dimissi

L. 4. de ho-
mine. c. 8.

De orth. fid.
c. 12. lib. 2.

Quædam po-
tentiæ animæ
tentiæ animæ
omnino pa-
reut rationi,
Appetitus
sensitiv^o

DE APPETITV SENSITIVO

Rationis im-
perium in ali-
as animæ vi-
res.

Appetitus
sensitiuus nō
tantum repu-
gnat, sed etiā
trahit ratio-
nē & volun-
tatem.

1. 2. q. 77.
art. 1. & 2.

dimissi feruntur in sua. Virtuti verò motiuz et organis eius domi-
natur ratio vt seruis. Nunquam enim hæc mouentur sine ratione
in homine, nisi vbi est defectus aliquis naturæ. Quare membra ac-
tuum humanorum non tam sunt principia, quàm instrumenta
quædam: nec enim rationem aut voluntatem vel tantillum mou-
ent, sed mouentur ab eis ad exteriores operationes. At verò ap-
petitus non solum repugnat, sed impedit etiam & trahit rationem
& voluntatem, vt experientia docet. Idque (vt b. Thomas dicit)
multipliciter fit: primò, rationem distrahendo. Nimirum enim ali-
cui affectui appetitus intenta anima, minus efficax est ad rectè &
secundum rationem iudicandum. Deinde & per apertam con-
trarietatem & repugnantiam. Dum enim iudicat appetitus se-
quendam delectationem aliquam, & nimirum sibi complacet in
ea: ratio non satis efficax est ad rectè circa hoc iudicandum. De-
mum & immutando corpus ipsum. Sunt enim hi affectus cum
corporis immutatione: vt ira cum sanguinis accensione, & timor
contrà. Mutato verò corpore, fit, vt longe aliter homo sentiat &
iudicet: sicut famefcens aliter iudicat, quàm satur. Propter hæc
igitur omnia dictum est: qualis quisque est, talis finis ei videtur.
Hæc igitur appetitiua virtus est à nobis attentius considerata,
quæ in actionibus plurimum valet. Et eo magis, quo consuetudi-
ne facta est fortior, & quo magis sequuntur homines appetitum
quàm rationem. Omittamus tamen hanc magis speculatiuam
quæstionem: an hæc repugnantia sit naturalis, an solum ex pec-
cato in penam à Deo inflicta. Illud certum est, ablatum fuisse pro-
pter peccatum ab homine donum illud originalis iustitiæ, quo fie-
bat, vt hæc repugnantia auferretur: & rursus, hanc esse de qua
Paulus inquit: Caro concupiscit aduersum spiritum, & spiritus
aduersus carnem &c. Item: Video aliam legem &c. Appetitus
igitur hic (quem sensualitatem vocant) est propensio sensitiuæ
naturæ in bona delectabilia sensui: vt voluntas fertur in ea, quæ
rationi conueniunt.

Duplex ap-
petitus sen-
sitiuus, scili-
cet concupis-
cendi et iras-
cendi.

Diuiditur verò à priscis illis theologis, atque etiam philosophis,
in concupiscibilem, & irascibilem. Quia enim natura, sicut dedit
rebus omnibus, ad ea quæ sibi conueniunt quærenda, in clinatio-
nem quandam: ita etiam dedit vt insurgerent in contraria & im-
pedientia. Sicut lapis, quanta virtute descendit, tanta repellit om-
nia impedientia descensum. Ideo animalibus non solum dedit in

bona

bona conuenientia sensibus inclinationem, quam dicimus concupiscibile: sed etiam qua insurgerent in contraria & impeditentia, quam vocant irascibilem, ex qua sunt pugnae & contentiones propter delectationes in animalibus. Et quia hæc sæpe contraria sunt (quod enim fugit concupiscibilis, scilicet dolores, aggreditur irascibilis, quoniam insurgit in alterum) duas dixerunt virtutes, & non vnam. Actus verò earum, quas affectiones alij, De actibus alij passionibus dixerunt, sunt breuiter etiam à nobis considerandi: siue passionibus etiam antiqui illi theologi Gregor. & Damasc. tradiderunt nobis vtriusque supradictis locis: & diligentissime d. Thom. pluribus quas. vide. que appetit licet à 22. vsque ad 48. prima secundæ. Plurimum enim refert ad tus sensitiui. materiam moralium hos cognoscere: cum (vt diximus) tantopere valeant affectus in hominibus. Nobis tamen in hoc principio satis sit breuissimè vel numerasse harum potentiarum actus.

Igitur virtus illa concupiscibilis. duo respicit. Primum bonum quod prosequitur: deinde malum quod fugit. Circa bonum tres distinxerunt illius actus, amorem, desiderium, & gaudium: qui se habent in animali, sicut in re naturali respectu finis naturalis primum conuenientia ipsæ rei naturalis cum fine, quæ est antequam incipiatur motus, & ex qua incipit: deinde motus ipse: tertio denique quies. Sic in appetitu hoc animali, bono absolute proposito concupiscibili, primo placet illi: hoc vocant amorem, secundò, si consideratur absens, appetitur desiderio: sed in iam adempto & acquisito conquiescit appetitus, quod est gaudium. Circa malum tres oppositos actus, qui ex his manifesti sunt, posuerunt. Malum enim absolute consideratum odio habetur, absens fugitur, præsens tristitiam efficit: atque ideo hos actus nominarunt, odium, fugam, & tristitiam.

Actus appetitus concupiscendi circa bonum & malum.

Amor.
Desiderium.
Gaudium.
Odium.
Fuga.
Tristitia.

Irascibilis porro, quæ propugnatrix est & vindex concupiscibilis, ab illa incipit, & in illam terminatur. Est tamen circa bonum & malum, sed difficile. Bonum igitur arduum illi propositum, si iudicetur possibile acquiri, speratur: quòd si è contrario impossibile credatur, desperamus de illo. Et hæc duo, spes & desperatio, sunt duo contrarij actus virtutis irascibilis circa bonum. Similiter & malum arduum aut timetur, cum iudicatur non posse enadi: aut cum speratur superari posse, audemus in illud insurgere. Sunt igitur timor & audacia duo irascibilis actus circa malum arduum: & hoc quidè cum absens est. At verò cum malum est præsens, si superari

Actus appetitus irascibilis circa bonum & malum difficile.
Spes.
Desperatio.
Timor.
Audacia.

Ira.

posse iudicatur, insurgit ira, quę proprię etiã est irascibilis passio. Nam si superari non possit malum, succumbit appetitus per tristitiam, quę non est irascibilis, sed concupiscibilis affectio. Circa bonum verò pręsens cum nulla sit difficultas, non operatur irascibilis, sed in eo quiescit concupiscibilis per gaudium. Si itaq; hæc bene considerentur, apertè patet in tristitia & gaudio terminari omnes affectus appetitus, incipere verò ab amore. Ex eo enim quòd aliquod bonum amatur, desideratur absens: si sit difficultas, speratur, & in eam insurgitur ab irascibili: cum verò acquisitum fuerit, sequitur gaudium: quòd si impossibile iudicatur, est desperatio: vel si tandem non obtineatur, sequitur tristitia. Ex quo etiã circa malum, qualis sit progressus ostenditur. Odio habetur malum absolute consideratum: absens fugitur, & insurgimus per audaciam in illud, atque repellitur per iram si inciderit, vel per tristitiam succumbimus illi.

LECTIO QVARTA.

De volutario in omnibus humanis actibus, de habitibus, & prima diuisione humanorum actuum in bonos & malos.



AM ex illis quę dicta sunt proximis lectionibus, inferamus quędam, quę non parum adiuvant ad iudicium humanorum actuum, & cognitionem peccatorum.

Primò itaque ex dictis ostenditur, in quibus actibus hominum voluntarium inueniatur, & ad quos se extendat imperium rationis: hæc enim duo se inuicem consequuntur. Ibi enim solùm voluntarium est (quod à voluntate proprię dici superius ostendimus) ubi
motus

motus voluntati subest : quæ cum ratione regatur , in eisdem eti-
am est imperium rationis.

Imperium igitur hoc loco ordinationem quandam rationis nō De imperio
indicatiuam tantum , sed imperatiuam & efficacem , mouentem rationis,
videlicet ad exercitium actus, dicimus. Cum autem etiam superius
ostensum sit, ad voluntatem propriè pertinere, mouere effectiue
ad actus exercitium: satis ostenditur (vt b. Tho. colligit) imperare
rationis quidem esse, sed virtute voluntatis efficacis. Ex quo pro-Imperium
ximè sequitur, ad omnes illas potentias, quas rationales dixi-rationis ad
mus siue per essentiam, siue per participationem, extendi impe- quas poten-
rium rationis; & in illis omnibus voluntarium esse, ac in illis dun- tias se exten-
taxat. Imperatur igitur & est voluntarius primò actus ipse ratio- dat.

nis; quoad exercitium quidem temper, vt cogitet videlicet aut
non cogitet: quoad assensum verò similiter, vbi ratio non est con-
uincens. Vnde credimus nonnunquam ex imperio rationis. Im-
peratur deinde & actus ipsius voluntatis, quatenus & à ratione
ordinati, & alio actu voluntatis appeti potest. Teriò etiam actus
appetitus sensitiui imperatur, quanquam (vt dictum est) ex se ap-
petitus nonnunquam moueatur. Denique & exteriorum mem-
brorum actus, quoad motum videlicet localem, & alios, in quibus
sequuntur apprehensionem. Solæ igitur vegetatiuæ vires alienæ
sunt à voluntate & eius imperio. Actus itaque illi qui imperantur,
non aliud, quod ad mores attinet, sunt, quam ipsum imperium.
Itaque deambulatio voluntaria & imperium eius, seu voluntas i-
psam volens, & ratio ordiuans, ita se habent (vt beatus Thomas
inquit art. 4. eiusdem questionis 17.) sicut actus primi mouentis,
& instrumenti exterioris. Ipsa itaque sunt veluti materialia: for-
male verò, quod ex ratione & voluntate est.

Vires animæ
vegetatrices
non subsunt
imperio vo-
luntatis.

Infertur etiam ex eisdem, in omnibus his potentiis in quibus
est voluntarium, esse habitus, quos, quantum huic proposito suffi- De habi-
cit, vocamus dispositiones bonas vel malas, quibus potentia di- bus bonis &
sponuntur ad suas operationes bene aut secus exercendas: sicut malis.
scientia in intellectu est quædam bona dispositio eius ad aliqua
cognoscenda: & ignorantia mala. Temperantia est bona disposi-
tio animi ad moderatè vtendū delectationibus: & è contrario, in-
temperantia mala dispositio illi opposita. Circa quos habitus hoc
primò aduertendum: ita natura comparatum esse, vt virtutes illæ
atq; potentia, quæ ad diuersa obiecta & diuersimodè determina-

DE ACTIBVS

non possunt beneque & male ad illa se habere: ex operationibus suis disponantur ad similes etiam operationes, quas dispositiones habitus vocamus. Nec enim in graui corpore aliquis habitus ad descendendum deorsum generatur, aut necessarius est: cum ad hunc actum præcise sit à natura determinatum. Sed nos (qui vel voluntate vel ratione in diuersa tendimus, et in eadem diuersimodè & variè, bene scilicet vel malè) cum assuescimus bonis operibus, assequimur dispositiones ad similes actus facile & promptè exercendos, quas virtutes etiam dicimus: sicut ex assuesfactione malorum operum contrarios habitus paramus, quos vitia vocamus. Quod cum experientia ipsa constet, non est opus pluribus probare: quod omnis etiam & philosophorum & scripturæ doctrina testatur: de quibus beatus Thomas q. 49. & pluribus sequentibus, prima secundæ. Nec species singulas eorum, siue bonorum siue malorum, opus est persequi: satis sit (quod ad sequentia opus erit) adnotasse, habitus, quanquam non sint causa omnium actuum (cum à quibusdam potius ipsi producantur) computandos tamen esse inter principia intrinseca humanarum operationum. In solis itaque illis virtutibus & potentiis eos esse constat, quæ rationi & voluntati parent: & ita principia sunt humanarum operationum. In potentiis itaque vegetatiuis non sunt habitus, sed in ratione ipsa, in voluntate, & in potentiis appetitiuis, & membris etiam ipsis, quibus vititur ratio & voluntas: vsque adeo ut & animalia ipsa, quatenus ab humana ratione diriguntur, habitus quosdam habeant, quibus equus rectè aut secus mouetur in bello, & canis venationem sequitur &c..

In quibus
animæ po-
tentiis sint
habitus.

De bonitate
& malitia
& merito
actuum hu-
manorum.

Tertiò ex eisdem sequitur, vnde & quomodo sumenda sit actuum humanorum prima distinctio, quæ proculdubio est in bonos, & in malos: quæ eodem modo in humanis actibus intelligenda est, quo in cæteris omnibus rebus. Bonitas enim rei propriè in integritate naturæ constituta est: malum verò in aliquo defectu. Cum igitur actus humani à rationali virtute sint, deficientes ab ea mali meritò dicuntur: conformes autem illi, boni: ut beatus Thomas q. 18. 1. 2. explicat: de qua re nos paulò inferius plura. Nunc explicemus breuiter, quæ ex bonitate & malitia in humanis actibus consequantur: & proxima sunt his quæ diximus. Primum horum est reſtitutio: & peccatum: secundum, laudabile: & vituperabile: tertium, meritum præmij vel pœnæ.

Hxc

Hæc tria infert b. Thom. (attentè considerans) hoc ipso ordine ex bonitate et malitia q. 2 1. 1. 2. Horum ista est ratio & diuersitas. Bonum & malum priora sunt, & conueniunt actibus nostris absolute consideratis in sua natura. Rectitudo & peccatum proprie inueniuntur in his, quæ ad finem ordinantur, vt in operibus actuum. In eisdem rectum est, quod in finem tendit secundum propriam regulam & mensuram: & peccatum, quod præter illam. Et quia omnes actiones nostræ in finem aliquem ordinantur, vt visum est: regula verò ratio est: si secundum illam tendant in finem, rectæ: si secus, peccata sunt. Omne itaq; peccatum malum, nõ verò omne malum peccatum est: sicut omne rectum bonum, non omne bonum est rectum. In actibus verò nostris omnino conuertuntur. Rursum, peccatum vel rectum, si in his accidat quæ potestatem suorum actuum non habent, aut non voluntariè operantur: nec culpabilia nec laudabilia sunt: sicut corruptio aliqua in generatione, aut defectus in motu. Vbi verò voluntarium est, ibi rectum, laudabile, & peccatum, & vituperabile. Et hæc duo proximè consequuntur pœna & præmium: atq; ideo cum eis conuertuntur: omne laudabile dignum est præmio, & contrà: omne vituperabile pœna, & contrà. Sed ratio hæc meriti alia est. Sumitur enim ex ordine, quem actus habet ad bonum vel priuatum alterius, vel commune totius vniuersi. Quia enim quicquid homines agimus boni, quantumuis priuati, non solum nobis vtile est, sed vniuerso, cuius nos pars sumus: ideo dignum est præmio: & contrà de malo dicendum. Nec tantum digna sunt præmio vel pœna: sed ab ipso etiã Deo auctore vniuersi ratio postulat, vt reddatur vicissitudo omni bene vel secus operanti. Nam in eius etiã laudem & gloriam bonum fit, sicut malum contra. Et confirmat hoc scriptura ecclesiast. ultimo: Cuncta quæ sunt adducet Deus ad iudicium &c: Quæ ideo dicta sunt, vt ostendamus hæc non aliena esse à theologo & christiano: quæ v. scilicet iuxta scripturam & fidem de actibus humanis dicimus, nec ab his discordare quæ scriptura & fides docent. Vbi multi errant, volentes in doctrina morum hæc omnia rejicere, cum reuera gratia semper naturam supponat, maximeq; in moralibus & iuxta illam Deus suauiter quæ sunt fidei tradat.

DE BONITATE ET MALITIA.
LECTIO QVINTA.

De bonitate & malitia actuum humanorum.



Mal igitur prima distinctio actuum nostrorum (unde cetera quæ diximus proueniunt) sit in bonos & malos: de horum ratione nunc breuiter dicemus. Primum hoc constituitur: Bonum & malum in actibus nostris inueniri, siquæ in cæteris rebus omnibus secundum entitatem nempe & perfectionem propriæ naturæ, ut ait b. Thom. ar. 1. q. 18. 1. 2. Quantum itaq; habet quilibet actus noster entitatis, tantum habet perfectionis & bonitatis: & quantum deficit à perfectione essendi, tantum deficit à bonitate. Ex quo proximè sequitur, quod etsi non desint species quædam humanorum actuum, quæ ex se indifferentes sunt, ut deambulatio per forum & per agrum: in indiuiduo tamen omnis actus à ratione & voluntate manans bonus est aut malus: quoniam non nisi ex aliquo recto fine procedit, quem necesse est bonum esse aut malum: quæ est efficacissima ratio d. Tho. ar. 9. illius q. ut ambulatio per agrum sanctæ meditationis, salutis, aut certè inhonestatis causa. Ex eodem etiam inferitur, non vnā esse bonitatem vel malitiam in nostris actibus, sed multiplicem. Quia enim propria actuum nostrorum natura & perfectio ex conformitate ad rationem est; quicquid in illis rationi vel consentaneum vel dissentaneum inuenitur, bonitatem facit vel malitiam. Igitur quia actus nostri primò ab obiecto illo circa quod fiunt, accipiunt speciem & entitatem: prima eorū bonitas ex obiecto est, sicut & malitia, secundum quod obiectum conforme est vel disforme rectæ rationi. Et hæc est bonitas vel malitia ex genere siue specie propriæ: ut rei alienæ acceptio ex genere est mala: elemosinæ collatio bona est. Post istam verò bonitatem alia est ex circumstantiis: de qua, ut agatur, pauca de circumstantiis dicenda sunt hoc loco, iuxta ea quæ & antiqui illi theologi, Greg. & Damas. vbi de voluntario & inuoluntario loquuntur, dixerūt, & philosophus

7 Circumstantiam itaq; ex metaphora rerum corporaliū morales transtulerunt ad actus nostros: circumstantiam vocantes conditionem quandam actuum nostrorum, extra substantiam quidē & naturam eorum, sed ipsos attingentem, & ad eos pertinentem: sicut illa circumstare corpus dicuntur, quæ extra naturam ipsius sunt, & aut ipsum attingunt, aut illi appropinquant. Vnde has circumstantias plurimum conferre ad laudem vel vituperium, & ita ad pœnam vel præmiū humanorum actuum, constat: propter quod & Rhetores & morales de circumstantijs agunt: Nec minus hoc pertinet ad theologos & spirituales animarum iudices. Septem verò Cicero numerat circumstantias: Aristoteles 8. quanquam parum à prædictis diuersas. Earum igitur hæc est ratio, & numerus. Actum nostrum quædam respiciunt vt mensuræ, sicut locus & tempus. Et hæc sunt diu: circumstantiæ temporis & loci. Multum refert, an in loco sacro, an prophano inferatur violentia: in publico, an occulto. Multum etiam refert, quo tempore indulgeat quis voluptati, sacro, an prophano: abstinentiæ vel ieiunij, an alio. Alia conditio respicit actum nostrū vt ipsius qualitas, quæ est tertia circumstantia, quomodo. Non enim parum refert, eleemosynā dedisse hilariter & promptè, aut cum tristitia & minus libenter: orasse deuotè, aut non deuotè. Sunt rursus aliæ conditiones ex parte causarum actus vel finis: qualis est circumstantia, cur. Aliud est enim ieiunare ob reuerentiam Christi crucifixi, aliud ex auaritiā: dedisse eleemosynam ex vana gloria, aut ex pietate. Ex parte causæ agentis est alia circumstantia, quis. Quis scilicet sit qui aliquid operatur: seu ex, an inuenis, sacer, an prophanus. Aliud est enim fornicari solum à matrimonio, aliud laicū, aliud sacerdotem aut in sacris constitutum. Ex parte etiam instrumenti sumitur alia, quibus auxilijs. An quis percutiat baculo, an gladio. Ex parte vero materiæ circa quam est actus, sumuntur duæ aliz. Quid scilicet, & propter quid, quas Cicero pro vna posuit, & ferè idem sunt: vt an parum, an multum quis sit furatus: an parē percusserit, an maiorem, an inferiorem, an alienum. Itaque apertè constat hæc omnia pertinere ad rationem, & per ea actus nostros magis vel minus rectè rationi cōuenire, vel ab ea dissentire. Sumitur igitur ex eis secunda bonitas vel malitia actuum nostrorum. Atq; inter illas præcipua est circumstantia finis: cur scilicet aliquid

De circumstantijs actuum humanorum.

Numerus & ratio circumstantiarum.

Vbi. Quando.

Quomodo.

Cur.

Quis.

Quibus auxilijs siue instrumentis. Quid, siue circa quid.

Prima bonitas & malitia actuum ex obiecto, secunda ex circumstantiis: aliquid fiat. Placuit ita distinguere, ut post bonitatem quæ est ex obiecto: secunda sit, quæ est ex fine, tertia, quæ est ex reliquis circumstantiis loci vel temporis &c. Ita videlicet, ut eleemosynam conferre propter Deum pauperi, ubi, quando, & quomodo convenit, bonum sit undique: sed hoc ipsum facere non propter Deum, sed propter gloriam vanam, malum sit ex fine: facere verò propter Deum, sed non quando oportet, vel quomodo, est malum ex circumstantiis, bonum verò ex obiecto & fine.

Finis præcipua circumstantia.

Ubi hoc ultimum annotandum, quod ad bonitatem simpliciter actus (ut scilicet absolute bonus dicatur) necessaria est obiecti, & finis, & omnium aliarum conditionum bonitas: quarum si minima defuerit, actus simpliciter est malus: quod ratio ipsa in cæteris rebus omnibus ostendit: propter quam dixit Dionysius, boni constare ex integra causa: malum ex singulis defectibus: sicut reuera imperfectus est homo, qui quamvis homo, vel mancus vel cæcus est, vel aliquo alio vitio laborat. Ex his igitur & circumstantiæ, &

Circumstantiæ aliquando mutant speciem actus, aliquando verò tantum augent aut minuant.

bonitas quæ nostris actibus accidit, ostensæ sunt. Ex quibus considerandum (quod maxime nostro proposito convenit) circumstantias aliquando mutare speciem actuum, aliquando verò non, sed augere tantum, vel diminuire eandem speciem. Primi exempla sunt circumstantiæ actuum, ex bono reddentes malum: ut eleemosyna propter vanam gloriam, aut ex tristitia & necessitate, ut Paulus ait. Hæ autem circumstantiæ istos actus efficiunt vel vanæ gloriæ, vel avaritiæ. Secundi verò exemplum sit, si parum vel multum quis furetur. Ex quibus exemplis colligenda certa ratio, propter quam circumstantiæ mutant, vel tantum augeant, vel certe nihil omnino faciant ad actus nostros. Illæ enim quæ novam conformitatem aut repugnantiam cum ratione habent, novam constituunt speciem: ut furatum fuisse in sacro loco, est, præter furtum sacrilegium: percussio patris est, ultra violentiam, etiam impietas. Quæ non habent novam convenientiam, vel disconvenientiam, sed augent priorem, etiam reddunt actum meliorem aut peiorem, sed in eadem specie: ut multum vel parum furatum fuisse. Quæ verò nihil horum habent, impertinentes & alienæ sunt: ut percussisse gladio, vel hasta: & huiusmodi alia. Ista huic loco sufficere

debent, alibi plenius explicanda sunt.

VENIALI ET MORTALI.
LECTIO SEXTA.

369

De ratione peccati, & de discrimine
venialis ac mortalis.



A M conuenienti ordine agendum est de peccatis, de quibus præcipue agitur in iudicio illo arcano confessionis. Vt autem ex dictis patet, sicut in bonis actibus humanis sunt duo: actus videlicet ipse, & habitus à quo emanat, quem vocamus virtutem: & tertium denique his duobus commune, bonitas quædam, qua ipse operans vel habens habitum bonus est:

Tria consideranda in actu bono & malo.

ita in actu malo, qui peccatum est; tria consideranda sunt: actus ipse rectitudine carens, quem vocamus peccatum: habitus illi conformis, siue aliqua animæ dispositio ad peccatum, quam vocamus vitium, virtuti videlicet oppositum: & malitia ipsa, qua malus vere est utrumque; habens. Cum itaque hæc tria vocabula sint, peccatum, vitium, malitia: peccati nomine proprie accipimus actionem ipsam mali: quæ ita b. Tho. explicat: Ex quo et supradictis facile patet ratio & definitio peccati. Est enim, iuxta Augustinum, peccatum actus quilibet contra legem æternam: dictum (inquit) factum, vel concupitum. Vbi est obseruandum, duo esse in peccato: prius, materiale ipsum, hoc est, actus aliquis, vel certe omisio actus voluntarij: peccatur enim nonnunquam sola omissione absque aliquo actu. Illud itaque sit materiale. Formale verò, quod complet rationem peccati, deordinatio illa est, & carentia debite rectitudinis. Cum enim humani actus regula proprie sit ratio æternæ & diuinæ legi conformis: actus ab hac discrepans caret proculdubio rectitudine debita. Peccatum igitur merito tantum, priuatio quædam dicitur, & nihil: sicut cæcitas aut tenebræ, in quibus materiale quidem subiectum est lucis vel visus, oculus videlicet aut aer: sed formalis ratio tenebrarum in sola negatione lucis est: quare reuera nihil est. Ita igitur peccatum. Et iuxta hæc duo etiam distinxerunt docti, duo in peccato merito consideranda: conuersionem

1.2.q.17.

Quid peccatum.

Quid materiale in peccato.

Quid formale.

a scilicet

DE PECCATO

In omni peccato mortali scilicet ad aliquod bonum, quod omnis peccans querit & amat: ex hac sequitur obiectum peccati & species. Querit enim adulter est conuersio ad bonum alienam &c. Aliud verò est auersio à Deo & lege eius, quam non intendit neque aspicit peccans. Quare Dionys. inquit. Nemo intendens ad malum, operatur. Nec tamen propterea minus impuatur ei. Et hæc sufficiant de ratione peccati.

Iam ad diuersitates peccatorum tractandas accedamus: quæ cum sint multe & variae, vt apud beatum Thomam videre est: illa tamen omnium maxima est, & maximè necessaria spiritualibus iudiciis, quæ in mortale, & veniale peccatum diuiditur: quæ attentius nunc consideranda.

Primò omisissis nunc nominibus, de quibus postea, rem ipsam irrident hæretici, qui (quanquam vtrunque se purgent ab obiecta illis Stoicorum opinione, omnia peccata esse paria) dicunt tamen omne peccatum mortale esse, si verum est illud Pauli: Stipendium peccati mors: includentes etiam hic ipsum peccatum originis. In quibus multa sunt & scripturæ, & rationi repugnancia, vt patebit.

De distinctione peccati venialis & mortalis.

Galath. 5.

1. Cor. 6.

1. Cor. 3.

Nos igitur illud primò statuamus: ex scripturis & doctrina ecclesiæ manifestè ostendi, quædam peccata esse leuia & minima, nec æterna pœna digna, aut à regno Dei excludentia: alia verò esse maxima & grauia: qualia qui agunt, regnum Dei non possidebunt: atque ideo æterna damnatione digna. Scriptura quidem aperta est Pauli dicentis: Manifesta sunt opera carnis, quæ sunt: fornicatio &c. quæ qui agunt, regnum Dei non consequentur. Et rursum: An nescitis quia iniqui regnum Dei non possidebunt? Nec fornicarij &c. Et de grauioribus hæc sufficiant. De minoribus verò locus ille sufficit: Vnusquisque videat quomodo superedificet: cum prius dixisset: Fundamentum aliud nemo potest ponere &c. Nam alius (inquit) superedificat lignum &c. quæ manifestè vocat opera quædam, digna quidem igne purgari, sed quæ fundamentum non destruant: & ideo nec à salute excludant. Sic enim inquit: Si cuius opus arserit, detrimentum patietur: ipse aut saluus erit. Vocat verò fundamentum (vt Augustinus in libro de fide & operibus docuit) fidem per dilectionem operantem. Apud patres quoque omnes frequentissimè in usu est, quædam peccata grauiora, quædam leuiora dicere: sicut Augustinus sæpe contra Pelagianos disputans, etiam ex verbis apostolorum asserit, sine pec-

cato

erato nullum hominem esse, vt Iohannes ait : Si dixerimus quia 1. Iohan. 1.
 peccatum non habemus &c. sed sine crimine multos viuere ait,
 dicente Paulo de presbyteris & diaconis ordinandis: Si quis sine
 crimine est. Crimen (inquit Augustinus) peccatum graue est, ac-
 cufatione & damnatione dignum. Ita tractatu 41. in Iohannem,
 vt Magister citat 4.2. dist. 2. Item 21. de ciuitate Dei c. 28. de pec-
 catis quæ elemosynis & oratione remittuntur : & in enchiridio
 c. 64. vbi ex professo de hac distinctione peccatorum loquitur: de
 qua nos superius in sacramento pœnitentiz, cum de remissione
 peccati venialis ageremus, plura diximus, huic etiam loco con-
 uenientia. His scripturæ & sanctorum authoritatibus suffragatur q. 72. art. 5.
 quoq; ratio, naturæ & fidei cōsentiens, quam habet diuus Thomas et q. 88. ar. 8.
 diligenter in prima secundæ: de qua breuiter hæc annotanda sunt.

Primum. Mortale à veniali non distinguitur primò ex reatu
 pœnæ, quòd videlicet hoc sit dignum temporali, illud æterna: sed
 hæc distinctio consequitur eorum naturas, ex quibus primò di-
 stinguunt. Secundū. Prima horū distinctio est ex diuersitate inordi-
 nationis, à qua (vt patet) peccata habent omnē malitiā, vt diximus.
 Deordinatio verò omnis, cū sit contra ordinem aliquem, in quo
 necesse est esse principium siue finem, & medium, est proculdu-
 bio vel circa finem ipsum & principium ordinis, vel circa media,
 saluo ordine ad finem. Igitur sicut in corporea ægitudine omnis
 deordinatio humorum, saluo principio vitæ, curabilis est: sed cor-
 ruptio ipsius vitæ, mors videlicet, irreparabilis: & sicut in intel-
 lectu speculatiuo, qui errat circa probabilia media, vel conclusio-
 nes quascunque, etiam necessarias, reparari potest & emendari, si
 principia scientiæ & ratiocinationis salua permaneant: ita in mor-
 talibus de quibus nunc agimus, si quis peccet contra fines ipsos
 ad quos reliqua omnia ordinantur: quantum est ex ipso irrepara-
 biliter peccat: vt videlicet si contra charitatem Dei, & obedienti-
 am, vel proximi vtilitatem peccet, quantum in ipso est, incurabi-
 lis est: & hoc vocamus peccatum mortale: quod quia aufert gra-
 tiam & charitatem, cui primò & directè opponitur, ex se dignum
 est morte æterna. Si autem circa alia quis peccet & deordinetur,
 saluo tamen ordine charitatis: cū contra illam nō agat, sed præ-
 ter illā tātū, nō est dignus æterna separatiōe à Deo, nec inimicitia:
 quod vocamus peccatū veniale: vt otiosum aliquod verbū nulli
 nocens, parum immoderatus vsus cibi: & huiusmodi. Hoc enim

naturalis ratio habet (cui consonat proculdubio diuina lex) ut
 in omni amicitia quædam sint illi omnino contraria, quædam ve-
 rò tantum nonnihil retardantia affectum amicitie. Hæc igitur
 sunt peccata venialia. Quæ d. Thom. certissima ratione tantum
 secundum quid dicit peccata: collata ad peccata mortalia, sunt
 quasi imperfectum quid in genere peccati. Ex quo respondetur
 etiam obiectioni hæreticorum ex illo verbo Pauli: Stipendiū pec-
 cati mors. Ibi enim de peccato mortali est sermo: quod ostendit al-
 ter locus: Ipse tamen saluus erit. Et certe in Paulo peccatum non
 dicitur nisi mortale, vel causaliter, vel formaliter. Secundò etiam
 infert beat. Thom. ex prædictis, in peccato veniali non esse propriè
 & perfecte: deordinationem vel maculam, sed secundum quid
 tantum: priuatione scilicet actualis splendoris, qui est in actu vir-
 tutis, & deordinatione ab his, quæ quodam modo impertinentia
 sunt. Tertiò deniq; nec peccatum veniale propriè esse contra le-
 gem aut præceptum, assent. Quod quanquam nonnullis displicet,
 rectè tamen consideratum, & rationi & patribus consenta-
 neum est. Non est enim contra finem alicuius præcepti: finis enim
 omnium est charitas, ut Paulus ait: & ideo contra nullum præcep-
 tum est. Nam præceptum via quædam est: viz verò propriè cō-
 trarium est, quod termino ipsius repugnat: unde non facit contra
 dirigentem in via, qui etsi parum diuertit, non tamen in contrariū
 tendit: ut Augustinus in lib. de doctrina christiana, de exponen-
 te scripturam sacram alieno quidem sensu à circumstantia lite-
 ræ, sed verò, inquit. Igitur non negamus mendacium omne pro-
 hiberi aliquo præcepto: sed præcepto ordinante charitatem Dei &
 proximi: contra quod non fit, si mendacium non fit contra chari-
 tatem Dei & proximi: sed est præter præceptum, & nonnulla de-
 clinatio à via, & retardatio. Et hæc de natura peccati venialis in
 genere nobis sint dicta, in qua errarunt hæretici præsentis pernicio-
 se ab ecclesiæ sensu recedentes, atq; ideo reiicientes tam cer-
 tam distinctionem: sed & nonnulli alij, inter quos Gerson, pietate
 quadam putantes se obsequium præstare Deo, cum dicunt veni-
 ale peccatum ex se esse mortale, & ex se dignum æterna damna-
 tione: & deniq; non minus nos teneri Deo gratiarum actionem,
 quòd veniale non puniat æternaliter, quàm quòd remittat nobis
 mortale. Et hæc omnia pertinent ad errorem illum Stoicorū, om-
 nia peccata æquantium. Nam quid rationabilius, quàm fateri
 futurum

furtum tantum distare ab homicidio, quantum res furto ablata à vita? Quod negantes, Stoicos se facere debent, & negare, quod tantum distet mendacium nulli nocens, & quod multis prodest, ab ipso homicidio, quantum nullius nocumentum cum minima deordinatione, ab ipsa vitæ subtractione distat. Quod si quis consideret, facile soluet eorum rationes. Nec enim rationabiliter dici potest, iuste priuari posse peccantem eo bono, contra cuius ordinem non facit cum peccat: Vnde nec Deo propter peccatum veniale priuari quis iuste potest. Vbi non inquirimus quid vel omnipotentia, vel immentia eius bonitas possit: sed quid habeat ipsa natura peccati.

LECTIO SEPTIMA.

De eodem, & dist. peccatorum venialium.



QUAE huc usque diximus pertinent ad peccatum veniale minuendū. Vnde apparet quā sit paruum peccatum comparatum mortali: distat enim ab eo quodāmodo in infinitum. Est tamen ostendendum, quid in eo sit mali, & quod merito timendum ac diligentissime fugiendum sit.

Est igitur peccatum veniale opinio dispositio quadam, atque ita appropinquatio ad mortale, ut de hoc merito apud sapientem scriptum sit. Qui minima negligit, paulatim deficiet. Dupliciter igitur (ut b. Thom. inquit) peccatum veniale ad mortale disponit. Vno quidem modo directe, sicut calefaciens disponit ad formam ignis: assuefaciendo videlicet alicui transgressioni hominem, atque ita ipsam ei connaturalem reddendo. Ex quo fiet tandem, ut vel consentiat in illam consensu deliberato, unde mortaliter peccare potest: ut cum frequenter venialiter quis appetit turpem delectionem, & assuevit negligentius se gerere: fiet aliquando ut ple-

Veniale peccatum est dispositio ad mortale.

ar. 3. 88. q.

1. 2.

no consensu illam desideret. Vel (vt magis placet b. Thoma eo loco) assuesfactus mendacijs iocosis, fieri potest, vt nonnunquam adeo eis deleatur, vt ipsa contra Dei præceptum aliquod, vel finem in eis constituens, committat. Itaque tunc peccatum veniale à mortali differt, sicut tepiditas à calore. Aliiter verò disponit, non quidem directe & per se, sicut priora: sed solum indirectè, sicut qui remouet prohibens descensum lapidis deorsum. Ex inordinatione enim aliqua fit, vt paulatim assuescat homo minus cogitare, & minus timere transgressiones: sicut euagatio maxima, & obliuio rerum diuinarum facit, vt minus Deus timeatur, & ita vel aufert, vel minuit timorem, magnum peccati impedimentum.

12 tract. sup.
Iohannem.

Vnde extat frequens patrum admonitio de cauendis, etiam leuioribus peccatis: & cum commissa fuerint, non negligendis ac per nihilo ducendis. Augustinus locum illum exponens: Qui autem facit veritatem, venit ad lucem &c. ostendit quanti facienda sint leuiora peccata, quæ non feruntur nisi in dilectione & misericordia Dei ambulantis, & propter illa veritatem confessionis coram Deo facientibus: etiam (inquit) si liberi sint à grandibus illis peccatis, quæ facinora dicuntur: homicidio videlicet, adulterio &c. Non enim (inquit) minus lædit sentina neglecta in navi, quàm magna tempestas: nec multitudo arena, quamuis minutissima sint eius grana, minus demergit nauim, quàm alia quæuis pondera.

Hæc itaque cum satis exaggerent nobis malum venialis peccati, sunt semper sobriè accipienda. Non est itaq; ex eis colligendum, peccata venialia, quantumuis multa & innumerabilia, mortali vni æquialere posse, vt nonnulli intellexerunt. Sed (vt beat. Thom. art. 4. eiusdem q. dicit) peccatum quod per se veniale est, potest, dum nimium placet, mortale fieri: vel dum ad finem mortalem ordinatur, vt art. 5. Sed hoc tantum ex illis verbis accipiat, animam multis venialibus grauari, ne ita possit in Deum asurgere: quo fit, vt facile superetur ingruente tentatore. Quare opus est frequenti conuersione in Deum querere remissionem venialium, de qua dictum est satis in sacramento poenitentiae. Hæc itaque (sicut proxima lectione diximus) de re ipsa, natura videlicet mortalis & venialis peccati, dicta sunt. Caterum nec nomina ipsa omittenda omnino sunt: quæ quæuis in vsu scripturæ non inueniuntur.

De nomini-
bus mortalis
& venialis
peccati.

ueniatur, nec apud antiquiores patres, quantum recordari possumus: non tamen propterea rejicienda sunt, quibus posteriores explicarunt et aperuerunt magis hanc peccatorum diuersitatem. Inueniuntur igitur hæc vocabula apud Magistrum sententiarum distin. 42. secundi: & post illum apud reliquos omnes: item in Richardo & Hugone de sancto Victore & similibus contemporaneis ferè Magistri: nec certè sine aliqua autoritate scripturæ & patrum. Nam peccatum vocari mortale, apertè consentit cum verbis Iacobi: Generat (inquit) mortem: & sapientis: Os quod Iacobi 1. mentitur, occidit animam. Et Paulus apertè dicit: Stipendium Sapient. 8. peccati mors. Et rursum: Prudentia carnis mors est, Et kerim de Roman. 6. viduis: Vidua quæ in delitijs est, viuens mortua est. Et innumera Ibidem 8. sunt de hac re scripturæ testimonia. Veniale etiam ab Augustino 1. Timot. 5. dicitur lib. de bono coniug. 6. 10. & 11. cap. quod Paulus secundum veniam concedit: vius videlicet aut contractus matrimonij, non generationis causa, sed delectationis, intra limites tamen honestatis. Sic enim ille interpretatur (vt superius diximus in tractatu matrimonij) verbum illud: Hoc autem secundum iudicium gentium dico: vbi Augustinus legit, secundum veniam. Vnde inquit ipse: Quis ambigat absurdissimè dici, non eos peccasse, quibus venia datur? Vnde venialem (inquit) habent culpam, excusantem illam matrimonio: pulchrè illo loco ostendens, quantum diuina ordinatio in hoc possit, vt grauius (inquit) ille peccet, qui sola prolis causa, & quidem raro, non tamen ad suam accedit (mortaliter scilicet) quam qui ad suam sola delectatione et frequentius: hic enim dumtaxat venialiter peccat, itaque ex his Augustini verbis, imò & Pauli, peccatum veniale merito dicitur, quod non habet deordinationem à fine, nec illud sequitur æternæ poenæ reatus: De quolibet eorum dixisset Paulus, se dare veniam. Hæc itaque de ratione peccati venialis in genere sint nobis dicta: ex quibus intelligi potest & mortale, de quo, vt notiore, non est opus plura dicere.

Iam de ipso veniali peccato specialius agendum, vt agnosci ex genere & possit & discerni à mortali. Hæc igitur sit prima distinctio venialis peccati à mortali. Aliud est ex obiecto suo & genere veniale: aliud ex vel ob imperfectione tantum actus: quam dist. beatus Thomas diligenter perfectione considerans explicauit in hac materia. Ex genere venialia actus sunt, quorum obiectum non repugnat ordini in vltimum finem, 1. 2. q. 88.

nem, art. 2.

mem. Sicut enim superius explicauimus, natura, species siue genus actuum nostrorum ex obiecto sumitur: est enim hoc primum in humanis actibus. Peccatum igitur illud, cuius obiectum non est aliquid contrarium charitati Dei vel proximi: vt mendacium ioculosum, sine officiosum, quod nullum lædit & alicui prodest, verbum ociosum sine cuiusque detrimento, et huiusmodi alia, ex obiecto suo & natura solum venialia sunt: sicut è contrario, homicidium & adulterium mortalia sunt ex suo genere, cum eorum obiectum contrarium sit charitati Dei & proximi. Ex imperfectione verò actus solum veniale est peccatum illud, quo ferimur in illicita & mortalia obiecta, sed non pleno & integro rationis et voluntatis consensu. Nam cum satis superius ostensum sit, actus nostros non esse vel laudabiles, vel vituperabiles, nisi quatenus voluntarij & in potestate nostra sunt: vbi non est perfecta voluntas, non potest esse perfectum peccatū, etiam si feramur in adulterium, vel homicidium. Ibi itaque est imperfectio actus, vbi imperfectio voluntatis. In his duobus ordinibus constituta sunt omnia venialia peccata: & est nobis de singulis in speciali dicendum.

LECTIO OCTAUA.

De peccato veniali appetitus sensitui, & primis motibus.



Quantum fieri potest, peccata venialia à mortalibus discernantur (quod certè in primis opus est in iudicio confessionis, vt alibi diximus) agamus primò de venialibus ex sola imperfectione actus: quoniam hæc consideratio habet simul coniunctam alteram, quæ est de principio, progressu, & consummatione peccatorum in nobis: quod in hoc principio putamus diligenter esse considerandum. Cum enim hominum sit paulatim ab inferioribus & imperfectioribus ad perfectiora & superiora progredi: id

di: id & in bono, & in malo commune est hominibus. Ad peccata mortalia non subito venit, quæ sunt maxima: sed primò ad venialia & leuiora, deinde ad mortalia progredimur. Hoc igitur hic ante omnia considerandum: ex quo, quod iam quærimus de imperfectis actibus peccatorum, inueniri potest.

Tribus igitur modis docent patres peccatum siue tentationem in nobis esse: suggestionem videlicet, delectationem, & consensum. Ita beatus Gregorius in homilia de Euangelio illo: Ductus est Iesus. Qui reuera tres fuit gradus peccati: quibus videlicet ab infimo ad summum venit: quos & beatus Augustinus 12. de Trinitate, diuersis nonnihil verbis, sed eodem sensu annotauit. Ex quo etiam Magister sententiarum hos ipsos posuit, & sequuti sunt eum reliqui. Ostendit itaque diuus Augustinus tria illa, quæ in Triacuncur primòrum parentum nostrorum peccato inuenta sunt, historice runt ad peccatissimum & iuxta literam: Serpentem videlicet suggerentem, mulierem seductam, & Virum consentientem, virum denique consummantem & perficientem, in quolibet peccato nostro inueniri: de qua expositione dicemus paulatim. Nunc satis sit dixisse, illa tria priora Gregorij istis conuenientissimè respondere, & ex istis nobis esse agnoscenda. Primò enim fuit suggestio, hoc est, propositio & persuasio ad peccandum: Nequaquam moriemini &c. Etis sicut Dii &c. Quod certè primum est in peccato, cogitatio videlicet ipsius, & bonorum omnium apparentium, quæ in eo sunt. Hoc vocat Gregorius suggestionem, et constat à serpente factum: de quo nunc nobis agendum.

Principium igitur peccandi constat cogitationem aliquam esse, qua incipit peccatum cogitari ut delectabile, vel utile. Hanc cogitationem nonnunquam imminitit diabolus: & hac ratione dicitur principium peccatorum: & hoc vel per seipsum, vel per alias causas. Potest ille memoriz vel imaginationi nostræ formam aliquam representare. Potest quoque exterius (quod nonnunquam in sanctis curauit) inhonestam mulierem aut huiusmodi aliud obijcere. Insurgunt etiam cogitationes hæ nonnunquam vel ex naturali aliqua dispositione, aut ex culpa, cum vel visu vel auditu hausimus, quod postea in imaginatione versatur: nonnunquam ex ipsa corruptione vel infirmitate naturæ nostræ. Vbi (ut admonent patres) magis considerandum quid cogitemus, quam ex qua causa: et nonnunquam proderit aduertisse, an ex culpa aliqua nostra:

DE PRIMIS MOTIBVS

an malitia demonis orta fuerint tales cogitationes malæ. Illud tamē hic considerandum, in huiusmodi cogitationibus duntaxat, si nulla adsit appetitus delectatio aut propensio, nullum esse peccatum. Vnde Gregorius Christum Dominum a diabolo tentatum fuisse suggestione tantum, inquit. Audiuit illum proponentem sibi gulæ, ambitionis, & auaritiæ peccata, & illorum commoda: nec opus est credere id non cogitasse; at verò nullus in eo vel minimus appetitus ad ea excitatus est. Quoniam in nobis raro hæc separari possint, vt sine affectu aliquo cogitemus. Suggestio igitur in nobis (quam Augustinus dicit serpentem facere) est, cum non nuda cogitatio versatur, sed appetitus ipse sensitiuus in peccatum ipsum (quod circa bonum sensibile est) propensus, rationem pulsât. Itaque primi illi motus appetitus nostri in illicita & peccata, ante consensum quidem rationis exorti, sed ipsam allicientes, sunt suggestio ipsa serpentis: quam Augustinus intelligit (& merito quidem) partem hanc nostram sensitiuam, quam comminem cum brutis habemus, in qua proculdubio regnat sathan. Faretur Paulus: Non habitat in carne mea bonum. Serpentem intelligimus inimicum humano generi, cuius caput, hoc est, principium conterendū est. Vnde & sathanas ipse sicut tunc serpentem induit, vt tentaret mulierem, ita nunc appetitum nostrum, ex se & corruptione peccati in malum propensum excitat & inflammat, non tantum obijciens mala, sed in ipso appetitu per qualitates conuenientes generans vel iræ, vel concupiscentiæ motus. Et hoc est iam primum initium peccati: in illicitis videlicet primis nostris motibus constitutum, Quare de illis nunc agendum. Primi igitur motus (quanquam non eodem modo ab omnibus accipiantur, sed inter eos, magis est diuersitas de nomine) iuxta probabiliorem modum illi sunt, qui in nobis deliberationem rationis præueniunt. Vnde ex ijs quæ superius dicta sunt de potentijs rationabilibus & irrationabilibus, facile ostendi potest, hos primos motus, hoc est, actus deliberationem rationis præcedentes, in tribus generibus potentialium inueniri posse. De quibus sigillatim dicendum, quomodo & quod peccatum in eis inueniatur.

Primo igitur supradicta considerantibus occurrunt nobis motus potentialium vegetatiuarum, quas superius diximus rationi non parere: vt fames, vel quicunque alius appetitus ex sola quali-

Suggestio
peccati.

De primis
motibus.

tate

tate corporis proueniens & dispositione, & nullam sequens apprehensionem seu cogitationem. Hos placet multis vocare motus primò primos, hoc est, maximè primos, & minus, imò prorsus non in potestate nostra existentes: in quibus, quantumvis in illicita aliqua ferantur, nullum est peccatum. Vt si quis in die ieiunij nimidum fameliceret, aut appeteret cibum aliquem prohibitum. Ita fuit famēs in Christo sine ullo proculdubio peccato. Huius ratio manifestissima est. Nam hi motus nullo modo sunt rationi subditi, quare omnino extra voluntarij rationem sunt. Nullum itaque in his peccatum, sicut nec meritum. Post hos ascendentes inueniuntur motus appetitus sensitiui, ex apprehensione sensibilium & corporalium bonorum emanantes: quales sunt omnes passionēs quas diximus, seu affectiones appetitus concupiscibilis & irascibilis, desiderium alicuius delectabilis, gaudium de illo presenti, tristitia de malo aliquo & nociuo. In his igitur, cum ad illicita ferantur, peccata venialia esse, scripturæ et patribus est consentaneum, ut b. Thom. post Magistrum quidem asserit, etiam ratione ipsi naturæ consona id probans. Et hos motus etiam multi vocant secundò primos. Primos, quia præueniunt rationem: sed non omnino primos, quia possunt à ratione comprimi, ut supradictum est. Quod igitur in eis peccata sint, potest illa sententia Pauli ostendi, Roman. 7. quæ ipse hos motus in illicita lamentabiliter in se agnoscit. Non quod volo bonum hoc ago, sed quod odio malum, illud facio &c. scilicet concupiscere. Itaque illud malum vocat, & imperfectionem quandam boni. Nam de eo intelligit d. Augustin. quod ibidem ait: Velle adiacet mihi, perficere autem non inuenio &c. Unde: Non habitat in me, hoc est, in carne mea bonum. Et quamquam hæc de fomite & habituali inordinata concupiscentia, quæ manet post baptismum, intelligi possint: quæ peccatum & malum dicitur, ut alibi explicauimus, quia causa est peccati: tamen actus & motus illius in illicita, Paulus mala quedam deflenda confitetur, pro quibus clamat: Infelix ego homo &c. & addit: Gratia Dei per Iesum Christum. Denique docet etiam hos motus mortificandos esse & comprimendos: Si spiritu (inquit) facta carnis mortificaueritis, viuetis &c. Et quamquam facta carnis de omnibus peccatis carnis intelligi possint, tamen & hos motus intelligendos esse ostendit illud quod dicit: Caro concupiscit aduersus spiritum &c. Merito igitur Aug. dicit in his motibus

Roman. 8.

DE PRIMIS MOTIBVS

nonnullum peccatū esse, quanquam minimum certè, & ideo veniale ex imperfectione actus, vt nunc agimus de veniali. Vbi hoc duntaxat difficultatem aliquam ingerit, & circa eam etiam diuersitas quædam est inter nos, sed magis de nomine: quomodo videlicet motus rationem præuenientes peccata esse possint, cum in eis non sit voluntarium. Quare nonnulli putant, peccatum hoc veniale esse, omissionem rationis non comprimentis hunc motum: sed (vt diximus) hæc nomina sunt. Apertè itaque dicendum, in his motibus esse peccata, quia, cum à ratione comprimi possint, imò & caueri ne insurgant, si sigillatim singuli considerentur: in eis est aliquid voluntarij. Quia tamen non omnino rationi parent, & omnes simul cauere humana infirmitas non præstet, sed fit, vt dum vni cauendo est intentum, insurgat alius, vt inquit b. Thom. non est in his perfectum voluntarium, sed imperfectum tantum: atq; ideo imperfectum etiam peccatum: veniale scilicet. Denique rectè dici potest, quòd, etsi cum subito ac primò insurgunt, non sint in potestate nostra: semper tamen in eorū continuatione aliquid voluntarij inuenitur. Satis itaq; sit, hæc censenda esse peccata, sed non quæ per se damnare possint hominem: vt apertè contra naturam ipsam humanam nonnulli doctores, & nostri temporis hæretici clamant, primos motus per se peccata mortalia esse: præterquam quòd gratis à Deo non imputentur fidelibus. Quid magis contra humanam naturam, quàm fateri motum illum, cui sancti repugnant, cui nullq modo cōsentiunt, quem verè & efficaciter detestantur, vt ipsi fatentur: eos apud Dei iustitiam æternæ mortis reos facere?

Est etiam tertium genus primorum motuum, in ipsa rationali parte nostra: nec solū in ratione inferiori, sed etiam in ipsa superiore ratione, quæ intentum est inspiciendis et consulendis æternis rationibus, vt supradictum est. Quia igitur hæc pars per participationem rationalis, sed essentialiter ipsa ratio est: videri poterat non esse in ea motus primos: sed si bene consideretur, sunt in ea motus præcedentes deliberationem. Potest enim etiam superiori rationi cogitanti de deo et de rebus diuinis, occurrere subitus aliquis motus aut dubitationis, aut dissidentiz. De quo videtur illud Psalmi posse intelligi: Qui saluum me fecit à pusillanimitate &c. et cetera. Merito igitur beatus Thomas inquit supradicta questione, quòd in ratione, vt directius est actionum nostrarum & in-

& inferiorum virtutum, nō inueniuntur primi motus. Hoc enim non agit ratio nisi deliberando. Sed secundum quod ipsa cognitua est suorum priorum obiectorum, potest subito aliquid ei occurrere, quod cogitet, & in quod feratur appetitus etiam ipse rationalis subito. Et hæc eadem ratione constat esse solum venialia peccata, cum sint circa illicita: vt (sicut diximus) motus infidelitatis, superbiz, desperationis, & eiusmodi: qui quanquam non nunquam possunt tribui appetitui sensitiuo, sunt nihilominus sæpè solius rationis: semper tamen sunt non perfecte voluntarij, & ita ex hac imperfectione venialia tantum peccata, de quibus nunc agimus. Satis itaque de his diximus.

LECTIO NONA.

De peccato delectationis in cogitatione peccati.



POST principium hoc de quo iam diximus, primorum scilicet motuum, in quibus venialia tantum peccata sunt: sequitur proximus huic gradus: cum scilicet non solum illecebra peccati mentem tangit, sed cum iam sola cogitatione illicitarum rerum mens oblectatur ante consensum in actum ipsum: quod dicere possumus esse delectationem peccati. Hunc gradum Augustinus in mystica illa expositione peccati primorum parentum significatum intelligit, cum mulier vidit pomum quod esset bonum &c. tulit atque comedit: intelligens videlicet hunc esse proximum gradum ad consummationem peccati, cum post suggestionem serpentis incipit iam mens sola illicita cogitatione delectari: vnde ascenditur ad consensum in ipsum actum peccati. Nō quod semper necessariū sit hoc prius inueniri: sed cerè frequenter. De quo illud certò constat, quod non solum peccatum committitur, cum in actum ipsum consummatum peccati consentimus: sed etiam cum negantes consensum actui, sola cogitatione de-

DE PECCATO DELECTATIONIS

luntate talibus oblectandi admittitur, per gratiam meditatoris remittatur. Itaque aperte docet Aug. in sola cogitatione delectari, mortale esse. Vbi certè subinducat rationem, quam b. Tho. postea latius explicauit. Delectari his cogitationibus non est aliud, quàm illis affici, & in eis sibi placere: hoc autem non est aliud quàm animum propensum habere in illicita: Si igitur hoc voluntarium & deliberatum fuerit, constat esse voluntarium affectum in illicita: quod Aug. indicat dum ait: cum mens oblectatur in illicitis. Rursum motus appetitus sensitiui in illicita & mortalia excusantur ex rationis inconsideratione: cum igitur iam ratio considerata sit, non habent unde iam excusentur. Hoc est enim quod Aug. etiam inquit: peccari, quia tenetur & voluitur libenter, quod statim cum animum attingit, respui debuit. Itaque habendum est vt certissimè, omnem appetitum voluntarium, hoc est, omnem propensionem & affectionem in illicita cum rationis consensu, illicitam esse ea ratione, qua ipse actus illicitus est. Et quauquam hoc posset sufficere, à posterioribus tamen multa addita sunt, quæ pertinent ad specialem considerationem, qualis in materia morali necessaria est: de quibus pauca breuiter sunt nobis annotanda. Duo igitur consideranda sunt, vt de his iudicari possit. Alterum ex parte voluntarij: alterum ex parte obiecti, quo in cogitatione delectamur. Circa primum igitur constat, tripliciter rationem & voluntatem se posse habere circa cogitationem illicitam. Primo, cum plenè consentit illi: quod apertum est peccatum. Secundo, cum illi etià aperte contradicit: vbi etiam constat non solum non esse peccatum, sed potius virtutem & meritum. Itaque hæc duo, tanquàm extrema, certa sunt. Circa quæ hoc est aduertendum præcipue, plenè rationis consensum aut dissensum prærequirere plenam etiam & integram aduertentiam: vt scilicet perfecte attendat & quid cogitet, & quid sit contra diuina præcepta. Si enim vel non aduertit an illud peccatum sit vel contra Dei præceptum, an non: quicquid ante hanc plenam considerationem sit, magis ad surreptionem pertinet, quàm ad voluntatem. Consulit Deus infirmitati nostræ & tarditati, & quasdam quasi inducias concedit nobis, vt plenè aduertamus & peccatum, & periculum rei quam cogitamus: quæ non sunt induciæ temporis: non est enim certum tempus definitum, intra quod aduertere debeamus: sed quamdiu in obliuione nostri,

Quando sit
plenus ra-
tionis con-
sensus aut
dissensus.

nostri, & eorum quæ cogitamus, sumus, tamdiu nobis non imputatur. Plenus ergo consensus vel dissensus sequitur plenam etiam considerationem. Hæc de duobus illis extremis.

Est verò medius quidam gradus, in quo neq; apertè consenti- De consensu
re deprehēdimur, nec dissentire; sed vel tepiditate quadā & som- vel dissensu
no ita consideramus illicitas cogitationes, vt non satis efficaciter rationis non
illis resistamus. Vbi sunt etiam multi gradus secūdum quod ma- pleno.
ior vel minor est tepiditas: & in his omnib. nihil certi definiri po-
test. In vniuersali tamen illud hīc obseruandum, non esse opus in
his omnibus certū aliquid definire. Id satis erit, vt cū aduertimus
nos considerasse, nec satis agnoscimus, an, vt opus erat, resisteri-
mus, Deo relinquamus iudicium, & magis timeamus culpam,
quàm securitatem nobis promittamus.

Est quædam negligentia parua, est alia maior: relinquamus
ea Deo iudicandas: & in dubio nos ipsos tanquā peccatores agno-
scamus. Excusant multa nonnulli: vt cum quis securitate quadā
ductus, cogitationem quam in se aduertit, negligit reprimere. Sed
hīc est ante oculos habendum, in scripturis sacris exhortari nos
ad vigilem custodiam nostri, ad non dormitandum nec oscitan-
dum inter insultus inimicorum & tērationes. Omni custodia (in- Prouerb. 4.
quit sapiens) serua cor tuum &c. Et Dominus in euangelio: Vigi- Luce 21.
late omni tempore orantes. Iterum: Cauete ne grauentur corda ibidem.
vestra &c. Vnde obliuio custodiæ cordis reprehenditur. Ephraim Osee. 7.
(inquit Propheta Osee) quasi columba seducta non habens cor.
Et Psalmista lamentatur: Cor meum dereliquit me &c. Non itaq;
parum timendum ab illis cogitationibus illicitis, quas oscitanter
repellimus. Verum est tamen in his omnibus, multū referte, qua-
lis sit cuiusque dispositio. Scriptum enim est meritò, Deum propi-
tiani ignorantij sue omīssioni eorum qui toto corde quærun-
t il- lum. Quare longè aliter in his dubijs censendum est de eo, qui su- 2. paral. 30.
per custodiam sui vigilat, & alienus est à prauis affectibus: aliter
de eo qui præcep- in quæcunq; illicita rapitur & ruit. Illud non
omitendum, quòd in his motibus nonnunquam non statim ap-
petitus paret rationi. Possunt itaq; perseverare nonnunquam re-
nitente etiam ratione: sed quando perseverant postquam ani-
maduersi sunt, nec constat contradixisse rationem: timendum est
valde eam consensisse. Sed dubia omnia relinquatur iudicio Dei,
& humili pœnitentia illorum à Deo postuletur venia,

DE PECCATO DELECTATIONIS

De delectatione quæ ex cognitione percipitur.

At verò circa obiectum hoc est considerandum, nō semper delectationem consequentem cogitationem esse de ea re quæ cogitatur, sed nonnunquam de ipsa cognitione. Constat enim cognitionem tantum, etiam rerum malarum & alienarum ab affectu, nonnunquam delectare. Est enim cogitatio per se bona & delectabilis, etiam mali: sicut scientia mali est bona. Igitur si illicita cogitetur ut agnoscatur, & ut de illis vel ab alijs doceri, vel ipsi docere possimus, & in eorum cognitione, quia perspicua est, & quia inuenta sunt quæ quærebamus, delectemur: nullum peccatum est, nisi forte curiositatis. Itaque cum vel de cognitione occulti prius, vel de adinventione aliqua subtiliori letamur dumtaxat, non est propriè peccatum illius generis. Ut si quis adinueniat & excogitet novas aliquas rationes inuadendi inimicum, aut surripiendi aliena, & hac inuentione delectetur. Si verò delectatio sit de re ipsa quam cogitamus: ut de adulterio, homicidio, & eiusmodi alijs: manifestus est consensus in illicita & complacentia voluntaria. Hoc verò quādo dubium est, ex statu maximè & affectu proprio pensandum est. Quia nihil afficitur rebus quas cogitat, & tamen deditus est adinventionibus: credi potest illū magis cognitione, quā re cognita delectatum fuisse. Ceterū qui (ut diximus) totus affectus est illicitis quæ cogitantur, meritò timere debet. Circa obiectum etiam scrutatur nonnulli, qualiter illicitum esse debeat quod cogitatur: an videlicet viduæ liceat cogitare de actibus matrimonij, aut marito in absentia vxoris. Illa enim licita sunt, nec dubium est sanctè viduam gaudere de generatione filiorum, & alijs ad matrimonium pertinentibus. Est tamen considerandum, quod in cogitationibus carnalibus delectari extra licitos ipsos actus, manifestè sit delectationem quærete ubi non licet. Nec enim licet extra actus ipsos matrimonij. Semper itaque hæc timenda sunt & fugienda, præcipuè his, qui rebus quæ cogitantur affectū sunt: Quorum enim attinet, ut is qui cupit se de inimico vindicare, sic cogitet & delectetur: si licitum mihi esset, sic occiderem aut læderem inimicum: aut si fornicarer, si esset licitum? In his itaque omnibus melius putamus simpliciter sentire, quā subtiliora quædam excogitare: maximè ex quibus vel laxentur habenz, vel excusentur negligentiz, quæ in his non sine periculo sunt. Putamus in his materijs quiescendum intra limites quos habemus à patribus. Si quis scrupulosius agere velit, is potius est continendus & exhortandus.

mus ad timorem, quàm permittendus. Hic itaq; de quo loquuti sumus, secundus gradus est in progressu peccati: & in eo primum inuenitur mortale, vt diximus.

Est verò tertius gradus, in quo est consummatio peccati: consensus videlicet in opus ipsum: quem Aug. dicit pertinere ad virum ipsum, vt iam explicauimus. Nec hic pluribus opus est, quàm vt nouerimus, iuxta ea quæ superius dicta sunt, propterea in consensu in actum peccatum consummari, quia quod attinet ad voluntarium, exterior operatio nihil malitiæ addit, nisi fortè per accedens: quia videlicet vel intenditur voluntas, vel extenditur, vel multiplicatur inter operandum. Neq; consensus in actum alterius generis peccatum est, quàm ipse actus. Quare id iam tantum restat, vt de mortali & veniali peccato ex suo genere dicamus: quãdoquidè de differentiâ, quæ est ex imperfectiõe actus, satis est dictum.

Consensus
in actum
peccati con-
summat
peccatum.

LECTIO DECIMA.

De differentia mortalis & venialis peccati ex obiecto, siue specie sua.



Voniam (vt ex superioribus patet) species actus humani propriè & primò ex obiecto est: illa est inter mortale & veniale peccati differentia maxima, quæ est ex obiecto. Secundum illam enim distinguuntur specie: & sunt, hoc quidem ex specie sua veniale: illud verò mortale. Quod iam declarandum restat. Nam ea, de quibus hucusq; loquuti sumus, mortalia & venialia, magis per accedens distinguuntur: vt motus primus in fornicationem, & consensus in delectationem de cogitatione eius, & consensus in actum.

Illud igitur hic statuendū vt certissimum fundamentum, quòd omne obiectum peccati, omne scilicet in quod peccando tendimus, sit aliquid alienum à recta ratione. Si enim rectè rationi esset conforme, non esset peccatū illud prosequi: quare dictum est in omni peccato deordinationem esse aliquā. Cum ergo ita sit, duo tanquam regulæ & bases sunt nobis statuenda. Primum. Omne peccatum, quod fertur in obiectum suum cōtra charitatē Dei vel

DE DISTINCTIONE

Quomodo proximi, habet ex sua propria specie quoddam sit mortale. Secundum illud quod fertur in suum obiectum non contra dilectionem Dei & proximi, sed vel tantillum illam remorans, solum est veniale in sua specie. Quando itaque actus ex proprio obiecto habet quod repugnet charitati, est mortale ex genere: cum vero non, est tantum veniale, si aliqua ex parte repugnet rationi. Hæc est prædictorum

1. Tim. 1. ratio. Quia (ut diximus ex Paulo) omnium præceptorum finis dilectio Dei & proximi est. Explicauimus hæc latius alibi ex ipsis euangelij verbis hoc ostendentes, ubi aperte Christus docet, vnicum se præceptum tradere. Hoc est (inquit) præceptum meum, ut diligatis inuicem. Vbi aperte innuitur, quod hoc seruato, omnia

Iohan. 15.

Matth. 22.

seruantur. Contra hoc igitur est omne peccatum. Et cum duo præcepta explicasset de dilectione Dei & proximi, subiungit: In his duobus mandatis vniuersa lex pendet & prophetæ &c. Ostendimus etiam natura ipsa satis constare, in omni amicitia quædam esse, propter quæ illa merito solui debeat: & hæc sunt illi contraria. Alia verò, quæ etsi non nihil vultum amici auertant, non tamen sufficiunt ut amicitia omnino soluatur. Quod multo magis in illa supernaturali amicitia & christiana, charitatis videlicet obseruandum est: quæ certè cum æstior sit & fortior cæteris, bonitatisque diuine innitatur, non soluitur leuius. Hæc itaque consideratio, si intellectu ab omnibus tenebris alieno, & luce veritatis illustrato attendatur, sufficeret ad discernendum mortale à veniali: ut videlicet iudicemus, an inordinatio quæ in peccato est, sit digna propter quam dissoluatur amicitia, & merito possit amicus odio haberi: an verò minor. Verum quia in speciali multa occurrunt, in quibus non certò hoc iudicari potest, maxime ab intellectu minus exercitato (nec enim parum est quod Paul. inquit, exercitatos habere sensus pro ipsa consuetudine ad discretionem boni & mali, maioris vel minoris) opus est in speciali alia addere, quibus hoc etiam magis explicetur.

Heb. 5.

Sit itaque hoc quod dictum est, veluti primum & communius principium. Sub illo possumus tria specialia statuere ex breui tractatulo Richardi de s. Victore, de differentia peccati mortalis & venialis: qui (quauis breuiter) quædam non parum consideratè tradit: Mortale (inquit) peccatum non fit sine grandi corruptione sui, sine graui læsione proximi, vel sine magno contemptu Dei.

Hoc commodius explicabitur supposita distinctione peccatorum, quam b. Thom. explicat. Sunt quædam peccata in Deum: alia in

q. 27. ar.

4. 1. 2.

nos ipsos

nosipfos: alia in proximos. Natura enim constat homines in Deum, tanquam primam causam suam & supremum dominum ordinari: deinde & ad seipfos, secundum quod rationales sunt: denique ad proximos, secundum quod sociales natura sumus. Omne itaque peccatum ab aliquo horum trium ordinum declinat. Sed quando mortale vel veniale sit, cogitandum est ex ipsa deordinatione: quanta videlicet illa sit. Parua itaque deordinatio venialis: magna verò mortalis iudicatur. Atque ita iuxta hanc triplicem deordinationem tria dixit Richardus, ex quibus tres possumus desumere regulas. Prima. Peccata quæ contra ordinem sunt in Deum, si quidem magnum habeant contemptum Dei, mortalia sunt: si verò leuem non quidem contemptum, sed vel obliuionem aliquam, vel minus dignam æstimationem, venialia erunt. Possumus exempli gratia dicere, quod idololatria magnum Dei contemptum habet: mortale itaque est. Minus consideratum iuramentum, sed verum, præter cuiusque damnum, aliquid irreuerentiæ in Deum continet, sed non magnum contemptum. Ita erit in multis alijs. Euagatio mentis in oratione, minor reuerentia in vsu Sacramentorum, & huiusmodi, non continent magnum Dei contemptum: Quare in hoc primo ordine mortalia non sunt ex suo genere. Secunda. Peccata quæ fiunt in nosipfos, hoc est, contra ordinem quem nobis ipsis proximè & primò debemus, quæ sunt cum grandi corruptione, hoc est, cum magna deordinatione à rectitudine rationis: mortalia sunt. Quæ verò non magnam deordinationem continent, venialia tantum. Nonnullus excessus in cibo & potu, sed præter grauem infirmitatem, aut priuationem rationis, aut periculum alterius peccati: veniale est. At verò ebrietas, omnisque excessus rationem absorbens, mortale est. Gula itaque, quæ tantum significat vitium in sumpcione cibi quocunque modo, non est ex suo genere mortalis: sed ebrietas, quæ significat excessum vsque ad priuationem rationis, mortalis est ex suo genere. Tertia. Similiter & in his quæ circa proximum sunt, quæ grauem læsionem continent, ex se mortalia sunt: vt homicidium, furtum, & huiusmodi. Quæ verò leuem, leuiora proculdubio: vt leuius aliqua & momentanea ira, præter appetitum iniusti & grauius alicuius damni. Vnde ex suo genere ira non est mortalis. Hæc itaque specialia magis possunt nonnihil aperire viam grauiora à leuioribus discernendi: quæ quidem ex illo primo fundamento se-

Tres regulæ
discernendi
venialia à
mortalibus.
Prima regu-
la de pecca-
tis in Deum,

Secunda re-
gula de pec-
catis in nos-
ipfos.

Tertia regu-
la de pecca-
tis in proxi-
mum.

DE DISTINCTIONE

quantur. Ratio enim peccati mortalis in eo est, quòd sit contra charitatē Dei vel proximi; & hoc habet magnus contemptus Dei, gravis corruptio sui vel rationis, & magna læsio proximi.

**Certior &
facilior ratio
discernendi
veniale à
mortali.**

Quia tamen in multis non facillè iudicari potest, quid magnum, quid paruum sit: nec sibi facillè quisquam credere potest: optima ratio mortalia à venialibus discernendi est, quam August. in Ench. c. 78. ponit. Quæ (inquit) grauiora, & quæ leuia peccata sint, non humano, sed diuino pensandum est iudicio. Diuinum verò iudicium vocat, quod ex scripturis sumitur, & ex sensu Ecclesiæ. Ita ille iudicat eo capite & duobus sequentibus. Quædam (inquit) leuissima iudicarentur, nisi in scripturis ostenderentur grauiora:

**Matthæi 5.
1. Corint. 6.**

sicut de eo qui fratri suo dicit, Racha, vel fatue: & de eo fideli, qui cum fratre iudicio contendit, & hoc apud infideles. Hoc enim grauius reprehendit Apostolus, & Ecclesia (inquit) grauius hoc arguit. At verò vsus matrimonij vltra rationem generationis, vitandi fortè alterius peccati causa: venia dicitur

**1. Corint. 7.
1. Corint. 6.**

dignum à Paulo. Et contendere in iudicio, etiam apud fideles, à Paulo dicitur omnino esse delictum. Nec tamen (inquit) ecclesia hoc durè vel punit vel arguit. Itaque si hæc bene expendamus, doceat nos grauitatem vel leuitatem peccatorum non ex ratiocinationibus nostris iudicare, neq; ex sensu nostro: nam is facillè hallucinatur. Et materia morali nihil facilius, quàm in vtramque partem dicere apparenter: maximè (inquit Augustinus) minus credendum est iudicio nostro, cum in consuetudinem aliquam venerint peccata. Habet enim hoc ratio nostra, vt facillè seducatur: & ea quæ consueta sunt, vel non aspiciat: vel si aspexerit, dissimulet:

Esaïæ 5.

& denique vel excuset vel laudet, quod in eis malum est. Vnde & illud est in scriptura: Dixerunt bonum malum, & malum bonum. Et rursus: Laudatur peccator in desiderijs &c. Quod malum Aug. eo loco, & in expositione 4. c. epistolæ ad Galatas, maximè deslendum & cauendum docet: vnde & citat eum locum. Doloris verba quæ dixerat in eo. ca. ad Gal. putamus hoc loco adferenda esse. Vx (inquit) peccatis hominum, quæ sola inusitata exhorrescimus, vltata verò, pro quibus abluendis sanguis filij Dei effusus est, quamuis tam mala, vt claudant nobis regnum cælorum, sæpe videndo omnia tolerare, sæpe tolerandò nonnulla facere cogimur: atq; ô vtinā domine, non omnia quæ non poterimus prohibere, faciamus. Addit ille, an hæc verba immoderatus dolor ex-

torserit

torserit, se non dicere: sed vtunque sit, valde cauendum hoc malum, ex quo, vtinam non aperta experientia nos doceret, summa mala inuenta esse in Ecclesiam: & quod ille ibidem dixit, magno cum scandalo cōtigisse iam in populo Christiano: vt videlicet sint multa peccata, quæ quamuis grauius, quia tamen consueta sunt, nullus propterea audet vel excommunicare laicum, vel degradare clericum: Nec est opus exemplis hoc ostendere: vtinam non tam manifestum esset, vt posset non videri. Habeamus itaq; illam certam regulam, vt in iudicio de peccatis primò scripturam consulamus. Si in ea aliquid graue dicitur, vel inter grauius computatur, ommissa omni ratiocinatione tale æstimemus. Vt apud Ezechielem accessus ad mulierem menstruam inter homicidia & per iuria computatur. Vbi verò nihil certi in scriptura habetur, sensum Ecclesiæ & maiorum nostrorum quæramus: is præferatur omnibus argutijs & apparentiæ nostræ.

Huic considerationi coniuncta est etiam altera de humanis præceptis, siue Ecclesiasticis, siue politicis & sæcularibus: quæ videlicet sunt vel à legibus ecclesiasticis, vel Imperatorum & aliorum principum. Circa ista enim sunt peccata mortalia & venialia. Nec est facilis aut breuis opera de omnibus his dicere. Illud tamen certum est habendum, ecclesiasticas & sæculares leges non humana aliqua autoritate, sed iure ipso diuino obligare ad peccatum. Nā illud Pauli: Obedite præpositis vestris, & subiace &c. Hebr. 13. Et quod Dominus ait: Qui vos audit, me audit: qui vos spernit, me spernit: aperte hoc ostendunt de ecclesiasticis prælatis, qui ministri Christi sunt. Et rursum de sæcularibus potestatibus sunt apertissima testimonia. Omnis anima (inquit Paulus) potestatibus sublimioribus subdita sit: & qui resistit potestati, Dei ordinationi resistit. Vnde ait: Subditi estote omni humanæ creaturæ &c. Quod itaque nonnulli humanis statutis detrahunt virtutem obligandi conscientiam, contrarium est fidei & scripturæ. Viderint illi quid præcipiant, subditorum est illis obedire, non contra Deum præcipientibus. Leges itaq; iustæ ad peccatum obligant. Non (vt Hæretici clamant) propter solum scandalum, vel contemptum, eorum transgressio est peccatum: sed solum quia voluntaria est inobedientia: atq; ideo sicut aliorum diuinorum præceptorum transgressio voluntaria præter alium contemptum, vel scandalum, peccatum est iuxta quæritatē rei de qua agitur: ita in humanis præceptis.

Nam

De ecclesiasticis & ciuilibus legibus

Roman. 13.

DE DISTINCTIONE

Roman. 13. Nam de hoc meritò illud Pauli accipi potest: Ideoque necessitati subditi estote, non solum propter iram, sed etiam propter conscientiam. Et illud, de quo rursus admonet seruos: Non ad oculum seruientes, quasi hominibus placentes, sed Deo. Vnde & alibi

Ephes. 6. post eandem sententiam addidit: Sed in simplicitate cordis timentes Deum: quodcunque facitis, ex animo operamini, sicut Do-

Coloss. 3. De transgressionibus, & non hominibus. Ex hoc proximum est, non obligare fione humana omnia ad peccatum mortale: sed quantum obligent, ex intentionarum con- tione legislatoris, & materiz de qua praecepta sunt, sumendum stitutionum, est. Si de re parua praeceptum fiat, & sub aliqua leui poena, vel

comminatione tantum mandetur: erit transgressio mortalis. Si verò de re graui, maximè ad spirituale bonum, vel temporale aliquod magnum Reipub. pertinet: vel sub excommunicatione, aut capitali poena prohibeatur, iudicatur mortale. Sed in his omnibus sunt multa specialia, de quibus non faciliè iudicandum: nec nostrae innitendum rationi, sed potius Ecclesiae aut maiorum sensui, qui non leuiter de his loquuti sunt: vt diximus superius de quibusdam. Est etiam in his humanis praeceptis locus dispensationi, & interpretationi intentionis legis. Vbi hoc aduertendum est, Ecclesiastica praecepta æquitate quadam suauiss. posita esse à pijsima matre, quæ salutem querit, & non perditionem filiorum: quare suauiter sunt etiam interpretanda. Itaque cum

De dispensatione & interpretatione legis humane,

vel adest rationalis causa, vel putatur adesse, etiam si fortè minor sit, excusanda est transgressio à peccato: vt de omittente ieiunium, aut obseruationem diei festi ex aliqua, quam putat rationabilem causam: quam in dubijs consulendus sit prælatus, si fieri potest.

De quibus omnibus
alibi etiam
dixim⁹.

f

LECTIO

LECTIO VNDECIMA.

De eodem specialius.



His igitur quæ sunt dicta proxima lectione, Sacerdotem colligi potest, quanta, & quorum cognitio necessaria sit ad hoc iudicium peccatorum habendum in speciali. Constat primò legis Dei & scripturæ sacræ cognitionem esse necessariam, quatenus concernit ea quæ ad mores pertinent: quorum omnium certum est decalogum epitomen esse & summam, in qua implicite multa continentur, quæ explicantur alijs locis scripturæ. Ille igitur, ad quem pertinet integrum & absolutum iudicium de his, necesse est ut habeat scientiam scripturæ, eorum (ut diximus) quæ ad mores pertinent. Sed inferioribus sacerdotibus satis est communia cognouisse, & de obscurioribus dubitare posse, ut dictum est superius. Ideo illis sufficit decalogi cognitio specialior quidem & plenior quam secularibus: ut intelligant quid præcipiatur, quidve prohibeatur in eo, & quanti sit faciendum quod iubetur aut prohibetur. Post hæc necessaria est cognitio etiam præceptorum Ecclesiæ, & aliarum communium legum & specialium: ut constitutionum synodaliū cuiusque diocesis, et huiusmodi quæ pertinent ad rempub. idque magis & minus pro tempore & loco.

Ex præceptis igitur diuinis & humanis petenda est cognitio peccatorum & transgressionum. Itaque ex illis duobus sequitur, quòd etiam necessarium est scire singula genera siue species peccatorum: inter quæ illa vitia capitalia tanquam præcipua, & in quibus cætera contineantur, collocata sunt: quorum etiam sacerdotibus cognitio specialior necessaria est. Igitur, ut hæc tria coniungamus, obseruandum, omnia præcepta, quæ sunt de illis quæ Deo, Præcepta & proximo, atque nobis debemus, esse vel affirmatiua, vel negatiua, sunt vel affirmatiuis præcipiuntur nobis virtutum opera: negatiuis prohibentur vitiorum actus. Itaque id quod scriptum est: Declina à malo, negatiua.

d & fac

Peccatū est
vel omis-
sionis vel com-
missionis.

r. 2. q. 72.
art. 6.

& fac bonum : in his duobus generibus præceptorum videmus. Negatiua enim præcipiunt declinare à malo : & sunt quasi præparatio & dispositio ad affirmatiua. Prius enim fugienda sunt mala quæ opposita sunt virtutibus : postea faciendum bonum, ad quod affirmatiua pertinent. Contra hæc duo genera præceptorum sunt peccata omnia : atque ideo merito diuiduntur in omissionis & commissionis. Peccata omissionis sunt contra præcepta affirmatiua : commissionis verò contra negatiua : quæ (vt b. Thom. inquit) magis materialiter distinguuntur, vt res videlicet quædam naturales, vel potius vt res, & negatio. Omissio enim tantum negationem significat eius quod agendum erat. Sed nonnunquam ad eandem peccati speciem ommissio & commissio pertinent, sicut b. Thom. ibidem inquit de omittente ieiunium ecclesie, & superflue comedente : vtrumque est gula : sed illud est ommissio, istud commissio. Si igitur præcepta, & eorum transgressionem recta considerentur, possunt peccatorum omnium species agnosci. Et circa singulas opus est attenta consideratione, vt quid mortale, quid veniale sit, agnosci possit. In qua consideratione consistit tota moralis materia : Cum enim eadem sit ratio contrariorum, in enumeratione specierum peccati & cognitione earum necesse erit virtutes contrarias cognosci. Hoc certe necessarium est sacerdotibus, qui de peccatis iudicare debent. Sed quia nimium est longum hoc opus, & à multis qui summas scripserunt, latius explicatum, & quidem satis sufficienter, nos in præsentiarum contenti sumus communia hæc, veluti principia quædam proposuisse, quæ viam aperient illis legendis & intelligendis.

Igitur de his credimus ex methodo illa confessionis, cuius aliàs hic mentionem fecimus, & ex Caietani summa sufficientem haberi posse cognitionem. Occurrunt nonnunquam specialia quædam, propter quæ aut legendi sunt qui plura & latius tradiderunt, vt Syluester, & alij : aut consulendi peritiores. Sed quod attinet ad communia, cum istis quæ hic tradita sunt, duo illi libri sufficere poterunt. Nos hoc loco, post omnia suprascripta, vniuersalem quandam enumerationem virtutum & vitiorum oppositorum duximus insinuandam, vt ex his capita ipsa rerum habeant, & ordinem doctrinæ, qui lecturi sunt alia. Itaque iuxta triplicem illum ordinem tria prima genera peccatorum distinguamus, videlicet :

In { Deum.
 { Proximum.
 { Nō ipsos.

In Deum porro ordinamur praeceptis illis quae ad religionem pertinent. Hæc enim vna virtus est, qua Deo reddimus cultum de- Peccata in bitum: & in Decalogo quidem sunt tria prima praecepta, vbi reli- Deum. qua omnia quae ad fidem, spem, & charitatem pertinent, continentur: quibus (vt Augustinus inquit in Enchiridio ad Laurentium) Deus praeceptis colitur.

Peccata igitur in Deum omnia sunt contra { fidem,
 { spem,
 { charitatem.

In quibus includi possunt cætera: sed possumus addere quartum genus eorum, quæ sunt contraria religioni: & in his omnibus sunt

alia { omissionis
 { commissionis.

Contra fidem igitur primum infidelitas est, cuius multæ sunt species. Proximum, apostasia ab ipsa fide. Tertium negatio fidei. Quartum denique, blasphemia. Et hæc quidem commissio- nis peccata.

Omissione verò peccatur solo defectu circa illam: vt cum aut non curamus cognoscere, aut confiteri fidem, cum opus est.

Contra spem sunt { Præsumptio
 &
 { Desperatio

Opposita vitia inter se, & vtrumque spei: alterum per excessum quodammodo, alterum per defectum.

Contra charitatem Dei sunt duo illa { Odium Dei
 &
 { Acedia.

Tristitia videlicet de bonis illis, quæ nos circa Deum agere, postulat eius bonitas. Omissio etiam contra charitatem est, cum negligimus diuinæ dilectioni vacare eo loco & tempore, quo recta ratio ad hoc ipsum obligat.

His proxima sunt, quæ sunt contraria specialiter religioni.

DE DISTINCTIONE

Per excessum quidem

Idololatria, cui cōiuncta sunt Diuinitio, & cæteræ magicæ observationes, in quibus est implicita dæmonum inuocatio.

Post idololatriā omnis etiam superstitio, superfluitas videlicet & excessus in cultu Dei, & falsus atque contrarius Deo cultus.

Reliqua sunt secundum defectum Religionis opposita.

Periurium & Sacrilegium: ubi omnis irreuerentia Dei rerumque diuinarum intelligitur.
Transgressio votorum,
Simonia
Tentatio Dei.

Quibus vltimò adiungenda est Superbia, quæ in Deum similiter grauissimum peccatum est. Hæc quidem omnia sunt commissiōis peccata circa religionem.

Cætèrùm omisiōne peccari potest circa illam, cum pro loco & tempore, quo necessarij sunt eius actus, omittuntur.

Sunt autem hi actus Religionis.

Detotio
Oratio
Adoratio
Oblatio
Sacrificium
Dei laudatio.

Ad quos actus non est dubium teneri hominem pro loco & tempore. Et hæc ad tertium præceptum decalogi pertinent. In his vniuersa vel quàm plurima sunt eorum quæ ad religionem pertinent: in quibus multa sunt ex genere suo mortalia: quanquam quædam etiam aut non semper, aut non ita certò sunt mortalia: vt superfluitas cultus Dei, & quædam quæ ad sacrilegium pertine-
re possunt.

Peccata cōtra proximiū Post hæc sequuntur ea quæ sunt in proximum peccata. Contra charitatem quidem quam illi debemus.

Sint:

Sint hæc commissio-
nis peccata.

Odium,
Inuidia,
Discordia,
Contentio,
Schisma,
Rixa, Seditio,
Bellumq; iniusta: &
Scandalum.

Omissionis verò peccata in vniuersum quidem, circa omnes vi-
delicet proximos.

Omissio

Misericordiæ &
Beneficentiæ, quarum actus sunt:
Elemosyna &
Correctio fraterna.

quæ omnibus proximis pro loco & tempore debentur ex chari-
tate: & si quæ alia sunt, vt verè sunt omnia opera misericordiæ,
quibus subuenitur vel corporis, vel animæ defectibus. Refert Chri-
stus dominus in euangelio plurima horum. Esuriui, & dedistis Matth. 25.
mihi manducare &c. quæ, quanti ab ipso fiant, ibi pater. De his
verò quæ pertinent ad subueniendum animæ, est frequentior mē-
tio in doctrina apostolica. Illa enim sunt quæ pertinent vel ad cor-
rigendos, vel ad sustinendos peccantes, ad instruendos vel con-
solandos infirmos, denique ad orandum pro omnibus: de quibus
frequenter loquitur Paulus. Debeimus (inquit) nos firmiores im- Rom. 15.
becillitates infirmorum sustinere. Et alibi: Corripite inquietos, 1. Thess. 5.
consolamini pusillanimes, suscipite infirmos; patientes estote ad
omnes. Et alibi rursum: Si preoccupatus fuerit homo in aliquo Galat. 6.
delicto, vos qui spiritales estis, huiusmodi instaurate in spiritu le-
nitatis. Sunt huiusmodi multa alia in apostolicis literis. Quorum
omnium frequenter etiam Iob meminit; ostendens quàm sibi cu- Iob. 29.
ræ fuerint: Oculus fui cæcus, pes claudus, pater eram pauperum, cor
vidus consolatus sum, & benedictio penituri super me: vene-
bat.

Contra iustitiam verò peccatur multipliciter in proximo:
commissione quidem homicidio, seu quacunque iniqua læsione
corporis, & furto sine rapina: quæ prohibentur quinto & septimo
præcepto. Et omnis iniquitas ac iniustitia commutationum, quæ:

d. 3. est

est in emptione & venditione, & usura, est peccatum in proximū: similiter quæ sunt damna iniusta in substantia proximi.

Sunt etiam contra iustitiam, quæ in iudicio iniuste fiunt: inter quæ primum est acceptio personarū, quæ in distributione bonorū communium est. Deinde omnis iniquitas aut iudicis, aut accusatoris, vel rei, aut testis, aut cuiuscunq; alterius eorum qui in iudicio conveniunt: quæ similiter constat in damnum proximi fieri. Sunt quoq; peccata alia extra iudicium.

Contra honorem aut famam proximi

Contumelia scilicet,
detractio,
suscitatio,
derisio, &
maledictio.

Quæ omnia linguæ peccata, damnum similiter inferunt proximo. Et observandum, hæc omnia, quæ cōtra iustitiam diximus esse peccata, obligare etiam ad compensationē illati damni, quam restitutionem vocant. Nec enim dubium est, reddendum esse proximo quod ab eo iniquè ablatum est. Vbi tamen sunt non pauca nec minima dubia, quæ ad iudiciū etiam confessionis pertinet, quāquam in his mentō possint inferiores iudices ad superiorem, episcopū videlicet, referre quæ maioris momenti sunt, aut ex parte aliqua dubia. Communia tamen professō opus est cognita esse. Itaq; & hoc inter cætera, de quibus seorsim in specie agendum est, seponatur.

Sunt quoq; speciales quædam virtutes iustitiæ partes: contra quas etiam omisione peccatur.

Videlicet

Pietas, qua parentibus observantiam, & superioribus omnibus debitum reddimus.
Dulcia etiam, qua honorem his quibus debetur, exhibemus.
Obedientia, qua parem superioribus.
Gratia, qua benefactoribus rependimus beneficia;

Omissio igitur harum virtutum, cum pro loco & tempore earum actus exercendi erant, peccatum est: maius vel minus grave vel leve iuxta materiam, & circumstantias alias, de quibus sigillatim postea dicendum.

Sunt

Sunt quoq; virtutes quædam aliæ iustitiæ proximæ, cōtra quas etiam peccata committuntur.

{	Nempe	Veritas, quia tales nos gerimus
		exterius, quales interiori sumus.
		Amicitia, &
		Liberalitas.

Itaq; mendacium, simulatio, iactantia, & ironia (quæ genera sunt mendaciorum) peccata sunt veritati contraria. Quibus coniuncta est etiam adulatio, quæ magis contra veritatē amicitiaē esse videtur. Avaritia etiam & prodigalitas liberalitati contraria sunt. Et hæc omnia proxima peccata similiter ex suo genere non sunt mortalia, sed quādoq; ex materia, vel alijs circumstantijs: vt mendacium, adulatio, prodigalitas, avaritia. Hæc igitur de peccatis in proximum.

Ultimo denique numerantur peccata quæ sunt contra nos ipsos: ea videlicet, quæ nec proximè in Deum tendunt aut contra nos ipsos. illum fiunt, nec alijs nocent: sunt tamen contra ea quæ deceptæ rationalē naturam: atque ita temperantiæ & fortitudini sunt contraria; cæterisq; virtutibus cognatis. Hæc primò quidem sunt gula & ebrietas, deinde luxuria & eius species, atq; incontinentia, quæ continentia, virtuti cuiusdam temperantiæ coniunctæ, opponitur: & ira ac crudelitas lenitati contrariæ. Immodestia similiter excessusq; tum appetitus sciendi (quæ curiositas est) tum ornatus, incessus, atq; gestuum etiam, inorum atq; ludorum. Hæc enim omnia intemperantiæ quædam sunt secundum excessum. Sunt etiam vitia his atq; temperantiæ contraria per defectum: vt inhumanitas, in nimio defectu sumendi cibum: & ita in cæteris dici potest. Sequuntur post hæc fortitudo, & virtutibus illi cōiunctis contraria secundum utrumq; extremum. Fortitudini quidem aduersarij timor, seu timor, quæ prohibet Christus: Nolite timere qui occidunt corpus etc. Intimiditas & audacia, illis contraria. Et post hæc, quæ magnanimitati opponuntur: presumpcio scilicet, ambitio, & inanis gloria: & pusillanimitas, quæ in altero extremo illis opposita est. Deniq; quæ magnificentiæ patientiæ, perseuerantiæ opponuntur: ciuitas, paruitas, impatentia, molities, & pertinetia, quæ secundum duo posita extrema consequuntur. Et in his omnibus, sicut de peccatis quæ sunt contra proximum, diximus, quædam

DE RATIONE MEDENDI

dam ex genere suo tantum venialia sunt, alia mortalia: de quibus etiam in specie agendum. Hæc igitur sunt ferè peccata omnia. Nam de prudentia non est opus specialiter dicere, eò quòd illa coniuncta sit cæteris virtutibus. Et quanquam sint quedam vitia illi opposita, facile tamè possunt inter reliqua, de quibus diximus, computari: vel certè conditiones illorum sunt, vt præcipitatio, inconsideratio, negligentia, & similia. Hæc igitur sunt a nobis in hoc principio proposita, vt nouerint, quos huc admonemus, hæc sibi specialiter esse agnoscenda. De quibus nos (vt diximus) putamus inter cæteros Caietanum, quantum satis est, & quia opus est breuitate tradidisse: nec omittendus est utilis libellus, qui methodus confessionis dicitur: quem antepaucos dies huc tradidimus.

DE RATIONE MEDENDI PECCATIS, QVATENVS PERTI- NET AD SPIRITVALES IUDICES.

LECTIO PRIMA.



DIXIMVS in principio huius, quam nunc tractamus, partis, duo potissimum esse necessaria spiritualibus iudicibus: cognitionem videlicet peccatorum, & cognitionem rationis medendi vulneribus animarum: vt ibi ex patrum doctrina ostendimus. De primo igitur cum dictum sit in genere quidem quātum sufficit, & in specie ostensum quid sit reliquum: de secundo

tundo restat vt nunc agamus:quem locum, quia nunc nimium videmus neglectum,cupimus diligentius commendatum esse,atque pro nostra tenuitate conabimur illustrare ac docere.

Duplex igitur medicina adhibenda est animabus in sacramen Medicina ad
to pœnitentię. Prior,qua à peccatis commissis curētur. Altera,qua hibenda est
etiam præsentiur à futuris. Quę ita coniunctę sunt, vt reuera propter prę-
neutra sine altera aut sufficere possit, aut vix certę veraciter adhi- terita, & con
beri. Qui baptizatur à mortuo (inquit sapiens) & iterũ tangit mortu tra futura
tuum, quid prodest lauatio eius? Quo aperte ostenditur, frustra peccata.
commissa dimitti peccata, si iterum repetantur. Frustra (in Ecclesia. 34.
quam) quantum atinet ad fructum & salutem animę: cum (vt
dictum est superius) periculosius rursus infirmetur anima. Et in
euangelio dominus non solum reciduum peccati peius & peri-
culosus esse docet (Fuit, inquit, nouissima hominis illius peio-
ra prioribus) sed etiam in specie tamen, & non secundum verita-
tem pœnitentiam frequenter agi, cum futura non cauentur pec-
cata: quāuis non negandum sit, posse etiam verę & integrę fieri
ab eo qui rursus labitur, propter humani cordis labilitatem, vt su-
prā dictum est. Inuenit (inquit) domum illam vacantem, quāuis
mundatam & ornatam. Quid est vacantem: nisi ociosam, & non
verę suę salutis intentam? Sed quia de his plura diximus in tracta-
tu de sacramentq pœnitentię: satis sit hęc obiter admonuisse, & Notet se-
dist. hanc duplicis medicinę annotasse. Hoc tamen circa illas est quentia qui
diligenter aduertendum, has adhiberi non in sola absolutione & audit cōfes-
administratione sacramenti: quanquam non sit dubium, ipsum siones.
optimam esse medicinam, vbi & passionis Christi meritum atque
virtus applicatur animę, & infunditur ei diuinę gratię sanitas ac
robur confertur, vt meritō secūdm quodammodo baptisma di-
ci possit. At verō cum sacramentum hoc medicinale sit, & ex illa
pœnitentia, quā ante institutionem sacramenti, & ratio, & lex
diuina docet, confectum: ex actibus videlicet pœnitentis, qua-
si exercitio quodam, siue sudore aut vomitu infirmi, vt suprā di-
ximus ex b. Thoma: non rectē administratur hoc sacramentum,
nisi cūm debite prius pręparatur pœnitens. Quare illud in hoc
principio statuatur: ad spiritualement medicum pertinere, vt agno-
scat hanc pręparationem pœnitentis, &, vt eā ipse pro parte suā,
adhibitis spiritualibus medicinis, adiuuet: excitans videlicet pœ-
nitentem ad dolorem peccati, & reliqua necessaria: de quibus di-

DE RATIONE MEDENDI

**Triplex scientia necessaria est audi-
enti confessionem.**

ctum est suprà. Ne itaque tam absurdè errent sacerdotes, quí putent satis esse, quando sacramentum admovent pœnitenti, quasi medicinam infirmo. Prius enim opus est vt agnoscat dispositum esse illum iuxta illa quæ superius ex Hieron. in illò Math. locù : Quæcumq; solueritis super terram &c. exposuimus: & vt etiam ad ipsam præparationem infirmi cooperentur, iuxta illa quæ ex Chrysost. libris de sacerdot. & ex Innocentio in ca. Omnis vtriusq; sexus, adduximus. Colligamus igitur, ad sacerdotem in iudicio illo confessionis primò pertinere scientiam necessariæ pœnitentiæ & doloris, quæ ad remissionem peccati requiruntur: alioquin cæcus ceco ducatum præstabit, & margaritas ante porcos sparget, aut sanctum dabit canibus. Scientiã (dicimus) doloris & contritionis duplicem: alteram, quasi speculatiuam: qua primò sciat quid ad veritatem pœnitentiæ & contritionis requiratur, & quibus signis hæc cognosci possit, vt ex his (quantum fieri potest) intelligat, vera, an falsa: sufficiens, an imperfecta sit pœnitentiã & contritio. Alteram, veluti practicam: qua scilicet possit ad pœnitentiã & contritionem excitare peccatorem. Hoc enim debet ante omnia agere, cum viderit id deesse pœnitenti.

Cap. 8.

Cæterum tertia etiam petita est necessaria: qua videlicet sciat remedia adhibere periculo recidui: idq; pro qualitate peccatorum & peccatoris. Hoc est enim quod Deus seuerissimè exigit, & cuius defectum acerrimè exprobrat in scripturis. Ad quod (vt cætera omittamus) locus ille Ieremiz notandus est. Ita enim dominus mysticis verbis loquitur. Nunquid resina non est in Galaad, aut medicus non est ibi? Quare ergo non est obducta cicatrix filii populi mei? Vbi aduerte, quòd etiam signa & vestigia peccatorum medicinæ huius spiritualis remedijs vult Deus deleri, quantum fieri potest. Quare (inquit) non est obducta cicatrix? Quamobrem eodem cap. aduersus sacerdotes & doctores clamat. Sanabant contritionem filii populi mei ad ignominiam eius, dicentes, pax, pax. Vnde inquit: Quomodo dicitis, sapientes nos sumus, & lex domini nobiscum est? Verè mendacium operatus est stylus mendax scribarum. Verbum enim domini proiecerunt, & sapientia nulla est in eis. Quæ omnia apertissimè competunt, & magis propriè ac verius dicuntur in nostros sacerdotes, qui rationem veræ pœnitentiæ ignoantes, nec scientes quibus admonitionibus ad eam exhortandi sint pœnitentes; denique, neque qualiter reciduo

occur-

occurrendum sit: ministros se exhibent absolutionis. Contra hos (inquam) tanto magis illa dicuntur, quàm contra illos sacerdotes legis veteris: quanto nostri verius quæ ad spirituales animarum salutem pertinet, tractant, quàm illi. Nec Isaias hoc omisit, ex persona Dei inquires. Dimittetur impietas Iacob: & hic est omnis fructus, ut auferatur peccatum eius: aperte ostendens duo hæc inspicienda esse: alterum ut remittatur peccatum præteritum: & ut caveantur futura. Hi est enim fructus, quæm dicitur ut auferatur peccatum, futurum proculdubio. Nec enim aliud eff reliquum, remissis præteritis.

Cap. 27.

Tria igitur hæc, quæ ad scientiam sacerdotis pertinent, annotentur diligenter. Ex quibus primum, quod videlicet pertinet ad cognoscendam veritatem & perfectionem contritionis, explicauimus pro capto nostro in sacramento pœnitentiæ. Restant igitur duo: quomodo videlicet & ad contritionem excitandi sint pœnitentes, & qualiter contra futura peccata præmuniendi sint: quæ duo simul hoc loco à nobis tractanda sunt. Et merito quidem, quandoquidem simul coniuncta sunt, ita ut vix ab inuicem separari possint, ut satis in sacramento pœnitentiæ ostendimus. Quâ iunctam habet sollicitudinem de futuris peccatis vitandis. Quis autem non intelligat, non esse verum propositum cauendi peccata, quod non fecit hominem sollicitum ad querenda oportuna remedia: maximè cum periculum aut agnoscitur, aut certè facile agnosci potest? Aut quomodo verè illum peccatorum pœnitent, qui, cum mouerit facile se lapsum, non cogitat quibus remedijs tanto periculo obuiandum sit, denique, qui non suscipit illa à spiritali medico sibi imposita? Et idem de sacerdote ipso merito iudicari potest. Nec enim curat verè à præteritis absolvere, qui de futuris cauendis non serib admonet. Augustinus sanè non propositum tantum cauendi futura peccata, sed vitæ mutationem necessariam putat: quæ non est aliud, quàm, ut statim remedia opportuna contra peccata adhibeantur. Si itaque ex his omnibus conclusum, non esse veram cōtritionem, nisi cum necessaria remedia contra futura peccata suscipiuntur. Quare illa nō tantū contra futura peccata sunt, sed etiam ut præterita remittantur. Non igitur verè agit ad remissionem peccatorum præteritorū sacerdos, qui futuris remedia non adhibet: nec verè ad contritionem excitat,

neq; ad remedia contra periculum futurorum, nisi simul etiam ad ea suscipienda peccatorem inducat. Igitur de his duobus nunc agendum.

LECTIO SECVNDA.

De origine & causis peccatorum, &
de prima earum, ignorantia
scilicet, in speciali.

Tria diligenter cognoscenda sunt anime medico,



Tt quæ propofita ſunt conuenienter tradantur, cognoscenda ſunt primum cauſæ & origineſ peccatorū, deinde progreſſus, atq; ſtat⁹ ad quem peccatū peruenit: deniq; quod maxima ex parte ex his pendet, diſpoſitio & ſtatus ipſius poenitētis. Hæc enim tria, qui corporibus mederi vult, diſtingenter attendit. Vnde fit, vt eidem paſſioni nonnunquam con-

traria adhibeat remedia, intelligens ex contrarijs cauſis eandem infirmitatem nonnunquam oriiri. Aliter etiam eidem morbo, & ex eadem cauſa habenti originem, medetur, cum æger integris viribus & robuſto corpore eſt: aliter cū infirmo. Ita igitur & ſpiritualis medicus cauſas & origineſ peccatorum opus eſt vt attendat, vt illis remedia adhibeat; & quantum etiam proceſſerint peccata. Nec enim, etiam eiſdem ſpeciei ſemper æqualia ſunt peccata. Alia enim vſque ad conſuetudinem, alia vſque ad inuercundiam etiam & obſtinationem peruenerunt. Et iuxta hæc maiori vel minori remedio opus habent. Denique aliter infirmus, qui ſerè in deſperatione ex puſillanimitate labitur: aliter proteruiſ & obſtinatus curandus eſt. Merito itaque tria illa cogitanda ſunt: ſed primò de cauſis dicamus.

De cauſis peccatorū.

Cauſæ peccatorū colligendæ ſunt ex his quæ ſuperius de principijs humanorum actuum diximus. Cū enim peccatum ſit actus humanus deficiens & imperfectus, neceſſe eſt vt ex imperfectione

cauſa

causarum nascatur. Ad perfectionem enim affectus necessaria est perfectio causæ. Et ubi videmus imperfectum effectum, agnoscimus imperfectionem causæ fuisse: ut in arbore cuius folia marcescunt, aut fructus corrupti inveniuntur, agnoscimus in radice defectum esse. Cum igitur superius tres causas actuum nostrorum internos nobis posuerimus: rationem scilicet, voluntatem, & appetitum (nam reliqua omnia & organa & facultates nostræ magis instrumenta sunt, quàm causæ peccatorum) imperfectio trium harum potentiarum, vel alicuius earum reddit imperfectum actum nostrum, atque ita peccatum. Malum enim ex singulis defectibus fit & sequitur, sicut ad bonum integritas omnium causarum requiritur. Ratio igitur, & voluntas, ac appetitus integra esse debent, ut rectè operemur: si quid eorum deficiat, imperfectum erit opus, atque peccatum: sicut in omni effectū plures habente causas, manifestum est. Vt enim recta sit scriptura: & calamus, & manus, & ars necessaria sunt: quicquid defecerit horum, reddet opus imperfectum. Porro sicut rationis perfectio est scientia & cognitio, ita defectus eius ignorantia. Et hæc non minima origo peccatorum est. Propterea (inquit Isaias) captius ductus est populus meus, quia non habuit scientiam: & multa alia, quæ in hanc sententiam dicuntur pluribus alijs locis scripturæ. Perfectio verò appetitus sensitiui humani in subiectione erga rationem rectam constituta est: imperfectio igitur eius, rebellio est contra rationem. Hanc infirmitatem vocamus, quando circa bonum aliquid quod agendum appetitus rationi repugnat: Concupiscentiam verò, cum in malum contra rationem tendit: de qua Paulus dicit, quod caro concupiscit aduersus spiritum. Voluntatis verò perfectio in illius consistit in verum bonum propensione. Imperfectio verò & defectus in complacentia mali: quam malitiam dicimus. Hæ igitur sunt tres primæ causæ & origine peccatorum: ignorantia rationis, infirmitas et concupiscentia appetitus, et malitia voluntatis. De quibus b. Thom. diligenter scripsit, & opus est ut hoc loco de illis dicamus.

Observandum autem ante omnia, has tres causas ad peccatum ita concurrere: ut quamvis nonnunquam, imò frequenter etiam aut duæ, aut omnes simul concurrant: illa tamen causa peccati dicitur, quæ præcipua est, atque ita se habet, ut si deesset, non committeretur peccatum: quod aperte etiam experimur. Cum

e. 3. enim.

Ignorantia.
Capite 5.

Infirmitas.
Concupiscentia.

Malitia.

1. 2. q. 77.

DE IGNORANTIA

enim quis sic aliquid operatur, ut si agnosceret peccatum esse, non operaretur: etiam si ex aliqua passione & affectu id operetur, ignorantia tamen illius operationis causa fuit. Cum verò ex passione aliqua vehementi appetitus consentit quis in peccatū, quod non ignorat peccatum esse: etsi reuera ignorantia aliqua sit: ut ostendemus inferius: prima tamen causa passio illa est. Rursus, qui nec ignorans, nec illectus passione, malum eligit: is errat quidem, sed prima causa malicia est.

De ignorantia, quatenus est peccati causa.

Proverb. 17.

Dicendum igitur de singulis earum in hoc principio. De ignorantia igitur notandum, aliquam esse quæ per se sola est causa peccati. Et hæc (ut beatus Thomas inquit) est, cum omniino ignoratur peccatum esse quod agimus: ut cum Iacob accessit ad Liam. Alia verò ignorantia coniuncta est omni peccato. Errant (inquit sapiens) qui operantur malum. Nec enim dubium est, ut ex superioribus patet, electionem non esse peruersam, nisi præcedente iudicio aliquo peruerso, atque ita errore. Non quod putemus, ut Socrates voluit, omnem virtutem cognitionem esse, & ita omne vitium ignorantiam. Est enim manifestum, multos contra id quod aperte sciunt, in consensum trahi ex affectu aliquo. Sed non dubitamus, eum qui sic consensit, vel obliuisci, vel minus attentè cogitare id quod vel habitu, vel in vniuersali cognoscit: & hæc est ignorantia omni peccato coniuncta. De hac ergo duplici ignorantia agendum.

Primo de utraq; quomodo sit causa humani actus, dicemus. Cum enim defectus tantum sit ignorantia, non est propriè causa peccati directè agendo, sed indirectè tantum: sicut defectus & absentia gubernatoris est causa submersionis navis. Cum enim, si scientia adesset, prohiberet peccatum: defectus eius causa est ut committatur peccatum: sicut ait beatus Thomas. Contingit verò hæc ignorantia dupliciter: vel ex intentione auertentis se ab inquisitione & cognitione, vel certè à consideratione eorum quæ scire & considerare debet: vel præter intentionem, cum quis nimium intentus his quæ magis placent, omittit vel scire, vel considerare quæ debet. De priori illud dictum est: Noluit intelligere, ut bene ageret. Et quod Isaias contra impios ait: Qui dicunt videntibus, nolite videre: & aspicientibus, nolite aspicere nobis ea quæ recta sunt: loquimini nobis placencia, videte nobis errores: cecidet à facie nostra sanctus Israël. De posteriori verò illud psal-

mi

12. q. 76. 2. 1.
Duobus modis est quis ignorans.

Isaias 30.

mi intelligitur. Supercecidit ignis, & non viderunt solem, & oculos suos statuerunt declinare in terram: quamuis etiam ad priorem illam ignorantiam referri possit hoc, propter verbum, statuerunt.

De priori illa ignorantia, quæ sola est causa peccati, quomodo ad illud se habeat, nunc explicandum. Hæc enim quandoque excusat omnino à peccato: quandoque, si non omnino, saltem ex parte. Nonnunquam nihil minuit, sed auget etiam: idque secundum quod variè se habet ignorantia ad voluntarium. Nam cum (vt ex superioribus patet) peccatum omne voluntarium sit: ignorantia verò tollat voluntarium, inesse est vt peccatum auferat. Quando verò id fiat, ita explicauit Philosophus ipse, & antiqui illi, Gregorius & Damascenus, & b. Thomas quæst. supradicta. Triplicem enim distinguit ignorantiam, ex ordine quem habet ad voluntatem. Prima est, quam præcedentem vocant: quæ scilicet omnem voluntatem Ignorantia præcessit: hoc est, quam nulla ratione volumus. Altera verò huic voluntatem opposita, ex qua etiam hæc agnosci potest, dicitur consequens voluntatem: quam volumus aliqua illarum rationum, quas proximè diximus: vt illa nimirum, de qua dictum est: Noluit intelligere vt bene ageret: vel altera, de qua diximus illud: Supercecidit ignis, & non viderunt solem. Tertia denique, quam concomitantem dixerunt, illa est, quæ, etsi non sit voluntate concupita, tamen Ignorantia etiam si adesset opposita scientia, non impediret actum: vt in illo, qui sagittam iacit, putans se feram occidere, & occidit inimicum: voluntatem, occisurus proculdubio libentius, si inimicum esse sciuisset. Hæc itaque ignorantia, teste Philosopho, & his quos citauimus, facit actum non esse voluntarium, hoc est, non adesse tunc voluntatem: nec enim velle possumus aliquid eo tempore, quo illud non agnoscimus: non tamen facit inuoluntarium, hoc est, quod repugnat voluntario. Rursum, quælibet harum est nonnunquam iuris, nonnunquam facti. Et quæ iuris est, quandoque diuini siue naturalis, quandoque humani siue positiui. Iuris quidem est, cum ignoratur aliquid prohibitum esse: vt si quis putaret fornicationem non esse peccatum, vel vsuram esse licitam: quorum vtunque iuris naturalis est. Vel, vt de positiuo iure dicamus, sed diuino: si quis putaret confessionem peccatorum non esse necessariam, aut nunquam audisset prædicationem Euangelij. Iuris verò humani ignorantia est, si quis putaret non minus licere iudici

Quæst. 76.

Ignorantia
iuris diuini
vel humani.

DE IGNORANTIA

**Ignorantia
facti.**

**Quæ igno-
rantia excu-
set à peccato**

dici sæculari in clericum animaduertere, quàm in laicum. Ignorantiz verò facti apertissimum exemplum est in Iacob. De omnibus igitur certum est, ignorantiam præcedentem, quæ inuoluntaria est, excusare omnino à peccato: & illam vocant ignorantiam iniuncibilem: quam scilicet diligentia nostra non possumus vincere: diligentia inquam humana, & qua prudentes solent in simili re uti: & propterea ipsa ignorantia nullum peccatum est, nec villo modo voluntate appetita. Neque nunc opus est quæstionem illam anxie tractare, an possit licitè ignorari lex diuina: vel, an sine culpa ignoretur aliquando. Sunt qui putent ius diuinum nunquam sine culpa ignorari: adeo, ut sentiant nullum excusari à fidei Christianæ susceptione, etiam si non audierit Euangelium. Sed non est opus anxie hæc disputare: melius est diuino iudicio hoc relinquere, de quo nihil certum nobis in scriptura est proditum. Satis est, ea quæ ignorantur absque dolo & fraude, & absq; negligentia manifesta discendi & sciendi quæ necessaria sunt, excusare à peccato. Nam illud, quod apud Ezechielem dicitur de eo qui posuit iniquitates in corde suo, & iuit ad interrogandum prophetam: Ego Dominus respondebo ei in multitudine immundiciarum suarum, & decipiam prophetam illum: iuxta iniquitatem interrogantis, sic iniquitas prophete erit: ad fraudem, vel apertam negligentiam pertinet: cum scilicet voluntariè ignorat, & quærit quod sibi gratum, non autem quod verum est, dici. Nam quod quidam putarunt, ut excusetur quis ignorantiam iuris diuini, necesse esse, ut prius per veram poenitentiam in Deum conuertatur: ne videlicet propter peccata sua permittat illum Deus decipi: durius est, quàm ut omnibus imponi debeat. Exhortandi quidem ad id omnes, qui de re maximi momenti dubij sunt, & doceri cupiunt. Verùm qui bona fide de his quæ occurrunt, dubiis consulit quos meritò iudicat sapientes, nec aliud agit, credi potest satisfecisse, ita, ut si quid errauerit, inuincibilis reputetur ignorantia & inuoluntaria. Hæc igitur de prima ignorantia.

**Ignorantia
voluntaria
non excusat
à peccato.**

De secunda verò, quæ scilicet voluntaria est, eadem ratione patet quòd non excusat à peccato: imò accusat potius, quando ex malicia aliquis non vult scire quæ oportet. De qua illud Pauli: Ignorans ignorabitur. Nōnunquam verò quādo ex negligentia est, excusat ex parte & leuius reddit peccatum. Vnde ipse Paulus inquit: Fui blasphemus & persequutor, sed misericordiam consequutus

sequutus sum, quia ignorans feci: ostendens videlicet ignorantiam aliquid excusasse.

Tertia demum illa neque accusat, neque excusat: quia nec voluntaria est, nec inuoluntaria. Occisio itaque inimici, dum putatur comitans occidi fera, tunc non fuit peccatum: quia non voluntaria: erit tamen neque accusat, nec peccatum, cum placuerit. Hęc igitur de ignorantia, qua omnino ignoratur peccatum esse quod agitur. Alia verò ignorantia, De ignorantia quæ in omni peccato inuenitur, quæ cæcitas mentis siue hebetudo tantum peccati sensus in scriptura et patribus vocatur, illa est, qua principium aliquo peccato con- quod non cogitatur, quod recte expensum à peccato auerteret: ut iuncta, quàm sit ingratum Deo, quàm nobis noxium peccatum, quanta pœna dignum: & similia. Ista non est dubium vel non cogitari à peccante, quod cæcitate dicere possumus: vel si cogitantur, non satis, ex hebetudine quadam & crassitie, penetrantur & expenduntur. Hęc enim cæcitas & hebetudo (ut docet b. Thom.) contrariantur dono illi spiritus sancti, quod intellectus dicitur: nec dubium est eas peccatorum esse causas, & augeri peccatis ipsis. Quo enim magis peccatur, hoc magis obtenebratur animus, & ineptior fit ad spiritualia ac diuina capienda: contra quod promittitur per Isaiam prophetam: Erunt omnes docibiles Dei, siue *διδοὺς ἡσυχίας*. Est enim proprium gratiæ nouæ legis, efficere hominem facilem ad capienda & penetranda diuina. Nos (inquit Paulus) omnes reuelata facie gloriam Domini specularantes, in eadem imaginem transformamur: cum eodem loco de Iudeis dicat, quod obtusi sunt sensus eorum. Vnde merito inter causas peccati maximas hæc ignorantia numeranda est. Et agnoscendum, quàm longè sint à gratiæ Christi statu, qui ad fidei mysteria cogitanda & intelligenda tam crassi & somnolenti ac tardi sunt, ut illa magis quasi figmenta quædam & somnia, aut reuera quasi non intelligibilia considerent. Quod malum non tam naturali defectui ingenui, quàm illorum culpæ certè tribuendum est: cui diligenter remedia adhibere debet spiritualis medicus: de quibus posita. Hęc verò dicta sunt, ut etiam quid de peccato ignorantie in arcano illo confessionis iudicio censendum sit, sciant quos hinc instruimus.

2.2. q. 16.

2. Corint. 3.

DE INFIRMITATE
LECTIO TERTIA.

De infirmitate.

Explicatur
animæ infir-
mitas.
q. 77. art. 3.



Ecunda, quæ ponitur causa peccati infirmi-
tas est: passio scilicet aliqua appetitus sensiti-
ui: quam merito infirmitatem vocamus (vt
inquit b. Thomas) quoniam est inordinatio
quædam partium hominis, qua impeditur in
operationibus rationis: sicut infirmitas cor-
poris dicitur, cum ex membrorum aut hu-
morum inordinatione ac disproportione impeditur corpus in
suis operationibus: ne scilicet recte ambulare, aut digerere, aut
huiusmodi aliquid facere possit. Ita ira tanquam febris quæ-
dam est & sanguinis accensio, qua turbatur rationis iudicium.
Turbatus est (inquit Dauid) à furore oculus meus. Ita concu-
piscencia carnis, & quicquid aliud est. Quomodo verò passio sit
principium humani actus, & qualiter ipsam rationem mouere,
ac vita voluntatem trahere in consensum possit, satis superius ex-
plicatum est, iuxta ea quæ beatus Thomas duobus primis arti-
culis illius quæstionis docet. Passio enim siue affectio causa est
peccati, quando immutando corpus vehementer distrahit à ra-
tionis consideratione, vel certè facit delectabile & bonum appa-
rere, quod illi affectui conforme est. Hinc fit, vt ventre pleno,
videatur facile ieiunium: at verò exhausto, aliter. De quo est
illud Philosophi: Qualis vnusquisque est, talis finis videtur ei: ta-
lia scilicet iudicat sibi expedire. Nihil ergo, hic aliud dicendum
est: quàm vt notetur, passionem hanc & infirmitatem frequen-
ter excusare & minuere peccatum: non vt auferat sui generis ma-
litiã (nam fornicatio & adulterium ex graui passione, morta-
lia etiam sunt: sicut & homicidium) sed excusare dicitur, quod
lenius faciat, & magis dignum misericordia. Vnde etiam legi-
mus frequenter in Psalmis, ad misericordiam implorandam alle-
gari infirmitatē. Miserere mei Domine, quoniam infirmus sum: et
similia, Quod ideo fit, quia infirmitas hæc minuit voluntarium, sicut

Quomodo
infirmitas
partim excu-
let peccatū.

& ra-

& rationis cōsiderationem. Quo enim maior est passio, eo minus cogitatur peccatum, & voluntas magis trahitur. Quare meritò b. Tho. supradicto loco, hoc dixit verum esse de passione præcedente deliberationem: hanc enim manifestum est impedire ipsam rationem deliberantem. Quæ verò sequitur deliberationem, non impedit iudicium rationis, nec voluntatem: sed potius, sequitur illam, et auget etiam. Quo enim magis in actu aliquo delectamur, quo plures & fortiores passionibus voluntati coniunguntur, eo magis illam tenent, & grauius peccatur: quod & in bono, & in malo certum est. Passio enim sequens in actu virtutis deliberationem, auget etiam eam virtutem: sed quæ præuenit, minuit.

Iuxta causam hanc, infirmitatem scilicet, notandæ sunt multæ alie causæ peccatorum, quas scriptura nominat; quæ omnes ex passionibus illis appetitus sunt. Constituit igitur beatus Augustinus amorem sui inordinatum primam causam peccati: qui (ut in Lib. 14. de quæ ille) cum usque ad contemptum Dei pertingit, ædificat ciuitat. Babylonis ciuitatem: quod beatus Thomas explicans eadem quæ De amore sui stione docet omnem passionem appetitus nostri non esse aliud, quæ etiam in quàm quod bonum aliquod sensibile amamus nobis. Omnia firmitas animamque quæ affectu nostro corporeo, & nondum sanato per gram est & priam volumus, propter nos volumus. Si itaque nos non amare, ma causa mus inordinatè, nihil aliud inordinatè cuperemus: quod satis d. peccati. Paulus indicat, cum, priusquam diceret de multis nouissimis temporum peccatis, præmisit: Erunt homines seipso amantes &c. Amor verò hic sui propriè intelligitur inordinatus ille affectus, quo nos iuxta corpus tantum considerantes, amamus corpori bona, ommissa et neglecta anima. Ille est enim amor ille, de quo in Euangelio dicitur: Qui amat animam suam &c. Ibi namq; anima pro vita animali accipitur, non pro rationali parte, qua iumentis præstamus: Qui sic se amat, odit: sicut iuxta literam quam nos habemus, intelligitur illud: Qui diligit iniquitatem, odit animam suam. Nec tamen solus hic amor corporalis appellandus est amor sui. Est enim infirmitas hæc & sui amor latior: & in Philosophis illis, qui nouerant corpus & corporea omnia contemnere: atque in spiritualibus viis, qui in scientia scripturæ & rerum diuinarum intelligentia sibiipsis placent, & quæ sua sunt quæiunt, locum habet. Itaque amor sui est omnis complacencia in nobis, aliena à vero & Christiano affectu, quo soli DEO,

DE INFIRMITATE

eius videlicet gloriæ, atque proximorum utilitati cupimus vivere. Et meritò dicimus hunc amorem sui primam esse febrem naturæ humanæ, quæ ex Adam ægro nascitur, & à qua vix ex toto liberamur. Cui Augustinus opposuit supradicto lib. amorem Dei usque ad contemptum nostri. Hic igitur primus morbus est causa peccati appetitus.

De concupiscentia carnis ac oculorum, & superbia vitæ. Hunc sequuntur tria alia, quæ scriptura notat, ut omnium peccatorum causas, dicente Iohanne: Omne quod est in mundo, aut est concupiscentia carnis, aut concupiscentia oculorum, aut superbia vitæ. Quæ (ut b. Thomas explicat) continent bona omnia appetitus sensitiui. Delectationes corporeas in concupiscentia carnis intelligimus: diuitiarum verò & habendi appetitum, in concupiscentia oculorum: vel vniuersalius, ut d. Augustinus sumit, curiositatem omnem, & quicquid ad satiandum appetitum cognoscendi pertinet: in superbia vitæ, excellentiæ & boni ardui appetitum intelligimus. Quæ tria, si bene pensentur, proximè ex præcedenti morbo oriuntur, & sunt magis speciales morbi, etiam cum nondum illis cōsensimus, aut non plenè. Etsi itaq; vnus vno, alius alio istorum morborum magis laboret: non est tamen qui non agnoscat se infirmum: imò vix est, qui non tangatur omnibus. Sed conandum est, ut quisque noscat quo grauius laboret. De quibus b. Augustinus diligentius, ex scriptura sacra colligens eorum pericula, & ipsorum remedia, & quantam habeant ad exhortandos nos ad Deum, efficaciam: scripsit in libro de vera religione.

Peccata ipsa sunt morbi & aliorum peccatorum causæ. Hos morbos sequuntur alij maiores morbi: peccata scilicet ipsa, quæ causæ sunt aliorum peccatorum. Causæ inquam, ut b. Thom. explicat, non solunt, quia amissa gratia per vnum peccatum, in alia necesse est incidere: sed etiam, quia nonnunquam amissa aut verecundia, aut timore, facilius in alia peccata incidunt qui semel peccauerunt. Sed & hoc habent grauiora quædam peccata, ut nonnunquam fines sint aliorum peccatorum: & propter illa consummata vel consummanda, multa alia peccata committuntur. Inter hæc verò peccata, quæ etiam aliorum sunt causæ,

Ecclesi. 10. cap. 29. numeratur primò superbia, quam scriptura dicit initium esse omnis peccati. Quod iuxta Augustin. quidem libro de natura & gratia, de superbia propriè dicta intelligi debet, propter primum peccatum angelorum, & hominis etiam, quæ fuerunt initia omnium peccatorum.

catorum. Addit etiam b. Thom. in omni peccato esse quandam voluntatem non subijciendi se, aut non parendi legi, quæ superbia quædam est: cum tamen b. August. supradicto loco, cum infirmitate vel ignorantia peccatur, nullo modo putet superbiam esse. Computatur etiam inter hæc avaritia, quam Paulus ipse radicem omnium malorum vocat. Quod de avaritia proprii nominis (vt b. Thom. illa q. exponit) est intelligendum: quia materiam præbet multis peccatis. Diuitiæ enim sunt velut fomentum peccatorum omnium. Denique ad istam etiam pertinent septem illa capitalia vitia, quæ à d. Gregorio & Cassiano (quamuis ille octo numeret) explicantur. Dicuntur enim capitalia, quod quasi duces sint, unde multa alia oriuntur: id quod d. Gregorius 30. lib. moralium, ex diligenti consideratione & experientia affectuum humanorum docet: quæ scilicet vitia ex quolibet eorum consequantur secundum communem experientiam, quæ ratione etiam non caret. De quibus quidem diligenter sigillatim b. Thom. Et pertinet certe ad hanc materiam moralem & cognitionem peccatorum, hæc cognoscere: quæ nos superius inter genera peccatorum numerauimus. Nunc satis sit agnouisse, quod septem illa peccata tendunt in ea, quæ maximam habent vim & efficaciam mouendi affectus humanos. Habet enim non minimam rationem beatitudinis, quæ ratio est appetendi omnia quæ appetimus. Atque ideo, cum tam efficacia sint, ad multa etiam alia peccata mouent. Inanis gloria & avaritia tendunt in hæc duo, gloriam scilicet & sufficientiam: quæ maximè in beatitudine inueniuntur: Gula & luxuria in delectatione: quæ maxima est etiam beatitudinis pars. Et quidem ideo hæc peccata sunt, quia in eis non queritur vera gloria, aut sufficientia, aut delectatio: sed solum apparentia eorum. Reliqua verò tria capitalia peccata fugiunt mala his contraria: ira videlicet, inuidia, & acedia: atq; ideo etiam efficacissimè mouent: sed quæ ex eis oriuntur peccata, ostendit (vt diximus) Gregorius. Satis sit hoc loco admonuisse, quod ad spirituales iudicet, & eum qui cupit animarum mederi vulneribus, non solum pertineat, nosse peccata singula, sed etiam radices & causas, ex quibus oriuntur: vt videlicet dignè mederi possit peccatorum vulneribus. Hæc itaque sufficiant de secunda peccatorum causa.

1. Tim. 6.
Avaritia omnium malorum radix.
Septem capitalia peccata.

DE MALITIA LECTIO QVARTA.

De vltima peccatorum origine,
malitia scilicet.

q. 78.



Vltima tandem peccatorum causa, & quidem ceteris grauior, meritò ponitur malitia: quæ (vt b. Thom. ait) defectus quidam est voluntatis, quæ (vt superius ostensum est) præcipua causa est omnium humanorum actuum. Sicut igitur deficiente à suo ordine ratio sit ignorantia, ex qua committuntur peccata: & deficiente à perfecta subiectione

& obedientia erga rationem appetitu nostro, nascitur infirmitas, ex qua (vt declaratum est) non pauca peccata proueniunt: ita voluntatem contingit à suo proprio ordine, quem habet ad bonum rationi consentaneum, deficere: non quòd malum sub propria ratione mali eligat: sed quia, dum nimium peccato alicui inhaeret,

Quid ex malitia peccare. conuertitur quodammodo illi in naturam: quo fit, vt non ex ignorantia, non ex vehementi aliqua passione mali alicuius: sed affectu ipsius peccati quo ducitur, præueniat omnem passionem, & ipsum peccatum appetat ac velit: & hoc dicimus ex certa malitia peccare. Quod non potest melius cognosci, quàm ex duobus alijs membris. Cum enim nec ob ignorantiam, nec ob passionem, sed integra ratione & sana eligit ipsum peccatum committere: ex certa malitia peccat, siue ex electione. Est quidè in omni peccato, maximè mortali, electio & malitia: sed hæc in alijs præueniuntur à passione vel ignorantia. Quando verò nihil eorum, sed ipsa peccati malitia delectat, ex ea peccatur, & ipsa est origo peccati: tunc ex electione peccari dicimus. Et hic est proculdubio magnus gradus & profectus, vel potius defectus peccati, cum ad peccandum ex certa malitia peruenitur. Et quanquam hoc non mutet speciem peccati, est tamen conditio non parum aggravans ipsum peccatum: quam sanè meritò inquirere debet spiritualis iudex, quia longè alia & efficacior medicina his peccatis est necessaria.

Dupli-

Dupliciter verò cōtingit ex certa malitia peccare. Primò (quod apertū est & cōmuniū) cū ex cōsuetudine generatus fuerit habitus peccati. Fit enim peccatū per consuetudinē & habitū connaturale, ita vt ipsum solū per se deleat: atq; tūc multū detractū est integritati mētis humanæ. Nā primò incipit homo, superatus aliquo affectu, inuitus quodāmodo trahi ad cōsumum peccati: quare etiā displicet, nec sine tristitia et anxietate aut cōmitti, aut prius cōmissum relinquit peccantē. Postea verò paulatim ipsa frequentatione fit, vt incipiat minus displicere, minus sentiri: & tandem conuersum in naturā, per seipsum delectat. Itaq; sic peccātes similes sunt his, qui captiuitatē ipsā, aut infirmitate, quasi naturale bonū cōeperunt amare. Peccatur etiā ex certa malitia, præter consuetudinē & habitū (vt b. Tho. præd. q. ait) ex vehemēti aliquatentatione, aut certē (vt ille inquit) ex nimia corruptiōe & procliu in viciū aliquod natura. Nec enim dubiū est, ex libertate voluntatis in malū, fieri posse, vt ipsum à principio eligatur: quanquam hoc rarius. Est enim naturale homini, paulatim & per incrementa quadam tendere in malum vel in bonum. Cum igitur audierit sacerdos consuetudinem peccandi, opus est vt de certa malitia aduertat diligenter: aut etiam vbi perceperit vehemētem aliquam inclinationem in peccatum.

Ex his etiā intelligi potest, quod attinet ad præsentē locū: quale sit augmentū: & quibus gradib; crescat affectus mali in nobis. Ex prior enim peccato sequitur secundū: atq; ita ex plurib; cōsuetudo & habitus: & hinc certa malitia. In qua sunt etiā gradus, quos possumus nūc tres numerare. Primus, de quo iā loquuti sumus, cū ex inclinatione quadā & cōnaturalitate peccatur. Secund⁹, hoc altior, cū ad hoc peruenit vt contēnat lex ipsa, & ex cōtemptu eius peccet: nō ex alia videlicet passiōe aut affectu, quā vt legi nō sit subditus. Huc enim pertinet quod scriptū est: Impius, cum venerit in profundū malorū, contēnit: & hoc exponit beatus Tho. esse peccare ex cōtemptu: quod non est dubiū esse ex certa malitia, & insigni quidē. Certius verò, supra hunc etiam, gradus est, cum iam contradicitur ipsi spiritui sancto, & reiiciuntur ac contemnatur ea, per quæ retrahitur animus à peccato. Hoc enim speculatione docet beatus Thomas meritò dici peccatum in spiritū sanctū: quod certē summū est, & iustē irremissibile dicitur. Consistit enim in contemptu eorum, per quæ fit remissio. Itaq; si quis nolit audire sacras conciones, aut legere sacram scripturam,

Incrementa
peccati

Tres gradus
malitiæ.

Prouerb. 18.
1.2.q.86.
ar.9.

ne ita à peccato retrahatur: non est dubium quin ex summa malitia peccet, & in spiritum sanctum. Nec desunt huius exempla in scriptura. Iob inquit de his qui dixerunt Deo: Recede à nobis, scientiam viarum tuarum nolumus. Et Isaias de eisdem dicit: Filij nolentes audire legem, qui dicunt videntibus, nolite videre, nolite nobis loqui quæ recta sunt: loquimini nobis placentia, cesset sanctus Israel à facie nostra. Huius quidem peccati colligit b. Thom. sex species: quæ omnes in eo constitutæ sunt, vt ex intentione abijciatur id, per quod à peccato reuocamur. Hæc itaque est omnium maxima malitia. Sunt quoque alia peccati augmenta. Nonnunquam enim ex affectu peccati fit, vt incipiat displicere lex ipsa Dei, & fides: ita vt cuperemus eam non esse. His certe proxima est ipsa infidelitas: & ideo non minoris sunt periculi, nec minus fugienda, quàm quæ iam diximus: in quæ nonnunquam ex illis labimur: ex consuetudine videlicet peccandi & contemptu in infidelitatem. Satis sit de his nunc monuisse sacerdotes, vt nō negligerent hoc aduertant, sed considerent quàm altas radices peccatum egerit in corde, & quos protulerit fructus, vt inde intelligant, qualia sint adhibenda remedia.

Peccatum
ex malitia
est cæteris
gravius,
1.2.

Non est etiam circa peccatum ex malitia omittendum, quare hic modus peccandi grauior sit duobus prioribus. Quod beatus Thomas questione illa septuagesima octaua articulo vltimo diligenter explicat. Habet enim hoc peccatum maiorem rationem voluntarij: cum nihil sit rationem ipsam impediens, atque ita nec voluntatem à sequenda recta ratione retrahens. Deinde, quod diuturnior sit hic affectus, & diutius adhæreat voluntati. Neque enim habet, per quod ab illo retrahatur. Passiones & affectus appetitus sensitiui citò transeunt: & cum transierint, incipit displicere peccatum: vt homicidium commissum ex ira, & similia. Malitia verò illa voluntatis, maxime quæ ex habitu est, magis hæret. Denique, cum in peccato ex certa malitia inordinatio sit tota in rationali appetitu: pessimè ille dispositus est ad finem: minus verò malè in peccatis ex passione, vel ignorantia. Certum igitur est, hoc esse multo grauius, & ideo maioribus egere remedijs.

Hæc itaque sint dicta de tribus his radicibus præcipuis, & causis peccatorum: quas nosse, & circa quodq; peccatum aduertisse, valde conducit. Non est tamen omittendum, quin de earum ad inuicem comparatione aliquid dicamus: vt inde melius, quomodo

do peccatis medendum sit, cognoscatur. Diuus August. quidē (vt 2. lib. de hoc prius dicamus) quanquam obiter, & absque diligentioris in-
 quisi- pec. mer. & remiss. ca. 17. tionis praiudicio, has tres causas ad duas reduxit: Peccatur
 (inquit) & Dei mandatum præteritur vel quia bonum later &
 non cognoscitur, vel quia non delectat. Itaque cum sint duæ præ-
 cipuæ causæ actuum nostrorum, ratio & voluntas: defectus earū
 Aug. considerasse videtur: cum tribuit rationi quidem ignorantiam,
 voluntati delectationem vel defectum eius: quia (inquit) non
 delectat: vel certē coniungit appetitum voluntati: ad utrumque
 enim pertinet delectatio: ita vt meritō possimus dicere, peccatum
 omne vel à cognitione deficiente aut errante, vel à delectatione
 aliqua ortum habere. Imò reuera utrumq; esse in peccato, meritō
 dicendum est. Meritō igitur, qui consulere vult animabus, consi-
 derabit, vbi prius incipiat defectus & peccatum: an in ratione mi-
 nus cogitante, an in affectu vel voluntate minus sequente ratio-
 nem. De hoc igitur breuiter sequentia putamus annotanda esse.
 Primum hoc sit. Ordine generationis & temporis, principiū pec-
 catorum omnium in hominibus communiter, & secundum ea, Vnde prin-
cipium pec-
 quæ frequenter contingunt, est ex appetitus sensitui inordinatio- cati in nobis
 ne: quanquam fieri possit, vt aliter eueniat: sed hoc est rarum, & cōmuniter,
 ideo ab arte alienum. Illud satis ostendit experientia & ratio, quæ
 ab illa sumitur. Viuimus enim omnes prius animali vita sine vllō
 rationis vsu (de quo illud: Viuebam aliquando sine lege: August. Rom. 7.
 intelligit) & eo tempore, vt Paulus ipse inquit, peccatum in nobis
 mortuum est (quia videlicet non agnoscimus ipsum) & tamē sunt
 in nobis passiones illæ & affectus delectationum, & aliarum re-
 rum ex natura ipsa sensibili, quales videmus in alijs animalibus:
 nondum tamen tam validi & fortes, propter virum & ætatis de-
 bilitatem: accedit tamen ex corruptione ipsa, quæ in nobis maior
 est, amplior etiam inordinatio in his motibus: vnde fit, vt verum
 sit illud: Sensus & cogitatio hominis præpa sunt in malum ab
 adolescentia sua. Cum itaque affectus isti nobis semper noti sunt,
 ac congeniti semper nobiscum adoleuerint, & ratio longo post
 tempore (septimo videlicet, vt Arist. putauit, anno: & reuera ali-
 quando tardius, atq; rarō certē ante) incipiat paulatim & valde
 debiliter ac imperfectē ad cōsiderationem honesti aperire oculos:
 fit, vt inter ipsa sua initia opprimatur, & à fortiori consuetudine
 corporaliū affectuum trahatur in consensum, & obscuretur ni-
 mium:

Gen. 8.

mium: maxime si his accedat praua cōsuetudo eorum inter quos uiuitur, si accedant inhonesta uerba & exempla: ex quibus fit, ut merito scriptum sit illud: Omnis caro corruerat uiam suam: quod utinam ipsa experientia non doceat nos. Ex his enim factum est, ut, quanquam in cæteris omnibus rebus, etiam animalibus, malum, & quod contra naturam cuiusq; est, rarius inueniatur: in nostra tamen natura malum sit in pluribus, & plures contra naturam uitam instituunt, quam secundum illam: nimirum paucis transeuntibus à corporalibus delectationibus & bonis, inter quæ ab infantia nutriti sunt, ad gustum spiritualium delectationum, & sensum huiusmodi bonorum. Itaque, quod aperte intuemur, uiuitur ab hominibus integræ rationis, quasi in infantia quadam & pueritia à qua nos deterret Apostolus dicens: Nolite pueri esse sensibus, sed malitia paruuli estote. Contra uidemus paruulos etate & sensibus, sed malitia non paruulos: idq; propter tantam corruptionem nature & consuetudinis humanæ. Inter quæ etiam, quod spiritualibus iudiciis valde cōsiderandum est, frequenter fit, ut quamquam ratio, & naturale illud lumen diuini vultus, quod signatum est super nos, satis indicent in primordiis illis rationis, mala, & ab eis deterreant: tamen praua consuetudine & propria, & eorum inter quos uiuitur, fit, ut multa nec reputetur quidem peccata, vel certe cum timore aliquo & conscientie dubio taceantur in salubri illo confessionis iudicio: maxime in inhonestatis peccatis, & prima illa verecunda ætate. Quare in his opus est prudentissima attentione, ne aut indicentur pueris, quæ non norunt, mala: aut certe relinquatur illis virus aliquod absconditum in viscerum recessibus. Scripsit quædam ad hoc pertinentia Gerson in tract. de arte audiendi confessiones, & in alijs locis de puerorum disciplina. Itaque sufficiat hæc annotasse, in quibus exordia rationis nostræ, & peccatorum satis ostenduntur.

Apparet initium boni & mali magis à voluntate quam ratione esse.

Secundum hic annotandum, est istud. Post hos affectus & passionēs, quid prius corrumpatur, ratio ipsa & cognitio, an uoluntas: non satis notum est: & fieri potest ut quandoq; unum, quandoq; alterum prius corrumpatur: magis tamen probabile credimus, potius ex uoluntatis corruptione & defectu prius peccata esse, quam ex rationis corruptione: quod nouisse, etiam cōducet ad arhibenda remedia. Ut enim ex superioribus patet, etsi necesse sit cognitionem præcedere, ut sequatur affectus; tamen nulla cognitio
satis

fatis efficax est ad mouendum, nulla diu occupat animum, nisi ad-
sit efficacia voluntatis. Putamus itaq; iudiciū illius peruersi, quod
in ratione est cum peccatur, radicem esse ex voluntatis defectu:
quia illa aut iam cœpit sibi placere in malis, aut certe erga bona
cœpit tepidior esse. Quare primum omnium fontem malorum &
bonorum putamus esse voluntatem, quæ in scriptura sacra meri-
tò cor dicitur, ex quo manat motus & influxus vitæ in membra:
sic à voluntate: de qua verbum illud meriò intelligemus? *Omnis* *Prou. 4.*
custodia serua cor tuum, quoniam ex ipso vita procedit. Si volun-
tati bene fuerit consultum, si illa sit sana: nulla cogitatio aut ratio-
nis defectus nocere poterit: quauquam reuera hæc duo coniun-
ctissima sint. Quod cum multis scripturæ auctoritatibus doceri
possit, non tamen opus est pluribus hoc agere: satis sit istud bre-
uiter admonuisse hoc loco. De causis igitur peccatorum interio-
ribus hæc dixisse sufficiat.

Tribuuntur etiam exteriores causæ peccato: de quibus superi-
us nonnihil diximus inter causas humanorum actuum. Sunt autē
hæ causæ, homo & angelus malus: qui nō aliter sunt causæ, quàm
suggerēdo & proponendo bonum aliquod, quod ratio sequatur;
vel ad illud prosequendum persistendo: quæ omnia exteriora
sunt: quauquam (vt patet) etiam hæc moueant corpus ipsum &
alterent: sicut in ira vel timore contingit. Vbi etiam diabolū posse
nonnihil amplius, constar. Potest enim corpus ipsum alterare &
maiores accendere passionēs: voluntatem verò ne attingere qui-
dem potest.

Inter has causas externas peccati ponitur excreatio & obdu-
ratio: quæ duo scriptura Deo tribuit. Ego indurabo cor Phara-
onis, & excreabo cor populi huius, & aures eius aggrauabo. Non
quod Deus sit causa peccati (absit hoc) à quo nihil inordinatum:
non quod Deus aliquando moueat, multo minus cogat ad con-
sensum peccati: vt hæretici stultissimè dicunt. Sed (vt b. 7. hom. 1. 2.)
proprio loco explicat) quandoq; non dat homini gratiam, quæ
ratio illuminetur ad non consentiendum peccato, & emolliatur
voluntas vel ad amandum bonum, vel ad odiendum peccatum.
Hæc enim duo, rationis lumen, & voluntatis suauitas ac com-
placentia in bono, diuinæ gratiæ sunt opera: & quibus dantur,
gratis ac misericorditer dantur: quare nulli debentur: quibus
subtrahuntur, iussè subtrahuntur: vt verum sit illud: Cuius

De excrea-
tione & ob-
dura-tione.
Exo. 7. & 9.
Esaie 6.

Rom. 9. &
Exod. 33.
Ibidem.

vult miseretur: & quem vult, indurat. Et rursum: Miserebor, cui misertus fuero: & misericordiam præstabo, cui voluero, aut in quæ mihi placuerit. Et illud etiam: O homo, tu quis es, qui respondeas Deo? Quæ ideo hic notanda sunt, ut agnoscamus cæcitatæ & malitiæ nostræ causas in nobis esse: sed remedia & medicinas ex gratia à Deo: atque ideo ab illo primò esse requirenda: à quo opus est ut incipiat sanitas omnis & medela: de qua lectione proxima dicemus.

LECTIO QUINTA.

De medijs, & ratione medendi animarum vulneribus in speciali.

De canonibus pœnitentialibus & publica pœnitentia.



De causis itaque & origine peccatorum dictum est: etiam de curatione dicendum. Circa quam, iuxta ea quæ superius, cum de satisfactione & pœnitentia ageremus, dicta sunt, aduertendum est, quòd ecclesiæ antiquæ consuetudo fuit, ut cuiuslibet lethali peccato certa destinerentur tempora pœnitentiæ, ante quam peractam non concedebatur communio vel sacrificij, vel sumptionis eucharistiæ, ei qui id genus peccati commisisset. Tempora verò hæc statuebantur ex episcoporum iudicio & arbitrio. Et frequenter quidē in concilijs aut vniuersalibus, aut prouincialibus, comuni omnium iudicio hæc tempora præfiniebantur. Vnde orti sunt canones pœnitentiales in diuersis concilijs editi: quorum plurimos colligit Rabanus in lib. quæ vocat pœnitentiarum. Sunt etiam antiquorum de his nonnulli tractatus, Greg. Neocæsariensis & Petrus Alexandrinus episcopi scripserunt canones, circa eos potissimum, qui fidem negarunt. Scribit etiam de his Nicephorus in fragmento quodam de facultate ligandi atque soluendi: ubi dicit, nulla ratione sacerdotem aliquem hac potestate bene fungi posse, qui vigorem canonum, et suam cuique peccato multam imponen-

ponendam ignorauerit : particeps enim fiet peccati, quod sine illa censura canonica remiserit. Huius verò consuetudinis, & canonum pœnitentialium August. in Ench. c. 65. hanc reddit causam, vt ecclesiæ, quæ interiorem & veram cordis pœnitentiam non potest videre : illo testimonio perseverantiæ in pœnitentia (inquit ille) satisfieret : apud quam (Ecclesiam scilicet) est potestas ligandi atque solvendi. Vbi aduertendum est, quòd, quanquam tempora illa pœnitentiæ multi putent ad peccata publica, quæ scandalo fuissent Ecclesiæ, referenda : pro illis enim (vt superius diximus) solemnes illæ pœnitentiæ indicebantur ab Episcopis sub iudicio totius ecclesiæ : & certum est in illis seruata esse tempora illa : si tamen rigor ille & seueritas antiquæ ecclesiæ consideretur, videbimus etiam ob occulta nonnunquam peccata, quæ videlicet ad secretum iudicium sacerdotum referebantur, iniuncta fuisse tempora illa pœnitentiæ. Nam (vt superius ex Origene ostendimus, & nonnullis alijs antiquitatis testimonijs) quandoque occulta ipsa ad iudicium publicum ecclesiæ deferrebantur ex concilio spiritualis iudicis. Sic enim parati erant, qui veram pœnitentiam agebant, nihil recusare : tanta etiam erat antiquæ illius ecclesiæ innocentia & charitas, vt vno pœnitente aut paucis, omnes compaterentur & condolerent : quare non recusabant publicè se ostendere peccatores, etiam illi, quorum peccata non fuerunt manifesta. Itaque illud certissimum est, tempora illa pœnitentiæ seruari non potuisse, nisi manifestum id esset cæteris. Nec enim participabant (vt diximus) Sacramentis intra illa tempora. Vnde certum etiam est, non semper pro peccatis, præcipuè occultis, imposita esse tanta pœnitentiæ tempora : sed in occultis hoc fiebat non sine multo consilio, iuxta qualitatem personarum : vt videlicet quod prodesse poterat saluti animæ pœnitentis, & aliorum ædificationi, fieret : non verò illa ratione ipsi, vel alijs fieret infamia, aut vituperium, aut scandalum. Hinc factum est, vt posterioribus temporibus tantum ille rigor remissus fuerit : & non dubitamus hoc magna ex parte factum esse iustis & necessarijs de causis. Tunc enim, cum inter infideles ecclesia agebat, præcipuè curabatur, ne vita fidelium scandalo esset infidelibus. Quare oportuit seuerissimè puniri peccata, maximè quia tunc Ecclesia habebat disciplinam suam separatam omnino à secularium legum & iudicium punitiōe. Nunc verò, quando etiā ipsæ leges & principes ad Ec-

DE REMEDIIS

eleſiam pertinent, quanquam ſint alia iudicia, ſatis tamen putan-
 dum eſt, ſi in ſecularibus iudijs crimina puniantur (crimina, in-
 quam, ſubditorum) authoritate & ſeueritate illarum legum. Hinc
 putamus factum eſſe (vt ſuperius diximus) quod ſolemnes illæ pœ-
 nitentiæ teſſauerint, & tandem omnes canones pœnitentiales
 cõmiſi ſint arbitrio ſacerdotum: in grauioribus quidem epiſco-
 porum, in alijs epiam inferiorum ſacerdotum. Sed in hoc negotio
 debet quilibet epiſcopus conſultare, quæ oportuna ſaluti anima-
 rum: quod fieri ſolet in ſynodalibus conſtitutionibus: quas pro-
 culdubio oportet eſſe cognitæ omnibus inferioribus ſacerdoti-
 bus. Canones verò illos pœnitentiales antiquos non ita omnes te-
 nentur ſcire: cum iam illa tempora pœnitentiæ ſint arbitraria:
 quanquam profuerit non parum illa ſaltem videlicet, vt antiqua illa
 eccleſiæ ſeueritas, ſi non omnino ſeruari, ſaltem cogitari poſſit, &
 ſecundum aliquam proportionem obſeruari. Neque enim in il-
 lis temporibus pœnitentiæ cogitandum eſt, ſolum curatum fuiſſe
 vt perfeuerantia illa eſſet teſtimonium verę pœnitentiæ coram ec-
 cleſia: quod quidem verum eſt, vt Auguſtinus dicit: verum etiam
 vt illis longioribus temporibus mala conſuetudo peccandi, ſi in-
 troducã eſſet, vt pronitas ad ſimilia peccata, aut facilitas peccan-
 di, & ſimilia, quæ ex peccato relinquuntur, curarentur. Nec illius
 ſolum, cui ſatiſfactiones imponebantur, bono & ſaluti: ſed totius
 etiam populi ædificationi voluit eccleſia conſulere: vt hoc exem-
 plo viderent omnes, quanti peccata fiant in eccleſia, & q̃ dura ſit
 pro illis ſuſcipienda pœnitentia: atque ita ab eis detereretur po-
 pulus, & ad Dei timorem excitaretur. Apertè enim videmus, quã-
 tum horum obliteratio in Eccleſia detraxerit dignę æſtimationi
 peccatorum, & timori Dei: quapropter cuperent multi illa pœ-
 nitentiæ publicę tempora reſtitui. Verum plena illa ab omni con-
 ſuetudine & reliquijs peccatorum liberatio pœnitentis præcipuè
 querenda eſt: & ideo illi, hoc eſt, eius viribus & captui commen-
 ſuranda ſunt omnia. Quare, quod attinet ad reſtituendos canones
 illos pœnitentiales, non putamus facile eſſe definiendum. In
 peccatis ſanè publicis videretur conducibile fore eccleſiæ, ſi ſerua-
 rentur: ſed quando illa in exteriori iudicio, vel ſeculari vel eccleſia-
 ſtico, aliter puniuntur: videbitur non admodum neceſſarium: in-
 terim tamen nõ dubitamus populum magis ædificari ſatiſſatio-
 nibus, quæ voluntariè ſuſcipiuntur; ædificari (inquam) ad timo-
 rem

rem Dei & poenitentiam: quàm deterrentur à peccatis, pœnis quæ infliguntur in iudicijs. Quare in Concilio grauissimo episcoporum, & doctorum virorum atque timentium Deum, esset hoc maturius consultandum. Nunc sufficere debet, admonuisse de necessitate huius sequelstrationis poenitentium à Sacramentorum participatione, modò satisfactionibus condignis interim prœparentur: hæ enim sunt fructus digni poenitentix, quos petit Dominus. Testantur etiam hoc ipsum verba canonum, in quibus frequenter dicitur, tempora illa suscipienda esse, vt sic postea purificatus à peccatis animus, dignè possit ad Sacramenta accedere. In qua ratione multa certè sunt comprehensa nobis imitanda, & huic, de quo nunc agimus, proposito conuenientia: de quibus mox plura: interim de temporibus poenitentix, & canonibus poenitentialibus sufficiat hæc annotasse.

Nunc quod genus remediorum & medicinarum esse debeat, aut quibus potissimum exercitijs vacarint, qui tempora illa poenitentix suscipiebant: est breuiter quoque ex superioribus indicandum. Collegerunt etiam posteriores, vt de satisfactione diximus, tria satisfactoria opera: ieiunium videlicet, orationem, & eleemosynam: in quibus meritò omnia comprehenduntur, quæ pertinent ad medelam animarum. In ieiunio enim, quicquid ad castigationem corpoream & afflictionem carnis pertinet, intelligimus: vigiliæ scilicet, veltitæ & dormitionis austeritatem ac duriæ, & quicquid ad hoc pertinet. In eleemosynis autem opera pietatis in proximum siue spiritualia siue corporalia sint, intelliguntur: ministrare infirmis, laborare in exhortandis peccatoribus ad poenitentiam, & in docendis ijs quæ necessaria sunt ad salutem, & huiusmodi alia plurima. Denique in orationibus omnia spiritualia exercitia, meditationum, lectionum, & quicquid pertinet ad animum in Deum eleuandum, includimus. Itaq; satis patet, nullum esse reliquum genus medicinæ spiritualis, quod in his non sit comprehensum. Et constat in antiqua ecclesia sic poenitentibus iniunctos esse singulis hebdomadibus dies aliquot ieiunij: & (vt Tertullianus inquit in libro de poenitentia) etiam de qualitate cibi & somni, de cilicio & cinere, gemitibus & deiectione vultus præcipiebat disciplina illa poenitentix. Hæc itaque proposita sint de antiqua illa ratione & cura, quæ in Ecclesia adhibebatur vulneribus animarum sanandis.

De tribus
operibus sa-
tisfactorijs.

DE REMEDIIS

Ex his igitur colligamus primum duo, non tam asserentes quicquam, quam proponentes quod salubrius & consultius videtur. Primum: Antiquæ illi consuetudini ecclesiæ valde esse conforme, & certè salutis animarum non parum conferre, ut nullus post peccatum mortale ad participationem Sacramenti altaris admittatur, nisi post aliquot dies pœnitentiæ & satisfactionis. Cõstat enim in antiqua ecclesiâ impositum esse tempus illud ob vnum tantum peccatum mortale: & illo tempore non solum à communione sequestratos fuisse pœnitentes, sed etiâ ab oblatione & communibus orationibus, ferè sicut nunc sunt excommunicati, præterquam quod ad doctrinam audiendam admittebantur. Videtur etiam absolutio ipsa eis negata. Non enim imponebantur eis manus ante completum tempus pœnitentiæ: cum scilicet admittendi erant ad communionem: quamvis fortè impositio illa manuum magis ad externam absolutionem coram ecclesiâ, quasi ab excommunicatione, referri possit, quàm ad absolutionem à peccatis coram Deo. Deinde, quàm est consentaneum rationi, ut, qui diuinam prouocauit iram, & peccando Dei contempsit gratiam, nō statim se ingerat, sed in timore & verecundia expectet, & magis desiderio Christum sumat? Et quantam gratiam diuinam humilitas hæc conferet animæ? Et quàm hoc ad timenda & cauenda peccata oportunum? Quod itaque vtile hoc sit, & plurimum ad Deum placandum conducatur: non potest in dubium verti: & etiâ quod conforme sit sensui antiquæ Ecclesiæ. Id tantum in dubium verti potest. An præsentium temporum moribus ita conueniat. Vbi primò fatemur, quod pro peccato mortali solius fortè cogitationis aut voluntatis, maxime in his qui vitam in Dei timore ducunt, non semper necessariò hoc obseruare expedit, maxime vbi loci, temporis, & personæ circumstantiæ aliud poscunt: ut si pius sacerdos aut laicus, instante tempore quo similes consueuerunt aut celebrare, aut participes fieri altaris, occurrat aliquod peccatum: imò etiam si esset peccatum completi operis præter scandalum aut certam malitiam: talem, qui alioqui vitam agit absque grauioribus peccatis, nō putamus necessariò diutius arcendū esse à cõmunionem, aut differendā illi absolutionem, cum verè pœnitentiæ ostendit signa: tamen etiam his esse omnino hoc consulendū, ut vel ante sacram communionem, vel si circumstantiæ aliud exigant, post illam dies aliquot descendo lapsui mortali, & agendæ pœni-

pœnitentiæ pro illo, deputent; loco annorum quos Ecclesia antiqua taxabat. Nec dubitamus eū quem descripsimus, libenter hoc acceptaturum: omnem scilicet qui in Dei timore & obedientia mandatorum eius absq; frequentibus lethalibus culpis vitam agit. Alioqui, qui hoc aut non suscipit, aut graue putat, eo ipso ostendit quā longè abis à vero timore Dei. Non est opus multis exemplis scripturæ hoc confirmare. Certè Dauid pro vno peccato, Lauabo (ait) per singulas noctes lectum meum &c. & peccatum meum coram me est semper. Item, Exitus aquarum deduxerunt oculi mei: & similia multa dicit, etiam postquam audierat remissum esse sibi peccatum. Maria soror Moysei pro murmure in fratre, etiam à lepra curata, septem diebus manere iubetur extra castra, remissa iam culpa. Si pater eius (inquit scriptura) spuisset in faciem eius, nōne debuisset septem dierū rubore perfundi? Quibus verbis quid aliud indicatur, quā non facile, nec statim post peccatū ad participationem sacramenti altaris accurrendum esse? Et hæc quidem diximus de vno dumtaxat aut altero peccato mortali.

Numeri 12.

Alterum verò, de his qui multis peccatis & frequentibus transgressionibus assueuerunt, vitam sine Dei timore in licentiosa libertate agentes, est diligētius annotandum. De his enim dicimus, multo esse certius, nulla ratione eos admittendos esse ad communionem, nisi transactis non paucis diebus pœnitentiæ. Vbi fate-mur non parua esse difficultatem, non propter rationem aliquam, sed propter consuetudinē, & summam certè incuriam curandi animarum salutem: qua factum est, vt vix sit inter sacerdotes, qui de hoc cogiter: & rarior inter pœnites, qui sibi patiat hoc imponi. Videtur itaque aut desperandum esse de plurimis pœnitentium, aut condescendendum huic consuetudini. Vbi non possumus aliud respondere, quā in hac tanti momenti re ad antiquam Ecclesiam nobis esse confugiendum, & illius autoritate resistendum facilitati horum temporum. Itaque hominem post integrum annum, ne dicam post multos etiam exactos in peccandi consuetudine, in obliuione mandatorum Dei, & sine aliquo eius timore: aut certè in quo, etsi Dei timor & cura seruandi diuina mandata fuerit ex parte: præualuit tamen frequentia peccandi & consuetudo: mox post vix enarrata peccata, & leui suscepta satisfactio, ad altare permittere, non videmus quā ratione fieri possit: nisi fortè vera ostenderetur pœnitentia, &

DE REMEDIIS

omitti non posset: & tunc, quod prius fieri non potuit, post communionem impleteretur: ita videlicet vt post frequentia peccata nullus sine condigno pœnitentiz tempore facili dimittatur. Primum constat Ecclesiam totam quadragesimam cum magna austeritate ieiuniorum, orationum, & pïonum operum frequentia olim seruasse, vt ita accederent preparati ad mysteria redemptionis nostræ, & ad communionem Sacramenti in Paschate, etiam illi, qui in Ecclesia sine grauioribus peccatis vixerant. Quàm ergo alienum est ab hac disciplina, omnibus his omisis, heri in peccatis, & hodie in altari esse? Ratio etiam ipsa, quare non immeritò ECCLESIA hoc agebat, manifesta est, & ex superioribus in hac materia satis patet. Quomodo enim verum propositum cauendi peccata illum habere credendum est, qui consuevit facile labi, tamen neque cogitat, neque oblata suscipit oportuna remedia? Hæc itaque de illo maxime vera sunt, qui multorum temporum experientia didicit, facile se relapsum in peccata. Et quidem multis horum differre etiam ipsam absolutionem oportet. De quibus proxima lectione plura.

LECTIO SEXTA.

De eadem re.



Confessarius
exploret cō-
fiteñtis do-
lorem.

QUAMVÌS diximus obseruanda esse tempora pœnitentiz, tam quid in illis imponendum sit pœnitentibus, quid cum eis agendum, est diligentius considerandum. Idque iuxta illa quæ dicta sunt de peccatorum causis & origine.

Igitur primò omnium sacerdotis est, considerare pœnitudinem & dolorem confiteñtis, quantus & quàm verus sit. Et cum apertè (quantū constare potest) viderit defectum, minus erit illi negotij. Quando autem aduenit non veram pœnitentiam, nec sensum peccatū in confiteñte, omni-
bus

bus modis laborare debet ad exhortandum ipsum ad veram penitentiam: nec alia ratione potest sine graui peccato absolvere. Ad hoc igitur agendum, is qui audiendis confessionibus vacat (maxime rudium) debet paratos habere sacræ scripturæ locos, quibus efficaciter ad verum Dei timorem & compunctionem peccatorum mouere possit peccatorem, iuxta captum illius. Et debet professio spiritualis animarum medicus ex lectione scripturæ et patrum habere non pauca recondita in memoria, & piè meditata, quibus primo seipsum, deinde alios ad veram compunctionem & detestationem peccati moueat. Habet Chrysostomus non paucas homilias de penitentiâ, ex quibus multa in hunc usum sumi possint. Methodus etiam confessionis, quam nos ante paucos menses curauimus imprimi, habet multas obseruatione certè dignas considerationes. Primo, cum methodum tradit descendi omne peccatum in generali, & deinde singula in speciali: in quo argumento putamus non minima commendatione dignum esse librum illum. Diximus etiam nos nonnulla superius, cum circa sacramentum penitentiae de veritate & perfectione contritionis ageremus. Satis itaque sit, ut sciat spiritualis quilibet medicus hanc artem sibi & cognitam esse debere, & ante omnia ad manum esse habendam. Sed his proximum est, ut satis agnoscanti animæ suæ infirmitatem, medicinæ adhibeantur contra reciduum: id quæ secundum qualitatem penitentis, & pericula occurrentia. Primo certum est, relinquendum esse statum peccati, & personam omnem contra peccatum futura, cuius commercium sine peccato, vel scandalo, aut animæ periculo non est. Deinde societatem ipsam & amicitiam, siue aliorum consuetudinem, qua constat experientia ad peccandum induci hominem. Denique occasiones, colloquia, congressus, & reliqua omnia, quæ merito is qui salutis suæ curam gent, timere potest & debet: quæ omnia reuera pertinent ad declinandum à malo. At vero ne scopis tantum mundata & ornata sit conscientia, sed vacans: & ne solum declinetur à malo, verum fiat etiam bonum; addenda sunt pia & Christiana studia ac exercitia, quibus animus verè ad pietatem excitetur, & proficiat atque confirmetur in ea. Habet etiam prædicta methodus & vniuersorum peccatorum in genere, & singulorum in specie non pauca, nec leui consideratione digna remedia, quæ etiam cupimus perspecta esse spiritualibus medicis, sicut etiam antiquiores illi, Calsianus in collatione de octo capitulis

multis vitijs & remedijs eorum, & Grego. in omnibus suis morali-
 bus, multa de his docent: summa quoque illa virtutum & vicio-
 rum ad hanc rem non est parum utilis, his præcipue, qui res poti-
 us quam verba, & timorem Dei quam eloquentiam querunt. Sed
 quibus aut Gregor. aut Cassianus, aut alij maiores libri non sunt
 ad manum, aut non sunt ad captum illorum scripti, cupimus li-
 brum illum commendatum esse. Sed iam circa hæc duo, compun-
 ctionem videlicet excitandam, & adhibenda remedia, in speciali
 pauca tradamus.

**Ignorantes
 instruendi
 sunt de pec-
 catis.**

Primo igitur illud est apertius & reuera minus operosum, vt,
 cum ex plena ignorantia, iuris scilicet humani vel diuini (eorum,
 inquam, quæ concernunt salutem animæ & statum cuiusq;) pec-
 catum est: adhibeatur vera doctrina: ita vt, omissa anxia inquisi-
 tione, an excusauerit illa ignorantia, an non (raro enim in his ex-
 cusat) imò cum nonnulla etiam excusatio locum habere vide-
 tur, satis est se coram Deo agnoscere reum ignorantiæ eorum quæ
 ad se pertinebant: omisso inquam hoc, doceatur peccator à spiri-
 tuali iudice, quid circa statum suum, artem, aut conditionem, aut
 ingenium, aut denique opera quibus occupatur, sit legi Dei con-
 trarium, & quid licitum: ita vt certa certè noscat, & dubia etiam
 vt dubia saltem & minus tuta agnoscat & vitet: nonnunquam eti-
 am ad doctiores remitti potest pœnitens, aut cum eius consensu,
 quando opus est, ad illos recurat spiritualis iudex. Quare duo
 sunt ex vtriusque parte cauenda nimium indigna hoc iudicio.
 Primum, ne cōfessarius nimium suo sensui ac iudicio innitatur &
 inhzreat, & ne sensus eius à communi sit alienus: pœnitenti verò
 vitanda est importuna illa inquisitio & curiositas, qua quidam
 nunquam sibi satisfieri sinunt in viam aut in alteram partem. Om-
 nia itaq; hoc loco cum Dei timore agenda sunt: nec tam argutijs
 & nouis adinventionibus, quam planis, graui, atq; certæ doctrinæ
 inhzrendum. Reuera nimis molestum est, cum tuta & certa pœni-
 tentes sequi recusant, cum ad doctiores appellant, maximè vbi
 agitur de iactura tantum rei temporalis, vel voluntatis & desiderij
 proprij, aut certè queruntur difficultates & pericula, & timent
 vbi non est timendum. De quibus quanquam sint diuersæ do-
 ctorum sententiæ, ad quid teneatur proprius parochus, vel is
 qui non est proprius pastor, ante vel post audita peccata, cum pœ-
 nitens alterius & non confessoris sententiam sequi vult, quid eti-

am in diuersitate opinionum fieri debeat: nos tamē putamus peccantem hęc nimium curantem, minus curare salutem suam & minus de ea sollicitum esse: atq; ideo meritō spiritualis iudex hunc admonitum potest tanquam minus dispositum dimittere, iuxta illud: Curauimus Babylonem, & non est sanata: derelinquamus eam. Et ipse meritō timere debet illud quod suprā diximus: In iniquitate interrogantis erit iniquitas respondentis &c. Hęc itaq; de perfecta & plena illa ignorantia.

Est porrō altera, quam in omni peccato esse diximus, quę potius inconsideratio & inaduertentia est, aut minor attentio spiritualium rerum. Hanc efficiunt nonnunquam passiones, cum vim rationis hebetant ac turbant: & peccata consummata eam augēt. Hęc putamus valde attendendā esse spirituali medico, & ei curandę esse adhibenda remedia. Est hęc ferē in omnibus maxima omnium peccatorum causa, hebetudo scilicet sensus, æternarum rerum obliuio, quā fit, vt aut non considerentur, aut tam parum attentē, & tam inefficaciter ac negligenter, vt quasi somnare dicas hominem: atq; hinc est, vt non moueant animum, neq; excitent aut desiderium, aut timorem: ideoq; etiam si proponantur à confessore, nō excitant compunctionem. Huiusmodi hominum sunt multi gradus. Alij enim omnino ita stupidi sunt & inepti, vt nec sentiant. Nec desunt qui putent multos excusari ob naturalem ruditatem intellectus, aut defectum exercitij: vt rudes illi & agrestes homines inter bestias vitam agentes, qui nec legere, nec cogitare quicquam nouerunt plus quā iumenta ipsa: quod sanē in baptizatis, & spiritus sancti donis illustratis nequaquam putamus sine graui eorum culpa & immunditia animę inueniri posse. Ponnā (inquit Isaias) vniuersos filios tuos doctos à Deo: de christianiis omnib; loquens. Et Iohannes: Vnctio eius docet vos de omnibus. Vnde, iuxta scripturam, b. Thom. optimē colligit, iustos omnes & dono intellectus illustrari, quo penetrare possint diuina, & scientia sapientię atq; consilij, quibus instinctu quodam spiritus sancti, & quasi propensione quadam naturali, & similitudine atq; coniunctione animę cum spiritualibus, rectē de his sentire & iudicare possint. Propterea putamus ab huius morbi curatione spirituale medicum oportere incipere. Curatio verō eius consistit in lectitudine, in auditu mysteriorum fidē, in attenta eorum cogitatione, in humili ad Deum oratione pro illuminatione cordis. De his igitur

De curanda
rerum spiri-
tualium ob-
liuione &
incogitātia.

Isaię 54.

1. Iohan. 2.

D E R E M E D I I S

non pauca præscribenda sunt his qui spiritualiter sanari cupiunt: & eo magis, quo minus reperti fuerint rerum fidei ignari.

**De curâdis
affectibus.**

Quando etiam ex infirmitate vel malitia peccatum est, considerandum quanta sit hæc ignorantia, & illi primò omnium mendum: quanquam habeant hæc peculiâres suas medicinas. Passiones enim & delectationes carnis curantur afflictionibus contrarijs: Castigo corpus meum, ait Paulus. Aliarum rerum affectus habent alia remedia: de quibus in methodo, & summa viciorum ac virtutum: sed certè aut potissima, aut prima remedia sumuntur ex consideratione rationis circa spiritualia, præcipuè æterna bona aut mala. Ita enim docuimus passiones mitigari ratione, quod est, consideratione attentâ. Malitia autem illa voluntatis vel parua vel magna, qua peccata placent nonnunquam propter se, cum non aliud sit quàm interioris gustus corruptio, propriè curatur contrarijs: & quibus, nisi considerationibus? Gustate & videte, quoniam suavis est dominus. Ergo amaris considerationibus, timoris scilicet, humor ille quo peccata sapiunt, purgabitur: dulcioribus verò reficietur animus. Itaque si bene consideremus, plurima remedia posita sunt in consideratione & attentione animi circa diuina: & certè sine illa pauca putamus inueniri posse efficaciam. Videant itaq; spirituales medici quid agant, cura externa quædam & quasi corporalia exercitia tantum inuicunt, etiam si præcipiant orationes vocales: & nihil de interna consideratione, ubi vera pietas est, aut docent, aut admonent, aut imponunt infirmis. De his enim meritò illud Pauli intelligitur. Exerce te ipsum ad pietatē, nam corporalis exercitatio ad modicū utilis est, pietas autē ad omnia. Ex his igit omnib. colligētes, sic putamus spirituali medico agendū esse, siue vt ad verā pœnitentiā hortetur, siue cōtra futura peccata adhibeat remedia. Primò exhortabitur ad timorē Dei, adhibitis considerationibus diuinæ iustitiæ & seneritatis contra peccata in angelis, in primis parentibus, in diluuio, & ciuitatum immundarum subuersione, in tâta strage filiorum Israel propter peccata, in deserto: & maximè ex consideratione diuini iudicii & damnationis æternæ, & multitudine pœnitentium, cuius sunt tot testimonia scripturæ: & denique (quod supremum omnium est) ex ipsâ proprii filij passione & morte, in quibus propter scelus populi sui, percussit eum; ubi simul est & summa iustitiz,

**De curanda
malitia vo-
luntatis.**

Quando etiam ex infirmitate vel malitia peccatum est, considerandum quanta sit hæc ignorantia, & illi primò omnium mendum: quanquam habeant hæc peculiâres suas medicinas. Passiones enim & delectationes carnis curantur afflictionibus contrarijs: Castigo corpus meum, ait Paulus. Aliarum rerum affectus habent alia remedia: de quibus in methodo, & summa viciorum ac virtutum: sed certè aut potissima, aut prima remedia sumuntur ex consideratione rationis circa spiritualia, præcipuè æterna bona aut mala. Ita enim docuimus passiones mitigari ratione, quod est, consideratione attentâ. Malitia autem illa voluntatis vel parua vel magna, qua peccata placent nonnunquam propter se, cum non aliud sit quàm interioris gustus corruptio, propriè curatur contrarijs: & quibus, nisi considerationibus? Gustate & videte, quoniam suavis est dominus. Ergo amaris considerationibus, timoris scilicet, humor ille quo peccata sapiunt, purgabitur: dulcioribus verò reficietur animus. Itaque si bene consideremus, plurima remedia posita sunt in consideratione & attentione animi circa diuina: & certè sine illa pauca putamus inueniri posse efficaciam. Videant itaq; spirituales medici quid agant, cura externa quædam & quasi corporalia exercitia tantum inuicunt, etiam si præcipiant orationes vocales: & nihil de interna consideratione, ubi vera pietas est, aut docent, aut admonent, aut imponunt infirmis. De his enim meritò illud Pauli intelligitur. Exerce te ipsum ad pietatē, nam corporalis exercitatio ad modicū utilis est, pietas autē ad omnia. Ex his igit omnib. colligētes, sic putamus spirituali medico agendū esse, siue vt ad verā pœnitentiā hortetur, siue cōtra futura peccata adhibeat remedia. Primò exhortabitur ad timorē Dei, adhibitis considerationibus diuinæ iustitiæ & seneritatis contra peccata in angelis, in primis parentibus, in diluuio, & ciuitatum immundarum subuersione, in tâta strage filiorum Israel propter peccata, in deserto: & maximè ex consideratione diuini iudicii & damnationis æternæ, & multitudine pœnitentium, cuius sunt tot testimonia scripturæ: & denique (quod supremum omnium est) ex ipsâ proprii filij passione & morte, in quibus propter scelus populi sui, percussit eum; ubi simul est & summa iustitiz,

**Instructio
eorum qui
confessio-
nes audiunt.**

lucis, & summæ misericordiæ exemplum, quo & excitatur timor,
& temperatur. Secundò, quoniam opus est vt timor iste altas ra-
dices agat in corde, & totum possideat hominem: præscribet con-
fessor vacationem quandam & cessionem ab his quæ animum
auertunt: statuet dies aliquot hebdomadæ, & loca ad quæ confu-
giat, & quibus solitarius sedeat ab omni tumultu semotis corpo-
re & animo: tunc suppedabit considerationes, quibus exerceatur
his diebus: aut minus exercitatis ostendet quod legant, aut quod
audiant, & ad quorum colloquia ac collationes accedant: ita de-
niq; vt cuiq; præcipiat id genus considerationis & eum modum,
quo putabit eum ædificandum & fructum consecuturum: cetera
quoq; exercitia magis excitent ad hæc, quàm abstrahant. Vt si iu-
beat conciones audire aut alia diuina officia, vt in eis quietius co-
gitentur diuina. Deniq; ipsa ieiunia & misericordiæ opera ad hoc
ipsum ordinentur, vt mens facilius & capiat & cogitet diuina, ad
quod excitetur per illa. Et quanquam debeat etiam de his præsci-
bere, quantum ad subiiciendam spiritui et domandam carnem ac
cōprimendas eius nimias vires, viderit esse necessariū pro qualita-
te personæ & peccatorum, in quæ agiloskit eū esse lapsum: & ad-
hibere etiam contra hæc, quæ ad ocium fugiendum pertinent: pu-
tamus tamen in his obseruandum, ne quædam arida & sine deuo-
tione mentisq; exercitijs ieiunia imponantur. Hic cogitandum
illud Pauli: corporalis exercitatio ad modicum vtilis est, pietas ad
omnia. Tertiò deniq; non postremo loco, sed in principio horū
omnium, & inter ipsa ac in medio est pœnitenti sedulo orandū
pro illuminatione mentis, pro vera pœnitentia & conuersione: vt
docuimus in tractatu de pœnitentia. Nam hæc omnia ad oratio-
nem pertinent: vacatio scilicet à temporalibus & curis atq; nego-
cijs sæculi, consideratio spiritualium rerum atq; mysteriorum fi-
dei, & supplex petitio pro consequenda Dei gratia: in quibus co-
aptandis & moderandis captui pœnitentium, magna est consti-
tuta pars huius spiritualis artis medendi animabus.

Hæc itaq; rudibus & minus exercitatis rudius quidem & pau-
latim persuadenda & explicanda sunt: ad quod maximè, quod in
lege veteri scriptum est, conducet. Nam si temporalia illa benefi-
cia & præcepta adeo cogitare præcipiebantur & memoria tenere,
vt scriptum sit: Meditaberis sedes in domo tua, ambulās in itinere, Deut. 6.
dormiens & consurgens; & multa in hanc sententiam: quanto
magis

DE REMEDIIS PECCATORVM.

magis fidei christianæ mysteria nulla ratione sunt obliuioni tradenda? Nam horum obliuio omnia secum adfert mala & incommoda, facitq; ex christiano carnalem hominem & amicum huius mundi, ac omnino à spiritualibus alienum, & (quod omnium pessimum est) inter hæc mala securum, & nibili facientem quæ ad salutem animæ pertinent, quo statu nihil periculosius cogitari potest.

Ita igitur hæc agenda sunt, vt his qui assueti sunt peccatis, & ab his alieni, priusquam absoluantur, maxime cum non satis dispositi apparent, imponantur paulatim, ita vt non per vnâ tantum, sed plures etiam hebdomadas his teneantur exercitijs. His verò qui omnino ab his alieni sunt, vel minus assueti peccatis, minora atque breuiora ita demum, vt & isti & illi, & denique omnes ex hac spiritualis medicinæ officina habeant, vnde quotidie proficiant, & cautiore magisq; armati contra peccata recedant: quod spiritualis etiam medicus assidua oratione, & in se & in alijs conabitur efficere, vt dignè fungi possit suo officio. Det Christus Dominus omnibus spiritum suum, quo hæc omnia facillima efficiuntur, & sine quo difficillima ac impossibilia sunt. De quibus non sine timore hæc tam pauca diximus, cum in vtramq; partem videamus illa imperfecta esse. Nam spiritualibus

& feruentibus non sufficient: tepidis verò nimia videbuntur. Sed nobis satis est vtcunq;

hæc subindicasse, magisterio
spiritus sancti cetera
relinquimus.

DE

DE VITA SACERDOTVM.

LECTIO PRIMA.



VLTIMO iam dicendum est, iuxta ea quæ in principio huius tractatus præmisimus, de vita sacerdotali: idq; iuxta ea quæ illo loco distinximus. Duo itaq; in sacerdotibus considerantur. Primò ordo ipse, propter quem non est dubium ipsos ad non pauca obligari: deinde cura animarum, quæ non semper ordini cōiuncta est: propter quam etiam constat ad quædam eos attingi, qui illam suscipiunt. Iuxta hæc igitur primò dicendū, Capita eorū ad quid ex ordine sacerdotij, vel quocunq; alio sacro teneatur, qui quæ deinceps susceperunt: primò ex iure ipso diuino, deinde ex speciali ceptis explivoto, vel ecclesiæ ordinatione atq; humano iure: demum & circa canda sunt, curam animarum eadem sunt dicenda: ad quid videlicet propter illam astringantur diuino vel humano iure.

Disturi igitur de sanctitate, ad quam sacri ordines omnes quidem, sed maximè sacerdotalis, astringunt: illud primò omnium præmittendum est: quòd, sicut sacerdotes sub episcopis esse diximus, & sub illis Diaconos: ita omnes hos ministros ecclesiæ supra ceteros omnes gradus: non tantum videlicet populum ipsum, sed etiam monachos, constitutos esse: ideoq; ad maiorem sanctitatem, quàm ceteros omnes astrictos esse, certò tenendum est: idq; quasi fundamentum collocandū in hac doctrina, & certè in cordibus eorum quos instituimus. Primò enim omnium (vt suprà diximus) agnoscendus est proprius locus & gradus, vt deinde seruari possit & custodiri. Quòd igitur sacri omnes ordines in altio-Gradus sari constituent loco, atq; ita ad maiorem obligent sanctitatē, quàm cerdotis ipsa etiā professio monastica excepto ordine, ostēdit primò Dio-sublimior est i nysius monachatu,

DE VITA

nysius 6, ca. ecclesiast. hierarch: ibi enim, sicut tres actus hierarchicos, hoc est, sacræ & ecclesiasticæ potestatis, purgare scilicet, illuminare, & perficere, obseruata illos tribus distribuit ordinib. Primum ministris, secundum sacerdotibus, tertium episcopis. Sub quibus rursus tres etiam ordines ponit quasi susceptiuos illarum operationum: purgandorum scilicet infidelium & extraneorum: illuminandorum, vbi collocat primum populum: deniq; perficiendorum, quos dicit monachos. Hunc itaq; sublimiorem ordinē constituit inter susceptiuos actionum ecclesiasticarum: sed infra illos qui operantur. Vnde ait: Initiandorum omnium sublimior est monachorum ordo. At verò eos in dedicatione neutrum genu ponere dicit, nec euangelia capiti imposita habere: quòd eorum non sit alios ex officio adducere. Itaq; et si non faciat eos assecras diaconorum & presbyterorum, sed pontificum duntaxat, quibus debent proximi esse: dum tamen inter initiandos collocat, satis ostendit inferiores esse ministris omnibus. Hoc ipsum etiam, quāquam

Ca. 2. longo post tempore, Rabanus lib. 1. de institutione clericorū docuit, cum inter tres ordines ecclesiæ primum laicorum, secundum monachorum, tertium clericorum omnium ponit. Vbi posset forte videri alicui, etiam inferiores ordines monachatu digniores esse: sed quia in illis non est perpetua obligatio ad tractanda ministeria ecclesiastica, meritò de illis non agimus. Sacros verò omnes non dubitandum est maiorem sanctimoniam requirere. Quod eò dicimus, vt incipiant sacerdotes & ministri ecclesiæ cogitare, ad quantam sanctitatem sint astricti, nec facile sibi blandiantur de habitu aut conuersatione seculari, multo minus de consuetudine aliqua aut vulgi assimatione. Aduertant se per sacros ordines constitutos esse ministros Christi, & dispensatores gratiæ, atque ita quædam instrumenta ipsius: vnde fit, vt iniuriam magnam irrogent ipsi, & ministeria eius prophanent ac conculcent, non solum cum ea sordidis animis contrectant (quod superius diximus esse mortale sacrilegium) sed etiam cum viuunt indignè Christo, cui consecrati sunt & dedicati. Hinc b. Thomas hoc ipsum tradidit 2. 2. grauius (inquit) peccat clericus in sacris constitutus, & agens aliquid contrarium sanctitati, quàm monachus. Certè, si rectè hoc pensetur, omne eorum peccatum mortale sacrilegium meritò iudicari potest. Est enim prophanatio sacri illius instrumenti Christi, & sanè vsus illius omnino contrarius est illi, ad consecratum

q. 184. ar. 8.
Peccata sacerdotum sunt grauiora peccatis monachorū,

est: quod non ita æquè & vniuersaliter de monacho dici potest. Si dignè pensetur, quantum sit esse ministrum Christi, & vas ad omne opus bonū paratū: apparebit quanto maioris sanctitatis sit hic gradus, quàm quiuis alius in ecclesia. Hoc igitur in communi sit dictum: nunc ad specialia.

Igitur primò omnium, quales ministri ecclesiæ esse debeant, Paulus docet, cum & Timotheo & Tito præscribit rationem ordinandi illos in ecclesia. Timotheo itaq; sic scribit: Oportet episcopum irreprehensibilem esse, sobrium, prudentem, ornatum, pudicum, hospitalem, doctorem, non vinolentum &c. Et: Diaconos similiter (inquit) pudicos, non bilingues, non multo vino deditos, non turpe lucrum sectantes &c. Et rursum ad Titum de episcopis eadem ferè repetit. Oportet enim (inquit) episcopum esse sine crimine, tanquam Dei dispensatorem &c. quæ apud illum legantur. Vbi de episcopis & diaconibus loquens, manifestè sacros omnes gradus instruit. Hæc itaq; loca Pauli sunt primò ante oculos habenda: & certè omnia ferè, quæ in illis epistolis ad discipulos scribit. Instruunt enim illæ propriè omnes ministros ecclesiæ, & ostendunt ad quid natura ipsa sacrorum ordinum & ius diuinum eos astringat: ex quibus multa deinde exponentes & explicantes addiderunt patres: & inter cætera illorum scripta, pastoralis ille liber Gregorij meritò commendandus est: Epistola etiam Hieronymi ad Nepotianum, de vita clericorum, est meritò habenda ante oculos: Multa etiam in antiquis concilijs tradita sunt: ex quibus non pauca collegit Gratianus à dist. 40. vsque ad 50. omnia in horum locorum Pauli expositionem. Multis etiam præcedentibus distinctionibus ex concilijs & patribus non pauca collegit. Et inter reliquas dist. 23. habet pulchrum locum Isidori de vita cleri. Ex iisdem etiam postea partim collecta, partim statuta sunt, quæ titulo de vita & honestate clericorum, in iure canonico habentur. Vbi si positiua aliqua inueniuntur statuta, nō aliud sunt, quàm explicatio quædam, aut determinatio eorum quæ diuini sunt iuris.

Vt igitur ad specialia accedamus, vniuersa illa quæ ad morès, vitam, atque actiones ministrorum ecclesiæ vel diuino, vel humano iure pertinent, ad tria capita reduci possunt. Primū, quod pertinet ad pietatē & religionem, quibus immediatè Deus colitur, et ipsi mens humana cōiungitur: quod meritò peculiariter ministris

ad Tim. 3.

Tit. 1.

c. His igitur.

DE VITA SACERDOTVM.

De pietate et Dei tribuendum est : vt videlicet insigniter & eminenter religiosi religione mi sint & cultores Dei, ipsiq; magis vniantur. Ad hoc pertinent exercitiorum omnia, sacræ lectiones, meditationes, & orationes : quibus

Christi, quam frequenter Paulus dicit exercendos esse ministros Christi? Quamobrem etiam ab alijs omnibus iubet eos abstinerere : Nemo (inquit) militans Deo implicat se negotijs sæcularibus : ostendens continuò, quis debeat esse scopus totius vitæ ministrorum, cum dicit : Vt ei placeat, cui se probauit. Hoc igitur sit primum caput.

De temperantia, continentia, & modestia, ministrorū ecclēsiæ. Secundum caput est eorum quæ pertinent ad temperantiam, quæ maximè in abstinentia cibi & potus, & in castitate sita est : quæ sunt maxima & præcipua ornamenta ministrorum Christi : Sobrium (inquit Paulus) pudicum, non vinolentum. Pertinent etiam huc, quæ ad modestiam, & mortificationem affectuum omnium ac sensuum spectant. Vnde ait: Modestum, non bilinguem, non litigiosum. Et Paulus frequētissimè ad ista omnia hortatur, etiam exemplo suo: Castigo (inquit) corpus meum, & in seruitutem redigo. Quæ omnia propinqua sunt religioni & pietati, maximeq; ad illam disponunt. Tertium deniq; caput sit eorum, quæ pertinent ad moderationem appetitus habendi, contra auaritiā scilicet & cupiditatem: vbi liberalitas comprehenditur & eleemosyna. De quibus inquit Paulus: Non cupidum: Et rursus: Non turpis lucū cupidum, hospiralem, benignum, iustum &c. Hæc enim moderatio quantum euangelica doctrina cōmendetur, & quàm sit necessaria ministris Christi: innumeris locis ostēditur. Ipse dominus dicit : Nolite portare aurum neq; argentum &c. Quod Paulus exponens, ait, maximè ministris : Habentes alimenta & quibus tegamur, his contenti simus : & cætera quæ ad hanc confirmandam sententiam grauissimè ibi dicit. Est (inquit) quæstus magnus, pietas cum sufficientia; & multa alia. De his itaq; tribus capitibus dicendum est ordine, vt ita ab hoc ultimo incipientes, ad duo priora progrediamur.

De vitanda auaritia & moderanda cupiditate.

Math. 10.
1. Tim. 6.

Paulus exponens, ait, maximè ministris : Habentes alimenta & quibus tegamur, his contenti simus : & cætera quæ ad hanc confirmandam sententiam grauissimè ibi dicit. Est (inquit) quæstus magnus, pietas cum sufficientia; & multa alia. De his itaq; tribus capitibus dicendum est ordine, vt ita ab hoc ultimo incipientes, ad duo priora progrediamur.

LE-

LECTIO SECVNDA.

De moderato appetitu habendi.



INTER illa igitur, quæ ad vitam & mores sacerdotum ac ministrorum omnium Ecclesiæ pertinent, meritò primū est, quod ad avaritiam reprimendam traditur. Vnde & Hieronymus in Epistola illa vitam clericorum instituens, hinc incepit: & ex nomine ipso clerici ratione sumpta: Nominis (inquit) sui definitione prolata, nitatur esse quod dicitur. Et mox nomen clerici à sorte dictum significans: quia vel ipsi de sorte Domini sunt; vel Dominus pars eorum: adeo vrget hoc argumentum, vt ferè videatur illis tanquam necessariam imponere paupertatem, & rerum omnium renunciationem: Qui dominum (inquit) possidet, nihil extra Dominum habere potest: quòd si quippiam habuerit præter Dominum, pars eius non erit Dominus. Et rursus: Si autem ego pars Domini sum, & altaris oblatione sustentor, habens alimentum & vestitum: his contentus ero, & nudus nudam crucem sequar. Et mox: Obsecro te (inquit) ne officium clericatus genus antiquæ militiæ putes, id est, ne lucra sæculi in Christi quæras militia. Ex quibus satis ostenditur, quòd Hieronymus si nō paupertatem tanquā necessariam docet, tamen lucra & diuitias ex militia Christi quærere, omnino damnat. Nonnulli (inquit) sunt ditiores monachi, quam fuerunt ante sæculares: & clerici, qui possident opes sub Christo paupere, quas sub locuplete et fallaci diabolo non possederant. Multa sunt in illa Epist. Hieron. de hac re, & frequentius in hoc argumento versatur. Clericum (inquit) negociatorem, & ex inope diuitem, quasi quandam pestem fuge. Deinde: Glória Episcopi est, pauperum opibus providere; ignominia sacerdotum, proprijs studere diuitijs. Et ibidē contra pompam vestium ac ædificiorum splendorem, etiam in ipsis templis, ita loquitur, vt hæc cum cæteris, quæ in lege veteri permisi-

fa erant, proijcienda dicat. Hæc itaq; Hieron. De qua re vt nos ordine aliquid dicamus, & totam hanc materiam, postilla quæ superius, cum de sacramento ordinis ageremus, circa simoniam dicta sunt, à principio totam repetentes, videamus quomodo circa hanc rem primum Christus & Apostoli, deinde primitiua ecclesia et eorum discipuli se gesserint: tum, quid deinceps sequentibus temporibus actum & statutum sit in concilijs: vt deniq; ex his quasi ex venis fundamentis, quid nunc sentiendum sit, intueri possimus.

Illud certò constat, Christum & operibus, & verbis adeo omnem auaritiam & immoderatum appetitum habendi impugnasse, vt ipse extremam paupertatem (quæ videlicet necessaria ipsa parcissimè sumit, & cætera omnia & affectu & effectu contemnit & relinquit) amplexus sit, & his, qui magisterio ipsius adherere vellent, eandem luaserit. Ita enim respicienti commodum, atque ideo volenti ipsum sequi, respondit: Vulpes foueas habent &c. & filius hominis non habet vbi caput suum reclinat. Et alteri diuiti adolescenti: Vade (inquit) & vende omnia quæ habes, & da pauperibus, et veni, sequere me. Sic tandem Petrus etiam pro omnibus Apostolis respondit: Ecce nos reliquimus omnia &c. Quod responsum (vt alibi diximus) iuxta patrum & Ecclesiæ sensum apertè ostendit, non tantum quantumdam rerum, & earum quæ possidebant ad tempus duntaxat desertionem, sed perpetuam abrenunciationem rerum temporalium certissimo proposito firmatam. Mittamus nunc quæ deinde Apostolis inquit Christus, euntibus ad prædicandum: Nolite portare aurum &c. & quodd quicquam accipere prohibuerit pro spiritualibus ministris: de quibus superius, cum de simonia ageremus, sumus loquuti. Satis sit ex his habere, quale circa hoc fuerit Christi & Apostolorum institutum: quibus satis etiam ostèditur, quodd hæc præfagiabant, quàm esset auaritia et cupiditas habendi futura damnosa ecclesiæ & inimica Christo.

Christiani & præcipuè cle
ci in prima
& antiqua
ecclesia in
communi
vixerunt.
Apostolorum 4.

Hoc institutum Apostolorum constat imitatos fuisse fideles omnes primum conuersos ad Christum, & totam Ecclesiam illam Ierosolymitanam sub Apostolorum disciplina: Quotquot (inquit Lucas) erant possessores agrorum, vendentes adferebant precia eorum, & ponebant ante pedes Apostolorum, nec quisquam eorum, quæ possidebat aliquid suum esse dicebat. Omitamus nunc specialem rationem Ierosolymitanæ illius ecclesiæ: quæ

re scilicet à spiritu sancto hoc illi persuasum fuerit propter imminentem desolationem à Romanis: constat hoc etiam in cæteris ecclesijs gentiũ vel omnino, vel magna ex parte esse seruatum: offerentib⁹ videlicet magna liberalitate christianis bona sua ecclesijs, & ministris atque supremis dispensatoribus earum, in communes vsus ista dispensantibus. Ex quo (vt minimum) constat certò, à ministris ecclesiæ hanc communitatem longo tempore seruata[m] fuisse. Est in epist. 5. Clemē. certum testimonium huius: Communis (inquit) vita omnibus necessaria est: maximè his qui Deo irreprehensibiliter militare cupiunt, & vitam Apostolorum; eorumque discipulorum imitari volunt. Et multo apertius Urbanus ille d. Ceciliz Magister, decimus quintus (vt puto) à Petro, hoc ostendit in Epistola de hac re scripta ad omnes Episcopos: in qua etiam successum & originem opum ac diuitiarum Ecclesiæ manifestat, & qualem earum deceat esse vsus. Principio igitur ita inquit: Scimus vos non ignorare, quia hactenus vita cõmunis inter Christianos viguit, & adhuc gratia Dei vigeret, & maximè inter eos, qui ad sortem domini sunt electi, id est, clericos. Vbi, citatis multis ex illo 4. cap. de venditione possessionum agrorum, dicit, quòd, videntes deinde pontifices & reliqui fideles, maiorem utilitatem futuram ecclesiæ, si agros & possessiones quas ante vendebant, traderent ecclesijs quibus præsidebant Episcopi, eo quòd hac ratione & præsentibus & futuris prouideretur communem vitam agentibus: cæperunt agros tradere matricibus ecclesijs, & ex eorum sumptibus viuere: quorum omnium dispensatores (ait) debent esse Episcopi, & in ditione sua tenere: ex quibus debent omnibus communem vitam degere volentibus, cuncta necessaria ministrare prout melius poterint: vt nemo in eis egens inueniatur: nec debent (inquit) in alios vsus conuerti, quam ecclesiasticos, & prædictorum fratrum, vel indigentium: quia vota sunt fidelium, & precia peccatorum, ac patrimonialia pauperum, domino ad prædictum opus explendum tradita. Et constat deinceps ex tota hystoria antiquitatis, etiam antequam decimæ alicubi exigerentur aut soluerentur, Ecclesias fuisse diuites ex oblationibus fidelium, & has diuitias in communi positas, tanquam loculos Christi dispensatas fuisse ab episcopis. Testatur hoc Chrysostomus, vt de ecclesia græca aliquid dicamus, homilia 67. in Matthæum: qui locus, quoniã et hoc quod agimus apertissimè docet, et exemplum

DE MODERATO APPETITV HABENDI.

plum pulcherrimum ostendit dispensandorum bonorum Ecclesie, & certè liberalitatem, quam à cunctis Christianis sancti pontifices exigebant: notandus est. Vt inhumanitatem (inquit) eorum videas (loquitur verò de diuitibus, qui quotidie permittebant pauperes famescere) vnus diuitis, nec valde locupletis, hæc Ecclesia fructus colligens, cogita tecum quot viduis, quot virginibus quotidie succurrit. Vbi numerum earum dicit in catalogo descriptum, ad tria milia peruenisse. Et præterea (inquit) auxiliatur multis laborantibus in hospitali, aduenis, leprosis, & his qui quotidie ad petendum accedunt, & omnibus ministris Ecclesie. Hoc itaq; longo tempore obseruatum est. Collegit etiam multa de hoc vsu & tempore Gratianus 12. q. 1. in priore eius parte: in qua testimonia attulit prohibentium proprietatem clericis, Et cum in ecclesia perseverabar prior illa simplicitas & ardor fidei, felicissimè magna ex parte hac ratione vivebatur: quanquam non defuerint etiam tunc reprehensibiles dispensatores, etiam Cypriani tempore, vt apparet ex epistola, quam Augusti. contra Donatistas quoq; citat, in qua ille negotiationibus et lucris intentos episcopos arguit. Quorum etiam occasione, vt constat, in antiquis concilijs multa constituta sunt ad reprimendam auariciam, et conservandam fidem dispensationem bonorum ecclesie. Atque tunc etiam exortus est error ille manichæus maximè, & aliorum quoq; hæreticorum damnantium omnes habentes proprium: sicut vtentes nuptijs: quod in concilio Gangrensi, propinquo Nicæno, damnatum est. Vnde postea tandem eo ventum est, vt permitterentur episcopis & ceteris ministris illa bona, quæ ipsis aliunde quàm ex ecclesia vel eius intuitu accederent: de ecclesie verò bonis quatuor portiones iuberentur fieri, ita vt quarta pars pauperibus, quarta ministris, quarta fabricæ, et quarta episcopo cederet: quod a Gelasio statutum reperimus in epistola ad vniuersos episcopos per Lucaniam et Bruttios, quam Gratianus citat cum pluribus eiusdem pontificis et aliorum testimonijs, capite quarto, & nonnullis sequentibus, 12. quæst. 2. Hæc itaq; ex antiquitate. Nunc autem, cum ad hoc nostro tempore ventum sit, vt videatur portio cuique ministrorum iam deputata: quomodo circa eam se habere debeat, est diligentius considerandum.

Bona ecclesie diuisa in quatuor portiones.

LECTIO

LECTIO TERTIA.

Quomodo circa bona Ecclesiastica habere se debeant ministri ecclesiæ, & de reliquis contra auaritiam.



Incipit in hac, quæ hodie est, bonorum ecclesiæ diuisione & distributione, quomodo se gerere debeant, quibus hæc bona contingunt, disputatur quidem à multis theologis & Iuristis, & multa ac varia ab eis traduntur: an possint scilicet donare ex illis, vel ditare suos, vel alienis testamento aut alia ratione post mortem relinquere. De quibus multa refert Syluester in verbo, Clericus 4. præcipue ex canonibus, & doctoribus eos interpretantibus. Nos verò sequemur b. Thomam qui q. 186. 2. art. 6. & 7. hanc rem rationabilius & distinctius explicat, idque ex proprijs principijs, quæ certè ex his quæ dicta sunt hoc loco, sunt nobis sumenda, Primò omnium constat ex decursu totius Ecclesiæ ab Apostolis, & ipso iure diuino, bona omnium Ecclesiarum, cum Christi sint, meritò etiam pauperum esse, neque vlla ratione aut potestate humana fieri posse, vt licitè in alios vius, quàm ecclesiasticos & pau- Ministri ec-
perum expendi possint. clesiæ non
Hoc confirmant omnia quæ superius diximus:
diximus: & contrarium credimus errorem esse grauissimum, sal- sunt astricti
tem contra bonos mores & iustitiam: & quidni etiam contra scri ad pauper- tatem.
pturam? quamuis Paulus dicat esse errorem hominum mente cor- tatem.
ruptorum, æstimare quæstum pietatem esse. Hoc itaque constitu- to,
to, illud etiam certum est: nec episcopos, nec sacerdotes, aut alios Timoth. 6.
Ecclesiæ ministros astringi ad paupertatem aut renunciationem temporalium
temporalium bonorum. Possunt propria possidere, cum nullo voto
voto ad contrarium se astringerint, vt b. Tho. supradicto loco do- cet.
cet. Hæc aperte probat concilij Agathen. autoritas, quam Gra- tianus
tianus citat 12. q. 1. cap. Episcopi: quo loco habentur etiam mul- k

DE BONIS ECCLES.

te aliz definitiones pontificum & conciliorum, permittentium illis tanquam propria, quæ ex hereditate aut donatione consanguineorum aut amicorum habent, possidere. Nec (inquit beatus Thomas) ad contrarium obligat eos quæcunque status perfectio ad quam tenentur. Nam in non proprietate aut carentia bonorum temporalium perfectio Christiana non est posita: sed potest inter magnas diuitias perfecta charitas haberi: sicut fuit in Abraham. Repugnat quidem perfectioni cupiditas habendi, sollicitudo nimia à diuinis & spirituakibus abstrahens. Et ita intelligit eodem loco b. Thom. quod ex Hieron. superius citauimus: quod, qui aliud possidere vult quàm Deum, cum Deo partem nō habet &c. Itaque nec illa verba Christi: Nolite portare aurum &c. (vt ibidem ex auctoritate patrum & sanctorum exemplis offendit) vlla ratione obligant prædicatores, aut reliquos ministros ad pauperatatem: sed vel temporale fuit illud præceptum, pro eo scilicet tempore quo Christus erat præsens: vel permissio tantum est & facultas recipiendi temporalia: vel certè spiritualiter accipienda sunt. De bonis igitur proprijs, quæ proueniunt non ex ecclesia, nec ex ministerijs ecclesiasticis, non est alia ratio in ecclesiæ ministris, quàm in alijs. De reliquis iam agamus.

Distinctio
bonorum
ecclesiasti-
corum.

Sunt autem reliqua omnia bona vel commissa solùm dispensationi ministri, vel deputata duntaxat in eius vsus. De primis igitur, cum scilicet bona siue annui census Ecclesiæ non sunt distincti in quatuor illas partes, de quibus diximus: sed omnia simul perueniunt ad manus vel Episcopi, vel alterius ministri: constat eum ad quem sic perueniunt, administratorem & dispensatorem tantum esse: quare (sicut beatus Thomas supradicto loco inquit) tenetur bona fide dispensare. Atq; ideo, si tantum in minimo deficiat vel sibi tribuendo, vel alijs detrahendo: potest sine peccato fieri: quia minimus defectus in huiusmodi non tollit bonam fidem. Cæterum si notabiliter multum excedat regulas iustæ dispensationis, secundum rationē illam eorum de quibus prouidere tenetur ecclesiæ: certum est enim grauiter peccare, & ad restitutionem teneri quatenus possibile fuerit. Et huc pertinere puto, quod Canonistæ (vt apud Syluestrum est videre) asserunt, ministrum illum, qui cum beneficio administrationem habet bonorum ecclesiæ, non posse de illis aut eorum fructibus vel donare, vel legare, nisi in recompensationem necessariorum obsequiorum.

vel ob aliam honestam causam. Primò enim videntur nonnullam bonam quæ administrat clericus, & coniuncta sunt beneficio, sine illorum fructus, deputata esse quasi in stipendium illius officij, & non quasi illi cum alijs communia, dispensanda ab eo: vbi, cū nihil certum est, ipsa consuetudo antiqua, quando desunt instrumenta, declarare potest, quomodo ipsi commissa & credita sint. Vtunque sit, de his quæ ipsi tanquam stipendia deputata sunt, sentit beatus Thomas eodem modo illum disponere posse, quo de proprijs bonis disponit. Quare (inquit) peccare potest vel ex immoderato affectu, vel ex vsu: cum videlicet plura retinet sibi, & pauciora alijs tribuit quam charitatis ratio exigit. Vbi non pauca sunt consideranda. Primò, quòd multis videatur propter distributionem illam in quatuor portiones iam factam, ministros Ecclesiæ de illis bonis quæ ipsis pro portione obueniunt, disponere posse tanquam de proprijs. Hoc certè non satis constat: neque apparet in bonis & censibus Ecclesiarum, quomodo fuerit quarta pars relicta pauperibus, etiam si fortè inueniantur hospitales domus ex aliquorum ministrorum misericordia ædificatæ cum sumptibus & redditibus in pauperum vsus. Neque satis apparet distributionem illam iuxta antiquam Ecclesiæ regulam esse factam. Non enim volebant antiqua iura minus dari pauperibus ex redditibus Ecclesiæ, quàm ipsis Episcopis. Nec (vt Gregorius inquit apud Gratianum supradictò loco) diuisio illa de antiquis tantum, sed de omnibus etiam quæ ad ecclesiam quacumque ratione veniunt, fieri præcipitur. Quare nulla ratione videtur satisfactum pauperibus, nisi cum reliquæ omnes partes onerata manent eleemolyna necessaria, vt minimum, iuxta necessitatem pauperum & propriam facienda. Fatetur b. Thomas supradictò loco, quòd, etsi de his quæ deputata sunt vsui ministri, possit sibi subtrahere, & suis consanguineis dare: non tamen ita, vt eos ditiores faciat. Hoc enim (vt ex fundamento prius posito patet) alienum est à natura bonorum Ecclesiasticorum. Addit etiam eodem loco, propter beati Hieronymi auctoritatem in epistola ad Damasum, & propter locum Pauli ad Timoth. 5. Si quis fidelis habet viduas, subministret illis, ne grauetur ecclesia: non posse ministrum, qui patrimonialia bona habet, ex redditibus Ecclesiæ viuere in necessitate vel caprinorum vel pauperum. Vbi ex bonis ecclæ verò nulla esset necessitas, posset etiam patrimonium habens, ex

Nota.

Diuisio bonorum ecclesiæ in quatuor portiones non excusat omnino.

12. q. 2. cap. Cognouimus.

Contra illos qui ex bonis ecclesijs amicos ditant.

Quibus & quando non liceat viuere

DE BONIS ECCLES.

Contra eos
qui ecclesiz
thesaurizāt.

De restitutio-
ne bonorum
ecclesiz..

De bonis ec-
cles. aperte
excederibus
honestā su-
stentationē.

ecclesiz bonis vivere. Vbi etiam illud d. Hieronymi locum habet in Epistola ad Nepotianum : Accepisse quod pauperibus erogandum erat, & esurientibus plurimis vel cautum esse, vel timidum, aut, quod apertissimū sceleris est, inde aliquid subtrahere : omnem prædonum crudelitatem superat. Denique asserit eodem loco b. Thomas nec thesaurizare Ecclesiz ipsi, nec eius facultates augere posse quempiam, quando sunt qui egent. Ex quibus omnibus, quæ supradictis respondent, ostenditur satis, etiam facta quacunque diuisione, & applicatis quocunque modo fructibus ecclesiarum ministris: non posse licitè ex eis aliud quæri, quàm sustentationem, honestam quidem pro qualitate ministri & ministerij. Nam Paulus duplici honore dicit dignos esse presbyteros qui benè præsumt, maximè qui laborant in verbo. Quando verò peccatum mortale vel veniale sit in hoc excessu, non est difficile ex supradictis videre. Si enim excessus in his aut defectus peccatum est, & contra naturam ipsorum bonorum Ecclesiz & ministeriorum Christi : notabilis & magnus excessus vel defectus graue peccatum erit: atque ita mortale. Rursum, an ad restitutionem hoc peccatum obliget : ita videlicet, vt vel qui dant, de suo restituant Ecclesiz : vel etiam cum id. non possunt, qui receperunt, teneantur restituere : maior est questio, & maxima certè, si, quàm multos tangat, & ad quot se extendat, cogitetur. In portione igitur diuisa & deputata ministro ad suos vius, credi posset nulla restitutione opus esse, cum ipsius illa sit. Et hoc beatus Thomas supradicto loco videtur dicere. Probat tamen eodem loco Caietanus, redditus manifestè excedentes honestam ministri sustentationē, ipsi datos esse tanquam dispensandos in pauperes: quod vera ratio habet : alioquin irrationabiliter illi deputarentur. Probat rursus idem questione 87. 2. 2. decimas ipsas non posse conuenienter exigi, nisi dispensandas in pauperes : cum nulla ratio patiatur, vt ditiores sint ministri noui testamenti, quàm fuerint veteris, & tamen his, cum essent duodecima pars populi, decima tantum dabatur : nostri verò nunc vix sunt centesima pars populi : qua ergo ratione tantum eis dandum est, quantum illis : nisi vt dispensent in pauperes ? Igitur non facile in amplis & abundantibus redditibus putent ministri ecclesiz, se posse tanquam de proprijs agere : neque qui ab eis recipiunt, securos se iudicent. Non inmerito Hieronymus tam multa dixit contra ministros.

nistros ditari volentes: non sine ratione antiqua ecclesia suis vsa est bonis, tanquam pauperum & christianorum omnium egentium, atq; ita illis communibus.

Hæc itaq; dicta sint etiam de his, qui in ecclesia vno contenti beneficio, vna dignitate aut ministerio, fructibus ei deputatis vtuntur. Nunc ex his, quid de pluralitate beneficiorum sentiendum sit, manifestum est. De qua re, quanquam multe sint Iuristarum questiones, precipue de dispensatione in pluralitate beneficiorum, illud tamen certo constare debet, quod in diuino iudicio nulla excusatio prætendi potest in plurimorum beneficiorum retentione: si ad luxum & abundantiam eis vtatur qui illa possidet: cum nec fructibus vnus ad hoc vti possit: multo minus si ad suos ditandos, & alia superflua aut ædificia, aut ornamenta augenda vtatur. Cum verò ad honestatem vel vno, vel pluribus beneficijs quis vtitur: siquidem sine damno ecclesiæ, imò cum eius vtilitate id fiat: non solum videlicet sine scandalo populi, sed etiam cum ædificatione: sanctè dispensatur in pluribus. In quibus tamen dispensationibus considerandum est, nonnunquam dispensantes rectè agere, neq; tamen eos cum quibus dispensatur, tutos esse: cum videlicet nimia improbitate & auaritia exigunt, quod ecclesiæ, vt eorum opera (quæ ipsi fortè necessaria est) vtatur, concedit itaq; quilibet, quantum seruiat ecclesiæ, quàm illi vtile sit quòd vnum vel duo habeat beneficia: & nullus sibi blandiatur aut de nobilitate, aut de eruditione, si hæc ecclesiæ parum prosint aut seruiant. Hæc itaq; ostendunt, quàm sit ministris ecclesiæ reprimenda auaritia. Et hæc quidem omnia iure ipso diuino constant, vt patet. Iam verò, quæ iure positiuo superaddita sunt, quanquam ex ipso iure diuino dependentia, explicemus.

Multa itaq; prohibent iura & antiqua concilia clericis hac ratione, qua tenentur fugere auaritiam. Primum, secularia negotia exercere: quod Paulus rectè tanquam ex ipso iure diuino prohibita debet. Nemo (inquit) militans Deo, implicat se negotijs secularibus: vitandam vt ei placeat, cui se probauit. Vnde & in decret. est hic titulus, Clerici vel monachi secularibus se negotijs non immisceant. Constat itaq; hoc nomine prohiberi clericis officium mercatorum, & eorum qui emptioni aut venditioni ad augendam substantiâ insistant. Secundò etiam, officium procuratorum & aduocatorum in secularibus causis, nisi fortè pro defensione pupillorum & viduarum.

De pluralitate beneficiorum.

Quæ sint electionis iure clericis iure prohibita ad avaritiam, vel ob indignitatem. 2. Tim. 2.

DE BON. ECCLES. ET VSV ILLOR.

rum; & deniq; administrationes temporalium reipublicæ officiorum: vt iudicem esse aut præpositum, ministrum, notarium, aut simile quippiam administrare. De quo etiam Hieronymus supradictæ epistola: Procuratores & dispensatores (inquit) domorū alienarum atq; villarum, quomodo possunt esse clerici, qui proprias iubentur facultates contemnere? Tantū itaq; aliquod artificium manuale, vel agriculturam honestè exercere, permittitur clericis, siue tamen iactura ecclesiastici ministerij. Prohibentur etiam quedam alia officia, non ob auaritiā tantū, sed ob indignitatem eorum, quia non conueniunt dignitati clericali: vt tabernariorū, macellariorum, de quo Clemens 5. de vita & honest. cler. clem. prima, vbi per se & publicè hæc exercere prohibentur: & multo magis quæ his indigniora sunt: vt Siluester notat in verbo, Cler. 3. vbi de his latius. Officiū etiam histrionis eadē ratione illis prohibetur. Cum hæc itaq; omnia iuris positiui sint meritō quā grauiter peccetur contra hæc omnia, dubitatur. Certè iura ipsa grauiusimè prohibent: sub excommunicatione videlicet aut amissione priuilegij clericalis. Quare Siluester non dubitat contra ea mortaliter peccari: maximè (vt Caiet. inquit) post admonitionem & contumaciam. Igitur circa hæc grauiter & notabiliter delinquere, meritō mortale creditur: sed in minimo contra horum aliquid agere, maximè cum finis præcepti non omititur: cum nec ex nimia cupiditate, nec cum magna clericalis dignitatis irreuerentia fit: non est iudicandum mortale, præcipuè vbi prælati dissimulant. De qua re inferius plura.

LE-

LECTIO QVARTA.

De his quæ ad temperantiam ministro-
rū ecclesiæ pertinent, & cæteris quæ
ad pietatem ac religionem.



OST hęc meritò secundum locum tenent;
quæ ad temperantiam omnem : tam scilicet
quæ delectationes cibi & potus , quàm etiam
quæ veneream voluptatem moderatur:& de-
niq; quæ in externis omnibus verbis, operib;
gestibus, ac ornatu modum statuit, pertinent.
Hęc enim quantum deceat ac ornet sacerdo-

Temperan-
tia est insi-
gne orna-
mentū cleri-

tes, & cæteros ecclesiæ ministros, ex locis Pau-
li superius allegatis satis constat, & ex natura huius virtutis, cui
meritò uitor quidam & splendor atq; pulchritudo animi tribui-
tur: quæ etiam docet scriptura Deū vnice delectari, iuxta id quod
mysticè in psalmo dicitur. Myrrha & gutta & casia à vestimentis
tuis à domibus eburneis, ex quibus delectauerunt te filia regum
in honore tuo. Deniq; vitia contraria obtundunt ac obscurât aci-
em mentis, & ineptam reddunt ad diuinarum rerum speculatio-
nem: cui debent potissimum ministri ecclesiæ vacare. Igitur post
contemptum terrenorum, vel eorum moderatum affectu, ad seip-
sos opus est vt se conuertant ministri ecclesiæ, & corpori suo do-
minentur, vt cum Paulo dicant: Castigo corpus meum & in ser-
uitutem redigone fortè cū alijs prædicauerim, ipse reprobus ef-
ficiar. Neccessaria certè est tēperantia christianiis omnibus: quibus
inquit Christus: Cauete ne grauentur corda vestra crapula aut
ebrietate. Et rursum: Sint lumbi vestri præcincti, & lucernæ arden-
tes &c. Sed ministris ecclesiæ dicitur à Paulo: In omnibus exhi-
beamus nosmetipfos sicut Dei ministros, in vigilijs, in ieiunijs, in
castitate: quasi morientes, & ecce viuimus: vt castigati, & nō mor-
tificari &c.

Luc. 21.

Luc. 12.

2. Cor. 6.

Vt igitur de singulis breuiter aliquid dicamus. Primò castitatis De castitate
ita multis ecclesiæ ex natura ipsorum ordinū conuenit vt (sicut ministrorum
superius ecclesiæ.

DE TEMPERANTIA

superius ostendimus) sanctissimè ecclesia statuerit, etiam ex apostolorum traditione, nemini esse dandos sacros ordines, nisi cui cælibatus placeret, & qui ad illum voto se vellet astringere. Itaque iam ex proprio voto & ecclesiæ statuto coniuncta est ordinibus sacris castitas, nō quæcunq; sed illa quæ supererogationis est: perfecta scilicet abdicatio totius veneræ delectationis: de qua nō est opus multa dicere. Multa exigit ad sui custodiam hæc virtus, nec potest negligentia & in ocio seruari. Hæc igitur ad eam seruandam patres & concilia non tam superaddiderunt, quàm declararunt ex natura ipsa necessaria esse ad illam custodiendam.

De interdicta cohabitatione mulierum.

Primò cohabitatio mulierum prohibetur, dicente d. Hieronymo in supradicta epistola. Numquid tu aut Samsonè fortior, aut Salomone sapientior eris: qui tamen deiectioni sunt per mulieres? Habetur titulus quidam in Iure, de cohabitatione clericorum & mulierum: ubi conciliorum & pontificum multis decretis cohabitatio hæc prohibetur, in quibusdā mitius, in alijs seuerius: pro qualitate videlicet temporum, locorum, & morum, & secundum alias causas occurrentes: ceterum omnia in hoc vno conueniunt, grauissimum periculum ex cohabitatione mulierum impendere. Quidam canones prohibent extraneas tantum mulieres, & concedunt matrem, amitam, aut sororem: alij omnes prohibent: nōnulli solas suspectas. Ex quibus omnibus satis patet, quàm sit periculosa hæc cohabitatio. Et quidem (vt Siluester ait in verbo, Clericus 2. §. 4.) habitatio cum suspecta proculdubio peccatum est, etiam mortale: aut etiam cum periculo aut scandalo cohabitare: quæ quanta sint, iudicandum est ex circumstantijs, & iuxta has maius aut minus peccatum censetur. Prohibetur etiam hac ratione frequentatio monasteriorum monialium, & dulces literæ, ac colloquia secreta cum mulieribus, & in iurifirmitate pari sibi à muliere ministrari. Quæ omnia, & similia multa, omnia scilicet quæ carnalem amorem excitare vel augere solent, b. Hieron. supradicta epistola ad Nepotianum, quàm sint periculosa, ostendit, & ab his deterret ecclesiæ ministros. Videant igitur nunc, quàm sit temerariū tam facile sibi hæc omnia permittere. Excusari quidem possunt prælatorum conniuentia & permissione, qui bona fide hæc agunt: sed pericula quanta sint, ipsa experientia ostendit. Causantur multi necessitates vitæ, & alia. Legant tractatum d. Cypriani (si tamen eius est) de singularitate clericorum. Vidi Io-

hannis

hannis Matthæi episcopi Veronen. vnus nostrorum temporum
 vei episcopi, constitutionem, meo iudicio multa prudentia &
 æquitate moderatam. Statuit ille, vt nulla omnino domi habere-
 tur mulier sine fua in scriptis habita facultate: quia intectionis(in-
 quit) nostræ est, optimè & diligentissimè prius inuestigare quæ sit
 mulier illa, cuius vitæ, famæ & opinionis. De concubinato verò
 non est opus multa dicere: certum est enim nihil magis Dei iram
 prouocare, & scandalizare populum, quàm hoc malum: de cuius
 emendatione & punitioe oportebat certè magis seriò cogitare:
 & si non secundum seueritatem antiquorum canonum, saltem
 quod ad emendationem veram sufficeret, adhibere remediũ: aliàs
 certum est nulla ratione excusari eos, aut prælatos.

His proxima sunt quæ ad temperantiam cibi & potus perti-
 nent. Ebrietas igitur & commessatio, quæ omnibus prohibentur, De tempe-
 multo magis clericis: luxuriam accendunt, ac sensum hebetant, rantia cibi
 Pinguis sensus, inquit d. Hieronymus (vt græcus quidam elegan- & potus.
 ter ait) non gignit mentem tenuem. Quare (inquit ibidem) tatum Quæ pro-
 tibi ieiuniorum modum impone, quantũ potes ferre. Ad hæc vitia hibita &
 cauenda, concilia & patres prohibent clericis quæ sequitur. Co- præcepta
 porationibus interesse, contendere, aut seinuicè inuitare aut pro- clericis circa
 uocare poculis, plausus & risus inconditos, inanes fabulas referre cibum &
 aut cantare in conuiujs, tabernas ingredi, nisi in via, necessitatis potum.
 videlicet causa: imò nec conuiuia, publica maximè & prophana
 eis licita sunt: sed permittuntur honesta & ecclesiastica. Ordina-
 uit is de quo diximus, Veronenſis episcopus, vt non nisi tria fer-
 cula apponerentur in conuiujs. Adeo quoq; sollicitus fuit vt ca-
 nonicè & absq; scandalo viuerent clerici, vt deputauit etiã ho-
 nestas domos in ciuitate sua, ad quas clerici venientes diuerteret.
 Hæc itaq; prohibentur clericis circa gulam. Contra quam etiam
 mandatur eis, vt non nisi benedictione & gratiarum actione præ-
 missa comedant, nec sine sacra lectione. De quibus omnibus dist.
 44. plura decreta citauit Gratianus. Quamuis igitur circa hæc du-
 bitari possit, quantum peccatum sit singulorum transgressio: non
 tamen est opus, vt de singulis specialius aliquid dicamus. Certũ
 enim est maiorem hic esse prælatorum culpam, cum non curant
 hæc seruari: quàm subditorum, qui bona fide, aut quia non sunt
 consueti, illa omittunt, maximè cessante scandalo & periculo.
 Quare inter illa omnia, non videmus quomodo ingressus taber-
 narum

DE VTEMPERANTIA

narum & compotationes non sunt graua, & subditis & prelatis. Reliqua, maxime cum præter inobedientiam & scandalum magis negligentia quadam fiunt, non possumus damnare grauioris peccati in subditis: sed nescimus quomodo prelati excusari possint, si illa omnino negligantur.

**De modestia
& honestate
vestium.**

Tertio loco dicamus quadam de his quæ ad modestiam & honestatem vestium ac ornatus pertinent. De quibus conuenienti etiam ratione multa clericis præcipiuntur: quæ videre licet apud Siluestrum in verbo, Clericus 2. §. 3. Igitur prohibentur eomam vel barbam nutrire: præcipiuntur coronâ manifestè gestare. Circa sæculares etiam vestes multa prohibita sunt: vt diuersi sine varij coloris vestes ferre, & multa alia vestimentorum genera, quæ omnino sæcularia sunt: de quibus etiam omnibus disputat Siluester supradicto loco ex alijs, quid mortale, quid veniale sit: maxime de corona, quæ ordini præcipuè videtur annexa. De quibus nõ est opus plura dicere, quàm vt intentio & cõsuetudo, & cætera considerentur, & maxime finis: an videlicet ex contemptu aut omisione honestatis aut grauitatis clericalis breuioribus aut sæcularibus vestibus clericus vtatur: an potius ex quadâ cõsuetudine & bona fide. Necessè tamè est, vt semper vigilet prelatorum cura.

**De religione
& pietate
clericorum.**

Restat vltimò, vt de his quæ ad cultum Dei pertinent & pietatem, admoncamus. Ad quæ reuera tanto magis ascripti sunt sacerdotes & ministri ecclesiæ, quanto finis magis obligat quàm medium. Ad hoc enim ordinantur præcipuè, vt medij sint inter Deum & homines, vt Paulus ait, vt offerant dona & sacrificia pro peccatis. Administrant quidem illi diuina hominibus: sed vt hæc vtilia illis sint, vt dignè ea suscipiant prius, oratione obtinere debent apud Deum. Nec tantum pro populo, vt Paulus inquit, sed etiam pro seipsis orare debent, qui circumdati sunt infirmitatè. Itaq; hoc ex natura ipsa ordinum, atq; ideo ex iure diuino est, vt ad assiduè orandum & contemplandum & meditandum cælestia ac diuina, & ad cætera pietatis exercitia, quæ ad hæc ordinantur, vt ad lectionem, vigilias, & similia teneantur: idq; duplici ratione. Primo, ex debito quo obligati sunt ecclesiæ & populo: de quo verbû illud Pauli intellexerunt patres: Obsecro primum omnium fieri obsecrationes, orationes, postulationes &c. pro omnibus hominibus, pro regibus &c. quod de publicis ecclesiæ orationibus constat esse intelligendum: cum ibi postea de priuatis subiungat: Volo viros orare in omni loco: similiter & mulieres. Et Aug. epistola.

Heb. 5.

Ibidem.

1. Tim. 2.

ad Paulinum episcopum, de orationibus quæ in ecclesia sub ipso Epist. 59.
 sunt sacrificio, intelligit in quibus quatuor illa orationum gene-
 ra ostendit inueniri. Tenentur etiam secundo ad prædicta, propter
 se. Nec enim sanctitas illa vitæ, castitas & puritas ad quam tenen-
 tur, sine assidua oratione, meditatione, vigilijs, & lachrymis obti-
 nentur. Omnibus dicit Christus: oportet semper orare. Et Paulus: Luc. 18.
 Sine intermissione orate. Quanto igitur magis his qui coniun- 1. Thess. 5.
 ctiores illi sunt, & qui ab ecclesia vniuersa ac populo legati missi
 sunt ad Deum? Cum enim non possint omnes propter vitæ præ-
 sentis necessitates, & impedimenta carnis aut semper aut assidue
 ut oportet orare: naturali ratione & diuina dispensatione factum
 est, ut aliqui deputarentur ad hoc pro omnibus agendum, & ideo
 communibus stipendijs alerentur. Ut igitur in speciali dicamus, De lectione
 tenentur primum ad persoluendas horas illas canonicas septem, horarum ca-
 nonicarum, quas ecclesia ita constituit. Nā fateamur fuisse circa hanc re diuersam
 consuetudinem, de qua superius nonnihil diximus, cū de sacramento
 ordinis ageremus. Et primo quidē in ecclesia, comuni scilicet cō-
 uenti, certis horis ministri cōgregati orabāt: postea, facta nō parua
 mutatione, statuta sunt tanq̃ quotidianū p̃sum horæ septē canoni-
 cæ: ad quas vel simul, vel priuatim legedas obligantur omnes sa-
 cris initiati, et monachi professi ac deputati ad sacros ordines.
 De istis horis igitur sunt nonnulla dubia, de quibus consulat-
 ur summus, & præcipue Siluester & Caietanus in titulo, Horæ
 canonicæ: quæ tamen nec magna sunt, nec difficilia. Primum cō-
 stat illos teneri ad persoluendas horas studiose & deuotē: sicut In-
 noc. 3. in concilio generali non tā reuera statuit, quā declarat: ut
 habetur in cap. doletes, de celeb. missarū. Obligatur enim ex pro-
 positō & intentione non auertere cogitationem à diuino officio,
 nec circa alia vagari: sed ad ipsum persoluendum accedere inten-
 tione satisfaciendi ecclesiæ, & Deum orandi. Quo facto satisfaci-
 unt, si attenti sunt vel ad integram prolationem verbōrum, vel ad
 sensum, vel, quod multo melius est, ad finem, Christū scilicet cri-
 cifixum, diuinam bonitatē eius, beneficia, cœlestem beatitudinē,
 & quicquid demum affectum nostrum excitat in Deum: vel si ex
 intentione non auertat cogitationem ab aliquo horum: in qua re
 non oportet pios anxios esse. Qui bona fide se tāquam ministros
 ecclesiæ gerentes, ita ut nunquam intenderint oppositum, officiū
 persolunt, satisfaciūt: nisi aut nolint attenti esse, aut inter persol-
 uendum

De deuotione
 & atten-
 tione in le-
 ctione ho-
 rarum.

uendum ita irreuerenter se gerant, aut alijs rebus, vel externis occupationibus intenti sint, ut manifesta & aperta sit negligentia.

De omiffione horarum canonicarum. Nūc ad quod officium teneantur sub peccato mortali, & quibus horis perfoluere debeant, & quæ sint iustæ causæ sine peccato omittendi officium: facili est intelligere, præcipue simpliciter & sincere incedentibus. In his enim satis est, non dolose vel fraudulenter hæc omittere, sed velle satisfacere pro more bonorum & piorum ministrorum ecclesiæ suæ, & inter quos viuunt.

Lectio horarum nō excusat clericos ab alijs exercitijs pietatis. Nec illud opus est anxie tractare, an omittens officium diuinū, teneatur idcirco ad restitutionem fructuum quos percipit ex ecclesia. Hæc magis videtur esse poena, quæ iuste à prælatis imponi potest, quàm ut quis, ad eam per se teneatur.

Illud verò hoc loco putamus attentius considerandum, an per soluto hoc officio diuino, ita satisfaciunt ministri ecclesiæ illi obligationi quæ tenentur ad orationem, & alia pietatis exercitia, ut tuta conscientia possint reliquum temporis alijs impendere. Vbi opus est certè prudenti consideratione, ut in neutrà partē declinemus. Illud constat: posse impleri præcepta ecclesiæ, etiam quæ sunt determinationes iuris diuini, nec tamen impleri ipsum ius diuinum: sicut patet in illo qui semel tantū, & cibis permixtis vescitur in die ieiunij, tamen vsq; ad crapulam vel ebrietatē. Itaq; ne putet ministri ecclesiæ, verbali illa pronuntiatione psalmorum et precū satisfecisse se obligationi illi, quæ ex iure diuino pro suis & populi necessitatibus orare tenentur. Certè vita ministrorum ecclesiæ dignè transigi non potest, sine assiduitate spiritualium meditationum. Hierony. in epistola illa ita dicit: Diuinas scripturas sæpius lege: imò nunquam de manibus tuis sacra lectio deponatur. Hæc ille dicit, ut dicat minister quod doctus sit. Paulus, quoq; ipse, qui tam frequenter discipulos ad lectionem & meditationem exhortatur: Attende (inquit Timoth.) lectioni, & exhortationi, & doctrinæ. Hæc meditare, in his esto: attende tibi & doctrinæ, insta in illis. Hoc enim faciens, te ipsum saluum facies, & eos qui te audiunt. Itaq; non ad alios tantum docendos, sed ad se etiam saluandum putat hæc necessaria. Vnde eodē loco dicit: Exerce te ipsum ad pietatem: quo exercitio & lectionē & meditationē, & orationem etiam complexus est. Nec tamen possumus certi aliquid hinc præscribere: satis sit hoc admonuisse, & nūc in fine, quod à principio diximus, repetere. Cogitent seriò ministri ecclesiæ, se propter

factos.

sacros ordines ad maiorem vitæ sanctimoniam, & puritatem animæ, quod ad interiora & essentialia attinet, astrictos esse, quàm sint monachi ex professione sua. Non putent sibi vitam transigendam (si digne, & vt decet ministros Christi, vivere volunt) in iocis, ludis, & otio. Hæc omnibus nocent & prohibentur: nisi modeste (vt ethnici etiam senserunt) tanquam condimentum quoddam et sal aliarum virtutum operibus adhibeantur. Nos putamus non tutò vivere ministrum ecclesiæ, nisi, quatenus illi vacat per alia sibi, & his cum quibus habitat, necessaria opera, lectioni scripturæ sacre pro captu ingenij sui & pro morum instructione, aut aliorum ad pietatem instrumentum librorum assidue vacet: ita vt (sicut Paulus ait) in illis sit & permaneat: reliqua omnia quasi prætereant aut percurrant. Lectioni huic coniuncta esse debet oratio & meditatio. Hæc sunt quæ vitia carnis comprimunt, mundana desideria mitigant, animum formant ad diuina: ad quæ ritè tractanda & peragenda putamus adolescentibus & minus exercitatis instructione opus esse, & conuersatione virorum spiritualium. Hæc itaq; ad meliorem exhortationem proponimus, relinquentes quemlibet suo sensui. Atq; ita satis sit dictum de his, ad quæ ministri ratione sacrorum ordinum obligantur.

LECTIO QVINTA.

De his, ad quæ ex officio curæ animarum tenentur sacerdotes.



Diximus hucusque, qualem vitam requirant sacri ordines omnes, quanquam omnia magis sacerdotibus conueniant: restat vt dicamus, ad quid teneantur ex pastoris officio & suscepta animarum cura: non quidem supremi illi episcopi, sed inferiores sacerdotes, quos hic conamusi instituere.

Constat enim officium pastorale & animarum curam multum exigere ultra ea, ad quæ ordinum sacrorum sanctitas adstringit.

Existis enim tenentur ministri, ut erga se & erga Deum recte sint ordinati & bene se habeant: ex officio autem pastoralis, ad ea curanda quæ proximorum sunt, tenentur.

Ex scriptura itaque constat, multa pastoribus præcipi. Ut verò de inferioribus sacerdotibus dicamus, illud debet esse principium, quod initio huius tractatus, & eorum quæ proximè de moribus tradidimus, dictum est: sacerdotes videlicet non simpliciter habere curam animarum. Hoc enim diximus esse episcoporum duntaxat, qui simpliciter pastores sunt et episcopi ecclesiarum, ac apostolorum succellones. Sacerdotes verò inferiores, sicut secundum ordinem suum sub ipsis sunt, & in eorum auxilium, prout ipsi disponunt, assumpti: ita in suscepta animarum cura sub Episcopis locum tenent: & prout ab ipsis susceperunt, tenentur curam animarum gerere.

Comparatio
Episcopi &
Parochi in
animarum
cura.

Itaque primò, omnium opus, est ut gradum suum agnoscant, & illum diligenter teneant: unde etiam sibi multum intelligant detractum oneris in cura animarum. Nec enim tenentur aut scire, aut exequi omnia quæ ad animarum salutem necessaria sunt: sed ea solim, quæ hic gradus ipsorum requirit. Quæ verò ista sint ut agnoscat, advertendū secundò est, quod cura animarum inter episcopum & parochum partita est, sicut effectus inter causam primam ac supremam, & proximam. Sunt episcopi primi & præcipui totius diocesis pastores: Parochi verò proximi & immediati ipsis ouibus. Sicut itaque secunda causa nihil agere potest, quod non magis fiat à prima: sed prima quædā operatur sine secunda: ita in hoc negotio, totū quod ad curam animarum pertinet, episcopi est. Nihil sine eius autoritate, atque sine eius (ut ita dicamus) influxu, sicut prima causa influit in omnes effectus, parochi operari possunt: episcopi verò multa per seipsos sine parochis possunt. Sunt itaque parochi proximi quidem, et ita propinqui populo ac singulis animabus, ut nihil mediū sit inter populum ac parochum. Quare huius est, quæ salutis populi necessaria sunt, præstare, quantum ipsi ab episcopo traditum est: ut videlicet ea sciat, quæ episcopus ei tradiderit: ea faciat, quæ iusserit: pro suo captu et viribus. Quæ verò maiora sunt et excedunt illa quæ episcopus tradidit, aut quæ ipse per se non potest, satis est ut ad episcopum referat: ita videlicet, ut nihil desit eorum quæ animabus necessaria sunt: faciente parochi illa ad quæ doctrina & virtus eius sufficit, & maiora referant ad episcopum, et episcopo il-

In supplente. Hic est pulcherrimus ordo sacri illius principatus & ecclesiasticæ hierarchiæ, quam Dionysius Arcopagita à similitudine ordinatiss. angelicæ hierarchiæ contemplatus est esse derivatam. Atq; ideo ille sacerdotibus tribuit illuminare & docere tantum minora, & mediocribus convenientia: episcopis verò perficere & consummare instructos à sacerdotibus. Hoc rursus, si bene consideretur, ostendit, quanta debeat esse conitinctio parochonum cum Episcopis, quam subordinati ac subiecti illis esse debeant, & quantam necessitudinem ac arctam familiaritatem inter eos esse oporteat. Certè episcopis nulli debet esse propinquiores quam parochi: nimirum sicut pastores deputati singulis gregibus pascendis, pastori illi qui omnem curam gerit. Nec est certè quicquid magis excuset parochum à præstando aliquid omnibus, quam quod id non acceperit ab episcopo: neque quod hunc magis excuset, quam quod non tradiderit diligenter parochis quod illis convenit, quod illos non angustaveris, & apud se frequentes habueris, & intellexeris statim nummi, & consulueris illis quantum opus est.

Hoc itaque constituto, ut quæ sunt propria parochi dicamus: ad Antea omnia quæ tenet, sit obligatus: tanquam primum omnium constitutus, debet Paro- residentia in propria parochia. Hoc. n. primum omnium est, sine chus residere quo nihil pastoralis officij potest fieri. Christ. n. mercenarius, et non in sua paro- veri pastoris esse dicitur, dimittite oves, & fugere: Quia mercenarius cia.

(ait.) Et non pertinet ad eum de omnibus. Quamvis igitur de residuo Ioannis 10. tia vel episcoporum vel parochorum voluerint aliqui dubitare: tamē syncre & coram Deo consideranti, ac secundum sanctam naturalem rationis hoc expendenti, manifesta est b. Thom. sententia, doctrina atq; exemplis patrum confirmata, quam 2. 2. asserit: præsentiam scilicet pastoris necessariam esse propter actus ipsos pastorales: atq; ita ad eam teneri pastorem, ut nisi propter utilitatem Ecclesiæ, & omnium abesse non debeat. Absent vero propter utilitatem, cum vel se conservat salubri omnium, aut videlicet eius tanquam persona quæ tueri à persecutoribus aut tunc recedit, ut apud superiores, sine aliis os, bonum omnium curet. Ad tempus itaque ob aliquam harum causarum licita est absentia pastorum. Perpetuam autem, vel ad longum tempus, sine vera utilitate ecclesiæ, certum est non cetero gravi peccato. Non est opus magis specilia hic tradere, quæ canonistæ ex iuribus particularibus collegerunt, quæ legi possunt apud Sylvestrum in verbo, Residentia. Illud nunc sufficere debet, quod per.

DE OFFICIO

per præsentiā vel absentiam pastor semper quærere debeat vtilitatem ouium: quod cum agit, etiam corpore absens præsens est: & cum hoc omittit, etiam corpore præsens absens est. Quare illud: Dimittit oves & fugit: ad negligentiam & obliuionem, quā vtilitas ouium non quæritur nec curatur, refertur ad doctores. Vnde nec per alium pastoris officium recte exerceri potest. Nec est opus hoc loco credere, absentes pastores ad restituēdos fructus esse obligatos: sed satis est agnoscere, quantum sit peccatum: cōtra quod terribiliter per Zachariam clamarur: Vx pastor, & idolum derelinquens gregem. Debet itaque pastor residere & præsens adesse regulariter, vt reliqua, quæ sui officij sunt, exequatur: de quibus iam dicendum.

Notent hæc,
quibus est
cōmissa cura
animarum.

Zacharia 11

Vnde petere
debeat pa-
stor instru-
tionem.

Iohan. 10.

Sicut enim

omnes qui

ad hunc

modum

intra-

uerunt

intra-

uerunt

intra-

uerunt

intra-

uerunt

intra-

uerunt

intra-

uerunt

intra-

uerunt

intra-

uerunt

intra-

uerunt

intra-

uerunt

intra-

uerunt

Multa profecto ad officiū pastorū pertinent: & ea ex vero pastorū exemplari Christo, qui inquit: Ego sum pastor bonus: & ex sacra primū scriptura petēda: deinde ex antiquæ ecclesiæ ac patrum canonibus & exēplis: & demū ex experientia vigilantū ac diligentū pastorū. Nam, vt verū dicamus, specialia ista & singularia aliena sunt ab arte, nec possunt cuncta plenē doceri ab aliquo. Sed qui huic munerī satisfacere cupiunt, primò humili & assidua oratione à Deo impetrare conabūtur, vt suggerat illis qd saluti ouīū conducit: Deinde amor ipse ouīū, & desiderīū salutis earū, & quotidiana experientia plurima subministrabunt. Demū legendi sunt etiā qui de his scripti sunt libri, & cōsulendi peritiores. His, nō rationibus putamus posse eū, qui cupit verū agere pastore, sufficiēter instrui. Quæ verò nos aduertere potuimus, tribus capitibus cōprehēduntur. Primū est de cognitione ouīū: quæ q̄ exacta requiratur à pastore, verbū illud Christi ostēdit: Agnosco oves meas. Et rursum, qd de bono pastore ait. Vocat eas nominatim. De q̄ etiam illud Prouerb. dictū est: Diligēter cognosce vulē pecoris tui. Et cōstat hoc esse principiū oīm actūū pastoris: Nā circa illas oves, quas nō cognoscit, nihil potest efficere. Includit verò hæc cognitio non pauca: de quibus postea. Reliqua duo capita sunt, custodia ouīū à lupis, & malis, & periculis omnibus: & pascus ipse, qd est, ea exhibere & præstare, quæ cōducibilia sunt ouīū salutī. De primo conueritur Dñs per Ezechielē prophetā terribiliter: q, videlicet nō sit, qui custodiat gregem, atq; ideo discepatur et dispergatur, erroribus videlicet & peccatis, nō existente aliquo qui defendat. Conueritur deinde eodem loco de pastoribus, qui teipso, et non grem

Iohan. 10.

Prouerb. 17.

gem pascunt: hoc est, suam, non gregis quærunť vtilitatē. His itaq; tribus, cognitione scilicet ouium, custodia, et pastu (quæ sunt præseruatio à malis, & exhibitio vtilium saluti ouiu) videmus cuncta pastoris opera includi, de quibus nonnihil in speciali dicendū est.

LECTIO SEXTA.

De cognitione & cura ouium in speciali.



Ognitio ouium, quæ principium reliquorum Pastoris est actuum pastoris est, multa requirit, & sine ea singulas oues gna vigilantia haberi nō potest. Primò igitur cognosce - opus est, numerū & nomina ipsa, ac psonas, re, quantum quarū pastor est, & quarū rationē Deo redde - fieri potest. re debet, quantū fieri potest, ipsi cognita est. Vocat (inquit Christus) eas nominatim. Qui igitur diligēter considerant, putant primò omniū debere parochum in libro, quem apud se habeat, descriptos habere oēs sibi subditos, secundū nomina, statū & conditionē singulorum: id quod vel per domos, vel per familias, vel per vicos, aut status et officia, siue quacūq; alia ratione, prout melius iudicabitur, facere poterit, vt vide licet & morientiū, & nascentiū, & aliunde accedentiū rationē habeat: atq; ita, quantū vel augeatur, vel minuat greges ipsi cōmissus, intelligat. Ad quā diligentiam conscribendi catalogū multa alia pertinent. Nam in ecclesia expedit omnino scribi numerū & nomina baptizatorū omniū, & ipsos suscipientium: similiter confirmatorum, & eos tenentiū: quod etiā in matrimonio deinde necessarium est, vt ex supradictis patet. Et ad perspicuam notitiam omniū habendam, singulis etiā annis eorū qui (in quadagesima scilicet) ad confessionē & sacram cōmunionem accedunt, & eorū qui id non faciunt, numerus & nomina cognoscenda sunt. Igitur in his omnibus, in quibus est prima pastori cura constituta, vigilantissimos esse oportet, tanquam in ea re, cuius primò requirenda est ratio, Nec opus est hoc aliter probari, quā vt testimonio conscientie cuiusq; relinquatur. Sunt quibus videtur hoc nimis durū, maxime in latissima aliqua et magna parochia. Nobis certē videtur id tanto magis necessariū, quanto latior fuerit: saltē

DE OFFICIO

ut id faciat pastor, qđ ad cognoscendos subditos suos et ante ocu-
los habendos, bona fide putat sibi sufficere. Ad hanc cognitionem
pertinet, quicquid per diligentem considerationem externę con-
uersationis subditorum intelligi potest de moribus, ingenio, & sta-
tu: tam in his quę ad corpus & conditionem corporis, quàm quę
ad animam pertinent. Primum igitur peccata publica & peccatores
publicos oportet Parocho esse cognitos & numeratos. Post hæc,
scandala et occasiones publicas peccatorum: ex consuetudine vi-
delicet compotationum aut conuiuiorum, aut alex, aut chorea-
rum, aut tabernarum, aut inhonestorum locorum, perspectas ha-
bere opus est. Cognoscendi sunt etiam excommunicati, deinde
mores & ingenia cuiuslibet non sunt ignoranda, sicut diximus:
quę colligi possunt ex manifesta et publica conuersatione: qui ni-
mirum deuotius et frequentius ad ecclesiam cōueniant, qui negli-
gentius aut tardius, qui verecundi, qui duri & præfracti, qui into-
lentes & superbi, qui infirmi & abiecti, & deniq; multa huiusmodi
necesse est parochum cognoscere, ut intelligat contra quę vitia si-
bi sit vigilandū, & quid potissimum docendū iuxta captū & ne-
cessitate suorū. Sciat etiā qui dociles & audiendi ac retinendi pie-
tatis dogmata auidi, qui hebetiores et obtusi sint. Deniq; circa ipsa
etiam priuata peccata, vel occasiones, diligentē cum esse oportet,
& talē se exhibere exemplo & admonitionibus, ut ad illū libenter
referant subditi quicquid huiusmodi est, ut ipse prudenter & cum
vera charitate remedia adhibeat. Neq; illa quę ad corpora subdi-
torū pertinent, sunt ei ignoranda: qui videlicet sint pauperes, qui
orphani, quę viduę, qui destituti auxilio, qui inimicitias foueant
(quanquam etiam hoc ad animam pertineat) qui patiantur ca-
lumniam aut iniquitatem ab alijs.

De Parochi
diligentia cir-
ca extraneos

Circa extraneos & aliunde accedentes multa est opus diligen-
tia, ut cuius fidei, aut cuiusmodi morū sint, agnoscat. An qui cū
mulieribus accedunt, coniugari sint, nec ne: an alibi infames aut
excommunicati &c. Quare meritō curandum esset, nec sine testi-
monio episcoporum aut Parochorum huiusmodi admitterentur.
Nam & peregrinantes ipsi vel religionis, vel alia causa, non aliter
recipiendi essent. Paret itaque ex his omnibus, quā latē pateat
hęc cognitio ouium, & quā multa includat. Nec tamen omnia
hic explicata sunt: occurrunt passim plura.

Secundum verō requisitum ad officium pastorū (quod diximus
esse

esse custodiam & præseruationem à malis ac periculis) quàm Pastoris est multa cõprehendat, intelligat, qui prius cognouerit, quot & quan tollere ac ea sint mala ac pericula. Ad eam igitur primò pertinet publicorũ auertere scã-peccatorum & scandalorum publica reprehensio: et efficax per se dala & peri-& per superiores, quantum in ipso est, emendatio atq; extirpatio cula &c. scandalorum. Et primò, eorum quẽ circa doctrinam inueniuntur.

Vbi innumera sunt. Cum scilicet falsi doctores insurgunt: & libri contrariam doctrinam fidei ac bonis moribus continentes, sparguntur in vulgus. Deniq; quicqd mores populi, & iuuentutis præ-Cura reprimere potest, diligerenter est tollendũ & auerterendũ gadi scholas, per parochos, cum possunt: aut referendũ ad superiorem, cum nõ & tollendi possunt. Hic vigilandum de institutione adolescentiã in literis & malas comoribus: vt magistri non sani, non probatis moribus, reijciantur: suetudines libri item inhonesti, quibus in primis corrumpitur adolescentia, ad pastorem summa diligentia extirpandi sunt. Deinde ad maiores ascenden-

pertinet, dum, & auerendã inueteratã consuetudines peccatorũ: & illã, q̃ coniunctũ habent periculum peccati. Vbi de ratione conuenienti in tabernis, de comotationibus, choreis, & conuiujs publicis nuptiarũ, & similibus: de cõsuetudine vestiũ, & congressu ac familiaritate virorum & mulierum, multa cauere & emendare debet pastorum diligentia, idq; assiduũ & serijs admonitionibus, & frequenter recurrendo ad superiores. Vbi considerandum est illud prophetæ: Si speculator viderit gladium venientem, & non infor-
Ezech. 33.
nuerit buccina, & populus se non custodierit, veneritq; gladius, & tulerit ex eis animam: ille quidem in iniquitate sua captus est: sanguinem autem eius de manu speculatoris requiram. Vbi satis ostenditur, quanta oratione, & quàm seria conuersione mentis ad Deum, ac scripturæ sacræ attenta lectiõne, ad hæc ritè præstanda opus sit. Et tu (inquit) fili hominis, speculatorem dedi te domui Israël: audiens ergo ex ore meo sermonem, annũtiabis eis ex me. In auerendis itaq; malis & cauendis scandalis populi, indefessa esse debet pastorum vigilantia. Opus est enim vt in hac causã se tanquam murum opponat pro domo Israel, etiam apud potentes & sublimes sæculi. Qua in re habemus exempla vigilantium & prudentiũ pastorum: qui cum hoc non possent præstare, vt subditos suos auerterent à peccatis, tentatis omnibus: tandem maluerunt cedere, quàm vires sine fructu laborare. Multa hic opus est prudentia & circumspessione his qui impatientius sustinent

DE OFFICIO

maia. Videndum ne sibi tantum consulant. Et, si inter malos non desint multi, quibus consulendū sit, qui alioquin periclitabuntur: non est æquum vt deferantur. Deniq; non est suscepta animarum cura, nisi cū episcopi consensu, neq; est tum detrimento Ecclesiæ deferenda; quanquā parochis (qui, vt diximus, nō plenē curā animarum habent) permittant iura religionis ingressum.

Quæ perti-
neant ad pa-
storum anima-
rum.

Vltimum deniq; caput eorū quæ ad pastoris officiū requiruntur, quod ad pascendas oues pertinet, duas continet partes. Prima quidem est, quæ pertinet ad pascendas & curandas animas. Secunda verò, quæ ad curanda corpora: nam hæc etiam ex charitate christiana diligenda sunt, & ideo non sunt aliena à pastorum cura. Ex his partibus cognosci potest, quàm multa etiam hoc caput cōplectatur. Animæ igitur pastus in doctrina, in sacramentorū exhibitione, et exemplo vitæ magna ex parte cōstitutus esse videtur. Quod ergo ad doctrinā attinet in paroco, necesse est, vt, si non vberior & plenior, certè frequentior sit: vt videlicet & publicè, & priuatim: omnes simul, & vnūquemq; seorsim de necessarijs doceat: & diligenter, cognita necessitate, inquirat & discat ea, de quibus opis est admonere, et admonendi rationem: et quod didicerit, sedulo ac magno affectu exequatur. Proponatur itaq; hic ob oculos in exemplum Apostolus Paulus, cuius verba, quæ ex bono conscientie testimonio, attestante etiam vita loquebatur Ephesijs, quia digna sunt attentæ consideratione & efficacia ad admonendum, hic proponimus. Vocauit itaq; (vt d. Lucas scribit) maiores natu ecclesiæ Ephesinæ, & ita eos alloquitur: Vos scitis à prima die, qua ingressus sum in Asiam, qualiter vobiscum per omne tempus fuerim, seruiens Domino cum omni humilitate & lachrymis, & tentationibus quæ mihi acciderunt ex insidijs Iudeorum, quomodo nihil subtraxerim vobis vtilium, quo minus annunciarer vobis & docerem vos publicè, & per domos. Et tandem ait: Vigilate, in memoria retinentes, quoniam per triennium nocte et die non cessauì cum lachrymis monere vnumquemq; vestrum. Merito igitur dicit illis: Quapropter contestor vos hodierna die, quia mundus sum à sanguine omnium. Non, n. subterfugi, quo minus annunciarer omne consilium Dei vobis. Aduertant hunc locum pastores: & quisque pro gradu suo sciat se tunc mundum esse à sanguine animarum, quando veraciter dicere poterit, quod Paulus dixit.

Astorū 20.

Igitur

Igitur ad curam doctrinæ pertinet, ut omnes pro diuersitate statûs & conditionis, & ingenij, & occurrentium rerum necessitate doctrinam habeant. In doctrina itaq; primus est catechismus, quo prima rudimenta fidei & pietatis christianæ pueris ac rudibus diligenter explicantur. Docet antiquæ ecclesiæ consuetudo in his tradendis & exigendis ab adultis & ante baptismum, quàm sit hæc doctrina necessaria. Et certè illa prophetæ lamentatio: Paruuli petierunt panem, & non erat qui frangeret eis: meritò locum habet, cum hic catechismus omittitur in ecclesia.

Instruendi sunt igitur & parentes, & domini, & mariti, de cura inferiorum & subditorum circa hæc præcipuè, ut catholicam doctrinam curent mente & opere tenere. Filij, serui, & inferiores omnes admonendi sunt, ad obedientiam maioribus præstadam. Coniugati, vel volentes contrahere, docendi sunt de sacramento matrimonij & legitimo vsu eius. Itaq; opus est, ut nulli desit necessaria doctrina: siue diues sit siue pauper, siue infirmus siue sanus, siue tristis & desolatus, siue in prosperitate seu in lætitia vitæ agat. Omnes enim noti esse debent parocho, & omnes priuatim ac publice instruendi. Nam ad hoc pertinet, quod per Ezechielem dominus de diuersitate remediorum adhibendorum ouibus dicit, dū primò sic queritur: Quod infirmum erat non consolidastis, quod ægrotum non sanastis, quod confractum non alligastis, quod abiectū non reduxistis, quod perierat non quaesistis. Et deinde promittit se hæc omnia facturum per bonos pastores. Vbi nihil aliud hæc omnia significant, quàm diuersas esse necessitates animarum ac infirmitates, & diuersa eis adhibenda esse remedia. Hæc quidem debet pastor habere parata, & possunt ad manum haberi multa ex tertia parte pastoralis Gregorij: in qua ille, ut pastor diligens, collegit omnes ferè christiani populi secundum varia ingenia & status diuersitates: & quid singulis proponendum sit, docet. Vbi etiam aperit viam, ut ex scriptura multa alia mediocri diligentia colligi possint. Post illa quæ ad diuersos pertinent, etiam illa quæ communia sunt omnibus, & necessaria, non sunt omittenda. Imò & prius, & frequentius quàm alia tradenda. De timore videlicet Dei, & custodia mandatorū eius: de frequentandis sacramentis, poenitentiæ maxime & eucharistiæ: de operibus pietatis, & elemosynis: de modestia vestitū, & cæterorum sumptuum. Ita enim in his omnibus modum seruare debet christianus, ut supersit quod in

DE OFFICIO

eleemosynas indigentium & pia opera expendant. Contra iram quoque contumelias, detractiones, & reliqua vitia laborandum est: & contra illa præcipue, in quæ procliuiores nouit suos subditos. Inter quæ etiam præcipue contra frequentiam iurandi clamandū est, vt Chrys. in homilijs: quas certe multum profuerit Parochis esse cognitās. Sunt enim plenæ doctrina necessaria populo, & pastoralis sollicitudine. Docere etiā debet de oratio frequenter, & cōueniendo in ecclesiā ad doctrinam, sacrificiū, & orationes: de quibus instruendi sunt, quomodo circa hæc se habere debeant. Si horū aliquid defuerit populo, valde sunt pastores accusandi. Cæterū multa quoque alia ad hæc pertinent, quæ ipsa docebit experientia.

De sacramentorum administratione.

Sacramentorum etiam participatio, quæ ad pascum pertinet ouium, diligenter est obseruanda à Parocho: ne videlicet vllus sine baptismo discat per eius negligentiam. Quare & obstetrices, & omnes docere debet, quando baptizare debeant, & qua intentione, & quibus verbis: & ipse diligenter accurrere, cum ad id vocatur. Ipsiū est etiā curare, ne confessio aut cōmunio alicui vel indigenti, vel petenti desit. Quare vt hoc fiat, eius est impedimenta omnia auferre, et faciliē alijs confitendi facultatem concedere, aut aduocare ipse alios, quibus quandoque multi libentius, apertius & plenius confiterentur: modo illi tales sint, quibus credi possit instructio & medela animarum: & hoc maximè circa infirmos curabit, ne desint eis hæc sacramenta simul & extrema vñctio: & vt idigne præparati illa suscipiant. Ob hoc igitur sunt frequentius visitandi, consolandi, instruendi de omnibus necessarijs: & adiuuandi etiam ad testamenta condenda, & ad facienda cætera quæ ad salutem necessaria sunt & expedientia.

Vita pastoris sit exemplo alijs.

Exemplum etiam vitæ maximè curandū pastori. Vt videlicet pietas, religio, honestas, moderatio omnium, & cætera ad quæ alios hortatur, in ipso splendeant. Vitanda quoque illi suspecta omnia loca, negocia, familiaritates &c. frequentanda verò sunt omnia illis contraria, & in primis ecclesiā, in qua assiduus esse debet. Est in nonnullis locis sancta institutio, vt Parochi domum habeant coniunctam ecclesiæ: quod vbi non est, sit saltem propinqua.

Pastoris etiam est corporali necessitati succurrere.

Pastus etiam corporum, subuentio videlicet necessitatum omnium quæ ad corpus pertinent, non dubium est quin curandus sit à pastoribus, & per eos, quantum fieri potest, subueniendum omnibus, ex proprijs quidem cum possunt. Nam (vt dicit Gregorius) qui non dat ouibus substantiam suam, quomodo pro illis dabit

animā suam: Et cū ex proprijs non possunt, admonere debent populum ac subditos, & superiores: ita videlicet, ne virginibus, pauperibus, orphanis, viduis, & infirmis sit ipsa necessitas occasio aliquius peccati, aut ne in illa deficiant. Inter hæc omnia nihil putamus magis esse necessarium pastori, quā assiduam pro se, et pro suis orationem ac sacrificij oblationem: ut superius etiā diximus de omnibus ministris, & de parochis. Debent enim hi præcipuè memores esse, quòd ex officio parochi sit, aduocatū esse apud Deum: & quòd in agendo aduocatū debeat populo, quicquid commodè pro fragilitate humana præstare potest: ut, si non semper, quantū tamen patitur infirmitas huius vitæ, sæpe celebret, oretq; pro populo, etiam si per alios hoc possit præstare. Quare non est, cur specialia stipendia ob specialia sacrificia, quæ à morientibus vel viuentibus solui solent, ille suscipiat. Nam quod in tali causa præstare potest, ex officio ut parochus facere tenetur: quanquam quod secundum consuetudinem sit bona fide, non sit reprehendendum à priuatis. Cæterum prælatorum est videre, quid expediat ædificationi ecclesiæ.

Vltimò tandem & temporalium bonorum ecclesiæ, & fabricæ, ac munditiæ externæ altarium & ornamentorum, & eorum præcipuè vasorum, quæ ad asseruanda atq; ministranda sacramenta necessaria sunt: cura pertinet ad parochum: ut (quantū ipsi de iure & consuetudine permittitur, & facultates ecclesiæ patiuntur) hæc munda, ornata & nitida sint: & quod præstare non potest, ad superiores referat. Nec sunt ista contemnenda. Nam quamuis fateamur templa esse propter homines, & viuentium templorum primò habendam esse rationem: tamen per hæc consulitur & bene fit utrisq; templis. Nam munditia & decor externus, excitat etiam reuerentiam & deuotionem: & negligentia circa cultum externum sacratissimæ eucharistiæ, maxima præcipuè, & qualis in multis apparet templis, testis est negligentię & irreuerentię animæ erga Deum: nec omnino sine culpa & quidem non minima, ac frequenter mortali atq; grauissima, cum in sacrario tanta immunditia & fragmentorum ipsius eucharistiæ neglectus ita inueniuntur, ut nullum non moueant. Hæc igitur de altera parte huius nostri laboris, quem ad instituendos simplices parochos suscepimus: atq; ita de vniuerso opere dicta sufficiant.

F I N I S.

LABORATORIO RESTAURO
A. Lucchetti
VIA VALSUGANA N. 141, A
TEL. 803008

1970

